


$$\begin{array}{r} 25 \\ \hline 49 \end{array}$$

C. 26

6. 2

Int 25
n² 49



ARTIVM
C V R S V S
S I V E

DISPUTATIONES IN
ARISTOTELIS DIALECTICAM, ET
Philosophiam naturalem.

IUXTA ANGELICI DOCTORIS
D. THOMAE DOCTRINAM
& Scholam.

EIDEM COMMVNI MAGISTRO, ET
florentissimæ Scholæ dicatæ.

PER COLLEGIUM COMPLVTENSE S. CTRILLI,
*Discalceatorum Fratrum Beate Mar.æ de
Monte Carmeli.*

EDITIO SECVNDA.



Anno

CVM PRIVILEGIO.

MATRITI, Apud Ioannem Gonçalez.

EL REY.



OR Quanto por parte de vos el Rector, y Colegio de San Cyrilo de la Orden de nuestra Señora del Carmen de los Descalços de la villa de Alcalá de Henares: nos fue fecha relación, que los Padres Lectores de Teologia del dicho Colegio auian compuesto vn libro, intitulado, *Artium cursus, sive Disputationum in Aristotelis Dialecticâ, & Philosophiam naturâlẽ*, en lo qual auian puesto mucho estudio y trabajo, y por ser muy útil y prouechofo, nos suplicastes, os mandassemos dar licencia para lo poder imprimir, y priuilegio por diez años, ò como la nuestra merced fuesse. Lo qual vulto por los del nuestro Consejo, y como por su mandado se hizieron las diligencias, que la pregmática, por nos vltimamente fecha sobre la impresion de los libros dispone, fue acordado, que deuiamos mandar dar esta nuestra cedula para vos en la dicha razon, y nos tunicoslo por bien. Por la qual os damos licencia y facultad, para que por tiempo de diez años, primeros siguientes, que corran, y se cuêten desde el dia de la fecha desta nuestra cedula en adelante, vos, ò la persona que vuestro poder huuiere, y no otra alguna, podais imprimir, y vender el dicho libro, que de suyo va fecha mencion por su original, que en el nuestro Consejo se vio, que va rubricado, y firmado al fin de Diego Gonçalez de Villarroel nuestro Escriuano de Camara, de los que en el residen, con que antes que se venda, la traygais ante ellos, juntamente con el dicho original, para que se vea si la dicha impresion està conforme à el: ò traygais fee en publica forma, como por Corrector por nos nombrado se vio y corrigio la dicha impresion por el dicho original. Y mandamos al impressor, que así imprimiere el dicho libro, no imprima el principio, y primer pliego, ni entregue mas de solo vn libro có su original al Autor, ò persona à cuya costa lo imprimiere, para efecto de la dicha corrección y tassa, hasta que antes y primero el dicho libro estè corregido, y tassado por los del nuestro Consejo. y estàdo hecho, y no de otra manera pueda imprimir el dicho principio, y primer pliego: y seguidamente se ponga esta nuestra cedula, y la aprouaciõ que del dicho libro se hizo por nuestro mandado, y la tassa y erratas, so pena de caer, è incurrir en las penas contenidas en las leyes, y prematicas de nuestros Reynos, que sobre ello disponen. Y mandamos, que durante el tiempo de los dichos diez años persona alguna, sin la dicha vuestra licencia, no pueda imprimir, ni vender el dicho libro, so pena, que el que lo imprimiere, ò vendiere, aya perdido,

dido, y pierda todos, y qualesquier libros, moldes y aparejos, que del dicho libro tuviere, y mas incurra en pena de cinquenta mil maravedis, la tercera parte para la nuestra Camara, y la otra tercera parte para el juez que lo sentenciare, y la otra tercera parte para la persona que lo denunciare. Y mandamos a los del nuestro Consejo, Presidente, y Oydores de las nuestras Audiencias, Alcaldes, Alguaziles de la nuestra Casa, y Corte, y Chancillerias, y a todos los Corregidores, Asistentes, Governadores, Alcaldes Mayores, y Ordinarios, y otros juezes, y Justicias qualesquier de todas las Ciudades, Villas, y Lugares de los nuestros Reynos, y Señorios, y a cada vno en su jurisdiccion, que vos guarden, y cumplan esta nuestra cedula, y contra ella no vayan, ni passen, ni consientan yr, ni passar en manera alguna, so pena de la nuestra merced, y de diez mil maravedis para la nuestra Camara. Fecha en Madrid a catorze dias del mes de Mayo de mil y seiscientos y veinte y quatro años.

YO EL REY.

Por mandado del Rey nuestro Señor.

Pedro de Contreras.

TASSA



O Diego Gonçalez de Villarroel, Escriuano de Camara de su Magestad, de los que en su Consejo residen, doy fee, que auiendo se visto por los Señores del, vn libro intitulado, *Disputationes in vniuersam Aristotelis Dialecticam*. Compuesto por los Padres Lectores de Teologia del Colegio de san Cyrilo, de la Orden de los Descalços Carmelitas de la Villa de Alcalá de Henares, que con licencia de los dichos Señores fue impresso, tassaren cada pliego de los del dicho libro á quatro maravedis, y á este precio, y no á mas mandaron se venda, y que esta tasa se ponga al principio de cada vn libro de los que anse se imprimieren. Y para que dello conste de mandamiento de los dichos Señores del Consejo, y de pedimiento de la parte del dicho Colegio, doy esta fee en Madrid á diez y siete de Setiembre de mil y seiscientos y veinte y quatro años.

Diego Gonçalez de Villarroel.

FEE DE ERRATAS.

Este libro intitulado, Disputationes ad vniuersam Aristotelis Dialecticam, está bien y fielmente impresso, y corresponde con su original. En Madrid á 25: de Agosto de 1627.

El Licenciado Murcia de la Llanza.

FACULTAS, ET APPROBATIO
Ordinis.



RATER Ildefonsus à Iesu Ma-
ria Generalis Ordinis Fratrum Dis-
calceatorum Beatae Mariae de Mon-
te Carmeli, de consensu nostri Disfi-
nitorum, ut primus tomus Artium cur-
sus, siue disputationum in Aristote-
lis Dialecticam, & Philosophiam naturalem à nostro
Collegio Complutensi compositus, & à grauibus, do-
ctisque viris nostri Ordinis maturè recognitus, & ap-
probatus, typis mādetur, & in lucem prodeat, obtenta
facultate Supremi Senatūs, tenore praesentium licen-
tiam concedimus. Datis in nostro Conuentu Sancti
Hermenegildi Matriti, die 28. Mensis Martij.
Anni Domini 1624.

Fr. Ildefonsus à Iesu Maria, ,
Generalis.

Fr. Ioannes à Conceptione,
Secretarius.

CENSURA, ET APPROBATIO

Academiæ Complutensis.



LIBRVM Hunc Collegij Complutensis Discalceatorum Fratrum Beatæ Mariæ de Monte Carmeli, Summulas, & vniuersam Dialecticam Aristotelis continentem, iussu Supremi Senatus huius almæ Academiæ Complutensi commissum, & de mandato eiusdem Vniuersitatis nobis creditum magna cum diligentia, & sedulitate euoluimus, at-

que perlégimus; inuenimusque in eo præclara theoremata, non solum fidei Catholicæ, & Sanctorum Patrum doctrinæ nihil aduersantia, sed eidem fidei, veritatibusque Theologicis exponendis non parum deseruientia, vtpotè quæ Angelici Doctoris Sancti Thomæ, atque Aristotelis doctrinam, & continent, & quoad fieri potest vbique redolent, doctè tradi, eruditè, & subtiliter confirmari, & (quod rarò conceditur) succintè, simulque perspicuè disponi; quare dignum censemus opus, quod typis mandetur, & continuè in omnium Dialecticorum oculis, manibusque versetur. Datis Compluti, postridie Kalendas Maij, anni 1624.

Don Aluaro de Ayala
Rector.

Doctor Andreas Merino.

Fr. Antonius de Viedma,
Episcopus de Petra,

A N.




A N G E L I C O

DOCTORI D. THOMÆ PRÆCLARO
diuinæ mentis interpreti, Catholicæ Ecclesiæ
fulgentissimo fideri, & Christianæ Philoso-
phiæ, ac Theologiæ luminari
maximo.

INCLITAE ETIAM, ET FLOREN-
tissimæ, totoque terarum orbe celeberrimæ
ipsius Scholæ, necnon, & singulis in
ea legitimè certan-
tibus.

COLLEGIUM COMPLUTENSE
Discalceatorum Fratrum B. Mariæ de Monte Carmeli
Dicat, Consecrat.



1. Cor. 9

*A*D Te Doctor Angelice non
lento, neque violento, sed
veloci, & spontaneo cursu,
noster hic dialecticus, & phi-
losophicus cursus currit: uti-
nam, quod speramus, sic cur-
rat, ut te comprehendat,
& à te benignè exceptus in te
placidè conquiescat. Cum enim intra securissimas Tho-
mistice doctrinæ ripas percurrat, non potest alium, quàm
te Tho-

te Thomam Doctorem, & Parent. in summa querere, mil-
libi nisi in sinu tuo quiescere: nam ad locum unde exiit Eccl. 1.
flumina reuertuntur. Quod si tuo patrocinio nos sic cur-
rentes ad te Christiana Dialectica, & Philosophia Do-
ctorem traxeris, curremus ulterius in odorem unguen-
torum tuorum, quæ in tuis theologicis questionibus, & Cant. 1.
articulis recondita suauiter, salubriter, longè latèque
spirant: sicque fiet, ut adolescentia ingenia, quæ, quia
oleum effusum est nomen tuum, nimis te diligunt, post te
etiam nobis currentibus concurrant, & tuis dialecticis,
& philosophicis unguentis delibuta, theologicis, quæ
pretiosiora sunt; imbui ardentè exoptent. Quod cum
Christiana Religioni utilissimum esse probè scias, nos
etiam certissimè scimus, tibi, & quod caput est, Deo gra-
tissimum fore, ut post te currentes collimatis oculis dis-
curramus.

Ad vos etiam veros, & legitimos Angelici Do-
ctoris alumnos, qui in studio, & studio Thomistico feli-
citer curritis, nostro dialectico, & philosophico cursu tan-
quàm minimi ad maiores Fratres, eodem Thomistica
doctrinæ semine geniti libenter currimus, & ducimur:
nam ut est apud Homerum

Ad similem Deus adducit, similemque pa- Homer.
remque.

Sic enim frater, qui adiuuatur à fratre, quasi funiculus
multiplex, qui difficilè rumpitur, & quasi urbs muni- Prouer.
ta, quæ impugnari quidem, non tamen expugnari po-
test, ut in ea securi, & exultantes, sicut faciebant filij
Job, alternis vicibus Thomistica conuiuia celebrantes
resciamur, & in Domino delectemur: quo nihil in hac
mor-

*mortali Vita Utilius, iucundius, & honestius, atque
ad immortalem assequendam aptius excogitari potest.
Vnde non dubitamus, quin vos, quorum præ omnibus
Dni Thomæ doctrinam tueri, & sectari munus est,
sic nobiscum curratis, ut citius, & plenius propositum
Thomisticae doctrinae brauium accipientes, nobis etiam,
pro vestra in nos charitate, & ipsius doctrinae in-
exhausta ubertate, quod satis, superque
sit percipiendum, relin-
quatis.*



EIVSDEM COLLEGII AD LECTOREM

Præfatio.



M M Maiores nostri creditum sibi gregem solidæ, ac
vegetantis doctrinæ pabulo reficere, & confortare
decernerent: prudenter quidem, imò & sanctè, rata
lege statuerunt, additaq; censoria virga præcepe-
runt: ne à Nobis primitivi Carmeli professoribus
alia, quàm Diui Thomæ doctrina recipiatur. Satis
quippe cognitum, atq; exploratum habebant, do-
ctrinam D. Thomæ præ cæteris perspicuitate, certitudine, profunditate,
& maiestate eminere; utpotè omni peritus sapientiæ perfectione pol-
lentem, atque omnibus numeris absolutam; indeq; dignissimam accep-
tione, plausu, veneratione, & laudibus omnium. Sed quid mirum, si laude
& acceptione dignam iudicent, quam Summi Pontifices tanquam cer-
tissimam Christianæ sapientiæ regulam; imò & ipse Pontifex Pontifi-
cum Pontifex Christus commendarunt? Si item, labia Sacerdotis custodiunt scien-
tiam, & lex ex ore eius requirenda est, benè & optimè, & nò ad insipien-
tiam sibi, aut Nobis; imò ad summam, perfectamq; sapientiam, Maiores
Summorum Pontificum, & Sacerdotum ore, legem requisierunt, quam
Nobis traderent. Eam igitur omnes Summo affectu tam indocendo, quàm
in addiscendo amplectimur, atque eo fervore sequimur: ut quamlibet ali-
am illi aduersam, aut ab ea quantumvis cautè, acutè, aut ingeniosè deuian-
tem deuitemus, & auersemur; & tanquam errandi periculum declinemus
& horreamus.

Hæc autem consaltissima maiorum nostrorum sanctio non solum sa-
cræ Theologiam, sed Philosophiam etiam comprehendit: sapiens enim
Architectus, non nisi appositè ad molem superstruendam fundamenta
defodit; theologia autem machina philosophicis dogmatibus quasi
quibusdam præambulis, & fundamentis fulcitur, ideòque thomistica
Theologia thomistica Dialecticam, & Philosophiam sibi coherentem
exoptat, atque adeò vna simul cū illa districta lege caueri propè suo iure
animo versans, & rectissimè sentiens quandam præfatus theologi-
ci, ac philosophici partem ex penitiori præfate legis obseruatiā pendere, eius-
batiorem Diui Thomæ doctrinam seligentes quandam artium cursum
conficeremus, & prælo commissum pro nostris Collegiis in lucem edere-
mus, ut thomisticis fundamentis vniformiter, & constanter in nostra Cō-
gregatione locatis, Theologica dogmata aptè superinducantur, & tenera adolef-

*Malas:
I.*

adolescētum ætas (quæ quod semel addiscit, diutissimè seruat) viam Diui Thomæ securissimè ingrediens, nec transuersum vnguem ab ea vnquam discedat. Sapiientis quippè: *Prouerbiū est adolescens iuxta viam suam, etiam cū senuerit, non recedet ab ea.*

Deindè conueniens, & hoc tēpore ferè necessarium est, densam quandam opinionum sylum non sine magno temporis, & bonorum ingeniorum dispēdio luxuriantem, tanquā illorum nouercam, & suffocaticem refecare, vt amputatis inutilibus stolonibus, & turgescētibz virgultis superstes palmes suam suo tempore fructum afferat. Sic enī natura cōparatū est, vt pluribus intentus minor sit ad singula sensus: & virtus vnita fortior sit se ipsa dispersa. Oportet igitur, vt adolescētia ingenia iuuenili quodam ardore lasciuientia ad vnum, idque probatissimū doctrinæ (quale est thomisticū) genus vtiliter adstringantur, ne sicut pulli onagrorum se libera, & errabunda putent, licentiūque, quā expedit, per virentia quaque vagentur, sed sicut generosi equi thomisticis loris gubernati non furentem, neque præcipientem, sed velocem, & feracem cursum perficiant.

Ad hoc autem pro votis datum optimū, donūque perfectissimū, vti desursū veniens, descendensque à Patre lūmīnem consequendū, vti, prudensque Lector, aduertendū censeas; non solum studio vigili, subtili speculatione, frequenti controuersia, & longa inter se disputatione Lectores nostros desudasse diutius: verū simul eodem gressu, & pari passu instantissimas preces ad Deum fuisse continuū. Par quippè Præpositis nostris visum est, ad elucidandam doctrinam eius, qui dicere solebat sodali suo fratri Reginaldo; Quidquid sciret, non tam studio, aut labore suo peperisse, quā diuinitus traditū accepisse; viros eligere, qui etiam cum litterarum non tenui sufficientia, orationis studio forent diligentissimi. Inde ergo tanquā ex limpidiſsimis fontibus dogmata hæc hauserunt. His (noueris item) aliū rectè, & rectè addiscendi modum addiderunt. Non enim menti suæ, ingenio, cogitatui vè doctrinam D. Thomæ traxerē violentam, vt alij funibus aut neruis trahunt: sed, (quod laudem petit non exiguam, & vera scientia meretur impleri) se totos in enucleanda D. Thomæ mente occuparunt, semel, iterū, imò & millies eam speculantes, discutientes, venerantes, illique cum summa reuerentia mentem, ingenium, & cogitatum subiicientes: cum suspirijs, lachrymis, & orationibus Sanctum Doctorem inuocantes, vt Angelicam mentem suam illis aperire dignaretur. Hinc factum est, vt eam clarissimè compararint. Neque enim Sancti, aut Sanctorum Sanctus, qui dant omnibus affluenter, & non impropere, postulantibus aded enixè sapientiam, & tam diuinam illis denegarent.

Super sunt nunc nonnulla tibi circa inscriptionem operis, diuisionem, sylum, ac procedēdi methodum admonenda. Inscribimus opus præsens
Artium

Artium cursus, deducta metaphora ab actu currendi, quo celeriter per-
 gimus, iter breui tempore conficientes, in eo enim breuitatem à plerisque
 impensius expetitam affectamus, & quantum res patientur, conſectabi-
 mur. Artium autem nomine, laxiori ſignificatione accepto, quaſdā Phi-
 loſophiæ partes infra referendas complectimur. Methodo frequente, &
 viſitata in ſcholis utimur, ſtylo autem plano, & perſpicuo, non compto,
 ideſt ſine colore, aut ſuſco, delectum enim rerum, non verborum exquiri-
 mus, de veritate potiùs, quam de ornatu ſoliciti, nam vt inquit Seneca,
Oratio ſolicita Philoſophum non decet. Hoc tandem opus in quatuor diſ-
 creuimus tomos. Primus continet Dialecticam, & introductionem ad
 ipſam, quam vt mos obtinuit, Summulas vocant. Secundus libros dumtaxat
 Phyſicorum. Tertius libros de Generatione. Quartus libros de Ani-
 ma complectitur. Primum nunc in lucem damus, reliquos mox emit-
 temus.

Seneca
ep. 100.

Placuit autem egregia quædā doctrinæ D. Tho. elogia in ipſo ingreſſu
 præmittere, quæ ad cunctorum animos in eius ſtudium alliciendos, atque
 excitandos calcar immēſum habent; eaque nullo noſtro diſcurſu, vel am-
 plificatione adhibita, ne vel nimis noſtra protendatur oratio, vel per ſe
 ipſa placere non poſſe iudicare videamur, ſi ſuper narratoris ſimplicita-
 tem, corhurnum etiam laudatoris addēdum putemus. Faxit Deus, vt hic
 noſter labor in eius laudem, noſtræque Congregationis iuuamen ſuſcep-
 tus, in aliqualem etiam D. Thomæ, & eius doctrinæ cedat ſplendorem, &
 Reipublicæ Chriſtianæ utilitatem. V A L E.

ILLVSTRIA DOCTRINÆ D. THOMÆ Angelici Doctōris elogia.

ELOGIA PRIMÆ CLASSIS.

Continentia laudem, approbationemque diuinam, necnon testi-
 moniam Beatiffimæ Virginis Mariæ, SS. Apoſolorum Pe-
 tri, & Pauli, & Diui Auguſtini.

*Breuiarium Romanum Pij V. iuſſu editum, & Clementis VIII. auctorita-
 te recognitum in lectionibus feſti Sancti Thomæ.*

NEapoli, cum D. Thom. ad imaginem Crucifixi vehementiùs oraret,
 hanc vocem audiuit, *Benè ſcripſiſti de me Thoma, quam ergo mercedem
 accipies? Cui ille; non aliam, Domine, niſi te ipſum.*

*Clemens VIII. in quodam Breui ad Nobiles Ciuitatis Neapolitanæ ſuper
 electione D. Thomæ in illius Regni Patrōnum.*

Hic ſiquidem honor eius virtutibus cū admirabili doctrina cōiunctis
 iure

adolescētum ætas (quæ quod semel addiscit, diutissimè seruat) viam Diui Thomæ securissimè ingrediens, nec transuersum vnguem ab ea vnuquam discedat. Sapiētis quippè: *Prouerbiū est adolescens iuxta viam suam, etiam cū senuerit, non recedet ab ea.*

Deindè conueniens, & hoc tēpore ferè necessarium est, densam quandam opinionum syluam non sine magno temporis, & bonorum ingeniorum dispēdio luxuriantem, tanquā illorum nouercam, & suffocatricem refecare, vt amputatis inutilibus stolonibus, & turgescētibz virgultis superstes palmes suum suo tempore fructum afferat. Sic enī natura cōparatū est, vt pluribus intentus minor sit ad singula sensus: & virtus vnita fortior sit se ipsa dispersa. Oporter igitur, vt adolescētia ingenia iuuenili quodam ardore lasciuientia ad vnum, idque probatissimū doctrinæ (quale est thomisticū) genus vtiliter adstringantur, ne sicut pulli onagrorum se libera, & errabunda putent, licentiūque, quā expedit, per virentia quæque vagentur, sed sicut generosi equi thomisticis loris gubernati non furentem, neque præcipientem, sed velocem, & firmam cursum perficiant.

Ad hoc autem pro votis datum optimum, donumque perfectum, vt defursum veniens, descendensque à Patre lumen consequendum, pie, prudensque Lector, aduertendum censeas; non solum studio vigili, subtili speculatione, frequenti controuersia, & longa inter se disputatione Lectores nostros defudasse diutius: verum simul eodem gressu, & pari passu instantissimas preces ad Deum fudisse continuo. Par quippè Præpositis nostris visum est, ad elucidandam doctrinam eius, qui dicere solebat sodali suo fratri Reginaldo: Quidquid sciret, non tam studio, aut labore suo peperisse, quā diuinitus traditum accepisse; viros eligere, qui etiam cum litterarum non tenui sufficientia, orationis studio forent diligentissimi. Inde ergo tanquam ex limpidissimis fontibus dogmata hæc hauserunt. His (noueris item) alium rectè, & rectè addiscendi modum addiderunt. Non enim menti suæ, ingenio, cogitatu vè doctrinam D. Thomæ traxerē violentam, vt alij funibus aut neruis trahunt: sed, (quod laudem petit non exiguam, & vera scientia meretur impleri) se totos in enucleanda D. Thomæ mente occuparunt, semel, iterum, imò & millies eam speculantes, discutientes, venerantes, illique cum summa reuerentia mentem, ingenium, & cogitatum subijcientes: cum suspirijs, lachrymis, & orationibus Sanctum Doctorem inuocantes, vt Angelicam mentem suam illis aperire dignaretur. Hinc factum est, vt eam clarissimè compararint. Neque enim Sancti, aut Sanctorum Sanctus, qui dant omnibus affluenter, & non impropere, postulanti bus adeo enixè sapientiam, & tam diuinam illis denegarent.

Super sunt nunc nonnulla tibi circa inscriptionem operis, diuisionem, styli, ac procedēdi methodum admonenda. Inscribimus opus præfens
Artium

Artium cursus, deducta metaphora ab aëtu currendi, quò celeriter peragimus, iter breui tempore conficientes, in eo enim breuitatem à plerisque impensius expetitam affectamus, & quantum res patientur, consecrabitur. Artium autem nomine, laxiori significatione accepto, quasdā Philosophiæ partes infra referendas complectimur. Methodo frequente, & visitata in scholis utimur, stylo autem plano, & perspicuo, non composito, idest sine colore, aut fucò, delectum enim rerum, non verborum exquirimus, de veritate potius, quam de ornatu solliciti, non verborum exquirimus, de veritate potius, quam de ornatu solliciti, nam ut inquit Seneca, *Oratio sollicita Philosophum non decet*. Hoc tandem opus in quatuor discreteuimus tomos. Primus continet Dialecticam, & introductionem ad ipsam, quam ut mos obtinuit, Summulas vocant. Secundus libros dumtaxat Physicorum. Tertius libros de Generatione. Quartus libros de Anima completitur. Primum nunc in lucem damus, reliquos mox emittemus. Seneca
ep. 100.

Placuit autem egregia quasdā doctrinæ D. Tho. elogia in ipso ingressu præmittere, quæ ad cunctorum animos in eius studium alliciendos, atque excitandos calcar immensum habent; eaque nullo nostro discursu, vel amplificatione adhibita, ne vel nimis nostra protendatur oratio, vel per se ipsa placere non posse iudicare videamur, si super narratoris simplicitatem, corthurnum etiam laudatoris addendum putemus. Faxit Deus, ut hic noster labor in eius laudem, nostræque Congregationis iuuamen susceptus, in aliqualem etiam D. Thomæ, & eius doctrinæ cedat splendorem, & Reipublicæ Christianæ utilitatem. V A L E.

ILLUSTRIA DOCTRINÆ D. THOMÆ Angelici Doctoris elogia.

ELOGIA PRIMÆ CLASSIS.

Continentia laudem, approbationemque diuinam, necnon testimoniam Beatissimæ Virginis Mariæ, SS. Apostolorum Petri, & Pauli, & Diui Augustini.

Breuiarium Romanum Pij V. iussu editum, & Clementis VIII. auctoritate recognitum in lectionibus festi Sancti Thomæ.

NEapoli, cum D. Thom. ad imaginem Crucifixi vehementius oraret, hanc vocem audiuit, *Bene scripsisti de me Thoma, quam ergo mercedem accipies? Cui ille; non aliam, Domine, nisi te ipsum.*

Clemens VIII. in quodam Breui ad Nobiles Ciuitatis Neapolitanae super electione D. Thomæ in illius Regni Patrónum.

Hic siquidem honor eius virtutibus cū admirabili doctrina cōiunctis iure

iure optimo debetur, ac doctrina quidem testis est ingens librorum numerus, quos ille breuissimo tempore in omni ferè disciplinarum genere, singulari oratione, ac mira perspicuitate sine vilo prorsus errore conscripsit: in quibus conscribendis interdum Sanctos Apostolos Petrum, & Paulum colloquentes, locosque illi quosdam Dei iussu enarrantes habuit, & quos deinde conscriptos expressa Christi Domini voce comprobatos audiuit.

D. Antoninus 3. par. historie, tit. 33. cap. 7.

Parisijs, cum implexam, & abstrusam nimis questionem circa accidentia Eucharistiae dissoluisset, suam sententiam in charta scriptam superscriptum veritati illius mysterij omnino consonabat, dignaretur sibi gratiam conferre ad illud sermone exprimendum, sin autem à loquendo abduceret; cui Christus super eodem altari visibiliter apparens respondit: *Benè hæc scripta sunt, Thomas, & verè, ac consonè explicata, quantum ab hominibus in hac vita mortali dici, atque explicari possunt.*

Magister Ferdinand. Castill. lib. 3. cap. 24.

In Ciuitate Orbieto idem, quod suprà tertio contingit Doctori Sancto, quando ex mandato Pontificis Urbani IV. officium composuit de solemnitate Corporis Christi.

Iulius Papa III. in quadam approbatione relata à Seraphino Capponi in prologo de altitudine doctrinae Thomisticae.

Beatissima Dei Mater Maria Diuo Thomae quadam vice apparuit, & ipsum de suae vitae, & scientiae integritate certificauit. Item quadam nocte orationi insistentem, quo obscurus quidam Scripturae locus clarior sibi fieret Petrus, & Paulus diuinitus instruxerunt.

Idem tangitur in Breuiario Sacri Ordinis Prædicatorum Clementis VII. auctoritate approbato. Vide D. Antonin. 3. par. cap. 7. §. 6. latè referentem, quo pacto instructus fuerit D. Thom. à prædictis Apostolis. Idemque refert Sur. lib. 2.

Sanctus Vincentius Ferrer. in quodam serm. D. Thom.

Quando Diuo Thomae dubia occurrebant statim ab Angelo, vel Apostolis Petro, & Paulo ei visibiliter parentibus de dubijs certificabatur, & infra. Apparuit Diuo Thomae Virgo Maria cum Filio in brachijs, quæ ait: Filio: Fili declaratis sibi hoc dubium, &c.

Et cum narrasset qualiter Christus approbauerit doctrinam Diui Thomae concludit dicens.

Ergo de eius doctrina dubitari non debet, quia non solum à Vicario Christi, sed etiam ab ipso Domino Iesu Christo approbata fuit.

D. An-

D. Antonin. ubi suprà, §. 12. ex quo Surius ubi suprà.

Ea ipsa hora, qua mortuus est Sanctus Thomas, F. Paulus Aquilinus insignis probitate, & existimatione, in cœnobio Neapolitano in visione imaginaria vidit illum Neapoli in frequenti auditorio prælegendem, & Apostolum Paulum cū multa Sanctorum frequentia ingredientē in scholas. Cū autem S. Thomas è cathedra descenderet, honoris causa in eius occursum processurus, Apostolus iussit eū pergere in prælectione suscepta. Sciscitabatur verò ex illo Thomas, nūm probè assecutus esset mētem Epistolarum eius? Cui Apostolus respondit: quantum quidem assequi potest quispiam in mortali corpore: & subdit: At nunc tamen eò te perditurus sum, ubi longè maiori instrueris cognitione, & intelligētia. Atque hæc dicens, videbatur illū apprehensa eius veste secum è scholis educere. Tū verò F. Paulus Aquilinus cepit clamare fortiter: Succurrite fratres, succurrite: en F. Thomas auferitur à nobis. Ad quos clamores excitati fratres, quærebant ex eo, ecquidnam vidisset ita clamitans illo autem visionem omnē ordine referente, hora notatur: & facta diligenti inquisitione, animaduersum est ea ipsa Doctorem Sanctum excessisse è viuis.

Hæc etiam visa tangitur in Breuiario Sacri Ordinis Predicatorum à Clemente VIII. approbato, in responsorijs festi Sancti Thomæ.

D. Antoninus ubi suprà, §. illo 12.

Frater Albertus de Brixia additissimus doctrinæ D. Thom. vir sapientia, & deuotione eximius, cū diu desiderasset videre gloriam Sancti Doctoris, idque vehemētius deprecaretur ante altare B. Mariæ positus, apparuerunt ei duæ venerabiles personæ mirabili cum splendore & ornatu, quarum vna erat in Pontificali habitu, mitram habens in capite, altera in habitu fratrum prædicatorum, quæ coronam habebat auream in capite lapidibus pretiosis intextam: & circa collum duas aureolas, quasi torques, vnā argenteam, & alteram auream; in pectore verò gestabat quasi magnum lapidem pretiosum, qui splendore mirabili plures radios emittens irradiare totam Ecclesiam videbatur: in capā verò erant inferri per totum lapides pretiosi, tunica, & scapulare nimio splendore fulgebāt. Qui stupens ad pedes eorum se prostrauit, petens simpliciter, quinam essent? Tunc ille, qui mitram gestabat in capite, inquit: Quid miraris, frater Alberto? Ego sum Augustinus Doctor Ecclesiæ, qui sum missus ad declarandam gloriam S. Thomæ. Is est, qui mecum est, qui doctrinā meam, & Apostolicam in omnibus secutus est, & Ecclesiam Dei sua doctrina illustrauit. Lapis pretiosus in pectore tanto splendore nitens significat rectissimam intentionem, quam habuit ad declarationem, & defensionem fidei. Lapidēs plures pretiosi sunt libri quos edidit. Ipse igitur mihi par est in gloria, virginali me excellens munditia, & ego illum pontificā excellentia; sicque disparuerunt.

Eadem visio habetur in prædicto Breuiario, in responsorijs officij D. Thomæ, & refertur à Sancto Vincentio ubi supra.

ELOGIA SECVNDÆ CLASSIS.
Coalescentia ex Summorum Pontificum testimonijs, &
Conciliorum acclamationibus.

Ioannes XXII. in Bulla canonizationis S. Thomæ Aquinatis,
anno 1323.

QVippè cùm illi vita existentiam, conuersatio famam, doctrina pareret
opinionem, opera divulgationem, eademq; tã breui confecta tem-
pore admirationem meritò exhiberent, vt illud Psalmi, *Rigans montes de*
Superioribus suis, de fructu operum tuorum satiabitur terra: in eo verit-
finè impleretur.

Et infra. Nam & in primitiuis scientijs, & diuersis Philosophiæ parti-
bus, vt non esset otiosus, sed operaretur terram; necnon in sacræ Scrip-
turæ pagina; tã super nouum, quàm vetus testamētum scripta, plurima-
que alia Dei opera in Dei laudem, fideique dilatationem, eruditionēque
studentium, clara (cùm sciens esset) famosa (cùm cognitus) non absque
speciali Dei infusione perfecit. Doctrina quippè prudentium facilis, &
omninò scientis signum est posse docere.

Idem Ioannes XXII. prout referunt Gerson in opusculo contra impug-
nantes Ordinem Carthusiensem tom. 2. & alij, dixisse fertur, (dùm ageretur
de miraculis in ordine ad canonizationem Diui Thomæ.)

Et si nulla alia extarent miracula, ob quæ Sanctus hic canonizari pos-
set, quolibet quæstionum quas determinauit, & quilibet articulorum, quo
scripsit, vnum est per se miraculum. Tot igitur miracula fecit, quot articu-
los scripsit, quia omnes resoluit lumine plusquam humano.

Innocentius VI. in sermone de laudibus D. Thomæ, cuius initium
est: Ecce plusquam Salomon hic.

Huius Doctoris doctrina præ cæteris, excepta canonica, habet pro-
prietatem verborum, modum dicendorum, veritatem sententiarum, ita
vt nūquàm qui eum tenuit, inueniatur à tramite veritatis deuiasse, & quæ
eum impugnauit semper fuit de veritate suspectus.

Vrbanus V. in Bulla translationis corporis Sancti Thomæ de Mo-
nasterio Fosse nouæ ad Tholosanum.

Nos attendentes quanta à Deo scientia dotatus Ordinem Fratrum
Prædicatorum, & vniuersam Ecclesiam illustrauerit, ac Beati Augustini
vestigia insequens, Ecclesiam eandem doctrinis, & scientijs quàm pluri-
mis adornauerit. Volenteque præterea, &c.

Pius

Pius V. in Bulla qua D. Tho. adnumeravit inter celebriores DD. Ecclesie.

Ex quo Sanctorum laudabili numero, qui catholicam veritatē corde, opere, & ore roborarunt, Angelici Doctoris S. Thomæ de Aquino, Ordinis F. Prædicatorum in cælum assumptio multis ante annis orbi terrarum & diuinis, & proprijs est comprobata testimonijs. Nam & miraculorum signis, quibus serui sui Thomæ perpetua verę pietatis opera nobilitare voluit inexhausta Dei benignitas, & certissima Christianæ regulæ doctrinæ, qua S. Doctor Apostolicam Ecclesiam infinitis confutatis hæresibus illustravit, adductus felicitis recordationis Ioannes XXII. prædecessor noster illo in Sanctorum numerum relato, eius diem festum nonis Martij, quo die nunc etiam colitur, anniuersario honore celebrari iussit. Sed quoniam Omnipotentis Dei prouidentia factum est, vt Angelici Doctoris, vi, & veritate doctrinæ ex eo tēpore, quo cælestibus ciuibus ascriptus fuit, multæ, quæ deinceps exortę sunt hæreses confusæ, & conuictæ dissiparentur, quod & antea sæpè, & liquido nuper in sacris Tridentini Concilij decretis apparuit, eiusdem memoriam, cuius meritis orbis terrarum à pestiferis quotidie erroribus liberatur, maiore etiam quā antea grati, & pij animi affecta colendam statuimus, &c.

Clemens VIII. in quodam breui ad Proregem Neapolitanum super designatione Diui Thomæ in illius Regni patronum.

Erat quidem antea multò optandum, vt ciuitas ista pietati in primis dedita, nouum Patronum ad reliquos, quos habet, addendū curaret Thomam Aquinatē, cuius diuino eloquio, & cælesti doctrina, miraculisque illa quidem illustris meritò apud remotissimas nationes summa Christiani nominis cum laude, atque Ecclesiæ vtilitate celebratur.

Idem Clemens in alio Breui ad Nobiles ciuitatis Neapolitanæ.

Piè, prudenterque cogitatis de nouo ciuitati Patrono asciscendo ciue vestro, diuinæ voluntatis Angelico Interprete vitę sanctitate, & mirabilis claro Thomæ Aquinate, cuius doctrinę tantum fuit tributum, vt Christianæ eruditionis sue diuinum etiam illud habeat testimonium: *Benè de me Thomæ scripsisti.*

Paulus V. in quodam breui, quo prædictum patronatum, & electionem confirmat.

Splendidissimi Catholicæ fidei Athletę Beati Thomæ Aquinatē, cuius scriptorum clypeo militans Ecclesia hæreticorum tela feliciter eludic, honores & venerationes in dies, magis magisque augeri plurimum in Domino gaudemus.

Breuiarium Romanum Pij V. iussu editum, & Clementis VIII. auctoritate recognitum, in lectionibus festi Sancti Thomæ.

Nunquam selectioni, aut descriptioni dedit, nisi post orationem. In difficultatibus locorum sacre Scripturæ ad orationem ieiunium adhibebat. Quin etiam sodali suo fratri Reginaldo dicere solebat: quidquid sciret, non tam studio, ac labore suo peperisse: quam diuinitus traditum accepisse, & *infra*.

Nullum fuit scriptorum genus, in quibus non esset diligentissimè versatus, & *pauca interiectionis*. Scripta eius, & multitudine, & varietate, & facilitate explicandi res difficiles, adeò excellunt, ut ob eam causam etiam nomen Doctoris Angelici iure sit adeptus.

Cæsar Baronius Cardinalis in scholijs ad Martyrologium Romanum 7. die Martij, quæ est Diui Thomæ sacra.

Vix quisquam enarrare sufficeret, quot vir sanctissimus atque eruditissimus Theologorum præconijs celebretur, quantumq; eius illibata doctrinæ à Sanctis Patribus in sacrosancto œcumenico Trident. Concil. confidentibus fuerit acclamatum: iureque optimo ob eam causam à sanctissimæ memorie Pio V. Romano Pontifice inter celebriores DD. Ecclesiæ fuit adnumeratus, dum huius diei celebritatem ipsdem sacris solemnibus peragi voluit, quibus Bonifacius VIII. Papa Sanctorum quatuor Doctorum, Gregor. Ambros. August. & Hieronymi festiuitates celebrandas constituit.

Ex oratione habita ad Patres Concilij Tridentini in laudem Diui Thomæ Aquinatis, ut habetur in actis eiusdem Concilij.

Non potuit D. Thomas Ecclesiasticis interesse Concilijs morte præuentus, verùm ecce superstes, atque in æternum victurus vobis adest, bona sua, spirituales doctrinæ thesauros hereditario iure vobis delegauit. Nulla proinde ab eius felici transitu Concilia, sine sacro Doctore celebrata sunt. Ut enim de cæteris fileam, quod audimus, quod videmus, quod manibus nostris cōtrectamus, quid ni aperta voce ad eius laudem testemur? vestra comitia perpendite. Ex plurimo eoque honorabili Doctorum cœtu, quotus quisque consultor accedit, qui Diui Thomæ auctoritate, veluti splendente gemma, suam sententiam non exornet? At inconsultissimo Patrum recessu, Doctor hic sententiam rogatus frequentissimè censet, ad quem ut ad lydium lapidem, si quid ambiguitatis, aut cōtrouersie fuerit exortum, communibus votis referendum existimetis, & qui cum sui placiti Patronum obtinuerit, incertam iudiciorum aleam non sit habiturus, quin secundum eum sententia ferenda sit. Atque adeò huius Religionis nomine, grauissimæ vestræ auctoritati gratias agere libeat, quod Doctoris Thomæ nomen vbique celeberrimum vestra in eum obseruantia celebrius posteritati reliqueritis.

*Hæc etiam acclamatio Conciliorum planè confirmatur ex verbis
Pij V. in Bulla supra relata.*

ELOGIA TERTIÆ CLASSIS.

Constantia ex Religionum Constitutionibus, & Vni-
uersitatum approbationibus.

*Sacer Prædicatorum Ordo in declaratione capitis de studentibus, prout
habetur in summario suarum Constitutionum, 2. p. cap. 43.*

QUicumque verbo, vel scripto à solida doctrina Diui Thomæ recesserit, contrarium aliquid dicendo, officio lectoratus, & quocumque alio gradu, & dignitate priuetur perpetuò. Ita sancitum fuit Bononiæ 1564. & confirmatum fuit Romæ 1569. & 1571. Barchinon. 1574. Valentiniæ 1596. Vbi extenditur poena priuationis etiam ad Prædicatores, si aliquid contra eundem Sanctum Doctorem populo proponant.

*Sanctus Ignatiùs de Loyola Fundator sacre Religionis Societatis Iesu in
4. par. suarum constitutionum, cap. 14. §. 1. prout nouissimè refertur
à Paire Granados in prolog. 1. par. & ab alijs
eiusdem Societatis.*

In Theologia legetur vetus, & nouum testamentum, & doctrina scholastica Diui Thomæ.

Eadem constitutio restrictiùs multò postea præcepta fuit in V. Congregat. generali can. 9. his verbis: Sequantur nostri Doctores in scholastica Theologia doctrinam Diui Thomæ, iuxta praxim in libro de ratione studiorum ponendam, & à Patre Præposito Generali explicandam. Neque deinceps ad Cathedras Theologicas promoneatur, nisi qui Diui Thomæ doctrinæ benè affecti fuerint; ab ea verò alieni, à docendi munere repellantur.

*Sacra nostra Religio (ut alias omittamus, quarum Constitutiones, etsi nobis innotescant ad manus tamen non perueniunt)
2. par. nostrarum Constit. cap. 4. nu. 6.*

Lectores Theologiæ operam dabunt Sacram doctrinam à Sanctis Patribus, præcipuè à Diuo Thoma traditam edocere. Idemque Lectores Artium obseruent, si minus ab officio Lectorum priuentur.

*Epistola Vniuersitatis Parisensis in laudem, & defensionem doctrinæ
Diui Thomæ, Ann. 1325. & habetur apud Bergo-
mersem in tabula aurea.*

Cùm D. Thomas fuerit vniuersalis Ecclesiæ lumè præfulgidū, gemma
radians

radians Clericorum, fons Doctorum, Vniuersitatis nostræ Parisiensis speculum clarissimum, & candelabrum insigne, ac lucens, per quod omnes qui vias vitæ, & scholas doctrinæ sanæ ingrediuntur, lumen vident, caritatis vitæ, famæ claræ, & scientiæ lucidæ, velut stella splendida, & matutina refulgens, &c.

Breuiarium sacri Ordinis Predicatorum à Iulio III. approbatum, & à Clemente VIII. recognitum in lect. festi S. Thomæ.

Dici non potest quanto in pretio sincerissima eius in rebus theologicis doctrina semper sit in Ecclesia habita. Quem omnes Theologorum Academiæ tanquam Principem, ac parentem Theologiæ meritò venerantur, & laudant.

Urban. V. in Bulla translationis superius relata ad Vniuersitatem Tholosanæ.

Volumus insuper, & tenore presentium vobis iniungimus, vt dissi Beati Thomæ doctrinam, tanquàm veridicam, & Catholicam sectemini, eamque studeatis totis viribus ampliare.

ELOGIA QUARTAE CLASSIS. Complacentia aliquot illustrium virorum testimonia.

Aegid. Column. Roman. Generalis Ordinis D. August. Archiepis. Bituricens. & Card. creatus, qui circa annum 1300. floruit, in præfat. Defensorij.

Hic sanè vir doctissimus, atque eruditissimus inter alia D. Thom. encomia, appellat eum Doctorem eximium, & eius doctrinam ipsam veritatem, qua fulget Ecclesia. Et infra asserit, eius verba fuisse veritate plena, & spiritu veritatis conscripta.

D. Antonin. 3. par. bist. tit. 23. cap. 7. §. 10.

Subtilitate intellectus, & ingenij Sanctus Tho. Doctor præpollebat, quā ei Spiritus sapientiæ Dei subtilem dederat, cū quo per gratiam habitabat. Vnde fertur dixisse aliquando familiari colloquio studentibus, nō ad ambitum inanis gloriæ, sed ad præconiū diuinæ laudis, & gratiæ, quod nunquam librum legerat, quem diuino adiutus spiritu non intelligeret, & ad profundū libri mysteriū non veniret. Dignum namq; erat ex quo scrutationi diuinorum totus intenderet, vt desideriorum iure diuino spiritus nihil absconderet, sed ei quod sacræ doctrinæ erat necessarium intimaret. Cuius ingenij subtilitatem, & acumen intelligentiæ, ac rectitudinē iudicij euidenter ostendunt multitudo librorum, quos edidit, & sententiæ nouitas, quas inuenit, sensusque scripturarum absconditi, quos perduxit in lucē. Fuit quoque idē Doctor magnæ memoriæ, tantæque capacitatis, ac retentiæ virtutis, vt id quod semel legendo caperet, perpetuò retine-

ret,

ret, vt videretur in eius anima cōtinuò fieri scientiæ habitus, quē sic col-
 lectum habebat in animo, quasi exemplatum haberet in libro. Quod eu-
 denter patuit in illo mirabili opere, quod ad præceptum Domini Urbani
 Papæ super quatuor Euangelia de dictis Sanctorum composuit, & texuit.
 Quē ipse perlegens in diuersorum Monasteriorum libris, fertur pro ma-
 iori parte, ita memoriæ cōmendasse, quasi Sanctorū dicta habuisset præ-
 oculis, quæ prius legisset in libris. In signum autem, & indicium evidens,
 quod ipse Doctor in thesauro memoriæ, quasi collectam scientiam possi-
 deret, veridica socij sui Fratris Reginaldi, suorumque studentium, & scrip-
 torum relatione veraciter est compertum, quod ipse de diuersis materijs
 tribus scriptoribus, & interdum quatuor in camera sua eodem tempore
 dictabat, vt videretur simul eius intellectus diuersas infundere veritates,
 quas simul posset non absque specialis dono gratiæ pluribus dictare, vt nō
 videretur ignota discutendo perquirere, sed quasi collecta in memoria
 de thesauro scientiæ infundendo aperire. Videbatur nāque huius Docto-
 ris scientiæ habitus quasi inundans doctrinæ fluuius scripturarum, qui de-
 super oriens in Edem de diuinæ sapientiæ fonte descēderet, qui in diuer-
 sos libros quasi diuisos riuulos deriuaret.

Sixtus Senensis lib. 4. Bibliotheca sacra.

Thomas Aquinas Ordinis Prædicatorum Theologorum fuit, ac Phi-
 losophorum, quos in hanc vsque diem Scholasticorum Academia protu-
 lit, sine vlla controuersia Princeps: quippè qui primus omnium latinorū
 Philosophorum, non minus incredibili, quā felici ausu Aristotelis Phi-
 losophiæ Commentarijs lucidissimis illustrauit: in sacris verò sincerio-
 ris Theologiæ studijs, ita sapientissimo Augustino proximus incescit, at-
 que ita mentem eius, & omnes reconditos sensus intropexit, exhaustiq;
 vt cōmuni doctissimorum omnium adagio iactatum sit, Augustini animā
 quasi migrasse in Thomā. In scholasticis quoque mysticæ Theologiæ dis-
 putationibus, ita cæteris Academiarum ducibus antecelluit, vt vniuersali
 scholarū omnium consensu receptum sit, Thomā scholasticæ Theologiæ
 instauratorem quatuor inter se implacabiliter pugnancia indissolubili pa-
 cis fœdere cōiunxisse, videlicet copiam, breuitatem, facilitatem, & secu-
 ritatem, quas nulli vnquā literarum professori, vel ante, vel post eū con-
 tigit simul potuisse connectere. Ac primū tanta inest ei rerum omnium
 copiosa vbertas, vt nihil ferè ex vniuerso Theologiæ, ac Philosophiæ am-
 bitu desiderari queat, quod non ipse ditissimis scriptis fuerit copiosissi-
 ma varietate complexus. Breuitas deindè, cuius exiguis angustijs co-
 piæ amplitudo contineri non potest, ea est, vt quæ tot veteres, ac recen-
 tes Auctores vix innumeris, & imensis voluminibus comprehendere
 potuerunt, hic intra vnius stricte epitomes, hoc est; summa Theolo-
 giæ compendium, locupletissima breuitate plenissimè, stricteque

concluserit. Breuitati verò, quæ obscuritatis mater est, & comes indi-
 dua, ita facilitatem omni seclusa difficultate copulauit, vt ordinis disposi-
 tione, sententiarum perspicuitate, & verborum splendida claritate scrip-
 tores omnes longo post se reliquerit interuallo: & quod multò admira-
 bilius est, cùm in scriptis Ecclesiasticis multorum magni nominis Patrum
 cautè, ac suspenso pede legentibus progrediendum sit, ne in sententias
 quasdam parùm tutas imprudenter impingant, huic vni verè diuino viro
 tanta asserionum, sententiarumque securitas diuinitus obtigit, vt in
 lectione eius lector omni suspitione erroris liber, citra vllam offensam
 tutus, & securus expedito gradu spatium possit, veluti per viam regiam,
 communi Ecclesiasticorum patrum incessu tritam, longè à deuijs illis
 particularium sectarum semitis, ac diuerticulis, quæ sæpè incautos
 abducunt in ambages inextricabiles, & erro-
 res irremeabiles.



INDEX

73871

INDEX TVM LIBRORVM, ET
capitum: tum disputationum, & questionum,
quæ in hoc primo tomo con-
tinentur.

P *Ræbula de modis sciendi. 5.*
Lib. I. De vocibus simplici-
bus, scilicet terminis, & co-
rû proprietatibus, pagina 6.

Cap. 1. de significatione, seu ratio-
ne signi, 15.

Cap. 2. De natura, seu essentia ter-
mini, 17.

Cap. 3. De varijs diuisionibus ter-
mini, 19.

Cap. 4. De alijs diuisionibus ter-
mini vocalis, 21.

Cap. 5. De suppositione, 23.

Cap. 6. De ampliacione, restrictio-
ne, alienatione, & denuntiatione,
28.

Cap. vlt. De appellacione, 29.

Lib. II. De propositione, & passio-
nibus eius, 31.

Caput 1. De nomine, & verbo, 31.

Caput 2. De oratione, 33.

Caput 3. De propositione in com-
muni, & eius diuisionibus, 35.

Caput 4. De propositionibus hypo-
theticis, 39.

Caput 5. De oppositione propo-
sitionum simplicium, 42.

Caput 6. De legibus istarum oppo-
sitionum, 46.

Cap. 7. De æquipolentia, & cõuersio-
ne propositionum simplicium, 48.

Caput 8. De essentia, & speciebus
propositionis modalis, 51.

Cap. 9. De quãtitate, qualitate, op-
positione, æquipollentia, & con-
uersione propositionis modalis
compositæ, 55.

Caput vltim. De propositionibus
exponibilibus, 59.

Lib. III. De argumentatione, &
eius proprietatibus, 63.

Cap. 1. De speciebus argumen-
tationis, 63.

Cap. 2. De legibus communibus ar-
gumentationum: vbi etiam spe-
cialiter de inductione, 66.

Caput 3. De syllogismo, & triplici
eius figura, 68.

Cap. 4. De regulis, tam comuni-
bus trium figurarum, quàm spe-
ciebus vniuscuiusque, 71.

Cap. 5. De modis syllogismorum
in vnaquaque figura, 73.

Cap. 6. De probatione syllogismo-
rum perfectorum, & reductione
imperfectorum, 83.

Cap. 7. De alijs syllogismorum di-
uisionibus, 88.

Caput vltimum. De arte inuenien-
di medium, 90.

DISPUTATIO PRIMA
Proæmialis, pag. 95.

Quæst.

I N D E X.

Quæst. 1. De nomine, existentia, in-
uentione, & dignitate Dialecti-
cæ, ibid.

Quæst. 2. Vtrum obiectum Logicæ sit
quid reale, vel rationis, 99.

§. 1. Refertur cum suis fundamētis
sententia asserens, hoc obiectum
esse aliquid reale, 103.

§. 2. Præmittuntur aliqua ad reso-
lutionem quæstionis necessaria,
105.

§. 3. Statuitur vera sententia Diui
Thomæ, & quæstio resoluitur,
107.

§. 4. Argumentis pro contraria sen-
tentia factis respondetur, 111.

Quæst. 3. Quodnam ens rationis sit
obiectum Logicæ, 114.

Quæst. 4. Quid sit Logica docens,
& ut ens; & vtrum sint idem ha-
bitus, 120.

§. 1. Explicatur ampliùs, qua pro-
prietate Logica dicatur vtens
respectu partis topicæ, & sophi-
sticæ, 124.

§. 2. Tractatur secunda pars quæ-
stionis, 127.

Quæst. 5. Vtrum Logica sit scien-
tia, 128.

Quæst. 6. Vtrum Logica sit scien-
tia practica, vel speculatiua,
133.

§. 1. Quid significet praxis, & an
reperiatur in intellectu, 134.

§. 2. Tractatur præcipua difficultas,
& quæstio resoluitur, 138.

Quæst. 7. Quomodo Logica sit ne-
cessaria ad alias scientias, 144.

Quæst. 8. Quid sit finis Logicæ, & in
quas partes sit diuidenda, 148.

Appendix de methodo, seu modo
procedendi, 151.

*Prima pars Logica de secundis in-
tentionibus, quibus dirigitur pri-
ma operatio intellectus, 155.*

DISP. II. De ente rationis, 156.

Quæst. 1. An detur ens rationis;
ibidem.

Quæst. 2. An in sola denominatio-
ne extrinseca, vel in aliquo esse
ficto, consistat essentia entis ra-
tionis, 160.

Quæst. 3. Per quam potentiam, & quo
eius acta fiat ens rationis, 165.

§. 1. Statuitur vera sententia, & le-
gitimæ eius rationes indagantur,
166.

§. 2. Soluuntur argumenta supra po-
sita, simulque expenditur quid
de phantasia, & cogitativa ho-
minis dicendum sit in hac quæ-
stione, 171.

Quæst. 4. Quocumplex sit ens ratio-
nis, 174.

Quæst. 5. Quid sit secunda intentio
logicalis, & quæ eius propria-
tes, & species, 180.

*DISP. III. De essentia vniuersa-
lis, 188.*

Quæst. 1. An à parte rei dentur na-
turæ, quæ denominari possint
vniuersales, 189.

Quæst. 2. Vtrum à parte rei detur
vnitas formalis in natura, 194.

Quæst. 3. Vtrum à parte rei detur
in natura vna vnitas communis,
vel potius multiplicetur in infe-
rioribus, 201.

Quæst. 4. Quomodo in vnoquoque
individuo distinguantur vnitas
formalis, & numerica, 209.

Quæst. 5. An à parte rei detur vni-
uersale pro formali, seu vniuer-
salitas, 213.

§.vnicus. Quæ sit aptitudo, quâ præformali dicitur vniuersale, & an ipsa debeat à parte rei, 216.

Quæst. 6. Per quem actum intellectus is resultet in natura vniuersalitas, 219.

§. 1. Variæ sententiæ cum suis Autoribus, & fundamentis referuntur, 221.

§. 2. Cõciliatis varijs D. Tho. testimonijs, legitimè eius mens, & vera sententia stabilitur, 223.

§. 3. Fundamenti aliarum sententiarum satisfit, 226.

§. 4. Quid de vniuersali metaphysico sentiendum sit, ex dictis explicatur, 228.

DISP. IIII. De passionibus vniuersalis, 229.

Quæst. 1. Quomodò vniuersalia sint perpetua, & an perceptis singularibus pereant etiã vniuersalia, 230.

Quæst. 2. Quomodò propositiones vniuersales sint æternæ veritatis, 234.

Quæst. 3. Quid, & quotuplex sit prædicatio, 238.

Quæst. 4. Quomodò prædicationes fiant in nominibus primæ intentionis, 243.

§. 1. An concreta prædicentur de concretis, ibidem.

§. 2. An abstracta tam substantialia, quàm accidentalia verè prædicentur de abstractis, 244.

§. 3. An concreta prædicentur de abstractis, & abstracta de concretis, 251.

Quæst. 5. Quomodò prædicationes fiant in nominibus secundæ intentionis, tam inter se, quàm respectu primarum, 253.

Quæst. 6. An vniuersalia sint tantum quinque, 256.

Quæst. ult. An vniuersale sit genus ad quinque prædicabilia, 263.

CAP. I. De genere, 269.

Notationes, & dubia circa hoc caput, 270.

DISP. V. De genere primo prædicabili, 273.

Quæst. 1. An definitio generis à Porphyrio tradita sit bona: & utrùm sit essentialis, vel descriptiua, 273.

Quæst. 2. Quomodò definiantur tam concreta, quàm abstracta accidentium, 278.

Dubium appendix. An accidens in concreto, rectè etiam definiatur per cõcretum superiùs loco generis, 285.

Quæst. 3. Quod sit definitum in definitione generis: & generaliter in definitionibus aliorum prædicabilium, quando definiuntur in concreto, 288.

Quæst. 4. Quid ponatur pro genere in definitione huius, & aliorum prædicabilium: vbi etiam statuuntur essentialis eorum definitiones, 295.

Quæst. 5. An natura generica prædicetur de speciebus vt totum, vel vt pars: & quomodò contineat differentias, 299.

§. 1. Quid sit compositio, quam appellant metaphysicam: & quomodò sumantur partes, 301.

§. 2. Tractatur præcipua difficultas: & quæstio resolvitur, 306.

Quæst. 6. Vnde sumatur genus, & differentia, tam in substantijs, quàm in accidentibus, 310.

CAP.

CAP. II. De specie, 317.

Notationes, & dubia circa hoc caput 318.

DISP. VI. De specie secundo predicabili, 320.

Quæst. 1. An definitiones speciei à Porphyrio traditæ sint bonæ, ibidem.

Quæst. 2. An genus possit conseruari in vnica specie, & species in vnico indiuiduo, 324.

Quæst. 3. Vtrum species quatenus subijcibilis sit vniuersalis, vel quomodo se habeant hi respectus, 330.

Quæst. 4. Vtrū omnis species subijcibilis sit etiam prædicabilis, 334.

Quæst. 5. Quomodo ordinanda sit arbor prædicamenti substantiæ, 339.

Quæst. 6. De natura indiuidui, 343.

CAP. III. De differentia, 347.

Notationes, & dubia circa litteram capitis, 348.

DISP. VII. De differentia tertio prædicabili, 350.

Quæst. 1. Qualis sit prima diuisio differentiarum, vbi etiam de definitionibus eius, 351.

Quæst. 2. An differentia sit vniuersalis per ordinem ad speciem, quam constituit, vel per ordinem ad indiuidua, 356.

Quæst. 3. An dentur differentie vltima, quæ cum speciebus cōuertantur, 360.

§. vnicus. An secunda definitio Porphyrij conueniat etiam differentijs infimis, 363.

Quæst. 4. Vtrum differentia infima includat subalternas, 367.

Quæst. 5. An quælibet differentia sit perfectior genere, 370.

CAP. IIII. De proprio, 374.

Notationes, & dubia circa hoc caput, ibid.

DISP. VIII. De proprio quarto prædicabili, 376.

Quæst. 1. An proprium solū quarto modo acceptum constituat hoc prædicabile, vbi etiam definitio eius exponitur, ibid.

Quæst. 2. Respectu cuius proprium constituitur in esse vniuersalis, vbi etiam an subalternum, & infimū pertineant ad hoc prædicabile, 380.

CAP. V. De accidenti, 384.

Notationes circa hoc caput, ibidem.

DISP. IX. De accidenti quinto prædicabili, 385.

Quæst. 1. An rectè definiatur accidens à Porphyrio, vbi etiam respectu quorū constituitur in esse quinti prædicabilis, ibidem.

Quæst. 2. In quo differant propria passio, & accidens commune, 394.

CAP. VI. De cōmunitatibus quinque prædicabilium, 394.

Antepredicamēta Aristotelis, 397.

CAP. I. De equiuocis, vniuocis, & denominatiuis, ibid.

Notationes, & dubia circa hoc caput, ibidem.

DISP. X. De nominum analogia, 403.

Quæst. 1. Quid sit analogia, 404.

Quæst. 2. Quotuplex sit analogia, 406.

Quæst. 3. Quæ sint conditiones vtriusque analogiæ, 409.

Quæst. 4. An conditiones vtriusque

INDEX.

analogia sint rectè assignata,
411.

§. 1. Nonnulla ex Mathematicis ad præsentem materiam necessaria præmittuntur, 413.

§. 2. Applicatur doctrina tradita præfati instituto: & quæstio resoluitur, 417.

§. 3. Argumentis in principio quæstionis adductis responderetur, 422.

§. 4. Cæteræ analogorum conditiones, & proprietates ex dictis inferuntur, & explicantur, 423.

CAP. II. De complexis, & incomplexis, 426.

Notationes, & dubia circa hoc caput, ibidem.

CAP. III. De regulis, 429.

Notationes, & dubia circa hoc caput, ibidem.

CAP. IIII. De diuisione entis in decem prædicamenta, 434.

Notationes circa hoc caput, ibidem.

DISP. XI. De diuisione entis in sua inferiora, 435.

Quæst. 1. Vtrum ens sit parè æquiuocum respectu suorum inferiorum, ibid.

Quæst. 2. Vtrum ens sit uniuocum respectu suorum inferiorum, 440.

Quæst. 3. Qua analogia ens sit analogum respectu suorum inferiorum, 446.

Quæst. 4. Vtrum ens sit transcendens respectu suorum inferiorum, 450.

Qu. 5. Vtrum ens dicat conceptum commune, & præcisum à suis inferioribus, 455.

§. 1. Quid de conceptu obiectiuo dicendum sit, 457.

§. 2. Argumentis pro contraria sententia factis responderetur, 462.

Quæst. ult. Quomodo aliqua dubia ante prædicamentalia expedienda sint, 465.

Dubit. 1. Quæ entia, & quomodo in prædicamentis collocentur, ibid.

Dub. 2. Quot sint prædicamenta, 467.

Dubit. 3. An inherencia aptitudinalis sit de essentia accidentium, 469.

Prædicamenta Aristotelis, 472.

CAP. V. De substantia, 472.

Notationes, & dubia circa hoc caput, 473.

DISP. XII. De prædicamento substantiæ, 478.

Qu. 1. Quænam sit propria, & formalis ratio constitutiva huius prædicamenti, ibidem.

Quæst. 2. Iuxta quam rationem substantia diuidatur in primam, & secundam, & qualis sit hæc diuisio, 482.

Qu. 3. An definitiones primæ, & secundæ substantiæ sint rectè assignatæ, 485.

Quæst. 4. Quænam substantiæ in hoc prædicamento collocentur, 487.

Qu. 5. Quomodo intelligendæ sunt proprietates substantiæ ab Aristotele traditæ, 491.

§. vnicus. Explicatur amplius quomodo soli substantiæ conueniat esse subiectum quod accidentium, 495.

CAP. VI. De quantitate, 498.

Notationes, & dubia circa hoc caput, ibidem.

DISP. XIII. De prædicamento quantitatis, 502.

Quæst.

INDEX.

Quæst. 1. An quantitas realiter distinguatur à substantia, ibid.

Qu. 2. In quo cōsistat ratio formalis, & essentia quantitatis, 504.

Qu. 3. An substantia corporea sine quantitate habeat partes, 511.

§. 1. Refertur sententia affirmans, variaque eius argumenta adducuntur, ibid.

§. 2. Nonnullis prænotatis, sententia negans, & vera proponitur, & statuitur, 514.

§. 3. Argumentis pro contraria sententia factis respondetur, 518.

Quæst. 4. An linea, superficies, & corpus sint veræ species quantitatis continuæ, 523.

Quæst. 5. An locus, tempus, & motus sint veræ species quantitatis continuæ, 527.

Qu. 6. Quid sit unitas prædicamentalis. Et utrùm addat aliquid supra quantitatem continuâ, 532.

Qu. 7. An numerus prædicamentalis sit ens per se, & vera species quantitatis, 539.

Quæst. 8. An, & quomodo vltima unitas sit forma numeri, 545.

Quæst. vltima. An oratio sit vera species quantitatis, 549.

CAP. VII. De ad aliquid, 552.

Notationes, & dubia circa hoc caput, 553.

DISP. XIII. De prædicamento relationis, 554.

Qu. 1. An dentur relationes reales, & quidnam illæ sint, ibidem.

Qu. 2. Quænam relationes pertineant ad hoc prædicamentum, 559.

Quæst. 3. Quæ conditiones requirantur ad relationem realē prædicamentalem, 563.

Quæst. 4. Quot sint fundamenta relationis, 566.

§. 1. De primo fundamēto relationum, 567.

§. 2. De secundo fundamēto relationum, 569.

§. 3. De 3. fundamēto relationum, 572.

Qu. 5. Utrùm relatio distinguatur realiter à suo fundamēto, 574.

§. 1. Expenduntur aliqua ad questionis solutionem necessaria, 577.

§. 2. Statuitur vera sententia, & questio resolvitur, 579.

§. 3. Argumentis suprà factis respondetur, 583.

Quæst. 6. Utrùm relatio terminetur ad respectuum, vel ad absolutū, 586.

§. 1. Variæ Doctorum sententiæ referuntur, ibidem.

§. 2. Statuitur vera sententia, ipsaque auctoritate, & ratione probatur, 591.

§. 3. Argumentis pro prima sententia factis respondetur, 596.

§. 4. Fundamentis tertiæ sententiæ satisficit, simulque explicatur quare non dentur duo genera suprema relationum, 600.

Qu. 7. Vnde sumatur unitas, vel distinctio relationum, 604.

§. 1. Media sententia alijs præfertur, & probatur, 607.

§. 2. Proposita, & expedita quadam emergenti obiectione satisficit argumentis initio factis, 608.

§. 3. Quomodo disponenda sit arbor huius prædicamenti, 611.

§. 4. Quid de unitate numerica relationum dicendum sit, 613.

Qu. vlt. Quomodo intelligendæ sunt pro-

I N D E X.

- proprietates relatiuorū ab Aristotele assignatæ, 615.
CAP. VIII. De qualitate, & quali, 619.
Notationes circa hoc caput, 619.
DISP. XV. De prædicamēto qualitatis, 622.
Quæst. 1. An definitio qualitatis ab Aristotele tradita sit bona, ibid.
Quæst. 2. Quænam sit congruentior qualitatis definitio, 625.
Qu. 3. De prima specie qualitatis, scilicet habitu, & dispositione, 631.
Quæst. 4. De secunda specie qualitatis, scilicet naturali potentia, & impotentia, 637.
Quæst. 5. De tertia specie qualitatis, scilicet passione, & passibili qualitate, 639.
Quæst. 6. De vltima specie qualitatis, scilicet forma, & figura, 640.
CAP. IX. De sex vltimis prædicamentis, 643.
Notationes circa hoc caput, 644.
DISP. XVI. De sex vltimis prædicamentis, ibidem.
Qu. 1. An ista sex prædicamēta cōsistāt in denominatione extrinseca. Vbi etiam, an fiat quid absolute, vel relationes, ibid.
Quæst. 2. De prædicamentis actionis, & passionis, 648.
Qu. 3. De prædicamento vbi, 651.
Qu. 4. De prædicamēto quādo, 655.
Qu. 5. De prædicamēto situs, 658.
Quæst. vlt. De prædicamento habitus, 659.
Post prædicamēta Aristotelis, 661.
CAPVT X. De oppositis, 661.
CAP. XI. De modis prioris, 665.
CAP. XII. De modis simul, 666.
CAP. XIII. De speciebus mot⁹, ibid.
CAP. vlti. De modis habere, 667.
Secunda pars Logice de secundis intentionibus, quibus dirigitur secunda operatio intellectus, 669.
Liber primus Perihermenias, 669.
Liber secundus Perihermenias, 670.
Notationes in duos lib. Perihe. 670
Tertia pars Logice de secundis intentionibus, quibus dirigitur tertia operatio intellectus, 673.
Notationes in duos lib. de priori analysi, 675.
Lib. I. Posteriorū, seu de demōs. 675.
Liber secundus Posteriorum, 677.
DISP. XVII. De prærequisitis ad demonstrationem, 678.
Quæst. 1. Vtrū omnis cognitio intellectiua fiat ex præexistēti cognitione, ibid.
Quæst. 2. An rectè assignentur ab Arist. duæ præcognitiones, & tria præcognita, 684.
Quæst. 3. An assensus præmissarū sit causa assensus conclusionis, & in quo genere, 689.
Quæst. 4. An per assensus præmissarum necessitetur intellectus ad assentiendum conclusioni, 694.
DISP. XVIII. De essentia, & diuisionibus demonstrationis, 698.
Quæst. 1. An definitiones demonstrationis ab Arist. traditæ sint rectè, ibid.
Dubium appēdix, quomodò sit intelligendum axioma, quod hic habet Arist. scilicet: propter quod vnumquodque tale, & illud magis, 705.
Quæst. 2. De alijs conditionibus præmissarum, 707.
§. 1. An præmissæ demonstrationis debeant

INDEX.

- debeant esse de omni, & per se, 708.
- §. 2. An præmissæ demonstrationis debeant esse de prædicato vniuersali, 709.
- §. 3. An demonstratio debeat procedere ex proprijs, non verò ex extraneis, aut cõmunibus, 712.
- Qu. 3. Vtrum diuisio demonstratiõnis, in quia, & propter quid sit adæquata, 715.
- Quæst. 4. Quanam sit hæc diuisio, & vtrũ propter solam demonstrationem propter quid producat habitus scientiæ, 723.
- DISP. XIX. De scientia, quæ est effectus demonstrationis, 729.*
- Qu. 1. Quid sit scientia, & in quo ratio propria subalternationis cõsistat, ibidem.
- Quæst. 2. An, & quomodò cũ subalternatione explicata, stet subalternata verè esse scientiã, 737.
- Qu. 3. An scientia subalternata sit verè scientia, in eo qui nõ habet subalternantem, 743.
- Qu. 4. Quam vnitatem habeat vnaquæque scientia, & vnde illa sit desumenda, 749.
- §. 1. Referuntur, & impugnantur variaz sententiæ, 751.
- §. 2. Nonnulla ad quæstionis solutionem necessaria præmittuntur, 756.
- §. 3. Statuitur vera sententiã, & quæstio resoluitur, 762.
- §. 4. Occurritur quibusdam obiectiõibus, quæ fieri possunt contra propositas conclusiones, & argumentis suprà adductis satisficit, 764.
- Qu. 5. Quomodò applicanda sit doctrina tradita singulis scientijs in speciali, 768.
- §. 1. De sacra Theologia, 769.
- §. 2. De prima Philosophia, seu Metaphysica, ibidem.
- §. 3. De Mathematicis extremis, scilicet Arithmetica, & Geometria, 770.
- §. 4. De Philosophia naturali, 771.
- §. 5. De Musica, Perspectiua, Astrologia, & alijs scientijs medijs, 772.
- §. vltimus. De Logica, 776.
- DISP. XX. De alijs habitibus intellectus, 777.*
- Qu. 1. Vtrum habitus principiorũ sit distinctus ab intellectu, & in quo consistat, ibidem.
- Quæst. 2. An habitus principiorum sit à natura inditus, vel quomodò fiat in nobis, 780.
- Quæst. 3. Quid sit opinio, & solertia, & in quo distinguantur a scientia, 786.
- Quæst. 4. An de eodem obiecto possint esse simul scientia, & opinio, 792.
- §. 1. An actus scientiæ, & opinionis possint esse simul, 793.
- §. 2. An habitus ipsi scientiæ, & opinionis possint esse simul, 797.
- §. 3. Fundamenti oppositæ sententiæ respondetur, 800.
- §. 4. Expenditur vltimum argumentum de raptu D. Pauli, simulque explicatur quid de fide, & scientia dicendum sit, 803.
- Notationes in libros 1 opusculũ Aristotelis, 806.*
- Notationes in libros Elẽchorũ, 810.*



BREVES AD LOGICAM
ARISTOTELIS INSTITVTIONES,
QVAS SVMMVLAS
APPELLANT.

EX EIVSDEM PHILOSOPHI
LIBRIS DE PROMPTAE, ET
AD FORMAM YSAGOGÆ
REDACTÆ.

PROEMLVM.

DIVINVS Ille Philosophus Plato : cuius in dicendo tanta facundia fuit, tanta in intelligendo vis, vt eum Cicero, & intelligendi, & dicendi grauissimum Auctorem fuisse dixerit: illud adiiciens: si Iupiter humana lingua loqui voluisset, non alia, quàm Platonis lingua fuisse loquuturum. Inter alia documēta ad rectè, & fructuosè instituendos homines in Dei, & veritatis cognitione, quæ rescriptit Dionysio Sicilia Tyranno, & expendit Marsilius Fisinis in argumento secundæ eius Epistolæ, illud præcipuum esse duxit, vt ad secretiora, & recondita mysteria penetranda, ad diuinorum scilicet indaginem, non statim introducatur iuuenis, nisi prius quibusdam disciplinarum gradibus instruat. *Inuelli-*

gatio enim diuinorum (inquit) non rectè facta, id est, nõ debitis præmissis disciplinis, malorum omnium est causa. Quæ quidem summi Philosophi sententia, non solum in ipsa, quæ de sursum est sapientia, scilicet Theologia sacra comprobatur, in qua si aliarum disciplinarum experts, quis ad Dei profunda rimanda accessisset, eo deueniret (inquit Ficinus) vt vel Deum negaret, vel de Deo indignum quid, & quæ non sunt Dei sentiret: sed etiam proportionè seruata, in vnaquaq; disciplina, & præcipuè in nostra Dialectica commendatur. A Equum enim est, vt antequam ad profundiores cuiuslibet scientiæ veritates Tyrones introducantur, leuiores aliqua, & faciliora addiscant, quibus ad alia occultiora, & a sensibus remotiora, via facilis, & expedita præparetur.

Hac de causa, cum ex una parte Dialectica sit difficillima, librique, quos de ea conscripsit Aristot. non nisi periculis pateant: ex alia vero parte oporteat ipsam ante omnes alias scientias comparare, ut tradit D. Thom. opusc. 70. quest. 5. art. 1. ad 3. Ideo optimo consilio, communique Dialecticorum consuetudine institutum est, ut ante ipsam Dialecticam ylagoge aliqua, seu introductio præmittatur, in qua faciliora quedam præcepta, sed summe necessaria proponantur, simulque tradatur rudis aliqua notitia vocum, seu terminorum, quibus in scientiis pertractandis frequenter utimur: quæ licet in ipsa Logica, ut potè ad illam spectantia doceri possent, sicut in alijs scientiis traduntur ea, quæ ad ipsas pertinent: speciali tamè ratione ex Dialectica oportuit breuem quamdam summam abstrahere: quia sicut ad alias disciplinas, sic etiam ad se ipsam perfecte acquirendam Logica est quodammodo necessaria, ut explicamus infra disput. 1. proœmiali: ac proinde valde rationi consentaneum fuit, ex his, quæ ad Dialecticam pertinent, aliqua seligere, quæ ipsi per modum introductionis præmitterentur.

*DE NOMINE, ET AV-
ctore huius tractatus.*

Quia omnia, quæ in his institutionibus continentur, depromuntur ex ipsa Dialectica: ideo frequentius summæ, seu summulæ, id

est, breues summæ nuncupantur, aut etiam, ut Villalpandus inscripsit, summæ summularum: propterea quod summulas ipsas, suo tempore longiores, ad breuiorem summam redegit. Ab alijs etiam tractatus iste appellatur ylagoge, seu introductio ad Logicam: quia viam præparat ad ipsam addiscendam.

Quamvis autem neuter titulus sit vndequeque proprius: quia si rigore spectemus, non dicitur summa, nisi quæ breuiori modo omnia continet, neque propriè dicitur introductio, nisi quæ est extra rem cuius est introductio, quorum neutrum cernitur in hoc tractatu, cum neque contineat omnia, quæ traduntur in Logica, neque verè sit extraneam, ut diximus: utroque tamen modo convenienter inscribitur: quia quamvis non omnia, quæ ad Logicam spectant: plura tamè continet: & licet quæ in eo tractantur non sint extra illam; traduntur tamen per modum introductionis, & viæ ad ipsam perfecte comparandam. Et ideo utraque inscriptione non infrequenter utuntur Doctores. Nos verò ut vtriusque defectum, quantum fieri posset vitaremus institutionum fieri posset vitaremus institutionum titulo, qui proprius est, & ad rem de qua disputatur accommodatior, cum Magistro Vincentio Iustiniano, & alijs grauib. Dialecticis tractatum istum prænotauimus.

Primus ipsius Auctor, qui scilicet ante omnes alios Logicæ Aristot. in epitomen, & per modum intro-

introductionis redegit, fuit Frater Petrus Hispanus, ex inclita Prædicatorum familia, circa annum Domini 1250. vt ex monumentis Ordinis refert Antonius Sennæsis in sua Bibliotheca, quem postea Dialectici omnes imitati sunt, pluresque eorum prædicti Petri opusculum commentarijs lucidissimis exornarunt, vt Fr. Dominicus Soto, Fr. Petrus Bruxelensis, & alij Magistri ex eadem familia.

DE OBIECTO, ET FINE.

Obiectum dicitur illud, circa quod ars, vel scientia versatur: quare cum præsens tractatus, licet tradatur per modum introductionis; verè tamen non sit extra Logicam, vt dictum est; neque etiam obiectum eius, potest esse extra obiectum adæquatum Logicæ. Pertinent autem ad hoc obiectum adæquatum non solum res, sed etiam voces, quibus illæ significantur, vt ostendemus infra disput. 1. & ideo tractatus iste præcipue insitit in tradenda notitia vocum, quæ omnino prærequiritur ad veram rerum cognitionem comparandam. Quo fit, vt voces ipsæ non pertineant ad præsens institutum secundum quod in eis attenditur congruitas, vel ornatus; sic enim ad Grammaticam, & Rhetoricam spectant: sed prout deseruiunt ad discernendum verum à falso, seu ad ordinandas, & dirigendas operationes intellectus, ac proinde sub hac ratione voces sunt obiectum, seu materia huius tractatus.

Per quod etiam patet, quis sit finis eius: si enim de proximo loquamur, est additum patefacere: ad difficilia, quæ in Logica continentur penetranda; si verò sermo sit de fine remoto, hic non distinguitur à fine totius Logicæ, qui est dirigere operationes intellectus, ne errent in cognitione veritatis. Ex quo etiam satis apparet utilitas, & necessitas harum institutionum.

DE PARTITIONE.

Communior Dialecticorum sententia partitur hunc tractatum iuxta diuisionem operationum intellectus, quibus ipse, & tota Logica deseruit. Et ideo sciendum est triplicem esse operationem nostri intellectus. *Prima* dicitur apprehensio, & est actus, quo res simpliciter cognoscimus, absque eo quod aliquid affirmemus, vel negemus. *Secunda* dicitur iudicium, seu compositio, & diuisio: & est actus, quo aliquid de aliquo affirmamus, vel negamus. *Tertia* appellatur ratiocinatio, seu discursus: & est actus, quo vnum ex alio colligimus. Quia ergo voces, quæ sunt materia huius tractatus, prædictis operationibus inseruiunt apprehensioni quidem voces simplices; iudicio propositiones, quæ ex eisdem vocibus simplicibus fiunt, & tandem discursui argumentationes ex talibus propositionibus contextæ: ideo tractatum istum tribus libris absolueamus. In *primo* erit sermo de vocibus

bus simplicibus, seu terminis, & eorum proprietatibus. In *secundo* agemus de propositione, & passionibus eius. Et tandem in *tertio*, de argumentatione, eiusque speciebus, & proprietatibus disputatio instituitur.

Cæterum: quia ad facile, & firmiter acquirendam cognitionem cuiuscunque obiecti, omnino oportet præscire modum, quo illa sit comparanda (& propterea Logica, quæ docet generales modos sciendi in alijs scientijs, addiscitur ante illas, iuxta illud Arist. 2. Metaph. capit. ult. *Ab absurdum est simul scientiam, & modum sciendi querere*) ideo prius quam ad singulos huius tractatus libros accedamus, aliqua de modis sciendi necessariò tradenda sunt, quæ ut præambula toti operi præmittimus: ne proprium procedendi modum, seu methodum inuertamus.

Per quod facile soluitur quæstio, qua nonnulli recentiores in præfati, non sine temporis dispendio valde implicantur: an scilicet incipiendum sit à terminis, vel à modo sciendi? Respondetur enim, quòd licet iuxta methodum tradendis disciplinis aptiorem, quæ appellatur methodus compositionis, incipiendum esset à terminis: quia sunt partes modi sciendi, & consequenter priores, & simplices illo. Hoc tamen verum est secundum se, & quando aliud non obstat: quia ut in Proœmiis dicemus, quan-
doque utimur methodo arbitraria:

propter aliquas speciales causas occurrentes. Vnde, quia nos ignorato modo sciendi vix possumus aliorum notitiam comparare; quia ipsum est generale instrumentum ad acquirendam scientiam, ideo oportet aliqua de illo prælibare, methodum arbitriam sequentes. Quos duos procedendi modos, ut quantum fieri possit cõplectamur, quæ de modo sciendi dicenda sunt, ut præambula præmittimus, postea in primo libro de terminis disputari.

Dices: ad prima instrumenta alicuius artis efficienda non præcesserunt alia, sed ad id deseruierunt res aliquæ naturales: ergo pari ratione in Logica, & his institutionibus, ad quas pertinet tradere prima, & generalia instrumenta, seu modos sciendi, non debet præsupponi notitia ipsius modi sciendi, sed ad hoc sufficet ipse intellectus, qui est Logica naturalis; aliàs dabitur processus in infinitum.

Respondetur, quòd argumentum solum probat, ad cognoscendos modos sciendi non esse præsupponendam aliam cognitionem modi sciendi, sed ad id sufficere lumen naturale intellectus: non tamen probat ad acquirendam notitiam aliorum, quæ non sunt modus sciendi, nempe terminorum, propositionum, & similium non esse necessariam cognitionem modi sciendi. Imò ex hoc summitur efficax argumentum pro nostra sententia, ut consideranti patebit.

5

PRÆAMBULA DE MODIS sciendi.

MODVS sciendi est *Oratio ignoti manifestatiua*. In qua definitione, *oratio*, ponitur loco generis; quia in illa conuenit modus sciendi, cum alijs orationibus, quæ non sunt modus sciendi, vt cum propositione, & similibus. Quid autem sit oratio, describi potest pronunc rudi minerua sic; oratio est *Plures voces congruè se habentes, & diuersa significantes, vt animal rationale*, per quas particulas excluditur à ratione orationis terminus æquiuocus (verbi gratia) canis, qui licet diuersa significet, non tamen est plures voces. Excludantur etiam termini synonomi, vt Marcus Tullius Cicero; nam licet sint plures voces, non tamē significant diuersa.

Vt autem intelligatur quid sit ignotum manifestare, sciendum est, ignotum esse duplex: aliud incomplexum vt homo, & aliud complexum, vt hæc propositio, *Homo est risibilis*. Manifestare etiam tunc propriè dicimur, quando rem inconfuso, & in tenebris latentem in palam adducimus, & explicamus. Quare modus sciendi erit oratio illa, in qua aliquod ex his ignotis de confuso in palam adducitur, & explicatur. Et hic est sensus illorum verborum. *Oratio alicuius ignoti manifestatiua*.

Huiusmodi autem modus sciendi est triplex, scilicet, definitio, diuisio, & argumentatio. Cuius partitionis sufficientia ostenditur ex præfata diuisione ignoti. Si enim illud fuerit complexum, manifestatur per argumentationem; si vero incomplexum, vel ignoramus essentiam; & hanc explicat definitio, vel partes eius, & has manifestat diuisio. Ergo sicut nullum aliud datur ignotum, quod manifestetur, ita nullus datur alius modus sciendi, qui manifestet. Sit exemplum in homine, cuius si ignores essentiam, manifestatur per definitionem, dicēdo. *Est animal rationale*. Si verò ignores partes eius, manifestantur hac diuisione. *Hominis alia pars est anima, alia corpus*. Et tandem si ignores propriam passionem, quæ de illo prædicatur in hac propositione, *Homo est risibilis*, manifestatur per hanc argumentationem. *Omne rationale est risibile. Omnis homo est rationalis, ergo omnis homo est risibilis*.

Sed contra definitionem modi sciendi obijcies; quia si modus sciendi est oratio ignoti manifestatiua; ergo quando iam fuerit clarè cognita natura hominis, hæc definitio, *animal rationale*, non erit modus sciendi, siquidem tunc non manifestat ignotum.

Respondetur, quòd licet definitio actum non manifestet ignotum ei, qui iam clarè cognouit naturam definiti: tamen ex natura sua est manifestatiua: & hoc sufficit ad rationem modi sciendi: quia verba in definitione non dicunt actum, sed aptitudinem, iuxta vulgare Dialecticorum axioma infra explicandum.

Obijcies secundò contra diuisionem modi sciendi: quia propositio re vera est modus sciendi; & tamen non est diffinitio, diuisio, aut argumentatio: ergo modus sciendi est quadruplex. Probatur maior: quia si ignoranti naturam hominis dicatur: *Homo est animal*, verè manifestatur illi aliquod ignotum: ergo propositio est ignoti manifestatiua, & ex consequenti modus sciendi.

Hoc argumento aliqui conuicti concedunt propositionem esse modum sciendi, ac proinde ipsum esse quadruplicem: hæc tamen solutio falsa est: nam de ratione propositionis solum est enuntiare vnum de alio: ad hoc autem vt verè manifestaret ignotum, deberet aliqua via ostendere, sic esse, sicut per talem propositionem asseritur, quod tamen non fit per ipsam, sed per argumentationem, vt patet. Et ideò respondetur, propositionem verè non manifestare ignotum, sed tantum enuntiare: quia secundum quòd est propositio non necessariò affert res notiores, in quo consistit manifestatio modi sciendi.

Quòd si aliquando in illa contineatur definitio, aut diuisio, vt cum dicitur: homo est animal rationale, aut, hominis alia pars est anima, & alia corpus; tunc quidem propositio manifestat ignotum, nò tamen ratione sui; sed ratione definitionis, aut diuisionis, quæ in ea includuntur.

DE DIFFINITIONE.

Diffinitio solet communiter diuidi in diffinitionem, *quid rei*, & *quid nominis*. Diffinitio quid rei est, quæ explicat rei naturam. Diffinitio verò nominis est, quæ, quid nomen significet, aperit, vt quando fari explicatur per loqui, aut cosmos per mundum, ad quam reducitur ethymologia, vt si dicas, lapidem dici à lædendo pede. Verè enim per hoc non explicatur natura ipsius nominis, vt res quædam est.

Non latet nos alios aliter explicare diffinitionem, quid nominis, sed non placet eorum expositio: nam definitio quid nominis, vt distinguitur à definitione quid rei, solum potest esse explicatio significationis nominis, vel per aliud nomen clariùs, vel per ethymologiam eius, aut alio consimili modo: si enim nomen verè definiatur, iuxta regulas benè definiendi per genus, & differentiam, vt si dicatur nomen, *homo*, est *vox significatiua ad placitum naturæ rationalis*, &c. talis definitio verè erit quid rei; si quidem

quidem nomen, prout sic definitum, verè est res quædam, & ens habens essentiam, quæ possit per definitionem explicari. Ex quo tandem fit, solam definitionem rei esse propriè, & simpliciter definitionem, & ex consequenti prædictam diuisionem ad summum esse analogam, vt est ea, qua homo diuiditur in viuum, & pictum. Relicta ergo definitione quid nominis.

Definitio quid rei est *oratio explicans naturam rei*. In qua definitione, *oratio*, ponitur loco generis; alia verò loco differentie; quia in ratione orationis conuenit definitio, cum alijs modis sciendi, & per explicare essentiam differt ab illis, vt proportionabiliter diximus in definitione modi sciendi.

Potest autem dupliciter explicari essentia, nempe per partes essentielles, vel per proprias passionem. Et idè definitio quid rei est duplex: alia essentialis, quæ scilicet explicat naturam rei, per partes essentielles: quæ si fuerint Metaphysicæ, nempe genus, & differentia, definitio dicitur Metaphysica, & huiusmodi est animal rationale. Si verò partes fuerint Physicæ, scilicet materia, & forma, definitio dicitur Physica, vt homo est constans corpore, & anima rationali. Quæ definitio dicitur, etiam causalis intrinseca: quia datur per causas intrinsecas, scilicet materialem, & formalem.

Alia est definitio descriptiua, quæ scilicet explicat essentiam, per

propriam passionem, vt animal risibile, ad quam pertinet definitio causalis, quæ datur per causas extrinsecas, scilicet, efficientem, & finalem, vt quando dicimus: homo est creatus à Deo ad beatitudinem consequendam. Vt autem hæ definitiones causales sint bonæ, debent assignari propriæ causæ definiti: si enim causæ sint communes, non poterit definitio conuerti cum suo definito, vt per se patet. Et idè præcise, per causam materialem, scilicet materiam primam, non potest aliquid benè definiri: nec similiter, per causam efficientem vniuersalem propter eandem rationem.

Vtrum autem præter definitionem essentialem, & descriptiuam detur definitio accidentalis, quæ scilicet tradatur, non per propriam passionem, sed per accidentia communia, difficultas est inter Doctores, quæ tamen non potest in præsentia commodè explicari, donec examinemus, quæ accidentia sint propriæ passionem, quæ verò communia: de quo agendum est in fine prædicabilium. Pro nunc tamen certum debet esse, definitionem accidentalem, in cuius genere, & differentia definitum conuenit cum alijs rebus, non posse esse exactam; qua ratione, *animal album*, non est bona definitio hominis, quia non solum in animali, sed etiam in albedine conuenit homo cum alijs, quod est contra rationem differentie, & bonæ defini-

initionis: & in hoc sensu reijciunt aliqui definitionem accidentalem, quæ quidem merito reijceretur, si hoc modo explicanda esset talis definitio.

Cæterum, probatiorēs Dialectici, per definitionem accidentalem intelligunt eam, in qua differentia sumitur ex aliquibus accidentibus communibus, quæ licet separatim sumpta conueniant alijs; tamen simul iuncta soli definito conueniunt, vt si dicas. *Homo est animal palebrum, vipes, implume, habens caput erectum.* Hæc enim omnia sunt accidentia communia, & separatim sumpta conueniunt alijs; iuncta verò soli homini conueniunt. Et in hoc sensu definitio accidentalis verè est admittenda, cum seruet leges benè definiendi: ac proinde definitio in communi erit triplex, scilicet essentialis, descriptiua, & accidentalis: nisi hanc vellis ad descriptiuam reducere, eoquod omnia illa accidentia communia, simul iuncta, quodammodo sunt propria definiti.

Hic solent assignari aliquæ regulæ bonæ definitionis. Prima est, quod definitio sit clarior suo definito. Vocatur autem definitum id, quod explicatur per definitionem, vt in hac definitione, *animal rationale*, definitum est homo. Debet ergo definitio esse: clarior definito: quia aliàs non posset ipsum manifestare.

Ex qua conditione infertur se-

cunda, scilicet, quod definitum nõ debet ingredi definitionem. Si enim ingrederetur, idem esset notius, & ignotius: cum esset definitum, & pars definitionis.

Tertia est, quod nec sit superflua; nec diminuta. Superflua enim potius parit confusionem, quàm claritatem; vt si dicas, *Homo est animal rationale album*: diminuta verò non explicat totam essentiam definiti, vt cum dicitur. *Homo est viuens sensibile.*

Quarta, & principalis est, quod definitio constet genere, & differentia, vel saltem aliquo supplente vicem generis, & differentia. Cum enim essentia cuiuslibet rei, quæ per definitionem explicatur, habeat aliquid cum alijs commune, quod appellatur genus, & aliquid sibi proprium, & peculiare, quod dicitur differentia, planum sit, vtrum què exprimendum esse in definitione, vt explicari possit tota natura definiti.

Ex qua conditione infertur vltima, quod scilicet definitio conuertatur cum definito, & è contra. Cum enim definitio contineat totam essentiam definiti, consequens est nulli alteri posse conuenire.

Iuxta quas regulas duo sunt modi arguendi in definitione. Primus est, à definitione ad definitum affirmatiuè, & negatiuè, & è contra est bona cõsequentia, vt est animal rationale; ergo homo: non est animal rationale; ergo non est homo, & è contra.

Secun-

Secundus ferè in idem recidit, quòd scilicet quidquid prædicatur de definitione, prædicetur de definito, & è contra. Hoc autem intelligendum est, de prædicatis realibus, non verò de intentionalibus, seu prædicatis rationis: non enim valet, definitio est modus sciendi: ergo definitum est modus sciendi; nec similiter, animal rationale est oratio: ergo homo est oratio; nec aliæ consequentiae similes.

Circa modum autem loquendi obseruandum est, quòd inquirenti, quæ sit ista definitio, responderi debet, est essentialis, vel descriptiua, Physica, vel Metaphysica, &c. si verò inquiretur qualis sit ista definitio, responderi debet, est bona, vel mala: erit quidem bona, si seruet leges assignatas; mala autem, si illas transgrediatur. Numquam verò definitio dicenda est vera, vel falsa, cum non sit propositio, cuius est verum, vel falsum significare.

Contra definitionem definitionis obijcies. Primò, quia idem non potest definiri per se ipsum, aliàs esset notius, & ignotius, contra secundam regulam: ergo definitio non potest definiri. Probatur consequentia: quia si definiretur, definiretur per definitionem, & sic idè definiretur per se ipsam. Respondetur, rationem definitionis in cõmuni definiri per quandam definitionem in particulari: sicut (ut alij dicunt) definitionem in actu sig-

nato definiri per quamdam definitionem in actu exercito: ac proinde non definitur idem per se ipsum formaliter loquendo, nam ipsa ratio definitionis in communi, quæ est definitio in actu signato, non est definitio in actu exercito, sed potius definitum, quod explicatur per quamdam definitionem in actu exercito.

Obijcies secundò: quia definitio definitionis, scilicet, *Oratio explicans naturam rei*, conuenit diuisioni: ergo est mala. Probatur antecedens: quia diuisio explicat partes rei, sed partes sunt idem quod natura eius: ergo diuisio explicat naturam rei.

Respondetur, negando antecedens: ad cuius probationem distinguenda est minor, si enim sensus sit partes esse realiter idem quod natura rei, concedenda est; neganda verò, si sensus sit formaliter esse idem. Vnde quamuis diuisio explicando partes explicet id, quòd realiter est ipsa essentia, & natura: non tamen explicat illud formaliter, prout est essentia, sicut facit definitio, sed solum explicat multiplicitatem in tali essentia existentem; quòd alijs verbis solet dici, scilicet, definitionem explicare essentiam, quasi coniungèdo partes, & componèdo totum: diuisionem verò quasi distinguendo, & diuidendo. Primum indicatur, dum dicitur, definitionem explicare essentiam rei; nã essentia significat per modum totius coniuncti, & vni.

Secundò,

Secundum verò declaratur dicendo: diuisionem explicare multipliciter, quia multiplicitas importat disfunctionem, & separationem.

DE DIVISIONE.

Diuisio est *oratio explicans multipliciter, seu totum in suas partes distribuens*, vt hominis, alia pars corpus, alia anima rationalis. Quæ definitio eodem modo explicatur, ac præcedentes. Solum est addendum, rem, quæ diuiditur, appellari diuisum; partes in quas diuiditur, membra diuidentia, & orationem, quæ tales partes explicat, diuisionem. Cum ergo proprium sit diuisionis, diuidere totum in suas partes, iuxta diuerfos modos totius, diuersæ etiam erunt diuisiones: quare sicut totum est triplex, scilicet potentiale, actuale, & accidentale; ita etiam triplex est diuisio, alia potentialis, alia actualis, & alia accidentalis.

Diuisio potentialis, quæ etiam dicitur vniuersalis, est illa, qua totum diuiditur in partes, quas sub se, & in potentia continet. Hæc autem est duplex: alia generis in species, quando scilicet diuisum æqualiter, & essentialiter reperitur in membris diuidentibus: vt cum animal diuiditur in hominem, & equum. Et partes, seu membra huius diuisionis dicuntur partes subiectiue: ad quam reducitur diuisio generis in differentias; vt quando

animal diuiditur per rationale, & irrationale, non enim hæc est diuersa diuisio à præcedente, neque propriè genus dicitur diuidi in differentias, sed per differentias diuiditur in species.

Alia est diuisio analogi in analogata, quando scilicet diuisum principaliter est in vno membro diuidenti, & minus principaliter in alijs: vt sanum respectu animalis, vrinæ, & medicinæ; ens respectu Dei, & creaturarum, & sic de alijs. In qua diuisione diuisum appellatur analogum; & membra diuidentia, analogata, quorum primum dicitur principale analogatum, quia ratio analogi reperitur in illo simpliciter, & absolute, in alijs verò, secundum quid, & per participationem à primo, vnde etiam emanauit illud commune proloquium, analogum per se sumptum stat pro famosiori significato: quæ latè explicanda sunt in ante prædicamentis.

Diuisio actualis est, qua totum diuiditur in partes, ex quibus componitur, siue illæ sint Physicæ, vt hominis alia pars anima, alia corpus; siue Metaphysicæ, vt hominis, alia pars animal, alia rationale; siue integrantes, vt hominis alia pars caput, alia manus, &c. Et ideo diuisio actualis solet subdividi in Physicam, Metaphysicam, & integram.

Diuisio accidentalis est, qua totum accidentale diuiditur in suas partes, sitque multipliciter. Primum,

mò, quando diuiditur subiectum in accidentia, vt corpus aliud album, aliud nigrum. Secundò, quando è contra diuiditur accidens in subiecta, vt album aliud nix, aliud papyrus. Quibus solet addi alia tertia diuisio, nempe accidentis in accidentia, vt cum dicimus, album aliud frigidum, aliud calidum. Hæc tamen diuisio non omnino distinguitur ab enumeratis, nam si diuisum sit de essentia membrorum diuidentium, vt contingit in hac, coloratum aliud album, aliud nigrum, talis diuisio reducitur ad diuisionem generis in species, quia perinde est, ac si dicatur, color alius albedo, & alius nigredo, quæ propriè est diuisio generis in species. Si verò diuisum non sit de essentia membrorum diuidentium, sed accidentaliter coniungatur illis, vt cum dicimus, album aliud frigidum, aliud calidum, reducitur ad diuisionem subiecti in accidentia, quia tunc album, quod est diuisum, habet rationem subiecti respectu caloris, & frigoris, quatenus non solum supponit pro corpore, quod est subiectum dictorum accidentium, sed etiam exercet talem suppositionem, vt explicabimus infra disputatione quarta, agentes de varijs generibus prædicationum.

Regulæ pro bona diuisione sunt. Prima, quòd membra diuidentia sint opposita, idest, inter se distincta re, vel ratione, quia aliàs non essent partes, de quarum ratione

est, se inuicem excludere. Ex quo etiam sequitur, in qualibet diuisione ad minus debere esse duo membra diuidentia, vt de se constat.

Secunda regula est, quòd membra diuidentia seorsum sumpta sint inferiora diuiso, illudquè coniuncta, ita adæquent, vt non excedant. Et vtriusque ratio est, quia, diuisum est totum, & membra diuidentia partes: totum autem, licet excedat vnâ partem, non tamen excedit omnes, neque exceditur ab eis.

Tertia solet assignari, quòd diuisio tradatur, per pauca membra diuidentia, ne eorum multitudo obscuritatem, & confusionem pariat, propter quod diuisiones communiter assignantur, per membra contradictoria, exprimendo scilicet membrum principale, & loco aliorum, negationem eiusdem principalis, vt cum dicimus. *Animal aliud rationale, aliud irrationale. Vivens aliud sensibile, & aliud insensibile*, & sic de alijs.

Vt autem hæc conditio sit vndequaque recta, intelligenda est, cum grano salis, nam in primis, si omnia membra diuidentia alicuius diuisi, vt omnes species alicuius generis notæ fuerint, & in diuisione ennumerentur, quamuis plures sint, proculdubio diuisio erit bona, quia licet per accidens ex defectu nostri intellectus fortè generet confusionem, secundum se tamen est manifestatiua multiplici-
tatis diuisi. Caterum, quia non
sem-

semper nota sunt omnia membra diuidentia: vel dato quòd sint nota; non tamen sunt necessaria ad propositum de quo agitur: idèd frequētius solet diuisio tradi per pauca membra, comprehendendo sub aliquo eorum alia, quæ sub diuiso continentur. In quo sensu intelligenda est prædicta regula.

Pro qua etiam secundò notandum est, quòd quando diuisio datur per vnum membrum posituum, & aliud negatiuum, vt in hac: *Animal aliud rationale, & aliud irrationale*: tunc membrum negatiuum, nempe *irrationale*, non est intelligendum purè negatiuè: sic enim non solum conuenit brutis, sed etiã plantis, elementis, & alijs, quæ non continentur sub animali: siquidem omnia hæc non sunt rationalia; ac proinde sunt negatiuè irrationalia, quod tamen est cōtra secundam regulam, iuxta quam vnū membrum diuidens, non potest extendi vltra diuisum. Debet ergo membrum negatiuum alicuius diuisionis summi præuatiuè, vt scilicet significat carentiam alterius membri positiui intra proprium diuisum, & isto modo irrationale est membrum diuidens in prædicta diuisione: quia prout sic non significat carentiam rationalitatis in quocumquẽ subiecto, sed solum intra genus animalis.

Tres sunt modi arguendi circa diuisionem. Primus est, à diuiso ad omnia membra diuidentia, & è contra: valet consequentiā, tam

affirmatiuè, quàm negatiuè: vt est animal; ergo rationale, vel irrationale, est rationale, vel irrationale, ergo animal, &c.

Secundus: à membro diuidenti ad diuisum valet affirmatiuè: non tamen negatiuè. A diuiso verò ad quodlibet membrum diuidens, valet negatiuè, non tamen affirmatiuè, vt non est animal, ergo neque homo. In reliquis exempla patent.

Tertius: à diuiso, cū negatione vnus, vel plurium membrorum secundum qualitatem diuisionis, ad affirmationem alterius membri restantis bene valet, vt est animal, & non rationale, ergo irrationale: est elementum, & non ignis, aer, vel aqua, ergo terra.

Modus autem loquendi in diuisione idem est ac in definitione: nā interroganti, quæ sit hæc diuisio? Respondetur, potentialis, vel actualis, &c. si verò inquiratur qualis sit? Respondetur, bona, vel mala, non tamen vera, vel falsa.

Obijcies contra dicta, & primò contra diuisionem diuisionis: quia diuisio nominis, quæ scilicet nomen diuiditur in sua significata, vt nomen canis, quòd significat canem marinum, cœlestem, & latrabile, est vera diuisio; & tamen non continetur sub enumeratis: ergo diuisio diuisionis est insufficiens.

Respondetur, significationem in vocibus esse quoddam accidens rationis, ad placitum positum in ipsa entitate reali vocis, vt infra dicemus,

cemus, & ideo quando vox diuiditur in sua significata, diuifio est subiecti in accidentia, nempe cuiusdam subiecti realis in quadam accidentia rationis.

Obijcies secundo contra secundam regulam: quia hæc est bona diuifio. *Homini alia pars animal, alia rationale*, & tamen vnum membrum diuidens, nempe *animal* est superius diuifio, & excedit illud ergo falsa est dicta regula. Respõdetur, animal posse summi dupliciter, scilicet vt est totum potentiale, & vt est pars actualis: primo modo est superius ad hominem, & prædicatur de illo: sic autem non est membrum diuidens in illa diuifione: secundo modo est pars actualis hominis, & quid inferius ad illum, & hoc modo, vt est membrum diuidens in prædicta diuifione.

DE ARGUMENTATIONE.

Argumentatio est. *Oratio explicans illationem vnius ex alio*. siue vt alij dicunt: *Est oratio in qua vñ ex alio inferri denotatur*. Hæc enim in idem recidunt: vt Petrus ambulat, ergo mouetur. Ex quo sequitur primo, ad argumentationem non sufficere, quod vnum possit inferri ex alio, sed necesse est, vt explicetur illatio: propter quod ista non est argumentatio: *Petrus ambulat, & mouetur*. quia ibi non explicatur motum inferri ex ambulatione.

Secundò sequitur, tria reperiri in argumentatione. Primum est, id

ex quo aliquid inferitur: quod si fuerit vnica propositio, dicitur antecedens: si verò fuerint duæ, prima dicitur maior, & secunda minor. Secundum est, id quod inferitur ex antecedenti, & dicitur cõsequens. Tertium est nota illationis, quæ dicitur consequentia: quia indicat consequens inferri ex antecedenti (verbi gratia) in hac argumentatione: *Omne rationale est risibile, omnis homo est rationalis, ergo omnis homo est risibilis*. Duæ primæ propositiones se tenent ex parte antecedentis, & appellatur maior, & minor; tertia verò dicitur consequens, & tandem illa particula: *ergo*, dicitur consequentia, seu nota illationis: quia designat cõsequens inferri ex antecedenti.

Hæc autem nota illationis triplex est, alia *additionalis*, in qua illatio fit media particula, *si*, vt si homo currit mouetur: alia *rationalis*, in qua ponitur particula, *ergo*, vel *igitur*, vt Petrus est rationalis: ergo risibilis: & alia *causalis*, in qua ponitur particula, *quia*, vel *similis*, vt quia homo est rationalis est admiratiuus. Alijs etiam modis potest fieri illatio, vt bene notat Soto tr. 2. t. 1. sum. mularum, cap. 15. vt si dicas: quando Petrus disputat, bene agit: vbi ignis est, calor est, &c. Quia tamen omnes istæ illationes resoluntur in aliquam ex tribus assignatis, vt consideranti patebit: ideo has tantum enumerat communiter Dialectici: imò quia ferè omnes illationes possunt resolui,

solui, & exerceri per illationem rationalem, idè ipsa frequentius in argumentis utimur. Cum ergo triplex sit nota illationis, ut vidimus, triplex etiam erit argumentatio, scilicet conditionalis, causalis, & rationalis. Relicta autem conditio-
nali, & causali, quarum non ita frequens usus est in disputationibus.

Argumentatio rationalis est quadruplex, scilicet syllogismus, enthymema, inductio, & exemplum. Syllogismus est argumentatio constans tribus propositionibus maiori, scilicet minori, & consequentia. Enthymema est argumentatio constans duabus, nempe antecedenti, & consequenti. Inductio est argumentatio, in qua ex pluribus singularibus inferitur aliquod uniuersale, ut hic ignis calefacit, & hic ignis calefacit, & sic de singulis; ergo omnis ignis calefacit. Tandem exemplum est argumentatio, in qua ex aliquo singulari aliud singulare simile colligimus: ut Deus pepercit Ninivitis, poenitentiam agentibus; ergo tibi etiam parcat, si poenitentiam egeris. Solet etiam diuidi argumentatio in materialem, & formalem. Quid autem utraque sit, commodius explicabimus lib. 3. sicut etiam an omnes quatuor argumentationes enumeratæ sint veræ species argumentationis, & in quo propria vniuscuiusque ratio consistat.

De modo seruando inter disputantes multa dicenda sunt in voce: quia tamen eorum obliuione plu-

res in disputando emergunt abusus, aliqua oportet scripto prænotare cum Magistro Soto, Toletio, Villalpando, & alijs, ut à proprio modo arguendi, & respondendi, nec minimum deflectatur. Sit ergo prima regula tam pro arguente, quam pro respondente, ne finem disputationis, qui est veritatis inquisitio, peruerant, & idè cauenda est proteruia, quod clarè falsum est defendendo, vel quod manifestè est verum pertinaciter negando. Poterit tamen exercitij gratia verum aliquando impugnari, & falsum aliquando defendi.

Secunda regula pro arguente est, ut breuiter, & perspicue proponat argumentum, neque extra formam aliquid loquatur, sed sinat respondentem suas partes agere. Ita tamen, in probationibus se debet gerere, ut propositio à respondente negata sit consequens argumenti succedentis: alias nihil se fecisse putet: ad quod debet optimè nosse artem inueniendi medium, de qua in fine huius tractatus differemus.

Tertia tandem regula pro respondente sit, quòd argumentum à contrario propositum ipse integrum resumat, ut respondens cum arguente conueniat, posteaque iterum repetatur maior, & si fuerit falsa; negetur; si vera, concedatur, si ambigua, distinguatur: si verò fuerit argumento indifferens, ita ut ad illud non intersit, an sit vera, vel falsa; dicatur, transeat maior. Post hæc verò repetetur minor, & ibi fiat

fiat (si faciendum est) sicut dictum est de maiori: quacumque tamen negata, ibi cessavit responsio. Si autem minor concedatur, repetetur consequens, quod nec concedi, nec negari potest, sed tantum distingui: & secundum unum, aut alterum sensum eius concedetur, vel negabitur consequentia. Itaque antecedens, seu maior, & minor possunt concedi, negari, distingui, vel transire: consequens neque cōcedi, ne-

que negari, sed solum distingui: cōsequentia verò nunquam potest distingui: sed tantum concedi, aut negari. Qui tamen concessa maiori, & minori negat consequentiam, tenetur ostendere defectum argumenti, aliās committens censendus est. Non autem licet respondenti cum concedit, aut negat aliquam propositionem, amplius loqui, si verò distinxerit, licebit membra distinctionis breviter explicare.

*LIBER PRIMVS DE VOCIBVS
simplicibus, scilicet terminis, & eorum
proprietatibus.*

EXPLICATIS generalibus, & necessarijs instrumentis sciendi, iam facile poterit aliorum noticia comparari: & ideo in hoc primo libro, iuxta methodum supra præscriptam, agendum est de vocibus simplicibus, seu terminis, pro quo fit.

C A P V T P R I M V M

De significatione, seu ratione signi.

QVIA Significatio est, id ratione cuius voces, aut scripturæ dicuntur termini, sub qua proinde consideratione pertinent ad institutum Dialecticum: operpretium est, antequam de ipsis terminis agamus, breviter exponere, quid sit significare, seu esse signum, & quot modis contingat.

Significare ergo est: *Potentia cognoscitiue aliud à se repræsentare*, atque ita signum erit illud, *Quod*

præter sui cognitionem alterius cognitionem inducit: siue ut definit D. August. 2. de Do&. Christia. cap. 1. Signum est, quod præter speciem, quæ ingerit sensibus aliud aliqua facit in cognitionem venire: sicut vestigio viso transisse animal, cuius vestigium est cogitamus, & fumus est signum ignis: quia fumo viso, statim ducimur in cognitionem ignis etiam occulti. Quo fit, ut cuilibet signo respondeat duplex cognitio, quæ solet

solet appellari notitia. Prima est ipsas signi, quæ, scilicet, signum cognoscitur, ut cognitio filii. Secunda est, quæ cognoscitur res illa cuius est signum, ut cognitio ignis.

Solet autem diuidi signum in formale, & instrumentale. Appellatur signum formale, quod se ipso, & absque præuia sui cognitione aliquid repræsentat, cuiusmodi sunt actus intellectus, quos non prius cognoscimus, quam per eos res ipsas cognoscamus, sed ipsi per se sunt expressæ quædam similitudines rerum.

Signum verò instrumentale est illud, quod præsupposita cognitione sui, aliquid aliud repræsentat, ut Imago depicta Christi Domini est signum instrumentale: quia prius ipsa cognoscitur, posteaquæ res repræsentata per illam: & huiusmodi signum est, quod supra definiuimus cum Augustino, quodquæ propriè, & simpliciter dicitur signum, & de quo agimus in præsentī: nam hoc modo voces dicuntur signa, ut de se patet.

Hoc ergo signum instrumentale est duplex, aliud naturale, & aliud voluntarium, seu ad placitum. Signum naturale est, quod ex sua intrinseca ratione (seclusa hominum voluntate) aliquid aliud repræsentat, quomodo fumus est signum ignis, & omnis effectus suæ causæ. Signum ad placitum est, quod ex hominum institutione aliud repræsentat, quomodo sonitus cymbali est signum lectionis, & omnes vo-

ces rerum, quas significant. Nam quod hæc vox, *homo*, significaret naturam humanam ex hominum voluntaria impositione processit. Talis autem impositio fieri debet auctoritate publica, ut patet: & est duplex, alia propria, cum scilicet vox vsurpatur iuxta propriam significationem, quomodo vox, *homo*, significat hominem, & vox, *leo*, leonem. Alia impropria, cum scilicet vox significat per metaphoram, & translationem, ut quando, *agnus*, significat Christum, & *Nero*, hominem crudelem. Ad hæc autem signa reducitur signum, quod appellatur ex consuetudine. Si enim consuetudo fundetur in natura, est signum naturale, si verò fundetur in voluntate humana, est signum ad placitum.

Dices, imago Cæsaris non significat illum naturaliter, neque ad placitum: ergo insufficiens est prædicta diuisio. Probatur antecedens quoad primam partem: quia imago non à natura, sed ab arte habet, ut significet: quoad secundam verò: quia si imago Cæsaris sit vera, eius effigies non pendet ex hominum voluntate, quod Cæsarem repræsentet, ergo, &c. Resp. imaginem Cæsaris esse signum naturale illius, quia quauis præcesserit ars, quæ fuit depicta, facta tamen imagine, iam significat ex naturali similitudine, & non ex hominum impositione.

Sed contra, quia idem dicendum erit de vocibus. nimirum quod li-

cet significant ex impositione; ea tamen facta, naturaliter significant. Respondetur negando sequentem: cum enim imago sit naturalis similitudo; manente ipsa, non potest aliam rem representare, aut proprium prototypum non exprimere: at verò vox eadem manens potest significationem amittere, vel mutare; & idè non est simile.

Ex dictis inferatur, voces nò pertinere ad institutum dialecticum secundum suam realem entitatem, in quantum scilicet sunt quidam soni in aëre causati; sed secundum quòd impositæ sunt ad significandas res, & ut medijs ipsis proprios conceptus explicamus. Vnde entitas realis vocum se habet ut materia, significatio verò ut forma, ratione cuius ipsæ pertinent ad obiectam Logicæ. Ex quo tandem fit voces non significatiuas, ut *blitiri*, *scindapsus*, & similes non pertinere ad præsens institutum.

CAPVT II.

De natura, seu essentia termini.

Aristoteles primo priorum definit terminum, dicens. *Terminus autem eum appello, in quem resolvitur propositio, ut predicatum, & id de quo predicatur.* Ex quibus verbis desumpta est communis definitio, scilicet, *Terminus est extremum propositionis*, sicut enim extrema puncta alicuius lineæ dicuntur eius termini; quia talis linea non habet ullam sui partem extra illa: sic etiam extrema propositionis, nempe subiectam,

& prædicatum vocantur termini; quia intra illa tota propositio clauditur. Et idè in definitione adducta, *extremum* ponitur loco generis; quia in illo conuenit terminus logicus cum extremis lineæ, & aliarum rerum: loco verò differentie ponitur ly *propositionis*: quia per hoc differt ab illis: siquidem vltima puncta sunt extrema lineæ; terminus verò logicus est extremum propositionis.

Ex hac Arist. definitione orta est difficultas, quæ solet in præsentia cōtrouerti: an scilicet voces extra propositionem sint termini. In qua parte affirmatiuam defendunt aliqui, cōtendentes, voces esse verè terminos ex eo præcise, quòd habeant aptitudinē ad cōponendam propositionem, etiāsi actu non cōponant illam. Quorū fundamentū est; quia iuxta cōmune Dialecticorū axioma, verba in definitione nò dicuntur actū, sed aptitudinē: ergo ad hoc, quòd voces sint termini, non est necesse, ut actu finiāt propositionem, sed sufficit posse illam terminare. Cū autē talē aptitudinē habeant extra propositionem, ut patet, planè videtur sequi verè esse terminos extra illam.

Confirmatur ex communi modo loquendi: nam voces simplices indifferēter appellamus terminos, siue sint intra, siue extra propositionem: ergo utroque modo verè conuenit illis ratio termini.

Nihilominus communior, & vera sententia negat voces extra propositionem, propriè loquendo, esse

B

termi-

terminos, quæ est procul dubio mens Aristot. in prædictis verbis, & ex eis facile suadetur. Tum, quia voces extra propositionem non possunt verè appellari extrema, vt à simili cernitur in puncto respectu linearum; in lapide limitari, respectu fundi, & similibus. Tum etiam, quia sola illa potentia, seu aptitudo vocum ad componendam propositionem non sufficit, vt ipsa dicatur resolui in illas; siquidem totum non potest resolui, nisi in partes, ex quibus acta componitur, vt de se notum est. Tum præterea: quia suppositio, ampliatio, & aliæ proprietates terminorum non conueniunt vocibus extra propositionem, vt est per se manifestum, & constabit infra: ergo neque etiam ipsa essentialis ratio termini, à qua illæ dimanant. Tum denique: quia si voces extra propositionem essent termini, iam vna, & eadem vox (verbi gratia) *homo*, simul, & simpliciter esset subiectum, & prædicatum; siquidem extra propositionem indifferens est, & habet aptitudinem ad vtrumquè. Quod tamen esse falsum satis conuincitur, ex eo quòd subiectum, & prædicatum sunt veræ species termini, vt postea dicemus; ac proinde idem simul, & simpliciter, esset sub diuersis speciebus eiusdem generis, quod omnino repugnat, vt aliquando ostendimus. Restat ergo voces extra propositionem, propriè loquendo, non esse terminos.

Vt autem hæc plenè percipian-

tur, appareatque in quo deficiat contraria sententia, perpendendum est, quid propriè significant, & in quo differant hæc tria, *Vox, nomen, & terminus*. Etenim *vox*, significat illam entitatem realem soni, qui in ore animalis causatur ex collisione quarundam partium eius: & propterea sonus ponitur in definitione vocis. *Nomen* autem supra illam entitatem realem soni addit significationem, quæ tali entitati aduenit ex impositione humana: & idè nomen definitur ab Aristot. quòd sit vox significatiua ad placitum, &c. vt infra videbimus. Quare sola entitas realis illius soni, si ab ea præscindamus significationem, dicitur quidè, & est verè vox, non tamen potest appellari nomen: quia nomen importat vtrumque.

Terminus verò ultra entitatem realem vocis, & significationem nominis addit esse extremum, finirequè propositionem: & idè hæc est optima eius definitio. *Terminus est nomen extremum propositionis*. Quare entitas realis vocis simul cum significatione, si ab ea præscindatur esse extremum propositionis, seu cõponere illam; dicitur quidè, & est verè nomen; non tamen potest propriè appellari terminus: quia vtrumque est de ratione eius. Ex quo tandem fit, quòd sicut in entitate reali vocis sola aptitudo, quam habet, vt imponatur ad significandum, nõ sufficit ad veram rationem nominis, sed

sed debet actui habere significationem: ita etiam sola aptitudo nominum, ut collocentur in propositione, non sufficit ad veram rationem termini; sed necesse est, ut actu sint extrema eius.

Quamvis autem hæc ita sint, sæpè tamen à nobis confunduntur ista verba; & ideo voces interdum appellamus nomina; & nomina terminos. Quæ confusio decepit auctores contrariæ sententiæ; dum ex eò quòd voces extra propositionem verè sint nomina, colligunt, debere etiam esse terminos. Per quod patet ad cõfirmationem sui argumenti: quamvis enim in communi usu loquendi sæpè has voces confundamus; non tamen idèò confundenda sunt earum significata: quia ut dicitur secundo Topicorum: cum pluribus loquendum est, sentiendum verò cum paucioribus.

Ad argumentum autem responderetur, axioma illud procedere, quãdo ipse actus non est de essentia definiti: tunc enim verba in eius definitione dicant aptitudinem, & non actum: ut patet in homine, de cuius essentia, quia non est actus ratiocinari; idèò quando definitur per animal rationale, solum est sensus esse animal aptum ratiocinari. Si verò de essentia definiti sit aliquis actus, tunc verba in eius definitione non tantum dicunt aptitudinem, sed etiam actum. Et hoc contingit, vel ob infinitam perfectionem: ut in Deo, de cuius essen-

tia est, esse actum purissimum, ac proinde si posset definiti, verba talis definitionis revera significarēt actum: vel ob summam imperfectiōem, sicut in entibus rationis, ut magis explicabimus infra disputatione 2. Et huiusmodi sunt. *Terminus, nomen*, & similia, ut ex dictis patet.

CAPUT III.

De varijs diuisionibus termini.

SI vera sint, quæ capite præcedenti diximus, planum sit, terminum prima, & immediata diuisione diuidi in subiectum, & prædicatum: sicut enim in eadem linea tantum sunt duo puncta extrema, ita in una propositione tantum sunt duo termini, scilicet prædicatum, & subiectum. Quod fit, ut per talem diuisionem propriè diuidatur terminus, quatenus terminus est: quia sicut ratio termini, sic etiam rationes prædicati, & subiecti, propriè loquendo, non inueniuntur extra propositionem: ac proinde prædicatum, & subiectum possunt essentialiter definiri sic. *Prædicatum est terminus, qui dicitur de alio, & subiectum est terminus, de quo dicitur aliud.* Ex quo tandem fit, prædictam diuisionem esse essentialē, & generis in species: cum enim terminus essentialiter sit pars propositionis: & pars quatenus pars essentialiter diuidatur in materialem, & formalem; satis apparet, terminum essentialiter diuidi in subiectum, &

prædicatum: quorum alterum, scilicet subiectum, est pars materialis propositionis, alterum verò scilicet prædicatum est pars formalis illius.

Rursus: terminus diuiditur in mentalem, vocalem, & scriptum, sicut triplex est propositio, scilicet mentalis, vocalis, & scripta. Terminus mentalis est extremum propositionis mentalis: vocalis est extremum propositionis vocalis: & scriptus propositionis scriptæ. Quæ diuisio est accidētis in subiecta: nam facit hunc sensum: ratio termini, vel potest reperiri in actibus intellectus, vel in vocibus, vel in scripturis: quæ omnia habent rationem subiecti respectu formalitatis termini, quæ est quoddam accidens rationis. Quamuis autem termini, & propositiones scriptæ suo etiam modo pertineant ad considerationem dialecticam, sicut vocales: quia scripturæ etiam, sicut & voces suo modo iuuant ad dirigendū intellectū; & propterea communiter enumerentur à Doctoribus in hac diuisione: tamen quia parum conducunt, non est cur immoremur circa illa. Relicto ergo termino scripto.

Terminus mentalis appellatur conceptus mentis; diuiditurque in vltimum, & non vltimum; siue vltimatum, & nō vltimatum. Prior est, qui habetur de re significata per vocem; & dicitur vltimus: quia ibi sistit intellectus. Posterior verò est, qui habetur de ipsa voce, & dicitur

non vltimus: quia ibi non sistit intellectus, sed transit ad ipsam rem significatam. Quò fit, vt conceptus vocum non significatiuarum possint appellari vltimi: quia non ordinantur ad alios.

Diuiditur etiam terminus mentalis in directum, & reflexum. Conceptus directus est, qui habetur de re, vel de voce. Reflexus verò est cognitio præcedentis cognitionis; vt cum quis cognoscit, se cognouisse. Dicitur autem reflexus: quia tunc intellectus supra se ipsum reflectitur: ad quod requiritur, vtramque cognitionem esse in eadem potentia; si enim Paulus cognoscat Petrum cognouisse, cognitio Pauli non est reflexa, sed directa, vt de se pater. Hæc autem diuisio est subiecti in accidentia.

Terminus vocalis, de quo præcipuè agimus in præsentī, diuiditur prima diuisione in categorimaticum, & syncategorematicum. Categorimaticus idem valet, ac significatiuus, & est ille, qui aliquid per se significat, seu qui in propositione est integrum subiectum, aut prædicatum, vt *homo, leo, &c.* Syncategorematicus, idest, consignificatiuus, est ille, qui per se separatus nō significat aliquid; iunctus tamē categorimatico facit illum aliter significare; vt *omnis, nullus, aliquis, vterque*, & similes: propter quod dicitur consignificatiuus. Appellatur etiam modus subiecti, vel prædicati: quia per se non potest esse subiectum, aut prædicatum, sed tan-

tum illa modificare. Qua de causa solet frequenter dici, terminum categorematicum significare aliquid, syncategorematicum verò aliquam literam: propter quod etiam iste comparatur optimè literis consonantibus, quæ licet per se non sonent; iunctæ tamen vocalibus faciunt illas aliter, & aliter sonare. Ex quo eadem fit terminum syncategorematicum non esse simpliciter terminum, sed tantum secundum quid; & ex cōsequenti prædictam diuisionem esse analogam.

His solet etiā addi terminus mixtus, qui scilicet virtualiter includit duas voces, quarum altera est terminus categorematicus; altera verò syncategorematicus, ut nemo, id est nullus homo. De termino autem syncategorematico, qui solet appellari signum, infra c. 4. agemus.

Deinde, terminus categorematicus diuiditur in incomplexum, & complexum. Incomplexus est, cuius nulla pars separata significat, ut homo, leo, & omnes voces simplices. Complexus verò est, cuius partes separatæ significant iuxta significationem totius, ut homo albus. Per quod excluditur à ratione termini complexi ille, cuius partes separatæ aliter significant, quàm in toto, ut Dominus, Sacerdos, & alij similes. Ex quibus incomplexus simpliciter est terminus; complexus nā. quæ cū includat plures voces, & cōsequenter sit oratio, secundum quid rārum potest esse terminus. Ac proinde hæc etiam diuisio est analogica.

Rursus, terminus incomplexus

est triplex. Alius vniuocus, qui scilicet significat plura in aliqua una ratione omnino conuenientia, ut homo, & animal. Alius æquiuocus, qui scilicet significat plura, nullo modo conuenientia, secundum quod per nomen significantur, ut canis respectu latrabilis, marini, & celestis, quibus prout sic nihil est commune præter nomen. Alius analogus, qui scilicet significat plura, neque omnino conuenientia, neque omnino disconuenientia, sed medio modo, nempe quodammodo inter se similia, ut sanum respectu animalis, vrinx, & Medicinæ: quia sicut animal dicitur sanum; quia habet in se sanitatem: ita vrina quodammodo dicitur sana: quia indicat sanitatem animalis: & medicina etiam, quia illam causat.

Vbi obseruanda est regula pro analogis, & æquiuocis, quod scilicet terminus analogus, si per aliquam particulam determinetur, & restringatur ad vnum suorum significatorum, potest fieri vniuocus; ut si cani, qui est terminus æquiuocus, addatur latrabilis, fit vniuocus ad omnes canes latrabiles. Similiter, si homini, qui est terminus analogus ad vitium, & peccatum, addatur vitias, fit terminus vniuocus, & idem est de alijs.

CAPVT III.

De alijs diuisionibus termini vocalis.

Secundò diuiditur terminus vocalis in communem, & singularem. Terminus communis est, qui significat plura diuisim: unde ter-

minus collectiuus, quia ratione est terminus collectiuus, vt populus, ciuitas, gens: non potest esse terminus communis: quia non significat quemlibet hominem seorsim, & diuisim, sed omnes simul. Diximus: *Qua ratione est terminus collectiuus*: quia si populus consideretur, vt abstrahit ab hoc, vel illo populo, verè est terminus cõmunis (& idè est de alijs) quia diuisim significat hunc, vel illum populũ, sicut homo in communi diuisim significat hũc, vel illũ hominẽ. Hac tamen ratione populus, & alij similes termini non sunt collectiui, vt de se patet.

Subdiuiditur autem terminus communis in transcendentẽ, & nõ transcendentem: iste est, qui de aliquibus prædicatur, vt homo, animal: ille verò, qui in omnibus rebus inuenitur, & idè dicitur trãscedens, id est, supra omnia ascendens, & eorum vltimas differentias penetrans. Sub quo sex communiter enumerantur, scilicet ens, res, verum, bonum, aliquid, vnum.

Terminus singularis est, qui tantũ significat vnum, vt Petrus, aut plura coniuncta, vt Granata. Et est quadruplex, scilicet determinatus, nempe qui vnum determinatè significat vt Petrus. Demonstratiuus, qui scilicet signo demonstratiuo afficitur, vt hic homo. Ex suppositione, qui scilicet quamuis posset plura significare, tamẽ suppositione facta, vnum tantũ significat. Quomodò, *Filius Mariæ Virginis*, significat Christum. Et vagus, qui scilicet significat vnum, sed non

determinando, an sit hoc, vel illud, vt quidam homo.

Tertiò diuiditur terminus vocalis in concretum, & abstractum. Concretus est, qui significat formã concernendo subiectum, vt album, quod significat albedinem in subiecto; & homo, qui significat humanitatem in supposito. Abstractus est, qui tantũ significat formam, vt albedo, & humanitas.

Quarta diuisio est in absolutũ, & connotatiuum. Absolutus idè est, quod apud Grammaticos nomen substantiuum, & est ille, qui significat per modum per se stantis. Connotatiuus idem valet, ac nomen adiectiuum, & est ille, qui significat per modum alteri adiacentis.

Quintò, diuiditur in terminum finitum, & infinitum. Terminus finitus est, qui afficitur negatione infinitante, vt non homo. Finitus verò est, qui simili negatione caret. Pro quo sciendum est, duplicem esse negationem: aliam, quæ tantũ afficit terminũ; & dicitur infinitans: quia reddit terminum infinitum, vt non homo: & aliam, quæ afficit copulam, vt lapis non est homo: & dicitur negatio negans, semper quæ efficit propositionem negatiuam: quia iuxta commune proloquium, negatio hæc est malignantis naturæ, & quidquid post se inuenit, destruit, ac eius oppositum reddit.

Dices, Aristot. i. Periher. cap. 2. exclusisse voces infinitas à ratione nominis: ergo multo magis debent excludi à ratione termini, siquidẽ omnis terminus vocalis est nomẽ, vt su-

vt supra vidimus. Respondetur, ibi Aristot. tantum appellare nomina, eas voces, quę possunt deferuire ad propositionem sciētificam, quales non sunt termini infiniti, vt patet: nos autē in pręsenti loquimur vniuersaliter de quibuscumque terminis, vt cognoscamus, qui eorum apti sint ad propositionem sciētificam; qui verò, ab illa reijciuntur. Et in hac lata acceptione voces infinitas vocamus terminos.

Sed cōtra: quia pari ratione posset affirmari, voces non significatiuas esse terminos, siquidem vtrumquę potest fieri ex illis propositio, etiam si non possint deferuire sciētijs. Respon. negando sequelā: Dialecticus enim tractat de vocibus in ordine ad rectam rerum cognitionem: & ideo tantum voces significatiue earūdem rerū possunt pertinere ad cōsiderationem dialecticam, à qua proinde merito reijciuntur voces nihil significantes. Vnde etiam fit, ipsas verè non esse terminos, nisi fortè vellis eas sic appellare, propter quandam remotam, & imperfectissimā similitudinē; hoc enim parum interest, dū asseratur, materialiter tantum illas esse terminos, vt patet, quādo dicitur, *bliti non est scindapsus*. & sic de alijs.

Sexta diuisio est in terminū primæ, & secundæ intentionis. Terminus primæ intentionis est, qui significat rem secundum id, quod habet à parte rei, vt homo, & equus. Terminus verò secundæ intentionis est, qui significat rem secundum id, quod habet ex cōsideratione

intellectus, vt genus, species, & similes.

His explicatis: restat comparare terminos inter se, & ita, loquendo de illis in plurali, sunt in duplici differentia Alij dicuntur impertinentes: alij verò pertinentes. Impertinentes sunt, quorum vnus, neque infert alterum, neque repugnat illi, vt album, & dulce. Pertinentes verò sunt, quorum vnus, vel infert alterum, vt homo, & animal; vel repugnat illi, vt homo, & equus. Primo modo appellantur pertinentes sequela: secundo verò modo dicuntur pertinentes repugnantia.

Rursus pertinentes sequela, alij sunt conuertibiles, quorum scilicet vnus infert aliam, & infertur ab illo, vt homo, & rationale. Alij sunt non conuertibiles, quorum scilicet vnus infert alium, non tamen infertur ab illo, vt homo, & animal.

Pertinentes repugnantia, alij sunt, qui quamuis sint omnino diuersi; tamen non sunt propriè oppositi, vt homo, & equus: & hi vulgò appellantur disparati. Alij verò sunt propriè oppositi, nempe quia habent inter se aliquam veram oppositionem. Cū autem oppositio sit quadruplex, vt dicemus in postprædicamentis, inde est huiusmodi terminos esse in quadruplici differentia. Alij opponuntur contrariè; vt calor, & frigus. Alij contradictoriè, vt homo, & non homo. Alij priuatiuè, vt visus, & cecitas. Et alij relatiuè, vt Pater, & filius.

CAPUT V.

De suppositione.

AD eum modum, quo terminus sortitur essentiam, habet etiam suas proprietates, quæ talem essentiam consequuntur. Sicut enim ex essentia hominis oriuntur admiratio, risibilitas, & aliæ passiones, sic ex eo quod termini sint voces significatiæ componentes propositionem, in quo consistit eorum essentia, oritur, quod hoc, vel illo modo supponant, amplientur, restringantur, &c. quæ consequenter sunt proprietates, seu passiones terminorum. Quare cognita iam essentia, & multiplicitate terminorum, restat eorum proprietates inuestigare, quæ sunt suppositio, ampliatio, restrictio, alienatio, diminutio, & appellatio: sic enim terminorum tractatus manebit absolutus.

Suppositio ergo, quæ primum locum obtinet inter has proprietates. *Est positio, seu usus termini loco alicuius*, vel ut alij dicunt, *Est acceptio termini pro se, vel pro suo significato*. Congruentior tamē est prima definitio: nam hæc secunda potius accedit ad diuisionem, cum ibi pro differentia ponantur membra diuidentia suppositionis, quod quantum fieri possit, vitandum est in definitionibus.

Diuiditur autē suppositio in materialē, & formalem. Materialis est positio termini loco sui ipsius, ut in hac propositione, homo est nomē, ly, *homo*, supponit pro ipsa voce; non verò pro re significatā, & dicitur materialis: quia tunc voces nō

exercent officium signi, sed materialiter se habent in propositione. Suppositio formalis est positio termini loco rei significatæ; nam, ut dixit Arist. 1. Elencor. c. 1. *Cū non liceat res ipsas in differendo afferre, nominibus vice rerum utimur*. Hūc ergo usum, quo nominibus utimur loco rerum significatarum, appellamus suppositionem formalem, & dicitur talis: quia voces tunc sumuntur formaliter, ut signa.

Porro suppositio formalis, alia est propria, alia impropria, seu metaphorica, sicut de significatione diximus sup. c. 1. Deinde, propria est duplex, alia simplex, & alia realis, seu personalis. Suppositio simplex est positio termini, pro suo immediato, & primo significato tantum: quo contingit, quando subiectum est terminus primæ intentionis, prædicatum verò secundæ, ut homo est species; ly enim, *homo*, nō supponit pro Petro, vel Paulo, aliā suppositio esset falsa, sed tantum pro natura humana in communi, quæ est primum, & immediatum significatum illius vocis. Hoc autē non solum contingit in terminis communibus; sed etiam in terminis singularibus, ut cum dicitur, Petrus est individuū; ly enim, *Petrus*, tantum supponit pro immediato significato, nempe pro hoc individuo; non verò pro natura humana in communi, quæ est significatum remotum. Atque ita sicut propter suppositionem simplicem, hæc nō est bona consequentia, homo est species; ergo Petrus est species, sic propter

propter eandē suppositionem non valet ē contra, Petrus est indiuiduum: ergo homo est indiuiduum.

Suppositio realis, seu personalis est positio termini, non solum pro primo, & immediato; sed etiam pro secundo, & remoto significato, vt in his propositionibus, homo est animal, vel homo disputat: vbi ly *homo*, nō tantum supponit pro natura humana, sed etiam pro indiuiduis eius. Qui etiā modus suppositionis, non solum inuenitur in terminis communibus, vt patet in exemplis positis (& tunc dicitur suppositio realis communis) sed etiam in terminis singularibus, vt cū dicitur, Petrus studet: tunc enim Petrus supponit, non solum pro immediato; sed etiam pro remoto significato, scilicet natura humana, & ita valet Petrus studet, ergo homo studet. Quæ suppositio appellatur realis discreta.

Præterea suppositio realis est duplex, alia accidentalis, & alia naturalis. Accidētalīs est positio termini pro re existēte, secundū tēpus importatū per copulā, vel secundū exigētiā prædicati, vt cū dicitur, homo est disputās, ly *homo* ratione copulæ supponit pro hominibus præsentibus, & ratione prædicati supponit pro viris: nā disputare nō conuenit scēminis. Quæ suppositio accidit, quādo propositio est in materia cōtingenti. Suppositio naturalis est positio termini pro omnibus suis significatis, tam existētib; quā non existētib;: quod cōtingit, quādo propositio est in ma-

teria naturalistūc enim illa copula, est, nō importat tēpus præsens, sed vnionē quandā perpetuā inter prædicatum & subiectum, & ideo tales propositiones dicūtur absolui à tēpore: quia nō vniunt extrema pro aliquo determinato tēpore, sed sēper propositio est vera, quāuis extrema in rerū natura non existant.

Rursus, suppositio communis est quadruplex. Prima dicitur distributiuā, & contingit, quando terminus accipitur pro omnibus suis significatis seorsim, & copulatiuē sumptis, ita scilicet, vt prædicatum de omnibus illis in propositione copulatiua verificetur, v. g. in hac propositione, homo est animal, ly *homo* supponit distributiue: quia supponit pro hoc, & illo homine seorsim, & copulatiue, atque ita verum est dicere: hic homo est animal, & hic homo est animal, &c.

Secūda appellatur copulatiua, & est acceptio termini pro omnibus suis significatis nō seorsim, sed simul, & collectiue sumptis, vt in hac propositione, omnes Apostoli Dei sunt duodecim, ly, *Apostoli*, nō supponit pro his, vel illis Apostolis seorsim sumptis, sed pro omnibus collectiue; non enim valet: omnes Apostoli sunt duodecim: ergo Petrus, & Paulus sunt duodecim: bene tamen valet, ergo isti, & isti, & isti simul sumpti sunt duodecim.

Tertia est suppositio determinata, quādo scilicet terminus accipitur pro omnibus suis significatis sumptis seorsim, & distinctiue, vt alius quis homo est albus; nō enim licet inferre

inferre in propositione copulatiua: ergo hic homo est albus, & hic homo est albus, sed solum in propositione disiunctiua: ergo hic homo, vel hic homo est albus.

Quarta tandem appellatur suppositio confusa, & contingit, quando terminus accipitur pro omnibus significatis simul, & disiunctim: id est, quando ita terminus sub disiunctione sumitur pro hoc, vel illo significato (in quo differt hæc suppositio à distributiua) ut non determinatè supponat pro aliquo (in quo etiam distinguitur à determinata) sed confusè pro omnibus simul, sub disiunctione, tamen sumptis, ut dictum est: v.g. in hac propositione, oculus requiritur ad videndum, ly, *oculus*, non supponit determinatè pro vno oculo, sicut si diceremus, aliquis oculus requiritur ad videndum: nec similiter supponit distributiue pro omnibus seorsim, & copulatiue, non enim valet: ergo iste oculus requiritur; sed supponit cum quadam confusione, pro omnibus simul, sub disiunctione tamè, & sic benè valet: ergo iste, vel ille oculus requiritur ad videndum.

Denique suppositio distributiua est duplex. Alia pro singulis generum, quæ etiam solet appellari completa, & est acceptio termini, non solum pro omnibus speciebus, sed etiam pro omnibus indiuiduis earum, ut in hac propositione, omne animal est viuens, quæ facit hunc sensum, hoc animal, & hoc animal, & hic homo, & hic homo est viuens. Alia est pro generibus singulorum,

soletque appellari incompleta, & est acceptio termini pro omnibus speciebus, non tamè pro omniibus indiuiduis earum, ut in hac propositione, omne animal fuit in arca Noe: reddit enim hunc sensum, ex omnibus speciebus animalis aliquid animal fuit in arca Noe.

His explicatis: quia terminorū suppositio maximè variatur ex a. l. mixtione signorum, quæ supra diximus esse terminos syncategorematicos, oportet illa explicare, prius quam regulas statuamus ad suppositiones cognoscendas. Signa ergo sunt in triplici differentia. Quedam parè vniuersalia, ut *omnis, nullus*. Quedam parè particularia, ut *aliquis, quidam*. Et alia mixta ex particulari, & vniuersali, ut *uterque*, id est, aliquorum duorum omnis, *uterque*, id est, aliquorū duorum nullus, *alter*, id est, omniū duorum aliquis: atque etiam termini numerales, ut *bis, tria, &c.* Quæ omnia sunt signa mixta ex vniuersali, & particulari, sicut *semper, aliquando*, & similia miscentur ex categorematico, & syncategorematico.

Hoc igitur supposito quādo terminus nullo afficitur signo, & propositio est in materia contingenti, supponit determinatè; si autè propositio fuerit in materia naturali, aut remota, supponit distributiue: quia ut infra constabit, propositio indefinita in materia contingenti æquiualeat particulari, in materia verò naturali, & remota, æquiualeat vniuersali. Quando verò terminus

affi-

afficitur aliquo signo, ad cognoscendum quomodo supponat, sequentes regulæ sunt obseruandæ.

Prima pro signis vniuersalibus. Signum vniuersale affirmatiuum distribuit terminos proximos, & confundit remotos, hoc est, subiectum facit supponere distributiue; prædictum vero confusè, vt in hac propositione, *Omnis homo est animal*, vbi homo supponit distributiue, animal vero confusè. (Excipitur suppositio copulata, quæ non variatur ratione signi vniuersalis, vt omnes Apostoli sūt duodecim, vbi ly, *Apostoli*, non supponit distributiue, sed copulatè) si verò signum fuerit vniuersale negatiuum, distribuit terminos, tam proximos, quam remotos, scilicet prædictum, & subiectum, vt in hac, *nullus homo est equus*, vbi homo, & equus supponunt distributiue.

Secunda regula pro signis particularibus. Signum particulare affirmatiuum facit terminum proximum supponere determinatè; remotum verò intactum relinquit: vt *aliquis homo est animal*, vbi homo supponit determinatè, animal verò, ac si nullum esset signum: si verò signum fuerit particulare negatiuum, terminum quidem proximum determinat, remotum verò distribuit ratione negationis, vt *aliquis homo non est albus*.

Tertia regula pro signis mixtis ex vniuersali, & particulari. Hæc signa partim distribuunt, & partim determinant terminos immediatos: v.g. *alter*, binnarium distribuit, & disiungit: quando enim dicitur, *alter oculus est dexter*, sensus est; omnium

duorum iste, vel ille est dexter. Similiter, *uterque*, binnarium quasi determinat, & copulatiue distribuit pro hoc, & illo; nam cum dicitur, *uterque pes est claudus*, sensus est; aliquorum duorum pedum iste, & iste est claudus. Vbi obseruandum est, quod quia aliqua ex his signis magis accedunt ad purè vniuersalia, vt *uterque*; & *neuter*, alia verò propinquiora sunt purè particularibus; ideo cum proportionem dicendum est, quod in prioribus magis cernitur suppositio distributiua, in posterioribus verò, determinata.

Quarta regula pro mixtis ex termino categorematico, & syncategorematico est; idem de illis iudicandum esse, ac si categorema, & syncategorema forent disiuncta. Et ideo quando signum, quod includit terminum mixtum, est vniuersale affirmatiuum, vt *semper*, id est, omni tempore, distribuit terminum categorematicum, cui coniungitur scilicet tempus; alios verò confundit: vt si dicas, *semper homo disputat*, ibi tempus distribuitur, homo verò, & alij termini confunduntur; quando autem signum est vniuersale negatiuum, vt *nunquam*, distribuit, tam categorema cum quo iungitur, quam alios terminos, vt si dicas, *nunquam homo disputat*. Et idem, seruata proportionem, dicendum est de alijs.

Quinta, & vltima regula est, quod quilibet terminus, cui applicatur actio verbi, confunditur, vt cum quis dicit, *bis cantauit Missam*, ibi Missa, confunditur; quia confusus remanet sensus, an cantaret duas Missas, vel bis cantaret eandem.

Et hæc

Et hæc signa appellantur specialis confusionis.

Tandem duo alia obseruanda sunt. Primum est, has regulas intelligendas esse tam respectu terminorum, qui ponuntur in recto, quam eorum, qui ponuntur in obliquo. Vnde in hac propositione. *Aliquis equus hominis currit*, ly, *hominis*. Supponit determinatè, sicut equus. Similiter in hac. *Omnis equus hominis currit*, ly, *hominis*, supponit distributiue.

Secundum est, quod si plura signa afficiant eundem terminum, tunc attendatur signum æquipolens, & quomodo istud fecerit terminum supponere, eodem modo efficiant alia duo: verbi gratia, in hac propositione, *Non omnis homo est animal*: quia *non omnis*, valet idè, ac *Aliquis non*, idè talis propositio æquiualeat huic, *Aliquis homo non est animal*, ac proinde in illa homo supponet determinatè, animal verò distributiue, iuxta secundam regulam. Si verò quodlibet signum afficit suum terminum, in eo exercet proprium officium, & consequenter impedit aliam, vt in hac propositione. *Nullus equus est aliquis lapis*, ly, *equus*, supponit distributiue, & *lapis* determinatè: quia licet illud signum negatiuum, *nullus*, habeat vim distribuendi terminum remotum, iuxta primam regulam, impeditur tamen à signo secundo, quod afficit ipsum prædicatum, & sic non exercet suum officium respectu illius. Hæc autem omnia sunt valde notanda pro di-

cendis: nam ex varietate suppositionis oriuntur ferè omnes defectus argumentationum, vt infra videbimus.

CAPVT SEXTVM.

De ampliatiōe, restrictiōe, alienatione, & diminutione.

Ampliatio est *Extensio termini à minori ad maiorem suppositionem*, vt in hac propositione, *Petrus currit*, ly, *Petrus*, non solum supponit pro tempore futuro, sed ampliatur ad præsens: quia reddit hunc sensum, qui est, vel erit, curret. Duplex autem est ampliatio alia temporum, quando scilicet suppositio termini extenditur ad varias differentias temporis, quæ apud Logicos sunt quinque, nempe præteritam, præsens, futurum, possibile, & imaginariū, vt in hac propositione, *aurus expetit pecunias*, pecuniæ ampliantur ad omnes differentias temporis: quia reddit huic sensum, *aurus expetit pecunias*, quæ sunt, vel fuerunt, vel erunt, vel sunt possibles, vel imaginariæ. Alia est ampliatio temporum, & suppositorum, quando scilicet suppositio termini extenditur, non solum ad differentias temporis, sed etiam ad plura subiecta, vt in hac propositione, *Iusti in perpetuum viuunt*, ly, *iusti*, nō solum ampliatur ad tempus præsens, & futurum ratione illius verbi de futuro, sed etiam ad homines præsentēs, & futuros. Et hæc ampliatio conuenit terminis communibus, prima verò singularibus.

restrictio (quæ ampliatiōi opponitur) est *constrictio termini à maiori*

maiori ad minorem suppositionem. Fit autem quatuor modis. *Primò* per copulam implicationis, ut homo qui est iustus, diligit Deum; ubi ly *homo* restringitur ad solos iustos. *Secundò* per applicationem substantiui inferioris; ut animal homo disputat. *Tertiò* per positionem adiectiui ex parte eiusdem extremi; ut homo albus disgregatissimus. Et *Quartò* per additionem casus obliqui, ut doctrina D. Thom. præstantior est alijs.

Alienatio est translatio termini à propria, ad impropriam significationem, ut in hac propositione, Vicit leo de tribu Iudæ, ubi leo trāsferatur à propria significatione, ad significandam Christam Dominum.

Tandem diminutio est *Detractio partis suppositionis*, ut quando dicitur, *Aethyops est albus secundum dentes*, ly *albus* non supponit pro toto homine, sed pro quadam eius parte, scilicet dentibus; & hoc solet appellari, *dictum secundum quid*. Si autem cōtingat terminum detrahi à tota significatione, tunc dicitur remotio; ut si diceremus, homo irrationalis est brutum. Plura circa hæc possent annotari, quæ tractant aliqui, sed ut facilia, & solò naturalis rationis ductu nota prætermittenda sunt.

CAPVT VLTIMVM.

De appellatione.

Appellatio est applicatio significati formalis vnius termini ad significatum alterius. Pro cuius intelligentia notandum est, in termi-

no concreto duplex significatum reperiri: alterum formale, & est ipsa forma, quam concretum significat; ut humanitas, & albedo sunt significata formalia hominis, & albi: alterum verò materiale, & est subiectum, seu suppositum, quod concernit nomen concretum: ut corpus est significatum materiale albi; & persona est significatum materiale hominis. Appellare ergo erit applicare significatum formale vnius termini ad significatū, siue materiale, siue formale alterius; & propterea terminus, qui applicatur, dicitur appellans; ille verò cui applicatur, dicitur appellatus.

Hinc sequitur primò, terminum appellantem debere esse connotatiuum, ut possit applicari alteri: nam ut diximus supra cap. 4. de ratione huius termini est significare, per modum alteri adiacentis. Terminus verò appellatus non necessariò est connotatiuus; sed sufficit esse categorematicus.

Secundò etiam sequitur, appellationem esse duplicem; aliam materialem, nempe quando applicatur significatum formale vnius termini supra significatum materiale alterius; ut in hac propositione. *Petrus Logicus est magnus*, ubi magnitudo non applicatur Petro ratione Logicæ, sed ratione corporis: & aliam formalem, quando scilicet applicatur significatum formale vnius supra significatum formale alterius; ut si dicas, *Petrus est Logicus magnus*, ibi enim magnitudo

non

non appellat supra Petrum ratione corporis, sed ratione Logicæ.

Hoc supposito: pro appellationibus cognoscendis aliquæ regulæ obseruandæ sunt. Prima, quando subiectum est terminus concretus, prædicatum verò connotatiuus; connotatiuus applicat suum formale significatum supra materiale absolutum. Hac de causa, ista propositio est falsa, *Christus est factus*: quia illud participium appellat supra suppositum Christi Domini, quod est Verbum Diuinum, cui repugnat fieri. Et eadem ratione, hæc est vera, *Christus est æternus*, iuxta illud Pauli ad Hebr. ult. *Christus heri, & hodie: ipse, & in seculum*.

Dices: in hac propositione, *album est disgregatum visus*, prædicatum appellat supra formale albi, nempe albedinem, & non tantum supra corpus: ergo falsa est regula adducta. Respondetur negando antecedens: nam sensus propositionis est, quod habens albedinem disgregat visum: & ex vi sermonis nõ curat propositio, an id proueniat ratione albedinis, vel aliunde.

Secunda regula: quando ex parte subiecti sunt nomen absolutum, & connotatiuum, & ex parte prædicati est aliud connotatiuum; istud appellat supra absolutum, seu substantiuum, quod est à parte subiecti: vt in hac propositione, *Petrus Logicus est magnus*, ibi magnitudo tantum appellat supra Petrum, & non supra Logicam. Si verò à parte subiecti sit tantum substantiuum; & à parte prædicati duo ad-

iectiua, seu connotatiua; tunc vnum adiectiuum appellat supra aliud, vt in hac propositione, *Petrus est Logicus magnus*.

Tertia regula: verba significantia aliquem actum, siue internum, siue externum, applicant suam actionem supra significatum formale termini, cui iunguntur, & non supra materiale; vt cum dicis: *Vidi Papam*, vel facio calceum; sensus est, te vidisse Papam, dum erat Papa, & efficere formam calcei, non verò eius materiam.

Quarta regula: nomina numeralia primitiua, vt *duo, tres, quatuor*, &c. quando applicantur terminis substantiuis, non solum appellant supra significatum materiale, sed etiam supra formale: & ideo vtrumque multiplicat: vt si dicas, *video tres homines*: sensus est, video tria supposita habentia tres humanitates. Si verò talia nomina applicantur terminis adiectiuis, solum appellant supra significatum materiale eorum, & illud tantum multiplicat; non verò significatum formale: vt cum dicis, *vidi duo alba*, sensus est, vidisse duo subiecta habentia albedinem: essetque propositio vera, etiam si per impossibile vna albedo esset in utroque.

Propter hanc regulam ista propositio est hæretica, *in diuinis sunt tres Dii*: quia reddit hunc sensum; in diuinis sunt tria supposita habentia tres Deitates, quod est contra fidem. Istæ verò sunt veræ, & Catholicæ. *In diuinis sunt tres diuini, tres omnipotentes, tres sapientes,*

tes, tres aeterni, &c. si hæc nomina sumantur adieciuntur : quia sensus est; in diuinis sunt tria supposita habentia Deitatem, omnipotentiam, aeternitatem, &c. Non verò si sumantur substantiue, quo sensu loquitur Athanasius in symbolo. Videatur D. Thom. 1. part. quæst. 39. art. 3. & Caiet. ibid.

Propter eandem etiam regulam, si vna persona diuina assumeret plures humanitates, non dicerentur plures homines, sicut neque è contra, si plures personæ assumerent eandem humanitatem; possent tamen tunc dici plures humani. Si verò plures personæ assu-

merent plures naturas, verè dicerentur plures homines; quia tunc multiplicaretur, tam significatum materiale, quam formale, quod requiritur ad multiplicationem termini substantiui, vt explicatum est. Videatur D. Th. 3. p. q. 3. art. 6. & 7.

In fine huius capituli notandum est, quod consequentia redditur mala, si varietur appellatio, hoc est, si transit de formali ad materialem; & ideo non sequitur; calceus est corius, fit calceus; ergo fit corium. Quod etiam in alijs proprietatibus terminorum contingit, vt consideranti patebit, & constabit amplius ex dicendis.

LIBER SECVNDVS DE PROPOSITIONE, & passionibus eius.

COGNITIS vocibus simplicibus, quæ ad primam operationem intellectus dirigendam pertinent; transeundum est ad propositiones, quæ ex illis componuntur, & secundæ operationi deferuiunt. Cum autem oratio sit quid superius ad propositionem, vt postea constabit; & hæc coalescat ex nomine, & verbo; ideo de his tribus, antequam ad ipsam accedamus, aliqua prælibanda sunt.

C A P V T P R I M V M.

De nomine, & verbo.

PLVRES partes orationis considerant Grammatici, & Rhetores; quia ad congruitatem, & ornatum illius sunt omnes necessariae. Dialecticus verò, cum solum intendat verum à falso secernere; duas tantum considerat, quæ propositioni deferuiunt; scilicet no-

men, & verbum, de quibus Aristot. lib. 1. Periherm. antequam de propositione ageret, disputauit. Quamuis autem explicatum sit à nobis, in quo differant terminus, & nomen; huius tamen ampliorem notitiã oportet tradere, vt ita, in quo à verbo differat, cognoscamus.

No-

Nomen ergo ex Arist. ibidem c. 1. est *vox significatiua ad placitū, sine tēpore, cuius nulla pars separata significat, finita, & recta*. Dicitur *vox significatiua*, vt excludantur non significatiuæ; *ad placitum*, vt excludantur signa naturalia: *sine tēpore*; vt excludatur verbum, cuius proprium est significare cum tempore, vt postea explicabimus; *cuius nulla pars, &c.* vt excludatur oratio: *finita*; vt excludatur nomen infinitum; & tādē additur, *recta*; vt excludantur casus obliqui. Ex quo constat, Arist. in præsentī definisse nomen, in itriētissima significatione, in quantum scilicet potest deferuire propositioni scientificæ, vt supra notabamus. Propter quod excludit à ratione nominis propriè dicti terminos complexos, infinitos, syncategorematicos, & obliquos; qui omnes, sicut secūdum quid tantum appellantur termini, ita etiam secūdum quid tantum possunt dici nomina.

Verbum etiam ex eodem Arist. c. 2. est *vox significatiua ad placitum, cum tempore, cuius nulla pars separata significat, finita, & recta; & est semper eorum, quæ de altero dicuntur nota*. Priores particulæ, scilicet, *vox significatiua ad placitū, cuius nulla pars separata significat*; ex dictis notæ sunt; vt autē intelligatur, quæ sequitur, scilicet, *cū tempore*; obseruandum est non esse idem, *significare tempus, connotare tempus, & significare cum tempore*. Illud ergo dicitur significare tempus, quod impositum est ad signifi-

candum tempus, vel aliquam partem eius; vt *annus, dies, tēpus, &c.* Illud verò dicitur connotare tempus, quod significat aliquid inferens, & concernens aliquod tempus, ex eo quod determinato tempore fieri soleat; vt *Cœna, pranditū, & similia*. Illud autem dicitur significare cum tempore, quod significat quasi in actu exercito aliquā actionem, vel passionem, quæ hūc in tempore, prout in illo fiunt; vt *currit, vincit, &c.* Primum, & secundam conueniunt nomini; tertiam verò soli verbo, & participio; & ita per illam particulam, *cum tempore*, differt verbum à nomine; per ultimam verò, scilicet, *est eorum, quæ de altero dicuntur nota*, differt à participio, quod licet significet cum tempore; nunquam tamen potest esse copula propositionis, seu vnio, & nota extremorum, quæ in illa coniunguntur.

Additur etiam in definitione, *finita*, vt excludantur verba infinita, vt *non currit*, & similia; nam vt rectè ait Arist. ibidem tam nomina, quàm verba infinita non habent determinatam significationem; vt potè quæ tam enti, quàm non enti possunt conuenire. Tandem additur, *recta*, vt excludantur alia tempora, & modi, præter præsens indicatiui; cū enim ibi Arist. loquatur de verbo, quod per se potest enuntiare veritatem independentem ab alijs; ideo solum præsens indicatiui modi appellat verbum; quia alia tempora dependentem ab illo enuntiant veritatem; inde enim

etiam hæc propositio de præterito, *homo currit*, est vera: quia aliquando de præsentis fuit vera: & idem est de futuro, ut de se patet.

CAPUT II.

De oratione.

Oratio ex Arist. ubi supra cap. 4. est vox significatiua ad placitum, cuius aliqua pars separata significat, ut *homo albus*. Dicitur vox significatiua ad placitum, abstrahendo ab hoc, quod sit una, vel plures, & in hac particula conuenit oratio cum nomine, & verbo; differt uero ab illis, per aliam subsequentem: scilicet, *cuius aliqua pars separata significat*. Vbi notandum est cum D. Thom. super hunc locum lect. 6. quod 1. *significare*, sumitur hic ab Arist. in rigore, ut scilicet conuenit termino categorærico, & distinguitur à *consignificare*, quod est proprium syncategorematici: idque declarat translatio antiqua, dum vertit. *Oratio est vox significatiua, cuius partium aliquid significatiuum est*. Quod fit, ut ad rationem orationis sufficiat, vna eius parte esse terminum categorematicum: ac proinde hæc sunt veræ orationes, *omnis homo, nullus equus, &c.* iuxta quod intelligendum est, quod supra in præambulis diximus, scilicet orationem esse plures voces diuersa significantes: non enim est sensus quamlibet debere propriè significare; sed sufficit, si una significet, & alia consignificet, ut explicatum est.

Diuiditur oratio ab Arist. ibidē in enuntiatiuā, & non enuntiatiuā.

Enuntiatia est illa, quæ aliquid affirmat, vel negat; & hæc nomine in cōplexo appellatur propositio, quæ semper fit per verbum indicatiui modi; ut cum dicitur, *homo est animal*. Non enuntiatia est illa, quæ nihil affirmat, vel negat; sub qua comprehenduntur omnes orationes, in quibus non reperitur veritas, vel falsitas; siue illæ sint imperfectæ, ut communiter appellat Doctores eas, quæ nō generant perfectum sensum, nec relinquunt animam audientis quietam; ut *homo albus*, & orationes subiunctiuæ, & infinitiuæ modi: siue sint orationes perfectæ intra limites non enuntiatiuarū, quales sunt *ex*, quæ generant perfectum sensum, & relinquunt animam audientis quietam; cum tamen nihil enuntient; ut sunt orationes imperatiuæ, & optatiuæ modi.

Sub oratione etiā nō enuntiatia comprehenduntur tres modi sciēdi, supra explicati: nā quamuis duo priores possint appellari orationes imperfectæ, eoquod secundum se, & præcisè alijs non relinquunt animam audientis quietam; tertius uero sit oratio perfectæ; cum generet perfectum sensum: omnes tamen cōueniunt in hoc, quod est esse orationes nō enuntiatias; cum in eis nulla reperitur veritas, vel falsitas. Quod quidē de definitione testatur expressè Arist. ubi supra c. 5. dicēs. *Etenim hominis definitio, nisi est, aut erat, aut erit, aut eiusmodi quidquam addatur, nondum est oratio enuntiatia*. De diuisione etiā idem constat: nam aliās diuisum

intraret diuisionem, essetque simul ignotum, & pars modi sciendi, quod est absurdum. Et tandem de argumentatione (de qua tamen poterat esse difficultas, eo quod componatur ex propositionibus) idem dicendum est, nimirum ipsam, formaliter ut est ratiocinatio, & discursus, non esse orationem enuntiativam; cum in discursu non sit veritas, vel falsitas: cuius signum est, consequentiā, propriē loquendo, non dici veram, vel falsam; sed bonam, aut malam.

Dices: plures orationes imperfectæ sunt termini complexi; quomodo ergo fieri potest, ut idem sit sub genere termini, & orationis; si terminus, & oratio non sunt inter se subordinata: ex eo enim quod planta, & animal sunt genera non subordinata, repugnat aliquid simul contineri sub utroque. Quod autem terminus, & oratio sint genera non subordinata, manifestum est: nam vel terminus continetur sub oratione, vel oratio sub termino, non primum, quia iam omnis terminus esset oratio, quod constat esse falsum: neque secundum, quia iam terminus contineretur sub se orationem, & consequenter propositionem; ac proinde prædicaretur de illis, quod est absurdum: ergo idem non potest esse simul terminus, & oratio.

Valde torquentur aliqui hoc argumentum; sed certè non habet vim si intentiones istæ rectè perpendantur. Responderetur ergo concedendo, terminum non esse genus respectu orationis, neque è contra, ut per se

patet, & conuincit argumentum: inde tamē solum sequitur, eandem rem non posse essentialiter contineri sub utroque; neque amplius probat exemplum ibi adductum. Hoc autem non contingit in præsentī: nam secundæ intentionis constitutiue termini, & orationis sunt quædam accidentia rationis, quæ accidentaliter cōueniunt vocibus ab operatione intellectus; atque ita eadem entitas realis istarum vocum, *homo albus*, denominatur oratio à secunda intentione significationis; deinde totum hoc coniunctum ex vocibus, & significatione, quod dicitur oratio, denominatur terminus cōplexus ab alia secunda intentione, ratione cuius cōsideratur intra propositionē: & ita id, quod essentialiter sunt voces, accidentaliter est oratio; & id, quod essentialiter est oratio, accidentaliter est terminus cōplexus, quod non solum non repugnat, sed per sæpè cōtingit, ut patet in entibus realibus: nam homo accidentaliter denominatur extensus à quantitate; & totum coniunctum ex homine, & quantitate rursus denominatur accidentaliter album ab albedine; ac proinde eadē entitas hominis accidentaliter continetur sub quantitate, & qualitate, quæ sunt diuersa genera inter se non subordinata: sic ergo in præsentī eadē entitas illarum vocum accidentaliter tantum continetur sub termino, & oratione, ut explicatum est.

Secundò obijcies: oratio, quæ est manifestatiua ignoti, necessario debet generare perfectum sensum, & relin-

relinquere quietum animum audientis: ergo vel definitio, & diuisio nō sunt orationes manifestatiuæ ignoti, vel sunt orationes perfectæ.

Respondetur, aliud esse manifestare ignotum: aliud verò id, quod communiter Doctores appellant, generare perfectum sensum: ad hoc enim opus est verbo copulante ea, quæ habent rationem agentis, & patiētis in oratione, quod licet interdum fiat absque enūtiatione, vt quando precādo dicimus. *Misere mei Deus*, tamen nunquā fit absque verbo, vt per se patet. At verò explicare ignotū est asserre distincte ea, quæ confusè in illo continebantur; & idē quando ignotum non continet verbum, vt contingit in incompleto; ad ipsum explicandum non requiritur aliquod verbum: sed sufficit adducere genus & differentiam definiti, vel membra diuidentia diuisi. Quò fit, vt quamuis de definitione, & diuisione propriè dicatur esse manifestatiuas ignoti; non tamen generare perfectum sensum, aut relinquere quietum animum audientis; quia in se nullum includunt verbum. Et hoc sensu appellantur à Doctores orationes imperfectæ.

Igitur de modis sciendi, qui, vt vidimus, sunt orationes non enuntiatiuæ, & pertinent ad institutum dialecticum, supra egimus. De alijs verò orationibus nō enuntiatiuis, vt sunt, quæ sunt in optatiuo, imperatiuo, aut alijs similibus modis, nihil est in presenti disputandum; quia

vt inquit Aristot. cap. 4. citato: *Cetera igitur orationes missæ siant, quoniam artis Rhetoricæ, vel Poeticæ magis propria est earum consideratio, enuntiatiua autem presentis est inspectionis.* Et idē in sequētibz de propositione disceremus.

CAPVT III.

De propositione in communi, & eius diuisionibus.

Propositio solet definiri sic, *est oratio verum, vel falsum significans.* Quæ definitio solum est descriptiua; nam veritas, & falsitas sunt passiones propositionis, vt infra dicemus. Et ideo essentialis, & quidditatiua definitio est, quam tradit Aristot. loco citato, scilicet, *propositio est oratio enuntiatiua.* Cuius definitionis intelligentia satis constat ex dictis cap. præcedenti, neque indiget noua explicatione.

Diuidit autem statim Aristot. propositionem, dicens, *est itaque una prima enuntiatiua oratio, affirmatio, deinde negatio, cetera verò omnes coniunctione sunt vnz.* Quibus verbis, notat optimè D. Thom. le 8. duas diuisiones propositionis sub breuiloquio posuisse Aristotelem. Prima est, qua diuiditur propositio in simplicem, & compositam; seu categoricam, & hypoteticam. Secunda est subdiuisio præcedentis, qua scilicet propositio categorica diuiditur in affirmatiuam, & negatiuam.

Ad primam ergo diuisionem deuenien-

ueniendo: propositio simplex, seu categorica est, quæ constat subiecto, & prædicato, tanquam partibus principalibus, & copula tanquam vnione, vt *homo est animal*. Pro cuius intelligentia sciendum est, aliquando contingere, quòd subiectum sit vnica tantum dictio, vt in exemplo adducto; aliquando vna oratio, vt *homo albus disgregatus*, aliquando etiam est vnica propositio, vt *homo qui est iustus, diligit Deum*. Hæc autem non obstant, quominus dictæ propositiones sint categoricæ: nam illa integra propositio habet vicem subiecti, quia implicatur in illo; & propterea vocatur copula implicationis, dicitur etiã copula minus principalis: quia ex illa non attenditur veritas, vel falsitas propositionis, sed ex secunda, quæ propterea appellatur principalis. Et idem dicendum est de hac propositione, *homo est animal, est propositio*, & similibus: quia ibi illa prima propositio gerit vicem subiecti, atque idè tota est propositio categorica. Vbi tandem nota, quòd quandocumque in propositione categorica nõ explicatur prædicatum, id non est: quia reuera talis propositio careat prædicato, sed quia est clausum in verbo, vt cù dicitur, *homo disputat*, sensus est, homo est disputans. Maneat ergo illa esse propositionem categoricam, quæ componitur ex subiecto, & prædicato tanquam partibus, quod sufficenter explicuit Aristoteli appellando absolutè vnã, seu simplicem.

Propositio verò hypotetica, seu

cõposita est illa, quæ cõstat ex propositionibus tanquã partibus principalibus aliqua vnione vnitis, vt *Magister docet, & discipulus audit*, de qua agemus cap. seq. Nunc autè videndũ est, quæ sit ista diuisio, aliqui enim contendunt esse generis in species, sed immerito; tum, quia id repugnat Aristoteli in verbis adductis, vbi propositionem categoricam simpliciter appellat vnã; hypoteticam verò vnã tantum coniunctione, seu secundum quid; tum etiam, quia est cõtra D. Thom. ibid. & opusc. 48. tract. de enuntiatione, c. 6. vbi probat esse analogi in analogata. Idq; facile suadetur; quia *enuntiare*, in quo sita est essentia propositionis, secundum quid tantum conuenit hypoteticæ, non enim vnã propositionem de alia prædicat, sicut categorica prædicat prædicatum de subiecto, in quo consistit propria ratio enuntiationis, sed tantum vnit inter se propositiones categoricas, quòd est vmbra quædam, & similitudo propriæ enuntiationis: ergo dicta diuisio solum est analogi in analogata. Videatur Mas. 2. Perih. c. 1. q. 5.

Veniamus ad secundã diuisionem, qua propositio categorica diuiditur in affirmatiuam, & negatiuam. Quid autè vnaquæque sit, satis exprimentur ipsi termini; nam affirmatiua est, quæ iungit prædicatũ cum subiecto, & respondet iudicio intellectus, prout appellatur compositio: negatiua verò est, quæ prædicatũ a subiecto remouet, & correspondet iudicio, prout appellatur diuisio.

Quæ

Que diuifio propofitionis verè est generis in fpecies, quidquid dicant Sot. & alij: fic enim docet exprefse D. Tho. cum Aristot. locis citatis, & defendunt communiter Doctores: videatur Mafius vbi fuprà q. 4.

Fundamētum est: quia affirmatiuum, & negatiuum diuidunt enuntiationem formaliter, quatenus est enuntiatio: ergo funt differentie per fe, & effentiales; & ex confequenti conftituunt veras fpecies. Probatnr antecedens; tū, quia vnū de alio dicere, in quo cōfiftit enuntiatio, formaliter fit, vel applicādo vnum alteri, in quo cōfiftit affirmatio: vel remouēdo vnum ab altero, in quo cōfiftit negatio: tum etiam, quia ifte differentie, ita inter fe pugnant, vt nunquam in eadē propofitione inueniantur, quod tamen nō contingit in veritate, & falfitate: poteft enim vna propofitio transfire de vera in falſam; non tamē de affirmatiua in negatiua, quod fignum manifeftum est affirmatiuum, & negatiuum eſſe differentias effentiales propofitionis: veritatem verò, & falſitatem, quædam accidentia illius. Ex quo tandem fit, diuifionem propofitionis in veram, & falſam tantū eſſe fubiecti in accidentia.

Vt autem alias diuifiones propofitionis cognofcamus, notādum est, quòd fic in fubftantia corporca, v. g. homine, quatuor reperiuntur, fcilicet forma, materia, quantitas, & qualitas; fic fuo modo intellectas eadem quatuor in propofitione diſtinguit. *Forma* ergo est

vnio illa prædicati, & fubiecti fecundū affirmationem, vel negationem: de qua fatis conſtat ex dictis. *Materia* verò est habitudo prædicati, & fubiecti, antecedens ipſam vnionem, quæ fit per enuntiationem. *Quantitas* est illa magnitudo, fecundū quam propofitio dicitur vniuerſalis, ſeu particularis. Et appellatur quantitas: quia fic ratione quantitatis realis res funt magnæ, aut paræ; ita propofitio ratione talis magnitudinis est vniuerſalis, vel particularis. Tandem *qualitas* propofitionis est illa, ſecundū quā dicitur vera, vel falſa: quia veritas, & falſitas, funt quaſi paſſiones propofitionis, vt diximus.

Porro materia propofitionis est triplex, fic triplex est habitudo, quæ poteſt habere prædicatum reſpectu fubiecti. Alia naturalis, quādo fcilicet prædicatū est de effentia, vel propria paſſio fubiecti: alia contingens, quando fcilicet prædicatum est accidens commune reſpectu fubiecti: tunc enim continget ſe habere ad illud; vt pote quòd non naſcitur ex intrinſeca natura eius; & alia remota, quando fcilicet prædicatū repugnat fubiecto. Vbi aduertendum est, manente eodē prædicato, & fubiecto, ſemper manere eandē materiā propofitionis; quantūvis ipſa varietur penès affirmationē, vel negationē, vniuerſalitatem, vel particularitatē; aut veritatē, vel falſitatē. Cuius ratio est, quia ſemper manet illa habitudo extremorū, quæ conſideratur ante ipſam actuale prædicationem. Et

ideo istæ propositiones sunt in materia naturali, *homo est animal*, *homo non est animal*, & hæc in materia contingenti: *Omnis homo est albus*, *aliquis homo non est albus*, & hæc in materia remota, *homo est lapis*, *homo non est lapis*.

His explicatis: primò diuiditur propositio ratione materiæ in necessariam, cōtingentem, & impossibilem. Necessaria est, quæ enuntiat rem, quæ aliter se habere non potest: cōtingens, quæ aliter se habere potest: impossibile verò est quæ enuntiat rem, quæ sic se habere non potest. Quò fit, vt non sint idem propositionem esse in materia naturali, & esse necessariam: siquidem hæc, *homo non est animal*, est in materia naturali; & tamen est impossibile. Similiter non sunt idem propositionem esse in materia remota, & esse impossibile: nam hæc, *homo non est equus*, est in materia remota; & tamen est necessaria. Quod vt plenè percipiat, obseruanda est sequens regula, quòd scilicet in materia naturali omnis propositio affirmatiua est necessaria; negatiua verò impossibilis: in materia autem remota omnis propositio negatiua est necessaria; affirmatiua verò, impossibilis: at in materia contingenti, tam affirmatiua, quam negatiua semper manent contingentes.

Secundò diuiditur propositio ratione quantitatis in vniuersalē, indefinitam, particularē, & singularem. Vniuersalis est, cuius subiectū est terminus communis signo vni-

uersali affectus, vt *omnis homo est animal*, nullus *homo est animal*. Indefinita est, cuius subiectum est terminus communis nullo signo affectus, quæ si fuerit in materia naturali, & remota, æquiualeat vniuersali; si verò fuerit in materia contingenti, æquiualeat particulari. Particularis est, cuius subiectum est terminus communis signo particulari affectus, vt *aliquis homo est animal*. Et tandem singularis est, cuius subiectum est terminus singularis, siue sit determinatus, vt *Petrus*, siue demonstratiuus, vt *hic homo*, siue ex suppositione, vt *Filius Mariæ Virginis*.

Hinc fit, ad quātitatem cognoscendam respiciendum esse subiectū, & non prædicatum: si enim subiectum, est terminus singularis; prædicatum verò cōmunis, vt *Petrus est animal*, propositio est singularis; si verò è contra, subiectum sit terminus cōmunis signo vniuersali affectus; prædicatū verò terminus particularis, vt *omnis homo est aliquod animal*, propositio est vniuersalis. Ratio autem huius est: quia quantitas, quæ est accidens reale, oritur ex composito reali ratione materiæ; vnde cū subiectum in propositione habeat rationem materiæ respectu prædicati, ex illo pēnsanda est quantitas propositionis, quæ est accidens rationis.

Tertiò diuiditur propositio ratione qualitatis in veram, & falsam. Propositio vera est, quæ dicit rem sicuti est in se; falsa verò, quæ rem aliter ac est in se enuntiat. Ad qua-

qualitatem etiā propositionis pertinet esse modalem, exceptiuam, exclusiuā, &c. vt infra videbimus.

C A P V T III.

De propositionibus hypotheticis.

Quid sit propositio hypothetica, diximus cap. præcedenti; nunc autem explicanda sunt membra diuidentia, quæ sub illa continentur. Diuiditur ergo à D. Tho. opusc. citato cap. 14. in copulatiuam, disiunctiuam, & conditionalem: ad quam, vt expresse ibidem inquit, reducuntur rationalis, & causalis, & si quæ sunt alie huiusmodi.

Copulatiua est illa, cuius partes principales vniuntur coniunctione copulatiua, quales sunt, & *ac*, nec, & similes, vt si dicas. *Homo est rationalis, & equus est binibilis, neque homo est lapis, neque equus est risibilis, &c.* Ad veritatem autem copulatiuæ requiritur, quòd vtrique pars sit vera; ad falsitatem verò, quòd vtrique, vel altera sit falsa. Vt autem sit possibilis, non sufficit vtramque partem esse possibilem, sed requiritur etiam vt sint compossibiles; hæc enim propositio, *Petrus loquitur, & non loquitur*, constat partibus, quarum quælibet seorsum est possibilis; quia tamen sunt inter se impossibiles, idè tota propositio dicenda est impossibilis.

Disiunctiua est illa, cuius partes principales vniuntur cōiunctione

disiunctiua, quales sunt, *vel*, *aut*, *sive*, & similes: vt si dicas, *vel Petrus loquitur, vel sedet*. Tunc autè propositio disiunctiua est vera, quando altera pars est vera; & tunc falsa, quando vtrique pars est falsa.

Est tamen difficultas, an etiam sit falsa, quando vtrique pars est vera: quòd enim sit falsa, tradit expresse D. Thom. loco citato, & docent communiter Dialectici. Aliud autem videtur asserendum esse verum; si enim ad id sufficit veritas vnius partis: ergo melius sufficeret veritas vtriusque, quandoquidem duæ veritates se impedire non possunt.

Respondetur, cōiunctionem disiunctiuam sumi posse dupliciter: primò propriè, & in rigore disiunctionis, quomodò virtualiter continet propositionem exclusiuam, & reddit hunc sensum: alteram tantum istorum est verum; sicquè satis apparet, propositionem disiunctiuam esse falsam, cuius vtrique pars est vera; in qua proprietate, & rigore loquantur D. Thom. & Dialectici. Secundo verò modo solet interdum sumi coniunctio disiunctiua, non in rigore disiunctiuo, sed vt valet idem, ac *saltem*, vel *ad minus*, & tunc reddit hunc sensum: vnam saltem istorum est veram, quomodò satis patet ad veritatem disiunctiuæ non obesse, quòd vtrique pars sit vera.

Propositio conditionalis est illa, cuius partes principales vniuntur media particula, *si*, aut alia cōsimili, v. g. *si Petrus disputat, loquitur*

tur, si equus est rationalis, est risibilis, & alia huiusmodi. In quibus: quia simul etiam sunt argumentationes, ut supra in præambulis vidimus; ideo una oratio, seu propositio categorica vnitur alteri, per modum cuiusdam consecutionis, atque ita prima appellatur antecedens, secunda verò, consequens. Quod etiā proportionabiliter inuenitur in propositione hypothetica rationali, & causali: & propterea sub conditionali comprehenduntur à D. Thom. vt supra vidimus. Est autem propositio rationalis, cuius partes principales vniuntur mediā particula, *ergo* vel *igitur*, vt si dicas, *Petrus ambulat, ergo mouetur*. Causalis verò est, cuius partes principales vniuntur mediā particula, *quia*, aut alia cōiunctione causali, vt cū dicitur, *quia ignis est, calidus est*.

Dices: quomodo eadem oratio potest esse simul argumentatio, & propositio, cū hæc essentialiter sit oratio enuntiatiua; cui proinde conuenit esse veram, vel falsam: illa verò contineatur sub oratione non enuntiatiua; cui consequenter solum potest cōuenire esse bonam, vel malam, vt supra diximus?

Respondetur, quòd sicut propositio hypothetica secundū quid tantū participat rationem propositionis, ita secundū quid tantū est enuntiatio; & secundū quid tantū dicitur affirmatiua, vel negatiua vera, vel falsa, &c. cui enim secundū quid conuenit aliqua essentia, secundū quid etiam con-

ueniunt, quæ talem essentiam comitantur. Non est autem inconueniens, vt id, quod simpliciter est in vno genere, secundū quid pertineat ad aliud, cuius aliqualem rationem participat. Et sic contingit in præsentī: quia enim particula conditionales, causales, & rationales simpliciter sunt notæ illationis, simpliciter constituunt argumentationes, quæ sunt orationes non enuntiatiuæ; & prout sic dicuntur bonæ, vel malæ: quia verò ibi etiam interuenit quidam modus enūtiationis, saltem virtualiter: ideo tales orationes secundū quid participant rationem propositionis, & prout sic dicuntur veræ, vel falsæ. Videatur Huertos hic cap. 5. q. 19. art. 1. ad 4.

Igitur ad hanc veritatem istarum propositionum, generaliter requiritur, vt categorica, quæ dicitur consequens, sequatur ex alia, quæ est antecedens; seu quòd consecutio sit bona: hoc tamen non sufficit in omnibus: nam ad veritatem rationalis, etiam est necessarium, vt ipsum antecedens sit in se verum, defectu cuius hæc est falsa, *equus est homo, ergo est animal*. Ad veritatem autem propositionis causalis ultra requiritur, quòd antecedens sit etiam causa consequentis, defectu cuius hæc est falsa, *quia homo est risibilis, est rationalis*. At verò, vt propositio cōditionalis sit vera, sufficit illationem esse bonam, quāuis antecedens, & consequens sint falsa: & ideo, vt benè inquit Diuus Tho. opus. citato c. 8 hæc est vera, *si im-*

si immobile currit, immobile mouetur, hæc autem falsa, *si homo est albus, homo est musicus*. Vnde etiam emanauit commune dictum, quod conditionalis nihil ponit in esse.

Non est autem hoc loco prætereū lum id, quod ex communi Dialecticorum doctrina notant rectè Didacus Albar. l. 2. de auxilijs disp. 7. & alij Theologi Thomistæ, scilicet, propositionem conditionalem posse dupliciter sumi: primo in rigore consequentiæ, ita ut dictio, *Si*, accipiat propriè illatiuè, & tunc ad veritatem illius sufficit, & requiritur, ut consequentia secundū se sit bona, seu quod ex ipsa natura antecedentis, circumscriptis alijs, sequatur consequens, siue ipsum antecedens, & cōsequens sint in se vera, vel falsa, siue possibilia, aut impossibilia, siue necessaria, aut contingentia. Quia ratione D. Thom. 1. p. q. 21. art. 2. ad 2. & alibi sæpè affirmat, hanc propositionem esse veram, *Si Deus vult peccare, peccabit*, sicut est ista, *si homo, est asinus, habet quatuor pedes*. Quia autem consequentia, quæ secundū se est bona, semper est bona, & consequenter necessaria: & quæ secundū se est mala, semper est mala, & consequenter impossibilis, ideo omnis cōditionalis illatiua vera, est necessaria: omnis autē falsa, impossibilis: ac proinde nulla datur conditionalis illatiua contingens. Quæ est expressa doctrina Angelici Doctoris opusc. citato, & lib. 7. Metaphysicæ lect. 13. Petri Hispan. tract. 1. Summul. cap. 17.

Soti, & aliorum Dialecticorum ibidem.

Secundo modo potest sumi illa dictio, *Si*, concomitantè, ita scilicet, ut importet concomitantiam antecedentis, & consequentis propositionis conditionalis fundatam, non quidem in bonitate illationis secundū se, sed supposita aliqua promissione, aut proposito, vel alia causa, ratione cuius, posito in esse antecedenti, poneretur etiā consequens, ut patet in his conditionatis, *Si pro me apud Regem intercesseris, dabo tibi equum, si uerū uenisses in domum amici, canassæ cum illo*, & similibus. In quibus quamuis verè intercedat aliqua illatio, & consecutio (hæc enim est inseparabilis à propositione conditionali, ut diximus) tamen talis consequentia non est secundū se bona, & necessaria, ita ut ex vi antecedentis præcisè sumpti sequatur consequens, sed fundatur in aliqua promissione, aut proposito, ratione cuius ad positionem antecedentis sequitur consequens, ut dictum est.

Ad veritatem autem propositionis conditionalis hoc modo sumptæ sufficit, & requiritur, ut verè existat à parte rei fundamentum illius concomitantiae antecedentis, & consequentis, ut patet in exemplis adductis. Ad hoc enim ut verè quis dicat, *Si pro me apud Regem intercesseris, dabo tibi equum*, necessarium est tunc adesse propositum dandi equum, etiamsi postea, mutato consilio

non

non impleatur promissum. Quòd si promittens non habuit tale propositum, propositio fuit falsa, etiā si postea, facta apud regem intercessione, donetur equus, quod etiā patet in alio exemplo; & conuincitur manifestè in iuramenti promissorijs sub conditione. De quo videri potest D. Thom. 2.2. quæst. 88. art. 7. ad 1.

Tādē circa propositiones hypotheticas obseruandum est, tunc esse affirmatiuas, quando principalis earum copula affirmatur, siue partes ipsæ sint affirmatæ, siue negatæ: istæ enim sunt affirmatiuæ. *Si homo est animal, est sensibilis: si homo non est animal, non est sensibilis.* Tunc autem sunt negatiuæ, quando principalis copula negatur, siue partes sint affirmatæ, siue negatæ: vt *non si Petrus mouetur, currit, non si Petrus non mouetur, non currit.*

Loquendo autem de vniuersalitate, aut particularitate, Dialectici communiter fatentur, propositiones hypotheticas ratione sui non habere quantitatem. Cum enim hæc in propositionibus sumatur ex subiecto, vt supra vidimus: hypotheticæ autem nō componantur ex subiecto, & prædicato, vt patet: inde fit ipsas propriè non esse vniuersales, aut particulares. Propter quod etiam inter eas solū attenditur oppositio contradictoria, quæ fit præponendo negationem toti propositioni, ita vt cadat supra copulam principalem, vt magis con-

stabit ex dicendis:

Multa alia solent aliqui tractare de propositionibus hypotheticis: sed quia istæ secundū quid participant rationem propositionis, ex quadam similitudine ad categoricas, vt supra dicebamus, ideo quidquid de his dictum fuerit, faciliè poterit, seruata proportionē, illis applicari: atque ita solū restat agēdum de propositionibus categoricis. Quia autem inter has propositiones, longè faciliores sunt eæ, quæ nullo afficiuntur modo; & propterea appellantur simplices, ad distinctionem aliarum modificatarum difficiliorum, nempe modalium, exclusiuarum, reduplicatiuarum, & similium: ideo illarum proprietates prius explicandæ sunt, per quod additus patefiet ad istas cognoscendas.

CAPVT V.

De oppositione propositionum simplicium.

Sicut ex habitudine, quam vnus terminus in propositione dicit ad alterum, resultant variæ eorum proprietates, scilicet suppositio, appellatio, &c. ita ex comparatione vnus propositionis ad aliā resultant quædam earum passionēs, nempe oppositio, æquipotentia, & conuersio; de quibus in hoc, & sequenti capite agendum est. Ex quo patet nunc nō esse sermonem de oppositione reali rerum, qualis est ea, quæ versatur inter calorem, & fri-

& frigus: nam de hac agitur in post prædicamentis, neque similiter de oppositione terminorum, de qua actum est iam supra lib. I. c. 4. sed tantum de oppositione, quæ inter propositiones inuenitur.

Hæc ergo oppositio, vt colligitur ex Arist. I. Perher. c. 4. *Est affirmatio, & negatio eiusdem de eodem, siue repugnantia inter propositionem affirmatiuam, & negatiuam eiusdem prædicati, & subiecti.* Ex qua definitione, si formaliter intelligatur, vt debet intelligi, inferuntur plura requisita ad oppositionem.

Primum est, vt copula principalis in vna sit affirmata, in alia verò negata: nam ex illa attenditur affirmatio, vel negatio propositionis: & propterea istæ non opponuntur. *Petrus, qui disputat, loquitur. Petrus, qui non disputat, loquitur.*

Secundò requiritur, vt in vtraque maneant idem prædicatum, & subiectum, in nomine, in re significata, in integritate, in tempore, & in loco: nam hæc omnia significantur per *ly eiusdem de eodem*: & ideo non oportet illa exprimere.

Defectu eiusdem nominis hæc non opponuntur. *Angelus est Dei, Angelus non est Deus, homo est albus, homo non est albedo.* Defectu eiusdem rei significata: istæ non opponuntur, *canis latrat, canis non latrat*, si in prima fiat suppositio pro latrabili, in secunda verò pro cælesti: quod semper contingit in terminis æquiuocis, quando supponunt pro diuersis significatis.

Defectu integritatis illæ propositiones non opponuntur, in quarum altera deficit aliqua pars, vel modus prædicati, aut subiecti, quæ tamē erant in alia: itaque quidquid ponitur à parte subiecti, vel prædicati in vna propositione, siue sit casus obliquus, aduerbium, copula implicationis, aut quid simile, debet etiam poni in alia, vt sit oppositio. Excipiuntur tamen signa, quæ afficiunt totam propositionem, & illam reddunt vniuersalem, vel particularem: in quibus aliquando est variatio, vt postea dicemus. Et defectu huius integritatis hæc non opponuntur. *Petrus currit, Petrus non currit velociter, omnis equus regis possidetur à rege, aliquis equus non possidetur à rege, omnis homo est omne animal, aliquis homo non est animal, &c.*

Similiter defectu eiusdem temporis hæc non opponuntur. *Petrus disputat, Petrus non disputat*, si pro diuersis temporibus supponant. Et tandem defectu eiusdem loci hæc non opponuntur. *Magister est in aula. Magister non est in aula*, si prima proferatur, dum ille est in aula; secunda verò dum est in Ecclesia.

Quæ omnia hoc vno præcepto comprehenduntur, vt scilicet in oppositione seruentur eadē proprietates terminorum, scilicet eadem suppositio, an pliatio, &c. excepta suppositione, quæ prouenit à signis afficientibus subiectum: hæc enim aliquando mutatur: semper tamen debet

debet seruari eadē suppositio simplex, vel realis completa, vel incompleta, &c.

Oppositio autem hoc modo explicata est multiplex: alia dicitur contradictoria; alia contraria, & alia subcontraria: quibus etiam solet adiungi subalterna. Oppositio contradictoria innenitur, quando vna propositio est vniuersalis, & alia particularis: contraria autem, quando ambæ sunt vniuersales: subcontraria verò, quando ambæ sunt particulares: in quibus omnibus oppositionibus, altera propositio debet esse affirmatiua, & altera negatiua: hoc enim est de ratione

proprie oppositionis, vt patet ex definitione explicata. Et ideo oppositio subalterna, quæ scilicet versatur inter propositiones, quarum vna est vniuersalis, & alia particularis; ambæ verò affirmatiuæ, vel negatiuæ, non est proprie oppositio; cum non sit affirmatio, & negatio. Potest tamē secundum quid appellari talis; quia est inter propositiones habētes diuersam quantitatem. Dicitur verò subalterna: quia particularis continetur sub vniuersali: propter quod etiam hæc appellatur subalternans; illa verò, subalternata. Quæ omnia patent in sequenti figura.



Vt autem materia hæc omnino comprehendatur, aliqua obseruanda sunt. Primum est, quòd quando subiectum est terminus cõmunis, & supponit personaliter, seu realiter; requiritur ad oppositionem contradictoriam, vt vna propositio sit vniuersalis, & alia particularis, sicut patet in exemplo posito; si verò subiectum sit terminus singularis, vel communis supponens copulatè, simpliciter, aut confusè; tunc debet manere in vtraque inuariatum, nulla mutata quantitate. Et idè istæ sunt contradictoriæ. *Petrus currit, Petrus non currit, omnes Apostoli sunt duodecim, omnes Apostoli non sunt duodecim, ad equitandum requiritur equus, ad equitandum non requiritur equus, homo est species, homo nõ est species, &c.* Si autem mutaretur quãtitas, non essent contradictoriæ, vt si dicas. *Omnes Apostoli Dei sunt duodecim, aliqui Apostoli Dei non sunt duodecim.* Huius autem rationem tangit optimè D. Tho. opusc. 48. tract. de enuntiatione cap. 3. cum enim cõtradiçtio sit maxima oppositionum, teste Arist. 10. Metaphysicæ c. 7. ac proinde nullum possit habere medium; consequens est, vt sit totalis remotio affirmationis, per negationem. Quare, quia vniuersalis affirmatiua totaliter remouetur per negatiuam particularem; sicut negatiua vniuersalis per particularem affirmatiuam, quando subiectum est terminus cõmunis, & supponit personaliter; idè in tali casu contradiçtio fit mutata

quantitate. Quia verò, quando subiectum est terminus singularis, vel communis supponens copulatè, simpliciter, aut confusè; si tunc mutaretur quantitas propositionis, affirmatio non taliter remoueretur per negationem, vt patebit consideranti exempla adducta; idè, vt inter similes propositiones maneat contradiçtio, debet manere eadem quãtitas, vt explicatum est.

Secundò obseruandum est, in signis mixtis ex vniuersali, & particulari esse etiam suo modo oppositionem; quia enim alia sunt magis vniuersalia, vt *uterque*, & *neuter*, alia magis particularia, vt *alter*, & *alter non*; idè *uterque*, & *neuter* opponuntur contrariè, *neuter* verò, & *alter*, & similiter, *uterque*, & *alter non* opponuntur contradiçtoriè, *alter* verò, & *alter non*, subcõtrariè. Eadem proportione ista cõiunctio, &, est signũ vniuersale, & cõiunctio, *vel*, est signum particulare; & idè, quando subiectum in propositione est copulatum (vt aiunt) media particula, &, debet manere eadem cõiunctio in propositione contraria; in contradiçtoria verò mutanda est in *vel*, verbi gratia, istæ sunt contrariæ. *Petrus, & equus est rationalis, Petrus, & equus non est rationalis*: istæ verò cõtradiçtoriæ; *Petrus, & equus est rationalis, Petrus, vel equus non est rationalis*. Quòd si in vtraque propositione extremum sit copulatum per *vel*, tunc sunt subcontrariæ, vt *Petrus, vel equus est rationalis, Petrus, vel equus non est rationalis*.

nalis. Hæc autem intellige, quando partes subiecti non copulantur in ordine ad verbum de plurali; tunc enim subiectum ex vi talis verbi supponit copulativum; & sic censetur singulare, ut *Petrus, & Paulus currunt*, propter quod tales propositiones tantum opponuntur contradictoriè, sicut aliæ singulares: ac proinde non debet mutari quantitas; sed retinenda est eadem coniunctio, & in sua contradictoria sic, *Petrus, & Paulus non currunt*. Vbi tandem nota in propositionibus, quæ constant terminis numeralibus, scilicet, bis, tria, &c. optimum modum contradicendi esse, præponendo negationem secundæ propositioni: ut si dicas, *bis cantavi Missam, non bis cantavi Missam*.

CAPUT VI.

De legibus istarum oppositionum.

His explicatis: aliquæ leges pro vnaquaque oppositione statuentes sunt, quas assignant communiter Dialectici. Prima pro contradictorijs est, in nulla materia posse esse simul veras, aut simul falsas. Ratio est: quia contradictio est summa oppositio; cuius proinde nullum potest esse medium, ut dictum est: ergo sicut impossibile est idem simul esse, & non esse; ita impossibile est, ut idem simul affirmetur, & omnino negetur de eodem: quod fit per contradictionem, ut patet.

Secunda lex pro contrarijs est, in nulla materia posse esse simul veras; benè tamen simul falsas in

materia contingenti. Hoc secundum patet in his propositionibus: *Omnis homo est albus, nullus homo est albus*, quas constat esse falsas. Et ad istud genus materiæ reducuntur propositiones indirectæ, in quibus de superiori prædicatur suum inferius: quia hoc habet rationem accidentis respectu illius; propter quod ibi possunt esse duæ contrariæ simul falsæ: ut cum dicitur, *Omnine animal est homo, nullum animal est homo*. Quod autem in nulla materia possint dari simul veræ; etiam constat: quia aliàs darentur duæ contradictoriæ simul veræ: nam si hæc propositio, *omnis homo est albus*, est vera; etiam particularis sub illa contenta, scilicet, *aliquis homo est albus*, erit vera; sed hæc est contradictoria alterius negativæ, scilicet, *nullus homo est albus*: ergo si hæc esset vera, iam darentur duæ contradictoriæ simul veræ.

Tertia lex pro subcontrarijs est, numquam posse esse simul falsas, benè tamen simul veras in materia contingenti. Hoc secundum patet in his, *aliquis homo est albus, aliquis homo non est albus*, quas constat esse veras. Primum autem probatur ex dictis; quia aliàs etiam sequeretur dari duas contradictorias simul veras: nam si subcontrariæ erunt necessariò veræ: cum autem contradictoriæ propositionum particularium sint duæ vniuersales inter se contrariæ; & ex duabus contrarijs simul veris sequantur duæ contradictoriæ simul

mul veræ, vt vidimus; planum fit, ex duabus subcontrarijs falsis colligi duas contradictorias simul veras.

Quarta lex pro subalternis est, vt in materia naturali, si vna est vera, alia etiam fit vera; & idem est de falsitate: in materia verò contingenti vniuersalis potest esse falsa, particularis autem vera; sed non è contrā, quæ omnia satis ex se patent.

Contra primam legem plures solent adduci instantiæ, quarum aliquas subiiciemus, vt ex earum solutione aliæ faciliè dissoluantur. Sit ergo prima: quia hæ sunt contradictoriæ: *Omne album aliqua albedine est album, aliquod album aliqua albedine non est album*, & tamē sunt simul veræ, vt patet. ¶ Secunda: quia istæ etiam sunt contradictoriæ. *Omnis hominis alter oculus est dexter, alicuius hominis alter oculus non est dexter*, & tamen constat esse simul veras. ¶ Tertia: quia hæ etiam sunt simul veræ. *Omnis homo seruans omne mandatum Dei, saluabitur, aliquis homo seruans aliquod mandatum Dei, non saluabitur*: quibus tamen nihil deficit ad veram contradictionem. Et idem etiam videtur dicendum de illis. *Omne animal fuit in arca Noe, aliquod animal non fuit in arca Noe*, & alijs huiusmodi: ergo falsa est prædicta regula.

Respondetur ad primam instantiam, casum illum obliquum, *aliqua albedine*, esse partem prædicati, quod in prima propositione affir-

matur de subiecto: & ideò in secunda debet negari talis casus. Quod vt fiat, postponendus est ipsi negationi sic, *aliquod album non aliqua albedine est album*, quomodo constat hanc secundam propositionem esse falsam: quia ratione negationis distribuitur ille casus obliquus, & reddit hūc sensum. *Aliquod album nulla albedine est album*. Ex quo infertur generalis regula pro contradictorijs, scilicet, quòd quando vna est vniuersalis, & alia particularis; terminus, qui in vtra distribuitur, non debet distribui in alia; & è contra: ita tamen quòd nullus maneat in vtraque indistributus; aliàs non dabitur vera contradictio; vt patet in exēplo argumenti; si enim ille casus obliquus, *aliqua albedine*, non postponeretur negationi, maneret in vtraque indistributus; ac proinde non esset vera cōtradictio.

Per quod patet ad secundam instantiam: ly enim, *alter oculus*, manet indistributus in vtraque illa propositione: essent autem contradictoriæ, si in secunda diceretur, *non alter oculus*, aut *neuter oculus*, quod idem est. ¶ Vel secundò respondetur, quātitatem propositionis debere attendi ex casu recto; non verò ex obliquo: & ideò tales propositiones non opponi cōtradictoriæ; quia in vtraque *alter oculus* est terminus particularis: opponeretur autē, si inuariato casu obliquo, mutaretur rectus secundum quantitatem, dicendo, *Omnis hominis alter oculus requiritur, omnis hominis neuter oculus requiritur*.

Ad

Ad tertiam negandum est, illas esse contradictorias: quia, ly, *omnia mandata*, supponit copulativam in prima propositione; ac proinde, ut verè opponeretur, retinenda erat eadem suppositio in secunda, dicèdo, *aliquis homo servans omne mādaturum, &c.* Per quod patet ad alias propositiones ibidem adductas; si enim in utraque servetur suppositio completa, prima est falsa; & secunda vera: si verò in utraque servetur suppositio incompleta, prima est verè; & secunda falsa: si autem utraque sumatur in sensu vero, quem potest habere, variatur suppositio de incompleta ad completam; & ita non manet contradictio.

Tandem contra secundam legem obijcies: quia idè in contradictorijs non possunt ambæ esse simul veræ, vel simul falsæ in quacunque materia: quia in illis propositio affirmativa totaliter remouetur per negativam; sed hoc idem contingit in contrarijs: ergo ipsæ non poterant esse simul falsæ in quacunque materia. Probatur minor: quia hæc propositio *omnis homo est animal*, totaliter remouetur per hanc, *nullus homo est animal*: siquidem inter eas nullum relinquatur medium.

Respondetur propositionem affirmativam uniuersalem præcisè in quantum talem, abstrahendo ab hoc, quod sit in hac, vel in illa materia, non remoueri totaliter per negativam uniuersalem: nam inter, *omne*, & *nullum*, mediat, ali-

quis, ut patet; atque ita duæ uniuersales secundum se verè habent medium, & ex consequenti inter illas non est totalis remotio. Quando vero uniuersalis affirmatiua, & negatiua sunt in materia naturali; tunc ratione materiæ nullū habent medium: quia non est possibile utraque uniuersalem esse falsam, si aliqua particularis est vera; quandoquidem eadem ratione, qua verum est aliquem hominem esse animal, verum etiam est ratione materiæ, omnem hominem esse animal. Et propterea dicimus, duas cōtrarias non posse esse simul falsas in materia naturali, benè tamen in materia contingenti.

CAPVT VII.

De æquipolentia, & conuersione propositionum simplicium.

Æquipolentia propositionū idè est, ac æquiualentia earum, & contingit, quando duarum propositionum verbis differentium eadem est vis, & sensus; ac proinde potest multipliciter fieri; siquidem istæ omnes sunt æquipolentes. *Cicero est orator, Tullius est orator, homo disputat, animal rationale disputat*, & aliæ similes. Quamuis autem hæc sit in rei veritate æquipolentia; in præsentī tamen solum agimus de illa, quæ conuenit propositionibus ratione signorum; & ideo cōmuniter definitur sic. *Æquipolentia est eadem vis duarum propositionū à diuersis signis proueniens:*
inuen-

innentaque est ad obscuras propositiones in clariores resolucendas. Ut ergo propositiones oppositæ reddantur æquipollentes, tria præcepta sunt obseruanda, quæ hoc carmine continentur.

§ *Præ, contradic; post, contra; præ, postque, subalter.*

Primum est. Ad hoc, ut duæ propositiones cōtradietoriæ fiant æquipollentes, præponenda est negatio subiecto cuiuslibet illarum. Verbi gratia, istæ sunt cōtradietoriæ: *omnis homo est animal, aliquis homo non est animal*: si ergo primæ præponas negationem dicendo: *non omnis homo est animal*, eandem omnino vim habet, ac secunda, & est illius æquipollens. Similiter, si negationem præponas secundæ dicendo: *non a aliquis homo non est animal*, iam redditur æquipollens illi primæ, scilicet, *omnis homo est animal*. Et hoc significat illa prima particula carminis, *præ, contradic.*

Secundum est. Ad hoc, ut duæ propositiones contrariæ reddantur æquipollentes, postponenda est negatio subiecto cuiuslibet earum, ut patet in his: *omnis homo est albus; nullus homo est albus*; quæ sunt æquipollentes, si in prima ponatur negatio post subiectum dicendo: *omnis homo non est albus*; sic enim æquiualeat alteri, scilicet, *nullus homo est albus*. Et hoc significat illa particula; *post; contra.*

Tertium est. Ad hoc, ut duæ

subalternæ fiant æquipollentes, apponendæ sunt duæ negationes cuiuslibet illarum, una ante subiectum, & alia post subiectum: quod significant illæ vltimæ particule; *præ, postque, subalter*. Exempla facile quilibet adducet iuxta dicta, & ideo omittuntur. Pro subcontrariis verò nullum est præceptum, quia hæc non possunt fieri æquipollentes, etiam si præponatur, vel postponatur negatio, ut consideranti patebit.

Hinc sequitur, illa signa, quæ efficiunt propositiones æquipollentes esse inter se æquipollentia, imò potiori iure, ac ipsæ propositiones: siquidem ab illis prouenit æquipollentia earum. Huiusmodi autem signa comprehenduntur à Dialecticis verbis sequentibus.

- § *Non omnis, quidam non: omnis non, quasi nullus.*
- § *Nonnullus, quidam: sed nullus non, valet omnis.*
- § *Non aliquis, nullus: nō quidam non, valet omnis*
- § *Vterque non, neuter: neuter nō, valet vterque.*
- § *Non alter, neuter: nō alter non, est vterque.*

¶ Vltima proprietas propositionum est conuersio, cuius notitia ad artem syllogisticam est summè necessaria, quia media illa syllogismi imperfecti ad perfectos reuertuntur. Conuersio ergo est *transmutatio vnius extremi totalis in alterum extremum totale*, scilicet subiecti in prædicatum, &

decontrauit si dicas, *nullus homo est lapis, nullus lapis est homo*. Ex quo patet, conuersionem, quæ à Dialecticis appellatur, per *contra positionem*, & fit mutando terminos finitos in infinitos, nõ esse propriè conuersionem: siquidem ibi non transmutantur extrema, sed potiùs auferuntur; quæ etiam de causa, & quia non est necessaria ad dialecticum institutum, frequenter in præsentia prætermittitur: & ideo illarecta.

Conuersio est duplex: alia simplex, & alia per accidens. Conuersio simplex (quam Aristot. 1. Priorum, capit. 2. appellat conuersionem in totum) est transmutatio extremorum propositionis, manente eadem quantitate, & qualitate: (per qualitatem intellige, tum veritatem, vel falsitatem, tum etiam affirmationem, vel negationem:) quo modo conuertuntur vniuersalis negatiua, & particularis affirmatiua, verbi gratia, *nullus homo est equus; nullus equus est homo: aliquis homo est animal; aliquod animal est homo*. Conuersio per accidens (quam Aristoteles ibidem vocat conuersionem in partem,) est transmutatio extremorum propositionis mutata quantitate, non verò qualitate: quo modo conuertuntur vniuersalis negatiua, & vniuersalis affirmatiua, vt *nonnis homo est animal: aliquod animal est homo; nullus homo est lapis: aliquis lapis non est homo*. Qui modi conuersionum significatur à Dialecti-

cis in primo ex duobus illis cæminibus.

¶ *Simpliciter, F E C I: conuertitur E V A per acci.*

¶ *A S T O per contra: sic fit conuersio tota.*

Relicta enim secundo propter dicta, sensus primi est, conuersione simplici conuerti vniuersalem negatiuam, & particularem affirmatiuam, quæ significantur per duas literas vocales E. & I. contentas in illa dictione, *F E C I*; conuersione verò per accidens conuerti vniuersalem negatiuam, & vniuersalem affirmatiuam significatas per vocales E. & A. illius dictionis, *E V A*. Quas litterarum significationes declarant illi versæ.

¶ *Afferit A, negat E: sunt vniuersaliter ambo.*

¶ *Afferit I, negat O: sunt particulariter ambo.*

Vt autem istæ conuersiones rectè fiant, primò aduertendum est, vt integrum subiectum efficiatur integrum prædicatum, & decontra, aliàs non erit bona consequentia: non enim sequitur, *Petrus videt Paulum: ergo Paulus videt Petrum, Petrus est in domo, ergo domus est in Petro*: quia *ly, Paulum, & ly, in domo*, non sunt integra extrema: debet ergo fieri integra extrema: debet ergo fieri hoc modo; *Petrus videt Paulum: ergo videns Paulum est Petrus; Petrus est in domo; ergo existens in domo est Petrus*.

Secundò etiam aduertere oportet, vt seruentur omnes proprietates

tates terminorum, excepta suppositione, quæ prouenit à signis: nam defectu ampliacionis non valet: *senex fuit puer; ergo puer fuit senex*; sed inferendum est; ergo, *quod fuit puer, est, vel fuit senex*. Similiter defectu suppositionis non valet: *homo est nomen*: ergo *nomen est homo*.

CAPVT VIII.

De essentia, & speciebus propositionis modalis.

Explicatis propositionibus categoricis, quæ nullo afficiuntur modo, & propterea simplices appellantur; agendum est de alijs categoricis modificatis; tùm quia in se habent specialem difficultatem, tùm etiam, quia quæritas, qualitas, oppositio, & æquipollentia aliter inueniuntur in eis, ac in simplicibus, quæ oportet explicare. Cùm autem ex modo deriuetur denominatio propositionis modalis, necessarium præmittendum est, quid sit modus, ut quid sit propositio modalis, cognoscatur.

Modus ergo, ut definit D. Thom. opusc. 40. est *adiacens rei determinationi*; hoc enim significat modificare, id est, determinare, seu restringere. Et idem multiplex est modus, nam alius modificat extrema propositionis, & tunc illa fiunt termini restricti, de quibus actum est libro præcedenti: alius verò modificat significationem verbi, ut in hac propositione; *Petrus disputat doctè*; ubi actio disputandi modificatur per

illud aduerbium: sed de huiusmodi modis non agimus in præsentia, quia non habent specialem difficultatem, neque ab eis sumitur denominatio propositionis modalis. Alius ergo est modus, qui determinat, & modificat ipsam compositionem, seu unionem prædicati, & subiecti, ut cùm dicitur, *Petrum currere est possibile*; & ab huiusmodi modo propositio vocatur modalis, quem si auferas, propositio, quæ remanet, appellatur *dein esse*, seu *officians*.

Huiusmodi autem modi sex possunt enumerari, ut enumerant Diu. Thom. ubi sup. Petr. Hisp. Soto, & alij eius interpretes; scilicet, *verum, falsum, possibile, contingens, impossibile, & necessarium*. Ex quibus duo priores nihil addunt supra propositiones dein esse, ut Auctores citari notant; nam idem est dicere, *Petrum currere est verum*, ac dicere, *Petrus currit*; & idem non sunt propriè modi, neque propositiones ex his constantes, propriè modales; sed idem de illis ferendum est iudicium, ac de alijs simplicibus, de quibus hucusque actum est; propter quod in præsentia merito omittuntur.

Ex alijs quatuor, possibile, & contingens, quantum ad præsens institutum, idem omnino significant, scilicet id, quod non repugnat esse, atque ita in re tantum manent tres modi correspondentes tribus materijs propositionum supra explicatis; nam materiæ naturali correspondet *necessarium*; remotæ, *impossibile*; contin-

genti verò, *possibile*, vel *cōtingens*. Erit ergo propositio modalis, quæ aliquo ex his modis afficitur, seu quæ non solum exprimit prædicatum conuenire subiecto, sed etiam modum, quo illi conuenit, vt si dicas, *hominem esse animal, est necesse; Petrum currere est cōtingens, &c.*

Vbi obseruandum est hos modos posse dupliciter sumi: primò nominaliter, vt *possibile, cōtingens, &c.* secundò aduerbialiter, vt *possibiliter, cōtingenter*. Priori modo sunt prædicata in propositionibus modalibus, vt patet si dicas, *Petrum currere est cōtingens*: ibi enim de illo infinitiuo, *Petrum currere*, prædicatur esse cōtingens. Vnde quāuis secundum voces interdum modus anteponatur propositioni dicendo: *cōtingens est Petrum currere*; iuxta sensum tamen semper modus est prædicatum, vt ex Aristotele secundo Periher. capite tertio, notauit recte Soto libro tertio summarum. In huiusmodi ergo propositionibus modus ipse est prædicatum, & oratio illa infinitiui est subiectam, & appellatur *dictum*. Quando autem modus sumitur posteriori modo, scilicet aduerbialiter, non est prædicatum, sed modificat vnionem prædicati, & subiecti, vt patet in hac propositione: *Petrus, necessariò est animal*.

Hoc supposito, propositio modalis est duplex: alia composita, quæ scilicet facit sensum compositum; & alia diuisa, quæ scili-

cet facit sensum diuisum: Quid autem sint sensus compositus, & diuisus: & quando propositio modalis reddat vnum sensum, quando vero alterum, aut quod possit esse signum ad illos colligendos, oportet inuestigare: quia inde pendent plures, & grauissimæ quæstiones Theologiæ, in quibus non pauci, neq̃ ignobiles Theologi ex inconsideratione harum institutionum proculdubio allucinantur.

Igitur sensus compositus propositionis modalis tunc fit, quando ipsa vnit terminos, seu extrema dicti secundum significata formalia, vt si dicas, *cæcus videre est possibile*, & sensus sit, possibile esse, vt cæcus manens cæcus, videat, seu quòd simul sint in eodem subiecto cæcitas, & visio. Tunc autem fit sensus diuisus, quando propositio modalis vnit terminos, non secundum significata formalia, sed significatum formale prædicati vnit materiali subiecti: vt si dicas, *album possibiliter est nigrum*, & sensus sit, rem illam, quæ est alba, posse esse nigram.

Quando verò propositio modalis reddat sensum compositum, & quando diuisum, aut quòd sit huius differentię signum, non explicant Auctores extra scholam D. Thom. existimantes, quālibet propositionem modalem, quocūque modo dispositam, admittere vtrumque sensum: & hac de causa asserunt, Theologos communiter distinguere per-
nes

res sensum compositum, & diuisum eandem propositionem; siue dicatur, *predestinatus non potest condemnari*; siue, *predestinatum condemnari est impossibile*, aut alias similes. Sed re verà iuxta hunc dicendi modum nō penetratur proprietates istarum propositionum, & valde confunditur hæc materia, vt constabit ex dicendis: & idē illo relicto.

Verissima est sententia, quam tradit D. Thom. opusc. 40. citato, & sequuntur eius discipuli Sotus vbi suprā, Ferr. 1. contra gentes, c. 67. Aluarez lib. 12. de auxilijs, disput. 115. num. 12. & communiter Thomistæ: quod scilicet tunc modalis reddit sensum compositum, quando dictum subiicitur, & modus prædicatur, vt si dicas, *predestinatum condemnari est impossibile*: tunc vero reddit sensum diuisum, quando modus interponitur partibus dicti, vt cū dicitur, *predestinatus potest condemnari*, vel *predestinatus possibiliter condemnatur*: sic enim modus recte interponitur prædicato, & subiecto: & consequenter non fit integrū prædicatum, sicut fit in modali composita.

Quod autem hæc Thomistarum doctrina in rigore logico sit necessariō admittenda, patet: nām quandō modus est prædicatum in propositione modali, tunc totum dictum verē est subiectum, & ex consequenti de partibus eius simul sumptis, & per modum vnius prædicatur ipse modus: ac proinde

sensus erit, illa duo simul esse compositibilia in subiecto, in quo consistit sensum esse compositum. At verò, quandō modus interponitur partibus dicti, iam illa pars, quæ est prædicatum, quasi disiungitur ab alia, quæ est subiectum, & iuxta regulas appellationis applicat sui significatum formale supra materiale istius, in quo consistit sensum esse diuisum: ergo iuxta proprietatem dialecticam necessariō admittenda est adducta D. Tho. & Thomistarum doctrina.

Siquando verò graues Theologi propositionē modalem utroque modo dispositam distinguunt in sensu composito, vel diuiso; id fit, ne tunc his dialecticis præcisionibus implicentur, atque vt imperitioribus se conformet, quia cum pluribus loquendum est. Cū quātamen stat iuxta proprietatem sermonis absque vlla distinctione cōcedendam esse hanc propositionē; *predestinatum condemnari est impossibile*: hanc verò negādam; *predestinatus non potest condemnari*: quia prima est composita, secunda verò diuisa.

Vt autem materia hæc, ex qua tot Theologicæ controuersię pendunt, plenius percipiatur, simulque detegatur radix, ex cuius inconsideratione aliqui recēiores Theologi reiiciunt celebrem illam distinctionem de sensu composito, & diuiso sæpē à D. Thom. traditam, & ab eius discipulis communiter receptam ad explicandam concordiam libertatis nostræ cum diuina

providentia, prædestinatione, aut gratia efficaci, notandum maxime est, quod cum modalis composita uniat inter se formas importatas per extrema dicti, indè fit, ut quando extrema ipsa significant actum secundum, seu actionem; tunc modalis composita uniat illas duas actiones simul, ut si dicas, *ridentem flere est impossibile*, sensus est, illas duas actiones flendi, & ridendi simul esse non posse in eodem subiecto. Quando verò extrema dicti significant actum primum, seu potentiam, tunc modalis composita uniat illas duas potentias simul, ut si dicas, *risibile esse flebile est impossibile*, sensus est, has duas potentias ad ridendum, & flendum non posse esse simul in eodem subiecto. Si verò alterum extremum dicti significet actum, alterum verò potentiam, tunc eadem proportione modalis composita uniat simul actum illum cum potentia: ut si dicas, *ridentem esse flebilem est impossibile*, sensus est, actum ridendi, & potentia ad flendum simul esse non posse in eodem subiecto.

Hinc iam faciliè intelligitur, ex tribus istis propositionibus adductis, primam, scilicet, *ridentem flere est impossibile*, esse verissimam: quia solum enuntiat actus ipsos flendi, & ridendi esse impossibiles, quod verum est. Secunda autem, & tertia, scilicet, *risibile esse flebile est impossibile*, & *ridentem esse flebilem est impossibile*, sunt omninò falsæ: quia affirmant, utramque po-

tentiam inter se, aut alteram cum acta alterius esse impossibiles, quod patet esse falsum. Ad hunc ergo modum, quando Thomistæ in materia de auxilijs asserunt, voluntatem præmotoram à Deo auxilio efficaci non posse in sensu composito dissentire, solum intendunt, hanc modalem compositam esse veram: scilicet, *voluntatem à Deo præmotam auxilio efficaci dissentire est impossibile*. Quæ quidem est verissima: nam reddit hunc sensum, præmotio actualis auxiliij efficaci, & actualis dissensus non possunt simul esse in voluntate, quod admittere tenentur, quicumque rectè senserint de efficacia diuinæ voluntatis, & gratiæ. Si verò in altero extremo dicti poneretur, verbum significans potentiam, dicendo: *Voluntatem præmotam auxilio efficaci posse dissentire, est impossibile*, iam propositio esset, omninò falsa: nam sensus esset actualem præmotionem Dei, & potentiam ad dissentiendum non posse simul esse in voluntate, quod falsum est, & planè destruit libertatem. Hoc autem Thomistæ non asserunt, ut falso illis nonnulli imponunt, quod tamen non imputarent, si vim propositionum modalium cognouissent. Videatur D. Thomas de veritate, quæstion. 23. artic. 5. ad 3. Albaræ ubi supra, & disputatione 18. & 92. Sed ad nostra redeundo.

Cognita iam essentia, & multiplicitate propositionis modalis, videndum restat, unde attendan-

CAPVT IX.

*De quantitate, qualitate, oppositio-
ne, æquipollentia, & conuersione
propositionis modalis
compositæ.*

Sicut in propositione simplici affirmatio, vel negatio attenditur ex copula principali, ita etiam in modali composita (in qua modus prædicatur de dicto, vt vidimus) affirmatio, vel negatio attenditur penès copulam, qua modus ipse enuntiatur de dicto: & ideò quando modus est negatus, propositio modalis est absolutè, & in rigore negatiua, quamuis dictum sit affirmatum, sicut è contra, si modus fuerit affirmatus, propositio erit propriè, & simpliciter affirmatiua, quamuis dictum sit negatum. Quia tamen dictum ipsum verè est pars propositionis modalis: ideò ex eius etiam affirmatione, vel negatione dicitur illa secundùm quid affirmatiua, vel negatiua, & propterea quando dictum est affirmatum, & modus negatus, solet propositio modalis appellari affirmatiua de dicto, & negatiua de modo, & è contra, quando dictum est negatum, & modus affirmatus, dicitur negatiua de dicto, & affirmatiua de modo. Hæc tamen intelligenda sunt, vt diximus, quòd scilicet simpliciter, & absolutè loquendo, modalem esse affirmatiuam, vel negatiuam, sumendum est à modo & non à dicto.

¶ Eadem proportionem philosophan-

tur in ea affirmatio; vel negatio; vniuersalitas, vel particularitas; veritas, vel falsitas, &c. Non autem habet ista specialem difficultatem circa propositionem diuisam: quia, cum in hac modus non prædicatur, vt dictum est, sed tantùm modificet copulam, & consequenter illud ipsum, quod erat subiectum, & prædicatum in propositione simplici, seu deinde, sit etiam subiectum, & prædicatum in modali diuisa; inde fit, eandem ferè esse vtrouque dispositionem, & idem iudicium de vtriusque ferendum esse. Propter quod etiam Dialectici communiter docent, circa oppositionem, æquipollentiam, & conuersionem modalium diuisarum, seruandas esse generales regulas supra traditas, paucis exceptis, quæ infra adnotabimus. At verò, cum in modali composita modus prædicatur, & totum dictum subiiciatur; longè diuersam habet dispositionem, & aliz simplices; ac proinde diuerso etiam modo attenduntur in illa quantitas, vel qualitas, oppositio, æquipollentia, &c. Et propterea Doctores in præsentia, relicta propositione modali diuisa, solum instituant sermonem de composita. Quod nos etiam obseruabimus.

(.)

sophandum est circa quantitatem istarum propositionum, quæ absolute attenditur ex quantitate modi: & ideo illa propositio modalis appellatur simpliciter vniuersalis, cuius modus est vniuersalis, licet dictum sit particulare, & e contra: quamuis etiam ex quantitate dicti talis propositio secundum quid denominatur vniuersalis, vel particularis. Propter quod illa, cuius dictum est particulare, & modus vniuersalis, appellatur particularis de dicto, & vniuersalis de modo, idest, secundum quid particularis, & simpliciter vniuersalis, & idem est e contra. Qui autem sint modi vniuersales, & qui particulares, explicant Dialectici ex similitudine, & correspondentia, quam habent isti modi cum signis ostendentibus quantitatem propositionum simplicium, iuxta duo illa carmina.

¶ *Omnis, necesse valet impossibile, nullus.*

¶ *Possibile, quidam: quidam non, possibile non.*

Quibus significatur, quod *necesse*, est modus vniuersalis affirmatiuus, & assimilatur signo *omnis: impossibile* verò est modus vniuersalis negatiuus, & assimilatur signo *nullus; contingens* autem, seu *possibile*, est modus particularis affirmatiuus, & assimilatur signo *aliquis; & tandem possibile non*, seu, *contingens non*, est modus particularis negatiuus, & assimilatur signo *aliquis non*.

¶ Præterea ad veritatem, & fa-

litate propositionum modalium cognoscendâ, obseruanda est sequens regula: quod scilicet tunc propositio de possibili est vera, quando sua de inesse est possibilis, tunc autem falsa, quando sua de inesse non est possibilis. (Et idem est de modali, quæ fit per cōtingens, nam duo isti modi in præsentī idē omnino sunt, vt diximus) Propositio verò de impossibili tunc est vera, quando eius de inesse est impossibilis, falsa verò, quando eius de inesse nō est impossibilis. Et tādē propositio de necesse tunc est vera, quando eius de inesse est necessaria, falsa verò, quando eius de inesse nō est necessaria. Quorum omnium exempla facile consideranti patebunt.

Vbi etiam nota, omnem propositionem modalem verā esse necessariam, & omnē modalem falsam esse impossibilem: v.g. hæc propositio: *Petrum currere, est contingens*, est vera, & necessaria: quia necessarium est, vt hoc, quod est currere, conueniat Petro cōtingenter. Cuius ratio sumitur ex ipsa natura propositionis modalis: etenim hæc, non solum exprimit prædicatum conuenire subiecto, sed etiam modum proprium, quo illi conuenit: ac proinde si est vera, est necessaria; si verò falsa, impossibilis.

¶ Rursus, vt harum propositionū oppositio, & aquipollentia facilius percipiat, notandum est, quod, cum isti modi per omnia assimilentur signis supra explicatis, cōsimili etiam modo contrahit utrobique oppositio: & ideo sicut, *omnis*, &

nullus,

nullus, opponuntur contrariè; ita etiam, *necessè*, & *impossibile*. Deinde sicut, *aliquis*, & *aliquis non*, opponuntur subcontrariè; ita etiam, *Possibile*, vel, *contingens*, & *possibile non*, vel, *contingens non*. Præterea sicut, *omnis*, & *aliquis non*, & similiter, *nullus*, & *aliquis*, opponuntur cōtradiçtoriè, ita, *necessè*, & *possibile non*, seu, *contingens non*, & similiter, *impossibile*, & *possibile*, seu, *contingens*. Ac tandem sicut, *omnis*, & *aliquis*; *nullus*, & *aliquis non*, subalternantur, ita etiam, *necessè*, & *possibile*, seu, *contingens*, ac *impossibile*, & *possibile non*, seu, *cōtingens non*.

¶ Similiter quoad æquipollentiam istorum modorum valet ille versus: *Præ contradic: post, contra: præ, postq; subalter*. Nam eo modo, quo propositiones simplices oppositæ sunt æquipollentes iuxta tria præcepta suprâ tradita, sic etiam contingit in præsentî: ac proindè, *necessè*, & *possibile non*, qui sunt modi contradicitoriè oppositi, sunt æquipollentes, si cuilibet apponatur negatio: ut si dicas, *non necessè*, iam æquivaleret, *possibili non*; & ex consequenti istæ modales erunt æquipollentes: *non necessè est Petrũ currere*; *possibile est Petrum non currere*. Qua etiam proportionem ex modis contrarijs sunt æquipollentes postposita negatione cuilibet illorum: ex subalternis verò, præposita, & postposita. Ne autem aliquis turbetur in anteponèdo, vel postponèdo negationes, sciendum est, in his propositionibus modali-

bus tunc anteponi negationem, quando negatur modus, tunc verò postponi, quando negatur dictum, tunc autè anteponi, & postponi, quando utrũq; negatur, quod fit, constituen- do negationem, tam à parte dicti, quàm à parte modi, ut in figura postea statuenda clariùs eluciscet.

Vt autem iuxta has regulas faciliè quisque possit inuenire, quæ propositiones modales sint æquipollentes, quæ verò oppositæ, & quo genere oppositionis: excogitarunt Dialectici quatuor dictiones, seu rotulos, scilicet, *PVR- PVREA. ILLIACE. AMA- V I M V S. E D E N T V L I*. In quibus inveniuntur quatuor vocales. A. E. I. V. Harum A. denotat propositionem modalem affirmatiuam de dicto, & de modo: V. negatiuam de dicto, & de modo: E. negatiuam de dicto, & affirmatiuam de modo; I. affirmatiuam de dicto, & negatiuam de modo; qui est sensus illius carminis.

¶ *E, dictum negat, I, quæ modum, nihil A, sed V. totum.*

Quælibet ergo ex dictis dictionibus, seu rotulis continet quatuor literas vocales, iuxta numerum modorum, quos suprâ assignauimus. Atq; ita prima vocalis in vnoquoque rotulo indicat propositionem de possibili: secunda propositionem de contingenti; tertia, de impossibile; & quarta, de necessè. Quibus rotulis in quatuor angulis dispositis, ita ut *purpurea*, & *illiacè*, sint in duobus superioribus; *amauimus*, & *edentuli*, in inferioribus;

constituitur figura oppositionis: nā omnes propositiones, quæ sunt in *purpurea*, & *illiacæ*, opponuntur contrariè: quæ in *amanimus*, & *edentuli*, sub contrariè: quæ in *purpurea*, & *edentuli*, & similiter, quæ in *illiacæ*, & *amanimus*, contradictoriè: & tandem quæ sunt in *purpurea*, & *amanimus*: & similiter quæ in *illiacæ*, & *edentuli*, opponuntur subalterne. Omnes autem propositiones cuiuslibet rotuli sunt inter se æquipollentes. Quæ omnia subiecta figura demonstrat.



Consultò posuimus exempla in modalibus, quæ sunt de dicto singulari: quia quando dictum est commune, ut oppositio, & æquipollentia sine errore fiant; aduertendum est, ut dictum propositionis de necessè in quocumque rotulo non habeat eandem quantitatē, ac alia tres propositiones, quæ in illo continentur; sed si dictum alia

aliarum sit particulare, dictum pro-
positionis de necesse sit vniuersale,
vel. e contra; aliàs in rotulis cō-
tradictorijs dabantur dux contra-
dictoriæ simul veræ: vt si in *purpu-
rea* & *edentuli* dicatur, *necesse est*
*aliquod animal esse hominem: possi-
bile est aliquod animal non esse ho-*
minem. Si tamen in altera mutetur
quantitas dicti, ita vna erit vera,
& alia falsa. Plures alias regulas
alij multiplicant; additæ tamen
sufficiunt, si generales suprà tradi-
tæ rectè perpendantur.

Hoc solum superest adnotan-
dum pro modalibus diuisis, quòd,
vt fiat oppositio, debet mutari
quantitas modorum, ita vt in vna
sit vniuersalis, & in alia particula-
ris: v.g. *Petrus necessariò est homo*,
eius contradictoria est, *Petrus pos-
sibiliter non est homo*. Quando verò
modalis diuisa est de subiecto com-
muni, debet etiam mutari quanti-
tas dicti: vt si dicas, *omnis homo ne-
cessariò est animal*, eius contradi-
ctoria est, *aliquis homo possibiliter*
non est animal.

¶ Tandem circa conuersionem
propositionum modalium obser-
uandū est, ipsas, generaliter loquen-
do conuerti ratione dicti, non ve-
rò ratione modi, ac proinde regu-
lariter fieri conuersionē inuariato
modo, iuxta regulas generales cō-
uersionis: & hoc tam in modalibus
compositis, quàm diuisis: vt si dica-
tur, *omnis homo necessariò est animal*:
ergo *aliquod animal necessariò est*
homo. *Aliquem hominem esse album*
est possibile: ergo *aliquod album es-*

se hominem est possibile, &c. Quan-
dò verò in propositione de necesse
subiectum dicti est aliquid concre-
tum accidentale, tunc *necesse*, debet
mutari in *possibile*, aliàs dabitur
antecedens verum, & consequens
falsum: vt *Grammaticus necessariò*
est homo; non valet: ergo *homo ne-
cessariò est Grammaticus*, sed debet
pro, *necessariò*, poni, *possibile*, di-
cèdo: ergo *homo possibiliter est Gra-*
maticus. Cuius rationem tangit S.
Th. opusc. 48. tract. de syllogismo,
quia, scilicet, sapè vna res ex neci-
ra sua postulat vniui alteri, cum ta-
men hæc non necessariò petat cum
priori coniungi.

Vbi denique aduerte, quòd,
quando modi sunt negatiui, & di-
ctum est vniuersale affirmatiuum,
non potest propositio modalis cō-
uerti, si subiectū dicti sit superius
prædicato: non enim valet: *Omne*
animal esse hominem est impossibile:
ergo *aliquem hominem esse animal*
est impossibile: Alia non ita necessa-
ria circa propositiones modales,
consultò omittuntur, quæ tamen,
si placet, in Auctoribus videri pos-
sunt.

CAPVT VLTIMUM.

De propositionibus exponibilibus.

Appellatur propositio exponi-
bilis, quæ ratione alienius in
ea inclusi obscurum habet sensum:
& ita indiget expositione. Quod
fit, per aliam propositionem cla-
riorem, & idèd hæc vocatur ex-
ponens, sicut illa dicitur exponi-
bilis.

Inter

Inter has propositiones primò enumeràtur *exclusiua*, quæ scilicet modificantur aliqua dictione exclusiua, quales sunt *tantum, dumtaxat*, & similes. Si ergo talis particula apponatur subiecto, modificat totâ propositionem, eamque efficit absolute exclusiuam: & tunc excludit alia omnia subiecta à participatio-
ne predicati, vt si dicas; *Tantum homo est risibilis*: exponitur sic; *homo est risibilis, & nihil aliud ab homine est risibile*. Si verò particula exclusiua iungatur prædicato, tunc propositio vocatur de excluso extremo, & excludit à subiecto alia omnia prædicata; vt cùm dicatur, *homo est tantum animal*; exponitur hoc modo; *homo est animal, & homo non est aliquid aliud*.

Inter hos autem modos exclusionis magna est differentia. Si enim dicas, *predicabilia sunt tantum quinque*, propositio est vera; quia significat non esse plura, neque pauciora; si verò dicas, *tantum predicabilia sunt quinque*, est falsa: quia sensus est, numerum quinarium solis prædicabilibus conuenire. Quâuis autem iuxta proprietatem sermonis hæc ita sint, sæpè tamen à nobis confunduntur in communi modo loquendi, & particulam exclusiuam, quæ iungenda erat subiecto, inconsideratè applicamus prædicato, aut e contra; & ideo sensus intentus colligendus erit ex subiecta materia, de qua tractatur. Illud tamen oportet adnotare, has particulas, cuiuscumque iungantur, nunquam excludere ea, quæ neces-

sariò illud comitantur; cùm enim dicis, *tantum diligo salutem*; non excludis à tali amore media necessaria ad illius consecutionem, & cùm dicitur, *tantum Petrus currit*; non excluditur hoc risibile à cursu, & sic de alijs.

¶ Secundum genus propositio-
num exponibilium est illarum, quæ afficiuntur particula exceptiua, *præter*, aut similibus; vt, *omne animal præter hominem est irrationale*. Appellantur autem *exceptiua*; quia aliquid ex aliquo cõmuni distributò excipiunt; & ideo non datur propria exceptio, nisi detur talis distributio subiecti, vt patet in hac, *homo est albus præter Petrum*: quæ improprie dicitur exceptiua, vt bene notat Toletus in præsentì.

Igitur propositiones exceptiua exponuntur rectè, si loco particule, *præter*, ponatur, *excepto*; vt si dicas; *omne animal præter hominem est irrationale*, exponitur dicendo, *omne animal, excepto homine, est irrationale*, vel per copulam implicationis negatiuam dicendo, *omne animal, quod non est homo, est irrationale*.

¶ Tertium genus est earum, quæ duplicatum habent subiectum; vel prædicatum ratione alicuius particule illud duplicantis, & propterea appellantur *reduplicatiue*. De quibus non nihil agemus, quia earum cognitio est summè necessaria, ad scientias, & valdè frequens illarum vsus. Igitur particule reduplicatiua sunt, vt, *in quantum, quantum, qua ratione, secundum quod*, & si-

& similes. Quæ possunt dupliciter sumi, scilicet reduplicatiuè, & specificatiuè. Tunc sumuntur reduplicatiuè, quando reduplicant causam, cur prædicatum infit subiecto, vt si dicas, *homo in quantum rationalis est risibilis: Petrus quatenus albus est disgregatiuus visus*, &c. Et huiusmodi propositiones exponuntur optimè per causalem dicendo: *quia homo est rationalis, est risibilis: quia Petrus est albus, est disgregatiuus*, &c.

Tunc verò particulæ istæ sumuntur specificatiuè, quando reduplicant rationem formalem, cui adæquatè conuenit prædicatū; quæ tamen non est causa eius: vt cum dicitur, *color in quantum color est obiectum visus: ens in quantum ens est obiectum Metaphysica*, &c. In his enim propositionibus non significatur causa, sed natura, & species, cui conuenit adæquatè prædicatum. Quam doctrinam cōcorditer tradunt Dialectici, Sotus, Tolet. Villa^p. & alij. Huiusmodi autē propositiones non exponuntur per causalem, possunt tamen aliquantulum exponi per conditionalem, dicent lo: *Si est ens, est obiectum Metaphysica*, &c.

Hinc colliges, quantum à proprietate, & veritate errent, qui propositionem reduplicatiuam inter disputantium distinguunt in sensu specificatiuo, vel reduplicatiuo, per specificatiuum intelligunt propositionem reduplicare rationem materialem, per reduplicatiuum verò, rationem formalem: v.g.

hanc propositionem: *Petrus in quantum homo est albus*, distinguunt, & asserunt specificatiuè esse veram, reduplicatiuè autem falsam, quia putant priori modo reddere hunc sensum: *Petrus, qui est homo, est albus*. Hic tamen modus loquendi, & intelligendi istos terminos est planus abusus, vt patet ex dictis: nō enim propositio potest esse reduplicatiua, nisi reduplicet aliquam rationem formalem: aliās nihil adderet supra præiacentem, seu simplicem, neq; distingueretur ab ea, vt cōsideranti patebit. Et ideo illa propositio, *Petrus in quantum homo est albus*; & similes, siue reduplicatiuè, siue specificatiuè sumantur, sunt omnino falsæ, vt ex ipsis terminis patet.

Hic etiam nota cum Soto lib. 4. Summularum cap. 3. dictiones istas reduplicatiuas, præsertim ly, *secundum*, aliquando, non sumi propriè reduplicatiuè, neque specificatiuè, sed quasi diminutiue: vt cum dicimus, *Aethyops est albus secundum dentes*, vel *quantum ad dentes*: ibi enim non reduplicatur causa, vel ratio formalis, sed prædicatum, quod ex se poterat conuenire toti homini, diminuitur, vt supponat pro aliqua eius parte: propter quod Aethyopem nō appellamus simpliciter album, sed tantum secundum quid.

Est autem circa hoc valdè notanda pulchra regula Angelici Doctoris 3.p.q. 16. artic. 8. quod scilicet ea, quæ indifferenter possunt conuenire toti, vel parti, aut saltem in

in dubitationem venire; an toti, vel parti conueniant; si in sola parte inueniatur, inde totum nō denominatur simpliciter tale: non enim absolutē dicimus, *Aethyops est albus*. At verō ea, de quibus indubitatum est non posse cōuenire toti; nisi ratione partis, simpliciter attribuitur toti: dicimus enim absolutē, *Petrus est crispus*; quāvis crispitudo non sit intoto corpore: quia non potest ei conuenire, nisi secundū capillos.

Hæc etiam est ratio, ut ibidē notat D. Tho. quare ea, de quibus non potest suspicari, conuenire diuinæ personæ secundum se ipsam; absolutē, & simpliciter affirmamus de Christo Domino propter humanam naturā; licitas enim absolutē Christum esse passum, mortuū, & sepultū: sicut absolutē dicimus Petrum esse crispum. At verō ea, de quibus suspicari posset, an conueniant Christo ratione solius humanitatis, vel etiam ratione personæ; non tribuimus Christo absolutē; & simpliciter, sed cum addito diminuyente; ne hæreticorum erroribus fauere videamur: & ideo has propositiones absolutē prolatas, *Christus est creatura, Christus est mi-*

nor Patre, Christus incepit esse, non concedit Catholicus: quia Ariani dixerūt Christum esse creaturam, minorem Patre, & incepisse, non solum ratione humanæ naturæ, sed etiam ratione personæ. Similiter has non concedimus absolutē prolatas, *Christus est incorporeus, vel impassibilis*: quia Manichæi negauerunt Christum habuisse verum corpus, aut verē passum fuisse. Bene tamen conceditur tales propositiones cum determinatione, seu particula diminuantē, nempe Christum esse creaturam, aut incepisse, secundum humanam naturam, & Christum esse incorporeum, aut impassibilem ratione deitatis: sicut cum addito diminuyente concedimus Aethyopē esse albū secundū dētes.

Aliæ sunt propositiones exponibiles, quarum obscuritas nō provenit ex aliqua dictione ibi inclusa, sed ex ipsa materia, qua cōstituitur, ut sunt, quæ fiunt per verbum, *incipit*, vel, *desinit*; de quibus in lib. Physicorum; vel quæ fiunt per verbum, *differt*; de quibus cap. de differentiis constabit. Tandem aliæ sunt, quæ dicuntur *insolubiles*, siue se falsificantes, quas ut parē, philosophicas communiter Doctores omittunt.

LIBERTERTIVS DE ARGUMENTATIONE, & eius proprietatibus.

Argumentatio est præcipuū Dialecticæ instrumentū, quæq; proximè parit scientiā: ad quā proinde alia omnia, quæ in Dialectica traduntur, quasi in propriū scopū meritō ordinantur; & ideo postquā in primo, & secundo lib. de terminis, & propositionibus disputatū est, ipsa ratio, & propositionis ias exigunt, ut in hoc tertio de argumentatione differamus.

Quid, & quotuplex sit argumentatio, & quis modus sit inter disputantes obseruandus, supra in præambulis diximus. In huc tamen locum duo alia explicanda remissimus; nimirum quomodo sit intelligenda hæc argumentationis in materialis, & formalis: & an quatuor illæ argumentationes, quæ communiter enumerantur, scilicet syllogismus, enthymema, inductio, & exemplum sint propriæ species argumentationis.

Circa primum duplex est expositio illius diuisionis, & utraq; probabilis. Prior est illorum, qui per argumentationem formalem intelligunt eam, in qua cōsequēs rectè sequitur ex antecedenti, seu cuius cōsequentia est bona: per materiale verò, illā, in qua licet antecedens, & consequēs sint in se vera, cōsequentia tamē est mala: quia vnum non inferitur ex alio: vt Petrus est animal; ergo est rationalis; quāuis enim verū sit Petrum esse animal, & esse rationale, hoc tamē nō sequitur ex illo, vt patet. Iuxta quā expositionē sola argumentatio formalis est propriè, & simpliciter argumentatio: nā materialis, vel nō est argumentatio, vel tantū extrinsecè, & perquādam attributionē dicitur talis, ad eū modū quo homo pius denominatur homo.

Posterior, & fortè melior expositio est eorū, qui asserunt argumentationem formalem esse illam, in qua sequitur cōsequens ex vi artificij, seu dispositionis, in antecedenti inuēta. Quod cōtingit, quādo nul-

lus terminus est in cōsequenti, qui nō fuerit in antecedenti, quāuis aliquis fuerit in antecedenti, qui non sit inconsequens: in tali enim artificio, seu dispositione maximè elucet forma argumentationis, & ideo meritò appellatur argumentatio formalis. Materialis verò secundū hanc sententiam dicitur ea, in qua, licet cōsequentia sit bona; quia cōsequens in rei veritate, sequitur ex antecedenti, nō tamē sequitur ex vi dispositionis terminorū, qui sunt in illo, eò quod in cōsequenti est aliquis terminus, qui non fuit in antecedenti. Iuxta quā expositionem solus syllogismus est argumentatio formalis; cæteræ verò, materiales, vt ex dictis cōstabit. Videatur Conimbric. lib. 1. Priorum c. 1. q. 2. art. 3.

¶ Veniamus ad secundū, an scilicet omnes illæ argumentationes sint propriæ species, & essentialiter inter se distinctæ. In quo partē affirmatiuā defendit Lemos. l. 1. Paradox. Dialectic. error. 23. quē refert, & sequitur Mas. l. 1. Prio. q. 5. fauetque cōmunis modus loquēdi Dialecticorū, quorum ferè omnes has quatuor argumentationes enumerāt, & de illis, vt de speciebus argumentationis loquuntur.

Ratione etiā potest suaderi quia quæ differūt definitione essentiali, differūt specie, sed huiusmodi sunt omnes istę argumentationes, siquidē eas definiuit Aris. l. 1. Prio. diuersis, & essentialibus definitionibus: ergo omnes illæ verè differūt specie.

¶ Con-

Confirmatur: quia in vnaquaque earum reperitur diuersa dispositio, & forma argumentationis, vt videtur ex ipsis notum: ergo differunt inter se specie. Patet consequentia; quia quæ differunt forma, differunt specie, teste Arist. 7. Metaphysicæ cap. 13.

Nihilominus dicendum est propriè, & in rigore loquendo duas tantum esse species argumentationis, scilicet syllogismum, & inductionem, ab his verò enthymema, & exemplum solum distingui tanquam perfectum, & imperfectum intra eandem speciem. Sic docent Numenius lib. de constitutione artis dialecticæ, & alij, vt refert Masius loco citato: estque proculdubio sententia Arist. 2. priorum cap. 23. vbi enumerans omnes modos acquirendi cognitionem per discursum, inquit: *Rerum omnium fidem facimus, aut syllogismo, aut inductione.* Et clariùs 1. Posteriorum, c. 1. postquam dixit, orationes dialecticas vt syllogismo, & inductione, subdit: *Eodem modo, etiam oratoricæ rationes persuadent: aut enim persuadent exemplis, quæ sunt inductiones: aut enthymematibus, quæ sunt syllogismi.* Vbi D. Tho. lect. 1. facis expressit nostram conclusionem, dicens: *Vnde patet, quòd sicut enthymema est quidam syllogismus detricatus, ita exemplum est quædam inductio imperfecta.* Ergo ex sententia Aristot. & D. Tho. enthymema, & exemplum non distinguantur essentialiter à syllogismo, & inductione, sed vt perfe-

ctum, & imperfectum intra eandem speciem.

Fundamentum est; quia eadem dispositio præmissarum, quæ inuenitur in syllogismo, re verà inuenitur in enthymemate, & idem proportionabiliter est de inductione respectu exempli; ergo nõ possunt inter se essentialiter distingui. Probatur antecedens, quoad primam partem: quia vt infra videbimus, ars syllogistica innititur illi principio, *quacumque sunt eadem uni tertio, sunt eadè inter se*; ac proinde repugnat extremitates vniri inter se in conclusione, nisi prius in præmissis vniantur cum medio, ad quod necessariae sunt duæ propositiones ex parte antecedentis, vt de se conit: ergo quando altera breuitatis causâ non exprimitur, vt sit in enthymemate, re verà subintelligitur, & consequenter in re eadem est dispositio syllogismi, & enthymematis.

Ex quo etiam fit, ipsa inter se distingui tanquam perfectum, & imperfectum, cum enim, teste Aristot. 5. Metaphysicæ c. 16. perfectum sit id, extra quod non est accipere aliquam sui partem, seu cui nihil deest, imperfectum verò, cuius aliqua pars desideratur: consequens est syllogismum intra propriam speciem esse quid perfectum; quandoquidem ei nulla præmissarum deest, enthymema verò, quid imperfectum: vtpotè cui aliqua pars fuit amputata. Propter quod etiam appellatur syllogismus truncatus; & à Boetio definitur *esse orationem,*

in qua nō omnibus pramissis positis, festinanter infertur conclusio.

Per quod etiam patet secundā pars illius antecedētis : nām inductio, ex pluribus particularibus procedit ad vniuersale, à qua perfectio deficit exemplum, siquidem ex debilitate antecedētis singularis solum colligit aliud singulare, cū tamen si adderentur alia; iam colligeret vniuersale, fieretque perfectio inductio: ergo ipsa, & exēplum re vera sortiuntur eandē formam, seu dispositionem argumentationis secundū speciem; licet cū differentia explicata penes perfectam, & imperfectam.

Quod autē syllogismus, & inductio inter se specie distinguantur, seu quod habeant formas argumentationis essentialiter distinctas, docuit eleganter Arist. citato li. Prior. dicēs: *Quodāmodō opponitur inductio syllogismo, hic enim per medium probat extremū de tertio; illa verò per tertium probat extremū de medio.* Natura igitur prior, & notior est syllogismus, qui fit per mediū, nobis verò euidētiōr est, qui fit per inductionem. Quibus verbis duo discrimina harum argumentationū tangit Arist. vt rectē notat Mal. vbi supra. Primū est, in syllogismo procedi à toto ad partes, sed ab vniuersaliōr ad magis particulare, in inductione verò è contra. (Quod, quomodò intelligendū sit, cap. sequēti explicabimus) Et hinc sequitur secundum, quod scilicet, in inductione procedim⁹ ab his, quæ notiora sunt nobis, nēpè singularibus, quæ

sensibus subiacent, ad vniuersalia, quæ sunt minus nota nobis, licet secundum se sint magis nota, in syllogismo verò contingit è contra. Maneat ergo, duas istas argumentationes sortiri dispositiones essentialiter diuersas, & ex consequenti specificè inter se differre, vt magis constabit loco citato.

Inquires: si hæc ita sunt, quare Dialectici communiter enumerāt quatuor species argumentationis?

Huius solutio sumi potest ex doctrina Arist. loco citato Poster. Vbi docet, syllogismū, & inductionem propriè esse argumentationes dialecticas, eò quod iplis acquiritur vera cognitio sciētifica, Enthymema verò, & exēplum propter sui imperfectionē magis ad Rhetoricam pertinere. De quo videri potest D. Tho. ibidem lect. 1. Vt ergo Dialectici distinguant argumentationes, sibi familiares ab his, quæ magis Rhetoricæ accōmodantur, simulque explicant, tū illarū perfectionē; & vim inferendi, tū etiā istarum defectum, & imperfectionem: id eò illas seorsim enumerāt, etiamsi non omninò distinguātur, vt explicatum est. Per quod patet ad id, quod ex communi modo loquendi Dialecticorum adducitur pro contraria sententia.

Ad rationem autem negandā est minor. neq; enim enthymema, & syllogismus habent diffinitiones essentialiter diuersas, sed tantū accidentaliter, seu materialiter, ad modum quo puer, & vir habent diffinitiones diuersas intra speciem hominū;

hominis. Quod satis indicauit Aristot. locis citatis; definiens enthymema, & exemplum per syllogismū, & inductionē. ¶ Ad cōfirmationē etiā negandū est antecedens: quia in re, eadē est dispositio syllogismi, & enthymematis, & similiter inductionis, & exēpli, vt patet ex probatione conclusionis, & constabit amplius cap. sequenti.

CAPVT II.

De legibus cōmunibus argumentationum, ubi etiam specialiter de inductione.

T Res leges, omnibus argumentationibus cōmunes, enumerant DD. Prima est: ex antecedēti vero in bona argumentatione semper sequitur cōsequens verū, & similiter ex antecedēti possibili, cōtingenti, vel necessario, semper sequitur cōsequens possibile, cōtingēs, vel necessariū. Ratio est: quia antecedēs habet rationem causę respectu cōsequentis; causa autē nō impedita producit effectū sibi similē: ergo in bona argumentatione, quę assimilatur causę non impeditę, ex vero sēper sequitur verum: ex possibili, possibile; ex contingenti, contingens; & ex necessario, necessarium.

Secunda lex; ex antecedenti falso in bona cōsequētia aliquādo sequitur verum, vt *Petrus est equus: ergo est animal*; aliquādo falsum, vt *Petrus volat: ergo habet alas*. Quod ex falso possit sequi falsum, nullum debet esse dubiū: quod autē ex falso sequatur aliquādo verū, nō sic est intelligendū, quasi pręmissę fal-

sa influāt veritatē in conclusionē, sintq; causę talis veritatis: cū impossibile sit, causam producere virtute propria effectū perfectiorē se: sed sēsus est, pręmissas aliās falsas posse sic disponi, vt ex ipsis sequatur cōsequens, quod aliūdē est verū, & nō propter ipsas pręmissas. Quod aliter, licet nō ita propriē, explicant alij asserētes; quādo ex falso sequitur verū, ex vi quidem dispositionis, seu formę non sequi veritatem consequentis, sed consequentię.

Ex his duabus regulis colliguntur duo modi arguendi: benē enim valet in argumentatione legitima; antecedens est verum; ergo consequens est verum. & similiter, cōsequens est falsum; ergo antecedens est falsum: cū enim ex vero semper sequatur verum, vt dictum est; nūquā falsum sequetur ex vero; atque ita sēper sequetur ex falso. Non autē valet; consequens est verum; ergo antecedens est verū; neque similiter antecedens est falsum; ergo consequens est falsum: quia ex falso, vt diximus, aliquando sequitur verum, aliquando falsum.

Tertia lex: in bona argumentatione semper conclusio sequitur debiliorem partem: hoc est, si aliqua pręmissarum est particularis, conclusio debet esse particularis; & si aliqua pręmissarum est negatiua, conclusio debet esse negatiua; vt cernitur in hac argumentatione: *Nullum animal est lapis; aliquis homo est animal; ergo aliquis homo non est lapis*. Ratio est; quia duę pręmissę sunt quasi duę causę subordina-

dinatæ respectu cōclusionis, in causis autem subordinatis effectus sequitur debiliorem : vt patet in Sole, & alijs causis vniuersalibus, quæ, cum causis particularibus debilibus operantur debiliter, cum fortibus verò, fortiter.

His explicatis : cūm enthymema, & exemplum ad syllogismum, & inductionem reducantur, & ex consequenti in rei veritate duæ tantū sint species argumentationis, vt explicatum est, de ipsis deinceps agemus, & prius de inductione in hoc capite, quia pauca sunt circa illam adnotanda : deinde verò in sequentibus de syllogismo, qui lōgiorem postulat disputationem.

Vt autem propria inductionis ratio melius percipiatur, aduertendum est, ipsam non distinguī essentialiter à syllogismo per hoc, quod iste descendat ab vniuersali ad particulare : illa verò è contra ascendat a particulari ad vniuersale, vt videntur sonare verba Arist. cap. præcedenti adducta : quoniam, vt postea dicemus, tam ascensus, quàm descensus pertinent ad inductionem. Sed ad æquata, & essentialis eorum differentia sumitur ex propria, & peculiari forma, seu dispositione vtriusque. Etenim in syllogismo, extremitates vniūtur cum medio in præmissis, ex viciuis vniuntur inter se in cōclusionē : ac proinde ibi propriè datur medium vniens extrema. Quod significauit Aristor. loco citato, dicens, syllogismum per medium probare extremum de

tertio, id est, de alio extremo.

At verò forma, seu dispositio inductionis valdè diuersa est. Neque enim ibi propriè dantur extrema inter se vnita, quæ prius coniūgerentur cum aliquo medio : sed loco plurium terminorum singulariū, qui sunt in antecedenti, ponitur in consequenti terminus cōmunis æquiualens, quod est ascēdere, vel è contra loco termini cōmunis, qui est in antecedenti, ponitur in consequenti termini inferiores æquiuales, quod est descendere. Vndè propria inductionis dispositio præcisè cōsistit in eo, quòd substituatur in consequenti propositio æquiualens antecedenti, absq; speciali illo, & proprio artificio, qui cernitur in syllogismo, & hæc est propria, & essentialis eorum differentia, vt satis ex dictis patet.

Cæterum, quia in syllogismo frequentius vtimur medio superiori, vel saltem æquali, & rarò inferiori, è contra verò in inductione sæpius ascendimus à singulari ad vniuersale, quā descendamus, ideò Arist. vbi sup. & alij Dialectici ab eo, quod frequentius accidit in his argumentationibus, solēt denominare illas, afferentes, in syllogismo procedi à toto ad partēs, seu ab vniuersalioribus ad minus vniuersalia, in inductione verò è contra. Propria tamē & essentialis differentia est, quam assignauimus.

Hinc iam fit, propriam rationem inductionis æquè inueniri, siue cūm ascendimus à singularibus ad vniuersale, siue cūm

è contra descendimus: ac proinde utrumque modum ratiocinationis verè contineri sub hac specie argumentationis. Quæ, cum ascendimus, appellatur ascensus, seu inductio, cum verò descendimus, vocatur descensus, seu reductio, licet etiam in cõmuni vsu loquendi vtraque appelletur inductio.

Hoc supposito, plures regulas multiplicant Auctores pro modis arguendi in ascensu, & descensu: quas tamen facillè cõprehendet, qui nouerit suprâ adducta de suppositione terminorum. Si ergo terminus supponat distributiue, descendendum est à propositione vniuersali ad plures singulares copulatiue, vel ad vnã de copulato extremo, & verbo singulari, sic: *Omnis homo est animal: ergo hic homo est animal, &c. vel sic: ergo hic homo, & hic homo, &c. est animal.* Ascensus verò debet fieri è contra. Si autem terminus supponat collectiue, tunc ascendendum, vel descendendum est copulatiue sic: *Omnes Apostoli sunt duodecim: ergo hic Apostolus, & hic Apostolus, &c. sunt duodecim, vel è contra.* Si verò terminus supponat determinatè, descendendum est à propositione particulari ad plures singulares disiunctiue, vel ad vnã de disiuncto extremo hoc modo: *Aliquis homo est albus: ergo hic homo est albus, vel hic homo est albus, &c. vel sic: ergo hic homo, vel hic homo, &c. est albus.* Ascensus verò fit è contra. Tandem, si terminus supponat confusè, eodè modo descenditur à ter-

mino cõfuso ad singulares disiunctiue, & ascenditur è contra. Quæ omnia satis constât ex dictis loco citato.

CAPVT III.

De syllogismo, & triplici eius figura.

Arist. 1. Prior. c. 1. definit syllogismum, dicens: *Syllogismus est oratio, in qua, quibusdã positis, aliud quiddã diuersum ab his, qua posita sunt, necessariò accidit: eò quòd hæc sunt.* Quorum verborum sensus est, què iã explicauimus, scilicet, syllogismum esse argumentationem, in qua concluditur vniõ extremitatũ inter se, ex vi vniõis factæ cũ medio in præmissis. Per quod satis ostenditur perfectio syllogismi: cũ enim intra se contineat mediũ, cũ quo vniuntur extremitates: ex propria dispositione habet vim inferendi, neque indiget aliquo alio termino extra se posito, ratione cuius concludat, sicut indiget inductio. Quod explicuit optimè Aristot. ibidẽ subdens: *Dico autẽ, eò quòd hæc sunt propter hæc: euenire: ac propter hæc euenire intelligo, nullo externo termino opus esse, vt sit necessaria cõsequatio.*

Cũ autem syllogismus sit quoddam compositum rationis: habet suam quasi materiam, & formam. Materia est duplex, & proxima, scilicet, propositiones, ex quibus immediatè componitur; & alia remota, nempe termini ipsi immediatè componentes propositionem, mediatè verò syllogismum. Hi autem termini in quolibet

bet syllogismo sunt tres, ex quorum combinatione formantur tres propositiones, quæ necessariò reperiuntur in vnoquoq; syllogismo, & consequenter quilibet terminus bis repetitur, habetquè suum peculiare nomen, nam ille, qui bis repetitur in præmissis, appellatur *medium*: ex alijs verò duobus is, qui iungitur cum medio in maiori, vocatur *maior extremitas*; qui verò in minori, dicitur *minor extremitas*. Quæ omnia patent in hoc syllogismo; *omnis homo est animal; Petrus est homo; ergo Petrus est animal*: vbi ipsæ propositiones sunt materia proxima, & tres illi termini, *homo, animal, Petrus*, materia remota: ex quibus, *homo*, est medium: quia bis repetitur in præmissis; *animal*, est maior extremitas; quia iungitur in maiori cum homine: & tandem, *Petrus*, est minor extremitas: quia in minori iungitur cum eodem homine.

Forma verò syllogismi est illud artificium, seu dispositio propositionum. Quæ etiam est duplex, secundum quòd correspondet duplici materiæ explicatæ. Prima correspondet terminis, & appellatur figura syllogismi, quæ potest definiri sic: *Figura syllogismi est apta dispositio terminorum secundum subiectionem, vel predicationem*. Secunda correspondet propositionibus, & appellatur modus: & ideo solet definiri sic: *Modus syllogismi est apta dispositio propositionum secundum affirmationem, vel negationem, vniuersalitatem,*

vel particularitatem.

Quia ergo recta combinatio medij cum extremitatibus, in qua consistit ratio figuræ, potest esse triplex, triplex etiam datur figura, nam vel medium in maiori subijcitur, & in minori prædicatur, & sic est prima: vel in vtraque prædicatur: & sic est secunda: vel in vtraque subijcitur, & sic est tertia. Quod ostendit ille versus.

I Sub, præ, prima: secunda, bis præ: tertia, bis sub.

Ex his autem figuris prima est nobilior: quia ibi medium habet propriam sedem, situm, seu positionem medij, & verè mediat, quando in vna subijcitur, & in alia prædicatur. Secunda verò dignior est tertia: quia in illa medium habet digniorem locum propositionis, cum sit prædicatum. Tertia verò est omnium infima: quia ibi medium sortitur infimum locum propositionis, cum sit subiectum. Quod explicuit Aristotel. vbi sup. dicens: *Medium in prima figura esse positione medium, in secunda, positione primum, in tertia verò, positione ultimam.*

Vtrum autem detur alia quarta figura, possitvè fieri recta combinatio, si mediū prædicetur in maiori, & in minori subijciatur, res est controuersa inter Doctores propter Galenū, de quo (quāuis in scriptis eius, quæ nunc extant talis sententia nō inueniatur) Auer. 1. Priorum, c. 8. testatur posuisse quartam figuram. Quam quidem esse admittendam potest suaderi: quia in

hac argumentatione: *omnis homo est animal; omne animal est sensibile; ergo aliquod sensibile est homo*, & similibus, datur recta combinatio terminorum, ut patet: & tamen ibi medium prædicatur in maiori, & in minori subiicitur: ergo figura, quæ inde resultat est recta, & ex consequenti datur quarta figura.

Hanc questionem contra Medicos tractant Dialectici libro 1. Priorum: pro qua videri possunt Masi is ibidem questio. 6. Conimbric. cap. 7. quest. 1. & alij. ¶ Breuiter tamen cum Aristotel. & communi consensu Dialecticorum dicendum est non dari quartam figuram. Fundamentum est: quia in quacumque figura, quando syllogismi concludunt directe, maior extremitas debet in conclusione prædicari de minori, nulla alia ratione, nisi quia illa est extremum superius, quod continendo medium, continet consequenter aliud extremum inferius, scilicet, minorem extremitatem, ac proinde necesse est maiorem extremitatem in præmissis talem habere positionem, seu situm, ut possit continere minorem: hunc autem nequaquam haberet, si maior extremitas esset subiectam, & minor prædicatum, ut patet: cum subiectum non contineat, sed potius contineatur à prædicato: ergo talis dispositio, seu combinatio, ex qua resultat quarta figura, ex se non est apta, neque congrua forma syllogistica.

Dices: saltem admittenda erit hæc figura, si semper minor extre-

mitas prædicetur in conclusione de maiori, ut cum dicitur: *omnis homo est animal, omne animal est sensibile, ergo omnis homo est sensibilis*. Cuius etiam sunt mille alia exempla: estque forma arguendi valde vtitata inter disputandum.

Respondetur in primis omnino repugnare, dari figuram congruam, in qua conclusio non possit esse directa. Et ratio est euidens: nam idem syllogismi indirectè concludentes sunt boni: quia per conuersionem conclusio indirecta potest fieri directa, ut infra videbimus: ergo impossibilis est figura, cui repugnet habere conclusionem directam. Deinde addendum est idem in exemplo argumendi, & alijs eiusdem formæ, quibus passim utimur, conclusionem rectè sequi ex præmissis: quia in rei veritate est directa, & syllogismus re vera est in prima figura, quamuis in voce habeat transpositas præmissas: nam quæ ibi ponitur pro minori, in rei veritate est maior, ut patet, si transponendo illas, absque aliqua alia mutatione dicas: *Omne animal est sensibile, omnis homo est animal: ergo omnis homo est sensibilis*. Unde tandem fit quartam figuram, vel non dari, vel non distingui à prima.

Per quod patet ad argumentum in contrarium adductum, ille enim syllogismus re vera est in prima figura, & concludit indirectè in *baralippton*; habet tamen transpositas præmissas, ut dictum est:

(C.)

CAPVT III.

De regulis, tam communibus trium figurarum, quam specialibus vniuscuiusque.

ANrequàm ad singulos vniuscuiusque figuræ modos explicandos descendamus, oportet tradere, tum generales regulas ad cognoscendam bonitatem consequentiarum in quacumque figura, tum etiam speciales vniuscuiusque, quæ ex illis communibus derivantur. Pro quo sciendum est totam artem syllogisticam inniti duobus principijs. Primum est: *Quæcumque sunt eadem vni tertio, sunt eadem inter se*; id est, quando aliqua duo perfectè, completè, & adequatè vniuntur cum aliquo tertio, seu medio, necesse est, vt vniantur inter se. Et hoc principium deseruit syllogismis concludentibus affirmatiuè.

Secundum principium est: *Quæcumque sunt eadem inter se distinguuntur vni tertio*, seu *ab vno tertio*, id est, quando aliqua duo perfectè, & completè vniuntur inter se, si vnum illorum distinguitur ab aliquo tertio, necesse est distinguere, & aliud. Quod principium deseruit syllogismis concludentibus negatiuè. Sûnt autem hæc principia per se nota: quia inniuntur vniuersalissimo illo principio: *quodlibet est vel non est*, quod ex terminis ipsis est manifestum.

His autè duobus principijs innituntur alia duo in Dialectica valdè vîsitata, quæ à præcedentibus solum distinguuntur penes hoc, quòd illa sumuntur in ordine ad esse, hæc verò, in ordine ad prædicari, appellanturquè ab Arist. & à Dialecticis; *dici de omni*; & *dici de nullo*. Dici de omni, reddit hunc sensum: quidquid vniuersaliter affirmatur de subiecto affirmatur etià de quocumque contento sub subiecto. Dici verò de nullo, reddit hunc sensum: quidquid vniuersaliter negatur de subiecto, negatur etiam de quocumque contento sub subiecto. Et per hæc principia probant Dialectici omnes syllogismos, vt postea videbimus. Inde què deducuntur sequentes leges, seu regulæ ad iudicandum de bonitate consequentiarum in quacumque figura.

Prima regula generalis. Medium in aliqua saltim præmissarum debet distribui, vt sic perfectè possit coniungi, vel disiungi ab extremitatibus, aliàs non darentur tunc dici de omni, vel dici de nullo. (Non loquimur modò de syllogismo singulari, seu expository de quo infra.) Propter quod ex paribus particularibus, nihil sequitur in quacumque figura ex vi illationis, non enim valet, *aliquis homo est animal; aliquis equus est animal; ergo aliquis equus est homo*. Potest autem aliquando sequi ratione materiarum: vt *aliquod animal est substantia; aliquis homo est animal; ergo aliquis homo est substantia*.

Secunda regula. In conclusione non debet distribui aliquis terminus, qui nō fuerit distributus in præmissis. Quæ doctrina fundatur in illa generali suprà cap. 2. tradita, quòd, scilicet, conclusio semper debet sequi debiliorem partem: indè enim fit nihil debere esse in conclusione, quod excedat virtutem præmissarum, ac proinde quemcumque terminum non distributum in præmissis, non debere distribui in conclusione: aliàs talis terminus, prout est in conclusione, excederet se ipsam, ut est in præmissis.

Tertia regula. Ex parisi negatiuis nihil sequitur in quacumque figura. Ratio est manifesta: quia ex hoc præcisè, quòd aliqua duo distinguantur à quodam tertio, non sequitur distinguì, aut identificari inter se; siuè enim duæ res sint inter se maximè eadem, vel diuersæ, possunt nihilominus esse omnino disparatæ respectu alicuius tertij, ut patet: ergo ex eò quòd aliqua duo disiungantur ab aliquo tertio, non sequitur ipsa disiungi, aut identificari inter se. Et propterea non valet hæc consequentia: *nul-
lus homo est irrationalis: nullus
equus est homo: ergo nullus equus est
irrationalis.*

Quarta regula. Medium subtractione medij non debet intrare conclusionem. Ratio est: quia quilibet terminus bis tantum ponitur in syllogismo: sed medium iam est positum bis in præmissis: ergo non potest iterum poni in

conclusionem. Poterit tamen aliquando intrare, si fiat etiam extremitas: ut cum dicitur: *omnis homo est animal; sed homo est homo: ergo homo est animal.*

Quinta tandem regula generalis est, quòd tam in medio, quam in extremitatibus, non varientur proprietates terminorum, excepta suppositione, quæ prouenit à signis. Vndè tam medium, quam extremitates non debent esse termini æquivoci, vel in vna propositione ampliari, & in alia restringi, &c. Ratio est; quia iam in rei veritate nō essent tres termini in syllogismo, sed quatuor, si vnus diuerso modo supponeret, ampliaretur, &c.

Ex his generalibus legibus, seu regulis deducuntur aliæ particulares pro vnaquaque ex tribus figuris. Sit ergo pro prima figura primæ lex, quæ est sexta in ordine: quòd in quocumque syllogismo primæ figuræ directè concludente, ut consequentia sit bona, maior non debet esse particularis, neque minor negatiua: quia vel medium non distribueretur in præmissis, vel in conclusione distribueretur aliquis terminus, qui non esset distributus in præmissis, contra primam & secundam regulam generalem suprà traditam, ut patet in his syllogismis; *aliquod animal est homo: omnis equus est animal: ergo aliquis equus est homo.* Vbi *animal*, quod est medium, in neutra præmissa distribuitur: item in hoc, *omnis homo est animal; nullus equus est homo: er-*

go nullus equus est animal, vbi animal, quod est maior extremitas distribuitur in conclusione, cum tamen non fuerit distributum in præmissis.

Diximus hanc regulam intelligendam esse, quando syllogismus concludit directè iuxta infra dicenda: quia si conclusio sit indirecta, potest aliquando maior esse particularis; & etiam minor negativa: quia tunc cessant defectus assignati: vt patet in *sapēsimo*, & *friseformum*, qui sunt modi viles primæ figuræ, indirectè concludentes, vt magis infra constabit.

Septima in ordine regula pro secunda figura est, quòd si ambæ præmissæ sint affirmatiuæ, nihil sequitur. Cuius ratio est; quia cum ibi medium sit prædicatum in vtrâque præmissa, si vtrâque est affirmatiua, in neutra distribuetur medium; vt patet in hoc syllogismo, *omnis equus est animal; omnis homo est animal, ergo omnis homo est equus*. Similiter si in eadem secunda figura maior sit particularis, nihil sequitur: quia iam in conclusione distribueretur aliquis terminus, qui non esset distributus in præmissis; vt patet si dicas, *aliquod animal est homo; nullus equus est homo, ergo nullus equus est animal*. Vbi animal distribuitur in conclusione, & non in præmissis.

Octaua tandem regula pro tertia figura est: quòd si minor sit negatiua, nihil sequitur, quia iam aliquis terminus distribueretur in conclusione, qui non esset distribu-

tus in præmissis, verbi gratia, *omnis homo est animal, nullus homo est equus, ergo nullus equus est animal*, vbi animal distribuitur in conclusione, & nō in præmissis. Et propter eandem rationem, conclusio in hac figura debet esse particularis, aliàs idē defectus accideret, vt si dicas, *omnis homo est animal, omnis homo est substantia, ergo omnis substantia est animal*, vbi substantia distribuitur in conclusione, & non in præmissis.

CAPVT V.

De modis syllogismorum in vnaquaque figura.

QVemadmodum inter tres terminos syllogismi, nempe inter medium, & extremitates, quantum ad prædicationē, vel subiectionem quatuor combinationes, seu si figuræ possunt formari, ex quibus tres sunt viles: quarta verò inutilis, vt supra probatum est, sic ex varia combinatione præmissarū, quantum ad affirmationem, vel negationem, vniuersalitatem, aut particularitatem (in quo consistit modus syllogismi) quadraginta & octo modi formari possunt. Nā in qualibet figura, vniuersalitas, aut particularitas possunt quadrupliciter combinari in præmissis: primò, si vtrâque sit vniuersalis: secundò, si vtrâque sit particularis: tertio, si maior sit vniuersalis, & minor particularis: & quarto, si minor sit particularis, & maior vniuersalis. Vnaquæque autem harum quatuor cō-

binationum potest adhuc quadruplè variari, per affirmatiònem, & negatiònem, vt consideranti patebit: quatuor verò per quatuor multiplicata reddunt sexdecim, ergo in qualibet figura possibiles erunt decem & sex combinationes præmissarum, seu modi. Si autem sexdecim per tria, qui est numerus figurarum vtilium, multiplicemus, inueniemus quadraginta & octo. Ex quo fit in tribus figuris quadraginta & octo còbinationes, seu nò dos formari posse.

Qui autem eorum sint vtilis, seu consistentes, aut bonæ consequentiæ, qui verò inutiles, seu inconsistentes, aut malæ consequentiæ, iudicandum est ex regulis capite præcedenti adductis. Illi enim modi erunt inutiles, quibus aliqua ex dictis regulis defuerit, illi verò erunt vtilis, qui omnes regulas seruauerint. Ex his sunt quatuordecim in tribus figuris: quatuor in prima, scilicèt, *barbara*, *celarem*,

darij, *ferio*: alij quatuor in secunda, scilicèt, *cesare*, *camestres*, *festino*, *baroco*: & sex in tertia, scilicèt, *darapti*, *selapton*, *disamis*, *datiſi*, *bocardo*, *ferison*. ¶ Vt autem hæc plenè percipiantur, antequam singulos hos modos vtile, explicemus, libet sequentem tabulam subijcere, vbi adductis exemplis omnium combinationum, seu modorum possibilium in vnaquaque figura, apparet manifestè, qui eorum, & quare sint vtilis, qui verò, & quare sint inutiles. Claritatis autem gratiam vnamquamque combinationem præmissarum designamus per duas vocales ex illis quatuor: A. E. I. O. quæ ostendunt quantitatem, & qualitatem propositionum iuxta dicta libro præcedenti, capite 7. sic enim melius apparet dictas combinationes esse diuersas, & non esse

possibiles alias.

(. . .)



TABULA COMBINATIONVM.

sen modorum qui fieri possunt in tribus figuris, ostendens quæ eorum sint utiles, quæ verò inutiles

IN PRIMA FIGURA.

Combinatio- nes posibles.	Exempla	Invenium	Modi utiles
1 A A	Omne animal est sensibile; Omnis homo est animal. Ergo omnis homo est sensibilis.	Modus utilis: quia servat omnes regulas, & omnium optimus: quia in digniori figura cōcludit optimā propositionem.	BAR BA RA
2 A E	Omne animal est substantia; Nullus lapis est animal; Ergo nullus lapis est substantia.	Modus inutilis defectu secundæ, & sextæ regulæ.	
3 A I	Omne animal est sensibile; Aliquis homo est animal; Ergo aliquis homo est sensibilis.	Modus utilis: quia servat omnes regulas.	DA RI I
4 A O	Omne animal est substantia; Aliquis lapis non est animal; g. Aliquis lapis non est substantia.	Modus inutilis: defectu secundæ, & sextæ regulæ.	
5 E A	Nullum animal est lapis; Omnis homo est animal; Ergo nullus homo est lapis.	Modus utilis: quia servat omnes regulas.	CE LA Rem
6 E E	Nullus lapis est animal; Nullus homo est lapis; Ergo nullus homo est animal.	Modus inutilis defectu tertiæ regulæ.	
7 E I	Nullum animal est lapis; Aliquis homo est animal; Ergo aliquis homo non est lapis.	Modus utilis: quia servat omnes regulas.	FE RI O

Combinatio- nes possibiles.	Exempla	Iudicium.	Modi utiles.
8	E Nullus lapis est animal; O Aliquis homo non est lapis; g. aliquis homo non est animal.	¶ Modus inutilis defectu tertiæ regula.	
9	I Aliquod animal est rationale; A Omnis equus est animal; g. aliquis equus est rationalis.	¶ Modus inutilis defectu primæ, & sex- tæ regulæ.	
10	I Aliquod animal est substantia; E Nullus lapis est animal; g. aliquis lapis nō est substantia.	¶ Modus inutilis defectu secundæ, & sextæ regulæ.	
11	I Aliquod animal est rationale; I Aliquis equus est animal; g. aliquis equus est rationalis.	¶ Modus inutilis defectu primæ, & sextæ regulæ.	
12	I Aliquod animal est substantia; O Aliquis lapis non est animal; g. aliquis lapis nō est substantia.	¶ Modus inutilis defectu secundæ, & sextæ regulæ.	
13	O Aliquod animal nō est rationale A Omnis homo est animal; g. Aliquis homo nō est rationalis	¶ Modus inutilis defectu primæ, & sex- tæ regulæ.	
14	O Aliquis lapis non est animal; E Nullus homo est lapis; g. aliquis homo non est animal.	¶ Modus inutilis defectu tertiæ, & sex- tæ regulæ.	
15	O Aliquod animal nō est rationa- I Aliquis homo est animal; (le; g. aliquis homo nō est rationalis	¶ Modus inutilis defectu primæ, & sex- tæ regulæ.	
16	O Aliquis lapis nō est animal; O Aliquis homo non est lapis; g. aliquis homo nō est animal.	¶ Modus inutilis defectu tertiæ, & sex- tæ regulæ.	

I N S E C V N D A

figura.

Combinatio- nes possibiles.	Exempla	Iudicium.	Modi vtilis
17	A A. Omnis homo est animal; Omne sensibile est animal; Ergo omne sensibile est homo.	§ Modus inutilis defectu primæ, & sep- timæ regulæ.	CA MES Tres.
18	A E. Omnis homo est rationalis; Nullus equus est rationalis; Ergo nullus equus est homo.	§ Modus vtilis: quia seruat omnes re- gulas.	
19	A I. Omne animal est substantia; Aliquis lapis est substantia; Ergo aliquis lapis est animal;	§ Modus inutilis defectu primæ, & sep- timæ regulæ.	
20	A O. Omnis homo est animal. Aliquis lapis non est animal. Ergo aliquis lapis non est homo.	§ Modus vtilis: quia seruat omnes re- gulas.	BA RO CO.
21	E A. Nullus equus est rationalis; Omnis homo est rationalis; Ergo nullus homo est equus.	§ Modus vtilis: quia seruat omnes re- gulas.	CE SA RE.
22	E E. Nullum animal est lapis; Nullus homo est lapis; Ergo nullus homo est animal.	§ Modus inutilis defectu tertiæ re- gulæ.	
23	E I. Nullus lapis est animal; Aliquis homo est animal; Ergo aliquis homo nō est lapis.	§ Modus vtilis quia seruat omnes re- gulas.	FES TI NO.

	Combinatio- nes posibles.	Exempla	Iudicium.	Modi viles.
24	E O	Nullum animal est lapis; Aliquis homo non est lapis; g. aliquis homo non est animal.	¶ Modus inutilis defectu tertiæ regu- læ.	
25	I A	Aliquis equus est animal; Omnis homo est animal. Ergo aliquis homo est equus.	¶ Modus inutilis defectu primæ, & sep- timæ regulæ.	
26	I E	Aligua substantia est homo; Nullus lapis est homo; g. aliquis lapis nō est substantia.	¶ Modus inutilis defectu secundæ re- gulæ.	
27	I I	Aliquis equus est animal; Aliquis homo est animal; Ergo aliquis homo est equus.	¶ Modus inutilis defectu primæ, & sep- timæ regulæ.	
28	I O	Aligua substantia est homo; Aliquis lapis non est homo; g. aliquis lapis non est substantia.	¶ Modus inutilis defectu secundæ re- gulæ.	
29	O A	Aligua substantia nō est animal; Omnis lapis est animal; g. aliquis lapis nō est substantia.	¶ Modus inutilis defectu secundæ re- gulæ.	
30	O E	Aligua substantia nō est animal; Nullus lapis est animal; g. aliquis lapis nō est substantia.	¶ Modus inutilis defectu secundæ, ter- tiæ, & septimæ regulæ.	
31	O I	Aligua substantia nō est animal; Aliquis homo est animal; g. aliquis homo nō est substantia.	¶ Modus inutilis defectu secundæ re- gulæ.	
32	O O	Aliquod animal non est lapis; Aliquis homo non est lapis; g. aliquis homo non est animal.	¶ Modus inutilis defectu tertiæ regu- læ.	

I N T E R T I A

figura.

Combinatio- nes posibles.	Exempla	Iudicium.	Modi utiles
33	<p>A A</p> <p>Omne animal est sensibile; Omne animal est substantia; g. omnis substantia est sensibilis.</p> <p>Vel</p> <p>g. aliqua substantia est sensibilis.</p>	<p>¶ Si inferatur cōclu- sio vniuersalis, reddi- tur inutilis hic mo- defectu 2. regulæ, qui defectus cessat, si cō- clusio sit particularis & tūc est modus vti- lis, quia seruat alias regulas.</p>	<p>DA RAP TI.</p>
34	<p>A E</p> <p>Omne animal est substantia; Nullum animal est lapis; Ergo nullus lapis est substantia.</p>	<p>¶ Modus inutilis defectu secundæ, & octauæ regulæ.</p>	<p>DA TI SI.</p>
35	<p>A I</p> <p>Omne animal est substantia; Aliquod animal est rationale; g. aliquod rationale est substantia.</p>	<p>¶ Modus utilis: quia seruat omnes re- gulas.</p>	10
36	<p>A O</p> <p>Omne animal est substantia; Aliquod animal non est equus; g. aliquis equus nō est substantia.</p>	<p>¶ Modus inutilis defectu secundæ, & octauæ regulæ.</p>	<p>FE LAP Ton.</p>
37	<p>E A</p> <p>Nullum animal est lapis; Omne animal est substantia; Ergo nulla substantia est lapis.</p> <p>Vel</p> <p>g. aliqua substantia non est lapis.</p>	<p>¶ Si inferatur cōclusio vniuersalis, redditur inutilis hic modus de- fectu 2. regulæ; qui de- fectus cessat, si cōclu- sio sit particularis, & tunc est modus vti- lis: quia seruat alias regulas.</p>	11
38	<p>E E</p> <p>Nullus lapis est animal; Nullus lapis est homo. Ergo nullus homo est animal.</p>	<p>¶ Modus inutilis de- fectu tertiæ regulæ.</p>	<p>FE RI ON.</p>
39	<p>E I</p> <p>Nullus lapis est animal; Aliquis lapis est substantia; g. aliqua substantia nō est animal.</p>	<p>¶ Modus utilis: quia seruat omnes re- gulas.</p>	12

	Combinatio- nes posibles.	Exempla	Iudicium.	Modi vtilis.
40	E O	Nullus lapis est animal; Aliquis lapis non est homo; g. aliquis homo non est animal.	¶ Modus inutilis defectu tertiæ regu- læ.	
41	I A	Aliquod animal est rationale. Omne animal est substantia; g. aliqua substantia est rationale.	¶ Modus vtilis: quia seruat omnes re- gulas.	DI SA MIS
42	I E	Aliquod animal est substantia; Nullum animal est lapis; g. aliquis lapis nō est substantia.	¶ Modus inutilis defectu secundæ, & octauæ regulæ.	
43	I I	Aliquod animal est rationale; Aliquod animal est binnibile; g. aliquod binnibile est rationale.	¶ Modus inutilis defectu primæ regu- læ.	
44	I O	Aliquod animal est substantia; Aliquod animal non est lapis; g. aliquis lapis nō est substantia.	¶ Modus inutilis defectu primæ, & o- ctauæ regulæ.	
45	O A	Aliquod animal non est lapis; Omne animal est substantia; g. Aliqua substantia nō est lapis.	¶ Modus vtilis: quia seruat omnes re- gulas.	BO CAR DO.
46	O E	Aliquis lapis non est animal; Nullus lapis est homo; Ergo aliquis homo nō est animal;	¶ Modus inutilis defectu tertiæ regu- læ.	
47	O I	Aliquod animal nō est rationa- le; Aliquod animal est homo; (le; g. Aliquis homo nō est rationalis	¶ Modus inutilis defectu primæ regu- læ.	
48	O O	Aliquis lapis nō est animal; Aliquis lapis non est homo; g. aliquis homo non est animal.	¶ Modus inutilis defectu primæ & ter- tiæ regulæ.	

Pro quorum maiori intelligentia primò aduertendum est, in harum combinationum exemplis seruatum esse doctrinam generalem, cap. 2. traditam, quòd scilicet, conclusio debet sequi debiliorem partem; & propterea, semper quòd aliqua præmissa erat particularis, aut negatiua, intulimus conclusionem particularem, aut negatiuam; ne ex hac parte esset defectuosa consequentia. Si quis autem pro libito suo in prædictis exemplis, existente aliqua præmissa particulari, aut negatiua, colligeret conclusionem vniuersalem, aut affirmatiuam; manifestè destrueret artificium syllogismi; ac proinde non oporteret querere alium defectum, vt per se patet.

Secundò notandum est ex doctrina Aristot. 2. lib. Prior. c. 1. quòd quia in propositione vniuersali, tam affirmatiua, quam negatiua continetur sua particularis; quip. pè cum repugnet vniuersalem esse veram, quandò aliqua particularis est falsa; idè in quocumque modo utili, ubi rectè concluditur propositio vniuersalis, potest etiam rectè cõcludi sua particularis; neque opus fuit huius exempla adducere. Quia tamen potest è contra contingere, aliquam propositionem particularem esse veram; cum tamen vniuersalis sit falsa; idè etiam potest accidere, aliquam consequentiam esse malam, si inferatur propositio vniuersalis; esse autè bonà, quando inferitur conclusio particularis; sicque cõtingit in duobus modis tertiz fi-

gura, scilicet, *darapti*, & *selapti*, vt notauimus in tabula: propter quod utramque propositionem ibidem intulimus.

Tercio notandum est, syllogismum posse dupliciter concludere, scilicet, directè, & indirectè; tunc concludit directè, quando in conclusione maior extremitas prædicatur de minori: sic enim utraq; habet situm sibi debitum, & naturalem. Tunc verò concludit indirectè, quando è contra minor extremitas in conclusione prædicatur de maiori: quia in tali casu quasi extrahuntur à proprio loco, & inuertitur ordo, quem inter se debet seruare extremitates.

Igitur in omnibus exemplis supra positæ tabulæ, intulimus conclusionem directam: quia hæc est, quæ per se primò sequitur ex præmissis, & per cuius conuersionem formatur conclusio indirecta, vt per se patet; & idè repugnat, si modus concludens directè est inutilis, eundem indirectè concludentem esse utilem, vt proportionabiliter de quarta figura supra cap. 3. dicebamus. Quòd sit, vt in omnibus modis inutilibus supra assignatis consequentia sit mala, siue directè, siue indirectè concludant, quamuis aliquando ratione materiæ contingat conclusionem esse veram.

At verò; quia modi utiles benè inferunt conclusionem directam, possunt etiam rectè concludere indirectè, quando talis conclusio est conuertibilis iuxta regulas conuersionis supra traditas. Vnde; quia

particularis negatiua non conuertitur, nec simpliciter, nec per accidens iuxta ibi dicta: ideò modi vtiles, in quibus conclusio est particularis negatiua, scilicet, *ferio*, *festino*, *baroco*, *felapton*, *bocardo*, *ferison*, nò possunt concludere indirectè: quia iam minor extremitas distribuere-
tur in conclusione; cum tamen non esset distributiua in præmissis, vt consideranti patebit.

His suppositis, vt ad modos vtiles explicandos descendamus, ex dictis planè sequitur, præter modos vtiles directè concludentes, (qui in tribus figuris tantum sunt quatuordecim, vt constat ex tabula adducta) posse etiam formari alios vtiles indirectè concludentes: qui quamuis ab illis non omnino, aut essentialiter distinguantur; siquidem habent eandem combinationem præmissarum; distinguuntur tamen tanquàm perfectum, & imperfectum intra eandem speciem, vt per se patet.

Quod vt declararent Dialectici, constituerunt in prima figura, vltra quatuor primos modos, qui directè concludunt, alios quinque indirectè concludentes, scilicet, *baralip-ton*, *celantes*, *dabitis*, *fapesmo*, *frisesomorum*; quia tot sunt, qui ex illis quatuor prioribus formari possunt per conuersionem conclusionis, vt consideranti patebit. Non autem assignarunt modos indirectè còclu-
dentes in alijs duabus figuris: quia facile potest vnusquisque illos col-
ligere conuertendo conclusionem, vt explicatum est; & ita satis fuit

apponere exempla in prima figura. Et quo tandem sit omnes modos vtiles à Dialecticis assignatos in tribus figuris esse decem, & nouem, qui his versibus continentur.

¶ *Barbara, Celarem, Darij, Ferio, Baralip-ton.*

¶ *Celantes, dabitis, Fapesmo, Frisesomorum.*

¶ *Cesare, Camestres, Festino, Baroco, Darapti.*

¶ *Felapton, Disamis, Datisi, Bocardo, Ferison.*

Primi nouem, qui duobus prioribus carminibus continentur, pertinent ad primam figuram. Ex quibus quatuor priores concludunt directè; alij verò quinque indirectè, vt explicatum est. Quatuor sequentes, qui continentur in tertio versu, scilicet, *cesare*, *camestres*, *festino*, *baroco*, pertinent ad secundam figuram. Reliquæ verò sex, scilicet, *darapti*, & sequentes pertinent ad tertiam.

In vnoquoque autem modo inueniuntur saltem tres vocales, quæ correspondent tribus propositionibus syllogismi: prima, maiori; & secunda, minori; & tertia, conclusio-
ni. Et denotant tales propositiones debere esse quantitatis designatæ per ipsas vocales, secundum quod supra libr. 2. capit. 7. explicui-
mus in illo versu, *asserit A, negat E, &c.* Quod si aliquando in his modis plures syllabæ inueniantur, tunc tantum priorum habenda est ratio: nam aliæ propter carminis metrum additæ sunt.

Tan-

Tandem nota ex his 19. modis, quatuor priores primę figurę appellari perfectos: quia sunt in digniori figurā, & concludunt directę; alios verò quindecim dici imperfectos; vel quia, licet sint in digniori figurā, non tamen concludunt directę, vt sunt *baralipton*, *celantes*, *dabitis. fapesmo*, *frisesomorum*: vel quia, quamuis concludant directę, non tamen sunt in figurā digniori, vt sunt alij restantes.

CAPVT VI.

De probatione syllogismorum perfectorum, & reductione imperfectorum.

Sicut ex varia terminorum habitudine resultant varię proprietates eorum, & ex diuersa comparatione propositionum, diuersę etiam illarum passionēs; de quibus primo, & secundo libro disputauimus; ita etiam ex varia dispositione, tam terminorum, quā propositionum, quę reperitur in syllogismis, oritur in eis, vt petant diuerso modo probari, seu reduci. Et ita probatio, & reductio habent rationem passionis respectu syllogismi; de quibus consequenter, post examinatam essentiam, & species illius, erit nobis in presenti disputandum.

Quamuis ergo omnes modi enumerati sint viles, & consequentia in illis facta, necessaria, ac proinde non possit negari: tamen quia in modis imperfectis non ita clarę cernitur vis illatio-

nis: idē Dialectici inuenerunt artem, vt modos imperfectos ad perfectos reducerent; & hanc vocant, reductionem. Quoniam autem posset aliquis eō proteritiū deuenire, vt etiam negaret consequentiam in quatuor modis perfectis factam; idē etiam tradiderunt artem ad probandam vim illationis eorum, non per reductionem ad alios modos euidentiores, qui nulli sunt; sed per duo illa principia lumine naturali nota, quibus innititur ars syllogistica, vt vidimus capite quarto; & hanc appellane probationem.

Igitur ad quatuor capita reducuntur omnes propositiones: nam vel sunt vniuersales affirmatiuę, vel vniuersales negatiuę, vel particulares affirmatiuę, vel particulares negatiuę, (sub particulāribus enim comprehendimus singulares.) Et hec quatuor genera propositionum concluduntur perfectē in quatuor primis modis: nam vniuersalis affirmatiua concluditur in *barbāra*: vniuersalis negatiua, in *celarem*, particularis, seu singularis affirmatiua, in *darj*; & particularis, seu singularis negatiua, in *ferio*. Quę omnes consequentię, quantum sint per se ipsas manifestę, & euidenter bonę; si tamen ab aliquo negentur, probantur per duo principia supra posita. Nam duo modi affirmatiui, nempe *barbāra*, & *darj* probantur per dici *de omni*; duo verō negatiui, scilicet, *celarem*, & *ferio*, per dici *de nullo*.

Si quis ergo negauerit consequentiam huius argumenti in *barbara*: *omne animal est sensibile, omnis homo est animal, ergo omnis homo est sensibilis*, probatur per *dici de omni* sic: quidquid vniuersaliter affirmatur de subiecto, affirmatur etiam de omni contento sub illo, sed esse sensibile affirmatur vniuersaliter de animali in maiori; cum ipsa sit vniuersalis affirmatiua; ergo etiam debet affirmari de omni contento sub animali; at homo continetur sub illo in minori; cum homo sit subiectum, & animal prædicatum: ergo sensibile debet affirmari de homine in conclusione. Ex quo patet, quomodo per idem principium probetur consequentia facta in *darij*; siquidem minor, & conclusio utriusque modi sunt particulares contentæ sub vniuersalibus iam in *barbara* probatis.

Eodem modo probantur per *dici de nullo* consequentiæ factæ in duobus alijs modis negatiuis. Nam si quis neget hanc consequentiam in *celarem*: *nullum animal est lapis; omnis homo est animal: ergo nullus homo est lapis*, probatur per *dici de nullo* sic: quidquid vniuersaliter negatur de subiecto, negatur etiam de omni contento sub illo, sed lapis vniuersaliter negatur de animali in maiori, cum sit vniuersalis negatiua; ergo debet negari de omni contento sub animali, at homo continetur in minori sub animali: ergo de illo debet in conclusione negari lapis. Per quem modum probatur etiam ex eodem prin-

cipio consequentia facta in *ferio*; cum minor, & conclusio sint particulares contentæ sub vniuersalibus probatis in *celarem*.

¶ Cognito iam, quo modo probentur immediate per prima principia quatuor modi perfecti, explicandum superest, quomodo cæteri imperfecti ad illos reducantur, seu qua arte possit ex syllogismo imperfecto fieri perfectus, ut ita, qui negauerit consequentiam alicuius modi imperfecti, cogatur etiam illam negare in modo perfecto.

Dupliciter ergo potest fieri talis reductio. Primo, conuertendo ipsas propositiones syllogismi imperfecti, easque, si opus sit, transmutando. Et hæc dicitur reductio ostensiva: quia in eisdem propositionibus syllogismi imperfecti clariori, & perfectiori forma dispositis, ostenditur vis, & necessitas consequentiæ, sine eo quod aliqua propositio de foris adducatur. Secundo modo potest fieri reductio deducendo aduersarium ad aliquod inconueniens, seu impossibile concedendum; nempe quod admittens maiorem, & minorem syllogismi imperfecti, & negans consequentiam, teneatur concedere duas contradictorias simul veras; quod tamen est omnino impossibile, ut supra vidimus. Et propterea hic modus conuincendi aduersarium appellatur reductio per impossibile.

¶ Igitur, ut syllogismi imperfecti ostensiuè reducantur ad perfectos,

fectos, in primis inspicienda est litera consonans, quia incipit modus imperfectus: illa enim denotat reducendum esse ad modum perfectum eadem litera incipientem. Et ita *baralipson*, *baroco*, & similes reducuntur ad *barbara*: *celantes*, *cessare*, &c. ad *celarem*, & sic de alijs. Omnes enim incipiunt una ex his quatuor consonantibus, B. C. D. F. quæ sunt literæ principiantes quatuor modos perfectos, ut patet.

Præter has autem consonantes initiales; reperiuntur aliæ quatuor intra ipsas, dictiones modorum imperfectorum, nempe S. P. M. C. Litera S. denotat propositionem significatam per vocalem antecedentem conuertendam esse simpliciter: P. conuertendam esse per accidens. M. verò denotat commutandas esse præmissas, ita ut maior fiat minor, & e contra, seruata conuersione, quam aliæ literæ petunt. Et tandem C. in medio dictionis denotat modum illum, in quo inuenitur, non posse reduci ostensiuè, sed tantum per impossibile; qui tantum sunt duo, nempe, *baroco*, & *bocardo*.

Reducamus ergo ostensiuè ad *ferio*, syllogismum factum in *saepismo*, qui est modus imperfectus primæ figuræ, intra quem tres consonantes P. S. M. inueniuntur. P. quia sequitur post primam vocalem. A. denotat maiorem, quæ est vniuersalis affirmatiua, conuertendam esse per accidens. Deinde S. quia sequitur

post secundam vocalem. E. denotat minorem, quæ est vniuersalis negatiua, conuertendam esse simpliciter. Et tandem M. quæ est post duas vocales, denotat minorem iam conuersam ponendam esse pro maiori; & maiorem etiam conuersam, pro minori. Quæ omnia clarè patent in hoc syllogismo.

¶ FA

Omne animal est sensibile.

¶ PES

Nullus lapis est animal.

¶ MO.

Ergo aliquod sensibile non est lapis.

In quo, si maior conuertatur per accidens, & minor simpliciter, potestque transmutentur; inferitur eadem conclusio in *ferio* sic:

¶ FE

Nullum animal est lapis.

¶ RI

Aliquod sensibile est animal.

¶ O

Ergo aliquod sensibile non est lapis.

Eadem proportione fit reductio ostensiuæ aliorum modorum imperfectorum ad perfectos, ut patet consideranti literas supra explicatas; & ideo non adducimus eorum exempla. Solum est aduertendum, in dictione significante vltimum modum primæ figuræ, scilicet, *frisesomorum*, illam consonantem M. propter carminis metrum constitutam fuisse post tres priores syllabas; cum tamen collocanda esset ante tertiam, sicut fit in *saepismo*, *diffamis*, & alijs; & ideo talis litera non est com-

patanda inter syllabas inutiles: sed re vera significat, transponendas esse præmissas; cum hoc sit necessariū ad reductionem illius modi, vt confideranti patebit.

¶ Reductio per impossibile fit hoc modo. Si contrarius, concessa maiori; & minori syllogismi imperfecti, neget consequentiam; inferenda est propositio cōtradietoria consequentiæ negatæ; ex qua, & ex altera præmissarum iam concessarum, fit syllogismus perfectus concludens propositionem cōtradietoriam, vel contrariam alterius præmissæ concessæ; ac proinde cogitur concedere duas contradietorias simul veras. Quamuis autem hac reductione possint reduci omnes modi imperfecti ad aliquem perfectorum; tamen specialiter hoc conuenit *baroco*, & *bocardo*, qui, vt vidimus, non possunt aliter reduci. Et ideo prius vtriusque reductionem specialiter explicabimus, addentes postea generalem doctrinam pro reductione aliorum.

¶ *Baroco* ergo; & *bocardo* reducuntur per impossibile ad *barbaram*; cum hac tamen differēcia; quod *baroco* reducitur seruata maiori, & contradietoria conclusionis posita pro minori; ex quibus inferitur contradietoria minoris iam concessæ; *bocardo* verò reducitur è contra seruata minori, & contradietoria conclusionis posita pro maiori; ex quibus inferitur contradietoria maioris concessæ, vt patet in his exemplis.

¶ BA	Omnis homo est animal;
¶ RO	Aliquis lapis non est animal;
¶ CO	Ergo aliquis lapis non est homo.

Si concessa maiori, & minori huius syllogismi, negetur consequentia, reducitur per impossibile ad *barbara* sic. Tale cōsequēs est falsum, scilicet, omnis lapis est homo. Ponatur ergo hæc propositio pro minori, & retineatur maior præcedētis syllogismi: inde inferretur hæc consequentia: Ergo omnis lapis est animal, vt patet si dicas.

¶ BAR	Omnis homo est animal;
¶ BA	Omnis lapis est homo;
¶ RA	Ergo omnis lapis est animal.

Cuius syllogismi maior iam concessa est in priori syllogismo; minor verò est cōtradietoria cōsequentiæ negatæ; & cōsequēter vera. Ex his autē præmissis iam cōcessis inferitur in *barbara* hæc propositio: Omnis lapis est animal, ergo tenetur aduersarius illam concedere, sed hæc est cōtradietoria minoris in priori syllogismo concessæ, scilicet, aliquis lapis non est animal, ergo cogitur concedere duas contradietorias simul veras.

Syllogismus etiam factus in *bocardo* reducitur per impossibile ad *barbara* (vt diximus) seruata minori, & contradietoria cōclusionis posita pro maiori, verbi gratia.

¶ BO	<i>Aliquis homo non est lapis;</i>
¶ CAR	<i>Omnis homo est rationalis.</i>
¶ DO	<i>Ergo aliquod rationale non est lapis.</i>

Si neges hanc consequentiam: ergo eius cōtradiçtoria est vera, scilicet, omne rationale est lapis. Ponatur ergo hæc propositio pro maiori, & minor præcedentis syllogismi retineatur pro minori, ex quibus inferretur hæc consequentia: *Ergo omnis homo est lapis*, ut patet, si dicas,

¶ BAR	<i>Omne rationale est lapis;</i>
¶ BA	<i>Omnis homo est rationalis.</i>
¶ RA	<i>Ergo omnis homo est lapis.</i>

Cuius syllogismi maior iam est cōcessa; cū sit cōtradiçtoria cōsequentiæ supra negatæ: minor etiam est cōcessa in priori syllogismo: consequentiæ etiā necessario concedenda est, cū sit in *barbara*; & tamen est cōtradiçtoria maioris in primo syllogismo concessæ, ergo conceduntur duæ contradiçtoriæ simul veræ.

¶ Explicata specialiter reductione per impossibile istorum modorū, breuiter explicandū est, quomodo generalis huius reductionis doctrina supra tradita, cæteris modis imperfectis applicanda sit; seu quæ eorū ad quos perfectos reducuntur; & in quibus debeat seruari maior; & in quibus, minor. Quod ut faciliè comprehendatur, inuenerunt Dialectici tres dictiones pro mo-

dis imperfectis triū figurarū, videlicet, *NESCIEBATIS*, *ODIEBAM*; *LETARE ROMANIS*. Prima habet quinque syllabas, & correspondet quinque modis imperfectis primæ figuræ, ita ut prima, scilicet *Nes.* correspondeat primo modo imperfecto, scilicet, *baralipon*; secūda, scilicet, *Ci.* correspondeat secundo modo imperfecto, scilicet, *celantes*, & sic de alijs. Secūda dictio, nempe *Odiebā*, habet quatuor syllabas, & correspondet ordine explicato quatuor modis secundæ figuræ. Et tandem tertia dictio, scilicet, *Letare Romanis*, habet sex syllabas, & correspondet eodem ordine sex modis tertiæ figuræ.

In his autē dictionibus quatuor illæ vocales A. E. I. O. significant quatuor modos perfectos. Nam A. significat *barbara*; quia ibi concluditur vniuersalis affirmatiua: E. significat *celarem*; quia ibi concluditur vniuersalis negatiua: I. significat *darij*, quia ibi concluditur particularis affirmatiua: & O. significat *ferio*; quia ibi concluditur particularis negatiua. Vnaquæque ergo harum vocalium in qualibet syllaba trium dictionum, denotat, modū imperfectum correspondentem illi syllabæ reducendum esse ad modum perfectum significatum per eandem vocalem. Per quod patet, quæ modi imperfecti ad quos perfectos sint reducendi.

Quando autem in reductione seruanda sit maior syllogismi imperfecti; & quando minor: & consequenter quando contradiçtoria

consequentię negatę debeat poni pro minori; quando verò pro maiori: explicant sequentes regulę.

Prima est. Vt modi imperfecti primę figurę reducantur per impossibile; contradictoria cõclusionis negatę ponenda est pro maiori, & maior syllogismi imperfecti, pro minori. Excipitur tamē *celantes*; in quo minor syllogismi imperfecti ponitur pro maiori; & contradictoria cõclusionis negatę, pro minori. Hac autē regula seruata, semper colligitur oppositum alterius præmissę concessę: quauis nõ immediatē, sed facta conuersione simplici cõclusionis, quę insertur in syllogismo perfecto. Vbi aduertendū est, quod licet in reductione *baralipton* & *sapesmo* solum colligantur duę contrarię simul verę: tamē ex eis possunt fieri duę contradictorię simul verę, iuxta dicta supra libr. 2. cap. 6. Et idem dicendum est de *darapti*, & *selapton* in tertia figura, qui tantum concludunt duas contradictorias simul veras.

Secunda regula pro secunda figura est, quod in reductione retineatur maior syllogismi imperfecti, & contradictoria consequentię negatę ponatur pro minori, vt patet in syllogismo supra facto in *baroco*. eodem enim modo reducuntur omnes alij modi eiusdem figurę;

Tertia tandem regula pro tertia figura est, quod in reductione retineatur minor, & contradictoria consequentię negatę ponatur pro maiori, vt ostendit syllogismus supra factus in *bocardo*. Quę etiam

reducuntur omnes alij modi eiusdę figurę, quorū exēpla faciliē quisque potest ex dictis formare: & idēd omittuntur. Addēdū est tamen, has duas postremas regulas significari à Dialecticis illis carminibus.

Seruat maiorē, variatque secunda minorem.

Tertia maiorē variat, seruatque minorem.

CAPVT VII.

De alijs syllogismorum diuisionibus.

H Vc usque egimus de ijs, quę syllogismo conueniunt ratione formę; nā esse in tali, vel tali figura, in hoc, vel illo modo, esseque sic, vel sic reducendū pertinent ad formam syllogismi, de quā egit Aristot. in libris de Priori resolutione. Quia verò in libris sequentibus disputauit etiam de syllogismo ratione materię, idēd in his institutionibus aliqua etiā breuiter attingenda sunt eorū, quę syllogismo conueniunt ratione materię, nēpē ratione propositionū, vel terminorum.

Primò ergo diuiditur syllogismus ratione materię proximę, in affirmatiuū, & negatiuū. Ille est, cuius conclusio est affirmatiua; ille verò, cuius conclusio est negatiua.

Pręterea secundò diuiditur in categoricū, & hypotheticum. Categoricalis est, cuius omnes propositiones sunt categoricę; hypotheticus verò, cuius plures, vel saltem aliqua propositio est hypothetica.

Pro

Pro huiusmodi autē syllogismo plures solent adduci regulæ; sed melior, quæ tradi potest, est, ut attendatur ad vim illationis; quod satis ex dictis constabit unicuique.

Tertio diuiditur syllogismus ratione eiusdem materie proximæ, in demonstratiuum, probabilem, & sophisticum, seu apparentem. Primus nomine incomplexo appellatur demonstratio, & constat propositionibus necessarijs; secundus verò est, qui constat propositionibus probabilibus: tertius autem, cuius propositiones apparent quidem veræ; cum tamen sint falsæ. Et isti tres syllogismi solent alijs nominibus appellari, posterioristicus, topicus, & elenchus: qui de illis disputat Aristot. in libris Posteriorum, Topicorum, & Elenchorum.

Quarto diuiditur syllogismus ratione materie remotæ in rectum, & obliquum. Rectus est, cuius omnes termini ponuntur in recto; obliquus verò, qui constat aliquo termino obliquo. Pro quo solent tradidæ regulæ; hæc tamen sola sufficit, ut si quando in huiusmodi syllogismis aliqua fuerit difficultas, propositiones fiant in recto, & sic apparebit bonitas, vel malitia consequentiæ.

Quinto, & vltimò diuiditur syllogismus ratione eiusdem materie remotæ in communem, & singularem; seu expositorium. Ille est, cuius medium est terminus communis; iste verò, cuius medium est terminus singularis, ut si dicas, *Petrus est animal*; *Petrus est rationalis*; ergo *aliquod rationale est animal*.

Dicitur autem expositorius, seu sensibilis demonstratio: quia ad sensum explicat vnionem extrematum inter se, propter vnionem, quæ sentitur cum medio. Et huiusmodi syllogismus, licet possit fieri in tribus figuris, seruata semper affirmatione, vel negatione, quæ designant modi; frequentius tamen, & proprius fit in tertia, in qua medium subiicitur; quia maxime proprium est terminorum singularium esse subiectam propositionis.

Est autem hic aduertendum, quòd si sicut in syllogismo communi, ut rectè concludat, debet medium perfectè distribui iuxta dicta supra capit. 2. ita etiam ad bonitatem consequentiæ in syllogismo expositorio e contra requiritur medium esse perfectè singulare, & incommunicabile: si enim contingat aliquod singulare esse realiter communicabile multis, ut de facto est natura diuina; iam habebit vim termini communis, & ex consequenti syllogismus expositorius inde confectus, æquiualebit communi ex paribus particularibus; ex quibus tamen nihil sequitur in quacumque figura ex vi illationis, ut ibidem diximus. Quia ratio ista non est bona consequentia: *Hæc essentia diuina est Pater*, *Hæc essentia diuina est Filius*, ergo *Filius est Pater*: quia propter realè comunicabilitatem naturæ diuinæ, quantumvis ipsa singulariter designetur, habet vim

ter-

termini communis, ac proinde talis syllogismus propriè non est expositivus; sed æquivaleret communi ex puris particularibus. De quo latè disputant Theologi 1. parte, q. 28. art. 3.

CAPVT VLTIMVM.

De arte inueniendi medium.

Difficilis sempervisa fuit antiquis Dialecticis ars inueniendi mediū ad syllogismos conficiendos in quacūq; materia; propter quod illā sophistæ Afinorū Pontem nūcuparūt. Et quidem si secundū quod ipsi docent tradenda esset, plures fortè periclitarentur. Econtra verò aliqui moderni per aliud extremū ab illa se facillimè expediunt, asserentes, ad quālibet propositionem probandam quærendam esse causam, cur prædicatum conueniat, vel repugnet subiecto, & ea inuenta, inuentum esse medium. In quo totam artem se comprehendisse, putant. Pulchra sanè solutio. Id ipsum est, quod inquirimus: qua, scilicèt, arte queremus, & inueniemus in quālibet propositione causam, cur prædicatum conueniat, vel repugnet subiecto. Vt ergo breuiter rē hanc expendamus.

In primis stattuendum est, artem istam esse summè necessariam. Nā parum interest scire, quo modo extremitates debeant disponi cū medio, vt syllogismus sit in modo, & figura, si ignoratur, quodnam medium eligendū sit in vnoquoq; syl-

logismo. Et hoc est, quod in presenti inuestigamus, proposita, scilicèt, quālibet propositione, qua arte inueniemus mediū ad illā rectè cōcludendā in aliquo syllogismo. De quo tractat oprimè D. Th. in peculiariori opuscul. de inuentione medij, quod est 50. in ordine opusculorum.

Secundò, vt hæc materia comprehendatur omninò, oportet considerare, quis terminus dicatur *antecedens*; quis, *consequens*; & quis, *extraneus*, seu *disparatus*. Terminus ergo cōsequens dicitur ille, qui ex altero inferitur: cuiusmodi sunt omnia prædicata superiora respectu inferiorū: benè enim valet, est homo, ergo est animal, ac proinde *animal* est terminus cōsequens respectu *hominis*. Terminus antecedens est ille, qui alterū infert: & huiusmodi sunt omnia prædicata inferiora respectu superiorum, vt patet in eodē exēplo: sicut enim *animal* est terminus *consequens* respectu *hominis*, quia inferitur ex illo; ita *homo* est terminus *antecedens* respectu *animalis*, quia infert illud. Termini verò cōuertibiles vt *homo*, *rationalis*, *risibile*, & similes simul sunt antecedentes & consequentes, quia se inuicem inferunt, & inferuntur; ac proinde in syllogismis interdū sumuntur, qua ratione sunt antecedentes; interdū verò, qua ratione sunt consequentes. Tandem terminus *extraneus*, seu repugnans, est, qui non potest alteri inesse.

Hoc supposito, cū quatuor sint genera propositionū, scilicèt, vniuersalis affirmatiua, vniuersalis negati-

gatiua, particularis affirmatiua, & particularis negatiua: quatuor regulis totâ hâc materiam absoluemus.

Prima est. Ad concludendâ propositionē vniuersalem affirmatiuâ, sumendus est pro medio terminus, qui sit consequens respectu subiecti talis propositionis, & antecedens respectu prædicati. V.g. si velis syllogizare hâc propositionem, *omnis homo est substantia*, congruū mediū erit *animal*, quod est consequens ad subiectum, scilicet, *hominem*: cum inferatur ex illo; & antecedens ad prædicatū, scilicet, *substantiâ*, cū inferat illam, atque ita dices, *omne animal est substantia, omnis homo est animal: ergo omnis homo est substantia*. Cuius rationē reddidit optimè D. Tho. vbi supra: quia vniuersalis affirmatiua tantum potest concludi in primo modo primæ figuræ, scilicet, *barbara*; in quo, cū medium vniuersaliter subiiciatur in maiori; necessariò antecedit maiorem extremitatem, quæ est prædicatum conclusionis; cū verò medium in minori prædicetur vniuersaliter de minori extremitate, quæ in conclusione est subiectum; necessariò consequitur illam: ergo quando propositio vniuersalis concluditur, medium debet esse consequens respectu subiecti, & antecedens respectu prædicati.

Secunda regula. Ad inferendâ propositionē vniuersalē negatiuâ (quæ tantum potest concludi in prima, & secundâ figura) sumendus est pro medio terminus cōsequens ad subiectū, & extraneus, seu repugnans prædi-

cato, si syllogismus conficiatur in *celarem*, & *cesare*; si verò conficiendus sit in *camestres*, debet sumi pro medio terminus repugnans subiecto, & consequens ad prædicatum. V.g. si hâc propositio, *nullus homo est lapis*, cōcludenda sit in *celarem*, aut *cesare*, cōgruum mediū erit *rationale*, quod est consequens ad hominē, & extraneum lapidi: & sic dices, *nullum rationale est lapis, omnis homo est rationalis; ergo nullus homo est lapis*. Si autē eadē propositio cōcludenda sit in *camestres*, congruū mediū erit *insensibile*, quod repugnat homini, & est consequens ad lapidē: & sic dices, *omnis lapis est insensibilis, nullus homo est insensibilis: ergo nullus homo est lapis*. Ratio autem huius est: quia in duobus modis prioribus, medium remouetur à maiori extremitate, & consequitur ad minorem, cū prædicetur de ea: in tertio verò mediū consequitur ad maiorem extremitatē, & remouetur à minori.

Tertia regula. Ad inferendam propositionem particularem affirmatiuâ (quæ tantum potest concludi in prima, & tertia figura) sumendus est pro medio terminus consequens ad subiectum, & antecedens ad prædicatum, si syllogismus fiat in prima figura; si verò conficiatur in tertia, mediū debet esse terminus antecedens, tam respectu subiecti quam respectu prædicati. V.g. si hâc propositio, *aliquis homo est viuens*, syllogizanda sit in prima figura, congruum medium erit *sensibile*, quod est consequens reipsum

hominis, & antecedens respectu
viventis: & sic dices, *omne sensibile
est vivens aliquis homo est sensibilis:
ergo aliquis homo est vivens.* Cuius
ratio est eadem, quæ ad ducta est
in prima regula. Si verò syllogizan-
da sit in tertia figura; congruum me-
dium erit *rationale*, quod est ante-
cedens, tum respectu hominis, tum
etiam respectu viventis: & sic dices,
*omne rationale est vivens, aliquod
rationale est homo; ergo aliquis ho-
mo est vivens.* Huius autem ratio
est; quia in tertia figura medium est
subiectum in utraque præmissa, ac
proinde debet an ecedere utramq;
extremitatem.

Quarta tandem regula. Ad in-
ferendam propositionem particu-
larem negativam) quæ concludi po-
test in tribus figuris) si syllogismus
fiat in prima sumendus est pro me-
dio terminus consequens ad sub-
iectum, & extraneus à prædicato.
Ratio est: quia ibi medium remo-
vetur à maiori extremitate, & con-
sequitur ad minorem, cum prædi-
cetur de ea. Quæ etiam ratione
idem observandum est, si syllogis-
mus fiat in tertio modo secundæ
figuræ, scilicet, *festino*. Si verò syl-
logismus fiat in quarto modo se-
cundæ figuræ, nempe, *baroco*, me-
dium debet esse terminus extra-
neus à subiecto, & consequens ad

prædicatum. Ratio est, quia ibi me-
dium consequitur ad maiorem ex-
tremitatem: cum prædicetur de
ea; & repugnat minori; cum remo-
vetur ab illa. Si autem syllogis-
mus conficiatur in tertia figura;
medium debet esse terminus ante-
cedens ad subiectum, & extraneus
prædicato. Et ratio est; quia ibi me-
dium subiicitur minori extremita-
ti, & repugnat maiori, ac proinde
antecedat illam, & est extraneus
isti. V.g. si velis syllogizare hanc
particularem negativam, *aliquis
homo non est lapis*, & syllogismus
conficiendus sit in prima figura, vel
in tertio modo secundæ, scilicet,
festino, congruum medium erit *ani-
mal*; quia est terminus consequens
respectu hominis, & extraneus res-
pectu lapidis. Si verò syllogismus
conficiendus sit in *baroco*, congruum
medium erit *insensibile*: quia est ter-
minus extraneus ab homine, & con-
sequens ad lapidem. Et tandem
syllogismus conficiendus sit in ter-
tia figura; congruum medium erit
rationale: quia est terminus ante-
cedens respectu hominis, & extra-
neus respectu lapidis. Videatur D.
Thom. opusculo citato. Et hæc
pro hoc libro, & institutioni-
bus dixisse sufficiat.

(. . .)

F I N I S.

COLLE.



COLLEGI
COMPLUTENSIS
DISCALCEATORVM FRATRVM
B. MARIAE DE MONTE
CARMELI.

DISPUTATIONES
IN VNIVERSAM ARISTOTELIS
DIALECTICAM.

IVXTA ANGELICI DOCTORIS
D. THOMAE, ET SCHOLAE EIVS
DOCTRINAM.

EIDEM COMMVNI MAGISTRO,
& florentissimæ Scholæ dicatæ.

PROOEMIUM.



A Est humani intellectus natura,
ea nostri discursus cōditio, ut in qua-
uis re indaganda, non solum difficile,
& cum labore versetur; sed & alia-
rum etiam rerū cognitione indigeat,
alijsque doctrinis inuetur: ut ita
vnius rei notitia alteri emolumento esse possit. Sicut
enim causæ sunt sibi inuicē causæ: ita disciplina sibi in-
uicē profunt, se mutuo iuvant, interdumq; ita insepa-

G rabi-

rabiliter connectuntur: ut unius notitia absque alterius cognitione haberi non possit.

Hinc nascitur difficultas in scientijs addiscendis; si enim ea tantum, quæ unius sunt propria, præcisè tradas, neque aliena alia, etsi necessaria attingas: cum absque his illa haberi nequeant, doctrina proculdubio claudicabit. Si verò ob Carybdim istam vitandam, omnia simul pertractare velis, æquèque in qua libet sciētia de alienis, ac de proprijs disputes; in Scyllam necessariò incidēs; fietque ut dum omnia insequeris, nihil integrè consequaris.

Cui periculo, quamvis sciētia omnes subsint, subest tamē maximè Dialectica, utpotè quæ omnibus modis præfiniēs, ipsas intimè transcendit, in eis disputantibus disputat, & in eis definientibus ipsa definit. Quapropter speciali studio indiget, qui Dialecticā aggreditur; ut in proprijs huius disciplina nō deficiat, in alienis nō excedat; ne ei contingat, quod pluribus euenit, quorū quidam breuitatis prætextu, nobiliorem, & secretiorē Dialectica doctrinā prætermittunt; quidam verò ita Physicis, & Metaphysicis quæstionibus implicantur, ut sub Dialectica titulo Metaphysicam ipsam, aut Physicam tradidisse conuincantur. Virumquē extremum vitare conabimur, semper veritati consulētes: quam ut plenè assequamur, in id toto conatu incumbemus, ut ab Angelici Doctoris mente, nec minimū discēdamus.

DISPUTATIO PRIMÆ.
proœmialis.

COMMVNIS Doctorum vsus, in qualibet scientia pertraſtanda, neceſſarium eſſe docet prolegomena quædam præmittere, quibus ipſius diſciplinæ, quæ exponēda ſuſcipitur, aliqualis notitia comparatur: ne quis (vt inquit Ariſt.) viam, quam ambulare incipit, ignorare videatur. Quatuor ergo, vt ſumitur ex eodem Ariſtot. 2. Poſt. cap. 1. de qualibet re inquiri poſſunt, & debent: an ſcilicet ſit, quid ſit, quia ſit, ſeu qualis ſit, & propter quid ſit. Quare eādem nos de diſciplina, quam aggredimur, præſenti diſputatione diſcutiemus.

QVÆSTIO PRIMÆ.

De nomine, exiſtentia, inuentione, & dignitate Dialectica.

OMnia hæc ad quæſt. an ſit, pertinent: & ideo ſimul à nobis pertraſtātur. Quia ergo, dūm de rebus agitur, nominum rationē minimē contemnendam eſſe, monet Plato in Cratylo; non abs re erit exponere, quibus vocabulis diſciplina iſta ſignificetur. De quo præter Recentiores hic, & initio Topicorum, diſputant Alexander, Plato, Alcin. & alij, quos referunt Conimb. in proœm. Logicæ q. 4. artic. 1. Duobus igitur vocabulis, omiſſis alijs, hæc ſcientia ab antiquis temporibus appellata eſt, *Logica*, ſcilicet, & *Dialectica*, quæ licet tempore Ariſt. ab ipſo quæ pro diuerſis huius diſciplinæ partibus ſumpta ſint, vt notarunt Aphrodiſius, Auerroes, Maſſilius, & Lemoſius; iam tamen pro tota hac facultate, quæ methodum diſſerendi docet, indifferenter uſurpantur.

1 Deriuatur nomen Dialecti-

cæ, à verbo Græco *διαλεγομαι* *dialecome*, quod licet apud Ciceronem 3. de natura deorum ſignificet probabiliter diſputare; ac proinde pro parte topica ab Ariſt. ſæpius uſurpetur; tamen apud eundē Ariſtot. 4. Metaph. cap. 4. idem ſignificat, quod ſermone uti: inō apud Cicer. 1. Academ. quæſt. pro arte diſſerendi, tūm definiēdo, tūm diuidendo, tūm etiam arguendo uſurpatur. Vnde innumerō Aphrodiſius 1. Topicorum cap. 1. ita parti topicæ hoc nomen attribuit: vt aſſeret eos, qui ad aliam ſignificationem vocabulum iſtud traducunt, eo abuſi.

Logicæ etiam nomen deriuatur à verbo Græco *λογος*, & *Logos*, quod latinē dicitur, verbum, ſermō, ratio, ſapientia, definitio, & alia huiusmodi, quæ intellectus actus concernunt, vt videri poteſt apud peritos linguæ Græcæ. Atque

idè scientia, quæ dirigit actus intellectus (in quibus proprius inuenitur verbum quàm in ipsis vocibus, vt ex August. notat D. Thom. 1. part. quæst. 34. art. 1.) rectè appellatur Logica, à verbo *Logos*, quod significat verbum.

2 De significato ergo istorum nominum inquiritur, an sit: vtrum scilicet in rerum natura detur res aliqua realis, quæ istis nominibus significetur. Circa quod Doctores communiter duplicem distinguunt Logicam: naturalem aliam, aliam artificialem. Appellant Logicam naturalem facultatem illam, seu potentiam, qua quisque, etiam agrestis, potest circa res aliquas ratiocinari, diuidere, seu definire: insunt enim nobis à natura quædam semina scientiarum; sicut etiam in naturalibus quædam semina virtutum, teste D. Tho. 1. 2. q. 63. art. 1. Et semen istud, seu initium scientiæ, circa definitiones, diuisiones, &c. appellant Logicam naturalem:

De hac igitur Logica non potest esse dubium existere in rerum natura: est enim ipse intellectus, prout præhabet quædam Logicæ principia lumine naturali nota, ex quibus quilibet ratiocinari potest: nemo enim est ita rationis expertus, qui nesciat colligere, ex eo quod Petrus ambulat, quod moueatur, & similia: ergo verè datur Logica naturalis. Solum potest esse dubium in modo loquendi, vtrum scilicet istud initium Logicæ debeat appellari Logica naturalis? id enim negat Rubio hinc quæst. 1. Sed licet ipse pluris faciat modum loquen-

di; in hoc tamen parum immorandum est: sic enim loquitur Aristot. 1. Rhetoricorum ad Theodetem cap. 1. sicque communiter loquuntur Doctores, cum pluribus autem loquendum est ¶ Alia est Logica artificialis, & est habitus, seu facultas intellectus dirigens illum, vt res perfectè, & sine errore cognoscat. De qua deinceps nobis agendum est.

3 Prima conclusio. Concedenda necessariò est scientia, quæ doceat modum sciendi, & procedendi in alijs, quæque sit naturaliter acquisibilis: & de facto datur. Conclusio est euidentis, & probatur ratione. Quia scibilis est modus aliquis, quo res rectè, & sine errore cognoscantur; sicut scibilis est modus rectè pingèdi, pulsandi, &c. ergo sicut est possibilis ars docens modum rectè pingèdi, aut pulsandi, etià erit possibilis scientia docens modum rectè cognoscendi: hanc autem vocamus Logicam: ergo, &c.

Confirmatur, quia natura non deficit in necessarijs, maxime in ijs, quæ ad intelligendum pertinent, vtpotè quæ in supremo rerum gradu collocata sunt: sed Logica est summe necessaria ad rectè intelligendum, vt scilicet sine errore de rebus discurremus, iudicemus, &c. cum enim plures defectus in intelligendo sapè contingant, necessaria erit intellectui ars aliqua, quæ eius vitia corrigat, iuvetquè ad rectè intelligendum, quam appellamus Logicam artificialem: ergo illa est naturaliter acquisibilis.

Ex quo etiam patet posterior pars conclusionis, quæ rursus demonstratur experientia ipsa: videmus enim eos, qui diffidit, & cum errore discurrebant, postquam certis Logicæ præceptis sunt instructi, facile & sine errore discurrere: & hoc non semel, aut bis; sed permanenter in omnibus suis actibus: ergo datur in intellectu aliqua habitualis facilitas, à qua procedat ista mutatio: quam patet esse Logicam artificialem.

4 ¶ Circa inventores Dialecticæ certum est, eam sicut & reliquas alias disciplinas Adamo fuisse per revelationem communicatas, statim ac creatus est. *Res enim primitus à Deo instituta sunt* (inquit D. Thom. 1. part. quæst. 94. artic. 3.) *non solum ut in se ipsis essent, sed ut essent aliorum principia, & ideo productæ sunt in statu perfectio, in quo possent esse principia aliorum. Homo autem potest esse principium alterius, non solum per generationem corporalem, sed etiam per instructionem, & gubernationem, & ideo sicut primus homo institutus est in statu perfectio, quantum ad corpus, ut statim posset generare, ita institutus est in statu perfectio quantum ad animam, ut statim posset alios instruere, & gubernare. Non potest autem aliquis instruere, nisi habeat scientiam, & ideo primus homo sic institutus est à Deo, ut haberet omnium scientias, in quibus natus est instrui.*

Ab Adamo ergo ad filios eius scientiæ derivatæ sunt: à filiis, ad Noë: inde ad Abrahamam, à quo

nationes, illæ inter quas vixit, scientias didicerunt. Vnde etiam derivatæ sunt ad Chaldaeos: & ab his, ad Aegyptios: à quibus, ut testatur Engubinus lib. 1. de Perem. Philosophi acceperunt Græci, inter quos floruit maximè Dialectica. Iniuria tamen temporis serè deleta est: ut merito, qui eam ad pristinam perfectionem redelegerunt, Auctores, & inuentores dici possint. Sed de hoc alij.

Licet autem primam Dialecticæ Magistrum fuisse Platonem referat Diogenes Laërtius lib. 3. de vitis Philosophi, in vita Platonis, & ante ipsam, imperfectum quoddam Logicæ initium Zeno quidam Eleathæ antiquissimus Philosophus tradiderit, ut lib. 1. testatur idem Laërtius: alijsque alijs Philosophis primam huius scientiæ inventionem attribuant: absolute tamen loquendo huius artis inventor censendus est Aristot. Tum, quia omnes eius partes ad ordinem reduxit. Tum, quia primus omnium ab alijs scientijs seipsum tradidit, ut notat Philoppon. initio Priorum. Tum denique, quia syllogizandi artem ad methodum reduxit, & mirum in modum auxit; imò & partem thopicam primus invenit.

5 ¶ Maior difficultas est circa modum, quo Logica fuit inventa; videtur enim experientiâ non satisficere. Primum, quia experientiâ, cum sit cognitio accepta ex pluribus particularibus in memoria retentis, ut sumitur ex Aristot. 1. Metaphysicæ c. 1. & tradit D. Thom.

2. Poster. lect. 20. est cognitio fallax: sunt enim singularia contingentia, & fallibilia; ergo experientia non potuit esse causa scientiæ, quæ est cognitio necessaria, & infallibilis, neque consequenter inuentionis illius.

Secundò: quia ad acquirendas perfectè sciētias est necessaria Logica ex communi sententia: ergo pari ratione ad se ipsam perfectè acquirendam, erit necessaria: ergo cum se ipsam præcedere repugnet, dicendum erit, vel quòd Logica non est necessaria ad habēdas perfectè scientias, vel quòd non fuit inuenta experientia, sed per reuelationem, vel alio modo denudò habita.

Secunda conclusio. Logica fuit experimento adinuenta, ad eum modum quo aliæ scientiæ inuentæ sunt, quæ non dicuntur experientia acquiri, ita vt observatio huius, aut illius singularis generet habitum scientiæ, hoc enim est impossibile, vt rectè probat ratio dubitandi; sed dicuntur inueniri experientia: quia hæc fuit occasio, quare scientiæ inuenerentur, Per quem etiam modum inuenta est Logica. Videns enim intellectus longa observatione, & ex diuturna reflexione supra suos actus aduertens, quòd aliquando desiniebat, aut diuidebat benè; aliquando malè; & quòd in suis ratiocinationibus aliquando concludebat; aliquando non, motus est ad inuestigandam causam, & hac inuēta virtute Logicæ naturalis, potuit constituere præcepta benè definiendi,

diuidendi, & argumentandi, sicque paulatim Logicam inuenire. Per quod patet responsio ad primam rationem dubitandi.

Ad secundā responderetur, Dialecticam fuisse necessariam ad se ipsam, inquantū Logica naturalis media experientia fuit sufficiens ad inueniendum aliquid de artificiali; quæ pars inuenta, simul cum Logica naturali, adiunxit ad inueniendam aliam; & sic priores partes inuare potuerunt ad posteriores, donec perfecta esset tota. ¶ Adde Logicam Adamo reuelatam, & in posteriores nationes transmissam nō sic perijisse, vt nihil eius remaneret, sed proculdubio extabat aliquod ipsius vestigium cum alijs doctrinis permixtū, quod, simul cū experientia, & Logica naturali, sufficere potuit, ad aliquā cognitionē perfectiorē acquirendā, & sic deinceps.

¶ De laudibus, & dignitate Dialecticæ cōgerunt multa Doctores, à quibus consultò abstinemus hoc vnico verbo contenti: quòd Logica ita sacræ Theologiæ famulatur; vt ipsa, nō solum catholicæ veritates cōfirmetur, sed etiā, teste Hier. super Ezech. *Quidquid in hoc saculo peruersorū dogmatū est, & putatur robustū, hac arte subuertitur, & insular incēdij, in cineres, fauillaq; dissoluitur.* Quibus adde vix in sacris literis, reperiri librū aliquē, qui nō abundet Dialectica. Hac Prophete cōvincebāt Hebræos: hac etiam Apostoli prædicabant. Eminent inter alios Paul. cuius Epistolæ non minus Dialectica, quā Theologia refertæ sunt. De quo videri potest Aug.

Aug. toto ferè lib. i. contra Crescon. Grammat. sed præcipuè cap. 13. 14. 15. & 16. *Sibyci* (inquit August. cap. 14. contra illum pro Dialectica disputans) *maximè Dialectici fuerunt, cum Paulus, ne conferrent cum illo, non eos deuitauit? aut si Paulus Dialecticus erat, & idè conferre cum Sibycis non timebat, rã caue, ne cuiquam, Dialecticam pro crimine obieceris, quæ ipsos Apostolos confiteris.*

Laudent ergo Dialecticam alij à subtilitate, ab antiquitate alij, alij ab vtilitate: nos enim eam eodem August. cap. 17. citato, eam super omnia hæc dignitatem habuisse Dialecticam dicimus, vt nò solum Apostoli, sed ipse Christus Dominus dignatus sit esse Dialecticus. Verba August. sunt (loquitur de Iudæis, qui volentes capere Iesum in sermone, interrogauerunt, vtrum liceret tributum dari Cæsari?) *Obsecro te, illi ne fuerunt Dialectici, qui prætextis interrogationis insidijs decipiendo superare moliti sunt? an ille potius, qui ex hoc ipso, quòd interrogauerunt, veram eorum responsionem prudentia interrogationis eliciens, illud verum, quod ab eo putabant periculosè dici, ipsos compulsi cõfiteri?* Hæc idè retulimus, vt perspiciatur, quàm sit à pietate alienū dialecticas subtilitates inprobare, quantumque è contra religioso viro consonet earum studium, à quibus ferè omnes Sancti, Apostoliquè ipsi non fuerunt alieni, quasque dux nosser, & Magister Christus facto commendauit.

7 Quamuis autem his encomijs

dignè commendata sit vera, & pietati, ac sanæ doctrinæ concipienda, nutrienda, augendaquè deseruiens Dialectica, ea tamè, quæ vana, & contentiosa est, quæquæ sophismatibus vera, & quòd peris est, pia dogmata obscurantibus, & praua inducentibus incumbit: quomodo Logica Augustini, dam Manichæus esset, & Dialectica, ac Philosophia gentilium Euangelicam doctrinam, & Christi iugum detrectantiū, non quidem ex ipsius Dialecticæ, aut Philosophiæ, sed ex praua illorum conditione, & abusu incumbebat, vituperio digna, & multis modis à Sanctis Patribus improbata inuenitur. Vnde Paulus ad Colossenses secundo. *Videte* (inquit) *ne quis vos decipiat, per Philosophiam, & inanem fallaciam.* De qua alibi loquens ait: *Scientia inflat, charitas verò edificat.* Quæ, & multa similia, quæ ex Scriptura, & Patribus adduci possent, & consultò omittuntur, non de vera, & solida Dialectica, sed de inani, & inflata, vt Paulus loquitur, exponenda sunt.

QVAESTIO II.

Vtrum obiectum Logicæ sit quid reale, vel rationis?

Præmissis ijs, quæ ad *an est* Logicæ pertinent, rectus ordo postulat, vt *quid sit* eius inuestigemus. Quod fiet inquirendo essentialem eius definitionem. In qua quidem statuenda, quâuis genus prius quâ differentia, nisi alud obstar, inuestigandū esset, propter quod in-

quirendum erat, vtrum Logica sit scientia (quod genus eius est) priusquam de obiecto, à quo scientiæ differentia sumitur, sermo institueretur; tamen licet ordo sit præpositus, necessariò est commutatus: ita enim scientia ex obiecto dependet; vt eo ignorato, neque verbum quidem de illa fieri possit. Quomodo enim Logicam esse scientiam ostendemus, ex eo quòd de suo obiecto proprietates, & passionibus demonstrat: si tale obiectum, proprietates, & passionibus ignoramus?

8 Pro tituli ergo intelligentia primò notandum est, illud appellari obiectum, quod potentia, vel habitui obijcitur cognoscendū sumpta denominatione à potentia visiva, cuius obiectum propriè dicitur obijci. vnde translatus est ad significanda omnia illa, circa quæ potentia, vel habitus versantur. Appellatur etiam subiectum, nò quia illi inhæreat scientia; sed quia subijcitur prædicatis, quæ de illo in tali scientia demonstrantur. Dicitur etiam materia, non in qua, vel ex qua; sed circa quam potentia, vel habitus versatur, sumpta similitudine ab operationibus artium, quæ circa res externas, & materiæ participes versantur. Itaque hæc nomina, *obiectum*, *subiectum*, & *materia*, respectu habituum intellectus pro eodem communiter usurpantur. Respectu verò aliorum habituum, & potentiarum obiectum licet appelletur materia; non tamen appellatur subiectum, vt de se patet.

Hoc autem obiectum duplex est; vel, vt proprius loquamur, eiusdem integri obiecti duæ sunt partes; alia materialis, & alia formalis. Obiectum, seu pars materialis est id, quod non per se, sed ratione obiecti formalis attingitur, seu consideratur in scientia: obiectum verò seu pars formalis est id, quod per se, seu ratione sui attingitur, seu consideratur à tali scientia. Vtriusque exemplum cernitur in potentia visiva, cuius obiectum integrum est coloratum; in quo pars materialis, seu obiectum materiale est corpus: quia non per se, sed ratione coloris videtur: color verò est pars, seu obiectum formale; quia per se, & ratione sui percipitur à potentia visiva.

9 In isto autem obiecto formali duo distinguunt communiter Doctores cum Caietan. 1. part. quæst. 1. art. 3. & 1. Poster. cap. 22. nempe rem ipsam, quæ consideratur à scientia, seu attingitur à potentia, quamque appellant rationem formalem *qua*, seu in esse rei, aut obiectum *quod*: & rationem *sub qua* talis res attingitur à scientia, vel potentia, quamque appellant rationem formalem *sub qua*, seu in esse scibilis, aut obiectum *quo*. Vtræque autem hanc rationem esse necessariò distinguendam in obiecto cuiuslibet habitus, & ad quid sit necessaria, & vnde vtriusque unitas, vel distinctio sumatur; non est præsentis loci examinare; fiet à nobis cum Aristot. in libris Posteriorum disp. 19. Quare pro nunc satis erit, id vno, vel altero exemplo declarare,

rare,

rare. Etenim in potentia visiva res ipsa, quæ est color, & appellatur ratio formalis *qua*, non potest esse vltima ratio specificatiua visus, aliàs, sicut plures sunt species coloris, plures etiam essent species visus (cuius rationis vim ostendimus loco citato.) Ponenda est ergo aliqua alia ratio formalis indiuisibilis in plures species (quã appellamus rationem formalem *sub qua*) media qua color ipse attingatur à visu, & à qua vltimò constituitur in esse obiecti specificantis, & determinantis potentiam. Quæ erit, vel lux, vt ait D. Tho. 1. Post. lect. 4. 1. vel idem modus immutandi potentiam, vel aliquid huiusmodi, de quo alibi.

Idem etiã cernere licet in scientia. Nam aliquando res ipsa, quæ est obiectum formale, est vna genericè, vt patet in Arithmetica, cuius obiectum est numerus, sub quo penè infinitæ species continentur. Imò aliquando est vna tantum analogicè, vt patet in ente, quod est obiectum Metaphysicæ, & consequenter de pluribus rebus specie, imò & genere diuersis, aliquando est vna tantum scientia. Aliquando verò de eadem re, seu de eadem ratione formali, *qua* dantur plures scientiæ. Cuius exemplum addacit D. Thom. 1. parte quæstio. 1. artic. 1. & 1. 2. quæst. 54. artic. 2. ad secundum de hac propositione, *terra est rotunda*, quæ pertinet ad Philosophum naturalem, & ad Astrologum, dantur quæ de illa diuersæ demonstrationes, ergo à ratione formali, *qua*,

seu ab entitate ipsa obiecti formalis in esse rei non potest sumi vnitatis, vel distinctio scientiæ: & per consequens aliqua ratio ponenda est, quæ vltimò constituat rem illam, seu res in esse obiecti scibilis. Quam nos cum Caietano congruè appellamus rationem formalem, *sub qua*.

10 Hic autem obseruandũ venit, quòd licet D. Tho. 2. 2. quæst. 1. artic. 1. solam rationem, *sub qua*, appellet rationem formalem; id autem, quod nos vocamus rationem formalem, *qua*, appellet ipse sanctus obiectum materiale (quod quidem in rigore loquendo verissimũ est: habet enim se ratio, *qua*, vt materia respectu rationis, *sub qua*) nihilominus tamen non improprie Doctores rem illam, quæ per se consideratur in scientia, appellant rationem formalem, ad distinctionem aliarum rerum, quæ respectu illius se habent vt quid materiale, vel quia in se recipiunt talem rationem formalem, vel quia per accidens tractantur in scientia. Quod cernere licet in Geometria, quæ agit de quantitate continua, scilicet lineis, superficiebus, figuris, &c. Si enim quantitas continua, quæ est ratio formalis, *qua*, comparetur ad rationem formalem, *sub qua*, (quæcumque illa sit, de quo loco citato) habet quidem rationem materiæ, potest què optimè cum D. Thoma appellari obiectum materiale: si verò comparetur ad substantiam, seu corpus, cui quantitas ipsa inheret; vel ad alia, quæ per accidens

tractantur in Geometria, iā habet rationem formę, potestq; rectè appellari obiectum formale. Propter quod quantitas continua cōmuniter appellatur ratio formalis, *quæ*, obiecti Geometria, qui modus loquēdi (vt cum pluribus loquamur) retinēdus est, licet modus loquēdi D. Tho. formalior sit. Per quod cōciliantur plura Angelici Doctoris testimonia, & expenduntur multa, quæ cū ad rem ipsam pertinere videantur, maturè tamen inspecta ad modum loquendi pertinent.

De ratione formali, *sub qua*, obiecti Logica, neq; est præsens difficultas, neq; aliquid nunc dicendū nobis est: pendet enim ex generali quæstione de scientiarum vnitare: pro qua tamē interim videri potest D. Tho. I. Post. lect. 41. opus. 70. q. 5. artic. 1. & alibi sæpè. De obiecto autē materiali nullū potest esse dubiū, si nē enim sint operationes intellectus, si nē res ipsæ (de quo quæstio. seq.) certū est apud omnes esse aliquid reale. Solum ergo remanet difficultas de ratione formali, *quæ*, obiecti Logica, quā pro nūc obiectum formale appellauimus, ad distinctionem obiecti materialis.

¶ I. Ex dictis intelligitur aliq obiecti diuisiones, quas communiter tradunt DD. Aliud enim est obiectū adæquatū; aliud inadæquatum. Inadæquatū rursus diuiditur in principale, & minus principale: quid autē sit quodlibet ex istis, ex terminis ipsis cōstat. Obiectū adæquatū solet appellari obiectū attributionis; cuius tres cōditiones assignāt DD. cum D. Th. sup. prolog. sentē-

tiarū art. 4. Prima est, quod contineat omnia, quæ tractantur in sciētia; ita vt ad ipsam reuocentur omnia, vel tanquam principia, vel tanquam partes, aut species, vel proprietates eius. Secūda, quod sit id, de quo potissima cura est in tali sciētia, & de quo (si aliqua fuerint) tradātur præcepta. Tertia, quod sit id, per quod talis sciētia distinguitur à qualibet alia. Quæ cōditio intelligenda est iuxta dicta; quod scilicet à ratione formali, *quæ*, seu ab obiecto formali sumatur distinctio, nō præcisè, vt est entitas quædam, seu in esse rei, sed vt illi adiungitur ratio formalis, *sub qua*, à qua constituitur in esse scibilis.

Tandē explicandū est breuiter, quid sit ens rationis: nam de ipso disp. seq. latè differemus. Est ergo ens rationis proprietas quædā, seu esse conueniens rebus, non à parte rei, sed vt sunt in intellectu, sicut esse subiectū, prædicatū, genus, aut alia huiusmodi: & generaliter omnes termini secūdæ intētionis significant pro formali ens rationis: nō enim à parte rei homo est subiectū, vel animal genus, &c. sed secundū quod sunt obiectiue in intellectu. Ex quo etiā apparet, quid sit ens reale: est enim, quod habet verū esse à parte rei, & ante intellectus cognitionem. Cū ergo ens prima diuisione diuidatur in ens reale, & rationis, merito in hac quæstione generaliter inquirimus, sub quo ex his mēbris cōtineatur obiectū formale Logica. In sequenti verò specialiter inuestigabimus, quodnam ens rationis illud sit.

§. I. REFERTUR CVM
suis fundamentis sententia, asse-
rens, hoc obiectum esse
aliquid reale.

12 ⁷ Aldè recepta est his tempo-
ribus apud aliquos moder-
nos opinio affirmans, obiectū for-
male Logicæ esse quid reale. Quod
non eodem modo explicant: qui-
dā enim asserunt, operationes in-
tellectus, prout dispositæ sunt in
forma definitionis, diuisionis, & ar-
gumentationis, esse obiectum Lo-
gicæ: adduntque, non solum opera-
tiones ipsas, sed etiam talē disposi-
tionem definitionis, & argumēta-
tionis esse quid reale. Alij verò for-
tè, quia vident dispositionem istā,
etiā in ipsis actibus non esse quid
reale, alia viā incedūt, asserētes, ob-
iectū formale Logicæ integrè in-
telligi ante talē dispositionē, esseq;
ipsas operationes intellectus, non
prout iā habent illā; sed prout diri-
gibiles sunt, & ordinabiles media
ipsa dispositione modi sciendi.

Pro vno quoque modo dicendi
non adducemus specialiter argu-
menta: quia communia sunt, quæ
contrarij adducunt; neque simili-
ter Auctores: quia antiqui, vel nulli
sunt, vel non ita clarè distinguunt:
moderni verò nō eodem modo lo-
quuntur; imò nunc ad vnum, nunc
ad alterum dicendi modum decli-
nare videntur: continent tamen
in quæsito quæstionis, asserētes, ob-
iectū formale Logicæ esse quid rea-
le. Pro qua sententia adducūt Pla-
ton. Dialog. de Iusto, Alcibi. de do-
ctrin. Platonis c. 2. D. Isidor. lib. 2.
Etymol. D. Aug. 2. de Doctr. Chri-

stiana, c. 37. Boetium lib. 1. in To-
pica Ciceronis, Caietan. præfatio-
ne in prædicamenta, Canum 9. de
locis, cap. 1. & alios antiquos: quos
tamen si consulas, nihil, vel opposi-
tum inuenies. Ex modernis verò
defendant eam Fonseca 2. Meta-
physicæ, c. 3. q. 1. sect. 5. Suarez dis-
putat. 1. sect. 4. & disput. 54. in prin-
cipio, Conimb. hic q. 5. art. 2. Mur-
cia q. 2. Hurtad. disput. 1. sect. 4. &
nouissimè Chrysost. Canero Cister-
ciensis, traçt. 1. disput. 1. dub. 2. &
Raphael de Auerfa, q. 2. sect. 3.

13 Probatur primò hæc senten-
tia ex D. Tho. initio Poster. vbi in-
quit: *Ars quedam necessaria est, vt
sit directiua ipsius actus rationis;
per quā homo in ipso rationis actū
ordinatè, faciliter, & sine errore
procedat. Et hæc ars est Logica, idest,
rationalis sciētia, quæ nō solum ra-
tionalis est ex hoc, quòd est secundū
rationē, quod est omnibus artibus cō-
munes; sed etiā ex hoc, quòd est circa
ipsum actū rationis, sicut circa pro-
priam materiā.* Ex quo loco sic for-
matur argumentū. Logica est dire-
ctiua operum rationis: ergo versatur
circa rationis opera, vt dirigi-
bilia, tanquam circa obiectum.

Confirmatur ex eodem D. Tho.
in procemio Ethicor. vbi docet,
quòd sicut Philosophia moralis
versatur circa operationes volūta-
tis, sic Logica versatur circa opera-
tiones intellectus; sed Philosophia
moralis versatur circa operationes
volūtatē, vt dirigibiles tanquā cir-
ca obiectū, vt ibid. docet D. Tho.
ergo obiectū Logicæ erūt operatio-
nes intellectus, etiā vt dirigibiles.

Secun-

Secundò probatur euertendo oppositam sententiam: quia obiectum debet habere aliquam entitatem, vt possit esse scibile (scibilitas enim, sicut intelligibilitas rei entitatem sequitur) sed ens rationis non habet aliquam talem entitatem; cum neque sit substantia, neque accidens: ergo non potest esse scibile.

Confirmatur primò: quia obiectum debet habere passiones, quas de illo scientia demonstret, vt probat Aristot. 1. Post. cap. 23. sed istis caret ens rationis: ergo non potest esse obiectum scientiæ. Probatur minor: quia tales passiones non possunt esse reales, vt patet: neque etiam possunt esse rationis; aliàs continerentur essentialiter sub ente rationis, & de illis essentialiter prædicaretur, quod repugnat cuilibet essentiæ respectu propriarum passionum.

Confirmatur secundò: quia scientia dicit relationem realem ad obiectum tanquam ad propriam mensuram, vt docet Arist. cap. de relatione: ergo ens rationis non potest esse obiectum alicuius scientiæ. Patet consequentia: quia relatio realis prædicamentalis petit terminum realem.

Tertiò: demonstratio, quam Logica docet conficere, est causa vera, & realis scientiæ, quæ est habitus realis: ergo demonstratio etiam pro formali non potest esse ens rationis. Probatur consequentia: quia demonstratio, non solum secundum entitatem actuum, sed etiam vt sunt inter se dispositi, est

verè discursus, & causa scientiæ: ergo vt sic est ens reale.

Confirmatur: quia habitus Logiciæ concurret ad suos actus, non solum secundum id, quod est in illis materiale; sed etiam, & maxime ad illam ordinationem, quam à Logica habent; ergo talis ordinatio non est aliquid rationis. Patet consequentia: quia à causa, & actione reali necessario procedit effectus realis.

Quartò: quia si obiectum Logiciæ esset ens rationis, maxime quia tractat de genere, specie, subiecto, prædicato, & alijs similibus intentionibus; sed esse subiectum, prædicatum, &c. est verum ens reale: ergo Logica non habet pro obiecto ens rationis. Probatur minor, quia in hac propositione, *homo est animal*, actus intellectus correspondens illi termino, *homo*, non representat naturam humanam precise, sed vt subijcitur animali; ergo non solum representatio hominis; sed modus representandi illum vt id, de quo dicitur animal, est quid reale; ac proinde esse subiectum non est quid rationis, & sic de alijs huiusmodi intencionibus. Plura alia argumenta adducunt Auctores, inter quos videri potest Ioannes Sánchez lib. 1. Logiciæ quæst. 17. qui licet asperè loquatur de hac opinione; multa tamen pro ea congerit argumenta.

§. II.

P R A E M I T T V N T V R
*aliqua ad resolutionem qua-
 sitiones necessaria.*

14. Ro solutione quæstionis explicare oportet, quid sit Logicam dirigere operationes intellectus, & quid in illis sit disigibilitas, vel directio: hæc enim omnia inuoluta magnam in hac materia generant confusionem. Vt autem id ex suis principiis deducamus, sciendum est, ex D. Thom. 1. 2. quæst. 54. art. 4. & quæst. 100. art. 2. quemlibet habitum, & præcipue operatiuum, esse perfectione quâdam potentia: unde qualibet scientia erit perfectio intellectus, perficietque illum, & diriget in ordine ad aliquam cognitionem. Sic videmus Geometriam perficere intellectum, ut rectè cognoscat quantitatem continuam: Arithmetica etiam in ordine ad quantitatem discretam, & sic de alijs scientiis, quarum vnaquæque perficit, & diriget intellectum in ordine ad cognitionem proprii obiecti. Et sic consequenter intellectus erit dirigibilis, per unam scientiam in ordine ad cognitionem unius obiecti, & per aliam in ordine ad cognitionem alterius: atque ita ab una scientia accipiet directionem, ut producat actus rectos circa unum obiectum, & ab alia, ut producat actus rectos circa aliud. Itaque rectitudo actus, seu directio illius, quæ est ipsa entitas intrinseca actus, nunquam fit ab alia scientia, nisi ab illa, cuius proprium fuerit obiectum talis actus. Quare uni-

uersaliter loquendo, nulla scientia erit directiua intellectus, nisi in ordine ad proprium obiectum, neque intellectus erit alio modo dirigibilis à scientia. Cuius ratio est euidens: quia omnes habitus intellectus simul sumpti perficiunt intellectum in ordine ad obiectum adequatum illius, scilicet verum. Ex hoc autem obiecto adequato, quilibet habitus quasi sumit unam partem, & curat de illa perfecte cognoscenda: ac proinde nullus habitus per se loquendo dirigit, & perficit intellectum in ordine ad obiectum alterius habitus, nisi in quantum dirigit, & perficit in ordine ad proprium obiectum.

15. Contingit autem obiectum alicuius habitus, verbi gratia, alicuius scientie, esse vniuersalius, quam obiecta aliarum scientiarum, quodammodoque continere illa (non loquimur de ratione sub qua, hæc enim in qualibet scientia semper est diuersa à ratione sub qua alterius) ut patet in Metaphysica, cuius obiectum, scilicet ens, continet sub se obiecta aliarum scientiarum: nam sub ente continentur corpus, quod est obiectum Philosophiæ, numerus, qui est obiectum Arithmetice, & sic de alijs. Vnde talis scientia, dirigendo intellectum circa proprium obiectum, consequenter dirigit illum aliquomodo circa obiecta aliarum scientiarum, quæ continentur sub proprio obiecto. Et propter hoc Metaphysica præscribit obiecta alijs scientiis, omnium earum principia probat, alias-

aliasque functiones generales administrat: non quia per se perficiat intellectum in ordine ad obiectum peculiare vniuscuiusque scientiæ, sed quatenus perficit illum in ordine ad proprium obiectum.

Idem proportionabiliter contingit in Logica, quæ quia in omni opinione habet obiectum quodammodo continens obiecta aliarum scientiarum; idè perficiendo intellectum in ordine ad proprium obiectum, dirigit consequenter, & perficit in ordine ad obiecta aliarum. Propter quod Metaphysica, & Logica appellantur scientiæ generales: quia earum obiecta se extendunt ad omnia entia, & ita continent sub se obiecta aliarum scientiarum. Quam Logicæ, & Metaphysicæ similitudinem docuit rectè Aristot. 2. Metaph. c. 2. dicens: *Dialectici, & Sophista eandem cum Philosopho subeunt figuram: nam de omnibus disputant, & circa idem genus Sophistica, & Dialectica versantur cum Philosophia.* Quæ verba exponens D. Thom. lect. 4. ait: *Ostendit quomodo Dialectica, & Sophistica cum Philosophia habeant similitudinem, & in quo differant ab ea. Conueniunt autem in hoc, quod Dialectici est considerare de omnibus: hoc autem esse non potest, nisi consideret omnia, secundum quod in aliquo uno conueniunt: quia vnius scientiæ, vnum subiectum est; & vnius artis vna est materia, circa quam operatur. Cum igitur omnes res non conueniant, nisi in ente: manifestum est, quod Dialecticæ materia est ens, & ea quæ sunt entis, de*

quibus etiã Philosophus considerat.

16 Ex quo iam plura licet inferre. Et primò quidem apparet, quã longè à veritate erret explicatio istius loci Arist. quàm adducunt aliqui ex contrarijs, vt probent obiectum Logicæ esse actus intellectus: asserentes, sensum Arist. esse, quod sicut Philosophus naturalis agit de actibus intellectus in libris de Anima: ita etiam Logica agit de eisdem actibus, licet sub diuersa ratione. Expositio sanè absurda: ibi enim non loquitur Arist. de Philosophia naturali: sed de prima Philosophia, scilicet Metaphysica, quod quilibet etiam indoctus aduerteret, qui textum consuleret.

Secundò etiam apparet, obiectum formale Logicæ debere esse tale quid, quod possit inueniri in omni ente, siquidè materia illius, vt vidimus, est omne ens, sicut propter eandem rationem obiectum formale Metaphysicæ debet esse quid inuentum in omni ente. Duo autem genera prædicatorum inueniuntur in omnibus entibus alia sunt, quæ cõueniunt illis à parte rei, secluso intellectu: & hæc tantum sunt ratio entis, & passio eius, scilicet vnum, verum, bonum &c. & hæc sunt obiectum formale Metaphysicæ. Alia verò sunt prædicata, quæ conueniant omnibus entibus per operationem intellectus, vt esse subiectum, prædicatum genus, speciè, &c. quæ proinde dicuntur secundæ intentiones; & intra hoc genus prædicatorum necessariò debet esse obiectum formale Logicæ. Quia autè prædicata pri-

mi generis sunt intrinseca, & naturalia omnibus entibus, istæ verò secundæ intentiones extra essentialias, & naturas illorum, eisque accidentales, & extraneæ, idèd *Metaphysicus* (ait D. Thom. loco citato) *procedit ex principijs ipsius ad prouandum ea, quæ sunt consideranda circa communia accidentia entis; Dialecticus autem procedit ad ea consideranda ex intentionibus rationis, quæ sunt extraneæ à natura rerum. Et idèd dicitur, quòd Dialectica est tentatiua: quia tentare proprium est ex principijs extraneis procedere.*

Tertiò tandem apparet, quòd licèt vtraque hæc scientia dirigat intellectum in ordine ad objecta aliarum scientiarum modo explicato: quia tamen Logica dirigat illum, vt cognoscat omnes res, non secundum sua prædicata realia, sed secundum illa prædicata, quæ adueniunt rebus per operationes intellectus; idèd Logica specialiter dicitur dirigere tales operationes: quia nimirum tradendo notitiam harum intentionum, quæ resultant in rebus ex eo, quòd intellectus sic, vel sic cognoscat eas, dirigitur ipse intellectus in modo proprio operandi; & sic Logica, quæ has intentiones cognoscit, & inter se ordinat, vt ex eis fiant congrua instrumenta sciendi, tribuit ipsi intellectui modum, vt de qualibet re rectam, & absque errore cognitionem consequatur. Et hic est specialis modus, quo Logica dicitur dirigere operationes intellectus.

§. III.

STATVITVR VERA

sententia D. Tho. & quæstio resoluitur.

17 D *Icendū est in hac difficultate, obiectū formale Logicæ non esse quid reale, sed ens rationis. Hanc conclusionem intendit Arist. loco citato ex quarto Metaphysicæ, vt ibi explicat D. Tho. est receptissima inter Antiquos: illaque profiteri omnes Thomistæ testatur Masius infra citandus. Et certè nullum vidimus ex discipulis D. Thom. contrarium asserentem.*

Tradit eam Angelicus Doctor lect. 4. sæpè citata his verbis. *Ens est duplex; ens scilicet rationis, & ens natura. Ens autem rationis dicitur propriè de illis intentionibus, quas ratio adinuenit in rebus consideratis, sicut inrètio generis speciei, & similitum, quæ quidem non inveniuntur in rerum natura, sed considerationem rationis consequuntur. Et huiusmodi scilicet ens rationis est propriè subiectū Logicæ. Huiusmodi autè intentiones intelligibiles entibus natura equiparantur, eo quòd omnia entia natura sub consideratione rationis cadunt: & idèd subiectum Logicæ ad omnia se extendit, de quibus ens natura prædicatur. Hæc D. Thom. vbi paucis verbis docet quidquid nos in conclusione, & discursu docuimus. Quæ verba repetit opus. 42. c. 2. Videri etiam potest Angelicus Doctor 1. Post. lectio. 20. opusc. 56. opusc. 70. quæst. 6. art. 1. ad 3. & pluribus alijs locis, quæ breuitatis causa omitimus. D. Thom. sequuntur Caletan.*

ieran, capite de genere, part. 2. Sotus quæst. 5. proœmiali, Nauarrete 1. part. controuer. 14. §. 10. Arauxo lib. 3. Metaph. quæst. 1. art. 1. n. 5. Masius hic sect. 1. quæst. 13. Sanchez lib. 1. q. 17. & Gallego controuerf. 8. qui pro hac sententia adducunt Auerroem, Auicenam, Albertum, Iabellum, Flandriam, Soncinatem, Herbenum, & innumeros alios D. Thomæ discipulos. Quibus etiam consentiunt Tolet. hic q. 5. Oña q. 1. art. 5. Rubio q. 6. Salas 1. 2. q. 54. disput. 7. sect. 2. & alij moderni.

18 Probatur primò conclusio ratione sup. ex Aristot. & D. Tho. insinuata. Quia consideratio Logica se extēdit ad omnia, de quibus ens reale prædicatur, in quo assimilatur Metaphysicæ, & propterea agit de eisdem prædicamentis, de quibus tractat Metaphysica: ergo considerat omnia illa, sub aliqua vna ratione in eis inuenta, sed vltra prædicata, seu rationes reales omnibus prædicamentis communes, quæ sunt obiectum Metaphysicæ, nullæ aliæ dantur rationes, seu prædicata, quæ cōueniant omnibus entibus; nisi secundæ intentiones, seu prædicata rationis: ergo ratione illarum considerat Logica omnia entia: ac proinde ipsæ erunt obiectum formale eius.

Confirmatur primò: quia omne ens reale creatū necessariò abstrahit, vel à materia singulari, vel sensibili, vel intelligibili. Vt enim probat optimè D. Tho. opusc. 70. q. 5. artic. 1. alia abstractio non est possibilis, neque possibile est ens

reale, quod has abstractiones subterfugiat. Ergo speculatio illius pertinet ad Philosophiam, Mathematicam, vel Metaphysicam: hæc enim diuisio scientiæ speculatiuæ realis adæquata est, vt ex Aristot. & D. Tho. videbimus infra disp. 19. ergo nullum ens reale potest esse obiectum formale Logicæ.

Dices hoc argumento probari, prædictas sciētias tractare de omnibus entibus realibus; non tamen sub omnibus rationibus formalibus, secundum quas possunt considerari. ¶ Sed contra: quia omne ens reale, secundum quamcumque considerationem cuiuscumque rationis realis, continetur necessariò intra aliquam abstractionem ex enumeratis: ergo necessariò cōtinebitur sub aliquo ex obiectis dictarum scientiarum: & per consequens nulla alia scientia speculatiua poterit esse de entibus realibus. Logica autem est scientia speculatiua, vt infra ostendemus: ergo non potest habere pro obiecto ens reale.

Confirmatur secundò: quia Logica, Grammatica, & Rhetorica distinguuntur contra scientias reales, & appellantur rationales; non quia ipsæ non sint verè qualitates reales, vt patet, neque præcisè, quia dirigant rationem, seu intellectum: cum id conueniat omnibus scientijs, vt vidimus, neque quia habeant pro obiecto actus rationis; aliàs scientia de Anima diceretur rationalis, & nō realis; ergo idèò distinguuntur cōtra scientias reales, & dicuntur rationales, quia

quia earum obiectum est ens rationis, cum tamen alię versentur circa ens reale.

19 Secundo probatur conclusio: quia enti rationis, & non enti reali conveniunt tres illę conditiones obiecti supra n. 11 assignatę ex D. Thom. ergo obiectum Logicę est ens rationis. Probatur antecedens discurrendo per singulas: quia ens rationis predicatur ferę de omnibus, quę in tota Logica tractantur; alięquę ad ipsum rediuntur, vel tanquam partes, vel principia, aut species, &c. quod tamen de nullo ente reali verificari videmus: ergo enti rationis cõvenit prima cõditio obiecti. Maior patet: quia hæ sunt verę predicationes: vniuersale est ens rationis: genus, species, differentia, &c. sunt ens rationis: vniuocum, analogum, predicamentum, propositio, equi-pollentia, antecedens, inductio, syllogismus, figura, &c. sunt entia rationis. Neq; præter istas, & similes intentiones aliquid aliud tractatur in Logica, quod per se pertineat ad ipsam: nã de substantia, quãtitate, qualitate, aut alijs predicamentis extra cõtrouersia est non pertinere ad Logicam, secundum quod sunt partes entis realis; sic enim de illis agit Metaphysica: sed secundum quod in eis attẽditur subijcibilitas, & prædicabilitas, aut ratio generis, & speciei. De intellectu autẽ, & eius actibus solum tractatur in Logica, secundum quod sunt principia, & causę, ex quibus dictę intentiones resultant, vt patet quando inquirimus: vtrum solus intellectus faciat

ens rationis; per quem actum illa fiat: & an valuerit (aliter) resultet in natura per abstractionẽ, vel cõpirationẽ intellectus minę; alę quęstiones, nisi his similes, mouentur in Logica de actibus intellectus. Vbi ergo in tota Logica tractatur de ente reali tanquam de obiecto?

Respondeo debis fortę, omnia ista tractari in Logica in ordine ad actus intellectus. ¶ Sed contra est: quia solutio permitti posset, si in Logica præcipua cura esset de actibus intellectus (quę est secunda cõditio) vel de eis alia peculiari disputatio, aut liber institueretur ab Arist. aut de aliquibus in Logica predicarentur actus intellectus: de istis verò intentionibus, obiter in ea disputaretur. Sed tamẽ omnia e cõtrariò videmus euenire: nullus enim Logicus talem disputationẽ, vel librum de actibus intellectus instituit: cū tamẽ omnes ex professo pertractent de istis intentionibus. Imò Auðtores cõtrarij se ipsos destruunt: quomodo enim easdẽ quęstiones, ac nos pertractant, eisdemq; libros Arist. interpretantur: si in obiecto, de quo principali cura debet esse in disciplina, à nobis valde dissentiant? Qui enim obiectum Geometrię assereret esse numerum, tradendo suã Geometriã, non deberet pertractare de magnitudinibus, lineis, superficibus, figuris, &c. sed de numero, eius speciebus, & proportionibus: nã se ipsũ destrueret, qui mutado obiectum Geometrię, nõ mutaret quęstiones eius, vt patet: at magis distat ens rationis, & ens reale, quàm numerus, & magni-

do: ergo magis se ipsum destruit, qui asserendo, obiectum Logicę esse ens reale, in ea tamen tradenda omnes quæstiones mouet de entibus rationis. ¶ Adde, quod vt in prima ratione vidimus, per ens rationis, & non per ens reale distinguitur Logica à scientijs realibus (quæ est tertia conditio) ergo in ente rationis, & non in ente reali inueniuntur conditiones obiecti respectu Logicę.

20 Tertiò tandē probatur conclusio: quia in qualibet scientia datur aliqua prima principia propria obiecti illius sciētiae, à quibus procedit ad conclusiones de obiecto demonstrandas, & in quæ tandem easdem cōclusiones resoluit; vnde si obiectū est ens reale, necessariò principia debent etiam esse quid reale: sunt enim, vel partes intrinsecæ obiecti, vt materia, & forma in Philosophia, punctum, & vnitas in Mathematicis, vel essentia ipsius obiecti, vt essentia entis in Metaphysica, vel causæ reales illius: quæ omnia, vt cōstat, repugnat esse quid rationis, si obiectum est ens reale: sed Logica nō habet aliqua prima principia realia, ex quibus procedat ad conclusiones de suo obiecto demonstrandas: ergo eius obiectū nō potest esse ens reale. Maior, & cōsequentia conitant; minor verò est expressa D. Tho. opusc. 70. q. 6. art. 1. & probatur: quia in omni opinione tota ars syllogistica innititur duobus illis principijs, dici de omni, & dici de nullo; vel illis, quæcūque sunt eadē vni tertio, sunt eadē inter se, & quæcūque sunt eadem

inter se, distinguitur ab vno tertio. Similiter ars definiēdi, & diuidēdi innititur intētionibus generis, differentiæ, speciei, & similibus, quæ omnia constat esse entia rationis: ergo principia, ex quibus procedit Logica, sunt intentiones rationis, & per consequens eius obiectum.

Confirmatur: quia aliàs Logica esset nobilior, quā Mathematica; si illius obiectū essent actus intellectus: imò quodammodò esset nobilior Philosophia; cū actus intellectus magis abstrahant à materia, quā corpus, & sint quid spirituale, quod tamē falsum est, & cōtra Aristot. qui 6. Metaphysic. c. 1. Mathematicā, & Philosophiā enumerat, vt partes principales scientiæ speculatiuæ, nō autē Logicā: nulla alia ratione, vt ait D. Tho. opusc. citato, q. 5. art. 1. ad 2. nisi quia est instrumentū earū, neque omnino propter se ipsam quæritur, quod tamen non esset, si obiectum Logicę esset aliquod ens reale, vt de se patet.

¶ Quā Logicę ignobilitatē colligit D. Thom. opusc. 56. ex eo quod eius obiectum sit ens rationis, his verbis. *Inter omnia subiecta scientiarū debilissimū, & incertissimū est subiectū Logicæ: quia vnūquodque quantū habet de entitate, tantū habet de veritate, & certitudine, et dicit Arist. 2. Metaphysica. Nunc autem secundæ intētionēs solum habent esse in anima, & ab anima. Ex quo sequitur, quod habent debilissimum esse, & sic ad plenum sciri non possunt, nisi per primas intentiones.* Plures aliæ rationes videri possunt in Doctoribus supra citatis.

21 Ex dictis facillè destruitur opposita sententia quoad verumque modum dicendi. In primis enim materia propria, & immediata, in qua recipitur obiectum formale Logicæ, non sunt actus intellectus; sed res ipsæ, & entia, vt vidimus ex D. Tho. res enim propriè dicuntur, & sunt genus, species, definitio, syllogismus, &c. Id autem solùm conuenit actibus intellectus secundùm quid, & in representando: dicuntur enim definitio, quia representant definitionem, & sic de alijs. Vnde ipsæ intentiones obiectiuæ, seu modus sciendi obiectiuus, & non mentalis pertinet immediatè, & simpliciter ad obiectum formale Logicæ. Quare, licet representatio ex parte intellectus sit quid reale, de quo non dubitamus; tamen esse, quod in rebus resultat per talem representationem, est quid rationis: inò ordo ipsorum actuum inter se, vt cõstituant diffinitionem, propositionem, aut syllogismum, est quid rationis, vt ex D. Thom. in solutione ad secundam manifestè constabit.

Id verò, quod aiebat secundus modus dicendi in prædicta opinione, nulla nititur probabilitate. Actus enim, vt dirigibiles, solùm importantur potentiam passiuam, vt dirigantur: vnde ad summum possent esse obiectum materiale. Neque de dirigibilitate ipsa actuum agit Logica; sed de instrumentis, medijs quibus diriguntur, vt sunt definitio, diuisio, & aliæ intentiones, vt explicatum est.

§. III.

ARGUMENTIS PRO
contraria sententia factis
respondetur.

22 AD primum ex auctoritate D. Tho. dicimus imprimis nullum ibi esse verbum, quod indicet sanctum Doctorem loqui de obiecto formali, præterquam quod loquitur manifestè de fine remoto, seu vltimato Logicæ, vt ex verbis antecedentibus constat. Appellatur autem ibi à D. Tho. actus intellectus materia propria Logicæ, seu obiectum, causaliter: quia scilicet causant obiectum Logicæ. Quod planè colligitur ex cõtextu, & exemplis, quæ ibi adducit: subdit enim: *Sicut igitur ex hoc, quòd ratio de actu manûs ratiocinetur, adinuenta est ars ædificatoria, vel fabrilis: per quas homo facilliter, & ordinatè huius actus exercere potest: eadem ratione ars quadam necessaria est, quæ sit directiua ipsius actus rationis, &c.* Aliud enim est, quòd ars ædificatoria sit inuenta ad dirigendas actiones manus, & Logica ad dirigendas operationes rationis: aliud verò, quòd obiectum ædificatoriæ sint actiones manus, vt dirigibiles, & obiectum Logicæ operationes intellectus, vt dirigibiles. Primum quidem verissimum est: secundum autem omnino falsum: nullus enim dixit obiectum ædificatoriæ esse actiones manus vt dirigibiles; sed ædificium ipsum coalescens ex illa dispositione artificiali tanquam ex forma, & ex lapidibus, & lignis tanquam ex materia; actiones autem manus sunt effectiones (vt iam

dicamus) & causæ ipsius ædificij: ergo pari ratione asserendum non est, operationes intellectus, vt dirigibiles, esse obiectum Logicæ; sed secundas intentiones, quæ componuntur tanquam ex forma ex illo esse rationis, quod resultat in rebus per operationes intellectus, & rebus ipsis tanquã ex materia: operationes autem ipsæ solum erunt effectiones, & causæ ipsarum intentionum, quæ sunt obiectum Logicæ. Ex quo nõ solum remanet clara mens D. Tho. sed verba eius in ipsos contrarios efficaciter retorquentur, & accuratè ponderata totam hanc difficultatem ellucidant.

23 Ad confirmationem respondetur ibi Sanctum Doctorem perspicuis verbis docere nostram sententiam: vt enim scientias distinguat, quadruplicem distinguit ordinem, dicens: *Alius est ordo, quem ratio non facit; sed solum considerat: sicut est ordo rerum naturalium. Alius autem est ordo, quem ratio considerando facit in proprio actu: puta cum ordinat conceptus suos ad inuicem, & signa conceptuum, quæ sunt voces significatiuæ. Tertius autem, &c.* Et post pauca, secundum hos diuersos ordines sunt diuersæ scientiæ. Nam ad Philosophiam naturalem pertinet considerare ordinem rerum, quem ratio considerat, sed non facit. Ordo autem, quem ratio considerando facit in proprio actu, pertinet ad rationalem Philosophiam (scilicet Logicam) cuius est considerare ordinem partium orationis ad inuicem, & ordinem principiorum ad inuicem, & ad conclusiones. Ex quibus D.

Tho. verbis non videmus quomodo inferri possit obiectum Logicæ esse ens reale: cum potius dicat proprium esse Logicæ, considerare ordinem quemdam, quæ intellectus facit in proprio actu, quem habent partes orationis adinuicem, & principia adinuicem & ad conclusiones: qui manifestè est ens rationis; cum sit factus, seu fictus à ratione.

Ad paritatem autem, quæ ibi adducitur de Philosophia morali, respondetur verum esse, quod vtræque assimilatur in fine: hæc enim intendit dirigere voluntatem, sicut Logica intellectum. Differunt tamen in conditione, & modo finis, & per consequens in obiecto: nam Philosophia moralis intendit, non solum reſtitutionem accidentalem actuum voluntatis, quæ sumitur ex circumstantiis; sed etiam, & maximè reſtitutionem substantialem eorum, quæ sumitur ex obiecto: & sic obiectum Philosophiæ Moralis est ipse actus directus, seu operatio humana ordinata in finem, vt ibidem asserit D. Thom. At verò Logica non præstat intellectui reſtitutionem substantialem (vt ita dicamus) in ordine ad res quoad suas intrinsecas entitates cognoscendas; hoc enim faciunt aliæ scientiæ: sed solum quamdam reſtitutionem in ordine ad cognoscendas res quoad aliquid extrinsecum, nempe quoad ordinationem, & dispositionem earum in forma modi sciendi; quæ, vt vidimus, quid extrinsecum, & rationis est. Et sic patet, quod licet obiectum Philosophiæ Moralis sit quid reale; obiectum

obiectum tamen Logicæ est ens rationis.

24 Ad secundum respondetur, ens rationis, eo modo quo est, habere entitatem, & scibilitatem. Quare sicut habet entitatem ad modum entis realis: ita scibile est ad modum illius. Neque ex hoc sequitur, ipsum per accidens esse scibile: sicut enim eius essentia consistit in hoc, quod cognoscatur ad modum entis realis; sic per se conuenit illi, quod sciatur ad modum alterius. ¶ Adde, quod, ut bene explicat Arauxo lib. 2. Metaph. q. 3. artic. 2. n. 12. cum genus entis, & genus scibilis valde diuersa sint, hocquæ quasi materialiter tantum ad illud præsupponatur: quauis ratio entis non possit dici simpliciter de ente rationis; tamen ratio scibilis potest illi per se, & simpliciter conuenire. Cuius exemplum cernitur in Mathematicis, & Philosophia, quarum obiecta, scilicet quantitas: & substantia corporea, quamuis analogicè conueniant in ratione entis, simpliciter tamè participant rationem scibilis, & sic ipsæ vniuocè conueniunt in ratione sciētiz. Videatur Arau. loc. citato.

Ad primam cōfirmationem negatur minor, ad cuius probationē respondetur, ens rationis habere etiam suas passionēs, ut infra constabit: de quibus propter transcendentiā prædicatur ipsum ens rationis. Sed non idē continentur essentialiter sub illo, ut patet de passionibus entis realis; de quibus licet propter transcendentiā prædicetur ens reale, non tamen con-

tinentur essentialiter sub eo: sed vtrumque genus passionum conuertitur cum propria essentia.

Ad secundam confirmationem varias solutiones adducunt Sanchez, & Arauxo vbi supra, Massius verò respondet, quod licet ex parte obiecti, quando est ens rationis, non sit relatio realis ad scientiam, tamen ex parte scientiæ bene potest esse relatio realis ad ipsum.

¶ Hæc tamen solutio falsa est, & contra D. Tho. in 1. dist. 26. quæst. 2. art. 1. vbi docet, entis ad nō ens non posse esse relationem realem: quia hæc exigit vtrumque extremum in actu. Iuxta quam doctrinam respondetur ad confirmationem, quod scientia, quæ terminatur ad ens reale, dicit relationē realem: non verò, quæ habet pro obiecto ens rationis.

25 Ad tertium respondetur, quod scientia, cum sit habitus acquisitus, generatur ex actibus circa obiectam illius. Vnde si demonstrationem sumamus pro actu discursus, vel pro iudicijs; verè demonstratio generat scientiam: si verò demonstrationem formaliter sumamus pro secunda intēctione, vel pro aggregatō secundarum intēctionum, quæ in illa reperiuntur: sic demonstratio pro formali non est causa realis scientiæ. Neque ex eo quod inter ipsos actus requiratur talis ordo, aut dispositio, ut generent scientiam; idē ordo ille debet esse realis: ille enim non est forma constitutiuā actuum in esse causæ scientiæ; sed tantum conditio sine qua non. Non autem repugnat ali-

quod ens rationis interdum esse conditionem alicuius causæ realis. Quod in aliquo saltem casu admit- tendum est à contrarijs: nam in sa- cramentis nouæ legis significatio est quid rationis, & tamen iuxta probabilissimam sententiam verè est conditio, sine qua non causarèt realiter gratiam. Et quod certius est, voces significatiuæ verè, & rea- liter causant in auditu species in- tentionales rerum, quas significât; cum tamen significatio, sine qua tales species non causarèt, sit quid rationis resultans in illis ex impo- sitione humana.

Quæ autè sit ratio huius doctri- næ, non est præsentis loci exami- nare. Fortè talis dependentia, qua effectus realis dependet tanquam à conditione ab aliquo esse ratio- nis, reducitur vltimò in aliquam causam, seu conditionem realem, ex qua resultat illud esse rationis. Et vt omittamus exempla, in quo- rum saltem primò aliter philoso- phandum est; in nostro casu, cum scientia sit effectus realis produ- cendus in ipso intellectu per actum discursus, qui essentialiter requi- rit alios actus antecedentes, qui- bus termini, & propositiones cog- noscantur; non est mirum, quòd vt producat in ipso intellectu ali- quis effectus realis, per talem actum subsequentem, necessarium sit per præcedentes actus sic terminos, & propositiones cognosci; vt resultet in illis talis dispositio, seu ordo ra- tionis. Qui consequenter idè est necessarius, vt generetur scientia: quia ad eam prærequiritur talis,

vel talis cognitio obiecti, quæ rea- lis est; atque ita dependentia, quam habet scientia ab illo esse rationis tanquam à conditione, vltimò re- funditur in aliquam causam, seu conditionem realem.

Ad confirmationem responde- tur, habitum Logicæ simul cum in- tellectu per se producere entita- tem realem suorum actuum; ad quam tamen per resultantiam se- quitur dispositio illa rationis. Per quem modum omnes aliæ secundæ intentiones resultant in rebus ex actibus intellectus, vt generaliter de omnibus entibus rationis dice- mus disputatione sequenti.

Ad quartum responderetur, absur- dum esse, quòd esse prædicatum, subiectum, genus, &c. sint quid rea- le: nam quamuis in actu intellectus qui repræsentat hominem, vt sub- ijcitur animali, ipsa repræsentatio, & actus sint quid reale, non idè in homine, est quid reale subijci ani- mali, sed secunda intentio: & ab huiusmodi intentionibus res de- nominantur genus, prædicatû, &c. ac proindè nomina ista significant pro formali ens rationis.

QVAESTIO III.

Quodnam ens rationis sit obiectum Logicæ?

26 Errum est apud Auctores nostræ sententiæ, ens ratio- nis vniuersaliter sumptum non es- se obiectum Logicæ, neque aliquis Thomistarum oppositum asseruit: perspicuè enim se explicat D. Th. dicens

dicens locis citatis intentiones rationis esse obiectum Logicæ. Quod etiam ratione conuincitur: nam de chimæra, priuatione, aut negatione nihil agitur in Logica, neque cognitio eorum potest ad ipsius finem conducere. Imò non de omni relatione rationis agit, neq; enim considerat relationem dextri, & sinistri, quam habet columna, neque relationem similitudinis, quâ personæ diuinæ dicunt ratione essentiali, neque etiam relationes quibus Deus refertur ad creaturas, & similes: quæ tamen sunt relationes rationis. Solum ergo in Logica agitur de quibusdam relationibus rationis, quæ appellantur secundæ intentiones: ut sunt genus, species, propositio, argumentatio, &c. De quibus est difficultas, quæ earum sint obiectum formale Logicæ.

Relictis nominalibus, qui in hac questione, sicut in reliquis, omnia ad voces reducunt: cæteri omnes Doctores, qui obiectum Logicæ asserunt esse secundas intentiones in rebus fundatas, solum dissentiunt in eo, quod tale obiectum magis, vel minus extendunt. Quauis enim omnes concedant ad considerationem Logicam per se pertinere intentiones generis, propositionis, diuisionis, syllogismi, demonstrationis, & similes, quia tamen videt aliquas istarum ordinari ad alias: & hoc diuerso modo; magis enim propositio ordinatur ad argumentationem, aut genus ad definitionem; quâ definitio ad propositionem, aut argumentatio ad diuisionem, &c. idè diuisi sunt magis, vel

minus restringentes obiectum formale Logicæ.

27 Prima ergo sententia solum demonstrationem asserit esse obiectum formale Logicæ. Pro quâ referuntur Axand. Ammonius, Simplicius, & alij Græci. Potestq; suaderi: quia demonstratio est finis, in quem Logica tendit, ordinatque cætera, quæ in ea tractantur, neque quiescit, donec demonstrationis explicet naturam: ergo ipsa est obiectum formale eius.

Secundò, alij dicunt syllogismum esse obiectum Logicæ. De quorum numero est Scotus hic q. 3. ¶ Alij verò extendunt ad omnem argumentationem. Pro qua opinione citantur B. Albertus, Auicena, Lobanienses, & alij. Potestquæ uterq; modus dicendi probari ex Aristot. qui de definitione, aut diuisione expresso non egit; sed solum de argumentatione, aut syllogismo. Et sic cap. ultimo secundum Elencorum de syllogismis se doctrinam tradidisse confitetur: ergo solus syllogismus, aut argumentatio erunt obiectum Logicæ.

Ceterum hi omnes modi dicendi falsi sunt. Nam ut alias intentiones Logicales omittamus, quibus commune est esse veritatis ostensiuas, saltem de definitione, & diuisione negari non potest, verè esse instrumenta sciendi, & ignotum manifestare independentem ab argumentatione, aut demonstratione. Propter quod etiâ de illis probatur in Logica plures passionis: ergo per se clauduntur sub obiecto formali illius.

28 Proprius ad veritatem accedit opinio asserens, modum sciendi, prout comprehendit diffinitionem, diuisionem, & argumentationem, esse obiectum adæquatū Logicæ: alias verò intentiones non immediatè contineri sub illo; sed reduci ad hæc tria instrumenta. Sic indicat Masius q. 13, citata, quem plures alij sequuntur.

Fundamentum est: quia ad hæc tria instrumenta, seu ad has tres intentiones rationis commodè reduci possunt omnes aliæ: nam intentiones simplices, quales sunt intentio generis, speciei, & similes, deferuntur definitioni, & diuisioni: aliæ verò omnes argumentationi; ergo hæc tria instrumenta, seu modus sciendi, prout comprehendit illa, erit obiectum adæquatū Logicæ.

Confirmatur: quia finis Logicæ est iuuare intellectum, vt de qualibet re scientiam habere possit: sed his tribus instrumentis sufficienter obtinetur talis finis: ergo solum illa pertinet ad obiectum adæquatū. Probatur minor: quia tria possumus de qualibet re ignorare, scilicet essentiam, partes eius, & passionem: sed essentiam aperit definitio; partes diuisio; passionem verò argumentatio: ergo hæc tria instrumenta tantum per se, & immediatè pertinent ad obiectum adæquatū: ceteræ verò intentiones non per se, & primariò, sed mediantibus istis, & ratione illarum tractabuntur in Logica.

29 Pro veritatis ergo explica-

tione considerare oportet, quid nomine modi sciendi propriè significatur; quoniam propter huius inconsiderationem multa passim inueniuntur apud Auctores, quæ materiam istam magis confundere, quàm iuuare solent. Quod perspicimus faciliè, si terminos ipsos attendamus. Nam modus sciendi idem sonat, ac modus rectè, & sine errore intelligendi; seu norma, & via, quæ ducit, & iuuat, vt rectè, & faciliè acquiratur scientia. Sicut enim in qualibet arte dantur aliqui modi ad rectè, & breuiter faciendum artefactum, vt modus rectè conficiendi cathedram, qui erit talis dispositio, & applicatio artis ad materiam, ex qua faciliè resultat cathedra, ita modus sciendi erit norma quædam, seu modus disponendi res, & taliter applicandi ad intellectum, vt faciliè de ipsis veram assequatur scientiam.

Sicut autem in exemplo artis, non solum appellatur modus faciendi illa dispositio vltima, seu applicatio materiæ, ex qua immediatè resultat artefactum; sed ad quamlibet partem artefacti seorsim faciendam, datur etiam modus, quo rectè, & faciliè talis pars, etiamsi minutissima sit, efficiatur: ita similiter in scientijs, non solum dispositio illa rerum, quæ fit in demonstratione, ex qua immediatè resultat cognitio scientificæ, appellatur modus sciendi; sed etiam quælibet pars illius dispositionis, seu quælibet intentio quomodocumque conducens ad demon-

demonstrationem, participat suo modo rationem modi sciendi. Imò id etiam utrumque conuenit intentionibus, quæ fundantur in vocibus: nam talis, vel talis modus significandi; talis, vel talis appellatio, suppositio, aut ampliatio vocum suo modo conducunt, & iuant, vt de rebus breuiter, & absque errore scientia comparetur.

30 Ex quo pater, quòd si modus sciendi strictissimè sumatur pro illa vltima dispositione, & applicatione rerum in tali forma, ad quam sequitur immediatè cognitio scientifica: sic sola demonstratio potest appellari modus sciendi, prout illam appellauit Aristotel. primo Posteriorum capite tertio. Si verò modus sciendi sumatur secundum omnem extensionem, quam potest habere; omnes secundæ intentiones, de quibus Logica tractat, possunt rectè appellari modus sciendi, siquidem omnes illæ sunt aliquomodo veritatis ostensiuæ; iuuantquè, & conducunt, vt de rebus acquiratur sciētia; quod proprium est intentionum logicalium, & per quod ens rationis Logicum differt ab entibus rationis, quæ considerant Grammatica, & Rhetorica.

Sed quia (vt in exemplo adducto persistamus) non ita cernitur modus rectè operandi in qualibet minutissima parte artefacti efficienda: & ex alia parte non sola applicatio vltima, & dispositio materiæ, ex qua immediatè resultat artefactum, appellatur modus faciendi; sed id etiam cernitur in

principalioribus partibus illius efficiendis. Eadem proportionè cōmuniter Doctores nomen modi sciendi non extendunt ad omnes secundas intentiones, neque restringunt ad solam demonstrationem; sed tribuunt illud quibusdam principalioribus intentionibus, scilicet definitioni, diuisioni, & argumentationi: quia sunt generalia quædam instrumenta sciendi, illisque speciali, & perfectiori modo conuenit esse veritatis ostensiuas, scilicet manifestando ignotum, quod non habent aliæ intentiones logicales. In quo sensu modus sciendi rectè diuiditur in definitionem, diuisionem, & argumentationem. Id tamen non tollit, quominus nomen modi sciendi latius vsurpatum rectè applicetur alijs intentionibus logicalibus: quia, licet aliæ proximius, aliæ remotius; omnes tamen conducunt ad acquirendam scientiam. In quo sensu Aristotel. 2. Metaphysicæ cap. vltimo, methodum, seu modum procedendi in tradendis scientijs appellauit modum sciendi: cum tamen methodus (de qua ad calcem huius disputationis) non sit definitio, diuisio, & argumentatio.

31 Prima conclusio. Ens rationis logicum, siue secunda intentio, quæ est veritatis ostensiuæ, vel modus sciendi latè sumptus, prout comprehendit omnes secundas intentiones logicales, etiam eas quæ fundantur in vocibus, est obiectum adæquatū, seu ratio formalis, quæ obiecti Logicæ, licet inten-

intentiones, quæ fundantur in rebus, primario, & principaliter; illæ vero, quæ fundantur in vocibus, secundario, & minus principaliter; omnes tamen per se, & non per accidens pertinent ad obiectum adæquatum Logicæ. Hæc conclusio quoad utramque partem est frequens in Scola D. Thom. Illam tenent Sotus, Sanchez, & Arauxo supra n. 17. citati.

Et ab hac posteriori parte incipiendo, docet eam expressè D. Thom. 1. Periherm. le. 2. dicens.

Sed quia Logica ordinatur ad cognitionem de rebus sumendam; significatio vocum, quæ est immediata ipsi conceptibus intellectus, pertinet ad principalem considerationem ipsius. Ratioque est manifesta: quia notitia harum intentionum, quæ fundantur in vocibus, ut sunt significatio, suppositio, appellatio, & similes, summopere iuvat; ut de qualibet re recta, & sine errore notitia comparetur: ergo tales intentiones sunt, etiam veritatis ostendit, & per se conducunt ad dirigendas operationes intellectus, qui est finis Dialecticæ; & ex consequenti continentur sub obiecto adæquato eius. Sic videmus Arist. in lib. Periherm. tam ex professo de vocibus disputare, quod etiam præstat in libris de Analyfi; sed præcipue in libris Topicorum, & Elencorum, ubi latè disputat de vocum significatione, suppositione, amphibologia, & similibus intentionibus, ex quibus captiones, seu fallaciæ generantur.

§ 1. Prior autem pars conclu-

sionis probatur primò: quia nunquam D. Thom. obiectum Logicæ restrinxit ad modum sciendi, prout tantum comprehendit definitionem, diuisionem, & argumentationem, sed indistinctè intentiones omnes Logicales assignat pro obiecto Logicæ, ut patet ex locis supra n. 17. citatis, ubi expressè dicit, intentiones generis, speciei, prædicati, enuntiationis, & similes esse propriè obiectum Logicæ: ergo ex mente D. Thom. istæ omnes verè continentur sub illo.

Secundò probatur ab inconuenienti: quia si semel admittimus, in obiectis partialibus alicuius scientiæ, quemlibet ordinem vnius ad aliud excludere id quod sic ordinatur, à ratione propria, & immediata obiecti: iam in qualibet scientia obiectum principale esset adæquatum: possemusque dicere, Deum, aut intelligentias esse obiectum adæquatum Metaphysicæ, & hominem Philosophiæ naturalis: siquidem quæ tractantur in Metaphysica, dicunt ordinem ad Deum, qui est primum ens, & quæ in Philosophia, ad hominem; qui est præcipua substantia materialis: ergo licet intentio generis, verbi gratia, deserviat definitioni, & intentio prædicati propositioni, & hæc argumentationis; non ideo intentiones istæ debent excludi ab obiecto per se, & immediato Logicæ.

Tertiò tandem id satis liquet ex eo quod modus sciendi, prout comprehendit definitionem, diuisionem, & argumentationem, non est ratio sub qua obiecti Logicæ,

ut falsò aliqui existimant. Nam ut ostendimus in libris Posteriorum, prima principia, ex quibus unaqueque scientia demonstrat, sunt ratio, *sub qua*, obiecti eius. Rationi autem formalis, *quæ*, non obest quælibet multiplicitas, & diuersitas inter obiecta partialia, ut ibidem dicemus, & probat Aristor. 4. Metaphysic. cap. 2. dum tamen habeant aliquam unitatem, saltem analogam, & immediatè recipiant rationem, *sub qua*: ergo sicut propter eam ad eandem rationem formalem, *quæ*, obiecti Philosophiæ naturalis per se, & immediatè pertinent res diuersissimæ, scilicet cæli, elementa, metalla, plantæ, animalia, & homo: pari ratione intentiones omnes logicales per se, & immediatè continebuntur sub ratione formali, *quæ*, obiecti Logicæ.

33. Secunda conclusio. Obiectum materiale Logicæ sunt res, & voces secundum suum esse reale, cum ea proportionem, qua de obiecto formali statutum est in prima cõclusionem. Actus verò intellectus non sunt materia, quæ denominatur à secundis intentionibus; sed quasi principia, & causæ illarum. Possint tamen appellari obiectum materiale Logicæ: quia de illis agit, non ratione sui; sed propter secundas intentiones.

Hanc conclusionem sic propositam tradit Masius hic sect. 1. q. 13. estque satis ex dictis manifesta. Nam quod res omnes, seu ens sit materia propria, seu obiectum materiale Logicæ, quæst. præcedenti vidimus ex D. Tho. Quod etiam manifesta ra-

tio conuincit: nam res sunt, quæ proprie denominantur genus, subiectum, definitio, &c. De vocibus autem cõclusionem primam, vidimus ratione significationis, & aliarum intentionum per se pertinere ad obiectum Logicæ: ergo entitas realis vocis, supra quam fundantur tales intentiones, erit obiectum materiale, licet minus principale quàm res, ut per se patet.

De actibus verò intellectus, etiam constat ex dictis, non esse propriam materiam obiecti Logicæ; nisi quatenus induunt rationem rerum. Quod etiam ratione conuincitur: quia actus, ut actus sunt, non recipiunt in se secundas intentiones, neque denominantur genus, definitio, &c. nisi tantum in representando, ut explicatum est supra. Agit tamen de illis Logica propter secundas intentiones, quatenus: scilicet sunt principia, & causæ illarum: in quo sensu appellatur obiectum materiale. Relinquitur ergo plana nostra cõclusio.

34. Ex dictis inferitur, demonstrationem esse obiectum principale Logicæ: siquidem huc dirigitur præcipua cura illius: ipsaque est perfectissimus modus, seu instrumentum sciendi. Et hoc tantum probat ratio, quæ adducebamus pro prima opinione, & sic ad illam patet solutio.

Ad rationem autem pro secunda sententia respondetur, quod quamuis Aristoteles professò non egerit de definitione, aut diuisione, hoc tamen non est, quia non contineantur sub obiecto Logicæ, sed vel quia de definitione iam egerat Socrates, qui fuit primus Auctor methodi diffiniendi, ut inquit ipse Aristoteles 1. Metaph. c. 6. de diuisione

uisione verò Plato, vt testantur graues Auctores: at ars syllogistica, vel nulla erat, vel ea exigua, & sic eam Arist. suscepit ex professo explicandam. Vel fortè, quia, vt inquit Laertius lib. 5. in vita Aristot. ipse de definitione, & diuisione nonnulla ediderat volumina, quæ tamen iniuriâ temporis perierunt; de quo videri potest Franciscus Patricius lib. 5. discussionum peripateticarum. Imò cum Aristot. (si vera refert idem Laertius) de Logica scripserit 150. libros, fortè de alijs intentionibus logicalibus ex professo disputauit.

35 Ad fundamentum vltimæ sententiæ respondetur, quòd licet ad definitionem, diuisionem, & argumentationem omnes intentiones logicales reduci possint; id non tollit, quominus immediatè contineantur sub obiecto adæquato Logicæ; quia omnes illæ immediatè participat rationem sub qua, sunt quæ scibiles, non solum, vt sunt in definitione, diuisione, & argumentatione, sed etiam in se ipsis, vt à simpliciter in alijs sciētijs. Quāuis enim omnia entia naturalia ad duo genera, corruptibile scilicet, & incorruptibile, reduci possint, hoc non tollit, quamlibet minutissimam speciem entis naturalis per se, & immediatè contineri sub obiecto Philosophiæ. Quod amplius cōstabit in libris Posteriorum, cum de scientiarum vnitatē, disputemus.

Per quod patet ad confirmationem; concedimus enim quòd definitio, diuissio, & argumentatio

proximiùs attingunt finem Logicæ, quàm aliæ intentiones minoris notæ; hoc tamen non tollit quominus istæ immediatè contineantur sub obiecto illius. Quia sicut ex hoc, quòd sola demonstratio proximè, & immediatè attingat consecutionem scientiæ; non sequitur, definitionem, & diuisionem, immediatè contineri sub obiecto Logicæ; sic ex hoc, quòd definitio, diuissio, & argumentatio proprius accedant ad consecutionem scientiæ, non sequitur, alias intentiones ab obiecto Logicæ esse reiiciendas: quia vnaquæque est scibilis per sua principia, atque ita immediatè recipit rationem sub qua obiecti Logicæ.

QVAESTIO III.

Quid sit Logica docens, & vtens, & utrum sint idem habitus?

36 Quam Græci appellauerunt Logicam rebus concretam, eam Latini dixerunt vtētem; & quam illi à rebus abulsum nominarunt, eam nostri Logicam docentem vocauerunt; ac proinde diuissio, qua illi Logicam diuidebant in Logicam rebus concretam, & à rebus abulsum, eadem omnino est cum diuisione, qua Latini Logicam diuidunt in vtentem, & docentem. Quæ diuissio, & antiqua, & communis est. Eamquæ tradunt D. Thom. 4. Metaphysic. le. 4. Scotus quæstio. 1. prædicabilium, & initio Elenchorum, à quibus omnes alij acceperunt, & probarunt. Et merito: nam in qualibet scientia, vel arte

arte operationes aliquas dirigente non est idem doctrina, & vsus. Doctrina enim est illud dictamen, quo ars, aut sciëntia præscribit modum, quo efficiendū est illud opus; quod potest esse optimè absque ipsius operis executione: quæ tamen operis executio propriè dicitur vsus artis, aut sciëntiæ.

Exemplū sit in arte domificatoria, quæ primò præscribit regulas, quomodò scilicet sunt erigēdi parietes, quamque proportionē debeāt inter se seruare partes domus, &c. & deinde iuxta regulas istas artificiosè præscriptas opus exequitur, & domū ædificat. Hoc appellatur artis vsus; illud verò doctrina. Id ipsum cernere licet in Dialectica, quæ primò dicat ad constitutionem syllogismi in primo modo primæ figuræ debere taliter inter se disponi terminos, vt efficiat tres propositiones vniuersales affirmatiuas, in quarū prima mediū subiiciatur, in secunda prædicetur, &c. Deinde verò per actū ab hac doctrina distinctum cōficit syllogismum, iuxta regulas ab eadē Logica præscriptas. Eadem ergo Logica, prout præscribit regulas, & docet cōficere syllogismum, dicitur docens, & prout regulis præscriptis vtitur, & talem syllogismū conficit, dicitur vtens. Ex quo patet, quòd, *vtens*, in præsentī sumitur actiue: nam passiue ipsa Logica docens potest dici vtens; siquidem eā vtuntur aliæ sciëntiæ.

37 In his Authores conueniūt. Est tamē difficultas, quænam pars Logicæ dicatur docens, & quæ

vtens: an verò tota Logica simul dicatur docens, & vtens. Et licet, quæstio videatur de nomine, vt notat Rubio hīc quæst. 3. tamen non parum interest eam breuiter examinare: quia inde intelligitur rectè, qui syllogismi sint propriè topici, & sophistici, & quomodò Dialectica efficiat illos; atque ita quæstio non solis nominibus hæret.

Relictis ergo ijs, qui nomine Logica vtentis intelligunt reliquas sciëntias, quæ à Logica diriguntur; vt certa ab incertis separemus, duo sunt certa apud omnes. Primum est, quòd Logica docens non tradit regulas, & præcepta nudè (vt ita dicamus) & simpliciter; sed artificiosè, & scientifico modo ea per suas causas ostendendo, & per consequens in ipsa doctrina tradenda exequitur eadem præcepta, conficitque syllogismos, &c.

Secundū est, Logicam docentem nō solū reperiri in parte demonstratiua; sed etiā in parte topica, & sophistica (licet id aliqui negauerint, existimātes Logicam respectu harum partium non esse sciëntiam, vt quæstione sequenti videbimus.) Id tamen cōmuni consensu receptum est, & probat optimè D. Thom. 4. Metaph. lect. 4. cuius verba ibidem adducemus. Ratiōq; est manifesta: quia nō solū docet scientifico modo cōficere demonstrationem, sed etiā syllogismum probabilem, & apparentem. Vnde solū remanet difficultas de Logica, quatenus est vtēs; utrū scilicet sit dicēda vtens respectu partis demonstratiuæ; an verò respectu partis topicæ, & sophisticæ.

Autho-

Auctores moderni communiter asserunt, Logicam vntem, sicut & docentem per omnes Logicæ partes diuagari, licet respectu partis topicæ, & sophitticæ peculiari ratione dicatur vtens. Ita Rub. hic q. 3. Gallego controuer. 2. & alij. Qui ex eo suam sententiam probant, quod in parte demonstratiua Logica ipsa, quæ præcepta tradit, in eis tradendis, & docendis modis sciendi, eisdem præceptis, & modis vtitur: ergo ibi datur vsus Logicæ, & ex consequenti Logica vtens.

38 Nihilominus dicendum est primò, Logicam, propriè loquendo, nullum habere vsum respectu partis demonstratiuæ: ac proinde solum dici vntem respectu partis topicæ, & sophysticæ. Vtraque pars conclusionis est expressa D. Tho. loco citato, vbi ita inquit: *In parte Logicæ, quæ dicitur demonstratiua, sola doctrina pertinet ad Logicam; vsus verò ad Philosophiam, & ad alias sciētias particulares, quæ sunt de rebus naturæ.* Idque probat ratione infrà, num. 40. adducenda, & concludit. *Sic apparet, quod quædæ partes Logicæ habent ipsam scientiam, & doctrinam, & vsum, sicut Dialectica tenatiua, & sophistica: quædam autem doctrinam, & non vsum sicut demonstratiua.* Idem docet sanctus Doctor 1. Posteriorū, lect. 20. & opusc. 70. q. 6. art. 1. quæ inter alios sequuntur Fonseca 2. Metaph. c. 3. q. 1. lect. 6. & Conimbricenses hic, q. 4. art. 2.

Prior pars conclusionis probatur ratione valdè efficaci: quia si Logica haberet vsum respectu par-

tis demonstratiuæ: vel esset in materia necessaria aliarum scientiarū, vel in materia propria: sed neutro ex his modis habet vsum: ergo, &c. Maior constat. Minor etiam quoad primam partem conceditur à contrarijs. Ratioque est manifestata; nam in materia Metaphysica, ipsa scientia Metaphysicæ vtitur præceptis à Logica docete traditis; facitque suas proprias demonstrationes, & idem est de alijs sciētijs, quarum demonstrationes non producuntur à Logica; sed ab ipsis sciētijs, quarum sunt demonstrationes; aliàs si sola Logica efficeret omnes demonstrationes, ipsa sola esset sciētia, quod est absurdum.

39 Non est autem hoc ita intelligendum (vt volunt aliqui, & indicat Rub. vbi supra) quod Logica simul cū Metaphysica habet vsum in conficienda demonstratione Metaphysicæ: ita vt talis demonstratio simul efficiatur ab vtraque sciētia, à Logica scilicet, vt à causa vniuersali, cui correspondet gradus demonstrationis vt sic; à Metaphysica verò, vt à causa particulari, quæ contrahit gradum illam communem, vt sit demonstratio Metaphysica.

Hoc itaque falsum est. Primò; quia si in productione cuiuscumque demonstrationis soli Logicæ corresponderet per se primò gradus demonstrationis vt sic; aliæ verò per se primò solum respicerent gradus differentiales, per quos demonstratio in communi cōtrahitur ad esse huius, vel illius scientiæ, iam sola Logica esset verè scientia, vel saltē soli

soli illi per se primò conueniret ratio sciētia; siquidem gradus differentialis semper est extra genericum, & non includit illum, ut dicemus cap. de differentia.

Secundò; quia in demonstratione Metaphysica tota substantia actuum est Metaphysica; cum habeat obiectum metaphysicum: ergo Logica in tali demonstratione ad summū potest efficere dispositionem illam, & ordinem actuum in forma argumentationis; sed neque hanc potest Logica efficere in demonstrationibus aliarum scientiarum: ergo, &c. Probatur minor: quia ut sequēti disputatione videbimus, ens rationis nō potest fieri per se ab aliqua causa, sed semper resultat quasi per accidens, ad productionem alicuius actus realis; sed illa dispositio, & ordo actuum est ens rationis, ut supra n. 23. probatum est: ergo resultat per accidens ad productionem ipsorum actuum, efficiturq; ab habitu producente illos. Ac proinde demonstrationes vniuscuiusque scientiæ, non solum quantum ad substantiam actuum; sed etiam quantum ad ordinem, & dispositionem eorum, effectiue procedunt à tali scientia, & non à Logica. Et per consequens ipsa nullum habet vsum in materia necessaria aliarum scientiarum.

Per quod soluta manet difficultas, quæ hīc solet à Doctoribus per tractari: quomodò scilicet Logica concurrat ad actus aliarum scientiarum. ¶ Dicimus enim cum cōmuni sententia tantum cōcurrere directiue, & nullo modo effectiue:

quod idem est ac dicere, quod Logica respectu aliarum scientiarum solum dicitur docens, non autem vtens: siue quod in materia necessaria illarum solum habet doctrinam, non verò vsum.

40 Quod autem, neque etiam pars demonstratiua Logicæ habeat vsum in materia propria (quæ est secunda pars illius minoris, in qua est tota difficultas) etiam asseritur à D. Tho. loco citato ex 4. Metaphysicæ. Ex cuius verbis sic formatur argumentum. *Vsus partis demonstratiue consistit in vtēdo principijs rerum, quæ ad scientias reales pertinent, non vtēdo intentionibus Logicis: sed pars demonstratiua Logicæ in materia propria non vtitur principijs rerum, sed tantum intentionibus Logicis, ut de se patet, & ipsi aduersarij concedunt: ergo pars demonstratiua Logicæ in materia propria nullum habet vsum.* Maior est ad verbū D. Tho. & probatur; nam vsus, de quo hīc loquimur, & à quo Logica denominatur vtēs, debet esse distinctus à doctrina; ita ut Logica per ipsum vsum formaliter non doceat, sed potius recipiat doctrinam, & operetur iuxta illam: aliās considerationes Logicæ docentis, & vtentis non essent formaliter diuersæ; sed vsus in materia demonstratiua Logicæ non distinguitur à doctrina, sed potius per talem vsum formaliter docemur, ut patet, aliās doctrina non esset scientifico modo tradita: ergo ab eo Logica non potest denominari vtens.

Confirmatur, quia si Logica respectu

pectu suæ materiæ necessarię diceretur vtens, iam non essent idem Logica vtens, & Logica rebus concreta, neque similiter Logica docens, & Logica à rebus abulsa. Logica enim, dum est in materia propria, & nõ descendit ad extraneas materias, semper est à rebus abulsa: ergo respectu propriæ materiæ semper est docens, & non vtens.

Ex quo patet secunda pars conclusionis, quod scilicet Logica propriè dicatur vtens respectu partis topicæ, & sophisticæ. Cum enim in syllogismo topico, & sophistico descendat dialectica ex principiis ipsius ad quascumq; res reales, vt ex dicendis constabit, verè tunc admiscetur ipsis rebus, neque aliquid docet de suo obiecto, sed potius recipit doctrinam illius, & iuxta eã operatur in extranea materia. ergo Logica respectu partis topicæ, & sophisticæ propriè, & verè dicitur vtens, seu rebus concreta.

Per quod etiam facilè respondetur ad rationem supra n. 37. pro contraria sententia factam. Dicimus enim, quod quamvis pars demonstratiua Logicæ, in tradendis regulis, & docendis modis sciendi eisdem regulis vtatur, conficiatque syllogismos, &c. vsus tamen iste, seu executio solùm est doctrina actualis, non verò vsus propriè dictus, de quo in præsentī agimus; neque ab eo Logica denominatur vtens: quia talis executio, seu vsus nullo modo distinguitur à doctrina; sed per illum formaliter docemur, vt ostensum est.

§. I.

E X P L I C A T V R
amplius, quæ proprietate Logica dicitur vtens respectu partis topicæ, & sophisticæ.

¶ **O**Portet autem radiciter explicare hanc secundam partem conclusionis, quomodo scilicet vsus iste conueniat parti topicæ, & sophisticæ: aut quomodo illarum proprium sit procedere ad conclusiones in quacumque materia probabiliter, & apparenter ostendendas. Indè enim constabit, qui syllogismi sint propriè topici, & sophistici, & quomodo Logica efficiat illos.

Circa quod Moderni communiter asserunt: quod quia materia probabilis, & apparens est incerta & contingens, idè non potest esse propria alicuius scientiæ. Vnde cum syllogismus topicus, & sophisticus ratione materiæ non possint pertinere ad aliquam scientiam, restat, vt tribuantur scientiæ, ad quam pertinet forma syllogismi, quam constat esse Logicam, & propterea asserunt, Logicam peculiari ratione dici vtetem respectu partis topicæ, & sophisticæ. In quo etiam sensu dicunt intelligendum esse Arist. 1. Topicorum cap. 1. & alibi sæpè, asserentè, maximè proprium Dialectici esse, ex probabilibus differere in quacumque materia.

Hæc tamen doctrina, nisi amplius explicetur, non satisfacit, neque reddit sufficienter rationem, quare vsus in materia probabilis, & apparenti aliarum scientiarum sit proprius

proprius Logica; non verò vñs in materia necessaria. Si enim pars demonstratiua Logicæ solùm habet doctrinam, & non vñm in materia necessaria Philosophiæ, verbi gratia, quia ipse habitus Philosophiæ efficit suas demonstrationes; non verò Logica, etiam in materia probabili rerum philosophicarũ, necessariò concedendus est habitus operatiuus philosophicus, à quo efficiantur tales syllogismi probabiles. (Nisi velis nullum dari habitum opinatiuum; sed Logicam efficere quoscumque syllogismos probabiles in quacumque materia, quod absurdum est:) ergo iam Logica in materia probabili rerum philosophicarum nullum habebit vñm, sicut non habet in materia necessaria earum: & per consequens nulla erit ratio, quare tales syllogismi probabiles tribuantur Logicæ vtenti. Vel certe, si illi tribuuntur propter rationem dictam, Logica dicetur vtens respectu rerum probabilium, solùm per quandam extrinsecam attributionem; & non quia ipsa verè efficiat tales syllogismos.

42 Vera ergò intelligentia conclusionis, & explicatio propositæ difficultatis querenda, & inuenienda est in verbis D. Thom. loco sæpè citato ex 4. Metaph. Ibi enim loquens de parte Thopica docet, quòd Dialectica, secundum quid est docens, habet considerationem de secundis intentionibus, instituens modum, quò per eas procedi possit ad conclusiones in singulis scientijs probabiliter

ostendendas; at verò secundum quòd est vtens, vtitur eisdem intentionibus ad concludendam aliquid probabiliter in singulis scientijs. Per quod Dialecticum distinguit à primo Philosopho, seu Metaphysico: quia licet vterque versetur circa omne ens; *Philosophus tamen ex principijs ipsis procedit ad probandum ea, quæ sunt considerata circa communia accidentia entis. Dialecticus verò procedit ad ea considerata ex intentionibus rationis.* &c.

Ex quo tandem infert D. Tho. quòd Metaphysica (& idem est de alijs scientijs) dicitur demonstratiua; Logica verò vtens tentatiua: quia cum Metaphysica procedat ad suas conclusiones ex principijs proprijs sui obiecti, illique intrinsecis, vtraque præmissa, & ex consequenti conclusio, sunt necessaria, & ita tales syllogismi sunt demonstrationes. At verò Logica vtens, cum procedat ad probandum aliquid de rebus ex principijs secundarum intentionum, quæ sunt extraneæ, & accidentales ipsis rebus, aliqua saltem præmissarum, & ipsa conclusio sunt contingentes: & per consequens Logica non dicitur demonstrare, sed potius tentare, quia tentare est ex principijs extraneis procedere. Itaque iuxta hanc D. Tho. doctrinam, itæ intentiones rationis sunt media, seu principia, per quæ pars thopica procedit ad concludendum quòdcumque probabile. Videatur etiam D. Tho. 1. Post. lect. 20. vbi optime explicat hanc doctrinam.

43 Cui iungenda est modò alia eiusdem D. Thom. certa doctrina, quam tradit eodẽ lib. I. Post. lect. 41. 2. 2. q. 1. art. 1. & alibi sæpè, nosque latè explicabimus in libris Poster. Quòd scilicet medium, seu principium in demonstratione est ratio sub qua obiecti scientiæ, unde desumitur specificatio eius: quia est quasi quoddam lumẽ, per quod illuminatur, & cognoscitur conclusio in tali scientia. Quò fit, vt ad iudicandum de quacunque conclusione, cuius scientiæ sit propria, vel à qua scientia procedat; inspiciendum est medium, seu principium, per quod procedit. Vnde si media, seu principia, per quæ pars topica procedit ad inferendas conclusiones probabiles in quacunque materia, fuerint in toto rigore propria Logici; syllogismi probabiles ex illis procedentes propriè pertinebunt ad Logicam, sientque ab ea, & non ab alio habitu: sicut quia media, seu principia in demonstrationibus metaphysicis sunt propria huius scientiæ, ideo demonstrationes ex illis procedẽtes sunt ab habitu Metaphysicæ, & nõ ab alio quocunque habitu. Quod adedò verũ est, vt eadẽ propositio, v.g. quòd terra est rotunda, si probetur per media mathematica, vt per figuras eclypsium, pertinet ad Astrologiã: si verò probetur per mediã naturalia, vt per motus grauiũ ad cẽtrum, pertinet ad Philosophiam, vt docet D. Thomas locis supra numero 9. citatis.

Media ergo, seu principia, per quæ pars topica procedit ad dis-

rendum probabiliter in quacunque materia, sunt quædam intentiones rationis generales, & communes omnibus entibus; vt ex D. Tho. dicebamus, & perspiciet manifestè, qui libros Topicorum Aristot. euoluerit, cõsideraueritque loca topica, quæ ibi assignantur, ad eruenda argumenta probabilia, vt locum à definitione, à diuisione, à cõiugatis, à toto, à similibus, à paribus, à dissentaneis, ab oppositis, & alia innumera quæ recenset ibidem Aristot. quorum ferè omnia (quæ scilicet propriè Dialectica sunt) pro formali important quasdam relationes, seu intẽtiones rationis. Et idem proportionabiliter contingit in parte sophistica, quæ ad decipiendum in quacunque materia procedit ex alijs locis apparentibus, quæ dicuntur fallaciæ, vt sunt fallaciæ æquiuocationis, accentus, accidentis, petitionis principij, ignorantie elenchi, & similes; quæ etiam pro formali dicunt quasdam generales intẽtiones rationis, vt patet.

Cum ergo huiusmodi intentiones rationis verè contineantur sub ratione *sub qua* obiecti Logici, planè sequitur, eiusmodi loca, seu principia, ex quibus pars topica (& idem proportionabiliter est de sophistica) procedit ad probabiliter differendum de quacunque re, esse in toto rigore propria Logici, & per consequens syllogismos probabiles ex huiusmodi intentionibus procedẽtes fieri à Logica vtẽte, non minus, ac demonstrationes procedẽtes ex principijs meta-

phy-

physicis sunt propriæ Metaphysicæ, & efficiuntur ab ea. In quo etiâ sensu, & rigore verum est, quod ex Arist. sæpè retulimus: scilicet maxime propriû Dialectici esse ex probabilibus disserere in quacûq; materia. Quomodo autê habitus Logice vtētis, quivt dicemus quæst. sequenti, est entitativè sciētia, possit elicere syllogismos probabiles, seu contingētes, ibidē explicabimus.

44 Nunc pro cōpleta notitia huius materie, & vt in gratiā cū Doctoribus modernis redeamus; addēdum est ex doctrina Comment. 1. Physicor. quam admittit D. Th. opusc. 70. q. 6. art. 1. ultra modum procedendi explicatum; quo Logica vtens ex intentionibus rationis procedit ad conclusiones de rebus probabiliter ostendendas, (quem propterea appellat rationalem ex parte principiorum,) attribui etiâ eidem Logicæ vtēti ceteros syllogismos, qui in qualibet materiâ fiūt ex aliquibus principijs, seu propositionibus communibus, & probabilibus, quāvis ibi non inveniatur aliquis terminus secundæ intētionis. Propter quod etiā inter loca topica interdum numerantur aliqua, quæ non videntur importare secundam intentionem, vt locus de causa, ab effectu, & similes. Quem modum procedendi appellat D. Thom. rationalem ex parte termini: quia ibi inquisitio rationis (inquit) non perducit ad ultimum terminū, scilicet ad resolutionē in primā principias, sed sistitur in ipsa inquisitione: quoniam quærētī adhuc manet via ad utrumlibet.

Non est autem cur aliquis suspicetur, doctrinam istam esse cōtrariam ei, quæ tradita est. Quia ex his duobus modis procedēdi, prius tantum est maxime proprius Dialecticæ, vt expressè inquit D. Tho. ibidem in solutione ad quartum, iste autem secundus tribuitur illi quasi extrinsecè, & reductivè. Quod quidem non ea solū ratione, quam supra num. 41. ex modernis retulimus, quatenus scilicet in istis syllogismis communibus, & probabilibus forma est propria Logicæ; sed etiam, & maxime propter rationem, quam tangit D. Tho. loco citato: quia ex his probabilibus, & communibus paratur via ad necessarias conclusiones in qualibet scientia. Vnde, cū Logica sit ministra generalis omnium scientiarum, dirigens, & disponens intellectum in ordine ad illas, iure optimo tribuuntur illi syllogismi probabiles, & communes, per quos in quacumque materia paratur via ad cognitionem sciētificam de rebus habendam. Et sic omnia consona inveniuntur.

§. II.

TRACTATVR SECVNDA

pars quæstionis.

45 Veniamus ad secundū quæsitū difficultatis: an scilicet Logica docens, & vtens sint idē habitus. ¶ Circa quod Vazq. 1. p. d. 8. c. 5. & alij DD. moderni existimātes Logicā docētē esse speculatiuā, vtētē verò practicā, docēt esse plures habitus realiter distinctos. Quia tamē falso nituntur fundamento, vt infra videbimus, idē illis relicto.

Dicendum est secundo, Logicam docentem, & vtemem realiter esse eundem habitum. Conclusio est procul dubio D. Thom. qui Logicam diuidit in docentem, & vtemem secundum diuersas considerationes, vel munera, cuius verba infra num. 52. adducemus. Eam defendunt cõmuniter Thomistæ, Flãdria 2. Metaphys. quæst. 5. art. 2. Arauxo ibidem q. 3. art. 2. Nauarrete 1. par. controu. 10. Soto q. 2. proœmiali, Sanchez, lib. 1. Logica, quæst. 6. Masius scilicet. 1. quæst. 4. Gallego controu. 2. nostr. Didacus à Iesu, q. 5. & cõmuniter Doctores.

Fundamentum est: quia Logica docens, & vrens nõ distinguuntur specie: ergo in vnoquoque intellectu realiter sunt idẽ habitus. Consequẽtia patet: quia in eodem subiecto non possunt esse plura accidentia solo numero distincta, vt ex communi D. Thom. & Thomistarũ sententia suo loco ostendemus. Antecedens verò probatur: quia vtraque habet eandem rationem sub qua obiecti, scilicet eadem prima principia; cũ vtraque procedat ex principijs secundarũ intentionum, quæ deriuantur ex alijs, vel ex alterutris intra eandem abstractionem à materia, vnde sumitur specificatio Logica, vt explicabimus in lib. Poster.

Confirmatur: quia actus Logicae docentis, & vrentis habent inter se ordinem; & secundus, scilicet vti, nullã addit difficultatem super primũ: ergo pertinet ad vnũ, & eundẽ habitũ. Consequẽtia patet, tũ inductione in actibus amoris circa

Deum, & proximũ, qui propterea oriuntur ab eodẽ habitu charitatis; & idem est de alijs; tũ etiam ratione: quia cũ habitus ponantur ad vincendã difficultatẽ, vbi nõ est aliqua difficultas, superfluit nouus habitus. Antecedens verò probatur: quia, vt constat ex dictis, ex cognitione scientifica secundarũ intentionum, quæ est doctrina Logica, procedit ipsa ad differendum probabiliter, aut apparenter in quacumque materia, qui est vsus eius: ergo hic necessariò præsupponit talẽ doctrinã. Ista autem semel habita, nullo negotio procedit intellectus ad vtendũ eisdẽ intentionibus circa res reales, ad quas descendit Logica vrens: ergo actus eius nullã addit difficultatẽ supra doctrinã. Videantur Arauxo, Gallego, & alij Thomistæ citati.

QVÆSTIO V.

Vtrum Logica sit scientia?

46 ¶ Am de Logica docente, quã vrente procedit difficultas. In qua pro tituli intelligentia notandum est, nomine *scientiæ* non venire in præsentĩ quacumque cognitionem, siue sensus, siue intellectus; quomodo dicere solemus *scio Romam esse, &c.* neque venire etiã cognitionem euidentem, quæ tamen non sit discursiua, qualis est scientia Dei, de qua disputat Theologi cum D. Tho. 1. par. q. 14. sed venire eam cognitionem, de qua Aristot. 1. Poster. c. 2. dixit: *Scire autem putamus vnamquamque re simpliciter, & non sophisticò modo, cũ putamus causam cognoscere;* prop-

propter quã res est, eius rei causam esse, neque posse eam aliter se habere; ex quibus verbis colligunt Doctores hanc scientiæ diffinitionem: *Scientia est habitus per demonstrationem acquisitus.*

In qua quidẽ diffinitione scientia conuenit in esse habitus cum alijs habitibus intellectualibus; in eo autem quod sit per demonstrationem acquisitus, differt ab illis: nam ex hoc ipso est euident, per quod à fide diuina differt, quæ licet sit omnino certa, est tamẽ obscura. Et cum euidentia sit manifestatio certitudinis, eo ipso, quod scientia est habitus euident, est etiam certus: per quod differt ab opinione. Certitudo enim ex D. Thom. 3. dist. 26. q. 2. art. 4. est firma adhesio intellectus suo intelligibili: ac proinde opinioni repugnat. Ex hoc autem quod acquiratur per demonstrationem, differt scientia à prudentia, & arte, quæ versantur circa singularia, & ab habitu principiorũ, qui solet appellari intellectus, seu intelligentia, de quo constat nõ acquiri per demonstrationem.

Sumpta ergo scientia in hac ultima acceptione, tã de Logica docente, quã de ueritate, inquirimus, utrũ sit scientia? Et quia, teste Arist. 7. Ethic. c. 3. scientia in hac acceptione interdum pro habitu, interdum pro actũ usurpatur: questio erit de scientia habituali, quæ nomẽ scientiæ sibi vindicauit: nam idem de actuali dicendum erit.

47 Prima sententia absolutẽ negat, Logicam, tam vtentem, quã

docentem esse scientiam. Pro qua referuntur Ammonius, Simplicius, Phylopponus, & alij antiqui, tenetque Villalp. q. 5. proœmiali. Et probatur primò auctoritate Aristot. 1. Rhetor. ad Theodectem c. 2. ubi Rhetoricam cum Dialectica coniungens, *Neutra* (inquit) *eiusmodi de re determinata, quomodo se habet, scientia est.* Fauet etiã 2. Metaph. c. 3. ubi ait: *Absurdũ est simul querere scientiam, & modum sciendi.* Per quod videtur Logicam à scientijs distinguere: nomine enim modi sciendi intelligit Logicam: ergo ipsa non est scientia.

Secundò probatur ratione: quia iuxta triplicem abstractionẽ à materia, diuiditur adæquatẽ scientia ab Aristot. 6. Metaphys. cap. 1. in Philosophiam, Mathematicam, & Metaphysicam: sed sub nulla istarum continetur Logica: ergo non est verẽ scientia. ¶ Confirmatur, quia scientia est de necessarijs, & perpetuis, vt docet Aristot. 1. Poster. cap. 7. sed Logica docens, est de contingentibus: ergo, &c. Probatur minor: tum, quia Logica tractat de syllogismis, definitionibus, & alijs eiusmodi instrumentis, quæ sunt à nobis factibilia: tum etiam, quia quatenus docens est, instituit modum, quo procedi possit ad conclusiones in singulis scientijs probabiliter ostendendas, vt inquit Diuus Thomas loco citato ex quarto Metaphysicæ: ergo Logica non est de necessarijs, & perpetuis.

Secunda sententia è contra affirmat, Logicam, nõ solum vt est docens, sed etiam quatenus vtens

est, esse scientiam. Sic docent Murcia q. 3. proœmiali, Chrysost. Cauero disp. 2. dyb. 4. & alij moderni.

Quorum fundamentum est, quia Logica docens, & vtens sunt idem habitus, vt diximus quæstione præcedenti: sed quatenus docens, est verè scientia, vt infra ostendemus: ergo etiam quatenus vtens. Probatur consequentia: tum, quia esse scientiã, & non esse scientiã cõtradiçtorie opponuntur: ergo nõ possunt de eodem reali habitu verificari: tum etiam, quia eo ipso, quod sunt idem habitus, non potest non Logica vtens inclinare in eundem actum, in quẽ inclinat Logica docens: sed hæc inclinat in assensum verè scientificum: ergo & illa.

48 Nihilominus dicendum est primo, Logicam docentẽ quoad omnes suas partes esse verè scientiam. Conclusio est certissima. Pro qua citatur Plato de Repub. illamque docent D. Isid. 2. Ethim. cap. 22. Aug. 8. de Ciuit. cap. 4. & expressè D. Tho. loco citato ex 4. Metaph. quem sequuntur Scot. q. 1. Præd. Sotus, Tolet. Sanc. & Mas. hic, & communiter DD.

Fundamentum est, quia habitus per demonstrationem acquisitus est verè scientia: sed Logica docens quoad omnes suas partes est habitus per demonstrationem acquisitus: ergo quoad omnes illas est verè scientia. Maior, & consequentia cõstant. Minor autẽ probatur, quia in parte analytica hæc est vera demonstratio: *Syllogismus constans ex veris, necessarijs, notioribus, causis, quæ conclusionis, generat scientiam*

tiam; sed talis est demonstratio: ergo demonstratio generat scientiam. Simili etiam modo de distinctione, diuisione, & alijs intentionibus logicalibus demonstrantur propriè passionibus: ergo pars analytica Logica est habitus per demonstrationem acquisitus. Eodẽ etiam modo procedit Logica docens in parte topica, & sophistica: nam de syllogismo topico demonstrat cautare opinionem, sic: *Syllogismus cõstans ex incertis, & contingentibus, causat assensum formidolosum, seu opinatiuum: sed syllogismus topicus est huiusmodi: ergo, &c.* Et eodẽ modo demonstrat de syllogismo pseudographo, seu de paralogismo generare errorẽ: & de sophistico deceptionẽ: ergo Logica docens secundũ omnes suas partes est verè scientia. Per quod patet, deceptos esse aliquos, qui admittẽtes, Logicam docentem esse scientiã quoad partem demonstratiuam, id de topica, & sophistica negauerunt.

49 Dicendum est secundo, quod Logica vtens, licet entitatiuẽ sit scientia, vt potẽ idẽ habitus cũ docente; tamẽ formaliter vt vtens de- generat, & recedit à modo scẽtiæ. Conclusio est cõtra Auctores secundæ sententiæ, sed expressa D. Tho. loco cit. ex 4. Metaph. vt iam videbimus, estq; cõmunis inter Thomist. eã tenet Sor. hic q. 2. Mas. q. 6. Sãc. q. 8. Tolet. q. 3. Oñã q. 1. ar. 2. Rub. q. 3. & alij. ¶ Et probatur, quia Logica tantũ dicitur vtẽs respectu partis topicæ, & sophisticæ, vt ostẽsum est: sed vsus in istis partibus est cõstructio syllogismi probabilis, &

appa-

apparentis, in quibus, licet forma, & illatio sint necessariae, materia tamen est contingens, & incerta: ergo Logica in illorū cōstructione degenerat, & recedit à modo sciētiæ. Patet cōsequētia, quia scientia, quatenus scientia est, nō inclinatur ad syllogismos probabiles, & apparentes, sed ad necessarios, & demonstratiuos producendos.

50 Hic autē statim occurrit inquirēdū: quomodō habitus Logicæ, qui exaltatiuē, & realiter sciētia est, possit elicere assensus probabiles, & cōtingentes? ¶ Circa hoc multa adducit Arau. lib. 2. Met. q. 3. ar. 2. in fine. Sed breuiter resp. quod actus, quos per se primò respicit sciētia, & in ordine ad quos specificatur, & definitur, debēt quidē esse sciētifici, seu demonstratiui, & respectu horum seruat scientia perfectionem scientiæ, eosq; elicit formaliter, quatenus scientia est. Ceterū non repugnat, scientiā habere aliquos alios actus secundarios, & imperfectos, qui quidem nō pertinent ad rationem actus sciētifici defectu alicuius requisiti, sed quia nō addūt aliquā specialem difficultatē supra primarios, ideō nō requirunt aliū habitū, sed cōtinentur in virtute ipsius sciētiae; vel quia procedūt ex eisdem medijs, ex quibus procedūt actus primarij, & sic habēt eandē rationē sub qua obiecti, vt cōtingit in actibus Logicæ vtentis: vel quia iudicāt de eadē cōclusionē, ac actus primarij, nō tñ per mediū necessariū, sicut illi, sed per aliquod signū probabile, aut mediū cōtingēs cōtētū intra propriā ab-

stractionē à materia, vt cōtingit in eo, qui acquisita iā sciētia de aliqua cōclusionē per mediū necessariū, rursus cognoscit eadē cōclusionē per aliquod signū, seu mediū cōtingēs. Tūc enim cognitio ista, quāuis nō sit actus sciētificus, quia est per mediū cōtingēs, procedit tñ à sciētia iā acquisita, vt ex sententia D. Th. 3. p. q. 9. art. 3. ad 2. expēdemus infra disp. 20. circa libros Poster.

Addē, in Logica esse specialē rationē, quare ponātur similes actus secundarij, qui degenerent à ratione actus sciētifici. Cū enim Logica sit ministra, & instrumentū aliarum scientiarum, vt suprā numero 20. dicebamus, & magis infra explicabimus; notitia secundarū intētionū nō omnino propter se ipsas quæritur, sed propter res, quarum cognitioni deferuntur. Et sic oportet, non solū quod Logica, dū cōsideratur à rebus abulsa, habeat actus sciētificos; quibus naturā, & passionē suarum intētionum doceat; sed etiam quod vtendo eisdē intētionibus descēdat ad ipsas res reales, illisque admisceatur, & aliqualem earum notitiam cōparet. Quæ quidem notitiæ, seu actus, quāuis à ratione sciētifici degenerent; quia procedūt per medium extraneum, & cōtingens; disponunt tamen, & sunt viæ ad cognitionem sciētificā de rebus habendam per alias scientias, vt inquit D. Thom. loco citato: & ita meritò efficiuntur à Logica, quæ est ministra, & instrumentum illarum.

51 Ad argumenta primæ sententiæ respōdetur. Ad primū ex Arist.

dicimus, quòd vt patet ex verbis sequentibus, ibi agit de parte topica, prout est vtens, asseritq; ipsam, sicut & Rhetoricā, circa nullam determinatā rem, seu materiā versari; sed generaliter inquirere, & inuenire rationes probabiles, ex quibus differat in quacumque materia. Ex quo solū sequitur, Logicā vtentem, formaliter prout sic, non esse scientiam, quod nos concedimus. ¶ Ad secundū locū dicimus, sensum Arist. solū esse, quòd non sunt addiscēdæ aliæ scientiæ simul cum Logica: quia vt ibidem ait D. Tho. Logica est, quæ tradit communem modum procedēdi in alijs scientijs: & sic debet prius addisci. Ex quo nihil sequitur contra nos.

Ad rationem resp. ex eodem D. Tho. opusc. 70. quæst. 5. art. 1. ad 2. Aristot. in illa diuisione solū numerasse partes principales scientiæ speculatiuæ, & idēd nō meminisse Logicæ, non quia ipsa non sit vera scientia, sicut illæ; sed quia est ministra, & instrumentum earū. Quomodo autē contineatur Logica intra aliquam ex illis tribus abstractionibus à materia, in libris Post. explicabimus. ¶ Ad cōfirmationē negatur minor. Ad cuius primam probationē respōdetur, quòd Logica docens cōsiderat syllogismos, definitiones, & similes intēctiones, quoad sua prædicata essentialia, & proprias passionē; ex quibus suo modo sunt prædicationes necessarie, & æternæ veritatis, sicut in entibus realibus. Atq; ita Logica docens suo modo est de necessarijs, & perpetuis. ¶ Ad 2. probationem

resp. quòd Logica docens instituit quidē modum, quo procedi possit ad cōclusiones probabiliter ostēdēdas: sed hoc demonstratiuē facit, vt addit D. Th. loco citato in argumēto, & secundū hoc est scientia.

52 Ad fundamentū secūdæ sententiæ resp. solū probare, quòd habitus Logicæ vtentis entitatiuē, & realiter est scientia, nō verò formaliter, & reduplicatiuē. Prouc sic enim nullū est inconueniens, quòd idē habitus dicatur esse, & non esse sciētia comparatione diuersorum actuum, ad quos potest inclinare, quia sic nō opponūt cōtradiCTORIē. Quare cū Logica solū dicatur vtens, formaliter in quantū elicit assensus probabiles, & cōtingētes, qui sunt actus secūdarij eius, vt explicuimus: inde est, quòd formaliter prout sic, non inclinat ad assensum scientificū, sed potiùs degenerat, & recedit à modo scientiæ.

Hanc doctrinā, sicut & cætera, quæ in præsentī, & præcedēti quæstione diximus, mirē cōplexus est D. Th. loco sapē citato ex 4. Metaph. lec. 4. & idēd verba eius transcribēda duximus. Inquit ergo Ang. Doct. *Dialectica potest cōsiderari, secundū quòd est docens, & secundū quòd est vtēs. Secūdu quòd est docēs, habet considerationē de istis intentionibus, instituens modū, quo per eas procedi possit ad cōclusiones in singulis sciētijs probabiliter ostēdendū: & hoc demonstratiuē facit, & secundū hoc est scientia. Vtēs verò est, secūdu quòd, modo adiūcto, utitur ad cōcludendū aliquid probabiliter in singulis scientijs: & sic recedit*

cedit à modo sciētiæ. Et similiter dicendum est de Sophistica. Quæ prout est docens, tradit per necessarias, & demonstratiuas rationes modū arguēdi apparēter: secundū verò quòd est utēs, deficit à processu veræ argumentationis. Sed in parte Logicæ, quæ dicitur demonstratiua, solū doctrina pertinet ad Logicam: usus verò ad Philosophiā, & ad alias particulares scientias, quæ sunt de rebus naturæ. Et hoc idē, quia usus demonstratiuē cōstitit in utēdo principijs rerū, de quibus fit demonstratio, quæ ad scientias reales pertinet, non utendo intētionibus logicis. Et sic apparet, quòd quædā partes Logicæ habent ipsam scientiam, & doctrinam, & usum, sicut Dialectica tentatiua, & Sophistica: quædā autem doctrinam, & non usum, sicut demonstratiua. Hæc D. Tho.

53 ¶ Ex quibus tandē elicitur essentialis definitio Logicæ, propter quam præcedentia omnia adducta sunt. Ex hac enim quæstione, ubi probatū est esse scientiā, habemus genus definitionis: ex antecedētibz verò, differentiā. Nam cū sciētiæ sumant suam speciem ab obiecto, & per ordinē ad illud cōstituātur, ipsum obiectum ponitur loco differentiæ, quod fit in obliquo, ut detur intelligi, quòd obiectum non est intrinseca differentia scientiæ, sed ordo, & habitudo ad illud. Quare cū obiectum Logicæ sint secundæ intentiones, quæ sunt veritatis ostensivæ, seu modus sciendi latē sumptus, ut sup. n. 3 i. probatū est, hæc consequenter erit quidditatiua definitio Logicæ: *Logica est sciē-*

tia secundariū intentionū, quæ sunt veritatis ostensivæ; vel, Logica est sciētia modi sciendi late sumpti. Quorū terminorum explicatio satis ex dictis constar, & constabit amplius disputatione sequenti.

QVAESTIO VI.

Vtrum Logica sit scientia practica; vel speculatiua?

54 ¶ Ota quæstionis decisio pēdet ex intelligētiā istorum nominū, *practicū*, & *speculatiuū*: inde enim constabit, quæ scientia sit practica, quæ verò speculatiua. Et licet horum examen ad Metaphysicam spectet; quia tamen nostro instituto est summē necessarium, saltem attingemus.

Cōueniūt ergo Doctores, quòd speculatiuū dicitur ab speculatione; practicum verò à praxi. Speculatio autem (quæ à verbo græco σκοπεῖν, *scopēd* emanat, quod latine idem est, ac *considero*, seu *contēplor*; unde deriuatur σκοπεῖν, *scopos* idest, *speculator*, seu *explorator*) ex communi sententia significat quādam cōtemplationem essentiarum similem illi cognitioni, quam habent, qui ex aliquo eminenti loco inferiora respiciunt. Quam etiam cognitionem appellāt Græci theoricam, à verbo græco θεωρεῖν *theo-reo*, quod significat speculari. A quo etiam Græci Deum θεῶν *Theōs* dixerunt: quasi scientem, & cōtemplātem omnia in arce Cœli collocatum. Itaque scientia speculatiua erit illa, quæ in sui cōtemplatione sistit, neque ultra in opus

ordinatur. In his Auctores conueniunt. Quare tota difficultas est circa nomen praxis.

§. I.

QV ID SIGNIFICET

praxis. & an reperiatur in intellectu?

55 Rimò notandum est nomen, *praxis*, græcum esse, derivariq; à verbo græco *παρῶ*, *prato*, quod idem est, quod *ago*, seu *operor*. Non autem habemus nomen aliquod latinum, quod adæquatè respōdeat practico, seu praxi. Tria verò sunt, quæ id videntur explicare, scilicet, *operativum*, *activum*, & *factivum*. Sed ex his operativum latius patet: complectitur enim speculationem, quæ verè dicitur operatio. (Licet aliquando operationem sumat Aristot. pro factione, vt 9. Metaph. cap. 9.) Alia duo, si seorsim, & strictè sumantur, inferiora sunt. Nam actio, iuxta doctrinam D. Tho. 1.2.q. 57. art. 4. per hoc à factione distinguitur, quòd illa significat operationem immanentem, & internam, circa quã versatur prudentia, hæc verò transcendente, seu externam, circa quam est ars. Quam distinctionem assignat sæpè Arist. vt 6. Metaph. c. 1. & 1. magnorum moralium, cap. vltimo, dū inquit: *Circa actionem itaque, & quæ in agendo posita sunt, prudentia; circa facturam, & quæ in faciēdo posita sunt, ars.* Quòd si aliquādo nomina, actionis, & factionis aliter videatur accepisse Philosophus, vt notat Vazq. 1. p. disp. 8. num. 16. tamen vel in re nō distin-

guitur, vt ipse Auctor interpretatur, num. 17. vel saltem hic modus accipiēdi ista nomina vsitatio est in Philosopho.

56 Praxis igitur, vt hic sumitur, vtrāque operationem cōplectitur, actionem scilicet, & factionem; nam vtrāque ab speculatione distinguitur. Et cū à praxi sumatur denominatio practici; ille erit habitus, seu scientia, aut etiam intellectus practicus, qui circa praxim versatur. Ex quo etiam fit, non esse idem practicum, & praxim, si formaliter loquamur; sicut nō est idem forma denominans, & res denominata; ac proinde nō benè inferri ex eo, quòd actus intellectus sint aliquādo practici, quòd sint etiā praxis. Videamus igitur, quid sit praxis, & in qua potentia reperiatur, vt inde percipiamus, quæ sit scientia practica. Pro quo

Secundò notandum est, praxim definiri ab Scoto q. 4. prologi, sic: *Praxis est actus alterius potentie ab intellectu, posterior intellectiōne; natus elici conformiter rationi recte, ad hoc vt rectus sit.* In qua definitione solū est nobis examinanda prima particula (ceteræ enim extra institutum nostrū sunt.) Et videndū, vtrū praxis necessariò sit actus alterius potentie ab intellectu; an potius actus ipsi intellectus verè, & propriè possint dici praxis. In qua difficultate Molin. 1. p. q. 1. art. 4. disp. 2. Vazq. ibid. disp. 8. Suarez disp. 44. Metaph. sect. 13. Rub. hic q. 5. & alij moderni impugnat definitionem Scoti, asserentes, actus intellectus propriè esse

& dici

& dixi praxim. Quod pluribus rationibus confirmare nituntur: quibus tamen (quia earum solatio ex dicendis facile cuilibet contare potest) omisis.

57 Dicendum est primò, quòd operatio, quæ primariò, & per se, & per essentiam (vt ita dicamus) dicitur practica, non debet esse operatio intellectus, sed alterius potentia, nempe voluntatis in agibilibus, aut potentia exterioris, & transeuntis in factibilibus. Actus autem intellectus tantum denominatur practici, vel ex eo quòd cadunt sub electione libera voluntatis, & directione prudentia; vel ex eo quòd ordinantur ad operationem alterius potentia; ac proinde rationem practici aliundè participat, nõ ex eo, quòd sint operationes intellectus. Hanc conclusionem præter Scot. & eius discipulos, docent cõmuniter Thomistæ, Caiet. & Conrad. 1. 2. q. 57. art. 1. Capreol. q. 2. prologi ad argumenta contra 4. concl. Ferrar. 3. contra gentes c. 25. Arauxo 2. Metaph. q. 3. art. 2. & plures alij, quos referunt, & sequuntur Gallego cõtrou. 5. & noster Didac à Iesu d. 1. q. 6. qui latè, & optimè explicat nostram conclusionem.

Probatur primò ex Arist. 3. de Anima c. 10. vbi loquens de motu locali animalium, asserit de intellectu practico alicuius gratia ratiocinari, esseque principium agendi; per quòd distinguit ipsum ab intellectu speculatiuo. Verba Philosophi sũt. *Hæc igitur ambo, intellectus, & appetitus mouendi motu dicto princi-*

piisunt. Intellectus, inquam, is, qui alicuius gratia ratiocinatur, quique principium est agendi; atque hæc finis ab intellectu contemplatiuo differt: quibus verbis asserens Arist. intellectum practicum principium esse agendi, & per hoc à cõtemplatiuo differre, necessariò intelligendus est de actione extra intellectum, & alterius potentia; nõ intra ipsum, etiã intellectus speculatiuus principium est agendi, vt per se cõstat. Ex quo Aristot. loco sumptum est illud cõmune axioma: *Intellectus extensio- ne fit practicus;* de quo licet Molina vbi supra, disp. 1. & Hurtado hinc disp. 2. sect. 2. §. 10. dicant negari posse; quia neque est Arist. neque alterius probati Auctoris, cuius auctoritate premamur; in vitroque tamẽ falluntur. Quòd enim sit Arist. restatur D. Tho. 1. p. q. 79. art. 11. in argumento sed contra, citans locum adductum ex 3. de Anima. Quòd autẽ sit probatissimi Auctoris, cuius auctoritate æquum est premi, patet ex eodem D. Tho. ibidem, & q. 14. de veritate, art. 4. vbi sic ait: *Intellectus practicus idem est, quòd intellectus operatiuus. Vndè sola extensio ad opus facit aliquem intellectum esse practicum.* De quo videre potest Gallego vbi supra.

Confirmatur ex eodem Arist. 2. Metaph. cap. 2. dicente; *Speculatiue etenim finis, veritas; practice autẽ opus;* ergo illud opus est praxis, quòd non est veritas; sed omnis actus intellectus est veritas, seu veritatis cognitio; ergo nullus actus intellectus est praxis. Hinc Cõmẽtator cõmẽto 3. exponens verba Arist. inquit:

inquit: Per speculatiuam scimus, ut sciamus; per practicam verò sumus sciētes, ut operemur; quia practica finis opus: ergo quātūcūq; facultas aliqua dirigat actiones intellectus, nō versatur circa praxim: quia, cū tales actiones dirigimus, scimus, ut sciamus; siquidē actio dirigens, & directā, scire est, & per cōsequēs nullus actus intellectus est praxis.

58 Secundò probatur ex D. Th. 1.2. q. 57. ar. 1. ad 1. vbi ait: *Practiciū, vel operatiuū, quod diuiditur cōtra speculatiuū, sumitur ab opere exteriori; ad quod non habet ordinē habitus speculatiuus; sed tantūm ad interius opus intellectus, quod est speculari verū.* Quo loco per opus exterius communiter expositores intelligunt, non solū actiones trās-euntēs; sed etiam immanentes extra intellectum, seu alterius potentia: de quo videri potest Conradus ibidem. Quomodo etiam loquitur de actione exteriori Sāct. Doctor 2.2. q. 179. a. 2. Ex quibus locis infert benē Conrad. *Quod actus intellectus non est praxis, sed opus exterius, id est, alterius potentia: causis sub electioe, & consilio.*

Tertiò probatur à posteriori: quia nulla cognitio dirigens aliam cognitionem est practica: ergo nulla cognitio potest esse praxis. Cōsequentia patet: antecedens verò probatur: quia per actū intellectus dirigentem aliā non sciamus, ut operemur, sed potius, ut sciamus. Nō enim qui dirigat actū intellectus, intendit ipsam actū rectū elicere, ut eliciat, sed ut per illum rectē, & sine errore cognoscat: ergo actus

dirigens, & directus non egreditur limites cognitionis, atque adeò nullus potest esse praxis.

Quartò eadē, quia id, quod verē est praxis, pertinet ad sciētia actiuā, vel factiuā: siquidem scientia practica diuiditur ad quatuor ab Arist. 6. Metaph. c. 1. in actiuā, & factiuā: sed actus intellectus ad neutra harū pertinet: ergo nō sunt praxis. Probatur minor: quia in primis non pertinet ad factiuā: cū sint operationes immanētes, ut patet. Neq; similiter possūt pertinere ad actiuā: nā scientia actiuā ex eodē Arist. 6. Ethic. c. 10. versatur circa actiones, quarū principiū estelectio: ergo sciētia actiuā per se tātū respiciūt actus volūtatis; siquidē electio, ut patet, est actus illius.

59 Confirmatur: quia hac de causa Arist. loco citato ex Metaph. loquens de sciētia actiuā, inquit. *Id est esse agibile, quod eligibile.* Vbi 1. Th. lect. 1. postquam dixit, sciētias actiuas esse scientias morales, (que scilicet tractant de actibus voluntatis) id probat ex eodē Arist. *Quia principiū actiuarū est probare etis, seu electio: nam idem est agibile, & eligibile:* ergo electio ipsa simpliciter est praxis; non verò actus intellectus, quatenus talis est. Videatur Thomistæ supra citati. Inter quos Capreolus, licet conclus. 4. concedat actum intellectus, quatenus liber est, & quoad exercitium esse praxim, ipse tamē se explicat a 1. Gregorij dicens, opus intellectus non esse praxim, nisi mediante electione. Et ad secundum intert, ipsum opus intellectus non esse verē pra-

proxim; sed potius electionem illam, quæ regulatur immediatè à prudentia.

Per quod soluuntur plura argumenta, quæ contra nos congerunt aduersarij, obijciētes, plures actus intellectus, qui imperantur à prudentia, & ipsam cōtemplationem, quam imperat, & dirigit prudentia præscribendo modum, tempus, & alias circumstantias, vt sit actus virtutis: de quibus necessariò concedendum videtur esse proxim, siquidem imperantur, & regulantur à prudentia. Dicendum est enim, omnes hos, & similes actus intellectus dirigi, & regulari à prudentia, nō formaliter in quantum sunt actus intellectus, sed quatenus sunt actus virtutis, quod habent ab electione, vel ab alio act. voluntatis. Vndè sicut ipsi de se non dicuntur boni, vel mali moraliter, sed per ordinem ad voluntatem, & denominationè ab illa; ita neque de se sunt practici, sed per ordinem ad voluntatem, seu electionem, quæ propriè est praxis.

60 ¶ Ex dictis infertur sciētiam practicam esse illam, quæ versatur circa proxim, seu quæ dirigit actiones alterius potentia ab intellectu: speculatiuam verò, quæ non exit extra ipsum intellectū. Vndè etiam colliguntur alia discrimina scitu digna inter has scientias, quæ tãgit benè Tolet. hic q. 4. Differūt enim primò fine, vt dictū est. Hic autem finis nō debet esse extrinsecus, & operātis (vt aiunt) quæ scilicet sibi quisque potest pro libito præscribere; sed intrinsecus, & ope-

ris. Qui in scientia speculatiua est cognitio rei, non vt operetur, sed vt cognoscatur: in practica autem est cognitio rei, non tã vt cognoscatur, quàm vt operetur. Propter quod dixit Aristot. 2. Metaphysic. cap. 2. practicum non considerare causam secundum se, sed in ordine ad opus. Vndè etiam fit, ad cognitionem practicam, non solum requiri, quòd sit de re operabili; sed etiam quòd ipsa cognitio ordinetur ad opus: aliàs cognitio potius esset speculatiua. Nam vt rectè inquit D. Tho. 1. p. q. 14. art. 16. *Si edificator consideret, qualiter possit fieri aliqua domus, non ordinans ad finem operationis, sed ad cognoscendum tantum: erit quantum ad finem speculatiua, consideratio tamen de re operabili.*

Secundò differunt: (quod etiam tradit Aristot. 1. 1. Metaph. cap. 6. & lib. 6. citato cap. 1.) quia in speculatiuis principium est in ipsis rebus, id est, ab ipsis rebus sumimus cognitionem; & ipsa cognitio cōformatur rebus; tuncque est perfectà, quando eis adequatur; & propterea obiectum respectu cognitionis speculatiuæ dicitur principium, & mensura. At verò in practicis omnia sunt e contrà: nam principium est in nobis; quia nos sumus causa rei: & nostra scientia est rerum ipsarum mensura: vndè tunc res sunt perfectæ, quando adequatur, & conformantur ipsi scientiæ. Quod quomodò sequatur ex ipsa natura sciētia speculatiuæ, & practica iam explicata, faciliè consideranti patebit.

§. II.

TRACTATVR PRAE-
cipua difficultas, & quæstio
resoluitur.

61 **HIS** Pro intelligentia quæ-
stionis necessariò prænota-
tis, ad ipsam accedēdo. Prima sen-
tentia asserit, Logicam, propriè, &
simpliciter loquendo, esse simul
practicam, & speculatiuam. Sic do-
cent Vazq. 1. par. disput. 8. cap. 5.
& disp. 9. c. 3. Rub. hîc qu. 5. Hur-
tado disp. 2. sect. 2. Cauero disp. 3.
dub. 3. & alij.

Probatur primò ratione, qua
conuincitur Rubio: quia Logica
non solum procedit modo resolu-
torio, qui proprius est scientia-
rum speculatiuarum; sed etiam
modo compositiuo, qui constituit
scientias practicas: ergo simul est
speculatiua, & practica. Consequen-
tia patet, & probatur antecedens:
quia Logica verè contēplatur na-
turam, & passionem sui obiecti per
resolutionem vsq; ad prima prin-
cipia: simulq; introducit formam
syllogismi, aut definitionis in ma-
teriam: ergo procedit utroque
modo.

Secundò: quia non repugnat
practicum, & speculatiuum eidem
scientiæ simpliciter conuenire: ergo
id potest, & debet cōcedi Dia-
lecticæ. Antecedens patet in sacra
Theologia, quæ ex communi sen-
tentia Theologorum cum D. Th.
1. p. q. 1. art. 4. simul est practica, &
speculatiua. Cōsequētia verò pro-
batur quia Logica est cōmunis ia-
nuæ, & generale quoddā instrumē-
tum ad acquirendas omnes scien-

tias: sed inter has quædam sunt spe-
culatiuæ, & aliæ practicæ: ergo cō-
cedi debet Dialecticæ utraq; ratio;
speculatiuæ quidē, vt speculatiuis
viam aperiat; & practicæ, vt in-
troducatur ad practicas.

62 Secūda sentētia affirmat, Lo-
gicā simpliciter, & solū esse sciētiā
practicam. Sic docēt Gabr. Greg.
Aureol. & alij antiqui, quos refert
Gallego hic controu. 6. Eamq; de-
fendunt ex modernis Fons. 2. Me-
taphy. c. 3. q. 2. sect. 3. Conimb. q. 4.
proœmiali art. 5. Murc. disp. 1. q. 4.
& Raphael de Auerſa q. 1. sect. 6.

Probatur primò ex Arist. 6. Me-
taphy. c. 1. vbi diuidēs scientiā spe-
culatiuā in Physicam, Mathemati-
cam, & Metaphysicam, nullam Lo-
gicæ mentionē facit; ergo ex men-
te Arist. Logica nō est scientia spe-
culatiua, sed practica.

Secundò probatur ratione, quia
illa est sciētia simpliciter, & solum
practica, quæ habet pro obiecto, &
finē aliquid operabile ab eo, in quo
est talis scientia; proceditque mo-
do operabili: sed Logica est huius-
modi: ergo, &c. Maior constat; mi-
nor verò probatur: quia Logica
versatur circa definitiones, syllo-
gismos, & similes intentiones, quæ
sunt à nobis operabiles; & tradit
modum, & præcepta, quibus rectè
conficiantur: quod est agere de il-
lis modo operabili.

Tertiò, quia quælibet scien-
tia speculatiua est nobilior scien-
tijs practicis; sed Logica non est
nobilior illis: ergo non est specu-
latiua. Maior constat ex Aristor.
6. Metaphysicæ tex. 2. asserente,
quod

quod *theorica alijs sciētij desiderabiliores sunt*, seu illis *præponenda*, vt habet translatio Bessarionis. Minor verò probatur: quia nobilitas scientiæ sumitur ex certitudine, & nobilitate obiecti, vt ibidem tradit Aristot. sed inter omnia obiecta scientiarū debilissimum, & incertissimum est subiectum Logicæ, vt supra num. 20. vidimus ex D. Tho. ergo Logica est ignobilior cunctis scientijs, etiam practicis.

Confirmatur: quia scientiæ speculative non quærentur quasi ad aliquid viles; sed vt per se honorabiles, vt ex eodem Arist. probat D. Th. 6. Ethic. lect. 6. sed Logica intrinsecè, & per se queritur propter alias scientias; vt potè quæ ex natura sua est via, & instrumētum ad illas cōparādas: ergo Logica nō est scientia speculatiua, sed practica.

63. Nihilominus dicendū est secundò, Logicā nō posse esse simul, & simpliciter practicā, & speculatiuā. In hac cōclusionē conueniunt cū Auctoribus citatis, alij omnes adducēdi cōclusionē sequēti. ¶ Fūdamētū sumitur ex D. Th. 1. p. q. 1. art. 4. quia vnus, & idem habitus scientiæ inferioris, seu omninò naturalis (quæ scilicet principijs altioris ordinis nō subordinatur) nequit esse simpliciter practicus, & speculatiuus: sed Logica est huiusmodi: ergo non potest esse simpliciter practica, & speculatiua. Minor, & cōsequentia cōstant. Maior autem probatur primò: quia, vt sumitur ex Arist. 6. Metaph. cap. 1. & probant rectè Caietanus, Bañez, Nazarius, & González loco citato.

ex 1. par. practicū, & speculatiuum sumpta formaliter, secundū quod inueniuntur in habitibus inferioris ordinis, sunt differentiæ essentialē eorum se inuicem excludentes; quippè cum *vnā, & eadē ratio formalis obiecti finita* (vt bene inquit Caiet.) *nō possit habere utrāque hanc conditionem, quod scilicet sit, ex qua sumitur regula operādi, & quod sit in se scibilis, etiā si nulla posset ex ea regula operis desumi.* Ergo utraq; ratio nō potest eidem habitui inferioris ordinis simpliciter conuenire.

Secundò probatur eadē maior: quia scientiæ practicæ, & speculative omninò naturales subordinantur habitibus principiorum essentialiter diuersis; nempe synderesi, & intellectui, quæ specie differunt, vt sumitur ex D. Tho. eadem 1. p. q. 79. art. 12. ergo practicū, & speculatiuum secundū quod in eis inueniuntur, sunt rationes essentialiter diuersæ, & repugnātes. Sed Logica est scientia omninò naturalis, & inferioris ordinis, vt patet: ergo ipsa nō potest esse simpliciter practica, & speculatiua.

64. Respondebis cum Vazq. vbi supra, tunc practicū, & speculatiuum esse differentias essentialē; quandò vnumquodque adæquatè inspicitur ab aliqua scientia; non verò si respiciatur inadæquatè, vt contingit in Theologia: ac proindè tunc non se inuicem excludere; sed posse eidem scientiæ conuenire.

Sed contrā est, quia omninò repugnat duo obiecta, quæ secundū

dum aliquas duas rationes respiciuntur adæquatè à duabus potentijs, vel habitibus, secundum easdem rationes respici inadaquatè ab alia tertia potentia, vel habitu; sed debent respici secundum altiore aliam rationem, in qua illæ duæ adurentur: vt patet in exemplo sensus communis, quod adducit D. Tho. art. illo 4. citato. Ex eo enim quod color, & sonus secundum proprias rationes adæquatè respiciantur à visu, & auditu; repugnat, vt sub eisdem rationibus respiciantur à sensu communi, etiã inadaquatè: aliàs iste nō esset tertia alia potentia, sed aggregatum ex sensibus proprijs. Cū ergo practicum, & speculatiuum secundum quod inueniuntur in habitibus inferioribus, adæquatè respiciantur à pluribus sciētijs naturalibus, planum sit secundum easdem rationes nō posse respici, etiã inadaquatè ab aliqua alia tertia scientia, sed id debet esse secundum altiore aliam, & nobiliorem rationem, vt contingit in Theologia, hoc autem per se constat non posse Logicæ conuenire, quæ est infima scientiarum: ergo licet Theologia sit simul practica, & speculatiua, id tamen Logicæ est omninò denegandum.

65 Dicendum est tertio, Logicā simpliciter, & absolutè tantum esse scientiam speculatiuam; licet secundum quid, & per quandam analogiam possit denominari practica, & ars. Hæc conclusio habet fundamentum in Aristot. vt patet ex dictis §. præcedenti: imò, si cre-

dimus Lærtio lib. 5. de vitis Philosophorum in vita Aristot. planè illam docuit, diuidens scientiã contemplatricem in Physicam, & Logicam. Est etiam expressa sententiã D. Aug. 8. de Ciuitate, cap. 4. & D. Tho. infra adducendi: quæ sequuntur cōcorditer Thomistæ, Capreolus, & Conradus vbi sup. Torres 1. par. q. 1. art. 4. Nauarrète ibidem, controuerf. 11. in principio, Flandria, & Zanardus 6. Metaph. q. 5. Sot. Tolet. & Masius hīc quæst. 4. Sanchez lib. 1. q. 16. & plures alij, quos referunt, & sequuntur noster Didacus à Iesu, & Gallego sup. nu. 57. citati. Quibus etiã consentiunt Scotus, & discipuli eius, quæst. 4. prologi: estque communis inter Doctores alicuius nominis, vt quæstione citata, artic. 1. fatentur Conimbricenses.

66 Probatur primò conclusio ex D. Thom. 1. 2. q. 57. art. 3. ad secundum, vbi ait: *Etiã in ipsis speculabilibus est aliquid per modum cuiusdam operis, puta constructio syllogismi, aut orationis congruæ, aut opus numerandi, vel mensurandi. Et ideo quicumque ad huiusmodi opera rationis, habitus speculatiui ordinantur, dicuntur per quandam similitudinem artes.* Quibus verbis duo asserit Angelicus Doctor. Primum est, non quodcumq; opus extrahere habitum speculatiuū à ratione speculatiui; ac proinde, etiã si in Logica detur constructio syllogismi; & in Geometria, aut Arithmetica opus mensurandi, aut numerandi, non ideo scientias istas definere esse speculatiuas. Secun-

dum

dum est, ex eo, quod in istis scientiis detur aliquid per modum operis, habere aliquam similitudinem cum artibus, & sic analogicè dici artes.

Confirmatur ex eodem Diuo Thoma 2. 2. q. 51. art. 2. vbi sumenstertium argumentum à scientiis speculatiuis ad practicas, sic: *In scientiis speculatiuis, ad eandem scientiam pertinet inquirere, & determinare: ergo pari ratione in operatiuis.* Respondet: *Ad tertium dicendum, quod etiam in speculatiuis alia rationalis scientia est Dialectica, quæ ordinatur ad inquisitionem, & alia scientia est demonstratiua, quæ est veritatis determinatiua.* Ecce D. Tho. expressè asserentè, Logicam esse scientiam speculatiuam, prout speculatiuin distinguatur contra practicum: & hoc non solùm quantum ad partem demonstratiuam; sed etiam quantum ad partem topicam (& idem est de sophistica, vt patet:) ergo ex mente D. Th. Logica simpliciter, & absolutè tantùm est scientia speculatiua.

67 Secundò probatur à priori: quia actus, quos Logica dirigit, nō sunt praxis, sed speculatio: ergo ipsa non est practica, sed speculatiua. Antecedens probatum est §. præcedenti: & cōsequentia est euidēs: ergo, &c. ¶ Cōfirmatur ex ibidem dictis: quia Logica neq; est factiua, vt de se patet; cū nō versetur circa actiones transeuntes: neq; actiua; quia hæc versatur circa operationes, quarū principium est electio, quod non reperitur in operationi-

bus, quas Logica dirigit: ergo nō est scientia practica. Patet cōsequentia: quia bene valet à negatione omnium membrorum diuidentium ad negationem diuisi.

Dices cum Vazq. vbi sup. n. 19. quod etiā in operibus Logicæ principium est electio; siquidem liberè sunt, & volūtas mouet intellectu ad suos actus, sicut cæteras potentias: ergo Logica verè est scientia practica actiua; vtpotè quæ versatur circa opera, cuius principium est electio.

Sed argumentū indignū est, cui Philosophus respondeat. Si enim aliquid probat, probat etiam nullam esse scientiā speculatiuam; siquidem omnes actus cuiuscumque scientiæ sunt à nostro intellectu liberè, & media motione, seu imperio voluntatis. Quare dictum Arist. quod *scientia actiua versatur circa ea, quorum principium est electio*, debet intelligi formaliter, & per se; ac proinde de operibus, quibus formaliter, & per se cōuenit procedere ab electione, quæ constat esse opera virtutis, quibus sicut intrinseca est moralitas, ita etiam libertas. At operationibus intellectus, vt diriguntur à Logica, & à quacumq; alia scientia speculatiua, per accidens conuenit moralitas, ac proinde libertas: eodem enim modo operationes intellectus dirigerentur à Logica, vel alijs scientiis speculatiuis, siue liberè, siue necessariò dirigerentur.

68 Tertiò probatur conclusio: quia ideò in Mathematicis (quæ ex cōmuni sententia, quam tradit

Arist. 6. Metaph. tex. 2. speculatiue scientiæ sunt) constructio alicuius operis (puta trianguli, spheræ, aut altrolabii) non extrahit illas à ratione scientiæ speculatiuæ: quia talis operis constructio ordinatur ad cognitionem veritatis; neque per illam tales scientiæ intédūt ipsum opus factum, sed veritatem: at Logica dirigit operationes intellectus, & conficit syllogismos; non vt operetur, sed vt rectè cognoscat: neque in tali opere efficiendo intendit opus, sed veritatem: ergo talis operis constructio non extrahit illam à ratione speculatiuæ.

Ex quo etiã patet id, quod ex D. Tho. addidimus in cõclusionẽ. Cũ enim Logica in huiusmodi operibus efficiendis habeat aliquã similitudinẽ cũ artibus propriè dictis, inde est, quòd secundũ quid, & per quandã analogiã possit denominari practica, & ars: sicut propter eandẽ rationẽ Geometria, & Arithmetica (quæ sunt scientiæ speculatiuæ) secundũ quid denominatur artes.

Quibus adde Logicã, ex parte quæ est ministra, & instrumentũ aliarũ, aliquãlter deficere à rigore, quo ceteræ scientiæ, nullũ habentes ministeriũ appellãtur speculatiuæ, seu theoricæ. Propter quod inter illas non est numerata ab Aristot. vt sup. num. 51. vidinaus ex D. Thom.

69 Ad argumenta respondetur. Ad primum primæ sententiæ negatur antecedens quoad secundam partem. Ad cuius probationem patet ex dictis. Quando enim compositio ipsa, seu introductio formæ in materiam non exit extra

intellectum, tota ordinatur ad cognitionem veritatis; ac proinde nihil ibi inuenitur praxis; neque à tali compositione denominatur modus compositiuius ille, qui constituit scientias practicas.

Ad secundum etiam patet ex dictis. Quòd enim sacra Theologia sit simul practica, & speculatiua, habet sub altiori alia, & nobilissima ratione; & quia subordinatur principiis superioris ordinis, estque specialis participatio scientiæ diuinæ, quæ simul est speculatiua, & practica: quod non potest alteri scientiæ inferiori conuenire, vt explicatum est. Ad id autem, quod additur in probatione consequentiæ, respondetur, Logicam non esse ianuam ad scientias practicas, aut speculatiuas, reduplicatiuè, secundũ quòd sunt practicæ, aut speculatiuæ; sed secundũ quòd sunt scientiæ, vt scilicet scientificè, & ordinatè procedant, in quo omnes conueniant: ac proinde benè potest esse, quòd Logica sit ianua ad scientias practicas absque eo, quòd ipsa sit practica.

70 Ad primum argumentum secundæ sententiæ responsum est supra numero 51. ¶ Ad secundum etiam patet ex dictis. Vt enim aliqua sit scientia practica, debet habere pro obiecto aliquid operabile extra intellectum; quod non contingit in Logica, vt dictum est.

Ad tertium respondetur, quòd cùm Logica non sit scientia speculatiua principalis, sed ministra, & in:

& instrumentum non est necessarium, quod simpliciter sit nobilior scientijs practicis, sed sufficit secundum quid esse illis nobiliorem, ex modo scilicet speculatiue procedendi circa suum obiectum. Neque amplius requiritur ad verificandum dictum Aristotelis. Præterquam quod ibi solū comparat scientias speculatiuas principales, vt patet in textu.

Per quod patet ad confirmationem. Logica enim ex parte, qua est scientia speculatiua, verè est propter se appetibilis; vt potè quæ tradit cognitionem plurimum veritatum circa secundas intentiones: quæ cognitio bonū quoddam est, & perfectio intellectus, ac proinde expetibilis propter se. Cum quo tamen stat, quod ex parte, qua est ministra, & instrumentum aliarum, queratur propter illas; in quo deficit à rigore, & perfectione, quæ aliæ appellantur theoricæ, vt supra vidimus.

71 ¶ Ex dictis infertur primò; Logicam esse speculatiuam, non solū secundum quod docens est, sed etiam secundum quod est vtens. Nam licet vt sic deficiat à ratione scientiæ, vt diximus numer. 49. tamen non idè est propriè ars, aut practica, siquidem terminatur ad actus intellectus, qui non sunt praxis, neque operatur ea intentione, vt operetur, sed vt cognoscat. Videatur Diu. Thom. secunda secunda, quæst. 47. articulo secundo ad tertium.

¶ Secundò infertur, quid dicendum sit ad quæstionem illam inter

antiquos celebrem: an Dialectica sit pars Philosophiæ; Schoycis ex vna parte, cum Zenone eorū principe id affirmantibus, vt testantur Plutar. 1. de Placitis, cap. 1. & Laertius in vita Zenonis; Peripateticis verò ex alia parte idem negantibus, teste eodem Plutar. & Laertio in vita Aristot. ¶ Si enim Philosophia in sua lata acceptione, prout hic sumitur, est *Scientia entis, & veritatis cognitio*, vt definit Iustinus Martyr in Dialogo aduersus Triphonem vel *Comprehensio cuiusque æque admirabilis veritatis*, vt ex Auicena, & Alpharauio definit Beatus Albertus tractatu primo Logicæ, capite secundo, asserendum proculdubio est, esse partem Philosophiæ, cum sit verè scientia: licet qua ratione est instrumentum, non contineatur sub Philosophia, vt principalis pars, sed vt quid reductum ad eam, vt loquitur Diuus Thomas opusculo 70. quæstione quinta, articulo primo ad secundum.

72 Fundamentum vtriusque est: quia sicut ex eo, quod homo sit rectè constitutus, sibi; in sua natura sufficiens, colligitur habere in se instrumenta necessaria ad suas operationes, quæ verè sint partes eius, vt constat de manibus, pedibus, & alijs: eodè modo cum Philosophia, quæ vt in præsentī sumitur, est quasi integram quoddam corpus ex omnibus scientijs constitutum, sit sibi sufficiens, neq; alicuius ope egens, vt propria vitia corrigat, & omnium scientiarum functiones administret; necessariò cōcluditur

intra se ipsam habere debere aliquam partem, quæ simul sit instrumentum aliarum; & vera pars eius: quam constat esse Logicam.

Potest etiam eadē sententia confirmari ex diuisione. Hæc, tam repetita, quàm antiqua inter Philosophos, quæ diuidebatur Philosophia in naturalem, moralem, & rationalem. Quæ ortū habuit, vel ab Sthoycis, vt ait Laertius vbi supra; vel ab Hebræis, & Sanctis Prophetis, vt tradit Eusebius 11. de præparatione, capit. 2. à quibus acceperunt Aegyptij, vt Auctor est Pierius, lib. 38. in quodam Hieroglyphico. Quam etiam diuisionem, præter innumeros, eosq; grauissimos Philosophos, admiserunt plures Sancti Patres. Inter quos August. 8. de Ciuitate, cap. 4. & lib. 11. cap. 25. ex diuisione ista inuestigat numerum personarum Sanctissimæ Trinitatis. Et Hieronym. tom. 3. in Epist. ad Paulam Vrbicam, iuxta hanc diuisionem partitur sacras litteras in naturales, morales, & dialecticas. Sed de his satis. Videri tamen potest Masius sect. 1. Logica, q. 7. qui rectè probat ab hac sententia non dissidere Aristot. & alios Peripateticos.

73 ¶ Dubitant etiam Doctores, an Logica sit scientia subalternas, vel subalternata. Sed huius resolutio pèdet ex 1. Poster. vbi de subalternatione scientiarum cū Arist. acturi sumus. Interim sufficiat dicere, quòd si scientia subalternata sumatur, lata quadam significatione, pro scientia, cuius obiectū quomodocumque cōtinetur sub obie-

cto alteriùs, sic scientiæ omnes naturales, & Logica dicuntur subalternari Metaphysicæ, ad quam pertinet omnium aliarum, & principia ostendere, & obiecta prescribere. Si verò subalternationis proprietas spectetur, prout à nobis explicabitur loco citato, Logica nulli scientiæ subalternatur, vt ibidem ostendemus.

QVAESTIO VII.

Quomodo Logica sit necessaria ad alias scientias?

S I ea, quæ q. 4. de Logica vtentur diximus, vera sunt: planè sequitur, ipsam non esse necessariam ad aliarum scientiarum demonstrationes; siquidem in his nullus inuenitur Logicæ vsus, vt ibidem ostēdimus, sed solum erit necessaria ad probabiliter differēdum in quacūque materia. Quare tantum restat difficultas de Logica docēte. Hæc autem esse necessariā ad alias scientias manifestè patet ex dictis supra num. 3. & 5. vnde solum potest esse dubium de quantitate necessitatis, an scilicet multum, an parum sit necessaria.

74 Pro tituli intelligentia nota, necessarium diffiniri ab Aristot. 5. Metaph. cap. 5. *Quod aliter se habere non potest*, vel vt ait D. Tho. 2. Phys. lect. 8. *Quod in sui natura habet, quòd nō possit nō esse*: siuè vt alij diffiniunt: *Quod determinatum est ad esse*. Hoc autē est duplex. Aliud dicitur necessarium absolute; quod scilicet nullo modo potest aliter se

se habere, sed est omninò determinatam ad esse. Et huiusmodi est solus Deus. Aliud dicitur necessariũ ex suppositione: quod scilicet est determinatũ ad esse, supposita aliqua causa: nã determinatio ad esse in creaturis, necessariò pronenit ex aliqua causa, vt patet. Vnde huiusmodi necessariũ quadruplex erit, iuxta numerum causarum. Potest enim aliquid esse necessariũ ex causa materiali: quomodò dicimus hominem necessariò esse mortalem propter materiam contrarijs qualitatibus affectũ. Aliud est necessariũ ex causa formali; sicut necessariũ est triángulũ habere tres angulos equales duobus rectis. Aliud ex causa efficiendi: quod in aliquibus appellatur necessariũ per vim, coactũ, seu violentũ, quomodò sagitta necessariò ascēdit, quãdo mittitur à sagittario. Quartò tandẽ, aliquid dicitur necessariũ ex fine. Et hoc diuinit D. Tho. 3. p. q. 63. art. 4. in necessariũ simpliciter, sine quo scilicet finis haberi nõ potest, quomodò cibus necessarius est ad vitã: & in necessarium ad melius esse, sine quo scilicet finis absolatè potest haberi, sed non ita conuenienter; diciturque vtile: quomodò equus requiritur ad iter agendum.

75 Igitur ratione causę materialis, & efficiētis satis cõstat, Logicã non esse homini necessariam, sicut neq; quamlibet aliã scientiã. Neq; enim homo est capax disciplinæ; quia habet materiã, vt patet: neq; vi, aut coactione, aliqua causa pro ducit in homine scientiã, vt putauit Auidena, affirmans, scientias ab

Angelis hominibus imprimi.

Ratione verò causę formalis quodãmodò scientiæ dicuntur homini necessariæ; quatenus ratione suę formę est capax illarũ, ad easq; naturaliter inclinatur. Quomodò Logica magis necessaria homini dicitur, quàm aliæ scientiæ; quia non solum perficit intellectum, manifestando ei plures veritates, quod habet cum illis cõmune; sed eius vitia corrigit, dirigitque ad alias scientias, & liberat ab erroribus, qui in operando poterant ipsi accidere.

Quauis autẽm ratione huius inclinationis, & capacitatis Logica, & aliæ scientiæ dicantur homini necessarię, nõ tamẽ ipsi habitus scientiarũ in se sunt isto modo necessarii. Nõ enim sunt proprię passionis; neq; fluunt necessariò ab anima, vt falsò existimauit Plat. qui, teste Arist. 1. Post. c. 1. asseruit omnes scientias esse simul naturaliter animæ rationali inditas, vt ibidem videbimus. Quare solũ restat difficultas de necessitate ex fine: an scilicet Logica sit necessaria simpliciter, vel tantũ ad melius esse ad comparandas alias scientias.

Tandem nota, scientias istas, quarũ Logica est ianua, dupliciter posse sumi. Primò vt cumq; & in esse imperfecto, secundu quod importat cognitionẽ vnũ vel alterius cõclusionis tantũ. Secundò in statu perfecto; vt scilicet sunt scientiæ integre, & includunt seriẽ omnium, vel ferẽ omniũ conclusionum, quæ in eis demonstrantur. Et in vtroq; sensu procedit difficultas.

76 Prima sententiâ absolutè negat, Logicâ esse simpliciter necessariam ad acquirendas scientias, etiâ sub statu perfectò. Pro hac refertur Iandunus 2. Metaph. q. 12. Quam etiâ sequitur Iauellus tract. 1. Logica c. 4. & multi Recentiores, vt testatur Mas. hic sect. 2. q. 3.

Probatur primò: quia habitus naturalis non datur ad simpliciter posse, sed ad faciùs posse: ergo id, quod potest faciliè consequi intellectus cû habitu Logicæ artificialis, poterit utiq; simpliciter consequi sine illo. Sed medio tali habitu potest faciliè cõparare alias scientias sub statu perfectò: ergo etiam sine illo poterit easdem simpliciter comparare.

Secundò, quia habitus Philosophiæ, aut cuiuscumq; alterius scientiæ potest sine Logica utcumq; acquiri per aliquam demonstracionem faciliem, vt postea videbimus: ergo illo semel acquisito, poterit ipse absq; ministerio Logicæ disponere ad hoc, vt cõparetur sub statu perfectò. Probatur consequentia: quia Logica solùm potest esse necessaria ad habendũ perfectè scientias, quatenus ipsa præbet facilitatem ad definiendũ, diuidendũ, & argumentandum: sed vnaquæq; scientia in sua propria materia est facilitas ad huiusmodi opera exercenda: ergo semel acquisita imperfectè aliqua scientia sine Logica, poterit absq; illa, etiam in statu perfectò comparari.

Secunda sententiâ absolutè affirmat, Logicâ esse simpliciter necessariâ ad acquirendas scientias, etiâ

imperfectè. Sic docent inter alios Arauxo 2. Metaphys. q. 3. art. 3. & Gallego hic controu. 1. Quorũ fundamētum est: quia scientia etiâ in esse imperfecto acquisita est verè scientia, sicut animal imperfectum est verũ animal: sed non potest cõparari vera scientia sine Logica: ergo neq; etiâ scientia, quantumuis imperfecta. Probatur minor primò; quia nullus habet verã scientiã aliquius cõclusionis; nisi sciat illã resolvere vsq; ad prima principia, vt sumitur ex Aris. 1. Post. c. 2. sed sine Logica nullus scit resolvere etiam imperfectè, cû doctrina ista sit ex difficilioribus, quæ traduntur in Logica: ergo sine illa nõ potest acquiri vera scientia. ¶ Secundò probatur eadẽ minor; quia Logica est velut quædam causa vniuersalis, cõcurrens ad actus perfectos aliarum scientiarũ; ergo etiâ ad actus scientificos earum, quantumuis imperfectos, omninò necessarius est cõcursus illius. Patet cõsequentia in Sole, & alijs causis vniuersalibus, quarum cõcursus necessarius est ad generationẽ animalium, nõ solũ perfectorum, sed etiam imperfectorũ.

77 Dicendũ est tamẽ, Logicâ nõ esse necessariâ simpliciter, sed tantũ ad meliũs esse ad acquirendas scientias imperfectè, seu quoad aliquã, aut aliquas cõclusiones faciles: esse verò omninò, & simpliciter necessariâ ad acquirendas illas sub statu perfectò, seu vt includunt seriẽ cõclusionũ, quæ in eis demonstrantur. Hæc cõclusio quoad utrãq; partẽ cõmunior est inter Dialecticos, eamque docent plures Thomistæ, Mas. vbi

sup.

sup. Petrus de Bruxelis q. 1. Logica; Sanch. lib. 1. q. 2. noster Didac. à Iesu disput. 2. q. 1. & alij quos refert Gallego iam citatus.

Prior pars probatur, quia ad acquirendam aliquam scientiam sub statu imperfecto, sufficit conficere unam, aut alteram demonstrationem facilem in qualibet materia illius, ut dictum est: sed ad hoc non est simpliciter necessaria Dialectica: ergo neq; ad eas sic acquirendas. Probatur minor, quia in scientijs sunt aliquæ conclusiones, ita proximè innitentes principijs lumine naturali notis, ex quibus adeò euidenter, & facile sequitur conclusio; ut explicatis terminis, nullo negotio, tales demonstrationes conficiamus. Et ex alia parte ad cognoscendam bonitatem illationis sic per se manifestæ, sufficit Logica naturalis, ut testatur modus inuentionis ipsius Logicæ artificialis sup. nn. 5. explicatus: ergo ad acquirendas imperfectè scientias Logica non est simpliciter, sed tantum ad melius esse necessaria.

Secundam conclusionis partem probant ea, quæ pro secunda sententia adduximus. Non enim quis potest perfectè scientiam aliquam comparare; nisi sciât conclusiones omnes resolvere usque ad prima principia, cognoscatque bonitatem illationum, necessitatem, & condiciones præmissarum, deceptiones, quæ circa eas solent cōtingere, & alia plura in lib. Poster. explicanda, quæ satis ex se patet absque Logica artificiali consequi non posse: ergo ipsa ad scientias sub statu perfectò acquirendas est sim-

pliciter necessaria.

Confirmatur experientia, quia nullum vidimus absque Dialectica in alijs scientijs euasisse consummatum; cum tamen solius Dialecticæ ductu absq; alio magistro plures scientias multi comparauerint. Et quidem de B. Aug. Posidonius in eius vita ait, solius Dialecticæ fuisse discipulum. Econtrà verò ob imperitiā Dialecticæ veteres Philosophos in errores turpissimos lapsos fuisse testatur Arist. 1. Post. cap. 3. & alibi sæpè: ergo ipsa est simpliciter necessaria ad scientias perfectè acquirendas. Ex quo tandem fit, Dialecticam ante omnes illas esse tradendam, utpotè quæ ad ipsas est summè necessaria, ut explicatum est.

78 Ad primum argumentum primæ sententiæ respondetur, solum probare priorem partem nostræ conclusionis. Ex eo enim, quod habitus naturalis non sit simpliciter necessarius ad substantiam operis, solum concluditur, posse quidem sine Logica acquiri aliquam scientiam, quoad substantiam habitus, quod fit per quamlibet demonstrationem. Inde tamen non sequitur, Logicam non esse simpliciter necessariam, ut talis scientia extendatur ad omnes suas conclusiones, quia talis extensio quodammodo pertinet ad modum habitus, ut alibi explicabimus.

Ad secundam negatur consequentia. Ad cuius probationem respondetur, quod quamuis Philosophia, & aliæ scientiæ præbeant facilitatem ad conficiendas defini-

tiones, diuisiones, & demonstratio-
nes circa suum obiectum; non ta-
men ad cognoscendam ipsam na-
turam definitionis, diuisionis, aut
argumentationis: hoc enim facit
Logica: & ideo ipsa dirigit alias
ad definiendum, diuidendum, aut
argumentandum circa sua obiecta.
Vnde quamuis tales scientiæ semel
acquisitæ circa aliquam conclusio-
nem, disponant ad cognoscendas
alias; hoc tamen non est sine ope,
& directione Logicæ. Sicut quam-
uis virtus temperantiæ sit facilitas
ad exercendum actus eius; non ta-
men sine virtute prudentiæ dirigē-
tis, poterit quis medium temperā-
tiæ semper attingere.

Ad fundamentum secundæ sen-
tentiæ neganda est minor. Ad cuius
primam probationem respōdetur,
Logicam naturalē sufficere ad co-
gnoscendam aliquam demonstra-
tionem facilem, & bonitatem illa-
tionis eius: quod est virtualiter sci-
re resolvere ipsam in sua principia.
Neque ampliùs requiritur ad ac-
quirendā scientiam sub esse imper-
fecto, vt explicabimus in lib. Po-
steriorum agentes de scientijs sub-
alternatis. ¶ Ad secundum respō-
detur, solum habere vim contra
eos, qui asserunt, Logicam effectiue
concurrere ad actus aliarum scien-
tiarum, quod nos supra num. 39.
ostendimus esse falsum. Ex eo au-
tē, quod Logica sit simpliciter ne-
cessaria ad actus perfectos sciētia-
rum per modum dirigentis, nō se-
quitur eodē modo esse necessariam
ad actus imperfectos earum, vt in-
ductione patet in alijs artibus.

*Quis sit finis Logicæ, & in quas par-
tes sit diuidendæ.*

79 **D**E fine Dialecticæ nō fuit mi-
nor quàm de obiecto dilcep-
tatio. Alexander enim, & alij Græ-
ci asseruerunt, esse demonstratiōē:
argumentationem alij. Sed fallun-
tur vtrique; nā ad finem referuntur
omnia, quæ tractantur in scientia,
& ipse intra illam non refertur ad
aliud, quod tamen, neque argumē-
tationi, neq; demonstrationi cōue-
nit: vtraq; enim ordinatur ad sciē-
tiam; cū sit instrumentū eius. Et ex
alia parte ad argumentationē, aut
demonstrationē non ordinātur di-
uisio, genus, species, & aliæ plures
intēctiones, quæ tradūtur in Logica.

Rodolphus Agricolla 2. de inuē-
tione c. 3. existimauit, Logicæ finē
esse probabiliter disserere de qua-
libet re proposita. Et tandē Sthoy-
ci finem Dialecticæ esse dixerunt,
separare verum à falso. ¶ Sed hi
etiam decepti sunt. Nam probabi-
liter disserere tantum potest con-
uenire cuidam parti Logicæ, nēpē
topicæ. Præterquā quod id in aliud
ordinatur, vt patet, & sic nō potest
esse finis. Discernere autem verum
à falso, si sumitur pro cognitione
veritatis, cōmune est omnibus sciē-
tijijs speculatiuijs; si verò pro instru-
mento, quod propriè discernit; cū
hoc sit sola argumentatio, iam non
potest esse finis totius Dialecticæ,
vt patet. Si autem Sthoyci, per ve-
rum à falso discernere, intelligant,
vel quemlibet modum rectè cog-
noscendi veritatem, vel disponere in-

intellectum, ut verum à falso discernat, licet non ita propriè loquantur, non tamen omninò à veritate aberrant.

80 Pro solutione ergo difficultatis notandum est primò, finem, ut ad præsens attinet, esse *id, cuius gratia alia omnia traduntur in scientia*. In qua definitione includantur plures cōditiones finis, quæ à Doctoribus assignantur, ut quod sit aliquid bonum, ultimum, & de quo nulla sit in illa sciētia cōsultatio. Quod sit bonum, patet: nam si eius gratia aliquid fit, ergo appetitur. quod autem amatur, bonum est, ut patet ex i. Ethic. c. i. Quod sit ultimum, etiam constat: nā si omnia traduntur in tali scientia propter finem: ergo ipse nō traditur propter aliud in illa sciētia: atque adeò erit quid ultimum intra illam. Quod si finis est quid ultimum, repugnabit esse de illo consultationem, cum hæc sit necessariò de medijs ex Arist. 3. Ethicorum. cap. 3. Exemplum patet in Medicina, cuius finis est sanitas: quia eius gratia traduntur omnia in tali arte: & consequenter sanitas est quoddam homini bonū, ut constat; & similiter ultimum, siquidem ad sanitatē præcepta omnia Medicinæ referuntur, & ipsa aliò non refertur intra eandem artem. Neque vilis Medicus consultavit, an sit sanandus ægrotus, nec ne: sed quibus medijs possit illi deperdita salus restitui.

Secundò, notandum est, finem sic explicatum esse duplicē, iuxta duo genera artium, quæ reperiuntur. Alię enim appellantur ancillæ; quæ sci-

licet administrant instrumentū ali- quod alteri arti superioris; ut ars frenofactoria, quæ ministrat frenum militari. Alię appellantur reginæ; quæ scilicet utuntur instrumentis ab ancillis ministratis, ut militaris, quæ utitur freno. à frenofactoria ministrato. Artes ergo, quæ vocantur ancillæ, habent duos fines, alterum intra ipsam artem, qui est instrumentum ipsum à se cōstitutum: & alterum extra ipsam, qui est finis ipse artis superioris, & reginæ: nam cum ancilla intrinsecè respiciat dominam, non solum habet pro fine opus à se factum, sed finem ipsum, quem regina intendit. Primus appellari potest finis proximus; alter verò remotus. At verò artes, quæ appellantur reginæ, cum nulli inserviant, unico tantū fine gaudent, ut cernere licet in exemplo allato: militaris enim solum intendit victoriam: frenofactiva verò, & frenum, & victoriam.

81 His suppositis: facillè est colligere, quis sit finis Logicæ docentis (de utente enim postea dicemus.) Cum enim Logica docens, ut suprà vidimus, licet sit scientia speculatiua, veraque pars Philosophiæ; tamen etiam est instrumentum, & ministra aliarum; inde est, quod in ea duplex finis sit distinguendus, proximus scilicet, & remotus. Quorum prior erit cognitio sui obiecti, nempe secundarum intentionum, posterior verò comprehendit fines omnium aliarum scientiarum. Est enim Logica ministra quædam, nō huius, aut illius scientiæ in speciali, sed generalis

omnium; propter quod appellatur ars artium: & sic intendit vt finem remotum, non finem pecularem huius, vel illius scientiæ; sed generale aliquid, & commune, in quo omnes conueniant. Quare, cū omnes scientiæ huc tendant, vt perficiant intellectum, & dirigant ad recte operandum circa suum obiectum, vt explicuimus supra numero 14. & 15. cōsequens est, vt finis remotus Logicę sit perficere, & dirigere intellectum in suis operationibus, vt in quacumque materia recte, & sine errore fiant.

82. Non est autem hoc loco prætereundum discrimen inter Logicam, & alias artes, quæ appellantur ancillæ, quod non parum cedit in honorem Dialecticę. Illæ enim ministrant superioribus, efficiendo instrumēta, vt patet in frenesactoria, quæ efficit frenum, & factū tradit militari, vt eo vtatur. Et ideo huiusmodi artes propriè dicuntur ancillæ, quia non per modum liberi, sed per modum serui famulantur. Logica verò, cū nullum habeat vsum in alijs scientijs, vt sæpè dictum est, non ministrat illis efficiendo earū definitiones, diuisiones, & demonstrationes, sed docendo, quomodò efficienda sunt huiusmodi instrumenta. In quo deficit à propria ratione ancillæ: quia non ministrat alijs scientijs seruiliter, & operando, sed docendo, & consiliando: & ideo melius appellatur consiliatiua, aut magistra, seu pedagogus illarum.

De Logica autem vtente consequenter ad dicta dicendum est, finē

eius esse opinionē obiecti probabilis, & existimationē apparētis, quæ per syllogismū topicū, & sophylliticum generantur. Cū enim Logica solū habeat vsum in parte topica, & sophistica, vt ostendimus sup. n. 38. aliunde autē cognitio, seu contemplatio syllogismi topicī, & sophistici pertineat ad Logicam docentem, consequens est ad vtētem solū posse pertinere cōstructionem talium syllogismorum. Vnde finis Logicę vtentis, vel erūt ipsi syllogismi, vel eorum effectus, qui in syllogismo topico est opinio obiecti probabilis, & in sophistico existimatio apparētis: at syllogismis ipsis nō potest propriè conuenire ratio finis, neque conditiones eius, cū ordinentur ad producendā opinionem, vel existimationem obiecti: ergo ipsa obiecti probabilis opinio, & existimatio apparētis sunt finis Logicę vtētis, quod intēdimus.

83. Tandem circa partitionē Logicę nulla restat ex dictis difficultas. Licet enim antiqui alijs diuisionibus vtantur, nemo tamē negare potest, illam esse optimā, quæ ex obiecto desumitur. Doctores ergo, qui asserunt, obiectum adæquatū Logicę esse modum sciendi, prout tantū comprehendit diffinitionē, diuisionem, & argumentationē, recte Logicam cum Boecio diuidūt in rationem diuidendi, diffiniendi, & argumentandi. Quam diuisionem amplectuntur ex Arabibus Aniceina, & Alfaraius, laudatque B. Albert. tra&. 1. in Porphy. cap. 3.

Nos autem, qui latius patere diximus obiectum Logicę, extendi-

quē

quæ ad alias intentiones logicales, diuidemus Logicam iuxta earû diuisionem, quæ ex nullo alio capite aptius desinitur, quæ ex ipsis operibus intellectus, ex quibus tales intentiones resultant. Quare cû D. Tho. 1. Perih. lect. 1. & 1. Post. lect. 2. quem sequuntur Caiet. Sor. Tol. & cõmuniter Doctores, iuxta triplicem operationẽ intellectus, Logicam partiemur in tres partes generales. Quarum *prima* sibi vendicat explicandas intentiones, quæ primæ operationi dirigendæ deferuiunt, completiturque Porphyrij Isagoge, & prædicamenta Aristot. In *secunda* erit sermo de secundis intentionibus, quibus dirigitur secunda operatio intellectus, circa duos lib. Periherm. Et tandem in *tertia*, quæ cõtinet duos libr. Prior. duos Poster. octo Topicor. & duos Elench. agemus de secundis intentionibus tertiam operationem dirigentibus.

APPENDIX.

De methodo, seu modo procedendi.

84 QVanta sit vis methodi in omnibus disciplinis, ignorant proculdubio illi Dialectici, qui nec verbum vnũ de ea faciunt, sed nouerunt opinione duo illa Philosophia lumina, Galen. & Aristot. qui nullã partem Philosophiæ explicandam susceperunt, quin prius methodum, qua illa facilius comparetur, traderint. *Ego semper* (ait Galen. in lib. Num. ars tuendæ sanitatis ad Medicũ spectet) *idẽ cõseo: nequẽ enim unquam, vel tradidit, vel docuit, artẽ aliquam, cuius methodum prius nõ*

didicerim, & in ea non me exercuerim. Idque ad vnguem obseruauit Aris. in omnibus suis operibus. Videatur 2. Metaph. c. vltimo, vbi elegãter differit de methodo, seu modo procedendi in omnibus sciẽtijs. Ex cuius doctrina D. Thom. ibidẽ docet, propriũ esse Logicæ tradere communes modos procedendi in alijs scientijs. Videamus ergo breuiter quid, & quodplex sit methodus, & quæ earum sit præstantior, vbi præcepta aliqua annexamus pro meliori applicatione methodi ad singulas materias. Quod præstabitur non omninò disputado, sed percensendo, neque enim discussio exacta est valde necessãria in hac materia. Pro qua tamen videri potest Carpentarius in disputatione de methodo aduersus Ramum, vbi doctẽ illum confutat, eò quòd asseruerit Aristot. in Philosophia, & Dialectica nullam seruasse methodum, illum propterea appellans ammethodicum. Quam ineptam opinionẽ cõfutat etiam Lemosius lib. 2. Paradox. dialect. errore 10. Disputant etiam de methodo inter alios Monzon lib. 1. compositionis dialecticæ, Villalp. q. vlt. proœmiali. Interpretesque Galen. sed precipuẽ Ioãnes Argent. in commentarijs in artem paruam, & latissimẽ Iacobus Zabarella in quatuor lib. quos conscripsit de methodo.

85 ¶ Varijs. nominibus solet appellari methodus. Veteres quidem ante Hippocratem appellabant *viã rectã*: aliquando etiam ab Arist. dicitur, *peritia*, vt primo de partibus animalium cap. 1. aliquando

quando *modus sciendi*, vt loco sup. adducto ex 2. Metaphys. aliquando *doctrina*, seu *disciplina*: nã vbi nos 1. Physicor. cap. 2. habemus, *omnis cognitio, & disciplina*; & vbi 1. Ethic. cap. 1. habemus, *omnis ars, & doctrina*, in textu græco, loco *doctrina, & disciplina*, habetur *methodus*. A Quintiliano etiam 1. lib. Institutionum appellatur, *breue cõpendium*: & tãdem à Cicerone aliquando dicitur, *via*, & aliquando *doctrina*, vel *peritia*.

Methodum sub nomine peritiæ definit Aristot. loco citato de partibus animalium. Ex quo loco, & alijs definitionibus, quas sæpè affert Galenus, sic possumus methodum describere: *Methodus est via communis, & ordinata, qua breuiter, & cū ratione ad optatum finem peruenimus*. Vel breuius: *Methodus est modus ordinatus procedendi in veritatis indagine*. Vbi aduertendum est, ex Hippocrate in lib. de hominis natura, duas esse vias indagandæ veritatis: alteram per sensum, & experientiam, vt qui scire desideras, an ignis sit calidus, manum illi applicaret: alteram per rationem, vt si ad sciendam ignem esse calidum, vteretur ratione petita ex Philologia, ex eo, quod sit tenuis, rarus, &c. Prima non pertinet ad methodum, sed secunda. Nam cū methodus versetur circa vniuersalia, sensui, & experientiæ inniti non potest. Et propter hoc in prima descriptione posuimus illam particulam, *cū ratione*, & in secunda, *modus ordinatus*: vtraq; enim denotat viam illam, quæ reperitur in

methodo, debere esse per rationem, & non per sensum.

86 ¶ Variè diuiditur methodus à Doctõribus. Nam Auctõr Rhetoricæ ad Herenium, lib. 3. c. 3. sub nomine dispositionis, diuidit methodum in eam, quæ progreditur ex instituto artis; & in eã, quæ se accommodat ad casum temporis. Prima vtitur, qui iuxta artis præcepta progreditur; vt si in oratione, prius vteretur exordio, deinde narratione, tertio diuisione, quarto confirmatione, quinto cõfutatione, & sexto epilogo: nã ita præscribit Rhetorica. Cæterum si quis, propter temporum angustias, aut propter aliã occasionem ex ordiretur, vel à cõfutatione, vel aliundè, prætermisso exordio, aut narratione: ille vteretur secunda methodo, scilicet se accommodante ad casum temporis.

Rodolphus Agric. 3. de inuentione Dialect. c. 6. diuidit methodum in naturalem, arbitrariam, & artificiosam. Sub naturali cõprehenduntur omnes methodi, quæ procedunt iuxta regulas ordinarias artis; siue procedant cõponendo, siue resoluendo, de quo infra. ¶ Methodus arbitraria est illa, in qua, prætermissa methodo naturali, ad arbitrium, aliqua ratione cõpellente, aliū ordinem sequimur. Quod nos ex parte obseruauimus sup. in institutionibus, agētes prius de modo sciendi, quã de terminis: & in his proximalibus prius inuestigātes differentiam Logicæ, quæ sumitur ex obiecto, quàm genus eius. Quod item obseruauit Porphy. in prædicabilibus, agēs prius de specie, quàm de differentia: & Arist.

in prædicamentis, disputans prius de relatione, quàm de qualitate, vt ibi videbimus. ¶ Methodus artificiosa vocatur illa, in qua de industria peruertimus totum ordinem, ita vt posteriora prius, & priora posterius tradâtur. Quæ methodus familiaris est Oratoribus, & Poëtis. Vnde Virg. lib. 1. Aeneadum tradit nauigationē Aeneæ in Carthaginē: & 2. lib. canit excidiū Troianum: cum tamen prius Troia destructa fuerit, quàm quòd Aeneas ad Carthaginis oras appullerit. Et, quod amplius est, hac etiā methodo vtūtur aliquando Euangelistæ, interdū prius referentes, quæ posterius facta sunt, vt patet Marc. 14. vers. 23. & notât cōmuniter Doctores, qui historiam Euangelicam texunt.

Cæterum, quamuis hæ diuisiones optimæ sint, tamen non multum cōferunt Philosophis, & ideo non sunt ita propriæ dialecticæ. Non enim scientiæ vtuntur omnibus his methodis. Nam methodus artificiosa nullæ scientiæ deseruit. Methodo autem arbitratoria, licet aliquoties in scientijs vtamur, frequentius tamen vtimur methodo naturali, & ideo de hac deinceps agemus.

87 ¶ Diuiditur ergo methodus naturalis in methodum cōpositionis, & resolutionis. Methodus cōpositionis est via, in qua progredimur à simplicioribus, & prioribus, ad magis composita, & posteriora; quod quatuor modis potest cōtingere. *Primo*, quando procedimus à simplicioribus ad magis composita, vt quando Grammaticus pro-

greditur à literis, ad syllabas; à syllabis, ad dictiones; & ab his, ad perfectas orationes. Quem modū, vtpotè magis tyronibus accommodatū, ex parte etiam obseruauimus in Summulis, agētes in primo lib. de terminis, deinde de propositione, & vltimo de argumentatione. *Secundo*, quādo progreditur à magis ad minus vniuersalia, vt si disputaturi de animalibus, prius ageremus de animali in communi, & postea de homine, vel alio speciali animali. Quem modum obseruauit Aristot. in tota Philosophia, & in libris de partibus, & historia animalium. *Tertio*, quādo proceditur à causis ad effectus. Quem modum obseruaret, qui disputaturus de eclipsi lunæ: prius ageret de interpositione terræ. *Quarto* tandem, quando progredimur à medijs ad finem. Quem modū obseruat Architectus, faciens prius fundamentum, erigens deinde parietes, & tandem constituens tectū, ad quod sequitur secura, & commoda habitatio, quæ est finis.

At verò methodus resolutionis, cum sit contraria methodo cōpositionis, erit contrario modo definienda, & diuidēda. Est ergo via, in qua progredimur à magis compositis, & posterioribus, ad simpliciora, & priora. Quod consequenter alijs quatuor modis cōtingit. *Primo* à cōpositionibus ad simpliciora, vt in Grammatica ab oratione ad dictiones, &c. *Secundo* à minus ad magis vniuersalia, vt ab homine ad animal. *Tertio* ab effectu ad causam; vt ab eclipsi ad interpo-

sitio-

sitionē terræ. Quarto à fine ad media, vt à sanitate ad medicamenta.

88 ¶ Ex his duabus methodis, methodus resolutionis est accommodata ad artes inueniendas: nā ex notatione finis artes sunt adinuētæ. Et ita Aristot. ex demonstracione, quæ est vltimum in Dialectica, inuenit totam artē. Quia enim ad demonstrationem necessariæ sunt propositiones, de illis egit in lib. Periher. & quia ad oppositiones necessarij sunt termini simplices, de illis egit in libro Præd. Methodus autē cōpositionis, præcipuē duobus primis modis, apta est ad disciplinas tradēdas. Cū enim ars imitetur naturā, teste Arist. 1. Phis. c. 3. & hæc in suis operibus progrediatur, vel à simplicibus ad cōposita, vt patet in elementis, ex quibus procedit ad mixta, vel ab vniuersalioribus ad minus vniuersalia, vt patet in generatione hominis, in qua iuxta doctrinā eiusdē Arist. 2. de Gener. animalium, c. 34. prius embrio est viuēs, deinde animal, & postea homo: consequēs est, vt ars quælibet tradēda sit methodo cōpositionis. Huius methodi utrūq; modū in hac Logica seruaturi sumus: nā ab intētionibus rerū simplicium ad propositiones, & ab his ad argumentationē cū Arist. deueniemus, iuxta tres generales partes, quas promissimus, & in vnaquaq; earū ab vniuersalioribus ad minus vniuersalia descendemus.

89 ¶ Tandē ad doctrinā de methodo singulis materijs rectē applicandā plura præcepta tradūtur. Quæ magis necessaria vidētur, sunt. Primum, vt in omni re habēre princi-

pia, causas, vel elementa; ab illis disputatio incipiat. Quod præcipit, & obseruat Arist. 1. Phis. c. 1. nā acturus de corpore, prius disputat de principiis eius, nempe materia, & forma. ¶ Secundū est, vt quantum fieri possit, procedatur ab vniuersalioribus ad minus vniuersalia, vt sup. dicebamus. ¶ Tertiū, vt procedatur etiā, quātū fieri possit, à notioribus nobis ad notiora naturæ. Sic præcipit, & obseruat Arist. in Metaphisica, vbi acturus de substantijs separatis, prius egit de materialibus. ¶ Diximus, *quantū fieri possit*: quia aliquādo præcepta ista possunt se mutuū impedire; & tunc obseruandū est sequens præceptū.


Quartū, & maximē notādū præceptum est, vt in tradēda qualibet disciplina habeatur ratio, tū rerū, quæ tractantur, tū etiā auditorū, quibus proponuntur. Primum docuit Plato in Phædro, & Arist. 1. Ethic. c. 3. Nō enim res omnes eodem genere argumentorū sunt pertractandæ: sed res sēpiternas, & omnis mutationis expertes exactissimis demonstrationibus, quantum fieri possit, oportet discutere: ac caducæ, & quæ statim labūtur, satis erit, si rationibus verò similibus, & probabilibus pertractentur; neque enim in omnibus rebus quærenda est eadē certitudo, & acrobologia mathematica, vt inquit Arist. 2. Metaphys. cap. vltimo. De quo videri potest D. Tho. ibidem lect. 5.

90 Quod autē etiā auditorum sit habenda ratio in tradēdis disciplinis, præcipiunt Pythagorici, vt testatur epist. Lyſidis ad Hiparcum.

Idq; docet Plat. epist. 2. ad Dionys. & Porphyr. in lib. Responsionū. Nā tyronibus alicuius artis non sunt alta mysteria proponenda: proe-
 ctioribus autem proponi poterunt res sublimes, & accuratissime demō-
 strationes. Huc spectat quod Plat. in Thimeo docuit, res omnes esse animatas anima quadā se diffundē-
 te per illas: cū tamen in alijs locis docuerit sola animalia esse anima-
 ta. Non quod summus Philosophus sibi contrarietur, vt notat optimē Galenus in libello de substantia facul-
 tatū, sed quia diuersos audito-
 res instituebat. Nam corā rudibus, qui percipere non possunt esse alia animata præter animalia, docuit sola animalia esse animata: at corā proe-
 ctioribus, quos in Thimeo

instituebat, aptique erant ad pro-
 funda quęq; mysteria penetranda, docuit hoc recōditum mysterium: omnia scilicet esse animata.

Ex quo nō parū reprehēditur ab-
 usus quorūdā dialecticorū nostri tē-
 poris. Nihil enim se fecisse putāt: sū in ipso limine Dialecticę subtilio-
 res Metaphysicę quęstiones nō per-
 tractant. Et quod peius est, ij, quī regulas rectē procedēdi seuerē ob-
 seruant, vt ignorantes spernuntur. Cedemus ergo nos aliquando ab-
 usui, ut morē nostri tēporis sequa-
 mur, interdū attingētes metaphy-
 sicas quęstiones, vel quia erunt ad nostrū institutū necessarię, vel quia alio cōmodiori loco non potunt pertractari. Id tamen rarō fiet. & ita, vt propria non omittamus.



PRIMA PARS LOGICAE

DE SECVNDIS INTENTIONIBVS, QVI- bus dirigitur prima operatio intellectus.

IUNC Prima operatio intellectus censetur directa, quando res simplices apprehēdūtur, sicut sunt in se. Quod magna ex parte fit, quando intellectus cognoscit rationes genericas, in quibus unaquęq; res cū alijs cōuenit, & propriam diffinitū, per quā ab eis distinguitur. Ad quod perfectē consequendū oportet noscere, tū ipsas intēctiones generis, & differētię: tū etiā res ipsas, seu perfectiones reales, quę ab illis denominātur. Si enim has ignoret, cōsequenter ignorabit, quę earū pro genere, quę verō pro differētiā in diffinitione collocāda sit. Quod vt cōmodius fieret, opus fuit res omnes, quę in mūdo sunt, ad certa genera reuocare. Cū enim ens incomplexū, quod est obiectū primę operationis, sit cōfusē dispersum in vniuersō, vt patet de albedine, quę cōfusionē quadā cū figuris, cum quęritate, aut relatione mixta est: difficillimū foret circa quodcumq; incomplexū intellectus acie figere, nisi rerum ordines distinguerentur, & sic diuisa, ad certa capita reuocarentur.

Hac de causa Aristoteles in libro Prædicamentorum omnia entia realia ad decem classes reduxit: ut sic facile possemus rerum omnium essentias inuenire. Quia tamen prædicamenta solum pertinent ad institutum dialecticum, ut obiectum materiale, secundum quod in se recipiunt intentiones generis, & speciei, ut dictum est: ideo oportuit ante librum Prædicamentorum de huiusmodi intentionibus disputare. Et inde emanauit communis Dialecticorum usus, præmittens Porphyrij Isagoge de quinque vniuersalibus; quem ordinem nos etiam obseruabimus. Sed priusquàm ad Porphyrij tractatum accedamus, sit

DISPUTATIO SECVNDA de enterationis.

QUAMVIS Nulla scientia inferior, habens pro obiecto aliquam determinatam speciem entis, consideret per se gradus genericos talis obiecti (non enim Philosophia per se considerat gradum substantiæ, qui inuenitur in corpore: neque Arithmetica rationes entis, aut accidentis, quæ inueniuntur in numero; & sic de alijs) tamen absque aliquali talium graduum notitia à scientia superiori mutuata, non potest scientia inferior commodè procedere. Hac de causa, quamuis Logicæ obiectum sit quædam determinata species entis rationis, ut disp. I. nu. 3. explicuimus: & per consequens ad Logicam per se non pertineat de ente rationis in cõmuni disputare: quia tamen, absque aliquali eius notitia, non poterit perfectam sui obiecti cognitionem comparare: meritò hanc disputationem instituiamus, eam à Metaphysica mutuantes, ad quam pertinet consideratio entis rationis in communi.

QVÆSTIO PRIMA.

An detur ens rationis?

QUId nomine entis rationis significetur, disp. I. n. 1. explicuimus. Pro maiori tamen eius notitia, & tituli intelligentia sciendum est, ex D. Th. opusc. 48. tract. 2. c. 1. quod ens in anima, seu rationis dicitur multipliciter. *Primo* effectiue: ut arca (inquit) est in mente artificis, antequam fiat: & generaliter omnes effectus intellectus, siue naturales, siue artificiales appellantur hoc modo entia rationis. *Secundo*, subiectiue: sicut scientia, aut quilibet habitus, vel actus, aut etiam species intelligibiles; quæ omnia sunt in intellectu tanquam in subiecto. *Tertio* tandem, obiectiue: per modum scilicet ob-

iecti

iecti cogniti, sicut sunt res omnes, quæ intellectui præsentantur. Quæ adhuc sunt in duplici differentiâ. Nam, vel tales res habent esse extra intellectum, & hæc sunt entia realia, vel nullum aliud esse habent, quam obijci ipsi intellectui, ita ut intellectus cognitione cessante statim evanescant; & hæc propriè appellantur entia rationis. De quibus inquiri difficultas, an sint admittenda, necne?

4 Partem negativam defendunt Balles, q. 10. Philosophiæ, & Bern. quidam Mirand. (non Picus Mirandul. ut citat Murcia nominâ similitudine deceptus.) Mairon, & alij quos refert Araux. lib. 3. Metaphysicæ q. 1. art. 2. Quam etiam reputant probabilem plures moderni.

Probatur 1. quia ens rationis nullas habet causas sui esse: ergo ipsum non est possibile, seu factibile. Cōsequentia patet: quia repugnat aliquid creatum habere esse, & nō ab aliqua causâ. Antecedēs vero probatur, quia remota causâ efficienti, remouetur etiam aliâ causâ; si quidem efficiens est, quæ respiciens finem educit formâ ex materia: sed nulla datur causâ efficiens entis rationis; quandoquidem intellectus, à quo solo poterat procedere, causat media efficientia, seu actione reali, quæ necessariò terminatur ad effectum realem: ergo ens rationis nullas habet causas.

Secundò; quia ens rationis, antequam cognoscatur, nullo modo est, ut supponimus: ergo nō est cognoscibile; ergo neq; ens. Patet hæc vltima consequentia: quia eo modo,

quo aliquid est ens, est cognoscibile: sed id quod appellatur ens rationis, ante cognitionē est omnino nihil: ergo est incognoscibile, & per consequens non potest terminare cognitionē. Quo modo enim cognoscetur, quod ante quàm cognoscatur non erat cognoscibile?

Confirmatur, & explicatur hæc ratio: quia id, quod in actu secundo intelligitur, debet præsupponi intelligibile in actu primo: sed ens rationis, antequam actu cognoscatur, non præsupponitur cognoscibile, ut probatum est: ergo nullū potest habere esse per ipsam cognitionē. Probatur maior: quia obiectum nō fit intelligibile per ipsam cognitionem intellectus possibilis, sed per actionem intellectus agentis, quæ illi præsupponitur: ergo quidquid in actu secundo cognoscitur, sinē cognoscatur ut obiectum primariū, sinē ut obiectum secundariū, proportionabiliter præsupponitur factum cognoscibile ab intellectu agente.

Tertiò tandem, quia si daretur ens rationis, consequenter concedendum esset, posse dari genus absque speciebus; essentiâ absque passionibus; & passionibus absque essentiâ; quæ omnia videntur absurda. Probatur sequela: quia si daretur ens rationis, totum suum esse, esset cognosci: sed posset cognosci gradus genericus entis rationis, v.g. gradus vniuersalitatis, qui inuenitur in quinque prædicabilibus, absque eo quod actu cognoscatur propriæ rationes vniuersalesque; similiter posset cognosci vniuersale, absque prædicabilitate, quæ est pas-

sio eius; & prædicabilitas, absque vniuersali: ergo actu daretur genus absque speciebus; essentia absque passionibus; & passio absque essentia.

5 Nihilominus dicendum est, necessarium concedenda esse entia rationis. Hæc conclusio est communis consensus Peripateticorum. Quæ docuit Arist. 4. Metaph. textu 13. & 14. & lib. 6. textu 8. D. Thom. tum locis sup. disp. 1. num. 17. adductis, tum etiam in 1. distinct. 26. q. 2. art. 1. & 1. par. q. 28. art. 1. ubi Caietanus, & communiter expostores.

Probatur primò, sumpta ratione in contrarium, ac fumebat opposita sententia, quia ens rationis est per se, & directe scibile: ergo etiam est intelligibile: & per consequens possibile. Consequentiæ patet, quia scibilitas est quedam specialis, & perfecta intelligibilitas. Antecedens verò latè ostensum est loco citato, ubi probauimus obiectum formale Logicæ esse ens rationis.

Secundò probatur experientia: quia priuationes, & negationes cognoscimus: sed nò vt in se sunt, quia sic sunt nihil: ergo cognoscuntur, ac si essent aliquid: ergo tunc, quæ nullum esse habet à parte rei, habet esse obiectiue in intellectu, quod est ens rationis à nobis intentum.

Tertiò, quia hæc propositio est vera, *animal est genus*: ergo de animali enuntiatur aliquid, quod illi conuenit. Sed non enuntiatur aliquid prædicatum, aut esse reale, vt patet: ergo enuntiatur aliquid prædicatum, aut esse illi per rationem conueniens.

Confirmatur, quia quædo distinguimus, quæ à parte rei sunt idem; quando iungimus, quæ à parte rei sunt distincta, & quædo cõparamus ea, inter quæ nullus est ordo realis (quod in rebus tractandis sæpè necessarium, sæpius autè vtilissimè esse experientia ipsa testatur) cognoscimus illa, ac si verè essent distincta, vel haberent veram vnionem, aut relationem: ergo cognoscimus, quod non est, ac si esset: & per consequens tunc est in intellectu aliquid esse obiectiue, quod non est in rebus. Hoc autem vocamus ens rationis; ergo possibilia sunt, & de facto dantur entia rationis.

6 Ad argumenta respondetur. Ad primū negatur antecedens. Ad cuius probationem Suarez disp. 54. Metaph. sect. 2. concedit quidè ens rationis, eo modo quo est ens, habere causam efficientem sui, id tamen de alijs causis, & maxime de finali renuit cõcedere. ¶ Immerito tamen. Nò est enim cur in entibus rationis causæ efficienti non correspondeat sua finalis, iuxta generalem doctrinam de connexionem harum causarum. Maxime cū intellectus sæpè formet entia rationis, vt res rectè, & sine errore cognoscat, ad quæ finem ex natura sua ordinantur intentiones logicæ: ergo nò solū cognitio ipsa intellectus, qua formatur ens rationis, habet causam finalem, vt inquit Suarez; sed ipsi etiā enti rationis correspondet causa finalis sibi proportionata.

De materiali etiā cõstat: nam vt quæstione sequenti videbimus, ens rationis non est pura denominatio

extrinseca, sed ad modum formæ quasi intrinsecè subiecta denominat; vnde res ipsæ denominatæ habent rationē causæ materialis respectu illius. Ipsumq; consequenter erit quasi causā formalis illarum, & sic nō indigebit alia causā formali.

Quare solū restat respondere ad id, quod de causā efficienti adducitur in argumento. Concedimus ergo ens rationis non habere causā efficientē propriē dictā; quæ scilicet verè, & realiter influat in effectum. Sicut enim ens rationis non habet esse verum, & reale; ita etiam non potest esse effectus causæ verè, & realiter influentis, & ideo nō fit per propriam actionem realē, aut etiam per veram, & realem emanationem, sed sicut est ens secundū quid, & quasi umbra, & similitudo entis realis; ita etiā secundū quid dicitur fieri, aut esse effectum, per similitudinē ad ens reale, quatenus ex operatione intellectus res aliter, ac sunt in se, cōcipientis, intelligitur in illis resultare quoddā esse fictū, quod tantū habet esse obiectivē in intellectu.

Quomodo autē hoc fieri possit, explicat benè noster Didacus à Iesu, disp. 3. quæst. 1. distinguēs in intellectu duplicē quasi efficientiam: aliam, quæ dicitur facere effectum; & aliā, quæ dicitur facere obiectū. Sit exemplū in verbo mētis, quod quando intellectus primò format per actū directū, dicitur facere effectum, quia tunc verè, & realiter producit illud. Quādo verò per cognitionē reflexā cognoscit idē verbum, dicitur facere illud obiectū;

quia tūc facit, ut id, quod erat effectum intellectus, obijciatur cognitioni eius, quod est esse obiectum. Efficientia ergo, quæ intellectus dicitur facere effectum, exigit actionē, aut emanationē realē, quia per illā cōmunicatur effectui verū esse reale. Efficientia verò quæ intellectus dicitur facere obiectum, prout sic nō terminatur ex natura sua ad cōmunicandū aliquod esse reale; & ideo non exigit similē actionē, aut emanationē; sed est pura denominatio extrinseca, quādo res cognoscitur secundū esse, quod habent à parte rei; quando verò intellectus cognoscit eas aliter, ac sunt in se, facit quidē illas obiectū, nō præcisè denominādo cognitās, sed cōmunicando illis quoddā esse fictū, ratione cuius terminent cognitionē, ut magis constabit quærit. sequenti.

7 Ad secundū respon. cōcedendo antecedēs. Inde tamē nō sequitur, ens rationis, ante quā cognoscatur, absolutē non esse cognoscibile; sed quod nō sit prius cognoscibile, quā cognoscatur. Hoc autem ideo est, quia actu cognosci, est de essētia entis rationis. Quādo verò actus est de essētia entis; potētia ad illū actū non antecedit in illo ente, ut patet in Deo, in quo quia actu existere, aut intelligere est de essētia eius, nō antecedit istos actus possibilitas existendi, aut potestas intelligendi.

Ad confirmationē respōdet benè noster Didacus ubi supra, distinguendo duplex intelligibile. Aliud, respectu cuius intellectus cognoscitur cōparatur ut passum; vnde etiam passibilis denominatur: &

hoc est, quod sit proximè intelligibile ab intellectu agente, supponiturq; actioni intellectus possibilis. Aliud verò est intelligibile; respectu cuius ipse intellectus possibilis potius comparatur ut agens: & hoc non potest supponi illius actioni, ut patet; siquidem producitur per illam. Et huiusmodi est ens rationis. Quod consequenter, non tam ratione sui, quam ratione obiectorum realium, præsupponit operationem intellectus agentis. Sed de hoc redibit sermo: infra quæstio. 3.

Ad tertium respondetur concedendo sequelam, in qua nullum est inconueniens: quia sicut in entibus realibus prædicata superiora possunt optimè cognosci absque inferioribus; & essentia absque passione, & è contra: ita in his entibus unum potest esse absque alio, quia in eis idem est esse, & cognosci, ut potest quæ recipiunt esse per ipsam cognitionem. Ratio autem utriusque est: quia inferiora non sunt de essentia superiorum, neque essentia est de essentia passionis, vel è contra, & idè in entibus realibus superius potest intelligi absque inferiori, &c. Et in entibus rationis unum potest absque alio esse. Quia tamen superius est de essentia inferioris, idè repugnat, quòd in entibus realibus inferius intelligatur absque superiori, & quòd in entibus rationis sit absque illo. Ex quo tandem fit, quòd licet genus possit esse absque specie, non tamen species absque genere.

QVAESTIO II.

An in sola denominatione extrinseca, vel in aliquo esse fito consistat essentia entis rationis?

8. **EX** dictis quæstione præcedenti manet etiam aliquantulum explicata essentia entis rationis; sed constabit plenius ex hic dicendis. Vbi pro tituli intelligentia sciendū est, denominationem esse duplicem; aliam intrinsecam, & aliam extrinsecam. Intrinseca est, quæ sumitur à forma existente in ipsa re denominata; extrinseca verò est, quæ sumitur à forma existēte in alio subiecto; ut albedo, intrinsecè denominat parietem album, quia existit in illo; sed visio extrinsecè denominat eundem parietem visum, quia non existit in illo, sed in vidente. Quò fit, ut eadē forma denominet intrinsecè subiectum, in quo est, extrinsecè verò terminum, quem respicit; unde in subiecto ponit ali-quod esse reale (si forma sit realis) in termino verò nihil reale ponit, quamuis denominet illum realiter tale, ut postea dicemus.

Plura alia circa essentiam denominationis, & denominatiuorum dicenda sunt à nobis in antepædicamèris. Nunc solum est addendū, quòd quamuis, *Denominatio, denominari, denominatiuum*, & alia huiusmodi, propriè, & formaliter loquendo, non pertineāt ad ordinem rerum, sed potius ad ordinem nominum, siquidem res, non ut res sunt, sed ut nominibus significātur, dicuntur denominari, aut denominatiuæ, ut patet ex diffinitione nomi-

nominiatiuorum ab Arist. tradita loco citato; ac proinde, de nominatione ipsa sic pro formali sumpta, sit ens rationis; siquidem est ipsa significatio, vel deriuatio nominis: quāuis, inquam, hæc ita sint; in præsen-^{ti} tamē non loquimur de denominatione in hoc formali sensu, sed materialiter, & vt continetur in ordine rerum, secundū quod forma tribuēdo suum effectum formalem subiecto, vel respiciendo terminum, dicitur intrinsecē, vel extrinsecē denominare illa. In quo sensu, quando forma denominans est realis, verē dicimus denominationem, tam intrinsecā, quā extrinsecā dari à parte rei: paries enim à parte rei dicitur albus ab albedine sibi inexistente, & à parte rei dicitur visus, à visione existente in animali. Loquendo ergo in hoc sensu, inquit questio: an essentia entis rationis cōsistat in aliqua denominatione extrinseca ab intellectu, vel aliunde proueniente; an potius sit aliquod esse fictū, resultans in obiecto ex ipsa cognitione, illudque admodū formę intrinsecę denominans.

9 Prima sententia, cuius meminit Rub. in tractatu de ente rationis q. 1. art. 2. asserit, quamlibet denominationem extrinsecam, à quacūque forma prouenientem, esse ens rationis. Iuxta quam sententiam, non solum denominatio, qua res denominatur cognita; sed etiam ea, qua denominatur volita, visa, &c. imò qua res insensibilis, puta columna, dicitur dextra, vel sinistra, & similes, sunt entia rationis.

Probat^{ur} primò hæc sententia; quia Deus ex tempore denominatur creator; non à relatione reali in ipso existente; iniplicit enim ali-^{quid} reale ex tempore Deo aduenire: ergo à relatione rationis; sed sola denominatione extrinseca dicitur creator: ergo relatio rationis est denominatio extrinseca. Prima consequētia patet: quia creator est termin⁹ relatiuus, dicēs ordinē ad creaturā: ergo constituitur per aliquā relationē realē, vel rationis.

Secundò, quia denominatio est opus rationis: ergo non datur ante operationem intellectus: sed denominationes extrinsecæ nihil ponunt in rebus denominatis, præter ipsā denominationē, quā efficit intellectus: ergo sunt entia rationis.

Secunda sententia docet, non omnes denominationes extrinsecas esse entia rationis, sed eas tantū quas res recipiunt ab actu intellectus. Iuxta quam sentētiā ens rationis est illud esse cognitum, quod habent res ex eo quod a solo intellectu cognoscātur. Ita videtur sentire Durand. in primo d. 29. q. 5. n. 7. Sot. q. 2. vniuersalium, Oñā, & alij plures. Quorum aliqui adhuc magis limitant essentiam entis rationis, asserentes, non quamlibet denominationem extrinsecam cogniti, sed illam tantū, quæ cōuenit rebus ex eo quod aliter, ac sunt in se, concipiuntur, esse ens rationis.

Fundamentum huius sententię est: quia ens rationis est illud, cuius totum esse est obijci intellectui: sed hoc nihil aliud est, quā denominatio extrinseca cogniti ali-

ter, ac est in se: ergo in hac consistit essentia entis rationis. Probatur minor, quia actu obijci intellectui nihil aliud est, quàm terminare actionem intellectus, seu quòd cognitio versetur circa illud, quod est esse cognitum: ergo quando aliquid ita obijcitur, seu cognoscitur, ut nihil aliud habeat præter obijci, seu cognosci, totum suum esse erit terminare actionem intellectus, seu esse cognitum: sed quando intellectus cognoscendo rem aliter, ac est in se, attingit quodammodo ipsam nihil: tunc res cognita prout sic, nihil aliud habet, præter ipsam obijci, seu cognosci: ergo in tali esse cognito consistit essentia entis rationis.

10. Dicendum est tamè, quòd essentia entis rationis non consistit in aliqua denominatione extrinseca, etià ab intellectu proveniente: sed est quoddam esse fictum, seu diminutum, resultans in rebus, dum sunt in intellectu, ipsasque ad modum formæ intrinsecæ denominans. V. g. quando intellectus naturam humanam à singularibus abstracta comparat, seu cognoscit in ordine ad illa, resultat in tali natura habitudo quædam, seu relatio ad ipsa singularia: quæ cum non conveniat naturæ humanæ, secundum quòd est à parte rei; sed prout ab intellectu concipitur, propriissimè est ens rationis.

Ita sentiunt cõmuniter Doctores, sumiturque ex Arist. 6. Methaph. 8. ubi ens in anima, seu rationis, appellatur ens diminutum, ut testatur D. Thom. in 4. dist. 1. quæst. 2. art. 4. quæst. 2. Qui etià planè

docuit hanc conclusionem, 1. par. quæst. 16. art. 3. ad 2. & opusculo 52. cap. 1. ubi inquit, *Tunc efficiens rationis, quando intellectus nititur apprehendere, quod nō est, & ideo fingit illud, ac si ens esset.* Id etià colligitur ex primo d. 2. q. 1. art. 3. ubi ait: *Aliquando hoc, quod significat nomen, est aliquid, quod consequitur ex modo intelligendi re, quæ est extra animam, & huiusmodi sunt intentiones, quas intellectus noster adinuenit, &c.* Qui modus loquendi frequens est in D. Th. Videatur Sánchez lib. 2. Logi. q. 2. conclus. 7. ubi ait: *Quòd est subvertere totam Logicam, asserere, ipsos actus intellectus extrinsecè denominantes esse secundas intentiones, & entia rationis.*

11. Probatur conclusio quoad primam partem, quia ens rationis id vocamus, quod nullum aliud esse habet, nisi esse obiectivè in intellectu, sed ante operationem intellectus dantur denominationes extrinsecæ (loquendo de denominatione materialiter, & ut continetur intra ordinem rerum: iuxta dicta num. 8.) ergo ens rationis non potest consistere in aliqua denominatione extrinseca. Probatur minor, quia Deus dicitur creator; & paries quàm videtur ab aliquo animali, dicitur visus, non solum ante operationem intellectus, sed etià si nullus esset possibilis intellectus in rerum natura: ergo totum esse harum denominationum nō est esse obiectivè in intellectu.

Confirmatur, quia non solum istæ denominationes, sed etià eæ, quibus res denominantur cognitæ ali-

ter, ac sunt in se, verè sunt denominationes reales, de quibus verissimè dicitur dari à parte rei: sed hoc manifestè pugnat cū essentia entis rationis: ergo non potest in huiusmodi denominationibus cōsistere. Minor est manifesta: nā ens rationis condistinguitur contra ens reale, per esse, vel non esse à parte rei: & idèò communiter Doctores reputant absurdum, absolutè cōcedere, entia rationis dari à parte rei. Maior etiā, præterquā quòd est D. Tho. 3. p. q. 35. art. 5. facillè suadet: nā Deum esse creatorē, parietem visum, aut rem intellectam etiā aliter, ac est in se, (loquendo de denominatione materialiter in sensu explicato) nihil aliud est, quā creaturas referri ad Deum, visionem terminari à parietem, & intellectum ad rem tali modo intellectum, quæ omnia constat esse à parte rei.

Dices: ergo denominatio extrinseca ponit aliquid reale in re denominata. Nam idem videtur esse, asserere, quòd paries est realiter visus; & quòd esse visum est aliquid reale in pariete. ¶ Respondetur negando consequentiam. Dicitur enim propositiones sunt valdè diverse: & prima est verissima, secunda autem omnino falsa. Cuius ratio est, quia per primam solum significatur parietem esse materiam, circa quam operatur potentia, seu esse obiectam eius, quod à parte rei verum est. Secunda autem propositio significat parietem esse materiam in qua, seu subiectū alienas esse reales in illo ex actio-

ne potentie resultantis, quod falsum est. Ex quo patet, quòd reuera prius est rem esse extrinsecè denominatam, ut esse visum parietem, & Deum esse creatorem, quā quòd in re sic denominata intelligamus relationem aliquam rationis. Vnde Deus, formaliter loquendo, non denominatur creator à relatione rationis, quam in ipso concipimus respectu creaturarum, hæc enim posterior est, sed à reali relatione creaturarum ad ipsum. Et idem proportionabiliter est in alijs denominationibus extrinsecis, etiā in ea, qua res denominatur cognita aliter quā est in se. Quando enim animal cognoscitur in ordine ad inferiora, quamvis ex tali cognitione resultet relatio rationis, à qua constituitur in ratione generis; tamen, formaliter loquendo, animal non denominatur sic cognitum ab illa relatione, sed à reali cognitione, qua intellectus cognovit illud cum tali ordine.

12 Per quod facillè probatur secunda pars cōclusionis. Tūm, quia semel admissio, quòd ens rationis nō cōsistat in aliqua denominatione extrinseca, necessariò asserèdū est, esse aliquod esse fictū resultans in rebus ex operatione intellectus. Tūm & maximè, quia omnes relationes rationis, & præcipuè secūde intentiones logicales nullo modo intelligi, aut explicari possunt, si præter itas denominationes extrinsecas, quibus res dicuntur cognite, non admittimus istud esse fictū resultans in ipsis rebus, easque quæ si

intrinsecè denominans: sed eadem ratio est de his entibus rationis, ac de alijs omnibus: ergo asserendum est omnia cōsistere in isto esse ficto. Minor, & consequentia constant: nullus enim quātū ad hoc distinguit inter secundas intentiones, & alia entia rationis. Maior autem probatur, quia illa esse cognita, seu illæ denominationes extrinsecæ, etiam ea, quibus res dicuntur cognita in ordine ad aliud, præcisè in quātū sunt denominationes extrinsecæ, solum dicunt ordinem ad formam realem, à qua sumuntur: ergo præcisè prout sic non ordināt rem cognitā ad suum correlatiuū: sed de essentia secundarum intentionum, & cuiuscumque relationis rationis est referre rem cognitā ad suum correlatiuū, ut infra constabit: ergo non possunt essentialiter cōsistere in denominationibus extrinsecis.

13 ¶ Ex quibus potest facile describi ens rationis (proprie enim sub his terminis definiri nō potest: quia cū sit terminus complexus constans genere, & differentia, potius est definitio quā definitum) *Ens rationis est, quod solū habet esse obiectiue in intellectu*, ut definit Auer. 6. Meth. Commē. 3. vel, ut sumitur ex D. Thom. 1. p. q. 16. art. 3. ad 2. *Ens rationis est, quod cū nō sit in rerū natura, accipitur ut ens in ratione*. Ex quo patet, quod si denominatio extrinseca, quam supra explicuimus, apprehēdatur ab intellectu, ut quid exiitens in ipsa re denominata, verè efficitur ens rationis. Nam cū in re sic deno-

minata nullum esse reale ponat forma denominans, quodcūque esse ibi apprehēditur, fingitur ab intellectu, & ex consequenti est ens rationis.

Dicet etiam denominatio extrinseca, quæ res denominatur cognita, nullū esse habet nisi esse obiectiue in intellectu: ergo illi conuenit diffinitio entis rationis. Probat antecedēs, quia repugnat illud esse cognitum esse extra intellectū, & ibi non esse subiectiue, aut effectiue, ut patet: ergo tantū est obiectiue. ¶ Respondetor cum Saar. d. 54. Methap. sect. 2. num. 13. illud esse cognitum, quod est denominatio extrinseca, potius esse formaliter, & subiectiue in intellectu, quā obiectiue. Est enim, ut vidimus, actus intellectus extrinsecè positus in obiecto. Vnde per ipsum actū, quo res aliqua denominatur cognita, nō cognoscitur istud esse cognitum, & per consequens nōdum est obiectiue, vsque dū per alium actū cognoscatur, & tunc fiet ens rationis. Ex quo viterius sequitur, quod licet aliqua entia rationis fiant per actum directum intellectus, ut posita dicemus, ista tamen, quæ habent pro materia denominationes extrinsecas cogniti, semper sunt per actum quasi reflexum, ut ex dictis patet.

14 Ad argumenta respondetur: ad primum patet ex dictis nu. 11. Deus enim, formaliter loquendo, non denominatur creator à relatione rationis, quæ in illo fingitur respectu creaturarum, sed à relatione reali creaturarū ad ipsum; siqui-

liquidem ante omnem considerationem nostram verè Deus denominatur creator. Vnde nomē, *creator*, non significat pro formali aliquam relationem secundum esse; sed ipsam substantiam, seu actionem diuinam, secundum quod terminat relationē creaturæ, seu vt extrinsecè denominatur ab illa. Quod quidem antecedit omnem relationem rationis, atq; ita huiusmodi denominationes fundamentaliter tantum sunt entia rationis.

Ad secundum constat ex dictis supra num. 8. Si enim denominatio sumatur formaliter, vt pertinet ad ordinem nominum, verum est esse ens rationis. Sed hoc non est peculiare in denominatione extrinseca: sed cōuenit etiam intrinsecæ, vt ibidem diximus. Si verò denominatio sumatur materialiter, & vt pertinet ad ordinem rerum, sic denominatio extrinseca verè datur à parte rei, & sic fundamentaliter tantum est ens rationis.

Ad tertium respondetur, quod quando dicitur totum esse entis rationis consistere in obijci intellectu, non est sensus, quod ipsum pati, seu attingi rem ab intellectu (in quo consistit denominatio extrinseca) sit essentialiter ens rationis, tale enim obijci, seu attingi verè datur à parte rei, sed sensus est causalis: quod scilicet illud obijci, seu attingi est causa, seu occasio essendi enti rationis, quatenus ex eo, quod res attingitur ab intellectu aliter, ac est in se, resultat in illa quoddam esse fictum, quod quodammodo habet rationem obiecti, &

termini, in quo esse ficto, & non in illa passiva attingentia sita est essentia entis rationis. Ad quod explicandum non diximus in diffinitione, quod totum esse entis rationis est obijci, sed esse obiecti in intellectu: sic enim melius significatur ens rationis habere rationē obiecti, & termini respectu intellectus.

QVAESTIO III.

Per quam potentiam, & quo eius actu fiat ens rationis.

15 **T**itulus quæstionis non procedit de causa propriè dicta, quæ verè, & realiter influat in effectum: hanc enim non posse habere ens rationis explicuimus supra num. 6. Quare solum inquirimus, à qua potentia, & per quem actum fiat, seu resultet ens rationis eo modo, quo fieri, aut resultare potest.

Auctores, qui quæstione præcedenti asseruerunt, quamlibet denominationē extrinsecam esse ens rationis, consequenter asserūt, à quolibet potentia, & per quolibet actum illud fieri. Imò non solum à potētis vitalibus, sed insuper asserūt à situ, actione, &c. fieri ens rationis. Cuius sententiæ eadē sunt fundamēta, quæ ibidem adduximus & soluimus.

Alij plures, qui nobiscū sentiunt de natura entis rationis, tenent, nō solum intellectum, sed voluntatem etiam, & imaginationem illud efficere: de quorum numero est Scotus in 1. distin. 45. quæst. vnica. Alij id extendunt ad alios sensus internos: alijque diuersimodè sentiunt.

Nam cum ens rationis habeat esse quoddam fictum, facile Doctores pro suo quisque ingenio diuersimodè fingunt. Quorum sententiæ probari possunt his argumentis.

16 Primò ratione Scoti: quia illa potentia, quæ ordinat vnum ad aliud, ad quod à parte rei non ordinatur, causat in illo relationem rationis: sed sæpè voluntas ordinat medium ad finem, ad quem à parte rei non ordinatur, vt cum peruersò ordinat Deum ad creaturam: ergo tunc causat in illo relationem rationis. Maior patet: quia relatio ficta, vbi non erat, non est ens reale, neque purum nihil: ergo est ens rationis. Minor verò probatur: quia amare ynū propter aliud, est ordinare vnum ad aliud.

Secundò: quia sicut intellectus terminatur aliquando ad verum apparens, scilicet priuationem, & negationem; sic voluntas sæpè terminatur ad bonum apparens, nempe peccatum: sed intellectus ex eo, quod versetur circa id, quod non habet veram entitatem, facit ens rationis: ergo pari ratione illud efficiet voluntas; siquidem versatur aliquando circa id, quod non habet veram bonitatem.

Tertiò de sensibus idem probatur, quia sensus verè operantur circa sensibilia in communi: sed illa prout sic non sunt à parte rei: ergo tantum habent esse obiectiue in sensibus, & ex cōsequenti sensus poterit facere ens rationis. Minor & consequentia patèt. Maior autè probatur: quia sensus nō specificantur ab hoc, aut illo sensibili inad-

æquato, & particulari, sed à sensibili adæquato, quod est sensibile in communi, & vniuersale.

Quartò saltem de imaginatiua, seu phantasia hominis id efficaciter probatur: quia illa potēs est ex duabus rebus terciā cōponere, vt patet in somnijs; & quando ex auro, & monte format montē aureū: sed tunc cognoscit illum ac si verè esset: ergo facit ens rationis. Minor, & consequētia cōstant. Maior verò est D. Tho. 1. p. q. 12. art. 9. ad 2. cuius verba postea adducemus.

§. I.

STATVITVR VERA
Sententia, & legitime
eius rationes inda-
gantur.

17 Rima conclusio. Solus intellectus potest efficere ens rationis. Sic docent cōmuniter Doctores. Sumiturque ex Arist. 6 Metaph. text. 8. qui, vt rectè notat Caiet. 1. p. q. 28. art. 1. sufficienter se determinasse putauit de ente rationis, quod ibi appellat ens in anima, determinādo de ente vero: nulla alia ratione, nisi quia omne ens rationis pertinet, & fit ab intellectu. Idem etiam sumitur ex Diuo Thoma, qui sæpè diuidens adæquatè ens in reale, & rationis, istud appellat conceptionem, quam facit anima, seu intellectus, vt patet 1. part. quest. 3. art. 4. ad 2. primo d. 19. q. 5. ar. 1. ad 1. & alibi sæpè.

18 Hæc cōclusio probari solet impugnando alias sententiās. Quia tamen similes rationes non sunt ita effi-

efficaces: idè radix istius veritatis alius inquirenda nobis est.

Pro quo nota primò intellectū, cū sit potētia cognoscitiua spiritalis, non esse organo affixum. Ex quo sit posse supra se ipsam reflectere, vt rectè notat D. Tho. opus. 48. tract. 2. c. 1. Quod non solū verum est de propria reflexione, quādo scilicet alio acta distincto reflectitur supra suos actus; sed in quolibet etiam actu directo intellectus inuenitur quasi quidam modus reflexionis; quatenus quodammodò aduertit ad suum actum, aut effectū illius. Nō secūs ac in quolibet actu, directo voluntaris concedūt Theologi cum D. Thom. 1. 2. quest. 16. artic. 4. ad 3. proportionalem modum reflexionis, in quātum voluntas eligens, verbi grātia, medium, quodammodò consensit se eligere, & vtitur se ad eligendum, & e contra.

Ex hac autem quasi reflexione, quæ inuenitur in actibus intellectus, fit vt per eundem actum, per quem intellectus producit ens rationis, cognoscat illud: quia tunc cognoscendo obiectam, aduertit etiam ad effectum talis cognitionis. Hic autem modus reflexionis, omnino repugnat sensibus. Cuius differentie ratio à priori sumitur ex latitudine obiecti intellectus, scilicet entis, sub quo continentur, non solū alia, quæ intellectus cognoscit, sed ipse etiam intellectus, & actus eius, & idè in omnibus suis actibus, cognoscendo rationem entis, quodammodò cognoscit eosdem actus, aut effectus illius.

At verò obiectum cuiuscūque sensus est aliquod particulare ens, sub quo non continetur, neque sensus ipse, neque actus, aut effectus eius: vt patet in visu, sub cuius obiecto, scilicet colore, neque ipse, neque actus eius continentur; & idè quando videt colorem, nullo modo potest dici, videre, aut aduertere ad se ipsum, aut ad suum actum.

19 Secundò nota, dupliciter explicari posse, quomodò intellectus cognoscat ens rationis. Primò, si dicamus, intellectum ex specie impressa, & expressa entis realis elicere aliam tertiam specie impressam representatiuam entis rationis, à qua immediatè procedat cognitio illius. Iuxta quā sententiam, dabitur quidē propria species impressa entis rationis: quamuis semper representet illud cum habitudine ad ens reale, & cum dependentia ab specie impressa, & expressa eius, à quibus fuit extracta. Et hic modus dicendi habet non parum fundamentum in D. Thom. loco citato, ex quest. 12. primæ partis, vbi ait, quod, *Aliquæ potentie cognoscitiuæ sunt, quæ ex speciebus primò conceptis, alias formare possunt, sicut imaginatio ex præconceptis speciebus montis, & auri format speciem montis aurei, & intellectus ex præconceptis speciebus generis, & differentie format rationem speciei, &c.* Per quem modū explicat, quomodò Paulus postquam desijt videre essentiam diuinam, potuit recordari arcanorum, quæ videbat.

Secundò potest id explicari, si dicamus per ipsam speciem impressam entis realis simul cum expressa absque alia inde educta cognosci ens rationis: quia eadem species impressa, quæ primario representat intellectui ens reale, potest secundario representare illi ens rationis: iuxta quam sententiam non datur propria species entis rationis, sed cognitio eius immediatè procedit ab ipsa specie impressa entis realis. Qui etià modus dicendi habet fundamentum in D. Thom. Nam pluribus locis, quæ affert Maius sect. 3. de vniuersalibus, q. 5. affirmat, Deum cognosci per species creaturarum, priuationes per species formarum, potentiam per species actus, &c. atque ita utramque sententiam esse probabilem, & conformem doctrinæ D. Thom. probat Sanchez lib. 1. Logicæ quæst. 19. conclus. 6.

20 Hinc iam faciliè intelligitur, & probatur conclusio. Quæ ex primo fundamento sic specialiter suadetur: quia ens rationis est illud, quod nullum aliud esse habet nisi cognosci, seu esse obiectiue in cognoscere: ergo per eundem actum, per quem fit, cognoscitur: ergo solum potest fieri à potentia, potente aliquo modo reflectere, seu aduertere ad suum actum, & effectum eius: sed solus intellectus potest hoc efficere: ergo solus intellectus potest facere ens rationis. Minor, & vltima consequentia constant ex dictis. Primum etiam antecedens supponitur vt certum, etiam apud contrarios: vnde solum restat duæ

priores consequentiæ. Quarum prima probatur, quia si ens rationis solum habet esse, dum est obiectiue in cognoscere: ergo quando non est obiectiue, non habet esse: ergo simul est effectus, & obiectum respectu cognitionis: & per consequens per eundem actum fit, & cognoscitur. ¶ Per quod etiam probatur secunda consequentia: quia si ens rationis per eundem actum fit, & cognoscitur: ergo solum fit à potentia, quæ possit versari circa suum effectum, tanquam circa obiectum: sed hoc est posse aliquomodo reflectere modo explicato: ergo ens rationis solum potest fieri à potentia, potente sic reflectere, quam ex primo fundamento constat esse intellectum.

21 Ex secundo etiam fundamento sic generaliter probatur conclusio: quia ens rationis est quoddam esse fictum, quasi medium inter purum nihil, & ens reale, vt constat ex q. præcedenti: ergo si cognoscitur per speciem propriam, iuxta primum modum dicendi num. 19. explicatum, solum potest fieri à potentia, potente ex speciebus entis realis elicere speciem representantem tale esse fictum: sed nulla alia potentia præter intellectum potest elicere similem speciem: ergo nulla alia potest facere ens rationis. Antecedens & duæ consequentiæ constant. Minor verò in primis de sensibus externis est manifesta: nullus enim eorum potest ex pluribus speciebus elicere aliam, quæ ipse cognoscat, vt constabit in articulis de anima, De voluntate etiam ibi-

ibi dem ostendimus, non indigere speciebus, vt operetur; nec consequenter posse elicere illas. Vnde si lū restat difficultas: de sensibus internis, & præcipuè de imaginatiua; seu phantasia, cui hoc videtur tribuere D. Thom. loco citato. a. 1. q. 1.

De qua sic probatur minor, quia obiectum adæquatum imaginatiue (& idem argumentum fit de alijs sensibus internis) est aliqua determinata species entis realis; ergo dato, quod possit ex speciebus præconceptis motis, & auri elicere tertiam aliam montis aqrei, nunquam tamē talis species pertingeret ad representandum eidem potentiæ illud esse fictum, vt distinguitur ab ente reali; aliàs representaret illi aliquid extra obiectum adæquatum quod est impossibile. Quæ ratio nō currit in intellectu, quia obiectum adæquatum eius est ens vniuersalissimum; ac proinde species propria entis rationis, sine eo quod egrediatur limites talis obiecti adæquati, potest pertingere ad representandum illud esse fictum, quamuis sub similitudine entis realis. Sicut iuxta eundem modum dicendi species propria Dei pertingit ad representandū ipsam Deum, licet cum analogia ad creaturas.

22. Tandem si ens rationis immediate cognoscitur per speciem entis realis, iuxta secundum modum dicendi, tantum fieri poterit ab illa potentiā, cui species impressa entis realis potest secundariò representare esse fictum; sed solus intellectus est huiusmodi: siquidem aliæ potentiæ, neque primariò, ne-

que secundariò possunt percipere esse fictum; aliàs operaretur extra adæquatum obiectum; ergo solus intellectus potest facere ens rationis.

Ex dictis infertur ad actum, seu speciem expressam, quæ cognoscitur ens rationis, semper antecedere, non solum speciem impressam, sed etiam expressam alicuius entis realis, quocumque modo cognitio entis rationis explicetur. Vnde, si actum reflexum improprie sumamus pro eo, qui quomodolibet supponit alium, sic omne ens rationis fit per actum reflexum; siquidem necessariò supponit cognitionem alicuius entis realis. Quia tamen acceptio ista est valde impropria; actus enim propriè reflexus est ille, qui versatur, vel circa ipsam cognitionem, vel circa obiectum secundum id, quod habet formaliter quatenus cognitum est; ideo fit.

23. Secunda conclusio. Ens rationis nō necessariò fit per actum reflexum; sed potest optimè fieri per actum propriè directum. Sensus huius conclusionis non est, quod omnia entia rationis fiant per actum directum; hoc enim non conuenit secundis intentionibus logicalibus; vt infra constabit; sed quod non omnia petunt fieri per actum propriè reflexum. In quo sensu intellecta conclusio est manifesta ex dictis. Breuiterque probatur; quia vt infra constabit, plures sunt relationes rationis, quæ non habent pro ratione fundandi denominationem extrinsecā cogniti; sed immediate fundat illas intellectus supra ipsam entitatem rea-

realem, vt relatio creatoris, & similes: ergo tales relationes non resultant ex cognitione, quæ terminetur ad obiectum secundum id, quod habet quia cognitum est: ac proinde non sunt per actum propriè reflexum.

24 Tertia conclusio. Per quam libet operationem intellectus potest fieri ens rationis. Sic docet communiter Doctores, vt testatur Rub. tractatu de ente rationis, q. 4. & probatur discurrendo per singulas operationes; & de prima quidem res est manifesta: nam quamuis de intentionibus logicalibus, vt de vniuersalitate, genereitate, & similibus aliqui negauerint, fieri posse per primam operationem, vt infra disput. 3. num. 59. videbimus; vniuersaliter tamen loquendo de entibus rationis illi negari non potest.

Constat enim fieri ens rationis, quando negationes, & priuationes apprehendimus ad modum entis realis, etiamsi nullum intercedat iudicium, aut discursus. Et idem est de pluribus relationibus rationalis. Imo de vniuersalitate, & similibus intentionibus; loco citato, ostendemus fieri per simplicem apprehensionem: ergo hæc potest entia rationis formare.

De secunda etiam, & tertia operatione idem probatur: quia relatio, quam dicitur pro formali prædicatum ad subiectum; & antecedens ad consequens, sunt entia rationis; sed tales relationes resultant ex iudicio, & discursu: ergo iudicium & discursus faciunt entia rationis.

Maiores satis per se constat: nam præ-

dicatum, formaliter prout sic, dicitur habitudinem formæ respectu subiecti, & antecedens habitudinem causæ respectu cōsequētis: sed à parte rei prædicatum non semper est forma subiecti; neque antecedens causa realis consequētis, vt patet: ergo relatio, quam pro formali dicitur subiectum, aut antecedens, non est realis, sed rationis.

Minor verò probatur: quia prædicatum, vt distinguitur à prædicabili, & dicitur actum eius, non datur ante iudicium: tum, quia per simplicem apprehensionem non cognoscitur animal, verbi gratia, vt exercens officium prædicati, sed tantum, vt prædicabile, de quo infra: tum etiam, quia non datur prædicatum absque prædicatione, sicut non datur terminus absque propositione iuxta dicta secundo lib. Summarum: sed prædicatio, & propositio pertinent ad secundam operationem, vt patet: ergo relatio illa, quæ resultat in animal; quando efficitur actu formæ, & prædicatum hominis non potest fieri per apprehensionem, sed per iudicium, cuius proprium est prædicabilia reddere prædicata.

25 Idem etiam patet in argumentatione. Quænis enim non habeamus distincta nomina ad significandum antecedens, prout est in potentia illatum, & prout est actu inferens; & similiter ad significandum consequens, prout est in potentia inferibile, & prout est actu illatum: negari tamē non potest, quòd licet relationes, quas dicunt antecedens, & consequens, prout sunt

in potentia, vnum illatium, & alterum inferibile, possint resultare ex actu iudicij, aut etiam ex apprehensione; tamen antecedens, vt actu inferens, & consequens vt actu illatum, solū cognoscuntur per discursum; ergo relationes, quas dicunt antecedens, & consequens, prout sic non possunt ex alia operatione resultare.

Dices, habitudo, quā dicit prædicatum ad subiectum, etiā vt actu prædicatur, & consequens ad antecedens, etiam vt actu inferitur, est quid simplex, & incomplexum; ergo potest cognosci per apprehensionem; & consequenter per ipsam, & non per alias operationes sicut huiusmodi relationes rationis.

Cōfirmatur, quia quādo aduenit secunda, aut tertia operatio intellectus, iam præsupponitur ens rationis factum per primam; ergo alie aduenientes operantur circa illud iam factum, & non efficiunt illud.

Ad argumentum respondetur, tales relationes posse considerari, vel quasi in abstracto, seu in actu signato; vel quasi in concreto, & in actu exercito. Priori modo sunt quid incomplexū, & cognosci possunt per apprehensionem; ex qua cognitione resultabit ens rationis pertinens ad primam operationem. Posteriori autem modo sunt quid complexum, & ex consequenti solū possunt cognosci per actum iudicij & discursus. ¶ Ad confirmationem dicimus, quod licet ens rationis pertinens ad primam operationem sit factum, quādo aduenit secunda aut tertia, non tamen

facta sunt entia rationis, quæ pertinent ad istas operationes.

§. II.
SOLVUNTUR ARGUMENTA supra posita, simulque expeditur, quid de phantasia, & cogitatione hominis dicendum sit in hac questione.

26 AD argumenta in principio questionis facta respondetur. Ad primum negatur minor. Quoniam, vt docet D. Tho. 1. 2. quæst. 17. art. 1. & probat ibidem Caiet. contra Scotum, ordinare vnum ad aliud non est opus voluntatis, sed intellectus; tūm, quia ordinare proprium est sapientis, vt dicitur libro primo Metaphys. in principio, & refert D. Thom. in proemio contra Gentiles: tūm etiam, quia quidquid ordinis est in naturalibus, à ratione proficiscitur, & in illam resolvitur; siquidem opus naturæ est opus intelligentiæ, & quidquid ordinis apparet in electionibus, aut alijs actibus voluntatis, à consilio, & intellectu derivatur. Cuius indicium est, quod si intellectus proponit bonum voluntati absque aliqua ordinatione; fertur voluntas in illud absolutè, neque illud potest ad aliud ordinare. Vnde quādo voluntas amat vnū propter aliud, nō ordinat vnū ad aliud, formaliter loquendo, sed iam ordinatū per intellectū diligit. Ex quo tandem fit, voluntatem tantū posse præbere fundamentum proximū relationis rationis, sicut præbent etiam alię potentiæ, denominando extrin-

extrinsecè sua obiecta, vt rectè ob-
seruat Caiet. 1. p. q. 28. art. 1.

Ad secundum similiter re-
ponderetur, quòd licèt voluntas ali-
quando tendat in bonum apparēs,
ac si esset verum bonum; hoc tamē
non est; quia ipsa ex se habeat at-
tingere tale obiectum formaliter
quatenus apparens est; sed hoc ha-
bet ab intellectu, qui bonum appa-
rens apprehēdit; ac si verum bonū
esset. Vnde ex tali apprehēsiōe, &
non ex actu voluntatis causatur
ens rationis. ¶ Adde, quòd cū vo-
luntas differat ab intellectu per
hoc, quòd iste attrahat ad se res; illa
vero feratur in ipsas, vt docet D.
Thom. 1. par. q. 16. art. 1. Inde est,
quòd intellectus ex proprio modo
operandi habet communicare esse
obiectiuū rebus non solū denomi-
nando cognitās, vt facit respectu
entium realium, sed fingendo etiā
obiectiuam quandam entitatem in
tra animam, vt apparet in entibus
rationis. At verò voluntas, cū po-
tius exeat à se ad ipsas res; non po-
test communicare illis aliquod esse
obiectiuum, aut bonitatem, vt per
se patet.

17 Ad tertium responderetur, sen-
sum distingui ab intellectu penes
hoc, quòd huius obiectum est res
vniuersalis; illius verò obiectum est
quid singulare, vt dicemus in libris
de anima. Quare visus, verbi gratia,
(& idem est de alijs sensibus) nun-
quam videt colorem vt sic, sed ali-
quem singularem colorem: intelle-
ctus verò potest cognoscere quā-
libet rationem vniuersalem, non
cognitis singularibus. Dicimus ta-

men visum terminare ad colorem
in comuni, & specificari ab illis;
quia albedo, nigredo, & alia obie-
cta inadequata visus conueniunt
in ratione comuni coloris, & ideo
eam assignamus pro obiecto adæ-
quato. Quam differētiā inter sen-
sum, & intellectum explicuit benè
Caiet. 1. par. quæst. 80. art. 2. dicens,
obiectum sensus esse vniuersale ad-
uerbialiter, obiectum verò intel-
lectus vniuersale nominaliter: verè
enim dicim⁹, quòd obiectum visus
est color vniuersaliter, non verò
color vniuersalis. Videatur ibi Ca-
ietanus.

Ad quartum responderetur, quòd
si loquamur de phantasia hominis
secundum se, & secundum ea, quæ
habet intra limites potentie senti-
tiue; esto, quòd prout sic possit ex
duabus rebus tertiam componere,
vt planè indicat D. Thom. loco ibi
citato, & constat in somnijs, quæ
etiam in brutis reperiuntur: adhuc
formatio entis rationis est illi de-
neganda. Cuius ratio sumitur ex
dictis num. 13. quia cū phantasia
sit potentia organo affixa, sicut re-
liqui sensus, habeatque pro obie-
cto adæquato quandam speciē en-
tis realis; non potest secundum se,
& secundum ea, quæ habet sibi pro-
pria, attingere illud nō entis, quod
est in monte aureo, ad modum en-
tis. Quod tamen iuxta ibidem di-
cta necessarium est, vt fiat ens ra-
tionis.

28 Dices: eo ipso, quòd phanta-
sia propria virtute componat ex
auro, & monte, montem aureum,
aut aliam similē chimerā; attingit
sua

sua cognitione totam illud aggregatum, ac si esset verum ens reale: ergo, quod non est, cognoscit ad modum entis: & per consequens fingit ibi aliquod esse.

Respondetur, quod loquendo de phantasia secundum se, non dicitur componere chimeram, quia attingat sua cognitione illud aggregatum formaliter, quatenus est quid compositum, & vnum; aut quia attingat formaliter in ratione obiecti unionem illam, seu esse fictum, quod intelligitur resultare in partibus componendis, in quo consistit ens rationis. Sed dicitur eas componere materialiter, quatenus una, & eadem cognitione fertur simul supra illas reales entitates partium, quas antea seorsum cognouit. Siue, hoc proveniat ex eo, quod species sensibiles, propter aliquam alterationem organi perturbatae, non representent res perfecte, & ut inter se distinctas. siue ex eo, quod formetur nova species simul representans illas res. Nunquam tamen, neque species impressi, neque expressi phantasiae ex propria virtute pertingit ad representandam illam non entis, seu illud esse fictum, per quod tales partes formaliter componuntur, sicut pertingit intellectus ratione dicti. Cuius signum est, quod phantasia, saltem secundum se, nunquam percipit se lecipi in formatione, aut cognitione talis chimerae, quod tamen percipit intellectus, ut patet.

29 ¶ Dixeris: Loquendo de phantasia hominis secundum se, & secundum ea quae habet intra limites potentiae sensitiuae. Quia si loquamur de

illa, prout subordinatur intellectui, habet aliqualem difficultatem, & maiorem in cogitativa, & remissionem, quibus propter maiorem coniunctionem ad intellectum, cedunt frequenter Philosophi aliquantulum iudicare, aut discurrere circa singularia. Cui sententiae consequens videtur, quod efficiant etiam aliquam propositionem, aut syllogismum, & ex consequenti aliquam ens rationis. Haec tamen omnino praecedunt ex dicendis in libris de Anima, ac proinde non possunt hic plenè explicari. Satis est dicere, quod si talis coniunctio solum consistat in eo, quod sensus isti immediate ministrent intellectui, absque eo, quod ab intellectu in illos resiliat aliqua realis virtus, ut defendunt plures Doctores, idem proculdubio dicendum est, ac diximus de phantasia secundum se sumpta. Non enim per talem coniunctionem extrahantur isti sensus a propria natura, ut patet.

Si vero per talem coniunctionem resiliat ab intellectu in huiusmodi sensus aliqua realis virtus, ratione cuius participant aliquid de ipso intellectu, & possint aliquantulum operari extra propriam sphaeram, eliciendo veros actus iudicii, aut discursus, licet imperfectos, ut ex sententia D. Tho. & grauissimorum Philosoph. docent rectè Caiet. 1. 2. q. 74. ar. 4. Bañez 1. p. q. 78. art. 4. dub. 2. & alij: sic satis probabiliter posset concedi, sensus istos, praecipue cogitativam, & remissionem, per tales imperfectos actus aliquantulum pertingere ad formale

propositionis, aut syllogismi: & per consequens aliquoditer efficere ens rationis. Neque hoc præiudicat supradictis: quia talia entia rationis fierent ab illis sensibus, non secundum quod sensus sunt; sed secundum quod participant aliquid de intellectu; & sic intellectus ipse esset causa principalis illorum.

30. Nihilominus tamen partem negativam longè probabiliorè iudicamus. Et fundamētum est, quia quando ex coniunctione alicuius causæ superioris ad inferiorè profuit ab illa in hanc virtus, ut possit aliquoditer operari extra suam sphaeram; tunc quidem causa inferior ratione talis influentiæ solùm potest producere imperfectiores, & faciliōres effectus causæ superioris. Cuius optimum exemplum est in sententia valdè probabili, quam tradit D. Thom. q. 3. de Potentia, art. 11. ad 14. & sequuntur plures Doctores, asserentes, ab intelligentia motrice deriuari in corpora celestia medio motu virtutem quandā intencionalem, ut possint producere viuentia: & tamen ratione talis virtutis, & refluentiæ solū possunt producere aliqua imperfecta viuentia, quorum generatio est facilis: ergo etiam si ab intellectu refluat in istos sensus virtus explicata, ratione illius solū poterunt elicere aliquos imperfectos actus iudicij, & discursus secundum id, quod est in illis facilius, non verò secundum id, quod est ipsi intellectui valdè difficile. Cum autē pertingere ad cognoscendum illud esse factum, quod est formale in pro-

positione, aut syllogismo, sit ipsi intellectui valdè difficile, ut constat experientia (propter quod etiam Logica est difficillima, ut docet Diuus Thomas opusculo 70. quæst. 6. art. 1. ad 3.) inde est, quod quæmuis ratione talis refluentiæ concedatur sensibus internis aliquoditer indicare, aut discurrere, non est tamen illis concedendum pertingere ad formale propositionis, & syllogismi, & per consequens efficere ens rationis.

Hic solet à quibusdam modernis disputari: vtrum intellectus angelicus, & diuinus faciant entia rationis? Sed quæstio hæc est propria Theologorum, & tractatur ab illis cum D. Tho. 1. p. q. 14. art. 9. Quæ quia nullo modo est ad Dialecticū institutum necessaria, non est in præsentem examinanda. Qui voluerit consulat Nazariū, loco citato, controu. 1. Ioannem González disp. 39. Nauarrete controuerſia 49. & alios Thomistas.

QVÆSTIO IIII.

Quotuplex sit ens rationis?

31.] N hac difficultate parua, aut nulla est inter Doctores diffetias referamus. Pro veritatis ergo explicatione primò norandum est, cum Suarez disp. 54. Metaph. sc. 1. nu. 8. ex triplici capite posse oriri formationem entium rationis. Primo ex quadam facultate intellectus, ratione cuius potest prohibito ex veris entibus ficta componere, coniungereque partes, quæ in

in re coniungi non possunt, vt cum fingit chimæram. Et huiusmodi entia rationis, sicut nullum habet fundamētū in rebus, sed sunt omninō ficta; ita neq; sunt doctrinalia, neq; sciētijs deferuire possunt. Et ideo etiam aliquando inter entia rationis non numerantur: & meritō à nobis omittuntur in præsentī.

Secundo ex latitudine cognitionis humanæ, ratione cuius se extendere conatur, etiam ad non entia. Sed quia obiectū adæquatū eius est ens, cuius limites transilire non potest; fit, vt quantūcumq; nitatur apprehendere non entia, semper cognoscat illa ad modum entis; & per cōsequens faciat ens rationis. Et huiusmodi entia rationis semper habent pro fundamento proximo ipsum nō ens, seu priuationes, & negationes. Quāvis enim cōmune sit omnibus entibus rationis, quōd à parte rei nō existat illud esse fictū, in quo cōsistunt; tamē nō in omnibus ipsum non ens, seu carentia est fundamentū proximum, seu id quod cōcipitur. Vt patet in genereitate, quæ non resultat in animali ex eo, quōd aliquod nō ens apprehendatur ad modū entis; sed ex eo, quōd animal cōsideretur cum ordine ad suas species: quæ tamē ordinē à parte rei non habet. Ex quo patet, in isto secundo genere entium rationis, proximam fundamētum, seu id quod cōcipitur, esse nō ens, siue id fiat in abstracto, vt quādo concipimus cecitatem ad modū forme realis; siue in cōcreto, vt quādo cōcipimus Petrū cecū: nā tunc etiā fit ens rationis, quatenus cognosci-

mus illum sub tali carentia, & priuatione visus.

Tertio tandem formatio entium rationis potest provenire ex imperfectione; seu debilitate ipsius intellectus, qui aliquando nō potest cognoscere res, prout in se sunt: & ideo illa sæpè comparat ad alias; ad quas re vera nō ordinatur. Interdum etiam quia non potest vnico actu comprehendere quiddid est in obiecto; distinguit in illo plura, quæ in re distincta non sunt. Quomodo formantur relationes rationis, quæ consequenter semper habent pro fundamento aliquod ens positivum, quod cognoscitur cum ordine ad aliud. Per quod istud genus entium rationis distinguitur à secundo, vt per se patet.

32. Secundo notandum est ex doctrina Arist. 4. Metaph. tex. 4. & lib. 5. tex. 27. quā explicat D. Tho. eisdem locis, & in primo dist. 13. q. 1. ar. 4. & dist. 28 q. 1. ar. 1. ad 2. adiuncta etiam doctrina, quam tradit 1. par. q. 12. ar. 4. ad 2. q. 3. de malo art. 7. & alibi sæpè, negationem posse sumi tripliciter. *Primo* latè, pro quocumq; non esse, soletque appellari negatio simplex, seu pura; qua dicit meram remotionem, seu absentiam entitatis, neque prout sic determinat sibi, aut connotat aliquod subiectū, in quo sensu ipsam nihil, seu non esse, non homo, non sedens, & similes termini infiniti dicuntur negationes. imò etiam fictiones, seu chimære, quæ à parte rei nullum habent fundamentum, solent in hoc sensu appellari negationes.

Secundo sumitur negatio minus latè pro remotione, seu carentia entitatis, seu formæ in aliquo subiecto; abstrahendo tamen ab hoc, quòd habeat, vel non habeat aptitudinē ad talem formam. Quomodo comprehendit, tam priuationes, quàm negationes propriè dictas. Propter quòd etiam solet frequenter priuatio per negationem definiri, sicque definisse Aristot. testatur D. Thom. dist. 18. citata, & 1. p. q. 16. art. 4.

Tertio tandem sumitur negatio propriè, & strictè, pro carentia formæ in subiecto inepto ad illam recipiendam: ut equus habet negationem rationalitatis: quia nullam habet aptitudinem ad illam: & generaliter vna species habet negationem alteriùs propter eandem rationē. Et negatio in hac acceptione opponitur priuationi propriè dictæ, quæ est carentia formæ in subiecto apto nato.

33 Pro cuius maiori intelligentia, tertio nota, tres alias acceptiones priuationis assignari ab Arist. lib. 5. citato Metaph. tex. 27. quas explicat D. Thom. dist. 28. citata, & 1. par. q. 33. art. 4. ad 2. & q. 9. de potentia, art. 7. ad 11. *Prima* est, quādo subiectum caret forma, quæ quidem nata est haberi ab aliquo, quodcūque illud sit, sed ipsum subiectum nō est aptum habere illam. Quomodo solet dici, plantam esse priuatam visu, aut lapidem esse rē mortuam: quia quāuis, neque planta apta nata sit habere visum, neque lapis vitam, visus tamen, & vita nata sunt haberi ab aliquo, nem-

pè ab animali. Quæ acceptio priuationis coincidit cum secūda acceptione negationis suprà explicata, & condistinguitur à prima, ut considerari patebit. Propter quòd etiam sæpè distinguunt Doctores priuationē à negatione, per habere, vel nō habere subiectum, ut patet in D. Thom. dist. 28. citata, & 1. par. q. 17. art. 4. lib. 5. Metaph. lect. 12. & alibi sæpe.

Secunda acceptio priuationis est, quādo subiectum caret forma, quam licet ipsum nequeat habere, nata tamen est haberi ab aliquo sui generis. Quomodo carentia visus in talpa dicitur priuatio, & cæcitas, quia quamuis talpa, ut cōmuniter dicitur, non sit apta nata habere visum, habetur tamē ab aliquo sui generis, scilicet ab alijs animalibus.

Tertia tandem acceptio priuationis est, quando subiectum caret forma, quā ipsum natum est habere, quando, & ubi natum est habere illā, ut tenebræ in aëre, cæcitas in cane post nonū diem, & similes. Et hæc est propria acceptio priuationis, ut inquit D. Thom. locis citatis ex dist. 28. & q. 9. de potentia, contraponiturque tertie acceptioni negationis suprà explicatæ. Quis in hoc sensu frequentius usurpant Doctores, & de illis sic sumptis loquimur in præfenti.

34 Tandē nota, quòd tam priuationes, quàm negationes, si sumantur pro carentia, seu non esse formæ, sunt quidem à parte rei, non quia à parte rei habeant aliquam entitatem, seu essentiam, ut nota-

ait D. Thom. in 2. d. 37. q. 1. art. 2. ad 3. & cap. 1. de ente, & essentia; sed quia à parte rei sunt remotio- nes, seu carentiæ entitatis, seu for- mæ. De quo videri possunt Caie 1. p. q. 48. art. 2. Capreol. in 2. d. 34. q. 2. ad 1. & Ferr. 3. contra gentes, c. 19. Quomodo priuationes, & ne- gationes, formaliter loquen- do, ne- que sunt entia realia, neque ratio- nis; sed potius nō entia. Sunt tamē fundamētaliter entia rationis, quia possunt ab intellectu cōsiderari per modū entis: & tunc id, quod à par- te rei est non ens, fit ens in anima, seu rationis, vt rectē dixit D. Tho. 1. dist. 46. q. 1. art. 2. ad 1. Et hoc modo de priuatione, & negatione loquimur in præsentī.

35 Dicendū est ergo, ens ratio- nis habens fundamentum in rebus adæquatē diuidi in carenciam, seu negationem, & relationem. Sumi- mus hīc negationem in secūda ac- ceptione suprà explicata, vt com- prehēdit negationem, & priuatio- nē propriē dictas; sic enim est im- mediātū membrum diuidens huius diuisionis. Quod claritatis gratia appellamus carentiā, quia hoc no- men æquē dicitur de priuatione, & negatione. Ex quo fit, hanc diuio- nem in re non distingui ab ea, qua communiter diuiditur ens rationis in priuationem, negationem, & re- lationē; est tamen immediatior il- la, & per cōsequens magis exacta. Quomodō tradit eam D. Thom. q. 21. de veritate, art. 1. dicens: *Id quod est ratiois tantum, non potest esse nisi duplex, scilicet negatio, vel relatio.* Sicque sumitur ex Arist. 5.

Metaph. text. 27. vbi sub communi nomine negationis, priuationes, & negationes inter entia cōstituit: & tex. 20. antecedenti relationem ra- tionis insinuat. Pro quo etiam vi- deri potest D. Thom. in 1. dist. 2. quæst. 2. art. 3. & alibi sæpē.

Ratio sufficientiæ huius diui- sionis patet ex dictis: quia forma- tio entium rationis non potest ex alio capite prouenire, nisi ex tribus illis enumeratis: ergo omnia entia rationis, vel sunt merē fictiones, & chimeræ, quæ nullum habent fun- damentum, vel sunt carentiæ, & re- lationes, quæ tale fundamentum habent. Quod autē in has adæqua- tē diuidatur ens rationis habens fundamētum, ex ipso potest sic fa- cile probari; quia, vel proximum fundamentum, quod nititur intel- lectus cognoscere, est aliquod non ens, seu remotio entitatis; vel ali- quod ens positium? si primū, ens rationis inde resultans erit caren- tia, seu negatio communiter dicta, vt patet: si autem secūdum, vel co- gnoscitur tale ens, sicut est à parte rei, & per se ipsum; & sic nullum fit ens rationis: vel cognoscitur per comparisonem, aut ordinem ad aliquid aliud, quod à parte rei nul- lum talem dicit ordinem, & sic fit relatio rationis.

Vtrumque explicatur exem- plo denominationis extrinsecæ. Si enim intellectus nitatur cognosce- re illud esse visum, resultans ex vi- sione animalis, quod à parte rei ni- hil est in pariete, apprehendatque, vt aliquid in eo exultens, præiudi- catio ens rationis inde resultans non

est relatio, sed carentia, seu negatio; siquidem ibi nō ens apprehenditur per modum entis absoluti in pariete existentis. Si verò intellectus nitatur cognoscere ipsam parietem, quatenus est obiectū actu terminans visum; tunc refert illum ad potentiam & causat relationem rationis; quia à parte rei, licet potentia referatur ad obiectum, obiectum tamen non refertur ad potentiam.

36 Contra assignatam doctrinā duobus modis possumus insurgere. Primò: quia omne ens rationis videtur relatio: ergo male assignatur prædicta diuisio. Probat̃ur antecedens: tūm, quia ipse priuationes, aut negationes non fiunt entia rationis sine habitudine ad aliud; priuatio enim alicuius est priuatio, & idem est de negatione: tūm, & maxime: quia omnia entia rationis ex eò, quòd totum esse eorum sit cognosci, dicunt essentialē ordinem ad intellectum cognoscentem; ergo omnia sunt relationes rationis.

Secundò, quia plura alia sunt entia rationis præter enumerata: ergo diuisio est insufficiens. Probat̃ur antecedens, quia præter chimeram, & alia monstra rationis, quæ fingimus in prædicamēto substantiz, possumus in alijs prædicamentis formare entia rationis habentia à parte rei fundamentum: vt cūm concipimus spatium imaginarium per modum cuiusdam extensionis, & inane illud, quod apprehendimus supra cælum empyreū, per modum loci continentis illud:

item cūm concipimus denominationem visi, aut cogniti in re denominata per modum cuiusdam passionis, & sic de alijs prædicamentis: ergo ultra priuationes, aut negationes, quæ apprehenduntur per modū qualitatiz, & relationes rationis, quæ apprehenduntur ad modum relationis realis, dantur alia entia rationis ad modum aliorum prædicamentorum.

37 Ad primum respondetur negando antecedens. Ad cuius probationem dicitur, habitudinē, quā priuatio, & negatio dicunt ad subiectum, & formam, & quam omne ens rationis dicit ad intellectum, esse tantū relationem secundū dici, seu transcendentalem. Non enim per illam dicuntur esse alicuius sicut termini, sed sicut subiecti, formæ, seu principij: quod non tollit, quin priuatio, & negatio constituant speciale genus entis rationis quasi absolutum, & distinctū à relatione rationis, quæ intra liuites entis rationis suo modo est relatio secundū esse, & prædicamentalis, vt suo loco videbimus. ¶ Adde, quòd si intellectus in ipso ente rationis, quod est priuatio, aut negatio, rursus cognoscat illum transcendentalem ordinem, quem habet, proculdubio efficiet veram relationem rationis: quia tunc comparat vnum alteri, & cognoscit respectum secundū dici, seu transcendentalem ad modum prædicamentalis; quod sufficit, vt fiat vera relatio rationis; siquidem eius fieri est cognosci.

Ad secundum, omisissis quarundam solationibus, inter quos videri potest noster Didacus disputat. tertia, questione quinta; breuiter responderetur, entia rationis, quæ in illis, & similibus casibus sunt, sufficienter reduci ad aliquod ex enumeratis. Si enim spatium imaginarium, quod argumentum inducit, concipiatur intra latera alicuius corporis vacui, est vera priuatio, vt patet ex diffinitione vacui ab Aristotele tradita quarto Phisicorum. Si verò concipiatur extra omne corpus continens, vt est inane illud, quod apprehenditur extra cælum empyreum: est pura negatio. Quod si vacuum illud, aut inane sic conceptum, comparemus ad aliquid aliud, per modum continentis ad contentum; tunc fit relatio rationis. Et idem proportionabiliter est de denominatione extrinseca, vt num. 35. explicuimus.

38 Consultò omittimus quandam doctrinam, quam aliqui in præfenti adducunt ex Diu. Thom. 1. parte, quæst. 28. artic. 1. quoniam commodiori, & proprio loco, cap. scilicet de relatione, eam exponendam reservamus. Vt autem omnia, quæ ad ens rationis pertinent, quantum in nobis est, completa relinquamus; obseruandum est, ens rationis vniuersalissimè sumptum, esse transcendens respectu suorum inferiorum. Cùm enim eorum differentie non sint omnino nihil, neque entia realia, necessario, si eadè est, esse entia rationis; & ex consequenti ens ra-

tionis includi in illis. Ex quo rursus sequitur, non dari vnum supremum genus entis rationis, sed possumus ex dictis tria quasi prædicamenta constituere, scilicet fictionem, carentiam, & relationem.

Primum genus est in infinitum multiplicabile, iuxta infinitas combinationes, quas intellectus potest fingere inter partes diuersarum specierum; & idè relinquendum est. ¶ Carentia etiam, seu negatio communiter sumpta, immediate diuiditur in priuationem, & negationem propriè dictas, vt supra diximus. Quæ etiam subdividuntur, iuxta diuisionem formarum, quarum sunt carentie; & per consequens diuagantur per omnia prædicamèta; propter quod etiam, vt alienæ relinquendæ sunt. ¶ Tertium verò genus, scilicet, relatio rationis, quia magis accedit ad institutum Dialècticum; sic potest definiri: *Est ens rationis ex aliqua intellectu cõparatione resultans.* Relatio enim rationis, vt ipsum nomen indicat, non potest intelligi absque intellectu plura extrema comparante. Nomine autem cõparationis in præfenti intelligimus quacumque cognitionem rei, cum ordine ad aliam. In quæ verò species relatio rationis diuidatur, commodius explicabimus questione sequenti.

QVAESTIO V.

*Quid sit secunda intentio logicalis,
& quæ eius proprietates,
& species?*

39 EXaminatis de ente rationis, in communi ijs, quæ necessaria sunt ad cognoscendas secundas intentiones, quæ sunt obiectu Logica, tempus est, vt de ipsis disputemus. Sed antequam ad vnamquamque in speciali descendamus, ad calcem huius disputationis de illis in generali, quæ necessaria visa fuerint, breuiter præmittemus. Qui plura voluerit, consulat Herbeum tract. de secundis intentionibus, Masium sect. 4. de Vniuersalibus, Sanch. lib. 2. Logica, Carolus Billeum in opere de secundis intentionibus, & alios.

Primò ergo sciendum est, quòd *intentio* in communi sua significatione dicitur tendentiâ in aliud. Aliiter autem à Theologis, & Philosophis; & aliter à Dialecticis vsurpatur. Apud illos significat actum voluntatis circa finem, & aliquando etiam ipsum finem, vt cū dicimus, mea intentio in prædicando est salus animarum. Dialectici verò sumunt intentionem, quatenus sonat attentionem quandam: iuxta quod solet dici, pluribus intentus minor est ad singula sensus: id est, pluribus attentus: & ideo nomen intentionis tribuunt actibus intellectus, cuius proprium est attendere. Sed quia sæpè nomina ipsa actuum applicari solent obiectis eorum; ideo nomen intentionis non rarò vsurpât Dialectici pro obiectis actuum

intellectus: distinctionis tamè gratia actus ipsos appellant intentionem formalem, obiecta verò intentionem obiectiuam.

40 Harum vnaquæque in primam, & secundam diuiditur, ex eo, quòd intellectus potest dupliciter versari circa res. Si enim cognoscat eas secundum id, quod habent à parte rei, vt quando cognoscit hominem esse animal, aut equum esse hinibile, tunc ipse actus cognoscens dicitur prima intentio formalis; res verò cognita dicitur prima intentio obiectiua, & nomina sic significantia res dicuntur nomina primæ intentionis, vt *homo, equus*. Si verò intellectus cognoscat res, non secundum ea, quæ cōueniunt illis à parte rei; sed secundum ea, quæ habent ab operatione eiusdè intellectus; vt quando cognoscit, animal esse genus, aut hominē esse speciem; tunc ipse actus cognoscēs dicitur secunda intentio formalis, res verò cognita secundum illud esse, quod habet ab intellectu, dicitur secunda intentio obiectiua; & nomina significantia res secundum tale esse, dicuntur nomina secundæ intentionis, vt *genus, & species*. Quamuis autem hæc ita sint, vsu tamen receptū est, vt prima, & secunda intentio sic absque addito prolata, pro obiectiuis ferè semper vsurpentur.

Ex quibus apparet, quòd secunda intentio obiectiua semper est ens rationis: vtraq; verò formalis, vtpotè actus intellectus, semper est ens reale; prima etiam intentio obiectiua (quidquid dicat Herbeus vbi supra, quem rectè impugnant Caiet.

Caiet. c. de specie, Soto q. 3. Vniuersaliū, & Mas. loco citato, q. 2.) absolutè loquendo, etiam est ens reale; quia si ante formationem entis rationis necessariò supponitur cognitio entis realis, vt supra n. 19. probatum est; ergo attentio, seu intentio obiectiua, quæ absolute, & simpliciter est prima, necessariò est ens reale. Verum est aliquando contingere, præsertim in prædicabilibus, secundas intentiones materialiter acceptas, ab alijs secundis intentionibus denominari, sed tunc priores secundum quid tantum denominantur primæ, cōparatione posteriorum superuenientium; quia respectu earum induant conditionem, & officium primarum. Ex quo etiam fit intentiones istas non esse multiplicandas secundum numerum, ita vt appellètur tertiæ, & quartæ. Si enim, quando vna secunda intentio denominatur ab alia, induit rationem primæ, illa alia superueniens non rectè dicetur tertia, sed secunda.

41 Secundò notandum est, plures esse relationes rationis præter illas, quæ considerantur à Logico, vt disp. I. nu. 26. notabamus. Nam præter eas, quas ibidem adduximus, manifestum est, tum ea, quæ considerat Grammatica, vt nomen, participium, declinatio, & cætera, quæ pertinent ad orationis congruitatem; tum etiam ea, quæ considerat Rhetorica, vt exordium, epilogus, synecdoche, & alia, quæ ad orationis ornatum pertinent, pro formali significare rela-

tiones rationis: quæ tamen, vt patet, non continentur sub obiecto Logicæ. Quare explicandum restat, in quo differant relationes rationis, quas Logica speculatur, nempe definitio, propositio, subiectum, syllogismus, &c. ab illis, quas considerant Grammatica, & Rhetorica. In quo parum videmus immorari Doctores; cum tamen in hoc sita sit intima obiecti Logicæ penetratio.

Plena harum relationum cognitio pendet ex dicendis in prædicamentis de relationibus realibus, per ordinem ad quas relationes rationis cognoscuntur. Ibi distinguemus in vnaquaque relatione, relationem ipsam, fundamentum eius, rationem fundandi, & interdum conditionem sine qua non; vt in patre, paternitas est ipsa relatio, substantia patris est fundamentum, & (iuxta aliquorum sententiam) potentia generatiua est ratio fundandi, generatio verò ipsa est conditio, sine qua non.

42 Hæc ergo omnia suo modo debent inueniri in relationibus rationis. Nam relatio creatoris, v.g. quæ in Deo concipimus ad creaturas, habet pro fundamento ipsam substantiam diuinam, pro ratione verò fundandi possumus assignare attributum omnipotentie: ipsa enim est ratio propter quam Deo tribuimus talem relationem; & tandè in hac, & similibus relationibus cognitio nostri intellectus est conditio sine qua non; si enim illa non esset, omnipotentia non intelligeretur fundare talem relationem. Quòd autem nostra cognitio non sit ratio

fundandi hanc relationem, patet: quia quāvis relatio creatoris fiat effectivè à cognitione; ipsa tamen cognitio non se habet ex parte fundamenti, ut ratio recipiendi talem relationem. Non enim ideò Deus fundat per intellectum relationem creatoris, quia cognitus est, sed quia est omnipotens, & produxit creaturas: ac proinde omnipotentia ipsa, & non cognitio nostra est ratio fundandi talem relationem.

Quia ergo specificatio, & distinctio relationum realium colligitur benè ex rationibus fundandi, ut suo loco ostendemus: ideò hæc etiam erit congrua via ad investigandam specificam constitutionem, & distinctionem nostrarum relationum: & per consequens hinc petenda est prima divisio relationis rationis. Aliquæ enim sunt, quæ immediatè fundantur ab intellectu supra aliquod ens reale, ut patet in relatione creatoris, quam explicuimus, in similitudine, quam in essentia habent personæ divinæ; & alijs huiusmodi. Aliæ verò sunt relationes rationis prædictis immateriales, quarum ratio fundandi non est aliqua entitas, aut perfectio realis; sed denominatio extrinseca, præcipuè quæ sumitur, vel à voluntate imponente vocibus significationem, vel ab intellectu cognoscente rerum veritatem: Et huiusmodi sunt relationes rationis, quas considerant Grammatica, Rhetorica, & Logica.

43 Quo satis demonstratè subiuncta exempla. Nam in Grammatica declinationes nominum, aut verborum conjugationes, quas diximus esse relationes rationis, non fundantur immediatè supra entitatem realem vocum; sed supra illas iam ad significandum deputatas ex libera imponentium voluntate. Vnde ratio fundandi non est ipsa entitas vocû; sed impositio passiva earum, seu denominatio extrinseca à voluntate imponente, quod idem est.

Similiter exordium, tropus, figura & aliæ relationes, quas considerat Rhetorica, non solum præsupponunt impositionem vocum, ut patet; sed requirunt etiam ex parte rationis fundandi ipsam cōgruitatē quam intēdit Grāmatica. Postquā enim Grāmatica ordinat voces significativas in forma orationis congruæ: deinde Rhetorica exornat, & reddit orationē pulchrā. Per quod duæ istę artes, & relationes rationis, quas considerant, essentialiter inter se distinguuntur, ut consideranti patebit.

Tandem idem cernitur in relationibus logicis. Nam genericitas, quæ animal refertur ad suas species, non fundatur immediatè supra entitatem realem, ita ut ipsa perfectio realis animalis sit ratio fundandi; sed supra talem entitatem, quatenus cognita est. Non enim animal ex eo præcisè, quòd sit vivēs sensibile, est immediatè capax genericitatis; sed ex eo quòd sit cognitū sine speciebus, seu abstractum ab illis, ut infra disput. 3.

nu. 61. ostendemus. Et idem est de alijs relationibus logicalibus, quibus, quia cōmane est fieri per actū reflexum; commune etiam est fundari immediatē supra cognitionē passiuam, seu denominationē extrinsecam cogniti. Quæ doctrina est expressa D. Thom. in 1. dist. 2. quæst. 1. art. 3. de potētia, quæst. 7. art. 1. 1. & opusc. 48. c. 1. cuius verba adducemus loco citato.

44 Ex quibus plura iam licet inferre. Hinc enim primò intelligitur, quare relationibus logicalibus vniuersaliter conueniat, vt propria passio esse veritatis ostensiuas, vt supra disp. 1. nu. 30. tetigimus: cū tamen id non habeant relationes Grāmaticæ, aut Rhetoricæ. Quod significarunt antiqui Dialectici in illo versu, quem refert Flandria 1. Metth. quæst. 8. art. 6.

¶ *GRA. loquitur, DIA. vera refert; RHE. verba colorat.*
Gra. idest Grammatica: *Dia.* idest Dialectica: *Rhe.* idest Rhetorica. Nasceatur, inquam, hoc ex eo quòd, cū in relationibus logicalibus cognitio passiuæ sit ratio fundandi: nō solum relationes ipsæ, sed etiā ratio fundandi, ex qua tota relationis essentia pendet, est intra ipsum intellectum, quod nō habent aliæ relationes dictæ: & ideo relationum logicalium noticia, & non aliarum per se, & intrinsecè iuuat ad penetrandum intellectum, & modū operandi eius. Cū autem propria veritas reperiatur in intellectu, & ab eo deriuetur ad res, vt docet D. Thom. 1. p. quæst. 16. art. 1. & ostendemus in libris de Anima; inde

tandem fit, solas relationes logicalibus, quæ per se notificant proprium modum operandi intellectus, esse veritatis ostensiuas.

Ex quo vltius sequitur, solas has relationes propriè appellari secundas intentiones. Cū enim secunda intentio formalis sit quasi secunda attentio rei; tunc aliqua relatio rationis propriè est secunda intentio obiectiua, quandò fundatur supra rem, secundum quòd cognita est, quod proprium est relationum logicalium. Cum quo tamen fiat, quòd nomen secundæ intentionis sapè Dialectici extendant ad omnia entia rationis; vt quando terminum diuidunt in terminum primæ, & secundæ intentionis: quia in omnibus entibus rationis quodammodò inuenitur secunda attentio, secundum quòd præsupponunt cognitionem entis realis, vt supra nu. 19. notauimus. Sed hæc acceptio secundæ intentionis valdè impropria est, vt ex dictis constat.

45 ¶ Secundò insertur, quoniam modo possit vtrūq; ordinari auctor relationū rationis: (omnes enim comprehendere iuxta regulas diuisionis essentialis est ferè impossibile.) Primò ergo relatio rationis diuiditur in eam, cuius ratio fundandi est aliquid ens reale, & in eā, cuius ratio fundandi est denominatio extrinseca. Sub primo genere continentur, quæ per se non pertinent ad aliquā facultatē ratiōnālē, vt relatio creatoris, similitudo inter diuinas personas, relatio, qua Antichristus dicitur posterior Adā, & aliæ similes

Secunda:

Secundum genus continet illas relationes, quæ sunt obiectum per se alicuius facultatis rationalis. Ex qua parte (omissis alijs quæ sunt in isto genere) potest diuidi in eas, quarum ratio fundandi est denominatio extrinseca à voluntate imponente significationem; & in eas, quarum ratio fundandi est denominatio extrinseca ab intellectu cognoscente. Hoc secundum genus propriè dicitur secunda intentio, estque obiectum adæquatum Logicæ. Primum verò genus subdividitur in relationes Grammaticæ, & Rhetoricæ, tanquã in species subalternas, quarum unaquæq; continet plures species, quas explicant Grammatici, & Rhetores, ad quos hoc tanquam proprium remittimus.

46 Relatio logicalis, seu secunda intentio propriè dicta diuiditur prima diuisione in tria genera, iuxta tres operationes intellectus, à quibus res possunt denominari cognitæ: nempe in secundas intentiones, quæ præsupponunt apprehensionem, & dirigunt illam; & in eas, quæ præsupponunt, & dirigunt iudicium, & in eas, quæ præsupponunt, & dirigunt discursum. Iuxta quam secundarum intentionum diuisionem, sup. disp. 1. num. 83. Logicam diuisimus in tres partes.

Primum genus plures continet intentiones, quas sic possumus ordinare. Aliæ enim sunt, quæ consequuntur apprehensionem rei, vt subiicitur alteri; & ab his res denominantur subijcibiles. Aliæ verò sunt, quæ consequuntur apprehensionem rei, vt de alia prædicatur; à

quibus res denominantur prædicabiles. Subijcibile diuiditur eadem proportionem, ac prædicabile: quia vt cap. de differentia ostendimus, vnicuique prædicabili respōdet proprium subijcibile: vnde ex diuisione prædicabilis potest sufficienter colligi diuisio subijcibilis.

Prædicabile ergo diuiditur in prædicabile de vno tantum, vt indiuiduum; & in prædicabile de pluribus, scilicet, vniuersale, seu vniuersum. Sub primo membro continetur etiam prædicata æqualia, vt quando differentia prædicatur de specie: tunc enim non prædicatur de pluribus, neque respectu illius est vniuersalis, vt ostendimus c. de differentia. Ad secundum verò, scilicet vniuersale, pertinet reductiuæ analogia, aut etiã equiuocatio, quæ licet simpliciter sint relationes, & intentiones rationis; sunt tamē secundū quid vniuersalitates; quia nō in rebus ipsis, sed in nominibus tantū fundantur, vt suo loco dicemus. Deinde vniuersale diuiditur in quinque vniuersalia, scilicet genus, speciem, differentiam, proprium, & accidens. Quæ sunt species infimæ: vbi consequenter sistit diuisio secundarum intentionum, quæ cōsequuntur apprehensionem.

47 Secundum genus secundarum intentionum, illarum scilicet, quæ supponunt, & dirigunt iudicium, potest nomine incōplexo appellari propositio: diuiditurque essentialiter in affirmatiuam & negatiuam, vt ex Aristotel. & D. Thom. ostendimus lib. 2. Institutionum, cap. 3. Quæ etiam sunt species infimæ:

finem nam alie propositionis diuisiones, vel sunt analogi in analogata, vel subiecti in accidētia, aut etiā accidentis in subiecta, vt ibidem diximus.

Tertium tandem genus secundarum intentionum potest nomine incomplexo appellari argumentatio; diuiditurque in syllogismum, & inductionem, iuxta ea, que 3. lib. Summal. cap. 3. diximus. Ex quibus inductio diuiditur in ascensum, & descensum; & syllogismus in tres figuras, & vnaquaque in suos modos. Qui etiam sunt species infimæ sumpti formaliter pro secunda intentione: nam alie diuisiones syllogismi in demonstratiuum, topicum, & sophisticum, in singularē, & vniuersalem, in categoricum, & hypotheticum, & similes sunt accidētis

in subiecta, vt ibidem diximus.

Tandem nota, quod licet secundæ intentiones, vt potē accidentia quædam rationis, collocentur in prædicamento in abstracto, & non in concreto, sicut de accidentibus realibus dicemus in ante prædicamentis; defectu tamen nominū abstractorum, vel quia non sunt ita vsitata, aliquando vsi sumus nominibus concretis, qualia sunt subijcibile, prædicabile, genus, species, propositio, argumentatio, syllogismus, &c. Sed sumēda sunt in abstracto pro secundis intentionibus, quas pro formali significant; vt ita exactior sit earum coordinatio. Quam vt ipsis oculis intuendam proponas: faciliē ex dictis poteris

ad formam arboris
redigere.



PORPHYRII ISAGOGÆ DE QVINQVE VNIVERSALIBVS.

SOLENT Commentatores Auctores, in cuius librum Cōmentaria parant, nomē, vitam, operis inscriptionem, utilitatem, methodum, & obiectum suis commentarijs præfigere. In his nos altiora petentes non immorabimur.

Authoris nomē fuit Porphyrius, cuius vitam, & mores, patriā & genus Soto hic, & Recentiores, ex Bولاتerrano docēt. § Opus inscribitur *Isagoge*, seu introductio simpliciter, & absq; aliquo alio, vel per antonomasiam, ut vult Ammonius, vel quia res, cuius erat introductio, nota erat Crisostomo, cui Porphyrius tractatū hūc remisit. § Eius utilitas est maxima: nā vniversaliū cognitio simpliciter est necessaria ad exactā prædicamentorum notitiā comparandam. Licet autem posset simul cū illis tradi, commodius tamen, & utilius à Porphyrio in formā *Isagoge* redacta est. § Methodus est facilis, & modo introductorio, definiendo, diuidendo, singulaq; exemplis illustrando, ut tyronibus expediebat.

Obiectum (quidquid alij dicant) est vniuersale in communi, sumptū pro secunda intentione, nō pro natura denominata, aut aggregato ex utroque: sic enim est ens per se, & pars obiecti adequati Logicæ, ut constat ex diuisione eius paulō ante

adducta: unde non est cur in hoc amplius immoremur. Solū est aduertendum, Porphyriū, & Dialecticos frequentius tractare de hac, & alijs intētionibus logicalibus significatis in concreto; non quia Logica per se, & ex aquo cōsisteret, tā intentiones, quā res, quæ ab eis denominantur, aut quia de aliquo ex utrisq; aggregato sit, ut rectē notauit Caiet. c. de genere p. 2. in solutione ad vltimū: sed quia notitia secundariū intētionē non omnino propter se queritur, sed propter res, quarū cognitioni deferriunt. Ut diximus sup. disp. 1. n. 70. & idē de illis, nō tam in abstracto, quā in concreto significatis disputatur: quia nomina concreta significāt formas connotādo subiectū, ut cōspicitur infrā disp. 4. In quo et. ā sensu dixit benē Auic. Logicā esse de secundis intētionibus adiunctis primis; id est, de intētionibus formaliter, de rebus verò materialiter, & denominatiue, ut explicat Caiet. loco citato.

Diuiditur integer liber in tres partes. Prima cōtinet præmiū. Secūda de singulis quinque vniuersalibus per quinque capita differt. Tertia omnia simul cōparat, & in quibus cōueniant, in quibusve differāt; sexto, & finē cap. absoluit. Sic partitur hūc librum Iō. Argyrop. cuius trāslatione, tā circa Porphyriū, quā circa Arist. frequentius utemur, eo quod communius circumferatur.

PROOEMIUM PORPHYRII.

SUMMA TEXTVS.

PRIMO Proponit Porphyrius necessitatem huius tractatus ad notitiam prædicamentorum acquirendam. Deinde ostendit materiam, de qua acturus est, enumerans quinque vniuersalia, scilicet, genus, differentiam, speciem, proprium, & accidens. Et tandem faciliores quæstiones, altioribus relictis, explicare pollicetur: Appellat autem altiores, quæ maiori indigent inquisitione, quàm ut à tyronibus percipi possint. De quarum numero (inquit) sunt: an vniuersalia in re subsistant, vel in sola intellectus notitia: an corporea sint, vel corporis expertia: an separata, vel in sensibilibus posita.

Notationes circa textum.

QVàm sit necessaria prædicabilium cognitio ad prædicamentorum notitiam comparandâ, inde satis liquet; quia prædicamentum, ut omnes communiter definiunt, est series, seu coordinatio prædicabilium secundum debitâ subiectionem, vel prædicationem: ergo prædicabilia sunt partes prædicamentorum: ac proinde illorum notitia valdè conducet ad horum cognitionem.

Iam verò circa hoc Porphyrij proœmium disputât Doctores de vniuersalibus in communi, mouētes non solum eas quæstiones, quas Porphyrius tractare recusauit; sed & alias plures his adhuc altiores, quod Cano lib. 9. de Locis cap. 9. laudat; Soto tamen aliquas inuitus tractat. Sed re vera materia est summè necessaria, & ex ea pendēt ferè omnia, quæ tractantur in Logica: vnde nobis etiam erit ig-

noscendum, si morem nostri temporis sequentes easdem quæstiones pertractemus. Quas distinctionis gratia ad duas disputationes reducemus, in priori colligentes, quæ pertinent ad essentiam vniuersalis, tam ex parte materiæ, quàm ex parte formæ, ut postea in sequenti de passionibus eius disputemus.

Pro his autem, & alijs infra tractandis, aduertendum duximus, sæpius vsuros esse nominibus apud Latinos non ita vsitatis; quia summè sunt necessaria ad penetrandas res, de quibus disputatur. Et ideo, quamuis minùs latina, non sunt tamen fastidiosè contemnēda: quia ut benè inquit Aug. 4. de Doctrina Christiana, cap. 11. *Quid obest clauis lignea, si per eam id, quod volumus, aperire licet?*

†

DIS.

DISPUTATIO TERTIA,

De essentia vniuersalis.

3 **V**T Confusio, quam *uniuersalis* nomen asserre potest, auferatur, percipiamusque, de quo vniuersali sit nobis in presenti sermo: notandum est, vniuersale posse primò diuidi in complexum, & incomplexum. Complexum est principium illud generale, seu propositio vniuersalis, in qua veritates alicuius scientiæ fundantur; & generaliter omnis propositio signo vniuersali affecta dicitur in hoc sensu vniuersale. De quo non agimus in presenti.

Vniuersale incomplexum est, quod voce simplici significatur, & est sic vnum, vt dicat aliquem ordinem ad plura: vnde ex diuersitate huius ordinis sumuntur diuersæ acceptiones vniuersalis incomplexi. Primò enim potest aliquod vnum habere ordinem ad plura, vt causa eorum, & hoc appellatur *uniuersale in causando*, cuiusmodi est Deus, & aliæ causæ vniuersales. Secundò, vt exemplar, & similitudo eorum, appellaturque *uniuersale in representando*: & huiusmodi sunt idea artificis, species intelligibiles, & generaliter omnes actus intellectus, quibus cognoscuntur naturæ communes: omnia enim hæc sunt exēplar, & similitudo plurium, vt patet. Tertiò, aliquid potest comparari ad plura, vt signum eorum: & huiusmodi sunt voces communes, quæ quia plura significant, dicuntur *uniuersales in significando*.

Quartò tandem, aliquid potest respicere plura vt existens in illis, vnde oritur, quòd de eis prædicetur: cuiusmodi est animal, & aliæ naturæ communes, quæ verè existunt in suis inferioribus, & de illis prædicantur. Et hoc appellatur *uniuersale in essendo*, seu *in prædicando*, estque simpliciter, & absolute vniuersale: nam alia enumerata entitatiuè, & simpliciter sunt singularia, vt per se constat, solùmque dicuntur vniuersalia: quia causant, representant, vel significant plura, quod est esse vniuersale secundum quid.

Alijs ergo acceptionibus relictis, solùm disputamus in presenti de vniuersali in essendo, seu in prædicando: quod solet etiam appellari *uniuersale logicum*, quia continetur sub obiecto Logicæ. Differunt autem vniuersale in essendo, & in prædicando, tanquam essentia, & passio: quia ex eo, quòd aliquid sit in multis, sequitur posse de illis prædicari.

Propter quod etiam Aristot. vniuersale logicum interdum definit per esse in multis, interdum verò per prædicari de illis, vt magis infra constabit.

QVAESTIO PRIMA.

An à parte rei dentur naturæ, quæ denominari possint vniuersales?

4 **VT CLARIVS** Procedamus, agemus in his prioribus quæstionibus de vniuersali ex parte materiæ, seu de ijs, quæ pertinent ad naturam denominatâ; postea verò de secunda intentione, quæ est forma illius.

Pro intelligentia ergo, tùm tituli huius quæstionis, tùm etiam eorum, quæ in alijs dicenda sunt, sciendum est, quòd actus intellectus cõsueuerit appellari partus, seu conceptus mentis, sumpta metaphora à partu, seu conceptu prolis. Vnde etiam nomen conceptus extensum est ad significandum obiectũ actus, seu rem ipsam, quæ intelligitur: claritatis tamen gratia actus ipse appellatur conceptus formalis, & res quæ cognoscitur, cõceptus obiectiuus.

Quia verò intellectus potest separare perfectiones, quæ à parte rei sunt idẽ in aliqua re, formareq; de vnaquaque distinctũ conceptũ formalem, vt quãdo in homine cognoscit rationem animalis sine rationali: hinc est, quòd etiam dantur in qualibet re plures cõceptus obiectiuus, nẽpẽ rationes illæ, seu gradus, qui correspondent conceptibus formalibus, quamuis à parte rei tales rationes, seu gradus non distinguantur. Ex quo rursus sequitur, nomine conceptus obiectiuus non significari ipsas res materialiter sum-

ptas, & secundũ omne id, quod à parte rei habent, sed secundũ illã rationem, gradum, aut perfectionem, quæ intelligitur per conceptũ formalem. Quare si in quolibet singulari, v. g. Petro, præter differentiam indiuidualem datur etiam rationes, gradus, seu perfectiones cõmunes, quæ possint sine illa intelligi, manifestum est, quòd conceptus obiectiuus non semper erunt rationes indiuiduales, sed sæpius erunt rationes, gradus, seu naturæ communes; quæ cõsequenter erunt materia vniuersalis. In hac ergo quæstione inquiritur: vtrum à parte rei dentur tales cõceptus obiectiuus, gradus, seu naturæ, quæ denominari possint vniuersales?

5 Heraclitus, & Cratylus Philosophi Platone antiquiores, teste Arist. lib. 1. Metaph. c. 6. & lib. 4. c. 5, negauerunt, esse in rebus naturas vniuersales. Propter quod etiam scientias abstulerunt, nihil certò sciri posse affirmantes; eò quòd res omnes sint in continuo motu, & fluxu; scientiæ autem debeant esse de perpetuis & necessarijs.

Quorum fundamẽtũ adducit D. Tho. 4. Metaph. lect. 12. quia de re, quæ mutatur, in quantum mutatur, nihil potest verè affirmari; quod enim mutatur de albedine in nigredinẽ, prout sic, nec est albũ, neque nigrum: sed res omnes sunt in continuo

tinuo fluxu, & mutatione: ergo de illis nihil potest verè affirmari. Quam opinionem vsque ad eò secutus est Cratylus (testibus Arist. & D. Thom. ibidem) quòd existimauerit non oportere, aliquid verbo dicere; sed ad exprimendum, quod volebat, mouebat solum digitum, quia credebat veritatè rei, quam volebat enuntiare, priùs trāsire, quam oratio finiretur; breuiori autem spatio digitum mouebat. Propter quòd etiam Heraclitū increpabat, quia dixit fieri posse, vt bis eundem fluxum quisquam ingrediatur, ipse enim neque semel arbitrabatur.

Ab hoc Heracliti, & Cratyli delirio non longè distant nominales, qui vniuersalia, & scientias à rebus abstulerunt, asserentes, dari quiddam voces vniuersales; vt *homo*, & *animal*, illisque in mente correspondere conceptus formales vniuersales: ceterum, neque vocibus, neque conceptibus ipsis correspondere in rebus aliquid còmunè, sed tantum singularia. De quibus quia non potest esse scientia, consequenter asseruerunt, sola nomina, aut etiam conceptus formales posse ad obiectum scientiarum pertinere.

Pro hac sententià refertur Ochā. cap. 14. sive Logicæ, & in 1. dist. 2. quæst. 7. vbi etiam, idem tenent Gabriel. & alij. Quibus fauere videtur Arist. cap. de substantia, vbi definiens secundas, idest vniuersales substantias, ait: *Illas significare quale quid*: significare autem solis vocibus conuenit, vt patet.

Et libr. 1. de anima, text. 8. ait: *Animal autem vniuersale, aut nihil est, aut posterius. Similiter autem, & si quid commune aliud prædicatur.* Id est, animal vniuersale, aut nihil est, aut est post res, in vocibus scilicet, quæ impositæ sunt ad significandum, postquam res suat.

Ratione etiam suaderi potest, quia quidquid existit à parte rei, est singulare: ergo à parte rei nulla datur res, seu natura vniuersalis; sed tantum voces, aut conceptus, quæ, vt paulò ante diximus, entitatiuè sunt singularia. Patet còsequentia: quia vniuersale opponitur singulari: ergo si à parte rei omnes res sunt singulares; à parte rei nulla erit vniuersalis.

6 Secunda sententia præcedenti opposita concedit naturas vniuersales: & addit, eas esse à parte rei à singularibus separatas, esseque principia omnium indiuiduorum talis naturæ. Quam opinionem Arist. 1. Metaphy. cap. 6. & lib. 7. cap. 8. tribuit Platoni. Quem, licet in bonum sensum explicari contendant grauissimi patres, & Doctores, quòd scilicet loquatur de ideis in mente diuina existentibus, vt exponunt Augustinus, Dionysius Areopagita, Nazianzenus, Seneca, Plutarcus, Eugubinus, & Picus Mirandulanus, quos referunt hic Masias, Conimbricenses, & alij: illud tamen est magni ponderis contra Platonem; quòd quamuis D. Thom. lib. 4. de regimine Principum, cap. 4. dicat, Arist. nò planè referre aliorum sententiàs, maximè Socra-

Socratis, & Plat. in hoc tamen sequens Aristotel. tribuit prædictam opinionem Platoni, 1. par. quæst. 15. art. 1. ad 1. & quæst. 84. artic. 1. opusc. 55. & alibi sæpè: quæ sequuntur Abulens. Matth. 2. 5. quæst. 572. Auerr. Ferrar. Sotus, Carthusianus, & alij.

Quidquid autem sit de hoc, duo fundamenta istius sententiæ adducit Aristot. 7. Metaphys. text. 31. Primū est, quia scientia est de vniuersalibus, perpetuis, & inuariabilibus: ergo præter singularia, quæ sunt caduca, & contingentia, ponendæ sunt naturæ aliquæ reales, & vniuersales à singularibus separata. Probatur consequentia: quia aliàs non essent mutationis, & contingentiz expertes, si cum ipsis singularibus orirentur, & interirent.

Secundum est, quia vnumquodque producit à suo simili: sed multoties videmus ignem generari à non igne, & alia plura à non similibus: ergo ponendæ sunt aliquæ naturæ vniuersales separata, quæ sint principia, & causæ omnium habetium talem naturam; vt sic vnæquæque res semper producat à suo simili. Alia leniora argumenta videri possunt apud Auctores citatos.

7. Nihilominus tamen dicendum est primò, à parte rei non solū dari voces, aut conceptus formales communes, sed illis verè correspondere conceptus obiectiuos, seu naturas vniuersales. Hæc conclusio est communis consensus Philosophorum contra Nominales. Pro qua videri possunt Boët. hic, D. Thom.

de ente & essentia, c. 4. & opus. 55. & 56. Beatus Alber. tract. 2. Logica, Masius sect. 2. de Vniuersalibus quæst. 1. & alij Recentiores. Sumiturque ex Arist. 1. Periermen. cap. 5. vbi ait: *Rerum alia sunt vniuersales, alia particulares*: & lib. 1. Poster. cap. 2. docet, vniuersalia esse notiora singularibus, illaque intellectui, hæc verò sensu cognosci; quod etiam docet 2. de anima, c. 5. Quibus locis non potest esse sermo de vocibus, siquidem voces, etiam communes sensu percipiuntur, vt patet: ergo loquitur de rebus significatis.

Ratione etiam probatur. Primò, quia plures sunt prædicationes veræ, & necessariae, in quibus genus prædicatur de specie, & species de indiuiduis. Huiusmodi enim propositiones: *Petrus est homo, homo est animal*, veræ sunt, & necessariae; ergo id, quod in illis enuntiatur, est res aliqua, & non voces, aut conceptus formales. Patet consequentia, quia si voces, aut conceptus prædicarentur, vtrique propositio esset falsa, & impossibilis: nam ita falsum est dicere, Petrum esse hanc vocem, *homo*, sicut dicere, hominem esse cōceptum formalem animalis.

Respondebis cum Nominalibus, voces communes, v. g. *hominem, aut animal*, nō significare aliquam naturam cōmanem indiuiduis, sed immediatè ipsa singularia.

Sed contra hoc est, quia adhuc essent falsæ, & impossibiles propositiones, in quibus subiectum est terminus singularis, &

prædicatum terminus communis: siquidē hæc propositio, *Petrus est homo*, redderet hūc sensum: Petrus est omnia singularia hominis, quod per se constat esse falsum.

Secundò probatur: quia scientiæ reales verè tractant de rebus: sed nō de singularibus: ergo de rebus vniuersalibus. Minor, & consequentia constant: quia singularia sunt corruptibilia, & à natura per accidens intrēta. Maior autem probatur, quia Philosophia definiens hominem, quòd sit animal rationale, non definit hanc vocem, *Homo*: siquidem illa nō constat corpore, & anima rationali. Et Astrologia demonstrans terram esse rotūdā, id non probat de vocibus, vt patet. Vtimur tamē eis loco rerum, quia has ad scholas adducere non possumus, vt inquit Arist. in lib. Topicorum: ergo verè dantur res, & naturæ vniuersales.

8 Dicendum est secundò, naturas vniuersales non esse à parte rei à singularibus separatas. Hæc etiam conclusio recipitur vnanimiter à Philosophis. Quam probat Arist. contra Platonē pluribus locis; sed præcipue 7. Meth. tex. 5. i. vbi illum ex professo impugnatur. De quo videri possunt D. Tho. ibidem lect. 14. & alij Auctores citati.

Probat primò ratione desumpta ex eodem Angelico Doctore, opusc. 55. & 56. Quia impossibile est aliquid esse de essentia alterius, & quòd non sit in illo: imò prædicatio necessariò requirit aliquam identitatem rei, quæ enuntiatur, cū ea, de qua dicitur, vt indicat ipsa

forma prædicationis, & nos infra ostendemus: ergo sibi ipsi contrarius est Plato, dūm admittit naturas illas, seu ideas esse de essentia singularium, verèque prædicari de illis, & simul asserit ab eis esse realiter separatas.

Confirmatur ex eodem D. Tho. c. 4. de ente, & essentia: vbi impugnans sententiam Platonis, inquit: *Neque separatim illud proficit in cognitione singularis signati*. Ex quibus verbis sic format rationem Cai. ibidē, quia genus, aut species est id, quo indiuidua cognoscuntur; siquidem vnumquodque cognoscitur per suum genus, speciem, & differentiam: sed essentia per se subsistens non in singularibus, nō est id, quo indiuidua cognoscuntur: cū vnumquodque cognoscatur quidditatiuè per id, quod est in eo, & non per id, quod in eo non est: ergo essentia per se subsistens, vt ponitur à Platone, nō est genus, neque species, neque aliquod aliud prædicatum essentiale respectu indiuiduorum.

Secundò, quia si daretur talis natura à singularibus separata, simul esset vniuersalis, & non vniuersalis: vniuersalis quidē, vt supponimus, & nō vniuersalis, quia talis natura, seu idea verè existeret à parte rei: ergo ex vi alicuius actionis realis, siquidē esset quid creatū: sed quælibet actio realis terminatur ad re singularem: ergo idea illa verè esset singularis. Probat minor, quia illius proprium est fieri, cuius proprium est esse, seu subsistere, vt probat D. Thom. 1. p. q. 65. art. 4. sed in

in rebus creatis, esse, seu subsistere, proprium est suppositi singularis; non verò nature communis, vt docet idem Angelicus Doctor, quest. 9. de potentia, art. 5. ad 13. & nos aliquando ostendemus: ergo id, quod propriè sit, est suppositum singulare. ¶ Consultò omittimus alias rationes, quæ contra hæc Platonis vniuersalia ex principijs fidei desumi possent: qualis est illa de peccato originali, quod totam naturam humanam infecit; cū tamen Christus homo fuerit illius incapax, & aliæ similes.

9 Ad argumenta respondetur. Ad fundamentum Heracliti, & Cratylī respondet Aristot. loco ibi citato ex 4. Meth. vtramque præmissā esse falsam: quod probat optimè sex rationibus. Et de maiori quidem conitat: nam dato quòd de pariete verbi gratia, dū mutatur de albedine in nigredinē, non posset verè dici, esse album, aut nigrū; tamen verè potest dici oppositum, scilicet non esse album, neque nigrum, sed mutari: & sic iam erit aliqua determinata veritas, de qua possit esse scientia. Neque minor etiam est vniuersaliter vera (inquit Aristot.) nam licet concedamus res esse sub motu ad quantitatem, & qualitatem: non tamē semper erit sub motu ad formam substantialem, & sic poterit esse aliqua determinata veritas. Quas rationes latè prosequitur Aristoteles, de quo videri potest Diu. Thom. ibi lect. 12. Nos vnico verbo respondemus peccare argumentum,

arguendo à rebus secundū existentiam ad easdem secundū essentiam. Licet enim singularia sint contingentia, & mutabilia, essentia tamē sunt inmutabile, & perpetua, vt disp. sequenti explicabimus.

Ad loca Aristot. pro sententia nominalium respondetur. Ad primū, ibi loqui de nominibus significantibus secundas substantias, non de ipsis secundis substantijs, vt patet ex eius verbis. ¶ Secundū autem locum explicat optimè Diu. Thom. ibidem lect. 1. & lib. 3. sequenti, lect. 12. quòd scilicet Aristoteles illis verbis simul excludit opinionē Platonis, & docet modū, quo sit vniuersale, & ita sensus est: Animal vniuersale nihil est ab speciebus separatum, vt fingebar Platon; est tamen in eisdem, vt quid potterius, scilicet ab intellectu fundatum, & ex earum conuenientia desumptum: vnde male est glossa adducta in argumento.

Ad rationem pro eadem sententia respondetur, quòd sicut nature vniuersales à parte rei sunt idem cum singularibus, ita à parte rei existunt per existentiam singularium, sicut etiam fiunt per actiones, quibus fiunt singularia. Ex hoc tamen solum sequitur, nō dari vniuersale à parte rei separatum: hoc enim est, quod opponitur singulari; non tamen interius, non dari à parte rei naturas communes, & vniuersales, singularizatas tamen, & à singularibus à parte rei non separatas.

Ad fundamenta Platonis ex dictis patet. Ad primum concedimus, scientias esse de naturis vniuersalibus, perpetuis, &c. Sed hoc idè est, quia abstrahunt ab existentia, solùmque considerant obiectum secundum essentiam. Constat enim, quòd eodem modo, ac nunc est vera hæc propositio: *Omnis homo est animal*, esset etiam vera, si nullum existeret indiuiduum hominis. Imò dato, quòd esset possibilis sententia Platonis de existentia reali vniuersalis separati, talis existentia non esset necessaria ad veritatem propositionis, quia etiam ante illam existentiam, esset verum, hominem esse animal, vt de se patet. Vnde ad probationem consequentiæ respondetur, essentias, seu quidditates vniuersales dici perpetuas, & inuariabiles, non quia cum singularibus non oriantur, aut intereant, sed quia id non habent secundum se, sed ratione singularium. Vnde ipsæ secundum se sunt perpetuæ, & inuariabiles negatiuè, vt explicabimus disp. seq.

Ad secundum respondetur, errasse Platonem existimando, inter causam, & effectum necessariam esse similitudinem formalem, & vniuocam, sufficit enim virtualis, seu eminentialis, vt patet in Deo respectu creaturarum, & generaliter in omnibus causis æquiuocis.

QVAESTIO II.

Vtrum à parte rei detur vnitatis formalis in natura?

10 SVpposito, quòd à parte rei dantur naturæ, quæ denominari possunt vniuersales, vltiùs inuestigandum est, quid requiratur ex parte ipsius naturæ, seu quid in ea à parte rei præsupponatur, ratione cuius sit capax secundæ intentionis vniuersalis. Et ad hoc ordinantur ista, & sequentes questiones de vnitatis formali; hæc enim (si datur à parte rei,) proculdubio est id, ratione cuius natura est capax vniuersalitatis; siquidem non recipit eam ratione vnitatis numericæ, vt patet. Vt ergo a certioribus incipiamus, & necessaria alia simul explicemus.

Primò certum est, ad hoc vt natura sit materia apta vniuersalis, non debere esse singularem essentialiter, qualis est natura diuina, quæ, quia est simplicissima, & actus purus, non admittit compositionem ex ratione communi, & singulari, sed ipsa per se ipsam est essentialiter singularis; ac proinde repugnat esse vniuersalem. Vnde prædicationes, in quibus natura diuina dicitur de personis, *Vt pater est Deus, filius est Deus, &c.* non possunt esse aliquis ex quinque prædicabilibus. Vtrum autem naturæ, quibus repugnat habere plura indiuidua, vt de naturis angelicis tenent com-

muni-

munitur Thomistæ, possint esse materia vniuersalis, disput. 6. dicemus.

II. Secundò certum est entia per accidens, vt aceruus, & generatim quæ componuntur ex entibus completis, aut rebus diuersorum prædicamentorum, non posse esse materiam vniuersalem. Cuius ratio est manifesta; quia vniuersale, de quo loquimur in præsentia, est vnum simpliciter: sed ens per accidens non est simpliciter vnum, sicut neque est simpliciter ens; ergo non potest esse materia apta vniuersalis.

Eadem ratione excluduntur transcendentes, analogæ, & æquiuocæ. De quibus quia agendum est in antepredicamentis, nunc satis sit dicere, quòd sicut defectu unitatis excluduntur à linea prædicamentali; ita etiã excluduntur à materia vniuersali. Vnde illæ tantum naturæ, quæ vniuocæ, seu equaliter, quantum est ex parte sua, participantur ab inferioribus, vt est natura humana, & similes possunt esse materia vniuersalis.

Tandem, quia de cōcretis accidentalibus infra agendum est, nunc etiam sufficiat dicere, illud aggregatum ex subiecto, & accidenti (siue totum hoc significet nomen cōcretum, siue non, de quo infra) non posse esse materiã vniuersalem; quia prout sic est ens per accidens constitans rebus diuersorum prædicamentorum, quod expressè docuit D. Thom. capit. 6. de ente, & essentia, dicens: *Ex accidenti, & subiecto*

non fit vnum per se. Vnde non resultat ex eorum coniunctione aliqua natura, cui intentio generis, vel speciei possit attribui.

Ergo cum naturæ istæ, quæ possunt esse materia vniuersalis, non sint a parte rei à singularibus separatae, sed in eis existentes, vt ostendimus quæst. præcedenti: manifestum est iuxta pluralitatem realem, & distinctionem numericam indiuiduorum naturas ipsas esse realiter multiplicatas in illis, & ex consequenti naturam humanam Petri, v.g. esse vnã numero per unitatẽ numericam, quam habet Petrus, & naturam humanam Pauli esse vnã numero per unitatem numericam, quam habet Paulus, & sic de alijs. Sed quia duæ istæ naturæ solum distinguuntur per principia materialia, ex quibus sumitur distinctio numerica, non verò per aliqua principia formalia, seu essentialia, in quibus potius conueniunt; hinc emergunt plures difficultates circa unitatem formalem, vtrum scilicet in natura præter unitatem numericam detur a parte rei unitas formalis. Deinde; an talis unitas sit a parte rei communis indiuiduis, & vnã in illis, an potius multiplicetur, sicut multiplicantur unitates numericae. Et tandem quomodo in quolibet indiuiduo distinguatur unitas formalis, & numerica. Quarum difficultatum rigidum examen est proprium Metaphysica; sed aliquis earum notitia conducit plurimum ad cognitionem vniuersalem.

12 ¶ A prima ergo incipiendo. Pro tituli intelligentia sciendum est, ex Aristot. 5. Metaphysic. cap. 6. & lib. 10. cap. 1. quod, *Unum* est ens indiuisum in se, & diuisum à quolibet alio: siue unum pro formaliter dicat solam carentiam, ut quidam dicunt; siue ut volunt alij, includat etiā essentialiter ipsum ens, ita quòd, tam ens, quàm carentia diuisionis intrent essentialem rationem vnus, de quo alibi. Quare vnitas erit, vel ipsa indiuisio; seu carentia diuisionis, vel entitas indiuisa. Quidquid autem dicatur, certum est tamen, tot esse unitates, quot fuerint diuisiones: carentia enim specificatur, & cognoscitur per formam oppositam.

Diuisio autem est duplex, ut probat Caietan. de ente, & essentia cap. 4. quest. 6. alia materialis, & alia formalis. Diuisio materialis est, quæ causatur per principia materialia, seu differentias indiuiduales; quæ quia sumuntur à materia, dicuntur materiales, & hac diuisione diuiditur qualibet species infima in sua indiuidua. Diuisio formalis est, quæ causatur per principia formalia, seu differentias essentielles, quæ quia sumuntur à forma, dicuntur formales; quomodo differunt species cuiuscumque generis. In hac autem diuisione formali est latitudo, ut recte notat Caietan. potest enim fieri per differentias formales magis, ac magis communes; sicut genera ipsa, quæ diuiduntur, pos-

sunt esse magis, ac magis communia.

Vtrumque cernere licet in Petro, qui à Paulo differt, non per aliqua principia formalia, aut essentialia, in his enim omnino conueniunt, sed ratione materiæ, seu per differentiam indiuidualem, & sic inter eos solū est distinctio materialis. At verò Petrus ab hoc equo, non solū differt ratione materiæ, sed per principium formale, scilicet rationale: sed ab hac planta differt per aliud principium formale communius, scilicet per sensibile: similiter ab hoc lapide differt per principium formale superius, scilicet per animatum: & sic de alijs, ascendendo per lineam predicamenti substantiæ. Ex quo fit, quòd tantum diuisio, qua homo diuiditur in Petrum, & Paulum, est materialis, & ex consequenti, quòd in ea nulla est latitudo. At verò, non solum diuisio, qua animal diuiditur in hominem, & equum; sed etiam, qua viuens diuiditur in animal, & plantam, & etiam, qua mixtum diuiditur in viuens, & non viuens, & aliæ superiores sunt diuisiones formales; & per consequens in diuisione formali inuenitur latitudo explicata.

13 Ex quibus sequitur primò, unitatem esse duplicem: aliam materialem, & aliam formalem. Unitas materialis erit, vel carentia diuisionis materialis, vel entitas carentes diuisione materiali, iuxta duos modos dicendi suprà relatos. Unitas verò formalis similiter erit, vel

vel carentia diuisionis formalis, vel entitas carens diuisione formali. In qua, sicut in ipsa diuisione, erit latitudo: siquidem Petrus non solum caret diuisione formali, quia est rationalis, sed etiam quia est sensibilis, animatus, &c. Quod expressè docuit Aristotel. 5. Metaphysic. capit. 6. cuius verba in conclusione adducemus.

Secundò sequitur, quòd vnitas numerica est maxima vnitas; quia nullam admittit diuisionem; vnitas verò formalis minor est illa, quia non excludit diuisionem numericam: & intra latitudinem vnitatis formalis illa erit minor, quæ causatur per principium formale magis commune; quia plus admittit diuisionis. Verbi gratia, in Petro vnitas, qua est hoc indiuiduum, est maxima: quia excludit omnem diuisionem; vnitas verò, qua est vnus homo, est minor præcedenti: quia ex vi huius non excluditur, quòd sit hic, vel hic homo; vnitas autem, qua est vnum animal, est minor præcedentibus: quia ex vi illius non excluditur, quòd sit hoc animal, scilicet homo; aut illud animal, scilicet equus. Et idem proportionabiliter est de alijs gradibus superioribus, vt consideranti patebit.

14 Ratio autem à priori huius doctrinæ est; quia vnitas dicit carentiam diuisionis: carentia autem tanto maior est, quanto minus relinquatur in subiecto de for-

ma, qua priuat, vt patet de obscuritate, surditate, & alijs priuationibus: vnde illa carentia erit maxima, quæ in subiecto nihil relinquit suæ formæ. Cum ergo vnitas numerica nihil relinquat de diuisione, formalis verò admittat magis, ac magis iuxta latitudinem explicatam, manifestum fit, vnitatem numericam esse maximam, formalem verò esse minorem, ac minorem, secundum quòd causatur per principium magis, ac magis commune.

His sic explicatis: de vnitatem numericam nullus ambigit dari à parte rei. Constat enim, quodlibet indiuiduum à parte rei esse ens indiuisum in se, & diuisum à quolibet alio vltima diuisione; & per consequens esse vnum numero, quod est habere à parte rei vnitatem numericam. Vnde solum est difficultas de vnitatem formalis: an scilicet in Petro, verbi gratia, præter vnitatem numericam, detur à parte rei vnitas formalis. Cuius sensus non est: an vnitas formalis, & numerica distinguantur à parte rei, sed an sicut à parte rei datur vnitas numerica, sic etiam detur à parte rei vnitas formalis: potest enim hæc esse à parte rei, quin sit realiter distincta à numerica. Sicut à simili statuimus questionem præcedenti dari à parte rei, non solum differentias indiuiduales, sed etiam naturas communes: quamuis istæ nõ distinguantur realiter ab illis. In hoc ergo sensu inquirimus, an sicut datur à parte

rei vnitas numerica in natura, sic etiam detur vnitas formalis.

15 Partem negatiuam defendunt quidam moderni, contententes, solam vnitatem numericam dari à parte rei. Et probant primò ex Aristotel. 5. Metaphysic. text. 7. vbi agens de *vno*, solum enumerauit vnitatem numericam, specificam, & genericam: sed istæ duæ sunt per intellectum: ergo sola vnitas numerica datur à parte rei.

Secundò: sicut non datur nisi duplex ens, reale scilicet, & rationis, ita non datur nisi duplex vnitas, realis scilicet, & rationis: sed vnitas realis est vnitas numerica: ergo vnitas formalis solum potest esse per intellectum. Probat minor, quia omnia, quæ sunt in singularibus, à parte rei sunt singularizata, & indiuiduata: ergo quamuis Petrus, verbi gratia, à parte rei sit homo, animal, & viuens, nihil tamen istorum erit à parte rei commune, sed singulare, & ex consequenti omnia erunt vnum numero per vnitatem numericam, ac proinde non dabitur vnitas formalis.

Tertiò, quia plures rationes reales; quæ in quolibet ente possunt per intellectum distingui, non efficiunt à parte rei plura entia: ergo non faciunt plura vna: ergo vnitas realis, quæ est passio entis, nõ sequitur rationes formales, etiã reales, sed entitatem singularem, & indiuiduam.

Confirmatur, quia vnitas realis in actu tantum est passio entis realis in actu; nisi enim actu sit ens, actu vnum esse non potest: sed ens actu tantum est ens singulare: ergo vnitas realistan- tum sequitur singularitatem, & indiuiduationem. Consultò omitimus plura alia argumenta, quæ pro hac sententia formant Auctores eius, quia solum probant vnitatem formalem à parte rei non esse distinctam à numerica, de quo agendum est questione quarta.

16 Dicendum est tamen, à parte rei, & ante omnem operationem intellectus dari vnitatem formalem in natura. Hæc conclusio vnanimiter admittitur à discipulis Diui Thomæ & Scoti, vt testatur Suarez disputat. 7. Metaphysic. sect. 1. num. 2. citans vtriusque scholæ Doctores. Pro qua videri possunt Antonius Andr. 7. Metaphysicæ, quest. 17. & Caietan. de ente & essentia capit. 4. quest. 6. vbi asserit, hanc conclusionem esse adeò manifestam, vt nullus sanæ mentis possit eam negare. Colligitur manifestè ex Aristot. 5. Metaphysic. text. 11. vbi ait: *Vniuersaliter enim quæcumque non habent diuisionem, in quantum non habent, sic vnã dicuntur: vt si in quantum homo non habet diuisionem, vnus homo; si verò in quantum animal, vnã animal.* Idem docet D. Th. opusc. 42. cap. 7. vbi naturæ secundum se, vt præscindit ab esse, quod habet in indiuiduis, vel in intellectu,

lecti, expressè concedit quandam vnitatem, ratione cuius habet vnam diffinitionem, & vnum nomen: quod vt patet non potest esse verum, nisi de vnitae formali.

Probatur conclusio ratione, quia vnitae formalis est carentia diuisionis formalis, seu entitas indiuisa formaliter: sed Petrus à parte rei habet carentiam diuisionis formalis, seu entitatem formalem indiuisam, & non tantum indiuisiorem materialem: ergo à parte rei, non solum habet vnitatem numericam, sed etiam formalem. Maior, & consequentia constant. Minor verò probatur: quia sicut à parte rei Petrus, non est diuisus in plures materias, seu indiuidua, ita non est diuisus in plures formas, seu essentias: ergo sicut à parte rei habet carentiam diuisionis materialis: ita à parte rei habet carentiam diuisionis formalis.

Confirmatur, quia à parte rei non solum datur diuisio materialis inter indiuidua eiusdem speciei, sed etiam datur diuisio formalis inter indiuidua diuersarum specierum: ergo in Petro præter vnitatem numericam datur à parte rei vnitae formalis. Consequentia patet: quia priuationes, seu carentiae regulantur per habitus, seu formas oppositas. Antecedens verò probatur: quia nullo intellectu considerante, sicut Petrus distinguitur à Paulo materialiter:

ita distinguitur ab equo essentialiter.

17 Respondebis, Petrum à parte rei per ipsam vnitatem numericam, non solum carere diuisione materiali, sed etiam formali; & ex consequenti per illam à parte rei distingui, tum ab indiuiduis eiusdem speciei, tum ab alijs quibuscunque.

Sed contra: quia, vel sumis vnitatem numericam Petri, secundum quod sibi realiter indentificat quacumque entitatem indiuisam, seu quacumque indiuisiorem, quæ est in Petro, ex quacumque radice proueniat: & sic verum quidem est per eam Petrum carere quacumque diuisione, & distingui à quocumque alio, sed hoc idè est; quia in vnitae numerica sic sumpta includitur vnitae formalis, quæ realiter cum illa indentificatur. Vel sumis vnitatem numericam, præcisè secundum quod est materialis, seu secundum quod causatur per principia materialia: quomodo non includit vnitatem formalem, sed condistinguitur ab ea; & sic omnino falsum est, per vnitatem numericam Petrum distingui essentialiter ab equo. Principia enim materialia prout sic, cum desumantur à materia prima tanquam à prima radice, non possunt causare distinctionem essentialem, sed hæc necessariò causatur per principia formalia, quæ à forma tanquam à prima radice desumuntur. Et hoc modo

modo loquimur in presenti de vnitatem materiali, & formali, vt ex dictis patet.

Secundò probatur conclusio, quia à parte rei Petrus, & Paulus habent relationem similitudinis, seu identitatis in natura humana: ergo datur ibi vnitas formalis. Probatur consequentia: quia relatio similitudinis, seu identitatis fundatur in vnitatem ex Aristotel. 5. Metaphysicæ text. 20. Cum autem non fundetur in vnitatem numerica, siquidem in hac potius sunt dissimiles, & diuersi, manifestum est fundari in vnitatem formali.

Confirmatur, quia multa alia necessariò conceduntur esse à parte rei, quæ saluari non possunt, nisi detur vnitas formalis in natura: ergo illa concedenda est. Probatur antecedens, quia à parte rei concedimus, in quolibet genere dari vnā speciem præstantissimam, quæ est mensura cæterarum, & similiter à parte rei vnum vni contrarium esse, & alia huiusmodi, quæ tamen non possunt intelligi de alia vnitatem nisi formali: ergo verè datur à parte rei in natura.

18. Ad argumenta respondetur. Ad primum, Aristotelem ibi sub vnitatem specificam, & genericam comprehendisse vnitatem formalem: tunc, quia ex parte priuationis conueniunt, siquidem omnes dicunt carentiam diuisionis formalis; tunc etiam, quia vnitas formalis est proximum fundamen-

tum ex parte naturæ respectu vnitatis specificæ, vel genericæ, & idè solet appellari fundamentaliter specificam, vel genericam.

Ad secundum negatur *minor*. Sicut enim entitas realis Petri, non solum continet principia materialia, vnde sumitur differentia numerica, sed etiam principia formalia, vnde sumitur differentia essentialis; ita vnitas realis Petri, non solum continet vnitatem numericam, quæ sequitur principia materialia, sed etiam vnitatem formalem, quæ sequitur principia essentialia; quamuis à parte rei, vt supponimus, non distinguantur istæ vnitates, sicut non distinguuntur à parte rei differentia numerica, & essentialis. Vnde ad probationem minoris cōcedimus quidem omnia, quæ à parte rei sunt in Petro, esse singularizata, nihilquæ esse à parte rei commune; indè tamen solum sequitur, vnitatem formalem esse à parte rei coniunctam cum vnitatem numericam in vnoquoque indiuiduo, & non dari aliquam vnā vnitatem formalem communem omnibus. Cum quo tamen stat verè dari vnitatem formalem, quod intendimus.

Tertium argumentum, cum sua confirmatione præcipue probat, vnitatem formalem, & numericam à parte rei non esse plures vnitates, seu non distinguere realiter, quod nos non negamus, vt constabit quæstio. 4. Adhuc tamen

tamen ad argumentum, quatenus potest esse contra nos, responderetur, quod sicut rationes, seu perfectiones reales, quas distinguit intellectus in aliquo ente, efficiunt à parte rei vnam ens, ita vnitatis formalis, & numerica à parte rei efficiunt vnam vnitatem realem, quæ est passio entis. Vnde malè intertur, talem vnitatem non sequi rationes formales reales, sed entitatem singularem, & indiuidua. Nam eo ipso, quod sequatur totam illam entitatem singularem, sequitur etiam omnes rationes reales, quæ in ea continentur seruata proportionè.

Per quod patet ad confirmationem. Concedimus enim vnitatem realem in acta, solum sequi entitatem singularem, quæ est entitas in acta. Negandum est tamen tantum sequi ad singularitatem, seu differentiam numericam, quoniam etiam sequitur ad alias perfectiones essentielles, quæ in tali entitate singulari continentur, vt explicatum est.

QVÆSTIO III.

Vtrum à parte rei detur in natura vna vnitatis communis, vel potius multiplicetur in inferioribus?

19 QVæstio hæc celebris est inter discipulos D. Thom. & Scoti. In qua pro tituli intelligentia notandum est ex Caiet. de ente & essentia, c. 4. quæst. 6. vnitatem naturæ dupliciter posse esse communem; negatiuè scilicet, & positiuè.

Tunc est communis negatiuè, quando natura non est appropriata alii cui supposito, vt ipsum nomē indicat; nam negatiuè commune idem est, quod nō singulare. Vnde natura sic sumpta idem est, quod natura solitaria, vt loquitur Caiet. absque consortio scilicet indiuiduorum. Tunc verò vnitatis est positiuè communis, quando natura indiuisa manens secundum illam vnitatem, reperitur in pluribus.

Cui Caiet. doctrinæ addit bene Masius sect. 2. de Vniuers. quæst. 3. vnitatem positiuè communem posse subdividi in numericam, specificam, & genericam. Tunc natura habet vnitatem numericam positiuè communem, quando manens eadem numero, & indiuisa, reperitur in pluribus suppositis, vt natura diuina, quæ indiuisa manens, & eadem numero, identificatur cum tribus personis realiter distinctis. Tunc verò natura habet vnitatem specificam, vel genericam positiuè communem, quando indiuisa manens, secundum illum gradum specificum, vel genericum, reperitur in pluribus realiter distinctis.

Non procedit ergo difficultas de vnitatis numerica positiuè communi, certum enim est, nullam naturam creatam habere talem vnitatem, sed id proprium esse naturæ diuinæ; sed solum procedit de vnitatis formali specifica, vel generica. Estque punctus difficultatis in hoc: an à parte rei detur in natura vnitatis formalis positiuè communis; ita vt manens indiuisa secundum

dum illum gradum specificum, vel genericum, ad quos consequitur, reperiatur in pluribus absque eo, quod in illis realiter multiplicetur. Et hoc est, quod præcipue controuertitur inter D. Thomæ, & Scoti discipulos. Nos tamen simul etiam explicabimus, an saltem natura habeat à parte rei vnitatem formalem negatiue communem.

20 Prima sententia asserit, naturam humanam, v.g. habere à parte rei quandam vnitatem formalem positiuè communem indiuiduis, neque in illis multiplicatam. Sic docet Scot. 7. Metaphy. quest. 18. & 2. dist. 3. q. 1. quæ sequitur Antonius Andr. Mollorius, & alij eius discipuli, quos refert Mas. vbi supra. ¶ Scimus aliquos diuersimodè explicare mentem Scot. quouis tamen modo exponatur, hoc tandem asserere tenentur, tam ipse, quam omnes illi, qui asserunt, dari à parte rei vniuersalem formaliter, seu vniuersalitatem, ut videbimus quest. 5.

Sed quidquid de hoc sit, sententia sic intellecta probatur. Primum, quia à parte rei Petrus, & Paulus sunt vnum in natura humana; ergo à parte rei talis natura habet vnitatem illis communem, & non multiplicatam in eis. Probatur consequentia, quia quando aliqua duo realiter distincta sunt vnum in aliqua ratione, talis ratio debet esse vna in illis.

Secundò, quia inter Petrum, & Paulum est realis relatio similitudinis, seu identitatis in natura; sed hæc relatio fundatur in vnitatem reali ex Arist. cap. de relatione: ergo sicut

inter Petrum, & Paulum datur vnica relatio identitatis, ita dabitur aliqua vnitas realis communis, quæ non multiplicetur in eis. Maior, & minor patet; consequentia verò videtur constare ex paritate rationis.

Tertiò, quia natura humana, quæ est in Petro, & Paulo, definitur vnica definitione: ergo habet aliquam vnitatem in illis; nihil enim defini potest, nisi quatenus vnū ex Arist. 4. Metaph. tex. 10. & lib. 7. tex. 13. sed hæc vnitas non est per intellectum, nam à parte rei, & non ab intellectu habet natura, quod sit definibilis; ergo est vnitas realis, & ex consequenti sicut definitio indiuisa manens est positiuè communis indiuiduis, ita etiam vnitas.

Quartò, quia quantumcumque natura diuidatur per differentias numericas, manet formaliter indiuisa: ergo in illa manet vnitas formalis. Sed talis natura manens eadem formaliter, comunicatur pluribus; ergo vnicam, & eandem vnitatem formalem habent illa plura: & per consequens dabitur in natura vnitas formalis, quæ non multiplicetur in illis. Plura alia argumenta cogerunt Doctores pro hac sententia, quæ tamen solum probant, dari à parte rei vnitatem formalem, quod nobis non aduersatur.

21 Secunda sententia negat naturam à parte rei vnitatem formalem communem indiuiduis, quæ non multiplicetur in eis, sed similem vnitatem asserit provenire naturæ ab intellectu. Ita D. Thom. opusc. 55. & 1. p. quest. 85. art. 2. ad 2. Quem sequuntur eius discipuli, Caietan.

vbi supra, Capreolus in 2. dis. 8. q. 2. Senciens. 7. Meth. quest. 17. Sor. quest. 2. Vniuer. label. tract. 5. Toleus quest. 3. Rub. ibidem, & communiter Doctores. Qui tamen videntur diuisi in explicatione huius sententiæ, variosque dicendi modos ad lucit Rub. in sua Logica magna, sed certè in rei veritate non sunt discordes, quamuis nõ eodem modo loquantur. Inter alios id explicat optimè Caiet. 4. illo cap. de ente & essentia, q. 6. vbi concedit quidem, præter vnitatem numericam aliam vnitatē realem, nempe formalem, sed hanc asserit non esse cōmunem pluribus indiuiduis, aut in illis vnā, sed realiter in illis multiplicari, ita vt vnumquodque habeat suam vnitatem formalem. In quo contra Scot. conueniunt Thomistæ, concedunt tamen in omnibus indiuiduis esse à parte rei quādam vnitatem conformitatis, vt loquuntur veteres discipuli Diui Thomæ, Herbeus quod l. 1. q. 9. & Niger. quest. 2. 2. Clypei, nõ quæ sit simpliciter vnitatis, aut aliquod tertium commune indiuiduis, sed cōformitas quædam, aut similitudo eorum, vt magis explicabimus conclus. 3. Quem modū loquendi sumptērunt ex D. Thom. opuscul. 48. tract. 1. cap. 4.

Vt ergo clariùs procedamus, neque materiam satis ex se difficilem defet & distinctionis cōfundamus, aduertendum est, quod cum vnitatis, vt supra nūm. 12. notauimus, dicat entitatem, & negationem, (siue sola negatio sit ratio formalis vnitatis, siue entitas cū negatione, quod

nūc nõ interest) consequenter possumus loqui, vel de entitate ipsa reali, quā importat vnitatis formalis hominis, verbi gratia, quæ est ipsa natura humana, vel precisè de negatione, seu indiuidione formalis, quæ consequitur talem naturam. Quamuis autem negatio ipsa videatur quid formalius in vnitatis; tamen præcipua cōtrouersia inter vtramque scholam nõ est de ipsa mera negatione: an scilicet vnica negatio diuisionis realiter sit in omnibus indiuiduis. Neque id solum voluisse Scotum cōvincitur manifestè: quia, vt quæstione sequenti videbimus, inter naturam humanā, & singularitatē Petri posuit Scot. distinctionem quandam ex natura rei, & ante operationē intellectus, vt ita posset manere natura formaliter indiuisa in indiuiduis, multiplicatis numero singularitatibus eorum. Vnde etiam fit, præcipuam Thomistarum sententiam contra Scotum non esse de ipsa mera negatione, sed de positiua entitate, quam importat vnitatis. In quo sensu præcipuè discutienda est à nobis præsens difficultas, quamuis etiam ageamus de negatione, vt quæstio ex nulla parte indecisa remaneat.

22 Prima conclusio. Loquendo de vnitatis quantum ad realem entitatem, quam dicit, à parte rei nulla datur vnitatis formalis, quæ sit positiue communis indiuiduis; aut quid realiter vnum, & indiuisum in illis, sed tot dantur à parte rei vnitates formales in aliqua natura, quot dantur indiuidua illius.

illius. Conclusio hæc quoad vtramque partem recipitur vnanimitè à Thomistis, estque communis inter Doctores contra Scot. Quam etiam tenent D. August. Damasc. Basil. & Boecius, quorū verba adducit Masius, sect. 2. de Vniuersalibus, quæst. 3. conclus. 8. Et hanc vnitatem realem positiuè communè excludit D. Thom. cap. 4. de ente & essentia, vbi loquens de natura secundum se, ait: *Si queratur, vtrū ista natura possit dici vna, vel plures; neutrum concedendum est, quia vtrumque est extra intellectum humanitatis, & vtrumque potest sibi accidere.* In quo etiam sensu explicandus est Scotus, quæst. 2. de Vniuer. & si qui alij graues Doctores asserere inueniantur, nullam dari vnitatem realem præter numericam.

Prima pars conclusionis probatur ratione, quam indicat D. Thom. ibidem, quia si in natura daretur à parte rei, & ante intellectum vnitatis formalis positiuè cōmunis pluribus, cum illam non haberet natura ex reali contractione ad indiuidua, necessariò conueniret naturæ secundum se, flueretque ex intrinsecis principiis eius, & per consequens esset propria eius passio, cum ex eodem D. Thom. non possit aliter considerari natura, quam vel abstracta per intellectum, vel contracta ad indiuidua, vel secundum se, & secundum sua prædicata intrinseca: sed hæc vnitatis formalis positiuè communis non conuenit naturæ per intellectum, vt supponimus ex Scoto, neque propter cō-

tractionem realem, vt de se patet; ergo conuenit naturæ secundum se: & ex consequenti erit quid intrinsecum, & propria passio eius. Tunc sic cōficienda est ratio D. Thomæ. Natura secundum se habet hanc vnitatem positiuè communem, vt aduersarij fatentur; ergo repugnat contrahi, & esse singularem. Probat consequentia, quia non potest amittere talem vnitatem communem, vt potè ex intrinsecis principiis fluentem, quod tamen necessarium erat, vt contraheretur, siquidem repugnat naturam esse cōtractam, & positiuè communem, vt de se patet.

23 Secundò probatur conclusio directe contra mentem Scoti; quia natura humana à parte rei est multiplex in indiuiduis: ergo à parte rei non est vna in illis. Consequētia patet. Antecedens verò probatur, quia natura nō distinguitur realiter à singularitate, vt ostēdemus q. sequēti: sed à parte rei tot sunt singularitates realiter distinctæ, quot indiuidua, vt per se constat; ergo tot etiam erunt naturæ, siquidē in creatis impossibile est aliqua duo esse realiter idem, & quoddā multiplicetur realiter vnum, alio realiter non multiplicato.

Confirmatur, quia omnes proprietates reales, quæ prædicantur de aliqua natura, prædicantur etiam de indiuiduis illius; sed data à parte rei hac vnitatis positiuè cōmuni, esset proprietas realis nature, vt probatū est; ergo prædicaretur de indiuiduis eius, & per consequens, sicut in sententia Scoti hæc est vera prædi-

prædicatio : natura humana habet vnitatem positiuè communem pluribus, ita etiam vera esset hæc : Petrus habet vnitatem positiuè communem pluribus , quod absurdum est. ¶ Adde , quòd cum natura humana Petri verè sit vna numero, vtpotè singularizata , & contracta per differentiam numericam, iam eadem numero natura esset positiuè communis pluribus , quod proprium est naturæ diuinæ, vt vidimus Ergo à parte rei nulla datur in natura talis vnitas positiuè communis.

Per quod patet secunda pars cōclusionis. Si enim natura humana à parte rei habet vnitatem formalem, vt ostendimus quæstione præcedenti, & talis vnitas non est vna in omnibus indiuiduis : ergo à parte rei tot sunt constituendæ, quot sunt indiuidua. ¶ Confirmatur primò : quia vnitas formalis, quantum ad realem entitatem (vt modò loquimur) est ipsa natura: ergo multiplicata natura, multiplicatur etiam vnitas. ¶ Confirmatur secundò : quia hæc vnitas formalis est passio naturæ, sicut vnum est passio entis : sed passionēs multiplicancur, multiplicata essentia : ergo sicut alia est natura humana Petri , & alia Pauli, ita etiā alia erit vnitas formalis vnius, & alia alterius.

24 Sed inquires : an sicut in vnoquoq; indiuiduo dantur à parte rei vnitas numerica, & formalis, sic etiam concedendum sit, dari à parte rei plures vnitates formales, pro numero graduum essentialiū,

quanuis inter se non distinguantur realiter, sicut neque etiam distinguuntur vnitas numerica, & formalis? ¶ Partem negatiuam absolute defendunt aliqui moderni. Sed non loquuntur consequenter, dum admittunt in Petro, vt aliquo modo plures vnitatem numericam & formalem, & tamen in eodem sensu negant in illo plures vnitates formales.

Respondetur ergo affirmatiuè cum Caiet. loco citato. Breuiterq; probatur: quia eo modo, quo à parte rei constituitur Petrus in esse hominis per rationale, constituitur etiam in esse animalis per sensibile, & in esse viuientis per animatum, & sic deinceps : ergo sicut caret diuisione formali specifica per rationale, ita caret diuisione formali generica per sensibile, & alias differentias superiores : ergo, non solum habet vnitatem formalem specificam, sed genericam, & per consequens eo modo, quo à parte rei dantur in Petro vnitas numerica, & formalis, dabuntur etiam plures vnitates formales pro numero graduum essentialium.

Addendum tamen est, quòd sicut omnes isti gradus sunt quasi partes vnius integræ essentiæ, quæ ex illis resultat, sic ex his vnitatibus formalibus integratur vna vnitas formalis completa, ad cuius constitutionem non pertinet vnitas numerica, quia differentia indiuidualis, vnde sumitur, est extra essentiam, & idèd plus differunt vnitas numerica, & formalis, quàm dicte formales inter se.

In quo sensu possunt explicari Auctores contrarij.

25 ¶ His statutis de vnitatis positivè communi, circa secundum sensum questionis: an scilicet à parte rei natura sit saltem negativè communis, videtur esse aliqua dissensio inter Sotum, & Masiuum vbi supra. Imò Caietan. ibidem citatus videtur sibi esse contrarius. Cum enim conclusionem secundam dixisset, naturam à parte rei esse communem negativè, postea in solutione ad secundum expressè affirmat, naturam secundum se esse communem negativè.

Pro veritatis ergo explanatione, & horum Doctorum intelligentia notandum est, quòd vt supra ex Diuo Thoma dicebamus, triplex status potest, & debet in natura distingui: scilicet status abstractionis, quem habet natura ab intellectu, & status contractionis, quem habet propter realem contractionem ad indiuidua, & tandem status, quem vocant, naturæ secundum se, quòd scilicet in natura tantum attenduntur prædicata intrinseca, & propria eius ratio. De vnitatis ergo, quam habet natura in statu abstractionis, nihil est in præsentis dicendum, quia hæc est vnitatis rationis, & forma vniuersalis, de qua questione quinta, & sexta agendum est. Vnde nunc solum possumus loqui, vel de natura in statu contractionis, & vt est à parte rei, vel de natura secundum se, & secundum sua prædicata intrinseca.

26 Secunda conclusio. Loquendo de natura formaliter prout est à parte rei, seu in statu contractionis, non est communis negativè, si verò eadem natura, quæ est à parte rei, consideretur, non prout est in tali statu, sed secundum se, & secundum suam propriam rationem, seu ex principiis intrinsecis eius, sic est communis negativè, id est, non petit esse singularem. Iuxta utramque partem huius conclusionis intelligendi sunt Auctores citati. Primam enim intendit Masius, vt patet conclus. 6. & latè probat Caietan. conclus. 2. citata: Estque ex se evidens, nam quilibet natura, prout est à parte rei, est realiter contracta, & positivè singularis: ergo non solum non est positivè communis, sed neque etiam negativè. Patet consequentia: quia negativè commune, vt diximus, idem est, quod non singulare.

Secundam partem conclusionis intendit Sot. & docet Caietan. in solutione ad 2. vt ipse se satis explicat. Quæ vt facile percipiat, notandum est, hanc propositionem: *Natura secundum se est communis negativè*, in re non distinguì ab ista negativa: *Natura secundum se non est singularis*: quæ vt patet, verissima est. Sicut enim homo ex suis principiis essentialibus, neque est albus, neque niger, sed utramque accedit illi, ita etiam natura secundum se, seu ex suis principiis intrinsecis, neque est singularis, neq; vniuersalis, sed utrumque accedit illi, vt dixit D. Thom.

loco

loco adducto ex c. 4. de ente, & essentia: ergo natura secundum se est communis negatiuè, idest, secundum se non est singularis.

Non est autem cur aliquis inferat. *Natura secundum se est communis negatiuè : ergo secundum se est non singularis* : quia prima propositio, vt diximus in re est negatiua, & æquiualeat huic : *Natura secundum se non est singularis* : ex qua non benè sequitur : *Ergo natura secundum se est non singularis*. Quoniam, vt benè notat Sot. est fallacia à negatiua de prædicato finito ad affirmatiuam de infinito ; maximè quando interuenit aliqua reduplicatio, seu limitatio: vt si quis argueret : *Petrus essentialiter non est albus : ergo essentialiter est non albus*. De quo videri potest Aristot. libro 2. Periher. cap. 1. & lib. 1. Priorum, cap. vltimo.

27 Tertia Conclusio. Quamuis natura à parte rei non habeat aliquam vnā vnitatem in indiuiduis, vt explicatum est, rectè tamen loquantur veteres Thomistæ, adherentes habere vnitatem conformitatis. Ita Masius vbi suprâ conclus. 8. Sicque expressè loquitur D. Thom. op. asc. 48. tractat. 1. capit. 4. Vnde conclusio solū indiget explicatione. Appellant Thomistæ vnitatem conformitatis illam conformitatem, seu similitudinem, quam habent à parte rei indiuidua ratione naturæ. Ad quod non requiritur aliqua tertia vnitas, aut entitas eadem in omnibus indiuiduis ; (imò ad realem similitudinem obstat, vt dicemus in

solutione secundi argumenti) sed quòd natura vnus indiuidui sit conformis naturæ alterius in prædicatis essentialibus. Ad eum modum, quo duorum hominum maximè in facie conformium, & similitum dicimus esse vnā faciem, non quia verè, & realiter sit in illis aliqua vna facies, vt patet; sed quia facies eorum sunt inter se maximè similes ; similitudo enim est velut quædam identitas. Videatur Diu. Thom. 2. Poster. lect. 20.

¶ Hucusque loquuti sumus de vnitatibus secundum realem vnitatem, quam dicunt : de quo vt vidimus est præcipua controuersia. Ne tamen quæstio circa ipsas negationes, seu carentias, quas important vnitates, indefinita maneat, sit.

28 Postrema conclusio. A parte rei in natura non est aliqua negatio, seu carentia diuisionis, quæ sit vna, & eadem in omnibus indiuiduis, sed tot sunt negationes, quot indiuidua. Hæc conclusio, licet nō sit ita certa sicut præcedentes, posset enim aliquis dicere priuationes, & negationes non indiuiduari ab entitate, quæ habet rationem subiecti, sed aliunde, certè tamen id omnino irrationabiliter diceretur. Nam priuationes, & negationes se habent ad modum accidentium, vt omnes fatentur : ergo per similitudinem ad illa debent accipere suam quasi indiuiduationem. Sed repugnat vnū accidens realiter indiuisum esse in pluribus subiectis ; propterea quòd accidens

tia indiuiduantur à subiecto: ergo repugnat etiam vnicam, & indiuisam negationem esse in omnibus indiuiduis.

29 Ad argumenta ex dictis facile responderetur. Ad primum respondet benè Caiet. vbi suprà, Petrum, & Paulum à parte rei dici vnum formaliter; nō quia habeant aliquam naturā ipsis positiuè communem, sed quia gaudent mutua negatione diuisionis formalis, id est, quia non habent à parte rei vnde diuidantur formaliter. Quæ doctrina clarior erit, si dicatur, Petrum, & Paulum dici, & esse vnum per conformitatem, non verò per entitatem aliquam in illis vnā, vt vidimus concl. 3.

Ad secundum concessa maiori, & minori, neganda est consequentia. Imò potius ex illis præmissis sequitur in Petro, & Paulo esse duas vnitates reales, & non aliquam tertiam in illis indiuisam. Nam, vt dicemus cap. de relatione, ad hoc vt sit relatio realis, non solum debet distinguī realiter fundamentum, & terminus; sed etiam ratio fundandi, & terminandi. Defectu cuius, æqualitas, vel similitudo, quæ est inter diuinas personas ratione essentia, nō est relatio realis, sed rationis, vt docet D. Thom. 1. part. q. 28. art. 4. ad 4. & q. 42. ar. 1. ad 4. quia quamuis personæ ipsæ realiter distinguantur; ratio tamen fundandi, & terminandi, nempe diuina essentia, est realiter vna in illis.

Ad tertium responderetur, quòd vt natura sit diffinibilis remotè,

sufficit vnitas conformitatis, quam diximus habere à parte rei indiuidua alicuius naturæ: quia verò intellectus, prius quàm definiat naturam, necessariò concipit illam cōfusi vnico conceptu, in quo respicit ipsa natura absq; singularitatis distinguētib; ideo vltra conformitatē illam realē, datur in natura aliqua vnitas rationis, vel saltem aliqua denominatio extrinseca, ratione cuius natura sit proximè diffinibilis. Quæ vnitas rationis proculdubio requiritur; nam quidquid definitur, debet esse simpliciter vnū, vt benè probat argumentum. Vnde ad minorem dicimus, naturam à parte rei habere, quòd sit diffinibilis remotè, non verò proximè; sed hoc habere ab intellectu.

Ad quartum responderetur cum Caiet. concedendo naturam, quæ diuiditur realiter per differentias numericas, manere formaliter indiuisam, non tamen vnica indiuisione, sed pluribus; & ideo non sequitur habere vnā vnitatem formalem, sed plures. ¶ Adde, quòd licet vnitas formalis à parte rei multiplicetur in indiuiduis, vt explicatum est, tamen vnitas formalis vnius non distinguitur formaliter ab vnitatem formali alterius, sed tantum materialiter, & numericè. Quare licet natura, quæ in se quid formale est, sit realiter diuisa per indiuidua, non est tamen formaliter diuisa, & sic verè dicitur semper manere formaliter indiuisam; non verò indiuisam realiter. Ex quo tandem fit, naturam à parte rei

rei habere plures indiuidiones, seu unitates formales; non formaliter inter se distinctas, sed tantum materialiter, vt explicatum est.

Q V A E S T I O IIII.

Quomodo in vnoquoque indiuiduo distinguantur unitas formalis, & numerica?

30 SOLVTIO Huius difficultatis pendet ex decisione alterius: an scilicet præter distinctionem realem, & rationis detur alia distinctio media? Pro vtriusque autem intelligentia breuiter explicandum est, quid, & quodplex sit distinctio.

Distinctio ergo est separatio vnius ab alio. Diuiditurque primò in realem, & rationis. Distinctio realis est, quæ duo à parte rei separatur (*separatur* diuisus, non quod realiter secetur, aut diuidatur, sed quod à parte rei vnũ nõ sit aliud, est enim proprium vnius, esse in se indiuisum, & diuisum à quolibet alio) seu quæ versatur inter duo, quæram vnum à parte rei nõ est aliud. Distinctio rationis est quæ versatur inter ea, quæ cũ à parte rei sint idem, concipiuntur ab intellectu vt plures, de qua ex dictis constat esse ens rationis.

Distinctio realis subdividitur in negatiuam, & positiuam, vt ex cõmuni Metaph. sententia explicat Sua. disp. 7. Metaphys. sect. 1. & Caberus hic trac. 2. disp. 2. dub. 1. Negatiua est, quæ versatur inter ens, & nõ ens; vt inter Petrum, & cecitatem; vel inter duo nõ entia, vt inter cecitatem, & surditatem: dicitur autem realis, nõ quia extrema sint aliquid reale, vel quia ex parte alicuius sit aliqua re-

latio realis; sed quia inter illa verificatur à parte rei propositio negatiua, vel, vt inquit Suar. quia ita vnũ non est aliud, quod si positiue res essent, realiter distinguerentur.

Distinctio realis positiua est quæ à parte rei versatur inter duo entia. Quæ rursus diuiditur in distinctionem rei à re, & distinctionem modalem. Prima est quæ versatur inter duas res (sumendo re, vt distinguitur contra modum.) Secunda est, quæ versatur inter re, & modum; vt inter naturam, & substantiam. Ad quæ etiam reducitur, quæ versatur inter duos modos, vt inter vnionem, & substantiam.

31 Rursus distinctio realis diuiditur in accidentalem, & essentialem. Illa est, quæ causatur per principium accidentale, quomodo distinguitur homo albus à nigro. Ad quæ reducitur distinctio numerica rerum materialium; quia differentia numerica, per quam indiuidua eiusdem speciei differunt, licet sit quid substantiale; est tamen extra essentiam eorum. Distinctio essentialis est, quæ causatur per principium essentialē; quomodo distinguuntur res diuersi generis, vel speciei. Ad quam reducitur distinctio numerica Angelorum in sententia Thomistarum asserentium, nõ posse esse plures Angelos eiusdem speciei. Tãdẽ his distinctionibus additur distinctio includentis ab incluso, quæ est distinctio realis, & versatur inter totum, & partem, quomodo totum corpus distinguitur à brachio, quia includit illud, & addit aliquid aliud. Cõtinetur autem sub enumeratis pro ratione extremorum, interque versatur.

Distinctio rationis diuiditur in distinctionē rationis ratiocinatæ, & rationis ratiocinantis. Prima sic vocatur, quia licet à ratione fiat inter ea, quæ à parte rei sunt idē, habet tñ fūdamētū in rebus, vt eas sic distinguat, & separet: vt quādo intellectus distinguit in essentia hominis principiū sentiēdi, & ratiocinādi ex diuersis operationibus, quas in illo experitur. Distinctio rationis ratiocinantis est, quæ ex mera intellectu operatione resultat, nullo in rebus præcedere fūdamēto. Fitq; vel per quādā disunctionem eiusdē à se ipso, vt quādo dicimus Petrus est Petrus; vel per identitatem ad se ipsum, vt quando illum apprehendimus, vt idem sibi ipsi, vel alijs similibus modis.

Vbi obiter obseruandū est, distinctionem rationis, & præcipuē rationis ratiocinatæ (hac enim in scientijs vtimur) frequenter appellari distinctionem formalem; quo etiā nomine sepe appellatur distinctio realis esētiālis, quia sumitur à forma. Et ita nomen distinctionis formalis, iā in vsu communi æquiuocum est; cognoscetur tamen ex subiecta materia, quādo supponat pro vna, & quando pro altera, vt contingit in alijs æquiuocis.

32 Has omnes distinctiones enumerāt cōmuniter DD. Dubitāt tamen; an præter distinctionem realem, & rationis debeat aliqua distinctio actualis media, quæ sit minor distinctione reali, & maior distinctione rationis, propter Scot. id affirmāt in 1. d. 2. q. 7. & in 2. d. 3. q. 1. vbi eā appellat distinctionem a-

ctualē ex natura rei; Pro cuius intelligentia obseruādu est, distinctio nam realem sumi dupliciter. Primò pro distinctione rei à re suprā explicata; id enim propriē significat ly *realis*, vt cōstat ex eius etimologia. Et in hoc sensu distinctio modalis potest congruē appellari distinctio media inter realē propriē dictam, & rationis: de quo non est controuersia apud Doctores.

Secundò verò, & frequentius significatur distinctio realis pro distinctione actuali ante intellectu, vt cōprehendit realem propriē dictam, & modalem, & condistinguitur à distinctione rationis. In quo sensu tractatur hæc difficultas cōtra Scotum. Quem quāuis aliqui explicare conentur in priori sensu; frequentius tamen explicant illū discipuli eius in hoc secundo. Et merito: nā illā suā distinctionem constituit, nō solum inter rem, & modū; sed etiā inter attributa diuina, & inter essentia, & relationes diuinas, inter quæ tñ nulla potest esse distinctio actualis ante intellectu, vt probat cōmuniter Theologi cū D. Tho. 1. p. q. 13. art. 4. & q. 28. art. 2. Hæc autem distinctionē mediā constituit Scot. inter naturā, & singularitatem; & cōsequenter inter unitatem numericā & formalem, vt ita simul utrāq; difficultatem absoluamus.

Probatur primò generaliter cōcedendam esse dictā distinctionem mediā: quia quæ distinguūtur definitione, distinguūtur ante intellectu sed plura distinguūtur definitione, quæ nō distinguūtur realiter, vt de actione, & passione videtur do-

docere Arist. 3. Physic. & de relatione, & fundamento tenet nō pauci: ergo datur distinctio, quæ sit ante intellectum, & non sit realis. Minor, & cōsequentia cōstant. Maior autem probatur; quia quæ distinguuntur definitione, etiā nullo intellectu cōsiderate, habent plures essentias, ac proinde distinguuntur ante intellectū. ¶ Alia argumenta ad idē probandū congerunt DD. Sed vel sunt eadem, quæ suprà adduximus pro sententia Plat. ponentis vniuersalia separata, vt rectè notat Snar. disp. 5. Metaphys. sect. 2. vel tātūm probant præter vnitatem numericā dari in natura vnitatem formalem, & idēd omittuntur.

33 Secundō probatur eadem sententia, quatenus specialiter ponit dictam distinctionem ex natura rei inter vnitatem numericam, & formalem; seu inter naturam, & singularitatem. Quia relatio realis identitatis in natura, quam Petrus dicit ad Paulum, fundatur in vnitate formali, & non in vnitatem numericā; è contraverò relatio diuersitatis individualis, quam idem Petrus dicit ad Paulum ratione singularitatis fundatur in vnitatem numericā, & non in vnitatem formalem: ergo istæ vnitates distinguuntur ex natura rei. Pater consequentia: quia fundantur relationes realiter diuersas.

Tertiō: quia indiuiduum ante omnem intellectum addit aliquid reale supra naturam specificam, ratione cuius conuenit illi negatio diuisionis materialis: ergo illud super additum distinguitur à natura aliqua distinctione actuali an-

te intellectu. Probatur consequentia, quia non potest intelligi additio absque actuali distinctione: sed additio est ante intellectum: ergo etiam distinctio. Cū autem ad illud additum sequatur vnitatem numericā, sicut ad naturam vnitatem formalis: planè videtur colligi, tales vnitates distinguī actualiter ante intellectum.

34 Prima conclusio. Distinctio illa media inter realem, & rationis, quam ponit Scotus, est impossibilis. Hæc est communis inter Philosophos. Pro qua videri possunt Herbeus, quodli. 3. q. 3. Soncinas, 7. Metaphysicæ, q. 36. Sotus q. 3. vniuersalium, Granado 1. par. controuers. 5. tract. 3. disput. 3. sect. 1. & alij.

Fundamentum est: quia diuisionis distinctionis in realem, & rationis datur per differentias, quarum vna includit negationem alterius, ratione cuius opponuntur contradictoriè: ergo impossibilis est aliqua distinctio media inter illas. Consequentia pater: quia inter contradictoriè opposita nullū potest fingi medium, vt est per se evidens. Antecedens verò probatur: quia distinctio realis, seu ante intellectū est distinctio; & non ab intellectu; & distinctio rationis est distinctio ab intellectu: ergo distinctio realis, & rationis æquivalent distinctioni non ab intellectu, & distinctioni ab intellectu, quæ contradictoriè opponuntur.

Confirmatur ratione Soti: quia distinctio, sicut & vnitatem consequuntur rationem entis: ergo sicut

implicat dari ens, quod nō sit reale, vel rationis, aut vnitatē, quæ nō sit à parte rei, vel per intellectū, ita etiā repugnabit dari aliquā distinctionē, quæ nō cōprehendatur sub distinctione reali, vel rationis.

35 Secūda cōclusio. Loquēdo de vnitatē quantū ad realē entitatem, quam dicit, vnitās formalis in vnoquoq; indiuiduo solū distinguitur distinctione rationis ratiocinata ab vnitatē numerica. Hæc etiā cōclusio est communis contra Scot. Quā solūm conuincūt argumēta eius: & habetur passim apud D. Th. Videri potest c. 3. de ente, & essentia: vbi optimo discursu probat, quod neq; genus posset per se prædicari de specie, neq; species de indiuiduo, si genus distingueretur realitē à differentia specifica, aut species à differentia numerica. Videatur etiam alij Auctores citati.

Fundamentum est: quia indiuiduum non addit supra naturā aliquid à parte rei distinctum ab illa: ergo differentia indiuidualis, & natura nō distinguūtur actualiter ante intellectum; & ex consequenti, neq; vnitates inde cōsurgentes. Cōsequentia patet. Antecedens verò probatur: quia si illud, quod indiuiduū addit supra naturā, scilicet, singularitas, seu differentia numerica, distingueretur ex natura rei ab illa, iam natura haberet à parte rei vnitatem positiuē communem pluribus; imò incideretur in sententiam Plat. de vniuersali separato, quæ ex dictis satis constat esse falsam.

36 Quod autē hæc sequatur, sic potest facīle ostēdi: quia si natura es-

set à parte rei distincta à singularitate, necessariò haberet in se propriā vnitatē realē, per quā ipsa cōstitueretur in esse vnius, vt sic posset à singularitate distingui, prius enim intelligitur re esse in se indiuisam, & vnā; quā quòd sit diuisa à quo libet alio, sed talis vnitās à parte rei esset vna in omnibus indiuiduis: ergo esset positiuē cōmunis. Maior, & consequentia cōstant. Minor verò probatur: tū, quia natura intra se ipsam nihil habet, per quod posset multiplicari: tū & maximè, quia per vniōnē cū indiuiduis, nō amitteret illā suā vnitatē. Sicut quia materia prima, ex eo quod sit entitas realiter à forma distincta, habet suā propriā vnitatē, idē nō amittit illam per vniōnem ad plures formas; sed semper manet eadē numero in illis, vt explicabimus li. 1. Phy. Ergo illa vnitās naturæ à parte rei esset vna in omnibus indiuiduis.

Tādē quod incideretur in sententiā Platonis, etiā patet. Nā quāuis natura esset vnitā cū singularitatibus; tamē ratione illius vnitatis verē esset entitas in se actū vniuersalis, & saltem de potentia absoluta, posset esse sine singularitatibus; ac proinde posset dari vniuersale separatū, quod omnino implicat, vt supra ostēdimus cōtra Platonē. Maneat ergo differentia indiuidualē, & naturā nō distingui realiter, neq; vnitates inde cōsurgentes. Cū autē nō sit possibilis aliqua distinctio media, vt vidimus, cōsequēs est, illa solū distingui per operationē intellectus. Et cū talis distinctio habeat fundamentū à parte rei; siquidem

deni natura specifica, & vnitas formalis sumuntur, tãquã à prima radice à forma substantiali; differentia verò indiuidualis & vnitas numerica à materia signata, sit tandẽ talẽ distinctionẽ esse rationis ratiocinatẽ.

37 Tertia conclusio. Loquendo de negationibus, in vnoquoq; indiuiduo negatio, quam importat vnitas numerica, distinguitur realiter negatiuẽ à negatione, quã importat vnitas formalis. Sic tenet expressẽ Caietan. de ente, & essentia, cap. 4. q. 6. in fine. Et ratio est manifesta: quia diuisio materialis, & formalis distinguuntur specie; siquidẽ hæc est verẽ essentialis, illa verò quodammodò pertinet ad accidentalẽ, vt potẽ quæ sumitur à materia signata quãtitate, quæ est accidens, vt aliquãdo explicauimus: ergo negatio diuisionis materialis specie distinguitur à negatione diuisionis formalis. Sed quæ distinguuntur specie, distinguuntur numero: ergo in quolibet indiuiduo à parte rei alia est priuatio, quæ sequitur vnitatẽ materialem, & alia quæ sequitur vnitatẽ formale: & percõsequẽs realiter negatiuẽ distinguuntur.

38 Ad argumẽta resp. Ad primũ distinguẽda est maior, scilicet, *quæ distinguuntur diffinitione, distinguuntur ante intellectum*: nã si diffinitio tradatur de re, prout in se est à parte rei, verissima est: Quia enim definitio hominis explicat naturã eiũ, secundũ quòd in se est à parte rei, & definitio equi similiter, idẽ benẽ sequitur, quòd si distinguuntur diffinitione, distinguuntur ante intellectũ. Si verò definitio tradatur de

re, secundũ quòd intellectus eã sic, vel sic accipit; falsa est maior. Per quod patet ad argumentum, quidquid sit de actione, & passione; relatione, & fundamento, de quibus suis locis agendum est.

Ad secundũ resp. quod licet eadẽ entitas à parte rei nõ possit fundare in vnico subiecto. plures relationes solo numero distinctas, etiã respectu diuersorũ terminorũ, vt dicemus c. de relatione, benẽ tamẽ potest fundare plures relationes specificẽ diuersas. Eadẽ enim quãtitas bicubita est æqualis respectu alterius bicubitæ, & inæqualis respectu tricubitæ. Et huiusmodi sunt relationes adductæ in argumento.

Solutio tertij arg. pẽdet ex questione de principio indiuiduationis substantialiũ. Pro nũc tñ resp. quòd licet differentia numerica sanctetur à principio realiter distincto, ipsa tamẽ nõ est realiter distincta à natura, sed est ipsa natura facta hæc per ordinẽ ad principũ indiuiduationis, vt explicauimus in libr. de Gener. Quare si additionẽ propriẽ sumamus, per differentia numerica nihil realiter additur naturæ. Dicimus tamẽ naturã cõtrahi per additionẽ differentia indiuidualis; quia quodlibet augmentũ, seu mutationẽ, etiam rationis apprehẽdimus, & nominamus ad modũ augmenti quãtitatis, quod fit per additionẽ.

Q V A E S T I O V.

An à parte rei detur vniuersale pro formali, seu vniuersalitas?

39 Hic usq; egimus de vniuersali pro materiali, seu de natu-

ra denominata, ijsq; quæ in ea requiruntur, ut sit materia uniuersalis. Deinceps verò agemus de uniuersali pro formali, seu de uniuersalitate, de qua in hac quæst. inquirimus: an detur à parte rei in natura, vel per intellectum? Cuius resolutio ex dictis quidè est ferè manifesta. Cū enim uniuersale ex Arist. 2. Post. c. ult. & alibi sæpè sit: *Quod est unū in multis*, seu *unū præter multa*, quod in omnibus illis est idè, ut ibi subdit, necessariò petit unitatè multis positiuè cōmunem, neq; in eis multiplicatā. Quare cū nulla talis unitas sit in natura à parte rei, ut supra ostensum est, neq; etiā erit à parte rei unitas cōstitutiuā uniuersalis: & ex cōsequenti uniuersale pro formali tantū erit per operationem intellectus. Quia tñ DD. specialiter tractant hanc quæstionē, & aduersarij nō desistunt pro ea decertare, idè illā breuiter discutimus, quædam alia hūc spectantia obiter explicantes.

Scot. 7. Metaph. q. 18. & in 2. dist. 3. q. 1. cōsequenter ad ea, quæ sup. q. 3. ex ipso retulimus, asserit uniuersalitatē à parte rei conuenire naturæ, esseq; proprietatem realem eius. Quā sententiā defendunt, Valles, Monlor. & plures Parisien. ut testatur Mas. sect. 2. de uniuersalibus, q. 4. ubi plurima pro illis congerit argumenta, quorum potissima sunt.

40 Primò ex Arist. 1. Perih. c. 4. ubi ait: *Rerū alie sunt uniuersales, alie particulares*; ergo sicut res sūt à parte rei particulares; ita etiam à parte rei erunt uniuersales. § Cōfirmatur: quia uniuersale, & particulare sunt correlatiua: sed à parte rei

datur particulare formaliter: ergo etiā dabitur uniuersale formaliter.

Secundò: quia obiectū præcedit potentia, etiā secundū id, quo formaliter est obiectū, siquidè prout sic specificat eā; sed obiectū intellectus est uniuersale: ergo præcedit illū, etiā secundū id, quod formaliter cōstituit illud in ratione uniuersalis, ac proinde ante intellectū dabitur uniuersale formaliter, seu uniuersalitas.

Tertiò: quia uniuersale nō potest cōstitui formaliter in esse talis per quid singulare: sed quæcūq; intètio ab intellectu producta est singularis: ergo per illā nō potest cōstitui formaliter uniuersale. Maior constat: quia uniuersale, & singulare opponuntur. Minor autem probatur: tū quia quæcūque secunda intètio fit à causa singulari: tū consequenter, quia continetur sub aliqua specie, ut indiuiduum eius.

Tādem: quia uniuersale pro formali duo dicit, nèpe unitatē, & aptitudinem ad essendum in multis: sed qualibet natura à parte rei est una, siquidem habet unitatē formalem; & simul est apta, imò de facto est in pluribus: ergo à parte rei est formaliter uniuersalis.

41 Nihilominus sententiam iam indicatā constanter amplectendo, dicendū est, à parte rei nō dari uniuersale formaliter, seu uniuersalitatē; sed naturā fieri formaliter uniuersalē per operationē intellectus. Hæc conclusio est iam omninò in scholis recepta. Tradit eā S. 1. h. opus. 55 & 56. & c. 4. de ente, & essentia, ubi latè Caiet. pro qua etiā videri possunt Mas. loco cit. Sum. d.

8. Metaphys. sect. 5. & Rub. de vniuersalibus, quest. 4. & alij.

Probatur primò ex Arist. 1. de anima c. 1. vbi ait: *Animal autè vniuersale, aut nihil est, aut posterius, similiter autè, & si quid cõmune aliud prædicetur.* Quibus verbis, vt sap. n. 9. ex D. Th. diximus, Arist. simul excludit opinionè Plat. & docet modũ quo fit vniuersale: & est sensus, quòd animal nihil est ab speciebus separatum, est tñ, vt qui l. posterius, id est, in eis ab intellectu suadatum, & ex earũ similitudine desumptũ. Quẽ sensum licet cõtrarij nõ admittãt; illũ tradũt præter D. Th. grauissimi alij Arist. interpretes, Auerr. Alex. The mist. Philop. B. Alber. Aegid. & alij in expositione eiusdem loci. Idem etiam tradit Arist. 2. de Anima, c. 5. & 2. Post. c. ult. vbi expressè dicit vniuersalia esse in anima.

42 Ratione etiam probatur cõclusio ex dictis: quia natura in statu contractionis non est formaliter vniuersalis, neq; etiam considerata secundũ se: ergo solũ potest esse vniuersalis, formaliter quatenus est in intellectu, seu in statu abstractionis. Consequentia patet: quia non est alius status, in quo possit natura considerari. Antecedens verò quoad priorem partem est euidens. Quoad posteriorem verò probatur: tũ quia natura secundũ se non habet vnitatem positinẽ communem, vt ostensum est: tũ etiam quia illi, prout sic, omninò accidit esse vniuersalem, vel particularem: ergo secundũ quòd consideratur in tali statu, non est formaliter vniuersalis. J. Con-

firmatur: quia vt natura sit formaliter vniuersalis, debet esse simpliciter vna, & non multiplicata: sed nulla talis natura est à parte rei, vt constat ex dictis: ergo non datur à parte rei natura formaliter vniuersalis.

Secundò: quia hæc prædicatio: *homo est vniuersalis*, est accidentalis: sed prædicatum illius nõ est entitatinẽ substantia, vt cõtingit in aliquibus prædicationibus accidentibus: ergo dicit pro formali aliquid accidens: non reale: ergo rationis. Maior patet: quia si esset prædicatio essentialis, prædicatũ conueniret omni contento sub subiecto, & ita verè diceremus: Petrus est vniuersalis, Ioannes est vniuersalis: quod est absurdum. Minor etiã est manifesta: quia vniuersale etiã reperitur in alijs prædicamentis, siquidem quantitas est vniuersalis, relatio est vniuersalis, &c. ergo nõ pòt esse entitatinẽ substantia. Per quòd etiã patet, nõ posse esse aliquid accidens reale, siquidem non continetur in aliquo determinato prædicamento. Restat ergo vniuersalitatem esse formã rationis, ac proinde non dari à parte rei. Plures alias rationes adducit Mas. vbi sap.

43 Ad argumenta respondetur. Ad primũ desumptum ex Arist. D. Thom. in eius expositione lect. 10. sibi obijciens; quòd sequeretur dari à parte rei vniuersale, responderet ibi diuidi res, non absolute, sed vt significantur per nomina. Quia verò nomina non significant eas, nisi mediatare intellectu; ideo diuisio ista datur de rebus, non secundum

secundum quod sunt extra animam; sed secundum quod referuntur ad intellectum, qui potest distinguere ea, quæ sunt coniuncta in rebus. Cuius signum (subdit D. Th.) est, quod non definiuit Arist. vniuersale, & singulare secundum aliquid, quod pertinet ad res, sed per actum animæ, qui est prædicari de multis, vel de vno solo. ¶ Quod si cōtēdas Arist. loqui de ipsis rebus secundum se; respondetur locutum fuisse de vniuersali fundamentaliter, non verò de vniuersali formaliter.

Ad confirmationem respondetur, particulare, secundum suam entitatem realem, non esse correlatiuum vniuersalis, neque fundamentaliter, neque formaliter sumpti. Si verò singulare, seu particulare sumatur formaliter, in quantum subijcitur, vniuersali, etiā formaliter sumptum, tunc proprie sunt correlatiua; sed ut sic neutrum datur à parte rei.

Ad secundum respondetur, obiectum intellectus, etiā formaliter, ut obiectum est, tantum esse vniuersale fundamentaliter. Non enim ab eadem forma constituitur in esse obiecti, & in esse vniuersalis, & sic potest esse formaliter obiectum; cum tantum sit fundamentaliter vniuersale, ut magis infra explicabimus.

Ad tertium respondetur, quod si cut species impressa, vel expressa rei, etiā in se sit quid singulare, dicitur tamen, & est in representando vniuersalis; pari ratione secunda intentio vniuersalis potest esse entitatiue singularis, cum tamen sit constitutiua vniuersalis.

44 Dices: ergo sicut vniuersale

in representando non est simpliciter vniuersale, ut supra diximus; ita etiam neque vniuersale in essendo.

Respondetur negando consequentiam. Et ratio est: quia species impressa, seu quæcumque; alia res, quæ denominatur vniuersale in representando, est verè, & realiter singularis, & ut sic denominetur, exigit necessariò singularitatem: unde simpliciter est singularis, & secundum quid vniuersalis. Cæterum res quæ denominatur vniuersale in essendo, non solum non est singularis; sed potius exigit abstractionem, & separationem à singularitatibus. Unde proxima materia vniuersalis nullo modo est singularis, & per consequens potest denominari simpliciter vniuersalis; ad quod non requiritur forma denominantem, scilicet, vniuersalitatem esse vniuersalem, ut quod, sed sufficit esse vniuersalem, ut quo. Sicut albedo, quamuis non sit alba ut quod, constituit propriissime album, quia est alba ut quo. Imò sicut albedo, si esset ut quod alba, non posset esse forma constitutiua albi, ita si vniuersalitas esset ut quod vniuersalis, non posset esse forma constitutiua illius.

*QUÆ SIT APTITUDO,
quam pro formali dicit vniuersale: & an ipsa detur à parte rei. §. vnicus.*

45 Vltimum argumentum petit, ut explicemus, quæ sit aptitudo propria vniuersalis formaliter sumpti; de qua disputant Doctores in presenti. ¶ Pro cuius intelligentia primò notandum

dum est, aptitudinem, vt ipsum nomen indicat, nihil aliud esse, quam potentiam ad aliquem actum, seu ad aliquod esse. Vnde aptitudo vniuersalis erit potentia ad essendum in multis, non indeterminatè, & vagè, in hoc scilicet, vel in illo; sed simul, & positiuè respiciendo plura. Ad quod, licet non sit necessarium vniuersale actualiter esse in pluribus; cum verba in diffinitione non dicant actum; sed aptitudinè, est tamen necessarium, aptitudinè, seu potentiam vniuersalis positiuè terminari ad plura; ita vt illa quasi componant, & integrent terminum adæquatū vniuersalis: sic enim propriè dicitur vniuersale esse vnū in multis, seu vnum præter multa.

Hanc ergo aptitudinem contendunt Auctores contrarij reperiri in natura à parte rei, & ante intellectum. Sed vt videamus, quæ aptitudo sit in natura ante intellectū, quæ verò non.

Secundò notandum est, naturam posse considerari dupliciter: primò, vt possibile, seu vt antecedit realè existentiam: secundò, vt existentè realiter extra causas. Et hoc secundo modo, adhuc dupliciter; vel re. duplicatiuè vt existentem: vel tantum præcisiuè, id est, naturam, quæ existit, non tamen considerata ipsa existentia. Igitur de natura reduplicatiuè, vt existens est, certum debet esse, non habere aptitudinem ad essendum in multis, si enim est singularis, & propria vnus, vt patet. Quare solum potest esse dubium de natura possibili, vel de ipsa natura exi-

stente, præcisa tamen existentia.

Ratio dubitandi est: quia natura possibilis non perit essentialiter hanc numero singularitatem, vel existentiam; aliàs esset essentialiter singularis, quod nulli naturæ creatæ cōuenit: ergo indifferens est ad plures existentias; & per consequens ex se, & nō ab intellectu, habet aptitudinem ad essendum in multis. Similiter natura existens, si præcindatur existentia, non manet determinata; ergo indifferens; siquidem indeterminatum, & indifferens idem sunt; ac proinde etiam natura sic considerata, habebit aptitudinem ad essendum in multis.

46 Nihilominus dicendum est, naturam, siue consideretur vt possibile, siue vt existens, præcisa tamen existentia, non habere à parte rei aptitudinè, vt sit in multis, sicut requiritur ad vniuersale, ac proinde aptitudinem propriam vniuersalis, sicut & eius vnitatem solum dari in natura per operationem intellectus. Conclusio est communiter recepta contra Scot. pro qua videri possunt Suar. d. 6. Metaph. sect. 6. & alij Auctores citati.

Fundamentum est: quia aptitudo propria vniuersalis est positiua indifferētia, seu habitudo ad essendum in pluribus, quæ proinde erit verè, & simpliciter vna, neq; amittetur per hoc, quod vniuersale descedat ad essēdū in aliquo inferiori: sed talis aptitudo nō datur à parte rei in natura, siue consideretur vt possibilis, siue vt existens, præcisa existentia; ergo in ea prout sic, non datur

datur à parte rei aptitudo propria vniuersalis. Maior ex dictis constat. Minor autem probatur: quia in natura possibili ad summum potest intelligi aptitudo ad vnam singularitatem, seu existentiam vagè sumptam, idest hanc, vel illam: quando autem cōtrahitur per singularitatem, vel existentiam, amittit illam indifferentiā ad essendum in hoc, vel illo, vt per se constat.

Similiter natura existens si secundum se, & præcisa existentia sumatur; cum prout sic, tantum sit negatiue communis, seu indifferens, vt supra dictum est, ad summum potest habere aptitudinem negatiuam; quatenus secundum se nō est inepta, neque illi repugnat, quod contrahatur per hanc, vel illam singularitatem. Quæ negatiua aptitudo, seu non repugnantia multiplicatur realiter, iuxta multiplicationem ipsius naturæ, vt patet ex dictis de vnitatem formali: ergo neque natura possibilis, neque existens, præcisa existentia, habent à parte rei aptitudinem, quæ requiritur ad vniuersale; & per consequens hæc conuenit naturæ per intellectum.

Per quod patet, tum ad argumentum, propter quod hæc adducta sunt; tum etiam ad rationem dubitandi paulò aptea factā. Respondetur enim naturam à parte rei non habere, neque vnitatem, neque aptitudinem, quæ requiritur ad vniuersale; solum enim datur in ea à parte rei vnitatis conformitatis, quæ non est aliqua vna vniuersalis in pluribus, vt supra diximus.

Item solum est indifferens negatiue, in quantum de se non est determinata ad hoc, vel illud. Non verò habet à parte rei aliquam indifferentiam, seu communicabilitatem positiuam, vt explicatum est.

47 ¶ Ex dictis inferitur forma istam rationis, à qua natura constituitur in esse vniuersalis, quæ nomine incomplexo dicitur vniuersalitas, non esse negationē, aut priuationem rationis. Quod docent communiter Doctores cū Porphyrio. c. de specie: & late prosequitur D. Th. q. 7. de potentia a. 1. 1. probantque Masius de vniuersalibus sect. 4. q. 2. & Sanchez. li. 2. Logice, q. 17. qui plures alios Thomistas adducunt. Ratio autem est ex dictis manifestata: quia vniuersalitas non confurget ex eo, quod intellectus apprehendat aliquid non ens admodum entis; sed ex eo quod naturam positivam cognoscat cum ordine ad inferiora: ergo non est negatio, aut priuatio, sed relatio.

¶ Ex quo iam facile potest investigari, & inueniri definitio essentialis vniuersalitatis, descendendo per arborem relationis rationis supra statutam; & querendo in ea genus vltimum, & propriam differentiam, vt in qualibet definitione investiganda faciendum esse precipit ex Aristotele. Caiet. 2. Post. c. 10. conclus. 6. Sed quia non habemus nomina incomplexa ad significanda genera illa inter media, neque adhuc examinamus, vnde sumenda sit prædicta differentia in istis accidentibus, vel quo modo formandæ sint eorum definitiones, quando definiuntur in abstracto.

abstracto, vel inconcreto; de quo late nobis agendum est, c. de gener. vbi DD. ista controuertunt, ideò supponendo pro nunc accidentia, quantum fieri possit, definienda esse per proprium subiectum; loco quidem generis, quando definiuntur in concreto; loco verò differentie, quando definiuntur in abstracto) sic possumus vniuersalitatē in abstracto definire. *Vniuersalitas est relatio, seu aptitudo rationis ad essendum in pluribus natura vnius.* Ex qua definitione formatur definitio vniuersalis in concreto, inuertendo terminos in hunc modum. *Vniuersale est natura una relata, seu apta ad essendum in pluribus.*

¶ Per quod tādē faciliè penetrantur definitiones omnes, quas tradidit Arist. de vniuersali in concreto, ponēs loco generis subiectum, seu naturam; hanc enim significat relationalū illud, quod, semper ab Arist. positū in definitionibus vniuersalis, vt patet 1. Periher. c. 5. *Vniuersale dico, quod de pluribus aptum est prædicari.* 2. poster. c. ultimo. *Vniuersale est, quod est vñū præter multa, quæ dque in omnibus illis vnum inest.* 4. Metaph. text. 14. *Singulare dicimus, quod vnum numero est; vniuersale verò, quod in his.* lib. 7. text. 45. *Hoc enim dicitur vniuersale, quod pluribus natura aptum est inesse.* Quem modum definiendi perpetuò obseruauit Arist. à quo sumpsit illum Porphy. in suis definitionibus. Quod valdè nota, vt rectè caueas artem definiendi accidentia, quam late explicauimus loco citato.

QVÆSTIO VI.

Per quē actum intellectus resultat in natura vniuersalitas?

48 § V B Alijs verbis proponi sollet hæc difficultas: an scilicet vniuersale formaliter fiat per abstractionem, vel per comparisonem intellectus? Sed generalior est titulus à nobis propositus, & meliùs comprehendit, quæ dicenda sunt in hac quæstione. In qua mirum est, quam variè Doctores loquantur, & ideò non omnes, sed præcipuas sententias referemus. Prius tamen vtcumque explicandus est modus operandi intellectus, seu quomodò fiat cognitio, vt sic pateat, quomodò, & per quē actum fiat vniuersale.

Quia ergo nihil est in intellectu, quin prius fuerit in sensu, prior est operatio sensus, quàm intellectus. Fit autem sensatio in sensibus externis, per hoc quòd obiectum sensibile mittit speciem intentionalem se ipsum representantem, qua informatus sensus producit in se speciē expressam obiecti, per cuius receptionē in sensu fit sensatio.

Rursus ex sensatione ista sensuum externorum, imprimuntur aliæ species intentionales sensibus internis, in quibus proportionabili modo fit sensatio interior. De quorum numero, & diuersitate non est cur hinc quæstionem moueamus. Id solum oportet aduertere, quòd species expressa, ab his sensibus internis producta, solent communi nomine appellari phantasmata.

49 Cùm autem sensus ab intellectu differat per hoc, quod huius obiectum sit quid vniuersale; illius verò quid singulare, teste Arist. 1. Physic. cap. 5. duo inde sequuntur. Primum est, phantasmata omnia, seu species expressas sensuum internorum repræsentare obiectum singulare, v.g. Petrum, cum hoc numero, colore, sapore, sono, calore, aut alijs qualitatibus sensibilibus, iuxta diuersitatem sensationum.

Secundum est, obiectum istud, prout sic, non posse ab intellectu percipi, cùm nondum sit vniuersale. Vnde necessarium erit, quod prius quasi denudetur ab illis conditionibus indiuidualibus, separaturque ab omni materia singulari; vt sic fiat proximè intelligibile, & proportionatum obiectum intellectus. Et ad hoc ponitur intellectus agens: cuius officium est denudare phantasmata à conditionibus indiuidualibus; vt ita species, quæ directè repræsentabat Petrum, iam directè solum repræsentet naturam humanam. Quod facit intellectus agens, illuminando phantasmata; vt medio tali lumine, producant in intellectu possibili, seu possibili speciem intelligibilem, directè repræsentatiuam talis naturæ. Hæc ergo denudatio, seu separatio naturæ à conditionibus indiuidualibus dicitur abstractio intellectus agentis, quia quasi abstrahit, & separat naturam à singularitatibus.

50 Rursus intellectus possibilis, prædicta specie informatus, seu fecundatus, producit in se ip-

so speciem expressam, seu verbum mentis, quod est veluti conceptum parere, quo cognoscit naturam humanam. Hoc autem potest dupliciter contingere. Primò, quando intellectus possibilis cognoscit naturam præcisè secundum sua prædicata essentialia, non cognoscendo singularia, sed ab illis præscindendo, & abstrahendo. Et hæc dicitur abstractio præcisua intellectus possibilis; pertinetque ad primam eius operationem (ad distinctionem alterius abstractionis, quæ dicitur negatiua, & reperitur in secunda operatione; quæ scilicet aliquid ab alio separamus, media propositione negatiua. De qua abstractio, ne non agimus in præsentī, quia euidentis est per eam non fieri vniuersale: sicut etiam est euidentis non fieri per tertiam operationem.) Secundo modo potest intellectus cognoscere naturam, in ordine ad singularia, & vt est ab illis participabilis. Quod necessariò fit cognitione reflexa, vt benè notant Suarez. & Rub. infra citadi: intellectus enim cognoscens naturam, vt est participabilis ab inferioribus, supponit ipsam separatam ab illis, à quibus participanda est: quod tamen natura non habet à parte rei, sed ab intellectu, & sic talis cognitio terminatur ad eam, secundum id, quod habet ab intellectu, quod est esse reflexam. Hæc ergo cognitio intellectus dicitur comparatio. Quæ si fiat, vt fieri potest, per simplicem apprehensionem, cognoscendo scilicet naturam cum ordine ad inferiora, absque affirmatione aliqua, dicitur

dicitur comparatio simplex. Si verò fiat attribuendo naturam illam singularibus, media actuali prædicatione; dicitur comparatio composita.

51 Ex quibus, si vera sunt, ut supponimus ex libris de anima, dux colliguntur abstractiones, nempe abstractio intellectus agētis, & abstractio præcisiua intellectus possibilis. Quibus si addantur dux comparationes eiusdē intellectus, simplex scilicet, & cōposita, iam habemus quatuor operationes, de quibus potest quæstio procedere. Iuxta quē operationum numerū quatuor sunt apud Auctores præcipuē opiniones, quas breuiter attingemus.

§. I.

VARIÆ SENTENTIÆ
cum suis Auctoribus, & fundamentis referuntur.

32 Rima sentētia asserit, vniuersalitatē resultare in natura per abstractionem intellectus agētis. Sic docent Zumel. 1. p. q. 13. art. 7. conclusionē 7. Sot. quæst. 2. vniuersaliū, & alij. Citaturque pro ea Caiet. cap. 4. de ente, & essentia, vbi in quodā dub. post quæstionem 6. §. *His visis* (inquit) *natura secundū esse obiectiū in intellectu agente est vniuersalis in predicando.* ¶ Sed proculdubio ibi loquitur Caiet. de vniuersali fundamentaliter: tūm, quia statim eisdem verbis affirmat id ipsam, de natura secundū esse obiectiū in intellectu possibili: tūm etiam, quia quæst. 7. sequenti sæpè repetit vniuersalitatē esse relationem rationis, factā ab in-

tellectu possibili. Imò in fine cap. §. *Responsio autem*: expressè docet, huiusmodi relationes fieri in natura per cognitionem reflexam, quæ cognoscitur in ordine ad inferiora. Sed quidquid sit de hoc.

Probatur primò hæc sententia ex D. Tho. 1. p. quæst. 85. art. 1. ad 1. vbi inquit: *Ea, quæ pertinent ad rationem speciei cuiuslibet rei materialis, possunt cōsiderari sine principijs individualibus: quia non sunt de ratione speciei. Et hoc est abstrahere vniuersale à particulari, siue speciem intelligibilem à pbāta materialibus.* Et opulc. 55. *Eadem natura, quæ singularis erat, efficitur postea vniuersalis, per actionē intellectus depurantis ipsam à conditionibus, quæ sunt hic, & nunc.* Quod etiam indicat. 7. Meth. lect. 13. ergo ex sententia Diui Thomæ vniuersale in actu sit per actionem intellectus agentis.

Secundò probatur ratione Soti: quia esse vniuersale in actu, est esse intelligibile in actu; siquidem vniuersale est obiectū intellectus: sed res fit intelligibilis in actu per abstractionem intellectus agentis, ut docet Arist. 3. de anima, text. 8. ergo per illam fit actu, seu formaliter vniuersalis.

Cōfirmatur: quia tunc natura fit formaliter vniuersalis, quando primò habet in intellectu illas conditiones, cū quibus à parte rei esset vniuersalis, si darentur vniuersalia separata Platonis: sed statim ac intelligitur natura abstracta, seu denudata per intellectu agentem, habet in intellectu totum quod Pla-

ponebat à parte rei in vniuersali separato: ergo tunc fit formaliter vniuersalis.

Tertiò fieri aliquod vniuersale est fieri commune, & indifferens, sed esse sic commune, & indifferens nihil aliud est, quàm esse denudatum à conditionibus indiuiduantibus: ergo res fit vniuersalis per eā actionem, per quam sic denudatur.

Confirmatur: quia natura per cōtractionem ad principia indiuiduantia, fit singularis: ergo per abstractionem, & denudationem ab illis, fit vniuersalis.

53 Secunda sententia docet, vniuersale fieri per abstractionē praeiudicium intellectus possibilis. Ita Duran. in 1. dist. 3. p. 2. q. 5. ad 2. & in 2. dist. 3. q. 7. nu. 7. & 12. Tolet. q. 2. vniuersaliū, & alij. Habetque non paruum fundamentum in D. Tho. qui 1. par. q. 85. art. 2. ad 2. sic inquit: *Sed quòd humanitas apprehendatur sine indiuidualibus conditionibus, quod est ipsum abstrahi, ad quod sequitur intentio vniuersalis, accidit humanitati secundum quòd percipitur ab intellectu, in quo est similitudo naturae speciei, & nō indiuidualium principiorū.* Idem videtur docere, c. 4. de ente, & essentia, & alibi saepe.

Ratione etiam probatur: quia vniuersalitas tunc tribuitur naturae ab intellectu; quandò primò cognoscitur, vt aptum fundamentum illius; sed natura abstracta ab intellectu agente est aptum fundamentum vniuersalitatis; siquidem tunc est vna, & vniformis: ergo cū primò cognoscitur sic vniformis, tri-

buitur illi vniuersalitas. Cūque hoc fiat ante comparisonem, per abstractionem praeiudicium intellectus possibilis, consequens est tunc fieri formaliter vniuersalem.

Confirmatur: quia per abstractionem intellectus possibilis, non accipit natura fundamentum proximum vniuersalitatis: ergo recipit ipsam vniuersalitatem. Consequentia videtur nota. Et antecedens probatur: quia ex eo quòd separaretur à singularitatibus, à quibus realiter multiplicabatur, manet formaliter vna, & indiuisa, & consequenter proxime apta, vt respiciat plura: sed talem separationem habet ante abstractionem intellectus possibilis, vt patet: ergo ab illo non recipit natura fundamentum vniuersalitatis, sed ipsam vniuersalitatem.

54 Tertia sententia docet, vniuersalitatem fieri per comparisonem simplicem intellectus possibilis. Hæc est frequentior inter Thomistas. Eam defendunt Arauxo 3. Metaphys. quest. 3. art. 5. Sonecio. lib. 5. quest. 27. & super Porphir. quest. 1. conclus. 4. Sanch. lib. 2. Logicæ quest. 16. Rub. hic quest. 5. noster Didac. à Iesu disput. 4. quest. 4. & plures alij, quos refert & sequitur Galleg. controuer. 10. Estque aperta mens Caiet. vbi supra, §. *responsio autem*, vbi expressè docet, relationem generis, & similes fieri per cognitionem comparatiuam. Quod etiam generaliter de omni relatione rationis docet 1. part. quest. 28. articul. 1. §. *aduerte*, quem sequitur Nazar. ibidem

ibidē in expositione textus, estque proculdubio D. Thom. vt infra videbimus.

55 Quarta sententia asserit vniuersalitatem fieri per compositionem intellectus. Pro hac citantur aliqui Auctores antiqui. Sed quia eos non vidimus, neque in alio Doctore expressam inuenimus: neminem pro ea adducimus. ¶ Potest tamen probari: quia vniuersalitas est relatio rationis, qua natura respicit multa, seu est in multis: ergo fit ab intellectu per compositionem, qua eadem natura attribuitur multis. Sed hæc est comparatio composita: ergo per ipsam fit in natura vniuersalitas. Probatur minor: quia non potest intellectus cognoscere naturam esse in multis; nisi intellectualiter exprimat coniunctionem cum illis, importatam per *ly, est*, seu, *esse*: ad quod, vt patet, necessaria est actualis prædicatio.

56 Præter has opiniones extremas, sunt multæ aliæ mediæ: quas non oportet adducere, tū, quia eisdem ferè fundamentis nituntur, tū etiam, quia earum aliquæ in re non distinguuntur à præcedentibus, & consequenter eodem modo impugnabuntur. Vt autem à certioribus incipiamus.

Quarta ista sententia, vt omnino falsa, & singularis reiicienda est: eaque rectè impugnat noster Didac. vbi supra. Nam, vt constat ex definitionibus Arist. supra relatis, aptitudo ad essendum in pluribus, vel vt prædicetur de pluribus, pertinet ad rationem vniuersalis, seu

prædicabilis, non verò actualis prædicatio: hæc enim nõ facit prædicabilia, sed prædicata, vt patet: ergo ante compositionem compositam, iam est factum prædicabile, seu vniuersale. Solū ergo restat difficultas, in ferendo iudicio de tribus prioribus opinionibus. Quod quidem non est facile, non tã propter rei difficultatem, quã propter D. Thom. qui diuersis locis videtur diuersa tradidisse; propter quod etiam discipuli eius diuisi sunt, vt vidimus.

§. II.

CONCILIATIS VARIIS

D. Thomæ testimonijs, legitima eius mens, & vera sententia stabilitur.

57 PRO solutione ergo difficultatis, & vera D. Tho. intelligentia, sciendum est, vniuersale in representando esse illud, quod æqualiter est imago, & similitudo plurium, quæ per illud representantur; licet in se sit quid singulare, vt supra circa præm. Porph. dicebamus. Quomodò species intelligibilis naturæ humanæ dicitur vniuersalis: quia representat id, in quo singularia hominis conformantur. Et de hoc vniuersali frequenter loquitur D. Thom. appellans illud absolute vniuersale, vt patet cap. 4. de ente & essentia, & opuscul. 55. & 56. Quam etiam speciem intelligibilem sæpè vocat intentionem, vt patet in eodem opuscul. 56. circa medium.

Ex quibus D. Tho. locutionibus

orta est, magna ex parte, dissensio discipulorum eius, & cōfusio in hac quæstione. Sed proculdubiò de hoc vniuersali in repræsentando loquitur S. Doctor: quādo cūque asserit fieri per abstractionem intellectus agentis, vt satis ipse se explicat in primo loco adducto pro prima sententia, dicens: *Et hoc est abstrahere vniuersale à particulari, seu speciem intelligibilem à phantasmatibus*. De hoc autē vniuersali non procedit præsens difficultas: sed de natura, vt affe&ta secunda intentione vniuersalis: per quam scilicet operationem tribuatur naturæ illud esse fictum, seu illa forma rationis, à qua constituitur formaliter in esse vniuersalis.

Cū autem ad formationem entis rationis, necessariū sit rem concipi secundū aliquid, quod à parte rei non habeat, seu aliter ac est in se, vt cōstat ex dictis disp. 2. manifestū sit vniuersalitatē nō posse fieri per operationem, qua cognoscitur natura secundū illa prædicata, quæ directē repræsentantur per speciem intelligibilem, talia enim prædicata cōueniunt naturæ à parte rei, vt patet. Quare si per abstractionem præcisuam intellectus possibilis, solum cognoscitur in natura, quod directē repræsentatur per speciem intelligibilem, per talem operationem non resultabit ibi vniuersalitas, vt patet.

¶ Adde, quod cū vniuersalitas, sicut quælibet alia secunda intentio logicalis, fundetur in rebus, quatenus cognitæ sunt; ita vt denominatio cogniti sit ratio fundā-

di illam, vt suprà dicebamus, & constabit ex locis D. Tho. pro cōclusionē adducendis, consequens est, ad operationem intellectus, per quā fit, necessariò præcedere aliam cognitionem, à qua res denominetur cognitæ. Propterea enim istæ appellantur secundæ intentiones; fiuntque per operationem reflexā intellectus.

58 Ex quo tandem fit, tam per abstractionem intellectus agentis, quā per cognitionem directam intellectus possibilis seruata propositione, tantū constitui naturam in potentia proxima ad recipiendam secundam intentionem vniuersalis. Et hoc solum intendit D. Thom. quando locis citatis pro secunda sententia, docet, ad abstractionem consequi secundam intentionem vniuersalis, eo scilicet modo, quo relationes reales dicuntur consequi ad suum fundamentum proximum, vt benè explicat Arauxo vbi suprà. Solet autem natura sic proximè apta, appellari absolute vniuersalis: quia vt ad aliud propositum dixit D. Tho. opusc. 42. c. 20. *Quod propè est ad actum, nihil ab actu differre videtur*. Quæ doctrina, & D. Thom. concordia sumitur ex eodem Angel. Doctore opusc. 48. c. 1. cuius titulus est: *Quid sit vniuersale, & quomodo originetur*. Vbi D. Thom. naturam abstractam ab intellectu agente, vocat vniuersalem; & abstractionem ipsam appellat vniuersalitatē, seu intentionem; & nihilominus docet, propriā vniuersalitatē, seu secundā intentionē vniuersalitatis fieri per actū reflex-

reflexum, postquam natura est iam abstracta, & cognita, quando scilicet cognoscitur in ordine ad inferiora. Qui actus est comparatio simplex intellectus, vt patet.

59. Dicendum est ergo, vniuersale formaliter, & in actu, seu vniuersalitatem propriam, quæ est secundum intentionem logicalem, fieri in natura per comparationem simplicem intellectus possibilis. Ita docet Auctores tertie sententie: estque proculdubio expressa mens D. Thom. Tūm, quia 1. par. quaest. 18. art. 1. id generaliter docet de omni relatione rationis. Tūm, quia specialius de secundis intentionibus logicis, præsupponere vt rationem fundandi denominationem cogniti, testatur in 1. dist. 2. quaest. 1. art. 3. his verbis: *Ex hoc quod intellectus intelligit animal, vt in pluribus speciebus, attribuit ei intentionem generis. Et huiusmodi intentionis licet proximum fundamentum non sit in re, sed in intellectu; tamen remotum fundamentum est res ipsa.* Et quaest. 7. de potentia art. 1. 1. *Huiusmodi sunt relationes rationis, quæ attribuantur ab intellectu rebus intellectis, prout sunt intellecta, sicut relatio generis & speciei. Has enim relationes rationis ratio adinuenit, considerando ordinem eius, quod est in intellectu, ad res, quæ sunt extra.* Tūm denique, quia specialiter de secunda intentione vniuersalis; fieri per actum reflexum; quo natura abstracta, & cognita comparatur ad inferiora, docet expressè opusc. 48. citato c. 1. dicens: *Quia intellectus reflectitur supra se ipsum, &*

supra ea, quæ in eo sunt, siue subiectiue, siue obiectiue: cōsuecat iterum hominē, sic a se intellectum sine conditionibus materia, & videt, quod talis natura, cum tali vniuersalitate, seu abstractione intellecta, potest attribui huic, & illi indiuiduo: & ideo format secundam intentionem de tali natura. Et hanc vocat vniuersalem, seu prædicabilem. Eisdem ferè verbis id explicat Caiet. loco citato de ente & essentia. Non potest ergo, perpensis omnibus, negari hanc esse D. Thom. sententiam.

60. Probatur prima conclusio, ratione excludente duas priores sententias: quia nullum ens rationis resultat in natura per abstractionem intellectus agentis, & possibilis: sed omnis vniuersalitas propriè dicta est ens rationis, ergo nulla vniuersalitas propriè dicta resultat in natura per abstractionem intellectus agentis, & possibilis. Consequētia est euidentis: & minor ex dictis certa. Maior autē probatur. Et in primis de intellectu agente id patet: quia ens rationis fieri nō potest à potētia non cognoscitiua, cum eius essentia sit cognosci, vt disp. 2. probatū est. Cum ergo intellectus agens sit potētia nō cognoscitiua, vt supponimus ex libris de anima, planū fit ab ipso nō posse fieri ens rationis.

De intellectu verò possibili sic probatur maior: quia per abstractionem præcisiuā, solū cognoscitur obiectū secundū illa predicata, quæ directè repræsentantur per speciem intelligibilem: ergo per illā nō cognoscitur natura secundū aliquid, quod à parte rei non habeat; ac proinde

nullum per ipsam fiet ens rationis. Probatur hæc consequentia: quia ex eo, quod intellectus cognoscat naturā humanā nō cognitis singularitatibus, formaliter loquēdo nō cognoscit illā aliter, ac est in se; neque fingit ibi aliquid esse. Sicut autem si illud intellectus cognoscēs in primo sapore, qui a parte rei est in illo, merè negatiuè se habēs circa colorē eius, neque illud cognoscit aliter, ac est in se, neq; per talē cognitionē format ens rationis. Ergo intellectus cognoscēs prædicata cōmunia naturæ, merè negatiuè se habens circa singularitates (in quo consistit abstractio præcisiua) non cognoscit naturā aliter, ac est in se, neque ex consequēti per talē cognitionem, format ens rationis.

61 Secundo, quia vniuersalitas, sicut qualibet alia secunda intētio, præsupponit vt rationem fundandi denominationē extrinsecā cogniti, ergo antequā adueniat vniuersalitas, iam natura est cognita: ergo vniuersalitas nō resultat in natura per abstractionē præcisiuā intellectus possibilis: antecedēs, & prima consequētia ex dictis patent. Secūda verò probatur: quia abstractio præcisiua, qua cognoscitur natura non cogitis singularitatibus, est primus actus intellectus possibilis circa talē naturam. Vt enim ostendimus in lib. de Anima, intellectus directus illū cognoscit naturas cōmunes; & ex earum cognitione indirecte, & per quandam reflexionē cognoscit singularia. De quo videri potest D. Tho. in 4. dist. 50. q. 1. ar. 3. ergo per abstractionem præ-

cisiuam non potest resultare in natura vniuersalitas. Si ergo, neque per abstractionem intellectus agētis, aut possibilis; neque per cōparationē cōpositam eiusdē intellectus, potest fieri secunda intentio vniuersalis; vt probatū est, restat a sufficiēti enumeratione, fieri per simplicem cōparationem.

Tertiò positiuè probatur per hāc cōparationē fieri: quia vniuersale est relatiuū secundū esse, & vniuersalitas vera relatio rationis ex his, quæ sub primo genere secundarum intentionū logicalium enumerauimus supra disp. 2. n. 46. ergo fit per cōparationē simplicē intellectus. Probatur cōsequentia: quia ens rationis fit per hoc, quod apprehendatur aliquid esse, vbi nullū est: ergo relatio rationis fiet per hoc, quod apprehendatur ordo inter alia, inter quæ talis ordo non est. Hoc autem est vnū alteri cōparare: ergo vniuersalitas ex ratione cōmuni relationis rationis habet fieri per cōparationem. Cūq; ratione proprii generis, in quantū scilicet est relatio, seu intentio rei simplicis, excludat iudiciū, aut discursum, planè sequitur fieri per simplicem apprehensionem naturæ in ordine ad inferiora, quæ est cōparatio simplex intellectus possibilis, quod intendimus.

§. III.

FUNDAMENTIS aliarum sententiarum satisfit.

62 AD Primū argumentū pro 1. sententia ex auctoritatibus D. Tho. iam constat ex his, quæ adduxi-

duximus ad concilianda eius testimonia. Et quidem in priori loco satis ipse Sanctus explicat se loqui de vniuersali in representando.

¶ Quo etiā modo potest explicari secundus locus, vel melius de vniuersali fundamentaliter, & in potētia proxima. Quod colligitur ex ultimo loco adducto pro nostra conclusione, vbi eodē modo loquendi vtitur; naturā abstractā ab intellectu agente appellans absolutē vniuersalē, & tamen statim docet, secundam intentionē, seu vniuersale formaliter fieri per actū reflexum, seu comparisonem intellectus.

Ad secundū respondetur negando maiorem, si loquamur de vniuersali secundo intentionaliter, seu logicē, sicut in presenti loquimur. Vt enim questione præcedenti dicebamus, obiectū intellectus, etiam formaliter, quatenus obiectum est, & ut est actū intelligibile; tantum est vniuersale fundamentaliter, & in potentia proxima. Ratio est manifesta: quia esse obiectum intellectus, & actū intelligibile habet natura à reali, & intrinseca entitate sua, & à perfectione, & immaterialitate quā habet, vel quia est actus, & forma separata, vel quia secundū se abstrahit ab aliqua materia, saltem singulari; at verò esse actū, & formaliter vniuersalem habet natura à secunda intentione, quam fundat intellectus, supra entitatem illā actū intelligibilem, quæ est obiectū eius. Et sic stat optimē obiectum intellectus, etiā formaliter quatenus est obiectum, & actū intelligibile, esse tantum fundamentaliter

vniuersale. Quod solum significatur, quando cōmuniter dicitur, obiectū intellectus esse vniuersale. Sicut quando è cōtra dicitur, obiectū sensus esse singulare, non significatur res constitui in esse obiecti sensus per secundam intentionem, quam pro formali dicit singulare.

Ad confirmationem, concessa maiori, neganda est minor. Cuius ratio est: quia ex eo precisē, quod natura esset realiter separata, ut ponebat Plato; statim esset in ea relatio realis, quæ vniuniformiter respiceret indiuidua, & ratione illius esset formaliter vniuersalis, at verò ex hoc precisē, quod natura separaretur per intellectū agentem, neque resultat in illa relatio realis ad indiuidua, ut patet, neque etiam rationis: tum, quia intellectus agens non est effectiuus entis rationis: tum etiā, quia ipse nō refert naturam ad inferiora, quod necessarium erat, ut resultaret relatio rationis. Et sic ex eo precisē, quod natura separaretur per intellectum agentem, non est formaliter vniuersalis, sed tantum fundamentaliter, & negatiuē.

Ad tertium respondetur, quod fieri aliquid formaliter vniuersale, est fieri positiuē commune, & indifferens. Hoc autem non habet formaliter natura, per separationem à singularitatibus; sed per secundam intentionem, seu relationem rationis ad inferiora, ut explicatū est. ¶ Per quod patet ad confirmationem. Solum enim probat, naturā per abstractionem fieri vniuersalē negatiuē, & in potētia; aliās consequentia esset omnino falsæ.

63 Ad auctoritatem D. Tho. pro secunda sententia adductam, iam diximus supra sensum eius esse, ad abstractionem intellectus possibilis sequi secundam intentionem vniuersalis, eo modo, quo relationes dicuntur consequi ad suum fundamentum. Abstractio enim præcisua ultimò disponit naturam, ut fiat formaliter vniuersalis per subsequentem comparisonem.

Ad rationem pro eadem sententia respondetur, per abstractionem præcisua intellectus possibilis non cognosci naturam, formaliter ut vnam, aut uniformem; neque ut proximum fundamentum vniuersalitatis: ad hoc enim necessarius est actus reflexus, ut patet; sed solum cognosci secundum sua prædicata essentialia, aut gradus communes, quos habet à parte rei. Per subsequentem autem comparisonem cognoscitur ut vna, dicens uniformem ordinem ad inferiora. Et sic per hanc fit formaliter vniuersalis.

Ad confirmationem respondetur negando antecedens. Ad cuius probationem dicimus, vniuersalitatem cum sit secunda intentio, conueniens rebus, quatenus cognitæ sunt, ut sæpè explicuimus, ultra unitatem formalem, aut indiuisiorem, quam habet natura abstracta per intellectum agentem, requirere proculdubio in ea denominationem extrinsecam cognitæ, à qua ultimò completur in ratione fundamenti, & constituitur in potentia omnino proxima ad illam recipiendam. Et talem denominationem recipit natura per abstractionem præcisua

intellectus possibilis, non verò ipsam vniuersalitatem.

Ad fundamentum quartæ sententiæ constat ex eius impugnatione. Vniuersalitas enim non conuenit naturæ, prout actu est in multis; sed prout est apta esse in illis, & ideo non exigit operationem intellectus, qua natura actu attribuitur multis; sed qua fiat proximè apta, ut tribuatur multis, seu qua cognoscatur in ordine ad multa. Ad quod non requiritur comparatio composita, ut per se patet.

§. IIII.

QV ID DE VNIVERSALI metaphysico sentiendum sit, ex dictis explicatur.

64 | Am facillè intelligetur diuisio vniuersalis, quæ communiter circumfertur in vniuersale metaphysicum, & logicum: per quā aliqui dissoluunt hanc quæstionem, & conciliant sententiæ oppositas, asserentes, vniuersale metaphysicum fieri per abstractionem intellectus agentis, vel possibilis; logicum verò per comparisonem. Sed licet hæc doctrina in se (si benè intelligatur, vera sit; insufficiens tamen est ad solutionem quæstionis. In qua non inquirunt Doctores: per quā operationem natura fiat vniuersalis fundamentaliter, seu in potentia proxima, sed per quam operationem fiat actu, & formaliter vniuersalis. Constat autem vniuersale metaphysicum non esse vniuersale actu & formaliter, sed in potentia tantum, & fundamentaliter, ac proinde

pe

per hanc diuisionem non possunt conciliari adductæ sententiæ.

Quodd autem tantum vniuersale logicum sit actu, & formaliter vniuersale; metaphysicum verò solum in potentia, & fundametaliter, satis ex se patet. Nisi enim velimus abuti terminis, vniuersale metaphysicū nihil aliud sonat; nisi vniuersale, quod est obiectum metaphysicæ, sicut vniuersale logicum significat vniuersale, quod est obiectum Logicæ. Cum ergo ex dictis disput. 1. constet, res pertinere ad obiectum Logicæ, non ratione suæ entitatis realis, sed ratione secundarum intentionum; ad obiectum verò Metaphysicæ nō nisi ratione suæ entitatis, & perfectionis realis, planum sit vniuersale logicum esse naturam simul cum secunda intentione, à qua actu, & formaliter constituitur in esse vniuersalis, vniuersale verò metaphysicum solum esse ipsas naturas, seu essentias reales, de quibus agit Metaphysica, quæ prout sic, tantum sunt fundametaliter vniuersales. Quia tamen neq; Metaphysica, neque aliæ scientiæ disputant de naturis, prout sunt in singularibus; sed prout ab eis sepa-

rantur, aut sine eis cognoscuntur; idē solet dici, vniuersale metaphysicum fieri per abstractionem intellectus agentis, aut possibilis. Non quia per has operationes, naturæ recipiant aliquam vniuersalitatem metaphysicam, vt aliqui fingunt; sed quia tunc habent immaterialitatem, & actualitatem necessariam ad terminandas scientias.

65 Ex quo tandē fit, naturam, sic à singularibus præcisam, si pertineat ad obiectū Philosophiæ, posse dici vniuersale philosophicum; si ad Mathematicas, mathematicum; si ad Metaphysicam, metaphysicum. Consueperunt tamen omnes naturæ reales sic præcisæ appellari vniuersale metaphysicum, vel sumpta denominatione à digniori sciētiā, vt optimē notat Rub. de vniuersalibus, quæst. 5. n. 93. vel quia obiectum Metaphysicæ transcendit obiecta aliarum scientiarum, & sic possunt quodammodò talia obiecta appellari vniuersale metaphysicum. Ex quibus omnibus patet, diuisionem adductā nullo modo esse vniuocam, sed vel totius concreti in suas partes, vel analogi in analogata.

DISPUTATIO QUARTA.

De passionibus vniuersalis.

SICUT Accidentia realia suas habent passiones, quas de illis scientiæ demonstrant, vt cernitur in Geometria, Arithmetica, & alijs: sic etiam secunda intentio vniuersalis, quæ est quædam forma, seu accidens rationis, suas habet proprietates: quarum notitiæ & examen ad Logicam pertinet. Duæ autem vniuersalis passio-

nes (omissis alijs minoris notæ) assignantur communiter à Doctoribus, scilicet, esse *perpetuum*, & esse *predicabile*. Quarum prima conuenit vniuersali ratione materiæ, seu naturæ denominatæ, ipsa enim naturæ vniuersales dicuntur, & sunt perpetuæ. In quo sensu sæpè docet Arist. scientias agere de rebus perpetuis, vt patet 1. Post. cap. 4. & 8. & lib. 6. Ethicorum cap. 4. cuius etiam passionis meminit D. Thom. 1. p. q. 46. art. 2. & alibi sæpè. Secunda conuenit vniuersali ratione formæ, ipsa enim secunda intentio vniuersalis est prima radix, & ratio, quare naturæ reales prædicentur de inferioribus. Cuius etiam meminit Arist. 1. Perier. cap. 5. & D. Thom. opusc. 48. cap. 1. Cum ergo disputatione præcedenti explicauerimus essentiam vniuersalis, tam ex parte materiæ, seu naturæ denominatæ; quam ex parte formæ, seu intentionis, æquum est, vt in hac de passionibus vniuersalis eadem proportionem disputemus.

¶ QVAESTIO PRIMA.

Quomodo vniuersalia sint perpetua, & an peremptis singularibus, pereant etiam vniuersalia?

2 PRO tituli intelligentia, & solutione huius, ac sequentis difficultatis, sciendum est ex D. Tho. in 1. dist. 33. art. 1. *esse* dici tripliciter, scilicet esse essentia, esse existentia, & esse, quod significat veritatem propositionis. Verba D. Tho. sunt: *Vno modo dicitur esse ipsa quidditas, vel natura rei: sicut dicitur, quod definitio est oratio significans, quod est esse. Alio modo dicitur esse ipse actus essentia, sicut viuere, quod est esse viuentibus. Tertio modo dicitur esse, quod significat veritatem compositionis in propositionibus; sed dicitur quod, est, dicitur copula.* Quam doctrinam inter alios explicat latè, & optimè Nazar. 1. par. q. 3. art. 4. controuerf. 1.

De perpetuitate, ergo vniuersalium, quatenus ad illud tertium *esse*: an scilicet propositiones vniuersales sint perpetuæ veritatis, dice-

mus quest. seq. De *esse* verò in 2. acceptione, nempe de esse existentia: an scilicet vniuersalia sint perpetua quoad existentiam, Plato, vt vidimus supra disp. 3. nu. 6. existimauit vniuersalia habuisse ab æterno realem existentiam à singularibus separatam, & per consequens realiter fore remansura, etiam si singularia omnia interirent.

Hæc tamen sententia omnino falsa est: tum, quia falso nititur fundamento, vt ibidè ostendimus: tum etiā, quia quidquid est præter Deū dependet ab ipso, tanquam à primo efficiente, vt indicant verba illa, Ioan. 1. *Omnia per ipsum facta sunt.* Et docet Arist. 12. Metha. c. ultimo: sed si vniuersalia haberent ab æterno realem existentiam, non essent ipse Deus, vt supponimus: ergo ab illo recepissent talem existentiam, fuissentque ab æte. no produ-

Et 1. Sed iuxta fidē catholicā, Gen. 1. nihil productū est a Deo ab æterno: ergo vniuersalia non habuerunt ab æterno realem existentiam.

Ex quo etiam sit, quod si perirēt omnia singularia alicuius naturæ vniuersalis (vnde de facto continget in fine mundi) talis natura vniuersalis nullo modo maneret existens; sed cum singularibus interiret: ac proinde si omnia singularia, quæ sunt in rerum natura, perirent; cōsequenter vniuersalia omnia quoad realem existentiam funditū interirent. Et hoc est, quod inquit Arist. c. de substantia: *Destructis, scilicet, primis substantijs, impossibile esse, aliquid aliorum remanere.*

Iuxta hanc ergo secundam acceptionem, quatenus esse significat existentiam, omninō certum est, vniuersalia nō esse perpetua. Quare solū difficultas est inter Doctores, de prima acceptione, nempe de esse essentiae. Quamuis enim omnes fateantur rerum essentias aliquomodo esse ab æterno; nō ori, neq; interire, esse semper, & vbiq; & alia eiusmodi, quæ perpetuitatem denotant: non est tamen exploratū, quomodo hæc illis conueniant. Et hoc est, quod in præsentī inuestigamus.

3 Vetus est opinio, asserens rerum essentias, seu vniuersalia esse perpetua, eod quod verē habeant ab æterno extra Deum aliquam realitatem essentiae, quam vocant diuinam quādam entitatem; nō verò existētiae. Sic videtur sentire Scot. in 1. dist. 35. q. vnica. Quam sententiam tribuit Mayroni, & alijs

Scotistis, Niger. 2. p. Clypei q. 2. In eademque fuisse quosdam antiquos Thomistas testatur Soncin. 9. Metaph. q. 4. qui plurā pro illa adducit argumēta. Hæc tamē sūt præcipua.

Primò: quia quæ continentur in prædicamentis, sunt aliquid extra Deum: sed vniuersalia, antequam existant, cōtinentur in prædicamentis, antequam enim rosa existat, verē est in prædicamento substantiæ: ergo antequam vniuersalia existant, sunt aliquid extra Deum: non realitate existentiae, vt patet: ergo realitate essentiae.

Secundò: quæ sunt vnū, & idem, habent eādem entitatē: sed natura vniuersalis, antequā existat, & postquā existit, est vna, & eadem: eadē enim est rosa: quæ in Hieme potest produci, & quæ in vere est producta: ergo natura vniuersalis, antequā sit, & postquā est, habet eādem entitatem. Sed non quantū ad existentiam: ergo quātū ad essentiam.

Tertiò: quia ab æterno verū est dicere, homo est animal: ergo ab æterno datur homo, & animal: nō secundū existentiam, vt patet: ergo secundū essentiam: ac proinde vniuersalia erunt ab æterno secundū aliquā realitatem extra Deū. Iuxta quam etiam erunt posituē perpetua, ingenerabilia, & incorruptibilia, manebuntque cum aliqua entitate, & realitate essentiae, etiam si intereant omnia singularia.

4 Nihilominus tamen dicendum est primò, quod vniuersalia nō sunt perpetua secundū essentiā posituē, ita scilicet, quod ab æterno fuerint in aliquo gradu entis extra Deum:

ac proinde nec remanere possunt secundum aliquam realitatē, peremptis singularibus, sed sicut nihil sunt, antequā singularia producantur; ita etiam in nihilum redeunt, quando singularia destruuntur. Sic docet expressē D. Thom. 1. par. q. 10. art. 3. ad 3. & de potentia quest. 3. art. 5. ad 2. ubi ait: *Quidditas creari, antequā esse habeat, nihil est, nisi forte in intellectu creantis; ubi non est creatura, sed creatrix natura.* D. Thom. sequuntur Capreol. in 2. dist. 1. quest. 1. Soncin. Nig. & Naz. ubi supra, Bañez. & Zumel, loco citato, ex prima part. Mas. hic seēt. 2. quest. 8. & communiter Doctores.

Fundamentum est: quia omnino repugnat aliquam naturam vniuersalem esse secundum essentiam aliquid reale extra Deum, & non habere realem existentiam: sed ab æterno vniuersalia nihil sunt quantum ad existentiam, ut dictum est: ergo nihil etiam sunt quantum ad essentiam. Probatur maior: quia quidquid est extra Deum, habet illud esse à Deo: ergo si esse est quid reale; habebit illud per aliquam veram, & realem actionē, seu emanationem: sed chimericum est fingere actionem, aut emanationem realem, quæ non terminetur ad ponendū aliquid singulare extra causas, in quo consistit existentia: ergo omnino repugnat essentia ab æterno habere aliquod esse extra Deū, & non esse existentem, vel singularem.

Confirmatur: quia ex opposita sententia sequeretur nullam dari

propriam creationem in tempore: si præcederet ab æterno esse reale essentia extra Deum: hoc autem est absurdum: ergo illud ex quo sequitur. Probatur sequela: quia creatio est productio totius entis secundum omnem realitatem, quā in se habet: sed talis productio esset in tempore impossibilis; si præcederent ab æterno vniuersalia cum realitate essentia: iam enim non producerentur secundum essentiam, sed tantum secundum existentiam, ut patet: ergo nulla daretur vera creatio in tempore.

5 Dicendum est secundum vniuersalia secundum essentiam esse perpetua negatiue, ex eo quod sunt negatiue ingenerabilia, & incorruptibilia: quatenus secundum se non habent principium suæ corruptionis, aut generationis, & per consequens neque sui finis, aut principij. Ita D. Thom. 1. par. quest. 16. art. 7. ad 2. & quest. 1. de veritate art. 5. ad 13. & 14. quem sequuntur Auctores citati.

Probatur breuiter & explicatur: quia quod est negatiue incorruptibile, est negatiue perpetuum: sed vniuersalia sunt negatiue incorruptibilia: ergo sunt negatiue perpetua. Maior est euidentis: & probatur minor: quia illud est negatiue incorruptibile: quod de se nullum habet principium, à quo corrumpatur: sed vniuersalia ex se nullum habent principium corruptionis; siquidem corruptio & generatio in singularibus sunt, ut patet: ergo vniuersalia sunt negatiue incorruptibilia.

Confr-

Confirmatur: quia sicut vniuersalia nullū sibi determinant locum; ita nullū sibi determinant tempus: sed ex eo, quod non determinant sibi locum, dicuntur esse negatiuē vbiq; & immensa: ergo ex eo quod non determinant sibi tempus, dicuntur esse negatiuē eterna, & semper. Minorē probat D. Tho. loco citato ex 1. par. exemplo materiæ primæ, quæ secundū se non dicitur vna positiuē; quia scilicet habeat vnā formā, sicut homo dicitur vnus ab vnitāte vnius formæ; sed negatiuē tantū, per remotionem scilicet omnium formarum distinguentiū: ergo eodem modo vniuersalia erūt perpetua; siquidem ex se nō habent, per quod determinentur ad hoc, vel illud tempus.

6 Ex quo iam sequitur solutio eius, quod in posteriori quæstionis parte proposuimus. Sicut enim vnitās negatiua, quam habet materia prima secundū se, non tollit, quin positiuē plurificetur iuxta numerū compositorum, habeatque à parte rei tot vnitates positiuas, quot habet formas substantiales; ita similiter quod vniuersalia sint negatiuē perpetua, vt explicatū est; non tollit quin verē, & realiter generentur, aut corrumpantur per accidens ad generationem, & corruptionem singularium. Quod perspicuē docuit Aristot. 1. Post. cap. 9. & explicant optimē D. Thom. & Caiet. ibidem.

Ex quo tandem fit, peremptis singularibus, perire vniuersalia. Potest tamen dici ipsa manere tripliciter. *Primò*, in virtute suarum cau-

sarum. *Secundò*, in exemplaribus, seu idæis diuinis. *Tertiò* tandem, in intellectu creato, vel Angeli, vel hominis ratione specierum intelligibilem, quæ illa repræsentant. Videatur Mas. vbi supra.

7 Ad argumenta respondetur, Ad primum negatur minor. Cum enim vniuersalia, antequā existant, nihil sint à parte rei, non possunt actū, & realiter contineri in prædicamento. Dicuntur tamen ab æterno esse in prædicamento, potestate; in quantum scilicet ab æterno sunt possibilia, nō per aliquam potentiam passiuā realem ex parte ipsorum; sed per potentiam actiuā causæ, in cuius virtute præexistunt. Similiter dicuntur esse ab æterno in prædicamento, non formaliter, secundū aliquam realitatem essentia eorum; sed repræsentatiuē; ratione scilicet exemplarium diuinorum, per quæ ab æterno repræsentantur vniuersalia in proprijs categorijs.

Ad secundum respondetur cum Mas. loco citato, ea, quæ sunt vnum, & idem positiuē, habere eandem entitatem; non verò ea, quæ sunt vnū negatiuē. Rationale enim, & animal in homine, quia sunt vnū positiuē, habent eandem entitatem: sed materia prima; quia est vna numero negatiuē in omnibus, quæ generantur, & corrumpuntur, nō habet eandem entitatem in illis; sed aliam entitatem, & realitatem habet in homine; aliam in equo, &c. Quia ergo natura vniuersalis, antequā sit in rerum natura, & postquam est, tantū est negatiuē vna: (non

(non enim, possunt nihil, & aliquid esse positivè vnum, vt patet) inde est, quòd natura vniuersalis, antè quàm sit, & postquàm est, non habeat eandem entitatem.

Ad Tertium, concessio antecedenti; negatur consequentia. Quàuis enim ab æterno detur entitas, in qua fundatur veritas æterna illius propositionis; hæc tamen non est entitas creata hominis, & animalis, sed ipsa entitas exemplariū diuinorum, quæ non distinguuntur ab ipso Deo. Videatur Soncinas loco citato.

QVAESTIO II.

Quomodo propositiones vniuersales sint æterna veritatis?

3 DIus Bonauent. Herb. Gabr. & Ochan. quos refert Masius vbi suprâ quæst. 9. existimant, propositiones vniuersales, & necessarias ab æterno nō habuisse actu veritatem, sed solum in potentia. Vbi gratia hæc propositio: *Homo est rationalis*: (inquiūt) solum est actu vera, dum existit homo; dicitur tamen ab æterno vera, in quantum homo ab æterno potuit esse rationalis, vel (quod idem est) in quantum potuit existere res significata per propositionem. Eandē sententiam tenet etiam Zumel. 1. par. quæst. 10. art. 3. quæst. vnica cōclusionē 2. vbi addit, sibi aliquando contrarium placuisse, sed se melius inspecta, mutasse sententiā. Quam probat dupliciter.

Primò: quia ex eo, quòd res est.

vel non est, dicitur oratio vera, vel falsa ex Arist. in post prædicamentis, sed res neq; secundum existentiā, vt patet; neq; secundum essentiā, vt vidimus, sunt ab æterno actu; ergo oratio, seu propositio illas enuntians non potest esse ab æterno vera actu, sed sola potestate.

Secundò: quia si veritas harū propositionum esset actu æterna, maxime quia cōnexio inter prædicatū, & subiectū esset actu ab æterno; sed hoc est falsum: ergo illud ex quo sequitur. Sequela videtur nota. Minor autē probatur: quia non potest esse actu vnio, seu connexio absque extremis: sed ab æterno non sunt actu homo, & animal, vt supponimus ex quæst. præcedenti: ergo ab æterno non est actu vnio inter illa.

9 Tertiò probatur eadem sententia; quia in propositione verbū debet esse indicatiui modi, & temporis præsentis, vt docet Dialectici lib. 1. Periher. ergo nulla propositio potest significare veritatē actu æternam. Patet consequentia: quia quod significat cum tempore præsentis, non potest significare veritatem ab æterno.

Quartò, hæc propositio: *Homo est viuens*, est essentialis, & tamen non est perpetuæ veritatis: ergo nō omnis propositio necessaria est æternæ veritatis. Probatur minor: tūm, quia ad vitam in homine requiritur vnio animæ ad corpus, quæ non est ab æterno; tūm etiā, quia homo aliquando est mortuus: ergo non semper est viuens; & per consequens talis propositio non erit æternæ veritatis.

Tandem: quia hæc propositio, *Christus est homo*, est essentiali, & tamen non habet veritatem æternam: ergo intentum, Maior patet: quia Christus verè est indiuiduù naturæ humanæ, quâuis nõ habeat personalitatem, seu subsistentiam, imò nec existentiã creatã. Minor verò probatur: quia Christus in triduo mortis eius non fuit homo, vt docent Scholastici cū Magistro in 3. dist. 22. & Theologicum D. Tho. 3. p. q. 50. art. 4. ergo in illo triduo hæc propositio: Christus est homo, fuit falsa; ac proinde nõ est æternæ veritatis.

10 Plena difficultatis solutio pēdet ex perfectã notitiã veritatis; quã tamen hic tradere, nec licet, nec vacat. Sed supponendũ est ex D. Tho. 1. p. q. 16. art. 1. veritatem cuiuscumq; rei cõsistere in conformitate eiusdẽ rei ad intellectũ, ita vt veritas per prius sit in intellectu, & ab eo deriuetur ad res, secũs ac bonitas, quæ per prius est in rebus, & ab illis deriuatur ad voluntatem. Quod discrimen nascitur ex differentia inter has duas potentias, suprà disp. 2. nu. 26. insinuada. Et hæc veritas solet appellari transcendentallis. Præter quã datur alia, quæ appellatur veritas formalis, & tantũ reperitur in intellectu componente, & diuidente, vt probat D. Thom. loco citato, art. 2. Et hæc est, quæ reperitur in propositionibus, quando aliquid affirmamus vel negamus conformiter ad res significatas.

In hac autem veritatẽ adhuc possumus duo considerare. Primum est id, quod formale est, & propriè ve-

ritas dicitur. Et hoc nihil est aliud quàm enuntiare, seu cognoscere cõnexionẽ prædicati, & subiecti, quod patet esse in intellectu. Vnde si datur ab æterno intellectus cognoscens hanc connexionem; dabitur etiam in eo ab æterno veritas formalis talis propositionis.

Secundò possumus in hac veritate propositionum considerare, non id, quod formale est, sed fundamentum eius; illud, scilicet, super quod fundatur veritas formalis. Hoc autem nihil aliud est, quàm cõnexio, & vnio illarum rerum, inter quas sit enuntiatio; seu identitatis prædicati, & subiecti: hæc enim saltim ex modo significandi necessaria est ad veritatem propositionis.

11 Secundò notandum est, identitatem istam prædicati, & subiecti, quam possumus appellare veritatem fundamentalem, esse duplicem, vt supra numer. 7. dicebamus: aliam positiuam: aliam negatiuam. Tunc est identitas positiuã inter aliqua, quando illa quæ dicuntur idem, verè habent eandem realitatem, & entitatem, sicut animal, & rationale in Petro, dum existit, verè habent entitatem, & realitatem naturæ humanæ, quæ in eo est. Et hanc identitatem, seu veritatem fundamentalem positiuam, ex quæstione præcedenti conuincitur manifestè non fuisse ab æterno inter subiectum, & prædicatum alicuius propositionis necessariæ, cùm nulla entitas extra Deum fuerit ab æterno.

Iden-

Identitas verò negatiua est negatio diuersitatis inter aliqua extrema, seu non diuersitas inter illa. Quæ identitas cum sit negatio, sequitur leges aliarum negationum. Vnde tandiu dicitur esse inter aliqua extrema, quandiu abfuerit ab illis diuersitas, quam negat. Quare si ab æterno abest diuersitas inter aliquod prædicatum, & subiectum, & in æternum aberit, vt contingit in propositionibus necessarijs; erit consequenter ab æterno negatio diuersitatis inter tale prædicatum, & subiectum, & per cōsequēs identitas negatiua, seu veritas fundamentalis negatiua.

12 Dicendum est ergo primò; veritatem fundamentalem positiuam, seu identitatem positiuam inter prædicatum, & subiectum in propositionibus necessarijs non fuisse ab æterno: ac proinde vniuersalia, quantum ad hanc veritatem propositionis, non esse æterna: neque hoc modo dari propositiones æternæ veritatis. Hæc conclusio ex quæst. præcedenti, & modo adductis est manifesta; & ideo in ea immorandum non est.

Dicendum est secundò, veritatem fundamentalem negatiuam, seu identitatem negatiuam inter prædicatum, & subiectum in propositionibus necessarijs fuisse ab æterno; & hanc identitatem æternam sufficere ad æternitatem propositionum, secundum propriam, & formalem veritatem, quam conclusionem sequenti statuemus. Prima pars huius conclusionis constat ex dictis: Si enim inter prædicatum, & subie-

ctum harum propositionum, nec fuit, nec est, nec erit, nec potest esse diuersitas: ergo ab æterno fuit negatio talis diuersitatis; & per consequens identitas negatiua. Secunda verò pars ex sequenti conclusionem, & solutionibus argumentorum erit manifesta,

13 Postremò dicendum est, loquendo de propria, & formali veritate, propositiones vniuersales necessarias habere perpetuam, firmissimam, & actuaalem veritatem, siue res existant, siue non; ac proinde vniuersalia, quoad istam veritatem propriam, & formalem, esse actua ab æterno. Ita Arist. 1. Post. c. 9. Vbi, vt optimè notat Caiet. non solum ait, scientiam esse sempiternorum, & non corruptibilem (quod est asserere vniuersalia, quantum ad essentiam esse æterna) sed etiam demonstrationem esse sempiternorum, & non corruptibilem; vt indicaret non solum res, de quibus est scientia, esse æternas, sed etiam propositiones, de quibus est demonstratio, esse æternæ veritatis. Eandem conclusionem tenet D. Thom. 1. p. q. 10. art. 3. ad 3. quem sequuntur inter alios Bañez ibidem, Capreol. in 1. distin. 8. quæst. 1. conclus. 1. Soncinas. 9. Metaph. quæst. 5. Niger. 1. parte Clypei quæst. 48. Soto 2. lib. summular. c. 2. & 10. & Mas. sect. 2. de vniuersalibus q. 9. Qui in confirmationem huius sententiæ adducit plura, eaque expressa loca D. August. Anselmi, & Porph. Quam etiam probat optimè Caiet. loco citato.

Fundamentum est: quia formalis

lis veritas propositionis non est in ipsis rebus; sed in intellectu cognoscente cōnexionē prædicati, & subiecti: sed ab æterno intellectus diuinus actu cognoscebat cōnexionē prædicati, & subiecti illarū propositionū. ergo ipse ab æterno fuerit actu veræ veritate propria, & formali. Maior ex dictis cōstat. Minor verò, præterquā quod est per se nota, facillè probatur: quia propositiones istæ sunt enūtiabilia necessaria, ac proinde non potuit non intellectus diuinus ab æterno actu versari circa illa.

Cōfirmatur primò: quia huiusmodi enunciationes necessariae nō possunt habere indeterminatā, & quasi suspensam veritatē; cū nō sint in materia cōtingēti: ergo ab æterno fuerunt determinatæ & actu veræ, vel falsæ. Si primū, habetur intētū: si secundum, ergo verum fuisset ab æterno tales propositiones esse falsas.

Secundò cōfirmatur ex C. i. e. quia ex duabus cōtradictorijs in materia naturali, altera necessariò est determinatè, & actu vera: sed istæ propositiones, *homo est animal*, *homo non est animal*, sunt huiusmodi, etiā homine nō existente, vt patet ex Arist. in Post. prædic. c. de oppositis: ergo etiā homine non existente, altera necessariò erit determinatè vera; ac proinde ab æterno fuit actu vera.

14 Ad argumēta resp. Ad primū, dictū Arist. intelligendū esse de veritate fundamētali, seu de idētitate inter prædicatū, & subiectū positiuā, si prædicatū, & subiectū exi-

stant; vel saltē negatiua, si non existant. Talis autem idētitas negatiua fuit ab æterno sufficiens, vt intellectus diuinus cognosceret cōnexionem prædicati, & subiecti. Cū enim ipsa cognitio Dei nō produxerit ab æterno prædicatū, & subiectum, vt patet; non potuit esse necessaria ab æterno idētitas positiuā inter illa; ac proinde sufficiens fuit idētitas negatiua illorū; vt in intellectu diuino esset actu, & formaliter veritas talis propositionis. ¶ Per quod patet ad secundum argumentum. Procedit enim de idētitate positiuā, quæ tamen non est necessaria, vt explicatum est.

Ad tertiū resp. cum Sot. vbi sup. in his propositionibus necessarijs, verbū, *est*, non significare cum tempore, propriè loquēdo; sed abstrahere ab omni differentia tēporis. Et hoc est, quod cōmuniter docent Dialectici, scilicet in his propositionibus verbū absolutū a tēpore, id est, impedire ab extremis, ne significet al. quā differentiā tēporis. ¶ Si tamen cōtēdas verbū in his propositionibus verè importare aliquam durationē præsentē, dicēdū est illā esse instans, seu nunc æternitatis; non verò instans, aut nunc tēporis.

15 Ad quartum concessa maiori, neganda est minor. Ad cuius primam probationē dicēdū est, non esse necessarium ad veritatē illius propositionis, *homo est viuens*, cōnexionem, aut vnionem positiuā inter corpus, & animā fuisse ab æterno; sed sufficere idētitatem negatiuā prædicati, & subiecti, quæ tamen fuit ab æterno; liquidē nec ho-

mo fuit aliquando non viuens, nec dicitur homo absq; connexione animæ, & corporis. ¶ Per quod patet ad secundam probationem. Nam cadauer illud, in quod resoluitur homo, abusiue, & æquiuocè appellatur homo: propriè enim loquendo nunquã homo est mortuus, quia quãdo moritur, desinit esse homo.

Per quod etiam patet ad vltimũ. Si enim in rigore loquamur, intriduo mortis Christi non fuit Christus, in quantum *Christus* significat hunc hominem; cùm dissoluta fuerit vnio inter animam, & corpus eius, licet Verbum diuinũ manserit seorsim vnitum animæ, & seorsim corpori. Quare hæc propositio, *Christus est homo*, semper est vera. Quando tamen Theologi asserunt Christum in triduo non esse hominem, non inspicunt rigorem istum logicum; sed volũt excludere errores asserentiam Christum intriduo fuisse hominem, & docere, ad veritatem mortis eius necessarium fuisse, quòd inter animam & corpus eius desierit vnio; & consequenter quòd desierit etiam esse hominem. Ex hoc tamen nihil sequitur contra nos, quia etiam desijt esse hunc hominem, scilicet Christum.

QVÆSTIO III.

Quid, & quotuplex sit prædicatio?

16 **E**xplicata prima passione vniuersalis, quæ conuenit illi ratione naturæ, restat agamus de prædicabilitate, quæ conuenit illi ratione formæ, iuxta ea, quæ diximus

in proœmio disputationis. Cùm autem prædicabilitas sit potentia, seu aptitudo naturæ, vt prædicetur de inferioribus, eisque attribuatur per actualem prædicationem, inde est, plenam prædicabilitatis cognitionem omninò pèdere ex cognitione prædicationis, quæ est proprius actus eius. Præterquã quòd, ignorata prædicatione, & modo prædicandi, cognosci non potest, quæ prædicationes sint vnus prædicabilis, & quæ alterius, ad quod præcipuè ordinatur istud Porphyrij isagoge. Cùm autem prædicationes exerceantur in neminibus concretis, vel abstractis, aliqua de ijs, antequam ad alia procedamus, præmittenda sunt.

17 ¶ Primò ergo statuendum est, concreta accidentium eandem prorsus rem significare, ac eorum abstracta. Vt enim optimè dixit Aristotel. cap. de substantia: *Nomen albi, nisi qualitatem nihil significat.* Quod etiam docuit expressè Diu. Thom. in 1. distinct. 18. quæst. 1. artic. 2. ad tertium, vbi ait: *Subiectum non includitur in significatione nominis significantis accidens concretinè, vt dicit Commentator 4. Metaphysica, quamuis Auicena contrarium senserit.* Quod etiam clarius habetur 7. Metaph. lectione 1. vbi explicans ipse Sanctus dictum Aristot. quod, *accidentia in concreto magis entia videntur*: inquit, hoc idèd esse, quia determinatur eis aliquod subiectum per ipsam nominis significationem, scilicet substantiam: *Et idèd* (ait) *unumquodq; talium nominum, quæ*

fig-

significant accidens in concreto, videntur importare prædicamentum substantiæ: non ita quod prædicamentum substantiæ sit pars significationis talium nominum: album enim, ut in prædicamenti dicitur, solam qualitatem significat, sed in quantum huiusmodi nomina significant accidentia, ut inherencia substantiæ. Quæ doctrina communis est inter Doctores, & pro ea videri possunt Capreol. in 1. dist. 4. quæst. 1. & 2. Caiet. c. 7. de ente, & essentia, Soncin. 5. Metaph. q. 38. Mas. in antepædicamenti q. 3. Sanch. lib. 4. Logicæ q. 3. & Fonseca 5. Metaph. c. 7. q. 5. sect. 3. qui plures alios adducit pro hac sententia, eamq; varijs rationibus confirmat.

Breuitè potest suaderi: quia hæc prædicatio, *homo est albus*, est accidentalis, & in materia cōtingenti: ergo res significata per prædicatū est id, quod potest adesse, & abesse à subiecto, & quod est accidens respectu illius. Hoc autem est sola qualitas albedinis, & non subiectū, ut de se patet: ergo sola albedo, & non subiectum est res significata per nomen album.

Confirmatur: quia, si subiectū esset pars significati istorum nominū, iam concretum accidentale, nō solū ex modo significandi, sed etiā quoad rem significatā esset ens per accidens; & per consequens omnino indefinibile. Quod tamē est contra Arist. & communē Philosophorum vsum, qui sæpè definiunt concreta accidentium, docentq; artem definiendi illa, ut videbimus disp. seq. ergo huiusmodi concreta non

important subiectum, & formam ut partes sui significati, sed solam formam, ac proinde eandem rem significant, ac eorum abstracta.

18 ¶ Quamuis autem in hoc cōueniant; differunt tamen in modo significandi talē rem. Nām abstractum significat formam accidentalem per modum substantiæ, seu per se stantis, quasi non esset alicui inherens, neq; per ordinem ad illud acciperet entitatem, sed per se ipsam, sicut habet substantia. Quod non idē est, ut optimè notat D. Tho. loco citato ex 7. Metaph. & opus. 42. c. 19. quia accidens per se ipsum habeat entitatem, aut absq; subiecto possit existerē; sed quia, cū significatio cōueniat nomini-bus mediante cōceptione intellectus, siquidem voces sunt notæ passionum, quæ sunt in anima, ut dicitur 1. Perhier. intellectus autē possit seorsum intelligere ea, quæ sunt coniuncta, hinc fit, posse etiā separare formam accidentalem à subiecto. Et quia illud, quod per se accipitur ab alio separatim (inquit D. Th. opus. citato) videtur per se existens, idē designatur nomine abstracto, quod significat remotiōem eius ab alio. Et hoc modo abstracta accidentium significāt formas; quæ quidem inherēt, sed non significant eas per modum inherentium. At verò nomen concretum significat eandem formam, quasi alteri adiacentem, & innitentem, quod est significare formam concernendo, & connotando subiectum, tanquam id, cui inheret forma, & in quo exercetur effectus formalis eius.

eius. Et propterea concretum accidentale appellatur connotatiuū; quia quasi in obliquo designat, & connotat subiectum, in quo est forma, quam significat.

19 ¶ Tam verò ex hoc præcipuo discrimine inter cōcretū, & abstractū, plura alia deducuntur ad præsentē disputationē omnino necessaria. Tria sunt præcipua, quæ enumerat D. Th. opus. 69. lec. 2. Primū est, abstracta esse talia per se ipsa, vt albedo per se ipsam est albedo; cōcreta verò esse talia per abstracta, vt album est album per albedinem.

Secundum est, abstracta denotare formas simplices, puras, & impermixtas: albedo enim solam albedinem significat sine permixtione alterius qualitatis; concreta verò significare formas sine præcisione aliarum qualitatum, cum quibus permixtae sunt, vt album significat albedinem in subiecto, in quo etiam reperitur quantitas, calor, &c. Cuius rationem reddit optimè D. Thom. quia id, quod abstractè consideratur, significatur vt quod aliquid est tale; albedo enim significat, vt quod aliquid est album. Cum autem nihil sit album, nisi per id, quod pertinet ad rationem albedinis, inde est huiusmodi abstracta nihil alienum in se habere posse. In concretis verò, cum ex modo significandi album, v. g. importet id, quod habet albedinem, & ex eo quod aliquid habeat albedinē, non prohibeatur habere aliquid aliud, quod sit extra essentiam albedinis, inde est concreta significare formas cū alijs permixtas. Et

hæc est radix quare abstracta diuersarum specierum nequeant inter se prædicari, etiam si reperiuntur in eodem subiecto; hæc enim est falsa, *albedo est dulcedo*, quamuis vtraque existat simul in lacte; cū tamen earum cōcreta de se mutuò prædicentur; verè enim dicitur, *album est dulce*, vel *dulce est album*.

Tertiū tandem discrimen (quod etiam tangit D. Th. 1. p. q. 3. art. 3. & 3. p. q. 2. art. 2.) sequitur ex præcedenti, vt ait D. Tho. Et consistit in hoc, quod abstracta sumuntur vt partes; cōcreta verò vt tota. Quiauis enim vtraque nomina significet eandem rem, quia tamen ex modo significandi, abstractum significat, vt quod aliquid est; concretum verò, vt quod habet formā, inde est, abstractum ex modo significandi sumi, vt partē formalem respectu concreti; concretū verò vt totū compositum ex subiecto, & accidenti. Et hæc est radix, quare abstracta non possint prædicari de concretis, quia nulla pars prædicatur de toto. De quo iterum redibit sermo. quæst. seq.

20 ¶ His prænotatis, explicamus iam, quid, & quotuplex sit prædicatio. Prædicatio ergo, attributio, seu propositio (quæ quantū ad præsens idem sunt) est oratio enūtiatiua; in qua scilicet prædicatū attribuitur, vel enuntiatur de subiecto. Diuiditurq; à Soto q. ult. vniuersalū, generali diuisione, in identicā, disparatā, & mediā. Prædicatio identica est illa, in qua idē enūtiatur de se ipso; disparata, in qua prædicatū nullā habet cōnexionē cū subiecto; media verò, in qua prædicatū, & subiectum

Atum habent sufficientem connexionem, sed non omnimodā identitatem.

Rursus prædicatio media diuiditur in directam, & indirectā. Directa est illa, in qua illud, quod à parte rei habet rationem formæ, ponitur in propositione ut prædicatum, & illud quod habet à parte rei rationem materiæ, ut subiectū. Cuius oppositum constituit propositionē indirectam. Vnde hæc propositiones: *Homo est animal*, *homo est rationalis*, *homo est risibilis*, sunt directæ, & earum conuertentes indirectæ.

Vbi considerare oportet, hanc doctrinam tenere, siue propositiones sint affirmatiuæ, siue negatiuæ: siue veræ, siue falsæ. Nam hæc est identica, licet falsa, *homo non est homo*: & hæc est disparata, licet vera: *homo non est lapis*. Similiter hæc est directæ, licet falsa: *homo nō est animal*: & hæc est indirectæ, quamuis falsa: *rationalis non est homo*. Videatur Soto loco citato; vbi optimè confutat quosdam Dialecticos sui temporis, aliter explicantes propositionem directam, & indirectam. Cum enim ex modo essendi rerum sequatur modus prædicandi, ut testatur Arist. 5. Metaph. tex. 14. & D. 1 hom. ibidem lect. 9. & forma sit in subiecto, non verò subiectum in forma; consequens est prædicationem directam tunc fieri, quando ponitur ut forma, seu prædicatum id, quod verè est forma; & ut subiectum id, quod verè est subiectum. Et econtrā in prædicatione indirecta.

Vnde: quia superius se habet, ut forma respectu inferioris ex Aristot. 2. Physic. text. 28. & 5. Metaphysic. text. 2. intelligitur enim quasi recipi in inferiori, quando contrahitur ad illud, ideò quoties superius prædicatur de inferiori, prædicatio est directæ. Ex quo tandem apparet, quòd ut prædicatio sit directæ, prædicatum debet esse, vel superius, vel saltem æquale respectu subiecti. Non autem erit directæ, si prædicatum sit inferius, etiam si in se habeat rationem formæ, ut cernitur in hac: *animal est rationale*: quia licet rationale sit in se forma, tamen non exercet rationem formæ respectu superioris propter rationem dictam. Esset tamen directæ: si diceretur: *animal est rationale*, vel *irrationalis*: quia iam prædicatum esset æquale.

21 ¶ Dubitat autem Soto de hac propositione: *hoc animal est homo*: an sit directæ? Videtur enim nō esse directam: nam hæc indefinita, *animal est homo*, est indirectæ: ergo etiam eius singularis, scilicet, *hoc animal est homo*.

Sed nihilominus respondet bene illam propositionem esse directam, si designetur aliquis homo singularis; esse verò disparatam, si designetur aliquis equus. Ratio est: quia propositionem esse directam, vel indirectam debet regulari ex parte suppositi, seu eius pro quo supponit subiectum, non verò præcisè ex parte rei significatæ: quia in nominibus potior est modus significandi, quàm res significata, ut infra dicemus; sed quando designato

Petro dicimus: hoc animal est homo, ly *hoc animal*, quamuis significet animalitatem, supponit tamen pro Petro: si verò designetur Bucefalus, supponit pro quodā equo; ergo talis propositio est directa, designato Petro; disparata verò, designato Bucefalo.

Nec ratio dubitandi vrget. Nam in hac propositione indefinita, animal est homo; ly, *animal*, non solum significat gradum superiorem ad hominem, sed etiam supponit pro illo, quod non contingit in propositionibus singularibus, vt explicatum est.

¶ Ex quo etiam infertur, propositiones, in quibus diuersa accidentia in concreto de se inuicem prædicantur, omnes esse directas: cum tamen eadem prædicationes, si fiant in abstracto, sint disparatæ. Hæ enim prædicationes sunt directæ, *album est dulce: dulce est album*: istæ verò disparatæ, *albedo est dulcedo: dulcedo est albedo*. Cuius ratio sumitur ex ipso modo, & natura prædicationis, in qua prædicatum significatur, vt forma, & habet proprium locum, & situm formæ: subiectum verò significatur vt materia, habetque proprium situm materiæ, & subiecti. Quia autem concretum accidentale simul significat formam, & ex modo significandi supponit pro subiecto, inde est, quòd quando in huiusmodi propositionibus concretum ponitur à parte subiecti, non solum supponit, vtcumque pro subiecto (quod habet concretum ex se:) sed etiam exercet talem sup-

positionem, (quod illi conuenit ex situ propositionis) quandò verò ponitur à parte prædicati, quamuis non amittat propriam suppositionem, quodammodo tamen impeditur propter situm prædicationis, & leges appellationis; magisque attèditur in illo res significata, scilicet forma.

22 Radix autem huius doctrinæ est, quòd in his propositionibus, concretum accidentale positum à parte subiecti, sumitur substantiuè; positum verò à parte prædicati, sumitur adiectiuè: vnde provenit diuersitas explicata, vt latius dicemus in notationibus ad cap. de genere. Maneat ergo, huiusmodi prædicationes, quæ fiunt inter concreta accidentalia, quæ communicant in aliquo communi subiecto, semper esse directas. Quæ etiam ratione, post Incarnationem Verbi hæ sunt prædicationes directæ: *homo est Deus: Deus est homo*: quia hæ istæ naturæ, diuina scilicet, & humana reperiuntur in eodem supposito Verbi, pro quo semper subiectum supponit.

¶ Secundò sequitur solam prædicationem directam esse propriè prædicationem, proprièque ad scientias pertinere; ac proinde ipsam solam vocari absolute prædicationem. Quo sensu dixit Porphir. capite de specie: *Nam aut paria de paribus, aut maiora de minoribus prædicentur oportet; minora verò de maioribus non oportet*. Propter quod etiam omnes aliæ prædicationes, tam indirectæ, quàm identicæ, & disparatæ merito à præ-

A prædicabilibus reijciuntur, ad quæ tantum pertinent prædicationes formales, & directæ. Imò ex his etiam excluditur prædicatio, in qua definitio prædicatur de definito, vel de quolibet contento sub illo, quia quamuis essentia, quæ exprimitur per definitionem, sit ens per se, & idem quod species; tamè ut significatur nomine complexo, deficit à simplicitate prædicabilium, nec potest recipere intentiones eorum.

Tandem prædicatio formalis, & directæ diuiditur ab eodem Soto in essentialem, & accidentalem. Essentialis est, in qua prædicatum est de quidditate subiecti: accidentalis verò, in qua prædicatum accidit subiecto, siue sit entitatiuè substantia, siue accidens; siue sit accidens proprium, siue commune.

His explicatis: quia duo sunt genera nominum, in quibus possunt prædicationes exerceri, scilicet nomina primæ, & secundæ intentionis, quæ explicuimus supra disputatione secunda, numero 40. Videamus iam, quomodo in vtrisque fiant prædicationes. Prius autem agemus de nominibus primii generis.

(†††)

Quomodo prædicationes fiant in nominibus prima intentionis?

23 Q Via nomina primæ intentionis, alia sunt abstracta, alia concreta, quatuor inter illa possunt fieri combinationes. Et sic potest primò dubitari: an concreta prædicentur de concretis? Secundò: an abstracta de abstractis? Tertiò: an concreta de abstractis? Quartò: an abstracta de concretis? Et quia tam concreta, quam abstracta, alia sunt substantialia, vt homo, anima; humanitas, animalitas: alia accidentalia, vt album, coloratum; albedo, color, ideò de omnibus nonnihil agemus. Id tamen ante omnia aduertendum est pro hac, & sequenti quæst. nos hic loqui de propositionibus affirmatiuis. Propositio enim negatiua nõ pertinet ad aliquod prædicabile, & sic à præsentì disputatione reijcitur. Inquirimus ergo, quando propositiones affirmatiuæ sint veræ in nominibus primæ intentionis?

§. Primus.

AN CONCRETA PRÆDICENTUR DE CONCRETIS?

24 N Vlla circa hoc est inter Auctores difficultas: & ideò sit. ¶ Prima conclusio. Propositiones, in quibus concreta de concretis prædicantur, siue concretum sit substantiale, siue accidentale, sunt veræ, & concedendæ; vt, homo est animal, album est coloratum, & si-

miles Et idem est, quando concretum, accidentale prædicatur de substantiali, vt *homo est albus* (quando enim fit è contra, propositio est indirecta, vt diximus: de quibus propositionibus modò non loquimur.) Ita docet expressè D. Tho. de ente, & essentia, c. 3. De quo videri potest Caietan. ibidem.

Fundamentum est: quia concretum significat formam cum alijs per mixtam, & sumitur vt totum, vt ex D. Tho. diximus quest. præcedenti. Propter quod etiam non præscindit ex modo significandi ab alijs, quæ inueniuntur, vel in eodè supposito, vel in eodem subiecto. Sed animal, & homo, v.g. sunt in eodè supposito, & album, & coloratum in eodem subiecto; neutraq; significant cum præcisione aliorum; sed potius sumuntur vt tota, permixtè continentia, quidquid est in alijs; ergo inter illa verissima est prædicatio. Videatur D. Tho. loco citat.

25 Dices: nihil potest prædicari de alio nisi contineat illud: sed vnū concretum, nempe animal, aut coloratum non continet, quidquid est in alio, scilicet in homine, vel albo: ergo vnum concretum non potest prædicari de alio. Probatùr minor: quia homo addit supra animal rationalitatem, & album supra coloratum addit propriam differetiam albedinis. ¶ Confirmatur: quia pars non potest verè prædicari de toto: sed animal est pars hominis, & coloratum albi: ergo nõ possunt prædicari de illis.

Ad argumentum respondetur, animal posse considerari, vt est pars

actualis hominis, & vt est totum potentiale. Quatenus est pars actualis, componit metaphysicè hominem: sicque, nec continet totum, quod homo continet, nec est quid superius; & consequenter non prædicatur de illo. Quatenus verò est totum potentiale, est quid superius ad hominem, & equum; continetq; confusè, & in potentia rationalitatem, & hincibilitatè, & hoc modo non est pars, sed totum, & prædicatur de homine, & equo. Quæ doctrina constabit ampliùs cap. de Gener. potestque cum proportionem applicari ad concreta accidentalia. ¶ Per quod patet ad confirmationem.

§. II.

*AN ABSTRACTA, TAM
substantialia, quàm accidentalia
verè prædicentur de
abstractis?*

26 A Certioribus incipiendo, vt certum statuendum est, prædicationes, quæ fiunt inter abstracta accidentium, quorum vnum est de essentia alterius, esse omninò veras, & formales, vt si dicatur: *albedo est color, color est qualitas: Logica est scientia, scientia est habitus*. Sic enim significata accidentia propriè ponuntur in prædicamèto, suntque entia per se, & completa, & habent propriè genera, & species, vt postea dicemus.

Eadem certitudine, circa abstracta substantialia statuendum est omnes prædicationes, in quibus abstractum, quod ponitur loco prædicati, non pertinet ad essentiam abstracti, quod ponitur loco sub-

subiecti, esse omnino falsas, vt *humanitas est risibilitas, rationalitas est animalitas*, & è contra, *animalitas est rationalitas*, & similes. Ratio est manifesta: quia quando prædicatum non est de essentia subiecti, non potest prædicari de illo, in *quid*, sed in *quale*; & per consequens prædicatio erit accidentalis. Vt autem prædicatio accidentalis sit vera, prædicatum debet significari adiectiuè, seu per modum alteri adiacentis, quod tamen non contingit, quando prædicatum significatur in abstracto, vt patet ex dictis quæst. præcedenti: ergo huiusmodi propositiones, in quibus abstractum, quod ponitur loco prædicati, nõ est de essentia abstracti, quod ponitur loco subiecti, omnes sunt falsæ. Quæ etiam ratio conuincit propositionem, in qua abstractam differentiam prædicatur de abstracto speciei, vt quando dicimus, *humanitas est rationalitas*, in sensu formali esse falsam. Quauis enim differentia sit de essentia speciei; quia tamen prædicatur de illa, non omnino in *quid*, sed in *quale quid*, vt explicabimus cap. de differentia, ideo debet significari adiectiuè, seu per modum alteri adiacentis. Quod non contingit, quando prædicatur in abstracto, vt per se constat.

27 Tandem idem dicendum est de prædicationibus inter abstracta generis, & differentie; & inter abstracta differentie superioris, & inferioris, vt si dicas; *rationalitas est animalitas: rationalitas est sensibilitas*, & similes.

Cum enim differentia nullatenus includat genus, nec etiam differentias superiores, vt dicemus capite de differentia; & ex modo significandi vnum non significetur vt adiacens alteri, vt fit, quando prædicantur in concreto, manifestum est, tales prædicationes in abstracto esse falsas.

Tota ergo difficultas reducitur ad abstracta substantialia, quorum vnum est de essentia alterius, & prædicatur in *quid*, vt quando de humanitate prædicatur animalitas, vel quilibet alius gradus genericus. Et ita inquirimus: an sicut hæc prædicationes sunt veræ, *homo est animal*, *animal est corpus*: ita etiam istæ sint veræ, *humanitas est animalitas*, *animalitas est corporeitas*? Procedit autem difficultas in sensu formali: nam in sensu identico euidentis est apud omnes esse veras, siquidem ipsa res quæ est humanitas, est res quæ est animalitas, aut corporeitas.

28 Partem negatiuam defendunt inter alios Scotus in primo distin. 2. quæst. 7. & distin. 5. quæst. 1. Nimphus 3. Metaphysic. quæst. 2. Canariens. 1. par. quæst. 28. artic. 2. disputat. 2. & Rubio tractatu de prædicationibus, numero 14. qui pro eadem sententia adducit Caietan. & Ferrar. sed immerito, vt postea videbimus.

Probatur primò ex D. Thom. 4. contra gentes, cap. 81. de ente, & essentia cap. 3: & 4. opuscul. 69. cap. 2. & alibi sæpè. Vbi docet, abstracta ista substantialia significari,

ri, vt partes formales, seu vt id, quo aliquid est tale; & consequenter cum præcisione aliorum: ergo vnū non potest prædicari de alio. Probatur consequentia; quia iam animalitas esset genus, & humanitas species, si vtraque haberet rationē totius. ¶ Confirmatur ex Auicenna, qui vt refert Diu. Tho. loco citato de ente, & essentia, inquit, quòd *equinitas tantum est equinitas*: ergo non est animalitas.

Secundò probatur ratione: quia vt aliquid formaliter, prædicetur de alio, necesse est, vt quidquid subiectum actu continet, contineat etiam prædicatum, saltem confusè, & in potentia: sed abstractum generis, nec actu, nec potentia continet totū, quod est in abstracto speciei: ergo non potest formaliter prædicari de illo. Probatur minor: quia quodcumque nomen abstractum significat suum significatū per modum formæ abstractæ abstractione formali, vt postea explicabimus. Omne autem abstractū abstractione formali, nec actu, nec potentia includit id, à quo abstrahitur, imò potiùs excludit illud; siquidē, prout sic, comparatur ad illud, vt pars ad suam compartem.

Tertiò: animalitas est illud, quo animal est animal; & humanitas illud, quo homo est homo: sed illud, quo homo est homo, non est illud, quo animal est animal; ergo humanitas non est animalitas. Maior habetur passim in Diu. Thom. Minor verò probatur: quia illud, quo homo est homo, significatur vt ratio formalis, & principium

constitutiuum hominis; & illud, quo animal est animal, significatur vt ratio formalis, & principium constitutiuum animalis; sed ratio formalis, seu principium constitutiuum hominis, formaliter loquendo, non est ratio formalis, seu principium constitutiuum animalis; siquidem homo, & animal sunt diuersa constituta; ergo id, quo homo est homo, non est id, quo animal est animal.

29 Pro solutione difficultatis primò sciendum est ex D. Thom. 1. par. quest. 40. art. 3. abstractio, nem (vt latè in libris Posteriorum dicimus, agentes de varijs abstractionibus à materia) esse duplicem. Alia dicitur totalis, seu vniuersalis; illa scilicet, qua vniuersale abstrahitur à particulari, vt animal ab homine. Alia dicitur formalis, seu præcisiua, & est illa, per quam forma abstrahitur à materia; (non quia semper id, quod abstrahitur hac abstractione, sit vera forma, sed quia habet modum formæ respectu eius, à quo abstrahitur.) De discrimine harum abstractionum plura dicemus loco citato; potestque videri Caiet. de ente & essentia cap. 1. q. 1. Nunc certum debet esse, nomina non dici abstracta ab abstractione vniuersali. Idq; constat manifestè; tūm, quia homo, animal, viuens, & alia genera prædicamenti substantiæ sunt propriissimè vniuersalia, & consequenter abstrahunt abstractione vniuersali; & tamen non significantur in abstracto, sed in cōcreto; tūm etiam, quia ex quolibet concreto quantum-

ramuis singulari formatur nomen abstractum; vt ex Petro Petreitas; ex Deo Deitas: cum tamen nulla ibi interueniat abstractio vniuersalis: ergo ab hac abstractione nomina non denominantur abstracta, sed ab abstractione formali; per quam, non solum separamus accidens à subiecto, vt continetur in abstractis accidentalibus; sed etiam naturam à supposito, vt cernitur in abstractis substantiabilibus.

30 Ex quo primò fit, vtraque abstracta, præcisè secundum quod inuoluunt hanc abstractionem formalem, nullam dicere ordinem ad inferiora, sed ad concretum, seu suppositum, à quo abstracta, & separata sunt. Non enim dicimus: color alicuius albedinis est color, sed color alicuius colorati est color, nec similiter dicimus; animalitas alicuius humanitatis est animalitas; sed alicuius animalis est animalitas. Ac proinde secundum istam rationem semper significantur per modum partis, seu vt quo aliquid est tale, quia id, quod abstrahitur abstractione formali, comparatur vt actus, & constitutum respectu eius, à quo abstrahitur. Et hoc est, quod toties repetit Diu. Thom. tum locis pro secunda sententia citatis; tum etiam alijs multis, quæ videri possunt in tabula aurea, verbo, *abstractum*, numero 6. Neque aliquid aliud docent Caietanus, & Ferrar. pro eadem sententia adducti.

Hinc etiam vltèriùs sequitur

nullum abstractum, præcisè ratione huius abstractionis formalis, posse prædicari de aliquo, nisi interueniat etiam abstractio vniuersalis. Cuius ratio est euidentis: quia, vt suprà retigimus, & latius dicemus capite de genere, vt aliquid prædicetur de alio, debet habere rationem totius, vt sic possit continere subiectum: sed albo, aut quodlibet aliud abstractum non habet rationem totius ab abstractione formali; cum potius ab illa habeat rationem partis: ergo, præcisè ratione talis abstractionis, non possunt prædicari de aliquo, nisi interueniat etiam ibi aliqua abstractio vniuersalis, ratione cuius induant rationem totius. Quare ad videndum, vtrum prædicationes possint fieri inter huiusmodi abstracta, inspicendum est, an, & quomodo possint induere rationem totius; seu an, & quomodo inter illa possit esse abstractio vniuersalis.

31 Secundò consideranda est differentia compositi substantialis, & accidentalis. Illud enim, cum sit ens per se, & simpliciter vnum, & totum, componitur necessariò ex partibus, quæ simpliciter sint partes, & per consequens nunquam erunt simpliciter tota, sed tantum secundum quid. At verò compositum accidentale, quia est ens per accidens, secundum quid tantum est vnum, & totum; & per consequens partes eius secundum quid tantum erunt partes; simpliciter autè tota. Quo fit, vt illud, quod significatur vt pars com-

compositi substantialis, qualiter significatur abstractū substantiale, ex modo significandi simpliciter sit pars; & per consequens non posset esse simpliciter totum, sed tantum secundum quid: quod verò significatur ut pars compositi accidentalis, qualiter significatur abstractum accidentale, quia secundum quid tantum est pars, optime poterit esse simpliciter totum.

Vnde sicut concreta accidentium ponuntur in predicamento, & dicuntur vniuersalia, aut predicabilia secundum quid tantum, & per reductionem ad sua abstracta; ita e contra abstracta substantia sunt in predicamento, & dicuntur vniuersalia, aut predicabilia secundum quid tantum, & per reductionem ad sua concreta. Quæ est perpetua doctrina D. Thom. ut patet cap. 7. de ente, & essentia, & alibi sæpè.

32 Ex quo tandem fit, quòd sicut in abstractis accidentium, significari, ut partes secundum quid suorum concretorum (quod habent ab abstractione formali,) non impedit, quin simpliciter habeant rationem totius respectu suorum inferiorum: ita e contra in abstractis substantialibus, significari, ut partes simpliciter suorum concretorum (quod habent ab abstractione formali) non tollit, quin possint secundum quid habere rationem totius respectu suorum inferiorum, & de illis predicari.

Tandem nota, quòd adhuc in ista comparatione ad inferiora, sicut concretum substantiale potest

considerari, vel ut confusè continet illa; sicque est totum, & predicatur in recto de illis, vel ut præscindit ab eis, seu excludit illa, sicque est pars eorum, neque predicatur de eis, ut explicabimus cap. de genere; ita similiter abstractum substantiale, quando comparatur ad inferiora, potest considerari, vel ut confusè continet illa; sicque conuenit illi ratio totius secundum quid, quam explicuimus; vel ut præscindit ab eis, & sic est pars eorum. Hoc secundo modo repugnat, quòd in recto predicetur; non autem primo.

33 Secunda conclusio. Animalitas, & alia abstracta substantia, sumpta cum præcisione suorum inferiorum, non possunt de illis predicari. Non tamen repugnat huiusmodi abstractis sumi absq; tali præcisione, seu ut confusè continent inferiora; & per consequens verè possunt predicari de illis. Tales autem predicationes non per se, & simpliciter, sed secundum quid, & per reductionem pertinent ad predicabilia. Hæc conclusio habet tres partes; & quoad omnes est communior inter Thomistas. Illam tenent Soto q. 3. vniuersalium Mas. ibidem sect. 4. q. 6. Sanchez. lib. 3. q. 13. Oña q. 3. articulo 3. Cante. cap. de differentia. Suarez disp. 6. Metaphysic. sect. 10. & cõmuniter moderni.

Prima pars satis ex se constat: quia animalitas, & alia abstracta sic præcisa ab vterioribus perfectionibus inferiorum, sunt partes eorum: nulla autem pars, prout sic,

potest prædicari de toto, vt explicabimus cap. de genere. ¶ Adde, in tali præcisione semper interuenire abstractionem formalem, quæ propterea dicitur præcisua; sed ratione huius abstractionis non contingit prædicatio, vt explicatum est: ergo huiusmodi abstracta sumpta cum tali præcisione nequeunt prædicari de inferioribus.

34 Secunda verò pars conclusionis, in qua est tota difficultas, probatur ex dictis: quia ad veram prædicationem de inferioribus sufficit prædicatum habere aliquo modo rationem totius respectu illorum, eaque continere in confuso: sed non est contra rationem istorum abstractorum substantialium habere aliquomodo rationem totius respectu abstractorum inferiorum, illaque continere in confuso: ergo, seruata eorù natura, possunt abstracta ista superiora verè prædicari de inferioribus. Maior constat; & probatur minor: quia ex vi abstractionis formalis, quam essentialiter exigunt huiusmodi abstracta, solum præsciunt à concreto, seu supposito, & significatur, vt patet illius: sed cum tali abstractione formali, & præcisione respectu concreti, non repugnat aliqualis abstractio vniuersalis, & continentia confusa respectu inferiorum (vt patet; tùm in abstractis accidentalibus, tùm etiã in formis physicis, quæ stãte abstractione formali, quæ præsciunt, & sumuntur vt partes suorum inferiorum, admittunt nihilominus abstractionem vniuersalem, ratione cuius induunt ratio-

nem totius, & prædicantur de suis inferioribus) ergo non est contra naturam istorum abstractorum habere aliquomodo rationem totius, & prædicari de abstractis inferioribus.

35 Secundo probatur efficacius: quia designata humanitate, hæc prædicatio est vera: *Hæc animalitas est animalitas*: ergo hæc etiam erit vera: *Humanitas est animalitas*. Antecedens patet, quia eadem est ratio de illa, ac de istis propositionibus: *Hæc humanitas est humanitas*; *humanitas Christi est humanitas*, & similibus, quæ sunt verissimæ, & à nemine negantur. Consequentia verò probatur: quia sicut in hac propositione: *Humanitas est animalitas*, subiectum includit aliquid, quod non est de essentia prædicati, nempe principium specificum, quod importat humanitas, sic etiam in ista: *Hæc animalitas est animalitas*, subiectum includit aliquid, quod est extra essentiam prædicati, nempe principium indiuiduale, quod designatur per illud pro nomen, *hæc*, & ratione cuius talis prædicatio verè est superioris de inferiori; ergo si de ratione animalitatis esset, significare naturam sensitiuam cum omnimoda præcisione quorumcumque aliorum, quæ sunt extra essentiam eius; & propterea esset falsa prima propositio, vt aduersarij dicunt: eadem ratione esset etiam falsa secunda. Maneat ergo è contrà, quòd sicut animalitas, salua proprietate abstracti substantialis, potest induere rationem totius, & prædicari de hac,

hac, & illa animalitas; ita etiam potest prædicari de humanitate, & equinitate.

Tertia tandè pars conclusionis scilicet huiusmodi prædicationes, quæ sunt inter abstracta substantia- lia, non pertinere ad prædicabilia per se, & simpliciter; sed tantum secundum quid, & per reductionem, manifesta est ex secundo notabili. Cum enim huiusmodi abstracta significantur, ut partes compositi substantialis; simpliciter conuenit illis esse partes; & per consequens secundum quid tantum possunt induere rationem totius. Quod non sufficit, ut aliquid sit simpliciter genus, aut species, quia naturæ, quæ ab his in rebus denominantur, debent esse entia per se, & completa, ut supra explicatum est, & constabit amplius in antepredicamentis.

¶ Per quod patet ad argumenta. Ad primum resp. D. Thom. solum docere, abstracta ista significari ut partes, & sumi cum præcisione respectu concreti, seu suppositi; id enim solum postulat abstractio formalis, à qua denominantur abstracta. Hoc tamè non tollit, quominus respectu inferiorum possint induere aliqualem rationem totius, quod sufficit, ut verè de illis prædicetur, quamuis non sint genera, aut species simpliciter, sed per reductionem, ut explicatum est.

Ad confirmationem respondetur in illa propositione Auicennæ, non excludi à subiecto prædicata essentialia, & generica, ut est animalitas respectu equinitatis, sed alia, quæ non conueniunt naturæ secundum

se. Et ita sensus est: equinitas tantum est equinitas, id est, de se non habet prædicari, vel subijci, aut quod sit vniuersalis; vel singularis.

Ad secundum negatur minor. Cuius probationem integram concedimus, abstractum scilicet, præcise ratione abstractionis formalis, quæ importat, habere rationem partis, nec illi prout sic conuenire, de aliquo prædicari, quod verissimum est. Sed inde non sequitur abstractum esse incapax alicuius abstractionis vniuersalis, ratione cuius habeat conditionem totius respectu inferiorum, ut patet in abstractis accidentalibus.

Ad tertium, concessa maiori, distinguenda est minor. Si enim illud, quo homo est homo, & illud, quo animal est animal, sumantur cum omnimoda præcisione, ut aliquando etiam sumuntur concreta, iuxta dicta in prima parte conclusionis, concedenda est: neganda verò, si sumantur absque tali præcisione. Neque aliquid amplius probat ratio ibi facta, ut consideranti parebit. ¶ Est tamen obseruatione dignum, quod quamuis, tam concreta, quam abstracta substantialia comparata inferioribus possint sumi, vel cum omnimoda præcisione, vel sine illa, ut explicatum est, tamen propter eorum naturam, discriminaque supra inter illa explicata, frequentius abstracta sumuntur cum tali præcisione, concreta verò sine illa. Et hoc fortè decipit Auctores contrarios.

§. III.

AN CONCRET A
prædicentur de abstractis, &
abstracta de con-
cretis?

37 p Ars affirmatiua potest probari. Primò: quia hæ propositiones sunt veræ, *entitas est ens*, & è contra; *bonitas est bona: unitas est una*, & è cōtra: eaque admittit D. Thom. 1. 2. q. 5. ar. 4. ad 1. & q. 2. 1. de veritate ar. 4. ad 4. & ar. 5. ad. 6. ergò abstracta possunt prædicari de concretis, & è contra. ¶ Secundo: hæ propositiones sunt veræ, *Deus est Deitas*, & *Deitas est Deus*, & eas admittit D. Thom. 1. p. q. 3. ar. 3. ergo, &c. ¶ Tandem: quia hæ propositiones sunt veræ, *linea est quāta: superficies est quanta*, eaque admittant Dialecticæ: ergo non solum in prædicatis transcendentibus, & diuinis, sed etiam in prædicatis particularibus concreta prædicantur de abstractis, & è contra.

Pro solutione notandum est, abstractum, cum ex modo significandi significetur vt pars concretæ: tunc propriè habere illam significationem, tuncque sumi propriè vt partem; quando concretum includit aliquid aliud præter ipsum abstractum, vt contingit in humanitate respectu hominis, in albedine respectu albi, & similibus: homo enim, præter humanitatem, includit personalitatem, seu suppositum; & album, præter albedinem, includit subiectum. Et ita in his concretum non potest prædicari

de abstracto, neque abstractum de concreto: quia, nec pars potest in recto prædicari de toto, nec totum de parte, vt inquit Diu. Thomas, capite tertio de ente, & essentia.

38 Quare, si contingat, abstractum in rei veritate non esse partem respectu concreti, nec concretum includere aliquid præter abstractum; tunc propter omnimodam identitatem realem vtriusque poterit vnum de alio prædicari. Adhuc tamen propter modum significandi diuersum, soli abstracto conueniet esse rationem, quæ concretum est tale. Et huiusmodi sunt Deus, & Deitas; quia enim nihil includit Deus, quod non includat Deitas; idè vnum potest de alio affirmari; sed quia Deitas diuerso modo significat, ac Deus; idè de Deitate verè dicimus, esse rationem, quæ Deus est Deus, quod tamen de concreto, scilicet Deo, affirmare nō possemus: falsū est enim, Deum esse rationem Deitatis.

Idem etiam contingit in prædicatis vniuersalissimis, & transcendentibus. Nam licet propter transcendentiam, quam, tam in concreto, quā in abstracto important, de se inuicem, & de omnibus rebus prædicentur, vt præter loca allata docet Diu. Thomas in 2. distin. 27. quæstion. 1. artic. 2. ad 1. & q. 1. de virtutibus artic. 2. ad 8. nihilominus tam è, propter diuersum significandi modum, non potest dici, ens esse rationem essendi ens; aut verum rationem essendi verum; sed id cōuenit abstractis; enti

tas enim est ratio essendi ens, & veritas ratio essendi verum. Videatur Mas. de vniuersalibus scilicet. 4. quæst. 5.

39 Tertia conclusio. Quamuis in prædicatis generalibus, & diuinis, abstracta verè prædicentur de concretis, & e contra; id tamen repugnat in alijs rebus creatis, & prædicatis particularibus. Vnde hæ sunt falsæ prædicationes; *homo est humanitas, albedo est alba*; & e contra. Ita docet expressè D. Tho. locis citatis, quem sequuntur Capreol. in 1. distin. 4. q. 2. concl. 2. Sot. q. 3. vniuersalibus, Caiet. & Bañez 1. p. q. 3. art. 3. Mas. vbi supra, noster Didacus à Iesu, disp. 5. q. 2. estque communis Doctorum consensus.

Fundamentum est: quia inter prædicatum, & subiectum debet esse vnitas, seu identitas realis, vt sæpè diximus: sed quando concretum includit aliquid aliud præter abstractum, vt contingit in rebus creatis, & particularibus; non sunt idem realiter concretum, & abstractum, sed distinguuntur distinctione reali includentis, & inclusi: ergo repugnat, quòd de se inuicem prædicentur.

Confirmatur; quia in his rebus abstractum verè, & propriè est pars concreti, quod non contingit in prædicatis generalibus, & diuinis: ergo licèt in his, concretum verè prædicetur de abstracto; & e contra, in illis tamen id omninò repugnat.

40 Ex dictis patet solutio ad duo priora argumenta. ¶ Ad ter-

tium verò, respondetur primò cum Mas. loco citato, quòd quàdò Diæctici admittunt illam prædicationem; *linea est quanta*, & similes, ibi subiectum non accipitur, vt abstractum, seu vt est mensura, sed vt concretum, seu vt est quid mensuratum; & facit hunc sensum: hoc mensuratum est quantum. Cuius doctrinæ signum est, quòd similes prædicationes solent admitti, vbi non habemus nomen abstractum, & concretum alicuius rei, vt contingit in linea, & idèd nomen interdum sumitur, vt concretum, interdum, vt abstractum.

Vel secundò respondetur cum D. Thom. in 4. distin. 12. quæst. 1. art. 1. quæstiùcula 3. ad 2. quòd quia quantitas inter omnia accidentia propinquior est substantiæ; non dependet secundum suam rationem à materia sensibili; & idèd in prædicando, & subiiciendo accipit modum substantiæ, & accidentis; unde lineam dicimus & quantitatem, & quantam. Propter quod etiam Arist. cap. de quantitate, & 5. Metaph. text. 10. lineam, & alias species quantitatis appellat quanta per se.

Iuxta quam Arist. & D. Thom. doctrinam, hoc speciale est in quantitate, quòd scilicet denominat se ipsam; siue hoc proueniat ex eo, quòd quantitas, vt *quod*, habeat in se ipsa, per quandam identitatem, eundem effectum, quem tribuit substantiæ, vt explicant aliqui: siue (quod verosimilius est) eò quòd eadem res respectu diuersorum dicitur quantitas & quanta, vt bene expli-

explicat Mas. in scholijs ad cap. de quãtitate. Cùm enim quantitas simul sit mensura substantiæ, & mensurabilis per aliam quãtitatem, vt ibidẽ explicauimus, inde est, quòd eadem res, secundùm quòd est mensuratiua, seu mensura substantiæ, dicitur quãtitas: secundùm vero quòd est mensurabilis, seu mensurata, dicitur quanta. Videatur Diu. Tho. 5. Metha. le 1. 5.

QVAESTIO V.

Quomodo prædicationes fiant in nominibus secundã intentionis, tam inter se, quàm respectu primarum?

41 § Secundæ intentiones habent rationem accidentium respectu primarum, vt sæpè diximus, & ideo ex dictis de accidentibus reabilibus respectu substantiæ habetur, quid de secundis intentionibus respectu primarum dicendum sit. Quare sicut accidentia in abstracto non prædicantur de substantia, non enim dicimus, *Homo est albedo*, propter rationem, num. 26. adductam; ita secundæ intentiones in abstracto non prædicantur de primis: falsum enim est dicere, *Animal est genereitas*, aut: *Homo est specieitas*. Sed sicut accidentia in concreto verè prædicantur de substantia, hæc enim est vera, *Homo est albus*, ita secundæ intentiones in concreto verè prædicantur de primis: dicimus enim, *Animal est genus, homo est species*.

§ Potest autem dubitari: an secundæ

intentiones in concreto prædicentur de primis, tam in concreto, quàm in abstracto, loquendo generaliter, tam de substantijs, quàm de accidentibus. An videlicet, sicut est verum: *Animal est genus*, ita etiam verum sit, *Animalitas est genus*. Et sicut è contra, verum est, *Albedo est species*, ita etiam verum sit, *Album est species*. Sed huius solutio habetur iam ex dictis. Et circa substantias tradit eam D. Thom. de ente, & essentia cap. 4. dicens: *Quia illud cui cõuenit ratio generis, speciei, vel differentie, prædicatur de hoc singulari signato, impossibile est, quòd ratio generis, speciei, vel differentie conueniat essentie, secundùm quòd per modũ partis significatur, vt nomine humanitatis, vel animalitatis. Et ideo dicit Auic. quòd rationalitas non est differentia, sed differentia principium, & eadẽ ratione humanitas non est species, neque animalitas generis. De accidentibus verò contrarium statuit infra cap. 7. vbi sic ait: Ex accideñti, & subiecto non fit vnũ per se. Vnde non resultat ex eorũ cõiunctione aliqua natura, cui intetio generis, vel speciei possit attribui. Vnde nomina accidentalialia cõcretiue dicta non ponũtur in prædicamentis, sicut species, vel genera, vt albu, & musicum; nisi per reductionem; sed solum secundùm quòd abstracte significantur, vt albedo, & musica.*

Ratio autem huius doctrinæ sæpè insinuata, nunc breuiter statuitur. Quia duo requiruntur in primis intetionibus, vt propriè, & simpliciter denominentur ab his secundis

dis generis, & speciei; scilicet essentia completa, & essentia per se; sed hec due conditiones solū reperiuntur in concretis substantiis, & in abstractis accidentium (abstractum enim substantiæ, licet sit ens per se, non tamen est ens completum, quia significatur ut pars; concretum verò accidentis, licet sit ens completum, non tamen est ens per se, quia significatur, ut compositum accidentale) ergo sola concreta substantiæ, & abstracta accidentium propriè, & simpliciter denominantur genera, & species. Cum quo tamen stat id, quod supra statutum est, nimirum abstracta substantiæ, & concreta accidentium, secundum quid, & per reductionem denominari genera, & species.

42 ¶ Quomodo autem predicationes fiant inter ipsas secundas intentiones, restat explicare. In quo primò certum est, unam secundam intentionem, quando est de essentia alterius, optimè posse de illa predicari, tam in concreto, quam in abstracto. Sicut enim verè dicimus, *Albedo est color*, *color est qualitas*; & similiter, *Album est coloratum*, *coloratum est quale*; ita verè dicimus, *Genereitas est uniuersalitas*; *uniuersalitas est relatio rationis*, & similiter, *Genus est uniuersale*; *uniuersale est relatiuum rationis*. Neque in hoc vlla est differentia inter secundas intentiones, & accidentia realia. Undè solū restat differentia de predicationibus accidentalibus, seu denominatiuis, quæ

fiant inter ipsas secundas intentiones.

Sed in hoc etiam philosophandum est cum proportionem ad accidentia realia. Sicut enim in his, quædam sunt inter se repugnantia, quæ scilicet non possunt eidem subiecto inesse, ut albedo, & nigredo; dulcedo, & amaritudo, & inter hæc falsa est predicatio, tam in concreto, quam in abstracto. Alia verò sunt, quæ non habent talem repugnantiam, sed compatiuntur in eodem subiecto, ut albedo, & dulcedo; calor, & siccitas; & inter hæc, si fiat predicatio in abstracto, falsa est; verà tamen, si fiat in concreto. Ita proportionabiliter inter secundas intentiones quædam inter se pugnant, nec possunt eandem naturam denominare, ut intentio generis, & differentię, & inter has falsa est predicatio, si fiat in abstracto, siue in concreto fiat, falsum enim est dicere; *Genereitas est differentialitas*; & *genus est differentia*. Atque verò sunt, quæ non habent talem repugnantiam, sed possunt eidem naturæ attribui, ut intentio generis, & speciei subalterne. Et inter has falsa est predicatio, si fiat in abstracto, falsum enim est dicere; *Genereitas est specieitas subalterna*; est tamen vera, si fiat in concreto, verum enim est, *Genus est species subalterna*.

43 ¶ Tandem addendum est, quod quamvis in his intentionibus abstractam non predicetur de concreto in predicatis particularibus, sicut diximus de nominibus primæ intentionis, potest tamen optimè concretum predicari de abstracto.

Abstra-

abstracto; in quo secundæ intentiones distinguuntur à primis. Nascitur autem hoc ex eo, quod vna secunda intentio in abstracto significata potest esse fundamentum alterius, & induere rationem primæ respectu illius. Quidquid enim potest esse obiectum intellectus potest etiā denominari à secundis intentionibus, vt patet. Ergo quando vna secunda intentio capax est denominationis alterius, potest hæc in concreto significata, prædicari de illa in abstracto. Quia ratione verè, & propriè dicimus, *Vniuersalitas est genus*, aut; *genericitas est species*. Si enim vniuersalitas diuisione vniuoca, & essentiali diuiditur in genericitatem, specieitatem, &c. vt postea dicemus; ergo vniuersalitas verè est genus ad illas, illæque sunt verè species vniuersalitatis.

Sed dices: si vna secunda intentio potest esse fundamentum alterius, & hæc alterius, & sic de alijs, iam dabitur processus in infinitum in secundis intentionibus, quod videtur inconueniens. Talem autem processum non dari probatur: quia fundamentum debet esse maioris entitatis, quàm id, quod fundatur supra illud: ergo sicut secunda intentio est debiliior, quàm prima, supra quā fundatur; ita tertia erit debiliior secunda, & sic deinceps, deueniem usque citò ad eam, quæ sit omnium debilissima; & ex consequenti, non dabitur infinitus processus.

44 Respondetur tamen cum Herb. quest. 3. de secundis inten-

tionibus, Masi. de vniuersalibus, sect. 4. quest. 8. & cum communi Dialecticorum, talem processum in infinitum non solum non inconuenire, sed esse necessarium in secundis intentionibus. Hæ enim consequuntur actiones intellectus, in quibus necessariò concedendus est talis processus, si quidem qualibet intellectio-
ne posita, potest intellectus eam actu reflexo intelligere, & hanc rursus alio actu, & sic in infinitum. Quæ doctrina est expressa Diu. Thom. quinto Metaphysicæ, lectio. II.

Neque Argumentum adductum vrget. Tum, quia in entibus realibus vniuersaliter falsum est, fundamentum debere esse maioris entitatis, quā res fundata, vt patet in materia prima, quæ habet rationem fundamenti respectu forme substantialis. Tum etiam, quia licet id possit verificari in accidentibus realibus respectu substantiæ, cui inhxerent, & à qua dimanant, seu conseruantur; id tamen non est necessarium in entibus rationis, seu secundis intentionibus respectu quarum se habet merè passiue, recipiendo eas ab intellectu, à quo producuntur, & conseruantur.

(•••)



QV AESTIO VI.

*An vniuersalia sint tantum
quinque?*

45 **E**Xplicata essentia, & passionibus vniuersalium in communi, antequam ad singula eius inferiora descendamus; oportet examinare ipsorum numerum, quem Porphy. in eodē proœmio statuit illis verbis: *Cum necessarium sit Crisostomi ad predicamentorum notitiā, quidnam sit genus cognoscere, quid differentia, quid species, quid proprium, & quid accidens? &c.* Vbi Porph. omnes prædicandi modos re ducit ad certa capita, quæ vniuersalia, seu prædicabilia nuncupauit. Ad eum modum, quo Arist. omnes modos essendi ad certas coordinationes reuocauit, quas appellauit categorias, seu predicamēta. Quāuis autem Porphy. vt certū supponat quinarium prædicabilium numerum; quia tamen contra illum pro vtraque parte militant plura, eaque non leuia argumenta, merito Doctores hanc difficultatem instituunt.

Igitur vniuersalia esse plura quā quinque, his argumentis suadetur. Primò: quia tot modis dicitur vnum contrariorū, quot dicitur alterum ex Arist. 1. Top. cap. 12. sed vniuersale, & singulare sunt cōtraria, & singularia sunt numero infinita: ergo vniuersalia, etiam erunt infinita.

Secundò: quia tot sunt partes vniuersalis, quot entis, ex eodem Arist. 4. Metaph. cap. 2. sed partes

entis, scilicet prædicamenta, sunt decem: ergo decem etiam erūt vniuersalia.

Tertiò: quia existentia est in pluribus, & prædicatur de illis; & tamen non est genus, species, aut differentia; cum existentia in creaturis sit extra earum essentiā, vt sæpè docet D. Thom. Nec similiter est proprium, cum sit prædicatū quoddam commune omnibus entibus, illis conueniens ex tempore per actionem causæ efficientis, & per consequens contingenter. Nec tandem est accidens commune: quia existentia nō potest adesse, & abesse, absque subiecti corruptione: ergo constituit distinctum prædicabile.

Quartò tandem: quia indiuiduū vagum, & similiter definitio prædicantur de pluribus, vt patet: ergo sunt prædicabilia, siquidē ab ætō, ad potentiam, benè valet. Sed non sunt genus, species, &c. ergo sunt alia prædicabilia præter ista quinque.

46 In alio verò extremo vniuersalia, scilicet, esse pauciora, his argumentis probatur. Primò: quia prædicatio directa est æt is prædicabilitatis, quæ est passio vniuersalis, vt supra diximus: sed tantū datur duplex prædicatio directa, scilicet essentialis, & accidentalis, vt etiam vidimus: ergo tantū etiam datur duplex prædicabilitas: ergo duplex tantū vniuersalitas. Et per consequens duo tantū erant prædicabilia, seu vniuersalia, nempe essentialia, & accidentalia.

Secundò: quia differentia subalterna,

na, & infima (& idē est de proprio subalterno, & infimo) non constituunt duo prædicabilia; etiam si altera prædicetur de pluribus differentiis specie; altera verò de pluribus differentiis numero: sed penes hoc differunt genus, & species: ergo non constituunt duo prædicabilia.

Tertiò: quia omne accidens saltem completum, vel est genus, vel species, cum habeat propria inferiora de quibus essentialiter prædicatur: ergo quintum prædicabile, vel supersubicit, vel coincidit cum genere, aut specie.

Quartò tandem: quia vniuersalia sunt quædam attributa, seu prædicata Dialectica, quæ de pluribus prædicantur: sed Arist. 1. Topicor. c. 3. 4. & 5. assignat quatuor tantum prædicata dialectica, scilicet genus, definitionem, proprium, & accidens: ergo tot, & non quinque erunt prædicabilia. Plura alia argumenta cõgerunt Mas. hic sect. 5. quæst. 1. Sanchez lib. 3. quæst. 2. Rub. quæstio. 9. & alij.

47 Nihilominus dicendum est, quinque tantum dari vniuersalia, seu prædicabilia. Ita Porphy. hic, & D. Thom. 1. contra gentes, c. 32. quos sequuntur communiter Doctores, tam antiqui, quàm moderni. Qui omnes hunc prædicabilium numerum à Porphy. statutum sic admittunt, vt paradoxum esset illū inmutare.

Cæterum non est facile huius numeri rationem reddere; ostendēdo diuisionis sufficientiam, quam

ijdem Doctores diuersis vijs explicant. De quo videri possunt Mas. Sanch. & Rub. citati. Nos, alius reposito principio, eam inuestigabimus ex ipsa vniuersalis, seu vniuersalitatis natura; iade enim sumitur ratio à priori huius veritatis. Quod vt clarius fiat, duo notanda sunt.

Primum est, quòd quamuis Doctores in præsentia, & nos cum illis loquentes de quinque vniuersalibus, frequentius vtamur nominibus cõcretis generis, speciei, differentia, &c. quia ista nomina sunt magis vsitata; præcipue tamen loquimur non de toto illo concreto, seu coniancto, sed de ipsis secundis intentionibus, scilicet, genereitate, specieitate, &c. His enim propriè, & per se conuenit esse species, non earum concretis, vt supra explicatum est. Vnde quando inquirimus quot sint vniuersalia, & an vniuersale sit genus? legitimus sensus est: quot sint vniuersalitates, seu secundæ intentiones vniuersalium; & an vniuersalitas sit genus ad illas? Quare inuestigando quot sint differentia diuisiua vniuersalitatis in communi, cognoscemus consequenter, quot sint vniuersalitates, & vniuersalia.

Secundò pro nunc supponendum est, propriam, & essentialē differentiam, tam in accidentibus reatilibus, quàm in istis intentionibus rationis sumi ex proprio, & adæquato subiecto, vt ostendemus disputatione sequenti. Propter quod, quando definiuntur in abstracto (sic

enim habent propriam, & perfectam definitionem) subiectum ipsum ponitur loco differentie, vt tetigimus supra disp. 3. num. 47. & amplius explicabimus loco citato. Quare hec erit optima via ad cognoscendas species alicuius accidentis generici, scilicet, inuestigare, quot possint esse subiecta adæquata, & inter se distincta intra illud genus? sic enim inuenientur omnes differentie diuise talis generis; & per consequens numerus specierum eius.

48 His suppositis, sic facile redditur ratio sufficientie huius diuisionis: quia proprium, & adæquatum subiectum vniuersalitatis in communi, est natura simpliciter vna, per quam ipsam definiuimus disputat. 3. citata: ergo quot fuerint modi diuersi nature simpliciter vnius, seu quot fuerint nature diuersę in ratione subiecti vniuersalis, tot erunt differentie diuise vniuersalitatis, & per consequens species. Sed quinque tantum assignari possunt modi diuersi nature simpliciter vnius, scilicet, natura perfectibilis, seu constitutibilis, quę est subiectum adæquatum genereitatis, & natura perfectiua, seu constitutiua, quę est subiectum adæquatum differentialeitatis, & natura perfecta, seu constituta, quę est adæquatum subiectum specieitatis, & natura profluens ab essentia, quę est subiectum adæquatum proprietateitatis, & denique natura extrinseca, seu contingens, quę est subiectum adæquatum accidentalei-

tatis: ergo quinque tantum dantur differentie diuise vniuersalitatis, & per consequens quinque species eius. Antecedens, & prima consequentia patent ex secundo supposito. Minor verò, cum sit exclusiua, continet duo probanda, scilicet, quod in ratione subiecti vniuersalitatis, quinque istę considerationes nature, sint inter se diuersę, & quod non possit alijs modis considerari natura.

49 Primum probatur sic: natura perfectibilis comparatur ad inferiora, vt quid in illis potentiale, & per modum materie; natura verò perfectiua comparatur ad inferiora, vt constitutum essentie eorum, & per modum actus, seu forme; at verò natura perfecta comparatur ad inferiora, vt tota eorum essentia, seu per modum compositi, vel constituti ex potentia, & actu. Itē natura profluens comparatur ad inferiora, vt quid necessario conianctum cum eorum essentia. Et tandem natura extrinseca, seu contingens comparatur ad inferiora, vt quid potens adesse & abesse ab eorum essentia: ergo nature istę diuerso modo comparantur ad inferiora, & per consequens sunt diuersę in ratione vniuersalis.

Secundum verò, scilicet, non posse alijs modis considerari naturā in ratione vniuersalis, facile probatur: quia vel natura comparatur ad inferiora, vt quid illis essēciale, vel accidentale? si primum tantum possunt formari tres priores confi-

considerationes, sicut enim in essentia præter potentiam & actum, & compositum ex utroque nihil aliud est; ita natura non nisi tribus illis modis potest ad inferiora comparari; si secundum, vel comparatur ad inferiora ut accedens proprium, vel commune, nec possibilis est alius modus, nam proprium, & commune (quod æquiualeat non proprio) opponuntur contradictoriè. Manet ergo, quinque tantum esse subiecta adæquata vniuersalitatibus; & ex consequenti quinque differentias diuinas, & species eius.

50 Ex dictis perspicua remanent propriissima, & essentialis definitiones harum quinque intentionum. Cognito enim proprio genere, nempe, *Vniuersalitas*, & proprio, & adæquato vniuscuiusque subiecto, quod debet poni in obliquo loco differentie, cõfiscitur essentialis definitio vniuscuiusque; quas omnes opportunè adducemus dissequenti.

Ad argumenta respondetur.

Ad primum pro prima parte dicimus cum Scot. quæstio. 9. vniuersalium, dictum Arist. verum esse de oppositis formaliter, quatenus opposita sunt; sic enim quot modis dicitur vnum, dicitur etiam, & alterum, id est, quot sunt significationes, vel acceptiones vnius, tot debent esse alterius. Inde tamen non sequitur, tot debere esse subiecta materialia, seu supposita vnius; quot sunt alterius, ut patet in albo, & nigro, quæ opposita sunt, & formaliter prout sic quot modis dicitur vnum, dicitur etiam aliud;

non tamen est necessarium, tot esse res, seu supposita nigra, quot sunt alba, ut patet. Sic ergo quamuis secundæ intentiones, quas pro formaliter dicunt vniuersale, & singulare, sint oppositæ, & formaliter prout sic, quot modis dicitur vna, dicatur etiam & altera; inde tamen non sequitur, quod si subiecta materialia vnius possint esse infinita, possint etiam esse subiecta alterius.

Ad secundum respondetur, ibi loqui Arist. de vniuersali materialiter, & sensum esse, quod tot sunt naturæ reales, quæ possunt denominari vniuersales, quot sunt partes entis. Nos tamen hic non loquimur de numero subiectorum materialium, quæ possunt recipere vniuersalitates, sed de numero ipsarum intentionum.

51 Ad tertium respondetur existentiâ esse quoddam completum, seu terminum substantiæ, & per consequens ens incompletum, & habere rationem partis: vnde simpliciter loquendo, solum respicit essentiam, quam terminat, & non aliqua inferiora, sicut diximus de abstractis substantialibus; ac proinde non potest constituere aliquod vniuersale, de cuius ratione est esse simpliciter totum, & consequenter naturam integram, & completam. Quod si intellectus (sicut potest in alijs entibus incompletis) abstrahat existentiam ab omnibus existentibus, (quomodo induit rationem totius secundum quid) tunc existentia in sua communissima ratione, erit analoga, sicut essentia,

seu ens; si verò solam existentiam substantiæ, vel alterius prædicamenti abstrahat, & prædicet de inferioribus, tales prædicationes reducuntur ad illud prædicabile, cuius similitudinem fortiuntur, sicut contingit in alijs formis, & entibus incompletis.

Ad quartum in primis de diffinitione dicimus excludi à numero prædicabilium, quia est terminus complexus; vt ostendimus supra num. 22. De indiuiduo verò vago, aliqui respondent esse analogum, sed certè irrationabiliter; nam aliquis homo non prædicatur per prius de Petro, quàm de Paulo. Alij dicunt esse nomen æquiuocum, & vtramque solutionem approbat, & explicat Mas. lect. 5. de vniuersalibus quæst. 1. sed hanc posteriorem optimè impugnât Caietan. capite de specie, & Sanchez libr. 3. quæst. 17.

Meliùs ergo respondetur ex doctrina D. Thom. 1. parte, quæst. 30. art. 4. indiuiduum vagum significare naturam cum determinato modo essendi, scilicet, vt particulariter subsistentem, quamuis abstrahat ab hoc, vel illo determinato modo subsistendi. Vnde cum hæc convenientia indiuiduorum solum sit in habere modum particulariter subsistendi, qui non est aliqua natura integra, vt requiritur ad rationem vniuersali; deò nõ constituit distinctum vniuersale. Videantur Sanchez loco citato, & Arauxo libr. tertio Metaphysica, quæst. 4. art. 1.

52 Ad argumenta pro secunda parte adducta responderetur. Et primum quidem tangit difficultatem, quæ solet hic tractari: an scilicet, vniuersale immediatè diuidatur in ista quinque, an verò prius diuidatur in essentiale, & accidentale?

In quo aliqui sentiunt, diuisionem illam esse immediatam, & ita respondet argumento, quòd diuersas vniuersalia, non sumitur ex qualitate prædicationis; an scilicet sit essentialis, vel accidentalis, sed ex varijs modis essendi in pluribus.

Ceterùm hæc solutio licet primo aspectu videatur sufficiens, introspecta tamen non sati-facit: nam in communi omnium sententia genus, & species non ex eo præcisè distinguuntur, quia genus prædicatur de speciebus, species verò de indiuiduis (aliàs differentia subalterna, & infima constituerent diuersa prædicabilia) sed distinguantur penes hoc, quòd genus prædicetur de pluribus, vt essentia perfectibilis, & potentialis; species verò vt quid perfectum, & actuatum, seu vt tota essentia inferiorum. Ergo in proprijs differentijs horum prædicabilium, intrinsecè clauditur, esse quid essentiale respectu inferiorum.

Præterea: quia differentia, & proprium prædicantur de pluribus per modum actus perfecti, seu constituti in aliquo esse: sicut enim rationale prædicatur de pluribus indiuiduis, vt perfectio constitutiua hominis in aliquo

quo esse, ita etiam risibile prædicatur de pluribus indiuiduis, vt actus, & perfectio constitutiva hominis in aliquo esse. Nec interea potest fingi alia distinctio, nisi quod rationale est perfectio, & actus simpliciter constituens hominem in esse essentiali: risibile vero est perfectio, & actus secundum quid, constituens hominem in esse accidentali: ergo si hæc duo prædicabilia non distinguantur per hoc, quod alterum est essentiali; alterum vero accidentale, nihil remanet vnde sumatur distinctio specifica eorum, in esse prædicabiliū.

53^o Propter hæc ergo, & alia, quæ omittuntur, multò probabilius est, diuisionem non esse immediatam. Quod inter alios docent Arauxo vbi supra in solutione ad ultimam, Rub. quæstio. 7. vniuersaliū, Canter. capit. 4. prædicament. Murcia disput. 3. quæstio. prima, & alij. Colligiturq; satis expressè ex Beato Alberto tractatu secundo in Porphy. cap. 9. & Soto quæstion. vltim. vniuersaliū, & alijs antiquis, dum quinarium prædicabiliū numerum probant ex duplici genere prælicationis, essentiali, scilicet, & accidentali.

Iuxta quam sententiam respondetur argumento, vniuersale prius diuidi in essentiali, & accidentale, & rursus essentiali in genus, speciem, & differentiam: accidentale vero in proprium, & accidens; quæ diuisiones aperte colliguntur ex Porphy. capit. vi.

timo de communitatibus. In hoc autem procemio solum enumerauit species infimas: quia vt bene docet Soto lib. 2. summularum, capit. 4. lection. 2. diuisio alicuius generis etiam subalterni potest fieri assignando omnes species infimas, quando illæ possunt certo numero comprehendi.

54 Ad secundum respondetur, magnum esse discrimen inter genus, & speciem, ex vna parte; & differentiam subalternam, & infimam ex alia: (& idem est de proprio) ex eo enim quod differentia prædicetur de pluribus in quale quid, eodem omnino modo respicit illa, siue sint species, siue indiuidua; nempe per modum actus perfectiui, & constitutivi essentia eorum. Cum enim differentia subalterna non sit perfectibilis per infimam, sed vtraque sit actus quidam simplex; vt dicemus cap. de differentia: inde est, quod vtraque propriè sit constitutiva, & perfectiua essentia. Cæterum eo ipso quod genus prædicetur in quid de speciebus, & species in quid de indiuiduis, illud prædicatur, vt quid perfectibile, & potentiale, ista verò, vt quid perfectam, & constitutum; & per consequens diuerso modo prædicantur de inferioribus. Vnde genus, & species non differunt præcisè per prædicari de speciebus, vel indiuiduis; sed per prædicari in quid de speciebus; & prædicari in quid de indiuiduis, vt explicabimus capite de genere.

Ad tertium respondetur, quod accidens, si comparatur ad propria inferiora, est de illorum essentia; & per consequens continetur sub genere, vel specie, & idem est de differentiâ essentiali, & proprijs passionibus cuiuslibet accidentis, quæ illi comparata continentur sub tertio, & quarto prædicabili, sed non sic accidens pertinet ad quintum, sed quatenus prædicatur de subiectis, quæ accidentia liter denominat, vt magis suo loco explicabimus.

55 Ad quartum respondetur, aliam esse rationem de prædicatis topicis, de quibus ibi agit Aristot. & aliam de prædicatis, seu prædicabilibus, de quibus agit hic Porphy. Quamuis autem longum, & molestum sit, exactam eius disparitatis rationem reddere, non possumus tamen radicalem eius explanationem subterfugere.

Illic ergo Aristot. agit de prædicatis, ex quibus conficiuntur problemata dialectica, quæ sunt propositiones quædam; quæ in alterutram partem disputari possunt, & ex quibus sunt syllogismi topicis, seu probabiles. Ad quod, vt bene notat Scot. questio. duodecima in Porphy. solum attenditur, quod prædicatum propositionis sit essentialis, vel accidentale, conuertibile, vel inconuertibile, nec villo modo obest esse complexum, & sic ponitur pro prædicato definitio, (quam ibi appellat Aristot. terminum, sicut etiam facit 8. Metaphysicæ tex-

tu 9.) & quia ad Dialecticum solum pertinent per se syllogismi ex terminis communibus confecti, vt notat Beatus Albertus 1. Topicorum, tractat. 2. cap. 2. idè problemata, seu propositiones Dialecticæ debent esse de subiecto communi definitionem habente, quale est species; & propterea species non ponitur ab Aristot. inter prædicata topica, quia est illorum subiectum.

Quia ergo quidquid de specie prædicatur est conuertibile, vel inconuertibile, essentialis, vel accidentale; quatuor inde colliguntur prædicata, ex quibus fieri possint problemata: aliud essentialis non conuertibile, nempe genus (sub quo comprehenditur differentia subalterna, vt expressè inquit Aristot. ibidem capite tertio) aliud essentialis conuertibile, scilicet definitio (sub quo comprehenditur differentia infima: non enim refert ad problema dialecticum, quod tota definitio, vel sola differentia prædicetur) aliud accidentale non conuertibile, vt accidens commune, & aliud accidentale conuertibile, videlicet proprium. Nec alio modo potest fieri problema dialecticum, vt patet; & sic optima est diuisio prædicati Topici ab Aristot. tradita.

Nos tamen hic cum Porphy. longè aliter de prædicatis, seu prædicabilibus disputamus, loquimur enim de illis, vt discernunt prædicamentis, quomodo comparan-

parantur ad inferiora, & debent esse quid incomplexum; & ideo excluditur definitio, & includitur species, quæ verè potest ad inferiora comparari. Similiter licet differentia subalterna, & genus eodem modo constituent problema Dialecticum, & sic non faciant distincta prædicata in illa consideratione, quia tamen diverso modo comparantur ad inferiora, vt explicatum est; ideo constituent distincta prædicabilia. Ex quo tandem fit prædicabilia esse quinque, licet quatuor tantum sint prædicata Dialectica.

QVAESTIO VLTIMA.

An vniuersale sit genus ad quinque prædicabilia?

SPARTE M Negatiuam defendunt inter alios Beat. Albert. tract. 2. prædicamentorum, cap. 9. Cante. ibidem capit. quarto, & Oña quest. 2. vniuersalium, art. 3. qui omnes addunt, diuisionem esse analogum, licet diuersimodè explicent talem analogiam. De quo videri potest Rub. questione septima vniuersalium. Refert autem Canter. pro sua sententia Alexandr. Ammonium, Simplic. & Sotum, sed immeritò, vt benè notat Rub. illi enim loquuntur de vniuersali primò intentionaliter, seu de natura denominata, quæ respectu omnium rerum, quæ denominantur vniuersales, non potest esse vniuoca, sed analogica; vt

patet. Eandem etiam opinionem inquit Fonseca esse ferè omnium sectatorum D. Tho. sed planè deceptus est; nam præter vnam, aut alterum, quos refert Mas. sect. 5. de vniuersalibus, question. 2. ceteri Thomistæ cõmuniter docent oppositum, vt constabit ex nostra conclusione.

Probatur primò dicta sententia: quia non omnia prædicabilia sunt vniuoca: ergo non omnibus conuenit æqualiter, & simpliciter esse vniuersalia; & per consequens vniuersale non erit genus respectu illorũ, sed analogum. Antecedens probatur primò, quia denominatiua non sunt vniuoca, vt patet ex Aristot. in ante prædicamentis, cap. 1. vbi illa condistinguit: sed proprium, & accidens sunt denominatiua, siquidẽ, vt constituunt 4. & 5. prædicabile solum prædicantur de subiectis: ergo proprium, & accidens non sunt vniuoca. ¶ Secundo probatur idem antecedens: quia proprium, & accidens quando prædicantur prædicatione 4. & 5. prædicabilis necessariò prædicantur in concreto, vt vidimus supra num. 26. sed concretum, accidentale non est propriè ens per se: ergo nec etiam potest esse propriè vniuersale, vel vniuocum; & consequenter non omnia vniuersalia æqualiter conueniunt in ratione vniuoci, vel vniuersalis.

57 Secundo: quia vniuersale prædicatur de omnibus prædicamentis, estque superius illi: sed supra prædicamenta nulla datur ge-

nus : ergo vniuersale non potest esse genus. ¶ Confirmatur : quia ideò ens non est genus, respectu suorum inferiorum, quia transcendit eorum differentias : sed vniuersale transcendit differentias quinque, prædicabilium : ergo non est genus respectu illorum. Probatur minor : quia differentia est vnum ex quinque prædicabilibus : ergo quælibet differentia est vniuersalis : ergo vniuersale transcendit differentias.

Tertiò tandem : quia si vniuersale esset genus ad quinque vniuersalia, magna sequeretur in hac materia confusio, imò, & plura absurda. ¶ Primò enim vna species prædicaretur de alia, quod sic probatur. Si vniuersale est genus ad quinque prædicabilia : ergo primò prædicabile, scilicet, genus, erit species vniuersalis : & per consequens species prædicabitur de genere. Et eadem ratione species prædicabitur de differentia, proprio, & accidenti. ¶ Secundò, eadem species prædicaretur de se ipsa prædicatione formali, & non identica ; nam hæc esset prædicatione secundi prædicabilis : *Species est species vniuersalis*. ¶ Tertiò, còcretum prædicaretur de suo abstracto : nam hæc esset vera, *Species est species vniuersalis*.

Quartò, genus contineretur sub sua specie : nam vniuersale eo ipso, quod sit genus ad quinque vniuersalia, est quoddam particulare genus conditinctum ab animali, colore, & alijs generibus : ergo continebitur sub genere in communi,

nèpè sub primo prædicabili, quod est species ipsius vniuersalis.

Quintò tandem, dabitur genus, quod sit indiuiduum suæ speciei : quia primum prædicabile est species infima, vt supponimus : ergo sua inferiora erunt indiuidua. Sed si vniuersale est genus ad quinque prædicabilia, esset etiam inferius primi prædicabilis, vt ostensum est : ergo iam vniuersale, quod est genus respectu generis, esset indiuiduum ipsius generis. Quæ omnia, & plura alia his similia, quæ sequuntur ex contraria sententia, videntur absurda : ergo vniuersale nõ potest esse genus, respectu quinque prædicabilium.

58 Nihilominus dicendũ est, vniuersale secũdò intentionaliter, seu vniuersalitatẽ, esse verum, & proprium genus ad has quinque intentiones. Ita colligitur ex D. Th. 1. contra gentes cap. 32. & opusc. 56. de vniuersalibus, quem sequuntur communiter Thom. 2. 2. label. tractat. 4. de quinque prædicabilibus, cap. 1. 5. & 6. Scotus questio. 4. vniuersalium, & capit. de genere, quest. vnica ad 4. Toletus quest. 2. vniuersalium, Mas. sect. 5. quest. 2. Sanchez lib. 2. quest. 8. ad 3. & alij plures, quos refert, & sequitur Gallego controuers. 11. Idem etiam docet Scotus quest. 8. vniuersaliũ, quem sequuntur Ioannes Anglicus, Anton. Andreas, & alij eius discipuli.

Fundamentum est : quia vniuersalitas prædicatur in quid de pluribus differentibus specie, scilicet, de genere

genereitate, specieitate, &c. nec per prius dicitur de vna, quam de alia, sed omnes æqualiter participant vniuersalitatē: ergo hæc est verum genus respectu illarum. Consequentia patet ex diffinitione generis: antecedens verò probatur. Et in primis vniuersalitatē prædicari in quid de his intentionibus, res est manifesta: nā inquireti quid est genereitas? optimè respōdem⁹, est vniuersalitas: sicut inquirenti, quid est homo? respondetur esse animal.

Quòd verò intentiones istæ non accidentaliter, aut numericè, sed essentialiter, & specificè inter se distinguantur; iam ostēsum est questione præcedenti. Et rādem quòd omnes vniocè, & æqualiter participant rationem vniuersalitatis, probatur: quia omnib⁹ verè, & propriè conuenit esse relationes rationis; quibus nature abstractæ referuntur ad plura, in quo consistit essentia vniuersalitatis, vt vidimus supra disp. 3. num. 47. nec hanc rationem participat vna istarum intentionū cum dependentia ab alia, siquidem vnaquæque earum esset vera vniuersalitas; etiamsi aliæ intentiones essent impossibiles; quod non contingit in analogatis, vt suo loco constabit: ergo vniuersalitas essentialiter, & vniocè prædicatur de his quinque intentionibus: ac proinde est verum genus respectu illarum.

59 Ad argumenta respondetur. Ad primum negatur antecedēs, ad cuius primam probationem communiter respondetur, *Vniuocum*,

posse considerari dupliciter. Primò strictè, prout condistinguitur non solum ab æquiuocis, & analogis, sed etiam à denominatiuis, quo sensu, illa sola prædicabilia dicuntur vniuoca, quæ sunt de essentia inferiorū. Secundò magis latè, prout condistinguitur tantum ab æquiuocis, & analogis, & significat vnā rationem, quæ æqualiter reperitur in inferioribus, abstrahēdo ab hoc quòd sit essentialis, vel accidentalis; quo sensu comprehendit denominatiua, & coincidit cum vniuersali, quod diuiditur in quinque vniuersalia. ¶ In priori ergo sensu inquirunt locutum esse Arist. in antepredicamentis; quia ibi agitur tantum de vniocis, quæ collocantur in prædicamentis: hic verò sermo nē esse de vnioco in secūda acceptione: quia inuestigamus omnes modos prædicabilium, vt sciamus, quæ eorum pertineant ad prædicamenta, quæ verò ab illis reijciantur.

Hæc solutio pro nunc sufficiens erat, donec de vniocis, & denominatiuis in antepredicamentis ageremus. Sed quia ex vna parte prima illa acceptio, & restrictio vnioci ad prædicabilia essentialia, non rectè fundatur in diffinitione vniuocorum ab Arist. tradita, in qua nullum est verbum, quod non conueniat etiam vniocis accidentalibus, vt ibidē constabit: ex alia verò parte Porphyrius, & D. Thom. semper vsurpant vniuocum in secūda acceptione, vt patet cap. 6. de communitatibus, & citato lib. contra gentes, ideò.

Aliter respondetur ex ibi dicendis, quòd licet denominatiua formaliter inquantum talia, non sint vniuocasi quidem pro formali important secundas intentiones essentialiter diuersas, materialiter tamen sæpè coincidunt: quia contingit, eadem rem diuersis comparati denominari ab vtraque intentione: sicut de specie subijcibili & prædicabili dicemus, cap. de specie. Ita ergo similiter album, secundum quòd consideratur in ordine ad formam denominantem, nempe albedinem, à quo nominis appellationem habet, dicitur denominatiuum; prout verò comparatur ad inferiora, in quibus æqualiter inuenitur, dicitur vniuocum, seu vniuersale.

60 Ad secundam probationem illius antecedentis respondetur, còcretum accidentale propriè non esse ens per accidens: cum significet solam formam, vt supra num. 17. ostendimus. Quamuis autè ex modo significandi sumatur, vt tale, tamè quòd ponitur à parte prædicati, vt còtingit in prædicationibus quarti, & quinti prædicabilis, magis in illo attenditur res significata, quàm modus significandi, vt notauimus num. 21. & 22. Quòd sit vt ipsa res significata, scilicet entitas accidentis, non autem totum concretum, prout inuoluit subiectum, recipiat in se secundas intentiones constitutiuas proprii, & accidentis, quòd sufficit, vt natura denominata ab illis, sit simpliciter vna, & ens per se; quamuis non debeat significari in abstracto, sed

in concreto: quia ista prædicabilia prædicantur in quale.

Ad secundum respondetur, quòd prædicamenta non conueniunt in aliquo vniuoco essentiali, & sic nulum habent genus supra se; conueniunt autem vniuocè in vniuersali, tanquam in quodam denominatiuo, seu accidente rationis, quòd potest optimè tribuere illis intellectus, quamuis sint primò diuersa, vt infra constabit.

Ad confirmationem similiter respondetur, vniuersalitatem non transcendere differentias genericitatis, specieitatis, &c. hæc enim est falsa, *Differentia constitutiuæ genericitatis, essentialiter est vniuersalitas*, quòd necessarium erat ad transcendentiam. Quia tamen rursus illi differentie possumus tribuere intentionem, à qua denominetur vniuersalis; idè dicimus, differentiam illam esse vniuersalè, sed hoc est accidentaliter, & denominatiuè non verò essentialiter, sicut requiritur ad transcendentiam.

61 Tertium argumentum non tam habet difficultatem, quàm còfusionem ortam ex multitudine intentionum, quas possumus ipsis intentionibus superaddere. Cū enim vna secunda intentio possit gerere vices primæ respectu alterius, & denominari ab illa, & hæc ab alia, & sic in infinitum; inde est, quòd genus possit esse species, & quòd species sit supra suum genus, & quòd genus sit indiuiduum suæ speciei, & alia huiusmodi, quæ in argumento tanguntur. Quæ, vt clarius explicentur, loquimur de his

his intentionibus in abstracto, sic enim sunt propriè genera, & species; & inde facillè applicabitur eadem doctrina concretis eorum.

Ne igitur in hac materia confundamur: attendendum maximè est ad prædicationes, quæ inter has intentiones, & prædicabilia fiunt, quando scilicet sint essentielles, vel denominationis, quod ex supradictis facillè dignoscetur. Tunc enim prædicatio erit essentialis, quando prædicatum fuerit de quidditate subiecti; cuius optimum signum erit si prædicatio sit vera, siue in abstracto, siue in concreto fiat, vt patet in his: *Genereitas est vniuersalitas: genus est vniuersale: hæc genereitas est genereitas: hoc genus est genus.* Tunc verò prædicatio erit denominativa, quando prædicatū accidentaliter cōuenit subiecto; cuius optimum signum erit: si prædicatio, quæ in concreto est vera, sit in abstracto falsa, vt patet in his: *Vniuersale est genus: genus est species vniuersalis*, quæ sic sunt veræ: sunt autem falsæ, si dicas: *Vniuersalitas est genereitas, genereitas est specieitas, &c.*

62 Quo supposito, respondetur ad argumentum, impossibile esse etiam in his intentionibus, quòd vna species prædicetur de alia, vel species de suo genere, vel concretum de suo abstracto, &c. prædicatione essentiali & quidditatiua. Quare istæ prædicationes: *Vniuersale est genus ad quinque vniuersalia; genus est species vniuersalis: specieitas est species vniuersalis; vni*

*uersale est indiuiduum generis: & similes, omnes sunt denominationes, pertinentque ad quantum prædicabile; si uidem factæ in abstracto omnes sunt falsæ. In huiusmodi autem prædicationibus accidentalibus, quæ fiunt inter secundas intentiones, non solū non est inconueniens, vnā speciem prædicari de alia, concretum de abstracto, &c. sed necessariam. Cū enim istæ intentiones adinueniri possint esse denominationes, & denominationes, inde est, quòd vna species, v. g. genereitas, possit esse natura denominata respectu specieitatis, & sic verè dicetur: *Genereitas est species vniuersalis.* Similiter quòd ipsum genus, scilicet, *vniuersalitas*, possit esse natura denominata respectu suæ speciei nempe *genereitatis*; & sic dicetur: *vniuersalitas est genus.* Item quòd specieitas, vt est natura quædam particularis contraria sub particulari genere possit denominari à se ipsa, in quantum est forma, & principium, quo, constitutiui speciei, & sic dicetur, *specieitas est species vniuersalis.* Quæ omnia fiunt ab intellectu multiplicando intentiones, & medijs posterioribus denominando priores. Ex eo enim quòd vniuersalitatem comparat ad sua inferiora, attribuit illi intentionem generis; & sic vniuersalitas, quæ erat superior ad genereitatem, & specieitatem, &c. per illam intentionem generis constituitur in esse talis generis, & per consequens collocatur sub genereitate, & sit indiuiduum eius. Per quem modum intelligenda sunt*

alia plura, quæ in hac materia solent afferri; prolixum enim esset in his intentionibus amplius immorari.


63 Ex dictis in his disputationibus solutę manent quæstiones illæ, quas Porphyrius in hoc proœmio tractare recusauit. Ad primam enim: an vniuersalia sint à parte rei, vel in intellectu? iam constat, vniuersale pro formali semper esse in intellectu: pro materiali verò aliquando esse à parte rei, scilicet, quando naturæ denominatæ sunt reales; aliquando verò in intellectu, nimirum quando naturæ denominatæ sunt entia rationis.

Ad secundam quæstionem: an vniuersalia sint corporea, vel incorporea? eodem modo respondetur, quod vniuersale pro formali sem-

per est incorporeum: cum sit quid rationis ab intellectu effectum: pro materiali verò, aliquando est corporeum, vt *animal, arbor, &* aliquando incorporeum, vt *Angelus scientia*.

Ad tertiam quæstionem: an vniuersale sit à rebus separatū, vel nō, iam diximus, naturas vniuersales non esse à parte rei à singularibus separatas, sed solum per intellectum.

His quæstionibus addit quartam D. Thom. opusc. 56. an, scilicet, vniuersale sit substantia, vel accidens? cui respondet, vniuersale pro formali semper esse accidens rationis, pro materiali verò aliquando esse substantiam, & aliquando accidens.



CAPVT PRIMVM DE GENERE.

¹ **I**N His Porphyr. capitibus, & in alijs Arist. lib. adducemus breuem quandam textus summam, aliquibus (si opus fuerit) notationibus illustratam; ut cognita littera, fructuosius ad disputationes procedamus. Oportet tamen textum ipsum, & præcipuè Arist. iterum atq; iterum perlegere, ad quæ penetrandum, semper adhibendus est D. Tho. qui exitit Arist. fidelissimus, & Interpres, & Discipulus, & quo sublato, ut rectè dixit Picus Mirandulanus, mutus maneret Arist.

S V M M A T E X T V S.

² **C**APVT Hoc duas continet partes; in priori enumerat Porphyr. tres generis acceptiones, in posteriori verò definit genus in tertia acceptione, & definitionem traditam probat esse rectam. In prima ergo parte genus primò sumitur pro collectione multorum, qui inter se sunt cogitatione coniuncti; quo sensu, eos qui ab Hercule deriuati sunt; Heraclidarum genus appellamus. ¶ Secundò sumitur genus pro principio generationis, quod quis trahit à patre, vel à patria; quo sensu Orestes à Tantalo, qui fuit eius atauus, & Pindarus à Thebis, quæ fuit eius patria genus duxisse dicuntur, dat enim ut pater, sic patria cuique ortus initium. Quarum acceptionum secunda est magis propria, & ex ea derivatur prima. Ideò enim multitudo aliquorum appellatur genus: quia ab aliquo vno deriuati sunt. ¶ Tertiò sumitur genus pro eo, cui supponuntur species, quod appellat Porphyr. genus Philosophorum, id est, logicum.

In secunda parte, relictis prioribus acceptionibus, definit genus in tertia dicens: *Genus est, quod de pluribus differentibus specie hoc ipso quid est prædicatur.* Vel iuxta translationem Perioni; cum quid res sit queritur, vel in eo quòd quid, ut transfert Boëtius. Quam definitionem probat esse rectam; quia per illam particulam, *de pluribus*, differt genus ab indiuiduo, quod de vno tantum prædicatur: per illam, *differentibus specie*, differt ab specie, quæ prædicatur de differentibus numero: & tandem per illam, *in eo quòd quid*, differt à tribus alijs prædicabilibus, quæ prædicantur in quale.

Notationes, & dubia aliqua circa textum.

3 **C**irca primam partem capitis norandum est Porphyri. non enumerasse omnes acceptiones generis: constat enim à Grammaticis distingui genus masculinum, & femininum, & neutrum, à Rethoribus, demonstratiuum, deliberatiuum, & iudiciale, & à Iurisperitis, sepius sumitur pro specie, vt testatur Petrus Gregorius lib. 2. in syntaxin artis mirabilis, c. 8. quæ etiam acceptione vsus est Arist. in lib. de Lōgitudine, & breuitate vitæ dicens, hominum genus longiorem vitam ducere equorum generis: eiusdemque meminit D. Thom. 1. 2. q. 18. art. 2. Solum ergo Porphyri. enumerauit eas acceptiones, quæ cum genere dialectico aliquam habent similitudinem; ac proinde conducere poterant ad illud cognoscendum. Desumpsit autem eas ex Arist. 5. Metaph. c. 28. ubi eadem generis acceptiones enumerat, quarum longiorem explicationem, qui cupit, legat Caiet. Sotum, Tolet. Masium, & alios Commentatores.

Circa secundam partem capitis explicandæ erant particula definitionis, & præcipue vltima; sed hoc commodius fiet in disputatione. Nunc verò

4 **D**UBITATUR circa methodum, quam Porphyrius obseruat, agens prius de genere, deinde verò de specie, differentia, & cæteris. In hoc dubio complectemur omnia, quæ de methodo circa

vnumquodque prædicabile solent à Doctores dubitari, ne eadem sepius repetamus. Inquirimus ergo, an ordo, & methodus, quæ Porphyrius obseruat in tradendis prædicabilibus sit optima?

Et videtur quod non. Primò: quia in præmio promittit se acturum prius de differentia, quàm de specie, quod tamen modò non seruauit; ergo vel errauit promittendo, vel nò seruando promissum. ¶ Secundò, quia differentia est nobilior genere, sicut actus est nobilior potentia: ergo est prior illo: cum nobiliora sint priora; ac proinde de illa prius agendum erat. ¶ Tertio, quia prius agendum est de parte, quàm de toto: sed differentia est pars speciei: ergo prius agendum erat de differentia, quàm de specie. ¶ Quarto tandem: quia à facilius est incipiendum; sed accidentia communia sunt facilia: vtpotè sensibus nota: ergo ab accidenti debebat Porphyri. incipere; & ex consequenti non rectam seruauit methodum.

Pro huius solutione primò recolenda sunt, quæ supra ad calcem disputationis primæ diximus, de varijs speciebus methodi. Vbi ex Arist. ostēdimus, methodum compositionis præcipue duobus primis modis, scilicet, quando proceditur à simplicioribus ad composita, & ab vniuersalioribus, ad minùs vniuersalia aptiorem esse, ad tradendas disciplinas; ad quæ etiam metho-

thodum pertinet quando proceditur à causa ad effectum, vt ibidem diximus.

5 Secundò sciendum est ex Aristot. in postprædicanentis, quòd aliquid esse prius alio, contingit tripliciter. *Primo*, prioritate temporis, quomodò pater est prior filio. *Secundo*, prioritate nature, quãdo scilicet natura vnius est prior natura alterius, & hac prioritate est prius illud, à quo non valet consequentia; vt superiora respectu inferiorum. Qua etiam prioritate causa est prior effectui, vt ibidem notat Aristot. *Tertio* modo aliquid dicitur prius dignitate; quo sensu honorabiliores, & præpositos solemus appellare priores.

Igitur de prioritate tēporis non est in præsentī sermo: quia nihil cōducit ad methodum scientiarum; & propter eandem rationem prioritas dignitatis relinquenda est: nām præterquàm quòd impropriissimè dicitur prioritas, vt ibidem ait Aristot. parum etiam conducit ad methodum, maximè si sit compositionis, de qua nunc loquimur. Vnde sola prioritas naturæ potest in præsentī deservire.

6 Quo supposito, dicendum est, methodum à Porphy. obseruatam, fuisse optimam. Ita sentiunt concorditer Doctores. Et probatur ratione manifesta: quia methodus compositionis aptior est ad tradēdas disciplinas, vt ex Arist. ostendimus loco citato: sed hanc seruauit Porph. ferè in omnibus prædicabilibus: ergo methodus eius optima est. Probatur minor: quia im-

primis substantia est prior natura accidentis, ex Arist. 7. Metaph. c. 1. vtpotè, quæ habet rationem causæ respectu illius: ergo iuxta methodū compositionis prius agendum est de illis prædicabilibus, quæ significantur per modum substantiæ, quàm de illis, quæ significantur per modum accidentis. In accidentibus verò, propria passio immediatius tãgit essentiam, quàm accidens commune: ergo iuxta rectam methodū quinto, & vltimo loco agendum est de accidenti communi, & ante ipsum, scilicet, quarto loco, de proprio. Similiter inter prædicabilia essentialia, priora sunt, quæ significantur in quid, seu per modum substantiæ quàm quæ significantur, vt quale, seu per modum alteri adiacentis, qualis est differentia: ergo de hac agendum est tertio loco. Iam verò inter genus, & speciem manifestum est, prius de illo, quàm de ista agendum esse; nām in genere concurrunt duo illi modi principales methodi compositionis; cum sit simplicius, & vniuersalius specie; est etiam prius natura, quàm illa: siquidem à genere ad speciem non valet consequentia: ergo optima methodo ordinata sunt omnia prædicabilia.

Diximus Porph. ferè in omnibus prædicabilibus seruasse methodum compositionis: quia licet species aliquomodo sit prior differentia, quatenus illa significatur in quid, ista verò in quale; ex qua parte dici possit Porph. seruasse methodum compositionis, dum prius de specie, quàm de differentia eam;

absolutè tamen loquendo in hoc seruauit methodū arbitriam: nā iuxta methodū cōpositionis, prius agēdum erat de differentia, quæ est simplicior specie, & habet rationē partis respectu eius; quando autem duo se impediūt intra idem genus methodi, vtendum est methodo arbitraria, vt vidimus loco citato.

7 Dices: ergo Porph. in hoc casu sequutus methodū arbitriam prætermisit regulas artis: siquidem talis methodus est voluntaria, & per cōsequēs nō rectè processit. ¶ Respondetur, tantū abesse, methodum arbitriam esse ignobiliorem alij, vel extra artem, vt potius sit perfectissima, & magis ad mentem artis. Sicut enim virtus epikia nō solū non est contra iustitiā, sed potius est summa iustitia, quia licet corrigat verba legis contrariū præcipientis, est tamen iuxta mentem Legislatoris in casu, quo datur, propter particulares circumstātiās occurrentes, quas si Legislator aduerteret, proculdubio præciperet oppositum: sic similiter in præsentī methodus arbitraria corrigit alias propter particulares rationes quæ occurrunt; quia tunc ipsa ars dicitur sequendam esse talem methodum relictis alijs; ac proinde in tali casu methodus arbitraria, non solū non est contra, sed magis ad mentem artis.

Propter quas autem rationes, seu causas Porph. relictā methodo cōpositionis, vsus sit arbitraria, agens prius de specie, quā de differentia, explicant Doctores, c. de specie. Aliquas nos attingemus

hic, vbi semel de methodo huius libri disputamus. ¶ Primā tradunt Beatus Albert. & Boet. quia scilicet genus, & species sunt correlative, & sic vnius perfecta notitia ab alterius cognitione dependet; vnde incongruum esset hæc duo prædicabilia disjungere. ¶ Secundā tradunt alij: quia videlicet cap. de genere facta fuerat mentio speciei; & ita oportuit statim de specie disputare, ne diutius suspensi teneremur. ¶ Tertia potest esse: quia liber hic ordinatur ad categorias construendas, in quibus per se, & in recta linea ponuntur genera, & species, non verò differentia, propriū, aut accidens. Vnde æquum fuit, prius de specie quā de differentia disputare. Alię rationes videri possunt apud Ma. cap. de specie.

8 Ad argumenta respondetur. Ad primum, Porphy. in proœmio ordinasse prædicabilia iuxta methodū cōpositionis, vt doceret hanc regulariter sequendam esse intradenda disciplina; postea verò inuertit illam, & vtitur methodo arbitraria, agens prius de specie; vt ostenderet primam methodū quādoque relinquendam esse, quando scilicet sic rationes occurrentes suadent.

Ad secundum respondetur, differentiam esse priorem genere, dignitate, non verò natura. Prioritas autem dignitatis parū refert ad methodum, maximè, quando opponitur prioritati naturæ, vt contingit in præsentī; nam genus est prius natura, differentia, siquidē ab illo ad eam non valet consequētia.

Ad

Ad certium respondetur à parte ad totum procedi methodo compositionis, id autem non est necessarium in methodo arbitraria, quâ in hoc casu Porphyrius obseruauit.

Ad quartum respondetur, non semper nos incipere à facilioribus, ut patet in scientijs, in quibus ad-

discendis incipimus à Logica, quæ est illis difficilior, ut docet Diuus Thom. opusc. 70. q. 6. art. 1. ad 3. Præter quàm quod, accidentia sunt faciliora cognitione sensus; sed cognitione intellectus vniuersalia sunt faciliora, ut docet Aristoteles primo Physicorum capite primo.

DISPUTATIO QUINTA.

De genere primo prædicabili.

9 **Q**UAMVIS Plura, quæ communia sunt quinq; prædicabilibus, discussa sint in præcedentibus; nonnulla tamen alia, quæ circa modum definiendi illa, & circa definita, & definitiones eorum solent controuerti, in hunc locum remissimus. Quia licet in rei veritate generalia sint omnibus, ea tamen tractant Doctores, circa definitionem generis; vnde potest faciliè doctrina alijs prædicabilibus applicari. Ut ergo communia hæc, & alia, quæ sunt propria generis, melius explicemus, ante omnia sit

QVÆSTIO PRIMA.

An definitio generis, à Porphyrio tradita sit bona? Et utrum sit essentialis, vel descriptiua?

10 **C**IRCA primum, Laurétius Vala, ut testantur Lobanienfes in hoc capite, quos citat Mas. hic sect. 1. q. 2. reijcit, & impugnat hæc definitionem. Contra quam sic potest obijci.

Primò: quia quidquid definitur debet esse species, ex Arist. 7. Metaphys. tex. 39. sed genus non est species, sed potius aliud prædicabile

condistinctum ab specie: ergo genus non potest definiri.

Respondetis, genus esse speciem vniuersalis, & hac ratione posse definiri. ¶ Sed contrà: quia hæc definitio conuenit generi in quantum genus, sed genus in quantum genus nõ est species: ergo nõ definitur genus in quantum species, & per cõsequens nõ potest definiri hac definitione.

Confirmatur: quia quod definitur debet constare genere, & differentia: sed generis non datur aliud genus, aliàs istius etiam daretur aliud genus, & sic in infinitum: ergo genus non potest definiri.

Secundò: quia tota hæc definitio conuenit definitioni, & tamen definitio non est genus; sicut nec vniuersale, vt supra dictum est: ergo conuenit alijs à definito. Probat maior: quia definitio animalis, scilicet viuens sensibile, prædicatur de pluribus differentiis specie, nempe de homine, & equo, & prædicatur in eo quod quid. Nam querenti, quid est homo? sicut rectè respondemus, est animal; ita rectè etiam respondemus: est viuens sensibile.

Confirmatur: quia etiam ens prædicatur de pluribus differentiis specie in eo quod quid: siquidem dicitur de homine, & equo in quæstione, quid res est, vt patet: & tamen non est genus, vt testatur Arist. tertio Metaph. cap. 3. ergo, &c. Et idem argumentum fit de anima respectu vegetatiuæ, sensitiuæ, & rationalis: ergo hæc definitio conuenit alijs à definito.

Tertiò: quia secundæ substantiæ significant quale quid, ex Aristotel. capite de substantia: sed genera sunt secundæ substantiæ, vt ibidem etiam docet Philosophus: ergo significant quale quid, & per consequens nec genus prædicatur in eo quod quid, nec per hoc differt à differentia.

Quartò: quia etiam differen-

tia prædicatur in eo quod quid: ergo dato quod hoc conueniat generi, adhuc nihil est in eius definitione, per quod distinguatur à differentia. Probat antecedens: quia perfectiorem modum essendi consequitur perfectior modus prædicandi: sed differentia habet perfectiorem modum essendi, quam genus, cum illa habeat rationem actus, istud verò rationem potentie: ergo perfectior modus prædicandi debetur differentiæ, quam generi. Cum autem perfectius sit prædicari in quid, quam in quale, planè videtur sequi, differentiam prædicari in quid.

II Prima conclusio. Definitio generis à Porphyro tradita, scilicet genus est, quod prædicatur de pluribus differentiis specie in eo quod quid, recta est. Tradit eam Aristoteles eisdem verbis, libro 1. Topicorum cap. 4. & lib. 4. cap. 1. & 2. & 5. Metaph. cap. 28. Quam etiam admittit D. Thom. opusc. 48. tract. 1. cap. 2. & in secundo distin. 34. quæst. 1. artic. 2. ad 1. recipiuntque concorditer Dialectici. Et meritò: nam hæc definitio non solum seruat communes leges bonæ diffinitionis; siquidè nihil habet superfluum, aut diminutum, & traditur per notiora definito, exprimitque aliquid, quod habet rationem generis, & aliquid, quod est differentia; sed etià seruat speciales leges diffiniendi cōcreta accidentalialia, dum traditur per subiectum loco generis. Quæ omnia manifestè constabunt ex dicendis; ergo vndequaque perfecta est prædicta definitio.

Vnde

Vnde solum restat verba eius explicare.

Et quidem primum illud relatiuum, *quod*, non esse idem quod vniuersale, aut aliud concretum superius ad genus; sed significare subiectum, seu naturam denominatam, quæ ponitur loco generis in hac definitione; infra latè ostendemus. Cæteræ omnes particule ponuntur loco differetiz, & exprimentur peculiarem modum, quo genus prædicatur de inferioribus, seu prædicabilitatem, quæ est propria passio generis. Quia tamen priores particule sunt manifestæ, vltima solum est explicanda, scilicet, *in eo quod quid*, tam pro hac definitione, quam pro diffinitionibus aliorum prædicabilium.

12 Quod ut fiat, notanda est distinctio horum relatiuorum, *quid* & *quale*, prout ad præsens attinet. Nam ly, *quid*, est relatiuum substantiuum, seu absolutum; & ita significat per modum substantiz, seu per se stantis, sed ly, *quale*, est relatiuum adiectiuum, seu connotatiuum: & ita significat per modum accidentis, seu alteri adiacentis. Ex quo fit, quod ad interrogationem, *quid est hoc?* respondemus nominibus substantiuis, videlicet generis, vel speciei: quia hæc tantum significant per modum substantiz, & per se stantis. Ad questionem verò, *quale est hoc?* respondemus nominibus adiectiuis, scilicet, differetiz, proprij, & accidentis, hæc enim tria significantur per modum accidentis, seu alteri adiacentis.

Licet non eodem modo, nam differentia, qua ratione pertinet ad substantiam, seu essentiam rei, non omnino significatur, ut quale; & qua ratione exprimitur per modum alteri adiacentis, non omnino significatur, ut quid; & ideo dicimus differentiam significari, ut quale quid. Per quod denotatur, differentiam, quantum ad rem significatam, esse de substantia, seu essentia rei; ex modo tamen significandi sumi ut accidens, seu adiacens ipsi rei. At verò proprium, & accidens, quia tam quoad rem significatam, quam quoad modum significandi sunt extra essentiam rei, ideo omnino significantur in quale.

Ex quo tandem fit, genus, & speciem prædicari omnino in quid; proprium, & accidens omnino in quale: differentiam verò medio modo, nempe in quale quid. De discrimine proprij, & accidentis suo loco dicemus. De genere verò, & specie satis ex supra dictis constat. Cum enim genus sit quid essentialiter perfectibile, necessario continet sub se plures species: & ita prædicatur in quid de pluribus differentibus specie. Species verò, cum sit quid vltimò in essentia perfectum, & constitutum, non potest sub se continere plura essentialiter distincta; sed tantum materialiter, & numericè, scilicet indiuidua; & sic prædicatur in quid de pluribus differentibus numero. Per quod non solum

remanet perspicua definitio generis, hæc à Porphyro tradita; sed aliæ etiam quas de alijs prædicabilibus tradit capitibus sequentibus. Videatur D. Tho. opusc. 48. tract. 1. c. 2. 3. & 4. ubi tradit totam hanc doctrinam.

13 Ad argumēta respōdetur. Ad primum, quod quidquid definitur debet esse species, ut *quod*, & denominatiue, id est, debet esse talis natura, ut possit denominari à secunda intentione speciei, & hoc est, quod docet Arist. Et in hoc sensu genus verè est species, ut supra explicatum est. ¶ Nec cōtra hoc vrger replica argumenti: nam etiam genus, in quantum genus, est, ut *quod*, & denominatiue species.

Ad confirmationem respondetur negando minorem. Quamuis enim solum detur vnicum genus, ut *quo*, & essentialiter, nempe intentio cōstitutiuā primi prædicabilis, naturæ tamen, seu gradus, qui denominantur ab hac intentione, sunt plures, & vnus potest esse genus respectu alterius: ut animal respectu hominis, viuens respectu animalis, & sic de alijs generibus subalternis, in quibus tamen nō proceditur in infinitum, sed peruenitur ad supremum genus substantiæ, quod non potest propriè definiiri, quia non habet supra se aliud genus, per quod definiriatur. Et idem proportionabiliter contingit in secunda intentione generis, & alijs entibus rationis.

Ad secundum, simul cum confirmatione respondetur: *definitio-*

nem, ens, aut alia analogæ, & *animam*, aut alia incompleta, propter reā non esse propriè genera, quia non sunt simpliciter vniuersalia: & ita formaliter loquendo, non excludantur ab hac definitione, per particulas, quæ in ea habent rationem differentię; sed per illud relatiuum, *quod*, positam loco generis. Significat enim genus, quæ ratio est vniuersale debere esse naturam quandam simpliciter vnā, & per consequens vniocam, per quod excluditur analogum: completam, per quod excluditur pars: & incomplexè significatam, per quod excluditur definitio, ut magis explicuimus supra disputatione 3.

14 Ad tertium respondetur, ex doctrina Diui Thomæ 7. Metaphysic. lect. 13. ubi explicat eadem verba Aristot. quod sicut omnis forma dicitur qualitas materiæ, quia in illa recipitur, & quasi sustentatur; ita etiam inquantumque propositione prædicatum dicitur qualitas subiecti, quatenus habet rationem formæ respectu illius, ei que quodammodo adiacet. In quo generali sensu dixit Arist. primas substantias significare hoc aliquid, secundas verò, qualequid. Id est, primæ substantiæ (scilicet indiuidua, seu supposita) semper habent rationem materiæ, & subiecti respectu secundarum: secundæ verò (scilicet genera, & species) semper habent rationem formæ, & prædicati respectu primarum; quod non tollit, quominus secundæ substantiæ prædicetur per
ma-

modū per se stantis, seu in eo quod quid; sicut in præsentī sumitur, vt per se patet.

Ad quantum respondetur, differentiam habere quidem perfectiorem modum essendi, quam genus secundum se; non verò prout concipitur, & significatur à nobis, qui illam apprehendimus ad modum accidentis, seu qualitatis adiacentis generi: genus verò ad modum substantiæ, seu subiecti recipientis illam. Vnde, quia modus prædicandi sequitur modum essendi, non secundum se, sed mediante modo cognoscendi, inde fit, genus habere perfectiorem modum prædicandi, quam differentiam.

15 ¶ Superest secunda pars difficultatis, in qua Scot. hic quæst. 14. & 15. & discipuli eius, quos sequitur Hurtado hic disput. 4. sect. 1. existimant, definitionem istam esse essentialē. Quorum fundamentum est: quia obiectum formale huius tractatus non est vniuersale, sed prædicabile: ergo hic cōsideratur genus formaliter quatenus est prædicabile. Cū autem genus quatenus prædicabile, definiatur essentialiter per prædicationem, quæ est proprius actus prædicabilitatis, planè videtur sequi definitionem istam esse essentialē.

Secunda conclusio. Hæc definitio non est essentialis, sed descriptiua. Ita docent Porphy. in hoc cap. Beat. Albertus tract. 3. prædicabilium cap. 34. & D. Tho. opusc. 48. tract. 1. cap. 2. quem so-

quantur Sotus quæst. vnica huius cap. §. vltimo, Tolet. quæst. 2. Mas. sect. 1. quæst. 4. Rub. quæst. 3. & plures alij, quos refert, & sequitur Gallego hic cōtrouerfia 13. ¶ Ratio est manifesta ex disputatione præcedenti: nam prædicabilitas de pluribus est passio vniuersalis vt sic, siquidem ex eo, quod vniuersale sit in pluribus, nascitur quod de illis prædicetur: ergo talis prædicabilitas, scilicet, de pluribus differentibus specie in quid, erit passio talis vniuersalis, nempe generis. Et per consequens definitio, quæ traditur per illam, erit descriptiua. Nec in hoc oportet ampliùs immorari.

Ad argumentum respondetur falso niti fundamento: non enim prædicabile, sed vniuersale est obiectum huius libri, vt diximus in præmio Porphy. & docet D. Thom. opusc. citato. Ratioque est manifesta: nam vniuersale, & prædicabile considerantur per se in hoc libro, & illud se habet tanquam essentia, istud verò tanquam propria passio: ergo in hoc libro agitur de vniuersali tanquam de obiecto, de prædicabili verò, tanquam de passione, quæ de tali obiecto demonstratur. Quæ autem sit propria, & essentialis definitio generis, tam in concreto, quam in abstracto, explicari non potest, nisi præmissa difficultate sequenti.

QVÆSTIO II.

Quomodo diffiniantur, tam concreta, quam abstracta accidentium?

16 AD rectè formandam definitionem generis, & aliorum prædicabilium, pluraque alia, quæ inde depèdent, cognoscenda, præmittere oportuit hanc quæstionem. In qua, relictis varijs sententijs, proponenda est, & ex professio explicanda ars definiendi accidentia, quam Aristotel. & Diu. Thom. tradiderunt, & perpetuò obseruarunt. Vt enim benè inquit Aristot. 6. Metaphys. text. 2. *Oportet, ut non lateat, quomodo ipsum quid erat esse, & ratio sit: nam absque hoc querere, nihil est facere.* Id est, oportet scire, quomodo definiendum sit, hoc enim ignorato, aliud querere est nihil facere.

¶ Pro huius ergo explanatione omninò recolenda est doctrina, quam ex eodem Aristot. & D. Thom. tradidimus disputatione præcedenti, num. 16. ubi ostendimus concreta, & abstracta accidentium eandem prorsus rem significare, solùmque distingui ex parte modi significandi, quatenus abstractam significat formam quasi per se stantem, & ab alio separatam, & ex consequenti puram, & impermixtam; concretum vero significat eandem formam quasi alteri adiacentem, & per consequens connotat subiectum, tanquam id, cui inhaeret forma, &

in quo exercetur effectus formalis eius; ut magis explicuimus loco citato.

17 Ex qua doctrina plura inferuntur ad præsentem quæstionem omninò necessaria. Primò enim sequitur, quòd còcretum, licet quoad rem significatam sit ens per se, sicut abstractum; ex modo tamen significandi sumitur ut ens per accidens, & de illo loquimur, ut de ente per accidens. Cuius ratio est, quam ex D. Thom. tetigimus loco citato: quia, scilicet, nomina non significant res absolutè, & secundum se: *Nec modus significandi* (inquit D. Thom. 7. Metaphys. lect. 1.) *consequitur immediatè modum essendi rerum, sed mediante modo intelligendi: quia intellectus sunt similitudines rerum, voces autem intellectuum, ut dicitur 1. Peribet.* Undè in ipsis nominibus modus significandi potior, & immediatior est, quam res significata, plùsque ad illum attendimus; & propterea de concretis accidentalibus loquimur, ac de entibus per accidens. Quod non contingit in abstractis, quia tam quoad rem significatam, quam quoad modum significandi sunt entia per se, ut explicatum est.

Secundò sequitur, accidentia in abstracto tantum significata posse propriè, & rigorosè definiri. His enim tantum attribuit intellectus intètiones generum, & specierum, ut optimè notauit Diu. Thom. de ente, & essentia, cap. 7. & opus. 42. capit. 19. ¶ Ratio autem ex dictis est manifesta. Cum enim definia-

finiamus res, vt nominibus significatur; ad hoc quòd aliquid possit propriè definiri, non solum requiritur, quòd in se sit ens per se; sed etiam quòd significetur per modum entis per se. Quod tamen non habent concreta accidentium, sed eorum abstracta, vt vidimus: ergo hæc tantum possunt propriè definiri.

18 Cæterum, quia concreta ista nō omnino sunt entia per accidens, sicut est acutus lapidum, aut alia huiusmodi; ideò non omnino excluduntur à diffinitione, sed possunt, & solent quodammodò definiri. Et ita Aristot. sæpè ea definit, vt patet in definitionibus vniuersalis, quas supra ex ipso retulimus; per quem etiam modum Porphy. definiuit hæc quinque prædicabilia. Et tandem D. Thom. ex eodem Aristot. sæpè tradit modum definiendi huiusmodi concreta, vt postea videbimus: ergo possunt aliquomodò definiri.

De huiusmodi tamen definitionibus idem semper debet esse iudicium, ac de earum definitis; ita vt quemadmodum concreta accidentium ex modo significandi censentur entia per accidens, nec suscipiunt denominationem generis, aut speciei, nec ponantur in lineis prædicamentorum, nisi per reductionem, vt inquit D. Thom. reducuntur ad sua abstracta; eodem prorsus modo, diffinitiones accidentium in concreto, prout sic, non censentur simpliciter, &

absolutè definitiones, nec in eis inueniuntur propriæ, & rigorosæ definitionis conditiones, vt postea videbimus; sed sunt definitiones per reductionem, in quantum, scilicet, reducuntur ad definitiones abstractorum, quæ seruant leges propriæ, & rigorosæ definitionis.

19 ¶ Hæc autem doctrina eò magis notanda est, quòd plures propter eius inconsiderationem in arte definiendi accidentia allucinantur, nec penetrant definitiones, quas de his prædicabilibus tradit Porphy. aliasque plures, quas de concretis accidentium, tam realium, quam rationis, tradit sæpè Aristotel. Vt ergo doctrina hæc plenius percipiatur, aptum exemplum habemus libro 3. institutionum, capite 6. vbi de reductione syllogismorum imperfectorum ad perfectos egimus. Quemadmodum enim syllogismus imperfectus non omnino excluditur à ratione syllogismi, quamuis non ita immediatè, & à se habeat vim inferendi conclusionem, sed virtute syllogismi perfecti; quem in se quodammodò imbibit, & ad quem si reducatur, facta aliqua conuersione, aut transpositione præmissarum, fit syllogismus perfectus, vt ibidem explicuimus: ita similiter definitio concreti non omnino excluditur à vera ratione definitionis, quamuis nō ita immediatè, aut à se habeat explicare essentiam, sed ratione definitionis abstracti, quam in se virtualiter

continet, & ad quam reduci potest, facta transpositione terminorum. Ut enim postea explicabimus, ex iisdem terminis, qui ponuntur in definitione concreti, formatur definitio abstracti transmutando illos; ita ut terminus, qui in una definitione habebat locum generis, in alia habeat locum differentie, & è contra. Quod pro nunc sufficiat explicare exemplo ab Arist. & D. Th. toties repetito: *simum* enim definitur, quod sit *nasus curuus*. Vbi *nasus* ponitur loco generis, & *curuitas* loco differentie: *simitas* verò definitur, quod sit *curuitas nasi*, ubi *curuitas* ponitur loco generis, & *nasus* loco differentie.

20 In quibus definitionibus perspicimus imperfectionem vni, & perfectionem alterius; si aduertamus, quod in definitione concreti, scilicet *simi*, ponuntur in recto res diuersorum predicamentorum; siquidem *nasus* significat substantiam, & *curuitas* qualitatem; quod tamen est contra rationem perfectæ definitionis; in qua (si sit essentialis: de qua nunc loquimur) genus, & differentia necessario pertinent ad idem predicamentum, ut de se patet. Quia imperfectione caret definitio abstracti, nempe *simitatis*, quamuis enim ibi subiectum, scilicet, *nasus*, ponatur loco differentie; ponitur tamen in obliquo: ut detur intelligi subiectum non esse propriam differentiam *simitatis*, sed id, unde sumitur propria eius differentia; seu per ordinem ad quod, constituitur in ratione *simitatis*.

Vnde talis differentia significata per subiectum in obliquo positum, est intra idem predicamentum cum suo genere, scilicet, *quantitate*, & sic ex utroque constitutum perfecta definitio *simitatis*.

Maneat ergo ex hæcenus dictis, quod sicut concretum, & abstractum in re significata nullatenus differant; sed tantum ex modo significandi; sic eorum definitiones in re definita omnino conueniunt, eandemque rem explicant; differunt tamen tanquam perfectum, & imperfectum in modo definiendi, & explicandi talem rem. Quando enim definitum significatur in abstracto, aptum est, ut illi assignetur genus, & differentia intra proprium predicamentum, & sic perfecte diffiniatur. Quando verò significatur in concreto; quia habet modum entis per accidens, solum potest habere imperfectam diffinitionem. Quæ ideo traditur per terminos diuersorum predicamentorum; quia in huiusmodi definitionibus sic explicatur ipsa natura accidentis, ut simul etiam ostendatur id, in quo exercetur definitio, seu effectus formalis accidentis, nempe subiectum, quod pertinet ad diuersum predicamentum, ut patet.

21 § His circa definitiones accidentium generaliter, sed necessario, prælibatis; specialiter inuestigande sunt leges ad illa, tam in concreto, quam in abstracto definienda. Circa quod Arist. lib. 7. Metaph. tex. 4. iuxta translationem antiquam

quam sic ait: *Substantia omnium prima est ratione, & notitia, & tempore.* Ratione: quia necesse est in uniuscuiusque ratione, substantia rationem esse, &c. Quæ verba exponens D. Thom. lect. 1. inquit: *Substantia est prima inter omnia entia secundum definitionem, & secundum cognitionem, & secundum tempus.* Quod sit prima secundum definitionem, patet: quia in definitione cuiuslibet accidentis, oportet ponere definitionem substantia, sicut enim in definitione finis ponitur nasus, ita in definitione cuiuslibet accidentis, ponitur proprium eius subiectum. Cuius rationem ex eodem Aristot. reddit infra lect. 4. *Quia substantia, quæ habet quidditatem absolutam, non dependet in sua quidditate ex alio; ita ut oporteat exteriorem essentiam in eius definitione poni.* Accidentia verò non habent esse nisi per hoc quod insunt subiecto. Et ideo eorum quidditas est dependens à subiecto; & per hoc oportet, quod subiectum in definitione accidentis ponatur, quandoque quidem in recto, quandoque verò in obliquo. In recto quidem, quando accidentis significatur in concretionem ad subiectum: ut cum dico, *simus est natus curvus.* Vbi profequitur doctrinam supra insinuatam.

Quam adhuc magis explicat de Sensu, & sensato lect. 6. ubi Aristot. iuxta hanc legem inuestigat definitionem coloris, quod ut explicet Diu. Thom. subdit: *Est autem considerandum, quod semper oportet subiectum ponere in definitione accidentis; ut dicit r. 7. Metaphy-*

*sica. Differentia tamen: nam si accidens definiatur in abstracto, subiectum ponitur loco differentia, id autem, quod pertinet ad genus accidentis ponitur loco generis; ut cum dicitur, *simitas est curvitas nasi.* Cum autem accidens definiatur in concreto, e converso subiectum ponitur loco generis: sicut cum dicitur, *simum est nasus curvus.* Quia ergo hic color definiendus est in abstracto, primo incipit inuestigare id, quod est essentialiter ipse color. Idem repetit. opusc. 36. cap. 1. & opusc. 42. cap. 19. & quæst. 3. de veritate, art. 7. ad 2.*

22. Quæ autem sit huius inperfectionis ratio, & quare in definitione concreti subiectum ponatur ut genus; in definitione verò abstracti ut differentia, ostendit eleganter Angel. Doctor 1. 2. quæst. 53. artic. 2. ad 3. ratione desumpta ex diuerso modo significandi utriusque supra explicato, in hunc modum: *Quocumque modo significetur accidens, habet dependentiam ad subiectum, secundum suam rationem. Aliter tamen, & aliter: nam accidens significatum in abstracto importat habitudinem ad subiectum, quæ incipit ab accidenti, & terminatur ad subiectum: nam albedo dicitur, quia aliquid est album; & ideo in definitione accidentis in abstracto non ponitur subiectum quasi prima pars definitionis, quæ est genus; sed quasi secunda, quæ est differentia: dicimus enim, quod simitas est curvitas nasi. Sed in concretis incipit habitudo à subiecto, & terminatur ad accidens: dicitur enim album,*

hum, quod habet albedinē. Propter quod in definitione huiusmodi accidentis, ponitur subiectum tanquam genus, quod est prima pars definitionis: dicimus enim, quod finis est nasus curuus.

Aliam rationem huius veritatis adducit S. Doctor loco citato, ex 7. Metaphysi. ubi post verba iam adducta subdit: *Nasus ponitur in definitione simi tanquam genus, ad designandum, quod accidentia non habent subsistentiam nisi ex subiecto.* Cum enim genus in quacunque definitione significetur vt per se stans, & omnino in quid; differentia verò vt quid illi adiacens, seu in quale-
quid, concretum autem ex modo significandi (qui in nominibus prior est) supponat pro subiecto, quod substat formæ significatæ; inde est, quod in definitione concreti debet poni subiectum, vt per se stans, & substans formæ significatæ, & per consequens vt genus; sic enim designatur, quod accidentia non subsistunt nisi ratione subiecti.

Tertiam tandem rationem ponit D. Thom. cap. vltim. de ente, & essentia. Vbi loquens de accidentibus, ait: *E contrario esset, si eorum definitio sumeretur in concreto; sic enim subiectum poneretur sicut genus; quia tunc definirerentur per modum substantiarum compositarū, in quibus ratio generis sumitur à materia.* Vbi D. Thom. ex eo quod concreta ex modo significandi censeantur composita ex subiecto, & accidenti, vt supra explicuimus, infert, definienda esse, ad eum modū, quo

definiuntur substantiæ compositæ, seu corporeæ, in quibus, vt infra ostēdemus, genus sumitur à materia, cuius vicem gerit subiectum in accidentibus. Sed huius rationis vis ex ibi dicendis melius percipietur.

23 ¶ Ex his omnibus perspicua remanet ars definiendi accidentia, & generalis regula pro vtroque genere definitionum. Quod, scilicet, tunc propriè, perfectè, & essentialiter definitur accidens in abstracto, quando ponitur pro genere prædicatum, seu gradus superior, qui inuenitur in essentia talis accidentis, & loco differentia propriū eius subiectum in obliquo significatum. Tunc verò accidens in concreto propriè, & essentialiter (eo modo, quo definiti posse diximus) definitur, si e contra, loco generis ponatur proprium eius subiectum in recto, & loco differentia gradus ille superior in recto, & adiectiuè significatus; vt in exemplo toties à D. Thom. repetito constat.

Quare, tunc melius definieamus quæcumq; accidentia, quando iuxta hanc regulam, quoad fieri possit, eorum definitiones texuerimus. Tuncque consequenter altius penetra-
bimus definitiones ab Aristor. Porphy. & D. Thom. traditas, quando iuxta regulam ab ipsis præscriptam illas explicauerimus. Nec in hoc est ampliùs immorandum. Videri tamen possunt Commentator 7. Metaph. Comm. 17. Sonz ibidem, q. 6. qui optimè explicant hanc Arist. & D. Thom. doctrinam. Quibus etiā consentiunt
Caiet.

Caiet. de ente, & essentia, cap. 7. quæst. 15 in fine, Ferrar. 1. contra gentes, cap. 30. & lib. 3. cap. 7. Zarnardus 7. Metaph. q. 3. Scotus in 4. dist. 12. & Canterus in prædicationibus c. de accidenti, ubi addit, sic semper definisse antiquiores Philosophos.

24 ¶ Hic oportebat explicare, quid intelligatur per subiectum proprium accidentis; an scilicet sola substantia, an verò aliquid aliud? Si enim solam substantiam appellamus subiectum, nullo modo ponitur poterit pro differentia alicuius accidentis; cum sit commune omnium subiectum. Iam verò si intelligitur aliquid aliud cuilibet accidenti correspondens, incredibile videtur omne accidens habere proprium subiectum, à subiecto alterius accidentis distinctum; ex quo ambigua satis, & difficilis redditur regula statuta. Sed de hoc commodiori loco acturi sumus infra q. 6. generaliter inuestigantes, à quo sumatur genus, & differentia, & cap. de accidenti explicantes differentiam inter propriam passionem, & accidens commune.

Interim tenendum est ut certum, cuilibet accidenti correspondere proprium subiectum, seu principium à quo causetur; sicut est certum omne accidens dependere à substantia. ¶ Et ratio metaphysica est: quia actus, & potentia ita intime, & essentialiter sibi correspondent, ut repugnet in rebus naturalibus, dari aliquam potentiam, quæ per se non respiciat aliquem actum, per quem constituatur, & definiatur,

Ut sumitur ex Aristot. 9. Metaph. text. 13. & probat optimè contra Scotum, Caiet. tom. 3. opusculorum traet. 3. qu. 1. ergo è contra similiter repugnabit, dari alicuius actum in rebus naturalibus, cui per se non respondeat aliqua potentia, per ordinem ad quam cognoscatur, & diffiniatur. Sed omne accidens est actus quidam secundum quid, ut patet: ergo unicuique etiam suo modo correspondebit propria potentia, seu subiectum per quod definiatur.

25 Confirmatur: quia nullum potest dari accidens naturale, quod ab aliquo gradu generico, specifico, vel individuali substantiæ non procedat: ergo quodlibet accidens habet intra substantiam causam adæquatam sui: eadem autem est causa efficiens, & materialis accidentis: ergo sicut habet causam adæquatam à qua emanet; ita etiam habebit adæquatam materiam, seu subiectum in quo sit. Quod si ab eodem gradu substantiæ, plura accidentia sæpe oriuntur, semper id fiet cum aliquo ordine, & depedentia. Unde sicut substantia simul cum primo accidenti, habet rationem principij adæquati respectu secundij accidentis; ita etiam habet rationem propriij subiecti. Ex quo tandem fit, quodlibet accidens habere proprium subiectum, per quod possit definiri. Per quod patet ad rationem dubitandi.

Quia tamen propria principia accidentium, non semper sunt nobis nota; imò sæpius ea ignoramus; inde fit, ut non semper possimus dictam regulam observare in defini-

definitionibus accidentium, sed cogamur aliunde querere eorum differentias, scilicet ex effectibus, vel proprietatibus eorum. Quod etiam notauit D. Thom. loco citato de ente, & essentia, ubi post verba adducta subdit: *Sed quia propria principia accidentium non semper sunt manifesta; ideo quandoque sumimus differentias accidentium ex eorum effectibus. Sicut congregatum, & segregatum dicuntur differentie coloris; quia causantur ex abundantia, vel paucitate lucis, ex qua diuersa species coloris causantur.* Hec tamen ignorantia nostra, non præiudicat veritati generis regulæ, imò eam amplius confirmat, ut de se patet.

26 ¶ Contra illam tamen est difficile argumentum: quia genus in qualibet definitione est id, in quo definitum conuenit cum alijs; differentia verò, per quod differt ab illis: sed impossibile est in eadem re definitum conuenire cum alijs, & differre ab illis: ergo impossibile est, quòd tam gradus superior, quàm etiam subiectum, ponatur ut genus in vna definitione, & ut differentia in alia. Si enim curuitas verbi gratia: est quid superius respectu similitatis, ut potè quæ comprehendit sub se alias curuitates, & propterea ponitur, ut genus in definitione similitatis: ergo fieri non potest, quòd in definitione similitatis, ponatur loco differentie. Eadem argumentum fit de subiecto, scilicet *naso*, ut consideranti patebit.

Hoc argumentum primò aspectu apparet difficile, & habet pro-

culdubio vim apud eos, qui concedunt còcreta accidentalialia esse propriè genera, & species, posseque propriè definiri. Sed in contraria doctrina D. Thom. quam sup. n. 17. statuimus facillè respondetur, quòd quia definitio abstracti est propriè, & simpliciter definitio; ideo in ea ponitur pro genere, quòd propriè est genus definiti, & pro differentia, quòd propriè est differentia eius, & ita seruantur ibi leges perfectæ, & rigorosæ definitionis. At verò in definitione còcreti, cum secundum quid tantum, & impropriè sit definitio, sufficit poni, quæ secundum quid, & impropriè habent rationem generis; & differentie. Non autem repugnat, ut id, quòd in vna definitione est simpliciter differentia, in alia sit secundum quid genus, & è contra, respectu diuersarum rerum. Cuius ratio est: quia potest, & solet contingere, ut id, quòd in vna coordinatione, aut diuisione est superius, & diuisum respectu aliquorum, in alia coordinatione, aut diuisione sit inferius, & membrum diuidens respectu vnus illorum, ut patet manifestò exemplo. Quando enim diuisione accidentis in subiecta, diuiditur album in hominè, & equum, ibi album est diuisum, & superius ad hominem & equum, quæ sunt membra diuidentia: si verò è contra, diuisione subiecti in accidentia, diuidatur homo in album, & nigrum, iam homo sit diuisum, & superius respectu albi: & ideo quamuis album secundum se latius pateat, quàm homo, tamen formaliter, ut est membrum

brum diuidens in hac diuisione, nō extenditur ultra diuifum; & sic potest esse differentia, per quam homines albi distinguantur à nigris. Sicut etiam in prima diuisione, quāuis, homo, secundum se sic quid commune albis, & nigris; tamen formaliter ut est membrum diuidens respectu albi, non extenditur ultra illud, & consequenter, prout sic solū distinguitur ab equo albo.

27 Ad hunc ergo modum contingit in his diffinitionibus; quando enim definitur accidens in abstracto, conuenientia fit cum rebus eiusdem generis: & ita potest poni pro genere, quod propriè, & simpliciter est genus; & pro differentia, quod propriè est differentia intra illud genus, ut patet quādo definitur simitas, quod fit curuitas nasi: tunc enim, *simitas*, conuenit in curuitate, cum figuris eiusdē generis, scilicet, cum *gibbositate*, *crispitudine*, & similibus; differt verò ab illis, per hoc quod ipsa est curuitas talis partis, scilicet, *nasi*, aliæ verò sunt curuitates, *scapularum*, & *capillorum*. Sed quando definitur accidens in concreto, conuenientia fit per aliam lineam, nempe cum rebus diuersi generis, in hoc tantum quod insunt eidem subiecto; & ita pro genere ponitur ipsam subiectam, in quo conueniunt, & pro differentia id, quod pertinet ad proprium genus vniuscuiusque, ut patet quando definitur *simum*, tunc enim *simitas*, conuenit cum *rectitudine*, aut, *aquilinitate*, quæ sunt figure diuersi generis, in hoc quod insunt eidē subiecto, scilicet, *naso*, & distinguitur

per id, quod pertinet ad proprium genus, scilicet, per curuitatem, aut rectitudinem; & ita definitur recte simum per nasum loco generis, & per curuitatem loco differentie.

DVBIVM APPENDIX.

An accidens in concreto, recto etiam definitur per concretum superius locum generis?

28p RAESSENS Dubium præcipuè procedit, quando ignoratur proprium subiectum accidentis, & diffinitur per suum effectum formalem, aut passionem. Et ita inquirimus, an sicut hæc est exacta definitio albedinis, *Albedo est color disgregatiuus visus* ita etiam sit hæc, *Album est coloratum disgregatiuum visus*.

Quidam Doctores moderni censent, non solū istam diffinitionem esse exactam, sed etiam perfectiorem illa, quæ traditur per subiectum.

Quod probant primò: quia connotatiuum tantum significat formam, licet connotet subiectum: ergo in eius diffinitione potius seruandus est modus, quo forma ipsa in abstracto definitur, seruata semper connotatione. Sed forma in abstracto definitur per suum genus: (albedo enim per colorem definitur, non per corpus) ergo: connotatiuum, nempe album, potius debet definiri per connotatiuum genericum, scilicet, coloratum.

Secundò: quia hæc est perfecta

definitio albedinis, albedo est color segregatiuus visus: ergo hæc erit perfecta definitio albi, album est coloratū segregatiuum visus. Probatur consequentia: quia sicut se habet genus in abstracto ad formam in abstracto definitam: ita genus in concreto ad formam in concreto.

Tertio: quia aliquando subiectū accidentis non est vniuocum: ergo saltem, tunc non poterit accidens definiti per illud loco generis. Antecedens patet in natura, quæ est subiectum generitatis, & aliarum intentionum, sub qua comprehenduntur nature reales, & rationis, & omnia prædicamenta, quibus tamē nihil potest dari commune vniuocum.

29 Vera tamē resolutio est, quòd seruata proprietate concreti accidentalis, & proprio modo significandi, & definiēdi, quæ exigit quatenus tale est, nunquam recte definitur per concretum, seu connotatiuum superius loco generis. Vnde quando proprium subiectum accidentis non est notū, & idēd definitur per suum effectum formalem, aut passionem, ponendum est pro genere subiectum cōcreti superioris, & non ipsam concretum superioris. V. g. supponamus, subiectū coloris esse perspicuum; & proprium subiectum albedinis non esse nobis notum, & idēd definiēdam esse per eius effectū, nempe segregare visum: tunc quidem asserimus, hanc esse exactam definitionem albi: *Album est perspicuum segregatiuum visus*, non autem illam, *album est*

coloratum segregatiuum visus.

Fundamentum planè constat ex dictis: cum enim subiectū necessario debeat intrare definitionē accidentis, vt ex Arist. & D. Thom. vidimus: aliunde autem in definitione concreti nō possit poni loco differentie, manifestum sit, debere poni pro genere. ¶ Præterquàm quòd iam idem esset modus significandi, & definiēdi cōcreti, & abstracti, & vtriusque definitio esset eque perfecta in ratione definitionis, & verumque æque propriè collocaretur in prædicamento; quæ omnia aliena sunt à vera doctrina D. Thom. ¶ Adde, connotatiuum, quando prædicatur vt tale, semper significari, & prædicari, in *quali*: ergo non potest in definitione habere locum generis; cuius propriū est prædicari omnino in *quid*.

30 Tandem id conuincit modus definiēdi, quem perpetuò obseruauit Arist. vt patet in definitionibus vniuersalis, quas ex ipso adduximus supra disp. 3. numer. 47. in quarum nulla posuit pro genere, *unum*, aut simile concretum superioris, sed relatiuum illud, *quod*, exprimens naturam, seu subiectum. Quod etiā obseruauit s. Metaph. distinctiones, *diuersum*, *diffrens*, *simile*, *contrarium*, *quantum*, *terminum*, *totum*, & similia concreta: & lib. 1. Topic. diffiniēs, *genus*, *proprium*, & *accidens*, à quo acceperant istum modum definiēdi Porphy. D. Thom. & quotquot recte caluerunt artem definiēdi: ergo aliter sentientes non sunt audiendi in schola Arist. & D. Thom.

Diximus: *Seruata proprietate concreti, & proprio modo significandi, quem exigit, &c.* Quia si concretum non sumatur propriè, vt concretum est, sed tantum attendatur in eo res significata, tunc sicut non remanet, per quod distinguatur ab abstracto; ita eadem erit vtriusq; diffinitio, & per consequens idem erit dicere: albedo est color disgregatiuis visus: & album est coloratum disgregatiui visus. Sed hoc est aburi terminis, & omnia cōfundere, vt per se patet.

31 Ad argumenta respondetur. Ad primum, quod licet connotatiuum significet solam formam, sicut abstractum: in modo tamen illam significandi valde differuat, & quoddammodo opponitur, vt ex D. Thom. vidimus num. 21. Quare cum definitio concreti non solum correspondeat rei significata, sed etiam proprio modo significandi eius; manifestum sit, non posse eodem modo vtrumque definiri. Vnde argum. potius probat oppositum; nam eo ipso quod in diffinitione debeat retineri connotatio, cum hæc non sit in diffinitione abstracti, debet diuerso modo definiri. ¶ Ad hæc: argumentum se ipsum destruit: si enim in diffinitione concreti, non solum explicatur forma, sed etiam connotatio eius; ergo necessariò debet poni in diffinitione subiectum. Repugnat enim, quod explicetur connotatio, aut res connotata quatenus talis absque re connotata, quæ in presenti est subiectum.

Ad secundum negatur conle-

quentia: imo potius cum Arist. & D. Thom. inferendum erat oppositum; siquidem contratio modo debet procedi in vtraq; diffinitione. Ad probationem negatur paritas: cum enim res definiantur secundum quod significantur nominibus, & modus significandi concreti, & abstracti sit valde diuersus, & oppositus, quamuis res significata sit eadem; inde est, vt modus illa diffinitionis debeat esse diuersus, & oppositus.

32 Ad tertium respondetur, non esse necessarium, quod subiectum ponendum loco generis in diffinitionibus generis, & aliarum intentionum, sit vniucum, vt explicabimus infra quæst. 4.

¶ Tandem, antequam ad diffinitionem generis, vnde egredi sumus, reuertamur; vt primum principium statuendum est de secundis intentionibus proportionabili modo philosophandum esse, ac de accidentibus realibus: habent enim se respectu rerum, quas denominant, ad modum accidentium: per quod etiam modum de illis diffinitiones tradimus, fingimus diuisiones, & argumentationes fabricamus. Quare regula sublata, auferre etiam oportet totius Logicæ principia, & ex consequenti scientias. Quare eadem erit differentia inter abstracta, & concreta secundarum intentionum; eodemque modo eorum diffinitiones inuestigabuntur; sicut in accidentibus realibus. Iuxta quã regulã Arist. lib. 1. Perihæ. diffinit *orationem, nomē, verbum*, & alias huiusmodi intentiones. De quo vide

deri potest D. Tho. ibidem lect. 4.
circa diffinitionem nominis.

Q V A E S T I O III.

*Quod sit definitum in diffinitione
generis, & generaliter in diffinitio-
nibus aliorum prædicabilium,
quando definiuntur in
concreto?*

33 Q Vamuis ex dictis difficulta-
te præcedenti, faciliè sol-
ui posset quæstio præsens, vt tamen
aliorum sententias discutiamus, eam
oportet pertractare. Quã Dialecti-
ci mouent circa diffinitionem gene-
ris, vt inde applicetur doctrina
alijs prædicabilibus; imò & alijs cõ-
cretis accidentalibus, quibus gene-
ralis est.

Vt autẽ status difficultatis expli-
cetur, notadũ est cũ nostro Did. à
Iesu hìc d. 6. q. 1. in genere quinque
posse cõsiderari. Primũ est ipsa na-
tura denominata, secundũ suam
entitatẽ realẽ. Secũdũ est generei-
tas ipsa, seu secunda intentio secũ-
dũ se. Tertiũ est aggregatum, seu
cõpositũ ex vtraque, ita vt tã natu-
rã, quã intẽtionẽ ex equo includat.
Quartũ est ipsa natura, nõ secundũ
se, sed vt connotat intẽtionem: ita
vt natura principaliter, & quasi in
recto sumatur; secunda verò inten-
tio solum in obliquo, & de conno-
tato. Quintũ tandẽ ecõtra est ipsa
secũda intentio, nõ secundũ se, sed
vt connotat naturã; ita vt intentio
principaliter, & in recto sumatur;
natura verò solum in obliquo, & de
connotato.

34 Vt ergo certa ab incertis sepa-
remus, certũ in primis debet esse,

naturã denominatã, v. g. *animal*, se-
cũdũ suã entitatẽ realẽ, nõ esse dif-
finitũ in diffinitione generis. Cuius
ratio est euidẽs: quia iã propria de-
finitio cõueniret accidẽtaliter suo
diffinito, quod est cõtra lumen ip-
sum rationis; siquidẽ nihil est alicui
magis intrinsecũ, & essentialẽ, quã
sua propria definitio. ¶ Quòd autẽ
id sequatur, patet: quia sicut hæ præ-
dicationes, *animal est genus: homo
est species*, & similes, sunt accidẽta-
les, & in materia cõtingenti: ita en-
tiã istã, *animal prædicatur de pluri-
bus differentibus specie: homo prædi-
catur de pluribus differentibus nume-
ro*, &c. in quibus tamẽ prædicatio-
nibus prædicatur definitio generis,
& aliorũ prædicabiliũ de natura se-
cundũ suã entitatẽ, vt patet: ergo si
natura, prout sic esset diffinitum, iã
diffinitio conueniret contingenter
suo diffinito.

Secundò etiã certum est, secũdã
intentionẽ generis secundũ se, &
vt præscindit à natura, nõ esse diffi-
nitum in hac diffinitione. ¶ Ratio
est; quia secunda intentio generis
prout sic necessariò significatur in
abstracto, vt patet: sed forma in ab-
stracto significata nõ potest esse dif-
finitum in definitione sui concreti:
siquidem neque concretum, neque
definitio eius prædicantur de suo
abstracto, vt diximus disput. præce-
denti: ergo secunda intentio generis
secundũ se, & vt præscindit à na-
tura, nõ potest esse definitũ in defi-
nitione eius. Vnde solũ restat diffi-
cultas de alijs tribus acceptionibus
generis, iuxta quas sunt varix sen-
tentix.

35 Prima assertio diffinitū esse aggregatū, seu cōpositū ex natura, & secunda intentione; ita ut utrūque directè diffiniatur, scilicet natura ut *quod*, & secunda intentio ut *quo*. Sic defēdit Caber. hic tract. 3. disp. 2. dub. 1. & videtur esse mēs Rubij cap. de genere q. 2. quatenus ait: completum definitum huius definitionis coalescere ex utroque, scilicet ex natura; & ex secūda intētiōne, tāquā ex subiecto, & forma.

Probatur primò hæc sententia ex dicto illo Auice. quòd Logica tractat de secundis intentionibus adiūctis primis: ergo cōiunctū, seu cōpositū ex primis, & secūdis intētiōnibus erit definitū, quod Logic⁹ explicat per hanc definitionem.

Secundò: quia illud est diffinitū in aliqua diffinitione, cui per se cōuenit talis diffinitio, & cū quo reci procatur: sed cōpositū ex natura, & secūda intētiōne est huiusmodi: ergo est definitū in definitione generis. Probatur minor: quia secūde intētiōni generis essentialiter conuenit esse id *quo*, seu ratione cuius natura prædicatur de pluribus, & naturæ prout denominatur à secūda intētiōne essentialiter cōuenit esse id, *quod*, prædicatur: ergo utrūque directè, & per se diffinitur, natura ut *quod*, intētiō vero ut *quo*.

36 Secunda sentētia assertit, definitū esse naturā, ut connotat secundā intētiōne; ita ut principaliter, & in recto diffiniatur ipsa natura; secūda verò intētiō quāsi de cōnotato, & in obliquo. Hæc videtur esse sentētia Toleti, & aliorū, quos citat Oña q. 1. vniuersalium art. 1.

quā nouissimè defēdit Raphael de Auerſa q. 8. Logic. sect. 2. § Potestque probari 1. quia Porphyrius in hoc cap. & Aristot. 1. Top. c. 4. post traditam diffinitionē generis, statim subiungunt, ut *animal*, &c. ergo ipsa natura est, quæ principaliter, & in recto diffinitur.

Secundò: quia natura ut subijcitur intentioni, & non intētiō ipsa est, quæ prædicatur de pluribus differentibus specie: ergo natura ut in obliquo cōnotat intētiōne, non verò intētiō ipsa in recto est definitum in hac definitione. Consequentia patet. Antecedens verò probatur: quia secūda intentio non prædicatur de multis, sed solum est ratio quare natura prædicetur.

Tertiò: concretum accidentale supponit pro subiecto: ergo genus supponit pro natura: ergo natura est, quæ diffinitur. Cōsequentia videntur notæ. Antecedens verò probatur: quia actiones, & passionēs non tribuuntur formis, sed suppositis; albedo enim non disgregat visum, sed album, nec forma generatur, sed compositum.

37 Tertia sentētia docet, definitū in definitione generis esse secūdam intentionem, ut connotat naturam, seu in concreto significatā, ita ut ipsa secunda intentio sit res definita, natura verò connotetur ex modo definiendi. Sic docent cōmuniter Thomist. Caiet. in hoc c. & de ente, & essentia, c. 4. Araux. lib. 3. Metha. q. 4. art. 2. Sor. in hoc c. q. vni. cōcl. 1. Sāch. lib. 3. q. 3. noster Didac. a Iesu d. 6. q. 1. Galleg. cōtro. 12. & plures alij, quos addu-

cit, & sequitur Mas. hic sect. 1. q. 3.

In explicatione autē huius sentē-
tiæ variat aliquomodò Thomis. nā
Caiet. Sanch. & Mas. asserere viden-
tur, ipsam entitatē secūde intentio-
nis esse definitū *quod*; cui cōsequen-
ter, vt *quod*, cōuenit prædicari de
plurib⁹ differētib⁹ specie, quod ad
lōgū explicat Sāch. Hūc tñ modū
dicendi reijcit inter alios Sot. vbi
supra conclus. 2. docens, quòd sicut
quādo albū definitur esse disgrega-
tiū visus, licet res, quę diffinitur, sit
albedo, nō tñ definitur tāquā quod
disgregat, sed tāquā ratio disgregā-
di; ita similiter in definitione generis,
licet res, quę diffinitur, sit ipsa
entitas secundæ intentionis, non ta-
men definitur tāquam id quod præ-
dicatur, sed tanquam ratio quare na-
turæ prædicentur, vt magis infra
explicabimus.

38 Prima cōclusio: diffinitū in de-
finitione generis, nec est aggrega-
tū, seu conflatum ex natura, & secū-
da intentione; nec natura ipsa, vt
subijcitur secundæ intentioni. In
hac conclusione conueniunt Aucto-
res tertiæ sententiæ. Et prima eius
pars sumitur ex D. Tho. c. 6. de en-
te, & essentia, ex cuius doctrina.

Probatur prin⁹: quia cōpositū
ex accidenti, & subiecto non potest
vniua definitione diffiniri; cū sit
aggregatum ex rebus diuersorū præ-
dicamentorū; & per cōsequens ens
per accidens, iuxta ea quę diximus
supra d. 3. n. 1. sed cōpositum ex
natura, & secunda intentione est hu-
iusmodi, siquidem constat ex ente
reali, & rationis: ergo non potest
vniua definitione diffiniri.

Secūdo probatur argumento, quo
sup. n. 34. vtebamur: quia si natura
esset pars principalis definiti, seu
definitum *quod*, vt ait prima senten-
tia; id definitio cōueniret acciden-
taliter saltem vni parti diffiniti, seu
diffinito *quod*; hoc autē est impossi-
bile, vt patet ex Arist. 1. Posteriorū
c. 4. asserente, diffinitionem, & par-
tes eius prædicari de diffinito in
primo modo dicendi per se, scilicet
essentialiter: ergo repagnat natu-
ram esse diffinitū *quod* in hac diffi-
nitione.

39 Huic argumento responder
Rub. loco citato, in genere, & quoli-
bet alio cōcreto accidentali posse
distingui duplex substratum, seu sub-
iectum; aliud proximū, adæquatū,
& per se, vt ipse loquitur; aliud verò
remotū, inadæquatū, & per acci-
dens. De primo inquit essentialiter
prædicari cōcretum: hæc enim est
prædicatio essētiālis, *corpus in quā
tū albedinis substratū, album est.* De
secundo verò concedit concretum
prædicari accidentaliter, hæc enim
est accidentalis: *Paries est albus.*

Sed cōtra: quia quāuis in quoli-
bet cōcreto distingui possit subie-
ctū adæquatū, & inadæquatū (vt
respectu coloris subiectū adæqua-
tū est perspicuū terminatū; tale ve-
rò perspicuū, nēpē *nix*; aut *paries*
est subiectum inadæquatū, & simili-
ter respectu generis entitatis subiectū
adæquatū est natura perfectibilis;
talis verò natura, nēpē *animal*, aut
quantitas est subiectum inadæqua-
tū) nūquā tamē cōcretū accidentā-
le potest essentialiter prædicari de
subiecto, siue adæquato, siue inadæ-
quato;

quato; quātūnis ratio subiecti reduplicetur. Vnde prædicatio illa, *Corpus in quātū albedinis subiectū, est album*: est omnino accidentalis. ¶ Quod sic manifeste probatur: quia quātūcūq; subiectū cōsideretur in quantum subiectū, semper manet, vt pars cōpositi accidentalis; ergo semper altera pars, scilicet forma, manet extra essentiam talis subiecti; ergo accidentaliter tantum potest de illo prædicari.

4^o Cōfirmatur: quia iā prædicationes, in quibus propriæ passionis in concreto significatæ prædicantur de propria essentia, quæ est adæquatū earū subiectū, vt *Homo est risibilis; equus est hinnibilis*, & similes essēt essentielles, quod tū inauditū est in Dialectica, quātūnis ratio subiecti in illis reduplicetur, dicēdo: *homo in quātū homo est risibilis, vel homo in quātū subiectū risibilitatis est risibilis*; ergo similiter quātūcūq; reduplicetur; dicēdo: *Corpus in quātū subiectū albedinis est albū, vel; natura perfectibilis in quātū subiectū generitatis, est genus*, semper manet propositio accidentalis, ac proinde natura, etiam vt est subiectum adæquatū generitatis, non poterit esse pars principalis definiti huius definitionis.

Eadē ratione cōvincitur secūda pars cōclusionis. Si enim subiectū cuiuscūq; cōcreti quātūnis sumatur formaliter vt subiectū, seu vt subijciatur formæ, semper manet extra essentia ipsius formæ: ergo quātūnis natura sumatur formaliter, vt subijciatur secūda intentioni, semper secūda intentio manebit extra essen-

tia naturæ; & per cōsequēs hec erit prædicatio accidentalis, *Natura in quātū subijcitur intentioni, est genus*.

Ratio autē variusq; est: quia reduplicaciones istæ in quātū subiectū, in quātū subijcitur, & similes, nō reduplicāt aliquid pertinēs ad ipsam formā, sed quid pertinens ad subiectum, seu naturā, nempe subiectiōnem, capacitatem, seu potentiā passivā ad recipiendā talem formam, quæ subiectio, capacitas, aut potentia semper manent extra essentiam formæ; ergo naturæ etiā reduplicatiuē, in quātū subijcitur, accidentaliter conuenit esse genus, & prædicari de pluribus, & per cōsequens ipsa proat sic, non potest esse definitum in definitione generis.

4^o ¶ Hic autē obseruādū venit reduplicaciones istas, in quibus de subiectio alicuius formæ reduplicatur subiectio, seu capacitas ad illā formā, vt est illa adducta, *Corpus in quātū subiectū albedinis est albū*, & similes, inanes esse, & vanas. ¶ Ratio est manifesta: nā ex vi prædicationis subiectum subijcitur prædicato, & recipit illud ratione capacitatis; seu potentiæ passivæ, quā habet ad ipsam recipiendum; ergo idē est dicere, *Corpus in quātū subijcitur albedini est albū*, ac dicere, *Corpus est album*, & ex consequenti impertinenter reduplicatur illa subiectio in ipso subiecto.

Per quod excluditur solutio aliorū recentiorū, qui vt argumētum d nobis factū dissoluāt, dicūt, quod natura potest considerari formaliter vt habens secūda intentionē, & illi formaliter quatenus habens est,

continet essentialiter diffinitio.

42 Sed hæc etiã reduplicatio est manifestũ effragium: nam vel per ly, *in quantũ habens*, reduplicatur potentia passiua naturæ, in qua intelligimus quasi recipi genereitatem, & sic iã cõstat, quod genereitas manet omnino extra essentiã talis naturæ; sicut omnis actus, aut forma præcipuè accidentalis, est extra essentiam potentia receptiua eius.

Vel reduplicatur aliqua alia secũda intentio, aut forma rationis, per quã natura quasi disponatur, & fiat vltimò apta ad recipiendã genereitatem; & hoc in primis est absurdum: nã ea ratione, quia ad recipiendã genereitatem requireretur in natura alia secũda intentio, ad hãc etiã requireretur alia, & sic in infinitũ. Sed dato quod talis secunda intentio, aut forma rationis esset necessaria in natura, vt reciperet genereitatem, adhuc genereitas esset accidentalis naturæ, sic vltimò disposita.

Cuius ratio est euidentis: quia quacũq; dispositio est extra essentiã formæ ad quã disponit: sed talis intentio, aut ens rationis comparatur ad genereitatem, vt dispositio ad formã: ergo esset extra essentiã genereitatis; & per consequens genereitas erit accidentalis naturæ, quãtũuis disposita ad illã recipiendam.

* Vel tertio, per ly *in quantũ habes*, reduplicatur aliqua vnio rationis, qua genereitas actũ coniungatur naturæ, & neq; hoc etiã facit, genereitatem continere essentialiter naturæ: nã dato quod inter formã rationis, & subiectũ eius, daretur aliqua vnio, aut nexus medius, (quod

est omnino vanum) talis vnio esset accidentalis, vt patet: ergo ex vi illius genereitas nõ posset esse essentialis naturæ.

Vel tandem per illã particulã reduplicatur aliquid essentialiter pertinens ad ipsam genereitatem, & tunc libenter fateamur prædicationem esse essentialem: quia cõmune est prædicationibus accidentalibus fieri essentielles facta reduplicacione supra formam; vt quando dicimus, homo inquantũ albus est diffregatius, animal inquantũ genus est vniuersale, &c. sed tunc prædicatum appellat supra ipsam formam, ac proinde ipsa erit definitũ huius diffinitionis, nõ verò natura, quod intendimus.

43 Secunda conclusio. Definitũ in diffinitione generis, est secunda intentio in cõcreto significata, seu vt connotat naturam; ita quod intentio ipsa sit res definita, natura verò connotetur ex modo definiendi. In hac etiã conclusiõne cõueniant Auctores tertia sententia, & breuiter probatur: quia hĩc definitur, aliquid commune entibus realibus, & rationis; siquidem in vtrisque reperiuntur genera, & species, vt patet: sed nihil potest esse illis commune nisi secunda intentio: ergo ipsa sola est res, quæ definitur.

Cõfirmatur primò: quia diffinitio generis, & aliorum predicabilium sunt propriè logica: ergo in illis solũ definitur id, quod per se pertinet ad Logicã: hoc autem est secunda intentio: ergo, &c. ¶ Confirmatur secundò: quia definitiones istæ dantur per subiectam loco generis,

vt suprà diximus, & constabit amplius q. sequenti: ergo definitū illarū est secūda intēctio in cōcreto significata. Patet conseq. quia iste est modus proprius definiēdi cōcreta accidentiū, vt ostendimus, n. 23.

44 Tertia cōcl. Quā uis sola secūda intēctio sit res definita in his definitionibz; quia uerò ex modo significādi cōnotatur natura tāquā id, in quo exercetur definitio, ideo ipsi entitati secūde intēctionis secūdū se nō cōuenit definitio vt *quid*; sed tantū, vt *quo*, ex modo tñ quo significat in cōcreto, supponit pro natura, cui vt *quod* cōuenit definitio. Hęc cōclusio est cōtra Cai. & Sāch. sap. citatos, eā tñ defendit inter alios Sor. ibi lē adductis, qui meritò addit: *Quòd quicunq; aliud dixerit nō est audiendus in schola Arist.* Coligiturq; manifestē ex dictis q. præced. & docet proculdubio eād. Th. c. 4. de ente, & essentia circa fin.

Fundamentum est: quia res diffiniuntur secūdū quòd significātur per nomina: sed nomen concretum in accidentibus significat solā formā, & cōnotat, seu supponit pro subiecto: ergo quando definitur accidens significatum in concreto, sola forma est diffinitum, cū tñ fiat cōnotatio, & suppositio pro subiecto, tanquā in quo exercetur talis definitio: ergo definitio, quæ totum hoc inuoluit, solūm potest cōuenire formæ vt *quo*, seu tanquā rationi, quæ subiectum denominatur tale vt *quod*.

45 Cōfirmatur: quia id, quod propriè loquēdo est diffinitū in aliqua diffinitione, est res significata per

nomē diffiniti; quod uerò inuoluitur ex modo significandi, nō pertinet propriè ad definitū: sed ad modū definiēdi: ergo propriè loquēdo, sola secūda intēctio est res diffinita, seu quæ explicatur in his diffinitionibz: quāuis ex modo definiēdi simul innaturatur naturā esse id, cui vt *quod* cōuenit definitio, & in quo exercetur effectus formalis secūdæ intēctioni; & ex consequenti huiusmodi diffinitiones non possunt cōuenire ipsi secūdæ intēctioni secūdū se, nisi tantūm vt *quo*.

Dices: diffinitio debet cōuenire vt *quod* suo diffinito, & non rā. ūm vt *quo*, cū diffinitio prædicetur in recto de diffinito: ergo secūda intēctio non potest esse diffinitum in diffinitione generis, aut aliorū prædicāb. ūm; siquidem non cōuenit illi vt *quod* prædicari de pluribus.

Ad hoc argumentū in primis respon. absolutè loquēdo, falsum esse, quòd huiusmodi diffinitiones non habeāt definitū, cui cōueniant vt *quod*, in illis enim definitur secūda intēctio, non in abstracto, sed in cōcreto significata, cui vt sic cōuenit vt *quod* definitio: nā licet generisitas, aut speciesitas nō prædicetur de pluribus; genus tamen, aut species uerè prædicātur de pluribus, & sic absolutè loquēdo, datur definitū, cui cōueniat vt *quod* definitio.

46 Quā uis autē hoc uerū sit, adhuc tamē nō est omninò soluta difficultas: nā quòd huiusmodi diffinitiones cōueniāt vt *quod* secūdæ intēctioni significata in concreto, nō prouenit ex ipsa entitate secūdæ intēctionis, quæ est res significata

per tale nomē; sed ex modo signifi-
cādi, secundū quem nomē supponit
pro natura: sed sola res significata
est propriē definitū, non verò res
pro qua cōcretū supponit, ut dictū
est: ergo iā secūde intēctioni præcisē
secundū id, secundū quod est diffini-
tum, non potest. conuenire ut *quod*
diffinitio, sed tantū ut *quo*. Et sic
perstat inconueniens argumenti.

Resp. ergo, argumentū esse quīdē
difficile apud illos, qui huiusmodi
diffinitiones cōcretorū à perfectio-
ne diffinitionis degenerare nō ad-
uertūt; tenētur enim cōsequenter
assignare aliquod diffinitū, cui ut
quod cōueniat definitio. Nos verò
facilē ex dictis respōdemus, in diffi-
nitione perfecta necessariò assignā-
dū esse diffinitū, cui ut *quod* conue-
niat diffinitio; quia ibi solū explica-
tur natura definiti, & nihil aliud cō-
notatur: ac proinde eadē res est quā
significat, & pro qua supponit no-
mē diffiniti. At verò cū diffinitio-
nes cōcretorū accidentalī dēgene-
rēt à perfectione definitionis; prop-
terea quòd nomen cōcretū signifi-
cat vnā rē, & supponit pro alia, ut
sup. n. 16. explicuimus: inde fit, ut in
huiusmodi diffinitionibus, præter
rē illā, quæ est definitū, fiat suppositio
pro re, in qua exercetur ipsa de-
finitio; & per cōsequens quòd tota
definitio non possit conuenire ut
quod, sed tantū ut *quo* ipsi rei, quæ dif-
finitur. Sic enim si nūc explicatur ef-
fectus accidentiū, quæ tantū est esse
principiū *quo* suorū effectiū: & in-
ueniuntur, tales effectus exerceri in sub-
iectis eorum, qui est proprius mo-
dus diffiniendi concreta acciden-

tium, quatenus concreta sunt.

47 Ad argumenta in principio fa-
cta respō. Ad primū, quòd ut rectē
glossat Cai. in hoc c. q. 2. ad vltimū,
& nos explicuim⁹ suprà circa procē.
Porph. n. 1. dictū illud Auic. *Logica*
tra. 3. de secundis intēctionibus ad-
iunctis primis, nō est sic intelligen-
dum, ut ex equo cōsideret vtrasq;,
aut de aliquo ex vtriusque aggrega-
to sit, sed de intentionibus formaliter
& per se, de rebus verò materia-
liter, & denominatiuē.

Ad secūdū negatur minor. Ad cu-
ius probationē respon. quòd ut defi-
nitio conueniret per se, & essentialiter
toti illi aggregato, seu cōposito
ex natura, & secūda intentione;
necessariū erat, quòd sicut secundæ
intēctioni ratione sui cōuenit essen-
tialiter esse principiū *quo* prædicā-
di, sic ipsi naturæ ratione sui, & non
ratione secūde intentionis cōueni-
ret essentialiter esse id *quod* prædi-
catur, ut sic ex vtraq; cōponeretur
integrū definitū. Ceterū qui asse-
rit, naturæ, formaliter ut denomina-
tur à secūda intentione, conueni-
re essentialiter prædicari ut *quod*;
totum refandit in ipsam intentionem:
& consequenter tenetur concedere
illam solam esse diffinitum.

48 Ad primum arg. secundæ sen-
tentia respō. Porph. & Arist. sta-
tim post diffinitionem generis, sub-
iunxisse exemplū in natura, ut ostē-
dant in huiusmodi diffinitionibus
ex modo diffinēdi fieri suppositionē
pro subiecto, tāquā in quo exer-
cetur diffinitio, ut explicatum est.

Ad secūdū resp. quòd licet na-
tura sit id quod prædicatur de plu-
ribus,

ribus, hoc tamen conuenit illi accidētaliter, etiam prout subiicitur secundæ intentioni, vt sup. ostendimus; & idē natura etiā prout sic, nō potest esse diffinitū. Benē autē secunda intētio, quāuis illa nō prædicetur, vt quod: quia huiusmodi diffinitiones concretorum solū vt quo debent conuenire illi rei, quæ propriē est diffinitum, propter rationem paulō ante adductam.

Ad tertiū, concesso antecedēti, & prima consequētia, negāda est secūda. Quāuis enim nomen cōcretum ex modo significandi supponat pro subiecto, sola tamen forma est res significata, & per consequens illa sola, propriē loquendo, est definitum.

QVÆSTIO IIII.

Quid ponatur pro genere in definitione huius, & aliorū predicabilium? ubi etiam statuuntur essentielles eorum diffinitiones.

Solutio etiam huius difficultatis magna ex parte cōstat ex dictis; eā tamen breuiter discutiemus, vt cōtrariorū argumēta dissoluamus.

Conueniunt ergo plures DD. in hoc, quod in definitione generis, & aliorum predicabilium, quando definiuntur, in concreto, non debet poni loco generis subiectum, seu natura denominata, sed aliquod concretum superius ad illa; sicque dicant, intelligendas esse diffinitiones Porphy.

Adhuc tamen diuisi sunt. Nā Lo banien. Titelm. & alij, quos refert Mas. hic scēt. 1. q. 5. dicunt, genus in his diffinitionibus esse *uniuersale*, & ita sensum earū esse: genus est

uniuersale, quod prædicatur de pluribus differentibus specie; species est uniuersale, quod prædicatur de pluribus differentibus numero.

Cai. verō, Tolet. & Villal. in hoc c. dicunt, loco generis poni *predicabile*, quod putant exprimi in illa particula, *quod prædicatur*, sensumque definitionū esse; genus est prædicabile de pluribus differentibus specie; species est prædicabile de pluribus differentibus numero.

Tandem Niger, & alij, quorum meminit Mas. vbi suprà, dicunt, vtrumque; scilicet *uniuersale*, & *predicabile*, posse habere locum generis, parumquē referre, siue vnum, siue alteram constitutur.

§o Propria vniuscuiusque sententiæ fundamenta faciliē quisque soluet: & idē solum adducemus communia, quibus probatur, non subiectū sed concretum aliquod superius ponendum esse pro genere in his diffinitionibus. Quod suadetur primō: quia diffinitio essentialis, & quælibet eius pars, prædicatur essentialiter de diffinito, vt docet Arist. 1. Posterior. c. 4. sed subiectum, seu natura, denominata in recto significata non prædicatur essentialiter de genere, aut alijs predicabilibus; aliās ens reale prædicaretur essentialiter de entibus rationis; ergo subiectum, seu natura denominata non potest poni in recto, seu pro genere in diffinitionibus illorum.

Cōfirmatur, quia definitio, & de finitū sunt idē, vt docet ex Arist. D. Tho. 1. d. 25. q. 1. a. 1. ad 2. sed secūda intētio, quā diximus esse definitum in his diffinitionibus, non est

idem quod subiectum, seu natura posita loco generis: ergo non est idem cum tota definitione.

Secundò probatur argumento supra q. 2. facto, cuius solutionem in hunc locum remissimus. Quia subiectum, seu natura, quæ denominatur a secundâ intentione generis, aut aliorum prædicabiliu, nõ est quid vniuocum respectu omnium subiectorum, aut naturarum, quæ possunt recipere tales intentiones; siquidẽ nõ solum in prædicamentis, sed etiã in entibus rationis inueniuntur genera, species, & alia similes intentiones, quibus tamẽ omnibus nihil potest esse vniuocè cõmune, vt patet: ergo subiectum, seu natura non debet poni pro genere in diffinitione generis, & aliorum prædicabilium.

51 Prima conclusio. Id quod ponitur loco generis in diffinitione generis, & aliorum prædicabiliu quando definitur in cõcreto, est subiectum, seu natura, eãq, significat relatiuũ illud *quod*, a Porph. positũ. Hanc esse mentẽ Arist. & D. Tho. euidentẽ est ex dictis q. 2. quos sequuntur inter alios Sõc. 7. Methap. q. 6. Zanard. ibidẽ q. 3. Paul. Venet. & lab. in hoc c. Mas. vbi sup. qui addit auctoritate D. Th. cõuictos grauissimos modernos illã profiteri, quã etiã defedũt Cab. hic d. 1. dub. 4. & Rub. q. 3. qui plures alios adducit.

Breuius probatur ex dictis: quia in diffinitionibus cõcretorum accidentalium, tam realiũ quã rationis, subiectum ponitur loco generis, non verò aliquod cõcretũ superius, vt ostensum est loco citato: sed genus, species, & alia prædicabilia sic sig-

nificata sunt cõcreta accidentalia rationis, vt omnes fatentur; ergo in eorũ definitionibus subiectum ponitur loco generis. Sed subiectum horum accidentiu est natura denominata; ergo illa ponenda est loco generis.

Quod autẽ hæc fuerit mens Porphyri. colligit benẽ Rub. tũ ex eo, quod Arist. a quo fere omnes istæ diffinitiones sumptæ sunt, sic cõsuevit definire huiusmodi cõcreta rationis, vt suprà vidimus: tũ etiã, quia exponens Porphyri diffinitionẽ generis expressẽ inquit, indiuiduũ excludi per illã particulã, *quod prædicatur de pluribus*, quod falsum esset si *uniuersale* esset genus diffinitionis. Cũ enim indiuiduũ nõ sit uniuersale, iam esset verbo, *uniuersalis* exclusum: & per consequens superuacaneum esset illud rursus excludere per particulas, quæ se tenent ex parte differentiar. Imò etiam esset impossibile: nã propriẽ loquẽdo per differentia diffinitionis definitũ nõ distinguuntur nisi ab illis cũ quibus cõuenit in genere, quod in cõueniens cessat, si in illo relatiuo *quod* subintelligitur natura, & sensus diffinitionis sit: genus est natura, quæ prædicatur de pluribus, &c. vt cõsiderati patebit. Manet, ergo hæc esse legitimã eius intelligentiã.

52 Secunda conclusio. Quãdo generitas & alia intentiones prædicabiliũ in abstracto significatæ definitur, *uniuersale* eis debet poni loco generis. Hæc assertio recipitur ab omnibus, estq; ex dictis manifesta. Cũ enim diffinitiones abstractorum accidentalium sint propriæ, & perfectæ diffinitiones, vt suprà expli-

explicatum est; in eis ponitur pro genere id, quod est verè genus diffinitum: sed huiusmodi est vniuersalitas respectu genereitatis, & cæterarum intentionum, vt ostendimus disp. 4. n. 58. ergo vniuersalitas ponitur pro genere in diffinitionibus illarum.

Hinc iam facillè formari possunt essentielles diffinitiones harum quinque intentionum in abstracto. Si enim *vniversality* est propriè genus earum, & differentie essentielles, per quas distinguuntur, sumendæ sunt ex proprijs, & adæquatis earum subiectis, quæ explicuimus loco citato n. 48. sic iuxta regulam statutam essentialiter diffinientur: *Genereitas est vniversality natura perfectibilis, seu constituibilis: Specieitas est vniversality natura perfecta, seu constituta: Differentialitas est vniversality natura perfectiua, seu constitutiva: Proprietareitas est vniversality nature profluentis ab essentia: Accidentality est vniversality natura extrinseca, seu contingens.* Cû autem ex diffinitione abstracti formetur diffinitio concreti inuertendo terminos, hæc erit essentialis diffinitio generis, *Genus est natura perfectibilis vniversalis*, per quem etiam modum fornantur essentielles diffinitiones aliorum predicabilium, & sic omnia consonant. Vnde etiam facillè quisque intelliget, in quo deficiant plures definitiones essentielles generis, quas tradunt alij, & refert Sanch. libr. 3. Logicæ quæst. 5. & ideo illas omitimus.

53 Dices: quomodo vniuersale ponitur pro differentia in prædicta

definitione essentiali generis; cû potius vniuersale sit predicatum superius, in quo conveniunt quinque predicabilia. ¶ Hoc argumentum generaliter contra modum diffiniendi concreta accidentalia, solui-
mus supra quæst. 2. & nunc denuo obijcimus, vt facillè quisque sciat doctrinam illam communem his predicabilibus applicare.

Respondetur ergo, non esse inconueniens, vt id, quod in diffinitione genereitatis est propriè, & simpliciter genus, sit secundum quid differentia in diffinitione generis: quia propter diuersum modum significandi abstracti, & concreti fit conuenientia per diuersam lineam, & respectu diuersorum. Quando enim definitur genereitas, conuenientia fit secundum lineam, seu diuisionem essentialem; & per consequens cum intentionibus eiusdem generis, nempe cum specieitate, & alijs vniuersalitatibus; & ita ponitur pro genere *vniversality*, quæ est verum genus illarum; & pro differentia, *natura perfectibilis*, vnde sumitur vera differentia genereitatis. Quando verò diffinitur genus: conuenientia fit secundum lineam, seu diuisionem subiecti in accidentia, & per consequens cum intentionibus diuersi generis, nempe cum subiecitabilitate, aut alijs, quæ possunt esse cum genereitate in eadem natura perfectibili, & sic ponitur pro genere tale subiectum, in quo conueniant, & pro differentia *vniversale*: quia per illud distinguitur genus à subiecitabili generico, & ita secundum quid

quid habet rationem diffinitivæ, ut consideranti patebit.

54. Ad argumenta responderetur. Ad primum, quod Arist. dictum procedit de diffinitione, quæ simpliciter, & perfectè est diffinitio, & de partibus, quæ verè, & quoad rem significatam, sunt partes diffinitionis: hæc enim constituunt essentiã diffiniti; & per consequens de illo essentialiter prædicantur. Subiectum autem, seu natura denominata non ponitur in recto in diffinitione concreti, quia prout sic sit vera pars eius: sed quia ex modo significandi concretum supponit pro subiecto, ut explicatum est, & ita non est necessarium, ut subiectum prædicetur essentialiter de diffinito.

Per quod patet ad confirmationem. Dicimus enim, diffinitionem, quæ simpliciter, & perfectè est diffinitio; quia nihil aliud præstat, nisi explicare essentialiam diffiniti, nihil aliud continere nisi partes essentielles eius; & ita esse omnino idem cum diffinito. Definitionem verò, quæ ex modo significandi sic explicat essentialiam diffiniti, ut simul etiã exprimat id, in quo exercetur talis definitio, continere aliquid aliud præter essentialiam diffiniti, & ita ex hac parte non posse esse idem cum illo. Et hoc est, quod contingit in diffinitione generis, & aliorum concretorum accidentalium.

Ad secundum responderetur, quod quia in diffinitione concreti nõ ponitur ut genus, id quod est verè genus diffiniti; sed id pro quo concretum supponit, ut sepè explicatum

est; idè non est necessarium, ut genus in diffinitione concreti supponatur universaliter distributivè; sed potest supponere indeterminatè, & vagè pro una, vel altera natura, absque eo quod detur aliquis gradus, seu cõceptus, illis univoce cõmunis; & ita quantumcunque diversæ sint naturæ, quæ denominantur à secundis intentionibus prædicabilium; adhuc natura potest habere rationem generis in definitionibus eorum, diffinitionesque erunt legitimæ; quia supponunt indeterminatè pro qualibet natura, ut explicatum est.

55. Dices: subiectum quod ponitur in diffinitione accidentium realium, supponit universaliter distributivè, & est univocum respectu subiectorum inadzquatorum; ergo idè dicendum est de subiecto, quod ponitur in diffinitione accidentium rationis. Cõsequentiã patet à paritate rationis. Antecedens verò probatur: quia quãdo dicimus albam est perspicuum disgregativum visus: vel simum est nasus curvus, *ly, Perspicuum, & nasus*, distributivè supponunt pro omnibus perspicuis, & nasibus; & sunt univoca respectu illorum, quod etiam patet in alijs exemplis.

Respondetur: transeat antecedens: non enim propter hoc possumus examinare, quomodò subiectum adzquatum accidentis realis sit univocum, respectu subiectorum inadzquatorum. Hoc tamè dato, negatur consequentiã: est enim quoad hoc inter accidentia realia, & rationis disparitas valde notanda; & cõsistit

In hoc, quod subiectū respectu acci-
dētū realiū nō est merē subiectū,
sed habet etiā rationē principij, &
causæ, vt enim sup. n. 24. diceb. inus
accidēs reale habet intra substantiā
principium adæquatū a quo causatur,
& hoc est eius subiectum pro-
priū. Cū autem principium
accidentis per aliquā vnā rationem
nō constituitur in esse principij
eius; consequens est, vt etiā
per aliquā vnā rationem con-
stituatur in esse subiecti talis acci-
dentis; ac proinde quod subiectum
in eius definitione possit suppone-
re distributiōē, & esse vniocū ad
omnia subiecta, in quibus reperi-
tur tale accidens. Ad verō respec-
tū accidentis nō rationis; cū non
causentur in rebus ex principij, in-
trinsecis earum, sed a causa merē
extrinseca, nēpe ab intellecta; sub-
iectū nō habet meram rationē sub-
iecti, & sic non est necessarium
quod in esse talis constitutur per
aliquā rationem vniocā, sed
potest intellectus rebus quantum-
uis diuersis tribuere ista accidentia
rationis. Ex quo tandem fit, non es-
se necessarium, vt subiectum adæ-
quatum eorum supponat distributi-
uē, vel sit vniocum, etiā si id reperi-
atur in accidentibus realibus.

56 In fine huius quæstionis, an-
requā ad propria huius prædica-
bilis accedamus, vt ipsū, & alia
cōprehendas, penetresque quo tē-
dant difficultates, quas deinceps
de vnoquoque instituemus, & quō
modo ad institutum dialecticū per-
tineant; considerandum est, quod
cū plena notitia harum intentio-

nūm pen- leat ex comprehensione
propriæ diffinitionis, ex præceden-
tibus autem disputationibus satis
constet; quid sit vniuersalitas, quæ
est genus earum, solū restat pene-
trare propria subiecta, per quæ il-
las diffiniuimus. Quid scilicet sit
natura perfectibilis, seu potentia-
lis, quid natura perfecta, siue a-
ctiua, &c. Et ad hoc ordinantur
quæstiones deinceps instituendæ
in his disputationibus, vt considerā-
ti patebit, & sub hac ratione diale-
cticus mouet illas.

Q V A E S T I O V.

*An natura generica prædicetur de
speciebus vt totum, vel vt pars,
& quo modo contineat
differentias?*

57 Q Vamuis prius sit naturam
esse vniuersalem, quā præ-
dicabilem, quia tamen quantum
ad hoc, idem iudicium est de vtro-
que, merito a Doctoribus quæstio
hæc agitur de natura respectu
prædicabilitatis, quæ nobis notior
est, vt potē propria passio vniuersa-
lis. Et sic sensus quæstionis est: an na-
tura generica, vt anima, recipiat
intentionē vniuersalis, aut prædica-
bilis, secundum quod habet ratio-
nem totius respectu specierum,
vel quatenus consideratur vt pars
illarum. Cū enim genus commu-
niter appellatur totum potentiale,
& simul etiā sit pars speciei; siqui-
dem ex illo, & differentia componi-
tur species, merito dubitatur, quo-
nam ex his modis natura generica
prædicetur de speciebus. In qua

quæstione multa solent aliqui Doctores adiacere, pluresque assignare generis acceptiones, sed id fortè ab imis fundamentis non deducitur, nec explicat quid, animal, verbi gratia habeat, quâdo sumitur ut totum, & quando sumitur ut pars; aut quomodo ex genere, & differentia fiat compositio: quæ tamen omnino necessaria sunt ad plenam huius rei intelligentiam.

Ut ergo à certioribus incipiamus, primum certum est, animal, aut quodlibet aliud genus generalissimum tantum excepto simul esse genus, & speciem subalternam; quia, ut disp. sequenti videbimus, quodlibet genus intermedium potest comparari, vel ad inferiora, & sic habet rationem universalis, seu prædicabilis, vel ad superius genus, & sic habet rationem subijcibilis. Primum illo modo appellatur genus, isto verò secundo dicitur species subalterna, sicque est totum actuale, compositum ex genere superiori, & propria differentia, quæ actu includit, non minùs ac species infima includit proprium genus, & vitam differentiam, ex quibus actu componitur. Quia tamen animal, aut quodlibet aliud genus, solum est totum actuale, & species respectu superiorum, non verò respectu inferiorum, de quibus prædicatur; hinc est, quòd nunquam genus prædicatur de speciebus ut totum actuale, cum actu nò sit tota essentia earum, sed hoc proprium est speciei infimæ respectu individuorum, & ideo de illis prædicatur ut totum actuale. Aliter ergo prædicatur genus

de speciebus, & hoc est, quod in presenti quæstione inquirimus.

58 Secundò ex dictis disp. 4. m. 29. satis constare potest, id, quod est vere pars respectu alicuius, non posse prædicari de illo; & per consequens ut aliquid prædicetur de alio, debere habere aliquomodo rationem totius respectu illius. Si enim animal (inquit D. Thom. c. 3. de ente, & essentia) non esset totum, quod est homo, sed pars eius, non prædicaretur de eo; cum nulla pars integralis prædicetur de suo toto. Quod etià docet 7. Met. lect. 12. & constat manifesto signo: quia eadè res, nempe materia significata per modum totius, verè prædicatur de homine: dicimus enim, *Homo est materialis*; significata verò per modum partis falsò de illo enuntiatur: nò enim dicimus, *Homo est materia*, & idè cernitur in anima, & alijs partibus. Quare cum omnia prædicabilia, verè prædicentur de suis inferioribus, necessariò asserendum est, nullum eorum posse prædicari ut veram partem suorum inferiorum, sed ut aliquomodo habet rationem totius, ut expressè docet Arist. 1. Physic. cap. 1.

Et quidem de proprio, & accidenti res est manifesta: nam quando prædicatur prædicatione quarti, & quinti prædicabilis, necessariò significatur in concreto, ut vidimus sup. disp. 4. n. 26. concretum verò semper significatur per modum totius, ut ibidem diximus: ergo proprium, & accidentis nunquam prædicatur ut partes, sed ut tota. De genere autem, & differentia, & proportio-

proportionabiliter de specie, est specialis difficultas: quia quodlibet eorum potest considerari, ut totum; & ut pars metaphysica, ut infra explicabimus. De quibus, quâvis in prima consideratione certum sit, posse prædicari de inferioribus; merito tamen dubitatur: an etiam possint prædicari, quatenus considerantur ut partes metaphysicæ: quia huiusmodi partes non sunt veræ, & propriæ partes, sed magis videntur quedam tota. Unde tota quæstionis solutio pendet ex cognitione compositionis metaphysicæ, & partium eius; inde enim constabit: an illis prout sic conveniat, vel repugnet prædicari de inferioribus?

Vbi tandem nota; Doctores de genere tantum controuertere hanc quæstionem: quia quidquid de eo dictum fuerit, facile potest applicari differentiæ, & suo etiam modo speciei; siquidem species etiam consideratur ut pars, quæ cum differentia numerica componit indiuiduum.

§. I.

QV ID SIT COMPOSITIO, quam appellant metaphysicâ,
& quomodo sumantur
partes eius?

39 (Compositio, quæ in eadem re fit ex materia, & forma, solet appellari physica, seu naturalis; cuiusque partes, scilicet materia, & forma partes physice, seu naturales. Et merito quidem: nam omne compositum ex materia, & forma continetur sub obiecto Philosophicæ

naturalis; ac proinde compositio ipsa, per quâ resultat, & partes etiam ex quibus resultat, pertinet ad Philosophiam naturalem, & de illis agit Aristot. in libris Physicis.

Præter hanc autem compositionem, inuenitur alia, quæ fit ex diuersis gradibus eiusdem essentia; quorum alter significatur, ut materia, seu per modum potentia; & est quid commune; alter verò ut forma, seu per modum actus, & est quid proprium. Ut in homine, præter compositionem realem ex materia prima, & anima rationali consideratur alia compositio ex gradu quodam communi, in quo homo conuenit cum alijs, nempe animali, & ex alio proprio, per quem ab illis distinguitur, scilicet rationali. Illud appellamus genus: istum verò differentiam; & sic dicimus speciem componi ex genere, & differentia; Vbi genus, & differentia non sumuntur formaliter pro intentionibus, ut patet, sed materialiter pro ipsis gradibus, qui alias suscipiunt tales denominationes.

60 Hæc ergo compositio, frequenter appellatur metaphysica, & partes eius partes metaphysicæ, fortè in propria locutione: nam ad Metaphysicam non possunt pertinere omnes compositiones, quæ fiunt ex quibuscumque gradibus genericis, & differentialibus, sicut neque gradus ipsi, ut patet de generibus intermedijs, & differentijs diuisiuis eorum, quæ continentur sub corpore in prædicamento substantia; quæ ut talia sunt, non considerantur à Metaphysico. Nisi velis

compositionē hanc appellari metaphysicā; ad eum modum quo supra disp. 3. nu. 65. diximus, naturā, quæ denominatur vniuersalis, appellari vniuersale metaphysicū; vel per antonomasiam à digniori scientia, vel propter transcendentiam obiecti Metaphysicæ.

Quamuis autem propterea communis modus loquendi possit retineri; proprius tamen, & melius compositio ista ex genere, & differentia, & partes eius dicuntur compositio, & partes logica. Sicque ex Aristotele appellat illas D. Thom. 3. par. quæst. 90. artic. 2. & merito; tūm, quia sic melius distinguitur compositio hæc à compositione ex essentia, & existentia, quæ propriè dicitur, & est compositio metaphysica; tūm etiam, quia quamuis gradus ipsi generici, & differentiales, materialiter & secundum suam entitatem realem non pertineant ad obiectū Logicæ, formaliter tamen, quantum ad eorum distinctionem, & compositionem pertinent ad illā. Quia, vt postea dicemus, talis distinctio, & compositio fiunt ab intellectu, suntque entia rationis logicalia.

61. Explicatis: *an sit, & quid nominis*, huius compositionis: vt *quid rei* cognoscamus. Primò statuendū est, hanc compositionem non esse realem, nec partes eius, scilicet, gradus istos distingui realiter formaliter, vt loquitur Scot. neque aliqua alia distinctione ante intellectam, vt constat ex dictis disp. 3. nu. 35. Quæ doctrina frequens est inter Doctores, & præcipuè Thomistas; quamuis nonnulli eorum

oppositum senserint, vt notat Sanchez lib. 3. q. 8. In quam opinionem inclinare videtur Caiet. c. 3. de ente, & essentia, §. *alii dicunt*; sed re vera non discedit à communī sententia, vt constat ex eodem paulò infra, scilicet, cap. 4. sequenti q. 6. Quam etiam sequitur Ferrar. 2. contra gentes cap. 95. Bañez 1. de generatione cap. 4. quæst. 8. art. 1. Sone. 7. Metaphys. quæst. 36. Iabel. ibidem quæst. 18. Arauxo lib. 3. quæst. 4. & 6. Et alij plures, quos refert & sequitur Gallego hic controuer. 16.

Quæ sententia probatur, expresso D. Thom. testimonio, quæst. 27. de veritate, art. 1. ad 8. asserentis: *Ad hoc, vt aliquid sit in predicamento aliquo accidentis, non requiritur quod sit compositum compositione reali, sed solummodo compositione rationis ex genere, & differentia*, & cap. 3. de ente, & essentia 12, inquit de hac compositione: quod non est *Sicut ex duabus rebus tertiarum, sed sicut ex duobus intellectibus tertius intellectus*. Quem locū de distinctione, & compositione rationis intellexit Capreol. in 1. dist. 8. quæst. 2. artic. 3.

Ratione etiam suadetur eadem sententia. Tūm, quia si animal verbi gratia, & rationale distinguerentur realiter in homine, essent verè, & realiter partes eius; & per consequens nullo modo possent predicari de illo; quod patet esse falsum. Tūm etiam: quia, vt optimè colligit D. Thom. 1. par. q. 50. art. 4. ad 1. si genus, & differentia differrent sicut alia, & alia natura,

tara, & non tantum, vt determinatum, & indeterminatum, iam in eodem composito essent plures formæ substantiales, quod esse impossibile probat optimè Angelus Doctor, q 76. sequenti, artic. 3. & nos ostendimus libro 1. Physicorum. Cuius rationis efficacia constabit ex dicendis. Tum denique: quia si gradus genericus distingueretur realiter à differentia, haberet potentiam realem ad recipiendam illam, non minùs ac materia prima habet potentiam realem, vt aëtuetur per formam. Ex quo ulterius sequeretur, quòd sicut materia prima, quia habet talem potetiam in ordine ad plures, & oppositas formas, potest de vna in alteram transmutari; sic animal, cum necessariò respiciat plures; & oppositas differentias, posset de vna in alteram transmutari, quod est absurdum. Maneat ergo, gradum genericum, & differentialem non distinguere realiter, & ex còsequenti compositionem, quæ ex illis fit, solum esse còpositionem rationis. Neque in hoc est ampliùs immorandum, suppositis his quæ d. 3. n. 35. & sequentibus diximus de gradu specifico. & individuali. Videri tamen possunt Sanchez Gallego, & alij Auctores citati.

62 Supposito ergo, quòd gradus isti, qui significatur nominibus generis, & differentia, vt *animal*, & *rationale*, nò sunt à parte rei distincti, sed sola operatione intellectus; necessariò sequitur vtrumque nomen significare eandem rem à parte rei, scilicet essentiam hominis,

quæ à parte rei est vna entitas realiter còposita ex materia, & forma; sicut quælibet alia essentia rerum materialium; ac proinde *animal* non importare solam materiam, nec *rationale* solam formam, sed vtrumque; nomen significare totum compositum. Oporteret autem explicare, quid distinguat intellectus in hac eadem entitate, vt ex ea sumat genus, & differentiam: inde enim planum fiet, quæ sint partes istæ, seu gradus, & quomodo possint de specie prædicari. Et tandem detegemus radicem, vnde sumi debent genus, & differentia. De quo agendum est quæstione sequenti. Pro quo

63 Secundò sciendum est, in quolibet còposito substantiali non esse plures formas substantiales, vt probabimus lib. 1. Physicorum, & docet sæpè D. Thom. sed in homine verbi gratia, tantum esse vnicam materiam primam, & vnicam formam substantialem, ex quarum coniunctione resultat homo; inter quas partes talis est ordo, vt altera sit potentia simpliciter, altera verò, actus simpliciter: huius proprium est dare esse, & constituere: illius verò recipere tale esse, & per formam constitui. Vnde materia prima ex se neq; est homo, aut equus, neque animal, aut viuens, &c. sed à forma habet quodcumque esse actuale in illa repertum. Forma verò iuxta maiorem, vel minorem perfectionem vnica, & eadem existens, plures, vel pauciores perfectiones tribuit materiæ, ex eo, quòd sit radix plurium, vel paucarum operationum.

Non quod perfectiones istæ essentiales, quarum forma est principium, sint à parte rei actu distinctæ; cum forma sit una in una materia: sed quia ex diversis operationibus, quarum forma est principium, colligimus ipsam quasi eminenter, seu virtualiter continere illas perfectiones. Verbi gratia, anima rationalis per sui unionem cum materia, non solum tribuit illi esse hominem, sed etiam esse animal, viuentem, corpus, &c. quia constituit quandam essentiam, à qua oriuntur non solum operationes intellectus, sed etiam sensus, nutritionis, &c.

Cum ergo intellectus cernens has operationes, videat aliquas soli homini convenire, ut *intelligere*, & *velle*: alias non solum illi; sed etiam animalibus, ut *sentire*; alias non solum animalibus, sed etiam plantis, ut *augeri*, & *nutriri*, & sic de alijs; distinguit in eadem essentia plures gradus, alios alijs superiores, apprehenditque gradum inferiorem, semper addere aliquam perfectionem gradui superiori. Qui omnes gradus totam entitatem hominis, scilicet compositum ex materia, & forma, importat: diversimodè tamen: nam quia intellectus potest distinguere in tali forma radicem unius perfectionis, à radice alterius; potest consequenter uno nomine significare compositum, scilicet materiam cum forma dante solam perfectionem superiorem: & alio nomine eandem materiam cum eadem forma dante etiam ulteriorem perfectionem; & ita distinguuntur nomina

significantia gradus prædicamenti substantiæ: nam *corpus* significat compositum ex materia, & forma, secundum quod est principium quantitatis: *viuens* significat idem compositum ex materia, & forma, secundum quod est principium vitæ. *animal*, secundum quod est principium sentiendi; & tandem *homo*, secundum quod est principium intelligendi. Quæ perfectiones, quia habent rationem actus respectu gradum superiorum, & contrahunt illos, significantur nominibus adiectivis, scilicet, *rationale*, *sensibile*, *animatum*, &c. Et ita ex gradu superiori, quod est *corpus*, & perfectione superaddita significata adiectivè, scilicet, *animatum*, constatur gradus inferior, nempe *viuens*. Et idem proportioneabiliter contingit in cæteris, ut considerati patebit.

64 Cæterum, quia quilibet istorum graduum simul est totum respectu inferioris, cum illum contineat in confuso; & etiam pars eius, cum includatur in eo; investigandum restat, quomodo sit pars, & quomodo totum. Quod explicat eleganter Dion. Thom. cap. 3. de ente, & essentia (unde de doctrina hætenus tradita desumpta est) adducens exemplum, in *corpore*, & *animali*. Cum enim nomen *corpus*, significet compositum ex materia, & forma secundum illam perfectionem, à qua profluit quantitas, ut dictum est, quæ perfectio ex se, neque includit actum ulteriorem perfectionem, neque illam excludit; (homo enim ex eo, quod habet

habet perfectionem, quæ est radix quantitatis, neque acta dicit perfectionem vitæ, neque prohibetur habere illam.) Inde fit, ut corpus possit vno modo concipi cum præcisione vltioris perfectionis, excludendo scilicet per intellectum quilibet aliam perfectionem, quæ non sit de conceptu corporis; quomodo est pars materialis hominis: siquidem non continet omnem perfectionem, quæ est in homine, sed potius excludit, & distinguitur à perfectione viuendi, aut sentiendi. ¶ Secundo modo potest considerari corpus, ut dicit perfectionem, seu formam, à qua profluit quantitas, quæcumque sit talis forma, siue tribuat hanc solam perfectionem, siue alias vltiores addat. Et hoc modo corpus non præscindit, neque excludit tales vltiores perfectiones, sed potius in confuso, & in potentia continet illas: sicque est totum respectu hominis; siquidem aliquomodo continet, quodquid reperitur in homine.

65 Idem etiam cernitur in *animali*. Si enim sumatur, ut significat perfectionem sentiendi, cum præcisione, & exclusionem vltioris perfectionis, est pars hominis, siquidem prout sic non dicit totum quod est in homine, sed distinguitur à perfectione ratiocinandi, & cum illa componit hominem. Si verò *animal* sumatur, ut dicit perfectionem, seu formam sentiendi, quæcumque sit talis forma, siue sit sensitiua tantum, siue simul etiam intellectiua, sic in confuso, & in po-

tentia continet omnem perfectionem hominis, & aliorum animalium; & per consequens est totum respectu illorum. Videatur etiam D. Thom. 7. Meta. b. lect. 12. ubi optimè explicat, & probat hanc doctrinam.

Quæ etiam proportionabiliter applicanda est differentie, ut in principio questionis notabamus. Si enim differentia, verbi gratia, *sensibile* sumatur cum præcisione, ut scilicet excludit perfectionem gradus superioris, & quilibet etiam perfectionem vltiorem, habet rationem partis. Si verò sumatur absque ista præcisione, & ut aliquo modo includit in confuso, quidquid est in illis, quorum est differentia, sic habet rationem totius respectu illorum. Comparatur autem ad ea, non ut quid perfectibile, & potentiale, sicut genus, sed ut quid perfectum, & actiuium illorum, ut per se patet. Cum ergo omnis compositio necessariò fiat inter partes, quæ ratione sunt partes, planè sequitur, quòd genus, & differentia non pertinent ad compositionem speciei, quæ ratione sumuntur ut tota; & ex consequenti compositio ista sit ex gradu generico, & differentiali, ut sunt formaliter partes, & sumuntur cum mutua præcisione. Per quod tandem explicatum manet, quid sit compositio ista metaphysica, vel potius logica, & quomodo sumantur partes eius. Videatur D. Thom. locis citatis, & Cajetan. etiam, qui optimè explicat doctrinam illius, cap. 3. de ente, & essentia.

§. II.

TRACTATUS PRAECI-
pua difficultas, & quæstio
resoluitur.

66 **H**Is necessariò prælibatis, ad quæstionem initiò proposi-
tâ redeunt inquirimus: an quan-
dò animal, verbi gratia, prædica-
tur de homine, prædicetur de illo,
qua ratione est pars in cõpositione
metaphysica eiusdem hominis: an
verò qua ratione est totum poten-
tiale respectu eius? Et quia pars ge-
nerica hominis, nempe animal, po-
test considerari vt actu componit
hominẽ, quomodò est pars actualis
eius; & vt antecedit actualem
cõpositionem, quomodò appella-
tur pars potentialis; (ad eum mo-
dum quo materia prima, vt actu est
vnita formæ, dicitur pars actualis
compositi, & antequàm vnatur
dicitur pars potentialis) ideò de
vtrouque procedit difficultas. Et
inquit: an animal non solùm præ-
dicetur de homine, qua ratione est
totum potentiale, de quo non po-
test esse dubium, sed etiam prædi-
cetur de illo, qua ratione est pars
actualis eius, vel saltem qua ratione
est pars potentialis illius.

67 Prima sententia, absque di-
stinctione partis actualis, & poten-
tialis, docet, naturam genericam
posse prædicari de speciebus, non
solùm qua ratione est totum, sed
etiam vt est pars metaphysica illa-
rum. Citantur pro hac sententia
Paulus Venerus cap. de specie, &
Scot. q. 16. prædicabilium. Eam
defendunt Oñe art. vlc. huius capi-
tis, Sanch. lib. 3. q. 9. & alij.

Probatur primò ex Arist. 1. Po-
steriorum cap. 4. vbi inter modos
per se, enumerat prædicationẽ, qua
definitio, & partes eius prædican-
tur de definito: ergo genus, & dif-
ferentia non solùm quatenus sunt
quædam tota, sed etiam quatenus
partes prædicantur de specie.

Secundò probatur ratione fun-
damentali huius sententiæ: quia
partes istæ metaphysicæ multũ dif-
ferunt à partibus physicis, & ratio
quare istis repugnat prædicari om-
nino cessat in illis: ergo non est con-
negetur, genus, & differentiam pos-
se vt partes prædicari. Probatut
antecedens: quia partes physicæ
sunt veræ, & propriæ partes, distin-
guunturque à toto distinctione rea-
li includentis ab inclusio, & ideò in
definitione eius non ponuntur in
recto, sed in obliquo: non enim di-
cimus: *Homo est materia, & forma:*
sed, *homo est ex materia, & forma.*
Nihil autem horum inuenitur in
gradu generico, & differentiali;
non enim sunt veræ, & propriæ par-
tes, cum significant totum compo-
situm: nec sumuntur ab aliqua par-
te essentia, sed à tota illa; propter
quod etiam in definitione non po-
nuntur in obliquo, sed in recto, si-
quidem non dicimus: *homo est ex*
animali, & rationali: sed, *homo est*
animal rationale. ¶ Alias ratio-
nes adducit Sanch. quas in præsen-
ti omittimus: quia ex dictis facillimè
soluuntur, vel tantum conclu-
dunt in sensu materiali illud, quod
est pars metaphysica, prædicari de
toto, licet nõ quatenus pars, quod
nemo dubitat.

Secunda sententia asserit, naturam genericam posse prædicari de speciebus, ut est pars potentialis, licet repugnet illam prædicari, ut est pars actualis in compositione explicata. Ita Canterus in hoc cap. dub. 3. Et potest breuiter suaderi: quia ideò natura generica, ut componit speciem, non potest prædicari de illa, quia ut sic amittit potentialem continentiam, qua continebat species, & earum differentias, quæ tamen continentia necessaria omnino est, ut genus prædicetur de speciebus, sed talem continentiam potentialem nondum amittit, quando consideratur ut pars potentialis; ergo prout sic potest prædicari de speciebus.

68 Nihilominus tamen absolute dicendum est, naturam genericam (& idem proportionabiliter est de differentiali) non posse prædicari de speciebus, qua ratione est pars in compositione metaphysica illarum, sed quandocumque prædicatur de eis, necessario debere sumi ut totum. Ita colligitur ex Arist. 2. Poster. cap. 8. & 5. Metaphys. ut postea videbimus. Docentque expressè Porphyrius, cap. sequenti, & D. Thom. opusc. 48. tract. 1. cap. 4. in primo d. 25. q. 1. art. 1. ad 2. de ente, & essentia, cap. 3. sæpè citato. Quibus locis explicat optimè, quomodo *corpus*, & *animal*, & alia genera non sunt genera, nec prædicabilia respectu specierum, secundum quod sumuntur ut partes, & cum præcisione ulteriorum perfectionum, sed secundum quod sumuntur, ut quædam tota in con-

fuso, & in potentia quidquid est in speciebus continentia. D. Tho. sequuntur Caiet. eodem c. 3. Sot. hic q. vnica art. 2. (qui optimè notat, genus quando sumitur ut pars, formaliter prout sic non abstrahere abstractione vniuersali, sed potius abstractione formali, ratione cuius non contingit prædicatio, ut vidimus supra disputatione 4. numero 30. Masius sect. 2. quæst. 2. Rubio quæstion. 5. Suarez disp. 15. Metaphysicæ sect. 11. num. 16. & communiter Doctores.

Probatur, & explicatur conclusio ex dictis: quia ut aliquid prædicetur de alio, debet saltem consuli, & in potentia continere totum, quod est in illo. Sed gradus genericus, & differentialis, licet significant totum compositum ex materia, & forma, tamen formaliter quatenus sumuntur ut partes, non significant illud secundum omnes perfectiones, quas in se habet, sed cum mutua præcisione, & exclusionem aliquarum, ut explicatum est; ergo formaliter prout sic non possunt prædicari de composito, sed solum quatenus induunt rationem totius. Minor, & consequentia constant ex dictis: Maior etiam admittitur communiter ab omnibus, eamque planè conuincit ipsa forma prædicationis, quæ propriè loquendo non importat vniuersalem, sed idèritatem prædicati cum subiecto. Ad quam (si prædicatio sit formalis, & non identica) requiritur, quod prædicatum consule, & in potentia sit totum id, quod actu includit subiectum, & quod

subiectum actu, & distinctè sit totum id, quod actu includit prædicatum.

Confirmatur: quia partes physicae, & reales hominis non possunt in recto prædicari de illo, quia à parte rei non continent totum, quod est in homine: ergo pari ratione, quæ per intellectum sunt partes hominis, formaliter prout sic, non possunt in recto prædicari de illo; siquidem quatenus ab intellectu sumuntur ut partes, non continent totum, quod est in homine. Quæ rationes æquè militent contra primam, & secundam sententiam supra relatas; repugnat enim, quòd pars metaphysica, siue consideretur, ut actu componit, siue, ut antecedit compositionem, formaliter quatenus pars est, contineat totum illud, quod continet compositum, cuius est pars, ut consideranti patebit.

69 Ad argumenta responderetur. Ad primum ibi Aristot. loqui materialiter, dum asserit, partes definitionis prædicari de definito. Et ita sensus est, gradus illos, qui sunt partes definitionis, prædicari de definito; non tamen formaliter ut sunt partes; hoc enim nihil referebat ad intentum Aristotelis. Nam ibi solum intēdebat statuere, quòd prædicationes, in quibus tota definitio, & partes eius prædicantur de definito, sunt in primo modo dicendi per se: quia sunt essentialiter; quod æquè verum est, siue partes prædicentur ut partes, vel ut tota. Et ita standum est commu-

ni doctrinæ, quam ipse tradit 5. Metaphysic. capite 25. ubi partes subiectivas in hoc distinguit à partibus integrantibus (sub quibus comprehendit partes definitionis, ut explicat Div. Thom. ibidem lectione 21.) quòd partibus subiectivis (scilicet speciebus respecta generis) adest tota essentia totius; partibus autem integrantibus, quatenus tales sunt, non adest tota essentia totius. Quod etiam tradit Divus Thomas 3. parte, quæstione 90. artic. 3. & quodlibeto 10. articulo 5. Ex quibus locis Aristotel. & Div. Thom. vrgens argumentum sumitur pro nostra sententia, ut patebit consideranti.

Ad secundum responderetur, quòd licet isti gradus, seu partes metaphysicæ, proximè non sumantur à singulis partibus physicis, nec significant solam materiam, aut formam; sed sumantur à toto composito, & significant illud; tamen quatenus partes sunt, non significant compositum; secundum omnes perfectiones, quas in se habet, sed cum præcisione facta inter illas: & ideo prout sic non possunt prædicari in recto de toto, sicut nec partes physicae. Differunt tamen ab his, quòd partes physicae, cum sint essentialiter partes, nunquam possunt habere rationem totius, simpliciter loquendo, & sic nunquam prædicantur in recto de composito. At verò istis gradibus accidit, quòd sumantur cum mutua præcisione, & consequenter esse partes, & prop-
terea

terea possant considerari absque tali præcisione, & habere rationem totius, simpliciter loquendo, sique considerata prædicari de toto.

Ad fundamentum secundæ sententiæ respondetur, quod quocunque modo natura generica sumatur ut pars, siue potentialis, siue actualis, semper sumitur cum præcisione alterius compartis; & ita prout sic excludit illam; & consequenter non habet continentiam potentialem requisitam ad prædicationem: siquidem in quantum pars, non continet quidquid est in toto.

70 ¶ Ex dictis soluitur secunda pars difficultatis in principio propositæ: quomodo scilicet genus contineat differentias. Dicendum est enim, continere illas non in actu, sed tantum in potentia. Adeum modum, quo materia prima continet in genere causæ materialis omnes formas: quod expressè tradit Aristot. 2. Poster. cap. 8. dicens: *Supponatur tale esse genus, ut sit secundum potentiam in plus*. Vbi D. Tho. lect. 1. 3. & opusc. 42. cap. 9. & 10. eandem sententiam docet, quam etiam tradit Porphy. cap. de differentia. ¶ Et quidem de genere, qua ratione est pars speciei, non potest dubitari solum continere alteram partem, scilicet differentiam in potentia; & non in actu; prout sic enim actu se inuicem excludunt, ut ex dictis patet. Similiter de genere, qua ratione est totum respectu specierum, idem necessariò est conce-

dendum: nam ut sic genus abstrahitur abstractione vniuersali, & separatur à differentiis: ergo non potest actu illas includere. Præterquam quod cum differentia diuisione generis sint oppositæ, si actu includerentur in illo, genus non haberet vnum cõceptum, aut significatum distinctum ab speciebus, sed immediatè significaret illas; & per consequens esset analogum, non enim obest confusa, & indistincta inclusio, ut in antepredicamentis videbimus de *ente*, quod quamuis confusè contineat prædicamenta; verè tamen est analogum, quia immediatè, & actu significat illa.

¶ Secundò inferitur, genus non prædicari formaliter de differentiis prædicatione, quæ sit propria alicuius prædicabilis, licet prædicetur verè de illis; hæc enim est vera, *rationale est animal*, sed non est prædictio formalis. Et ratio est: quia ad veritatem propositionis sufficit prædicatum aliquomodo continere subiectum, quod contingit in genere respectu differentiarum; tamen, ut prædictio sit formalis, ulterius requiritur, quod subiectum includat in se rationem prædicari, quod non contingit in differentia respectu generis. Semper enim differentia excludit genus, quia respectu eius semper habet rationem partis, ut ex dictis patet. Videatur D. Tho.

3. Metaphysic.
lect. 8.

QVÆSTIO VI.

*Vnde sumatur genus, & differentia
tam in substantijs, quàm in
accidentibus?*

71 **HAEC** difficultas tangitur à
Porphyr. cap. de differentia:
propter quod ab aliquibus ibi per-
tractatur. Sed quia ex quæst. præce-
denti pendet magna pars resolu-
tionis eius, non oportuit eam illuc
vlque differre.

Aristot. 7. Metaphys. text. 33.
sic ait: *Cum autem definitio ratio-
sit, omnis autem ratio partes ha-
beat, ac sicuti ratio ad rem, & pars
rationis ad partem rei se habet. Quæ
verba exponens D. Thom. inquit:
Sed dicendum est, quod partes diffi-
nitionis significant partes rei, in
quantum à partibus rei sumuntur
partes definitionis. Non ita quod
partes definitionis sint partes rei: nõ
enim animal est pars hominis, nec
rationale, sed animal sumitur ab
una parte, & rationale ab alia.
Animal enim est, quod habet naturã
sensitivam; rationale verò, quod ha-
bet rationem naturã autem sensiti-
ua est, ut materialis respectu ratio-
nalis. Et inde est, quod genus sumi-
tur à materia, differentia à forma;
species autem à forma & materia
simul.*

Idem prosequitur Philosophus
8. Metaphys. text. 9. dicens: *Qua-
re substantia est quidem, cuius con-
tingit diffinitionem, & rationem
esse, ut puta composita, siue sensi-
bilis, siue intellectualis sit. Ex qui-
bus autem hoc primis non est: siqui-*

*dem aliquid de aliquo significat ra-
tio diffinitionis, & oportet hoc quia
ut materiam; illud verò ut formam
esse. Vbi Arist. inducit contra ideas
Platonis argumentum Antisthenico-
rum probantiũ, nihil posse definiri,
quia quidditas rei est quid simplex;
definitio verò est sermo longus, ut
ipsi dicebant, compositus videlicet
ex partibus. Cui argumentò respon-
det, omnem substantiam, quæ defi-
nitur, esse compositam. Verba D.
Thom. lect. 3. in eius expositione
sunt: *Ad soluendum istam dubita-
tionem oportet dicere, quod substantia,
quæ definitur, siue sit intellectualis;
siue sit sensibilis, oportet, quod sit
composita. Ea verò, ex quibus primo
componitur, cum sint simplicia, non
contingit definiri. Dictum est enim
supra, quod ratio definitiva adiun-
git aliquid alteri, quorum unum est
ut forma, aliud ut materia; nam ge-
nus sumitur à materia; & differen-
tia à forma.**

Ex his, & alijs Aristotelis lo-
cis sumpserunt Diu. Thom. & cæ-
teri Philosophi hoc commune pro-
loquium: *Genus sumitur à mate-
ria, & differentia à forma*, quod
hic à nobis explicandum est. Et in
primis certum debet esse iuxta
hanc Aristotel. & Diu. Thom. do-
ctrinam, ut aliqua substantia pos-
sit propriè definiri, vel recipere
has intentiones, aut poni in præ-
dicamento debere esse compositam
aliqua compositione, vel mat-
eriæ, & formæ; vel essentiæ, &
existentiæ. Propter quod inter sub-
stantias solus Deus excluditur à
prædicamento, nec recipere po-
test

test intentiones generis, & differentia, aut etiam diffiniri: quia nec ex materia, & forma componitur, vt patet, nec essentia sua est aliud à suo esse, seu existentia, sed ipsum suum esse est essentia eius. Quam doctrinam tradit eleganter Angelicus Doctor capit. 6. de ente, & essentia, his verbis: *Triplex inuenitur modus habendi essentiam in substantijs. Aliquid enim est sicut Deus, cuius essentia est ipsum suum esse: & idè inueniuntur aliqui Philosophi dicentes, quod Deus non habet essentiam; quia essentia eius non est aliud, quam esse ipsius. Et ex hoc sequitur, quod ipse non sit in genere: quia omne quod est in genere, oportet, quod habeat quidditatem præter esse suum, &c.* vbi optimè notat Caietan. ad intentionem rationis Diu. Thom. sufficere, quod esse, seu existentia non sit de quidditate eius, quod est in genere: quod verum est in omni opinione, siue existentia distinguatur realiter ab essentia, siue nō. Proprium enim Dei est, quod existentia eius sit sua essentia; ita vt hæc propositio, *Deus est*, sit quidditativa, & in primo modo dicendi per se, quod nullo modo inuenitur in creaturis.

Quia tamen in creaturis idè existentia est extra conceptum quidditativum essentia in sententia D. Thomæ, quia realiter distinguitur ab illa; idè rectè Sanctus Doctor ex identitate reali, quā in Deo habet esse, seu existentia cum essentia, infert, Deum non contineri in prædicamento, nec componi ex

genere, & differentia; ac proinde nullum esse in Deo fundamentum ad formandos tales gradus. Ex quo tandem è contra sequitur planè, realem compositionem ex essentia, & existentia esse primum requisitum, vt creaturæ collocentur in prædicamento, & vt in eis inueniatur fundamentum ad formandam compositionem ex genere, & differentia.

72 Hoc supposito, & relicto Durand. in secundo distinctione 3. quæstion. 1. qui ita strictè intellexit dictum axioma, vt convenientiam genericam negaret inter illa, quæ nō habent materiam communem. Relicto etiam Vazquez 1. par. disput. 179. cap. 1. qui contra communem omnium consensum negauit genus sumi à materia, & differentia à forma, quem rectè impugnat Nazar. ibidem quæstio. 50. artic. 2. controuers. 2. Ex ijs, qui hoc proloquium admittunt, non omnes eodem modo illud explicant. Quidam enim, vt refert D. Thom. opusc. 42. cap. 4. quos sequuntur aliqui Moderni, asserunt, in substantijs materialibus genus sumi radicaliter à materia, & differentia à forma; at verò in substantijs spiritualibus genus sumi ab essentia; differentia verò ab existentia. Itaque sicut compositio physica ex materia, & forma in substantijs materialibus est fundamentum compositionis ex genere, & differentia; ita in Angelis asserunt hi Doctores compositionem realem ex essentia, & existentia esse fundamentum, super quod

fundat intellectus, & à quo sumit genus, & differentiam.

Hæc tamen sententia quoad secundam partem omnino falsa est, & contra D. Tho. opusc. citato. Ex cuius verbis planè conuincitur: inquit enim: *Cum autem omne quod est in genere ut completum existens, componatur ex genere, & differentia, genus autem sumatur ab eo, quod est in potentia, differentia verò à forma, siue actus; in substantijs verò separatim essentia est ut potentia; esse verò ut actus; sequi quibusdā videtur genus eius sumi ab essentia, differentia verò ab esse. Sed hoc nihil est: quia essentia est aliud ab esse Angeli, sed illud unde sumitur differentia, non est aliud ab essentia rei constituta per differentia. Quæ ratio euidenter est: repugnat enim differentiam sumi, seu fundari supra id, quod non pertinet ad essentiam eius, cuius est differentia; ut de se patet. Quam doctrinam præsequitur, & probat S. Doctor cap. 5. sequenti. Videatur etiā quodlibet 9. art. 6. ad 4.*

Alij verò, inter quos Suar. disp. 6. Metaph. sec. 1. 1. explicant dictū axioma per quandā similitudinē, & metaphorā; ita ut valde imiter verum sit in omnibus rebus, genus sumi à materia, & differentiam à forma, in hoc sensu, quod sicut materia est potētia de se indifferēs, ut de terminetur, & limitetur per formā; forma verò est actus ex se determinans, & constituens; sic similiter genus tā in substantijs spiritualibus, & corporeis, quā in accidentibus se habet ut potētia quādā, & materia indifferens; differentia verò, ut

actus, seu forma limitans, & constituens. Propter quam similitudinē genus, & differentia dicuntur desumi à materia, & forma.

Sed hæc etiam sententia relinquenda est; nō enim explicat, sed potius fugit difficultatē; quia sola illa proportio, aut metaphora extrinseca non est sufficiens fundamentū ad formandam compositionem ex genere, & differentia, nisi in ipsa re, in qua distinguuntur isti gradus, esset intrinseca radix, & reale fundamentum ad talem distinctionē, & compositionem. Ergo intra ipsam essentia Angeli, vel hominis, verbi gratia, debet assignari radix, unde sumantur gradus generici, & differentiales eorum; & hoc est, quod in præsentī inuettigamus. Quare planè fugit difficultatem, qui in eius explanatione recurrit ad dictam similitudinē, & analogiam generis, & differentia, cum materia, & forma.

73 Pro solutione ergo difficultatis sciendum est, aliud esse, loqui de proximo fundamento, super quod fundantur, & à quo sumuntur gradus generici, & differentiales; aliud verò de fundamento remoto, seu prima radice à qua tales gradus oriuntur, & sumuntur. Loquendo in priori sensu ex quo præcedenti constat, totam essentiam esse, à qua sumitur tā gradus genericus, quā differentialis, siue in Angelis, siue in corporibus, aut accidentibus: nomina enim significantia tales gradus in quacūque essentia significant totam illam, & non aliquam eius partem, ut ibidem latè explicuimus. Et constat in Angelis: nomen

enim significans gradum genericum, in quo omnes conueniunt, scilicet *spiritus*, & nomina, quibus propriam cuiuslibet differentiam circumloquimur, sumuntur, & significant totam essentiam Angeli, licet diuersimodè: nam gradus genericus significat eam, ut est radix perfectionis communis, in qua omnes Angeli conueniunt, scilicet, intellectualitatis, seu immaterialitatis; gradus verò differentialis significat eandem essentiam, ut est radix perfectionis particularis, & propriæ cuiuslibet Angeli. Quam quia ignoramus explicamus per talem intellectualitytem, & immaterialitatem. Et idem contingit in substantijs materialibus, & accidentibus, in quibus omnibus, ut inquit D. Thom. opusc. citato, genus indifferenter sumitur ex ipsa potentia essentia, id est, ex tota essentia, secundum quod consideratur elongata ab esse, differentia verò à perfectione talis essentia, per quam appropinquat ad esse actus, id est à tota essentia, secundum illud quod in ea est magis actuale.

Ex quo fit, quod in fundamento proximo, à quo sumuntur, & super quod fundantur genus, & differentia, omnino conueniunt substantia spirituales, corporeæ, & accidentia. Et quia tota essentia secundum perfectionem communem habet rationem materię, respectu eiusdem secundum perfectionem propriam, ut supra tetigimus: in hoc sensu loquendo de fundamento proximo, vniuersaliter potest affirmari, in omnibus rebus genus

sumi ab eo, quod est in illis materiale, & differentiam ab eo, quod est formale. Quo modo loquendi vtitur D. Thomas in verbis adductis. Et de huiusmodi fundamento verè asserit Saar. appellari materiale, & formale per quandam similitudinem, & analogiam ad propriam materiam, & formam. Sed de hoc fundamento proximo parua, aut nulla controuersia est inter Doctores. Quare tota difficultas versatur in declaranda primæ radice, seu fundamento remoto, à quo sumuntur genus, & differentia, tam in substantijs spiritualibus, quam in corporeis, & accidentibus.

74 Dicendum est ergo primò: in substantijs spiritualibus totā essentiam esse fundamentum non solum proximum, sed etiam radicale, à quo sumuntur genus, & differentia, & per consequens vtrumque fundari super eādem simplicem essentiam, quæ secundum quod consideratur, ut indeterminata, & perfectibilis, est radix gradus generici; secundum verò quod consideratur, ut determinata, & perfecta, est radix gradus differentialis. Conclusio est expressa D. Thom. 1. par. quæst. 50. art. 2. ad 1. de ente, & essentia, cap. 6. & opusc. 42. cap. 5. quem sequuntur Caiet. c. 6. citato Ferrar. 2. contra gent. c. 95. Sanch. lib. 3. q. 7. Mas. cap. de differentia sect. 2. quæst. 5. Rab. quæst. 4. & communiter Doctores.

Probatur ratione manifesta, quæ adducit D. Thom. opusc. citato: quia in Angelis nulla alia inuenitur compositio realis præter com-

positionem ex essentia, & existentia: sed hæc non potest esse radix compositionis, quam ex genere, & differentia format intellectus, ut ex eodem D. Tho. vidimus in impugnatione primæ sententiæ: ergo utrumq; fundatur super vnum simplex, & per essentiam indivisibile, ut loquitur D. Thom. nempe super ipsam essentiam Angeli, quæ est entitas quædam simplex, & forma separata, seu non immixta materiæ, & per consequens in eis tota essentia est fundamentum, non solum proximum, sed etiam radicale, à quo sumuntur genus, & differentia, ut explicatum est.

75 Dicendum est secundò, in substantijs corporeis genus, & differentiam radicaliter sumi à materia, & forma; & per consequens in eis, aliam esse radicem generis, & aliam differentiæ. Ita Auctores citati pro primâ cōclusionē, & utrâque tradit expressè D. Thom. loco citato ex 1. par. his verbis: *In rebus materialibus aliud est, quod determinat ad specialem gradum, scilicet forma; & aliud quod determinatur, scilicet materia. Unde ab alio sumitur genus, & ab alio differentia. Sed in rebus immaterialibus nō est aliud determinans, & determinatum, sed unaquæque earum secundum se ipsam tenet determinatum gradum in entibus; & ideo genus, & differentia in eis nō accipitur secundum aliud, & aliud, sed secundum vnum & idem.* Idem expressiùs docet, & probat opusc. 42. citato cap. 5. Ex cuius verbis

Facile suadetur, & explicatur

conclusio sic. Proprium est gradus generici esse quāti potentiale, & perfectibile; sicut proprium est gradus differentialis esse quāti actualium, seu perfectum: ergo licet fundamentum proximum horum graduum sit tota essentia, secundū quod consideratur ut perfectibilis, vel perfectiva, tamen primæ radices, à quibus sumuntur tales gradus, erunt illæ res, à quibus primò oritur dicta potentialitas, & actualitas. Sed intra latitudinem substantiarum materialium, omnis potentialitas primò oritur à materia prima, & omnis actualitas primò oritur à forma: ergo materia, & forma sunt primæ radices, à quibus sumuntur gradus generici, & differentiales. Antecedens, & prima consequentia constant: minor autem probatur, quia intra latitudinem substantiarum materialium, materia prima est prima potentia, & forma substantialis primus actus; cū autem primum in vnoqueq; genere sit causa eorum, quæ sunt post in illo genere, ut dicitur 2. Metaphysic. tex. 4. planum fit in genere substantiarum materialium omnem potentialitatem oriri à materia prima, & omnem actualitatem à forma; & consequenter ab eis tanquam à primis radicibus sumi gradum genericum, & differentialem. Videatur Caiet. cap. 6. citato de ente, & essentia, Conrad. 1. 2. quæst. 54. artic. 1. ad primum, Nazar. ubi supra, & alij Thomistæ.

76 Illud obiter advertendum est, quod licet materia prima, & forma sub-

substantialis sint primæ radices generis & differentiarum modo explicato; differunt tamen in hoc, quod sola materia prima non est integra radix gradus generici, si ab ea præsciatur omnis forma; cum tamen hoc conveniat formæ respectu differentiarum, quod Sanch. & Suar. citati notarunt recte ex D. Tho. de spiritualibus creaturis art. 1. ad 24. asserente: *In rebus compositis ex materia, & forma genus sumitur à materia, & differentia à forma; ita tamen quod à per materiam non intelligatur materia prima, sed secundum quod à per formam recipit quoddam esse imperfectum, & materiale respectu esse specificum; sicut esse animalis est imperfectum, & materiale respectu hominis, &c.* Quæ verba repetit op. 42. c. 4. & sensus eorum est, quod gradus generici animalis, v.g. non potest integrè oriri à sola materia prima, nisi in ea intelligatur aliquod esse imperfectum proveniens à forma.

Cuius ratio est: quia gradus generici, qui à materia sumuntur, non solum dicunt potentialitatem, quæ à sola materia prima tanquam à prima radice derivatur, ut vidimus, sed etiam includunt aliquod esse actuale, per quod in tali gradu constituuntur; sed huius non potest esse radix materia prima per se solâ, cum sit pura potentia, sed ad tale esse actuale necessariò requiritur forma: ergo in materia prima per se solâ, non potest esse integra radix gradus generici, nisi in ea intelligatur aliquod esse imperfectum proveniens à forma. Quod autem hæc sit integra radix, vnde sumitur differen-

tia, patet in eodem exemplo: nam rationale, quod est differentia hominis, integrè sumitur ab anima, & quidem ipsa est primæ radix, à qua recipit materia omnes perfectiones, tam superiores, quam inferiores, ut explicatam est.

77 Dicitur: sicut gradus genericus, nempe animal, non solum dicit potentialitatem, sed etiam aliquod esse actuale, licet imperfectum, & propterea non solum connotat materiam, sed etiam formam; ita contra gradus differentialis, scilicet rationale, non dicit solâ actualitatem, sed etiam connotat materiam; siquidem rationale, quod est differentia hominis, non significat quancumque naturam intellectivam, sed eam, quæ simul est materialis: ergo sicut sola materia prima non est integra radix gradus generici, nempe animalis, pari ratione, nec sola forma hominis erit integra radix gradus differentialis, scilicet rationalis.

Respondetur, quod licet rationale connotet materiam, & animal formam, adhuc tamen in ista connotatione est magnum discrimen, ex eo quod gradus generici sint compositi ex gradu superiori, & proprio constitutivo; differentiarum verò sint conceptus simplices, nullâ includentes compositionem, ut infra videbimus. Hinc enim fit, gradum genericum connotare utramque partem, videlicet materiam, & formam tanquam quid intrinsecè petitum à tali gradu; & ex cōsequenti tanquam integram radicem, unde ipse desumitur; differentiam verò non sic

sic connotare materiam, sed quasi extrinsecè, & illatiuè; eo modo quo ex differentia colligitur genus, & de illa prædicatur.

78 Dicendum est tertio: genus & differentiam in accidentibus radicaliter nõ sumi à materia, & forma, sed primum genus sumi ex proprio modo essendi, quo quodlibet prædicamentum accidentium constituitur in esse talis entis: differentiam verò ex diuersitate principiorum, à quibus causantur. Hanc etiã conclusionem docent Auctores pro prima adducti, estquè ad verbum desumpta ex D. Tho. ad finè de ente, & essentia, vbi optimè eam probat, & explicat Caiet.

Fundamentum est: quia accidentis essentia nõ componitur ex materia, & forma, nec aliqua alia compositione reali actus, & potentia: ergo in illo non est alia radix generis, & alia differentia, sed vtrumq; fundatur suprà eandem simplicem essentiam accidentis; ad eum modum quo de substantijs spiritualibus diximus; & consequenter tota essentia, vt indeterminata, & perfectibilis fundabit gradum genericum accidentis, & eadem tota essentia vt determinata, & perfecta fundabit gradum differentialem.

Differunt autem quantum ad hoc substantia spirituales, & accidentia, quòd illa cum sint entia simpliciter, habent completam definitionem, & sic integra earum differentia sumitur à propria essentia, & non ab aliquo alio extrinsecò: ita verò cum sint entia, secundum quid, habent definitionem in-

completam, seu per additionem: quia scilicet non possunt definiri, nisi ponatur subiectum in eorum definitione, vt vidimus suprà n. 23. Et idè sola essentia non est integra radix, vnde sumitur differentia, sed completur in esse radicis per extrinsecum subiectum, seu principium proprium talis accidentis. Propter quod dicitur, differentiam in accidentibus radicaliter sumi ex proprijs principijs, à quibus causantur, seu (quod idem est) ex proprijs subiectis.

79 Quomodo autem primum genus sumatur ex proprio modo constitutiuo cuiuslibet prædicamenti accidentium, planè constabit, cum de illis disputemus. Sufficiat pro nunc dicere, quòd cum ens intimè transcendat rerum omnium vltimas differentias, vt ibidem ostendemus; inde fit, vt prædicamenta ista ex communiratione entis non habeant sufficientem potentialitatem, & præcisionem, vt ab ea sumatur aliquod genus omnibus commune, & sic prima potencialitas, & radix generis in quolibet prædicamento, prouenit ex proprio modo constitutiuo talis prædicamenti. Videantur D. Tho. & Caiet. loco citato.

Quid autem intelligatur per proprium principium, vel proprium subiectum, magna ex parte dictum est suprà num. 24. & explicant bene Caiet. dicto cap. 7. de ente, & essentia, & Febr. 3. contra gentes c. 7. circa illa verba 1. 1. in om. ratione 5. *Omne quod est ac genere e accidentis, oportet habere in principijs aliter*

ius substantia causetur. Illud tantū est aduertendum, quod etiā aduertit D.Tho. eodem cap. 7. dicens: Aliquando accidentia ex principijs essentialibus causantur secundū actum perfectū; sicut calor in igne, qui semper actū est calidus: aliquando verò secundū aptitudinem tantū sed complementum accipiūt ex agente exteriori; sicut diaphaneitas in aëre, quæ cōpletur per corpus lucidum exterius, &c. In his ergo ac-

cidētibus cum proportionē loquēdum est: nām in accidentibus primi generis differentia etiam secundū actum perfectum sumitur ex proprijs principijs, in accidētibus tamen secundi generis, cū illud complementum sit extrinsecum, & sola aptitudo sit essentialis, solum potest sumi ex proprijs principijs differentia illius aptitudinis, non verò talis extrinseci completēti. Videantur Caiet. & Ferr. citati.



CAPVT SECVNDVM DE SPECIE.

S V M M A T E X T V S.

I CAP. Hoc continet tres partes. In prima enumerat Porphyrt. acceptiones, & diffinitiones speciei. In secunda constituit seriem prædicamēti, adducens exemplum in substā-tia. In tertia diffinit indiuiduū. ¶ Ad primam accedēdo, species primò sumitur pro pulchritudine, quo sensu dicitur, quòd præstantissima species digna est imperio. Secundò sumitur logicè pro eo, quod sub genere collocatur, ut homo sub animali: quam sic diffinit. *Species est id, quod subiicitur generi: & de quo genus hoc ipso quia est, seu in eo quod quid prædicatur:* & iterum, *Species est id, quod de pluribus differētibus numero hoc ipso quid est prædicatur,* & subdit, hanc diffinitionem tantū conuenire speciei infimæ, alias verò conuenire etiam speciebus subalternis.

2 In secunda parte docet, in quolibet prædicamento esse vnum supremum genus supra quod nō est aliud, esse etiam speciem infimam, sub qua non est alia species, & tandē esse genera intermedia, quæ simul sunt species, & genera respectu diuerforum: nām si superioribus comparentur, sunt species, si verò inferioribus, genera: ex quo infert, intermedia habere duos respectus, nēpe ad superiora, & ad inferiora; extrema verò vnum tantū: nām primum genus solum respicit inferiora; & vltima species tantū superiora, quod quomodo verum sit, infra explicabitur. ¶ Addit etiam genera suprema esse decem, species verò infimas, licet sint plures, habere tamen determinatum numerum: at indiuidua esse infinita. Propter quod Plato iubebat à generibus descendere ad species infimas, ibique sistere, infinita autem omittere, quia sub scientia cadere non possunt.

In tertia parte distinguit tres acceptiones individui, scilicet, individuum determinatum, vt *Socrates*, demonstrativum, vt *hic homo*, designato Socrate; & ex suppositione, seu circumlocutione, vt *Sophronici filius*, supposito quod Socrates fuerit vnicus filius Sophronici. Individuum autem omnibus his commune diffinit dupliciter. Primò sic: *Individuum est, quod de vno solo predicatur*. Secundo sic: *Est illud, quod ex talibus proprietatibus constat, quarum idem aggregatum nunquam in alio fiet.*

Notationes, & dubia circa litteram capitis.

3 ¶ Illud in primis, circa primam partem notandum est, quod sicut cap. precedenti Porphyrius non enumeravit omnes acceptiones generis, sed eas, quæ habent aliquam similitudinem cum genere, quod ipse appellat Philosophorum: ita hic non enumerat omnes acceptiones speciei. Nam aliter species apud Rhetores, aliter apud Grammaticos, & aliter apud Iurisprudentes sumitur, vt tradit noster Didacus. A Iesu in presenti; de quo etiam videri possunt Beat. Albert. tractat. 4. in Porphyrii c. 1. Sor. Tolet. & alij in hoc cap. Meminit autem speciei, secundum quod sumitur pro forma, seu pulchritudine, propter similitudinem quam in hac acceptione habet cum specie logica. Sicut enim forma, & pulchritudo resultat ex actu, & formatione materiae, quæ de se erat informis; eodem modo species logica resultat ex actu, & formatione generis per differentiationem, quo l de se erat informis, & potentiale. Et ita dixit Boetius, quod *Sicut res, accepta forma, transit in substantiam, ita genus, accepta differentia, transit in speciem.*

Deinde excusat se Porphyrius, eo

quod videatur circulo vti: dum cap. precedenti diffinit genus per speciem, & modo diffinit speciem per genus, asserens id fecisse, quia sunt correlatiua. Quod quidem in presenti examinandum erat: sed quia omnino pendet ex questione quam Dialectici disputant cap. de relatione: an relatio terminetur ad absolutum, vel respectum: ideo communiter Doctores dictam questionem ad cap. de relatione remittunt.

4 ¶ De coordinatione predicamenti substantiæ, quam ponit hic Porphyrius in secunda parte cap. agendum est quest. 5. Modò verò DVBITATUR. Primò: quomodo sit verum id, quod infert, scilicet predicata intermedia habere duos respectus, extrema verò vnum tantum. ¶ Ratio dabitur: nam quidquid sit de genere supremo, saltem de specie infima, evidens est, non solum respectu superiora genera, in ordine ad quæ est subijcibilis, sed etiam inferiora individua, respectu quorum habet veram rationem vniuersalem, & predicabilis: ergo etiam species infima habet duos respectus.

Respondetur, intentum Porphyrii. solum

solum esse, quod predicata extrema, scilicet genus supremum, & species infima non habent diuersos respectus, unde sumant diuersas denominationes, sicut habent predicata intermedia: hæc enim respectu superiorum appellantur species; & respectu inferiorum genera; sed genus supremum, dato quod respiciat ut aliquomodo superius rationem communem entis; respectu tamen eius non denominatur species, sed retinet denominationem generis, quam habet respectu inferiorum; & similiter species infima, tam respectu superiorum, quam respectu inferiorum denominatur species. ¶ Per quod patet ad rationem dabitandi.

5 ¶ De numero predicamentorum, quem hic statuit Porphyrius, agendum est in antepredicamentis. Nunc tamen DVBTAT TVR Secundò: quid intendat Porphyrius, addens, species infimas esse finitas, indiuidua verò infinita. ¶ Ratio dubitandi est: nam si loquatur de facto, tam species, quam indiuidua sunt finita; si verò loquatur de possibili, tunc vel sermo est de infinito simpliciter, & in actu (infinitum categoricè vocat) & sic iuxta meliorem opinionem D. Tho. nec species, nec indiuidua possunt esse infinita, ut dicemus lib. 3. Physicorum: vel sermo est de infinito secundum quid, & in potentia; (infinitum sine categoricè appellant) & sic tam species, quam indiuidua sunt infinita.

Respondetur, Porphyr. locutum

esse de facto, quomodo constat species esse finitas, habereque determinatum numerum; nec enim iuxta communem usum rerum, species multiplicantur, sed semper sunt in eodem numero. Addidit vero indiuidua esse infinita, quia fortè existimauit mundum fuisse ab æterno; & consequenter fuisse indiuidua categoricè infinita, vel quia cum indiuidua sint in continua multiplicatione, iuxta communem modum loquendi, infinita esse videntur. Propter quod etiam non sunt per se intenta à natura; nec consequenter cadunt sub scientia. Et sic inducit Porphyrius regulam illam Platonis, quod in scientijs, descendendo à generibus supremis, sistendum est in specie infima, nec progrediendum ad indiuidua, quod verissimum est: hæc enim cum à materia fundantur, contingencia sunt, nec ex se habent determinatum numerum, unde nec de illis potest esse scientia.

Ex quo rursus sequitur, indiuiduum non poni in linea predicamentali, ut veram partem illius coordinationis, sed ut fundamentum, cui innituntur omnia predicata ralis predicamenti. Et propterea integra est scientia alicuius predicamenti, etiam si per eam non cognoscantur indiuidua secundum differentias numericas, quibus in esse raliū constituntur.

6 Tandem circa tertiam partem aduerte, quod tres illæ acceptiones indiuidui, seu tria illa nomina,

népè, *Soerates, hic homo*, (de signato Socrate) & *Sophronici filius*, eâdem omnino rem significant, ut patet; differunt tamen in modo illam significandi: nam ly *Socrates* significat rem, quæ est Socrates determinatè, & expressè: ly verò *hic*

homo quasi confusè, & indeterminatè: & tandem ly *Sophronici filius*, per quandam circumlocutionem. Maiorem de indiuiduo notitiam, & diffinitionum eius explicationem ad calcem disputationis adducemus.

DISPUTATIO SEXTA.

De specie secundo predicabili.

QUARE De secunda intentione speciei secundo loco disputemus, vidimus cap. præcedenti nu. 7. Quâvis autè ex dictis in eadem disputatione magna ex parte cõstet, quid sit natura perfecta, seu constituta, (quæ est proprium subiectum huius intentionis, vnde sumitur essentialis eius differentia) & in quo distinguatur à natura perfectibili, quæ est proprium subiectum genere itatis, id tamen amplius explicabimus in hac disputatione. Quod quia pendet etiam ex cognitione proprii correlatiui harum intentionum; idèò de specie subijcibili, quæ est correlatiua generis, & de indiuiduo, quod est correlatiuum speciei prædicabilis, hic etiam agemus. Antè omnia tamen sit

QVÆSTIO PRIMA.

An diffinitiones speciei à Porphyrio traditæ sint bonæ?

VARIAS Speciei diffinitiones tradiderunt antiqui, ut refert Masius hic sect. I. quæstion. I. eis tamen meritò præferantur adductæ diffinitiones Porphyrii. quibus diffiniuit, tam speciem subijcibilem, quam prædicabilem, ut explicant cõmuniter Interpretes: nam priora illa verba, scilicèt, *Species est id, quod subijcitur generi*, & *de quo genus hoc ipso quid est prædicatur*, explicant speciem secundum respectum ad superiora, seu quatenus est subijcibilis: alia verò, scilicèt, *species est id, quod de pluribus differen-*

tibus numero, hoc ipso quid est prædicatur, explicat speciem secundum respectum ad inferiora, seu quatenus est vniuersalis, aut prædicabilis. De quibus diffinitionibus eodè ordine agemus in hac quæst. non tam ut eas explicemus, (cùm satis ex suprà dictis constent) quam ut satisficiamus aliquibus argumentis, quæ contra ipsas fiunt.

Primo ergo aduertendū est, priora illa verba non cõponere vnicā diffinitionē, ut asseruerunt Auic. Sor. & Tolet. sed esse duas integras diffinitiones, & inter se valdè diuersas,

fas, vt docent Boec. Alb. Canter. Caietan. Mas. Sanch. Rub. & alij in hoc c. Idq; satis exprimit Porphy. qui citās dicta verba in plurali dicit: *Cetera verò diffinitiones*. Itaq; prima illa verba: *Species est id quod subijcitur generi*, est integra diffinitio, diuersa ab alia, quæ continetur in verbis sequētib; videlicet; *Species est id de quo genus hoc ipso quid est predicatur*.

8 Differant autem istæ diffinitiones, penes hoc, quòd prima est essentialis; alia verò descriptiua: nam sicut in genere diximus, quòd esse in pluribus speciebus est essētia eius, prædicari verò de illis, propria passio; ita similiter in specie quatenus est correlatiua generis, seu quatenus est subijcibilis, duo possunt considerari, nēpe esse id in quo existit ratio superior, scilicet genus, & esse id de quo eadem ratio superior prædicatur, vt magis explicabimus q. 3. Primū habet rationē essētiæ in specie subijcibili, & explicatur optimè in prima diffinitione dicēdo: *Species est id, quod subijcitur generi, vel in quo est genus*, quod idem est. Secundum vero habet rationē passionis, & explicatur benè altera descriptione dicēdo: *Species est id, de quo genus hoc ipso quid est prædicatur*.

Tandē nota tertiā diffinitionē, quā adducit Porph. speciei prædicabilis, scilicet, *Species est id, quod de pluribus differētib; numero, hoc ipso quid est prædicatur*, nō esse essentialē, sed descriptiuā, vt docent cōmuniter Doctores, & cōstat ex his, quæ circa diffinitionē generis dixi-

mus diff. præcedenti numer. 15.

Hoc supposito, contra diffinitiones istas potest obijci: & primò cōtra duas priores; quia omnes earū particulæ cōueniunt indiuiduo: sed indiuiduū non est species subijcibilis: ergo cōueniūt alijs à diffinito. Probatur maior; quia indiuiduū verè ponitur sub genere, & de ipso verè prædicatur genus, in eo quod quid. 9 Respondebis, in diffinitionibus assignatis subintelligi, *immediatē*, ita vt sensus sit, species est quæ immediatē subijcitur generi. ¶ Sed cōtra: quia præter quā quòd talis particula debebat exprimi in diffinitione, & non subintelligi; quippe cum pertineat ad differentiā, adhuc isto modo intellectæ diffinitiones conueniant alijs à diffinito, nempè in diuiduis genericis, quæ immediatē ponantur sub genere, & de quibus genus immediatē prædicatur, vt patet, quando dicimus: *Hoc animal est animal: hæc quāritas est quāritas*: ergo tales diffinitiones non sunt admitterendæ.

Secundò contra tertiā arguitur: quia hæc etiā conuenit alijs à diffinito: ergo est mala. Probatur antecedens. Primò; quia Deus prædicatur inquit de pluribus, nempè de personis diuinis, & num. differentiibus, si quidē verè sunt tres in eadē essētia, constituūtque verā trinitatē, quæ numerus est, vt patet; & tamē Deus nō est species, cū sit quid singulare. ¶ Secūdo; quia de anima rationali, puncto, & alijs huiusmodi constat non esse simpliciter species, cū sint entia incōpleta, & tamen verè, & simpliciter prædicantur

tur de pluribus differentibus numero, in eo quod quid.

10 Tercio arguitur: quia dicta definitio, non conuenit omni contento sub diffinito: ergo non est bona. Probatur antecedens. Primò: quia non omnis species prædicatur de pluribus, siquidē Sol, Luna, Fœnix, & quælibet species Angelica tantum habent vnicum indiuiduum, de quo prædicentur: ergo ex hac parte definitio ista nō cōuenit omni contento sub diffinito. ¶ Secundò: quia non omnis species prædicatur de pluribus differentibus numero; siquidem numerus est species quantitatis, teste Arist. in prædicamentis: ergo non possunt differre numero, nisi quæ habent quantitatem: ergo ex hac etiam parte diffinitio ista non conuenit speciebus rerum spiritualium.

Quartò tandem: quia diffinitio debet conuenire diffinito, inquantum huiusmodi, seu secundum quod tale est; siquidem conuertitur cum ipso diffinito: sed hæc non conuenit speciei inquantum species est: ergo, &c. Probatur minor: quia species, vt species est, respicit gen^{us}, illique subiicitur: sed species inquantum subiicibilis non est prædicabilis, vt dicemus. q. 3. ergo. speciei, inquantum species, non cōuenit prædicari de pluribus.

11 Respōdebis forrè, quòd species, inquantum species est, habet simul respicere genas, & indiuidua, & ita nihil sequitur. ¶ Sed cōtrā; quia relatiuū ex vnicō fundamento, seu ratione fundandi solū potest respicere vnicū terminū adæquatū, vt su-

mitur ex D. Thom. 1. p. quæstio. 32. art. 2. & constat inductione: sed ex vna parte species, quatenus species est, solū dicit vnicū fundamētū, seu rationē fundandi; ex alia verò parte genus, & indiuidua sunt termini adæquati inter se diuersi, vt patet: ergo species vt species est nō potest simul respicere genus, & indiuidua.

Dicendū tamen est diffinitiones speciei a Porphy. traditas esse bonas. Sic docet cōmuniter Dialectici, sumiturque ex doctrina Aristot. 2. Topicor. capit. 2. lib. 4. c. 1 & 2. & alibi sæpè. Et priorē quidē tradiderunt Stoici, vt testatur Laert. lib. 7. de vitis Philosoph. in Cenoone, eamque adducit Damasc. in sua Logica, c. 2. Posteriorem verò admittit, & probat D. Tho. opusc. 48. tractat. 1. c. 3. quarum omniū bonitas satis constat ex dictis cap. præcedent. Omnes enim traduntur per subiectum loco generis, & quæ ex eis sunt descriptiue, per propriā passionē loco differentiar, nihilque continent superfluum, aut diminutum, vt magis constabit ex solutione argumentorum.

12 Ad primum respondet acutè Caiet. hinc ex Alb. Quia tamen aliqua supponit, quæ nōdū examinata sunt, clariùs cū Tolet. respondetur, quòd quādo dicimus: *Speciem esse, quæ ponitur sub genere*, &c. sermo est formalis, sicut debet esse in diffinitionibus, & sic intelligitur de immediata positione sub genere, secundū quod habet rationē generis, & ita sensus est; species est, quæ immediate ponitur sub genere tali positione, secundū quā genus est genus

genus, quod nulli præter speciem conuenit. Nam licet *animal*, de hoc animali, & *quantitas* de hac quantitate immediate prædicetur: tamē ad eū modū, quo *hoc animal*, aut *hec quantitas*, ex modo significandi habent rationē indiuidui, ita etiā *animal*, aut *quantitas* ex modo, quo prædicatur de *hoc animali*, aut de *hac quantitate*, habet rationē speciei, & nō generis; siquidē prout sic enuntiatur, ut tota essentia inferiorū, quod proprium est speciei, ut ex dictis supra constat. ¶ Per quod patet ad replicam ibi factam. Videatur Rub. hic q. 5. conclus. 2.

Ad secundū negatur antecedens. Ad cuius primā probationem respondetur personas diuinas, propriē, & simpliciter loquēdo, non differre numero, ut ex D. Th. 1. p. q. 30. docet Scot. hic q. vnicā, quia nō differunt in natura, quod tamē necessariū est, ut aliquid sit species. Cū enim species sit vniuersalis, necessariō respicit plura, quæ simpliciter sunt plura, & sic necessariō est multiplicabilis, & diuisibilis per differentias, quod tñ naturę diuinę repugnat; cū uero multiplicetur in personis. Unde ibi nō est pluralitas absolutorū, sed relationū tantū, ut inquit D. Tho. q. citata art. 1. ad 3. Quæ licet nō sufficiat, ut Deus sit species, sufficit tamen, ut in eo sit uera Trinitas personarum. Videatur Angelicus Doctor in 1. dist. 24. quæst. 1. art. 2.

Ad secundā probationem illius antecedentis responderetur, quod entia incōpleta, sicut nō possunt in recta linea prædicamentorum, nec

propriē, & simpliciter sunt vniuersalia, genera, aut species, sed tantū secundū quid; ita etiā non conuenit illis simpliciter prædicari de pluribus, sed tantū secundū quid; cū eadem sit ratio de essentia, aut de propria passione. Videatur quæ diximus supra dispositio. 4. numero 31. & 51.

13 Ad tertium negatur etiam antecedens. Cuius prima probatio tangit difficultatem infra quæst. 4. explicandam; an scilicet species angelica sit prædicabilis, & ita ibi patebit solutio argumenti quantum ad species angelicas. De alijs uero ut de Sole, Fœnice, & huiusmodi, respondetur, quod licet de facto nō habeant plura indiuidua, non tamen repugnat ea habere, saltem ex principijs specificis talium naturarum, ut rectē docet D. Thom. quarto contra gentes cap. 35. & sic possunt potentia logica prædicari de pluribus differentibus numero.

Ad secundā probationem eiusdem antecedentis respondetur, etiā in alijs prædicamentis præter quantitatem reperiri unitatē, & numerum transcendentalem, ut docet idem D. Thom. 1. part. quæstio. 30. articulo 3. & hoc sufficit ad verificanda uerba definitionis. Nam omittendo pro nunc; utrum in substantijs, quæ nō habent quantitatem, possit esse distinctio numerica, certū est eam reperiri in accidentibus rerū spiritualiū; siquidem iuxta probabilē opinionem, intellectus Angelorum solū numero distinguuntur. Et saltem de gra-

tia, aut caritate eorū negari nō potest; ic proinde verē sunt species infimæ; cū tamē numeras ille nō sit species quātitatis, vt de se patet.

14 Ad quartum cum sua replica respondet Caieta. in quodam dub. circa hanc definitionem, concedēdo, eam non conuenire speciei in quantum species est, sed secundum quādam eius proprietatem; quæ sequitur ad esse speciem; existimat enim, vt quæst. 3. videbimus, essentiam speciei, quatenus species est, solum esse respicere genus, indeque oriri tanquam passionem, quod sit vniuersalis, seu prædicabilis, & sic cōcludit in hac diffinitione nō diffiniri speciē, in eo quod species, sed secundum quādam eius passionem.

Hæc tamen solutio, vt loco citato ostendemus falso nititur fundamento: & ideo illa relictā, responderetur ex ibi dicendis, subijcibilitatem, quam habet species respectu generis, & prædicabilitatem, quam habet respectu indiuiduorum, esse relationes inter se disparatas. Quapropter species æquiuocē dicitur de specie subijcibili, & prædicabili; & consequenter non habet aliquam vnā diffinitionem, prout comprehendit vtramque, vt contingit in alijs æquiuocis. Vnde sicut *canis*, quatenus *canis* est, nec est solum *latrabilis*, nec solum *marinus*, sed vtrūque; ita species quatenus species, nec solum habet respectu ad genus, nec solum ad indiuidua, sed vtrūque. Et in hoc sensu intellecta solutio ibi adducta, optima est.

15 Ad eius replicam respondetur, in ea tangi difficultatem, vnde

desumenda sit specificatio harū intentionū, quod tamen pendet ex dicendis cap. de relatione. Interim dicimus, quod si illa petēda sit ex fundamēto, & ratione fundādi, vt tetigimus supra disp. 2. n. 42. cōsequenter asserendū est, quod sicut subijcibilitas, & prædicabilitas sunt relationes disparatæ, quas nomen *species* æquiuocē significat: ita etiā habent fundamenta, seu rationes fundādi inter se disparatas, quas idē nomen inuoluit, nēpē cognitionem passionum naturæ specificæ, vt id de quo dicitur generica, & cognitionē passionū eiusdē, vt id quod dicitur de indiuiduis; & ita falsa est minor argumenti quoad primam partem.

Si verō asseretur, tam a fundamēto, quā a termino sumendam esse specificationem relationum, consequenter dicendum est, quod etiā si species, quatenus species est, solum dicat vnīcam rationem fundādi, adhuc subijcibilitas, & prædicabilitas possunt esse relationes diuersæ, & disparatæ propter diuersos, & disparatos terminos adequatos, videlicet genus, & indiuidua. De quo cōstabit amplius cap. de relatione.

Q V A E S T I O II.

Angulus possit conseruari in vnica specie, & species in vnico indiuiduo.

16 H A E C Difficultas maximē iuuat ad plenē percipiendum discrimen inter naturam genericam, & specificam, secundum quod

quod sunt propria subiecta genericitatis, & specieitatis, per quæ has intentiones diffiniuimus. Et idè iuxta methodûsuprà præscriptam, statim post examinatas descriptiones. Porphy. procedimus ad hunc quæstionem.

In qua quidem disputamus de ipsa natura generica, & specifica, non verò de secundis intentionibus: nam de his, sicut certum est, esse relationes rationis ad plura inferiora, ab intellectu formatas, & intra ipsam manentes; sic etiam certum est non necessariò exigere, ut illa plura sint à parte rei existentia. Siue enim existant species, & indiuidua, siue non, intellectus potest formare intentionem generis, & speciei apprehendendo naturas illas possibles in ordine ad sua inferiora possibiliâ. Semper tamen intentiones istæ requirunt ut terminum, adæquatum plura inferiora. Vnde loquendo de naturis istis logicè, id est, prout denominantur à secundis intentionibus, nec natura generica habet vniuersalitatē in ordine ad vnā speciem tantum; nec natura specifica in ordine ad vnicum indiuiduum, ut per se patet. Difficultas ergo solum est de ipsa natura generica, vel specifica secundum se: an scilicet animal, quod est genus ad hominem, & equum, possit conseruari in sola specie humana, alijs animalibus nõ existentibus. Et similiter; an homo, qui est species respectu Petri, & Pauli, possit conseruari in solo Petro, alijs omnibus indiuiduis de medio sublati?

17 Secundò notandum est, naturas istas, genericam, & specificā posse considerari dupliciter. Primò physicè, & quasi materialiter, idest, secundum realem entitatem, quam dicunt prædicata essentialia, quæ actu includunt, ut in animali, illa entitas, quæ est principium sentientiæ, est etiam realiter perfectio vitæ, corporis, substantiæ, &c. & idem est in homine. In quo sensu nulli dubiū est, genus posse in vnica specie conseruari, & speciem in vnico indiuiduo: nam solo Petro existēte, verè etiā existit entitas, & perfectio realis, quam actu dicunt, homo, animal, viuens, &c. cum omnia sint à parte rei in Petro vnica, & eadem entitas realis.

Secundò possunt considerari natura generica, & specifica metaphysicè, & quasi formaliter, ut scilicet sunt cōceptus quidā præcisi, & gradus inter se diuersi: ex quibus alter, nempe genericus, est totum quoddam potēiale, & informe materiæ valde simile; & per cōsequens vltiā perfectibile, & diuisibile per differentias formales; alter verò, videlicet, specificus est quoddam totum actuale, & perfectum, vltimoque in essentia constitutum; & per consequens solum diuisibile per differentias materiales, seu numericas. Et in hoc sensu procedit difficultas: an scilicet gradus genericus secundū potentialitatem, quam includit metaphysicè consideratus, sufficiēter intelligatur actuari, & saluari in vnica specie, & similiter species in vnico indiuiduo.

18 Prima sententia absolutè affirmat

firmat posse genus conseruari in vnica specie, & speciẽ in vnico in-
 uiduo. Ita Scot. in hoc cap. q. 18. Lo-
 banielles ibidem parte 4. Ioan-
 nes Anglicus q. 15. in prædicabilia
 Scoti, & alij, quos referunt Mas. &
 Sanch. infrâ citandi. Non later
 nos, Auctores istos posse explica-
 ri de consideratione physica gene-
 ris, & speciei, sed quidquid sit de
 hoc.

Probatur primò hæc senten-
 tia: quia non minùs materia prima
 secundùm se est indifferens, & in
 potentia ad plures formas, quàm
 genus ad plures differentias speci-
 ficas, nec minùs formæ perficiunt
 materiam primam, quàm differen-
 tiarum genus: sed materia prima cum
 omni sua potentialitate sufficiẽter
 saluatur in vno indiuiduo actuata
 per vnã formam: ergo potentia-
 litas generis sufficiẽter saluatur in
 vna specie actuata per vnã diffe-
 rentiam.

Secundò: quia si genus ratione
 suarum potentialitatis, non posset sal-
 uari in vnica specie, neque etiam
 posset saluari in duabus, sed exi-
 geret sine thegorematicè infini-
 tas, quod videtur absurdum: ergo, &c.
 Probatur sequela: quia potentia-
 litas generis non est ad duas differen-
 tias, sed ad sine thegorematicè in-
 finitas, vt patet in potentialitate
 numeri in ordine ad differentias
 específicas numerorũ, quæ possunt
 in infinitum multiplicari: ergo vel
 dicendum est genus posse saluari
 in vnica specie, vel negandum quòd
 saluatur in duabus.

19 Tertiò: quia iam etiam seque-

retur, loquendo de potentialitate
 generis, Deum neque de potentia
 absoluta posse conseruare illud in
 vnica specie: hoc autem videtur
 falsum: ergo, &c. Sequela est mani-
 festa, minor verò probatur: quia
 Deus potest, & de facto satiat totã
 potentialitatem materiæ primæ
 per vnã formã, vt patet in cœlo:
 ergo poterit etiam producere vnã
 differentiam ita perfectã, vt exhau-
 riat totam potentialitatem gene-
 ris, ac proinde tunc saluabitur in
 vna specie secundùm totam suam
 potentialitatem.

Quartò: quia si natura generica
 animalis tantũ remaneret in ali-
 qua suarũ specierũ, v.g. in homine,
 vt de facto erit post diem iudicij,
 talis species posset deficiari: ergo ve-
 rè in ea essent conceptus metaphy-
 sici generis, & differentiarum: & ex cõ-
 sequenti gradus genericus secun-
 dùm potentialitatem, quam habet
 metaphysicè consideratus, verè cõ-
 seruaretur in vnica specie.

Confirmatur: quia etiam si nullũ
 esset possibile animal præter homi-
 nem, adhuc hæc prædicatio, *Homo
 est animal*, esset essentialis, & non
 speciei, aut differentiarum: ergo esset
 prædicatio generis, ac proinde si-
 mul animal esset genus, & saluaretur
 secundùm totam suam poten-
 tialitatem in vnica specie.

Alia argumẽta, quibus probatur
 altera pars huius sententiæ, scilicet,
 quòd species possit conseruari in
 vnico indiuiduo, consultò ommit-
 timus: quia non sunt contra nos, vt
 infrâ constabit.

20 Secunda sententiã, præceden-
 ti

ti ex regione opposita, negat, posse genus conseruari in vnica specie, aut speciem in vnico indiuiduo. Sic defendit Oña in hoc cap. quæst. 2. art. 2. quem sequuntur aliqui moderni. ¶ Fundamentum eorum est: quia vtraque natura diuiditur per differentias oppositas, & impossibiles: ergo vtraque exigit plura inferiora, vt earum potentialitas intelligitur plenè actuata.

Cósequeñtia videtur nota; quia, vt postea dicemus, hæc est ratio propter quam DD. cõmuniter negant genus metaphysicè sumptum posse conseruari in vnica specie. Antecedens verò probatur: quia sicut animal diuiditur per rationale, & irrationale, quæ sunt differentie oppositæ, & in composibiles; ita etiam homo diuiditur per differentias indiuiduales, quæ similiter sunt oppositæ, & impossibiles.

21 Vera tamen & cõmunis sententia distinctione vtitur; iuxta quã dicendũ est naturã genericã metaphysicè consideratã, secundũ potentialitatẽ, quã dicit intra latitudinẽ perfectionis essentialis, integrè nõ perfici, neq; saluari in vna specie, benè autẽ naturã specificã in vnico indiuiduo. Hæc est proculdub. mens Arist. 4. Topicor. cap. 3. & 3. Metaph. tex. 1. o. eamq; non obscure docet D. Th. 1. Poster. lect. 12. & in 1. dist. 19. q. 4. art. 2. quem sequuntur eius discipuli, Sor. in hoc cap. q. vnica, Flandria, Venerus, & Niger, quos refert, & sequitur Mas. sect. 2. de genere, q. 1. Sanch. lib. 3. q. 11. Tolet. in hoc cap. q. vnica Rub. ibidẽ q. 3. & cõmuniter DD.

Vt explicetur, & probetur cõclusio, obseruandum est discrimen inter naturã genericã, & specificam supra à nobis insinuatũ, quòd scilicet natura generica, cum sit diuisibilis per differentias formales, quæ necessariò causant distinctionem specificã, ipsa in se est quid imperfectũ, incõpletũ, & informe intra latitudinem perfectionis essentialis; in quã consequenter perficitur, & cõpletur per easdẽ differentias; ad eũ modũ quo materia prima perficitur, & completur per formas substantiales. At verò natura specifica cũ in se sit quid perfectũ, & actuale, & vltimò constitutum intra latitudinẽ perfectionis essentialis; in hac nullo modo perficitur per differentias numericas, sed solũ diuiditur, & multiplicatur, quæ potius est imperfectio, vt statim constat;

22 Ex quo iam faciliè probatur conclusio à priori: quia integra perfectio potentie sumitur ex actu adæquato illi correspondente: sed natura generica, vt nunc loquimur de illa, est potentia quædam metaphysica, respiciens vt adæquatum actum omnes differentias, per quas cõtrahitur ad species: ergo non habet integram perfectionẽ, quam prout sic postulat, vsq; dũ fuerit actuata, & contrãcta per tales differentias. Maior, & cõsequẽtia constant. Minor etiam à nemine negatur, estq; rẽ satis ex se manifestatũ quia vnaqueque differentia diuisiua est inferiori generi, & inconvertibilis cum illo; & per consequens ei inadæquata: tũ etiam quia ex eo, quòd talis differentia essen-

essentialiter faciat vnā speciem distingui ab alijs, sub eodem genere; huius potētiā necessariō est radix oppositarū differētiarū: ergo nulla eorum per se solā potest adēquare talem potentialitatem.

At verō natura specifica considerata intra latitudinē perfectionis essentialis, nō habet rationē potētiā; sed potius est quoddam totum actuale vltimō in essentia cōpletū, & perfectum; & consequenter non respicit vtrūq; essentialē differentias indiuiduales; imō potius, vt rectē notauit D. Thom. 2. Physic. lect. 5. ipsa natura specifica quodāmodō comparatur ad indiuiduum vt actus, & forma eius; ac proinde quodāmodō etiam deprimitur, & materializatur per differentias indiuiduales: ergo vt natura specifica intelligatur cum omnimoda perfectione essentiali, non requiruntur plura indiuidua.

Confirmatur: quia sic se habet natura generica respectu differentiarum; sicut materia prima rerū corruptibilium respectu formarū substantialium: sed materia prima earum non potest habere omnem suā perfectionē sub vnica forma, alias non haberet aptitudinē ad alias: ergo nec etiam genus potest habere omnem suā perfectionem sub vnica differentia essentiali.

At verō natura specifica respectu differentiarū indiuidualis, quodāmodō assimilatur materia primæ rei incorruptibilis respectu suæ formæ, quatenus sub ea intelligitur esse plenē perfectā, & acturā, nec habere appetitū ad alias, vt explica-

tur in lib. de coelo: ergo sicut materia prima rerum incorruptibilium, habet omnem suā perfectionem sub vnica forma; ita etiam species sub vnica differentia indiuiduali.

23. Secundō probatur à postetiori: quia nullum datur in rerū natura genus, quod actu nō habeat plures species, plures autē sūt species, quarū vnicū tantū est indiuiduū: ergo signum manifestum est, quod genus actu exigit plures species, vt saluetur omnimoda perfectio essentialis eius, nō autem species plura indiuidua. Patet consequētia: quia alias natura superflueret in multitudine illarum specierum, vel deficeret in singularitate horum indiuiduorum, quorum vtrunque alienum est ab ingenio naturæ.

Confirmatur: quia natura per se solum intendit multitudinem specierum in vniuerso; non autem multitudinem indiuiduorum, nisi propter conseruationem speciei, vt docet D. Tho. 1. par. q. 47. art. 2. & q. 85. art. 3. ad 4. Nec hoc alia ratione, nisi quia genus habet in vnaquaque specie dīstinctā perfectionem essentialē, quod non habet species respectu indiuiduorū. Vnde etiam fit vt species pertineant per se & dī ordinem vniuersi, & sint partes essentialē eius, non autem indiuidua: ergo genus secundū potentialitatem, quam dicit intra latitudinē perfectionis essentialis, non intelligitur plenē saluari in vna specie, bene autem species in vno indiuiduo.

Confirmatur secundō: quia etiā vltima naturæ intentio non est ad ipsa

ipsa genera, vt art. 3. citato addit D. Thom. nulla alia ratione, nisi quia genus secundum se est quid in completum, & informe ultra perfectibile per plures differentias, & de terminabile ad varias species. Ergo non intelligitur plenè perfectum in vna tantum specie.

24 Ad argumenta pro prima sententia respondetur. Ad primam neganda est minor loquendo de potentialitate materię primæ metaphysicè, & secundum omnem eius latitudinem, vt in præfenti loquimur de genere. Quamuis enim tota entitas huius potentialitatis physice, & realiter considerata inueniatur sub qualibet forma; sicut inuenitur tota essentia Physica generis: numquam tamen plenè, & perfectè actuatur per vnā formā, vt supra dicebamus, & ita nihil sequitur contra nos; imò inde sumitur efficax argumentum pro nostra sententia.

Ad secundum respondetur, argumentum optimè probare genus secundum omnem suam potentialitatem, & omnimodam perfectionem, quam postulat intra latitudinem perfectionis essentialis, exigere tot species, quot sunt differentię diuinsuæ eius, siue sint finitæ, siue infinitæ, quod quidem verissimum est, & sequitur planè ex dictis. Solet autem frequenter dici, genus non posse saluari nisi in duabus speciebus; quia duæ ad minus sunt necessariae, vt intelligatur genus esse totum potètiāle. Vei etiā: quia sæpius sub quolibet genere assignamus duas tantum differentias,

alteram positiuā, & propriā principalioris speciei, alterā verò negatiuā, & impropriā loco aliarum, vt patebit in arbore infra adducenda.

25 Ad tertium respōdetur, quòd loquendo de genere physice & realiter, satis euidentis est posse Deum conseruare quodlibet genus in vniuersa specie: loquendo verò de illo metaphysicè, & secundum plenitudinem suæ potentialitatis est manifesta implicatio, quòd sit genus, & quòd intelligatur plenè perfectum in vna specie. Iam enim vna differentia simul esset actus adequatus, & non adequatus generis, quod à Deo fieri non potest. ¶ Ad id autem, quod contra hoc obijciatur de materia primā; iam constat ex dictis. Si enim sermo sit de materia prima rerum corruptibilium; implicat propter eandem rationem ipsam intelligi plenè actuata per vnā formā, id autem habet de facto materia cœli: quia vt ibi explicatur, illa respicit actum secundum genus, ista verò secundum speciem, & ita illa assimilatur generi; ista verò speciei. Vnde meritò vti sumus hoc exemplo, ad probandam vtramque partem nostræ conclusionis.

Ad quartum respondetur conceptum metaphysicum generis posse considerari præcisè secundum prædicata essentialia, quæ actu includit, seu vt est pars speciei; & hoc modo intra diffinitionem eius, saluaturquè in vna specie, vt supra dictum est, non verò secundum quòd consideratur, vt totum potètiāle, siue

sive secundum omnem perfectionem, quam postulat intra latitudinem perfectionis essentialis, ut in presenti loquimur.

Ad confirmationem respondetur, quod dato illo impossibili, idē omnino esset animal, & homo, & ita praedicatio illa non esset formalis, sed idērica, ut cōsideranti patebit.

26 Ad fundamentum secundae sententiae responderetur, quod licet differentiae individuales sint oppositae sicut specificae; hae tamen addūt perfectionem essentialē supra genus, & sic potentialitas, quam dicit intra latitudinē perfectionis essentialis, nō actuatur totaliter per vnā differentiam. At differentiae individuales nullā talem perfectionē addunt speciei, & ita natura specifica totam suam perfectionē essentialē habet in vnoquoque individuo. Verum est, quod si natura specifica consideretur formaliter, quatenus vniuersalis, habet quandam potentialitatem, seu indifferentiā ad plura individua. Sed haec est cōsideratio logica, iuxta quam quaelibet natura vniuersalis requirit, ut terminum adaequatam plura inferiora, ut in principio quaestionis diximas, quo sensu non loquimur in presenti, ut ex dictis patet.

QVAESTIO III.

Vtrum species quatenus subijcibilis sit vniuersalis, vel quomodo se habeant hi respectus?

27 **P**X Dictis in praecedentibus satis cōstat, in qualibet natu-

ra vniuersali duas esse relationes rationis respectu inferiorū, nēpe vniuersalitātē, & praedicabilitatem, quibus, cum sint mutuae, necessario correspondebunt ex parte ipsorum inferiorum duae aliae relationes ad naturā vniuersalem. Quae in distinctione solent appellari *subijcibilitates*, sed distinctionis gratia, primā possumus appellare, *subijcibilitatem naturae in qua*; secundam verò *subijcibilitatem naturae de qua*. Ex quibus haec secunda est passio prima; sicut praedicabilitas vniuersalitatis. Quae doctrina generalis est ad quinque praedicabilia, ut diximus disp. 2. n. 46. Adducemus tamē exemplū in hoc secundo vniuersali, cui specialiter applicatur propter rationē sup. n. 4. insinuatā. Igitur in homine quatuor relationes rationis inveniuntur, duae respectu superioris, scilicet animalis, & totidem respectu inferiorum, scilicet Petri, & Pauli. Secundum quod natura habet duas priores dicitur *species subijcibilis*; secundum verò quod habet duas alias, dicitur *species vniuersalis, & praedicabilis*.

Præsens ergo difficultas non cōparat inter se duas subijcibilitates, neque item comparat vniuersalitātē, & praedicabilitātē, de hoc enim satis ex dictis constat. Sed comparat duas priores cum duabus posterioribus, & inquit: an species quatenus respicit superiora, & dicitur subijcibilis, respiciat etiam inferiora, & sit praedicabilis? vel (quod in idē recidit) an relationes istae seruent inter se ordinem passionis, & essentialē, & vna oriatur ex alia? sicut de

de duabus subijcibilitatibus inter se, & de vniuersalitate, & prædicabilitate dictum est.

28 Cai. in hoc cap. quæ sequitur Araux. lib. 3. Metaph. q. 4. ar. 3. conclus. 3. cōcedit quidē speciē formaliter inquantū subijcibilem nō esse vniuersalē, aut prædicabilem; ita quod per ipsummet respectum ad genus constituatur in esse vniuersalis, aut prædicabilis. Afferit tamen, subijcibilitatē in specie se habere vt essentiam, à qua tāquam passionēs oriuntur vniuersalitas, & prædicabilitas. ¶ Cuius fundamentum est: quia species formaliter quatenus species, solū respicit genus; ita vt hoc sit maximē propriū speciei: ex eo autem quod sit sub genere, consequens est habere sub se indiuidua, & illa respicere: ergo relationes, quibus respicit inferiora, oriuntur à relationibus, quibus refertur ad genus, & per consequens illæ habent rationem passionis respectu istorum.

29 Tolet. è contra quæst. vnica huius cap. in solutione ad 1. asserit, vniuersalitatē habere rationē essentia, à qua tanquā passionēs profaūt prædicabilitas, & subijcibilitas, & ex cōsequēti tenetur cōcedere, vt benè notat Rub. hic q. 2. quod sicut hæc propositio est vera, *Species inquantū prædicabilis est vniuersalis*, & è contra; ita etiam hæc, *Species inquantū subijcibilis est vniuersalis*, & è contra.

Probatzr primò hæc sētētia: quia vniuersale in cōmuni, est genus ad quinque vniuersalia: ergo quodlibet vniuersale respiciet illud tan-

quā species subijcibilis eius. Sed quodlibet vniuersale, quatenus vniuersale est, respicit dictum genus: ergo quodlibet vniuersale quatenus vniuersale, est species subijcibilis.

Secundò: quia quod immediatē subijcitur generi est vniuersale: sed species quatenus subijcibilis, immediatē subijcitur generi: ergo species quatenus subijcibilis, est vniuersalis.

Tertiò: quia correlatina sunt sub eodem genere: sed genus inquantū genus est vniuersale: ergo species subijcibilis, inquantū subijcibilis debet etiam esse vniuersalis.

Quartò tādem: quia species subijcibilis prædicatur essentialiter de hac specie subijcibili, & de illa specie subijcibili: ergo quatenus subijcibilis est vniuersalis.

30 Nihilominus dicendum est primò, speciem formaliter quatenus subijcibilem non esse vniuersalem; ita quod natura constituatur in esse vniuersalis, aut prædicabilis per relationem ad superiora. Hæc conclusionem docuerūt Alpharabius, & Auicena, quos refert & sequitur Albertus tractat. 4. in Porphy. licet Auicena videatur dubitare, propter quod ab Alberto reprehenditur, qui addit hanc extitisse inter ceteros antiquos opinionem. Eam concedit Caietan. & Arauxo vbi sup. à, eaque recepissima inter Dialecticos. ¶ Et breuiter probatur: quia natura specifica constituitur in esse subijcibilis per ordinem ad genus, cui comparatur vt subiectum ab eo cōteñum, vniuers-

vnuerſale autem cōſtituitur in eſſe vnuerſalis per ordinem ad inferiora, reſpectu i quorum eſt prædicatum contrarietās ipſa, ergo ſpecies in quantum ſubiſcibilis non eſt vnuerſalis.

31 Dicendum eſt ſecundò, relationes iſtas non habere inter ſe ordinē paſſionis, & eſſentia, nec vnā oriri ex alia, ſed eſſe omninò diuerſas, & diſparatas. Hęc eſt cōtra Auctores primæ, & ſecundæ ſententiæ, recipitur tamen communiter, tum à Thomiſtis, tum etiam ab alijs Diſtinctis. Pro qua videri poſſunt Sanchez lib. 3. Logica quæſt. 15 Maſ. hic ſect. 1. q. 4. noſter Didac. à Ieſu diſp. 2. q. 2. Rub. vbi ſupra, & Gall. hic controuerſ. 14. qui plures alios adducit.

Fundamentum eſt: quia iſtæ relationes adueniūt naturæ ex eo quòd comparat illā intellectus ad diuerſos terminos: ſed vna harum comparationum non dependet, nec deriuatur ex alia: ergo nec relationes ipſæ inter ſe; & ex conſequenti nō habent ordinem paſſionis, & eſſentia. Maior, & conſequentia ex dictis cōſtāt. Minor verò probatur: quia ex eo quòd intellectus comparat ſpeciem ad genus, ipſa non manet aptior, aut magis diſpoſita, vt comparatur ad indiuidua, quàm ſi nullo modo præceſſiſſet prima cōparatio, vt conſideranti patebit; & idem cōtingit ecōtra: ergo vna iſtarum comparationum non dependet, nec deriuatur ex alia.

Confirmatur: quia idē prædicabilitas eſt paſſio vnuerſalitatatis, quia ex eo quòd intellectus compa-

ret naturam ad inferiora, vt quid in illis exiſtens, natura redditur aptior, & vltimò diſpoſita, vt comparatur ad eadem inferiora, tanquam quid de illis prædicabile: ſed hoc non inuenitur in præſenti: ergo &c.

Dices: relatio, qua ſpecies reſpicit genus, neceſſariò ſupponit vnuerſalitatē in ſpecie; aliàs diſſinitio ſpeciei ſubiſcibilis conueniret etiam indiuiduo: ergo ſubiſcibilitas in ſpecie oritur tanquam paſſio ab vnuerſalitate. ¶ Reſpondetur, ſubiſcibilitatem, qua ſpecies reſpicit genus, ſolum requirere in ſpecie vnuerſalitatem fundamentale, ſeu indifferentiam illam negatiuā, quam diſput. 3. nu. 57. diximus habere naturā ab abstractione intellectus; per quod ſufficienter diſtinguitur ſpecies ſubiſcibilis ab indiuiduo. Statim autem, ac natura eſt ſic abſtracta, poteſt intellectus prout voluerit comparare eam, vel ad genus, vel ad indiuidua, & ſic tales relationes ſunt omninò diuerſæ, & diſparatæ.

32 Ad argumenta reſpondetur. Ad fundamentum primæ ſententiæ, quòd ſi ſpeciem ſumamus fundamentaliter pro natura ſpecifica, quæ denominatur à ſecundis intentionibus, ſic accidentalis eſt illi, tantū ſubiſcibilitas, quàm vnuerſalitas, aut prædicabilitas; ſi verò loquamur de ipſis intentionibus inter ſe comparatis, neutra oritur ex alia, nec neceſſariò ſupponit illam, ſed ſunt relationes diſparatæ, vt oſtenſum eſt. Ambæ tamē inſunt ipſi naturæ ſpecificæ; & ſic ſpecies quatenus

nam species, nō habet solum respicere genus, nec solum indiuidua; sed vtrumque, vt diximus supra nu.

14. Verū est tamen quodammodo esse magis connaturale, & quasi intrinsecum naturæ specificæ, fundare relationem ad genus, quā ad indiuidua, quia illud respicit, vt quid sibi essentiale, hæc verò vt quid extra essentiam suam: sed ex hoc non sequitur, vniuersalitatem habere rationem passionis, respectu subiocabilitatis, vt de se patet.

33 Ad argumenta pro secunda sententiā respōdetur. Ad primum, quinque vniuersalia, quatenus sunt species subiocabiles, & respiciunt suum genus, nempe vniuersale, materialiter tantum esse vniuersalia, id est, quasdam naturas vniuersales, non verò esse formaliter vniuersalia, secundum quod subiiciuntur superiori, quia respectu eius non exercent vniuersalitatem, vt de se constat.

Per quod patet ad secundum: quando enim dicitur, *Illud quod immediatè subiicitur generi, est vniuersale*, intelligitur materialiter, & sensus est, illam rem, quæ immediatè subiicitur generi, debere esse naturam, quæ denominari possit vniuersalis, non formaliter prout subiicitur, sed aliàs, ex quo nihil sequitur contra nos.

Ad tertium respondetur, correlatiua, quæ mutuò se respiciunt, necessariò esse saltim sub genere remoto relationis; siquidem ex vtraque parte resultat relatio. Sed non in omnibus vtraque relatio est eius-

dem rationis, vt patet in relationibus, quas Dialectici appellant disquiparantiæ. Et huiusmodi sunt vniuersalitas, & subiocabilitas, quæ non conueniant in aliquo genere proximo, sed tantum in remoto, vt patet ex diuisione relationis rationis supra disput. 2. n. 46. statuta; & consequenter sunt diuersæ rationis. Vnde non benè sequitur, quòd si genus, vt respicit speciem est vniuersale, etiam species vt respicit genus, debeat esse vniuersalis, imò potiùs oppositum necessariò concluditur.

Ad quartum respondetur cōcedendo antecedens, quòd scilicet species subiocabilis respectu huius, & illius speciei subiocabilis, verè est vniuersalis, & prædicabilis, sed hoc idè est, quia tunc materialiter tantum est subiocabilis, vt de se patet.

34 ¶ Ex dictis infertur nomen *species* equiuocè dici de specie subiocabili, & prædicabili, quod rectè notant Sor. & Niger. in hoc cap. & probant latè Sanch. & Mas. vbi supra. Ratioque est manifesta: quia licet species subiocabilis, & prædicabilis aliàs conueniant vniuocè in relatione rationis, aut alijs generibus subalternis, tamen prout isto nomine significantur, nihil habent commune præter nomen; siquidem in ratione *speciei* sunt relationes omninò disparatæ, vt explicatum est. Sicut à simili ceramus in cane latrabili; & marino, qui quamuis vniuocè conueniant in genere substantiæ, corporis, &

animalis; tamen vt significantur nomine *canis*, sunt res omnino disparatæ, nihilque habent commune præter nomen; & idèd æquiuocè prædicatur de illis.

QVAESTIO IIII.

Vtrum omnis species subijcibilis, sit etiam prædicabilis?

35 QVæstione præcedenti statutum est, subijcibilitatem, & prædicabilitatem nullum inter se seruare ordinem passionis, & essentia. Restat nunc videre: an materialiter saltem, ratione subiecti, aliquam inter se seruent societatem; id est, an qualibet natura specifica, quæ potest recipere intentionem subijcibilis, possit etiam fundare intentionem prædicabilis.

Mouetur autem hæc difficultas, propter aliquas species, quæ tantum habent vnicū indiuiduum, vt de Angelis tenet cōmunis Thomistarum sententia. De quibus licet dubitari non possit esse species subijcibilis, siquidem sunt sub determinato genere, meritò tamen vocatur in dubium; an sint vniuersales, & prædicabiles. Cū enim de ratione vniuersalis sit ordo ad plura, vt sæpè dictum est, videtur id ex diametro pugnare cum istis speciebus, quæ sub se non habent plura indiuidua.

Supponimus autem, plura indiuidua intra tales species esse omnino inpossibilia, etiam de potentia absoluta, vt tenent graues Thomistæ, & probat Saach. lib. 3. q. 18.

Ex hypothese enim huius sententiæ procedit præsens difficultas. Nam de corporibus cælestibus, quibus, saltè ex principijs suæ essentia, non repugnat numero multiplicari, & de ipsis naturis angelicis in sententia asserentium, ipsas de facto, vel de possibili habere plura indiuidua, non debet dubitari, esse etiam prædicabiles. Inquirimus ergo, vtrum dato, quod sub specie Michaelis sint omnino impossibilia plura indiuidua, adhuc talis natura, vt à nobis concipitur, possit subire intentionem vniuersalis, & prædicabilis.

36 Partem negatiuam defendūt Molina 1. par. quæst. 50. ar. 4. Suar. disp. 5. Metaph. sect. 2. num. 28. Perez in Laurea salmantina certamine 3. scholastico, Rub. q. 4. Hurt. disput. 5. Logicæ sect. 3. Cabero tract. 3. disput. 3. dub. 3. Raphael de Auerfa quæst. 8. sect. 4. & alij Moderni.

Probatur primò hæc sententia, quia vniuersale est vnum in multis: sed natura angelica non est vna in multis: ergo non est vniuersalis. Probatur minor. Vel illa multa sunt existentia, vel possibilia, vel ab intellectu conficta: non primum: neque secundum, vt supponimus. Tertium autem esse impossibile, probatur: quia species prædicatur essentialiter de pluribus: sed natura angelica non prædicatur essentialiter de illis inferioribus, quæ fingit intellectus; cū hæc sint entia rationis: illa verò ens reale: ergo ratione illorum non potest natu-

natura angelica denominari vniuersalis, seu prædicabilis.

Confirmatur: quia vniuersalitas resultat in natura, ex eo quod ab intellectu comparetur ad plura inferiora, iuxta dicta disp. 3. num. 59. ergo ubi fuerit impossibilis talis comparatio, erit impossibilis vniuersalitas. Sed in natura angelica impossibilis est comparatio ad plura ex hypothesi, quod sint impossibilia talia plura; ergo ibi est etiam impossibilis vniuersalitas.

Confirmatur secundò: quia ideò Petrus non potest concipi, vt vniuersalis, quia concipitur sub opposito eius, quod petit vniuersalitas, scilicet sub immultiplicabilitate secundum numerum: sed similiter natura Michaelis concipitur sub eadē immultiplicabilitate, siquidem ex hypothesi facta concipitur, vt tantum potens descendere ad vnicum indiuiduum, tanquam ad quid adequans talem naturam: ergo nequit concipi, vt vniuersalis.

Secundò probatur: quia licet Angelos apprehendamus ad modum corporum, & per species eorum; nõ tamen iudicamus esse corpora, nec illis tribuimus aliquid proprium corporis: ergo licet species angelicas apprehendamus ad modum specierum materialium, quæ sunt vniuersales, & prædicabiles, non ideò illis debemus tribuere easdem intentiones, quas tribuimus istis.

Confirmatur. quia alias natura diuina, vt à nobis pro hoc statu concipitur, verè posset deno-

minari vniuersalis, & prædicabilis; consequens est falsum, & contra D. Thom. quæst. 7. de potentia, art. 3. ad 1. ergo, &c. Probatur sequela: quia licet essentia diuina in se singularissima sit, tamen ex modo concipiendi nostro apprehenditur, vt quid commune, nec illi, prout sic habet esse in intellectu, repugnat supponere pro pluribus naturis diuinis, si essent. Plura alia argumeta pro hac sententia adducunt, & solunt Sanchez, & Gallego infra citandi.

37 Pro solutione difficultatis, primò notandum est, quod licet in Angelis nõ sit aliud, à quo sumatur species, & aliud, à quo sumatur indiuiduatio; sed eadem entitas simplex per se ipsam constituatur in sua essentia specifica, & simul sit hæc, & indiuidua, vt docet communiter Thomistæ cū D. Tho. 1. p. q. 13. art. 9. & q. 50. art. 4. hoc tamen non obest, quin eandem simplicem entitatem vno cõceptu consideremus, vt constituit Angelum in sua specie, & habet rationem differentia essentialis; & alio conceptu, vt indiuiduat, & habet rationem differentia numericæ constituentis Angelum in esse indiuidui, & singularis. Ex quo etiam fit, posse nos præscindere vnum ab alio, abstrahereque naturam specificam Michaelis à differentia indiuiduali eiusdem. Quia licet eadem entitas realis sit differentia specifica, & indiuidualis; munera tamen talis entitatis sunt valdè diuersa; cū singularitas nõ sit de essetia alicuius creaturæ.

38. Secundò notandum est, quòd quamuis naturæ angelicæ, eò quòd sicut materiæ expertes, sint in se à se intelligibiles, non solùm quātum ad principia specifica, sed et à quātum ad principia indiuidualia; quia tan en à nobis cognoscuntur per species corporum, quæ nō sunt à se intelligibilia, quonſque intellectus agens denudet phantasmata à conditionibus indiuidualibus, vt tetigimus supra disp. 3. nu. 49. inde est naturas angelicas non intelligi à nobis, secundum quòd in se sunt intelligibiles, & secundum principia indiuidualia earum, sed secundum modum nostrum intelligendi, qui est cognoscere naturam specificam præcisam à conditionibus indiuidualibus. Ex quo tandem fit, quòd diuerso modo cognoscimus de facto Angelos, eisque aliter tribuimus intentiones, ac cognoscere mus, & tribueremus, si perciperemus illos, secundum quòd in se ipsis sunt intelligibiles, aut sicut ipsi se inuicem cognoscunt.

39. Dicendum est ergo, naturas angelicas, vt à nobis pro hoc statu concipiuntur, subire intentiones vniuersalis, & prædicabilis, etiam si sint impossibilia plura indiuidua in vnaquaque earum. Si verò secundum quòd in se ipsis sunt, intelligerentur, non fore vniuersales, aut prædicabiles: ac proinde de facto omnem speciem subijcibilem esse prædicabilem.

Vtraque pars conclusionis videtur expressa D. Thomæ, quæstione 13. citata, vbi affirmat, om-

nia nomina significantia natura specificas esse communicabilia pluribus, siue re, & ratione, siue, ratione tantum: & concludit his verbis: *Forma, quæ non indiuiduantur per aliud suppositum, sed per se ipsas, quia scilicet sunt formæ subsistentes; si intelligerentur secundum quòd sunt in se ipsis, non possent communicari neque re, neque ratione.* Sed quia *formas simplices nō possumus intelligere secundum quòd sunt, sed intelligimus eas ad modum rerum compositarum, idè imponimus eis nomina concreta, significantia naturam in aliquo supposito.* Vnde quātum pertinet ad rationem nemini, eadem ratio est de neminibus, quæ à nobis imponuntur ad significandum naturas rerum compositarum, & denominibus, quæ à nobis imponuntur ad significandum naturas simplices subsistentes. Idem docet Angelicus Doctor opusc. 42. cap. 5. de spiritualibus creaturis art. 8. ad 4. & alibi sæpè. Et idè hæc sententia est receptissima inter Thomistas. Pro qua videri possunt Capreol. in 2. dist. 3. quæst. 1. ad 2. contra quintam conclusionem Caiet. hic dub: 3. & quæst. 13. citata 1. partis, Raphael de Ripa quæst. 50. sequenti, art. 4. Zumel ibidem q. 1. conclus. 6. Arauxo 3. Metaph. quæst. 4. art. 4. Sonc. Iabel. Masius, & alij, quos referunt, & sequuntur Sanchez. lib. 3. quæst. 18. & Gallego controuers. 15. qui addunt esse omnium Discipulorum Diu. Thom. nec censendū esse Thomistam, qui oppositum senserit.

40 Probatur prima pars conclusionis ratione, quam format Diuus Thomas dicta quæstione 13.

* Quia intellectus noster intelligit naturam cuiuslibet speciei per abstractionem à singulari: ergo esse in vno supposito singulari, vel in pluribus, est præter intellectum naturæ speciei: ergo seruatō intellectus naturæ speciei potest intelligi, vt in pluribus existēs. * Omnia sunt verba D. Thom.

Confirmatur, & explicatur ratio ista: quia natura Michaelis, prout à nobis intelligitur præcisa à sua differentia indiuiduali, non intelligitur determinata ad hoc indiuiduum, sed indifferens, & non appropriata illi: ergo prout sic, est in tali statu, vt si per impossibile haberet plura indiuidua, determinaretur ad vnūquodque eorum per differentiam indiuidualem vniuscuiusque: ergo ex modo nostro intelligendi natura Michaelis sic præcisa, potest apprehendi vt vniuersalis, & prædicabilis.

Secundò: quia talis natura abstracta comparatur ab intellectu ad proprium indiuiduum, vt quid indifferens ad suum determinatum: ergo ex modo concipiendi nostro, comparatur vt quid superius ad suum inferius; & ex consequenti erit vniuersalis, & prædicabilis. Antecedens est euidens ex dictis. Et prima consequentia patet: nam indifferens in quantum tale, necessariò concipitur cū maiori latitudine, quam eius deter-

minatum; ergo ex modo concipiendi apprehenditur, vt quid superius: ac proinde quando natura Michaelis sic præcisa, & indifferens comparatur ad suum indiuiduum, fit formaliter vniuersalis, & prædicabilis.

41 Confirmatur: quia prædicatio, in qua naturam specificam Michaelis prædicamus de suo indiuiduo, verè est prædicatio formalis, & propriè pertinet ad speciem: ergo talis natura specifica, vt à nobis concipitur, verè est vniuersalis, & prædicabilis respectu sui indiuidui. Consequentia patet; & probatur antecedens: quia Michael, vt est quædam res singularis à parte rei existens, est verum indiuiduum, quod directè ponitur in prædicamento substantiæ, vt fundamentum aliorum prædicatorum, vt diximus supra numero 5, ergo supra illud apprehendimus gradum aliquem specificum, cui immediatè subiiciatur. Implicat enim dari indiuiduum, quod non concineatur sub aliqua specie infima, vt per se patet: ergo illud indiuiduum, vt à nobis concipitur, subit intentionem subijcibilis respectu suæ naturæ specificæ. Cū autem relatio mutuo correspondens subijcibilitati indiuidui, sit vniuersalitas, & prædicabilitas speciei, placet sequitur naturam specificam Michaelis, vt à nobis concipitur, respectu sui indiuidui, subire etiam intentionem vniuersalis, & prædicabilis.

Secunda pars conclusionis est

etiam receptissima inter Thomistas, breuiterq; probatur: quia Angelus secundum se est actu intelligibilis, non solum quantum ad naturam specificam, sed etiam quantum ad differentiam indiuidualem, & ab eodem principio, quo constituitur in esse specifico, constituitur etiam in esse indiuiduali: ergo si intelligeretur, secundum quod in se est, non solum intelligeretur secundum naturam specificam, sed etiam secundum principium indiuiduale: ergo simul intelligeretur ut Angelus, & ut hic Angelus: ergo non intelligeretur ut vniuersalis, & prædicabilis. Videantur Sanch. & Gallego, ubi supra.

42 Ad argumenta respondetur. Ad primum concedendum est, naturam angelicam esse unam in multis: ad hoc tamen non est necessarium, quando natura est vniuersalis secundum rationem tantum, quod illa multa sint actu existentia, vel actu possibilia, vel actu constituta ab intellectu; sed sufficit, quod ex modo concipiendi nostro, ita comparatur ad proprium indiuiduum, ac si haberet alia plura, quia tunc necessario concipitur ut superior, cui prout sic, formaliter loquendo, non repugnat multiplicatio. Ut enim bene inquit D. Thom. loco citato de spiritualibus creaturis: *Natura huius Angeli non prohibetur esse in multis, ex eo quod pertinet ad rationem speciei, sed ex eo quod pertinet ad rationem indiuidui.* Itaque non ponimus plura indiuidua ficta, de quibus natura angeli-

ca prædicetur, neque exercemus prædicationem respectu talium indiuiduorum fictorum, ut in obiectione innuitur; sed dicimus naturam illam ex modo concipiendi nostro, taliter comparari ad proprium indiuiduum, ac si haberet alia plura, quia respectu illius apprehenditur à nobis ut quid superius, & indifferens; & eo ipso est in tali statu, ut si per impossibile daretur plura indiuidua, verè prædicaretur de illis absque aliqua mutatione ipsius naturæ sic à nobis conceptæ.

Ad primam confirmationem similiter respondetur, quod quando natura est vniuersalis, secundum rem, & rationem simul, tunc vniuersalitas provenit illi per comparationem, qua natura verè comparatur ad plura indiuidua, siue actu existentia, siue possibilia. Quando verò natura solum potest esse vniuersalis secundum rationem tantum, siue ex modo concipiendi nostro, tunc non est necessarium, ut actu comparatur ad plura, sed sufficit, ita comparari ad proprium indiuiduum, ac si haberet plura alia, quod est, logicè tantum esse vniuersalem.

43 Ad secundam confirmationem neganda est minor, loquendo de natura Michaelis, ut à nobis concipitur præcisa à sua singularitate: nam formaliter prout sic, potius concipitur à nobis, ut communicabilis pluribus, seu ut non habens aliquid, quo prohibeatur descendere ad plura indiuidua, ut explicatum est. Alia autem ratio est de Petro, qui prout talis

talis est, concipitur à nobis vt vnus vnitate numerica, ac proinde apprehenditur, vt immultiplicabilis secundùm numerum.

Ad secundũ negatur consequentia, & disparitas est manifesta: nam ex cognitione Angeli ad modum corporis, non sequitur necessariò iudicium, quo iudicemus Angelum esse corpus, aut tribuamus illi aliquid proprium corporum, vt de se patet, cùm sint diuersi actus. At verò ex eo, quod naturas angelicas abstrahamus, & comparemus ad eum modum, quo abstrahimus, & comparamus naturas materiales, necessariò sequitur illas fieri vniuersales: quia vniuersalitas resultat in natura per ipsum actum comparationis, vt ex dictis patet.

Ad confirmationem respondetur, quòd licet hoc nomen *Deus*, vt à nobis apprehenditur, sit communicabile multis secundũ rationem, vt inquit D. Thom. citata q. 13. ar. 9. & propterea ex parte modi concipiendi nostri sit terminus communis, vt frequenter docent Thomistæ ibidem, adhuc tamen natura diuina non potest subire intentionem speciei, nec vniuersalis, aut prædicabilis. Tùm, quia vt latè probat Sanctus Doctor loco citato in argumento, & 1. par. quæst. 3. ar. 5. cùm Deus sit ipsum suum esse, & actus immixtus potentia, nullum in eo est fundamentum ad formã,

dum gradum genericum, aut specificum: quod tamen verè reperitur in Angelis, vt patet ex ijs, quæ diximus disput. præcedenti, num. 73. Tùm etiam, quia sola natura diuina est essentialissimè singularis, ac proinde illi soli repugnat fieri vniuersalem, aut prædicabilem.


QVAESTIO V.

Quomodo ordinanda sit arbor prædicamenti substantia?

44 **V**T doctrinam in hoc, & præcedenti cap. traditam de generibus, & speciebus magis explicaret Porphyrt. adduxit exemplum in prædicamento substantia ordinans arborem eius: propter quod non enumerauit omnia genera, sed ea tantùm quæ notiora erant; hoc enim suo instituto satis erat, maxime cum hic non sit proprius locus examinandi omnes diuisiones huius prædicamenti, sed cap. de substantia. Ceterùm, quia vsu communi iam introductum est, vt in præfenti explicetur coordinatio eius: (quæ sumpta denominatione ab arboribus, arbor prædicamentalis appellatur) neque iterùm de illa agendum nobis est; ideò integram arborem cū omnibus suis generibus proponendam, & explicandam esse duximus, sicut cernitur in sequenti figura.

Differentia
proprie

Differentia
improprie



Socrates

Hic Homo

Sophronici filius

inqua

45 In qua tria circuloſum genera continentur. Alij ponuntur ad latus dextrum, vbi collocantur propriæ, & poſitiuæ differentiæ, quæ ſimul diuidit gradum ſuperiorem, & conſtituunt inferiorem. Alij ad latus ſiniſtrum, vbi collocantur differentiæ improprie, & negatiuæ, quas ponimus loco aliarum ſpecierum illius generis. Alij tandem collocantur in recta linea, ſeu in medio arboris, vbi ponuntur genera, & ſpecies: nam de indiuiduo iam diximus non eſſe partem, quaſi intrinſecam prædicamenti, ſed fundamentum, cui cætera innituntur.

In horum igitur ſupremo circulo collocatur *ſubſtantia*, quæ eſt ſupremum genus, ſeu generaliſſimum, quia ſupra ſe non habet aliud genus, propter quod etiam non poteſt propriè definiri. Similiter in circulo vltimo ponitur *homo*, qui eſt ſpecies infima, quia ſub ſe non habet alias ſpecies. In circulis verò intermedijs collocantur ea, quæ reſpectu ſuperiorum ſunt ſpecies, & reſpectu inferiorum genera. Hæc autem omnia inter generaliſſimum, & ſpeciem infimam collocata, licet indiſtinctè, & præcipuè ab antiquis, appellantur ſpecies, vel genera ſubalterna, quia viciffim modò ſunt ſpecies, modò genera, iam tamè vſu receptum eſt, genus vltimum, quod ſcilicet immediatè diuiditur in ſpecies a thomas, appellari genus infimum, quia ſub ſe non continet alia genera.

46 Nota tamen: idèd in penultimo circulo poſitum eſſe *animal* pro genere infimo, quia ſaltem reſ-

pectu hominis nullum aliud datur immediatius genus. An autem etiã reſpectu cæterorum animalium ſit genus immediatum; & conſequenter an animal verè ſit genus infimum, ſub lite eſt: quibuſdam id affirmantibus cum Sot. hic q. vnica ad 3. quem non pauci ſequuntur: alijs verò id negantibus, quibus planè fauet Ariſt. 7. Metaph. text. 28. vbi expreſſè docet, inter aſinum, & animal eſſe aliud genus innominatum. Quo loco D. Tho. lect. 7. id ipſum affirmat, dicens: *Iſt enim aliquod proximũ genus, quod non eſt nominatũ, commune equo, & aſino.* Propter quod etiam Bañez 1. p. quæſt. 72. art. vnico ad 2. & alij Thomiſtæ hanc ſententiam probant. De quo videri poteſt Sanch. lib. 3. q. 12.

47 Cætera, quæ hic addi poſſent, videlicet, quæ ponantur in recta linea prædicamenti; quæ verò non; & cur differentias ad latus colloceamus; & an ſubſtantia ſit primum genus, vel potiùs corpus, aliaque huiusmodi, propriam ſedem habent in antepædicamentis, & cap. de ſubſtantia. Quia tamè in hac arbore duo genera addimus, quæ nec poſuit Porphyrius, nec ponit communiter Auctores, oportet ſufficiẽtiam harum diuiſionum, & neceſſitatem ponendi dicta genera, auctoritate, & ratione firmare.

Quantum ad auctoritatem, licet Doctores communiter non addant alia genera, nec conſtituant alias diuiſiones præter eas, quas Porphy. attulit, propter rationem ſupra dictam, quod etiam obſeruant

D. Th. opus. 48. tract. 2. c. 3. collocans in arbore ea tantum genera, quæ Porph. collocauit; tamen idem Angelic. Doct. op. 42. ubi ex professio inuestigat omnia genera prædicamenti substantiæ, adducit omnes diuisiones, quas in arbore posuimus. ¶ Primam quidem, quæ substantia diuiditur in corpoream, & incorpoream, siue in materialem, & immaterialem, seu extensibilem, & inextensibilem (quæ omnia idem sunt) adducit cap. 4. 5. 6. & 7. ¶ Secundam verò, quæ corpus diuiditur in inalterabile, & alterabile, siue in incorruptibile, & corruptibile, seu in cœleste, & sublunare (quæ etiam idem sunt) tradit cap. 14. ¶ Tandem tertiam, quæ generabile diuiditur per compositum, & simplex; & quartam quæ mixtum diuiditur per animatum, & inanimatum; & duas alias, scilicet *viuentis*, per sensibile, & insensibile; & *animalis*, per rationale, & irrationale explicat, & latè probat cap. 18. Videatur ibi.

48 Ratione etiam idem faciliè demonstratur à posteriori. Quod ut fiat, meminisse oportet id, quod supra disputat. 5. numer. 25. dicebamus, scilicet omnia accidentia, seu operationes attribui alicui gradui substantiæ, cui adæquatè, & conuertibiliter conueniunt. (Omittimus nunc, quæ eorum sunt propriæ passionibus, quæ verò non; de quo infra disputat. 9. Vnde ex diuersis operationibus, seu accidentibus, quorum vnum, neque profuit ab alio, neque cōuertitur cum illo optimè colliguntur diuersi gra-

dus, seu genera prædicamenti substantiæ. Qua ratione D. Thom. cap. 18. citato probat, genus *animalis* esse distinctum à genere superiori *viuentis*, addereque illi perfectionem positiuam, quia scilicet *in animali* (verba sunt D. Tho.) *super operationes vegetabiles, quæ sunt generare, nutriri, & augmentari, reperitur actio quadam super addita, scilicet sentire.*

Iuxta quam doctrinam sic faciliè colligemus gradus, seu genera prædicamenti substantiæ: quia in *Petro* reperiuntur intellectus, & voluntas, quæ tamen non conueniunt illi formaliter, quatenus Petrus est, aliàs non reperiuntur in alijs hominibus. Neq; conueniunt illi, quia est substantia, corpus, generabile, mixtum, viuens, aut animal, aliàs omnes substantiæ, vel corpora, &c. aut omnia animalia haberent intellectum, & voluntatem, quod patet esse falsum; ergo conueniunt *Petro*, quia est homo, & per consequens immediatè supra indiuiduum collocandus est *homo*, tanquam species infima huius prædicamenti.

Item potentiæ sensitiuæ conueniunt eidem *Petro*, & nō quatenus homo; aliàs solis hominibus conuenirent: nec quatenus viuens, aut ratione alicuius gradus superioris, quia non reperiuntur in plātis: ergo quatenus animal, ac proinde gradus *animalis* collocandus erit immediatè supra hominem.

49 Similiter potentiæ vegetatiuæ conueniunt eidem *Petro*, & non quatenus homo, aut animal,

aliis solis hominibus, aut animalibus conuenirent; nequē quatenus mixtum, aut ratione alicuius gradus superioris; siquidem non reperiuntur in lapidibus aut metallis: ergo quatenus viuens; & ex consequenti, gradus *viuentis* collocandus erit supra animal.

Item, qualitates secundæ reperiuntur in eodem Petro; quæ tamē non conueniunt illi, quatenus homo, animal, aut viuens; siquidē reperiuntur etiam in rebus non viuētibz, nec quatenus generabile, aut ratione alicuius gradus superioris; siquidem non inueniuntur in elementis, quæ si pura sint, non habent colorem, aut saporem, &c. ergo conueniunt illi quatenus mixtum; & consequenter gradus *mixti*, collocandus est supra viuens.

Præterea, in Petro reperitur potentia generatiua cōmuniter dicta, seu productiua similis in specie; quæ tamē nō conuenit illi quatenus homo animal, viuens, aut mixtum; siquidem reperitur etiā in elementis; neq; quatenus corpus, aut substantia; quia nec Angeli, aut corpora cœlestia habēt similem potentiam: ergo conuenit illi quatenus generabile; ac proinde gradus *generabilis* collocandus est sup. mixtū.

Item quantitas, motus, tempus, & alia huiusmodi conueniunt Petro, nō quatenus homo, animal, viuens, mixtum, aut generabile; quia etiam reperiūtur in celo: neque quatenus substantia; quia non inueniuntur in Angelis: ergo conueniunt illi quatenus corpus; & per consequens gradus *corporis* collo-

candus est supra generabile

Tādē Petro conuenit subsistere in se, & subsistere accidentibus; nō tamen quatenus homo, animal, viuens, mixtum, generabile, aut corpus; quia etiā reperiuntur in Angelis, neq; quatenus ens; quia nō cōueniunt accidentibus: ergo quatenus substantia; & ex consequenti gradus *substantiæ* collocandus est supra corpus. Ens autem nō potest esse genus, vt ostendemus in antepredicamentis: ergo substantia est genus supremum in summo prædicamenti vertice collocandum. Ex quo tandem fit, cōstituenda necessariō esse omnia genera à nobis assignata. Quod autem non supersint alia, ex eo probatur: quia nullum datur accidens, quod ad aliquem ex istis gradibus, modo explicato, non reducatur: ergo in arbore à nobis statuta nullum genus desideratur, nullum redundat.

QV AESTIO VI.

De natura indiuidui.

50 DVas indiuidui definitiones adducit Porphyrius in hoc cap. vt vidimus ibi, quarum explanationem in hunc locum remissimus. Ante omnia tamen aduertendum est, Porph. non definisse indiuiduum, quatenus est subijcibile respectu speciei; quia ex definitione speciei subijcibilis colligi faciliè poterat indiuiduum sic sumptum esse; quod ponitur sub specie, vel de quo species prædicatur. Vnde dictæ definitiones procedunt de indiuiduo secundum se, & non formaliter vt respicit speciem.

Secun-

Secundò, pro earum intelligentia notandum est, in indiuiduo duo inueniri, nempe naturam specificam, in qua continetur cum alijs; & differentiam indiuidualem, per quam talis natura redditur alteri in communicabilis, propriaque huius, & non alterius. Sicut ergo ex natura specifica, præcisa differentia indiuiduali, sumit intellectus fundamentum, vt attribuat illi vniuersalitatem, eamque apprehendat, vt prædicabilem de pluribus; quia vt sic præcisa, non est cuiquam illorum appropriata; ita ab eadem natura specifica, quandò consideratur appropriata, & particularizata sumit intellectus fundamentum, vt attribuat illi intentionem particularis, & indiuidui; eamque apprehendat vt prædicabilem de vno tantum, idest, de se ipso.

51 Tertiò nota, hinc fieri, quòd sicut natura specifica potest significari dupliciter, videlicet nominibus primæ intentionis, vt sunt *homo, leo, equus*, &c. & nominibus secundæ intentionis, qualia sunt, *species, vniuersale, subijcibile*, &c. ita etiam natura particularis, & indiuidua potest dupliciter significari, nempe nominibus primæ intentionis, vt sunt, *persona, hypostasis, prima substantia, Petrus, hic homo*, & similia; & nominibus secundæ intentionis, vt sunt hæc, *indiuiduum, singulare, particulare, & suppositum*. (Sic enim sumitur nomen istud iuxta propriam, & primænam eius significationem, vt docet Diuus Thomas 1. parte quæstione 29. articulo 2. & in primo distinct.

26. quæstion. 1. articulo 1. ad 3.) Iuxta hunc ergo duplicem modum, quo natura singularis significatur (de quo videri potest Sanctus Doctor quæstion. 9. de potentia, articulo 2. ad secundum) correspondent duæ diffinitiones Porphyrij, vt communiter explicant eius Interpretes. Prima enim, scilicet, *Indiuiduum est, quod de vno tantum prædicatur*, conuenit indiuiduo secundò intentionaliter sumpto; secunda verò, videlicet *Cuius collectio proprietatum sic est in vno, vt numquam in alio fiat*, conuenit indiuiduo primo intentionaliter; quamuis congruè etiam explicari posset secundò intentionaliter. De quo videri potest Sanchez libro tertio, quæstione 19. conclusione 4.

Quartò circa hanc primam definitionem nota, eodem modo, quo in definitionibus prædicabilium, diximus suprà disputat. 5. numero 44. definitum esse secundam intentionem in concreto significatam, ita vt ipsa secunda intentio sit res, quæ definitur; natura verò sit id, pro quo supponit, & in quo exercetur definitio; sic etiam philosophandum esse in hac definitione indiuidui. Itaque definitum erit secunda intentio, à qua res denominatur indiuidua, & singularis; natura verò particulares erunt id, pro quo supponit, & in quo exercetur definitio, absque eo quòd detur aliquid reale vniuocum illis commune, vt de natura generica diximus disputatione citata, numero 54.

Hanc

52. Hanc ergo secundam intentionem individui in concreto significatā definiuit per negationem Arist. 1. Perhie. cap. 5. dicens: *Singulare est id, quod nō est prædicabile de multis.* Quod ipsum explicuit positiuē Porphy. dicendo: *Individuum est, quod de vno tantum prædicatur.* Et vtraque definitio facit hunc sensum; individuum est natura quædam, quæ ad se ipsam, & non ad plura refertur, & de se ipsa, & non de pluribus prædicatur. Hoc magis constabit reducendo hanc definitionē (sicut in alijs præstitimus) ad definitionem eiusdem intentionis in abstracto significatæ, quæ sic potest formari: *Secunda intentio constitutiva individui est relatio rationis naturæ, quæ tantum potest respicere se ipsam relatione prædicabilitatis, seu qua nulla habet inferiora, de quibus sit prædicabilis.* Cum enim individuum in serie prædicabilium sit fundamentum, cui cætera innituntur, & de quo prædicantur; consequens est, ut ipsum de nullo alio possit prædicari, nisi tantum de se ipso; ac proinde ipsum non est prædicabile prædicatione doctrinali, seu artificiali, ut loquitur Caiet. sed tantum identica & naturali.

53. Contra hanc definitionem sic explicatam plura solent obijci argumenta, quæ ex dictis facile soluantur. Videri possunt (si placeat) Mas. hic sect. 2. quæstione 1. & 2. Sanch. lib. 3. quæst. 19. & alij. Hoc vnum quod difficilior est, sufficiat in præsentī. Quia individuum verè prædicatur de pluribus: ergo

falsum est, quod de vno tantum prædicetur. Probatur antecedens; quia hæ sunt veræ prædicationes, *Petrus est individuum, Paulus est individuum.* Similiter istæ, *boc individuum est individuum, & boc individuum est individuum;* ergo individuum verè prædicatur de pluribus.

Respondetur, in his prædicationibus tantum prædicari secundam intentionem, quæ est omnibus communis, & quid vniuersale, non verò naturam particularem; & propterea prædicationes adductæ, non sunt prædicationes individui; sed primæ pertinent ad quintum prædicabile; secundæ verò ad secundum. Sicut à simili cernitur in genere: nam ista prædicatio, *homo est animal*, est propria generis; si verò dicas: *animal est genus*, est prædicatio accidentis; si autem dicas: *boc genus est genus*, est prædicatio speciei. Eodem ergo modo hæc prædicatio, *Petrus est Petrus*, est propria prædicatio individui; si verò dicas: *Petrus est individuum*, est prædicatio quinti prædicabilis; si autem dicas: *boc individuum est individuum*, est prædicatio speciei. Nec inconuenit id, quod essentialiter est individuum, esse denominatiuè speciem, vel accidentem; sicut de genere explicuimus supra disp. 4. num. 61.

54. Quintò, circa secundam definitionem notandum est, nomen significans individuum primò intentionaliter sumptum, si illud significet determinare, id est, si in sua significatione includat determinatum

tum indiuiduationis principium, & *Socrates*, *Plato*, & huiusmodi, verè definiti non possunt, neque etiam potest esse obiectum scientiæ, ut communiter docent Dialectici. Et propterea D. Thom. 1. p. quæst. 29. art. 2. ad tertium dixit: *Essentia est id, quod significatur per definitionem: definitio autem complectitur principia speciei; non autem principia indiuidualia*. Vnde quoties indiuiduum primo intentionaliter sumptum definitur, debet esse sub aliqua ratione communi, ut de indiuiduo vago diximus supra disputat. 4. numer. 51. Quæ doctrina est expressa Angelici Doctoris, quæst. 9. de potentia artic. 2. ad primum assentientis: *Sicut nomen, quod significat naturam, est commune, & definibile, ut homo, & animal, ita nomen, quod significat naturam cum tali modo existendi, ut hypostasis, vel persona. Illud verò nomen, quod in sua significatione includit determinatum indiuiduationis principium, non est commune, nec definibile, ut Socrates, & Plato*.

§ 5 In hac ergo definitione Porphy. non definitur natura, cum hoc, aut illo determinato modo essendi, ut significatur nomine *Socratis*, aut *Platonis*, sed natura cum particulari modo essendi, ut abstrahit ab hoc, vel illo. Sic enim sumptum indiuiduum primò intentionali-


ter habet sufficientem communitatem, ut possit defini. Et hoc modo definitur prima substantia ab Aristoteli, in predicamentis, ut ibi videbimus. Hoc etiam modo definitur persona à Boëtio, quod sit rationalis naturæ indiuidua substantia.

Denique notandum est collectionem illam proprietatum, quæ ita est in vno indiuiduo, ut in altero reperi non possit, explicari à Dialecticis his versibus.

§ *Forma, figura, locus, tempus, cum nomine, sanguis,*

§ *Patria, sunt septem, quæ non habet unus, & alter.*

Per formam intelligitur singularis complexio. *Figura* verò significat partium proportionem, & delineamenta. *Locus*, eam partem terræ, vrbs, vel domus, ubi quis natus est. *Tempus* verò, ipsius generationis monētum; quod etiam spectat propria constellatio, seu syderum aspectus, sub quo natus est. *Nomen*, quod cuique imponitur. *Sanguis*, profapiam. Et tandem *Patria* prouinciam significat. Quæ omnia finalia sumpta non possunt duobus convenire, ut de se patet. Hæc autem definitio, ut bene notat Sor. solum conuenit indiuiduis substantiæ. Nam hæc intendebat Porphy. præcipuè definire.



CAPVT TERTIVM DE DIFFERENTIA.

SYMMATA TEXTVS.

CAPV, T Hoc duas continet partes, in prima enumerat Porphyr. quinque diuisiones differentie, in secunda totidem assignat definitiones. ¶ Prima diuisio est, differentia alia est communis, vt sedere, & currere: alia propria, vt ceruleus oculorum color, aut risibile: alia propriissima, per quam scilicet res constituitur in sua essentia, & distinguitur essentialiter ab alijs, vt rationale in homine. ¶ Secunda diuisio. Differentia alia facit diuersum per accidens, vt communis, & propria; alia diuersum per se, vt propriissima. Vel clarius secundum Perionij translationem, alia facit *diuersum*, & *varium*, vt communis, & propria; alia facit *omnino aliud*, vt propriissima. Tertia diuisio. Differentia, alia separabilis, ut moueri, & quiescere: alia inseparabilis, vt aquilinum, & simum, rationale, & irrationale. ¶ Differentia inseparabilis rursus diuiditur (& est quarta diuisio) alia est per se, vt rationale, & disciplinabile: & hæc est de substantia rei, neque suscipit magis, aut minus; alia per accedens, vt aquilinum, & simum; & hæc solum facit diuersum, potestque suscipere magis, & minus. ¶ Tandem differentia per se subdiuiditur quinta, & vltima diuisione: nã alia est diuisiua generis, vt risibile respectu animalis, & rationale respectu hominis.

2 In secunda parte definit differentiam, quinque definitionibus. ¶ Prima est: *Differentia est id, quo species excedit genus*. Contra quem mouet argumentum: nam vel genus continet differentias, vel non? si primum, ergo iam species per differentiam non excedit genus, imo eadem res contrarias formas habebit; si secundum: vnde ergo species differentiam habet? nam ex nihilo nihil fit. ¶ Et respondet, genus continere in potentia omnes differentias; actu verò nullam, & sic neque fieri ex nihilo, sed ex potentia generis, neque dari actu duo contraria in eadem re. Quia verò species continet actu differentiam, quam genus tantum continet in potentia; inde est, quòd actu species per differentiam excedat genus. ¶ Secunda definitio est: *Differentia est, quæ predicatur de pluribus differentibus specie in quale quid*. ¶ Tertia est: *Differentia est id, quod ea quæ sunt sub eodem genere, separat*. ¶ Quarta est: *Differentia est id, quo singula differunt*. ¶ Quinta, & vltima definitio, quam tradit Porphy. ex ætate (vt ipse inquit) pertractans ea, quæ ad differentiam pertinent, est: *Differentia est, quæ ita singula differunt, vt pertineat ad substantiam, & rationem, sitque pars rei, cuius est differentia*.

Notationes, & dubia circa litteram capituli.

3 P LVRA Ex his, quæ Porph. docet in hoc cap. sumpsit ex Arist. nam vltima diuisio differentiarum traditur 2. Poster. cap. 14. & 1. Topic. cap. 7. & lib. 6. cap. 3. Similiter, quod genus contineat differentias in potentia, præter locum supra disputat. 5. num. 70. adductum, docet etiam 4. Topicor. c. 2. & 7. Metaphys. c. 12. Præterea differentias prædicari in qualequid, habetur 4. Topicor. cap. 2. & alibi sæpè. Et tandem quod differentiarum propriissimarum, seu essentialium non suscipiant magis, & minus docet Arist. 6. Topic. cap. 3.

Tam verò circa has diuisiones, & definitiones multa solent in præsentibus dubitari, quæ vel constant ex dictis circa alia prædicabilia, vel sunt parui pòderis, & idè illa breuiter in his notationibus explicabimus.

Primò ergo notandum est, quod *diffèrre*, seu *differentia*, si vim nominis, vt in præsentibus sumitur, attendamus, significat distantiam, distinctionem, seu diuersitatem inter aliqua. Sumitur autem dupliciter, vt ex doctrina Arist. 5. Metaph. tex. 15. docet, & probat D. Thom. ibidem lect. 12. & 1. p. q. 3. artic. 8. ad 3. lib. 1. contragentes cap. 17. & alibi sæpè. Primò enim sumitur latè, & improprie pro quacumque diuersitate, aut distinctione aliquorum, ad quod non requiritur, vt in aliquo vno conueniant. Quo sensu prædicamenta, ipsæque differen-

tias dicimus inter se differre; cum tamen sint primò diuersa, vt infra constabit. ¶ Secundò sumitur proprie, pro diuersitate eorum, quæ in aliquo vno conueniunt, seu prout importat ea, quæ non se ipsis, sed aliquo alio inter se differunt. Vnde etiam nomen *differentia* applicatum est ad significandum principium huius distinctionis, seu gradum illum, per quem vnum differt ab alio; & sic sumitur in præsentibus.

4 Secundò circa primam diuisionem notandum est, non dici aliquid differentiam còmunem, quia actu inueniatur in vtroque extremo, scilicet in re quam distinguit, & in re à qua distinguit; hoc enim est manifesta implicatio; siquidem *sessio* non distinguit sedentem ab alio, vel à se ipso sedente, sed ab alio, vel à se ipso non sedente. Dicitur ergo differentia communis: quia est accidens neutri extremorum proprium, & vicissim potest vtrique accidere; sicut eò contra, non dicitur aliquid differentia propria, aut propriissima, præcisè quia non inuenitur in altero extremo, respectu cuius exercet rationem differentiarum; sed quia cum vna sit propria passio, & altera constitutum essentialè; sic inueniuntur in vno extremo, vt non possint esse in altero, respectu cuius exercent rationem differentiarum. Qualis autem sit ista diuisio, explicabitur in disputatione.

5 Tertiò circa secundam diuisionem notandum est, non esse subdiuisionem præcedentis, imò neque nouam diuisionem: nam differentia communis, & propria coincidunt cum differentia per accidens; seu quæ facit diuersum, & variũ; differentia verò proprijsima coincidit cū differentia per se, seu quæ facit aliud. Vt autem hi termini cōprehendantur, obseruandum est, quòd relatiuam, *aliud*, si sumatur substantiuè, & in neutro genere, potest dupliciter accipi, vt colligitur ex D. Tho. primò vt significat diuersitatem in essentia formalem; & secūdo, vt significat diuersitatem in essentia materialem. Primam acceptionem innuit 1. p. quæst. 31. art. 2. ad 4. estque certissimæ: nam homo proprijsimè est aliud ab equo: secūdam verò tradit in secundo, dist. 21. quæst. 1. art. 1. dicens, non omne, quod est aliud à Socrate, esse aliud ab homine, quia scilicet, Petrus est aliud à Socrate, & tamè non est aliud ab homine. Et quia in essentia diuina, neutra diuersitas reperitur; idèò neutro modo nlius dicitur *aliud* à patre. Potest tamen adiectiuè dici *aliud suppositum*, vel *alius*, aut *alter*; quia sic solum significatur diuersitas suppositi, seu personæ.

Quamuis autem ly, *aliud*, & tramque acceptionem admittat, & utroque modo sumatur ab Aristot. 2. Physico. Porphyrius tamè, & Dialectici in hac diuisione sumunt ly, *aliud*, in prima acceptione tantum, & sensus est, quòd differentia proprijsima facit diuersitatè forma-

lè. Cū enim sit constitutiua essentia, distinguit eam essentialiter ab omnibus alijs, quod nō habent differentia cōmunis, & propria, quæ cū sint extra essentiam, tantum distinguunt accidentaliter rem cuius sunt differentia. Et hoc significauit Porphyr. dicens, has differentias facere diuersum, ac variũ, seu *alteratum*, vt vertit Boec. quæ nomina tantum significant diuersitatem accidentalem. Videatur Säch. lib. 3. q. 20.

Addit etiam Porphy. circa hanc diuisionem, quòd differentia faciēs aliud, dicitur specifica, differentia verò faciens diuersum, seu varium simpliciter appellatur differentia. Quod non ob aliquam dignitatem, aut perfectionem huius differentia dictum est, sed potiùs ob eius ignobilitatem; & imperfectionē, vt ex B. Alb. notat benè Sor. & Mas. hic, eo sensu, quo bruta absolutè, & sine addito solemus appellare animalia, & generaliter nomen generis, sine alio addito solet tribui speciei imperfectioni.

6 Circa tertiam & quartam diuisionem, nihil se offert notandum, nam fere coincidunt cū præcedentibus. Circa ultimā verò notat benè Sor. hic, posse dupliciter intelligi. Primò, ita vt membra eius indicent diuersas differentias, & sit sensus, quòd eiusdem generis alia est differentia constitutiua, & alia diuisiua; animal enim constituitur per sensibile, & diuiditur per rationale, & irrationale, & idè est de alijs generibus. ¶ Secundò, membra illa diuidetia possunt indicare diuer-

fas rationes formales eiusdem differentia; ita vt sit sensus, eandem differentiam, v. g. rationale, secundum vnā rationem formalem esse constitutiuā speciei, scilicet, hominis, & secundum aliam esse diuisionē generis, scilicet, animalis, & vterque sensus verus est, & vtriusque exempli subiungit Porph. licet hic secundas sit magis ad rem, & intētū eius.

7 Tandem DVBITABIS: an sit verū id, quod Porph. addit, scilicet, differentias per se, seu propriissimas nō suscipere magis & minus.

¶ Dabitū hoc propriā sedē habet, c. de substantia, breuiter tamen cū cōmuni sententia, respōdetur affirmatiue, quæ est expressa sententia, Arist.

8. Metaph. tex. 10. vbi rerū essētiās cōpātas numeris ait: *Quemadmodū de numero, ablato, vel addito aliquo, ex quibus numerus est, non est amplius vnus numerus, sed diuersus? etiā si minū auferatur, aut addatur:*

ita neq; diffinitio, neque ipsum quid erat, esse, erit amplius, ablato aliquo, vel addito. Idem docent Caiet. Tab. l. 5. et. & alij, quos refert & sequitur Rub. hic q. 3.

Fundamentum est: quia essentia; consistunt in indiuisibili, iuxta commune Metaphysicorum axiomā, cuius rationem reddit optimē D. Thom. 1. 2. q. 52. art. 1. nām illud, secundum quod aliquid sortitur speciem, seu a quo accipit specificationem, oportet esse fixum, & stans, & quasi indiuisibile, vt ita res specificata, habeat determinatam, & certam essentiam; cuius manifestum signum est, quod predicata essentialia, nō dicuntur de speciebus, secundum magis, & minus. Cū ergo differentia; essentielles sint constitutivæ rerum in propria essentia, & gradu certo entis, planē fit, cōsistere in indiuisibili, ac proinde nō suscipere magis, & minus.

DISPUTATIO SEPTIMA.

De differentia tertio predicabili.

QUIA De vniuersali, quod est genus respectu differentia; satis egimus in præcedentibus, ideō vt hoc tertium prædicabile comprehendere, iuxta methodum suprà disp. 5. num. 56. præscriptam; solum restabat in hac disp. cognoscere, quid sit natura constitutiva, seu contractiva, vnde sumitur essentialis eius differentia, quod ostendunt quæstiones, quas de differentia primò intentionaliter sumpta postea instituemus. Sed quia ex vna parte, prima illa diuisio differentia; à Porphyrio tradita, habet specialem difficultatem; ex alia vero, quia vnus de differentia constat, esse vniuersalem; non tamen constat, respectu, cuius habeat istam vniuersalitatem: an, scilicet, respectu speciei, vel respectu indiuiduorum: ideō vtramque istam quæstionem oportuit alijs præmittere.

QVÆSTIO PRIMA.

Qualis sit prima diuisio differentia? ubi etiam de diffinitionibus eius.

3 Vpponendam est ante omnia, S diuisionē istam differentia in cōmanē, propriam, & proprijsimā esse adæquatam, vt docent communiter Dialectici. Quamuis de hoc aliqui dubitauerint, quorum meminit Sauch. libr. 3. Logica, q. 23. Probat autem eius sufficiētiā Mas. hic scilicet. 1. q. 2. per facili argumentum: quia quidquid verē differt ab alio, vel differt secundū essentiam, vel secundū accidentia: si primū, erit differentia proprijsima, seu essentialis; si secundū, vel est accidens propriū, & sic erit differentia propria, vel est accidens commune, & sic erit differentia cōmunis: ergo prædicta diuisio est adæquata. Videatur noster Did. a Iesu hic q. 3.

Est tamen contra hoc vulgare argumentum sumptum ex differentia indiuiduali, quæ quidem verē est differentia, vt patet; & tamen non est proprijsima, cum nō faciat differre essentialiter; neq; est propria, aut cōmunis, siquidem Petrus, & Paulus inter se, non accidentaliter tantū, sed substantialiter distinguuntur.

Respondetur tamē, omisiss alijs solutionibus, in prædicta diuisione solum diuidi differentiam, quæ aliquomodo potest pertinere ad hoc prædicabile, quæ, scilicet, potest subire intentionē vniuersalis, & prædicabilis, quod non habet differen-

tia indiuidualis, vt patet. Et ideo propriē, & per se, nequē cōtinetur sub diuiso, nequē sub aliquo membrorum diuidentium. Potest tamē aliquomodo reduci ad differentiam proprijsimā ex ea parte, quæ facit differre substantialiter, & sumitur radicaliter ab vna parte substantia, in quo assimilatur differentia proprijsime. Licet, ex qua parte sumitur etiam a quantitate, iuxta doctrinam D. Thom. in primo dist. 26. q. 2. art. 2. & 4. d. 12. q. 1. art. 1. quæstion. c. 3. ad 3. & alibi sæpē, interdū talis differentia appellatur accidentalis, & prout sic reducitur quodammodo ad cōmunē, quia quæritas est accidens commune, vt disp. 9. ostendemus.

9 Hoc supposito, pro explicatione quæstionis notandum est, quadrupliciter posse fieri comparisonem inter diuisum, & membra diuidentia huius diuisionis. *Primò*, si tā diuisum, quā membra diuidentia sumantur primo intentionaliter pro naturis denominatis. *Secundò*, si diuisum sumatur pro natura denominata, & membra diuidentia pro secundis intentionibus. *Tertiò*, e contra. Et tandem *quartò*, si tam diuisum, quā membra diuidentia sumantur secundo intentionaliter.

Primo modo certum est diuisionem non posse esse vniocam, sed analogam; siquidem naturæ

istæ denominatæ diuagantur per omnia prædicamēta. Secūdo etiā, & tertio modo, certum est, diuisiones esse subiecti in accidentia, & accidentis in subiecta. Neque de hoc est difficultas inter Doctores. Quorum tamen quidam inquirūt, an aliquo ex his modis samperit Porphy. istam diuisionem? Quibus respondendum est, probabiliter posse explicari hoc tertio modo. Sed multo probabilius est, tam diuisam, quam membra diuidentia sumpsisse vltimo modo, scilicet secundò intentionaliter: tūc, quia sic explicant communiter Doctores hanc diuisionem: tūc etiā, quia nomen *differentiæ*, vt in præfenti sumitur, est terminus secundæ intentionis, sicut genus, species, & alia: tūc denique, quia sic diuisio ista propriè, & per se pertinet ad Logicam, tam ex parte diuisi, quam ex parte membrorū diuidentium. Et ita sensus diuisionis erit: secunda intentio differentię alia est, quæ facit differre communiter, alia propriè, & alia proprijsimè. In quo sensu dubitatur à Dialecticis, qualis sit ista diuisio.

10. Relicta sententia eorum, qui dixerūt, diuisionem esse purè æquiuocam, quam satis constat esse falsam. Oñia hęc quæst. 1. artic. 2. Ca. bero tractat. 3. disp. 4. dub. 2. & alij Moderni per oppositum contendunt, diuisionem esse vniuocam, & generis in sp. cies. § Quorum fundamentum est: quia non obstante, quòd ex quinque inrētionibus prædicabiliū, tres priores sint ratio-

nes prædicandi essentialiter, & aliæ duæ prædicandi accidentaliter, adhuc vniuersalitas est quid vniuocum, & verum genus respectu omnium: ergo etiam si ex intentionibus harum differentiarum, altera faciat differre communiter, alia propriè, & alia proprijsimè, adhuc secunda intentio differentię erit vniuoca, & genus respectu illarum. Probatur consequentia: quia idè conuenientia illarum quinque intentionum est vniuoca, quia omnibus verè, & simpliciter conueniunt esse rationes prædicandi de pluribus, neque id habet vna per habitudinem, aut dependentiam ab alia, vt suprâ disp. 4. nu. 58. dicebamus. Sed eodem modo conuenit istis intentionibus esse rationes differendi; siquidem etiam, si non daretur differentia proprijsima, adhuc aliæ essent differentię: ergo, &c.

11. Confirmatur primò; quia quamuis accidens depēdeat à substantia, & idè substantię, & accidenti, physicè loquēdo, nihil detrahunt commune vniuocum, hoc tamen non tollit, quominus æqualiter denominentur à secunda intentione generis, & vniuocè in illa conueniat: ergo quamuis differentia communis, & propria, physicè loquēdo, aliquomodo dependeat à proprijsima, & prout sic non conueniant vniuocè cum illa; adhuc secunda intentio differentię potest esse illis vniuocè communis.

Confirmatur secundò: quia quando intellectus comparat albedinem

dinem, aut risibilitatem Petro, & Paulo vt id, per quod distinguuntur ab Aethiope, & equo, verè tribuit illis naturis intèriones vniuersaliū; sed tales intentiones propriè, & simpliciter non pertinent ad primum, & secundum prædicabile, vt patet: neque etiam ad quartum, & quintum; si quidem per talem actū non cognoscitur risibilitas, vt quid profluens ab essentia, neque albedo, vt quid contingens, in quo consistant propriæ rationes quarti, & quinti prædicabilis: ergo tales intentiones propriè, & simpliciter pertinent ad tertium prædicabile. Probatur consequentia: quia tales intentiones propriè, & simpliciter debent pertinere ad aliquam speciem relationis rationis: non ad aliam, nisi ad hoc tertium prædicabile: ergo, &c. ¶ Hæc, & alia argumenta, quæ solent fieri pro hac opinione, eam probabilem efficiunt, sicque illam censuit Medina, vt testatur Sanch. postea citandus. Sed non idèò discendum est à communi, & recepta sententia.

12 Dicendum est, ergo diuisionem istam, etiam secūdo intentionaliter sumptam, esse analogam. Hæc fuit veterum sententia cum Auicena in sua Logica. Quam etiam defendunt Beatus Albertus tractat. 5. in Porphyry. cap. 1. Iabel. Caietan. & Scot. in commentario huius capituli, Mas. ibidem sect. 1. quæstio. 3. Medin. quem adducit, & sequitur Sanchez libr. 3. quæstione 22. & communiter Thomistæ. Quibus etiam consentiunt Scot.

hic quæst. 23. Rub. q. 2. & alij Moderni.

Fundamentum est: quia sola intentio differentia: propriissime simpliciter participat rationem differentialitatis, ipsaque sola constituit hoc tertium prædicabile: ergo alia: intentiones differentia: communis, & propria: solum possunt conuenire cum illa analogicè in esse differentialitatis. Consequentia patet. Antecedens verò probatur: quia propria ratio differentialitatis, secundum quod constituit hoc tertium prædicabile, per quam distinguitur ab alijs intentionibus aliorum prædicabilium, consistit in hoc, quod sit vniuersalitas naturæ constitutivæ, seu contractivæ, vt diximus disp. 4. num. 45. Estque satis per se manifestum; cum differentia comparetur generi, vt actus potentia:, seu vt determinatum indeterminato, vt etiam ex D. Thom. vidimus disp. 5. nu. 61. Esse autem vniuersalitatem naturæ constitutivæ, seu contractivæ, non potest, simpliciter conuenire intentionibus differentia: communis, & propria:, sed solum intentioni differentia: propriissime; siquidem id, quod est simpliciter actus, seu constitutivum; debet esse in eodem genere cum potentia, cuius est actus, seu constitutivum; aliàs ex utroque non fieret vnum per se, vt patet inductione. Cum ergo sola differentia propriissima sit in eodè genere cū genere, quod constituit; differentia verò communis, & propria sint extræ, & faciant cum illo compositionē accidentalem, planum fit, solum dif-

ferentiã propriissimã esse simpliciter actũ, & constitutiũ respectu generis; ac proinde ipsã solã simpliciter pertinere ad hoc prædicabile.

13 Confirmatur: quia contraria sententia evertit totam ferè doctrinã de his prædicabilibus, à Dialecticis communiter receptam: ergo nõ est admittenda. Probatur antecedens: quia omnes enumerant differentiam inter prædicabilia essentialia, & hac via probant sufficientiam quinarij numeri prædicabilium. Adduntque, differentiam non prædicari omninò in quid, neque omninò in quale, sed medio modo, scilicet, in quale quid, quia quantum ad rem significatam est de substantia, seu essentia rei; ex modo verò significandi sumitur, ut accidēs, seu adiacens ipsi rei, ut magis explicuimus disp. 5. num. 12. Item ferè omnes asserunt, has quinque intentiones esse species infimas vniuersalitatis. Quæ omnia, & alia his similia directè pugnant cum prædicta sententia, ut consideranti patebit. Maneat ergo, quòd sicut sub genereitate, specieitate, aut proprietateitate non collocantur per se, & simpliciter, sed secundum quid tantum, & per reductionem illarum intentiones; quibus intellectus denominat ea, quæ secundum quid tantum sunt genera, species, aut propria, qualia sunt entia incompleta, ita similiter sub differentialitate non continentur per se, & simpliciter intentiones, quibus intellectus denominat ea, quæ secundum quid tantum sunt differentie, nempe cõmunis, & propria.

14 Ad fundamentum contrariæ sententiæ, neganda est consequentia. Ad cuius probationem respondetur, quòd sublata differentia propriissima, per locum intersecum auferretur tertium prædicabile, tam physicè, quàm logicè loquendo; quia tunc nihil esset, quòd intra idem genus posset esse simpliciter actus, & constitutum respectu generis; & consequenter neque simpliciter denominari differentia. Quod tamen non cõtingit in prædicabilibus essentialibus respectu accidentalium, vel e contra, ut consideranti patebit. Et idè ratio vniuersalis potest esse illis omnibus vniuersa, non verò ratio differentie istis tribus.

Ad primam confirmationem similiter respondetur negando consequentiam. Et ratio disparitatis est; quia quamuis accidens sit ens, & essentia secundum quid comparatione substantiæ; vnumquodque tamen intra suum genus habet, quidquid requiritur ad fundandas intentiones generis, speciei, vel differentie, quia utrobique essentia continet plures perfectiones, & gradus habentes rationem actus, & potentie, & compositi intra idem genus, & idè, tam in substantijs, quàm in accidentibus propriè, & simpliciter reperiuntur ratio perfectibilis, perfectiui, & perfecti: & per consequens vera genera, differentie, & species. At verò differentia communis, & propria etiam respectu eius, cuius sunt differentie, habent rationem actus extranei, & alte-

alterius generis, faciuntque cū illo compositionem accidentalem, & ita non habet quiddam requiritur ad fundandam intentionem constitutionem huius tertij prædicabilis, ut explicatum est; ac proinde secundū quid tantū, & reduciue, possunt ad illud pertinere.

15 Ad secundam confirmationem, concessa maiori, & minori, neganda est consequentia. Committitur enim ibi fallacia, a dicto secundū quid, ad dictum simpliciter. Ad probationem autem dicimus, quod quandoque intellectus comparat aliquid incōpletum habens modū generis, aut speciei respectu suorum inferiorum, ut quando animā apprehendit, ut genus, respectu vegetatiuæ, & sensitiuæ; aut punctum, ut speciem respectu huius, & illius puncti; vel quando comparat differentiam cōmunem, & propriam, ut albedinem, & risibilitatē, respectu Petri, & Pauli, per tales actus resultant in huiusmodi naturis intēriores quædā, quæ in suo genere sunt quid imperfectum, & extra rectā lineā proprii prædicamenti, ad eum modū, quo de embrione, & cadauere in genere substantiæ docent D. Tho. 1. de generatione, lect. 8. Quod sit, ut sicut embrio ad nullā speciem substantiæ per se pertinet, sed reducitur ad speciem animalis: sic intentiones istæ propriæ, & simpliciter non pertinent ad prædicabilia, sed secundū quid tantū, & per reductionem.

16 ¶ Circa definitiones autē differentiarum aduertendū est, Porphyriū adduxisse omnes illas, quibus tunc

solebat diffiniri differentia. Vnde non est necessarium, quamlibet diffinitionem esse in re distinctam ab alia, aut explicare diuersam perfectionem, seu munus differentiarum, ut patet in tertia, & quarta, quæ inter se parū, aut nihil differūt. Quia verò aliquæ ex illis quinque diffinitionibus possunt accommodari differentiarum cōmuni, & propriæ, aliunde autem sola differentia propriissima pertineat ad hoc prædicabile, ut explicatū est, idēd Porphyrius in vltima diffinitione quasi corrigens illas, & limitans, ut solū conueniāt differentiarum propriissimæ, addit illam particulam, scilicet, *quod pertineat ad substantiam, & rationem, sitque pars rei, &c.* Propter quod etiam omnes has diffinitiones ad duas possumus reducere, nempe ad secundam & vltimā: quæ adæquatē conueniunt differentiarum propriissimæ. Ex quibus hæc vltima est essentialis, coinciditque cum ea, quæ suprà disp. 5. num. 52. diximus formandam esse ex diffinitione essentiali sui abstracti, ut consideranti patebit. Neque in hoc est ampliùs immorandum.

Secūda diffinitio, scilicet, *Differentia est, quæ prædicatur de pluribus differentiis specie in quale quid*, est descriptiua, ut constat ex dictis disp. citata num. 15. Quare autem Porphyrius addiderit illam particulam, *differentibus specie*: vel an hæc definitio conuenire possit differentiis infimis, de quo est celeberrima controuersia inter Dia-

lekticos, examinabitur

infra q. 3.

QV AESTIO II.

An differentia sit vniuersalis per ordinem ad speciem, quam constituit, vel per ordinem ad indiuidua?

17 **T**ertius difficultatis loquitur de differentia infima; hæc enim tantum non potest comparari ad speciem, quam constituit, & ad indiuidua eius. Sequitur tamen, & resolutio questionis generalis est ad differentiam infimam, & subalternam: quia proportionabilis est de utraque difficultas. Quare de differentia infima, verbi gratia, *rationali*, inquirimus: an sit vniuersalis per ordinem ad speciem, cum qua conuertitur, nempe, *hominem*; ita ut hæc prædicatio, *homo est rationalis*, sit prædicatio huius prædicabilis, & similiter de differentia subalternâ, ut, *sensibile*: an sit vniuersalis per ordinem ad speciem subalternam, scilicet, *animal*: vel solum habeant rationem vniuersalis, illa respectu indiuiduorum, & ista respectu specierum sibi inferiorum.

Prima sententia vtrumque negat, contendens differentiam non constitui in esse vniuersalis, neque per ordinem ad speciem, neque per ordinem ad indiuidua, sed per ordinem ad propria inferiora, ut, *rationalis* (ait hæc opinio) non constituitur in esse vniuersalis respectu hominis, neque respectu Petri, & Pauli, sed respectu huius, & illius rationalis. Hanc sententiam absque Auctoribus refert Sanchez, lib. 3. q. 28. **E**t fundamentum eius est: quia

vniuersale est correlatiuum particularis: ergo vniuersale habet proprium particulare: sed proprium particulare rationalis non est homo, nec Petrus; cum hi sint correlatiui generis, & speciei: ergo proprium particulare rationalis est hoc, aut illud rationale; ac proinde respectu horum constituitur in esse vniuersalis, non vero respectu speciei, & indiuiduorum.

18 Secunda sententia affirmat, differentiam verè esse vniuersalem per ordinem ad speciem, quam constituit, ita ut hæc prædicatio, *homo est rationalis*, sit propria huius prædicabilis. Sic indicant Caiet. Sor. & Tolet. in hoc cap. **P**otestque suaderi primo: quia differentia, formaliter quatenus talis, est vniuersalis: sed differentia constituitur in esse talis per ordinem ad speciem; siquidè prout sic dicit, esse constitutionem eius: ergo per eundem ordinem constituitur in esse vniuersalis.

Respondet fortè, maiorem esse falsam: quia sicut homo, formaliter quatenus rationalis, non est animal, ita differentia, formaliter quatenus tale vniuersale, non est vniuersalis. Et idèd, licet quatenus differentia, respiciat speciem, non propterea constituitur in esse vniuersalis per ordinem ad illam.

Sed contra: quia iam sequeretur, quod differentia non solum quatenus vniuersalis, sed neque, etiâ quatenus differentia est, respiceret speciem; quod tamen patet, esse falsum: ergo, &c. Probatur sequela: quia sicut vniuersale, ut sic, respicit inferiora ut sic; ita tale vniuersale

sale debet respicere talia inferiora: ergo iam differentia non constituitur in esse talis vniuersalis per ordinem ad speciem, quæ est illi æqualis; sed per ordinem ad sua propria inferiora.

Secundò probatur eadem sententia: quia quodlibet vniuersale constituitur in esse vniuersalis per ordinem ad ea, de quibus immediatè prædicatur: sed differentia immediatè prædicatur de specie, & mediata specie de indiuiduis: ergo differentia in esse vniuersalis potius constituitur per ordinem ad speciem, quam per ordinem ad indiuidua. Minor, & consequentia constant. Maior autem probatur: quia genus non constituitur proximè in esse vniuersalis per ordinem ad indiuidua, licet de illis prædicetur, sed per ordinem ad species, nõ alia ratione, nisi quia de speciebus immediatè prædicatur, non verò de indiuiduis.

Confirmatur: quia hæc prædicatio, *homo est rationalis*, est prædicatio directa, & formalis: ergo est alicuius prædicabilis: sed nõ potest esse alterius nisi differentia; ut patet: ergo differentia verè constituitur in esse vniuersalis per ordinem ad speciem, quam constituit.

1º Nihilominus dicendū est primò, propria inferiora differentie, v.g. *rationalis*, non esse hoc, aut illud rationale, sed indiuidua speciei, scilicet Petri, & Pauli. Hæc conclusio est cõmunis inter Dialecticos. Et probatur: quia differentia prædicatur de pluribus in quale quid: sed *rationalis* nõ prædicatur de hoc,

& illo rationali in quale quid, sed omnino in quid; ergo respectu illorū nõ habet rationem differentia; & cõsequenter, neq; tales prædicationes pertinent ad terciū prædicabile. Maior, & cõsequentia constant. Minor verò probatur, quia *animal*, quod in se genus est, quando prædicatur de indiuiduis genericis, nõ pè de hoc, & illo animali, ex modo prædicandi induit cõditionem speciei, nõ alia ratione, nisi quia tunc prædicatur de inferioribus, vt tota eorum essentia, quod propriū est speciei, vt diximus supra disp. 6. n. 12. sed quando rationale prædicatur de hoc, aut illo rationali, prædicatur vt tota essentia talium inferiorum: ergo respectu eorum induit conditionem speciei, & prædicatur omnino in quid: etiam si in se sit differentia.

2º Dicendum est secundò, differentiam infimam non constitui in esse vniuersalis per ordinem ad speciem, sed per ordinem ad indiuidua: & idem proportionabiliter est de differentia subalterna. Hanc conclusionem indicat Label. in hoc capit. & defendunt Oñe hic quæst. 1. art. 2. noster Didac. disp. 8. quæst. 2. & latè, & optimè Sanchez lib. 3. q. 25. qui plures alios adducit. Colligiturque ex D. Thom. 2. Post. lect. 13. vbi affirmat, differentiam vltimam nullo modo esse in plūs, quam speciei; quod tamè necessariū erat, vt esset vniuersalis respectu speciei. Et tandem id planè docuit Porphy. in hoc cap. dūm dicit, differentia, non in ordine ad vnā speciem, sed per prædicari de pluribus inferioribus: & cap. præcedenti, dūm

enumerans modos prædicationis directæ, inquit: *Nam aut paria de paribus, ut hinnibi. e de equo: aut maiora de minoribus prædicentur, oportet.* Constat autem, prædicationes vniuersalium esse illas, in quibus maiora de minoribus prædicantur: ergo alię prædicationes, in quibus paria de paribus prædicantur, non pertinent ad prædicabilia. Et huiusmodi est differentia respectu speciei, ut patet in exemplo Porphy.

Ratione etiam probatur: quia vniuersale est natura vna dicens ordinem ad plura inferiora: sed species nõ est quid inferius ad differentiam: ergo differentia nõ est vniuersalis respectu speciei. Maior constat. Minor vero probatur: quia superioris ex Arist. in postprædicamentis est id, a quo non valet subsistendi consequentia: sed a differentia ad speciem valet consequentia, & econtra: ergo differentia nõ est superior respectu speciei.

21 Respondebis primò, quòd licet physicè differentia sit æqualis cum specie, logicè tamen, & in quantum prædicabilis, est superior ad illam: quia prædicatione formali differentia prædicatur, tum de ipsa specie, tum etiam de indiuiduis; cum tamen species prædicatione formali, tantum prædicetur de indiuiduis, & hoc satis, ut differentia sit vniuersalis respectu speciei.

Sed contrà: quia iam sequebatur nullam esse prædicationem æqualis de æquali, logicè loquendo, contra dictam Porphy. & contra communem sententiam Dialecticorũ, qui in libris Posteriorum, non solũ

tales prædicationes admittunt, sed eas asserunt aptiores esse ad perfectissimam demonstrationem: ergo, &c.

Præterea: quia vniuersale tantum est superius, logicè loquendo, respectu eorum, a quibus abstrahitur abstractione vniuersali: sed differentia non abstrahitur ab specie abstractione vniuersali, sed tantum abstractione formali: ergo respectu speciei non est quid superius logicè loquendo. Maior constat, & probatur minor: quia ab illis abstrahitur aliquid abstractione vniuersali, quæ immediatè vnit in vna ratione, & in quibus multiplicatur per contractionem: sed differentia nõ vnit in vna ratione specie cum indiuiduis; neque per contractionem multiplicatur in specie, & indiuiduis, sed solũ in indiuiduis, ut patet: ergo, &c.

22 Secundò respondebis, differentiam, quando prædicatur de specie, virtute prædicari de pluribus, quæ in specie continentur, & ita prædicationem, in qua differentia prædicatur de specie, æquivalere pluribus prædicationibus de indiuiduis.

Sed contrà: quia talis virtualis continentia non sufficit ad veram prædicationem vniuersalem: ergo, &c. Probatur antecederet: quia sicut vniuersale est simpliciter vnum, ita dicit ordinem ad multa, quæ simpliciter sint multa; aliàs non saluaretur propria abstractio, & superioritas, quam requirit vniuersale, sed indiuidua, prout virtute continentur in specie non sunt simpliciter multa, sed potiùs simpliciter vnum; siquidem, teste Porphy. participatione
speciei

speciei plures homines sunt unus homo: ergo differentia non potest esse vniuersalis respectu speciei, ex eo quòd virtute contineat indiuidua.

Secundò impugnatur eadē solutio: quia quando differentia prædicatur de specie; tunc species, formaliter loquendo, non est prædicabilis, sed subiicibilis, vt constat ex dictis: ergo, formaliter prout sic, non continet virtute inferiora. Probat̃ur cōsequētia: quia sicut de ratione prædicati, formaliter prout sic, solū est, continere in potentia subiectū; ita de ratione subiecti, formaliter prout sic, solū est, actu continere prædicatū: ergo quælibet contentia potētiālis respectu inferiorum est extra rationem formalem subiecti, seu subiicibilis. Ergo quando differentia prædicatur de specie; tunc species, formaliter loquendo, vel non habet, vel saltē nō exercet continentiam potentialem indiuiduorum; & per consequens hæc non potest facere, vt differentia sit vniuersalis respectu speciei.

23 Ad fundamentum primæ sententiæ respondetur, quòd sicut vniuersale non solū dicit naturā, seu rationem, quæ prædicatur, sed etiā relationem prædicabilitatis ad inferiora; ita particulare non solū dicit naturā, seu rem, de qua vniuersale prædicatur, sed etiā relationem subiicibilitatis ad superiores; & medijs. his relationibus rationis vniuersale, & particulare sunt correlatiua. In hoc ergo sensu verum est, vnumquodque vniuersale habere proprium particulare; quia nimirum vnumquodque vniuersa-

le, respicit inferiora habentia peculiarē relationē subiicibilitatis ad ipsum. Vnde eadem res v.g. *Petrus* vt relatione subiicibilis respicit totam essentiam, est proprium particulare speciei: vt verò alia relatione subiicibilis respicit constitutum suæ essentiæ, est propriū particulare differentiæ: vt verò alia relatione respicit naturam quandam profluentem à sua essentia, est proprium particulare proprii: & sic de alijs. Quòd fit, vt diuersa vniuersalia petant diuersa particularia, non materialiter, & in esse rei, sed formaliter, & inesse subiicibilis.

24 Ad argumenta secundæ sententiæ respondetur. Ad primum bene ibi responsum est; quia vt quæstione 4. ostendimus, nulla differentia includit genus. ¶ Ad replicam autem eodem modo respondetur, verum esse, quòd differentia, quatenus tale vniuersale, respicit talia inferiora. Sed sicut per ly, *tale vniuersale*, importantur duo, scilicet ratio cōmunis, vniuersalis, & talitas, seu differentia contrahens; ita similiter per ly, *talia inferiora*, importantur duo, scilicet inferiora vt sic, & talitas inferiorum. Quare sicut talitas vniuersalis non includit in se vniuersale vt sic; ita talitas inferiorum non includit in se inferiora vt sic. Ex quo tandem fit, quòd sicut ratio propria differentiæ, per quam contrahitur vniuersale vt sic, scilicet esse perfectiū, seu constitutiuū, sumitur per ordinem ad speciem, quam constituit: ita etiā illa specialis ratio, per quam inferiora vt sic contrahuntur,

ut sint propria inferiora differentiarum, attenditur respectu speciei, cuius differentia est constitutiva.

Ad secundum distinguenda est maior. Si enim sensus sit, vniuersale constitui in esse vniuersalis per ordinem ad ea, de quibus prædicatur immediatè, quia ratione est vniuersale; concedenda est; neganda verò, si prædicetur immediatè, non ut vniuersale, sed alio modo. Differentia autem, quæ ratione vniuersalis est, non prædicatur immediatè de specie, sed tantum de indiuiduis: & ideo quanuis Petrus, & Paulus sint rationales quia sunt homines; tamen rationale non est vniuersale; quia respicit hominem, sed quia respicit Petrum, & Paulum. Valde enim diuersa sunt, quòd Petro conueniat esse rationale; quia est homo, & quòd rationali conueniat secunda intentio vniuersalis; quia respicit hominem. Primum est verissimum; secundum autem omninò falsum, ut ex dictis patet.

25 Ad confirmationem respondetur, non omnes prædicationes directas pertinere ad quinque vniuersalia, sed solum illas, in quibus maiora de minoribus prædicantur, (si cætera necessaria adsint.) Præter quas constat plures alias esse directas, in quibus paria de paribus prædicantur. Quæ per se pertinent ad prædicabile de vno tantum, ut diximus supra disput. 2. n. 46. ¶ Si autem inquiras: quomodo appellandæ sint istæ prædicationes, in quibus differentia, & proprium prædicantur de sua specie? Res-

pondetur, graues Auctores eas appellare prædicationes tertij, & quarti prædicati: quia in illis prædicantur res, quæ aliàs, si comparerentur ad inferiora, sunt tertium, & quartum prædicabile. Qui modus loquendi frequens est inter Thomistas, de quo videri potest Sanch. vbi supra. Quidquid autem sit de modo loquendi, certum debet esse, tales prædicationes non esse tertij, & quarti prædicabilis.

QVAESTIO III.

Andentur differentia ultima, quæ cum speciebus conuertantur.

Celebris fuit hæc difficultas inter antiquos Dialecticos. Quibus non paruam occasionem præbuit Porphyrius, dum in secunda diffinitione asseruit differentiam prædicari de pluribus differentibus specie. Si enim hoc conuenit omni differentia; sequitur nullam esse, quæ cum specie infima conuertatur; & ex consequenti non dari differentias ultimas, seu infimas. Quare duo nobis examinanda sunt. Primum est: an in rei veritate dentur tales differentia; ultimæ. Deinde: quid in hoc senserit Porphyrius, & quomodo saluetur diffinitio eius.

26 Circa primum, multi ex antiquis asserere videntur, non dari differentias infimas, sed omnes esse subalternas; & ex consequenti ad definiendam aliquam speciem infimam ponendas esse duas, vel plures differentias subalternas, quarum

rum vnaquæque latius pateat quàm species definita; omnes verò simul sumptæ cum ea conuertantur. Pro hac sententia Mas. hinc section. 1. q. 6. refert Themistium 2. Post. cap. 20. Philopon. ibidem cap. 14. & Auerroem. 7. Metaphysicæ textu 43.

Probatur primò ex Arist. 2. Post. cap. 14. vbi agens de diffinitionibus specierum, sic ait: *Talia eò usque sumenda sunt, quousque tot fuerint sumpta; ut vnumquodque illorum quidem pluribus competat; cuncta autem simul non ad plura sese extentant.* Ferè idem docet 1. Topicor. cap. 7. & lib. 6. cap. 3. & lib. 1. de parribus animalium, cap. 2. non admittit tot differentias vitimas, quot sunt species; ergo &c.

27 Secundo probatur ex Porphyrio, qui c. de contrarietatibus generis, & differentie sic ait: *Continet enim & differentia species, etsi non omnes eas, quas genus continet: rationale enim, etsi non expertia rationis, ut animal; Deum tamen, ac hominem, quæ sunt species, continet.* Id ipsum colligitur ex eo, quòd Porphy. semper vititur duabus, aut pluribus differentijs ad diffiniendâ speciem, ut *rationali, & mortali* ad definiendum hominem. Ex quibus vnaquæque latius patet quàm homo; nam rationale conuenit Deo, & Angelis; mortale verò alijs animalibus, sed vtraque simul iuncta soli homini. Ergo ex Porphyrij sententia nò dantur differentie vitimæ, sed omnes sunt subalternæ.

Tertiò probatur ratione: quia per solas differentias subalternas

simul sumptas sufficienter constituitur species, & distinguitur ab alijs; ergo superfluant aliæ differentie simplicis & ultimæ: Probatur antecedens exemplo, quod adducit Aristot. loco citato ex 2. Post. nam hæc est optima diffinitio trinitatis: *Trinitas est numerus impar primus.* In qua tamen singulæ particulæ in plùs se habent, quàm trinitas. Nam esse numerum imparè conuenit quinario, septenario, &c. similiter esse numerum primum còuenit binario; vtrumquè autem simul sumptum, nempe esse imparè primum, solum potest conuenire ternario. Ergo hæ differentie subalternæ simul sumptæ sufficienter constituere numerum ternarium; & distinguere eum ab alijs, & ex còsequenti superfluit alia differentia vitima.

28 Nihilominus dicendum est primò; præter differentias subalternas verè dari differentias vitimas, & simplices, quæ cum speciebus còuertantur. Hæc conclusio est communis inter Dialecticos, illam docet D. Thom. 2. Post. lect. 13. & 7. Metaph. lect. 12. B. Alb. Alexand. Simp. Auic. & alij, quos adducit, & sequitur Mas. vbi suprâ, & communiter Recentiores.

Tria loca Arist. adducit D. Th. lect. 13. citata pro hac sententia. Primus est ex 7. Metaph. text. 42. vbi docet, possibile esse, quòd definitio ex duobus constituatur, quorum vnum sit genus, & aliud differentia. Quod explicant Boec. in lib. de diuisionibus, constanter affirmat, quòd si non esset penuria no-

minum, nulla definitio haberet plures, quam duos terminos. Itē text. 43. sequenti inquit Arist. *Et, si semper vult procedere, donec utique veniat ad non differentia: tunc autem erunt tot species pedis, quot differentia.* Quod explicans D. Th. hom. ait: *Et ita semper procedendum est in divisione differentiarum, donec diuidens veniat ad non differentia, id est, ad ultimas differentias, quæ non diuiduntur ulterius in alias differentias: & tunc tot erunt species pedis, quot differentia.* Tandem idem colligitur ex lib. 8. Meth. text. 6. ubi dicitur, differentiam correspondere formæ.

Ex quo loco sic probatur ratione conclusio: quia differentia in rebus materialibus sumitur à forma, sicut genus à materia: sed in qualibet re materiali est propria forma, per quam ultimò constituitur in suo esse: ergo in qualibet re materiali etiam debet esse differentiam, per quam ultimò constituatur. Cum autem quælibet talis forma sit unica, & simplex, non composita ex pluribus formis, planè sequitur, debere illi correspondere differentiam infinitam, & simplicem. Quod argumentum proportionabiliter habet locum in Angelis, & in accidentibus; nam etiam illud, à quo sumitur in eis differentia, est quid simplex, & indissolubile: ergo talis etiam debet esse differentia.

Confirmatur: quia differentia subalterna est quid simplex: ergo etiam differentia ultima. Antecedens conceditur à contrariis. Consequentia verò probatur: quia si à

gradu imperfecto, & potèntiali, quæ tribuit forma, sumitur vera differentia simplex; potiori iure à gradu perfecto, & actuali, sumetur vera, & simplex differentia, quæ sit ultima, & specifica. ¶ Confirmatur secundò: quia propriæ passionēs, quæ consequuntur gradus infimos, & específicos, sunt simplices, & alijs perfectiores: ergo tales etiam debent esse differentia, à quibus radicaliter dimanant.

29 Ad argumenta. Ad primum ex Arist. respondet D. Tho. 2. Post. lect. 13. quòd quando in eadem definitione sumimus plures differentias, quarum singulæ latius patent, quam definitum; iunctæ verò cum illo conuertuntur; tales differentia verè sunt accidentales, sumptæ ex aliquibus accidentibus communibus ad declarandam ultimam, & essentialē differentiam, quam ignoramus. Et propterea sæpè differentia istæ dicuntur substantiales, seu essentielles: quia, scilicet, inducuntur ad declarandam substantiam, seu essentialē rei; sed reverà sunt accidentales. Et de huiusmodi differentijs loquitur Arist. locis in argumento adductis.

Quod adeò verum est, ut ex differentijs subalternis, quæ sunt vere, & substantiales differentia, quātūcumq; plures iungantur, nullo modo possit, confici propria definitio speciei. Nam ut benè argumentatur Suar. disp. 15. Meth. lect. 11. num. 23. *si rationale, & mortale, essent differentia subalternæ; nunquā ex earum coniunctione constitueretur homo.* Cuius rationē tangit

gi: optimè Mas. ubi supra ad 2. Nā vel differentia subalternæ sunt constitutiæ duorum generum, quorū vnū sub alio non continetur; & tūc repagnat iungi in vna diffinitione; siquidem sunt incōpossibiles vt patet: vel sunt constitutiæ generum, quorū vnū continetur sub alio; & huiusmodi differentia, etiamsi omnes iungantur in diffinitione aliquius speciei infimæ, adhuc conueniēt alijs speciebus; ac proinde diffinitio non erit bona.

30 Ad secundum ex Porph. constat in secūda parte difficultatis. Verba autem adducta, eundem videtur habere sensum, ac loca Arist. Quamuis enim errauerit, existimās dari animalia immortalia; tamen in constituendis differentijs ultimis fuit procūdubio peripateticus.

Ad tertium: iam patet, quod differentia subalternæ, si verè sint essentialia, non possunt constituere speciem in ultimo, & specifico gradu; si verò fuerint accidentalis, solum possunt esse signum propriè, & specificæ differentia, quando simul iunguntur. Quod facere licet, cum ultimam differentiam ignoramus, vt contingit in diffinitione adducti numeri ternarij. Non enim ambæ differentia ibi assignatæ sunt essentialia, nam cum idem genus semel tantum possit in species diuidi; si numerus vna diuisione adequatè diuiditur in imparem, & parem, & alia in primum, & non primum, necessarium est, aliquas ex his differentijs esse accidentales.

§. VNICVS.

AN SECUNDA DIFFINITIO Porph. conueniat etiam differentijs infimis.

31 IN Secunda parte questionis; circa mentem Porph. non est cur nimis solliciti simus; an senserit dari differentias ultimas. Eas tamen ipsum admissile, colligitur ex lib. de interrogationibus, & responsionibus, c. 38. Vbi, referente Mas. loco citato, sic interrogat: *Cum dixeris, differentiam de pluribus speciebus esse ferri, nunquid rem, ut ita se se habet, explicasti?* Et respondet: *Nō ita plane, sed vt plerumque esse consuevit; reperiuntur enim aliqua, quæ speciebus adquantur, &c.* Quibus verbis planè concedit differentias ultimas. Quas licet videatur, in aliquibus speciebus admittere, in alijs verò non; solum tamen intendit nō semper esse nobis notas. Ex quo patet, quod quando loco suprā in argumento secundo adducto, ait, differentiam continere plures species, loquitur, vel de differentia subalternā, vel saltem de aliquibus differentijs accidentalibus, quæ intra aliquod genus infimum solent conuenire pluribus speciebus talis generis, sed non omnibus. Quare autē in diffinitionibus vtatur Porph. aliquando pluribus differentijs, iam diximus num. 29. in explanatione verborum Arist.

32 Hinc ergo exurgit non parua difficultas: quomodo hoc tertium prædicabile diffiniuit Porph. per prædicari de pluribus differentijs specie. Et idē meritū inquirunt.

runt Dialectici: an prædicta definitio conueniat etiam differentijs infinitis? ¶ Ratio autem dubitandi est; quia ex vna parte ipsa diffinitionis verba indicant illam tantum conuenire differentijs subalternis; ex alia verò id non videtur consonum intentioni Porphyrij definiens differentiam, prout est tertium prædicabile, ad quod non solum pertinet subalterna, sed etiam infima.

Prima sententia affirmat, dictam diffinitionem conuenire etiam differentijs infinitis. Auctores tamen eius non eodem modo explicant verba diffinitionis. Quidam enim, teste Auic. apud B. Alb. tractat. 5. cap. 6. sic intelligunt diffinitionem, quod differentia prædicatur de pluribus differentibus specie, non inter se, sed ab alijs; ut *rationale* prædicatur de Petro, & Paulo, qui licet inter se non differant specie, differunt tamen specie ab equo, & leone.

Hæc tamen subtilitas nimis crassa est, ut rectè inquit Sanch. libr. 3. quæst. 24. & explicatio est extorta, ut benè inquit Alb. & Auic. citati. Neque enim talem sensum possunt reddere illa verba: nam hæc propositio, *Petrus, & Paulus differunt specie*, sic exponitur: Petrus est alicuius speciei, & Paulus similiter; & Petrus non est eiusdem speciei, cuius est Paulus. Quod autem hic sit legitimus eius sensus, patet ex diffinitione generis, ubi eadem verba sic intelliguntur ab omnibus. Quare, relicta hac explicatio-
ne, alijsque, quæ adducit, & im-

pugnat Galleg. hic controuer. 17.

33. Secundò alij exponunt dictam diffinitionem, asserentes illam conuenire per non repugnantiam differentijs vltimis, non inquantum sunt vltimæ, sed inquantum sunt differentia; ut *rationali*, inquantum differentia est, non repugnat prædicari de pluribus differentibus specie, aliàs id omni differentia repugnaret. Quæ explicatio, & sententia antiquissima est, ut tradit Tolet. in hoc cap. Eamque illustrem fecerunt Caieta. ibidem, & Sot. hic, quæst. vnica ad 6. reputantque probabilem Tolet. & Galleg. ubi supra, & Araux. lib. 3. Metaphy. q. 4. art. 6.

Probatur ratione: quia plures sunt diffinitiones; quæ necessariò explicandæ sunt per non repugnantiam: ergo hæc similiter potest explicari. Probatur antecedens: quia definitio, *quantum est*, ab Arist. 5. Metaphysic. scilicet, *quantum est, quod est diuisibile in ea, quæ insunt*, &c. licet positiuè conueniat pluribus rebus, ut ligno, & lapidi; alijs tamen conuenit negatiuè solum, & per non repugnantiam rationi comuni, ut cælo, quod quidem, quatenus tale est, diuidi non potest, cum sit incorruptibile; ac proinde conuenit illi definitio quanti ex eo solum, quod quatenus quantum est, non repugnat illi diuisio. ¶ Item licet minimum naturale, quatenus minimū est, non possit diuidi, quia tamen quatenus quantum est, non repugnat ei diuisio, absolutè tribuimus ei diffinitionem quanti; ergo similiter, licet differentia vltima qua-

quatenus vltima est, nō possit prædicari de pluribus differentiis specie; quia tamen id non repugnat ei, quatenus differentia est, absolute dicemus, prædictam definitionem conuenire etiam differentiis vltimis.

34 Cæterum hic etiam modus dicendi falsus est. Nam si semel admittimus definitiones per non repugnantiam rationi communi, in plura deuenimus manifesta absurda; iam enim hæc esset bona definitio equi: *Equus est substantia sensibilis rationalis*. Nam licet equo, quatenus equus est, repugnet esse rationalem; id tamen non repugnat ei, quatenus animal est, ut patet. Et generaliter, si hic modus definiendi esset bonus, definitio vnius speciei conueniret alteri; siquidē differentia constitutiva vnius speciei nō repugnat alteri propter rationem communem, & genericam, sed propter rationem propriam, & specificam; ergo neque etiam est asserendum, definitionem differentie subalternæ conuenire per non repugnantiam differentie infimæ.

Quod autem prædicta absurda sequantur, patet: quia sicut rationale, & innumabile sunt rationes essentielles oppositæ, sic esse subalternam, & infimam, sunt rationes accidentales oppositæ, & repugnantes, ergo si harum oppositio non obstat, quominus definitio differentie subalternæ conueniat infimis per non repugnantiam; nec etiam oppositio rationū essentialium obstat, quin definitio vnius speciei

possit alteri per non repugnantiam conuenire. Per quod excluduntur solutiones, quæ solent adduci in fauorem Caiet. ut consideranti constabit. Videatur Vincentius Iustinianus libro 2. dialectic. institutionum cap. 6. ubi optimè impugnat prædictum modum definiendi.

35 Dicendum est ergo, dictam definitionem Porphyrii non conuenire differentiis infimis, atque ita illum solum definisse subalternas. Hæc conclusio communis est inter Dialecticos. Quorū nō pauci affirmant eam esse D. Thom. In quo tamen expressam nō inuenimus, neque inuenire potuit Gallego, ut ipse fatetur. Reperitur tamen quid simile 2. Poster. lect. 13. ubi explicans Aristot. asserentem, quod differentia est in plus quam specie, inquit, solum loqui de differentia subalternæ, non autem meminisse infimarum, quia incognitæ sunt. Et ita hanc sententiam sequuntur cōmuniter Thomistæ Iabel. & Mercat. in hoc c. Sanch. & Arauxo, ubi supra Mas. hic sect. 1. q. 7. Vincentius Iustinianus iam citatus, & plures alij, quos refert, & sequitur Gallego controuersi. 17. Quibus etiam consentiunt Scot. q. 17. in Porphy. Tolet. Fonseca. & alij, quos adducit, & sequitur Rub. hic q. 9. Ipseque Caiet. & Soc. approbant hanc sententiam. Quæ satis patet ex verbis definitionis, & in pugnatione contrariæ.

Inquires tamen: cur Porphyrius agens de tertio prædicabili, quod complectitur vtriusque differen-

tiam, specialiter definierit subalternam.

36 Respondetur primò cū Burleo, quem adducit Mas. q. 7. citata ad 1. quòd sicut Porph. c. præcedenti plures adduxit definitiones speciei, quarum aliqua cōueniunt speciei infimæ, & subalternæ, aliq̃ verò soli speciei infimæ; ita etiam in hoc cap. adducit aliquas definitiones, quæ conueniunt vtriq; differentiæ, vt sunt 1. 3. 4. & 5. & aliam, quæ solum cōuenit differentiæ subalternæ, scilicet hanc secundā. Neque id illi vitio vertendum est, cuius institutum erat, non tām examinare, quàm referre ea, quæ ad cathedras Arist. poterant conducere.

Secundò, & meliùs respondetur cum Mas. Rub. & alijs, idè Porph. solā differentia subalternā definisse: quia etiam vsus in definitionibus, diuisionibus, & disputationibus frequentior est. Sicut è contra cap. sequenti. solum definiuit proprium infimum: (cū tamen propriū subalternum verè sit proprium) quia proprietatibus specificis frequentius, quàm subalternis vtimur. In vtroq; Arist. imiratus, qui licèt differentias vltimas concedat, vt vidimus n. 28. tamen quandò ex professo agit de differentiā in ordine ad demonstrationes, vel argumēta probabilia, solum meminit subalternarum, vt patet 2. Post. c. 14. 15. & 16. & 1. Topic. c. 3. cū tamè è cōtrā agens de proprio, solum definierit infimum, vt patet 1. Topic. c. 3.

37 Ad argumentum pro sententia Caiet. negatur antecedens. Ad cuius probationem respondetur,

quòd quanto, secūdū quod tale est, positiuè conuenit diuisibilitas, & sic omne quantū prout sic est positiuè diuisibile. Quòd autem diuisio ipsa sit quasi impedita, nec possit exerceri in cœlo, aut minimo naturali, prouenit nō ratione quantitatis, sed ratione subiecti, in quo est.

Vel secundò respōdetur, & fortè meliùs, propriam passionē quantitatis non esse diuisibilitatem naturalem, seu realem, sed mathematicam, siue per designationem. Quòd docuit Sot. 1. Physic. q. 4. & colligitur non obscurè ex D. Tho. 1. p. q. 68. art. 2. & in secundo dist. 30. q. 2. art. 2. de potentia q. 4. art. 1. ad 5. & alibi sæpè. Constat autem talem diuisibilitatem positiuè cōuenire corporibus cœlestibus, aut minimo naturali. Præter quàm quòd dato, quòd definitio alicuius diuisi posset conuenire vni membro diuidenti per solā non repugnantiam; & quòd sic contingeret in definitione quanti respectu cœli; inde tamen nō licèt inferre, definitionē vnius membri diuidentis posse alteri conuenire per non repugnantiam, aliās sequerentur absurda supra enumerata. Hoc autem contingeret in præsentia, si definitio differentia subalternæ conueniret infimæ per non repugnantiam.

38 ¶ Ex dictis inferitur, quòd cū differentia sit species infima vniuersalis, quæ diuisione accidentis in subiecta diuiditur in infimā, & subalternam, vt explicatum est, omnino per accidens se habet ad intentionem constitutiuam huius prædicabilis, quòd natura, quam de-

denominat, prædicetur de pluribus differentibus solo numero, vel de differentibus specie. Vnde, sublata hac particula à definitione Porphyrij, manet optima, & adæquata descriptio huius prædicabilis, dicēdo: *Differentia est, quæ prædicatur de pluribus in quale quid.*

QVAESTIO III.

Utrum differentia infima includat subalternas?

39 *S*ensus difficultatis est formalis, & procedit de differentia secundum perfectionem illam, seu gradum, quem formaliter significat; nam in sensu materiali, & identico non est dubium differentiam infimam includere subalternas, & ipsa genera, cum quibus realiter identificatur. Querimus ergo: an rationale verbi gratia, formaliter prout significat perfectionem illam, seu gradum, per quem homo distinguitur ab alijs animalibus, & ratione cuius homo excedit animal, ita sit conceptus simplex; ut non solum nō sit aggregatum plurium differentiarum, ut quæstione præcedenti statutum est; sed neque etiam includat in sua ratione formali aliquam differentiam subalternam, ex qua, & propria ratione intelligatur componi; ad eum modum quo species componitur ex genere, & differentia. Cum hac autem quæstione coincidunt aliæ, scilicet: an differentia subalterna per se prædicetur de infima? & an genus includatur in differentijs ultimis? & tandem an per

se prædicetur de differentijs, per quas diuiditur? Quarum omnium eadem est solutio, ut consideranti patebit.

40 Pro parte affirmatiua referuntur cōmuniter Nominales, quatenus cōstituunt rectam lineam in differentijs, non minùs ac in generibus, & speciebus. Quam etiam sententiā defendit Soncin. 7. Metaph. q. 37. Sed exercitij gratia, ut ipse ait: contraria enim plùs illi placet.

Probat autem primò ex Aristot. 7. Metaph. text. 43. ubi tria dicit. Primum: quòd differentia superiores clauduntur in infima; & idè nihil refert, siue in definitione ponantur illæ omnes, siue ista sola. Secundum: quòd differentia infima est tota rei substantia; & idè ea posita in definitione, non licet aliquam superiorem adiungere, aliàs committeretur negatio, qualis esset, si hominem definiremus esse animal rationale sensibile. Tertiū est, quòd ad inueniendam ultimam differentiam procedendum est per diuisionem differentia superioris in inferiores, quæ sint per se diuisione eius; ut si *habens pedes* (quæ est differentia animalis) diuidatur per habere pedes fisos, vel non fisos: hæ enim sunt differentia per se habentis pedes. Nam *fissio* (inquit) *pedum, aliqua pedalitas est.* Ex quibus omnibus necessariò sequi videtur, differentias infimas includere subalternas.

Secundò arguit Soncin. quia conceptus differentia infimæ esset simpliciter simplex, si non include-

ret subalternas: hoc autem est falsum: ergo, &c. Minor patet: quia conceptus differentie infimæ, non est simplicior conceptu generis generalissimi, qui tamē nō est simpliciter simplex, cū resoluitur in duos, scilicet in conceptū entis, & modi proprii vniuscuiusq; Sequela verò probatur: quia cōceptus differentie infimæ iam nō esset resolvable in plures conceptus, si non includeret subalternas: ergo iam esset conceptus simpliciter simplex.

Tertiò: quia rationale v.g. est substantia: ergo vel corporalis, vel spiritalis; ergo iam aliqua differentia subalterna prædicatur formaliter de infima: & sic, &c. ¶ Confirmatur: quia hæc est bona consequentia in *darapti*. Omnis homo est sensibilis: omnis homo est rationalis: ergo aliquod rationale est sensibile. Sed in præmissis maior, & minor extremitas includuntur, & prædicantur formaliter de medio: ergo in conclusione maior extremitas, scilicet *sensibile*, includitur, & prædicatur formaliter de minori, scilicet, *rationali*.

41 Nihilominus dicendum est, differentias infimas non includere subalternas, & consequenter neque genera; sed esse conceptus simplices; ac proinde de illis neque genus, neque differentias superiores posse formaliter, & per se prædicari. Sic sentiunt communiter Thomistæ Capreol. Fland. label, Ferr. Tolet, & alij, quos referunt, & sequuntur Sanch. lib. 3. q. 28. Masc. hic se. 2. q. 3. & Rub. q. 7. Quibus etiam consentiunt Scot. in 4. dist.

11. quæst. 3. & 7. Metaph. quæst. 17. Anton. Andreas ibidem quæst. 15. & cōmuniter Doctores. Estque expressa sententia Arist. 4. Thopicor. c. 2. assentis: *Omne quod participat genus: vel species, vel indiuiduum est. Differentia autem, neq; indiuiduum, neque species. Manifestū igitur, quod non participat genus differentia*. Idem docet 3. Metaphysic. text. 10. De quo videri potest Diu. Thom. ibidem lect. 8. lib. 5. lect. 12. de ente, & essentia, cap. 7. & 1. contra gentes cap. 17.

Probatur primò conclusio ratione ex eisdem locis desumpta: quia differentie sunt omninò diuersæ, id est, se totis differunt, quod est, in nullo conuenire: ergo non includunt in se genera, neq; differentias superiores. Consequentia est euidentis, quia si illa includerent, cōuenirent in eis, vt patet. Antecedens verò, præterquam quòd est Arist. & D. Tho. probatur, quia si non sunt omnino diuersæ; ergo differunt alijs differentijs. De quibus inquirendū erit, an sint omninò diuersæ; vel differant alijs differentijs? & sic vel dabitur processus in infinitū, quod est absurdum, vel peruenietur ad aliquas omninò diuersas, seu quæ se totis differant, & in nullo conueniant, quod intendimus.

42 Secundò: quia genus, & differentia formaliter sumpta cōparantur vt actus, & potentia, seu vt contrahibile, & contrahituum; suntque partes in cōpositione metaphysica, sed extra rationē potentie, seu contrahibilis est actus, seu contrahituum, & e contra, & generaliter quæ-

qualibet pars in quacumq; cōpositione præscindit ab alia, & excludit eam: ergo extra rationem generis est differentia, & e contra; & ab invicem excluduntur. Quare cū teste D. Tho. 1. contra gentes, c. 14. non solum genus, sed etiā differentia subalterna cōtrahatur per differentias ultimas, & habeat rationem potentie respectu earum, utpotè quæ constituit genus in quodā gradu essentia potentiāli, & ulterius perfectibili, planè sequitur nō solum genus, sed etiā differentias subalternas esse extra essentiam ultimā.

Terriò tandem: quia inde Arist. 3. Metaph. tex. 10. probat genus nō esse de essentia differentiarum, quia aliāduplici ratione cōveniret speciebus: semel quidem ratione sui, & iterum ratione differentie, in quā includeretur. Quod meritò reputat absurdum, quia in definitione cōmitteretur nugatio; siquidē dicere, *homo est animal rationale*, esset dicere, *homo est animal animal rationale*. Sed idem absurdū sequeretur, si differentie subalterne includeretur in infimis: ergo, &c. Probatur minor: quia cū dicimus: *homo est animal rationale*, idem est, ac dicere: *homo est vivens sensibile rationale*; ergo si rationale includeret in se sensibile, idem esset dicere: *homo est animal rationale* ac dicere: *homo est vivens sensibile, sensibile rationale*. Maneat ergo differentias infimas nō includere subalternas, aut genera; sed esse conceptus simplices inter se omninō diuersos.

43 Ad argumenta respondetur. Ad primum Aristotelem loqui in

sensu identico, & materiali. Quod ex eo patet: quia ibi movet questionē: quomodo definitio, sit quid vnum; cū habeat partes? Quam ut soluat, meminit doctrinæ à se traditæ 2. Poster. cap. 14. ubi docuerat dupliciter posse speciem infimam definiri, scilicet ponendo primum genus, & omnes differentias intermediās vsque ad infimam, ut si dicas: *homo est substantia corporea animata sensibilis rationalis*: vel ponendo genus proximum, & ultimam differentiam dicendo: *homo est animal rationale*. Et nihil refert (inquit Aristot.) an isto, vel illo modo fiat, nam genus proximum, nihil est præter genus primum, & aliquas differentias. Quo supposito probat, quod siue definitio componatur ex genere proximo, & differentia ultima, siue ex genere primo, & pluribus differentijs; nihil obstat ad unitatē definitionis: quia genus, & differentia non distinguuntur tanquā duæ res, sed tanquam indeterminatum, & determinatū; siquidem eadem res significata ut indeterminata, est genus; & ut determinata, differentia. Quod manifestè ostendit Aristot. loqui de identitate, quam differentia infima habet cum genere, & differentijs subalternis; & consequenter in sensu identico, & materiali, quomodo non procedit difficultas, ut in tituli explicatione notauimus. Videatur D. Tho. circa hunc locum.

Ad secundum neganda est sequela: quāvis enim differentia quodāmodò sit simplicior primis generibus.

ribus, quatenus ipsa sumpta cum præcisione est ultima pars, & actus constitutiue essentia; adhuc tamen, propriè loquendo, non est quid simpliciter simplex; quia hoc est proprium actus puri, differentia verò multum habet potentialitatis ex conditione intima creaturæ, cui licet repugnat, quod sua essentia sit suum esse, ita repugnat esse actui in partem, aut quid simpliciter simplex.

44 Ad tertium responderetur, substantiam, & corporeum, vel incorporeum, posse dupliciter sumi. *Primo* propriè, secundum quod substantia est primum genus, & corporeum, & incorporeum differentia diffusæ eius, & sic rationale, loquendo in sensu formali, non est substantia, & consequenter, neque corporeum, aut incorporeum. *Secundò* latè, prout substantia distinguitur contra accidens: & prout corporeum, & incorporeum significant quancumque habitudinem ad corpus, vel spiritum, & hoc modo rationale dicitur substantia, sicut materia etiam, aut forma dicitur hoc sensu substantia; similiter dicitur corporea, quia est differentia cuiusdam substantia corporeæ, nempe hominis.

Ad confirmationem respondent aliqui, inter quos Rub hic q. 7. ad 1. quod ex virtute formæ syllogisticæ solè sequitur, extremitates, quæ in præmissis uniuntur cum medio, variè inter se in conclusione, non tamen quod habeant eundem modum unionis, vel quod propositiones habeant eandem perfectam; & sic posse contingere, quod præmissæ

in sensu formali sint veræ, conclusio verò solùm in sensu materiali.

Hæc solutio proculdubio est vera: sicque respondent Mas. & Sánchez, ubi supra. Credimus tamen in illo syllogismo, tam præmissas, quam conclusionem esse prædicationes formales, & in sensu formaliter ut est differentia, includat in se *sensibile*; sed quia ibi *rationale*, quæ est minor extremitas, ex situ prædicationis supponit, non tam pro ipsa formali, & simplici differentia, quam pro supposito, quod de materiali importat. Unde cum *sensibile*, quod est prædicatum, habeat aliquomodo rationem formæ ex ea parte, qua quodammodo est quid superius, inde est, ut seruata tali suppositione, nihil deficiat, ut conclusio, illa sit prædictio formalis, & directa. Hoc tamen non semper est necessarium, & ideo standum est solutioni datæ.

QVAESTIO V.

An qualibet differentia, sit perfectior genere?

45 Quamuis comparatio circa perfectionem propriè, & simpliciter non fiat inter partes, sed inter entia completa, quibus tantum sicut simpliciter conuenit esse entia, ita etiam esse perfectæ; & consequenter esse magis, vel minus perfectæ, adhuc tamen licet, saltem secundum quid, comparare ipsas partes inter se; & hoc modo comparamus in presenti gradum genericum, & differentialem. Quod notauit

cauit optimè Diu. Thom. 1. par. quæst. 50. art. 4. ad primum, dicens, quòd differentia comparatur generi, *Sicut determinatum indeterminato, & proprium communi; non autem, sicut alia, & alia natura.* Inquirimus ergo: an quzlibet differentia determinet genus ad specialem naturam, addendo aliquam perfectionem; ita ut semper verum sit, quòd species in perfectione per differentiam excedat genus?

Oña hiæ quæst. 1. artic. 5. quem sequuntur aliqui Moderni, non admittit vniuersaliter omnem differentiam addere aliquam perfectionem supra genus. Sed hoc inquit efficere eas tantum, quæ eleuant genus ad altiore gradum naturæ, ut *animatum*, quæ eleuat mixtum ad gradum vitæ; *rationale*, quæ eleuat animal ad gradum intellectui, & similes.

Probaturs primò: quia differentia, quæ non eleuat genus ad altiore gradum, significant perfectionem ipsam generis magis contractam, & limitatam; ergo illæ non addunt generi perfectionem, sed potiùs auferunt. Probaturs consequentia; quia coarctatio, seu limitatio intra idem genus attestatur imperfectionem rei limitatæ; siquidem tollit illi aliquid talis generis, & non addit alterius gradus perfectionem.

Secundò: quia volitio libera est genus ad omnes volitiones liberas, tam bonas, quam malas: sed differentia contrahens illam ad esse prauæ, & peccati est imperfectior, quam volitio libera in com-

muni; cum hæc non sit ex natura sua mala, illa verò sic: ergo talis differentia nullam addit perfectionem.

Confirmatur: quia sapientia ut sic dicit maiorem perfectionem, quâ sapientia creata: ergo hæc differentia non addit perfectionem. Consequentia patet. Antecedens verò probatur: quia sapientia ut sic, est perfectio simpliciter simplex, non verò sapientia creata.

Tertiò: quia iam sequeretur, quâlibet speciem habere distinctâ operationem ab alijs speciebus eiusdè generis, & vnâ operationem esse alia perfectionem: hoc autem est falsum: ergo, &c. Sequela videtur manifesta. Minor autem probatur: quia iuxta valde probabilem sententiam, omnes species angelicæ habent easdè operationes, scilicet intelligere, & velle; & aliqua animalia non solum non habent distinctam operationem, sed potiùs deficiunt eis aliquæ ex his, quæ conueniunt ratione generis, siquidem vulgò dicitur, talpam carere visu; pisces olfatu, & sic de alijs.

46 Nihilominus dicendum est, omnem differentiam esse perfectionem suo genere, ad modum quo actus est perfectior potentia; ac proinde nullam dari differentiam, quæ nõ addat generi aliquam perfectionem. Hæc est mens Aristot. 8. Metaph. text. 10. ubi rerum essentias comparat numeris; quia sicut numeri per ultimam unitatem se inuicem superant, & superantur, ita species per differentias. Quod etiam docet expressè, tum Porphy.

in hoc. c. tūc etiam D. Tho. de spiritalibus creaturis art. 8. ad nonū, (cuius verba adducemus in solutione ad 3.) & 1. p. q. 50. art. 4. ad 1. & q. 75. art. 2. ad 2. estque communis consensus Dialecticorum.

Fundamentum est: quia omne genus est perfectibile ulteriori perfectione: ergo omnis differentia addit aliquam perfectionem supra genus. Antecedens constat ex definitione generis, quod in hoc distinguitur ab specie, ut supra vidimus. Consequentia verò probatur: quia illa ulterior perfectio, ad quam genus est in potentia, est differentia: sed in quacumque specie acquatur, & perficitur potentialitas generis, siquidem non datur species, quæ non sit totum æquale ultimò in essentia perfectum, & constitutum; ergo, in quacumque specie differentia addit aliquam perfectionem supra genus.

Confirmatur: quia omnis actus, aut forma est nobilior potentia, seu materia, secundum quod talis est, eique necessario tribuit aliquam perfectionem, seu effectum formalem; sed omnis differentia habet rationem actus, seu formæ respectu generis: ergo omnis differentia est nobilior genere, eique tribuit aliquam perfectionem.

47 Ad argumenta respondetur. Ad primū, quod illimitatio in genere causa materialis potius est imperfectio, quia causatur ex privatione perfectionis, scilicet formæ, & actus; & ideo materia prima inter omnia entia est imperfectissimū, & propè nihil, quia secundum

se est omnino illimitata in genere causa materialis, cum sit pura potentia. Et idem proportionabiliter contingit in genere, quod hoc modo est quid illimitatum, ex eo quod non habet in se actu perfectiones, quas tribuunt illi differentie.

Ad secundū respondetur volitionem liberam malam posse considerari dupliciter. Primo in esse moris, seu formaliter quatenus mala, & sic non dicit perfectionem, sed summā imperfectionem, siue malitia illa sit aliquid positivum, & reale, siue sola privatio rectitudinis, de quo Theologi. ¶ Secundo modo potest considerari physice, & in esse rei, & sic habet differentiam positivam, & realem, quæ addit aliquam perfectionem supra genus, sicut quælibet alia differentia.

Ad confirmationē respondetur, quod sapientia ut sic, nō est genus, sed analogum ad sapientiam creatam, & incretam. In analogis autem maiorem perfectionem dicit analogum, quā secundaria analogata, ut suo loco ostendemus.

Ad tertium respondetur ex D. Thom. loco citato de spiritualibus creaturis, sic asserente: *Illud, quod constituit in specie, est nobilius eo, quod constituit in genere, sicut determinatū indeterminato, habet enim se determinatum ad indeterminatū, ut actus ad potentiam. Non autem ita, quod semper illud, quod constituit in specie, ad nobiliorem naturā pertineat, ut patet in speciebus animalium irrationalium. Non enim constituuntur huiusmodi species per* additio-

additionem alicuius nature nobilioris, supra naturam sensitivam, quæ est nobilissima in eis; sed per determinationem ad diversos gradus, in illa natura; & similiter dicendum est de intellectu, quod est commune in Angelis.

Iuxta quã doctrinam respondetur, negando sequelam. Quia differentia tunc solùm est necessariò radix novæ operationis, quando eleuat genus ad altiorẽ naturam. Quando verò non eleuat, sufficit esse radicem, quare eadem operatio perfectiori, vel imperfectiori modo participetur ab speciebus. Vnde etiam in illis animalibus, quæ aliquo sensu sunt destituta propria vniuscuiusque differentia perfectior est, quàm genus animalis: quia saltem determinat aliquam operationem, quæ confusè tantùm, indeterminatè, & simpliciter conveniebat generi. Vt autem rectè dixit D. Thom. 2. distin. 13. quæst. 1. art. 6. ad 1. *Habere intellectum sic, nobilius est, quàm habere intellectum simpliciter, & habere sensum sic, quàm habere sensum simpliciter.*

48 ¶ Ex dictis infertur genus propriè loquendo nõ diuidi in differentias; siquidem differentia non includunt genus: sed, per differentias diuidi in species. Vt autem id rectè fiat, oportet sumere differentias, quæ per se diuidant illud, vt dicitur 7. Metaphysicæ text. 4. nãm si sint differentia per accidens, diuisio non erit generis in quantum genus; & consequenter neque essentialis. Quod explicuit opemè Diu. Thomas 12. quæstione 35. articulo 8. dicens: *Ad rationem speciei pertinet, quòd se habeat ex additione ad genus, sed generi potest aliquid addi dupliciter, vno modo, quòd per se ad ipsum pertinet, & virtute continetur in ipso, sicut rationale additur animali, & talis additio facit veras species, vt per Philosophum patet in 7. & 8. Metaphysicæ. Aliquid verò additur generi, quasi aliquid extraneum à ratione ipsius, sicut si album animal addatur, vel aliquid huiusmodi, & talis additio non facit veras species generis.*



CAPVT QVARTVM DE PROPRIO.

SVMMMA TEXTVS.

QVATVOR Acceptiones *proprij* adducit Porphy. in hoc cap. *Primò* enim dicitur proprium, quod conuenit soli speciei, sed non omni indiuiduo eius, vt homini esse Medicum, vel Geometrà. *Secundò*, quod conuenit omni, sed non soli, vt esse bipedem. *Tertiò*, quod conuenit omni, & soli, sed non semper, vt canescere. *Quartò* tandem, quod conuenit omni, soli, & semper, vt risibile: quamuis enim homo non semper rideat; semper tamen habet ridendi facultatem. Et hoc (inquit) appellatur maxime proprium, vt vertit Petronius: seu *verè proprium*, vt habet Argyropilus; quia conuertitur cum specie.

Notationes, & dubia circa hoc caput.

PLVRES Huius nominis significationes adducit Pet. Gregorius lib. 2. Syntaxis cap. 13. & tomo 1. Comment. cap. 11. Nam *proprium* apud Platonem sumitur pro optimo; apud Ciceronem pro eo, quo quis vtitur, vel fruitur; in possessionibus, & rerum dominij diuersimodè sumitur & Iurisperitis. Sed à Dialecticis dupliciter solet usurpari. *Primò*, vt distinguitur ab improprio, quo sensu dicimus, *leonem*, aut *agnum* propriè significare quasdā species animalis, & impropriè Christum Dominum. *Secundò*, vt distinguitur à còmuni, sicque sumitur in presenti, & comprehendit hoc quartū prædicabile. De quo, cur quarto loco tractetur, satis constat ex dictis cap. de genere num. 6. vbi semel egimus de ordine omnium prædicabilium.

Proprij autem in hac secunda significatione assignauit Porphy. quatuor acceptiones in textu adductas: quam doctrinam, paucis mutatis, desumpsit ex 1. Topicorum cap. 4. vbi primam & secundam acceptiōem Porphyrij sub vna comprehendit Aristot. optimèque appellauit *proprium ad aliquid*; quia proprium in illis acceptiōibus non absolutè dicitur proprium, sed comparatione alterius speciei, vel indiuidui, vt consideranti patebit. Similiter proprium in tertia acceptiōe vocauit Aristot. *proprium quando*: quia secundū tempus conuenit, vt canescere. Et tādē propriū in quarta acceptiōe definit Aristot. dicens: *Propriū est, quod nō indicat quid esse rei; solū autē inest, & conuersim prædicatur*. Et hoc appellat simpliciter propriū, reliqua verò secundū quid.

3 Circa primam acceptionem notandum est ex Aristot. loco citato, quod ibi esse Medicum, seu Geometram non sumitur pro generali aptitudine, seu capacitate, quam habet homo ad acquirendas scientias, ex eo quod rationalis est; hæc enim est proprium quarto modo; si quidem fuit ab essentia hominis, & conuenit omni, soli, & semper. Sed sumitur, vel proprio ipso habitu, seu actu Medicinæ, vel Geometriæ, ut explicant Villalpan. & alij; vel pro peculiari habilitate, & inclinatione, qua aliqui homines potius inclinatur ad vnā scientiam, quam aliam, ut rectè interpretatur Soto His enim modis esse Medicum, vel Geometram, conuenit soli homini, sed non omni.

Circa secundam acceptionem DVBITABIS; quomodo Porphyrius assignet esse bipedem pro hominis proprio; cum Aristot. 1. Perier. cap. 4. dicat esse eius differentiam. ¶ Sed respondet optimè Ascicius in hoc capite ad quintum argumentum; quod esse bipedem non est vera differentia hominis, sed exempli gratia ponitur ab Aristot. pro vera differentia, ut etiam patet ex 7. Metaph. text. 43. ¶ Adde, quod quamuis esse bipedem, simpliciter loquendo, neque sit proprium, neque differentia, sed accidens commune, ut ex dicendis constabit; secundū quid tamen sicut induit rationem propriam, ex eo quod quodammodo consequitur ad ess. hominis, ita etiam secundū quid induit rationem differentiam, quatenus distinguit

illum à quadrupedibus. Et sic ponitur à Porphyrio assigni ut exemplum proprii, & ab Aristot. differentia.

4 Circa tertiam etiam acceptionem DVBITABIS de exemplo ibi à Porphyrio adducto: nam canescere non soli homini conuenit; siquidem alia animalia canescunt, ut testantur Aristot. lib. 3. de historia animalium, cap. 11. & Plin. lib. 11. cap. 37. ¶ Aliqui respondent, candorem, qui in piis aliquorum animalium cernitur, non esse veram caniciem, sicut neque etiam eorum hominum, qui à natiuitate capillos habent albescerent, ut fertur de his, qui zonas frigidas inhabitant.

Hæc tamen solutio falsa est: nam vera, & legitima causa canicie, quam assignat Aristot. lib. 5. de generatione animalium, c. 4. scilicet humor putrescens in radicibus pilorum, qui vi caloris naturalis consumi nequit, non minùs reperitur in canibus, equis, & alijs, quam in homine. ¶ Et ideo melius responderetur, Porphyrium attulisse exemplum non ex omni parte verum, sed quia sic contingit ut in plurimum, (quod sæpè inuenitur apud graues auctores) frequentior enim est, & magis nota canicies in hominibus, quam in alijs animalibus, ut notauit Aristot. loco citato

de historia animalium.

DISPUTATIO OCTAVA.

De proprio quarto prædicabili.

PLURA, Quæ circa hoc prædicabile inquiri possent, satis constant ex disputationibus præcedentibus; & pauca, quæ restant, breuiter in præsentī perstringemus.

QVÆSTIO PRIMA.

An proprium, solum quarto modo acceptum, constituat hoc prædicabile; ubi etiam definitio eius exponitur?

EX Dictis disputat. præcedenti num. 10. & sequentibus circa diuisionem differentiarum, satis constare potest, quid dicendum sit in prima parte huius questionis. Sed quia aliqui Doctores, etiam circa proprium; non desistunt impugnaverē communem sententiam; ideo breuiter eorum fundamenta adducenda, & soluenda sunt.

5. Est ergo prima sententia absolute affirmans tres priores acceptiones proprii verè, & simpliciter pertinere ad hoc prædicabile; & consequenter diuisionem esse vniuocam, & generis in species. Sic docent Lobaniens. & Cantarus in hoc cap. Murc. ibidem questione unica in fine, & Hurtado disputation. 6. Logicæ sect. 5. §. 21. & 22.

Probatur primò: quia tres illæ acceptiones habent specialem modum respiciendi inferiora, quæ non habet accidens quintam prædicabile: ergo propriè, & per se nõ pertinent ad quintum, sed ad quar-

rū. Consequentia patet: quia prædicabilia distinguuntur per diuersos modos respiciendi, & prædicandi de inferioribus. Antecedens verò probatur; quia proprium in prima acceptione respicit inferiora sub formalitate solius, scilicet ut quid cõueniens soli speciei, sed non omni indiuiduo eius; in secunda verò ut quid cõueniens omni, sed non soli; & in tertia ut quid cõueniens, omni, & soli, sed non semper; at accidens commune solum respicit inferiora sub formalitate cõtingentis, seu ut potest abesse, & adesse præter subiecti corruptionem ergo, &c.

Secundò: quia licet tres acceptiones istæ, sumptæ pro actu, sint accidentia cõmunia; si verò sumantur pro aptitudine, seu potentia, verè dimanant ex principiis substantiæ: ergo verè sunt passionēs, pertinentque propriè ad hoc prædicabile. Consequentia patet, & probatur antecedens: cum ex Dico Thom. de ente, & essentia c. 7. Vbi expressè affirmat omne accidens sal-

saltem secundum aptitudinem causari à principijs substantiæ, tunc etiam inductione, quia aptitudo, seu potentia ad esse Medicum oritur ex principijs essentialibus naturæ humanæ; cum omnis homo naturaliter scire desideret, ut inquit Arist. 1. Metaphys. Et simile argumentum fit de duabus alijs acceptionibus.

6 Secunda sententia contendit, saltem aliquam ex his tribus acceptionibus verè, & propriè pertinere ad hoc prædicabile. Et de secunda quidem id docet Fonseca 5. Metaphysic. capite 28. sectione 19. quæstione 1. ad primum, & secundum. ¶ Cuius fundamentum est: quia quod conuenit omni, & semper, conuenit necessariò; sed proprium in secunda acceptione, ut esse bipedem, conuenit omni, & semper: ergo conuenit necessariò: ac proinde non pertinebit ad 5. sed ad 4. prædicabile. Minor, & consequentia constant. Maior autem probatur, quia si ad veram rationem proprii esset necessariò, quod soli cõueniret, proprium subalternum, non esset verè proprium, sed accedens commune respectu speciei infimæ, quod tamen esse falsum constabit infra.

Tandem de tertia acceptione verè pertinere ad hoc prædicabile, docent aliqui Moderni, ut testatur Rub. hic quæst. 1. ¶ Quorum fundamentum est: quia, quod conuenit omni, & soli, habet quidquid requiritur ad veram rationem passionis, etiam si non semper conueniat: ergo tertia acceptio verè pertinet ad hoc prædicabile. Conse-

quentia patet, & probatur antecedens: quia, quod verè ab essentia dimanat, est propria passio: sed vera emanatio alicuius non tollitur ex eo, quod non semper conueniat, sed tempore à natura statuto, quia tunc solum adest in subiecto dispositio necessaria, ut patet in potetia visiva canis post nonum diem, & alijs huiusmodi: ergo vera ratio passionis non tollitur ex eo, quod non semper conueniat.

7 Nihilominus dicendum est, vltimam tantum acceptionem proprii constituere hoc prædicabile, cætera verò simpliciter pertinere ad quintum, & secundum quid, seu per reductionem ad hoc quartum, ad eum modum, quo de differentiâ cõiungi, & propria diximus, pertinere ad tertium; ac proinde diuisionem proprii in hac acceptione non esse vniuocam, sed analogam. Sic docent Aristot. 1. Topicor. cap. 4. & Porphy. in hoc cap. ubi expressè affirmant, solum proprium in quarta acceptione esse simpliciter proprium: in alijs verò tantum secundum quid. Propter quod etiam D. Thom. opusc. 48. tract. 1. cap. 6. & 7. agens de proprio, solus explicat, & diffinit illud in quarta acceptione. Quam sententiam concorditer sequuntur eius Discipuli Caiet. Iabel. Sor. & Mas. in Commentarijs huius capituli, Arauxo lib. 3. Metaphys. quæst. 4. art. 7. & Sanchez lib. 3. quæst. 35. quibus etiam cõsentiunt Toletus, Oña, Rubio, Comimbrienses, & alij, quos refert, & sequitur Gallego hic controuersia decima cætana.

Ratio à priori huius conclusio-
nis facile deduci potest ex ea, qua
disput. præcedenti, nu. 12. ostendi-
mus, solam differentiam propriissi-
mum constituere tertium prædica-
bile. ¶ Sed denuò probatur ratio-
ne desumpta ex D. Thom. loco ci-
tato: quia illud est verè, & simpli-
citer proprium, quod dimanat à
principijs essentialibus, & cum eis
habet naturalem, & necessariam
cōnexionem: sed tantū proprium,
quod cōuenit omni, soli, & semper,
est huiusmodi; ergo illud solū est
verè, & simpliciter proprium. Ma-
ior, & consequētia constāt. Minor
autem probatur per suam conuer-
tentem: quia si habet necessariam
connexionem cum principijs es-
sentialibus: ergo inuenitur in om-
nibus, in quibus inueniuntur talia
principia essentialia; & per conse-
quens cōueniet omni habēti illa.
Rursus: ergo ubi non fuerint talia
principia essentialia, neque etiam
erit tale propriū; & per consequēs
cōueniet solis habentibus talem
essentialiam. Et tandem: ergo quan-
diū illa habuerint talem essentialiam,
tandiū habebunt eius proprietate-
tem, sed quæ participant aliquam
essentialiam, semper habent illam:
ergo semper etiam habebunt ta-
lem proprietatem; & per conse-
quens cōueniet omni, soli, & sem-
per.

8 Confirmatur primò: quia tres
prioris acceptiones verè non di-
manant à principijs essentialibus;
& consequenter non habent neces-
sariam connexionem: ergo non
constituunt hoc prædicabile. Pro-

batur antecedens: quia *esse Medi-
cum*, si sumatur pro habitu, vel actū
Medicinæ, satis constat non fluere
ab essentialia hominis: si verò suma-
tur pro habilitate, seu inclinatione
ad vnam scientiam, potiùs quàm
ad aliam, iuxta dicta num. 3. mani-
festū est id prouenire ex principijs
individualibus, & diuerso hominū
temperamento, aut etiam ex vario
syderum aspectu, sub quo quisque
natus est, ratione cuius ij, quibus
Iupiter præst, proclines sunt ad
scientias; quibus verò Mercurius,
(qui linguæ dominatur) insitam ha-
bent propensionem ad eloquentiā,
&c. Neque esse Medicum potest
alio modo pertinere ad hanc pri-
mam acceptionem, vt notauimus
loco citato. ¶ Similiter *esse bipe-
dem*, aut *canscere*, satis apparet
consequi ex dispositione materiæ;
sicut esse masculum, aut feminam;
iuuenem, aut senem, & alia huius-
modi: ergo solū dimanāt ex prin-
cipijs materialibus, & individua-
libus; non verò ex formalibus, &
essentialibus.

Confirmatur secundò: quia
quod habet necessariam connexio-
nem cum essentialia, licet possit ab
ea præcindi abstractione præcisi-
ua, considerando scilicet essentialiam
absque illo; non tamen potest præ-
cindi abstractione composita; ita
scilicet, vt absque præiudicio talis
essentialis negetur de ea, aut affir-
metur eius oppositum; per quod
Dialectici distinguunt proprium à
quinto prædicabili, vt videbimus
cap. sequenti, sed esse Medicum,
bipedem, aut canum. possunt non
solūm

solum præscindi, sed etiam negari, & eorum oppositum affirmari de essentia hominis, absque præiudicio eius. Ergo non habent cum illa necessariam connexionem.

9 Ad argumenta respondetur. Ad primum primæ sententiæ dicimus, quod licet tres priores acceptiones proprii, formaliter prout sic, habeant speciales modos, seu formalitates respiciendi inferiora, distinctas ab intentione quinti prædicabilis; illæ tamen non constituunt proprium simpliciter, sed tantum secundum quid, suntque intentiones quædam imperfectæ, reduciue pertinentes ad hoc predicabile; ad eum modum, quo disputatione præcedenti numer. 15. diximus de differentia propria, & communi. Ratio autem huius sumitur ex dictis; quia ad veram, & propriam rationem proprii exigitur, ut dimanet ab essentia, quatenus essentia est, siue à principiis formalibus rei, quod non habent tres priores acceptiones, ut ostensum est; & ideo simpliciter sunt accidentia communia, & secundum quid propria.

Ad secundum ex dictis num. 3. constat, quod si aptitudo ad Medicinam sumatur pro generali capacitate, seu inclinatione ad scientias, conuenit homini quarto modo proprii, non primo; si verò sumatur pro speciali habilitate ad unam potius, quam ad aliam, solum dimanat ex principiis materialibus, seu indiuidualibus, quod non sufficit ad veram rationem passionis; imò id peculiare est accidē-

tium communi, ut ostendemus disputatione sequenti. Et hoc ipsum intendit D. Th. loco citato in argumento, ubi expressè docet, accidentia causari ex principiis substantiæ: quedam quidem ex principiis formalibus; & hæc inquit esse proprias passionem, quedam verò ex principiis materialibus; & hæc dicit esse accidentia indiuidui, seu communia. Sed de hoc redibit sermo disputatione citata.

10 Ad fundamentum secundæ sententiæ negatur antecedens. Non enim ex eo præcisè, quod aliquid conueniat omni, & semper; conuenit necessariò, ut patet de accideri inseparabili, ut de albedine cygni, quæ conuenit omni, & semper; & tamen est accidens commune, ut docet Dialectic. cum porph. c. seq. Requiritur ergo ultra, quod dimanet ex principiis essentialibus, seu formalibus: quod non habet proprium in secundæ acceptione, ut explicatū est. ¶ Ad probationem autem antecedentis respondetur, ad veram rationem proprii non esse necessariū, ut hoc quod est *conuenire soli*, habeat respectu vniuscuiusque, de quo prædicatur (imò hoc est impossibile; aliàs neque daretur etiā propriū infimum, ut consideranti patebit) sed respectu essentia, à qua dimanat, ita scilicet, quod conueniat solis habentibus talem essentiam, quod patet conuenire proprio subalterno.

Ad vltimum negatur antecedens. Ad cuius probationem respondetur, id, quod est verè propriū, dimanare ab essentia, quatenus essentia est, seu à principiis essentialibus, & formalibus; & ideo semper adesse

esse in subiecto dispositionem ad illud; quia semper ibi sunt ipsa principia essentialia, cum quibus habet necessariam connexionem. Vnde repugnat, quod propria passio, secundum vnum tempus, conueniat, & secundum aliud non. Hoc autem habent canices, & alia accidentia indiuidualia; quia sequuntur ex tali, vel tali dispositione materiae, aut complexione humorum, in quibus contingit variatio. ¶ Per quod patet ad exemplum argumenti; nulla enim est variatio secundum tempus in ipsa potentia visiva canis, quae est passio animalis, sed in dispositione organi ad eliciendum actum visionis.

11 In secunda parte difficultatis, circa definitionem proprii, non est cur immoremur. Quatuor enim ipsum non definiuit Porph. ex eius tamen verbis formatur definitio proprii sic: *Proprium est, quod conuenit omni, soli, & semper.* Per quam definitionem, si recte intelligatur, definitur proprium, ut est quartum praedicabile. Ly enim, *conuenit omni*, non distribuitur pro omni specie, ut patet; sed pro omnibus inferioribus speciebus: & sic idem est, ac si diceretur: *Proprium est, quod praedicatur de pluribus.* Cum autem in his acceptionibus non loquatur Porph. de conuenientia essentiali; ut patet: subintelligendum est accidentaliter, & sic definitio Porph. faciet hunc sententiam: *Proprium est, quod praedicatur de pluribus accidentaliter, & necessariò.* Hoc enim exprimunt verba Porph. formaliter sumpta; quia quidquid ratione for-

mae conuenit omni indiuiduo alicuius speciei, & semper, nascitur ex principiis essentialibus; & sic praedicatur necessariò de inferioribus.

In eodem ferè sensu posset explicari definitio Arist. sup. n. 2. adducta, scilicet *Propriū est, quod non indicat quid esse rei; soli autem inest, & conuersim praedicatur.* Sed quia vix in ea aliquis ordo ad inferiora insinuat; non tam videtur definisse proprium, ut est quartum praedicabile, quam ut est quartum praedicatum. Praesertim cum ibi Arist. solum agat de proprio in ordine ad argumentationem, ut est problema dialecticum, & conuertitur cum specie; quomodo non est quartum praedicabile, sed quartum praedicatum, ut diximus disp. praecedenti, num. 25. Id autem quod ait Aristot. *Proprium non indicare quid esse rei*, intelligendum est intrinsecè, id est, non indicat essentiam rei tanquam pars intrinseca eius; nam extrinsecè, & tanquam signum, certum est, propriam passionem iudicare essentiam rei, ut de definitione descriptiua diximus supra in praëmbulis institutionum.

QVAESTIO II.

Respectu cuius proprium constituitur inesse vniuersalis? Vbi etiam: an subalternum, & infimum pertineant ad hoc praedicabile?

12 Proprium verè esse vniuersale, & vnum ex quinque praedicabilibus, satis constat ex ijs, quae de numero eorum diximus disp. 4. Vn-

Vnde solùm inquirimus: respectu quorum habeat istam vniuersalitatē, an scilicet respectu illius essentia, à qua dimanat: an verò respectu inferiorum eius?

In quo certum debet esse, proprium non constitui in esse vniuersalis respectu inferiorum eodem nomine significatorum, videlicet, risibile respectu huius, & illius risibilis; sicut de differentia diximus disp. precedenti num. 19. Vtriusque enim eadē est ratio, quam ibi adduximas. Quamuis autem ex ibidem dictis de differentia, facile deduci posset, quid dicendū sit in hac questione; eam tamen oportuit breuiter attingere: quia habet specialem difficultatem circa proprium propter hæc argumenta.

Primò; quia, vt disp. sequenti videbimus ex Aristot. & D. Thom. in hoc distinguitur proprium ab accidenti communi, quòd accidens commune conuenit speciei ratione indiuiduorum; nam ideo homo est albus, quia Petrus est albus; propriū verò conuenit indiuiduis ratione speciei; ideo enim Petrus est risibilis, quia homo est risibilis, ergo proprium per prius, predicatur de specie, quàm de indiuiduis: ergo potius constituitur in esse vniuersalis per ordinem ad speciem, quàm per ordinem ad indiuidua.

Secundò; quia ex predicationibus quinque vniuersalium solæ predicationes huius quarti predicabilis possunt propriè, & à priori demonstrari, vt colligitur ex Arist. 1. Post. cap. 4. sed proprium propriè, & à priori demonstratur de

specie; ergo predicatur de illa predicatione quarti predicabilis. Minor, & consequentia constāt. Maior autē probatur; quia in primis predicationes quinti predicabilis, cum sint in materia contingenti; non sunt necessariae: ergo non possunt demonstrari. Deinde predicationes generis, speciei, vel differentie, licet sint necessariae, sunt tamen essentiales: ergo à priori demonstrari non possunt: cum nihil possit esse prius ipsa essentia, vt patet: ergo solæ predicationes quarti predicabilis possunt propriè, & à priori demonstrari.

13 Tertiò; quia idem accidens, quod respectu illius gradus, à quo dimanat adæquatè, est propria passio, respectu graduum inferiorum est accidens commune: ergo vel nulla datur predicatio 4. predicabilis, quatenus vniuersale est, vel constituitur in esse vniuersalis per ordinem ad illam speciem, seu gradum, à quo adæquatè dimanat. Consequentia est euident. Antecedens verò probatur; quia omne accidens habet proprium, & adæquatum subiectum, seu principium, à quo dimanat, & per quod definitur, vt diximus disp. 5. num. 24. ergo omne accidens respectu illius gradus habet veram rationem passionis, ergo saltem respectu graduum inferiorum erit accidens commune, aliàs nulla dabitur predicatio quinti predicabilis.

Prima conclusio. Proprium non constituitur in esse vniuersalis per ordinem ad speciem, seu essentia, à qua dimanat, & cum qua conuer-

titur; sed per ordinem ad inferiora illius. Quod proportionem seruata, intelligendum est de proprio subalterno, & infimo, (supponendo, quod utrumque pertineat ad hoc prædicabile) sicut disp. præcedenti num. 20. explicuimus de differentiâ. Hanc conclusionem ostendunt manifestè, quæ ibidem adduximus; & idèd solum restat argumentis satisfacere, in quo tota huius quæstionis difficultas sita est.

14 Ad primam ergo respondetur, differentiam illam inter proprium, & accidens commune procedere de proprio, & accidenti metaphysicè, & realiter sumptis; non verò de proprio logicè considerato, seu formaliter, vt denominatur à secunda intentione. Vnde licet verum sit, quod entitas risibilitatis prius conueniat homini, quàm Petro, prædicatione tamè vniuersalis, seu prædicabilis non prius prædicatur de homine, quàm de Petro. Et quamuis differentia constitutiva proprii inesse quarti prædicabilis sumatur per ordinem ad speciem; tamen non idèd est vniuersale per ordinem ad illam, non enim proprium respectu eiusdem habet esse vniuersale, & tale vniuersale, vt de differentia diximus disp. præcedenti num. 24.

Ad secundum respondetur, non solum prædicationes, quæ propriè pertinent ad quartum prædicabile, posse à priori demonstrari; sed etiâ prædicationes quas disp. citata numer. 25. appellauimus quarti prædicati; imò istæ probantur demonstratione perfectiori. ¶ Ratio autè

huius est: quia propria passio non ingreditur demonstrationem, formaliter quatenus habet rationem superioris, & vniuersalis; sed vt dimanat ab essentia, cuius est passio; ad quam comparatur, vt prædicatum æquale; seu conuertibile. Et idèd demonstratio, in qua talis passio concluditur de ipsa essentia, cū qua conuertitur, perfectior est alijs demonstrationibus, in quibus eadè passio cōcluditur de inferioribus, respectu quorū habet rationem vniuersalis, quia istæ necessariò supponunt illam, & dependent ab ea. Si quando autem Arist. aut alij graues Auctores insinuare videantur, solas prædicationes proprii à priori demonstrari, intelligendi sunt, non solum de proprio logicè, vt est quartum prædicabile, sed etiam de proprio metaphysicè, vt est quartum prædicatum.

15 Ad tertium negatur antecedens; accidens enim, quod verè est propria passio alicuius essentia, semper est propria passio, quando prædicatur de quibuscunquè inferioribus talis essentia. Ad probationem autem respondetur, non sequi ex eo præcisè, quod accidens habeat proprium subiectum, seu principium, à quo causetur, & per quod definiatur, esse propriam passionem eius; quia vitrà requiritur, vt causetur ex principijs formalibus, & essentialibus. Quod non habent omnia accidentia, vt sæpè dictum est, & constabit amplius disp. sequenti.

¶ Veniamus ad secundam partem difficultatis. In qua notandum est:

est, quòd cum proprium dimanet ab essentia, & hæc componatur ex genere, & differentia, alia sunt propria, quæ dimanant ab essentia ratione gradus generici, & alia ratione gradus differentialis. Illa appellatur propria subalterna, ista verò infima. De his certum est pertinere ad hoc prædicabile: de illis verò est aliqualis difficultas.

Sumitur autem ratio dubitandi. Primò ex Porphyrio, hinc, & Arist. 1. Topicor. c. 4. qui solum definiunt proprium infimum: ergo illud tantum pertinet ad hoc prædicabile.

Secundò; quia emanatio propriæ passionis ab essentia reducitur ad genus causæ efficientis, ut sumitur ex D. Tho. 1. p. quæst. 77. art. 7. sed nullum accidens potest sic dimanare à gradu generico: ergo nullum accidens potest esse propria passio respectu illius. Probatur minor; quia nihil agit, nisi prout est in actu, & determinatum: sed gradus genericus est quid potèziale, & indeterminatum: ergo non agit ad emanationem passionis.

16 Secunda conclusio: licet proprium infimè propriissimè habeat rationem proprii, & strictissimè dicatur passio, utpotè quod sequitur essentiam ultimo completam, & perfectam; tamen proprium subalternum est etiam propria passio, & per se pertinet ad hoc prædicabile. Sic sentiunt communiter Doctores, & docet expressè D. Tho. opus. 48. tract. 1. c. 7. & de ente, & essentia c. 7. Breuiter què probatur; quia plura sunt accidentia, quæ dimanant à principiis genericis, &

cum eis habet necessariam cōnexionem; quæ consequenter neque per intellectum possunt esse, & abesse, salua manente tali essentia, ut de potentijs sensitivis patet respectu animalis; de nutritivis respectu viventis, & alijs huiusmodi: ergo verè dantur propria generica, seu subalterna.

Ad primam rationem dubitandi respondetur, Aristotelem, & Porphyrium definisse proprium infimum propter rationem disp. præcedenti num. 36. adductam; non verò quia existimauerint non dari propria subalterna: siquidem 5. Topicor. cap. 2. aptum esse ad sentientium, docet Aristot. esse passionem animalis, & plures proprietates supremorum generū assignat in prædicamentis.

Ad secundum negatur minor. Ad cuius probationem respondetur, propria subalterna non dimanare ab essentia generica, præcisè ut est totum potèziale, seu formaliter inquantum indeterminatè, & inconfuso cōtinet inferiora, sic enim non habet sufficientem actualitatem, ut bene probat argumentum, sed quatenus habet rationem totius actualis. Cum enim passio sit accidens essentiæ, dans illi esse secundum quid, necessariò supponit eam constitutam in esse simpliciter. Vbi autem intelligitur constitutio; etiam apprehenditur compositio ex actu, & potentia, & ex consequenti totum actuale.

CAPVT QVINTVM DE ACCIDENTI.

S V M M A T E X T V S.

TR E S Diffinitiones accidentis, & vnam diuisionē cōtinet hoc caput. Prima definitio est; *Accidēs est, quod adest, & abest sine subiecti corruptione.* Statim autem diuidit illud Porph. in separabile, vt dormire, & inseparabile, vt nigrū esse in coruo, vel Aethiope. ¶ Et quia ex hac diuisione posset obijci contra diffinitionem: si datur accidens inseparabile, ergo non omne accidens. potest adesse, & abesse: tacitē respondet huic obiectioni explicans diffinitionem: & dicit cogitatione, & intellectu coruum album, & Aethiopem nō nigrū, sine subiecti corruptione concipi posse. Secūda definitio est: *Accidēs est, quod inesse, & non inesse eidem potest.* Tertia: *Accidens est, quod neque genus, neque species, neque differentia, neque proprium est; semper autem est in subiecto.*

Notationes circa hoc caput.

7 A Vicen. Alpharab. & alij Arabes, vt testatur Beatus Albert. tract. 7. Logice, cap. 1. reprehendūt hic Porphyr. cō quod statim definiērit accidens; ante quā varias eius significationes proponeret, inuertens methodum, quā in alijs prædicabilibus seruauerat. Sed pro eo respondet benē Caiet. quod cū ex alijs capitibus iam constaret ipsum agere de vniuersalibus, quatenus pertinent ad considerationē logicā, non fuit necessariū explicare de accidenti.

Ceterū, maioris claritatis gratia, duas eius acceptiones (omissis alijs,) referunt communiter Doctores, quas adducit, & explicat D. T. bon. de spiritualibus creaturis art. 11. *Primò*, sumitur physicē. *Secundò*, logicē. Accidens physicū

est, quod distinguitur contra substantiam, & diuiditur in nouem genera, scilicet, quantitatem, qualitatem, &c. Propter quod appellatur accidens prædicamentale. Accidens verò logicum diuiditur cōtra essentiam, & comprehendit quidquid non est, nec pertinet ad essentiam rei, sed se habet omninō accidentaliter, seu contingenter; siue entitatiuē sit substantia, siue accidens; siue ens reale, siue rationis. Quomodo dicimus aurum acciderē vasi; rationale animali; intentiones entibus realibus, quia faciunt prædicationes accidentales, seu cōtingentes. Et propterea accidens in hac acceptione appellatur accidēs prædicabile, estq; terminus secundē intentionis, & vltimū ex quoque

que vniuersalibus, de quo in praesenti agimus. Cetera quae hic circa definitiones, & diuisionem à Porphyrio traditas notari possent, quae explicabuntur.

DISPUTATIO NONA

De accidenti quinto praedicabili.

MVLTA In praesenti inquirunt aliqui de accidenti reali, & prout pertinet ad praedicamenta; quae tamen relinquenda sunt, ut potest aliena ab hoc loco, ubi de accidenti logico, seu de quinto praedicabili disputamus. De quo ex dictis disp. 4. n. 60. & sequentibus, iam constat, verè esse vnum ex quinque vniuersalibus; & ideo huic quaestioni supersedendum est. Ut autem quae restant, breuiter praestringamus: sit

QV AESTIO PRIMA.

An rectè definiatur accidens à Porphyrio. Vbi etiam respectu quorū constituitur in esse quinti praedicabilis.

3 P R I M A Pars difficultatis praecipue procedit de prima diffinitione Porphyrii. hac enim explicata, facile intelliguntur aliae duae. Est autem ratio dubitandi: quia vel illa verba, *quod adest, & abest, sine subiecti corruptione*, intelliguntur primo intentionaliter de adesse, & abesse per reale inuersionem, sicut calor adest aquae, quando est calida; abest autem, quando est frigida; & hoc non: tunc quia iam definitio non conueniret accidenti inseparabili, quod tamen directè pugnat cum Porphyrio. quia accidens à se definitum statim diuidit inseparabile, & inseparabile: tum etiam quia mors, & existentia actualis accidunt homini, & de illo praedicatur praedicatione quinti praedicabilis; & tamen neque mors adest, neque existentia abesse potest sine subiecti corruptione.

Vel intelliguntur secundò inten-

tionaliter de adesse, & abesse per intellectum, & neque hoc etiam dici potest: tum, quia valde equiuocè loqueretur Porphyrius. siquidè in diuisione, quā statim subiungit, planè loquitur de separabilitate, & inseparabilitate reali, ut omnes fatentur: tum etiam, quia iam definitio conueniret alijs à definito, scilicet, proprio. Quod sic probatur: quia propria passio non est de conceptu, & quidditate rei, cuius est passio, sed quod posterius illa, & effectus eius: ergo etiam per intellectum praescindatur, seu negetur de tali essentia, integra manebit propria ratio, & definitio eius, & ex consequenti poterit cogitatione, & intellectu adesse, & abesse absque subiecti corruptione.

4 Propter hæc Auicenna & alij antiqui, ut referunt B. Alb. ubi supra, & Caiet. in hoc reprehendunt Porphyrium. eò quod nullā tradiderit definitio-

tionē accidentis, quatenus est quintū prædicabile. Alij verò, quos refert, & sequitur Rub. hic q. 2. admitterentes, illud definiri hac diffinitione, explicant verba eius de præsentia, seu absentia reali. ¶ Sed vtraque sententia procedit ex sinistra intelligentia d. diffinitionis, & vtrāque reiiciunt cōmuniter Dialectici. Qui d. istam diffinitionem, vt huius prædicabilis admittūt, eāque explicāt, vt explicuit ipse Porph. de adesse, & abesse per intellectu, seu secūdō intentionaliter. Quæ etiā est expressa sententia D. Th. de spiritualibus creaturis art. ult. ad 7. quem sequuntur Caiet. & Sot. in hoc c. Sāch. lib. 3. q. 43. & alij Thomistæ, nosque libenter amplectimur.

Probat̃ breuiter. Cōtra Auic. quidem: quia hic Porph. intendebat explicare quintum prædicabile: ergo ipsum diffiniuit hac diffinitione. Quod etiam planē constat ex tertia, vbi explicatur accidens per negationē aliorū prædicabilū: ergo nomine accidentis intelligit quintum prædicabile. ¶ Contra Rub. verò, & alios: quia hic definitur secunda intentio quinti prædicabilis: sed hæc non est principium quod, seu ratio, quare natura realiter inhaereat, vel nō inhaereat, sed quare natura affirmetur, vel negetur sine subiecti corruptione: ergo non recte definitur per inesse, vel nō inesse realiter.

Confirmatur: quia sic intellecta diffinitio non cōuenit omnibus prædicatis accidentalibus; siquidem multa sunt entia rationis, aut etiā entitativē substantia, vt patet in his

prædicationibus: *homo est species, vas est deauratum*, & similibus; quæ tamen verè pertinent ad hoc prædicabile: ergo verba illa, *quod adesse, & abesse, &c.* intelligenda sunt de adesse, & abesse secundum intellectū, seu de affirmatione, & negatione, absq; eo quòd tollatur essentia, seu definitio subiecti.

Ex quo iam perspicua remanet tota definitio: reddit enim hūc sensum. *Accidens est, quod indifferenter affirmatur, vel negatur, absque eo quòd destruat̃ definitio subiecti; vel breuius cū Caiet. Accidens est, cuius neque affirmatio, neque negatio subiecti rationem tollit.* Quæ definitio fatis apparet definiri accidēs, vt est quintū prædicabile, siquidē datur per prædicabilitatē, quæ est passio vniuersalis. Et cū ea coincidit descriptio, quæ cōmuniter definitur hoc prædicabile, dicendo: *Accidens est, quod prædicatur de pluribus in quale, & contingenter.* Si enim prædicatur cōtingenter: ergo indifferēter potest affirmari, & negari, salua essentia subiecti.

5 Dices: accidentia inseparabilia non verè affirmantur, & negantur de subiecto. Si enim hæc est vera, *cygnus est albus*, quia nullus datur cygnus niger: ergo hæc erit falsa, *cygnus non est albus*; siquidē ab eo quod res est, vel non est, oratio dicitur vera, vel falsa.

Respondetur, dupliciter posse aliquid propositionē esse verā. primò, simpliciter, & absolute prolatam; quomodo hæc propositio simpliciter est vera, *omnis cygnus est albus*, & eius negatiua simpliciter falsa;

secun-

secundò, secundùm quid, & cum aliqua additione. Et hoc modo contingit in præsentì: non enim simpliciter dicimus; accidēs indifferēter negari, vel affirmari de subiecto; sed affirmari, vel negari de subiecto sine eius corruptione, idest, siue affirmetur, siue negetur, nō tolli naturā subiecti. Siue enim ponatur cygnus albus, siue nō albus, manet integra essētia eius; atq; ita verū est, indifferēter affirmari, & negari de subiecto absque eius corruptione.

¶ Per quod etiā explicata manet 2. definitio Porphy. scilicet, *Accidēs est quod inesse, & non inesse eidē potest*. Satis enim cōstat intelligendā etiā esse secundò intentionaliter; tū quia fere eisdē verbis traditur: tū etiā, quia sumpta est ex Arist. 1. Topic. cap. 4. ubi definit accidēs, secundùm quod constituit vnum ex prædicatis dialecticis. Et sic reddit eundem sensum, ac præcedens, videlicet, *Accidēs est quod potest* (idest, cōtingit, vt vertit Boec.) *affirmari, vel negari de subiecto*. Vbi ly, *contingit*, satis benè explicat potentia logicā quinti prædicabilis, vt affirmetur, vel negetur, salua essentia subiecti: hoc enim est prædicari cōtingenter.

6 ¶ Tādē circa tertiā definitionē notandū est, quod licet non sit pluris faciēda, sicut neque pluris fecit eam Arist. loco citato, non est tamen omninò contemnēda: tū quia non datur per solas negationes: tū etiā, quia quādo iā notæ sunt res illæ, per quarū negationē aliquid explicatur, vt contingit in præsentì; non malè diffinitur per tales nega-

tionēs loco differētiæ. Et sic dicta definitio reddit hunc sensum: accidēs est, quod est in subiecto (non inhesionis, sed prædicationis) idest, quod prædicatur de pluribus, & nō sicut genus, species, differētia, vel propriū, per quod utrūq; cognoscimus positivū illud, in quo accidēs differt ab alijs prædicabilibus, scilicet, prædicari contingenter.

Ad rationem dubitandi secundū ea, quæ nobis aduersantur, respōdetur. Et in primis ad id, quod primò offertur de morte, & existētia, quatenus etiam potest esse cōtra definitionem, secundò intentionaliter intellectam, relictis alijs solutionibus, dicimus, existentiā quidē posse optimè affirmari, aut negari, salua essentia subiecti. Siue enim dicatur, *homo existit*, siue, *homo non existit*, semper manet eadem definitio, & essentia hominis.

De morte autem maior est difficultas: quia quando prædicatur de homine, tollit ab eo prædicatum essentiale, scilicet, esse viuens, & sic non videtur posse affirmari, & negari, integra manēte essentia hominis. Sed relictis alijs solutionibus, quas adducit, & impugnat Sanch. vbi suprā.

7 Respondetur primò cum Caicetan. in hoc cap. dub. 2. hanc prædicationem, *homo est mortuus*, propriè non esse quinti prædicabilis: quia prædicatum non est quid conueniens, sed omninò repugnās subiecto, & destruens illud. Vt enim probat optimè D. Thom. 3. part. quæst. 50. articul. 4. cū vnio animæ, & corporis cōpleat essentiam

hominis; per eorū separationē defuit esse homo, & ita mors facit, quod aliquid nō sit homo. Est autē vera illa propositio, *homo est mortuus*, nō quia extrema non sint disparata, & repugnantia; sed ratione ampliationis, secundū quam copula extenditur ad tempus præteritū; facit enim hunc sensum, *quod est, vel fuit homo, est mortuum*, idest; *olim homo; modò est mortuus*.

Vel secundò responderetur cum Sanch. loco citato, mortem pertinere ad quantum prædicabile, non in facto esse, & completo cōsideratam, sed in fieri, & quasi in via. Siue enim dicatur; *homo moritur*, siue: *homo nō moritur*, nō tollitur essentia hominis. Et hoc sufficit, ut terminus huius motus, qui explicatur in propositione per, *mortuū*, pertineat ad hoc prædicabile, non in se, sed in suo fieri, aut via, siue in dispositionibus antecedentibus.

Vel tandem tertio respond. cum Soto hic, quod esse mortuū est accidens quinti prædicabilis ratione corporis, & respectu illius. Et sic adest, & abest à corpore præter eius corruptionem: quia corpus, quod modò viuit, idem postea erit mortuū, licet habeat aliā formā cadaueris. Dicitur tamen idē corpus ratione materiæ, ut inquit D. Tho. q. citata, art. 5. ad primū: & quia sic homines communiter loquuntur.

8 Ad ea verò, quæ secundò afferuntur in ratione dubitandi, respondetur. Ad illud de æquiuocatione dicimus, quod, ut magis explicaret Porph. accidens secundò intentione sumptum à se definitum, di-

uisit statim illud in varia subiecta, quæ à tali intentione denominari possunt, in quo nulla committitur æquiuocatio. Fuisset quidē aliqua, si in ipsis diffinitionibus ly *esse*, diuersimodè supponeret pro esse reali, & per intellectū, nullū tamen est inconueniens, illud accepisse difformiter in diffinitione, & diuisione; ut ostenderet, quod à secunda intentione quinti prædicabilis denominatur quodcūque accidens nō fluens ab essentia, siue sit realiter separabile, siue non.

Tandem ad id, quod de proprio assertur, neganda est cōsequentia. Ex eo enim quod propria passio sit quid posterius essentia, & effectus eius; solum sequitur, essentiā posse intelligi absq; tali passione abstractione præcisua, non verò abstractione composita. Cum enim propria passio dimanet ab essentia, & cū ea habeat necessariā connexionē, non solum pertinet ad integritatē eius, & ex consequenti ablata passione, non manet integra essentia; sed etiā eo ipso, quod passio negatur de essentia, verè ipsa destruitur. Nam sicut benè valet: *est risibilis, ergo est homo*; ita etiam rectè sequitur: *non est risibilis, ergo non est homo*. Quod nō contingit in accidentibus cōmunibus, quātumuis inseparabilia sint, ut cōsideranti patebit.

9 ¶ Circa secundā partē difficultatis, non est inuoluendū. Omnes enim fatentur, accidens constitui in esse quinti prædicabilis per ordinem ad subiecta, quæ accidentaliter denominantur; nō verò per ordinem ad alia inferiora, quibus potest

test essentialiter conuenire. Vnde hæ prædicationes sunt quinti prædicabilis, *Petrus est albus: equus est coloratus*; non verò istæ; *hoc albu est album: album est coloratum*, &c.

Cuius ratio ex dictis est manifesta: quia esse quintum prædicabile, est posse abesse, & adesse absq; subiecti corruptione: ergo accidens constituetur in esse quinti prædicabilis respectu eorum, quibus potest sic abesse, & adesse. Sed hoc habet tantum respectu subiectorum, quæ accidentaliter denominat, non verò respectu inferiorum essentialiū, vt per se patet, albedo enim nō potest separari ab hac albedine, salua eius essentia; benè tamen ab homine, vel equo. Ergo accidens non cōstituitur in esse quinti prædicabilis per ordinē ad inferiora essentialia, sed respectu subiectorum, quæ accidentaliter denominat.

Dices. Ergo quintū prædicabile non essentialiter, sed accidētaliter est vniuersale; & ex consequēti vniuersale non erit genus ad quinque prædicabilia. ¶ Respondetur negādo consequentiam. Aliud enim est, quòd secunda intentio quinti prædicabilis faciat naturā accidentaliter prædicari de subiectis; aliud verò, quòd ipsa secunda intētio sit accidētaliter vniuersalitas. Illud quidē est verissimū. Nā sicut genericitas, ex eo quòd sit vniuersalitas naturæ perfectibilis, facit ipsam prædicari de speciebus, ita accidentalitas, ex eo quòd sit vniuersalitas naturæ extraneæ, seu contingentis, facit ipsam prædicari accidentaliter de subiectis denominatis. Id ta-

men nō tollit, q̄ nominat ipsa accidentareitas sit essentialiter vniuersalitas; quia essentialiter est illi, quòd faciat naturā prædicari accidentaliter de subiectis.

Q V A E S T I O II.

In quo differant propria passio, & accidens commune.

10 V T Plenè percipiamus secundas intentiones constitutivas huius, & quarti prædicabilis; omninò necessarium est inuestigare, in quo differant propria passio, & accidēs cōmune, seu natura profluens ab essentia, & natura extrinseca, siue cōtingens, quæ sunt subiecta adæquata; per quæ intentiones istas definiuimus suprà d. 5. n. 52. Vnde nō est præsentis instituti examinare in particulari: an istud, vel illud accidēs sit propria passio, aut accidens cōmune? sed generaliter, quæ accidentia verè profluāt ab essentia, & sint propriæ passionēs; quæ verò ab essentia non dimanēt, sed sint accidentia communia.

Lobanienſes, & alij, quos quidā Neotherici sequuntur, existimant, omnia accidentia esse proprias passionēs respectu alicuius gradus substantiæ, seu respectu sui propriij, & adæquati subiecti, per quod diffiniuntur; esse verò accidentia cōmunia, si cōparentur alijs gradibus inferioribus, siue subiectis inadæquatis.

Probarur primò hæc sententia: quia differentia, quam Arist. & D. Tho. videntur statuere inter propriam passionē, & accidēs commune, scilicet, quod propria passio se-

quatur formam, & accidens cōmune materiam, non videtur euacuare difficultatem: ergo melius dicendum est, omnia accidentia esse proprias passionēs respectu sui proprii, & adequati subiecti. Probatur antecedens. Tūm, quia ambiguum valde est, quare accidentia sequantur materiam, & quare formā, maximē in sententia D. Thom. c. 7. de ente, & essentia, asserētis, nullum esse accidens, quod ā sola materia dimanet. Tūm etiam: quia quantitas, & idem est de alijs similibus accidentibus, sequitur materiam, teste eodē D. Tho. 3. p. q. 90. ar. 2. de potentia q. 2. ar. 7. & alibi sapē, & tamen est propria passio corporis: ergo aliquid accidens sequens materiā est propria passio.

Secundō: quia color respectu hominis, & equi est accidens commune, ut omnes fateantur; & tamē respectu gradus, *mixti*, est propria passio: ergo idem accidens est propria passio, & accidens commune respectu diversorum. Probatur minor; quia hæc propositio, *mixtum est coloratum*, potest probari per verā demonstrationē: ergo est necessaria, ergo predicatū non convenit contingentē subiecto, & per cōsequēs color respectu mixti nō est accidens cōmune, sed propria passio.

Tertiō: quia etiā accidentia, quæ causantur ex varia dispositione materie, ut masculinū, & femininum in animalibus, sunt propriæ passionēs, scilicet respectu illius cōplexionis, seu temperamentī, ex quo resultant: ergo omnia accidentia sunt propriæ passionēs respectu alicuius

gradus. Probatur antecedens: tū ex Arist. 10. Metaph. textu 25. ubi ait: *Masculus autem, & femina propria quidem animalis passionēs sunt*. Tū etiam; quia tāta accidentia per se prædicantur de illa dispositione, seu tēperamēto materie, ex quo resultant, & sunt per se effectus eius.

11 Ceterūm hæc sententia omnino falsa est. Et quidquid sit de hoc, aut illo accidenti in particulari, generaliter sustineri non potest, omnia accidentia esse proprias passionēs respectu alicuius gradus, respectu verō aliorū esse accidentia cōmunia. Tū, quia plura sunt accidentia, quæ quibuscunque cōparentur, sunt communia, & contingentē conueniunt, ut patet de actibus intellectus, & volūtatis: aliās hæc propositiones, *homo intelligit*, *Petrus amat*, & similes, possēt demonstrari, quod est absurdū. Tū etiā, quia ex antecedenti necessario, sequeretur consequens contingens, quod omnino implicat, ut diximus lib. institutionum, cap. 2. Sequela patet: quia hæc propositio, *homo est coloratus*, apud Auctores cōtrarios est cōtingēs; hæc autem necessaria, *mixtum est coloratum*; sed illa prima sequitur ex hac secūda, adiūcta altera propositione necessaria, ut constat in hoc syllogismo, *omne mixtum est coloratum: omnis homo est mixtum: ergo omnis homo est coloratus*. Vbi maior est necessaria; cū passio prædicetur de propria essentia; minor etiam est necessaria; siquidem in ea genus prædicatur de sua specie, ut patet: ergo iā ex antecedenti neces-

necessario sequeretur consequens contingens.

12 Dicendum est ergo, quod propria, & in rigore loquendo, non omnia accidentia sunt propriae passionis, sed illa tantum, quæ oriuntur ab essentia ratione formæ, & quæ per se primo conveniunt speciei; ea verò, quæ oriuntur ab essentia ratione materiæ, & quæ per se primo conveniunt individuis, sunt accidentia communia. Hæc conclusio est communis ferè omnium Dialecticorum, ut testatur Caiet. in hoc c. & Mas. c. de proprio q. 9. Eaq; expressè docet Arist. 10. Metaph. text. 25. citato, ubi inquirens: quare aliquæ differentie contrarie indicant distinctionem speciei, ut gressibile, & volatile; alia verò non, ut album, & nigrum, respondet: *An quoniam illa quidè propriae passionis generis sunt: hæc verò minime.* Reddit autem statim rationem, quare illa sint passionis, & non ista; quia illa sequuntur rationem, seu formam; hæc verò materiam, dicens: *Et cum illud quidem ratio, hoc verò materia sit; quaecumque in ratione contrarietates sunt, specie differentiam faciunt; quaecumque vero in coassumpto materia, minime faciunt.* Ex quo tandem inferre accidentia, quæ proveniunt ratione materiæ, per accidens se habere ad speciem; & ideo per prius convenire individuis, & ratione illorum speciei. *Homo enim (inquit) est albus: quia Calias est albus: per accidens igitur homo est albus.*

13 Ex qua Aristot. doctrina comprehendimus duo discrimina in conclusionem assignata inter proprias

passiones, & accidentia communia. Primum, & præcipuum, quod scilicet illa sequantur compositionem ratione formæ; hæc verò ratione materiæ, explicat optimè D. Tho. cap. 7. de ente & essentia. Vbi, cum prius dixisset, quædam accidentia principaliter consequi materiam primam; quædam verò formam substantialem, subiungit: *Et quia unaquæque res individuat ex materia, & collocatur in genere, vel specie per suam formam; ideo accidentia, quæ consequuntur materiam, sunt accidentia individui, secundum quæ etiam individua eiusdem speciei differunt ad invicem.* Accidentia verò, quæ consequuntur formam, sunt propriae passionis, vel generis, vel speciei; sicut risibile consequitur in homine formam, &c. Cui doctrina si addatur, quod S. Doctor docet 1. dist. 17. quæstion. 1. artic. 2. ad 2. dicens: *Quædam sunt accidentia, quæ causantur ex principiis subiecti; & hoc dupliciter: quia vel causantur ex principiis speciei, & sic sunt propriae passionis, quæ consequuntur totam speciem: vel ex principiis individui, & sic sunt communia: quod etiam repetit 1. Posteriorum lect. 14. & alibi sæpè; evidenter sequitur in doctrina D. Thom. hoc esse præcipuum discrimen inter proprias passionis, & accidentia communia, quod illa consequuntur compositionem ratione formæ; ita ut forma sit prima radix illarum; ista verò consequantur compositum ratione materiæ, ita ut materia sit prima radix eorum.*

14 Probatur ratione conclusio quoad hanc partem: quia illæ sunt propriæ passionēs absolutæ, & simpliciter, quæ dimanant ab essentia, quatenus essentia est: sed essentia constituitur in esse essentiæ per formam, & non per materiam: ergo illæ sunt propriæ passionēs, quæ dimanant ab essentia ratione formæ, & non ratione materiæ.

Confirmatur primò: quia materia est prima radix differentię materialis, & numericæ; sicut forma est prima radix differentię specificæ, & essentialis: ergo accidentia, quæ sequuntur materiam, sunt propria indiuiduorum; quæ verò sequuntur formam, sunt propria speciei, seu essentiæ. Ergo hæc sunt propriæ passionēs, illa verò non. Probatur hæc vltima consequentia: quia passio sequitur essentiam ratione differentię specificæ, non verò ratione differentię indiuidualis; siquidem inuenitur in omnibus participantibus talem naturam.

Confirmatur secundò: quia propriæ passionēs, vel tributæ sunt naturis ad aliquas operationes, vel saltem sequuntur essentiam, prout constituta est in determinato gradu entis: ergo tantum accidentia, quæ sequuntur formam, sunt propriæ passionēs. Probatur consequentia: quia forma, & non materia, est prima radix operationū, aut constitutionis essentiæ in determinato gradu; cum forma sola sit actus simpliciter.

15 ¶ Ex hoc præcipuo discrimine inter proprias passionēs, & accidentia communia, sequitur secun-

dum; quod tangitur in conclusione, & tradit Aristot. loco citato, explicatque optimè D. Thom. ibidem lect. 11. quòd scilicet, propriæ passionēs per prius conueniunt speciei, & media illa indiuiduis. Calias enim est risibilis; quia homo est risibilis; accidentia verò communia per prius conueniunt indiuiduis, & ratione eorum speciei: homo enim est albus; quia Calias est albus. ¶ Cuius ratio est ex dictis manifesta: quia forma est prima radix, vnde sumitur species; materia verò est prima radix, vnde sumitur indiuiduatio: ergo accidentia, quæ proueniunt à forma, per prius conueniunt speciei; quæ verò à materia, per prius indiuiduis. Maior huius materiæ explicatio pèdet ex tractatu de principio indiuiduationis.

16 Ad argumenta resp. ad prinu, negatur antecedens. Ad cuius probationem dicendū est, quòd licet ex defectu nostro difficile sit, generalē illam regulā cuilibet materiæ applicare, explicareque in particulari, quæ accidentia sequantur materiam, quæ verò formā; nō tamē ideò est falsa. Neque D. Thom. contrarius est: non enim dicimus, aliqua accidentia sequi, vel oriri à sola materia sine cōmunicatione formæ; hoc enim falsum est, (quidquid alij dicant) & negat merito D. Tho. sed dicimus inter accidentia, quæ oriuntur à toto composito, alia oriri ab eo ratione formæ, & alia ratione materiæ; ita ut illorum prima radix sit forma; istorum verò materia.

Ad id autem, quod in eodem argumento affertur de quantitate, ref-

respondetur cum Caietan. cap. 7. de ente, & essentia quæstion. 17. quantitatem in rigore loquendo non esse propriam passionem corporis, sed accidentis commune: ut potè, quæ sequitur essentiam ratione materiæ, & per se pertinet ad indiuiduationem; & ita est de numero illorum accidentium, quibus indiuidua inter se differunt. Ad quod, ut benè notat Caietan, non est necessarium, quòd vnum indiuiduum habeat vnum accidens, & aliud aliud; sed sufficit vtrumque indiuiduum habere idem accidens diuerso modo. Et sic indiuidua differunt per quantitatem; nunquam enim inueniuntur duo quantia omnino similia, siquidem proprijs saltem sibus differre necesse est. Quod planè indicat quantitatem non esse propriam passionem. Nam propria passio vel inuenitur eodem omnino modo in habentibus essentiam, à qua procedit; vel saltem ex se non habet istam inquantitatem, quam cernimus in quantitate.

17 Ad secundum, ut respondeatur, notandum est, magnà fuisse ab antiquis temporibus de natura coloris controuersiam, & adhuc sub iudice lis est. Pythagorici enim existimauerunt colores esse de genere quantitatis, scilicet, vltimam superficiem, quæ apparet, seu *epiphaniam*, ut ipsi dicebant. Platonici autem flammulas, & lumina quædam esse dixerunt. Peripatetici verò fortè media via incedunt: nam Arist. in lib. de sensu, & sensato definit colorem, dicens: *color utique erit perspicui*

extremitas in corpore determinato, ubi ly, *extremitas*, ut benè notat D. Thom. lect. 6. non sumitur pro extremitate corporis, quatenus corpus est; hæc enim est de genere quantitatis; sed pro extremitate perspicui, quatenus perspicuum est, quæ est de genere qualitatis, sicut ipsum perspicuum. Perspicuum autè, ut ibidem docet Arist. constituitur per lumen; nam lumen, ut ipse definit 2. de anima, text. 69. est *actus perspicui ex ratione, qua perspicuum est*. Vnde color aliquomodo supponit, vel inuoluit lumen. Et tandè addit Arist. quòd sit in corpore determinato, seu terminato, id est, opaco: quia color tantum inuenitur in vltima superficie, quæ sola in corporibus opacis recipit lumen. De quo redibit sermo in lib. de Anima.

Hoc supposito, respondetur, quocumque ex his modis explicetur natura coloris, non posse esse propriam passionem, etiam respectu gradus substantialis mixti. Si enim est de genere quantitatis iuxta Pythagoricos; iam constat quantitatem non esse propriam passionem. Si verò sit de genere luminis iuxta Platonicos; multo minus erit propria passio; cum sit accidens ab extrinseco adueniens. Si tandem est quædam qualitas perspicui terminati iuxta Peripateticos, vel supponit lumen in ipso perspicuo, vel saltem temperamentum primarum qualitatum in tali, vel tali proportionem, quod nascitur ex principijs indiuidualibus, estque dispositio quædam accidentalis; ac proinde color ipse non potest esse propria passio.

Ad

Ad probationē autē minoris respōdetur, hanc propositionem, *mixtum est coloratum*, non posse propriē demonstrari, si nomine *mixti* intelligamus gradū illum essentialē, quē posuimus in arbores: sic enim propositio nullo modo est necessaria. Si verō nomine *mixti* intelligemus accidentalē illam mixtionē, seu peculiare temperamentum, ad quod sequitur color, tūc posset quidem propositio demonstrari per mediū, quod licet sit accidentale respectu rei, in qua est color, esset tamen per se respectu illius mixtionis, seu peculiaris temperamenti. Et ita color respectu talis temperamenti habet quodammodō, & secundū quid rationē passionis, sicut reliqua accidentia cōmunia respectu sui proprii, & adequati subiecti, a quo causantur; de quo propterea prædicantur in quarto modo dicti per se ex assignatis ab Arist. lib. 1. Post. cap. 4. Ex quo tandē fit, colorē respectu talis temperamenti induere rationem quarti prædicati; sed nō ideō pertinet ad quartū prædicabile, neque simpliciter est propria passio, ut ex dictis patet.

18 Ad tertium similiter respondetur, masculinum, & fœmininum simpliciter esse accidentia communia; quia licet per se conueniant, & oriantur ab illo peculiari temperamento, seu dispositione, quam tempore conceptionis habet materia, ex eo quod calor operans sit fortis, vel remissus; & propterea respectu talis dispositionis secundū quid

dicantur passionēs, possintque de illa demonstrari; tamen cū ipsa dispositio, unde masculinum, & fœmininum oriuntur, simpliciter sit accidentalis, & per accidens respectu essentialis animalis; inde fit, ut talia accidentia simpliciter sint communia, licet respectu sui adequati subiecti, seu principij induant rationem quarti prædicati, & secundū quid appellentur passionēs. Et hoc solū intendit Arist. nām post verba adducta in argumento, statim subdit: *Sed nō secundū substantiam; verū in materia, & corpore, &c.* id est, non simpliciter, & ex parte formę, seu ex parte materię, & secundū quid, ut explicat ibi D. Tho. Videatur Caiet. 1. Posterior. cap. 7. dub. 2.

CAPVT VI.

De communitatibus quinque prædicabilium.

HÆC Est tertia pars tractatus Porphyrij iuxta partitionem in eius proœmio statutam; in qua ipse singula prædicabilia prolixē inter se comparat; & in quibus conueniant, in quibusuē differant, sexto & finali capite absoluit. Quę omnia sufficienter constāt, tūm ex dictis de vniuersalibus in communibus, tūm etiā ex dictis de vno quoque in particulari; & propterea nos cum communi Doctorum caput istud prætermittimus.

395

LIBER CATEGOR. riarum Aristotelis.

PROOEMIUM.



GGREDIMVR Iam Aristotelis libros, ingredimurquē. Lyceum illud, vnde vera naturalium rerum cognitio, Doctore Aristot. ad extremās vsque orbis partes emanauit. De cuius vita, & admirabili ingenio, & in rebus, vel inueniendis, vel iudicandis, vel disponendis acumine, ac de absoluta in omni doctrinæ genere perfectione plura prælibanda essent. Sed ne omnia prætermisisse, non sine tanti Philosophi iniuria, videamur: aliqua saltem attingemus.

1 Fuit Aristoteles natione Macedo; Patria Stagiritēs; natus circa annum ab orbe condito 3655. & ante partum Virginis 329. iuxta Cronologiam Bellarmini. A pueritia vsque ad septem decimum ætatis annum, tūm humanioribus studijs sub Præxco quodam; tūm ob consumptum patrimonium militari, imò & pharmacopoleæ arti operam dedit. Deinde Socratis auditor vsque ad annum ætatis vigesimum, postea vsque ad quadragesimum fuit Platonis discipulus. Tres insuper annos cum Hermia commoratus, inde ad Alexandri Magni institutionem à Philippo patre, Macedonum Rege euocatur. Quod munus vsque ad annum quinquagesimum feliciter executus, Athenas postmodum petijt: vbi Lyceum aperuit, ibique per tredecim circiter annos philosophiam summa cum omniū admiratione, & vtilitate docuit. Cæterum coram Senatu accusatus, quòd Deorum cultum cōtemneret, publica se oratione defendit; atque inde ad Calcidem Eubœæ insulæ decedens, completo sexagesimo tertio ætatis anno, instante morte, vt testatur Cælius Rodiginus lib. 16. c. 34. & alij graues Auctores, auxilium primæ causæ implorauit illis verbis: *Causa cau/arum, miserere mei.* Legatur Lactantius, Plutarchus, Ammonius, & alij; ex quibus multa refert Massius initio prædicamentorum.

2 Extant etiā plura grauissimorū Philosophorū encomia de ingenio, & doctrina Arist. Eum Plato; *mentem sui gymnasi,* & Philosophum *eximiat,* appellauit. Cælius, *collatum illi esse, dixit, quidquid humano ingenio capi potest.* Lucretius, *Genus humanū ingenio superasse.* Auerroes, *f. s. i. regulā,* & *ex plar, quod ad ostendendā perfectionē vltimā inueni natu:*

plura.

pluraq; alia à Doctorib; referuntur, quæ longū esset recēdere. Scripsit in omni parte philosophiæ plura volumina: de quo videri possūt Frācisus Patricius to. 1. discursiōnū peripateticarū lib. 4. & Posselbinus lib. 12. suæ Bibliothecę selectę. Quorū Arist. operū nō est parua laus, quod grauissimī Philosophi ea susceperint explicāda, Alexander, Themistiū, Pselus, Ammonius, Boēcīus, Auerroes (qui ob diligētē explanatiōē cōmentatoris nomē assequi meruit:) & tandē D. Tho. qui alios longē superās, extitit Arist. fidelissimū, & interpres, & discipulus.

3 Primus igitur inter opera Arist. est lib. hic Categoriarū. De quo licet Iāblicus, teste Boecio, dubitauerit esse Arist. styli tamē breuitas, & subtilitas, cōmunisq; Peripateticorū cōsensus cōuincūt ipsū fuisse eius Auctōrē. Inscribitur autē, *Arist. Categoria*, à verbo Græco *κατηγορο*, *Catigoreo*, quod Latīnē idē est, ac *prædico*, siue *enuntio*. Quia nimirū categoriæ est series prædicabilium, in qua superiora de inferioribus prædicantur: & ideo Auctore Boecio Latīnē prædicamenta appellata sunt. Vtrūquē autē nomen, scilicet, *categoria*, seu *prædicamentū*, sumitur aliquando pro solo supremo genere; frequentius verò pro tota serie superiorum, & inferiorum. In quo sensu supra circa præcæmīum Porphy. num. 2. ex cōmuni sententiā definiuimus prædicamentum, quod sit *series*, seu *coordinatio prædicabilium*.


Quod autē sit obiectū huius libri; & quare eū instituerit Arist. & quomodo ad Dialēcticū pertineat de prædicamētis disputare, ex dictis in præcæmio huius primę partis constat. Reuocātur enim in hoc libro ad certas classes omnia entia realia, vt faciliè rerū diffinitiones, & diuisiones inueniremus. Vnde prædicamēta secundū suas entitates reales solū pertinet ad obiectū materiale Logicę, vt sepius à nobis explicatum est.

4 Adhuc autē *DVBITANT* aliqui: utrū Arist. in hoc lib. agat præcipuè de vocibus, an de rebus, propter Alexandrum, Porphy. Boeciū, & alios, quos refert Mas. loco citato ad voces præcipuum Aristotel. intentum reducētes. ¶ Quorum fundamentum est: quia de ipsis rebus, quæ sunt prædicamenta, egit in Metaphysica, ad quam rerum, & non vocum pertinet speculatio: ergo in Logica de vocibus, & non de rebus disputauit.

Respondetur tamen ex dictis supra disp. 1. numer. 33. res, & voces per se pertinere ad obiectū materiale Logicę; quia tam intentiones fundatæ in vocibus, quàm quæ fundantur in rebus, clauduntur per se sub obiecto formali eius; istæ quidem primariò, & principaliter; illę verò secundariò, & minùs principaliter, quo ordine tractatur in hoc lib. ab Aristot. de rebus, & vocibus. Vnde Logica non attendit præcisè ad ipsas res, sicut Metaphysica; sed ad res, secundū quod vocibus significantur. Per quod patet ad fundamentum contrarię sententię.

Cōtinuet autē liber iste tres partes; antepædicamēta, prædicamēta, & post-

post prædicamēta. In prima agitur de quibuscūq; prærequisitis ad prædicamēta: vnde dignoscitur, quæ in illis collocanda; quæ verò ab eis reijcienda sint: cōtinetque quatuor capita. ¶ Secunda de ipsīs prædicamentis per quinque capita disputat. ¶ Vltima tandem alijs quinque capitibus explicat quædam, quæ consequuntur ipsa prædicamēta, & ad eorum pleniorē notitiā consequendam iuuat.



ANTE PRÆDICAMENTA Aristotelis.

CAPVT PRIMVM.

De æquiuocis, vniuocis, & denominatiuis.

SVMMA TEXTVS.

HÆC Tria definit in hoc cap. Arist. sic: *Æquiuoca dicuntur, quorum nomen commune est; ratio verò substantiæ nomini accommodata, diuersa: vt animal dicitur, & ipse homo, & id, quod est pictum. Vniuoca dicuntur, quorum, & nomen commune est, & ratio substantiæ nomini accommodata est eadem: vt animal dicitur, & ipse homo, & equus: Denominatiua dicuntur, quæ ab aliquo, nominis appellationem habent, solo differentia casu: vt à Grammatica, Grammaticus.*

Notationes, & dubia circa hoc caput.

5 ¶ Ripliciter possunt comparari prædicamēta, vt notant Albert. & Aegid. hic. *Primò*, si omnia cum ente conferamus; cuius partes, & membra sunt. *Secundò*, si singula cum suis inferioribus comparemus. *Tertiò*, si quædam illorum alijs attribuamus. Primo modo prædicamēta sunt æquiuocata, seu analogata respectu entis (sub æquiuocis enim comprehendit hic Arist. analogā, vt postea dicemus.)

Secundo modo vnumquodq; prædicamentum est vniuocum respectu suorum inferiorum. Tertio modo prædicamēta accidētium sunt denominatiua substantiæ. Cum ergo in vnoquoque prædicamento prius consideretur ratio entis, deinde propria inferiora; & vltimò prædicata extranea; ideò Aristot. prius explicuit æquiuoca (quamuis vniuocis dignitate cedant) deinde vniuoca, & tandem denominatiua.

Vbi nota, quod nomen ipsum æquiuocum (& idem proportionabiliter est de vniuocis, denominatiuis, & analogis) dicitur æquiuocum æquiuocans; res verò per tale nomen significatæ æquiuoca æquiuocata. Vnde constat, res ipsas secundum se non dici vniuocas, aut æquiuocas, sed prout nominibus significantur. Hæ enim intèctiones sunt de genere earum, quæ immediate fundantur in nominibus: propter quod eas definiens Aristot. non dixit: *æquiuoca sunt: vniuoca sunt, &c.* sed *æquiuoca dicuntur, vniuoca dicuntur.* Quo supposito, solùm superest, traditas definitiones breuiter exponere.

6 Definiens Aristot. æquiuoca, sic inquit: *æquiuoca dicuntur.* Loquitur de æquiuocis æquiuocatis, vt patet, *quorum nomen.* Nomē hîc vt notat Boëtius, accipitur vt comprehendit verbum, participium, & alias partes orationis, in quibus inueniri potest æquiuocatio, *est commune:* vt innuat nomen debere esse omnino vnum; sic enim propriè erit commune. Vnde qualibet diuersitas in nomine, etiam si fiat sola mutatione alicuius literæ, vel solius accentus, tollit æquiuocationem. Qua ratione *occido*, non est æquiuocum, licet significet actionem auferendi vitam, & passionem, seu mortem; quia in prima significatione producit, & in secunda corripitur, *ratio verò;* idest, conceptu obiectiuus, siue sit propria definitio, siue non, *substantia;* idest, essentia. Substantia enim interdum sumitur pro essentia, interdum ve-

ro pro substantia, quæ distinguitur contra accidens; quibus acceptio- nibus correspondent duæ aliæ accidentis, quas disp. 9. num. 2. explicuimus. Præter quàm quod loco *substantia* habetur in Græco *κατα* *υψις*: quod nomen, Auctore Macrobio in somnium Scipionis lib. 1. c. 14. propriè non substantiam, sed essentiam significat, *nomini accommodata, diuersa;* vt ostēdat ad æquiuocationē solùm requiri, vt æquiuocata, secundum quod significantur per nomen æquiuocum, non habeant vnā rationem, licet aliās secundum quod alijs nominibus significantur, verè habeant vnā rationem, & vniuocè conueniant. Nomen enim, *canis*, æquiuocum est ad latrabilem, & marinum; quia secundum quod significantur per tale nomen, non habent vnā rationem; licet aliās in nomine *substantia*, aut *animalis*, conueniant vniuocè.

7 Per quod explicata etiā manet definitio vniuocorū. Quæ ab æquiuocis solùm distinguitur in hoc, quod nomen vniuocum immediate significat vnā rationem, quæ est communis vniuocatis; æquiuocū verò immediate significat proprias rationes æquiuocatorū. Quod probat à posteriori in hoc capite Aristot. quia si quis quærat; quæ est ratio canis, quæ inuenitur in latrabili, & marino? non assignabit vnā definitionem illis communem, sed proprias eorum definitiones adducet. Si verò quærat: quæ est ratio animalis, quæ inuenitur in homine, & equo? respon-

det vnica definitione animalis, dicendo: est viuens sensibile; absque eo quòd cogatur proprias hominis, & animalis definitiones adducere.

¶ Circa definitionem denominatiuorum notandum est, in quacunque denominatione tria inueniri, scilicet formam denominantem, rem denominatam, & ipsum denominatiuum. Vt albedo est forma denominans parietem albū, paries est res denominata, & concretum, scilicet album, est denominatiuum. Quibus nō annumeramus denominationem ipsam, quia non omninò distinguitur ab his; sed quodāmodo inuoluit ea. Denominatio enim est illa quasi causalitas, seu applicatio, qua denominatiuum ratione formæ denominātis applicatur rei denominatæ.

Ex his ergo, forma denominans est prima radix, & origo totius denominationis, à qua denominatiuum accipit appellationem, & nomen denominandi. Quādo enim dicitur: *paries est albus*, illud denominatiuum positum à parte prædicati denominat subiectum ratione albedinis, quam significat, & à qua solo casu differt, idest, cadentia nominis; siquidem nomina in principio conueniunt, & in fine differunt: res verò significata per vtrumque eadem est.

Ex quo plana remanet definitio denominatiuorum; reddit enim haec sensum. *Illae dicuntur denominatiuae, quæ cum solum differunt casu*, idest, cadentia nominis, *ab aliquo alio*, scilicet à forma nomi-

nante; *ab illo tamē habent nominis appellationem*: quia forma denominans est prima radix totius denominationis.

In qua definitione tres denominationum conditiones insinuari, notat benè Caiet. hīc. *Prima* est, quòd denominatiuum debet deriuari à forma denominante secundum nomen. Quod non est intelligendū iuxta regulas Grammaticorum, apud quos non semper concretū deriuatur ab abstracto, inò frequentius fit e contra; sed iuxta regulas Logicæ, in qua abstractum est prima radix concreti.

Secunda est, quòd denominatiuum differat à forma denominante casu, idest cadentia nominis. Hoc autem intelligendum est per se loquendo: nam per accidens potest contingere vtrumque nomen non differre casu, seu cadentia, vt patet in *Musca* sumpta pro muliere, & pro arte. Quod tamen non tollit, quin in priori significatione verè sit denominatiuum; cū hæc sit prædicatio quinti prædicabilis, *Maria est Musca*. Quia dū ex nomine deriuatiuo masculino formatur femininum; casu accidit, vt coincideret cum nomine formæ denominantis.

Tertia conditio est, vt denominatiuum, & forma denominans non differant in re significata, sed sola cadentia nominis. Per quod, vt inquit benè Caiet. non excluditur differentia, quam ex modo significandi inter concretum, & abstractum explicuimus supra dispt. 4. numero 18. quia hæc differentia

comitatur differentiam secundum cadentiam nominis. Regula autem generalis est; dictionem exclusiuā non excludere à concomitantibus: dicendo enim: solus Sortes currit, non excluditur hoc risibile à cursu, vt notauimus lib. 2. institutionum cap. vltimo.

9 Explicatis his diffinitionibus, DVBITATUR primò: an sint recte, propter hæc argumēta. Primò: quia quidquid definitur debet esse species, vt sumitur ex Arist. 8. Metaph. text. 9. ergo quid vniuocum: ergo æquiuoca nō possunt definiri.

Secundò, nomen æquiuocū verè non est vnum, neque commune, sed potius plura: ergo malè in definitione dicitur: *quorum nomē est commune*. Probatur antecedens: quia nomen constituitur in esse talis per significationem: sed in æquiuoco sunt plures significationes; cum significet immediatè plura; ergo sunt etiam plura nomina.

Tertiò: quia omnia genera, de quibus quidem dubitari non potest esse vniuoca, sunt etiam æquiuoca, teste Arist. 7. Physicorum text. 31. ergo æquiuoca, & vniuoca non distinguuntur; & per consequēs malè assignatur vtraque definitio.

Quartò: quia denominatiua sunt vniuoca: ergo malè definiuntur diuersa definitione. Probatur antecedens: quia quartum, & quintum prædicabile sunt denominatiua; & tamen propriè sunt vniuoca, vt diximus disp. 4. nu. 60.

Quintò: quia *homo* sumit denominationem ab humanitate, & *animal* ab animalitate, à quibus solo

casu differunt; & tamen neque homo, neque animal sunt denominatiua: ergo definitio conuenit alijs à definito.

Sexto: quia *studiosus*, vel est denominatiuum ab studio, vel à virtute, non primum: quia ab studio non solum casu differt, sed etiam in re significata; neq; secundum: quia à virtute non differt sola cadentia nominis, sed in toto nomine: ergo malè dicitur in definitione, denominatiuum, & formam denominātem differre solo casu.

10 Nihilominus definitiones Aristot. esse rectas probat auctoritas eius, & communis Dialecticorum consensus, quod iuxta subiectam materiam est genus probandi ita efficax, vt irrationale sit aliud postulare. Vndè ad argumenta respondetur.

Ad primum, concesso antecedenti, distinguendū est cōsequens. Si enim sensus sit, quod æquiuoca non possunt definiri primò intentionaliter, & secundum illas entitates, seu rationes diuersas; concedenda est consequentia. Si verò sensus sit non posse definiri secūdò intentionaliter, vt scilicet induunt secundam intentionem, à qua constituuntur in esse æquiuocorum; neganda est. Nam hoc modo sunt vniuoca; siquidem æquiuocatio est quædam species secundæ intentionis, quæ æqualiter participatur ab his, vel illis æquiuocis.

Ad secundum respondetur, ad multiplicationem concreti, seu cōpositi accidentalis non sufficere multiplicationem formæ. Quamuis enim

anim aliquis habeat plures artes; dicitur tamen unus artifex. Cuius ratio est: quia concretum significat formam concernendo subiectum, & ex modo significandi supponit pro illo: unde ad eius multiplicationem debet multiplicari subiectum. Videatur D. Thom. 1. par. quæst. 30. art. 3. Cum ergo in præfati canis, aut aliud nomen æquiuocum sit concretum accidentale importans de formali significationem, & connotans pro materiali vocem; non sufficit multiplicatio significationis, ut dicantur plura nomina; sed necessaria etiam est pluralitas vocis.

11 Ad tertium respondet Diu. Thom. explicans Arist. loco ibi citato lect. 8. quod genera solent physice loquendo appellari æquiuoca: quia non significant aliquam rationem, quæ physice, & à parte rei sit una in speciebus; animal enim verbi gratia, non sumitur ab aliqua forma substantiali, quæ realiter sit una in homine, & equo, sed à peculiaribus formis eorum, secundum quod tribuunt perfectionem sentiendi, ut explicuimus disput. 5. num. 63. Solent etiam genera appellari analogia inæqualitatis, seu physica, propter rationem infra ad iudicandam. Hoc tamen non tollit, quin sint proprie vniuoca; siquidem significant rationem, quæ logicè loquendo, & prout abstracta est ab speciebus, eadem omnino est in illis.

Ad quartum respondetur, quod sicut species, formaliter quatenus subijecibilis, non est vniuersalis, ne-

que e contra, etiam si intentiones istæ materialiter coincidunt in eadem natura; ita denominatiua formaliter quatenus denominatiua, non sunt vniuoca, neque e contra, etiam si intentiones istæ coincidunt in eadem re. Et ratio est manifesta: quia album habet esse denominatiuum in ordine ad formam dominantem, à qua nominis appellationem recipit; esse verò vniuocum habet in ordine ad subiecta inferiora, in quibus æqualiter inuenitur. Quos respectus, & rationes esse inter se essentialiter diuersas, & disparatas, satis ex se patet, & conuincitur planè ex eo, quod ratio formalis denominatiuorum æquè benè saluatur, tam in terminis vniuocis, quam analogis, tam communibus, quam particularibus. E contra etià ratio formalis vniuocorum æquè benè saluatur, tam in terminis denominatiuis, quam non denominatiuis. Quod signum evidens est, intentiones constitutivas denominatiuorum, & vniuocorum esse inter se essentialiter diuersas, & disparatas; ac proinde exigere diuersas definitiones.

12 Ad quintum respondetur, quod per illam particulam, *ab aliquo*, positam in definitione denominatiuorum, communiter Doctores intelligunt, formam denominantem non debere esse de essentia rei denominatæ: nam quod de essentia rei est, proprie non dicitur aliquid aliud ab ipsa, neque ponit in numero cum illa. Et propterea *homo* non est denominatiuum ab humanitate, neque *animal* ab ani-

malitate; benè tamen humanum, & animale: quia cùm sint termini adiectiui, significât humanitatem, & animalitatem per modum accidentium alteri adiacentium; & per consequens cum alietate sufficienti ad rationem denominatiui.

Vbi etiam aduertendum est ex Caiet. nomine formæ denominantis in præsentia, non solum intelligi id, quod verè est forma, aut accidens; sed omne illud, quo aliquid dicitur tale accidentaliter, siue in se sit accidens, siue substantia, siue materia, siue forma. Non enim est minùs denominatiua ista prædicatione, *catbedra est lignea*, vel *vas est terreum*; quàm ista, *homo est albus*, venit siquidem à ligno ligneum, & à terra terreum, sicut ab albedine album.

Ad sextum responderetur, communiter assignari tres modos denominatiuorum; alia *re*, & non *voce*, vt studiosus à virtute; alia *voce*, & non *re*, vt studiosus ab studio; alia *re*, & *voce*, vt albus ab albedine. Ex quibus hæc vltima propriè, & simpliciter sunt denominatiua. Et ratio est: quia esse denominatiua, neque conuenit rebus secundùm se, neque etiam vocibus secundùm suum esse reale; sed rebus, vt significantur per voces. Et sic ad rationem denominatiui propriè dicti vtrumque requiritur, scilicet, vt denominatiuum, & forma denominans conueniant in principio nominis, & quòd non differant in re significata. Defectu primi, *studiosus*, verè non est denominatiuum à virtute: & defectu secundi

non est denominatiuum ab studio; ac proinde negandum est antecedens argumenti.

13. ¶ Secundò solet hìc DVBITARI; quod sit definitum in his definitionibus. ¶ Respondetur ex his, quæ circa definitionem generis, & aliorum prædicabilium diximus disput. 5. numero 43. definitum esse secundam intentionem constitutiuiam æquiuocorum, vniuocorum, & denominatiuorum significatam in concreto, quomodo supponit pro ipsis rebus æquiuocatis, vniuocatis, &c. Vnde ipsi intentioni conuenit definitio vt *quo*; rebus autem vt *quod*. Neque hoc indiget noua probatione. Videantur quæ ibidem diximus, & etiam Sanchez libro 4. quæstione 1. conclusionem 4.

14. ¶ Tertiò tandem DVBITATUR. An sub æquiuocis comprehenderit Aristoteles analogia.

Analogia, vt infrà constabit, dicuntur illa, quæ ita inter se differunt, vt tamen habeant aliquam similitudinem, & proportionem. Propter quod communiter à Doctoribus appellantur media inter purè æquiuoca, & vniuoca; quia ratio significata per nomè analogum neque est omnino eadem, sicut in vniuocis, neque omnino diuersa sicut in æquiuocis, sed partim eadè, & partim diuersa. Est ergo dubiū: an sub altero ex his extremis definiat Aristoteles analogia; an verò ea prætermiserit? ¶ Et ratio dubitandi est: quia non videtur maior ratio, quare sub vno, quàm sub altero extremo contineatur.

Respon-

Respondetur tamen, Aristot. sub definitione æquiucorum proculdubio comprehendisse analogia. Ita expressè D. Thom. opusc. 48. tract. 2. cap. 1. Caiet. 1. parte quæst. 13. artic. 5. & communiter Doctores. Quod manifestè constat; tum ex exemplo ab Aristotel. adducto de homine respectu viui, & piæti: respectu quorum non est purè æquiucum, sed analogum, vt patet: tum etiam, quia ratio importata per nomen analogum non sic est partim eadem, & partim diuersa: quasi ex æquo cõtineat vtrumque, sed simpliciter est diuersa, & secundum quid eadem, vt infra explicabimus; ergo analogum non sic est medium inter æquiucû, & vniuo-

cum quasi æqualiter distet ab vtroque; sed multò magis approximat æquiucis, & simpliciter annumeratur illis; ac proinde sub ijs comprehensum est ab Aristotel. Per quod patet ad rationem dubitandi.

Iuxta quam doctrinam communiter Doctores diuidunt æquiuoca vt sic, in purè æquiuoca, & analogia. In his ratio significata per nomen simpliciter est diuersa, & secundum quid eadem: in illis verò tam simpliciter, quàm secundum quid est diuersa; & ita est omninò diuersa. Propter quod etiam solent appellari æquiuoca à casu; & ita appellauit illa Arist. 1. Ethic. lect. 7. apud D. Thom.

DISPUTATIO X.

De nominum analogia.

QUAM NECESSARIA sit analogiæ cognitio, tum ad physicas, & metaphysicas, tum etiam ad Theologicas quæstiones, experientia sola potest ostendere. Vix enim in scientijs reperitur nomen, quod aliqua analogia non sit analogû. Vix tractatur difficultas, ad cuius solutionem aditum nõ patefaciat analogia. Sed si multum necessaria, est tamè proculdubio plus difficilis; si iuxta peripateticam veritatem penetranda sit; & ideo oportet Aristotelem, & D. Thom. iterum, atque iterum euoluere. Quorum mentem, veramque analogiæ noticiam inter alios assequutus est plenè Caietan. in aureo illo opusculo de nominum analogia; à quo eam acceperunt Nazarius 1. par. quæstione 13. articulo 5. in tractatu de analogia, Arauxo libro 4. Metaphysicæ quæstione 2. per totam, Zanardus ibidem, quæst. 3. 4. & 5. Flandria libro 12. quæst. 8. Soto in hoc capite, Masius ibidem, disputatione 7. lect. 1. De quo etiam videri possunt Ferrar. 1. contr. gentes, cap. 34. & alij Thomistæ. Quorum nos vestigijs inharendo agemus in

hac disputatione de analogia in communi, quæ propriè ad Dialecticum pertinet; infra verò de analogia entis circa caput quartum, vbi propriam sedem habet, disputabimus.

QVAESTIO PRIMA.

Quid sit analogia?

IN hac, & duabus sequentibus questionibus breuiter proponemus doctrinā analogiæ à prædictis Auctoribus traditam, & in schola D. Thom. communiter receptam. Quam postea conabimur ab imis fundamentis deducere; si fortè plùs aliquid lucis huic per necessariæ materiæ ex proprio Marte afferre possimus.

2 Igitur græca præpositio *ἀνά*, sæpè significat proportionalem quandam distributionem, vt notant Ioannes Scapula, & Iacobus Zeratinus in suis dictionarijs: & patet Matth. 20. *ἀνά δηνάριον* *ἀνά* *δηνάριον* *el abon*, idest, acceperūt singuli denarium. Et ab ea in hac significatione formatur nomen *ἀνάλογος* & *analogos*, quod idem est, ac ad proportionem similis, seu proportionem respondens, scilicet res, quæ ad aliam proportionem quadam constituta, & comparata est, vt ex Arist. adducit idem Scapula. Et inde *analogia* græcè idem est, quòd latinè *proportio*, *cōparatio*, seu *proportionalitas*: quæ omnia, vt iam a cōstabat, nō omnimodè equalitatem, aut similitudinem, sed æqualem cōuenientiam simul cā diffinitia, aut inæqualitate importāt. Et adeò illa propriè appellamus proportionata, aut propor-

tionalia, quæ cū simpliciter sint diuersa, aut inæqualia; habent tamen aliquam similitudinem, aut equalitatem. Ex quo tādē fit, *analogiæ* nomen inuoluere diuersitatem, seu inæqualitatem, simul cum aliqua cōuenientia, aut similitudine.

3 Hinc nomen istud extensum est ad significandā quæcumque inæqualitatem rationis cōmunis, vnde cumq; proveniat. Et quia genera, licet quantum ad essentiam, seu rationem præcisam, equaliter cōueniant speciebus; habent tamen perfectius esse in vna, quam in alia ratione inæqualium differentiarum contrahentium; ideo cōsueuerunt appellari analogia. ¶ Hic tamen modus analogiæ imperfectissimus est, neq; tollit vniocationem; quia inæqualitas illa non attenditur in ipsa ratione præcisi significata per nomen, sed ratione differentiarum contrahentium, & secundum esse, seu existentiam. Et ideo huiusmodi analogia appellantur à D. Thom. in 1. d. 19. q. 5. art. 2. ad 1. *analogia secundum esse, & non secundum intentionem*: Appellantur etiam *analogia physica*: quia talis inæqualitas attenditur secundum esse, & perfectionem realem, non verò secundum rationes præcisas, & abstractas. Et tandem dicuntur *analogia inæqualita-*

litatis: quia licet in omni analogia reperiat inæqualitas; consuevit tamen nomen diuisi simpliciter, & absque addito applicari imperfectiori membro diuideti, vt notauimus cap. de differentia, nu. 5.

4 ¶ Analoga ergo in hac communissima acceptione, vt comprehendunt analoga physica iam explicata, definiuntur à Doctoribus, esse illa, *Quorum nomen est commune; ratio verò substantiæ secundum illud nomen partim est eadem, & partim diuersa*. Proportionabiliter enim potest applicari hæc definitio, tam analogis propriè dictis, quam etiam analogis physicis, seu inæqualitatis. Nā animal v.g. qua ratione dicitur analogum inæqualitatis, significat rationē, quæ partim est eadem in speciebus, scilicet quantum ad essentiam, & conceptum præcisum, & partim diuersa, nempe quantum ad esse, & inæqualem participationem. Et idē huiusmodi analoga physica communiter definiuntur esse illa, *Quorum nomen est commune; ratio verò substantiæ secundum illud nomen est omnino eadem, inæqualiter tamen participata*. ¶ Sed relictis his analogis, quæ apud Logicū nō sunt analoga, sed verè, & propriè vniuoca, deinceps agemus de analogis propriè dictis, quæ verè mediant inter vniuoca, & æquiuoca: quæque merito *analogæ logicæ*, seu *secundum inuentionem*, communiter appellantur. Quorum naturam vt melius percipiamus.

5 Obseruandum est, quod inter rationem omnino eandem, & ra-

tionem omnino diuersam, mediat ratio, quæ partim est eadē, & partim diuersa, vt de se constat. Hæc autē ratio media tripliciter potest excogitari. *Primo*, si æqualiter participet de vtroque extremo, ita vt simul sit simpliciter eadem, & simpliciter diuersa. *Secundo*, si magis declinet ad omnimodā idēitatem; ita vt sit simpliciter eadem, & secundum quid diuersa. *Tertio*, si magis propendat in omnimodam diuersitatem; ita vt sit simpliciter diuersa, & secundum quid eadem. Neque fingi potest inter duo illa extrema alter modus mediæ, vt patet. Cum ergo analoga propriè dicta non includant omnimodam identitatem, sicut vniuoca; neque omnimodam diuersitatem, sicut æquiuoca; sed medio modo se habeant; videndum est, quoniam ex his modis mediant inter illa.

6 Et quidem satis constat primo modo mediare non posse. Nām idem simpliciter, & diuersum simpliciter opponuntur contradictoriè; ergo repugnat rationem significatam per nomen analogum simul esse simpliciter eandē, & simpliciter diuersam in analogatis. ¶ Neque secundo etiam modo potest analogum mediare inter vniuocum, & æquiuocum. Tūm, quia iam analoga essent simpliciter vniuoca: tūm etiam, quia eod ipso, quod aliqua ratio præcisa, & abstracta sit simpliciter vna, & eadem; excludit prout sic, quæcunque principia distinguuntur: ergo repugnat, quod quantum est ex parte sui, includat ad aliam quam si-

uersitatem. De quo redibit sermo disput. sequenti quæst. 5. ¶ Poteſt autē optimè fieri, vt rationes simpliciter diuerſæ habeant aliquam identitatem ſecundū quid, & quodammodò inter ſe aſſimilentur ratione alicuius attributionis, vel proportionalitatis, vt poſtea videbimus; ergo nō primo, aut ſecūdo, ſed tertio modo mediant analogia inter vniuoca, & pura æquiuoca: & ex conſequenti important diuerſitatem ſimpliciter, & identitatem ſecundū quid.

7 Ex quo iam facilè deprehenditur, quid ſit analogia logica. Quamuis enim eadem definitione, quam ſupra tradidimus de analogis in generali, prout comprehendunt analogia phyſica, poſſint etiā ſpecialiter definiri analogia propriè dicta, ſeu logica; ſiquidem definitio analogi ſimpliciter intellecta eſt definitio analogati principalis, vt infrā conſtabit; tamen, quia per particulas illius definitionis non ita clarè exprimitur, quomodò analogia medient inter purè æquiuoca, & vniuoca: in quo propria eorū ratio conſiſtit; idē exactius definiemus analogia logicā in cōmuni, dicendo: *Analogia ſunt, quorum nomen eſt commune; ratio verò ſubſtantiæ ſecundū illud nomen, ſimpliciter eſt diuerſa, & ſecundū quid eadem.* Cuius definitionis bonitas ſatis ex dictis patet, neque indiget ampliori probatione.

Quotuplex ſit analogia?

8 Cōmuni Dialecticorum cōſenſu analogia propriè dicta, ſeu logica diuiditur in analogiam attributionis, ſeu proportionis, & analogiam proportionalitatis. Quæ diuiſio ſumitur ex Ariſtot. 1. Ethicor. capit. 6. eamque ſub his terminis tradit D. Thom. quæſt. 2. de veritate, art. 2. & explicat optimè Caietan. de nominum analogia, cap. 2. & 3. vbi ex mente Angelici Doctōris 11. Metaph. lect. 3. definit analogia attributionis eſſe *Illa, quorum nomen eſt commune; ratio verò ſubſtantiæ, ſecundū illud nomen eſt eadem ſecundū terminum, & diuerſa ſecundū habitudines ad illum.* Vt ſanum, cōmune nomen eſt Medicinæ, vrinæ, & animalis; ratio verò omnium in quantum ſana ſunt, eſt eadem ſecundū terminum: quia eademmet ſanitas eſt, quā reſpicit animal, in quo eſt; & Medicina, à qua cauſatur; & vrina, quæ illam indicat. Eſt verò diuerſa ſecundū diuerſas habitudines ad ſanitatem; quia ſi quis aſſignet, quid eſt animal in quantum ſanum, ſubiectum dicet ſanitatis; Medicinam verò in quantum ſanā, cauſam ſanitatis, &c. vbi terminus quidem idem eſt, nempè ſanitas; ſed habitudines diuerſæ ſunt; nempè ſubiecti, cauſæ, & indicatiui.

9 Appellatur autem hæc analogia, attributionis: vel quia in ea principale analogatum tribuit de-

no-

nōminationē alijs (Medicina enim dicitur sana; quia est causa sanitatis animalis; vrina dicitur sana: quia est signum sanitatis animalis, &c.) vel quia analogata minus principalia quasi attribuuntur principaliori analogato, & reducuntur ad illud tanquam ad propriā mensuram, & radicem, vnde ratio significata per nomen deriuatur ad ipsa. ¶ Dicitur etiam, *analogia proportionis*, ad distinctionē analogiē proportionalitatis; quia, vt infra constabit, non proportio, sed proportionalitas requirit quatuor terminos, quia tamen non sunt necessarij in analogia attributionis. ¶ Item hæc analogia appellatur ab Aristot. loco citato, & à D. Thom. ibidem *analogia ab vno*, vel *ad vnum*: quia in ea minùs principalia analogata, quandoque procedunt tanquam ab efficiēte ab vno, scilicet à principali analogato; quādoque verò tanquam ad finem ordinantur ad illud. ¶ Et tandem ab eodem D. Thom. in primo distinct. 19. quæstione 5. art. 2. ad primum appellatur *analogia secundum intentionem tantum*, & *non secundum esse*: quia in ea ratio significata, licet referatur ad omnia analogata per prius, & posterius; tamen non habet esse nisi in vno. *Intentio enim sanitatis* (inquit D. Thom.) *refertur ad animal, urinam, & dietam diuersimodè secundum prius, & posterius; non tamen secundum diuersum esse: quia esse sanitatis non est nisi in animali.*

10 Vbi obseruandum est cum

Caletan. loco citato hanc analogiam attributionis posse fieri in quolibet genere causæ, præcipuè si causam exemplarem ad formalem reducamus. Possunt enim plura ad vntm finem, vel ad vnum efficiens, vel ad vnum exemplar, vel ad vnum subiectum, secundum aliquam vnā denominationem, attributionem diuersimodè habere. Exemplum primi adducit Aristot. 1. 1. Metaphys. lect. 3. apud Diu. Thom. de sano respectu animalis, & Medicinæ; hæc enim ad animal tanquam ad finem ordinatur. Exemplum secundi adducit etiam ibidem de *medicatio* respectu Medicinæ, & sermonis medicinalis, & instrumentorum; hæc enim à Medicina vt ab efficiēti procedunt. Ibidem etiam adducit exemplum quarti, de *ente* respectu substantiæ, & accidentium, quæ ad substantiam tanquam ad commune subiectum ordinantur. Et tandem exemplum tertij adducit 1. Ethicor. lect. 7. apud D. Thom. de bono respectu boni, quod per se est bonum, & boni, quod est bonum propter aliud: hoc enim ad illud tanquam ad exemplar ordinatur.

11 ¶ Hæc autem analogiæ attributionis duplex est: vel, vt propriùs loquamur, in hac analogia dupliciter potest comparari analogum ad analogata, vt docet Diu. Thom. 1. par. quæst. 13. artic. 5. & de potentia quæstione 7. art. 7. *Primo*, si comparetur ad omnia analogata; tunc enim vnum suscipit denominationem per ordinem

dinem ad alterum, scilicet, ad principale. Et propterea dicitur *analogia unius ad alterum*, vel *unius ad unum*, (sive sit vnum tantum analogatum minus principale, sive plura: hoc enim nihil refert) ut cum *sanum* comparatur animali ex vna parte, & medicinæ, & vrinæ ex alia; & similiter cum ens comparatur substantiæ ex vna parte, & quantitati, qualitati, &c. ex alia: tunc enim vnum membrum diuidens suscipit denominationem per ordinem ad alterum.

Secundo modo potest comparari analogum ad sola analogata minus principalia, ut cum *sanum* comparatur medicinæ ex vna parte, & vrinæ ex alia: & similiter cum ens comparatur quantitati ex vna parte, & qualitati ex alia. Et tunc vnum non recipit denominationem per ordinem ad alterum, sed ambo per respectum ad aliud tertium, scilicet ad principale analogatum; propter quod etiam appellatur à D. Tho. *analogia multorum ad vnum*, vel *duorum ad aliquod tertium*. Qui quidem modus comparationis, iuxta hanc D. Tho. doctrinam, sufficiens est ad causandam veram analogiam. Nam quauis analogum comparatum secundis analogatis, æqualiter denominet illa; non ideo est vniuocum respectu eorum; quia talia analogata suscipiunt denominationem per ordinem ad aliud tertium, scilicet ad primum analogatum, quod in rei veritate continetur sub diuisione diuisionis. Per quod soluantur plura argumenta, quæ possunt fieri in hac materia.

12 ¶ *Analogia proportionalitatis*, ut definit Caiet. opusc. citato, cap. 3. sunt illa, quorum nomen est commune, ratione verò substantiæ secundum illud nomen est similis secundum proportionem. Ut videre corporali visione, & videre intellectualiter, communi nomine vocatur *videre*; quia sicut visio corporalis rem corpori animato ostendit, ita intellectio rei animæ representat: & ita sicut se habet visio ad potentiam visivam, ita intellectio ad intellectum.

¶ Aliud exemplum communiter affertur de nomine, *principium*, quod proportionabiliter dicitur de corde hominis, & fundamento domus: nam sicut se habet cor ad principium hominem, ita fundamentum ad principium domum. In quibus exemplis nomen est commune, ut patet; ratio verò per illud importata similis est secundum proportionem; quia quauis valde diuerso modo oculus cognoscat, & cor principiet hominem; ac intellectus intelligit, & fundamentum principiat domum; neque vnum ab alio deriuetur; tamen proportio, quam habet visio ad oculum, & cor ad hominem, similis est proportioni, quam habet intellectio ad intellectum, & fundamentum ad domum.

Appellatur autem hæc analogia, *proportionalitatis*; quia versatur inter quatuor terminos, & à D. Thom. in 1. dist. 19. q. 5. artic. 2. ad 1. vocatur *analogia secundum intentionem*, & esse: quia ratio significata refertur ab intellectu ad omnia analogata, in quo cõuenit cum ana-

analogia attributionis: & habet esse in vnoquoque, eò quòd intrinsecè reperiatur in omnibus, quando proportionalitas est propria, in quo distinguitur ab analogia attributionis. Quòd sit, vt quamuis vtraque; hæc analogia sit vera analogia logica; & quānis analogia attributionis frequērior sit in significationibus nominum; analogia tamē proportionalitatis est illa multò nobilior, siquidē in ea proprius intercedit proportio, & cōparatio, quā analogiæ nomen significat. Et ideò apud Arist. & Græcos ipsa sola nomē analogiæ sibi vsurpauit, vt notat Ferrar. 1. cōtra gēt. c. 34. & colligitur ex pluribus locis Arist. quæ adducit Caiet. c. 3. citato; habeturque expressè 1. Ethic. cap. 3. iuxta translationem antiquam.

13 ¶ Tandem analogia proportionalitatis diuiditur in analogiam proportionalitatis propriæ, & proportionalitatis metaphoricæ. Quæ in hoc præcipuè differunt, quòd in prima, ratio significata per nomen analogum intrinsecè inuenitur in omnibus analogatis. Et hoc modo ens est analogum substantiæ, & accidenti: nam sicut se habet substantia ad suū esse, ita accidens ad suū. Ratione cuius proportionalitatis, ratio entis significata per nomen suo modo saluatur intrinsecè in accidenti. In analogia verò proportionalitatis metaphoricæ ratio significata intrinsecè est in vno, & extrinsecè in alio. Quo modo risus est analogū ad risum hominis, & viriditatem prati; quia sicut se habet risus hominis ad hominem, ita viri-

ditas ad pratum; in quo ratio significata per nomen risus extrinsecè tantum reperitur, vt de se patet.

QVÆSTIO III.

Quæ sint conditiones vtriusque analogiæ?

14 **A** Analogiæ attributionis tres cōmuniter assignantur conditiones, quas rectè explicat Caiet. cap. 2. citato. *Prima*, & præcipua est, vt fiat secundum denominationem extrinsecam tantum; ita vt ratio significata per nomen analogū, tantum sit intrinsecè, & formaliter in primo analogato; in alijs verò per extrinsecam denominationē. Quæ conditio formaliter intellecta verè conuenit omnibus huiusmodi analogis, vt patet in sano, quod significat sanitatem, quæ solum reperitur formaliter in animali; ipsum enim solum est intrinsecè sanum, vtpotè habens in se sanitatem; medicina verò, aut vrina extrinsecè; quia causat, vel significat sanitatem existentem in animali. Similiter ratio entis, secundum quòd formaliter est analogū attributionis respectu substantiæ, & accidentis, solum reperitur intrinsecè in substantia, in accidentibus verò extrinsecè; nam quantitas ratione istius analogiæ non dicitur ens, quasi ipsa in se sit ens; sed quia est mensura entis, scilicet substantiæ, & qualitas dicitur ens; quia est dispositio entis, & idem est de alijs.

Quæ doctrina est expressa Aristot. 1. 1. Metaph. lect. 3. apud D. Thom.

Thom. ubi comparat analogiam entis respectu substantiæ, & accidentis, cum analogia sani. Quod explicans D. Thom. inquit: *In his vero, quæ prædicto modo dicuntur, idem nomen de diuersis prædicatur secundum rationem partim eadem, & partim diuersam diuersam quidem quantum ad diuersos modos relationis; eandem verò quantum ad id, ad quod fit relatio: esse enim significatiuum, & esse effectiuum diuersum est; sed sanitas vna est. Et similiter est de multiplicitate entis. Nā ens simpliciter dicitur id, quod in se habet esse, scilicet substantia; alia verò dicuntur entia, quia sunt huius, quod per se est, vel passio, vel habitus, vel aliquid huiusmodi. Non enim qualitas dicitur ens; quia ipsa habeat esse; sed quia per eam substantia dicitur esse disposita; & similiter est de alijs accidentibus. Et propter hoc dicitur, quod sunt entis. Idem docet cum Aristot. 4. Metaph. in principio, & alibi sæpè.*

Non est autem hinc inferendum accidens nō habere intrinsecè entitatem, hoc enim stultum est: nec nos absolute dicimus rationē entis inueniri extrinsecè in accidenti; sed quod ratio entis, formaliter secundum quod est analogum attributionis, inuenitur extrinsecè in accidenti, quod magis constabit quaestione sequenti.

25 ¶ Secunda conditio inferitur ex hac prima, & eam tradit expressè D. Thom. 4. Metaph. lect. 1. & 1.2. q. 20. art. 3. ad 3. quod scilicet ratio significata per nomen

analogū attributionis est vna, non solum ratione, sed etiam numero saltem negatiuè. Id est, quod non multiplicetur realiter in analogatis, sicut multiplicatur ratio significata per nomen vniuocum. Nā à parte rei alia est animalitas hominis, & alia equi; & ita animalitas non potest esse eadem numero in speciebus, sed ratione tantum; non est tamen alia sanitas animalis, & alia Medicinæ, &c. Sed eadem numero sanitas, quæ intrinsecè est in animali, extrinsecè denominat Medicinam, & vnam sanam. Sequitur autem hæc conditio ex præcedenti. Quia distinctio denominationis intrinsecæ, & extrinsecæ nō sumitur ex parte forme, sed ex parte subiectorum; & ita vnica numero forma realis causat in vno subiecto denominationē intrinsecam; in alio verò extrinsecam.

16 Tertia conditio huius analogiæ est, quod in ea primum analogatum ponitur in definitione cæterorum; nam cætera non suscipiunt denominationem, nisi per ordinē ad illud. Si enim velis definire Medicinam in quantum sanam, dices: *esse causam sanitatis animalis: si vnam, esse signum sanitatis animalis*, & sic de alijs. Cum enim analogata, quæ extrinsecè denominantur à primo, respiciant illud ut terminum suarum habitudinū; oportet ipsum ponere in eorum definitione, quando de finiuntur, secundum quod habent talem relationē. Et eadem ratione hæc conditio habet etiam locum in analogia proportionalitatis metaphorice supra
ex-

explicata. Ex quo tandem fit commune illud Dialecticorum axioma, videlicet: *Analogum per se sumptum stat profamesiori significato*, de his duabus analogijs, proportionis scilicet, & proportionalitatis metaphoricæ intelligédū esse.

17 ¶ Tandem, relicta analogia proportionalitatis metaphoricæ, quæ ferè easdem habet conditiones, ac analogia attributionis, ut patet ex dictis. Analogiæ proportionalitatis propriæ aliquæ etiam assignantur conditiones, quas ex Caiet. adducit Arauxo libr. 4. Metaph. quæst. 2. art. 4. *Prima*, & præcipua est, quam supra tetigimus, quod scilicet hæc analogia necessario fit secundum denominationem intrinsecam vtriusque analogati. Tunc enim aliqua propriè dicuntur proportionabiliter eadem, quando inuenitur æqualitas proportionum inter illas; ad quod necessarium est, ut in vnoquoque sit verum, & intrinsecum fundamentum proportionalis convenientiæ, ut infra cōstabit. Hinc oritur, quod in his analogis vnum non definiatur per alterum; sed definitio vnus proportionabiliter sit definitio alterius; & quod ibi analogum sit quid superius analogatis; & ut tale dinidatur, & prædicetur de illis: sitque medium demonstrationis, quæ sunt aliæ conditiones huius analogiæ. De quibus tamen; quia potius sunt proprietates illam consequentes; commodius agemus ad calcem quæst. sequentis.

Hæc sunt, quæ ex Aristot. D. Thom. & Caiet. docent concordi-

ter Thomistæ de analogia. Quia tamen ex eorum ignorantia, ut bene inquit Caietan. cap. 1. plures in scientijs errores emergunt, oportet illa amplius explicare, quod præstabimus quæstione sequenti.

QVAESTIO III.

An conditiones vtriusque analogiæ sint rectè assignatæ?

18 ¶ Rædens difficultas præcipuè procedit de prima cōditione vtriusque analogiæ: hac enim explicata, facile intelligentur aliæ analogorum conditiones, & proprietates. Inquirimus ergo: an analogia attributionis semper fiat secundum denominationem extrinsecam tantum; ita ut ratio significata per nomen, secundum quod sic est analogum, solum reperitur intrinsecè in primo analogato, in alijs verò per extrinsecam denominationem. Et similiter: an analogia proportionalitatis propriæ necessario fiat secundum denominationem intrinsecam; ita ut ratio significata per nomen sic analogū, intrinsecè & formaliter reperiat in omnibus analogatis. Quamuis enim vtrumque ut certum receptum sit in schola Aristot. & D. Thom. ut vidimus: de vtroque tamen nouiter dubitant aliqui Moderni.

Suarez disp. 23. Metaph. sect. 3. num. 14. quem sequuntur Rub. hic q. 3. & alij, negat ex vna parte, primam illam conditionem conuenire omnibus analogis attributionis, distinguens duplicem modum huius

huius analogiæ: alterum, quando ratio analogi reperitur intrinsecè in vno analogato; in alijs. verò extrinsecè: & alterum quando ratio analogi intrinsecè reperitur in omnibus. Inter quos modos attributionis plures assignat differentias. *Prima* est, quòd in priori, secunda analogata definiuntur per primum; non verò in posteriori. *Secunda*, quòd in priori, non datur vnus conceptus communis omnibus analogatis; benè tamen in posteriori. *Tertia* tandem, quòd in priori analogia, nomen analogum non potest esse medium demonstrationis; benè tamen in posteriori. Pro qua sententia adducit D. Thom. & Caiet. 1. p. quest. 13. art. 6. eamquè probat numer. 17. sequenti ex Arist. 4. Metaph. cap. 1. & lib. 5. cap. 6. & libr. 7. cap. 4. quibus locis constituit analogiam attributionis accidentiũ ad substantiam; quam satis constat (inquit Suarez) talem esse, vt ratio entis propriè, & intrinsecè omnibus conueniat.

19. Secundò probatur eadem sententia: quia creaturæ analogantur analogia attributionis cum primo ente, quatenus sunt effectus ab eo causati: sed vt effectus Dei, sunt formaliter, & intrinsecè entia: ergo ratio entis, etiam formaliter vt est analogum attributionis, reperitur intrinsecè in creaturis. Maior est certa, vt constabit infra. Minor verò probatur: quia esse effectus Dei, est esse entia per participationem: ergo sicut implicat creaturas, secundum quòd analogan-

tur analogia attributionis cum Deo, subterfugere rationem effectus, ita implicat subterfugere intrinsecam rationem entis participati.

Confirmatur: quia creaturæ, etiã vt sic analogatæ, non possunt suscipere denominationem entis ab entitate primi entis; ergo talem denominationem habent à suis intrinsecis entitatibus. Probatur antecedens: quia entitas primi entis, cum sit entitas per essentiam, solum potest tribuere denominationem entis per essentiam: sed creaturæ nequeunt subire hanc denominationem, cum sint entia per participationem: ergo, &c.

Ex alia etiam parte, circa analogiam proportionalitatis, idem Suarez, seft. citata num. 111. singulariorem inuenit opinionem, cui subscribit Cabero hic tractat. 4. disp. 2. dub. 3. in fine, quòd scilicet, omnis vera analogia proportionalitatis includit aliquid metaphoræ, & improprietas, sicut redire dictũ de homine, & de prato; & consequenter negat primam illam conditionem analogorum proportionalitatis propriæ.

Cuius fundamentum est: quia non omnis proportionalitas sufficit ad causandam analogiam proportionalitatis; siquidem vera proportionalitas potest etiam reperiri inter res vniuersas, & omnino similes. Verè enim dicimus, quòd sicut se habet quatuor ad duo: ita octo ad quatuor, vel quòd sicut homo comparatur ad suos sensus, ita æquis ad suos; & tamen

nomen, dupli, vel animalis, non est analogum, sed vniuocum: ergo illa sola proportionalitas causat veram analogiam proportionalitatis, quæ includit aliquid metaphoræ, & improprietatis.

§. I.

NONNULLA EX MATHE-
maticis ad præsentem materiam
necessariâ præmittuntur.

20 Pro solutione quæstionis, & vt materiâ hanc plenè percipiamus, considerandum est, quòd sicut hæc nomina, *magnum, & paruum, æquale, & inæquale, augmentum, & decrementum*: & alia huiusmodi propriè reperiuntur in quantitatibus, vt notauit D. Thom. 1. 2. q. 52. artic. 1. & inde transferuntur ad res aliorum prædicamentorum; dicitur eim magna virtus, equalis sciëntia, augmentum gratiæ, &c. ita proportio, & proportionalitas propriè inueniuntur inter quantitates; siquidem sunt passionēs numeri, & magnitudinis: & inde ad res alias transferuntur. Cum autem nequeat cognosci, quod per translationem dicitur tale, ignorato eo, quod propriè habet talem denominationem: inde est, quòd nūquam possimus peruenire ad cognitionem proportionis, aut proportionalitatis, quas format intellectus in alijs prædicamentis; nisi præcognouerimus, quid sint propria proportio, & proportionalitas quantitatū, quas considerant mathematici. Quia ergo plures modum, dum de analogia disputant, non carant de cognoscendis proportionē, & proportionalitate mathematicis; ideo materiam hanc comprehendere, imò & cognoscere

minimè possunt: inde quæ ortæ sunt opiniones, constituentes analogiâ in vnitatē conceptus communis, & abstracti cū inæquali participatione, & alijs similes quas Caietan. de nominum analogia, cap. 1. meritò appellat errores, & profundarum litterarum penuriam. Videamus ergo, quid sint proportio, & proportionalitas propriè dictæ, seu mathematicæ. Pro quo

21 Primò sciendū est, proportionem definiri ab Euclide lib. 5. elementorum, sic: *Proportio est certarum quantitatū eiusdem generis proximi vnius ad alteram habitudo*. Vel vt breuius definit Dion. Thom. 5. Ethic. lect. 5. *Proportio est habitudo vnius quantitatis ad aliâ*; nulla enim est quantitas, siue cōtinua, siue discretæ, cui respectu alicuius non conueniat aliqua habitudo, seu relatio realis: & talis habitudo, seu relatio quantitatū nomine incomplexo vocatur *proportio*. Relicta autem ea, quæ est inter quantitates incommensurabiles, vt inter diametram, & latus quadrati, quam propterea mathematici appellant proportionem irrationalem, cuius cognitio nihil refert ad præsens institutum.

Proportio rationalis, seu quæ inuenitur inter quantitates commensurabiles, diuiditur ab Euclide vbi supra, Horatio lib. 4. super Arithmetice, & D. Thom. 5. Methaph. lect. 17. in proportionem equalitatis, & inæqualitatis. Prima versatur inter quantitates eiusdē exrēssionis, vt inter 2. & 2. vel palmū & palmū, quæ frequentius vocatur equalitas, quā proportio: quia vt supra n. 2. dice-

bamus nomē ipsū proportionis inuoluit aliquam inæqualitatē: propter quod quātitates eiusdē omninō extēsiōis, non tā proportionatas, quā æquales solemus appellare. Secundā verò versatur inter quātitates diuersę extēsiōis, vt inter 2. & 4. vel inter magnitudines vnus, & duorū palmorū, &c. hęc, retēto cōmuni nomīne, frequentius appellantur proportio: de cuius speciebus, & explicatione earū, vidēda omninō sūt ea, quę disp. 14. n. 90. ex D. Tho. dicemus, nā his non visis, non poterunt plura, quā in præsentī asseruntur, plenē capi.

Secundō sciendū est, proportionalitatē propriē dictā definiri ab Euclide eodē lib. 5. elemētorū, sic: *Proportionalitas est similitudo, seu cōparatio multarū proportionū*, vel vt clariū ex Arist. definit D. Th. eodē 5. Ethic. le. 5. *Proportionalitas est æqualitas proportionū, cū scilicet æqualē proportionem habet hoc ad hoc, & illud ad illud*. Sēper enim in proportionalitate mathematica inuenitur aliqua vera & propria æqualitas proportionū, siue æqualitas attēdatur, tā secundū proportionē, quā secundū differētiā, seu excessus extremorū, vt cōtingit in proportionalitate musica, seu armonica, qualis est ea, quę versatur inter 6. 3. 2. siue ostēdatur tantū secundū excessus extremorū, vt contingit in proportionalitate arithmetica; qualis est ea, quę versatur inter 8. 6. 3. pro quibus videri potest Moya lib. 1. sive Arithmetice speculatio, c. 31. siue tantē æqualitas attēdatur tantū secundū speciem proportionis, ita scilicet, quod vtrāq; proportio

sit eiusdē speciei, quāuis excessus sint inæquales, vt cōtingit in proportionalitate geometrica, quā quia alijs omnibus notior, & generalior est, aptissimaq; vt ad eius similitudinē formet intellectus inter res quātuus diuersas analogiā proportionalitatis: idēō, alijs relictis, ad eius explicationē nōnulla exempla adducemus.

Si ergo dicas, sicut se habēt 6. ad 3. ita 4. ad 2. ibi est vera proportionalitas: quia quāuis numeri ipsi sint inæquales, & similiter excessus, quibus extrema nēpe 6. & 4. superāt 3. & 2. proportio tū, quę est inter 6. & 3. æqualis est proportioni, quę est inter 4. & 2. siquidē vtrāq; est proportio dupla. Similiter si dicas, sicut se habēt 6. ad 4. ita tres ad 2. ibi vtrāq; est proportio sexquialtera, item sicut se habēt 8. ad 6. ita 4. ad 3. ibi vtrāq; est proportio sexquitercia, & sic de alijs. Quod sit, proportionalitē in hoc distingui ā proportionalitate, quod illa versatur inter quātitates, hæc verò inter proportionē. Et sic proportionalitas necessariō requirit quatuor terminos; siue omnes sint diuersi, vt contingit in proportionē, quā mathematici appellant disiunctā, seu discretā; siue alter bis repetatur, vt quādo dicim⁹, sicut se habent 8. ad 4. ita 4. ad 2. quę appellatur proportio continua, siue coniuncta, de quo videri potest D. Thom. loco citato.

Tertiō sciendū est, quod quāuis ad verā, & propriā proportionalitatē nō sufficiat quęcūq; similitudo, sed habendo inter proportionē, sed debet esse vera æqualitas; ita vt ambę sint eiusdē speciei, vt explicatū est

est: quia tamē sicut inter numeros, ita & inter proportionēs diuersæ speciei datur depēdētia, & habitu- do in ratione mēsuræ, & percōse- quēs aliqualis similitudo, & attribu- tio vnus ad aliā, vt postea dicemus: inde est, quōd si ex vna parte ponat- ur proportio dupla, v. g. & ex alia sexquialtera, dicēdo, sicut se habēt 4. ad 2. ita 6. ad 4. fiet aliqualis pro- portionalitas, licet imperfēcta, & impropria: quia tūc secūda propor- tio aliquomodo attribuitur primæ, & depēdet ab ea: & percōseque-ns ibi intercedit aliqualis habitudo proportionū, quā possumus appella- re proportionalitatē secūdū quid, & imperfēctam; seu impropriam ad distinctionē proportionalitatis pro- prię dictæ; quæ absolūtē & simplici- ter dicitur proportionalitas.

Iā ergo habemus ex dictis quatuor relationes, seu habitudines; duas inter quātitates, scilicet: *Omnimodā æqualitatē, & proportionē*: & duas inter proportionēs, scilicet: *Æqualitatē proportionū, seu proportionalitatum proprię dictam*, & proportionem, seu attributionem proportionum; *quæ est proportionalitas secundum quid, & impropria*. Quibus quatuor relationibus realibus, correspōdēt quatuor intē- tiones rationis, quas ad illarū similitudinē format intellectus. Primæ correspōdet vniuocatio. Secundæ analogia proportionis, seu attributionis. Tertiæ analogia proportionalitatis propriæ. Et vltimæ analogia proportionalitatis methaphorica, vt magis ex dicēdis cōstabit.

Quartō sciendū est, quōd vnitās, & pūctū sunt primæ mēsuræ nume-

rorū, & magnitudinum: ex vnitātē enim pluries sumpta causatur vna- rius, ternarius, &c. ipsa verō nō mē- suratur per aliud intra genus quāti- tatis. Similiter ex ductu pūcti causatur linea, & ex ductu lineæ superfi- cies, &c. ipsū verō non mensuratur per aliud intra idē genus. Vnde nu- merus, vel magnitudo quāto propin- quior est vnitati, vel pūcto, tāto plus participat de ratione mēsuræ. Quō fit, vt in quacūq; proportionē numerus, seu magnitudo minor, ha- beat rationē mēsuræ respectu mai- oris, & per consequēs maior depē- deat à minori, tanquā à regula, per quā cognoscitur. Sit exemplū in nu- meris quadratis rationalibus (*Qui scilicet coalescūt ex aliquo numero per se ipsū multiplicato*) nā 256. nō ē- suratur per 16. quī est eius radix qua- drata, siquidē 16. per 16. multiplicata reddūt 256. similiter 16. mēsuratur per 4. & 4. per 2. quæ sunt eorū radices quadratæ, & tandem 2. per vnitatem, quæ est prima mēsurā nu- merorū. Idem cernimus in magni- tudinibus, nā leuca mensuratur per milliaria, milliariū per stadia, stadiū per passus, passus per pedes, pes per palmos, palmus per digitos, & digitus per granū ordeī, quod assu- mitur à geometra, vt prima mēsurā magnitudinis, quia nulla linea quā- tumuis minima, potest certō resolu- ui in punctum.

Quod autem dictum est de nume- ro, & magnitudine, dicendū etiā est de eorū proportionibus: nā omnes super particulares mensurantur per sexquialterā, quæ est prima illius ge- neris, & omnes multiplicitates per duplā, & hæc per vnitatē. Vnde si-

cut inter numeros, aut magnitudines maior dependet à minori, tanquam à mensura; ita similiter inter proportionales, & percōsequēs quoties fit proportionalitas illa quā appellauimus secundū quid, & impropriam, minor proportio habet rationem mensuræ respectu maioris, hæcquē dependet ab illa, vt explicatū est (appellatur in præsentī proportio minor, quæ magis accedit ad vnitatem) ex quo tandem collige, quod ex quatuor illis relationibus suprà explicatis, in omnimoda æqualitate, vna quantitas non depēdet ab alia, siquidem neutra mensuratur per alterā: cū sint eiusdem extensionis, & similiter in *proportionalitate propriè dicta*, vna proportio non dependet ab alia, siquidem vtraq; est eiusdem speciei. At verò in *proportione*, vna quantitas depēdet ab alia, cū mensuretur per illā, & similiter in *proportionalitate secundū quid, & impropria*; vna proportio dependet ab alia, siquidem vna mensuratur per aliam, vt dictū est.

25 Quintò, & maximè notādū est, quòd licet proportio, & proportionalitas, inueniantur inter numeros, qui aliàs vni locè conueniant in ratione numeri, non ideo ipsa proportio, aut proportionalitas est conuenientia vniuoca, sed quid ab ea valde diuersum, & ex diuerso principio desumptū; conuenientia enim vniuoca numerorū attenditur penes gradū cōmunem numeri qui in illis inuenitur, non penes proprias eorum differentias, quas potius excludit, & ab eis præscindit: at verò proportio, aut proportionali-

tas omninò tolleretur à numeris; si præscinderentur eorum differentia: ac proinde non attenditur penes gradum communem numeri, sed penes propriam vniuscuiusquē differentiam, & super eam immediate fundatur.

Sit exemplum in istis numeris 842. quorū conuenientia vniuoca attenditur, ex eo quòd intellectus considerat rationem numeri, vt sic, non cōsiderata propria vniuscuiusq; differentia. At verò proportionales duplæ eorum, & consequenter ipsarū proportionalitas fūdatur in hoc, quòd numerus octonarius, secundū quòd talis est, bis includit quaternariū, secundū quòd quaternarius est, & quaternarius secundū quòd talis est, bis includit binarium, secundū quòd binarius est. Ex quo patet, quomodo vniuocatio includat identitatem simpliciter; proportio verò, & proportionalitas diuersitatem simpliciter, quia nimirum illa attenditur penes gradum præcisum, & abstractū à principijs distinctiuis; & per consequens simpliciter vnū: istę verò attendūtur penes gradus differentiales, qui sunt primò diuersi.

26 Hinc sequitur (& nota vltimò) quòd inter quęcūq; inuenit intellectus conuenientiā genericā, potest etiā formare verā analogiā, ratione alicuius proportionis, vel proportionalitatis eorū quānis de facto ferè nulla sunt imposita nomina ad significandā talē cōuenientiā analogā inter illa. Ratio autem est manifesta; quia quęcūq; conueniūt genericè in aliquo gradu, habēt necessariò aliquid primo diuersū, per quòd

quod distinguatur, scilicet, differentias, ratione quarum potest fieri aliqua proportio, vel proportionalitas inter ipsa: ergo inter quæcunq; est cõuenientia generica, potest & (licet ex diuersa radice) formare vera analogia, non tñ contingit e contra: nã benè potest inter aliqua esse analogia absq; eo, quod sit ibi cõuenientia generica, quia possunt aliqua esse primò diuersa, secundũ se tota, & ex consequenti nullum habere gradum in quo conueniant, vt de prædicamētis infra dicemus.

Doctrinam hanc tradit expressè Arist. 5. metaph. tex. 12. vbi distinguens quadruplicem vnitatē, scilicet, numericā, specificā, genericā, & analogā, inter eas hũc constituit ordinē, quod maior includit minorem; nõ tamen e contra, & ita quæ sunt vnũ numero, sunt vnũ specie; non tamẽ e cõtra, & quæ sunt vnũ specie, sunt vnũ genere, nõ tamẽ e cõtra, & itadẽ quæ sunt vnũ genere, sunt vnũ analogia: nõ tamẽ e contra. Videatur D. Th. ibidẽ, lect. 8. quare si haberem⁹ nomen ad significandũ hominẽ, & equũ, secundũ suas proprias rationes, cũ aliqua eorũ habitudine, vel attributionis, vel proportionalitatis, sicut habemus ad significandum gradum genericũ animalis, in quo conueniunt, illud verè esset analogum attributionis, vel proportionalitatis, sicut istud verè est vniuocum.

Ex quo patet, quã consideratẽ Caietan. appellet errorem, & profundarum litterarum penuriã constituit analogiam in vnitatẽ conceptus cõmunis, & præcisi, nihil est

enim magis contra rationem analogiæ, quã quod nomen analogũ significet immediatè gradũ aliquẽ præcisum ab analogatis, siquidem proportio, & proportionalitas non sunt penes gradũ aliquẽ communem, sed penes gradus proprios, & differentiales, vt explicatum est. Ex quo tandem fit, omne nomen analogum immediatè significare analogata, vt magis infra constabit.

§. II.

APPLICATIO DO-
ctrina tradita præsentĩ insituito,
& quæstio resoluitur.

27 C. Ognito quid propriè significant proportio, & proportionalitas, & quomodo inter quantitates inueniatur, faciliẽ cognoscetur quomodo ad alia prædicamēta trãferatur, & quomodo intellectus fundet analogiã: tunc enim inter quascunq; res erit analogia proportionis, seu attributionis: quando assimiletur numeris inæqualibus, qui quauis secundũ id, in quo fundatur proportio, sint inæquales, & primò diuersi; vnus tamen eorum depēdet ab alio, & mēsuratur per illum: vnde nomen sic analogum, ita debet significare analogata, vt primũ qui est terminus, & mensura cæterorũ primariò, & distinctè significet; reliqua verò secundariò, & cõfusse, quatenus à primo denominantur. Vt sanum ita significat immediatè animal, medicinã, & vrinam, vt primò, & distinctè significet sanitatẽ animalis, quæ est terminus, quẽ medicina, & vrina respiciunt, & à quo fa-

na denominantur; secundariò verò & confusè ipsam medicinam, & vrinam, secundùm quod sunt causa, & signum talis sanitatis animalis.

28 Similiter tunc erit inter quascunquè res analogia proportionalitatis propriè, quâdo earû habitudines assimulantur proportionalitati, quæ est inter proportiones æquales numerorum, quarum neutra dependet, neque mensuratur per alteram; quamvis numeri sint inæquales. Quare nomen sic analogum, ita debet significare immediatè analogata, secundùm suas proprias rationes, vt neutrum significet secundariò, & per ordinem ad aliud, sed vtrumque æqualiter, secundùm quod mutuo assimulantur inter se in hoc, quod sicut vnum se habet ad suû esse, ita aliud ad sum, verbi gratia, *principium*, (supposito quod sit analogum proportionalitatis propriè, vt communiter ponitur respectu cordis, & fundamenti domus) non debet significare immediatè aliquam rationem ab eis præcisam, & abstractâ (in hac enim non potest fundari proportionalitas, sed viuocatio, vt dictum est) sed ita immediatè vtrumq; vt neutrum primariò, aut secundariò significet, sed ambo æqualiter, vt proportionabiliter assimulantur inter se, & ita non refert si dicas, sicut se habet cor ad hominem, ita fundamentum ad domum, vel è contra.

29 Tandem tunc erit inter quascunquè res analogia proportionalitatis metaphoricæ, quando earum habitudines assimilentur pro-

portionalitati illi, secundùm quid, & impropriè, quæ est inter proportionales inæquales numerorum, quarum vna necessariò mensuratur per aliam, & dependet ab ea. Vnde nomen sic analogum, ita significat immediatè analogata, secundùm proprias proportionales, vt alterum primariò, & distinctè significet, alterum verò secundariò, & confusè, & prout à primo denominatur. Verbi gratia, *risus*, ita significat immediatè risum hominis, & viriditatem prati, vt illum primariò, & distinctè, hanc verò secundariò, & confusè, & prout à primo recipit denominationem, significet.

30 His suppositis dicendum est in quacumque analogia attributionis rationem significatam per nomen analogum, secundùm quod tali analogia est analogum intrinsecè reperiri in primo analogato; in alijs verò per extrinsecam denominationem, ac proinde fictitiâ esse diuisionem analogiæ attributionis suprâ num. 18. relatum. Hæc est plana mens Aristotel. & Diu. Thom. 11. Metaphys. lect. 3. vt vidimus suprâ numer. 14. quod etiam constat ex lib. 4. text. 1. vbi Philosophus docet ens esse analogum attributionis, eo modo quo sanum, his verbis: *Ens autem multipliciter dicitur verum ad vnum, vnamque naturam, & non æquiuocè; sed quemadmodum omne salubre ad sanitatem, &c.* vbi prosequitur Aristoteles eandem comparisonem, docens accidentia secundùm hanc

analogiam nõ dici entia : quia in se habeant esse; sed quia sunt substantiæ, quæ per se est ens, vel passionēs, vel viæ, vel effectiōes, vel corruptiones, &c. Quem locum exponens D. Thom. lect. 1. inter alia inquit in illis verbis : *Verum ad vñ, vnamque naturam* significari, in hac analogia entis rationem significatam per nomen esse vnam, non solum ratione, sed etiam numero in omnibus analogatis, idest, non multiplicari in illis, vt suprâ n. 15. in secunda conditione huius analogiæ explicuimus.

Ex quo loco sumitur euidentis argumentū: quia impossibile est, vt forma creata non multiplicata realiter, sit intrinsecè in pluribus realiter distinctis, sed ratio significata per analogū attributionis est forma realiter non multiplicata, ergo repngnat esse intrinsecè in pluribus analogatis realiter distinctis. Maior est euidentis : minor D. Tho. consequentia legitima : ergo, &c. Vnde mirum est, quomodo Suarez pro illa sua sententia adducat hæc, & similia Arist. & D. Tho. testimonia, vbi planè docent oppositum.

31 Eandē conclusionē docet expressè D. Th. 1. Ethicor. lect. 7. Vbi Arist. inquit: quomodo bonum dicatur de omnibus bonis? & respondet, non omninò æquiuocè, sed *vel quia sunt ab vno, vel ad vnum omnia conferunt; vel comparatione potius rationū. Et enim vt est in corpore visus, ita est in anima mēs.* In quibus verbis, duo priores modi, scilicet, *ab vno*, vel *ad vñ*, pertinet ad analogiam attributionis; quæ

quandoque fit in genere causæ efficientis, quod vocat Aristot. *ab vno*, & quandoque in genere causæ finalis, quod vocat Aristot. *ad vnum*; vt vidimus supra num. 9. & 10. Tertius verò modus est analogia proportionalitatis, vt docent communiter Interpretes, & constat ex exemplo adducto ab Aristot. Explicans ergo hunc locum D. Thom. concludit his verbis: *Idè hunc tertium modum præfert: quia accipitur secundū bonitatem inherentem rebus; primi autem duo modi secundū bonitatem separatam, à qua non ita propriè aliquid denominatur.* D. Thomam sequuntur concorditer discipuli eius, Ferrara, Nazarius, Zanardus, Arauxo, Masius, Soto, & alij supra num. 1. citati. Explicatq; optimè hanc sententiam Caiet. c. 2. de nominum analogia, & 1. p. q. 13. articul. 6. vbi non solum non concedit dari analogiam attributionis, in qua secunda analogata non definiuntur per primum, vt illi Suar. ascribit, sed potiùs generalem doctrinam, quam priori loco tradiderat de omni analogia attributionis, quòd scilicet in ea secunda analogata definiuntur per primum, extendit ad analogiam proportionalitatis metaphoricæ, vt patet ex eius verbis.

32 Probatur primò conclusio ratione desumpta ex diffinitione huius analogiæ, quam admittunt contrarij. Quia analogata attributionis sunt, quorum nomen est commune, ratio verò substantiæ secundum illud nomen est eadē secundum terminum, diuersa verò secundum di-

uersas habitudines ad illum: ergo huiusmodi analogata solùm conueniunt in termino, quem respiciunt: sed terminus respectus non potest esse intrinsecè in omnibus; ergo neque ratio significata per nomen sic analogū. Antecedens, & prima cōsequentia constāt. Minor verò probatur: quia terminus quem huiusmodi analogata respiciunt, non distinguitur à principali analogato, ipsum enim est cui reliqua attribuitur, & ad quod dicunt habitudinē. Cū ergo principale analogatum non possit esse intrinsecè in alijs, sed solùm extrinsecè, vt patet; planum fit, terminum, quem huiusmodi analogata respiciunt, non posse esse intrinsecè in omnibus.

Confirmatur ex ipsa nominis etymologia. Nam idē analogia ista dicitur, *attributionis*, quia in ea secunda analogata suscipiūt denominationē analogi per attributionem ad principale analogatū, sed dici aliquid tale per attributionem ad aliquid extrinsecū, est dici tale extrinseca denominatione, ergo, &c.

Dices, ex hac ratione sequi analogum, & principale analogatū nō distingui. Quod tamen esse falsum constat: quia hæc propositio, *accidens est ens*, est vera, hæc autē falsa, *accidens est substantia*. Ad hoc argumentum non potest hic commodè responderi: sed constabit infra nu. 41. vbi agemus de distinctione analogi ab analogatis.

33 Secundò probatur conclusio: quia quòd *ens*, *bonum*, aut alia huiusmodi sint etiā analogia proportionalitatis propriæ respectu Dei,

& creaturarum, non tollit creaturas posse denominari extrinsecè entia, aut bona, formaliter secundū quòd attribuuntur Deo, vt aliquid eius: sed hoc non potest illis conuenire ratione analogiæ proportionalitatis propriæ: ergo conuenit illis ratione analogiæ attributionis, & ex consequenti proprium est istius analogiæ, rationem significatam per nomen analogum inueniri extrinsecè in secundis analogatis. Minor, & cōsequentię constāt. Maior autē probatur: tūm ex D. Tho. 1. p. q. 6. ar. 4. vbi expressè affirmat, omnia creata, nō solùm dici entia, & bona intrinsecè, & formaliter bonitatibus proprijs, sed etiā extrinsecè, & causaliter bonitate ipsa diuina, sicut primo principio ex plari, effectiuo, & finali totius bonitatis. Tū etiā, quia idē vrina dicitur extrinsecè sana à sanitate animalis: quia dicit ad illam habitudinem signi, & effectus; in qua habitudine fundatur analogia, quam habet sanum respectu eorū; sed creaturæ etiam sunt signa, & effectus diuinę entitatis, & bonitatis: ergo poterūt ab ea extrinsecè entia, & bona denominari, etiam si per impossibile ab entitatibus, & bonitatibus sibi inhaerentibus intrinsecè nō denominarentur; & consequenter in tali habitudine fundabitur analogia attributionis, quæ cōuenit *enti*, & *bono* respectu Dei, & creaturarū. Plures alias rationes adducit Arauxo lib. 4. citato Metaph. q. 2. art. 2. vbi latè probat, hanc conditionē cōuenire etiā analogis proportionalitatis metaphoricæ: sed hoc à nemi-

ne negatur, & satis cõstat ex dictis.

34 Dicendum est secundò, ratio nẽ significatã per nomen analogũ proportionalitatis propriæ intrinsecè reperiri in omnibus analogatis. Hæc conclusio est expressa D. Thom. loco adducto ex 1. Eth. eam quẽ admittunt, non solum discipuli eius, sed ferè omnes alij Doctores. Quia tamẽ plures ex istis hinc probant dari conceptum communem analogatis, vt disp. sequent. videbimus; ideo oportet legitimũ huius cõclusionis sēsum breuiter aperire.

Dupliciter ergo potest explicari conclusio. Primò, si dicatur nomen analogum proportionalitatis propriæ immediatè significare aliquã vnã rationem, seu gradũ præcisum, qui intrinsecè participetur ab utroque analogato; & mediatè ipsa analogata: sicut vniucum immediatè significat vnã rationem communem, & abstractam ab vniucatis, & mediatè ipsa vniucata, licèt differant in hoc, quòd analogũ ex se, & intrinsecaratione sua petit descendere ad analogata cũ quadã subordinatione, prioritare, & dependentia, quod non habet vniucum. Quomodo intelligunt hanc cõclusionẽ, qui ponunt conceptum communẽ entis, & aliorũ analogatorũ. Sed explicatio ista omnino falsa est, vt videbimus loco citato.

Secundò modo potest explicari conclusio, dicendo, nomen analogũ proportionalitatis propriæ immediatè significare ipsã analogata secundũ suas proprias rationes, nõ absolutè sumptas, sed vt proportionabiliter se haberet inter se; in quã-

tum, scilicèt, vnumquodquẽ fundat habitudinem ad suum esse similem habitudini, quam fundat alterum. Quomodo sicut est verum, quòd esse vniuscuiusque analogati est illi intrinsecum; ita est verum, quòd analogum significans proportionabiliter vtrumque, significat rationem, quæ est intrinsecè in analogatis. Et hic est legitimus, & peripateticus sensus nostræ cõclusionis: sicque defendunt illã Caiet. opusc. citat. c. 3. & 4. & ceteri Thomistæ, qui negant conceptum communẽ entis, & alijs analogis. In quo sensu

35 Probatnr breuiter cõclusio: quia nõ repugnat dari nomẽ æquiuocum immediatè significans plura absque aliqua habitudine, & proportionẽ; de quibus quando prædicatur, non prædicat aliquid cõmune, neque omnia simul, sed propriã vniuscuiusque rationem sine habitudine ad alterũ: ergo neque etiam repugnabit dari nomen analogum immediatè significans analogata, vt proportionabiliter se habentia; de quibus quando prædicatur, non prædicabit aliquid vnum commune, neque omnia simul; sed propriã vniuscuiusque rationẽ, non absolutè sumptam, sed cum proportionabilitate explicata. Aliunde autem repugnat nomen analogum immediatè significare aliquã rationẽ simpliciter vnã, & abstractã; aliàs cum vniucis coincideret, vt infra ostendemus: ergo concedenda est analogia, in qua ratio significata intrinsecè sit in omnibus analogatis modo explicatò. Quæ cũ non sit analogia attributionis, aut proportionality-

ris metaphoricæ, vt constat ex prima conclusione, necessariò asserendū est esse analogiā proportionalitatis propriæ.

§. III.

ARGVMENTIS IN
principio questionis adductis
respondetur.

36 **A**D primū ex auctoritatibus constat ex 2. conclus. Nulli enim Arist. & D. Thom. neque leuiter insinuāt rationem significatam per nomen analogū attributionis, formaliter prout sic, reperiri intrinsecē in omnibus analogatis; quin potius priori loco ex 4. Metaph. plānē docent oppositū. Ex alijs verò solū colligitur ens esse analogum attributionis respectu substantiæ, & accidentis, de quo non dubitamus.

Id autē quod addit Suar. scilicet hanc analogiā talē esse, vt ratio entis propriē, & intrinsecē cōueniat omnibus, nihil vrget. Quāvis enim ens intrinsecē reperitur, tā in substantiā, quā in accidentibus, id tamē non habet, formaliter quatenus est analogū attributionis, sed quatenus est analogū proportionalitatis propriæ, vel ratione transcendētiæ. Videatur Caiet. vbi supra c. 2.

Ad secūdū respondetur, quod sicut quando dicimus medicinā analogari analogia attributionis cum animali, quatenus est causa sanitatis eius, nō est sēsus, hoc ipsū, quod est, medicinā esse causatiuā, formaliter esse ipsam denominationē, quā dicitur extrinsecē sana à sanitate animalis, sed esse proximū, & reale fundamentū supra quod cadit talis denominatio: ita similiter quando

dicimus creaturas analogari analogia attributionis cum primo ente, quatenus sunt effectus eius; non est sēsus, hoc ipsū, quod est creaturas esse effectus Dei, seu habere esse participatū, esse ipsam formale denominationē, quā dicūtur entia ab entitate, quam significat ens, vt est analogū attributionis; sed esse propriū, & reale fūdamētū, supra quod cadit talis denominatio. Vnde sicut stat optimē, quod respicere sanitatē animalis, seu esse causatiuū illius, sic quid intrinsecū medicinæ, materialiter tamē se habens ad denominationem analogi, quæ est illi extrinseca: ita etiam stat optimē, quod creaturæ, vt effectus Dei sint intrinsecē entia entitatibus sibi proprijs, materialiter tamē se habentibus ad denominationē entis, secūdū quod est analogū attributionis. Quæ quidē est illis extrinseca; quia vt dictū est, & magis infra cōstabit, analogum attributionis simpliciter nō distinguitur à principali analogato, ac proinde ens, secūdū quod tali analogia est analogū ad Deum, & creaturas, tātū significat entitatē increatā, à qua satis constat nō posse creaturas intrinsecē denominari. Videatur Araux. lib. 4. Metaph. q. 2. ar. 2. n. 25. vbi optimē explicat hanc doctrinam.

37 Ad cōfirmationē negatur antecedens. Ad cuius probationē respondetur, quod entitas per essentiā subiectū quidē illā habēs denominat ens per essentiā in recto; alijs verò, quæ illam respiciunt vt terminū extrinsecū, tribuit denominationē entis per essentiā, non in recto, sed

sed in obliquo: & idē creatura nō dicitur ens per essētiā, sed quid entis per essentiam, sicut iuxta hanc analogiam accidens non dicitur ens, sed entis.

Ad fundamentum alterius sentētiæ, quā nu. 19. retulimus ex Suar. respōdetur, virum hūc doctissimū in hac parte fuisse proculdubio de numero eorū, de quibus dixit Aristot. 2. Elencho. & refert Caiet. loc. citato, c. 10. quod *equiuocatio latēs in his proportionalibus peritissimas etiam latet*. Nā certē ratio illa peccat nō distinguēs radices, seū principia vnde sumuntur, & supra quæ fundantur proportionalitas, & vniuocatio: neq; attendens, quā sint inter se diuersæ, etiāsi in eisdem rebus inueniantur, vt vidimus supra nu. 25. & 26. ¶ Quare ad argumentū respondetur negādo antecedēs. Si enim imponeretur nomen ad significandos hominē, & equum secundum suas proprias rationes, vt proportionabiliter se habētes; verē esset analogū proportionalitatis propriæ, sicut nomē *animalis* est illis vniuocū; & idē esset de numeris, & alijs quibuscūque, vt ibidē explicuimus.

§. IIII.

CAETERAE ANALOGORUM conditiones, & proprietates ex dictis inferuntur, & explicantur.

38 ¶ X. Præiacis fundamentis facile deducūtur, & explicātur cætera, quæ de analogis solent disputari; & idē illa hic breuiter perstringemus. Videri tamē potest Caiet. qui ea latē, & optimē tractat opus. citat. à cap. 4. vsque ad finem.

¶ Primò ergo ex dictis intelligetur quare in analogia attributionis, & proportionalitatis metaphoricæ secunda analogata definiūtur per primum; non verò in analogia proportionalitatis propriæ; quæ est doctrina D. Tho. de veritate q. 2. art. 11. ad 7. & 1. p. q. 13. art. 6. vt ibi explicat Caieta. Ratio est: quia ad hoc, vt aliquid definiatur per aliud, necessariū est, quod in sua essentia depēdeat ab illo. In analogis autē proportionalitatis propriæ habitudines, seu proportionēs sunt equales; & ita neutra dependet ab altera; & per cōsequens res ipsæ, inter quas attēditur proportionalitas, ratione istius analogiæ nō dicūt depēdētīā; Cui cōtrariū cōtingit in analogia attributionis, & proportionalitatis metaphoricæ, vt sup. explicatū est.

39 ¶ Secundò plenē percipietur; quare in his duabus analogijs analogum per se sumptum stat famosiori significato, non verò in analogia proportionalitatis propriæ. Ratio enim est: quia hoc analogū non magis significat vñū analogatum, quā aliud, sed equaliter utrūq; cū proportionabilitate explicata, & ita absolutē prolātū nō magis stat pro vno, quā pro aliō. At verò analogum attributionis, & proportionalitatis metaphoricæ nō significāt equaliter omnia analogata, sed primū ex propria impostitione, primariò, & distinctè; reliqua verò secundariò & cōfuse; & quatenus à primo denominantur: & ita simpliciter prolata stāt pro illo.

40 Tertiò inferitur analogū attributionis, & proportionalitatis metapho-

taphoricæ, formaliter prout sic, nō pōsse esse mesliū demonstrationis; benè autem analogum proportionalitatis propriæ. Ratio est: quia cū in prioribus analogijs analogum ex propria impositione, & distinctiōe tātū significet principale analogatū; alia verò cōfundat, & connotet, vt recipiant illud, & denominātur ab eo: ideo nomen sic analogum, non distribuitur secundū aliquid intrinsecū in omnibus; & per consequens præmissa, in qua prædicatur de secundo analogato, semper est contingens, quod repugnat demonstrationi. At verò analogum proportionalitatis propriæ equaliter significat vtrunq; & ratio significata intrinsecè reperitur in omnibus; & ideo distribuitur secundū aliquid intrinsecū pro omnibus, & præmissæ habent sufficientem necessitatem ad demonstrationem.

41 ¶ Quartò inferitur, quomodo analogum distinguatur ab analogatis. Non enim distinguuntur tāquā conceptus, aut gradus diuersi; sed penes diuersum modū concipiendi, & significandi eundē gradū. V. g. *ens*, & *substantia* non distinguuntur sicut duo gradus; sed sicut idem diuerso modo significatus, & conceptus. Nonne enim *substantia* significatur ratio substantiæ absolute in se ipsa considerata; nomine verò *entis*, significatur eadē ratio, prout fundat similitudinē cū accidentibus, vel terminat habitudinem eorum.

Hoc autem diuerso modo contingit in diuersis analogijs. Nam analogū attributionis, aut proportionalitatis metaphoricæ nō significat

vtrūq; analogatū intrinsecè, vt ita dicamus, & quasi partes principales sui significati; sed primū propriè & distinctè, alia verò quasi de cōnotato, & confusè; in quātūm ad primū ordinātur. Vnde nomini sic analogo correspondet quidē conceptus, qui in se simpliciter est vnus, sed nō distinctus à cōceptu principalis analogati, nisi penes modū concipiendi, & significandi explicatū; ab alijs tñ analogatis verè, & simpliciter distinguitur, vt ex dictis patet.

At verò analogo proportionalitatis propriæ correspondet tot cōceptus obiectiui, quot sunt analogata, cū quadā tamen proportionalitate inter se, quā non dicūt ipsa analogata; ratione cuius nomen sic analogum distinguitur ab eis. V. g. hoc nomē *ens*, si sumatur vt est analogū attributionis ad substantiā, & accidēs, significat eundē gradum, quē significat hoc nomē, *substantia*, licet cū discrimine explicato; & ex cōsequenti sicut cōceptus accidentis simpliciter est distinctus à cōceptu substantiæ; ita etiā à cōceptu entis, prout est sic analogum. Si verò *ens* sumatur, quatenus est analogum proportionalitatis propriæ; tunc æquē significat substantiā, & accidēs, nō absolute sumpta, sed vt proportionabiliter se habēt, in quā tū scilicet simili modo fundāt habitudines, seu proportionēs vnumquodque ad suum esse. Et in hoc sensu dicitur analogum proportionalitatis propriæ distingui ab analogatis; sicut res vt similis alteri distinguitur à se ipsa absolute concepta, quod est distingui secundū quid.

42 Quintò inferitur, ab analogis non posse abstrahi aliquam rationem, quæ simpliciter sit communis, & præcisa ab eis. Et quidem de analogia attributionis, & proportionalitatis metaphoricæ satis patet: siquidem ibi idem est conceptus obiectiui analogi, & principalis analogati, ut dictum est. De analogia verò proportionalitatis propriæ etiam constat. Quia cum hæc attendatur penes rationes proprias analogatorum, & immediatè fundetur in eis: ipsa proportionalis convenientia secum affert, & intimè includit differentiam, seu diuersitatem analogatorum: ac proinde repugnat, ut simpliciter præscindatur ab eis. Dicitur tamen nomen sic analogum abstrahere ab analogatis, eo modo, quo distinguitur ab eis; quatenus, scilicet res, ut sic se habens ad aliam, abstrahit à se ipsa absolute sumpta, quod est abstrahere secundum quid. De quo redibit sermo infra circa cap. 4. cū de conceptu communi entis disputemus. Hoc autem sufficit, ut analogū proportionalitatis sit superius analogatis, & prædicetur formaliter de eis, sufficienterquæ distribuat. Quæ omnia, & alia his similia, quæ in vniuocis simpliciter reperiuntur, verificantur in his analogis, tantum secundum quid. Videatur Caiet. loco citato, c. 4. & 5.

43 Sextò tandem inferitur; analogiæ attributionis, & proportionalitatis metaphoricæ causari per dependentiam: siquidem in eis secunda analogata suscipiunt denominationem per habitudinem ad primū,

à quo secundū illud nomē omninò depēdet; analogiā verò proportionalitatis propriæ, formaliter prout sic, nō causari per dependentiā, siquidem proportionēs, quas importat, sunt inter se omninò æquales; ac proinde adinuicē indepēdētēs. Quāvis enim analogata secundum suas proprias rationes possint aliū de habere aliquā subordinationē, & dependentiam, hæc tamen nō attenditur in hac analogia, sed potius æqualitas proportionū, ut suprà explicatum est.

Cōtra dicta de analogia proportionalitatis propriæ est vulgare argumentū, quod, quāvis ex dictis facile solui posset, ad pleniorē tamen dictorū noticiā breuiter proponendū est. Quia si ad propriā proportionalitatē nō sufficeret quæcūq; habitudo proportionū, sed requireretur propria æqualitas earū, ita ut proportionēs essent eiusdē speciei; iā analogā proportionalitatis propriæ verè essent vniuocæ: consequens est falsum: ergo, &c. Probatur sequela: quia à duabus proportionibus eiusdē speciei abstrahibilis est ratio proportionis, quæ sit illis vniuocæ: ergo si ens significat æqualitatē istā proportionum, verè significabit rationem vniuocam inferioribus.

44 Responderetur tamē, quòd aliud est loqui de fundamēto relationis, & aliud de ipsa relatione: Potest enim contingere, aliquas relationes vniuocè cōuenire in ratione relationis; cū tamen earū fundamenta sint primò diuersa, ut patet ex Aristotel. cap. 7. huius libri, ubi relationibus eiusdem generis assignat

pro fundamentis diuersa prædicamenta. Quare, licet nomen significas ipsas relationes possit esse vniuocum: non ideò erit vniuocū nomen significans earū fundamenta. Et sic cōtingit in præsentī. Nā analogum proportionalitatis propriæ, vt *ens*, aut *bonum*, nō significat gradum ipsum relationis, in quo conueniunt duę proportionēs: (hunc enim significat nomē istud, *proportio*, quod verē est vniuocum: neque

similiter significat ipsam æqualitatem proportionum: (hanc enim significat nomen istud, *proportionalitas*, quod etiam est vniuocū:) sed significat res fundantes tales proportionēs, & proportionalitatem. Quæ, quia non attenduntur penes gradum communē, sed penes propriam vniuscuiusque differentiam; ideò ab illis rebus non potest abstrahi ratio aliqua vniuoca, benē tamen ab ipsis relationibus.



CAPVT SECVNDVM DE COMPLEXIS, & incomplexis.

S V M M A T E X T V S.

DVAS Diuisiones, & vnā definitionem continet hoc caput. ¶ Prima diuīsiō est: eorum quæ dicuntur, alia cum complexione dicuntur, vt *homo currit*, alia sine complexione, vt *homo*. ¶ Secunda eorum quæ sunt, quædam de subiecto dicuntur; in subiecto tamen non sunt, vt substantiæ vniuersales: quædam in subiecto sunt; de subiecto autem non dicuntur, vt accidentia singularia: quædam in subiecto sunt, & de subiecto dicuntur, vt accidentia vniuersalia: quædam verò neque in subiecto sunt, neque de subiecto dicuntur, vt substantiæ singulares. ¶ Tandem definit id, quod est, esse in subiecto, dicens: *In subiecto autem esse dico, quod cū sit in alio quo, non sicut pars; impossibile est esse sine eo, in quo est*

Notationes, & dubia circa hoc caput.

p Rīmō norandum est primā diuisionem huius capituli correspondere illi, quā lib. 1. Summularum diuisimus terminum in complexum, & incomplexum, cum hoc tamen discrimine, quòd illa principaliter datur de vocibus, quarū no-

titiam tractatus Summularum sibi vendicabit; hæc verò præcipuè est de rebus: quia res sunt, quæ collocantur in prædicamentis, in ordine ad quæ agit hic Arist. de cōplexis, & incomplexis, vt illa reiiciat, ista verò admittat. Et sic sensus diuisionis

nis est rerum, quæ per voces significantur, aliæ sunt complexæ, quæ scilicet, pluribus cōceptibus cōcipiuntur, correspondentibus pluribus vocibus, per quas significantur; & aliæ incomplexæ, quæ scilicet vnico conceptu concipiuntur, correspondēt vni voci, per quam significantur, quæ prout sic simpliciter dicuntur vnæ, aliæ verò tantum secundum quid. Et ita diuisio est analoga.

3. Secundò pro explicatione secundæ diuisionis nota ex Caiet. quatuor esse rationes, duas reales, & duas rationis, quarum aliquas necesse fariò debet habere, quidquid in re et a linea prædicamenti collocatur: scilicet, *substantialitas*, & *accidentalitas*; *vniversalitas*, & *particularitas*. Ad primam sequitur, *non esse in subiecto*: ad secundam, *esse in subiecto*. (Intelligitur de subiecto inhærentis, cū sint rationes reales.) Ad tertiam sequitur, *dicere de subiecto*, & ad quartam, *non dici de subiecto*: (de subiecto, scilicet, prædicationis, cū sint rationes rationis.) Cōbinatis ergo inter se singulis rationibus reatibus cū singulis rationibus rationis, formantur quatuor mēbra diuisionis huius diuisionis. Quæ consequenter facit hanc sensum: quæcumque res in prædicamento collocatur, vel sunt substantiæ vniuersales, vel substantiæ particulares, vel accidentia vniuersalia, vel accidentia particularia. Vnde hæc propriè non est vna diuisio, vt benè notat Foletas; sed quedā entium enumeratio, in qua plures diuisiones immanantur. Continentur enim tot diuisio entis in substantiam, & acci-

dens, de qua infra agendū est, & diuisio substantiæ in vniuersalem, & particularem; & similiter diuisio accidentis in vniuersalem, & particularem, quæ duæ sunt diuisionis subiecti in accidentia quedam rationis. Et tandem continentur diuisio vniuersalis in substantiam, & accedens; & diuisio particularis in substantiam, & accedens: quæ sunt diuisiones accidentis in subiecta.

4. Tertiò circa definitionē notandum est, quòd octo modis dicitur aliqui esse in alio, quos ex Aristot. lib. 4. Physicorum colligit hic Boec. Primò, vt *pars in toto*, sicut manus in corpore. Secundò, vt *totū in parte*, sicut dicimus, perfectionē totius esse in partibus. Tertiò, vt *species in genere*. Quartò, vt *genus in speciebus*. Qui duo modi ad priores reducuntur, quia species est pars subiectiua generis. Quintò, vt *forma in materia*, sicut anima in corpore. Sextò, vt *in mouente, seu efficiēte*, sicut subditi sunt in manu Regis. Septimò, vt *in fine*, sicut avarus in diuitijs. Octauò, sicut *locatum in loco*, vt aqua in vase. Quibus non addidit Arist. esse *in tempore*: quia statim de illo erat acturus. Præter hos autem datur modus essendi *in subiecto*: quem Arist. vt ab omnibus alijs distinguit, in præfenti definit, sicut videmus in textu.

5. Hoc supposito, sic explicat definitionē Caiet. vt prima particula habeat vicem generis; secunda verò, & tertia locum differentiæ. Et ita in prima continetur accedens cū alijs modis essendi in alio; per secundā verò distinguitur à quatuor prior-

prioribus, intelligendo per illam, tam quod non est sicut pars, quam quod non est sicut in parte: per tertiam verò distinguitur à quatuor modis posterioribus, in quibus res, quæ est in alio, potest esse sine illo.

Meliùs tamen explicabitur definitio, dicendo, illam particulam, *in alio*, si simpliciter intelligatur, sufficienter distinguere accidens à substantia, & idèò habere vicè differentie; ly verò, *quod est*, seu *ens*, vicè generis; ac proinde integrā definitionem accidentis contineri in illis primis verbis, *quod est in alio*, idest, *ens in alio*; alias verò particulas addidisse Aristot. maioris claritatis gratia. Ly ergo, *in alio*, quod habet vicem differentie, simpliciter intellectum duo importat. Primum est, ut illud, in quo accidens est, sit omninò aliud, ita ut neque sit de eius essentia, neque cum eo componat unam essentiam: per quod distinguitur accidens à quinque prioribus modis essendi in alio. Ad quod magis explicandum addidit Arist. illam particulam, *& non sicut pars*. Secundum est, quod de accidentis essentia sit esse in alio, ita ut verè illi inhaereat, & abique eo iuxta exigentiam suæ naturæ non possit existere: per quod accidens distinguitur ab alijs modis essendi in alio. Ad quod magis explicandum addidit Arist. ultimam particulam.

6 Modò DVBI FATVR: an definitio Arist. sit sufficiens, propter hæc argumenta. ¶ Primò: quia dicta definitio cōuenit formis brutorum. Nam anima equi est in ma-

teria, non tanquàm pars eius, & impossibile est ab ea separari, saltem naturaliter. ¶ Secundo: quia corpus est in loco, & in tempore; & nō tanquàm pars illorum, ut de se patet, impossibile; est ab eis separari; siquidem non datur corpus sine loco, aut tempore: ergo, &c. ¶ Tertio: quia odor pomi est in subiecto, & tamen separatur ab illo, quando de pomo transit ad manum: ergo definitio non cōuenit omni contento sub diffinito.

Respondetur tamen, diffinitione esse sufficiētem, ut patet ex dictis. ¶ Et ita ad primum argumentum dicimus, formam non esse in alio, propriè loquendo. Tùm, quia ly, *aliud*, ut diximus, significat, quod est omninò aliud, ita ut neque sit de eius essentia, neque pertineat ad eandem essentiam, quod nō habet forma respectu materiæ, ut patet. Tùm etiā, quia, ut benè commentator ait, Aristot. vtiur sermone famoso, appellans absolutè, *aliquid*, quod est simpliciter aliquid: at materia prima neque est quid, neque quantitas, &c. ¶ Ad secundum respondetur ly, *in alio*, importare veram inhesionem: quia significat de essentia illius esse, in alio existere: quod tamen non habet corpus respectu loci, & temporis; siquidē ab eis extrinsecè mēsuratur. ¶ Ad tertium respondetur, odorem non separari à pomo: (non enim accidens transit de subiecto in subiectū:) sed exhalari subtiliores partes substantiæ, in quibus odor defertur. Cuius signū est, quod si pomū marcescit manibus attritatum.

CAPVT TERTIVM DE REGVLIS.

S V M M A T E X T V S.

DVAS regulas prædicamētis deseruētes cōtinet caput istud. Prima est: *Quando aliquid prædicatur de aliquo vt de subiecto, quidquid prædicatur de prædicato, dicitur etiam de subiecto.* Vt si de Petro prædicatur homo, & de homine prædicatur animal, viuens, &c. etiam prædicabuntur de Petro. Secunda circumferatur communiter sic, iuxta translationē Boetij: *Diuersorum generum, & non subalternatim positorum, diuersæ sunt speciei differentia; subalternorū verò generum nihil prohibet easdem differentias esse.*

Notationes, & dubia circa hoc caput.

2 DVo prædicatorū genera collocari in prædicamento diximus supra dispat. 6. n. 45. alia in recta linea, scilicet genera, & species: & alia ad latus, scilicet differentias. His ergo duobus generibus prædicatorum cognoscendis deseruiunt duæ istæ regulæ. Et propterea, vt ex Boetio, Ammonio, & Simplicio notant Caietan. Sot. Tolet. & alij, prima solūm statuitur Ab Arist. pro prædicationibus essentialibus generis, & speciei; hæc enim tantūm ponuntur in recta linea. Quod innuit Arist. illis verbis: *Quando aliquid prædicatur de aliquo vt de subiecto, &c.* idest, vt de substantia, seu in eo quod quid: quod solūm conuenit generi, & speciei. Et ita sensus regulæ est. Quando aliquid prædicatur quidditatiuè de aliquo subiecto, quidquid prædicatur quidditatiuè de prædicato, prædicatur etiā quidditatiuè de subiecto.

Alij extendunt hanc regulam, tum ad prædicationes quinq; prædicabilium; tum ad alias quascumque, dummodò seruetur eadē suppositio: defectu cuius non valet: *homo est animal. animal est genus*: ergo *homo est genus*. Quæ quidem extensiones veræ sunt, sed non intentæ ab Aristot. qui in præsentī agit de hac regula, præcisè vt est antepredicamentum. Iuxta alias autem extensiones continet principia syllogistica, scilicet *dici de omni, & dici de nullo*: quæ non sunt antepredicamenta, sed priora analytica.

Ex hac regula elicitur modus arguendi, quem Cicero acerbalē, Græci *σωφιστικὴν Soritem*, nostri verò vocāt de primo ad vltimū. Quia si homo est animal; & animal viuēs; & viuens substantia, de primo ad vltimū homo est substantia.

3 Circa secundam regulam notant benè Caietan. & Tolet. in ali-

Ec qui-

quibus codicibus corruptè legi: *diuerse sunt species, & differentia*; debet enim legi: *diuerse sunt specie differentia*; quia in Græco legitur in dario: *τὸ ἕκαστον τοῦ εἰδὸς*. Appellat autem differentias specie diuersas; non quia genere conueniāt; sed ut differentias materiales excludat, differentias essentielles, seu formales vocauit specie, id est, essentialiter diuersas.

DVBITATVR Primò: quomodò sit intelligenda hæc secunda regula. Est autem tota difficultas in explicādo, quid intelligatur per genera subalternatim posita; inde enim cognoscemus, quæ sint genera non subalternatim posita.

In quo certum est, illa genera, quorum vnum est sub alio, esse subalternatim posita, ut animal, & viuens. Vnde solum est difficultas: an ea genera, quorum vnum non continetur sub alio, sed ambo sub vno tertio, ut animal, & planta, quæ continentur sub viuenti, sint subalternatim posita? Id enim affirmāt Caietan. Tolet. Oña, & alij, contēdentes Arist. hic, per genera subalternatim posita, intelligere tam illa, quorum vnum continetur sub alio, quàm ea, quæ continentur sub vno tertio; & ita, per genera nō subalternatim posita, vtrumque excludere; tantumquē intelligere ea genera, quæ continentur sub diuersis prædicamentis.

4 Sed melius cum Soto, & alijs respondetur negatiuè. Non enim duo genera dicuntur inter se subalterna, seu subalternatim posita: si vnum non continetur sub alio;

etiam si ambo contineantur sub vno tertio. Sicut Astrologia, & Perspectiua non sunt inter se scientie subalternæ, etiam si vtraque vni Geometriæ subalternetur. Hanc autem fuisse mentem Aristot. patet; tum ex translatione Perionij, & Argiropyli; qui ita vertunt: *Quando genera diuersa sunt, neque vnum ab altero continetur, eorum etiam differentia specie differunt. Eorum autem generum, quorum vnum sub altero continetur, nihil prohibet easdem differentias esse.* Tum etiam ex textu Græco; nam vox *ὑπάρχουσα*, *hypallila*, ab Aristot. posita significat ea, quorum vnum continetur sub alio; ut notat Budeus in suis Commentarijs. Et ita sensus regulæ est. Quando duo genera ita sunt diuersa, ut vnum non contineatur sub alio; siue quia sunt in diuersis prædicamentis, ut animal, & scientia; siue quia inter se condistinguntur, & opponuntur sub aliquo tertio, ut animal, & planta; necesse est, ut habeant differentias essentielles, tam diuinas, quàm constitutivas formaliter diuersas. Genera enim primò diuersa, vel opposita, prout sic, nec possunt constitui per eandem differentiam, neque diuidi in eadem mēbra, ut postea dicemus. Quando verò vnum genus continetur sub alio, possunt quidem habere easdem differentias, ut iam explicabimus.

5 DVBITATVR Secundò: vtrum vera sit hæc regula, ut à nobis explicata est? ¶ Non dubitamus de veritate istius regulæ, iuxta expositionem adductam. Caiet. & alio;

& aliorum, qui, per genera nō subalternatim posita, solum intelligunt genera diuersorum prædicamentorum: sic enim satis constat esse verissimam. Nam si genera suprema sunt diuersa, quæcunque sub illis continetur, erunt à fortiori diuersa; & consequenter repugnant eisdem differentias essentielles in duobus prædicamentis collocari. Vt patet in exemplo Arist.

animal enim, & *scientia*, neque posunt eisdem differentiis diuidi, neque eadem differentia constitui. Quare si quando in diuersis prædicamentis eadem nomina pro differentiis ponuntur, id fit, vel quia sunt differentia accidentales, vt quando substantia diuiditur in vniuersalem, & particularem; & item quantitas, aut qualitas in vniuersalem, & particularem: vel quia ignoramus proprias differentias, & loco earum substituimus alias, vt quando qualitas diuiditur in naturalē, & supernaturalē, & similiter actio, aut vbi. Vel tandē id contingit: quia talia nomina in rei veritate sunt æquiuoca, & consequenter non significant vnā rationē, sed plures. Quod notauit expressè Aristot. 1. Topic. c. 13. adducens pro exemplo, *ly, acutum*, quod inuenitur in quantitatibus, & qualitatibus: dicimus enim angulum acutum, & vocem acutam. Redditque pro ratione regulam statutam, dicens: *Vox enim à voce differt, quod acuta: item magnitudo à magnitudine. Ita fit, vt acuti vocabulum sit in hominibus: diuersorum enim generum, quorum vnum ab alio non contine-*

tur, diuersa sunt differentia. Per quod facile soluantur plures instantiæ, quæ contra hanc regulam affert solent.

6 Hoc supposito, tota difficultas est: an prædicta regula sit etiam vniuersaliter vera, iuxta nostram expositionem. Ita quod quæcunque genera, intra idem prædicamentum inter se condistincta, & opposita, vt *planta*, & *animal*, debeant necessariò habere diuersas differentias, tam diuinas, quam constitutivas. ¶ Circa quod Alexand. Boet. & Simpl. quos citat, & sequitur Oñs in annotationibus huius cap. negant, dictam regulam, iuxta expositionem nostram esse vniuersaliter veram, asserentes, benè posse duo genera, quorum vnum sub alio non continetur, habere easdem differentias: dummodo contineantur sub vno tertio, & consequenter sint intra idem prædicamentum.

7 Probat Oñs suam sententiam aliquibus instantiis. Primò: quia *animal* gressibile, & volatile sunt genera, quorum vnum non continetur sub alio, sed ambo sub vno tertio; & tamen habent easdem differentias diuinas, scilicet *bipes*, & *quadrupes*.

Secundò: quia quantitas diuiditur in continuam & discretam; & vnaquæque in successiuam, & permanentem; vel si priùs fiat diuisio quantitatis in successiuam, & permanentem; postea vnaquæque debet diuidi in continuam, & discretam: ergo, &c.

Tertiò idem cernitur in po-
Et 2 sentia

tentia, quæ potest diuidi in cognoscitiuam, & appetitiuam; & deinde vnaquæque in spiritualem, & corporalem, vel e contra: & in *propositione*; quæ diuiditur in affirmatiuam, & negatiuam; & vnaquæque in veram, & falsam.

Tandem de differentiis constitutiuis, potest sic probari: quia homo, & Angelus sunt inter se ita diuersi, vt vnus non contineatur sub alio; & tamen eadem differentia, nempe *rationale*, est constitutiuæ vtriusque: ergo genera, quæ continentur sub vno tertio, etiam si vnum non contineatur sub alio, possunt habere easdem differentias, tam constitutiuas, quam diuinas.

8 Nihilominus dicendum est primò; genera quorum vnum non continetur sub alio, sed ambo sub vno tertio, necessariò habere diuersas differentias constitutiuas, sibi proprias. Hæc conclusio est euidentis. Breuiterque probatur: quia illa duo genera, quæ in aliquo tertio conueniunt, vt animal, & planta, sunt inter se diuersa, & opposita, vt supponimus: ergo per aliquid distinguuntur, & opponuntur. Non per gradum genericum, in quo conueniunt: ergo per propriam vniuscuiusque differentiam.

9 Dicendum est secundò, genera, quorum vnum non continetur sub alio, sed ambo sub vno tertio, non posse habere easdem differentias diuinas, sed vnumquodque necessariò habere differentias diuinas diuersas à differentiis diuiniuis alterius. Et loquimur de differ-

rentiis essentialibus: nam de accidentalibus id non repugnat. Hæc conclusio, & regula in hoc sensu nobis ita certa est, sicut iuxta Caietani expositionem certum est, genera diuerforum prædicamentorum non posse habere easdem differentias diuinas: nam eadem est vtroque ratio. Quare sic primò probatur conclusio. Diuersa genera, quorum vnum non est sub alio, sunt diuersæ potentia metaphysicæ essentialiter distinctæ: ergo correspondent illis actus essentialiter diuersi. Sed differentia diuina sunt actus generis, quatenus est potentia metaphysica: ergo generibus essentialiter diuersis correspondet differentia diuina essentialiter diuersa.

Confirmatur: quia genus & differentia diuina eius assimilantur materia primæ, & formis substantialibus: sed in sententia Thomistarum constituyente materias primas essentialiter diuersas, scilicet materiam cælorum, & sublunarium, vniuique materiae correspondent diuersæ formæ, neque fieri potest, vt eadē forma informet vtrāque: ergo pari ratione generibus essentialiter diuersis, vt animali, & plantæ debent correspondere differentia diuina essentialiter diuersa.

Secundò probatur: quia eadem species non potest esse sub diuersis generibus, quorum vnum non sit sub alio, verbi gratia, sub *animali*, & *plantæ*: ergo diuersa genera, quorum vnum non est sub alio, non possunt habere easdem differentias

Conse.

Consequentia est eadem: quia sicut differentia constituit speciem, ita vna, & eadem differentia, ubicumque sit, constituit vnam, & eandem speciem; aliàs differentia non cōuerteretur cū specie, tollereturque p̄cipuus agendi locus, à differentia ad speciem. Antecedēs verò est Arist. 4. Topicor. c. 2. assertis: *Cum enim species vna duobus generibus subiecta est, tunc alterum ab altero continetur.* Maneat ergo, genera diuersa, quorum vnum non est sub alio, non posse habere eandem differentias.

10 Ad argumenta respondetur. Ad primum, quòd *bipes, & quadrupes*, sunt differentie materiales, nō verò essentiales; & ita nihil sequitur.

Ad secundam, non omnes illas diuisiones esse essentiales. Quando enim aliquod diuisum adequatè diuiditur duplici diuisione, altera necessariò est accidentalis: quia idem genus non potest bis diuidi in species. Et hoc contingit in p̄senti; nam quantitas adequatè diuiditur in continuam, & discretam; & similiter in successiuam, & permanentē. Prima ergo diuisio est essentialis, secunda verò accidentalis. De quo infra c. de quantitate.

Per quod patet ad tertium. Diuisio enim potentie in cognoscitiuam, & appetitiuam est essentialis; quia sumitur ex obiecto, à quo potentie specificantur. Alia verò in spiritualem, & corpoream sumitur ex obiecto materiali; & ita est accidentalis. Idem etiam contingit in diuisionibus propo-

sitionis, vt explicuimus libro 2. Summularum cap. 3.

Ad vltimum respondetur, quòd *rationale*, vt est differentia hominis, importat cognitionem discursiuam, & medijs phantasmatis; & ita prout sic non conuenit Angelo. Ablatis tamen imperfectionibus, solet tribui Angelis, vt docet Diuus Thomas secunda secundæ, quæst. 83. art. 10. ad 2. sed tunc non est differentia hominis, vt de se patet.

11 Tandem circa secundā partem huius regulæ obseruandum est, quòd licet genera, quorum vnum est sub alio, habeant quodammodò easdem differentias, tam diuisiuas, quam constitutiuas; quia differentia constitutiuæ superioris, est etiam inadæquatè, & remotè constitutiuæ inferioris; & differentie diuisiuæ inferioris, sunt etiam inadæquatè, & remotè diuisiuæ superioris; per hoc tamen non excluditur, quòd ista genera habeant proprias differentias, per quas proximè, & adequatè constituentur; & diuidantur, vt consideranti patebit. Exceptis tamen generalissimis, quæ licet habeant proprias differentias diuisiuas, non tamen habent constitutiuas, vt infra videbimus.

(. . .)



CAPVT QVARTVM, De diuisione entis in decem prædicamenta.

SVMMMA TEXTVS.

VNICAM Diuisionem, & vnicam membrorum diuidentiũ proprietatem continet hoc caput. Diuifio est entis per se in decẽ prædicamenta. Quam tradit Arist. diuidẽdo nomina in cõplexa nã vel significãt *substantiã*, vt homo; aut *quãtitatẽ*, vt bicubitũ; aut *qualitatẽ*, vt albũ; aut *ad aliquid*, vt dupiũ; aut vbi, vt in foro; aut *quando*, vt heri; aut *situm*, vt iacere; aut *habitu*, vt armatũ esse; aut *actionem*, vt secare; aut *passionem*, vt secari. Sunt ergo decem prædicamenta, nempe substantia, quantitas, qualitas, relatio, vbi, quãdo, situs, habitus, actio, & passio. Proprietas autem omnium est, vt secundũ se sumpta, cum nulla affirmatione, aut negatione dicantur. Quod probat, quia omnis affirmatio est vera, vel falsa: incomplexa autem, qualia sunt prædicamenta, non dicunt verum, vel falsum.

Notationes circa hoc caput.

2 p Ræfens diuifio est subdivifio primæ, quam c. 2. statuit Aristot. & ita in eodem sensu intelligenda est. Non enim agit hĩc præcipuẽ de vocibus, sed de rebus, quæ per voces significantur. Et ita sensus est Res per voces incomplexas significata, vel est substantia, vel quãtitas, &c.

Circa secundam partem capitũs dubitant Oñs, Conimbricenses, Mas. & alij; quomodò Aristot. probet prædicamenta esse incomplexa, ex eo quòd non dicant affirmationem, vel negationem; propter Sorum sic Aristot. interpretantem. Videtur enim ratio inefficax, cum sint aliqua incomplexa, quæ

non habent affirmationem, vel negationem, vt *homo albus*. ¶ Et respondet, Arist. tantũ velle distinguere librũ istum à libris Perihet. vbi agitur de propositione: ad quod efficax est ratio inducta.

Sed (pace horũ Doctõrum dictũ) non benẽ dubitant, & planẽ falluntur circa intentum, & processũ Arist. Non enim ipse probat, prædicamenta esse incomplexa ex eo, quòd non dicant affirmationem, vel negationem; nãm talis consequentia indigna est Aristot. sed potius eõ contra probat, prædicamenta, secundũ se, non dicere affirmationem, vel negationem, ex eo quòd sint incomplexa. Assignata enim

enim proprietate, quod, scilicet, non dicant affirmationem, vel negationem, id probat: quia non dicunt veritatem, vel falsitatem; quod tandem probat; quia sunt incompleta,

ut patet in litera: quæ consequentia efficaces, & euidenter sunt. Reliqua quæ hic notari solent, sequenti disputatione explicabuntur.

DISPUTATIO XI.

De diuisione entis in sua inferiora.

QUAMVIS Res hæc sit propria Metaphysicæ, ad quam pertinet rationem entis, & habitudines eius speculari, est tamen ad prædicamentorum notitiam omnino necessaria, neque adeo alibi opportunior occasio ista explicandi. Et ideo, quæ de hac materia diffusè à Doctoribus in præsentem pertractantur, sequentibus difficultatibus complectentur.

QVÆSTIO PRIMA.

Utrum ens sit purè æquiuocum respectu suorum inferiorum?

3 **L** Oquimur in præsentem de ente in sua latissima significatione, prout se extendit ad omnia. Cuius plures solent assignari diuisiones adæquatae. Diuiditur enim *primò* in ens per se, & per accidens. *Secundò*, in ens reale, & rationis. *Tertiò*, in Deum, & creaturas. *Quartò*, in substantiâ, & accidens. *Quintò*, in ens absolutum, & relatiuum. *Sextò*, in ens completum, & incompletum. *Septimò*, in decem prædicamenta. *Octauò*, in actum, & potentiam: & sic de alijs diuisionibus. Quarum aliquas tradit Aristot. 5. Metaphys. text. 13. libr. 6. text. 4. libr. 9. text. 21. & alibi sæpè: & ferè omnes habentur apud Diu. Tho. ut videri

potest in tabula aurea, verbo, *ens*.

4 Ut autem eas utcumque ordinemus: (exacta enim discussio pluram petit à præsentem instituto aliena) aduertendum est id, quod supra circa caput tertiū nu. 10. dicebamus: nullum, scilicet, esse inconueniens, quòd aliquid diuidatur pluribus diuisionibus adæquatis: dum tamen non omnes sint essentielles. Nā in his, si omnes sunt potentiales, necessariò debet esse subordinatio, ita ut vna sit subdiuisio alterius.

Igitur ex his diuisionibus, *prima* cōmuniter omittitur in præsentem. Quia cū ens per se sit illud, quod simpliciter est vnum; ens verò per accidens, quod aggregatione tan-

tum est vnum, talis diuifio magis attenditur ex parte vnitatis, quæ est paffio entis, quàm ex parte ipfius entis. Similiter *quarta*, & *feptima*, non funt duæ diuifiones, fed vna, & eadem, vt ex D. Thom. oftendimus infra num. 58.

Præterea in *quinta* diuifione vtraque differentia non eft poffitiua, & confequenter, neque propriè essentialis. Ly enim *absolutum* formaliter non dicit aliquem gradum poffitiuum, in quo conueniant fubftantia, quantitas, & reliqua accidentia absoluta, fed folam negationem relationis, quæ confequitur ad talia prædicamenta, & fundatur in propria ratione vniufcuiusque. Quòd fi ly *absolutum*, fumatur non formaliter pro negatione, fed materialiter pro fundamentis illius; iam hæc diuifio erit eadem cū feptima, qua ens diuiditur in decem prædicamenta.

Sexta etiam diuifio verè non eft essentialis; nam eius membra diuidentia, formaliter prout fic, non dicunt perfectiones oppofitas; fed folùm exprimunt maiorem, & minorem perfectionem; quibus proinde non repugnat inueniri intra eandem fpeciem: vt patet in natura humana, intra quam inueniuntur *completum*, & *incompletum*, nempe compofitum, & partes eius. Quod planè indicat diuifionem non effe essentialem: vt à fimili conftat de *masculino*, & *fœmenino*, quas non effe differentias essentielles optimè colligimus ex eo, quòd inueniuntur intra eandem fpeciem.

5 Denique *Oftaua* diuifio entis per actum, & potentiam, tripliciter poteft intelligi. Primò, ita vt fit diuifio totius in partes, ex quibus cõponitur: quomodò accipiunt illam Aristot. 1. *Physicor.* text. 73. & D. Thom. opuscul. 42. cap. 3. Sic autem eft diuifio actualis, neque pertinet ad præfentem confiderationem, vbi diuifiones potentiales entis inquirimus. ¶ Secundò, ita vt fit diuifio eiuſdem entis quali in diuerfos ftatus, perfectum, fcilicet, & imperfectum; ficut frumentum dicitur in potentia, quando eft in herba; & in actu, quando eft perfectum. Sicq; accipit illà frequenter Arist. vt patet 5. *Meta.* text. 13. libr. 3. *Phys.* text. 3. & alibi sæpè. ¶ Tertiò tandem poteft generalius intelligi, vt comprehendit quidquid habet qualemcumque rationem actus, & potentia, fiue fint tota, fiue partes, fiue essentialiter diuerfa, fiue tantum penes ftatum perfectum, & imperfectum. Quomodo eã videntur accepiffe Arist. & D. Tho. 1. 1. *Metaph.* le. 9. Et his duobus modis intellecta diuifio, habet quidem modum diuifionis essentialis; fed formaliter, vt traditur per hæc mēbra, non eft talis, ficut diximus de diuifione præcedenti. Et ratio eft eadē; quia vtrumq; mēbrum huius diuifionis fic explicatæ poteft inueniri intra eandē fpeciem; ergo ex fe nō caufant diftinctionē essentialē. Quia etiã ratione D. Thom. loco citato ex 3. *Phys.* dixit, quòd diuifio entis per actum, & potētiā non diftinguit genera entium: quia actus, & potentia inueniuntur in quolibet genere.

His

His ergo diuisionibus omiſſis: tres alias sic poſſumus ordinare, vt primò ens diuidatur in ens reale, & rationis: deinde ens reale in Deum, & creaturas: & tertio ens creatum in ſubſtantiam, & accidens, ſeu in decem prædicamenta. Quæ omnes verè ſunt diuiſiones eſſentiales, ſignificantque perfectiões poſitiuas, vt conſideranti patebit. Et ideò de illis deinceps agemus. Nunc autem inquirimus: an earum diuiſum ſit. purè æquiuocum reſpectu membrorum diuidētium.

6 Ens eſſe purè æquiuocum ad ens reale, & rationis docent aliqui ex Thomiſtis, Sencinas 4. Metaph. q. 5. & lib. 10. quæſt. 1. Iabel. lib. 1. quæſt. 1. Bañez 1. p. quæſt. 28. ar. 1. & alij. ¶ Probat hanc ſententiam Sencinas primò: quia ens rationis, & ens reale nullam habent ſimilitudinem: ergo ens dictum de vtroque nihil importat illis commune præter nomen. Conſequentia pater, & probatur antecedens: quia magis diſtant ens reale, & rationis, quàm ens finitum, & infinitum: ſed inter hæc nulla eſt ſimilitudo: ergo neq; inter illa. Probat minor: quia maior diſtantia minuit ſimilitudinē: ergo diſtantia infinita illam omnino tollit, ſed inter ens finitum, & infinitum eſt diſtantia infinita; ergo, &c.

Secundò, quia talis eſt diuiſio entis in reale, & rationis, qualis eſt diuiſio hominis in viuū, & mortuū: ſed hæc eſt purè æquiuoca; ergo & illa. Probat minor: quia ita ſe habet homo, deſiciente vita, ſicut

oculus deſiciente viſu: ſed oculus, deſiciente viſu, æquiuocè dicitur oculus ex Ariſt. 2. de Anima tex. 9. ergo etiam homo, deſiciente vita, æquiuocè dicitur homo.

7 Præterea ens eſſe purè æquiuocum reſpectu Dei, & creaturarum, docuit Rabbi Moyſes, vt refert D. Tho. q. 7. de poten. ar. 7. Tribuiturque Aureol. in 1. diſt. 2. q. 1. Sed neque id ille aſſeruit, neq; in tali ſenſu impugnatur eum Capreol. ibidem, art. 2. vt falſò aliqui exiſtimāt. ¶ Poſt tamen probari hæc ſententia. Primò, quia æterno, & temporali nihil eſt commune præter nomen, ex Ariſt. 10. Metaph. cap. vltimo: ſed Deus eſt æternus, creatura autem temporalis: ergo eis nihil eſt commune niſi nomen. Hoc autem eſt proprium purè æquiuocorum; ergo, &c.

Secundò: vbiicumque eſt aliqua ſimilitudo, poteſt eſſe comparatio: ſed inter Deum, & creaturas nulla poteſt eſſe comparatio: ergo neque aliqua ſimilitudo; & ex conſequenti æquiuocè conuenient. Maior, & conſequentiæ conſtant. Minor verò probatur, quia vbiicumque eſt aliqua comparatio, oportet eſſe aliquam formam, quæ participetur à pluribus; vel æqualiter, vel ſecundum magis, & minus: ſed nulla talis forma poteſt eſſe in Deo, & creaturis, cum Deus ſit ſimpliciſſimus: ergo nulla poteſt ibi eſſe comparatio. Alia argumenta pro hac parte adducit D. Thom. quæſtione citata de potentia, & quæſt. 2. de veritate, artic. 1. 1.

8 Tandem, quòd ens sit purè æquiuocum ad substantiam, & accidens, seu ad decem prædicamenta, docuerunt plures antiqui, quos refert Mas. hìc cap. 6. sect. 1. q. 1. Quibus fauere videtur Porph. c. de specie, dum ex Aristot. ait: *Si enim omnia quis entia vocauerit, æquiuocè, & non uniuocè vocauit.* Et probatur primò: quia magis differunt substantia, & accidens; quàm canis latrabilis, & marinus; siquidem hæc continentur sub eodem prædicamento; non autem illa: sed nomen *canis* respectu horum est purè æquiuocum: ergo etiam nomen *ens* respectu illorum.

Secundò: quia ens immediatè significat omnia prædicamenta: ergo est purè æquiuocum respectu illorum. Antecedens constabit infra. Consequentia verò probatur: quia idèò canis est purè æquiuocum respectu latrabilis, & marini: quia immediatè significat illos.

9 Nihilominus dicendum est, ens non esse purè æquiuocum respectu entis realis, & rationis; neque respectu Dei, & creaturarum; neque respectu substantiæ, & accidentis. Primam partem cõclusionis docuit Arist. 4. Metaph. c. 2. vbi inter entia, de quibus ait ens analogicè, & non æquiuocè prædicari, enumerat priuationes, & negationes. Idem docet D. Thom. ibidem, & q. 2. de veritate art. 1. ad 5. Caiet. de nominum analogia c. 8. & alij plures, quos refert, & sequitur Mas. loco citato. ¶ Breuiterque probatur; quia ens rationis fit, & cognoscitur ad modum entis realis; & quidquid

de entibus rationis docent Metaphysici, & Logici explicant per similitudinem, & proportionem ad entia realia: ergo ens nõ dicitur de illis purè æquiuocè.

Secundam partem conclusionis docet D. Thom. 1. p. q. 13. art. 5. lib. 1. contra gentes, cap. 34. & alibi sæpè: estque communis inter Doctores. Et probatur ratione sumpta ex Arist. 1. 1. Metaph. c. 3. quia si ens esset purè æquiuocū respectu Dei, & creaturarum, non possent cadere sub vna scientia Metaphysicæ, neque posset in illo fieri contradictio, neque esse medium demonstratiõis; quæ tamen constat esse falsæ: ergo, &c.

Confirmatur ratione D. Thom. quia ex cognitione vnus æquiuocati nihil potest cognosci alterius; sed ex cognitione creaturarū deuenimus in cognitionem Dei, iuxta illud Romanor. 1. *Inuisibilia Dei, per ea, quæ facta sunt à creatura mundi intellecta conspiciuntur:* ergo ens non est purè æquiuocum respectu Dei, & creaturarum.

Tertia etiam pars conclusionis receptissima est inter Doctores. Eam docent Arist. 4. Metaph. c. 2. lib. 7. cap. 8. & lib. 1. 1. cap. 3. & D. Thom. ibidem. Probaturque, tum eisdem rationibus, ac præcedentes. Tum etiam, quia inter æquiuocata nullus attenditur ordo prioris, & posterioris secundum nomen æquiuocum: sed inter substantiam, & accidens in ratione entis reperitur talis ordo; ergo, &c. Probatur minor; quia accidens definitur per substantiam, & totum eius esse est inesse

in esse substantiæ: ergo ex natura sua præsupponit illam, & dependet ab ea. Plures aliæ rationes videri possunt apud D. Thom. & Auctores citatos.

10 Ad argumēta resp. Ad 1. primæ sententiæ negatur primū antecedens, & minor syllogismi sequentis. Ad cuius probationē dicendum est, duplicē esse similitudinē, vt ex Arist. 2. Topic. tradit D. Tho. q. 2. de veritate artic. 1. 1. ad secundum. Alia est inter res eiusdem generis, quando, scilicet, eadem ratio reperitur in diuersis. Et hæc quidem minuitur per distantiam; ac proinde non stat cum infinita distantia Dei, & creaturarum: Alia est similitudo inter res diuersi generis, quæ attenditur secundum aliquam proportionem, vel proportionalitatē; vt quando alterum se habet ad alterum, sicut aliud ad aliud, vt ibidē inquit Arist. Et hæc similitudo non minuitur per maiorem distantiam. Nō enim est maior similitudo proportionalis inter duo, & vnum; & sex, & tria, quā inter duo, & vnū; & centum, & quinquaginta, vt inquit D. Thom. ibidem in solutione ad quartum; ac proinde talis similitudo potest stare cum distantia infinita. Et ratione huius creaturæ dicuntur similes Deo. Licet e contra non dicamus Deū esse similem creaturis; quia vt ex Dionysio notauit D. Tho. in solutione ad primum, res non dicitur similis suę imagini, sed e contra.

Ad secundum neganda est minor: Ad cuius probationem respondetur, Arist. sub æquiuocis compre-

hendisse analoga, vt vidimus circa cap. 1. n. 14. Quo etiam sensu locutus est Porphyrius adductus pro tertia sententia, vt patet ex illis verbis: *æquiuocē, & non vniuocē, &c.* vbi à negatione vniuocationis infert æquiuocationem; quod non rectē fieret, si sub æquiuocis non comprehenderet analoga, vt per se patet.

11 Ad primum secundæ sententiæ responderetur ex D. Th. de potentia q. 7. art. 7. ad 1. Aristot. loquit de communitate naturaliter, & non logicē. Quia nimirum corruptibile, & incorruptibile nō conueniunt in aliquo physico, sicut conueniunt corruptibilia, in quibus omnibus materia prima est eiusdem rationis in sententia Aristot. diuersa verò essentialiter à materia cœlestium corporum. Non tamen negat conuenientiam logicam, quæ fit in aliqua ratione abstracta per intellectū: quomodo corpora cœlestia, & sublunaria cōueniunt in gradu corporis, & substantiæ. Et propterea hæc dicuntur genera logica, & non physica: quia non sumuntur à materia eiusdem rationis. Videatur D. Tho. opus. 42. c. 7. & 8. Præterquā quod Arist. loco citato in argumento non ait: *æterno, & temporali nihil est commune præter nomen*; sed *corruptibile, & incorruptibile differunt genere*: quod de genere physico, scilicet, materia prima, verissimū est, vt nuper dicebamus. Videatur D. Th. in Cōmēt. illus loci.

Ad secundum negatur minor. Ad cuius probationem respondetur ex dictis ad primum primæ sententiæ.

tentiæ, quod sicut duplex est similitudo; ita duplex potest fieri comparatio. Quando ergo comparatio fit inter res eiusdem generis, tunc datur aliqua forma, vel gradus, qui participetur ab his, inter quæ fit comparatio. Et hæc propriè, & simpliciter dicitur similitudo, & comparatio. De qua loquitur Aristot. 7. Physicor. text. 30. negans comparisonem inter res diuersi generis. Alia tamen est comparatio secundum quid, quæ sequitur similitudinem proportionalem. Et ad hanc non esse necesse, ut aliquid vnū participetur à pluribus; sed quod habeant aliquam proportionem, vel proportionalitatem.

12 Ad primum tertiæ sententiæ respondetur distinguendo antecedens. Si enim sensus sit, quod secundum se, magis differunt substantia, & accidens, quam canis marinus, & latrabilis, concedendum est; negandum verò, si sensus sit, magis differre, secundum quod significatur nominibus *entis*, & *canis*. Nam, ut rectè notauit D. Thom. q. 2. de veritate ar. 11. ad 7. potest optime speciebus vnus generis imponi aliquod nomen abique consideratione alicuius conuenientiæ, & huiusmodi est nomen *canis*: rebus verò diuersorum generum potuit imponi nomen ex consideratione alicuius proportionis, aut proportionalitatis, & huiusmodi est nomen *ens*.

Ad secundum negatur consequentia. Nam ad puram æquiuocationem ultra requiritur, ut nomen significet immediatè plura

absq; cōsideratione alicuius conuenientiæ, quod non cōtingit in ente:

QVÆSTIO II.

Vtrum ens sit vniuocum respectu suorum inferiorum?

13 **E**NS non esse vniuocum respectu entis realis, & rationis: receptissimum est inter Doctores; quamuis id negent Bonetus quidam, & pauci alij Scotistæ, ut refert Mas. hic sect. 1. quæstion. 2. Irrationabiliter tamè: nam præterquam quod ens nō est vniuocum respectu quorumcūque inferiorum, ut iam ostendimus; multo minùs id potest habere respectu entis realis, & rationis; siquidem hoc est similitudo quadam imperfectissima, & umbra entis realis, à quo in suo esse, & cognosci omnino pendet. Quare solùm est difficultas de ente respectu Dei, & creaturararū; & respectu substantiæ, & accidentis.

Scotus in primo dist. 3. quæst. 1. & 3. & lib. 4. Metaph. q. 1. quem sequuntur discipuli eius, & Nominales, ut refert Mas. loco citato, docet, ens esse vniuocū, tam respectu Dei, & creaturararum, quam respectu substantiæ, & accidentis. Cuius rationes, quia supponunt ens habere vnum conceptū simpliciter præcise à suis inferioribus, quæ nos infirmè excludunt, nihil vrgēt in nostra sententiæ: & ideo alijs nunc probanda est dicta opinio. Prius tamè aduertendum duximus id, quod notarunt Ferr. 1. contra gentes, c. 32. & Iabel. 4. Metaphysicæ, quæst. 1. fortè Scotum in re non discordare

ret à vera sententia: nam quid ipse per vniuocationem intellexerit, explicat dicens: *Ne fiat contentio de nomine vniuocationis, conceptum vniuocum dico, qui ita est vnus, quodd eius vnitas sufficiat ad contradictionem, & potest esse medium syllogisticum.* Quod quidem nos libenter concedimus; sed non benè Scotus vnitatem istam appellat vniuocationem, cum ad hæc sufficiat analogia, vt sæpè diximus, & patet ex Aristotel. 4. Metaph. cap. 2. Non latet nos alios aliter interpretari Scotum, de quo videri potest Arauxo 4. Metaph. qu. 3. ar. 2. Sed quidquid sit de hoc,

14 Probatur primò hæc sententia: quia mensura, & mensuratum debent esse eiusdem rationis: sed perfectio diuina est mensura omnium creaturarum: ergo sunt eiusdem rationis, & ex cōsequenti cōueniunt vniuocè. Probatur maior: quia mensura debet esse *homogenea*, seu *cognata* mensurato, vt loquitur Arist. 10. Metaph. textu 4. Propterea enim quadratura circuli non est scita, quia linea recta, & circularis non habet aliquam mensuram vtriq; homogeneam.

Secundò: quia nihil cognoscitur, nisi per speciem eiusdem rationis: sed creaturas cognoscit Deus per suam essentiam: ergo essentia Dei, & creaturæ sunt eiusdem rationis.

Tertiò: quia ens potest esse medium demonstrationis: ergo est vniuocum: Probatur consequentia: quia vnitas analogiæ, præcipuè in sententia negante conceptum cō-

munem analogatis, non sufficit, vt distribuatur aliqua vna ratio, quæ vniatur cū extremitatibus in præmissis; siquidem non datur talis vna ratio, aut conceptus communis analogatis.

15 Prima conclusio. Ens non est vniuocum respectu Dei, & creaturarum. Et idem est de quocumq; alio nomine significante aliquid illis commune. Ita D. Th. 1. p. q. 13. art. 5. de potentia, q. 7. art. 7. de veritate q. 2. art. 11. primo contra gentes c. 32. & alibi sæpè, quæ sequuntur concorditer Discipuli eius, & cōmuniter DD. Colligiturq; ex illo Exod. 3. *Ego sum, qui sum*: & Isaia 40. *Omnes gentes quasi non sint, sicut sunt coram eo*: quibus verbis, vt Dionysius ait, significatur Deum non quodammodo esse, sed absolute, & sine vllō termino, vniuerso illo, quod est esse; in se comprehenso, & occupato; creaturæ verò esse vestigia quedā, & vmbra ipsius Dei, ab illo suum esse mendicantes.

Probatur primò ratione D. Thom. Quia quando aliquis effectus non adæquat virtutem causæ, nomen illis commune non potest esse vniuocum: sed creaturæ sunt effectus Dei non adæquantes virtutem eius in aliqua ratione: ergo nomen illis commune non potest esse vniuocum. Probatur maior: quia quando effectus non adæquant virtutem causæ agentis, non recipiunt similitudinem eius secundum eandem rationem, sed deficienter sicut vt, quod diuissim, & multipliciter est in effectibus, sic in causa simpliciter, & vniiformiter: ergo

ergo nomen non potest esse commune cause, & effectibus secundum eandem rationem; & per consequens neque vniuocè.

16 Dices plures esse effectus non adæquantes virtutem cause; quia tamen vniuocè conueniunt cum illa in aliquo gradu, ut patet in causis æquiuocis. Verè enim sol conuenit vniuocè cum auro in gradu corporis, & substantiæ; & tamen aurum est effectus solis non adæquans virtutem eius. Ergo ratio adducta D. Tho. non est efficax.

Respondetur, illam esse efficacissimam, si formaliter intelligatur. Est autem sensus formalis eius, quod effectus in illa ratione, in qua est effectus non adæquans virtutem cause, non potest vniuocè cum illa conuenire, licet aliàs in alia ratione, secundum quam non habet rationem effectus, possit vniuocè conuenire. Et hoc contingit in sole, & auro: nam aurum secundum gradus corporis, & substantiæ non est effectus cæli, nisi per accidens: & ideo in illis possunt vniuocè conuenire. Si verò imponeretur nomen ad significandam illam rationem, secundum quam aurum est effectus solis non adæquans virtutem eius; proculdubio esset analogum, & non vniuocum. Cum ergo creaturæ sint effectus Dei non adæquantes virtutem eius, non solum secundum gradus particulares, sed neque etiam secundum vniuersalissimam rationem entis, ut probat Sanctus Doctor 1. part. q. 43. art. 3. planè sequitur, nullum nomen posse de Deo, & creaturis

vniuocè prædicari. Videatur Suarez disputat. 28. Metaphys. sect. 3. num. 7.

17 Secundò probatur conclusio ab eodem D. Thom. q. 13. citata, & q. 2. de veritate. Quia ratio entis taliter est in Deo, ut includat essentialiter omnem gradum essendi, imò sit ipsum esse simplicissimum absque admixtione alicuius potentie, aut distinctione inter essentiam, & esse. In creaturis verò inuenitur alio modo longè diuerso, cum ibi esse recipiatur, & limitetur per essentiam finitam; & consequenter sit compositio ex potentia, & actu. Ergo ens non prædicatur de Deo, & creaturis secundum eandem rationem; & per consequens neque vniuocè.

Has duas rationes graues, & acutas appellat Suarez loco citato numer. 9. Eas tamen impugnatur: quia vel nimium (inquit) probant, vel efficaces non sunt. Probant enim, non solum ens non esse vniuocum, sed etiam non habere conceptum abstractum, & præcisum, quem ipse ponit: & ideo infert non esse efficaces. ¶ Nos autem inde inferimus esse efficacissimas: quia simul destruunt plures opiniones eius sententiam de conceptu communi entis, ostendemus infra questione 5.

18 Tertiò probatur ab eodem D. Thom. 1. contra gentes, cap. 32. sic: *Omne, quod de pluribus vniuocè prædicatur, vel est genus, vel species, vel differentia, vel accidens, vel proprium. De Deo autem nihil præ-*
dica-

dicatur ut genus, ut supra, scilicet, cap. 26. ostensum est; & similiter, neque ut differentia, neque ut species, quia ex genere, & differentia constituitur. Neque aliquid ei accidere potest, ut supra, scilicet cap. 24. demonstratum est: & ita nihil de Deo predicatur, neque ut accidens, neque ut proprium, nam proprium de genere accidentium est. Relinquitur ergo nihil de Deo, & rebus alijs vni uocè predicari.

Maiorem huius argumenti negant Scotus in 1. dist. 3. q. 3. & dist. 3. quæst. 2. Suar. disp. 32. Metaph. sect. 2. num. 10. & alij Moderni, asserentes, quod quamuis ens verè esset vniuocum; non tamen esset genus, quia includitur in vltimis differentijs, quod repugnat rationi generis: neque esset aliud ex quia que prædicabilibus, ut de se patet. ¶ Et idè sic breuiter probatur: quia omne nomen vniuocum significat rationem simpliciter vnā in inferioribus, ut patet ex definitione vniuocorum; ergo talis ratio actu non includit inferiora; aliās simul esset simpliciter vna, & simpliciter plures, quod omnino repugnat; ergo simpliciter abstrahit ab vniuscuiusque ratione, & solum in potentia continet illa. Sed omnis potentia respicit suum proprium actum: ergo ratio sic abstracta respicit sua inferiora: ergo est natura vna relata ad plura inferiora, seu vna in multis: ergo vniuersalis; ergo vel genus, vel species, vel differentia, &c. aliās diuisione vniuersalis in quinque prædicabilia non esset adæquata, quod supra

disp. 4. nu. 47. ostendimus esse falsum. Videatur Ferrar. loco citato, qui optimè expendit rationem adductam D. Thom.

19. Ex quo intelliges, quā friuola sit ratio contrariorū, qui concedentes ens esse conceptum quēdam abstractum, & vniuocum, contrahibilemquē per varios modos constitutiuos Dei, & creaturarum; substantiæ, & accidentis; negant tamen esse genus, quia deficit illi proprietas generis, scilicet, non includi in differentijs. Sicut qui concederet equum esse animal rationale, ineptè negaret esse hominem, quia deficit illi risibilitas. Repugnat enim, quod alicui conueniat essentia; & quod non conueniat propria passio: vel è contra, quod de aliquo negetur propria passio, & quod non negetur essentia. Sed essentia generis est esse naturam essentialiter perfectibilem, habentem rationem potentia respectu illorum, per quē cōtrahitur; & ex hoc oritur tanquam passio, quod non includatur in differentijs: quia potentia est extra actum, & actus extra potentiam: ergo cū aduersarij concedant ens importare rationem quandam præcisam, essentialiter cōtrahibilem per varios modos, habentemquē rationē potentia respectu eorum, concedere etiam tenentur non includi in illis: vel si hoc inficiantur, oportet etiam, ut negent esse rationem abstractam, & contrahibilem. Videatur Ferrar. loco citato.

20. Secunda conclusio. Ens nō est vniuocum respectu substantiæ;

& ac-

& accidentis. Ita docet Aristot. vbi-
cumque de hac materia tractat, 4.
Metaph. cap. 2. lib. 7. capit. 1. & 4.
lib. 11. cap. 2. & 11. Ethicor. cap. 6.
Vbi etiam D. Thom. & cap. 2. de
ente, & essentia. Quem sequantur
concorditer Thomistæ, Capreol.
Caieran. Ferrar. Deza, Niger, Ia-
bel. Sôcin. Soro, & alij plures, quos
refert, & sequitur Mas. hîc sect. 1. q.
2. & communiter Doctores.

Hanc cõclusionem probat etiã
tertia ratio pro prima conclusio-
ne facta. Si enim ens respectu sub-
stantiæ, & accidentis esset vniuocum;
cũ non esset species, differẽ-
tia, proprium, aut accidens, esset
necessariò genus. Quod tamen est
falsum; cũ ens sit de essentia diffe-
rentiarum, quod repugnat generi,
vt vidimus disp. 7. nu. 41. ergo ens
nõ est vniuocum respectu substan-
tiæ, & accidentis.

Secundò probatur: quia omne
accidens definitur per substantiam,
vt docet Aristot. 7. Metaph. c. 1. &
nos explicuimus supra disputat. 5.
num. 21. ergo ens non potest esse
vniuocum vtrique. Probatur con-
sequentia: quia vniuocata æquali-
ter participant rationem vniuocam,
& per consequens absque depẽ-
dentia vnus ab alio. Hoc autem
non potest inueniri in ente; si acci-
dens definitur per substantiam, vt
de se constat: ergo, &c.

21 Hanc etiam rationem labe-
factare conatur Suarez vbi suprà
numer. 7. quia destruit conceptum
communem entis. Et ita respon-
det, quòd licet accidens, quatenus
est accidens, definiatur per substantiam;

tiam; non tamen qua ratione est
ens. Quia accidens, præcisè quate-
nus accidens, dicit habitudinem
ad substantiam; non verò quatenus
est ens: sed potiùs substantia, & ac-
cidens in quantum entia habent
vnã, & eandem definitionem. Et
ita prout sic vnum non definitur
per aliud.

Cæterum hæc solutio, & do-
ctrina omninò falsa est: & planè
destruit analogiam attributionis,
in qua secunda analogata, non solũ
secundum suas proprias rationes,
sed etiam secundum rationem ana-
logam, dependet à primo, & de-
finiuntur per illud, vt suprà vidi-
mus. Repugnat etiam Aristoteli 7.
Metaph. cap. 1. vbi docet, acciden-
tia idè dici entia: quia sunt entis,
hæc quidem quantitates; illa verò
qualitates, &c. Et inde infert, acci-
dentia in concreto esse magis en-
tia, quàm in abstracto: quia signifi-
cata in concreto connotant sub-
stantiam, à qua accipiunt rationem
entis. Vbi Commentator comm. 3.
ad hîc, quòd *sedens. & stans non di-
cuntur entia sine substantia*. Repug-
nat etiam D. Thomæ, qui 1. Pe-
rihermenias lect. 8. & alibi sæpè
expressè affirmat, inter accidens, &
substantiam esse prioritatem; & de-
pendentiam, non solũ secundum
propriam rationes, sed etiam in ip-
sa ratione communi entis: ergo
non solũ ratio præcisè acciden-
tis, sed ipsa etiam ratio entis, quæ
est in accidentibus, participatur
dependentèr à substantia. Et ex
consequenti accidentia, nõ solũ
in quantum accidentia, sed etiam
in

in quantum entia, definiuntur per substantiam.

Tandem dicta solutio repugnat ipsi Suarez, qui ponens in ente respectu substantiæ, & accidentis conceptum communem, asserit ibidem nu. 15. illum non esse vniuocū, sed analogum ex eo, quod ipse conceptus præcisus entis ex se postulat descendere inæqualiter ad substantiam, & accidens, & cum subordinatione secundum prius, & posterius; ita quod ipsa ratio entis descendat ad accidens media substantia.

Ergo non præcisè rationem accidentis, sed ipsam etiam rationem entis participat accidens cum subordinatione, & dependentia à substantia: & per consequens, non solū secundum quod accidens, sed etiā in quantum ens, definitur per substantiam. Videantur Caiet. c. 2. de ente, & essentia, quæst. 3. & Ferr. 1. contra gentes, c. 32. ¶ Plures alias rationes, quibus Thomistæ probant hanc conclusionem, impugnât Suar. loco citato. Quas tamen expendemus infra, cum de conceptu entis disputemus.

22 Ad argumenta respondetur. Ad primum respondet D. Thom. q. 7. de potentia, art. 7. ad 1. & 1. p. q. 13. art. 5. ad 3. rationem illam, & dictam Arist. procedere de mensura, cui mensuratum potest coequalari, vel comensurari. Talis autem non est Deus: cum in infinitum excedat creaturas. Itaque iuxta hanc doctrinam duplex est mensura: alia comensurabilis, seu proportionata; alia incommensurabilis, & excedens. Prima debet esse eiuf-

dem rationis, seu homogenea, non verò secunda: Deus autem non dicitur mensura creaturarum primo, sed secundo modo.

Dices distinctionem hanc videri voluntariam: quia de ratione mensuræ est, quod sit commensurabilis, & proportionata mensurato, ut ipsum nomē indicat. Quomodo enim potest aliquid per aliquam regulam mensurari, nisi illi comensuretur, & coæquetur? Ergo voluntariè ponitur mensura, quæ sit incommensurabilis mensurato.

Respondetur, nomen mensuræ primò impositum esse ad significandum id, per quod certificamur de quantitate alicuius rei. Et idè ratio mensuræ propriè inuenitur in quantitatibus: inter quas, quia semper est mutua proportio; idè quantitas mensurans, & mensurata semper commensurantur, & coequalantur inter se. Et in hoc rigore, & proprietate nihil habet rationem mensuræ extra prædicamentum quantitatis. Inde tamen nomen mensuræ translatum est ad res omnes, quibus quomodolibet certificamur de alijs, licet in se ipsis improporionatae sint. Et hoc modo Deus dicitur mensura creaturarum: quia cum sit fons, & origo totius perfectionis, ex maiori, vel minori participatione ipsius certificamur de perfectione, vel imperfectione creaturarum.

23 Ad secundum respondetur distinguendo antecedens. Si enim sensus sit, nihil cognosci, nisi per speciem eiusdem rationis in representando; cōcedendum est: negandum

dum verò, si contendat debere esse eiusdem rationis in essendo. Imò, vt bene aduertit D. Thom. loco citato de potentia ad quintum, quârò species intelligibilis eminētius, & nobilius esse habet; tantò ex ea relinquitur perfectior cognitio, vt cernimus in speciebus inditis Angelorum. Et idè cognitio Dei est excellentissima, quia essentia sua, per quâ cognoscit, est supereminēs species, seu idræ rerum creatarum.

Ad tertiū concessō antecedenti, neganda est consequētia. Ad cuius probationem respondetur, quòd licèt ens non habeat conceptum communem simpliciter vnū, & præcisum ab inferioriibus; adhuc potest esse medium demonstrationis: quia ad hoc sufficit identitas proportionalis, quam habent in ente inferiora eius. Ratio est: quia vt aliquid sit medium demonstrationis, sufficit posse integrè coniungi cum extremitatibus, & distribui vnica distributione pro omnibus inferioribus, ad quod satis est proportionalis cōuenientia eorum. Nām eo ipso, quòd aliquid sequitur ad rationē vnus, vt proportionabiliter se habet ad aliud, idem etiam sequitur proportionabiliter ad rationem alterius. V.g. si ex immaterialitate animæ rationalis sequitur esse spiritualement, proportionabiliter in Deo ex immaterialitate ipsius sequetur eius spiritualitas, absque eo quòd detur aliqua ratio immaterialitatis simpliciter vna in illis. De quo redibit sermo infra quæst. 5. Videatur tamen Caiet. de nominum analogia cap. 10.

Ex dictis inferitur, ens respectu quorumcunque consideretur, non posse esse vniuocum, quia includitur in differentiis illorum, & consequenter neque habere conceptum communem, vt infra constabit.

QVAESTIO III.

Qua analogia ens sit analogum respectu suorum inferiorum.

SVpposito, quòd ens, neque est purè æquiuocum, neque vniuocū, necessariò sequitur à sufficienti enumeratione, illud esse analogum. Et idè solum restat difficultas: quo genere analogiæ dicatur analogum? an scilicet sola attributione, vel sola proportionalitate, vel vtraque simul?

24 Et in primis de ente respectu entis realis, & rationis certum est, esse analogum attributionis. Hoc enim definitur per illud; sicque dependet, vt ab ipso participet totum suum esse: ergo verè illi attribuitur, & per ordinem ad ipsum denominatur ens. Vtrū autem sit etiam analogum proportionalitatis propriæ, dubiū potest esse. In quo illi, qui asserunt, ens rationis consistere in denominatione extrinsecâ, consequenter negant ibi esse propriam proportionalitatem, sed tantum metaphoricam. In sententia verò asserente, ens rationis consistere in quodam esse ficto, quod ad modum formæ intrinsecè denominat res, quam supra disp. 2. num. 10. sequutus sumus, consequenter asserendū est, ens respectu entis realis, & rationis

his verè esse analogum proportionalitatis propriæ. Ratio est manifestæ: quia, cum ratio entis sit vniuersalissima, quidquid non habet illâ intrinsecè, intrinsecè est nihil. Quod iuxta hanc sententiam affirmari non potest de ente rationis, cui intrinsecè est illud esse fictum, in quo consistit: ergo æqualem proportionem habet cum ente reali in hoc, quòd sicut ens reale se habet ad suum esse reale; ita ens rationis ad suum esse fictum: & ex consequenti ens respectu illorū erit analogum proportionalitatis propriæ. Quare solum restat difficultas de alijs duabus diuisionibus.

25 Prima sententia absolute negat ens esse analogum proportionalitatis propriæ, tã respectu Dei, & creaturarū, quàm respectu substantiæ, & accidentis, solam analogiam attributionis utrobique constitutis. Ita Suarez. disp. 28. Metaph. sect. 3. num. 11. & disp. 32. sect. 2. num. 12. ¶ Et probat primò; quia nomē analogum proportionalitatis non significat analogata vnica impositione, sed pluribus: at hoc nō habet ens, neque respectu Dei, & creaturarū; neque respectu substantiæ, & accidentis: ergo non est analogum proportionalitatis respectu illorum.

Secundò, quia omnis vera analogia proportionalitatis includit aliquid metaphoræ, & improprietatis, sicut ridere dicitur de prato per translationem metaphoricam, sed ens respectu Dei, & creaturarū, & substantiæ, & accidentis nihil metaphoræ, seu improprietatis

includit; ergo, &c. Probatur maior, quia aliàs vera analogia proportionalitatis posset esse inter vniuersata; siquidem inter illa reperitur vera proportionalitas absque metaphora, ut patet in numeris.

26 Secunda sententia affirmat, ens respectu Dei, & creaturarum solum esse analogum proportionalitatis propriæ; respectu verò substantiæ, & accidentis habere utramque analogiam. Ita Caiet. cap. 2. de ente, & essentia q. 3. cōcl. 2. & videtur expressa sententia D. Thom. q. 2. de veritate art. 11. ¶ Probaturque ratione, quam ibi insinuat Sanctus Doctor. Quia proportio, & nō proportionalitas importat determinatum excessum inter res, inter quas inueniuntur. Cuius signum manifestum est; quòd non est æqualis proportio inter vnum, & duo: & inter vnum, & tria; & inter vnum, & quatuor; sed quantò magis numerus elongatur ab vnitare, tantò minus proportionatur illi, & per consequens si in infinitum elongaretur, deficeret omnino proportio, quod non contingit in proportionalitate, ut supra numero 10. explicuimus. Cum ergo inter Deū, & creaturas nō sit determinatus excessus, sed infinitus, planè videtur sequi, nullam posse esse ibi proportionē, sed tantum proportionalitatem, ac proinde inter Deum, & creaturas non erit analogia attributionis; sed tãum proportionalitatis propriæ.

27 Prima conclusio. Ens respectu Dei, & creaturarum, non solum est analogum proportionalitatis,

sed etiam attributionis. Hæc est communis inter Thomistas, vt testatur Araux. 4. Metaph. q. 3. ar. 3. Pro qua videri possunt Zanard. ibidem q. 1. Nazar. 1. p. q. 13. art. 5. concl. 9. Mas. hic sect. 1. q. 4. conclusione 2. & alij.

Prima pars conclusionis satis ex se patet. Tùm, quia inter Deum, & creaturas verè est similitudo proportionalis: quæ non minuitur per quamcunque distantiam, vt ex D. Thom. vidimus loco citato. Tùm etiam quia ratio entis formaliter, & intrinsecè reperitur in creatura, vt per se constat: sed id non conuenit enti, quatenus est analogum attributionis; vt supra disput. 10. num. 30. ostensum est: ergo quatenus est analogum proportionalitatis.

Secunda etiam pars conclusio- nis est proculdubio D. Tho. 1. p. q. 13. art. 5. & q. 7. de potentia, art. 7. vbi negans inter Deum, & creaturas analogiam *multorum ad vnum*, seu *duorum ad aliquod tertium*, expressè concedit analogiam, *vnus ad alterum*, seu *vnus ad vnum*: qui modus analogiæ pertinet ad analogiam attributionis, vt vidimus disput. citata, num. 11. & docent communiter Doctores. ¶ Probatur breuiter ratione: quia Deus dicitur ens per essentiam; creaturæ autem dicuntur entia per participationem; & ab entitate Dei possunt extrinsecè denominari entia, in quantum sunt vestigia Dei, & ordinantur in illum: ergo ens est analogum attributionis respectu illorum.

28 Secunda conclusio. Ens etiam

est analogum attributionis, & pro- portionalitatis respectu substantiæ & accidentis. Vtrique pars conclusionis est communis inter Thomist. De quo ultra prædictos, videri possunt Caiet. vbi supra concl. 1. Ferr. 1. contra gentes, c. 34. Flandria 4. Metaph. q. 2. art. 4. & alij. Primam docent Arist. & D. Thom. 4. Meth. lect. 1. lib. 6. lect. 1. lib. 11. lect. 3. & alibi sæpè. Breuiterque probatur: quia accidens in ratione entis dependet essentialiter à substantia, & per illam definitur, estque effectus eius non adæquans virtutem agentis, & tandem ad ipsam ræquam ad finem ordinatur: ergo ens respectu substantiæ, & accidentis est analogum attributionis.

Confirmatur: quia substantia dicitur ens quasi habens esse; accidètia verò denominantur entia, quia sunt eius, vel dispositiones, vel mēsuræ, vel passionēs, &c. Ergo ens significat rationem, quæ est eadem secundum terminum, diuersa verò secundum diuersas habitudines ad illum, quæ est definitio analogiæ attributionis.

Secundam etiam partem conclusionis docet cum Arist. D. Thomas 12. Metaph. lect. 4. primo dist. 19. q. 5. art. 2. ad 1. & 3. distinct. 1. q. 1. art. 2. Breuiterque probatur: quia ratio entis non inuenitur extrinsecè in accidenti secundum omnem considerationem; aliàs accidens à parte rei esset nihil, neque posset ens esse medium demonstrationis; ergo secundum aliquam considerationem accidens habet veram, & intrinsecam entitatem, secundum

dum quam possit attendi in illo vera, & propria proportionalitas respectu substantiæ. Cumque talem entitatem non importet ens ratione analogiæ attributionis, ut supra ostensum est; planum fit id habere ratione analogiæ proportionalitatis propriæ.

29 Ad argumenta respondetur. Ad primū primæ sententiæ dicimus antecedens esse verum de analogo proportionalitatis metaphoricæ, non verò de analogo proportionalitatis propriæ. Neque hoc indiget maiori explicatione.

Ad secundū negatur antecedens. Cuius probatio peccat non distinguens inter rationes cōmunes, secundū quas attenditur vniocatio, & rationes proprias, secundū quas attenditur proportionalitas, ut magis explicuimus supra disp. 10. nu. 25. & 37.

Ad locū D. Thomæ, & rationem inde desumptā pro secunda sententiā respondetur ex doctrina eiusdē Angel. Doct. supra nu. 22, adducta, quod, sicut ratio mensuræ, ita etiam proportio potest sumi dupliciter. Primò propriè, & in rigore, ut est passio quantitatis, & hoc modo requirit determinatū excessum: quia est certa habitudo duarū quantitatum, ut definiunt Mathematici. Et à proportionē in hoc sensu negat D. Tho. posse desumi analogiā attributionis inter Deū, & creaturas, ut patet ex ratione, quā ibi adducit. Secundò modo potest latius sumi proportio, ut extenditur ad quascūque res, inter quas inuenitur dependētia in aliquo genere causæ, vel quia

vna definitur per aliam; vel quia ab illa recipit esse; vel quia ad eam, ut ad finem ordinatur, aut alio simili modo. Et hoc modo verè est inter Deū, & creaturas analogia proportionis ab vno, vel ad vnum; siquidē omnes creaturæ ab vno Deo procedunt, & ad vnum Deū ordinantur. Sicque concedit hanc analogiam D. Tho. locis citatis in prima conclusione.

30 Sed obijcies: quia nomē proportionis, quando à quantitatu; transfertur ad res alias, non omnino remouetur à sua significatione, sed alienatur: ergo determinatus excessus, secundū quem attenditur proportio propriè dicta inter quantitates, debet aliquomodò manere, quando proportio transfertur ad res alias, & per consequens doctrina tradita non est sufficiens.

Respondetur concedendo antecedens, & negando cōsequentiam. Ratio est: quia id, ratione cuius formaliter, & per se primò loquēdo, nomē proportionis, trāsferitur à quantitatu; ad alias res, non est determinatus excessus, sed ratio mensuræ. Quia tamen vna quantitas non est mensura alterius; nisi habeant inter se determinatam excessum; & similiter vna res finita respectu alterius, ideo ibi rationem mensuræ semper comitatur determinatus excessus. Si verò contingat aliquā rem habere rationem mensuræ respectu aliarū, quas infinītē excedat, tūc non deficiet omnino proportio, etiā si omnino deficiat determinatus excessus: quia non deficiet ratio mensuræ, supra quam proportio

fundatur. Et hoc modo inter Deū, & creaturas, etiam si non sit determinatus excessus, est tamen proportio sufficiens ad analogiam attributionis.

31 ¶ In fine huius quæstionis, vt analogia aliorum nominum, quæ de Deo, & creaturis dicuntur, comprehendatur, obseruandū est, quatuor esse genera nominum. Alia enim significant perfectionem infinitam, & illimitatam, vt *omnipotens, æternus, &c.* Et hæc sunt Dei propria, neque creaturis attribuuntur. Alia significant imperfectionem, & defectū, vt *finitum, temporale, &c.* & hæc sunt propria creaturarum, neque Deo possunt attribui. Alia significant quidem perfectionem, sed finitam, & limitatā, vt *leo, puma, &c.* & hæc propriè de creaturis prædicantur, de Deo autē impropriè, & per metaphoram. Alia tandem significant in suo cōceptu perfectionem absolutē, non determinando quòd sit finita, vel infinita, vt *ens, sapiens, iustus*: & hæc propriè de Deo, & creaturis prædicantur. Adhuc tamen in eis potest considerari, vel res significata; vel modus significandi. Si rem significatam attēdamus: per prius dicuntur de Deo, quā de creaturis: e contra verò, si modus significandi præcipuè atrendatur: quia hunc semper comitatur in nominibus alia qua imperfectio. Videatur D. Tho. 1. par. quæst. 13. artic. 6.

32 ¶ Tandem inquirens: in quo genere causæ fiat analogia attributionis, quæ est inter Deum, & creaturas, substantiam, & accidens?

Ad quod breuiter respondetur: creaturas dependere à Deo in genere causæ finalis, efficientis, & exemplaris, vt notat benè Caiet. 1. p. quæst. 13. art. 6. & idè in hoc triplici genere causæ fieri analogiam, quæ est inter Deum, & creaturas. Accidens etiam dependet à substantia in genere causæ finalis, efficientis, & materialis, vt probat D. Thom. 1. par. quæst. 77. artic. 7. & idè iuxta hoc triplex genus causæ causatur inter illa analogia attributionis: quamuis ad eam frequentius attendatur dependentia in genere causæ materialis, vt ex Commentatore notauit Caietan. loco citato: quia nomen ens videtur magis significare istam dependentiam.

QVAESTIO III.

Vtrum ens sit transcendens respectu suorum inferiorum?

33 ¶ Transcendens appellatur id, quod ita est de essentia rerū, vt nihil in eis inueniatur, de quo formaliter non prædicetur, in eiusque ratione non imbibatur; ad distinctionem vniuoci, quòd licet sit de essentia suorum inferiorum; in eis tamen est aliquid, nèpe differentia, de qua formaliter nō prædicatur, vt patet in animali, quod quāuis sit de essentia hominis; nō tamē est de essentia rationalis, vt diximus supra disp. 7. n. 41. At verò prædictū transcendēs, ita est de essentia inferiorū, vt etiā imbibatur essentialiter in vltimis eorū differentiis, seu modis cōstitutiuis. Quo modo sex trans-

transcendētia communiter numeratur à Doctoribus, præcipuè à D. Tho. q. 1. de veritate, art. 1. opusc. 42. cap. 2. & alibi sæpè, scilicet, *ens, res, vñ, aliquid, verū, & bonū*. Ex quibus *ens* habet rationē essentia: quia est id, quod primò apprehēditur de quacumq; re: alia verò rationem passionis, quia supponunt, & cōsequuntur *ens*. Quia ergo aliqui negāt transcendentiā entis, & passionū eius: idēd breuiter examināda est. Quidquid autē de ente dictū fuerit, proportionabiliter applicari potest suis passionibus. Propterea enim in titulo solū inquirimus de ente: an sit transcendens?

34 Partem negatiuam defendit Scotus in primo dist. 3. q. 3. cōtendens, ens formaliter non includi in vltimis differentiis rerum, neque in modis constitutiuis prædicamentorum; ac proinde solū prædicari de illis i. lenticè, eo modo, quo genas prædicatur de differentiis.

Probatur primò hæc sententia: quia si vltimæ differentiæ hominis, & equi, aut modi constitutiuū quantitatis, & qualitatis includerent in se rationem entis; necessariò conuenirent in ente: ergo vt inter se differrent, indigerent differentiis: nam quæ cōueniunt, differētis differunt ex Arist. 5. Metaph. cap. 9. Quòd si illæ differentiæ includant etiam ens, conuenient similiter in ente, & indigebunt alijs differētis, per quas differant: ergo vel dandus est processus in infinitum, vel dicendum, differentias non conuenire in ente, & per consequens non includere illud.

Secundò: quia sicut compositum reale constat ex actū, & potentia reali; ita compositum, quod format intellectus ex diuersis gradibus, cōponitur ex gradu potenciali, seu determinabili, & ex gradu actuali, seu determinante; ergo sicut resolutio compositi realis non sistit, vsque dum perueniatur ad simpliciter simplicia, scilicet, ad potētiam, quæ nihil includat actus, & ad actū, qui nihil includat potentia, ita in resolutione compositi rationis deueniendum est ad gradus simpliciter simplices, scilicet omnino potentialem, & omnino actialem, quorum vnus nihil includat alterius. Tales autem sunt conceptus entis, & vltimæ differentiæ: ergo neque ens includit differentias, neque differentia includit ens. Alias rationes pro hac sententia adducit Soncin. 4. Metaph. quæst. 19.

35 Pro solutione difficultatis, & intelligentia eorū, quæ postea dicenda sunt, explicare oportet, quid significet *ens*: propriè enim diffiniri non potest; cū sit res vniuersalissima, supra quā nihil est assignabile, per quod definiatur. Illud tamē vtcumque explicat D. Tho. opusc. 42. cap. 1. dicēs, *Ens est cuius actus est esse*. Vel, vt ait quodlibet. 2. q. 2. artic. 3. *Ens est id, cui competit esse*. Quæ quā descriptio licet extendi possit ad omnia; propriè tamen loquendo, solū conuenit enti reali creato. Non enim ens rationis dicitur ens, quasi habeat esse, seu existentiam; sed quia de illo format intellectus propositiones, vt eisdem locis

notat ex Arist. D. Thom. Neque similiter Deus dicitur ens; quasi habeat esse, si in rigore loquamur: hac enim phrasi denotatur distinctio inter rem, quæ habet esse, & ipsum esse habitum. Quod tamen nullo modo reperitur in Deo, in quo nulla est compositio ex actu, & potentia, neque esse eius est receptum in aliqua essentia. Et ideo, ut ex Dionysio, & Damasceno notat D. Thom. opuscul. citato, & explicat Iacobi Picus Mirandulanus de ente, & vno, cap. 3. & 4. verius dicitur Deum esse super omne ens, quia esse ens: quia scilicet non habet esse, sed essentialiter est ipsum esse simplicissimum, purissimum, & per se subsistens. Propter quod etiam, ut ex eodem Dionysio, probat Angel. Doctor. 1. dist. 8. q. 2. art. 3. & 1. p. q. 13. art. 1. *qui est*, seu *esse* est propriissimum inter omnia diuina nomina, iuxta illud Exodi 3. *Ego sum, qui sum, & qui est, misit me ad vos.* Vbi Septuaginta translulerunt, *ἐγώ εἰμι ὁ ὢν* ego imi bo on, idest, ego sum ipsum ens, seu ipsum esse. Quod idem significat nomen illud inefabile tetragrammaton יהוה *Iehoua*, quod Iudæi pronuntiare non audebant, eo quod ab ipsis haberetur sacratissimum, ut potest nomen Dei primarium, & essentialiale, radixque aliorum omnium nominum. Deducitur enim à radice יהי *baia*, quæ idem valet, ac *est*. De quo videri potest inter alios Cornelius Cornelij, Exod. 6. vers. 30.

Sicut ergo; si daretur albedo in se subsistens & separata non diceretur habere albedinem; sed esset ip-

sa albedo per essentiam, & in genere albedinis infinita; à qua consequenter esse album deriuaretur ad omnia alba, ita Deus, qui est ipsum esse subsistens, non dicitur propriè habere esse; sed est ipsum esse per essentiam, & in genere entis infinitum; à quo consequenter deriuatur esse ad omnes creaturas: quæ propterea dicuntur entia per participationem, verèque recipiunt esse ab ipso ente per essentiam. Vnde in eis ipsum esse non est actus purus, & impermixtus, sed verè limitatus, & receptus in essentia, quæ est eius potètia; & ideo realiter distinguuntur, ut aliquandò ostendemus.

36 Iuxta quam doctrinam, vniuersalissima compositio, quæ in creaturis inueniuntur, fit ex vniuersalissimo actu, qui est *existètia*, seu *esse*, & ex vniuersalissima potentia, quæ est *essentia*, seu *ens*. Distinguuntur autem à D. Thom. opusculo citato *ens*, & *essentia*, sicut *quod*, & *quo*, quemadmodum *viuens*, & *vita*, sicut enim *vita* est id, quo *viuens* viuunt, ita *essentia* est id, quo *ens* est. Ex quo iam plana remanet descriptio suprâ ex D. Thom. adducta. *Ens* enim propriè significat id, quod est, seu id, cuius actus est esse, seu id, cui competit esse, non verò ipsum esse. Et hoc modo est prædicatum essentialiale omnium rerum, quia potentia, seu aptitudo ad esse est intrinseca, & essentialis cuiuslibet creaturæ. Si verò nomen entis sumatur, non pro potentia ad esse, sed pro ipso esse, seu existere; sic de solo Deo prædicatur essentialiter, ut optimè explicat D. Thomas

mas quodlibeto 2. quest. 2. art. 3. Vbi iuxta hunc sensum docet ex mente Commentatoris, hanc propositionem, *Sortes est*, esse accidentalem; quia cum esse in creaturis sit ab alio participatum, & receptum; necessariò debet esse extra essentiam, quæ eo sensu, quo est æterna, est etiam indepēdens, & à nullo recepta.

37 Ex quibus iam duæ formantur entis acceptiones. Primò enim sumitur, vt significat potentiam illam, cuius actus est esse. Sicque solet appellari ens *nominaliter*: quia in tali significatione quasi nō exercetur ipsum esse, sed solū connotatur. Secundò sumitur ens, vt includit ipsum esse, & valet idem quod *existens*. Sicque solet appellari ens *participialiter*; quia tunc exercetur ipsum esse, & non solū connotatur iuxta distinctionē nominis, & participij quam explicui-
mus lib. 2. institutionum cap. 1. Videatur Ferr. 1. contra gentes cap. 25. qui breuiter explicat, quid sit ens nominaliter, & participialiter, dicens, ens esse nomen concretum, quod potest duas formas significare, scilicet, *essentiam*, & *existentiam*. Quando ergo ens pro formali significat essentiam, dicitur ens nominaliter; quando verò pro formali significat existentiam, dicitur ens participialiter.

38 Dicendum est ergo primò. Eus nominaliter sumptum verè esse transcendens respectu suorum inferiorum. I a D. Thomas 1. par. quest. 13. artic. 5. & 1. contra gentes cap. 25. Ferrar. ibidē, Sonci.

41 Metaph. quest. 19. & communiter Doctores, quorum plures refert, & sequitur Suar. disp. 2. Metaphysic. sect. 5.

Probatur primò conclusio ex Arist. 3. Metaph. tex. 12. vbi ens nō esse genus probat hac ratione. Nul-
lū genus prædicatur de differentijs: ens prædicatur de differentijs: ergo ens nō est genus. Querit ergo optinē ab Scoto Soncinas: an maiorē intelligat Aristot. de prædicatione formali, an de identica? Si secundum: ergo maior est falsa, nam genus in sensu identico prædicatur de differentijs, cum non distingua-
tur ab illis. Vt ergo maior sit vera, debet intelligi de prædicatione formali; ergo in eodem sensu procedit minor, ne varietur suppositio: & per consequens ex sententia Arist. ens prædicatur formaliter de differentijs, & transcendit illas.

Secundò, quia ens, & nihil opponuntur contradictoriè, sicut aliquid, & nihil; & consequenter inter illa nullum datur medium: ergo quidquid non est essentialiter ens, est omnino nihil: sed differentia non sunt omnino nihil, vt per se constat: ergo includunt essentialiter ens. ¶ Confirmatur: quia omne obiectum intellectus est essentialiter ens: sed differentia sunt obiectum intellectus, cum possit illas cognoscere: ergo sunt essentialiter ens. Quæ rationes procedunt de ente nominaliter sumpto: sic enim est de essentia differentiarum, vt patet.

39 Dicendū est secundò, ens participialiter sumptum non includi

essentialiter in ultimis differentijs
 faorum inferiorum, & cōsequenter
 non esse transcendens: prædicatur
 tamen de illis accidentaliter, & de-
 nominatiuè. Hæc etiam conclusio
 satis ex dictis cōstat, breuiter tamē
 probatur: quia ens participialiter
 sumptum significat pro formali ip-
 sum esse, seu existentia: sed hæc non
 includitur essentialiter in ultimis
 differentijs: ergo neq; ens partici-
 pialiter sumptum. Probatur minor:
 quia esse, seu existentia nō est de es-
 sentia alicuius creaturæ; siquidem
 cōuenit ei per causam efficientē, &
 est quid receptum in ipsa essentia:
 ergo non includitur essentialiter in
 ultimis differētijs creaturarū. Præ-
 dicatur tamen accidentaliter de il-
 lis: quia sicut hæc est prædicatio
 denominatiua, *homo est*, seu, *homo*
est existens; ita etiam hæc, *rationale*
est, seu, *rationale est existens*. Videat-
 ur D. Tho. quodlib. 2. citato.

49. Ad argumenta Scoti, videant
 quid respondere possint Auctores
 asserentes, ens verè habere vnum
 conceptum communem, & præci-
 sum: contra hos enim proculdubio
 conuincant ens non esse transcen-
 dens, quem conceptum, quia con-
 cessit Scotus, satis consequenter
 asseruit, ens esse vniucum, & non
 transcendere rerum differentias.
 Cæterum in nostra sententia, nul-
 lam vim habet eius argumēta. Vn-
 de ad primum respōdetur, differen-
 tias, propriè loquendo, non conue-
 nire in ente; quasi ens sit aliquid
 vnū, in quo conformētur, quod ne-
 cessarium est ad propriam conue-
 niētiā, de qua loquitur Arist. loco

ibi citato. *Conuenire* enim propriè
 est plura simul in vnum venire; ac
 proinde vbi non est aliquid vnum,
 nō possunt duo cōuenire. Quia er-
 go ens non dicit aliquem vnū gra-
 dum, in illo differentiz, propriè lo-
 quendo, nō cōueniunt; sed sunt pri-
 mò diuersæ, & se totis differunt: &
 ex consequenti non indigent alijs
 differentijs, per quas distinguantur.
 Dicitur autem differētiā, vel præ-
 dicamenta conuenire in ente, non
 propriè, & simpliciter; sed secundū
 quid, & proportionabiliter, vt sæpè
 explicauimus, & constābit ampliùs
 quæst. sequenti.

Ad secundū respon. proportio-
 nē illā, & paritatē, quā cōtinet pri-
 mum enthimema, si rectè intelliga-
 tur, verissimā esse; sed minorē sub-
 sumptam in rigore esse falsam. Nō
 enim ens est gradus verè vnus, in
 quē cōpositum metaphysicū possit
 resolui, tāquā in aliquā vnā potē-
 tiam, sicut compositum physicū re-
 soluitur in potētiā verè vnā, sed
 in vnoquoque prædicamēto, com-
 positū metaphysicū resoluitur, tan-
 quam in primā potētiā, in genus
 supremū illius prædicamēti. Ideo
 enim prædicamenta dicuntur primæ
 genera, quia ibi, propriè loquendo,
 sitit resolutio; cum sint concep-
 tus omnino simplices; & conse-
 quenter irresolubiles in alios sim-
 pliciores. Dicimus tamen frequen-
 ter suprema genera quasi componi
 ex gradu entis, & modo cōstitutio
 vniuscuiusque, & in eos posse resol-
 ui, non quia verè habeant in se plu-
 res gradus, aut conceptus obie-
 ctiuos, ex quibus componantur:
 sed

sed vel quia res simplices apprehendere non possumus absque aliqua compositione: vel quia ens quodammodo, & secundum quid, saltem ex modo significandi, distinguitur, & abstrahit à generibus supremis, vt de analogis explicuimus supra disp. 10. num. 42.

41 ¶ Ex dictis facillè soluitur quæstio, quâ nouiter mouent aliqui Moderni: an scilicet analogia entis causetur per dependentiam, vel per transcendentiã? quam ex Thomistis nullus, quæ viderimus, tractat; quia semel statuta generali doctrina supra tradita de analogia, superuacanea est. Dicimus ergo, analogiam attributionis, quâ habet ens respectu suorum inferiorum, causari per dependentiã, & nõ per transcendentiã. In illa enim, secunda analogata suscipiunt denominationem à primo, & per ordinem ad illud constituuntur: quod, formaliter loquendo, nõ prouenit à transcendentiã entis, sed ex eo quod primò, & per se significat vnum, alia verò nõ nisi per respectu, & habitudinẽ ad istud: in quo consistit eorum dependentia.

De analogia verò proportionalitatis propriæ, quam habet ens, è contra dicendũ est, formaliter loquendo, nõ causari per dependentiam; propter rationem supra disp. 10. num. 28. & 43. adductam. Causatur tamen per transcendentiã. Et ratio est: quia prædicamẽta, aut alia inferiora entis, quæ immediatè significantur per illud, vt est analogum proportionalitatis propriæ, prout sic, sunt primò diuersa, & se totis differunt: propter quod talis

proportio nullas attenditur inter illa secundum se tota, & nõ præcisè ratione differentiarũ, sed transcendentiã est causa, quod inferiora entis sint primò diuersa, & quod inter illa secundum se tota attendatur proportionalitas, vt de se constat; ergo ipsa est causa talis analogiæ proportionalitatis. Posset qui tem, dato quod ens non esset transcendens, sed vniuocum, attendi inter inferiora eius ratione differentiarũ propria proportionalitas, sicut inter numeros, aut alias res vniuocas attendi posse diximus loco citato, num. 26. Sed illa distincta esset ab ea, quam de facto habent inferiora eius, & quam ipsum nomen importat. Et ided hęc necessariò supponit transcendentiã, & fundatur in illa, vt explicatum est.

QVAESTIO V.

Vtrum ens dicat vnum conceptum communem, & præcisum à suis inferioribus?

42 ¶ Rotuli intelligentia recollenda sunt, quæ diximus disp. 3. n. 4. vbi distinximus duplicè conceptum; alium formalem, qui est ipse actus intellectus; & aliũ obiectiuum, qui est gradus ille, seu perfectio, quæ cognoscitur per conceptũ formale. De utroq; ergo procedit difficultas: & ita duo inquiremus. ¶ Primũ est: an enti correspondeat in intellectu vnus conceptus formalis distinctus à conceptibus formalibus inferioribus? Et loquimur de conceptu formali ultimato, quo scilicet cognoscimus res significatas

ficatas per voces: nam de non vltimato (quo scilicet percipimus ipsas voces, certum est esse unum, cum nomine sit vnum.) ¶ Secundum est: an ex parte obiecti ens significet aliquem gradum, seu perfectionem distinctam à gradibus, seu perfectionibus, quas significat inferiora eius; ita ut sicut hoc nomen, *animal*, non significat immediate hominem, & equum, sed gradum sentiendi, ita nomen *entis* non significet immediate substantiam, & accidens, vel Deum, & creaturas; sed gradum illi, seu perfectionem ipsis communem? Loquimur autem de ente, secundum quod est analogum proportionalitatis. Nam formaliter ut est analogum attributionis, satis constat ex dictis supra disp. 10. n. 30. & 42. non posse habere vnum conceptum præcisum; cum prout sic non distinguatur à primo analogato, neque reperiatur intrinsece in omnibus.

43 Igitur circa primam partem questionis Aureol. in primo dist. 2. q. 1. & alij absolute negant, enti correspondere vnum conceptum formalem. Econtra verò Soncin. 4. Metaph. quæst. 2. & alij illi absolute concedunt. Sed opus est distinctione, qua vtuntur Caiet. Ferr. & alij Thomistæ infra citandi.

Pro cuius intelligentia sciendum est, quod conceptus mentalis potest esse duplex, alius perfectus, seu explicitus, aut distinctus; & alius imperfectus, seu implicitus, aut confusus. Conceptum perfectum, seu explicitum in præsentem appellamus actum illum intellectus, qui repræsentat plura secundum aliquam vnam rationem, seu gradum; ita ut im-

mediate, & distinctè repræsentet talem gradum, seu perfectionem, quæ in illis inuenitur. Et conceptus iste, non solum entitatiuè, sed etiam formaliter in ratione imaginis, est simpliciter vnus; cum res repræsentata sit simpliciter vna. Conceptum verò imperfectum, seu confusum appellamus eum, qui immediate repræsentat plura secundum aliquam similitudinem proportionalem; quæ proinde non attenditur in aliqua vna ratione illis communi, sed secundum suas proprias rationes, non absolute consideratas, sed ut proportionabiliter se habentes. Et hic conceptus licet entitatiuè sit verè vnus, vtpote vnus numero actus intellectus, tamen formaliter in ratione imaginis, seu in repræsentando non potest dici absolute, & simpliciter vnus, sed tantum secundum quid; cum res repræsentata non sit simpliciter vna, sed tantum proportionabiliter, seu secundum quid.

44 Prima conclusio. Enti non correspondet in intellectu vnus conceptus formalis perfectus, & distinctus, sed imperfectus, & confusus: qui licet entitatiuè, & realiter sit verè vnus; in repræsentando tamen, seu in ratione imaginis tantum est vnus secundum quid. Sic docet Caiet. de nominum analogia cap. 4. & 5. Qui licet aliquantulum videatur ab hoc dissentire, q. 2. de ente, & essentia; ipse tamè se explicat pro hac conclusione in tractatu de conceptu entis, qui habetur post tractatum de nominum analogia. Quæ sequuntur communiter Thomistæ Ferr.

Ferr. 1. contra gent. c. 34. Zanard.
4. Metaph. q. 2. Araux. ibidem q. 3.
ar. 4. Naz. 1. p. q. 13. art. 5. ad argu-
menta contra quintam conclusio-
nem, & alij antiqui, quos referunt
& sequuntur Mas. hic sect. 1. q. 6. &
Galleg. controu. 20.

Fundamētum est: quia ens signi-
ficat immediatē sua inferiora, vt
sunt proportionabiliter similia, nō
verō aliquē vnum gradum, seu ra-
tionē ab eis præcisam: ergo in intel-
lectu nō correspondet enti aliquis
cōceptus formalis, perfectus, & dis-
tinctus, simpliciterque vnus in re-
præsentādo; sed imperfectus, & cō-
fusus, tantūmq; proportionabili-
ter vnus. Consequentia patet: quia
ex vnitāte rei repræsentatæ pensa-
tur vnitas imaginis. Antecedens
verō probabitur à nobis concl. 2.

§. I.

QV ID DE CONCEPTV
obiectiuo dicendum sit?

45 V Eniamus ergo ad secundam
partem quæstionis; de qua
est potissimā difficultas. In qua
Scotus 1. dist. 3. q. 3. & dist. 8. q. 2.
docet ens immediatē significare
vnum cōceptum obiectiuum com-
munem inferioribus, simpliciter
ab illis distinctum, & præcisum; &
consequenter actu non includentē
inferiora. Sequuntur hanc senten-
tiam Antonius Andreas, Bonetus,
Lychetus, & alij Scoti discipuli,
quos refert Mas. vbi supra. Ex Tho-
mistis verō Iabel. 4. Met. q. 1. & So-
to hic q. 1. cōcl. 2. & lib. 1. Physic. &
q. 2. concl. 5. Ex alijs verō Suar. dis-
put. 2. Metaph. sect. 2. num. 8. Hur-
tad. ibidem sect. 3. & Cabero hic

tract. 4. disputat. 3. dubio 6.

Probatu primò auctoritate D.
Thom. 1. p. q. 5. art. 3. ad primum
asserentis: *Substantia, quantitas, &
qualitas contrahunt ens, applicādo
ens ad aliquā quidditatem, seu na-
turam.* Contractio autem intelli-
gi nō potest absque conceptu abstra-
cto, & præciso: ergo, &c. Et quæst.
1. de veritate arti 1. docet, ens esse
id, quod primò intellectus cōcipit,
& in quod resoluit omnes concep-
tiones: explicatque modum, quo
contrahitur ad prædicamenta: quæ
omnia saluari non possunt absque
conceptu obiectiuo, qui sit verē
vnus, & præcisus: ergo concedēdus
est iuxta mentem D. Thom.

Secundò probatur ratione Sco-
ti. Quia conceptus obiectiuus, de
quo intellectus est certus, distin-
ctus est à conceptu, de quo est du-
bius; sed potest intellectus esse cer-
tus de aliqua re, quod sit ens, & du-
bitare, an sit substantia, vel accidens,
vt patet in quætitate, de qua nemo
dubitatur esse ens; cū tamen plures
dubitauerint, an sit substantia: ergo
conceptus obiectiuus entis distin-
ctus est à conceptibus substantiæ,
& accidentis.

Tertiò, quia ens, vt est analogū
proportionalitatis, vel significat
immediatē substantiā, vel accidēs,
vel vtrumque simul, vel aliquid il-
lis commune? Non primum: quia
hæc esset falsa, *accidens est ens.* Ne-
que secundum: quia hæc esset falsa,
substantia est ens. Neq; tertiū: quia,
vel significat vtrumque copulatiuē
vel disiunctiuē? non copulatiuē:
quia iam hæc propositio *substantia*
est

est ens, erit falsa; siquidem faciet hunc sensum; *substantia est substantia, & accidens*; neque etiã disiunctiue, vt opinatus est Soncinas; quia hoc est cõtra ipsam experientiam: ergo eas significat aliquam vnã rationem, seu gradum communẽ substantiæ, & accidenti, actu non includentem illa, sed ab eis distinctum, & separatum.

Quartò; quia ens est prior natura quàm substantia, & accidens; siquidem ab illo ad vnumquodque ex his non valet consequentia: ergo in illo priori habet conceptum aliquem obiectiuum distinctum à conceptibus substantiæ, & accidentis. Probatur consequentia: quia in illo priori, audito nomine entis, mens non distrahitur ad substantiam, vel accidentis: ergo verè cõcipit aliquam vnã rationẽ vtrique communem.

Confirmatur: quia primum in vnoquoque genere debet esse maximè vnum: ergo in genere intelligibilem, quòd primò cognoscitur ab intellectu, erit maximè vnum. Sed ens est, quod primò cognoscit intellectus, vt docent Arist. & D. Thom. 1. Physicorum lect. 1. ergo ens est maximè vnum.

Vltimò probatur à priori (inquit Suarez) quia omnia entia realia habent similitudinẽ, & conuenientiam in ente: ergo omnia possunt concipi, & representari secundum illam p̃cisiã rationem, in qua conueniunt: ergo verè habent aliquem conceptum obiectiuum abstractum.

46 Secunda conclusio. Ens non

significat immediatè aliquem gradum, seu rationem communẽ inferioribus ab eis distinctam, & abstractam, sed immediatè significat ipsa inferiora, vt proportionabiliter se habentia inter se; atque ita, simpliciter loquendo, ens non habet vnũ conceptũ obiectiuum suis inferioribus cõmunem. Ita docet D. Thom. de ente respectu substantiæ & accidentis 8. Metaph. lect. 3. & lib. 10. lect. 3. de ente verò respectu Dei, & creaturarum planè indicat 1. par. quæst. 13. art. 5. in secundo dist. 16. quæst. 1. art. 1. ad 3. de potentia quæst. 7. art. 7. & quæst. 2. de veritate, artic. 1. dùm docet, nullum nomen prædicari de Deo, & creaturis secundum eãdem rationem. Intelligit autem per *rationem* conceptum obiectiuum, vt ipse Sanctus explicat, & notat Ferr. 1. contra gentes c. 34. D. Thomã sequitur communiter discipuli eius, Caiet. Ferr. Zanardus, Arauxo, Nazarius, & Mafius, conclus. 1. adducti, Soncin. 4. Metaphys. q. 2. Flandria ibidem, art. 5. & alij, quos refert, & sequitur Galleg. controuersia citata. Quam sententiam appellat verissimam Vazquez 1. par. disput. 114. cap. 2. qui etiam videri potest disp. 22. antecedenti cap. 5. & Rub. in tractatu de analogia, qui plures alios adducit.

47 Probat primò hanc sententiam Caiet. quæst. 2. de ente, & essentia, ex Arist. 8. Metaph. text. 16. vbi docet, quòd ens ita cum se ipso est substantia, quantitas, & cetera prædicamenta, nõ expectans aliud faciens ipsum naturas prædicamentales:

tales: ergo ens non significat conceptum aliquem communem prædicamenti. Pater consequentia: quia si talè cōceptum significaret, cūm hic actu non includeret prædicamenta, vt supponimus: iam expectaret aliquid per quod ad ipsa contraheretur.

Confirmatur ex eodem Aristot. 10. Metaph. text. 8. docente, ens nō significare aliquem gradum supra prædicamenta, sed immediatè ipsa prædicamenta, his verbis: *In prædicatione, vnus homo, non addit aliquid aliud, quàm, homo, sicut neque ipsum esse, præter quid est, aut quale, aut quantum.* Quem locum exponens Commentator, inquit: *Ens, & vnū significat id, quod significat in prædicamento substantia, aut quantitatis, aut qualitatis, prima significatione, sine medio, & non mediante aliquo cōmuni.* Quo etiā sensu intellexit Arist. D. Thom. ibidem lect. 3. dum ait: *Cūm dicitur vnus homo, non aliquam naturam aliam ab homine prædicat, sicut neque ipsum, quod est ens, prædicat aliam naturam à decē prædicamentis, &c.* Et tandē idem docet Porphy. cap. de specie, asserens: *Cūm autem sint decem prima, cōmunicatio nomine tātum, baud verò, & ratione ad id nomen accommodata est.*

48 Secundò probatur ratione: quia nullus gradus verè communis, & præcisus potest esse transcendens; ergo nullum transcendens potest esse gradus, aut conceptus communis. Sed ens est transcendens: ergo non potest esse gradus, aut conceptus communis. Mi-

nor, & vltima cōsequentia constāt. Prima etiam est manifesta per regulas conuersionis, iuxta quas vniuersalis negatiua conuertitur simpliciter. Antecedens verò probatur; quia repugnat, quòd aliquid compareretur ad aliud, vt pars ad partem; & quòd transcendat illud, seu includatur in eo; alias intet ipsa esset impossibilis compositio, ad quā sicut necessaria est coniunctio extremorū, ita etiam, quòd extrema ipsa se inuicem excludant, & vnum non sit aliud; ergo nullus gradus potentialis, & determinabilis potest transcendere, aut includi in illis per quæ contrahitur, & determinatur; siquidem inter se comparantur vt partes. Cūm ergo omnis gradus verè communis, & præcisus sit potentialis, & determinabilis per alios, liquet profectò nullum talem gradum posse transcendere illos; & ex consequenti omnino inter se pugnare, quòd ens sit transcendens, & quòd simul habeat conceptum communem, & præcisum.

Confirmatur; quia idèò genus dicit vnum conceptum præcisum, & communem, quia non est de essentia differentiarum: sed ens est de essentia differentiarum, seu modorum, per quos ad prædicamenta determinatur: ergo ens non dicit vnum conceptum præcisum, & cōmunē. Probatur maior; quia quod est de essentia alicuius, non potest verè præscindi, seu abstrahi ab illo: ergo ideo genus præscinditur, seu abstrahitur à differentijs, quia non est de essentia illarum.

49 Dices: genus præscinditur, & abstrahitur ab speciebus; & tamen est de essentia illarū. ¶ Respōdetur propriè loquendo, genus non præscindi ab speciebus, sed à differentiis. Præcisio enim scissionē importat, sicut abstractio separationem. Separatio autem, seu scissio fit necessariò inter partes, vt de se patet. Quando autem dicimus aliquam partem abstrahi à toto, vt lapidem ab æceruo, aut genus ab specie, locutio est per synecdochē, idèdque verificatur, quia in toto remanet alia pars, à qua propriè abstrahitur, & separatur, quia in ea non includitur. Quod quidem inuenitur in genere respectu specierum; sed non in ente respectu inferiorum: & ita in sensu explicato potest rectè dici, genus abstrahi ab speciebus, non verò ens ab inferioribus.

50 Tertiò probatur conclusio ab inconuenientibus: quia si ens haberet conceptum communem, esset vniuocum: consequens est falsum; ergo & illud ex quo sequitur. Sequelam admisit Scotus, quia penetrat vim illationis: facillèque suaderet ex diffinitione vniuocorum. Nam conceptus ille haberet nomē commune, vt patet; & ratio significata esset omnino eadem. Quod sic probatur; quia illa ratio est omninò eadem, vt requiritur ad vniuocationem, quæ in se non includit actū principia distinguētia, etiam si illa includat in potentia; sed ille conceptus præcisus esset huiusmodi; ergo, &c. Maior constat in animali, quod quamuis contineat in potentia rationale, & irrationale;

dicat tamē rationem omnino eandem, & vniuocam, quia actū nō includit illa. Minorem autem concedunt, aduersarij, estque satis clara: quia ille conceptus apud ipsos est actū vnus: ergo actū non includit ea, per quæ multiplicatur.

Respōdebis id, quod Suar. & alij Moderni communiter respondēt, quòd cōceptus analogus, qualis est conceptus præcisus entis, etiam si actū non includat principia distinguētia; tamen ex se postulat descēdere ad inferiora, cū quadam inæqualitate, & subordinatione, non solum ex parte ipsorum inferiorū, sed etiam ex intimis visceribus ipsius conceptus analogi: quod tamē non habet cōceptus vniuocus: animal enim ex se non petit hanc inæqualitatem, sed tota prouenit à differentiis, per quas contrahitur.

Sed contrā: quia vel loqueris de inæqualitate actuali, & formali, asserens conceptū analogum abstractum in se habere aliquā actuale inæqualitatem, quā in se non habet cōceptus vniuocus? & hoc nō: quia iam conceptus ille actū includeret aliqua principia distinguētia, à quibus causaretur ista inæqualitas actualis, & per cōsequēs actū nō esset vnus. Vel loqueris de inæqualitate radicali, & potentiali, à Terens conceptum analogum præcisum ex se esse radicem inæqualitatis, quam habēt inferiora, eaque continere in potētia? Hoc autem non tollit vniuocationem: quia conceptus genericus est etiam radix inæqualitatis, quæ inuenitur inter species, & continet illam in potētia; siquidem in poten-

potentia, & in radice continet earum differentias: quod autem est radix principiorum causantium inæqualitatem, etiam est radix ipsius inæqualitatis, vt per se patet, ergo semel admissio cōceptu præciso entis, negari non potest illum esse vniuocum.

51 Vltius etiam sequeretur, ens posse poni in definitionibus, contra Arist. 3. Metaph. text. 16. asserentem: *Quare non inest in definitionibus, neque ens, neque vnum, &c.* Probat sequela; quia in quolibet definitione, loco generis, potest poni definitio ipsius generis ex Arist. 2. Topic. c. 2. sed si ens diceret vnum conceptum præcisum, iā genera suprema haberent veras definitiones; ergo in quolibet definitione, loco generum supremorum, possent poni eorum definitiones, in quibus necessario cōtinetur ens; ac proinde iam in definitionibus poneretur ens.

Quod autem hoc sit absurdum, probatur ratione, qua Arist. 3. Metaphys. text. 10. probat, genus non esse de essentia differentiarum. Quia scilicet, duplici ratione genus intraret definitionem, semel quidem ratione sui, & iterum ratione differentie, & ita committeretur nugatio: ita bis genus repeteretur in definitione, vt magis explicuimus supra disputat. 7. numer. 42. Sed hæc eadem nugatio contingeret, si poneretur ens in definitionibus; si quidem est de essentia differentiarum, vt patet; ergo, &c. ¶ Hoc inconueniens esse parui momenti iudicauit Suar. disp. 32. Metaph. sect.

2. n. 8. quod tamen omnino absurdum reputauit Arist. & merito: nā ita certum est, vnam partem definitionis non posse includi in alia; sicut est certum partes cuiuscunque compositionis realis se inuicē excludere.

52 Tandem; si ens diceret conceptum communem, & præcisum; sequeretur aliquid esse prius, & simplicius Deo; in eoque dari compositionem ex actu, & potentia; & prædicamenta non esse conceptus simplices, nec primò diuersa, quæ tamen falsa sunt; ergo & illud ex quo sequuntur. Probat sequela; quia quilibet cōceptus abstractus habet rationem partis respectu inferioris; cum ex illo, & ex gradu proprio intelligatur componi: sed omnis pars prior, & simplicior est cōpositio; ergo, &c. Quod si conceptus ille habet rationem partis, iā Deus, & prædicamenta erunt composita ex diuersis gradibus, in quorum vno conuenient, & in alio different; & per consequens non different se totis, neque erunt primò diuersa. Videatur pro hac ratione D. Thom. 1. p. q. 3. artic. 5. & 1. contra gentes c. 42. ratione 7.

Ex quibus omnibus probata manet secunda pars conclusionis. Si enim ens non significat immediatè aliquem gradum, seu conceptum obiectinū præcisum à suis inferioribus; ergo immediatè significat ipsa secundum suas proprias rationes.

§. II.

ARGUMENTIS PRO

*contraria sententia factis**respondetur.*

53 AD primum locum D. Thom. respondetur, quòd eo sensu, quo supra disp. 101. n. 42. diximus analogum abstrahere ab analogis, dicitur etiam contrahi ad illa: non scilicet simpliciter tanquã gradus præcisus ab eis, sed per maiore expressionem eiusdem conceptus, quod est contrahi secundum quid. Et hoc modo concedit D. Tho. ens cõtrahi ad prædicamenta, quia eandẽ rem, seu gradum, quẽ ens confusẽ, & imperfectẽ significat, significat substantia, aut accidens perfectẽ, & distinctẽ. Propter quod D. Tho. addidit illam limitationem, *applicando ens ad aliquam quidditatem*. Hanc autem esse mentem Angelici Doctoris patet ex primo contra gentes, cap. 25. Vbi loquens de propria contractione, negat ens cõtrahi posse per aliam differentiam.

Ad alium locum D. Thom. respondetur, ens esse primò notum, & omnia resolui in illud, non tanquã in vnum conceptum simpliciter, sed vnum analogicẽ. Quod ibi explicat D. Thom. dum docet, quòd inferiora dicuntur addere enti, nõ quia a hinc aliquid iam naturam, aut conceptum distinctum, per quem proprie contrahatur; sed per maiorem expressionem eiusdem conceptus: *In quantum scilicet, inferiora entis (inquit) exprimunt ipsius modum, qui nomine entis non exprimitur.*

54 Ad secundam distinguenda est maior. Si enim sensus sit, conceptum, de quo intellectus est certus, debere esse distinctum simpliciter à cõceptu, de quo est dubius; neganda est: concedenda verò, si sensus sit debere esse distinctum secundum quid, seu penes maiorem, & minorem expressionẽ. De eodem enim conceptu, vt est alteri similis, & vt imperfectẽ, & confusẽ significatur, potest intellectus esse certus alicui conuenire; cum tamen dubitet, an illi conueniat idem conceptus absolute sumptus, vel vt perfectẽ, & distinctẽ significatur.

Ad tertium respondetur, ens non significare aliquem gradum communem substantiæ, & accidenti, neque solam substantiam, neque solam accidentis, sed vtrumque simul secundum suas proprias rationes. Hoc autem dupliciter potest intelligi. *Primò*, quòd ens significet substantiam, & accidens secundum suas proprias rationes absolute sumptas, vt exprimuntur nominibus substantiæ, & accidentis, vel distinctiue, vt voluit Soncinas, vel copulatiue, vt iurendis arguitur: & vtrumque est falsum, neque amplius probat ratio ibi facta. *Secundò*, quòd ens significet substantiam, & accidens secundum suas proprias rationes, vt proportionabiliter inter se similes. Et hoc, proprie loquendo, neque est significare copulatiue, neque distinctiue: quia copulatio, vel distinctio exercetur inter res absolute sumptas; sed sufficienter explicatur dicendo, ens significare substantiam, &

accidens secundum suas rationes, ut proportionabiliter similes, quod est significare utrumque simpliciter, seu nudè, non verò cū copulatione, vel disunctione. Et ita quando ens prædicatur de substantia, & accidenti, non prædicat eandem omnino rationem. Sed quando dicimus: *substantia est ens*, ibi de substantia absolute sumpta prædicatur ratio eiusdem substantiæ, ut proportionabiliter similis accidentibus: & quando dicimus: *accidens est ens*, ibi de accidenti absolute sumpto, prædicatur ratio accidentis, ut proportionabiliter similis substantiæ. Et hic est proprius modus prædicandi analogi proportionalitatis propriæ, in quo distinguitur ab vniuoco, & æquiuoco, ut etiam notauimus supra disput. 10. num. 35.

55 Ad quartum respondetur, quod sicut conuenientia proportionalis, quam substantia, & accidens habent in ente, sufficit, ut sit secundum quid superius: ita etiam ut sit prius natura illis, & ut audito nomine entis; mens propriè loquendo non distrahat. Ad distractionem enim necessarium erat, ut nomen significaret plura, ut plura, seu rationes omnino diuersas, sicut æquiuocum: quod non habet ens, ut patet.

Ad confirmationem respondetur antecedens esse verum de eo quod est primum in vnoquoque genere via perfectionis. Secus verò, si sit primum secundum imperfectionem, seu ordine generationis, ut patet de materia prima: quæ

quia in genere substantiæ est prima via imperfectionis, ideo habet minimam unitatem, scilicet, negatiuam, ut suo loco dicemus. Ex hoc modo ens genere intelligibilium est primum cognitum, ut docent Aristot. & D. Thom. loco citato in argumento. Quia, ut ibidem explicabimus, cum intellectus noster in cognoscendo procedat de potentia ad actum, prius peruenit ad cognitionem confusam. Et ita prius occurrunt illi vniuersalia, quæ sunt potentialiora, & confusiora. Et inter hæc primum occurrit id, quod vniuersalissimum est, nempe ens. Quod consequenter inter alia potius habet minimam unitatem.

Ad quintum, quod est ratio a priori P. Suarez, respondetur distinguendo antecedens. Si enim sensus sit, omnia entia realia in ratione entis habere similitudinem, & conuenientiam secundum quid, seu proportionalem, concedendum est: negandum verò, si intelligatur de conuenientia simpliciter, & propria. Quo etiam modo distinguendum est consequens. Et ita solum sequitur, omnia entia realia habere conceptum obiectiuum abstractum secundum quid, non verò simpliciter. ¶ Ex quo non solum ruit ratio illa a priori: sed sic facile contra suum Auctorem retorquetur. Omnia entia realia in ratione entis solum habent conuenientiam secundum quid, & proportionalem; quæ consequenter secum affert, & intimè includit eorum diuersitatem: ergo solum possunt concipi, & representari secundum rationem se-

cuiusdam quod præcisam, in qua proportionabiliter conueniant. Ergo solum habent conceptum obiectiuum secundum quid, seu proportionabiliter unum, & ex consequenti simpliciter plures.

56 ¶ Ex dictis inferitur primò, suprema genera propriissimè esse conceptus simplices; sicut de differentijs diximus disp. 7. numero 41. cum enim ens non significet aliquem unum gradum, in quo prædicamenta continentur, non potest in eis fundari ab intellectu compositio rationis, quæ sit vera compositio ex duobus gradibus, sicut fundatur in generibus intermedijs. Undè quauis apprehēdamus prædicamenta quasi componi ex ente, & peculiari modo uniuscuiusque; id prouenit; non quia ex parte ipsorum sit sufficiens fundamentum ad formando diuersos gradus; sed quia nos res simplices semper apprehendimus cum aliqua compositione. Ex quo rursus sequitur, prædicamenta in toto rigore esse primò diuersa, & se totis differre. Non enim conueniant in aliquo conceptu, & in aliquo differunt, quæ non componuntur ex diuersis conceptibus, ut de se patet.

57 ¶ Secundò inferitur, ens, in rigore loquendo, non idè esse transcendens respectu supremorum generum; quia includatur in differentijs constitutivis eorum; siquidem non habent tales differentias, ut explicatum est. Unde transcendencia essentialiter consistit in quadam identitate conceptus, seu in eo, quod transcendens non sig-

nificet immediatè aliquem gradum distinctum ab ijs, respectu quorum dicitur transcendens; sed immediatè sit ipsa secundum omnem rationem, quam habent. Propter quod transcendētia melius explicatur per negationem, sicut illā explicauimus n. 33. dicendo, transcendens esse id, quod ita rebus conuenit, ut nihil in eis inueniatur, de quo formaliter non prædicetur. Quia autem ex hac identitate conceptus prouenit in rebus habentibus differentias, quod transcendens prædicetur essentialiter de illis; idè solent aliqui definire, transcendens esse id, quod imbibitur in ultimis differentijs; sed hoc non semper inuenitur, ut explicatum est. Ex quo ulterius sequitur, non solum ens, ut abstrahit à completo, & incompleto, sed etiam ens completum esse transcendens respectu supremorum generum. Nihil enim est in eis, de quo formaliter nõ prædicatur ens completum; siquidem non habent partes, ex quibus componantur.

58 ¶ Tertio tandem inferitur, quod etiam accidens est transcendens respectu nouem prædicamentorum; siquidem in eis nihil inuenitur, de quo formaliter non prædicetur; & per consequens non significat immediatè aliquem gradum, seu conceptum obiectiuum illis commune; sed ipsa nouem genera secundum suas proprias rationes, ut proportionabiliter se habentes. Ac proinde erit analogi proportionalitatis, propria quidem, si omnia nouem prædicamenta sine

intrinsicè entia, & accidentia, vt multi docent: si verò eorum aliqua consistant in sola denominatione extrinseca, vt alij volunt (de quo in frâ disp. 16.) tunc analogia respectu omnium erit proportionalitatis metaphoricæ: neque in hoc est ampliùs immorandum. Ex his tamen collige, eandem omnino esse diuisionem entis in substantiam, & accidens; ac in decem prædicamenta. Quod docuit expressè Diu. Thomas opusc. 42. capit. 3. dicens: *Ens vno modo dicitur substantia, alio modo accidens: & hæc est diuisione entis per decem prædicamenta.* Ratio autem est clara; quia cùm accidens non significet aliquem gradum medium inter ens, & quantitatem, qualitatem, aut alia prædicamenta accidentium, sed immediatè ipsa nouem genera, vt dictum est, æquè immediatè, & in eadem membra diuiditur ens in vtraque diuisione.

QVÆSTIO VLTIMA.

Quomodo aliqua'ia dubia antepædicamentalia expedienda sint?

DUBITATUR PRIMO.

Quæ entia, & quomodò in prædicamentis collocantur?

56 **C**onstans Dialecticorum sententia est, in prædicamentis quadam collocari per se, & in

recta linea; alia verò per accidens, & reductiue; & ea, quæ in recta linea collocantur, in primis debere esse entia realia: nam ens, quod diuiditur in decem prædicamenta, est ens reale: similiter debere esse entia per se, completa, incompleta, vniuoca, & essentialia: & consequenter à recta linea prædicamentorū excludi entia per accidens, in completa, còplexa, æquiuoca, analogia, & prædicata accidentalia. Cuius ratio sumitur ex ipsa definitione prædicamenti. Cùm enim prædicamentum sit series, seu ordinatio prædicabilium, ad hoc, vt aliqua per se collocetur in prædicamento, requiritur, & quòd propriè & simpliciter sint prædicabilia, & quòd habeant inter se propriam seriem, seu ordinationem; siquidem verba in definitione stant simpliciter. Sed vt sint simpliciter prædicabilia, debent esse entia per se, completa, incompleta, & vniuoca; & vt habeant propriam seriem, seu coordinationem, debent esse prædicata essentialia; siquidem solum inter ea potest esse essentialis subordinatio superioris, & inferioris: ergo omnia præassignata requiruntur.

Hac etiam ratione, differentie essentialis excluduntur à recta linea prædicamenti. Quia cùm non prædicentur omnino in quid, sed in quale quid; inter ipsas, & alia prædicata essentialia non est propriè series, aut subordinatio essentialis superioris, & inferioris; siquidem respectu gradu generici non est propriè inferior: cum non

includat illud, & respectu gradus specifici non est superior, sed equalis; cum sit constitutiva eius. Quia verò differentia solum ex modo significandi significantur per modum alteri adiacentis; cum tamen res significata sit ipsa tota essentia, quam significat genus, ut disput. 5. numero 63. explicatum est, ideo inter alia omnia, quæ reductiue collocantur in prædicamentis, differentie habent specialem dignitatem, & proprium locum, scilicet, ad latus illius speciei, quam constituunt, ut etiam vidimus supra disp. 6. num. 45.

60. Quomodo autem res collocantur in prædicamentis; an, scilicet, in concreto, vel in abstracto significata, satis constat ex dictis disputat. 5. citata, ubi explicuimus radicem, quare in prædicamento substantia proprie, & per se collocantur concreta; abstracta verò non nisi per reductionem; & e contra in prædicamentis accidentium.

Adhuc tamen propter Caietanum inuestigandum est: an saltem dici possit, concreta accidentium per se collocari in prædicamentis, secundum quod ad Metaphysicum spectant?

Pro quo sciendum est, Caietanum cap. 7. de ente, & essentia circa finem distinguere duas considerationes prædicamentorum: vnâ, secundum quod de eis tractat Metaphysicus, qui tantum attendit res significatas; & aliam, secundum quod pertinent ad Logicum, qui etiam attendit modum signifi-

ficandi. Cum ergo concreta accidentium, quantum ad rem significatam, sint entia per se; ex modo verò significandi sint entia per accidens, ideo inquit, in prædicamentis, secundum quod considerantur à Metaphysico, collocari per se, tam concreta, quam abstracta accidentium; in eisdem verò, ut considerantur à Logico, collocari sola abstracta.

61. Hanc Caietani sententiam approbant, & defendunt Sanchez lib. 5. Logice, quæst. 2. Mas. hic sectio. 2. quæst. 4. & Arauxo libro 5. Metaphys. q. 1. artic. 3. Alij tamen eam contemnunt, appellantque singularem, & improbabilem. Sed immerito: nam in rei veritate solum vult Caietan. quod res significata per concretum accidentale per se ponatur in prædicamento, licet non secundum quod tali nomine significatur: in quo nihil nouum in re asserit. Verum est tamen, hanc eius doctrinam parum necessariam esse, neque satis propriè loqui. Nam tota distinctio inter concretum, & abstractum sumitur ex modo significandi, ut supponit ipse Caietan. & nos explicuimus supra disputatione 4. numero 18. ergo si Metaphysicus non attendit in prædicamentis modum significandi, sed tantum res significatas; proprius diceretur, in eis formaliter ut à Metaphysico considerantur, neque poni concreta, neque abstracta; si quidem hæc essentialiter includunt in modum significandi; & per consequens, eo sublato, neque manet concretum, neque abstractum.

Sed

Sed hæ formalitates parum profunt, & minùs firmitatis habent. Quamuis enim Metaphysicus non consideret nomina, vt partem sui obiecti, sicut considerat Logicus; tamen non adducit res ipsas ad scholas, neque eas per se ipsas collocat in prædicamentis, sed loco illarum substituit nomina, quibus cum sit intrinsecus modus significandi, non rectè faciet, si in prædicamentis accidentium, loco rerum substituat nomina concreta. Quare standum est communi doctrinæ, quam loco citato absolute tradidimus, quamque absque tali distinctione tradunt Aristoteles tertio Topicorum, capite primo, Diuus Thomas capite septimo de ente, & essentia, & opusculo 42. capite 19. Soto capite de quantitate, quæstione prima ad secundum, & communiter Doctores.

DVBITATUR II.

Quot sint prædicamenta?

62 MINOR Est his temporibus de numero prædicamentorum dissensio, quam fuit apud antiquos Philosophos. Plato enim, teste Aristotele 3. Metaphys. cap. 3. vnum constituit rerum omnium prædicamentum, scilicet, ens. Quam sententiam secuti sunt Scotus, & plures alij. ¶ Xenocrates, & Andronicus, vt refert Simplicius, duo constituunt prædicamenta, scilicet, substantiam, & accedens. ¶ Laurentius Vala, vt testantur Conim-

bricenses, hic quæst. 2. art. 3. enumerat tria, nempe substantiam, quantitatem, & actionem. ¶ Stoyci, vt Auctor est Plotinus libr. 1. Enceade 6. quatuor assignant. ¶ Plato etià in Sophista, vt refert Masius, hic sect. 2. q. 1. quinque constituit.

Vt harum opinionum defectum emendarent alij, quorum meminit Niphus 6. Metaphys. disputatione 7. vndecim constituerunt prædicamenta, addentes communis numero vnum prædicamentum entium rationis. ¶ Et tandem Pythagorici, vt colligitur ex Aristotele 1. Metaphys. cap. 5. vsque ad viginti prædicamentorum numerum protulerunt. Quæ antiquorum sententiæ ex dictis in hac, & præcedenti disp. & ex dicendis de vnoquoque prædicamento faciliè reijciuntur: & idè illis relictis.

63 Vera, & communis sententia decem constituit prædicamenta. Quam primus docuit Architas Tarentinus, quem sequutus Aristoteles tantam huic numero apud subsequentes Philosophos conciliavit auctoritatem, vt quamuis non adèd firma ratione stabilia- tur; iam tamen paradoxum esset illi repugnare. Vnde Auicenna 7. Metaphysicæ, vt refert Scotus 4. dist. 13. q. 1. artic. 1. *Coguntur (inquit) obseruare illam diuisionem famosam prædicamentorum, qua dicitur esse decem generalissima, propter Philosophorum antiquam auctoritatem, cui non debet faciliè contradici.* Sed antequàm utcumque ostendamas huius diuisionis sufficientiam.

Notandum est, denarium istum prædicamentorum numerum probabiliter tantum sustineri. Neque enim perspectas habere possumus rerum omnium essentias, ut omnino conueniatur, eas omnes ad decem classes esse necessario reducendas. Quare non sic huic numero inhaerendum est, ut velimas ita propriè, & exactè saluare rigorem prædicamentorum, sicut saluatur in substantia, verbi gratia, quantitate, aut qualitate. Nam de situ quidem vix intelligitur, quid addat supra ubi, quod ab ipso, & relatione sit primò diuersum. Similiter de habitu non facillè explicatur quomodo constituat nouum prædicamentum. Et idem fortè est de quibuscumque alijs. Hanc autem fuisse mentem grauiorum Philosophorum post Arist. satis apparet ex eo, quòd ferè omnes antiqui sex vltima prædicamenta in denominatione extrinseca constituere videntur; ita ut eadem forma respectu subiecti, in quo est, sit in vno prædicamento; quatenus verò comparatur ad aliud quod intrinsecè denominat, ponatur in alio: per quod distinguuntur sex ista prædicamenta ab alijs quatuor, ut suo loco videmus. Iuxta quam tamen sententiam vix explicari potest, quomodo hæc sint ab illis primò diuersa, si prædicamentorum conditiones, & rigorem in omnibus ad vnguem obseruare velimus. Restat ergo hanc prædicamentorum enumerationem solum esse propositionem quandam dialecticam, & probabilem, præcipuè inuitentem

authoritati Philosophorum, qui eam tradiderunt, & probauerunt.

64 Hinc fit, sufficiens hæc diuisionis non posse omnino conueniri; ac proinde non esse querendam rationem, cui repugnari non possit, sed quæ verosimiliter ostendat numerum istum satis congruenter esse constitutum. Quod sic nos deducere possumus cum D. Thom. 5. Metaph. lect. 9. & 3. Physicorum lect. 5. Quia prædicamentum est series prædicabilium; ergo tot erunt prædicamenta, quot fuerint coordinationes, seu series prædicabilium. Sed hæc sunt tantum decem: ergo decem tantum sunt prædicamenta. Minorem probat D. Thomas, ex diuerso modo prædicandi rerum, qui consequenter arguit diuersum modum essendi; vtiturque hoc discursu. Quia prædicatum tripliciter potest se habere ad primam substantiam. *Vno modo* quādo prædicatum est id, quod est ipsum subiectum, non solum quantum ad modum significandi, sed etiam quantum ad rem significatam, ut cum dicimus: Petrus est homo, animal, &c. Et huiusmodi prædicata constituunt prædicamentum *substantiæ*. *Secundo modo*, cum prædicatum sumitur, secundum quod inest subiecto: & tunc, vel prædicatum inest subiecto absolute ut consequens materiam, & sic est *quantitas*; vel ut consequens formam, & sic est *qualitas*; vel inest, non absolute, sed in ordine ad aliud, & sic est *relatio*. *Tertio modo* cum prædicatum sumitur ab eo, quod est extra subiectum: & hoc dupliciter

rer. Nam vel id, à quo sumitur prædicatum, non omnino est extra subiectum; sed secundum aliquid est in illo; & tunc, si sit secundum principium, est *actio*; si verò secundum terminum, *passio*. Vel id, à quo sumitur prædicatum, est omnino extra; & tunc, si non sit mensura subiecti, prædicatur per modum *habitus*: si verò sit mensura; cum mensura extrinseca sit, vel tempus, vel locus; ex tempore sumitur *quando*, & ex loco *ubi*, non considerato ordine partium in loco; eo autem considerato, erit *situs*: ergo decem sunt prædicamenta. Videatur Diu. Thomas ubi supra. Quomodo autem inter se distinguantur, explicabimus capite de relatione, agentes de distinctione eius à fundamento.

DUBITATVR III.

An inherencia aptitudinalis sit de essentia accidentium?

65 **D**ubium istud commune est nouem generibus accidentium; & ideo suus etiam locus debetur ei in his antepredicamentis. Pro tituli autem intelligentia nota, illud dici *inherere*, quod est in aliquo tanquam in subiecto, à quo sustentatur, quod etiam solet appellari *inesse*, seu *inexistere*. Et hoc inherere, seu inesse in abstracto, & quasi in actu signato dicitur *inherencia*. Quæ proinde est propria accidentium, siquidem accidentis esse est inesse. Si ergo

accidens consideretur, vt actu est in subiecto; talis inherencia dicitur *actualis*: si verò solum consideretur in accidenti aptitudo, seu propensio ad inherendum; dicitur *inherencia aptitudinalis*. Et ita merito dubitatur: vtraharum sit de essentia accidentium?

Scotus in quarto distinctio, 2. quæst. 1. existimat, vtramque inherenciam esse veram relationem; ac proinde neutram esse de essentia nouem predicamentorum: quia ex eis plura sunt entia absoluta. Additque, eos, qui hoc vertunt in dubium, ignorare quid nominis ipsius inherencie.

Econtra verò Gentiles Philosophi fortè existimarunt de essentia accidentis esse inherenciam, non solum aptitudinalem, sed etiam actualem. Nam, vt bene notat Iabel. 7. Metaphysic. quæst. 1. ex sensatis non potest conuinci, accidens posse esse sine actuali inherencia. Hancque fuisse mentem Aristotelis, & Commentatoris defendit noster Ioannes Bacon, vt ibidem refert Iabel. quod etiam latè prosequitur Nimphus 7. Metaphysic. disputatione 1. Mediam tamen sententiam, quod, scilicet, inherencia aptitudinalis sit de essentia accidentium; non verò actualis, recipit communiter schola D. Th. iuxta quam.

66 Dicendum est, solam inherenciam aptitudinalem esse de essentia accidentium. Sic docet Angel. Doctor 4. distinctio. 12. quæst. 1. artic. 1. quæstiuncula 1. ad secundum, ubi reddens rationem, quare

accidentia possint à Deo conseruari sine actuali inhærentia ad subiectum, ait: *Esse in subiecto non est definitio accidentis; sed econtrariò res, cui debetur esse in alio; & hoc nunquam separatur ab aliquo accidenti, neque separari potest: quia illi rei, quæ est accidens, secundum rationem suæ quidditatis semper debetur esse in alio, &c.* D. Thomã sequuntur Caietan. de ente, & essentia, cap. 7. quæstione 15. Capreol. in primo distinctione 42. quæstione 1. articulo 3. Iabel. vbi supra, Ferrar. 4. contra gentes, capit. 75. & Masius sect. 1. de accidentibus quæstione prima; qui addit esse omnium Thomistarum. Quibus etiam alij Doctores consentiunt.

Fundamentum potissimum sumitur ex mysterio Eucharistiæ, vbi quantitas, & alia accidentia conseruantur sine subiecto: ergo actu inhærere non est de essentia illorum. Antecedens patet ex Concilio Tridentino sessione 13. can. 2. Consequentia verò probatur, quia implicat rem conseruari sine propria essentia.

67 Dices, hoc argumento solum conuinci intentum de quantitate; non verò de alijs accidentibus: siquidem hæc in Eucharistiâ non omnino conseruantur absque subiecto. ¶ Sed contrâ est; quia quamuis ratio adducta non inducat vtroque eandem certitudinem; tamen, supposito mysterio, negari non potest, valde efficax desumi argumentum à quantitate ad alia accidentia Eucharistiæ,

Tùm, quia quantum ad hoc eadem est ratio de omnibus accidentibus completis; siquidem quòd quantitas, aut qualitas exigant subiectum, à quo sustententur, non oritur ex peculiari ratione huius, aut illius, sed ex communi ratione accidentis. Tùm etiam, quia alia accidentia Eucharistiæ verè conseruantur absque integro, & connaturali subiecto, ad quod dicunt essentiali habitudinem; & per consequens non habent actualem inhærentiam ad illud. Tùm demùm, quia inhærentia actualis ad subiectum supernaturaliter, seu per miraculum sustentans, non potest esse de essentia alicuius accidentis; siquidem nihil est cuiuslibet rei magis naturale, quàm sua essentia: ergo si de essentia albedinis, verbi gratia, esset aliqua inhærentia actualis, hæc non deberet esse respectu solius quantitatis, sed respectu totius subiecti, à quo connaturaliter petit sustentari. Cùm ergo talis inhærentia actualis non sit in Eucharistiâ, planum fit, ipsam non posse esse de essentia albedinis, & aliorum accidentium, quæ ibi manent.

68 Secundò probatur nostra sententia: quia inhærentia actualis, vel nō est aliqua entitas distincta ab ipsa existentia accidentium, vt docent plures Thomistæ, & defendit Mas. vbi supra quæstione 2. vel ad summum est aliqua unio, seu nexus medius, quo accidens copulatur subiecto; sed neutrum potest esse de essentia accidentis: ergo &c. Major videtur certa: nam in-

hærentia actualis, vt ipsum nomen indicat, est id, ratione cuius accidens actus existit in subiecto, seu ipsum actuale esse in subiecto; ergo vel est ipsa actualis inexistencia accidentis, vel aliquid, medio quo actus coniungatur illi. Minor verò probatur: quia existentia est extra essentiam cuiuscunque creaturæ, & cum illa facit compositionem, vt aliquando ostendimus. Similiter nexus iste medius, esto quòd detur, distinguitur ab ipso accidenti: ergo non potest esse ipsa essentia eius.

Per quod patet, quid dicendum sit ad Scotum. Si enim nomi-

ne *inhærentia*, intelligatur relatio aliqua prædicamentalis, quæ in accidens habeat respectu subiecti, fatemur nullo modo esse de essentia accidentis. Nos tamen nomine *inhærentiæ* non intelligimus talem relationem, sed fundamentum eius: quòd explicamus per relationem transcendentalem eiusdem accidentis ad subiectum. In quo sensu sumitur nomen istud à Dialecticis. Vnde cum Scotus solùm remanet quæstio de nomine. In qua adhuc non potest ipse efficaciter probare, *inhærentiam* esse nomen relationis.



P R Æ D I C A M E N T A

Aristotelis.

EXPLICATIS ijs, quæ ad prædicamentorum notitiam erant necessario præmittenda, & propterea antepædicamenta merito nuncupantur; iam in hac secunda parte libri per quinque sequentia capita differit Aristoteles de unoquoque prædicamento in speciali. Quem nos etiam imitantes eodem ordine de illis agemus.

CAPVT QVINTVM.

De substantia.

S V M M A T E X T V S.

TRRES Partes continet hoc caput. In prima, subintellecta diuisione substantiæ in primam, & secundam, utramque diffinit Aristot. dicens: Substantia, quæ propriè, primò, & maximè dicitur, est, quæ neque de subiecto aliquo dicitur, neque in subiecto aliquo est. Secunda verò substantia sunt species, & genera, in quibus insunt primæ.

In secunda parte comparat primas substantias cum secundis, & singulas inter se, dicens, primas substantias esse magis substantias, quàm secundas, quia pluribus subiiciuntur. Substant enim accidentibus, quibus substantiæ secundæ substantiæ, & insuper subiiciuntur ipsis secundis substantijs. Ex quo inferit, sublati primis substantijs, impossibile esse aliquid aliorum remanere. Differunt autem accidentia, & secundæ substantiæ, quòd hæ prædicantur de primis, non solum nomine, sed etiam ratione, aut definitione: illorum verò aliqua neque nomine, neque ratione: cætera verò nomine tantum, & non ratione, aut definitione de primis prædicantur. Comparat deinde secundas substantias inter se, dicens, ex eis speciem esse magis substantiam, quàm genus: quia propinquior est primæ substantiæ; & ideò inter ipsas species unam non esse magis substantiam, quàm aliam, sicut etiam inter primas substantias, una non est magis substantia, quàm alia, quia eque omnibus alijs subiiciuntur.

In tertia parte enumerat sex proprietates substantiæ. Prima est, quòd tam prima, quàm secunda substantia non est in subiecto. Secunda,

da, quodd secundæ substantiæ, & differentiæ vniocè prædicantur de prima substantia. *Tertia*, quodd prima substantia significat hoc aliquid; secundæ verò videntur significare quale quidd. *Quarta*, quodd substantiæ nihil est contrarium. *Quinta*, quodd non suscipit magis, & minus. Et *ultima*, quæ maximè videtur propria substantiæ est; quodd eadem manens sit contrariorum susceptiua.

Notationes, & dubia circa hoc caput.

2. CIRCA Primam partem Iabel. existimat, in prioribus verbis Aristotelis duas contineri definitiones primæ substantiæ, vnâ in illis aduerbijs; *Quæ propriè, primò, & maximè dicitur*, & aliam in verbis sequentibus: *Quæ neque de subiecto dicitur, neq; in subiecto est*. Sed quidem aduerbia illa non habent formam definitionis; sed ea posuit Aristoteles à parte definiti, tanquam encomia quædam, primæ substantiæ dignitatem declarantia: & ita tantum sequentia verba relata pertinent ad definitionem. De qua, & de definitione secundæ substantiæ, ac diuisione in vtramque agemus in disputatione. Nunc tamen

D V B I T A T V R Primò: quo sensu substantia singularis dicatur propriè, primò, & maximè substantia. ¶ Ratio dubitandi sumitur ex Aristotele 8. Metaphysicæ capite primo, vbi expressè vniuersalia appellat magis substantias, quàm singularia. Qui etiam in postprædicationis docet, vniuersalia esse priora singularibus.

3. Diuersimodè respondent aliqui ex antiquis: quorum sen-

tentias refert Masius hic sectione secunda, quæstione prima. Illis tamen relictis, respondetur cum Caietano, & alijs, quodd quia substantia dicta est à subistando accidentibus, vel à subistendo; ideò illa dicitur propriè, primò, & maximè substantia; quæ propriè, & primò sustentat accidentia, & quæ propriè, & primò subsistit. Quod constat conuenire primis substantijs: nam ideò homo substat, seu sustentat accidentia, quia Petrus illa sustentat: & ideò subsistit, quia Petrus subsistit. Hoc autem intendit Aristoteles in præfati, probans, primam substantiam esse magis substantiam, quàm secundam; quia pluribus substat. Quod non solum de prædicatione, sed etiam, & maximè de reali sustentatione accidentium intelligendum est. Ideò enim homo est albus, quia Petrus est albus.

Dices; propriæ passionis conueniunt primis substantijs ratione secundarum: ideò enim Petrus est risibilis, quia homo est risibilis, vt diximus supra disp. 9. numero 12. ergo vniuersaliter non est verum, secundas substantias substat accidentia ratione primarum.

Ref-

Respondetur doctrinam illam procedere de connexionē prædicati cum subiecto; non verò de reali eorum existentia. Quamvis enim ratiōabile prius respiciat hominem, quàm Petrum, quia dimanat ab homine, ratione cuius conuenit Petro; tamen quantum ad realem existentiam, idē ratiōabile realiter existit in homine, quia realiter existit in Petro, vel Paulo. Ratiō autem vtriusque est: quia connectio prædicati cum subiecto est necessaria, & absoluitur à tempore, atque ita per prius conuenit speciei. At eorum existentia est temporalis, & contingens, conueniens eis per actionem causę efficientis, ac proinde per prius conuenit singularibus, quę propriè dicantur fieri, vt supra disput. 3. n. 8. vidimus.

4 Ad rationem dubitandi respondetur. Ad primum locū Arist. dicimus primò cum Alexandro, & D. Thom. ibi loqui Aristotelem ex mente Platonis, cuius tangit sententiam, asserentem, substantias vniuersales, seu idéas esse magis substantias, quàm tamen opinio supra à nobis explosa est. ¶ Vel secundo respondetur ibi, secundas substantias appellari magis substantias, quia secundum se sunt incorruptibiles, & immutabiles, quod non habent substantiæ singulares.

Ad secundum locum respondetur, ibi Arist. distinguere duplicem prioritatem: aliam consequentię, & hoc modo vniuersalia sunt priora singularibus, quia ab vniuersalibus ad singularia non valet conse-

quentia; & aliam causalitatis; & hoc modo singularia sunt priora vniuersalibus; quia vniuersalia recipiunt à singularibus existentiam, & causalitatem: Dicimus ergo cum Caiet., quod Aristot. substantias singulares appellat primas secundo modo, qui pertinet ad perfectionem; non verò primo, qui potius arguit imperfectionem.

D V B I T A B I S Secundo; circa secundam partem capitis, quomodo intelligatur discrimen ibi assignatum inter accidentia, & secundas substantias. ¶ Ratio dubitandi est: quia sicut de primis substantijs prædicantur secundę, & earum definitiones: ita etiam prædicantur accidentia in concreto significata, & eorum definitiones; ergo sicut illę prædicantur nomine, & de finitione; ita etiam & ista.

5 Respondetur tamen cum B. Alber. Caietan. Soto, & alijs, quos refert, & sequitur Masc. in scholijs huius capitis, discrimen illud formaliter esse intelligendum, & consistere in hoc, quod de primis substantijs prædicantur secundę, & earum definitiones, formaliter quatenus definitiones sunt. Quando enim dicitur: *Petrus est animal rationale*, ibi prædicatur de Petro definitio hominis formaliter quatenus est definitio, quia prædicatur inquit: & idē talis prædicatio reducitur ad secundum prædicabile. Quod non habent accidentia respectu primę substantiæ; nam horum aliqua, nec nomine, nec ratione prædicantur, scilicet, accidentia in abstracto; alia verò, scilicet, concreta

creta, nomine quidem, sed non definitione prædicatur: quia quantum verè dicatur: *Petrus est albus, & Petrus est perspicuum disgregatiui visus*; ibi tamen nō prædicatur definitio albi, formaliter quatenus est definitio, sed vt est accidens commune; & idēd prædicatio est quinti prædicabilis. Per quod patet ad rationem dubitandi.

Sed instabis: quando accidens prædicatur de primis substantijs prædicatione quinti prædicabilis, prædicatur de illis vniuocè: ergo prædicatur nomine, & ratione; si quidem vniuoca sunt, quorum nomen est commune, ratio verò substantiæ est omnino eadem. Sed prædicari ratione est prædicari definitione, ergo, &c.

Respōdetur tamen, per *rationē* in definitione vniuocorum, significari quencumque conceptum obiectiuū simpliciter vñū, siue prædicetur essentialiter, siue accidentaliter, vt suo loco explicauimus. In præfenti verò prædicari ratione, seu definitione sumitur ab Aristot. formaliter pro prædicatione essentiali, vt explicatum est. Et ita nihil sequitur contra nos.

6 Circa tertiam partem capituli *prima proprietat*, satis constat ex dictis cap. 2. ante prædicamentorum. Pro *secunda* verò solum est aduertēdū, ibi prædicari vniuocè, idem esse, quod l. prædicari nomine, & ratione quidditatiua, seu essentialiter: sic enim est proprietat substantiæ. *Tertia* autem difficilis est sensus: & itēd eam diuersimodē explicant Auctores, vt re-

fert Masl. hic. Vera tamē interpretatio est, quam ex D. Thom. tradidimus supra disp. 5. num. 14. quod scilicet, prima substantia dicitur significare hoc aliquid, quia semper in prædicatione habet locum subiecti, seu substantiæ; secundæ verò dicuntur significare qualequid, quia respectu primarum habent locum prædicari, quod generali quadam ratione dicitur qualitas, & forma subiecti, quia quodāmodo adiacet illi. Hanc autem esse sententiam Aristot. patet ex textu vbi reddens rationem huius difference, ait: *Neque enim res vna subiecta est, vt in prima substantia; sed de multis homo, animalque dicitur, &c.* & postea subdit, quod secundæ substantiæ, non significant qualitatem, sed quasi designant, & adsignificant. ¶ De alijs proprietatibus, quia indigent maiori explicatione, agemus disputatione sequenti.

7 DVBITATVR Vltimò: quare de substantia egerit Aristot. ante alia omnia prædicamenta. Non mouemus hoc labium: quia dubitare liceat substantiam esse priorem accidentibus, & priori loco de illa disputandum; sed vt hac occasione explicemus, quæ sint huius causæ, & quibus modis substantia sit prior accidentibus: res scitu valde digna, quam definit Arist. 7. Metaph. cap. 1. dicens: *Substantia omnium primum est, ratione, & notitia, & tempore. Aliorū enim nullum est separabile; hæc autem sola. Et ratione hoc primum: recessus est enim in vniuersiusque ratione substantia.*

substantia rationem esse. Et scire tunc singula maxime putamus; quando, quid est homo cognoscimus, magis, quam aut quale, aut quantum, &c. Vbi tribus modis docet Arist. substantiam esse priorem accidentibus, scilicet, definitione, cognitione, & tempore; singulaque probat; quæ in præfatione oportet explicare.

Et quidem novam primum satis constat ex ijs, quæ diximus supra disp. 5. nu. 21. explicantes aliquam ex his verbis Arist. Si enim in definitione cuiuscunque accidentis ponitur substantia; in definitione verò substantiæ non ponitur accidens; manifestum est, definitionem substantiæ esse priorem definitionibus accidentium. Neque in hoc est amplius immorandum.

8 Quantum ad secundum verò, in quo est maior difficultas, Herb. Iudicinus, & alij, quos refert Maschiusc. l. 1. q. 1. test. 3. voluerunt, substantiam dici priorem notitia, & cognitione, per quandam tantum dignitatem, & excellentiam; quia, scilicet, est ens nobilior accidentibus: non verò quia secundum originem cognitio substantiæ præcedat cognitionem illorum. Potestque probari.

Primo; quia substantia medijs qualificatis sensibilibus intrat ad intellectum: ergo accidentia prius cognoscuntur, quam substantia. ¶ Secundò; quia ex cognitione accidentium, & proprietatum deinde in cognitione substantiæ: ergo hæc posterius cognoscitur, quam illa. ¶ Tertiò; quia quæ sunt minus entia, prius cog-

noscentur, ut videtur sentire Arist. 7. Metaph. cap. 4. ubi docet, substantias materiales, quæ sunt minus entia, prius cognosci, quam immateriales, quæ sunt magis entia. sed accidentia sunt minus entia, quam substantia: ergo, &c.

Pro solutione notandum est, duplicem esse cognitionem, scilicet, sensus, & intellectus. Et hæc rursus est duplex; alia confusa, & alia distincta. Confusam in presenti appellamus eam, qua cognoscitur res imperfectè, & secundum gradus generales tantum, perinde, ac quando à longè videmus aliquid, de quo tunc solum apprehendimus esse substantiam, vel corpus; non tamen discernimus, an sit animal, vel homo, &c. Distincta verò est, qua rem apprehendimus perfectè, & secundum gradus, tam communes, quam proprios; non secus, ac quando res de propinquo videmus.

9 Dicendum est ergo, quòd quavis cognitione sensus prius accidentia cognoscantur, quam substantia; cognitione tamen intellectus prius cognoscitur substantia, quam accidentia. Cum hæc tamen proportionem, quòd cognitio confusa substantiæ prior est cognitione confusa accidentium; & similiter cognitio distincta substantiæ prior est cognitione distincta accidentium; at cognitio confusa accidentium præcedit cognitionem distinctam substantiæ. Sic docent communiter Doctores, de quo videri possunt Zarnardus q. 7. Metaphysic. q. 5. Soncin. ibid. q. 13. Aquarius q. 4. label. q. 3. & Maschiusc. ubi supra.

Probatnr breuiter: nam in primis, quod cognitione sensus prius cognoscantur accidentia, euidens est: & id conuincit primum argumentum in contrarium adductum. Quod verò cognitione intellectus prius substantia cognoscatur cum proportionem explicata, patet. Nam accidentia sunt entia secundum quid, respiciuntque substantiam ut propriam mensuram, à qua sicut participant esse, ita & cognosci, ut argumentatur D. Thom. explicans verba adducta Aristot. ergo quilibet cognitionem accidentium presupponit cognitionem saltem confusam substantiæ.

Specialiter autem de cognitione distincta probatur: quia accidentia definiuntur per substantiam: ergo cognitio distincta eorum supponit cognitionem distinctam substantiæ. Patet consequentia: quia cognitio distincta definiti pendet ex cognitione distincta partium definitionis.

Denique quod aliqualis cognitio accidentium presupponatur ad cognitionem distinctam substantiæ, probat secundum argumentum in contrarium adductum, & docet Aristot. 1. de anima cap. 1. Satisque ex se patet: nam ex proprietatibus, operationibus, & accidentibus, quæ nobis viciniora sunt, inuestigamus latentes substantiarum essentias: ergo, &c. Per quod patet ad primum, & secundum argumentum.

10 Ad tertium verò negatur maior. Neque illa potest colligi ex Arist. Ipse enim solum ait substantias materiales, quæ sunt minus entia, prius cognosci: ubi ly, *quæ sunt minus entia*, est copula implicationis, quæ nihil refundit in principalem propositionem. Non verò inquit per causalem, *quia sunt minus entia, &c.* Quod tamen necessarium erat, ut teneret argumentum.

Tandem quantum ad tertiū, quomodo, scilicet, substantia sit prior tempore accidentibus, plures non parum laborant in eius explicatione. Quorum varios modos dicendi refferunt, & impugnat Zanardus, ubi supra, & Mas. quæst. 2. ¶ Illis tamen omisissis, vera expositio Arist. est, quam ibidem lect. 1. adducit D. Thom. quod, scilicet, quia in tota latitudine substantiarum, datur aliqua substantia absque vllis accidentibus, scilicet, Deus: at verò in tota latitudine accidentium, non datur aliquod accidens absque substantia, ideò meritò substantia dicitur prior accidentibus *tempore* id est, *duratione*: quia in rei veritate substantia aliqua præcessit existentiam omnium accidentium prioritate durationis. Et hoc est, quod loco adducto significauit Arist. dicens: *Aliorum enim nullum*

est separabile, hæc autem

tempus sola.

(?)

DISPUTATIO XII.

De prædicamento substantiæ.

PRÆCIPUA Cura Arist. in hoc cap. est explicare, quid sint prima, & secunda substantia: hæ enim sunt, quæ in hoc prædicamento tanquam inferiora, & superiora disponuntur, quod solum pertinet ad Logicum. Et ideo hic nullas mouet quaestiones ex his, quas de substantia tractat 5. Metaph. Quem nos etiam imitantes in præsentia ea tantum examinabimus, quæ sunt dialectici instituti, commodiori loco relinquentes plura alia, quæ de substantia, substantia, & existentia disputant Metaphysici, & ab aliquibus hic non necessariò, imò & intempestiuè admiscuntur.

QVÆSTIO PRIMA.

*Quænam sit propria, & formalis ratio constitutiva
huius prædicamenti?*

II AB Etymologia incipiendo, nomen substantiæ, vt notat D. Isidorus lib. 2. Originũ c. 27. & lib. 1. Similitudinum c. 4. impositũ est huic prædicamento ex duplici eius proprietate, scilicet, subsistendi in se, & substanti alijs. Differunt autem *subsistere*, & *substare*, quòd subsistere est perfectè in se esse indepen- sèter à quolibet alio, vt à sustentante; substare verò est tanquam fundamētum, & fundamentum subesse. Ex quibus, licet subsistere prius sit, quàm substare, sicut prior est res in se, quàm in ordine ad alias: quia tamen, hoc nobis notius est, ideo frequentius substantiam à substantando derivamus. Et ideo huius tantum etymologiæ meminit Arist. in hoc cap. & 5. Metaph. cap. 8.

Hinc iam desumuntur tres substantiæ acceptiones, omis- sis alijs.

Quia enim qualibet essentia etiam accidentium quodammodò substanti- suis passionibus, ideo nomen substantiæ lata quadam significatione *primò*, sumitur pro essentia, vt ex Aristot. vidimus cap. 1. huius libri, num. 6.

Quia tamen accidentia simpliciter non substanti alijs, sed tantum secundum quid, & vt quo, vt infra explicabimus, ideo nomen substantiæ *secundò*, & magis propriè sumitur, vt distinguitur contra acci- dens, & comprehendit, quidquid non est in alio tanquam in subiecto. Quo sensu materiam, & formam & modos etiam substantiales substan- tias appellamus.

Sed quia neque etiam substantiæ incompletæ (excepta anima rationali, cui iuxta probabilissimam sententiam peculiare est habere propriam

priam subsistentiam, ut videbimus lib. 1. Physicorum) & multo minus modi substantiales propriè, & per se substant accidentibus, idè *tertia*, & propriissima acceptione sumitur substantia pro ea, quæ ponitur in recta linea huius prædicamenti, nempe pro substantia creata completa, quæ propriè, & simpliciter substat accidentibus, utpote quæ in se, & per se subsistit independentè à quocunque alio, non solum ut à subiecto; sed etiam ut à comparte, si uero concausa suæ subsistentiæ. Et de hac inquirimus per quid constituatur in sua propria, & essentiali ratione.

12 Prima sententia docet hoc prædicamentum formaliter non constitui per aliquid positivum, sed per negationem essendi in alio, & hanc tantum significare *ly per se*, quod solet poni in definitione substantiæ. Pro hac citatur Porph. in interrogacionibus, eaque defendit Soncin. 5. Metaphysic. quæstione

14. Cuius fundamentum est: quia supra ens addit substantia aliquid, per quod constituitur in sua propria ratione; sed non addit aliquid positivum: ergo solum addit negationem, quæ sit constitutiva eius. Maior, & consequentia constant. Minor autem probatur: quia illud positivum non est quid rationis, ut patet; cum nequeat per aliquid rationis constitui prædicamentum reale, neque etiã potest esse quid reale: tum quia in quolibet reali clauditur essentialiter ens; ac proinde non potest esse illi superadditum:

tum consequenter, quia in definitione substantiæ cõmitteretur negatio; siquidẽ bis repeteretur ens, si *ly per se*, positum pro differentia esset quid positivum includens ipsum ens. Restat ergo, substantiam nihil positivum addere supra ens, sed solum negationem.

13 Secunda sententia asserit substantiã constitui in sua propria, & essentiali ratione per hoc, quod est subijci, seu substat accidentibus. Sic docet Boecius, & alij, quos refert noster Didacus à Iesu disp.

12. q. 1. ¶ Potestque probari ex ipsa etymologia supra explicata. Nã ut inquit Isidorus, ibidem adductus. *Substãtia est, quæ propriè substat dicitur*: ergo essentialis eius ratio erit subijci, vel substat accidentibus. ¶ Confirmatur: quia inde Aristot. in hoc cap. probat primas substantias esse magis substantias, quam secundas, quia magis substat, & pluribus subijciuntur, ut vidimus in textu: ergo ipsa ratio substantiæ cõsistit in hoc, quod est subijci, vel substat accidentibus.

14 Prima conclusio. Substantia non constituitur in sua propria, & essentiali ratione per negationem essendi in alio: neque similiter per hoc, quod est subijci, aut substat accidentibus. Hæc est communis consensus Dialecticorum: pro qua videri potest inter alios Mal. hic sect. 2. q. 5.

Prior pars probatur primò: quia nullum ens reale positivum potest constitui in sua essentia per solum negationem, aliàs pura negatio esset natura aliqua positiva, quod

est absurdū; sed substantia est ens reale positiuū, & inter omnia alia perfectissimū: ergo nō potest in sua essentia constitui per solā negationē.

Secundō: quia in qualibet re essentia debet esse omnium primum, à quo oriuntur cetera; quæ cum illa habent connexionem; sed negatio essendi in alio non potest esse primum, quod inuenitur in substantia. & generaliter nulla negatio potest esse primum, quod inuenitur in re: ergo, &c. Probatur minor: quia quæcumque negatio innititur alicui affirmationi, & causatur ab ea, ut patet inductione. Ideo enim homo nō est lapis: quia est rationalis: ideo equus non est rationalis: quia est hinnibilis, & sic de alijs: ergo ideo substantia non est in alio tantquam in subiecto, quia essentialiter petit in se, & per se esse: ac proinde hoc præcedit talem negationem.

Per quod etiam probatur posterior pars conclusionis. Subijecti enim, seu substantie accidentibus nō est primum, quod inuenitur in substantia: tūm quia prius est rem in se, & per se esse, quàm quod alijs fundamentum; aut fauicementum præstet, eaque sustentet: tūm etiam quia non ideo substantia in se, & per se existit, quia substantia accidentibus; sed econtra ideo substantia illis, quia est res in se, & per se consistens: ergo subijecti, aut substantie accidentibus non potest esse ratio essentialis substantiæ, sed proprietatis ab illa dimanans.

Confirmatur: quia substantia non definitur essentialiter per habitudinem ad accidentia: ergo sub-

ijecti, seu substantie illis non potest esse constitutiuum essentialē ipsius. Consequentia patet; quia subijecti, seu substantie intrinsecē, dicit ordinē ad accidentia, ut de se constat. Antecedēs verò probatur: tū ex Arist. 7. Metaph. c. 1. asserente, substantiā esse priorem definitione accidentibus: tū etiā quia in substantia haberet definitionem incompletam, seu ex additione, sicut accidentia: quod sup. n. 7. vidimus esse falsum.

15. Secunda conclusio. Propria, & essentialis ratio huius prædicamenti sufficienter explicatur per *esse per se*, seu *per se stare*, si intelligatur simpliciter, & secundū aptitudinem, ad eum modum quo supra c. 2. huius lib. n. 5. diximus, propriam rationem accidentis sufficienter explicari per *esse in alio*, sumptum simpliciter, & secundū aptitudinem. Hæc etiam est communis inter Dialecticos. Sumiturque ex libro de causis, ubi definitur hoc prædicamentum sic. *Substantia est, quæ per se stat*, vel ut definit Damasc. c. 23. suæ Logicæ. *Substantia est res per se existens, non indigens altero ad consistētum*. Quam etiam definitionē admittit D. 1. h. opuscul. 42. c. 10. & explicatiū tradit 4. dist. 12. quest. 1. art. 1. questiuicula 1. ad 2. dicens definitionem, vel quasi definitionem substantiæ esse, quod sit *res, cui debetur esse per se*, sicut definitio accidentis est, *res, cui debetur esse in alio*. De quo videri potest Mas. ubi supra.

Explicatur, & probatur breuiter conclusio: quia *ly per se* potest sumi tripliciter. Primo, ut distinguitur

contra per accidens, & significat id, quod verè habet unicā essentiam: hoc autem modo cōmune est omnibus prædicamentis, vt patet; ac proinde non potest esse constitutum substantiæ. *Secundò*. vt distinguitur cōtra per aliud, & valet idem, quod ens à se: & hoc modo nulli creaturæ conuenit. sed soli Deo; qui cū sit primum ens, à se ipso, & non ab alio habet suum esse: & consequenter neque hoc etiam modo potest esse constitutum huius prædicamenti, vt de se constat. *Tertio* tandem sumitur esse per se, vt distinguitur ab *esse in alio*, quod est propriū accidentium, vt, scilicet, significat id, quod ex natura sua postulat per se itate independentē à quocunque subiecto sustentante. Quo modo esse per se, & esse in alio sunt quidam modi generales oppositi; determinantes ens ad substantiam, & accidens. Ergo sicut propria ratio, & essentia accidentis est esse in alio secundū aptitudinem, seu inclinationem ad inhaerendum, sic propria ratio, & essentia substantiæ creatæ erit illa aptitudinalis perfectas, seu esse rem, cū debetur per se existere independentē ab alio. Quod simpliciter intellectu satis contrat conueniētiæ substantiæ cōpleta, quæ per se pertinet ad hoc prædicamentū: alia enim, quæ ad ipsum reducūtur, scilicet, partes, & modi, seu termini substantiales, licet non dependant ab alio tanquam à subiecto; dependēt tamen tanquam à cōparte, seu causa iuxta substantiæ, vel tanquam ab essentia, quam modificant, aut terminant: & ita simpliciter loquēdo

non sūt per se, neque sint tres, quibus debeatui per se existere: ex quo tandem fit, definitiones adductas sufficienter explicare naturam huius prædicamenti.

16 Ad fundamentū primæ sententiæ negāda est minor. Ad cuius probationem faciemur, propriā rationē, quā exprimit substantia, esse quid positiuū. Ad huius autem primam impugnationem resp. quod cū prædicamenta sint conceptus omnino simplices, vt explicuimus disp. præced. n. 56. substantia nō dicitur addere supra ens aliquid positiuū, quia ibi dentur duo cōceptus, quorū vnus addatur alteri, sed quia exprimit propriū conceptum, qui nomine entis nō exprimitur, vt ibidem explicuimus. ¶ Per quod patet ad secundā: propterea enim prædicamenta nō possunt verè definiti, quia ens non potest poni in definitionibus, vt ex Arist. vidimus supra disp. 5. n. 42. & disp. 11. n. 51. & idē supra adductæ non sunt definitiones, sed quasi definitiones, vt inquit D. Tho. citato loco sententiarum.

17 Ad fundamentum secundæ sententiæ resp. argumentū ab etymologia sumptū non esse efficax, vt sumitur ex D. Tho. 2.2. q. 92. art. 2. ad 2. sup. erim res à qua nomē imponitur, & res, ad quā significāda imponitur, valde diuersæ sūt, vt patet in lapide, & alijs multis. Præter quā quod etiam nomen substantiæ derivatur à per se liando, seu per se subsistendo, vt ex Isidoro vidimus in principio quæstionis.

Ad confirmationem respondeatur, argumentum Aristotelis esse à

posteriori, procedens ex reali proprietate substandi ad ipsam essentiam substantiæ: & ita nihil sequitur contra nos.

QVAESTIO II.

Iuxta quam rationem substantia diuidatur in primam, & secundam, & qualis sit hæc diuisio?

118 CVM prima, & secunda substantia, de quibus nunc agimus, sint substantiæ cōpletæ, ut potè in recta linea huius prædicamenti collocatæ, planū fit, diuisum huius diuisionis non esse substantiam in prima, aut secunda acceptatione quæstione præcedenti explicatis, aliàs diuisio nō esset adæquata; sed substantiam directè ponibilem in prædicamēto, seu cōpletam. Quod satis explicuit Arist. in hoc cap. dū excludit differentias à ratione primæ, & secundæ substantiæ. Quia tamen in substantia cōpleta tria adhuc considerare possumus iuxta supra dicta, scilicet, essentiam ipsam, seu conceptum quidditatum substantiæ; realem eius proprietatem subsistendi, vel substandi accidentibus, & secundam intētionem, à qua substantia denominatur subiectum prædicationis, idèò difficultas est inter Doctores, secundum quā harum rationum diuidatur substantia in primam, & secundam, inde enim pendet qualis sit dicta diuisio.

Prima sententia asserit diuisum huius diuisionis esse substantiam, ratione secundæ intensionis, ita ut sensus sit: substantia secundum quod

est subiectū prædicationis, alia est vniuersalis, alia particularis: & cōsequenter diuisionem esse vniuersā. Sic docet Tartaretus, ut referunt Conimbricenses hīc q. 2. ¶ Hæc tamen opinio omnino videtur aliena à mente Aristotelis, qui in præsentī disputat de substantia, secundum quod ponitur in prædicamento: in quo nō collocatur ratione alicuius intensionis, sed ratione suæ entitatis realis, ut per se constat. Propter quod etiam liber hic pertinet ad obiectum materiale Logicæ, ut disput. 1. explicuimus.

19 Secūda sententia docet, diuisum huius diuisionis esse substantiā ratione realis proprietatis subsistendi, vel substandi accidentibus, ita ut diuisio reddat hunc sensum: substantia, qua ratione substat accidentibus, alia primò substat, scilicet, particularis; alia secundò substat, scilicet, vniuersalis: & consequenter diuisionem esse analogam. Sic tenent ex Thomistis label. 5. Meta. q. 17. Caiet. & Mas. hīc: & ex alijs Suar. disput. 33. Metaph. sect. 2. Tolet. & Rub. in hoc c. & Conimb. vbi suprā.

Tertia tandem sententia (omissis alijs) docet, diuisum esse substantiā secundum suam essentiam, & conceptum quidditatum; diuidique in duos modos subsistendi, scilicet, particulariter, & vniuersaliter: ex quibus alter est modus realis, quæ superpositum addit supra naturam: alter vero est modus, & accidēs rationis, à quo natura constituitur in esse vniuersalis. Et consequenter inquit hæc sententia, diuisionē esse subiecti in accidentia: quāuis quodāmodò etiam

etiam sit analogia, cum vnum membrum diuidens sit quid reale, & aliud rationis. Pro hac citatur Mercatus, & alij antiqui: eamque defendunt Sanch. lib. 5. Logicæ, q. 4. Gall. controu. 23. & latè Arauxo 5. Metaph. q. 2. art. 1. & 2. à quibus non dissentit Caiet. & Masl. vbi supra: hic enim expressè fatetur se amplecti sententiam istam sic explicatam; ille verò expressè affirmat hinc diuidi essentiam substantiæ per diuersos modos subsistendi. De quo etià videri potest Zanar. 5. Metaph. q. 14.

20 Prima cōclusio. Secunda sententia valde probabilis est: & licet iuxta eam non diuidatur substantia secundum suam essentialem rationem; videtur tamen satis ad mentem Arist. Hæc cōclusio colligitur ex toto hoc cap. vbi sepè comparat Philosophus primam & secundam substantiam in ratione substandi: ergo ibi loquitur de substantia sub tali ratione. Quo semel admissio, rectè asseritur, diuisionē verē, & propriē esse analogam; ac proinde nihil falsum continet hæc sententia, sed potest optimè fullineri.

21 Secunda conclusio. Tertia etiam sententia optimè explicat diuisionem substantiæ in primam, & secundam: & ita diuisio simpliciter est subiecti in accidentia, & secundū quid analogi in analogata. Hæc est proculdubio mens D. Thom. vt expendunt rectè Sanch. & Gall. citati. Nam q. 9. de potentia art. 2. ad 6. sic inquit: *Cum diuiditur substantia in primam, & secundam, non est diuisio generis in species: sed est diuisio generis secundum diuersos modos*

essendi. Nam secunda substantia significat naturam generis secundum se absolutam; prima verò significat eam, vt individualiter subsistentem. Vnde magis est diuisio analogi, quam generis. Quibus verbis, vt notat bene Sanchez, non dixit D. Tho. absolute diuisionem esse analogam; siquidem præmiserat in ea diuidi genus in diuersos modos, qui modus diuisionis necessariò pertinet ad diuisionem subiecti in accidentia: sed dixit magis esse analogi, quam generis: quia magis accedit ad diuisionem analogam, quam ad vniuocam: & ideo diximus secundum quid esse analogam. Videatur Angelicus Doctor 1. p. q. 29. art. 1. ad 2. & ibidem Caiet.

Probatur breuiter conclusio: quia diuisum in hac diuisione est id, quod per se pertinet ad predicamentum substantiæ, & collocatur in eius recta linea: sed hoc est ipsa essentia substantiæ, & non proprietas eius: ergo melius explicatur hæc diuisio in tertia sententia, quam in alijs. Iam verò si diuisum est ipsa essentia substantiæ, manifestum fit, diuisionem simpliciter esse subiecti in accidentia. Nam id, quod prima substantia addit supra substantiam, est modus quidam realis particulariter subsistendi: & id, quod addit secunda substantia supra substantiam, est modus vniuersaliter subsistendi in intellectu: sed isti habent rationem accidentium, respectu substantiæ: ergo quādo substantia diuiditur in illos, diuiditur subiectum in accidentia. Est autē inter

ipſa membra diuidētia ſubordina-
tio, & dependētia; cūm alterum ſit
ens reale, & alterum rationis; ergo
eadem diuiſio quodam modò etiā
eſt analogā. Videantur Sanch. &
Arauxo vbi ſupra.

22 Contra hanc tamen diui-
ſionē quocūq; modo explicetur,
potēſt obijci. Primò: quia membra
diuidētia cuiuſcumque diuiſionis
debent eſſe oppoſita, neq; ſe mutuò
includere: ſed prima, & ſecūda ſub-
ſtantia non opponuntur, imò vna
includitur in alia, & prædicatur de
illa: ergo hæc eſt mala diuiſio. Pro-
batur minor: quia homo, aut ani-
mal, quæ ſunt ſecundæ ſubſtantiz,
verè prædicantur de Petro, qui eſt
prima ſubſtantia.

Secūdo: quia diuiſum huius diui-
ſionis, quocūq; modo explicetur,
coincidit cū vno membro diuidē-
ti: ergo eſt mala. Probat̃ur antece-
dens: quia ſiue hīc diuidatur ſubſtā-
tia ſecundū ſuam eſſentiā, ſiue ſe-
cundū rationē ſubſtandi; diuiſum
debet eſſe ſubſtantia vt ſic, & com-
muniter cōſiderata: ergo eſt ſubſtā-
tia cōmunis: ergo ſubſtātia ſecūda.

Ad primū reſpondetur ſecūdam
ſubſtantiā formaliter ſumptā, vt eſt
mēbrū diuidēs in hac diuiſione, nō
includi, neque prædicari de prima;
hec enim eſt formaliter falſa, *ſubſtā-
tia prima eſt ſubſtātia ſecūda*: & ita
membra diuidētia verè ſunt oppo-
ſita. Ad probationem autem mino-
ris reſpondetur ſolūm convincere,
rem illam, quæ materialiter deno-
matur ſecunda ſubſtantia, prædi-
cari de prima. Quod, quidē verum
eſt, quia talis res eſt ipſa natura

ſubſtantiz ſecūdū ſe, vt præuenit
modos primæ, vel ſecundæ ſubſtan-
tiæ. Sic autē non eſt membrū diui-
dens, ſed potiùs diuiſum. Vnde nō
ſequitur vnum mēbrū diuidēs, for-
maliter vt tale, prædicari de alio.

23 Per quod patet ad ſecundū.
Reſpōdetur enim diuiſum eſſe ſub-
ſtantiā cōſideratā ſecundū
ſe, & ſecundū ſua eſſentialia tan-
tū, ſeu vt præuenit modos indiui-
dualiter, vel vniuerſaliter eſſendi.
Quo modo neque eſt indiuiduum,
neque genus, aut ſpecies: & conſe-
quenter neque prima, aut ſecunda
ſubſtantia.

Sed inſtabis: quia adhuc ſubſtan-
tia provt ſic, & vt præuenit tales
modos, verè eſt communis: & D.
Tho. in verbis adductis aſſeruit, eſ-
ſe diuiſionem generis in diuerſos
modos eſſendi: ergo diuiſum verè
eſt ſubſtantia vniuerſalis, & per cō-
ſequens ſubſtantia ſecunda.

Reſpondetur, quòd quia ipſa na-
tura ſubſtantiz ſecūdū ſua eſſen-
tialia cōſiderata habet vnitatem
formalem, quæ de ſe non eſt pro-
pria huius, vel illius indiuidui, idē
dicitur communis, ſeu vniuerſalis
negatiuē tantū, vt explicuimus
ſupra diſp. 3. nu. 26. & quia hoc eſt
fundamentum vnitatis genericæ:
idē appellatur à D. Thom. diuiſio
generis in diuerſos modos. Eſſe ta-
men ſic communem non ſufficit ad
veram, & formalem vniuerſalitātē,
vt vidimus ibidem n. 46. & conſe-
quenter neq; ad rationem ſecun-
dæ ſubſtantiz; ac proinde diuiſum
non coincidit cum vno membro di-
uidēti.

QVAESTIO III.

An definitiones primæ, & secundæ substantiæ sint rectè assignatæ?

24 **D**efinitionem primæ substantiæ, quâ hîtradiit Aristot. scilicet, *Quæ neque de subiecto aliquo dicitur, neque in subiecto aliquo est*, non esse exactam, his argumentis suadetur. ¶ *Primò*: quia definitio, quæ datur per negationem, est vitiosa; sed hæc datur per negationem, imò per duas negationes: ergo est vitiosa. ¶ *Secundò*: quia substantia considerata secundum se, & vt præuenit modos individualiter, vel vniuersaliter essendi, neque est in subiecto, neque dicitur de subiecto: & tamen prout sic non est prima substantia, vt dictum est: ergo definitio conuenit alijs à definito. ¶ *Terziò*: quia substantia prima est substantia singularis; sed singularia non definiuntur, ex Aristot. 7. Metaph. cap. 5. ergo, &c. ¶ *Quartò*: quia substantia prima prædicatur de hac, & illa prima substantia: ergo falsò dicitur primam substantiam non dici de subiecto.

Similiter definitionem secundæ substantiæ, quam in eodem cap. tradit Aristot. scilicet, *Substantia secundæ sunt genera, & species, in quibus insunt primæ*, non esse bonam probatur his argumentis. ¶ *Primò*: quia de ratione secundæ substantiæ non est, quòd sit genus, vel species; sed tantum quòd sit vniuersalis: ergo malè definitur ab Aristot. quòd sunt genera, & species, &c. Probatæ: antecedens: quia substantiam esse genus, aut speciem est esse talem, vel talem secundam substan-

tiam: ergo id non est de ratione secundæ substantiæ, vt abstrahit ab omnibus secundis substantijs, quomodo hîc definitur. ¶ *Secundò*: quia secundæ substantiæ prædicantur de primis: ergo insunt in illis: ergo falsum est dicere, quòd in secundis substantijs insunt primæ.

25 Nihilominus definitiones istas nõ esse vitiosas probat auctoritas Aristot. & concors consensus Dialecticorum illas admittentium. Quod genus argumèti est adeò sufficiens in proposito, vt nullum disciplinatum ingenium possit eas nõ admittere: & ideo solum indigent explicatione. Pro qua meminisse oportet, quæ sup. disp. 5. n. 44. diximus circa definitiones accidentiũ, & earum definita, quando definiuntur in concreto: vbi ostendimus, re definitam esse ipsum accidens, licet ex modo significandi fiat suppositio pro subiecto; ac proinde accidenti conuenire definitionem tantum *vt quo*, vt ibidè explicuimus. Ad hunc ergo modum intelligendæ est definitio primæ substantiæ, vt benè notat Caiet. hîc. Cum enim prima substantia pro materiali dicat ipsam essentiam substantiæ, & pro formali modum quendam realem particulariter subsistendi, vel substandi accidentibus: inde fit, vt definitio conueniat vt *quo* illi modo reali; simulque explicetur, ta è definitionem exerceri in ipsa substantia, quæ habet rationem subiecti respectu talem modi. Et nota sensus planus definitionis est, quòd tale modus realem particulariter subsistendi est ratio, quare in hac autem prima,

prima, neque sit in subiecto, per quod distinguitur ab accidentibus, neq; dicatur de subiecto, per quod distinguitur à secundis substantijs.

Simili modo debet etiam explicari definitio secundæ substantiæ. Nā modus ille vniuersaliter essendi, seu secunda intentio, à qua substantia constituitur in esse secundæ, seu vniuersalis, est ratio, quare in secundis substantijs insint primæ, id est, contineantur potèntialiter in eis tanquam partes subiectiue earum. Primæ enim substantiæ continentur in secundis, vt inferiora essentialia in superioribus: quam potentialem continentiam habet ipsa à secunda intèctione vniuersalis, non cuiuscumque sed generis, vel speciei: hæc enim tantum possunt esse superiora essentialia respectu primarum substantiarum. Et ideo rectè Arist. definiens secundas substantias dixit, esse genera, & species, in quibus insint primæ: vbi tādē aduertendum est, quod cum prima & secunda substantia sint termini complexi, ipsæ potiùs sunt definitiones: & ideo adductæ ab Aristot. seruare non possunt rigorem definitionum; sed tantum sunt explanationes quædam, seu circumlocationes primæ, & secundæ substantiæ. Quas si breuius velis explicare dices: *Prima substantia est substantia singularis: & secunda substantia est substantia vniuersalis.*

26 Ad argumēta resp. Ad primum plures adhibet solutiones Mas. hic se & 2. q. 2. quæ ibi videri possunt. Respondetur tamē primò, quod quando definitio est descrip-

tina, vel nō est propria definitio; nō est vitium ponere pro differentia aliquas negationes, præcipuè quādo iam explicatum est illud posituum, cuius sunt negationes, vt contingit in præsentii: iam enim Arist. cap. 2. explicauerat, quid sint esse in subiecto, & dici de subiecto.

Vel secundò, & meliùs respōdetur, illa verba. *Neque in subiecto est, neque de subiecto dicitur*, quæ ponuntur loco differentiæ, non esse explicanda merè negatiuè, sed quasi contrariè, ita vt sensus sit: prima substantia est id, cui positiuè repugnat esse in subiecto, vel dici de subiecto. Vt à simili contingit, quando Philosophi definiūt violentū esse, quod sit à principio extrinseco passio non cōferente vim: vbi ly, *nō cōferente vim*, nō intelligitur negatiuè, sed contrariè, id est, resistente.

Ad secundū respondetur, quod substantiæ secundū se cōsideratæ, & vt prauenit singularitatē, vel vniuersalitatē, neque conuenit, neque repugnat esse, aut dici de subiecto; sed merè negatiuè se habet. Ad rationem verò primæ substantiæ necessarium est, quod positiuè repugnet illi, & hoc significatur in eius definitione, vt explicatum est.

Ad tertiū respōdetur singularia determinata, vt Petrum, vel Paulum non posse definiri; singularia verò indeterminata, vt indiuiduū vagū, personam, & alia huiusmodi posse definiri, cō quod importāt modum particulariter existendi absque determinatione, & cum quadam cōmunitate: & huiusmodi est prima substantia. Videantur, quæ diximus supra

supra disp. 4. n. 51. & disp. 6. n. 54.

Ad quartum respondetur, quòd licèt prima substàtia significet modum subsistendi communem; supponit tamen pro Petro, vel Paulo, v.g. in quibus exercetur definitio, & de his debet verificari, quòd non dicuntur de subiecto. Quod solet alijs terminis explicari, dicendo primā substantiā in actu exercito nō dici de aliquo; non verò primā substantiā in actu signato. Videantur, quæ circā definitionem indiuidui diximus disp. 6. citata num. 51.

27 Ad primum contra secundā definitionem respondetur, quòd licèt de ratione secundæ substàtiæ vt sic, non sit, esse determinatè genus, vel determinatè speciem; tamen neque etiam est esse quodcunque vniuersale; sed illud, quod potest esse superius essentialiter respectu primæ substantiæ. Et hoc necessario est genus, vel species: quia in his solū possunt essentialiter contineri primæ substantiæ. Et ideò sic definiuit Arist. secundas.

Ad secundum respondetur, quòd secundæ substantiæ insunt actu in primis: quia sunt de earū essentia; e contra verò primæ insunt in potentia in secundis; quia sunt partes subiecti earum. Et hoc secundum significatur in definitione: dicendo enim, quòd primæ substantiæ cōtinentur in genere, euident est, sermonem esse de continenti potētiali.

QVAESTIO IIII.

Quanam substantia in hoc predicamento collocentur?

28 Omnia, quæ in hac materia solent disputari, magna ex par-

te constant ex dictis supra disp. 5. neque de eis est ferè iā disceptatio inter Doctores: & ideò illa breuiter perstringemus in hac quæstione. In primis autem certū est, omnes substàtias cōpletas, corporeas, & corruptibiles, vt sunt elementa, mixta inanimata, plātæ, & animalia, per se collocari in hoc predicamento: neque de his dubitauit aliquis, quē viderimus. Cernitur siquidem in eis sufficiens fundamētum ad formandos gradus genericos, & differentiales: cum sint compositæ ex materia, & forma: & ideò non est curā prædicamēto reijciantur. Quare solū potest moueri difficultas de corporibus cœlestibus, de Angelis, de Deo O.M. & de Christo Dño. De quibus eodem ordine per singula breuiter discurremus.

Et in primis de corporibus cœlestibus id receptissimum est: (quid quid dicāt Aber. Niph. & Gangauo explicantes quædam verba Arist. 10. Metaph. c. ult.) Ratio est clara: quia, vt in Philosophia ostēdemus, etiam corpora cœlestia verè sunt cōposita ex materia, & forma: ergo ibi etiā est sufficiens fundamētū, vnde intellectus desumat genus, & differentiam. Quòd enim illa sint incorruptibilia, aut quòd materia eorū sit alterius rationis à materia sublunariū, solū probat ipsa naturaliter nō conuenire in aliqua vna entitate reali, seu quòd corruptibile, & incorruptibile differūt genere physico, q̃ tantū intendit Arist. loco citato, vt vidimus supra disp. 11. n. 11. Hoc autē nō obstat, quòd nūc logicè detur gradus præcisus, in quo

quo vniocè conueniant corpora
eccestra, & subternariar atque adeò
quòd in prædicamento per se, &
propriè collocentur. De quo vide-
ri potest D. Thom. locis citatis.

29 ¶ Secùdò de Angelis com-
munis Philosophorum sentètia te-
net, verè esse in hoc prædicamen-
to. Quauis id negauerint præter
Aberr. & alios adductos, Plotinus
lib. 1. Eneade 6. Alb. & Aëgid. in
hoc c. fortè ducti auctoritate Ari-
stot. 9. Metaphysic. text. 2. 2. vbi eos
appellat substantias simplices, &
entia semper in actu. ¶ Sed funda-
mentum esse nullius roboris, & ra-
tio in contrarium manifesta. Quia
quauis Angeli non sint compositi
ex materia, & forma; & per conse-
quens, physicè loquendo, sint for-
mæ puræ, & substantiæ simplices;
neque habeant potentiam contra-
dictionis ad essendum, & nõ essen-
dum, quòd loco citato intèdit Ari-
stot. tamen metaphysicè loquèdo,
non sunt actus puri; sed realiter
compositi ex essentia, & existentia,
vt generaliter de omni creatura
ostendemus lib. 1. Physic. ergo in-
tra eorum essentiam est potentia-
litas sufficiens ad fundandum gra-
dum genericum, in quo cum alijs
conueniat: & per consequens verè
collocantur in hoc prædicamento.
Videantur, quæ diximus suprà dis-
put. 5. num. 7. 3. & sequentibus.

30 ¶ Tercio, de Deo O. M.
(quidquid dicant Nominales) con-
stans est Philosophorum, & à theo-
logorum sententia, non contineri
in recta linea huius prædicamenti.
Quod sancti Patres non obscurè

docent: quorum plura loca addu-
cunt noster Didacus hic disput. 12.
q. 2. & Naza. 1. part. q. 3. art. 5. Pro-
batque latè, & optimè D. Tho. ibi-
dem, & primo contra gentes cap.
24. & 25. Cùm enim in Deo nulla
sit compositio ex actu, & potentia;
sed sua essentia sit ipsum suum esse
per se subsistens, & per consequens
actus secundum omnem cõsidera-
tionem simplicissimus, & purissi-
mus; inde fit, vt in eo nihil sit, quod
possit esse radix, aut fundamētum
gradus potentialis, qualis est gra-
dus genericus. Videantur quæ di-
ximus disput. citata, & disput. 11.
n. 15. vbi ostendimus nihil posse
esse vniocum Deo, & creaturis.

Per quod facilè excluditur Vaz-
quez 1. p. disput. 22. cap. 3. qui sus-
citans Nominalium sententiam,
admittit in Deo compositionem
ex genere, & differentia, impug-
natque rationes, quibus D. Thom.
quest. 3. citata probat, Deum non
contineri in aliquo prædicamento.
Sed illum meritò reiiciunt Theo-
logi, etiam suæ societatis: ex qui-
bus Molina ibidem art. 1. affirmat
talem sententiam non rectè stare
cum definitione Ecclesiæ cap. fir-
miter de summa Trinitate, & fide
Catholica, vbi decernitur, Deum
esse omnino simplicem. De quo
etiam videri possunt Suarez disp.
30. Metaph. sect. 4. & 1. part. libro
de essentia Dei, cap. 4. Valent. ibi-
dem, quest. 3. disputat. 1. puncto 5.
Rubi. cap. de differentia quest. 4. &
Conimbr. hic q. 1. artic. 2. Ex Tho-
mistis verò impugnant rectè hanc
sententiam Araux. lib. 5. Meth. q. 2.
art.

art. 3. Ioan. Gonzalez 1. part. q. 7. controuers. 15. Nauarrete controuers. 20. & latè Nazar. art. 5. citato controuers. 1. 2. 3. & 4.

31 ¶ Verùm autè Deus redutiue collocetur in hoc prædicamento secundùm quòd est principium efficiens omnium substantiarum, sicut collocantur materia, & forma, secundùm quòd sunt principia substantiarum materialium, difficultas esse potest, propter D. Th. qui q. 7. de potentia art. 3. ad 7. cõcedit Deum esse, per reductionem in genere substantiæ ut principium eius; quemadmodum punctum, & vnitas in genere quantitatis: cuius tamen contrarium expressè docet loco citato ex 1. part. art. 5.

Propter hæc duo loca, Capreol. in 1. dist. 8. quæst. 2. & Sanch. lib. 5. q. 12. fatentur D. Tho. mutasse sententiam; ea tamen rectè concordat Caietan. dicto artic. 5. ex doctrina eiusdem Angelici Doctoris in primo, dist. 8. quæst. 4. artic. 2. ad 3. dicens, quòd dupliciter potest aliquid esse in prædicamento reductiue sicut principium. *Vno modo*, tantquam principium contentum ab ipso genere: & hoc modo negat D. Thom. posteriori loco, Deum esse per reductionem in prædicamento substantiæ. *Alio modo*, ut principium continens ipsum genus: & sic concedit D. Thom. Deum esse reductiue in genere: quia in hoc sensu quodammodò est in omnibus generibus; cum omnia contineat, licèt per appropriationem quãdam dicatur esse in prædicamento substantiæ: quia hæc propinquior est

Deo, quàm accidētia. De quo etiã videri possunt Nazarius vbi supra dub. 3. & Bergomenis in concordantijs D. Thom. dub. 464.

32 Ceterùm quauis in re hæc ita sint: absolutè tamen negandum est, Deum reductiue collocari in prædicamento substantiæ: tum quia in communi modo loquendi, illa dicimus collocari in prædicamento, quæ continētur intra illud: tum etiã quia principium, de quo propriè dicitur reduci ad aliquod genus, non se extendit ultra illud: ut patet de puncto, & vnitate respectu quantitatis: at Deus est supereminens principium totius esse, & omnium prædicamentorum: & ideo standum est modo loquendi, & doctrinæ D. Thom. loco citato ex 1. part.

33 ¶ Tandem de Christo Domino (quidquid dicant Scot. in 3. dist. 7. q. 1. Bassolis, & Durandus ibidem) asserendũ est, verè esse primam substantiam, contineri que in prædicamento substantiæ, sicut continentur alia indiuidua natura humanæ. Sic docet expressè D. Tho. 3. p. q. 2. art. 3. ad 3. & artic. 5. lib. 4. contra Genes cap. 37. & in 3. dist. 7. q. 1. art. 1. Quem sequuntur communiter Doctores.

Potestque probari ex cap. *Cum Christus, de hæreticis*, vbi Alex. III. definit Christũ, secundùm quod est homo, esse aliquid, id est singulare quid. Cuius rationem reddit dicēs: *Quia sicut Christus est verus Deus, ita est verus homo ex anima rationali, & humana carne subsistens.* Vbi quauis Vazq. 3. p. disp. 17 c. 5. dicat

dicat solum definiri, Christum esse aliquid, ut distinguitur contra nihil; non verò esse hoc aliquid de genere substantiæ; tamen in hoc posteriori sensu intellexerunt illa verba Glossa, & Panormitanus, ibidem, D. Thom. 3. part. quæst. 2. art. 6. in argumento sed contra, D. Bonaventura in 3. dist. 6. art. 1. quæst. 3. & Scot. ibidem quæst. vltim. Satisque patet ex illa causali, quam subdit Pontifex; unde in hoc non est immorandum.

Ratione etiam perfacili, omnis alijs, probatur: quia res collocantur in prædicamento ratione essentiæ, seu naturæ: sed natura humana Christi Domini in toto rigore, & proprietate est eiusdem speciei cum nostra: ergo verè, & propriè collocatur in eodem prædicamento. Quia tamen naturæ substantiales non ponuntur in prædicamento significato in abstracto, sed in concreto, quomodo connotant suppositum, quod in Christo est ipsum suppositum Verbi diuini: ideo hoc ponitur in prædicamento, non secundum se, & absolute; sed præcisè quatenus sustentat humanitatem Christi Domini, ut expressè docet D. Thom. in 3. dist. 6. quæst. 1. art. 1. quæstiuncula 1. ad 2. Videantur Bañez 1. p. q. 3. art. 3. & Arauxo lib. 5. Metaphysic. quæst. 2. art. 4.

34 Neque valet vulgare argumentum: *Christus ponitur in prædicamento: Christus est Deus: ergo Deus ponitur in prædicamento.* Variatur enim appellatio: quia poni in prædicamento est secunda intē-

tio appellans supra Christum ratione humanæ naturæ. Quando verò absolute infertur: ergo *Deus ponitur in prædicamento*, appellat supra Deum ratione Deitatis. Valeret autem consequentia, si inferretur: ergo *Deus ponitur ratione humanæ naturæ.*

Dices: Christus non est creatura ex D. Thom. 3. part. quæst. 16. ergo non ponitur in prædicamento. Probatur consequentia: quia quidquid ponitur in prædicamento, debet esse aliquid creatum, ut patet ex dictis.

Respondetur tamen sufficere, ut aliquid ponatur in prædicamento, quòd sit quid creatum secundum illud, secundum quòd formaliter constituitur in prædicamento. Et hoc inuenitur in Christo Domino: in quo natura humana aliquid creatum est, licet suppositum sit diuinum.

Sed instabis: quia hæc propositio: *Christus est creatura*, absolute non admittitur, quia ponit in Christo imperfectionem, sed hæc etiā: *Christus ponitur in prædicamento*, ponit in illo imperfectionem: ergo absolute non est admittenda.

Respondetur, quòd prima propositio ponit imperfectionem in supposito Christi Domini; secunda verò tantum ponit imperfectionem in natura humana eius: quia fieri, seu creari per se primò conuenit supposito, & quasi per accidens naturæ, seu essentiæ; siquidem hæc per se, neque fit, neque creatur, sed potius est æterna, ut explicuimus supra disput. 4. n. 5. At verò poni in prædicamento per se primò conuenit

uenit essentia; siquidem hæc est, quæ denominatur genus, vel species; & quasi per accidens supposito, à quo sustentatur. Et idèd prima propositio absolutè negatur, & secunda conceditur: quia supposito Christi repugnat imperfectio, non verò naturæ humanæ eius.

QVÆSTIO V.

Quo modo intelligendæ sunt proprietates substantiæ ab Arist. traditæ?

35 **P**rima, secunda, & tertia proprietates explicatæ sunt in notationibus: & idèd de alijs tribus agendum est in præsentî. Et quidem circa quartam solum est notandum id, quod aduertit Arist. illam conuenire substantiæ, non tamen solitnam quantitas etiam non habet contrarium. Vtrumque autem intelligendum est de contrarijs propriè dictis: quæ vt infra in post prædicamentis videbimus, sunt illa, quæ sub eodem genere maximè distant, & ab eodem subiecto mutuo se expellunt; sic enim satis constat substantiæ, & quantitati nihil esse contrarium.

Per quod soluantur plura argumenta, quæ cõtra hanc proprietatè fiunt: vt quòd formæ substantiali contrariatur priuatio ex Arist. 1. Physic. text. 10. asserente, hominem fieri ex non homine tanquam ex contrario. Item quòd differentia substantiales eiusdem generis sunt contrariæ, vt sumitur ex Aristot. 10. Metaphysic. text. 11. Et tandem quòd elementa sunt contraria, vt docet idem Aristot. lib.

2. de generatione: ergo substantiæ potest aliquid esse contrarium.

¶ Respondetur enim formam, & priuationem non esse propriè contraria; quia non continentur sub eodem genere. Neque differentias substantiales, quia non sunt in subiecto. Neque tandem elementa, quia ipsa non se expellunt ab eodem subiecto; sed eorum qualitates. Appellantur autem forma, & priuatio contraria largè, quia opponuntur priuatiuè. Et largius differentia, quia sunt primò diuersa. Et tandem elementa dicuntur contraria, radicaliter, quia, scilicet, sunt radices qualitatum, inter quas est formalis contrarietas.

36 ¶ Circa quintam proprietatem dubitant Doctores: an conueniat omni substantiæ etiam incompletæ, propter Aberr. 3. cœli com. 67. & alios, quos refert Mas. hic sect. 2. q. 9. qui existimant omnes formas substantiales, excepta anima rationali, suscipere magis, & minus. ¶ Imò de anima rationali potest idem suaderi; quia animæ rationales sunt inæquales, vt docent grauissimi Philosophi D. Th. in 2. dist. 32. q. 2. art. 3. & 1. p. q. 85. art. 7. Caiet. ibidem, Ferrar. 1. contra Gent. c. 30. Med. 3. p. q. 5. art. 3. & alij: ergo aliqua substantia suscipit, magis & minus.

Contrariam tamen sententiã tenent communiter Doctores cum Arist. in hoc cap. vbi nò solum substantias completas, sed quascunque alias negat suscipere magis, & minus, dum ait: *Substantia nō dicitur magis, & minus, neque ceterorum quid.*

quidquam omnino, quæ substantia subeunt rationem, &c.

Pro cuius intelligentia notandum est ex eodem Arist. in præsentibus, aliud esse, quod vna substantia sit perfectior alia, aliud verò, quod suscipiat magis, vel minus; vel quod intendatur, aut remittatur. Ad illud enim sufficit, ut eadē indivisibilis essentia habeat perfectius esse in vno, quam in alio, seu quod inæqualiter participetur ab eis ratione inæqualium differentiarum, siue essentialium, siue individualium. Ad hoc verò, ut rectè explicat D. Thom. 1.2.q.52.art.1.& opusc.48.tract.2.c.4. necessarium est, quod in ipsa essentia etiam individuali sit latitudo quædam gradualis, ratione cuius possit secundum se ipsam augeri, vel minui, seu magis, aut minus vehementer imprimi subiecto. Hoc enim significant nomina, *intensionis, & remissionis*, quæ iuxta primam sui impositionem dicuntur de lyræ fidibus; quæ quando vehementius sonant, appellantur intensæ; quando verò reddunt grauiorem sonum, remissæ.

Quod quidem non posse convenire substantiæ, sed qualitatibus explicat D. Thom. 1.p.q.93.art.3.ad 3. & colligit Caiet. hic optimo signo. Quamvis enim vna substantia sit altera perfectior, eadem tamen non perfectitur secundum essentiam, ita ut Petrus, v.g. modò sit minus homo, & postea magis homo. Qualitates verò, quæ suscipiunt magis, & minus, non solum inveniuntur secundum magis, & minus in diversis subiectis; sed etiam in eodem,

saltem de possibili. Quamvis enim de facto aliquæ ex his qualitatibus in eodem subiecto non intendantur, aut remittantur; hoc tamen illis non repugnat, ut substantiæ repugnare diximus.

Per quod patet ad instantiam de anima rationali. Dicimus enim vnam esse meliorem alia ratione perfectioris esse, vel perfectioris corporis, seu ratione perfectioris differentię individualis, quæ desumitur ab illo, non verò quia suscipiat magis, aut minus, ut explicatum est. Videatur D. Thom. opusculo citato.

37 ¶ Circa sextam, & vltimam proprietatem est etiam difficultas inter Doctores; an cōueniat substantiæ quarto modo proprii. Quamvis enim id, videatur voluisse Aristot. dum dixit: *Maximè vero propria substantiæ esse videtur, &c.* contra tamen militat hæc argumenta.

Primò: quia hæc proprietas ex Arist. in hoc cap. conuenit substantiæ, quæ est vna numero: sic enim ait, *Maximè substantiæ proprium esse videtur, cum vnà, idemque numero, sit contrariorum susceptible esse.* Sed sola prima substantia est vna numero: ergo soli illi cōuenit, & non secundæ: & per consequens non conuenit omni substantiæ.

Secundò: quia neque Deus, neque Angeli, neque corpora cœlestia possunt recipere contraria; alias essent corruptibilia: ergo talis proprietas nõ conuenit omni substantiæ.

Tertiò: quia, ut hic Arist. contra se argumentatur, eadem ratio recipit contraria, nempe veritatem,

& falsitate: nam Petro sedente vera est hæc propositio, *Petrus sedet*, quæ tamen fit falsa, surgente Petro: sed oratio est accidens: ergo hæc proprietas non conuenit soli substantiæ.

Quartò: quia etiam quantitas potest suscipere contraria: eadem enim superficies potest esse alba, & nigra. Similiter intellectus recipit scientiam, & errorem. Et, quod maius est, in mysterio Eucharistiæ, quantitas per se solam verè calefit, & frigefit, recipitque alia contraria: ergo &c.

38 Propter hæc argumēta, aliqui existimarunt, recipere contraria non conuenire substantiæ quarto modo proprii. ¶ Sed non idè deferenda est recepta sententia, quam ante Aristot. significauit Architas, vt referunt Conimbr. hic quaest. 3. docetque D. Thom. opus. 48. tract. 2. cap. 4. & sequuntur hic Caiet. Sot. Mas. danch. & communiter Doctores.

Pro cuius explicatione nota, quòd recipere contraria, propriè loquendo, prout hic loquitur Aristot. necessariò fit cum mutatione intrinseca subiecti, vt ipse Aristot. se explicat: repugnat enim, quòd vnū numero subiectum abijciat vnum contrariorum, & recipiat alterum, quin intrinsecè mutetur. Similiter non loquitur hic Aristot. de quocunque subiecto sed de eo, quod propriè, & absolutè est subiectum, & solet appellari subiectum *quod*. Quo supposito.

39 Ad argumēta respondetur. Ad primum respondet benè Caiet.

hanc proprietatem non esse restringendam ad solas primas substantias. Non enim inquit Aristot. quòd proprium est illius substantiæ, quæ est vna numero, esse susceptiuam contrariorum, sed: *Proprium est substantiæ, quòd cum vna numero sit, sit susceptiuum contrariorum*. Cuius sensus est, proprium esse substantiæ, quòd, seruata vnitatem numericam, sit susceptiuum contrariorum. Quod etiam conuenit secundæ substantiæ: homo enim seruata vnitatem numericam, quam habet in Petro, recipit contraria.

Dices: dato, quòd secundæ substantiæ recipient contraria; tamen id habent ratione primarum, idè enim homo recipit calorem, & frigus, quia Petrus recipit illa: ergo esse susceptiuum contrariorum nō est propria passio substantiæ; & consequēter non conuenit illi quarto modo. Antecedens patet ex dictis supra nu. 3. Consequentia vero probatur: quia propria passio prius debet conuenire secundæ substantiæ, quàm primæ, vt explicuimus disp. 9. num. 12.

Respondetur, quòd aliud est, substantiam habere aptitudinem ad recipiendā contraria, seu esse susceptiuam eorum, aliud verò actu recipere illa, sicut aliud est, hominem esse risibilem, & actu ridere. Aptitudo ergo ad recipiendū contraria est propria passio substantiæ; receptio verò actualis accidens commune; sicut aptitudo ad ridendum est passio hominis; actualis verò risus accidens commune. Quod etiā patet mille alijs exemplis. Dicimus

li ergo,

ergo, quòd sicut ideò Petrus est risibilis, quia homo est risibilis; ècòtra verò ideò homo ridet, quia Petrus ridet: sic similiter ideò Petrus est susceptivus contrariorum, quia substantia est susceptiva contrariorum, ècontra verò ideò substantia recipit contraria, quia Petrus recipit illa.

40 Ad secundum respondetur, quòd hîc agit Arist. de substantia, quæ ponitur in prædicamento, nèpè de substantia creata, & ita proprietas eius non debet convenire Deo: Angeli autem, & cæli verè possunt recipere contraria. Nam Angelus potest recipere scientiam, & errorè: & corpora cælestia motus contrarios, vt patet in motibus naturali, & rapto planetarum, qui etiam in proprijs epyciclis interdù mouetur sursum, vt quando tendunt versus augem; interdù verò deorsum, vt cum ad oppositum augis regrediuntur. Verum est, motus istos propriè non esse contrarios, vt rectè probat D. Thom. lib. 1. de Cælest. 8. quia neque sunt à contrario in contrarium, neque per eandem lineam; neque super eosdem polos. Sed hoc nihil obstat. In præsentia enim non sumit Aristot. contraria rigorosè: sed tantum vult maxime proprium esse substantiæ, esse subiectum quòd accidentium, siue sint propriè contraria, siue non.

Ad tertium respondet Aristot. quòd licèt oratio possit transire de vera in falsam; propriè tamen non recipit contraria: quia oratio ipsa non mutatur intrinsecè; cum non abiciat à se aliquid, & recipiat

aliud. Sed talis mutatio fit in ipso obiecto, scilicet, Petro, qui amittit sessionem, & acquirit stationem, per cuius variationem oratio extrinsecè dicitur, transire de vera in falsam. At verò substantia propriè recipit contraria: quia in se ipsa mutatur abijciendo vnum, & æquiendo aliud. In quo sensu intelligenda est hæc proprietas, vt supra explicatum est.

41 Ad quartum respondetur, quantitatem, intellectum, & alias potentias non recipere accidentia vt quòd, sed vt quo, siue vt rationes recipiendi. Vndè de illis non potest absolutè dici, recipere accidentia, sicut dicitur de substantia. Quòd si in Eucharistia quantitas per se solam recipit accidentia, & habet modum subiecti quòd; ideò est: quia ibi quantitas virtute diuina habet modum substantiæ, vt docet D. Thom. 3. p. quæst. 77. artic. 3. ad 2. siue id fiat à Deo, tribuendo quantitati modum quasi substantialem, ratione cuius per se fit, vt tenet plures Doctores; siue cõseruando existentiam substantiæ panis, & vini, vt aliqui etià incõsideratè asserere aucti sunt; siue per solâ manutentionem cõseruando quantitatem cum sua existentia, & supplendo per nouum concursum vicem substantiæ, vt docent plures alij: de quo d. spurant Theologi loco citato in materia de Eucharistia.

(.?.)

s. Vnicus.

EXPLICATUR AMPLIUS,
*quomodo soli substantiæ conueniat
 esse subiectum, quod acciden-*
tium.

42 O Ccasione huius argumenti magis explicare oportet, quomodo vnum accidens sit subiectum alterius, propter Suar. disp. 14. Metaph. sect. 4. vbi distinguens ly *quod*, & *quo*, inquit, si per subiectum *quod*, intelligatur primum fundamentum, & basis totius causalitatis, in qua sustentatur accidens; & per subiectum *quo*, id, quod ita recipit aliud, vt ipsum sustentetur in alio, sic proculdubio solam substantiam esse subiectum, *quod* accidentium, & quodcumque accidens respectu alterius subiectum *quo* tantum. Si verò per subiectum *quod*, intelligatur id, cui inhaeret accidens, nõ tantum vt rationi recipiendi, sed vt integro, & immediato subiecto, quod respectu eius exercet propriam causalitatem materiale; & per subiectum *quo*, id, quod tantum est ratio recipiendi; sic inquit iste Auctor plura accidentia verè esse subiectum *quod* aliorum; licet alia tantum sint subiectum *quo*, siue rationes recipiendi.

Si autem quæras ab illo: quæ sit regula ad discernenda talia accidentia? respondet num. 12. nullam posse statui; sed respiciendum esse ad naturam vniuscuiusque. Quam doctrinam mirum est velle Suarez esse D. Thom. cum neque leniter insinuet eam, & oppositum sæpissimè doceat, vt postea videbimus.

Potest tamen probari hac ratione: quia in Eucharistia qualitates panis inhaerent soli quantitati, non per nouam inhaerentiam, quæ illis per consecrationem confertur; sed per antiquam, quam habebant in quantitate, vt docet Diuus Thomas 3. part. quæst. 77. artic. 2. ergo ante consecrationem soli quantitati immediatè inhaerebant.

43 Caterum hæc sententia falsa est, & omnino aliena à mente Aristotelis, & Diui Thomæ. Qui quantum ad hoc nunquam distinguunt inter accidentia, vt distinguunt Suarez; sed vniuersaliter affirmant, vnum accidens in tantum esse subiectum alterius, in quantum est ratio recipiendi illud, siue in quantum ambo recipiuntur, & inhaerent ipsi substantiæ ordine quodam, ita vt vnum prius, & alterum posterius recipiatur. Quo fit, vt respectu secundi accidentis, propriè loquendo, non dentur duo integra subiecta, vnum proximum, & aliud remotum; sed substantia simul cum primo accidenti constituit integrum, & immediatum subiectum secundi: ad eum modum, quo in causis efficientibus substantia ignis, verbi gratia, & calor eius, propriè loquendo, non sunt duæ causæ, alia proxima, & alia remota; sed ab utroque simul procedit calefactio; ab illa vt à supposito, quod operatur; ab hoc verò, vt à ratione agendi, seu virtute, qua ignis agit.

Hæc est expressa doctrina Arist. 4. Metaph. text. 14. vbi ait: *Accidenti enim nõ est accidens, nisi quia cumbo eidem accidunt.* A quo accipit

eam D. Tho. 1. 2. q. 7. art. 1. (quem locum non apparet, qua ratione adducat Suar. pro sua sententia) nā in solutione ad secundum sic ait Angelic. Doctor. *Aliquid dicitur accidens alicuius dupliciter. Vno modo, quia inest ei, sicut album dicitur accidens Sortis. Alio modo, quia est simul cum eo in eodem subiecto, &c.* Quem modum statim in solutione ad tertium subdividit dicens: *Sicut dictum est, accidens dicitur accidenti accidere propter convenientiam in subiecto. Sed hoc contingit dupliciter. Vno modo, secundum quod duo accidentia comparantur ad unum subiectum absque aliquo ordine, sicut album, & musicum ad Sortem. Alio modo cum aliquo ordine, puta quia subiectum recipit unum accidens alio mediante, sicut corpus recipit albedinem mediante superficie, &c.* Vbi expressè docet, accidens soli substantiæ propriè inesse, seu inherere; alteri verò accidenti nō, nisi in quantum ambo ordine quodam substantiæ insunt. Ergo sola substantia est, quæ propriè loquendo, exercet causalitatem materialem respectu accidentium cum subordinatione explicata.

Idem docet q. 2. de virtutibus art. 3. ad 2. dum inquit. *Forma non est forma, ita quod una forma præstet subiectum alteri. Nihil tamen prohibet, plures formas in eodē subiecto esse secundum quendam ordinem, scilicet ut una sit formalis respectu alterius, sicut calor est formalis respectu superficie, &c.* Videatur etiam q. 1. antecedenti artic. 4. ad 5. lib. 1. Post lect. 34. in 3. d. 33.

q. 2. art. 4. quaestiuicula 1. in corpore, & ad 1. & 2. in 4. dist. 16. q. 3. art. 1. quaestiuicula 1. ad 3. & alibi sæpè. Ex quibus, & alijs locis D. Tho. probat hanc sententiam Capreol. in 1. dist. 3. q. 3. artic. 3. ad 2. Scoti, & in 2. dist. 18. q. 1. art. 3. ad 1. Estq; receptissima inter Thomistas. Pro qua videri possunt Caieta. 1. p. q. 77. art. 1. & in hoc cap. circa finem; Soto ibid. & in 4. dist. 10. q. 2. art. 2. Mas, hic sect. 2. q. 10. Sāch. lib. 5. q. 11. Bergom. in Concordantijs D. Thomæ dub. 20. & alij.

44 Fundamentum est: quia omne accidens definitur per proprium, & immediatum subiectum, cui inheret, ut ostendimus supra disp. 5. num. 2. sed semper definitur per substantiam, ut ibidem ex Aristot. diximus: ergo semper substantia pertinet ad proprium, & immediatum subiectum accidentis.

Confirmatur primò: quia quælibet forma, seu actus immediatè attingit propriam materiam, seu potentiam, ut patet inductione: sed in propria materia, seu potentia accidentiam semper includitur substantia: ergo semper accidentia immediatè attingunt substantiam. Probatur minor: quia accidens dat propriæ materiæ esse secundū quid: ergo requirit, & supponit in illa esse simpliciter.

Confirmatur secundò: quia idè in sententia D. Tho. materia prima non est integrum, & immediatum subiectum quantitatis, aut alterius accidentis (& idè est de formis materialibus) quia non habet propriam subsistentiam, ut videbimus lib. 1. phy-

Physicorum: sed nullum accidens habet propriam subsistentiã, vt patet, ergo nullum accidens potest esse subiectum integrum, & immediatum alterius.

45 Argumentum in contrariũ adductum pendet ex pluribus quæ in materia de Eucharistia habent non paruam difficultatem. Pro nũc tamen dicimus, quod si inhærentia actualis accidentium non distinguitur ab eorum existentia, sed accidens per ipsum suum inexistere absque aliquo alio vnitur subiecto, vt explicat noster Didacus à Iesu disp. 12. q. vltima conclus. 3. & docent plures Thomistæ, sic consequenter dicendum est, quod qualitates panis ante consecrationem per ipsam suam existentiam inhærebant substantiæ quantæ tanquam vno integro subiecto; post consecrationem verò manet quidem eadem existentia qualitatũ, & ita manent cum antiqua inhærentia, sed hæc iã non exercetur circa substantiam, & quantitatem; sed solũ circa quantitatem, & ita quantitas tũc habet vices subiecti quod. Videatur Nazar. 1. p. q. 3. art. 3. cõtr. 1. parũ ante conclusiones. Si verò inhærentia actualis, seu vnio accidentis ad subiectum sit aliquis alius modus distinctus ab eius existentia, vt alij volunt; consequenter asserendum est post consecrationem, licet maneat in qualitatibus antiqua existentia, non tamen manere antiquam vnionem; sed virtute consecrationis de nouo vniri quantitati. Neque D. Tho. in argumento adductus contrarius est. Solũ enim

asserit manere accidentia secundũ esse, quod prius habebant, quod verissimum est: sed in se non sequitur manere cum antiqua vnione, si hæc ponitur distincta ab existentia accidentium.

46 ¶ Ex dictis inferitur, quæ acceptione proprij cõueniant substantiæ istæ sex proprietates. *Secũda* enim, & *tertia* conueniunt primo modo, scilicet, soli, sed non omni. Nam prædicari essentialiter de prima substantia conuenit quidem soli substantiæ, vt patet; sed nõ omni: cum ipsa prima substantia non prædicetur formaliter de se ipsa. Similiter significare hoc aliquid conuenit soli substantiæ; sed non omni, cum non conueniant secundis substantijs.

Deinde *quarta*, & *quinta* proprietates conueniunt substantiæ secundũ modo proprij, scilicet, omni, sed non soli. Nam omni substantiæ conuenit non habere contrarium, & non suscipere magis, & minus; non tamen soli: cum id conueniat etiam quantitati, & alijs pluribus prædicamentis.

Tandem *prima*, & *ultima* proprietates, scilicet, non esse in subiecto, & esse susceptiuam contrariorum, modo explicato, conueniunt substantiæ quarto modo proprij, vt satis ex dictis patet. Ex illis tamen vltima appellatur ab Aristot. maxime propria: quia est positina perfectio substantiæ, & non mera negatio sicut prima.



CAPVT SEXTVM DE QVANTITATE.

SV M M A T E X T V S.

1 **I**N Tres partes diuiditur hoc caput. Prima cōtinet duas diuisiones quantitatis. Quarum prima est: quantitas alia discreta, cuius, scilicet, partes nō copulantur aliquo termino communi, vt *numerus*, & *oratio*: & alia continua, cuius, scilicet, partes copulantur termino communi, vt *linea*, *superficies*, *corpus*, *tempus*, & *locus*: an. partes lineæ copulantur punctis, partes superficiei lineis, &c.

Secunda diuio est: quantitas alia habet situm, seu positionem partium inter se, vt *linea*, *superficies*, *corpus*, & *locus*: alia verò non habet talē positionem, vt *tempus*, *numerus*, & *oratio*. In illis enim verè designari potest, quem sitū, seu positionem singulæ partes habeant; non verò in his, vt patet: quauis eorū partes habeāt ordinē prioris, & posterioris.

In secūda parte inquit Arist. quòd istæ septem species quantitatis sunt quantæ per se, & ratione sui; alia verò omnia sunt quanta per accidens, quia non per se, sed per istas species sunt quanta. Nam actio dicitur longa; quia multum temporis in ea consumitur; albedinem etiam multam dicimus, quæ est in magna superficie, &c.

In tertia parte enumerat tres proprietates. *Prima* est non habere contrarium. ¶ Contra quam obijcit: quia multum, & paucum, magnū, & paruum videntur contraria: ergo &c. ¶ Et respondet primò, ista non esse quantitates, sed relationes, quia dicuntur in comparatione ad aliud. Cuius signum est, quòd montem dicimus paruum; milium vero magnū. ¶ Secundò responder, quòd siue sint quantitates, siue relationes, adhuc non sunt contraria, quia non se expellunt; siquidem idem simul est magnum, & paruum respectu diuerforum.

Secunda proprietas est non suscipere magis, & minùs: neque enim vnum bicubitum, aut vnum tempus est magis bicubitum, aut tempus, quàm aliud. ¶ *Tertia* proprietas maximè propria quantitatis est, vt secundum eam res dicantur æquales, vel inæquales. Nam vnum corpus dicitur æquale, vel inæquale alteri, & similiter numerus, tempus &c. quod tamen non inuenitur in alijs prædicamentis. Qualitas enim non dicitur æqualis alteri, sed similis, &c.

Notationes, & dubia circa hoc caput.

2 **N**O M E N Quantitatis ab hoc prædicamēto ad res alias propter quandam similitudinem,

non infrequenter translatum, efficit duas eius acceptiones, quas adducit Diu. Thom. 1. p. q. 42. art. 1. ad

ad 1. Primò enim sumitur latè, pro perfectione, seu virtute cuiuscumque naturæ: soletq; appellari quantitas virtutis, seu perfectionis. Quo sensu dicitur magna scientia, aut virtus, idest, perfectæ; & Deum appellamus magnum, non corpore, sed perfectione naturæ. De qua etiam acceptione Aug. 6. de Trin. c. 8. inquit. *In his, quæ non mole, sed virtute magna sunt, idem est maius esse, quòd melius esse.* Secundò sumitur quantitas strictè, vt significat molem, seu extensionem corporû, appellaturque quantitas molis. Et hæc est, quæ hoc prædicamentum constituit, de qua in præsentia agit Aristot. & nos deinceps agemus.

¶ Circa primam diuisionem, eã esse generis in species, dicemus q. 3. Nunc tamen pro intelligentia membrorum diuidentium explicare oportet, quid sit partes copulari, vel non copulari termino communi? Quod explicat optimè Caiet. ex ipsis vocibus. Ad hoc enim, vt aliquid sit terminus communis, duo requiruntur, scilicet, quòd terminet, & quòd sit communis. Et quia adiectiuum est modus, & determinatio substantiæ, non sufficit ad hoc, quòd aliquid dicatur terminus communis, quòd sit terminus, & quòd sit communis; sicut neque ad hoc, quòd aliquis sit monachus albus, sufficit, quòd sit monachus, & quòd sit albus; sed exigitur, quòd actum terminandi habeat communem, idest, quòd ita sit terminus vnius partis, vt etiam sit terminus alterius; sicut punctû, in quocumque loco lineæ designe-

tur, vtriusque partis, hinc, scilicet, & inde, terminus est. Et quoniam terminus, in quantum terminus, oportet, quòd sit indiuisibilis, quia si posset diuidi, non esset vltimum terminans, vt patet, idè termini communis nomine, significatur aliquid indiuisibile communiter terminans vtramque partem, quòd in linea est punctum; in superficie lineæ; in corpore superficies, & in tempore instans. Hæc Caietanus.

3 ¶ Secundò circa secundam diuisionem notandum venit, quòd dupliciter potest ibi explicari *situs*, seu *positio partium*. Primò formaliter, vt significat ipsam dispositionem partium in ordine ad locum, à qua habent, quòd aliæ sint sursum, aliæ deorsum, &c. Et hoc modo positio partium pertinet ad prædicamentum situs: & consequenter diuisio sic intellecta non potest esse essentialis, vt patet; sed erit subiecti in accidentia, siquidem situs, & negatio eius sunt accidentia respectu quantitatis. Et hic sensus videtur ad mentem Aristot. comprehendens enim sub hac diuisione easdem quantitates, quas sub prima comprehendere, satis ostendit, eandem quantitatē in communi esse diuisam in vtraque diuisione. Ex quo necessario sequitur, alteram esse accidentalem. Iuxta ea, quæ diximus in ante prædicamenti c. 3. num. 10. Quare cum prima diuisio sit essentialis, vt supponimus, hæc necessario erit accidentalis, si formaliter intelligatur eius membra diuidentia, vt dictum est.

Secundò modo potest sumi *situs*, seu *positio partium*, radicaliter pro situabilitate, seu aptitudine, quam linea, superficies, & corpus habent, vt disponantur secundum locum; hæ enim solæ quantitates possunt recipere figuram, ad quam consequitur dispositio in ordine ad locum; & sic istæ solæ sunt situabiles: tempus verò, cùm omnino sit insignurable, est etiam insituabile. Non enim partes eius possunt disponi sursum, aut deorsum, vt per se constat, sicut non possunt recipere figuram trianguli, pyramidis, &c. Et idem etiam est de numero, aut oratione; nam licet numeris sæpè figuras tribuamus, vt cùm dicimus numerum quadratū, cubum, &c. hoc tamen conuenit illis, secundum quod sumuntur, vt quantitates continuæ, sicut è contra proportionem sæpè tribuimus quantitatibus continuis, secundum quod sumuntur vt discretæ, nempe vt bicubitæ, tricubitæ, &c.

Igitur iuxta hunc sensum, quantitatem habere situm, seu positionem partium erit esse figurabilem, seu situabilem; sic enim circumloquimur gradum essentialem, in quo linea, superficies, & corpus conueniunt, & per quem distinguuntur à tempore; & ex consequenti sic intellecta hæc secunda diuisio erit essentialis, & subdiuisio præcedentis; facietque hunc sensum. Quantitas continua alia est figurabilis, seu situabilis, scilicet, linea, superficies, & corpus: & alia insignurable, seu insituabilis, vt tempus. Neque obstat, quod sub

hoc secundo membro, etiam numerentur numerus, & oratio, quæ sunt quætitates discretæ: quia quando aliquod membrum diuidens est negatiuum, si non sumatur priuatiuè, sed omnino negatiuè; possunt sub illo contineri plura, quæ non continentur sub diuiso, vt patet mille exemplis. Sic ordinant has diuisiones Sonc. 5. Metaph. quæst. 24. & alij.

¶ Tertiò circa secundam partem capitis notandum est, species quantitatis appellari ab Aristot. quanta per se. (Si rectè transfert Argropylos: Boecius enim, quem sequitur Caietan. sic vertit. *Propriè enim quantitates hæc solæ dicuntur: alia verò omnia secundum acciden. quanta sunt, &c.*) Tū quia per se sunt principia, vnde ad res alias deriuatur denominatio quantis; sicut si albedinem appellaremus per se albam: quia per se est principium dealbandi. Tū etiam, quia speciale est in quantitate quodammodo denominari à se ipsa, vt tetigimus suprà disputat. 4. num. 40. Cuius ampliorem explicationem, quia in hunc locū remisimus; ideò pro eius intelligentia considerandum est, quod licet ratio mensuræ non sit essentia quætitatis, sed passio eius, vt postea dicemus: quia tamen est nobis notior, ideò frequenter loquimur de quantitate sub ratione mēsuræ. Sicque de ea egisse in præsentī Aristotelem satis colligitur ex eo, quod locum, & superficiem ponit vt duas species quantitatis, propter diuersum modum mensurandi; cū tamen in ipsa ra-

sa ratione essentiali quantitatis non distinguantur.

Quia ergo inter quantitates neutra est prima mensura; siquidem hoc tantum conuenit puncto, & vnitati, vt explicuimus supra disputat. 10. num. 24. idèd hoc speciale est in isto prædicamento, quòd vna quantitas possit mēsurari per aliam. Et ita vna linea mensuramus aliam; vna superficie aliam, & sic de cæteris, vt docet D. Thom. de potentia quæst. 3. art. 17. ad 24. Quo fit, vt quantitas, quæ in se, & intrinsecè est mensura aliarum rerum, dicatur mensurata, dum regulatur per aliam quantitatem: ac proinde eadem quantitas simul dicitur mensura, & mensurata: & consequenter in eodem sensu simul dicitur quantitas, & quanta. Quia tamē vnā quantitatem, per aliam mensurari non tollit, quominus in se, & intrinsecè sint mensuræ aliarum rerum, idèd quantitas sic mensurata dicitur mensurata, seu quanta per se, quia tam res mēsurans, quàm mensurata est intrinsecè mēsuræ, & sic verificatur, quòd quantitas mēsuratur per se ipsam, vt inquit D. Tho. loco citato. Res verò aliorum prædicamentorum dicuntur mensuratæ, seu quantæ per accidens, seu per aliud: quia res mensurata non est mensura; sed quid aliud ab ea diuersum. Et hîc est verisimilior modus explicandi hunc locum Aristot. & quomodò quantitas denominet se ipsam. Videantur Mas. in scholijs huius capituli, & alij Thomistæ.

5 ¶ Tandem in tertia parte

capitis, relictis prima, & secunda proprietate, quæ capite præcedenti explicatæ sunt, circa tertium notandum est, æqualitatem, & inæqualitatem esse relationes consequentes quantitatem, & in illa fundatas: & idèd dicitur proprium esse quantitatis, vt secundum eam res dicantur æquales, vel inæquales. Appellatur autem hoc maxime proprium: quia conuenit quanto modo proprij. Nam secundum omnes species quantitatis dicitur aliquid æquale, vel inæquale; non verò secundum alia prædicamenta, vt consideranti patebit. ¶ Vbi nota, quòd sicut per similitudinem ad veram quantitatem, perfectio, seu virtus cuiuscumque rei appellatur quantitas, ita per similitudinem ad veram æqualitatem, vel inæqualitatem, conuenientia omnimoda, vel excessus rerum secundum perfectionè dicitur æqualitas, vel inæqualitas. Quo sensu duas albedines eiusdem intentionis appellamus æquales; si verò altera sit remissior, inæquales: & Christus Dominus dicitur æqualis patri secundum diuinitatem, inæqualis verò secundum humanitatem. Ex quo fit, vt seruata eadem proportionè, sicut vera æqualitas, vel inæqualitas est passio consequens quantitatem molis, quæ est vera quantitas; ita similitudinaria æqualitas, vel inæqualitas est, quasi proprietatis consequens quantitatem virtutis, quæ per quandam similitudinem appellatur quantitas.

(2)

DISPUTATIO XIII.

De prædicamento quantitatis.

QUANTITAS Qualitas, utpotè accidens consequens formam, dignitate superet quantitatem, quæ consequitur materiam, rectè tamen Aristot. statim post substantiam de quantitate disputauit. Tū quia hæc intelligitur antè quasumque qualitates in substantia corporali, de qua præcipuè egerat Arist. Tū quia in ratione substantiæ quantitas plus imitatur substantiam, quàm alia accidentia, & magis participat de ratione subiecti: vnde etiam potest diuina virtute per se sustentare alia accidentia, quod de alijs multi non improbabiler negant, & saltem non est ita certum. Iam verò circa quantitatem plura possent inquiri, nisi iterum de ea agendum esset in libris Physic. Et idè in hac disputatione essentiam eius, & species, quas statuit Aristot. tantum explicabimus.

QVÆSTIO PRIMA.

An quantitas realiter distinguatur à substantia?

PARS negatiua videtur fuisse Platonis, qui teste Aristot. 1.

Metaph. text. 5. vnam posuit omnium rerum materiam, cuius differentia diuina essent magnum, & paruum, arbitratus proculdubio, eandem rem esse materiam, & quantitatem. Quam sententiam sequuti sunt Stoyci, teste Aphrodisio, sequunturque Nominales, quos refert Suar. disput. 40. Metaph. sect. 2. asserentes eandem rem esse substantiam, & quantitatem. Vocant tamen substantiam, secundum quod substantiat accidentibus; quantitatem verò, secundum quod habet partes extra partes. Et idem proportionabiliter asserunt de alijs accidentibus corporeis, quod, scilicet, quantitas non distinguitur ab eis; sed vnum quodque per se ipsum est extensum, & quantum.

Fundamentum huius sententiæ quantum ad substantiam, & quantitatem est: quia si quantitas esset res distincta à substantia; maximè, ut illa mediante, substantia reciperet accidentia contraria; sed ad hoc non est necessarium, quod sit realiter distincta: ergo, &c. Probatur minor: quia recipere contraria est proprietas substantiæ: ergo per se ipsam absque aliquo alio potest illa recipere.

7 Opposita tamen sententia communis est inter Philosophos, & Theologos. Eam docent Aristotel. 7. Metaph. text. 8. D. August. 5. de Trinit. cap. 10. & D. Thom. 3. part. quæst. 77. art. 2. & in 4. dist. 12. q. 1. art. 1. quæstiuncula 3. Pro qua videri possunt inter alios Sua. vbi supra, Araux. lib. 5. Metaph. quæst. 3. art. 6. & Mas. hic sect. 1. quæst. 5.

Bre-

Breuitate probatur. Tùm ratione generali: quia nullum accidens reale potest esse idem realiter cum substantia; sed quantitas est accidens reale: ergo non potest esse idem realiter cum substantia. Minor, & consequentia constant. Maior autem nostro iudicio est certissima, implicat enim quòd eadē entitas realis sit realiter per se, & realiter inhereat alteri, ut magis ostendimus cap. sequenti, cùm de distinctione relationis à fundamento disputemus. ¶ Tùm etiam ratione speciali desumpta ex mysterio Eucharistiæ, in quo quantitas panis de facto separatur à substantia: ergo antea distinguebatur realiter. Pater consequentia: quia realis separatio signum euidentis est distinctionis realis.

Respondent Nominales in mysterio Eucharistiæ perijisse quantitatem panis simul cum substantia, ut potè idem realiter cum ipsa; manere tamen quantitatem coloris, saporis, & aliorum accidentium, quæ realiter distinguebantur à substantia.

8 Hæc tamen solutio, & sententia, licet quia saluat veritatem transubstantiationis, non sit hæretica: quia tamen est contra communem Theologorum consensum in Ecclesia communiter receptum, non caret aliqua temeritate. Et ideo sic breuiter impugnatur.

Primò: quia transubstantiatio, quam Concilia, & Patres ponunt in Eucharistiâ, est conuersio totius substantiæ panis in totam substantiam Christi Domini, manentibus

eisdem accidentibus, ut sumitur ex Concil. Lateran. sub Innocen. III. cap. 1. & Trident. sess. 13. can. 2. sed quantitas panis est verum accidens de prædicamento accidentis, etiam in sententia Nominalium: ergo ipsa etiam debet manere.

Secundò: quia omnino irrationabiliter ponitur vna quantitas ad extendendam substantiam, & alia ad extendendam albedinem, &c. ergo aliena omnino est à veritate dictæ sententia. Probatur antecedens: quia effectus formales eiusdem rationis provenire debet ab eadem forma; sed extensio substantiæ, & extensio albedinis, atque aliorum accidentium sunt eiusdem rationis, ut patet: ergo ab eadem forma provenire debet. Cùm ergo in Eucharistiâ maneat quantitas coloris, ut ad sensum patet: etiam manebit quantitas substantiæ; siquidem eadē est quantitas utriusque.

Tertiò tandem: quia si accidentia Eucharistiæ non vnirentur in quantitate panis tanquam in communi subiecto, nullo modo vnirentur, nullamque haberent colligationē, ac proinde posset color manere, immoto sapore, quod ad sensum pater, esse falsum: ergo, &c. Probatur sequela: quia qualitates istæ non comparantur inter se tanquam actus, & potentia, neque singi potest alius modus unionis, nisi secundum quòd eidem communi subiecto insint, quod nullum aliud potest esse, nisi quantitas panis: ergo verè subiectantur in illa: ac proinde ipsa realiter separatur, & distinguitur à substantia.

9 Ad fundamentum contrariæ sententiæ respondetur in primis, quòd quantitas non ex eo præcisè distinguitur realiter à substantia, vt hæc, media illa, recipiat accidentia: nam etiam si nullum aliud esset accidens, adhuc distingueretur à substantia. Deinde dicimus, quòd substantiæ proprium est, esse subiectum *quod* contrariorum, vt supra explicatum est: quod autem sic est subiectum, non excludit à se subiectum *quo*, quale est qualitas; sed potius illud exigit, vt sit ratio recipiendi. Sicut ex eo, quòd anima rationalis sit subiectum *quod* actuum intellectus, non excludit, sed potius exigit ipsam potentiā intellectiua, vt sit ratio recipiendi illos.

QVÆSTIO II.

In quo consistat ratio formalis, & essentia quantitatis?

10 **T**Ria sunt præcipua, quæ quantitas tribuit substantiæ, de quibus potest procedere difficultas, scilicet, ratio mensuræ, diuisibilitas in partes, & earum extensio, seu dilatio, quæ oportet seorsim explicare ad resolutionem difficultatis.

Mensura ergo propriè dicta definitur ab Aristot. 10. Metaph. text. 2. esse. *Id quo quantitas rei cognoscitur*: sicut vna est mensura panni: quia media illa cognoscimus quantitatem panni. Ad hoc autem necessarium est, vt mensura sit vna, & indiuisibilis secundum illam rationem, secundum quam assumitur vt mensura, vt probat ibidem Arist. Ratioque est manifesta: quia men-

sura est id, vnde primò deriuatur cognitio rei mensuratæ: ergo prout sic, debet esse indiuisibilis. Si enim haberet partes, iā esset aliud prius, vnde deriuaretur cognitio; & per consequens ipsa non esset mensura. Sic videmus vnam in ratione vlnæ esse indiuisibilem: quia non componitur ex vlnis, palmum in ratione palmi, & sic de alijs.

Hoc autem dupliciter contingit. Nam vel mensura est tantum secundum quid indiuisibilis, & simpliciter diuisibilis, vt vlna, quæ est indiuisibilis in ratione vlnæ; simpliciter tamen diuidi potest, cum componatur ex palmis; & idem est de alijs mensuris, quibus homines vtuntur, vt cubitū, pes, passus, &c. Et huiusmodi mensuræ simul sunt mensura, & res mensuratæ. Vel mensura est simpliciter indiuisibilis, vt vnitas, & punctum; quæ propterea sunt primæ mensuræ quantitatum, & ex consequenti repugnat, quòd sint res mensuratæ. Hæc autem quæ de propria mensura inter quantitates molis dicta sunt, proportionabiliter applicantur quantitatibus virtutis, inter quas inueniuntur etiam mensura virtutis, seu perfectionis, vt loco citato probat Aristot. De qua intelligitur commune dictum. *Primum in vnoquoque genere est mensura cæterorum*: per accessum en. m. vel recessum ab illo primo cognoscimus perfectionem aliorum in illo genere. Tota hæc doctrina desumpta est ex D. Tho. 1. distinct. 8. quæst. 4. art. 2. ad 3. lib. 10. Metaph. lect. 2. & lib. 1. Poster. lect. 26.

11 Secundò notādum est, quòd quāuis ratio mensuræ, tantū cōuenire videatur mensuræ, quæ est extrinseca mēsurato; hæc enim est quæ in vsu humano applicatur ad rerum quantitates cognoscendas, vt patet de vlna respectu panni, de pede respectu ædificij, &c. tamen inter Philosophos loquendo, etiam datur mensura intrinseca mensurato. Et hoc modo quantitas est mēsurā substantiæ, cui inhaeret, & aliorum accidētium corporalium, quæ media quantitate subieciuntur in substantia. Cū enim a quantitate recipiant extensionem; media illa verè cognoscimus eorum magnitudinem; & per consequens habet veram rationem mensuræ respectu illorum. Quæ doctrina est expressa D. Tho. in 2. d. 2. q. 1. art. 2. ad 1. & q. 1. de verit. art. 5. vbi diuidit mensuram in extrinsecam, & intrinsecam; aitque, hanc esse in mēsurato sicut accidens in subiecto, & ponit exemplum de quantitate respectu corporis, cui inhaeret.

Per quod excluditur Suarez disputat. 40. Metaph. sect. 3. n. 11. asserens ex mente Scot. & Durand. quantitatē non habere rationem mensuræ respectu subiecti in quo est. Vt enim contra ipsum bene argumentatur Sanch. lib. 5. Logicæ q. 15. substantia habet, quòd sit tāta a quantitate: ergo quòd cognoscatur esse tantam, habet etiam ex sua quantitate & per cōsequens quantitas erit mensura intrinseca illius. Et idem argumentum fieri potest in alijs accidentibus corporis, vt per se patet.

12 Dices: quantitas, extendēdo substantiam, tribuit illi aptitudinem, vt mensuretur per mensuram extrinsecam: ergo potius constituit eam in ratione mensuræ, seu mensurabilis, quā habeat rationem mensuræ respectu eius.

Respondetur, quantitatē mēsurando intrinsecè substantiam tribuere illi talem aptitudinem. Inde autem solum sequitur quātitatem non esse mensuram simpliciter primam in genere quantitatis, quod libenter concedimus; quia, vt supradiximus, id tantum conuenit puncto, & vnitati. Vnde quæcumque quantitas simul est mensura, & res mensurata: quia proprium subiectum mensurat intrinsecè, & constituit aptum, tū vt assumatur vt mensura extrinseca aliorum, tū etiam vt passiuè mensuretur per aliam mensuram extrinsecam.

Per quod excluditur etiam aliorum sententia, qui diuidentes mensuram actiuam, & passiuam, dicūt, esse mensuram actiuam, non conuenire omni quantitati; benè tamen esse mensuram passiuam, seu mensurabilem. ¶ Quæ quidem non benè dicuntur: nam in primis aptitudo passiuæ rei, vt mēsuretur, valde improprie appellatur mensura; sicut aptitudo ad recipiendam albedinem abusiue diceretur albedo. Deinde omnis quantitas verè habet rationem mensuræ actiuæ: tū quia intrinsecè mensurat proprium subiectum; tū etiam quia reddit illud aptum, vt assumatur tanquam mensura extrinseca aliorum rerum. Quāuis enim in vsu huma-

humano quædam tantum quantitates, ut palmus, pes, calamus, &c. destinatae sint ad mensurandum; aptitudo tamen actiua ad mensurandum alia oritur ex ipsa natura quantitatis, ac proinde conuenit omni quantitati.

13 Tertiò notandum est diuisibilitatem nihil aliud esse, quam aptitudinem, seu potentiam passiuam rei, ut diuidatur in partes. Cû autem variae sint partes; variae etiã erunt diuisiones, & diuisibilitates; & ita alia erit diuisibilitas in partes physicas, alia in partes metaphysicas, &c. Præter quas datur alia in partes integrantes, seu extensionis, ut aptitudo quam habet linea vnius vlus, ut diuidatur in tertias, vel quartas partes. Et hæc est propria quantitatis; quia ab ea habent res aptitudinem, ut diuidantur in partes integrantes, ut infra dicemus.

Hic autem nota ex Suesano lib. 5. Metaph. quæst. 9. hanc diuisibilitatem esse duplicem, aliam proximam, aliam remotam; illa est immediata ratio, quare quantitas diuidatur; hæc verò est, à qua fluit ipsa diuisibilitas proxima. Sicut à simili distinguimus duplicem potentiam in homine ad intelligendum, aliam proximam, nempe intellectum, & aliam radicalem, seu remotam, scilicet, ipsam essentiam animæ rationalis.

14 Quartò tandem nota, quòd extensio, ut in præsentî sumitur, est latitudo illa, seu moles, quam intelligimus in substantia corporea quantitate affecta: quòd explicamus

per habere partes extra partes. Hæc autem extensio duplex est. Alia in ordine ad locum, quando, scilicet, vna pars actu est extra locum alterius, ut in nobis nunc manus non solum est extra entitatem capitis; sed etiam extra locum eius, cû actu correspondeat diuerso spatio. Alia est extensio in ordine ad se, quando, scilicet, vna pars est extra aliam, ita ut secundum suam molem quantitatiuam non sint permixtae, & confusa; sed caput immediatè vniatur collo, collum pectori, & sic de alijs. Quod potest contingere, etiam si tales partes correspondeant eidem loco; ut patet in Eucharistia, vbi Christus Dominus verè habet extensionem hanc in ordine ad se; quia partes eius non sunt confuse, ita ut caput sicut est vnitum collo, ita sit vnitum pedibus; sed verè seruant inter se ordinem, & vna est extra entitatem alterius; actu tamen nõ sunt extensa in ordine ad locum: quia omnes eidem indiuisibili spatio correspondent; & ideo totus Christus cõtinetur in qualibet parte minutissima Hostiæ.

Quauis autem duæ istæ extensiones supernaturaliter separantur in Eucharistia, ut dictum est: connaturaliter tamen extensio in ordine ad locum debetur alteri, & dimanat ab ea, ut patet in cæteris rebus quantis. Propter quod Suarez, & alij, quos adducemus quæstione sequenti, extensionem istam partium, quam appellauimus in ordine ad se, appellauit ipsi radicaliter localem, & situallem,

tem, seu quantitativam, ut eam distinguant ab alia quadam extensione, quam constituunt in substantia secundum se, & ante quantitatem, ut ibidem videbimus.

15 His ita constitutis : satis constat, essentiam quantitatis non consistere in extensione actuali partium in ordine ad locum. Nam iuxta communem sententiã (quidquid contradicat Durandus) Christus Dominus in Eucharistia habet quantitatem; & tamen ibi non est extensus in ordine ad locum. Vnde solum remanet difficultas de extensione in ordine ad se, diuisibilitatem, & ratione mensuræ. Circa quod, relictis quibusdam Scholasticis, quorum meminit Masius hinc sectione prima quæstione tertia, cõtendentibus, nullam posse à nobis assignari essentiam quantitatis, eo quod sit summè latens, & obscura.

Prima sententia asserit, essentiam quantitatis consistere in ratione mensuræ. Pro qua citatur Alber. hic tractat. 8. cap. 1. eamque docere videtur D. Thom. opusculo 52. circa finem, ubi ait: *Propria ratio quantitatis, que cõpetit quantitati, quatenus quantitas est, ratio est mensuræ.* Et 1. part. quæst. 28. artic. 2. & alibi sæpè, definit quantitatem, quod sit mensura substantiæ. Quod etiam satis insinuat Aristoteles in hoc capite, dum probat orationem esse quantitatem, quia mensuratur syllaba breui, & longa.

Ratione etiam fundetur : quia illa est ratio essentialis quantitatis, quæ diuiditur in diuersas spe-

cies huius pradicamenti, & contrahitur per plures differentias, diuersificatur in illis; sed hæc est ratio mensuræ, & non diuisibilitas, aut extensio : ergo, &c. Probatur minor : quia superficies, & locus, quæ ponuntur ab Aristot. ut duæ species quantitatis non differunt secundum extensionem, aut diuisibilitatem ; sed penes diuersum modum mensurandi : siquidem eadem extensio, secundum quod mensurat subiectum, in quo est, dicitur superficies; & secundum quod mensurat corpus, quod continet, dicitur locus.

16 Secunda sententia docet, essentiam quantitatis consistere in diuisibilitate. Hanc sequuntur plures Thomistæ Capreolus in 2. distinct. 3. q. 1. art. 3. ad 11. Scoti & dist. 19. q. vnica ad secundum contra primam cõclusionem, Soncin. 5. Metaph. q. 21. labelus q. 20. Zaccardus ibidem, Fland. q. 14. art. 4. & Aquarius q. 11. Quibus etiam consentiunt Scot. hic q. 17. & 5. Metaph. q. 9. Anton. Andreas ibidem q. 10. & alij eius Discipuli. Colligiturque ex Arist. eodem lib. 5. Metaph. text. 18. ubi quantum definit esse. *Id quod est diuisibile in ea, quæ insunt, quorum utrumque, vel vnuquodque vnumquid aptum est esse.* Et satis indicat D. I. ho. in 1. dist. 19. q. 1. art. 1. ad primum, ubi inquit. *Æqualitas conseruitur rationem quantitatis, que consistit in quadam diuisibilitate, &c.*

Probatur ratione Scoti : quia iuxta diuersos modos diuisibilitatis ponuntur diuersæ species quantitatis:

tatis: ergo eius essentia consistit in diuisibilitate. Consequentia patet, & probatur antecedens: quia in primis aliter est diuisibilis quantitas continua, ac discreta: siquidem hæc diuiditur in partes, quæ nullo communi termino iunguntur; illa verò in partes communi termino copulatas. Similiter linea, superficies, & corpus distinguuntur per hoc, quòd vna est diuisibilis secundum longitudinem, alia secundum latitudinem alia secundum profunditatem; & idem est de alijs speciebus quantitatis: ergo, &c.

17 Nihilominus dicendum est primò essentiam quantitatis non consistere in ratione mensuræ, neque in diuisibilitate proxima. Sic docent Auctores conclus. sequenti adducendi. Et probatur prima pars. Nam in primis esse mensuram primam in hoc genere non potest esse essentia quantitatis: hoc enim tantum conuenit puncto, & vnitati, quæ nō sunt quantitates, sed principia earum, vt patet. Deinde, vel per mensuram intelligimus aptitudinem, quam tribuit quātitas subiecto, vt assumatur ad mensurandas alias res, quæ solet appellari mensura actiua; vel aptitudinem, vt passiuè mensuretur. (Nam actu mensurare, aut mensurari euident est, non esse essentiam quantitatis.) Sed in neutra aptitudine potest consistere essentia quantitatis: ergo, &c. Probatur minor: quia vtraque aptitudo supponit extensionem partium, & oritur ex ea: idè enim aliquod quantum potest mēsurare alia, aut mensurari ab alio,

quia habet partes: ergo prius est habere partes, quàm habere talem aptitudinem. Cum ergo essentia sit omnium primum; planè sequitur, in neutra aptitudine posse consistere essentiam quantitatis.

Per quod etiam probatur secunda pars conclusionis: quia aptitudo, quam res quanta habet, vt diuidatur, necessariò supponit extensionem partium: nam idè linea potest diuidi in partes, quia habet partes, & non è contra: ergo habere partes prius est, quàm potentia proxima ad diuisionem, & sic, &c.

Dices: saltem diuisibilitas radicalis, aut etiam mensurabilitas radicalis erit essentia quantitatis.

Respondetur, id quidem esse verum: nam in rei veritate extensio ipsa est radicaliter diuisibilitas, aut mēsurabilitas; siquidem est radix, vnde oriuntur diuisibilitas, & mēsurabilitas proximæ. Adhuc tamen non explicatur sufficienter essentia quantitatis per hos terminos. Sicut si quis diceret, risibilitatem radicalem esse essentiam hominis, in re quidem nihil falsum diceret; siquidem radix risibilitatis est ipsa rationalitas. Ceterum insufficienter, & confusè explicaret tunc essentiam hominis, quia nondum exprimebatur, quid esset illud, à quo tanquam à radice oritur risibilitas. Idem ergo contingit in præsentī, vt consideranti patebit.

18 Dicendum est secundò, extensionem partium in ordine ad se esse rationem formalem, & essentiam quantitatis. Sic docet apertè

D. Thom. 1. p. q. 14. artic. 12. ad 1. ubi ait: *De ratione quantitatis est ordo partium*. Et clarius 4. contra Gentes cap. 65. his verbis: *Positio, quæ est ordo partium in toto, in eius (scilicet quantitatis) ratione includitur*: Quem secutus Ferrara ibid. cap. 87. §. ad evidentiam, Nuño 3. p. q. 76. ar. 4. dub. vnic. Arauxo, lib. 5. Metaph. q. 3. art. 1. Mas. ubi supra, Sanch. lib. 5. Logica q. 15. & Galleg. controu. 24. qui addit esse communem in schola Thomistar. Quibus in hac parte consentiunt Tolemus; Rub. Vazq. Fonseca, & multi alij quos refert Galleg. loco citato Vbi rectè probat ab hac sententia in re non discordare Thomistas citatos pro secunda; loquuntur enim de diuisibilitate radicali, vt satis se explicant Capreolus secundo loco, & Sonci. quæst. citata in solutione ad primum.

Fundamentum sumitur ex dictis; quia illud est ratio formalis, & essentia alicuius, in quod tadem resoluitur omnes illius proprietates: sed omnes proprietates quantitatis vitinò resoluntur in extensionem partium: ergo in illa consistit essentia eius. Probat minor: quia idè quãtitas potest esse æqualis, vel inæqualis, quia est extensa; idè potest mensurari, vel mensurare; quia in se habet dilatationem, vel extensionem; idè est diuisibilis in partes, quia habet illas. Non tamen valet e contra: neque est assignabilis alia ratio prior, quare quantitas sit in se extensa; nisi quia est quantitas. Ergo extensio in ordine ad se est eius essentia.

Confirmatur: quia ipsa moles, quæ distinguit hoc predicamentum à quantitate virtutis, nihil aliud est quam habere in se extensionem partium; & secundum hanc sunt diuisiones essentielles huius predicamenti; continuitas enim, vel discretio, lōgitudo, aut profunditas, & c. sunt tales, vel tales modi habendi partes. Et tandem idè locus reijcitur cōmuniter à recta linea huius predicamenti, (vt postea videbimus) quia non habet specialem modum extensionis distinctum à superficie; ergo ratio formalis, & essentia quantitatis consistit in extensione partium in ordine ad se.

19 Ad argumenta respōdetur. Ad locum D. Thom. pro prima sententia adductum, dicimus primò, ibi sum mensuram pro radicali mensurabilitate, quæ est extensio. ¶ Secundò, & melius respondetur sensum esse, quòd ratio quantitatis, secundum quòd consideratur à Logico, est ratio mensuræ: siquidem ob hanc causam Arist. (vt in notationibus capituli dicebamus) posuit vt duas species quantitatis superficiè, & locum; quod in illo opusculo explicare volebat D. Thom. ¶ Quibus adde dictum opusculum esse ex reprobaris iuxta censuram D. Antonini 3. p. historiarum titu. 18. capit. 10. quæ referunt Antonius de nensis in Biblioth. Prædicatorum, & Sixtus Senerfis lib. 4. Bibliot. verbo *Thomas Aquinas*: quamquæ secuta est editio Fij V. Roma facta anno 1571. & admittunt communiter Doctores. De quo etiam videri potest Antonius Picamus

Patricius, præfatione ad opuscula
D. Thom. multo antea excussa Ve-
netijs anno 1547.

Per quod patet, tum ad locum
Aristot. tum ad rationem factā pro
hac sententia. Quia enim in hoc ca-
pite agebat Arist. de quantitate in
ratione mensuræ; ideo ex ea sump-
sit argumētum ad probandum ora-
tionem esse quantitatem; ideoque
posuit ut duas eius species superfi-
ciem, & locum, propter diuersum
modum mensurandi earum. In Me-
taphysica verò, ubi agebat de quā-
titate secundum suam essentiam,
negauit locum esse veram speciem
quantitatis, ut infra videbimus.

20 Ad argumēta secundæ sen-
tentiae respondetur. Ad locum Arist.
tot. ibi definisse quantitatem per
diuisibilitatem tanquam per pro-
priam passionem, quæ nobis notior
est, & ex qua facili colligimus ip-
sammet essentiam; sicut propter
eamdem rationem definit D. Tho.
quantitatem per rationem mensu-
ræ. ¶ Ad locum eiusdem Angeli-
ci Doctoris respondetur, ibi loqui
de diuisibilitate radicali. Neque opus
fuit exprimere extensionem par-
tium; quia ibi non definiebat quā-
titem.

Ad rationem respondetur, di-
stinguendo antecedens. Si enim
sensus sit, species quantitatis sumi
tanquam ex prima radice ex diuer-
so modo diuisibilitatis; omnino fal-
sum est: quia prius intelligitur quā-
titem continuam, & discretam,
& vniuscuiusque species habere di-
uersum modum extensionis, quam
diuisibilitatis, ut dictum est. Si verò

sensus sit, species istas sumi ex di-
uerso modo diuisibilitatis tanquam
à signo nobis notiori; verum est an-
tecedens. Sed inde solum sequitur
diuisibilitatem esse passionem quā-
titem.

21 ¶ Ex dictis inferitur primò,
quòd esse extensum in ordine ad lo-
cum non potest esse effectus quanti-
tatis in genere causæ formalis, siue
ut alij dicunt, effectus primarius;
hic enim separari non potest à quā-
titem, etiam de potentia absoluta,
ut sentiunt communiter Doctores;
sed vel est effectus formalis ubi cir-
cumscripiti, vel alterius acciden-
tis innominati à quantitate connat-
uraliter dimanātis. Propter quod
solet appellari effectus secundarius
quantitatis: potestque ab ipsa diui-
nitus separari, ut contingere dixi-
mus in Eucharistia. Sicut etiam cer-
nimus in subsistentia, aut existen-
tia creata: quæ solent appellari ef-
fectus secundarij formæ substantia-
lis; & ideo possunt ab ea separari
per potentiam diuinam, ut de facto
separantur in natura humana Chri-
sti Domini.

22 ¶ Secundò inferitur multò
minùs posse consistere essentia quā-
titem in impenetrabilitate, scili-
cet, in repugnantia, quam substan-
tia corporea habet, ut sit in eodem
loco cum alia. Tum quia impen-
etrabilitas necessariò supponit ex-
tensionem in ordine ad locum; si-
quidem non habent talem repug-
nantiam, nisi quæ sunt in loco. Tum
etiam quia potest à quantitate se-
parari, ut de facto contingit in na-
uitate Christi Domini, & quando
ad

ad discipulos intrauit, ianuus clausis. Tunc enim quācitas Christi Domini ināsit penetrabilis ex eo, quod impedita, vel ablata est à Deo impenetrabilis, quā est connaturalis passio quantitaris, ut sumitur ex D. Tho. in 4. dist. 44. q. 2. ar. 2. quāsiuncula 2. Ex quo etiam fit, quod penetrabilitas opposita impenetrabilitati, de qua loquimur, potius est priuatio, quam aliquid posituum, solumque inuenitur in corporibus; & per consequens, neque Angeli, neque animæ separatae propriè dicuntur penetrari, quādo sunt in eodem loco simul cum corporibus.

QVAESTIO III.

An substantia corporea sine quantitate habeat partes?

23 S Vpposita distinctione reali quantitaris, & substantiæ quāstione 1. statuta, rationabiliter negari nō potest, substantiā posse per diuinam potentiam absque quantitate conseruari, sicut de facto in Eucharistia quantitas conseruatur absque substantia. Minus enim dependet in sua existentia substantia à quantitate, quā quācitas à substantia, ut de se patet. In casu ergo, quo conseruaret Deus substantiam absque quantitate, procedit praesens difficultas, & inquit: an tunc substantia haberet partes? Et non est dubium de partibus essentialibus, tam physicis, quā metaphysicis; hæ enim, cum componāt essentiam substantiæ corporeæ, necessario illam comitantur. Neque similiter est

dubium de extensione partium in ordine ad locum, seu in loco. Quāquā nonnulli moderni, quorum meminit Vazq. 1. p. disp. 196. c. 3. eò deuenierint, ut hanc etiam concedant in substantia absque quantitate conseruata, asserentes tunc habere quandam extensionem localem entitatiuam, ita ut caput corresponderet sursum, pedes deorsum &c. Hi tamen, ut potè sensibus adiecti, relinquendi sunt. Dubiū ergo est de partibus integralibus, & extensione in ordine ad se: an scilicet substantia sic cōseruata haberet in sua entitate aliquam actualement extensionem; ita quod verè ibi essent partes, & una alteri vniretur, essentque consequenter actu manus, pedes, &c.

§. I.

REFERTVR SENTENTIA
affirmans variaque eius argumenta adducuntur.

24 V Aldè plausibilis est his temporibus apud aliquos Modernos opinio asserens, substantiam corpoream sic absque quantitate conseruatam verè habere partes integrales, & extensionem actualement modo explicato. Sic docuerūt Nominales: quos referunt, & sequuntur Suar. disput. 40. Metaph. sect. 4. Fonseca lib. 5. c. 13. q. 2. sect. 3. Conimb. 1. Physic. c. 2. q. 2. art. 3. Rub. ibidem cap. 3. quæst. 2. Oñā hic q. 1. art. 1. Caber. disp. 2. dub. 2. & communiter Recentiores extra scholam D. Thomæ.

Sicut autem eis obieciās extensionem, & diuisibilitatem iuxta Peripatetice.

pateticam doctrinam ad quantitatem pertinere, excogitarunt facile solutionem, distinguendo duplicem extensionem, & diuisibilitatē, aliam substantialem, seu entitatiuam, & aliam quantitatiuā. Hanc inquirunt esse propriam quantitatis; & consequenter absque ea manere substantiam, quando separatur quantitas: illam verò habere substantiam à se ipsa; & per consequens semper retinere eam. Per quod facile soluere arbitrantur, tūm Arist. & D. Tho. testimonia, tūm etiam argumenta, quæ contra eos fiunt. Concedunt autem hanc extensionem, non solum in ipsa substantia completa, sed etiam in materia prima secundum se; ita quod ipsa à forma, & quantitate p̄cisa, habeat partes integritates actu distinctas, & vnitas. Videatur. Suar. ibid. n. 12.

Probatur primò hæc sententia ex D. Thom. in 2. dist. 10. q. 2. ar. 1. vbi disputans: quomodo alimētum transeat in veritatem humanæ nature, impugnat quorundam sententiam asserentium, quod quia materia prima ex se caret omni quantitate, idè aqualiter se habet ad omnem quantitatem, probatq; quantitatem debere proportionari materiæ: ergo sentit D. Thom. extensionē quantitatiuam materiæ supponere in ipsa propriam extensionem entitatiuam.

25. Secundò ibidem docet, animal per nutritionem acquirere, nō solum nouam partem quantitatis, sed etiam nouam partem substantiæ. Ex quo sic formatur argumentum. Quoties aliquid successiue

producitur; necessariò debet habere partes respōdentes partibus motus productiui, quarū vna post aliā producatur: sed substantia corporea producitur successiue per nutritionem: ergo verè habet partes, & extensionem.

Respondebis, idè tunc substantiam habere partes, quarum vna post aliam producatur, quia ibi est quantitas. ¶ Sed contra: quia per nutritionē intelligitur p̄cise produci substantia, & prius natura, quā per augmentationem intelligatur produci quantitas: ergo in ipsa substantia ante quantitatem intelligitur pluralitas partium.

Tertiò idem D. Tho. 1. parte quæst. 92. artic. 3. ad 1. docet, quod quando Deus formauit Euam ex corā Adam; addidit materiam per creationem, vel cōuersionem productam. Vbi Caiet. concedit in ipsa essentia materiæ secundum se dari plus, aut minus: quod etiam concedit Soncin. 8. Metaph. quæst. 4. Ex quo sic formatur argumentum. Vbi datur plus, aut minus, ibi datur distinctio partium: sed in substantia ante quantitatem datur plus, aut minus: ergo ibi datur distinctio partium. Maior patet: quia id, quod habet plus, excedit id, quod habet minus in aliquo reali: ergo distinguitur realiter à tali excessu. Minor autem videtur Dini Thomæ: nam si in substantia non daretur plus, aut minus ante quantitatem, non haberet plus substantia Adam, quā in costa ab illo educta; & cōsequēter non oporteret producere nouā materiā in formatione Eue.

26. Quartò probatur ex consecratione Eucharistie in casu, quo Sacerdos consecraret medietatē Hostiæ à se designatā, quod esse possibile nullus potest dubitare. In quo casu, sic formatur argumentū. Substantia, quæ erat in medietate Hostiæ consecratæ verè desinit esse, & separatur à substantia, quæ manet in altera medietate nō consecrata; & tamen quantitas totius Hostiæ manet integrā, & indiuisa: ergo iam substantia diuiditur secundū se ipsam, & non ad diuisionē quātitatis.

Respondebis, in tali casu virtute consecrationis discontinuari quātitatem in duabus illis medietatibus, licet à nobis non percipiatur.

Sed contrā: quia id videtur voluntariè dictū, & directè pugnat cū doctrina D. Tho. 3. p. q. 77. art. 8. ad 2. ubi docet, quòd si vino consecrato infundatur parū vini non consecrati: *Erit quidē una dimensio secundū continuationem quantitatis, nō tamen una secundū modum essendi: quia una pars eius erit sine subiecto, & alia erit in subiecto*: ergo idem dicendum est de illis medietatibus Hostiæ in casu posito.

Quintò: quia substantia est subiectum quātitatis: ergo tota quantitas recipitur in tota substantia, & partes quantitatis in partibus substantiæ: ergo sicut tota substantia antecedit totam quantitatem, ita partes substantiæ antecedunt partes quantitatis. Antecedens est certum; & prima cōsequentia probatur: quia subiectum, & forma debet proportionari: ergo cū quantitas habeat partes, & sit extēsa, sub-

stātia etiam debet habere aliquam extensionem.

Confirmatur primò: quia res diuisibilis non potest recipi in subiecto indiuisibili: sed quantitas recipitur in substantia: ergo substantia non est de se indiuisibilis. Probatur maior: quia ideo accidentia corporea non possunt recipi in Angelo: quia hic est indiuisibilis, illa verò diuisibilia.

Confirmatur secundò: quia in illo priori, in quo substantia recipit quantitatem, vel recipit illam: quatenus diuisibilis, vel quatenus indiuisibilis? Si primum: ergo substantia ante quantitatem habet partes. Si secundum: ergo substantia manet semper indiuisibilis; quia eadē est ratio recipiendi, & cōseruandi; hoc autem est falsum: ergo &c.

27. Sextò: quia substantia cū quātitate habet partes substantiales; siquidē in Petro caput, & pes partes substantiales sunt, & substantialiter distinctæ: ergo illas non recipit a quātitate. Probatur consequentia: quia nullū accidens potest tribuere effectum substantialem: sed ista partes sunt substantiales: ergo &c.

Confirmatur: quia cœlū, v. g. maiorem quantitatem natura sua postulat, quā granum frumenti: ergo propter aliquam maioritatem substantialem, quam in se habeat. Probatur antecedens: quia sicut quantitas absolutè, sequitur substantiam corpoream absolutè; ita tanta, aut maior quantitas sequitur tantam, aut maiorem substantiam.

Septimò: quia si auferret Deus in instanti quantitatem à substantia

Oceani, vel maneret tunc substantia diuisibilis, vel indiuisibilis? non secundum: ergo primum. Probatum minor. Tū quia iam tota illa substantia confluere in punctum; mouereturq; localiter in instāti. Tū etiam, quia non esset maior ratio, quare confluxus ille fieret in Oceano Indico, vel Atlantico. Tū denique: quia bibens guttam ex illa aqua integrum Oceanum biberet, quæ videntur absurda.

Octauo; quia si substantia haberet à quantitate partes integrātes; sequeretur, quod quæ distinguuntur realiter, realiter identificarentur; & quæ realiter sunt idē, realiter distinguerentur; utrūq; autem est impossibile: ergo, &c. Probatum sequela: quia nunc caput, v.g. distinguitur realiter à brachio: auferatur quantitas: tunc, vel manet distincta caput, & brachiū, vel sunt idem. Nō primū per te: ergo realiter identificantur. Similiter, ponatur substantia aquæ absq; quantitate: tunc illa substantia realiter est idem; si verò ponatur quantitas; tunc partes aquæ realiter distinguuntur.

Vltimò: quia substantia corpora, ablata quantitate, verè est in loco, sicut antea: ergo habet aliquam extensionē, ratione cuius sit in illo. Consequentia videtur certa. Antecedens verò probatur: quia si ab aqua existente in vase auferatur quantitas; verè manebit ibi substantia aquæ; siquidē inde nō migravit in alium locū, neq; destructa est (vt supponamus) sed manet in rerū natura: ergo substantia, ablata quantitate, verè est in loco sicut antea.

§. II.

NON NVLLIS PRÆNOTATIS, SENTENTIA NEGANS, & VERA PROPOSITUR, & STATUITUR.

28 **V**T melius intelligatur, & statiliatur nostra sententia, maxime considerandum, & perpendendum est, quod cū substantia sit ens simpliciter, & consequenter propriū subiectum accidentium; ac proinde inuenitur in ea capacitas, & potentia passiva ad illa recipiēda. Vnde sicut est impossibile, substantiā esse sub accidentibus, & quod non tribuant ei suum effectum formalem; ita repugnat, substantiā habere tale effectum formale, aut esse accidentale, antè quā recipiat ipsa accidentia; licet præintelligatur in substantia potentia passiva ad ea recipiēda. Quia tamen nos pro hoc statu intelligimus medijs sensibus: & imaginatione, quæ nō possunt percipere substantiam secundum se, & ab omni accidenti nudā; idē etiam quando nitimur intelligere substantiam secundum se, & vt præuenit omnia accidentia; imaginamur illā, ac si verè haberet aliqua accidentia. Accidentia autem, quæ ad minus sunt necessaria, vt sensus interior operetur, sunt sensibilia communia, scilicet, quantitas, motus, vbi, & similia; & idē sensus interior (quantumvis intellectus nitatur apprehendere substantiā secundum se, & nudam) semper percipit eam cum talibus sensibilibus.

Cū autē intellectus pro hoc statu, si supra se nō eleuatur, & sensibilia non transcendit, sequatur cog-

nitio-

nitioñe sensuum; inde fit, vt substantiam secundum se apprehendat per modum sensibilium, & tribuatque ei aliquam extēsiōem, vbi cationem, aut motū. Non enim percipit, quomodo talis substantia, & quā capax est quantitatis, sit corporea, & non sit extēsa: aut quomodo verē, & realiter existat in rerum natura; & nō sit in aliquo loco: aut quare tūc non possit moueri motu physico. Quā tamen intelligeret, si supra se reflectens, & sensibilia trāscendens cogitaret, quod sicut substantia ante albedinem nō est alba, sed dealbabilis: ita antē quantitātē non est extēsa, sed extēnsibilis: & antē vbi non est vbi cāta, sed vbi cābilis, &c. Et quod sicut dealbabilitas in substantia nō est aliqua albedo entitativa, sed potentia passiva ad recipiendam albedinem, ita extēnsibilitas, aut vbi cābilis in substantia nō est aliqua extēsiō, aut vbi cātio entitativa, sed capacitas, seu potentia passiva ad recipiendam quantitatem, & vbi. Cū autem potentia passiva, dūm non recipit actum, cuius est capax, habeat priuationem eius, idē hāc duō necessariō concordenda sunt, scilicet, quod substantia ante quantitatem, & vbi est extēnsibilis, & vbi cābilis, & quod dūm non recipit quantitatem, & vbi, est inextēsa, & in vbi cāta. Et quia diuissibilitas proxima est passio extēsiōis, vt supra explicatum est, idē substantia, dūm non est extēsa, non est proximē diuissibilis, & per cōsequens est indiuisibilis. Quo modo loquendi vtitur sēpē ex Aristotelē. D. Tho. vt postea videbimus.

29 Ex qua manifesta doctrina redditur vanum effugium de partibus, aut extēsiōe entitativa, quod a cōtrarijs excogitatum est. Hanc enim extēsiōem ad id ponunt in substantia secundum se, vt possit recipere quantitātē; ne diuissibile recipiatur in subiecto indiuisibili, ad hoc autē minimē est necessaria, cū accidens solum requirat in subiecto potentiam passivā ad illud recipiendū; alias si ad recipiendā extēsiōem quantitatis non sufficeret extēnsibilitas substantia; sed necessaria esset aliqua extēsiō actualis entitativa: idē, seruata proportionē, dicendum esset de alijs accidentibus; atq; ita vt corpus quantum reciperet vbi circūscriptiuū, deberet prāhabere aliquod aliud vbi entitativum; & similiter vt anima reciperet intellectum, deberet prāhabere quendam intellectū entitativum, &c. Nā sicut isti Auctores non percipiunt, quomodo diuissibile recipiatur in subiecto indiuisibili, sic intelligere non poterunt, quomodo vbi circūscriptiuū, seu prāsentia localis recipiatur in subiecto non existente in loco; aut quomodo potentia ad intelligendum recipiatur in subiecto non potente intelligere. Hoc autē non solum non est in intelligibile, sed oppositum manifestē implicat: nā antē receptionem actus necessariō antecedit in potentia priuatio actus, non verō ipse actus. Hic autē idē decipiuntur aduersarij, vt rectē notant D. Thomas infra num. 41. adducendus, & Capreol. in 2. dist. 3. q. 1. art. 3. ad 14. Scoti.

quia inextensionem, seu indiuisibilitatem substantiæ secundum se, apprehendunt, ut contradictoriè, seu contrariè oppositam extensioni, & indiuisibilitati quantitatis; cum tamen solum opponatur priuatiuè.

30 Dicendum est ergo substantiā de se, seu ablata quantitate, non habere partes integrātes, neq; vllam extensionem, aut diuisibilitatem, etiam entitatiuam, & consequēter manere indiuisibilem. Et idem est de materia prima. Sic docet ex Arist. D. Th. 4. contra Gentes c. 65. his verbis: *Nam remota quantitate substantia omni: indiuisibilis est, ut patet per Philosophum 1. Physicorū: & 1. p. q. 50. art. 2. Materiā autem diuidi in partes non conuenit, nisi secundum quod intelligitur sub quantitate; quare remota, remanet substantia indiuisibilis, ut dicitur primo Physicorum.* Quod explicatiū tradit quodlib. 9. q. 4. artic. 1. dicens: *Impossibile est, quod vna materia contrarias, & disparatas formas recipiat, nisi secundum diuersas partes. Diuersitas autem partium non potest intelligi in materia, non intellectū diuisionis, neque diuisionis, non intellectū dimensionis; quia substantia, quantitate sublata, remanet indiuisibilis, ut dicitur primo Physicorum.* Quæ Angelici Doctoris testimonia adeo expressa sunt, ut absque eius injuria tergiuerfari nō possint, aut ad alium sensum detorqueri. Idem etiam docet loco adducto in primo argumento contrariæ sententiæ, ut in eius solutione videbimus. Et ideo hanc conclusionem defendunt Capreol. vbi supra, & disp. 18.

quæst. 1. art. 3. ad 2. & 4. & in quarto q. 13. quæst. vnic. artic. 3. ad 1. Caiet. 1. parte quæst. 52. art. 1. Ferrara 1. Physicorum quæst. 4. Sontcin. 5. Metaph. quæst. 19. Sanc. lib. 1. Logicæ q. 15. conclus. 7. Nazar. 1. par. q. 50. artic. 2. in formatione textus. Estque receptissima inter Thomistas, ut fatetur Suarez vbi supra. Quam etiam defendunt Durand. in 1. dist. 34. q. 1. in fine, Beatus Alb. lib. 1. Physicorum q. 6. Toller. ibidem q. 7. & Vazquez 1. par. disp. 196. c. 3. vbi acriter reprehendit oppositam.

Dupliciter probari potest hæc conclusio. Primò, ostendendo extensionem illam entitatiuam, quæ ponitur in substantia, non esse necessariam. Secundò ostendendo esse impossibilem. Primum satis cōstat ex discursu supra facto. Optimè enim potest intelligi in substantia capacitas, seu potentia passiuā, ut extēdatur per quantitatem, & recipiat partes absque eo, quòd habeat in se aliquas partes, aut extensionem entitatiuam æqualem, ut ibi explicauimus: ergo, &c. Quòd autem talis extensio, aut diuisibilitas sit impossibile.

31 Probatur primò: quia ante quantitatem nulla potest esse in substantia compositio partium integralium, etiā entitatiuarum: ergo ante quantitatem non potest esse in substantia extensio, aut diuisibilitas, etiam entitatiua. Consequentia patet. Antecedens verò probatur: quia compositio partium integralium etiam entitatiuarum est accidentalis: ergo non potest esse in substantia

ria ante quantitatem. Consequentia est nota: quia cum quantitas sit primum accidens substantiæ corporalis: quidquid in ea intelligitur ante quantitatem, pertinet necessarium ad essentiam. Antecedens autem probatur: quia compositio partium integralium etiam entitativarum non fit ex actu, & potentia simpliciter: cum una pars non constituat aliam, aut det illi esse, aut recipiatur in ea; neque sint inter se primo diversa, sed eiusdem rationis, ut ipsi adversarii fatentur; ergo est accidentalis.

Confirmatur: quia partes integrales etiam etherogenæ in esse partium, & distinctio earum causatur ab accidentibus: ergo illis ablatis, non manebunt actu partes integrales. Consequentia est evidens, & antecedens probatur: quia caput v. g. & manus solum de materiali significant substantiam; de formali verò talem, vel talem figuram cum his, aut illis accidentibus. Similiter ossa non distinguuntur à carne in substantia secundum se; sed penes durum, & molle, quæ sunt accidentia: ergo ridiculum est dicere, quod ablata quantitate, & alijs accidentibus, dantur in substantia caput, manus, &c.

32. Secundò probatur ratione Alber. quâ adducit Ferr. ubi supra. Quia materia prima hominis, remota quantitate, vel est simplex, vel composita? Si simplex erit indivisibilis. Si composita: aut prima compositione, aut secunda. Non prima: quia hæc fit ex potentia, & actu simpliciter, ut habetur 8. Met. tex. 8. mate-

ria autem est pura potentia. Non etiam secunda, quæ est ex subiecto, & accidenti: quia ubi non est prima compositio, repugnat esse secundam: ergo materia prima verè est indivisibilis remota quantitate.

Confirmatur primò: quia si materia prima secundum se componeretur ex partibus, necessario ibi esset distinctio partium: sed hæc est impossibilis in materia prima: ergo, &c. Probatur minor: quia ubi est distinctio unius ab alio, necessario intervenit aliquis actus; siquidem *actus est, qui distinguit* ex 7. Met. tex. 49. sed in materia secundum se nullus est actus; cum sit pura potentia: ergo ibi non potest esse distinctio partium. Confirmatur secundo: quia prius est esse, quàm maius esse: sed materia prima de se non habet esse, ut ostendimus 1. Physic. ergo neque habet maius esse: ergo secundum se non est divisibilis, aut extensa, etiam entitativè.

33. Tertiò: quia esse extensum quacumque extensione, sicut esse quale, est esse secundum quid: ergo sicut esse quale provenit substantiæ à forma accidentali; ita etiam esse extensum quacumque extensione, & per consequens, sicut ablata qualitate, substantiæ non remanet qualis, ita ablata quantitate, non remanebit villo modo extensa. Probatur antecedens: quia illud est esse secundum quid respectu substantiæ, per quod non potest responderi ad questionem, *quid est*, ipsius substantiæ, vel quod non complet, aut terminat eam intra limites substantiæ, sed esse extensum est huiusmodi: ergo &c. Maior constat: quia

in substantia nullum aliud datur esse simpliciter, nisi vel esse essentiae, per quod responderetur ad questionem *quid est*, vel esse subsistentiae, aut existentiae, quae sunt complementa, & termini ipsius substantiae. Minor verò probatur: quia quatenus, quid est homo? non responderetur: est extensus etiam entitativè; sed est animal vivens, &c. Neque talis extensio est complementum, aut terminus substantiae in ratione substantiae; siquidem neque constituit eam in esse suppositi, aut primae substantiae: neque tribuit illi ultimam actualitatem, ut per se patet: ergo esse extensum etiam entitativè, est esse secundum quid, & accidentale.

Confirmatur primò: quia ridiculū esset distinguere quoddā esse quale: entitativè, & aliud esse quale qualitativè, asserereque substantiam secundum se esse qualem primo modo, nō verò secundo: ergo absurdum etiam est distinguere quoddam esse extensum entitativè, & aliud esse extensum quantitativè, & illud tribuere substantiae secundum se. ¶ Confirmatur secundò: quia ex opposita sententia sequitur nullum esse quantum per accidens. Si enim semel admittitur in substantia propria extensio ad recipiendā quantitatem; ne divisibile recipiatur in subiecto indivisibili; pari ratione in albedine, relatione, & alijs accidentibus corporeis ponenda est propria extensio entitativa, ut recipiantur in quantitate; ne indivisibile recipiatur in subiecto indivisibili. Quae omnia, & alia his similia

absurda sunt, & aliena à schola Aristot: ergo substantia secundum se, & absque quantitate nullam habet partium extensionem etiam entitativam.

S. III.

ARGUMENTIS PRO
contraria sententia fusiis
respondetur.

34 AD primum ex autoritate D.

Thomae responderetur, ibi sanctum Doctorem expressè docuisse nostram sententiam; his enim, aut ter repetit materiam non habere à se extensionem, aut divisibilitatem his verbis: *Ex materia res quanta efficitur, non per extensionem; cui extensio non sit nisi eius, quod altius quantitatis erat, sed per quantitatis susceptionem.* Et infra: *Divisio non accidit materiae, nisi secundum quod consideratur sub dimensionibus saltem interminatis, quia remota quantitate, ut in primo Physicorum dicitur, substantia erit indivisibilis, &c.* Vnde mirū est, quomodo hic articulus adducatur a viris doctis pro contraria sententia. Responderetur ergo ad argumentum, quod ibi Divus Thomas probat, non sequi ex eo, quod materia de se non habeat quantitatem, quod sit in potentia respectu cuiuscumque quantitatis imaginabilis. Ad id tamen ostendendum, non sumit rationem ex eo, quod materia ex se habeat aliquam extensionem, quam expressè negat; sed ex eo, quod materia est in potentia ad formas naturales, quae petunt determinatam quantitatem, & iudicij illis recipit ea.

Ex

Ex quo optimè concludit non posse recipere quancumque quantitatem imaginabilem. Videatur Diu. Thom. ibidem.

35 Ad secundū cum sua replicare respondetur, quòd siue nutritio, & augmentatio sint actiones realiter distinctæ, siue non (de quo agemus in libris de anima) à parte rei semper ibi producit substantia cū quantitate, ratione cuius dantur in ea partes, quārum vna post aliam producat per nutritionem. Vnde quauis prioritate naturæ intelligatur antè quantitatem substantia in ratione substantiæ potentis recipere partialem extensionem quantitatis, seu vt est radix illius, quod sufficit ad specificandam nutritionem, vt præintelligitur augmentationi; non tamen intelligitur prius in ratione partis actualis. Et ideo si auferret Deus quantitatem à substantia alicui, vel alimenti, vel ab vtraque, non posset actu fieri nutritio; quia sine quātitate substantia nō potest actu esse pars integralis. Adde, aliud intendere naturam in generatione totali, qua primò producit viues, & aliud in generatione partiali, qua iam productū nutritur. Per istam enim intendit, producere esse, & ita prius intēdit, quòd primò habet esse, scilicet, substantiam; per hanc verò non intēdit natura producere esse, sed perficere rem productam in ordine ad operari, quam dispositionem habet res per acquisitionem quantitatis congruæ, & ideo in generatione partiali prius intendit natura producere quantitatem; propter quod etiam po-

tentia nutritiua ordinatur ad augmentatiuam, & non e contra, vt dicemus in libris de anima. Ex quo tandem fit, vt in nutritione non intendatur, neque producat pars substantiæ, nisi vt est sub quantitate, à qua constituitur in esse partis.

36 Ad tertiu respondetur materiam in illo casu, siue addita fuerit per conuersionem, siue per creationem, semper fuisse sub quantitate alicuius formæ, vt per se patet: (neque enim potuit materia per se sola, & absque omni forma creari, vt dicemus libro 1. Physicorum) & ratione talis quantitatis potuit fieri additionis patris materiæ ad aliam. Ad id autem quod ex Caiet. & Soncin. affertur, dicimus quòd, vt ipsi se explicāt, & docet D. Tho. op. 32. in materia secundum se non datur actu plus, aut minus, sed tantum in potentia, & aptitudine, secundum quòd est radix maioris, vel minoris quantitatis iuxta exigentiam formæ substantialis, ratione cuius recipit illam. Et propterea materia existens sub cæsta Adami, non erat in potentia ad totā quantitatem Eug. saltē seruata de ficate debita ad corpus muliebre. Et generaliter materia existens sub quacunque forma, & dimensionē, non est in potentia ad quantamcumque dimensionem; sed est certus limes, ultra quem neque in potentia extenditur, vt rectè inquit Caietanus ibidem. Videatur etiam Soncinas, qui se explicans ait: Non intendo dicere, quod materia sit partibilis secundum se, & quod
seclusa

seclusa quantitate in ea sint partes
&c.

37 Ad quartū respondetur primo, non esse improbabile solutionē ibi assignatam. Sicut in arbore v.g. probabile est partem arefactā, quæ non informatur animā, non continari secundum rem, sed solum secundum appariētiā partibus viventibus: quia cum ibi sint duæ formæ substantiales; & consequenter duæ materiæ; & duo cōposita, etiam accidentia debēt esse diuisa, & maxime quantitas, quæ simul cum materia est principium indiuiduationis talium compositorum.

Iuxta quod resp. ad locū in cōtrariū aduētū, ibi D. Tho. solū intendere, esse vnā dimensionē, secundū appariētiā tantū, non verò partes illas propriē, & in rigore esse cōtinuas. Quod non obscure colligitur ex exēplo, quod adducit de corpore cōstituto ex duobus metallis, cuius vna pars sit aurea, & alia argētea; de quo affirmās sanctus Doctor, esse plura secundū speciē naturæ; satis indicat, dimensiones solū esse cōtinuas secundū appariētiā, seu mathematicē consideratas, non verò propriē, & naturaliter. Si enim teste eodem D. Tho. 1.2. q.20. art. 6. & in secundō dist. 40. q. vnica, artic. 4. *Lignum, cuius vna pars est alba, & altera nigra, secundū illud esse, quo est coloratum, est multa, & non continuum*; multo magis corpus, cuius alia pars est aurū, & alia argentū, secundū esse simpliciter, & substantiale erit multa, & nō cōtinuum; & per cōsequēs eadē numero quātitas cōtinua nō poterit esse

in vtroque metallo; siquidem vnum numero accidens continuum non potest esse in pluribus subiectis realiter distinctis, & non continuis. Sed quidquid sit de his exemplis.

38 Secūdo, & melius respōdetur cum Palud. quem refert, & sequitur Capreol. in 4. dist. 1.3. q. 1. art. 3. ad 1. sequunturque communiter Thomistæ, quod in casu argumenti permanent continuæ dimensiones totius Hostiæ. Ad id autē quod cōtra hoc obijcitur, respondetur, tūc substantiā illius medietatis propriē loquendo non diuidi ab alia, hoc enim repugnat substantiæ, nisi ad diuisionem quātitatis, vt rectē probat argumentū: sed desinere esse ex vi actionis supernaturalis cōuertētis talem substantiā in corpus Christi, in quo nulla est repugnantia. Cū enim substantia, quādo est sub quātitate, verē habeat in se ipsa partes, & extensionē ab ipsa quātitate cōmunitas; quanuis agens naturale non possit ad has pertingere, nisi operando etiam circa quantitatē; quia agit medijs dispositionibus naturalibus, quæ subieciuntur in illa; tamen diuina virtus, quæ independenter ab illis operatur, potest optime ex illis partibus substantiæ aliquas annihilare, corrumpere, aut cōuertere, integra manente quantitate. Videantur Auctores citati.

39 Ad quintū negatur consequentia: quia substantiā esse totam integraliter, vel habere partes, est effectus ipsius quantitatis. Vnde ante ipsam neque est esse actus totum integrale, neque partes. Ad probationem autem concedimus subie-

subiectum, & formam debere proportionari; proportio tamen non stat in eo, quod subiectum, & forma habeant similes actus: hoc enim potius repugnat proportioni, quæ est inter potentiam, & actum; sed in eo, quod subiectum habeat potentiam falsuam, ut recipiat formam, & forma vim actuandi talem potentiam, & tribuendi suum effectum formalem; ad quod non requirit in potentia similem effectum, sed potius priuationem eius.

Ad primam confirmationem distinguenda est maior. Si enim sensus sit rem diuisibilem non posse recipi in subiecto indiuisibili negatiue, id est, habentem negationem diuisibilitatis concedenda est, propterea enim quantitas non potest recipi in Angelo. Si verò sensus sit, non posse recipi in subiecto indiuisibili priuatiue, id est, habente priuationem diuisibilitatis; neganda est. Imò id est omnino necessarium; sicut enim albedo recipitur in subiecto priuatiue non albo; ita diuisibile, seu diuisibilitas recipitur in subiecto priuatiue indiuisibili.

Ad secundam confirmationem respondetur: quod subiectum recipiens formam, non recipit eam, quatenus habet denominationem talis formæ; neque quatenus habet denominationem formæ oppositæ; sed quatenus habet potentiam falsuam, in qua præcedit priuatio formæ recipiendæ. V. g. paries non recipit albedinem quatenus albus, nec quatenus niger; sed quatenus est dealbabilis; nondum autem albus. Sic ergo substantia non recipit quæ-

titatem, quatenus diuisibilis, vel indiuisibilis, si per diuisibilitatem, & indiuisibilitatem intelligamus formas aliquas contrariè, vel contrariè oppositas. Si verò per indiuisibilitatem intelligatur priuatio, sic substantia recipit quantitatem quatenus indiuisibilis. Inde tamen non sequitur substantiam semper manere indiuisibilem; quia acquisita forma statim deperditur priuatio. Item si per diuisibilitatem intelligamus primam, & radicalem aptitudinem, quæ est in substantia, ut per quantitatem fiat proxime diuisibilis; asserendum est substantiam, quatenus est radicaliter diuisibilis, recipere quantitatem. Neque hæc inter se pugnant; sicut non pugnat, quod paries recipiat albedinem, quatenus est dealbabilis, & quatenus est non albus.

40. Ad sextum respondetur: quod quando dicitur substantiam cum quantitate habere partes substantiales, non est formalis locutio, sed denominatiua, & materialis, faciens hunc sensum; id quod habet partes est substantia. Sicut quando dicitur in calefactione fieri substantiam calidam, non significatur, substantiam se tenere a parte termini formalis, sed tantum a parte termini materialis, & sensus est, quod in substantia fit calor. Ita similiter quantitas non tribuit partes substantiales sic, quod totum hoc sit eius effectus formalis; sed tribuit substantiæ habere partes. Et eodem sensu intelligenda est, ut sit vera aia propositio, quod, scilicet, caput, & manus substantialiter distinguuntur; id est, res

quæ distinguuntur sunt substantiæ; si enim intelligatur in sensu formali, quodd, scilicet, principium causans distinctionem actualem inter caput, & manus est substantia, propositio est omnino falsa, nã talis distinctio solum provenit à quãtitate, & alijs accidentibus, ut explicatum est.

Ad confirmationem negatur consequentia, si sermo sit de aliqua maioriãtate actuali. Solũ enim habet substantia celi maioriãtatem quãdam radicalem, ex eo quodd sit radix maioris quantitatĩ; hoc autem non est habere maiorem extẽsionem actualem, sed esse extẽsibilem per maiorem quãtitatẽ. Unde malẽ inferitur ex eo, quodd quantitas absolutẽ, sequitur substantiam corpoream absolutẽ, quodd tanta quantitas sequatur tantam substantiam: sed inferendum est, quodd tanta quantitas sequitur substantiam, quẽ est radix huius tantæ quantitatĩ, & non alterius.

41. Ad septimum concedendum est, substantiã Oceani manere tũc priuatiuẽ indiuisibile. Ad id autem quodd contra hoc obijcitur, responderetur ex D. Tho. loco citato ex secundo sentẽtiarum, quodd arguens imaginatur indiuisibilitatem substantiæ, seu materiæ, præcisa quantitate, ad modum indiuisibilitatis puncti; quodd tamẽ falsum est. Nãm materia, aut substantia dicitur indiuisibilis per remotionem totius generis quantitatĩ, seu quia omnino priuata est quantitate; & ita neque manet in loco, neque habet situm, cum situs, & ubi supponant quantitatẽ: at punctum est indiuisibi-

le, ut principium quantitatĩ, & sic habet determinatum situm, ut ibi inquit D. Th. Dicimus ergo, quodd sicut substantia, recipiens quantitatẽ, non sic extenditur, quasi transeat de minori ad maiorem magnitudinem, vel de minori ad maiorem situm; sed quia transit de nõ magna in magnam, & de non situata in situatam. Ita è contrã, quando auferatur quantitas, non sic substantia cõprimitur, quasi transeat de maiori ad minorem magnitudinem, vel de maiori ad minorem situm; atq; ita partes confluant ad sitũ vnus puncti (hoc enim absurdum est, neq; id Thomistæ asserunt, cum loco citato neget D. Thom.) sed quia transit de magna in non magnam, & de situata in non situatam. Quare talis substantia non reducitur ad situm vnus puncti, sed omnino desinit habere locum, & situm. Id autem, quodd additur in argumento, scilicet, quodd qui biberet guttam illius aquæ, biberet Oceanum, vanũ est. Neq; enim tunc Oceanum haberet guttas, cum nõ haberet partes, neq; bibi, aut deglutiri posset, cum non esset in loco, neque consequẽter posset moueri.

42. Ad octauum responderetur cum Capreolo in 2. distinctione 18. quæst. 1. artic. 3. ad 4. quodd quando auferitur quantitas, desinunt esse caput, & brachium, & per consequens substantia desinit habere partes. Quare neque identificantur, quæ erant distincta, neque quæ erant idem, distinguuntur; quia talis identitas, & distinctio sunt relationes inter partes, & ita ubi non sunt

sunt partes, non est distinctio, aut identitas.

Ad ultimum respondet bene Caiet. 1. parte questione 52. art. 1. circa medium sic: *Ad exemplum, quod adducitur de aqua existente in vase, remota quantitate, dicitur, quod imaginatio in hoc decipitur. Quoniam seclusa quantitate, aqua illa nusquam remaneret, quia nullam habitudinem haberet ad locum. Et ideo non oportet querere quod erit, sed vas plenum aere reperietur, aqua indivisibili reddita, & nusquam existente. Sicut, si poneretur, a Sorte remoueri quantitatem; tunc non haberet partes integrales, scilicet cor, hepar, caput, &c. quia remaneret substantia indivisibilis: & tamen imaginamur, quod remaneret Sortes. Unde istis imaginationibus non est credendum.* Hæc Caiet. Quibus adde, quod quanvis tunc substantia illa non esset in vniuerso, tanquam locatum in loco: esset tamen in eo tanquam pars in toto, sicut Angelis posse contingere docet Bañez ibidem.

43 Ex dictis facile formari potest aliqualis definitio huius prædicamenti (proprie enim definiti non potest, ut sæpè dictum est) est ergo quantitas: *Accidens tribuens partes substantiæ, seu, Accidens substantiæ extensionum.* Ut enim quæstione secunda vidimus, effectus formalis maximè proprius quantitatis est, tribuere extensionem, seu partes substantiæ. Cum autem hæc secundum se nullam habeat extensionem, aut partes entitatis, ut ostensum est, nullam

aliam particulam oportet addere dictæ definitioni, sed sicut essentia corporis de prædicamento substantiæ sufficienter explicatur per hoc, quod sit substantia extensibilis, id est apta ut extendatur per quantitatem; ita essentia quantitatis sufficienter explicatur, dicendo: esse accidens tribuens partes substantiæ, seu extensionum substantiæ, id est, potens extendere illam: quam aptitudinem semper retinet, etiam si actu non extendat substantiam, quando separatur ab ea. Ex qua definitione inferuntur omnes proprietates quantitatis, ut consideranti patebit.

QVÆSTIO III.

An linea, superficies, & corpus sint verè species quantitatis continuæ?

44 Divisione quantitatis in continuam, & discretam esse essentialem, & generis in species docent Aristot. in hoc capite, dum post enumeratas quantitates, 22m continuas, quam discretas subdit: *Proprie autem quantitates hæc sunt, quas diximus; alia verò omnia secundum accidens sunt, &c.* & Dicitur Thomas 1. par. quæst. 30. artic. 3. quodlib. 10. art. 1. de potentia q. 9. ar. 7. & alibi sæpè. Quem sequuntur cõcorditer discipuli eius Capreol. Caiet. Soncin. Iabel. Sor. Mas. & cæteri, quos referunt, & sequuntur Arauxo 5. Metaphys. quæst. 3. artic. 2. Sanchez hic lib. 5. quæst. 16.

& Galleg. controu. 25. De quo etiā
videri potest Nazar. 1. p. q. 30. ar. 3.
controu. vnica. Faciliq; probatur
ex dictis: nām continuum, & discre-
tum diuidunt quantitatem secun-
dum rationem formalem quātitati-
tis: ergo sunt differentie per se, &
essentiales; & ex consequenti con-
stituunt veras species huius prædi-
camenti. Consequentia patet; an-
tecedens verò probatur: quia ha-
bere partes, quæ est essentia quāti-
tatis, formaliter diuiditur per ha-
bere partes unitas, in quo consistit
esse continuum, & per habere par-
tes diuinctas, in quo consistit esse
discretum.

Potest tamen contra hoc face-
re, quòd quantitas discreta non vi-
detur quā simpliciter vnum, & ens
per se, sed potius aggregatum ex
pluribus entibus completis, quod
si ita est, iam non erit vera, & pro-
pria species quātitatis. Sed de hoc
agendum est infra q. 7. Interim eam
appellabimus speciem, vt appellat
communiter Doctores, etiam ij,
qui contendunt quantitatem dis-
cretam esse ens per accidens. Cū
autem Arist. in presenti constitue-
rit plures species, tam sub quanti-
tate continua, quā sub quantita-
te discreta, semel hoc statuto, pla-
num sit, vt ramque esse speciem sub-
alternam huius prædicamenti. Qua-
re ad plenam eius notitiam solum
reliat examinare in hac, & sequen-
tibus questionibus: an omnia illa
ab Aristotele enumerata, vel quæ
eorum sint veræ, & propriæ species
quantitatis?

4. Igitur incipiendo à linea su-

perficie, & corpore, de quibus hæc
prior questio procedit, quia ordine
generationis, & doctrinæ præce-
dunt alias species. Pro tituli intel-
ligentia sciendum est, *lineam* signi-
ficare longitudinem quæ intelligi-
tur causari ex ductu puncti: *superfi-
ciem* verò latitudinē, quæ intelligi-
tur causari ex ductu linear; & *cor-
pus* profunditatem, quæ intelligitur
causari ex ductu superficier. Vnde
superficies supponit lōgitudinem,
corpus verò longitudinem, & lati-
tudinem. Et propterea dicitur li-
neam includere vnā dimensionē;
superficiem duas; & corpus tres.
Nō quia omnes has de formali sig-
nificant superficies, & corpus: nam
vt rectè notauit D. Thom. opusc.
48. tract. 3. cap. 5. vnaquæque de
formali significat vnā dimensio-
nem tantum; sed quia superficies
importans vnā, & supponens
aliā, dicitur includere duas; & cor-
pus importans vnā, & supponens
duas, dicitur includere tres. Quo
sensu Arist. 5. Metaph. cap. 13. di-
xit: *Magnitudo, quæ quidem ad
vnum continua est, longitudo, quæ
verò ad duo, latitudo, quæ autem ad
tria, profunditas.* In quibus verbis
continētur definitiones essentielles
istarum dimensionum, scilicet: *Li-
nea est quantitas continua ad vnum:*
Superficies est quantitas continua
ad duo: *Corpus est quantitas conti-*
nua ad tria. Quæ etiam sic claritè
possunt definiri. *Linea est quantitas*
continua punctis: *Superficies est*
quantitas continua linearibus. *Corpus est*
quantitas continua superficialibus.

De his ergo tribus dimensionibus
inqui-

inquirimus: an sint verè, & propriè species quantitatis?

46 Partem negatiuam circa lineam, & superficiem defendunt Hurtado disp. 13. Metaph. sect. 6. & Cabero hic disp. 2. dub. 5. Quorum fundamèta sunt. ¶ Primò: quia sicut motus ordinatur essentialiter ad terminum, & punctum ad lineam; ita linea ordinatur essentialiter ad superficiem, & superficies ad corpus: ergo sicut motus, & punctum sunt quid incompletum, & propterea non sunt propriæ species quantitatis, sic etiam linea, & superficies erunt quid incompletum, & non veræ species.

Confirmatur: quia linea, & superficies secundum proprias extensiones saltem includuntur in corpore, secundum quod corpus habet trinam dimensionem: ergo non sunt propriè species. Probatur consequentia: quia vna species non includitur in alia.

Secundò: quia quantitas, hoc ipso quod talis est, habet partes impenetrabiles in eodem loco: sed hæc impenetrabilitas non conuenit partibus istarum dimensionum: ergo non sunt verè, & propriè quantitates. Probatur minor: quia si supra vnum corpus perfectè planum ponatur aliud æquale, superficies vltima vnus tangit omnes partes superficiei vltimæ alterius; ac proinde penetrantur; quandoquidem penetrari nihil aliud est, quàm quod vna quantitas tangat omnes partes alterius.

47 Nihilominus dicendum est, lineam, superficiem, & corpus

esse propriè, & per se species quantitatis continuæ. Ita Arist. in hoc cap. & 5. Metaph. c. 13. & D. Tho. ibidem lect. 15. opusc. 48. tract. 3. c. 5. & alibi sæpè. Quem sequuntur Capreol. in 1. dist. 31. ad 5. Duran. Sonc. 5. Metaph. q. 24. label. ibidem in epitome ad cap. de quanto, Arauxo q. 3. art. 5. Caiet. Soc. Sauc. & Masc. in hoc cap. & communiter Doctores.

Fundamentum est: quia linea, superficies, & corpus sunt intrinsecè, & essentialiter quantitates; utpotè quæ à se ipsis, & non ab alio habent extensionem, & diuisibilitatem. Deinde vnaquæq; habet propriam, & completam extensionem, essentialiter ab alia distinctam: ergo sunt verè species quantitatis continuæ. Probatur minor: quia vniuscuiusque partes exposcunt diuersam continuationem, ut copulenter; siquidem partes lineæ copulantur punctis, partes superficiei lineis, & partes corporis superficiebus; & vnaquæq; extensio, quatenus talis est, non ordinatur ad aliam, ut postea constabit: ergo verè vnaquæque ex his dimensionibus habet propriam, & completam extensionem distinctam essentialiter ab alia.

Confirmatur primò: quia tot sunt species extensionis permanentis, quot sunt modi positionis in vnoquoque corpore, sed isti sunt tres, scilicet, distantia inter antè, & retrò; dextrum, & sinistrum; sursum, & deorsum: ergo tres etiam erunt species extensionis fundantes tales positiones. ¶ Confirmatur secundò: quia linea, superficies, &

corpus habent diuerſas proprietates: nam prolaſtum, & breue ſunt paſſiones lineæ: latum, & ſtriſtum ſuperficiæ: celſum, & humile corporis, vt docent Ariſtotel. & Diu. Tho. citati: ergo habent eſſentias diuerſas.

48 Ad argumenta reſpondetur. Ad primū neganda eſt conſequentia. Et diſparitas conſiſtit in hoc, quòd motus, vt motus eſt, ſemper conſideratur vt via, & tranſitus; & per conſequens vt quid incompletum. Similiter punctum ſecundū omnem conſiderationem, & verſus omnem partem eſt quid indiuiſibile, & inextenſum; & ita neque motus, neque punctum ſecundū aliquam rationem poſſunt eſſe ſpecies quantitatis: at verò linea, vt linea eſt (& idem proportionabiliter eſt de ſuperficie) poteſt conſiderari dupliciter. Primò verſus longitudinem, quo modo habet verā, & propriam extensionem, & eſt diuiſibilis in partes, neque formaliter, provt ſic ordinatur ad ſuperficiem; ac proinde eſt quid completum, & verā ſpecies quantitatis. Secundò verſus latitudinem: & hoc modo linea eſt indiuiſibilis, ordinaturq; ad vniendas partes ſuperficiæ, ſicut punctum ad vniendas partes lineæ; & per cōſequens provt ſic, neq; eſt ſpecies quantitatis, neq; quantitas, ſed continuatiuum quantitatis.

Ad confirmationem reſpondetur, quòd corpus eſſentialiter non dicit trinam dimensionem, ſed ſolam profunditatem, vt nu. 45. vidimus ex D. Tho. & ideò materiali-

ter tantū includit lineam, & ſuperficiem, in quantum ſupponit eas: quod non tollit eſſe veras ſpecies quantitatis continuæ. Sicut à ſimili contingit in quantitate diſcreta: quaternarius enim includit ternarium, non formaliter, vt ternarius eſt, ſed materialiter ratione trium vnitarum, & ideò ternarius eſt vera ſpecies numeri.

49 Ad ſecundum neganda eſt minor. Ad cuius probationem reſpondetur, duas illas ſuperficies nō penetrari, quia non ſe tangunt formaliter, ſecundū quòd ſunt quantitates, ſiue vt ſunt diuiſibiles, ſed formaliter quatenus ſunt indiuiſibiles; quanvis vnaquæque earum materialiter tangat omnes partes alterius. Ad penetrationem enim non ſufficit, duas quantitates ſe ſe, vñcumque tangere in omnibus ſuis partibus, ſed vltra requiritur, vt tãgant ſe in omnibus partibus formaliter ſecundū illam dimensionem, verſus quā ſit contactus; quod non contingit induabus illis ſuperficiebus, vt per ſe patet.

Dices: hoc ipſo præciſè quòd duo corpora ſe ſe tangant in omnibus partibus, penetrantur: ergo ex eo præciſè, quòd inter duas ſuperficies ſit ſimilis contactus, dabitur penetratio. ¶ Reſpōdetur negando conſequentiam. Et ratio eſt: quia cū corpus verſus omnem dimensionem ſit diuiſibile; ex eo præciſè quòd duo corpora ſe tangunt ſecundū ſe tota, aut ſecundū aliquas partes profunditatis; debent etiam ſe tangere formaliter quatenus ſunt diuiſibilia; ac pro-

proinde ad huiusmodi contactum necessaria est intromissio vnius in aliud circa eundem locum, in quo consistit penetratio. At verò duæ illæ superficies, licet versùs latitudinem sint diuisibiles; tamen versùs profunditatem, siue vt terminant illa corpora, sunt indiuisibiles, & formaliter, prout sic fit contactus, ac proinde nulla ibi datur intromissio vnius partis in aliam circa eundem locum, vt consideranti patebit.

50 Tandem inquires: an linea, superficies, & corpus sint species infimæ quãtitatis cõtinuæ? ¶ Respondetur affirmatiuè. Non enim propria vniuscuiusq; extensio continet sub se extensiones essentialiter distinctas in ratione extensionis; cuius signum est, quòd linea recta potest fieri curua, & superficies quadrata circularis. Præterquàm quòd tales differentia sumuntur ex diuersis figuris, quæ sunt vera accidentia quantitatis, vt patet: ergo diuisio linearum in rectam, & curuam: superficiei in quadratam, & circularem: corporis in pyramidale, & curuum; & aliæ similes non sunt generis in species, sed subiecti in accidentia. Alia quæ circa has dimensiones solent disputari: an scilicet, physicè sint species, & inter se realiter distinctæ, vel tantùm mathematicè? an componantur ex indiuisibilibus? an partes, & in diuisibilia sint actu in illis, vel solùm in potentia? & alia huiusmodi proprium locum obtinent lib. 6. Physicorum; nec rectè hic ab aliquibus pertractantur.

QVAESTIO V.

An locus, tempus, & motus sint vera species quantitatis continuæ?

51 PRæcipua ratio dubitandi sumitur ex Aristotele, qui in hoc capite inter quantitates continuas numerauit locum, & tempus: quibus etiam ex paritate rationis alij addunt motum, cum tamen quinto Metaphysicæ capite decimotertio, vbi exactè inuestigat essentiã, & species quantitatis, nullum illorũ constituerit sub quantitate continua. Et ideò quid tenendum sit, per singula discurrendo, breuiter discutiemus.

Primò ergo sciendum est, locum definiri ab Aristotele quarto Physicor. sic: *Est vltima superficies corporis continentis immobilis primi.* In qua definitione, relictis vltimis verbis, quæ ibidem explicabimus; primæ illæ particulæ, scilicet, *vltima superficies corporis continentis*, denotant locum in sui ratione includere, non solùm vltimam superficiem, sed etiam relationem ad corpus locatum, vt notauit Vazquez 1. parte disputat. 193. cap. 3. vel saltem aptitudinem circumscribendi, & continendi locatum, in qua fundatur talis relatio. Verbi gratia, vas continens aquam, est locus eius; quia secundùm suam vltimam superficiem concavam circumscribit aquam; & ideò ad rationem loci pertinent vltima superficies, & relatio continentis, seu aptitudo circumscribendi locatum; quorum

quolibet deficiente, deficit ratio loci, ut patet in Cælo Empyreo, quod propriè non est in loco; quia non habet aliam superficiem ipsum continentem. Similiter si à vase præcindamus relationem, seu aptitudinem continendi aliud corpus, erit quidem quantum, & habebit superficiem, sed talis superficies non erit locus, ut per se notum est. Manet ergo, locum in sua ratione, ultra superficiem, includere aliquid aliud, nempe talem relationem, seu aptitudinem continendi rem locatam; quam cum actu continet, dicimus locum esse plenum; si verò actu non contineat, dicitur esse vacuum. Et idèò vacuum definitur ab Aristot. lib. citat. c. 7. sic: *Est locus non repletus corpore.*

52 Secundò sciendum est, *tempus* definiri ab eodem Aristot. ibidem cap. 11. sic: *Est numerus motus secundum prius, & posterius.* Vbi numerus non sumitur pro specie quantitatis discretæ, quæ est obiectum Arithmeticæ, & dividitur in binarium, quaternarium &c. constat enim tempus esse quid continuum; cum præteritum, & futurum, quæ sunt partes eius, copulantur termino communi, scilicet, instanti præsentis. Ly ergo *numerus* in definitione Arist. ut magis explicabimus loco citato, idè est, quòd mensura, seu extensio. Et ita sensus est: tempus est mensura, seu extensio motus secundum prius, & posterius. Quam definitionem, ut intelligamus, oportet aliquàlter explicare quid sit motus. Pro quo.

53 Tertiò notandum est, cum

Masio hinc sect. 3. quæst. 6. in quolibet motu quatuor posse considerari. Primum est, egressus ab agente. Secundum est, receptio in passio. Tertium est, ipsa forma, quæ est terminus motus in quodam esse imperfecto, & secundum quòd intelligitur in fluxu, & acquisitione. Quartum tandem est, ipse fluxus, & transitus, non habita ratione termini. Ex his ergo primum, & secundum constituunt prædicamenta actionis, & passionis; & sic nõ sunt essentialiter ipse motus, qui ad nullum prædicamentum pertinet, sed potius est post prædicamentum, ut ostendimus lib. 3. Physicorum. Tertium etiam licet non pertineat per se ad aliquod genus; cum sit quid incompletum, & imperfectum, sed reducatur ad illud, ad quod pertinet eadem forma, quando est iam perfecta, & completa; adhuc tamen non est ipse motus. Tum quia reverà non est post prædicamentum, nec quid distinctum ab ipso termino. Tum etiam quia ut rectè notavit D. Thom. 2. distinct. 40. quæst. 1. ar. 4. ad primum, propria ratio motus abstrahit ab utroque termino, & consideratur sine differentia agentis, & patientis. Restat ergo motum propriè, & formaliter consistere in illo fluxu, & transitu intermedio, nulla habita ratione termini.

54 Quartò sciendum est, *motum* sic formaliter sumptum definiri ab Arist. 3. Phys. cap. 2. sic: *Est actus entis in potentia, prout in potentia.* In cuius explicatione multa ibi dicenda sunt, nunc solum rudè minerua asse-

asserendum est, quod in motu propriè dicto, prout distinguitur à mutatione instàntanea, ex eo quod nō simul actuet totum mobile, sed partim actuat, & partim relinquat in potentia necessariò intelligitur esse prius, & posterius; & per consequens vera extensio successiua. Et hæc est tempus, intelligiturq; dimanare ab ipsa quantitate, seu extensione permanenti rei mobilis medio motu, in genere causæ quasi efficientis; sicut ipsa quantitas, seu extensio permanens dimanat immediatè à substantia corporea. Et hoc est, quod docet Arist. 5. Metaphysic. 13. asserens, tempus habere extensionem à motu, & motum à magnitudine, in genere, scilicet, causæ efficientis. Quod non tollit quin ipsum tēpus in genere causæ formalis extendat, & mēsuret motum, & quantitatem permanentem; sicut quantitas permanens extendit, & mensurat substantiam à qua dimanat. Ex quibus iam facilè intelligitur definitio temporis: dicitur enim extensio, seu mensura motus secundum prius, & posterius: quia non extendit, aut mensurat substantiam secundum se, ut mensurat quantitas permanēs, sed dum est in motu, & successione, quæ necessariò includit prius, & posterius ut explicatum est.

55 Prima conclusio. Locus nō est propriè, & per se species quantitatis continuæ, sed reducitur ad eam ratione superficie, quam includit. Hæc est mens Aristotel. & Diu. Thom. loco citato Metaphysicæ, dum asserunt locum esse quan-

tum per accidens: quos sequuntur Auctores quæst. præcedenti citati, & communiter Philosophi.

Fundamētum sumitur ex dictis: quia locus præter superficiē includit relationem, seu aptitudinem ad continendum corpus locatum, quæ per accidēs se habet ad propriam, & essentiālem rationem superficie, ut notum est: ergo locus prout sic, est ens per accidens; & consequenter non potest esse vera species quantitatis. ¶ Confirmatur: quia locus nullam aliam extensionem habet præter extēsiōem superficie: ergo non potest constituere distinctam speciem quantitatis, sed reducitur ad superficiem.

56 Secunda conclusio. Tempus revera est species quantitatis, quāvis valde imperfecta, & tenuissimæ entitatis. Hæc est contra Sanchez lib. 5. quæst. 17. & Arauxo loco citato quæst. præcedenti. Eam tamē docent ex antiquis Alb. Iamblicus, & alij quos refert, & sequitur Tolet. hinc quæst. 2. Quam etiam defendunt Aquar. 5. Metaph. quæst. 11. Masius hinc sect. 3. quæst. 5. nosster Didac. à Iesu quæst. 2. Rub. quæst. 3. estque communior inter Doctores. Eam docet in præsentī Aristot. neque dissentit 5. Metaph. ut volunt aduersarij: ibi enim distinguit duos modos quāti per accidens. Aliud quod verè dicitur talè; quia de se nullam habet extensionem sed extrēditur per ipsam extensionem subiecti, ut musicum, & album: musica enim, & albedo nullam habent propriam extensionem, ut patet. Alterum verò,
Ll 3 quod

quod non tam dicitur quâ-
tum per accidens, quàm per aliud, ut ex-
plicat Dñ. Thom. ibidem lect. 15.
quia nimirum, licet in se habeat
propriam extensionem; illa tamen
refulcat, & derivatur ab alia, quam
præsupponit; atque ita non diuidi-
tur per se, sed ad diuisionem alte-
rius. Et hoc modo tempus appella-
tur ab Arist. quantum per accidens,
seu per aliud. Videatur D. Thom.
ibidem, ex quo loco.

Probatur conclusio. Quia tem-
pus esse quantum per aliud modo
explicato, non tollit, quin reuera
sit species quantitatatis; quanuis ar-
guat esse imperfectissimam, & te-
nuissimam entitatis: ergo non est,
cur excludatur à vera ratione quan-
tatis. Probatur antecedens: quia
etiam si superficies necessariò sup-
ponat extensionem lineæ; & cor-
pus superficiei, oriâturque quodâ
modo ex eis, adhuc sunt veræ spe-
cies quantitatatis, ut suprà vidimus.
Similiter etiam si numerus suppo-
nat necessariò quantitatem conti-
nuam & causetur ex diuisione eius,
teste D. Tho. 1. p. q. 30. art. 3. ad-
huc est vera species quantitatatis, ut
infra videbimus, nulla alia ratione
nisi quia habent propriam exten-
sionem distinctâ ab ea, quam præ-
supponunt, & à qua intelliguntur
oriri, ergo etiam si tempus suppo-
nat, & oriâtur ab extensione per-
manente rei mobilis medio motu,
ut explicatum est, adhuc erit vera
species quantitatatis, si habet pro-
priam extensionem ab alijs distin-
ctam.

57 Quod autem eam habeat,

facis ex dictis patet: nam tempus
habet proprias partes, scilicet, præ-
teritum, & futurum, & propria cō-
tinuatiua, scilicet, instans præsens.
Item proprietates ab alijs diuer-
sas: nam ceteræ quantitates con-
tinuæ mensurant permanentes; tē-
pus verò succedunt: & idē illa ha-
bent totum suum esse simul, istud
verò solū existit secūdum aliquid
indiuisibile sui, ut docet D. Thom.
opusc. 44. & nos explicabimus lib.
4. Physicor. ergo verè tempus ha-
bet propriam extētionem ab alijs
distinctam.

Per quod tandem patet, quare
tempus inter omnes quantitates
continuas sit imperfectissimæ, &
debilissimæ entitatis. Quia, scilicet,
ut rectè inquit D. Tho. opusc.
citato, illa sunt minimæ entitatis,
quæ, vel secundum se non sunt en-
tia actū, ut materia prima; vel se-
cundum se tota non extant, sed se-
cundum aliquid indiuisibile sui, ut
tempus, & alia successina. De quo
redibit sermo citato lib. Physicor.

58 Tertia cōclusio. Motus nō
est per se, & propriè species quan-
tatis. Hæc est contra Fōsec. 5.
Metaph. c. 13. quæst. 8. sect. 3. & Co-
nimbricen. 3. Physicorum c. 2. q. 2.
arti. 3. Eam tamen recipiunt com-
muniter Doctores cum Arist. qui
nec hîc, nec 5. Metaph. numerauit
motum inter species quantitatatis.
De quo videri possunt Mas. vbi su-
prâ q. 6. Sanch. Tolet. & Rub. cita-
ti conclusionē præcedenti, & Arau.
5. Metaph. q. 3. artic. 5. Facilièque
probatur. Tūm quia motus est flu-
xus quidam, & transitus de vno in
aliud;

aliud; & consequenter ens incompletum, & imperfectum, vt docent Arist. & D. Tho. 1.1. Metaph. lect. 9. ergo non potest directè, & per se ad aliquod prædicamentum pertinere. Tùm etiam, quia motus est post prædicamentum, vt constabit infra ex Arist. ergo non potest esse vera species quantitatis.

Contra has duas conclusiones obijcies: quia extensio, & continuïtas temporis dimanat à motu, vt passio ab essentia, teste D. Tho. 1. p. q. 53. artic. 3. ergo vel motus est per se species quantitatis, sicut tempus, vel tempus non est per se in prædicamēto, sicut motus. Probatur consequentia: quia passio non potest esse perfectior, quàm subiectum, cuius est passio: ergo si motus propter sui imperfectionem, & incompletionem excluditur à recta linea prædicamenti, multò magis debet excludi tempus, vel si tempus admittitur, debet etià admitti motus. ¶ Confirmatur: quia motus habet propriam extensionem, & continuïtatem sicut tempus, eique assignantur propria continuïtata, scilicet, mutata esse; ergo est vera species quantitatis.

59 Ad argumētū negāda est cōsequētia. Ad cuius probationē respondetur, dato quòd antecedēs sit verum de subiecto proprio, & adæquato, seu de subiecto *quod*, nō tamen esse vniuersaliter verū de subiecto *quo*, seu de eo, quod est ratio recipiēdi aliud: vt patet in quātitate respectu figuræ, & aliarū qualitātū corporaliū, quæ media illa recipiuntur in substantia; & tamen sunt

perfectiores ipsa quantitate. Et ita contingit in præsentī; motus enim solū est id, medio quo extēsiō tēporis recipitur in re mobili, & dimanat ab ea; ac proinde tēpus potest habere sufficientē perfectionem, & completionem, vt sit species quantitatis, etiam si motus non habeat illam. Quòd autem de facto hoc ita sit, colligitur optimè ex eo, quòd motus ex natura sua est via ad terminum, & ordinatur ad illum tantquam ad id, à quo completur in ratione entis; quod non habet tempus, vt de se constat.

Per quod patet ad confirmationem. Quanvis enim motus habeat propriam aliquam extensionem actualē, præter extensionē tēporis; illa tamē est in suo genere incompleta, sicut ipse motus; quod nō cōuenit extēsiōni tēporis, vt dictū est. Et ideo hæc potest esse vera species quantitatis, non autem illa.

60 Ad rationem dubitam in principio positam respondetur cū D. Th. 5. Met. lect. 15. & Cai. in hoc cap. Arist. in prædicamenti egisse de quantitate secundum rationem mensuræ: & ideo ibi numeravit locum inter species quantitatis: quia licet non habeat distinctam extensionem à superficie; est tamen diuerso modo mensura. In metaphisica verò egit de quantitate secundum suum esse; & ideo eas tantum species numeravit, quæ habent extensionem per se ipsas, & non per aliud, seu derivatam ab alia. Propter quod prætermisit ibi tēpus, & orationē: quia eorū extēsiō depēdet à motu: quod tamen non tollit,

quin sint veræ species quantitatis vt dictum est. Consultò omittimus alia plura, quæ circa locum, tempus, & motum adduci possent: quia propriam sedem habent lib. 3. & 4. Physic. ubi ea discutimus.

QVÆSTIO VI.

*Quid sit unitas prædicamentalis? Et
vtrum addat aliquid supra quan-
titaatem continuam?*

61 **E**Xplicatis speciebus quantitatis continuæ, eodem ordine examinandæ sunt duæ aliæ, quas Aristot. in præsentī constituit sub quantitate discreta, scilicet numerus, & oratio. Ad quod præmittenda est questio præsens: quia cum numerus sit multitudo mensurata per vnum, vt definit D. Thom. 1. p. q. 7. artic. 4. notitia eius omninò pendet ex cognitione unitatis. Cū autem duplex sit unitas; vna quæ est passio entis, & solet appellari transcendentalis, quia in omnibus entibus reperitur: & alia quæ est propria quantitatis, & solet appellari prædicamentalis, quia tantum inuenitur in hoc prædicamento: inde est, duplicem etiam esse multitudinem, seu numerum. Alius appellatur transcendentalis, & reperitur in omnibus rebus; de quo proinde intelligendum est, quādō dicimus, Angelorum ordines esse nouē: personas Sanctissimæ Trinitatis tres, &c. vt docet Angelicus Doctor q. 30. sequenti art. 3. Alius verò est numerus prædicamentalis, seu multitudo unitatum prædicamentaliū; & de hoc agimus in præsentī. Ad

quem cognoscendum specialiter inquirimus: quid addat unitas prædicamentalis supra quantitatem continuam? inde enim cognoscemus quid illa sit, & in quo distingatur a transcendentali.

62 Plures Doctores, vt refert D. Th. 1. p. q. 1. ar. 1. ad 1. non distinguentes inter vnum, quod conuertitur cum ente, & vnū, quod est principiū numeri, seu inter unitatē transcendentalem, & prædicamentalem, in contrarias sententias abierunt. Auic. enim 3. Metaph. c. 2. considerans vnum, quod est principiū numeri addere aliquid positium supra ens, idem existimauit de vno, quod conuertitur cum ente. Quem sequuntur Scot. in 2. dist. 3. q. 2. & lib. 4. Metaph. q. 2. Anc. Andr. ibidem q. 3. & alij eius Discipuli.

Hanc tamen sententiam, quantum ad secundam partem, in qua de veritate discedit, impugnatur re & de D. Tho. loco citato; quia quælibet res est vna per se ipsam: alias si per aliquid aliud esset vna, cū illud iterum sit vnum, esset vnū per aliquid aliud; & sic procederetur in infinitum: ergo vnum, quod conuertitur cum ente, non potest superaddere illi entitatē aliquam positiuā, à qua constituatur in ratione vnus. Neque in hoc est immorandum, quia non est præsentis instituti: potest tamen videri D. Th. locis infr. adducēdis.

63 Secunda sententiā extremē huic opposita fuit Pythagoræ, & Platonis, qui considerantes vnū, quod conuertitur cum ente, non addere aliquam rem supra ens, sed solā diuisionem, existimauerunt, idē di-

endum esse de vno, quod est principium numeri. Quam sententiam sequuntur Durand. in 1. dist. 24. q. 2. Greg. ibidem, Fons. 5. Metaph. c. 13. q. 3. sect. 3. Suar. disp. 4. sect. 9. nu. 9. & alij affirmantes, vnitatem propriam quantitatis explicandam esse eodem modo, ac transcendentalem aliorum entium; ac proinde sicut vnitatis propriae qualitatis nihil positivum addit supra illam, sed est ipsa eius entitas, ut indivisa: ita vnitatem prædicamentalem nihil positivum addere supra quantitatem continuam, sed esse ipsammet quantitatem, ut indivisam.

Probatur primò hæc sententia: quia si vnitatis prædicamentalis adderet aliquid positivum, vel illud esset relativum, vel absolutum: sed utrumque est falsum: ergo, &c. Probatur minor quoad primam partem: quia prius quantitas est una, quam quòd in illa intelligatur aliqua relatio: imò ipsa eius vnitatis debet esse ratio fundandi talem relationem, ut infra conabitur: ergo quantitas non potest constitui in esse unius per aliquid relativum. Quoad secundam verò partem probatur: quia cum tale positivum non possit esse res alterius prædicamenti propter rationem factam, necessariò erit, vel quantitas discreta, vel continua: sed non potest esse discreta; liquidem vnitatis potius dicitur indivisionem: ergo erit quantitas continua. Hanc autem dicit vnitatis pro materiali: ergo supra illam nihil addit positivum, sed solam negationem.

64 Secundò: quia alia entia,

verbi gratia, duæ substantiæ secundum se, aut duæ qualitates persuasæ, met entitates sunt unæ, & se ipsis constituunt numerum binariū absque aliqua alia realitate illis superaddita: ergo idem dicendum est de duabus quantitativibus continuis. Probatur consequentia. Tum ratione D. Thomæ facta contra primam sententiam: quia si quantitas continua esset una per aliquid aliud, illud aliud esset unum per aliquid aliud, & sic in infinitū. Tum etiam ratione Gregorij: quia ex eo præcisè quòd aliquid sit unum vnitatis propriae entis, potest alteri connumerari, seu constituere cum illo numerum: sed vnitatis propriae entis non addit supra ipsum aliquid positivum; sed solam indivisionem: ergo ex eo præcisè, quòd quantitas continua intelligatur indivisa, potest alteri connumerari, & constituere numerum prædicamentalem. Restat ergo, quòd sicut vnitatis transcendentalis nihil positivum addit supra entitatem, ad quam consequitur; ita neque vnitatis prædicamentalis supra quantitatem. Plura alia argumenta pro hac sententia adducit Capreolus in 1. distinct. 24. quæst.

Tertia sententia, inter præcedentes media, distinguit inter has duas vnitates; negatq; cum posteriori opinione, vnitatem transcendentalem addere aliquid positivum supra entitatem, cuius est vnitatis; cum priori verò affirmat vnitatem prædicamentalem addere aliquid supra quantitatem continuam. Sic docent Aristot. & Aberr.

vt testatur D. Thom. dist. 24. citata q. 1. artic. 3. Pro quo videri potest idem Commentator 4. Metaphys. comm. 3. lib. 5. comm. 11. & lib. 10. commen. 8. & D. Th. ibidem alijsq; locis infra adducendis. Quæ sententia est communis in schola Arist. & D. Thom.

65 Dicendum est ergo, unitatem prædicamentalem non esse solā quantitatem continuā, vt indiuisam, sed supra eam addere quid positium, & reale incōpletū, reductiuè perti- nens ad prædicamentū quātītatis; ratione cuius ipsa quantitas conti- nua est pars numeri prædicamēta- lis. Sic docent cōmuniter Thomi- stæ, inter quos latè explicat, & de- fendit hanc conclusionē Capr. vbi sup. concl. 1. & ad argumenta cōtra illam. Quæ sequuntur Sonc. 4. Met. q. 25. Iabel. ibid. q. 7. ratione 1. & lib. 8. q. 9. Sanch. li. 5. Logicæ q. 21. ad 1. Masl. in hoc c. sect. 2. q. 4. Galle go contr. 25. circa finem, & Arauxo lib. 5. Metaph. q. 3. ar. 3. vbi Fonse- cam reprehendit, eo quòd negaue- rit, hanc fuisse sententiam D. Tho. additq; quòd fideles Angelici Do- ctoris sectatores, ipsum in hac fuisse sententia, testantur, & vt genui- nam eius mentem amplectuntur.

Probatur primò vno, vel altero Angelici Doctōris testimonio: nā quodlib. 10. ar. 1. sic ait: *Respō deo, dicendum, quòd vnū, quòd est prin- cipiū numeri, de necessitate aliquid positiuè dicit in eo, cui attribuitur: quia cum ex unitatibus numerus cō- stituitur, nisi unitas res aliqua es- set, numerus res esse non possit. Et sic non posset poni in aliquo genere, tā-*

quam species, &c. Et loco citato ex primo sententiarum: *Vnum, quòd conuertitur cum ente, nihil positiuè addit ad id, cui adiungitur, &c. Sed vnum, quòd est principium numeri, ponit aliquid additum ad esse, scili- cet, esse mensuræ; cuius ratio primò inuenitur in unitate; & deinde con- sequenter in alijs numeris; & dein- cept in quantitatibus cōtinuis, &c.* Quod etiam repetit 4. Metaphys. lect. 2. & lib. 10. lect. 3. Et tandem 1. p. q. 11. art. 1. ad 1. post impug- natas duas primas sentētiās supra relatas, concludit: *Sic igitur dicen- dum est, quòd vnum, quòd conuer- titur cum ente, nō addit aliquam rem supra ens; sed vnum, quòd est prin- cipium numeri, addit aliquid supra ens, ad genus quantitatatis perti- nens.* De quo etiam videri potest q. 30. sequenti ar. 3. de potentia q. 9. ar. 7. & alibi sæpè.

66 Respondebis fortè id, quòd Fonseca, & Suar. vbi supra respon- dent, sensum D. Thom. esse, quòd vnitas prædicamentalis addit ali- quid positium supra ens, in quan- tum addit supra substantiam quan- titatem ipsam continuā, quæ est res positiua.

Sed hæc expositio, est non solūm falsa, sed etiam absurda. Quòd sit falsa, probatur primò: quia si quā- do D. Tho. locis citatis vtitur no- mine *substantiæ*, sumit illud pro *es- sentia*, vt rectè notat Arauxo vbi supra, & constat euidenter ex con- textu; referens enim Sanctus Do- ctōr quæst. 11. citata extremas il- las sententias, sic ait: *Pythagoras, & Plato videntes, quòd vnum, quòd*

conuertitur cum ente, non addit aliquam rem supra ens, sed significat substantiam entis, prout est indiuisa; existimauerunt, sic se habere de vno, quod est principium numeri. Econtrario autem Avicen. considerans, quod vnum, quod est principium numeri, addit aliquam rem supra substantiam entis (aliàs numerus ex unitatibus compositus non esset species quantitatis) credidit, quod vnum, quod conuertitur cum ente, addat rem aliquam supra substantiam entis, &c. Quibus verbis per substantiam entis euidenter est significari essentiam entis; & sensus planus est, quod iuxta primam sententiam neutra vnitas addit aliquid positium supra essentiam, ad quam consequitur; iuxta secundam verò, vtraque addit aliquid positium. Inter quæ duo extrema, media via procedit D. Thomas, vt vidimus: ergo eodem sensu, quo negat de vnitate transcendentali, addere aliquid positium supra essentiam, cuius est vnitas, id concedit de vnitate prædicamentali; ac proinde hæc verè addit aliquid positium supra essentiam quantitatis continuæ. Quod etiam satis expressit Sanctus Doctor alijs locis adductis, dicens, vnitatem prædicamentalem addere aliquid positiuè, in eo cui attribuitur, seu cui adiungitur, &c. Id est, in eo cuius est vnitas, seu ad quod consequitur, nempe in quantitate continuæ. De quo etiam videri potest distinct. 24. citata q. 1. artic. 3. ad quartum.

67 Secundò impugnatur eadem solutio: quia D. Tho. loco ci-

rato ex 1. par. expressè ait: id quod addit vnum prædicamentale supra ens, esse quid ad genus quantitatis pertinens. Quod esse reductiuè intelligendum, constat planè: tum quia modus hic loquendi frequens est in D. Thom. tum quia aliàs esset impropria, & barbara locutio, si de ipsa quantitate diceretur pertinere ad genus quantitatis: tum denique quia eadem 1. p. q. 3. artic. 5. de potent. q. 7. art. 3. ad 7. & alibi sæpè expressè docet, vnitatem prædicamentalem esse quid reductiuè pertinens ad genus quantitatis, sicut punctum; quod tamen negant Doctores, quos impugnamus: ergo in sententia D. Tho. vnitas prædicamentalis non est ipsa quantitas continua, sed quid incompletum, ipsi superadditum, & ab ea diuersum; sicut etià in omni sententia dicendum est de puncto.

Tandè, quod dicta expositio sit absurda patet: quia manifestè eludit intentum D. Th. & reddit vanam differentiam, quam assignat inter vtramque vnitatem. Vt enim rectè docet ipse Sanctus loco citato de poten. ad 8. etiam vnitas transcendentalis ponit aliquid positium, in quantum ponit ipsum ens, cuius est vnitas: ergo si ex eo præcisè vnitas prædicamentalis dicitur addere aliquid positiuè supra ens, quia addit supra substantiam ipsam quantitatem, quæ est res positua; idem etiam dicendum esset de vnitatibus transcendentalibus aliorum accidentium; siquidem hæc etiam addunt supra substantiam accidentia ipsa, quæ sunt res posituæ

Ex

Ex quo rursus sequeretur, quod uterq; numerus, vel neuter esset res aliqua, & vera species alicuius generis, cuius oppositum intendit D. Th. eisdem locis: ergo dicta expositio planè eludit intentum eius.

68 Secundò probatur còclusio ratione D. Th. quia nisi vnitas prædicamèntalis adderet aliquid reale incompletū supra quantitatem continuam, ratione cuius fieret pars numeri prædicamèntalis, talis numerus non posset esse ens per se, & vera species quantitatis: consequens est falsum, & còtra Arist. & D. Tho. vt ostendimus quæst. sequenti: ergo &c. Probatur sequela: quia idèò numerus transcendèntalis duorum intellectuum, aut etiam duarum substantiarum corporaliū, ablata quantitate, non est vera species alicuius generis, quia vnitates transcendèntales, ex quibus componitur, cum sint ipsæ entitates talium rerum cum negatione diuisionis absq; aliquo alio, nō sunt simpliciter partes, sed entia completa; & per consequens numerus inde resultans est aggregatum entium completorum, & ens per accidens: ergo si vnitates prædicamèntales duorum hominū, v.g. essent ipsæ quantitates completæ eorum cum negatione diuisionis absque aliquo alio; numerus inde resultans esset similiter aggregatum entium completorum, ac proinde ens per accidens; & per consequens non posset esse vera species quantitatis. Sed de hoc redibit sermo quæstione sequenti in solutione ad tertium.

Confirmatur: quia ex hoc vno,

vel præcipuo fundamènto Suar. disp. 41. Met. sect. 1. Fons. & alij Authores còtrarij probant numerum prædicamèntalem non esse ens per se, & veram speciem quantitatis, vt ibi videbimus: ergo vt oppositam sententiam tunc rectè explicemus, & defendamus; opposita, nunc sunt iacenda fundamenta, asserendumque, vnitatem prædicamèntalem esse quid reale, & incompletum superadditum quantitati còtinuæ, & essentialiter ordinatum ad componendum numerum.

69 Tertiò: quia in quãtitate còtinua datur aliqua entitas incòpleta, quæ sit principium magnitudinis, nempe punctum: ergo etiam in quãtitate discreta necessariò còcedenda est aliqua entitas incòpleta, quæ sit principium numerorum, scilicet, vnitas: & sic, &c. ¶ Confirmatur, & explicatur vis huius rationis: quia vnitas prædicamèntalis, sicut & punctum, est mèsura simpliciter prima intra genus quãtutatis, vt ostendimus sup. disp. 10. n. 24. & ampliùs constabit in libris Posteriorū: ergo nō potest esse sola quãtutis continua cū indiuisione. Probatur consequentia. Tū quia quantitati solū conuenit, sic esse mensuram, vt etiam sit res mèsurata, vt sup. n. 12. explicuimus; quod repugnat primæ mensuræ. Tū etiam, quia ad rationem mensuræ nō sufficit rem esse indiuisam, sed requiritur, quòd sit indiuisibilis in illa ratione, in qua est mensura, vt ibi ex Arist. vidimus: ergo ad rationem mensuræ simpliciter primæ in genere quantitatis requiritur, quòd sit

in tali genere simpliciter indiuisibilis: hoc autem non habet quantitas continua etiam cum indiuisione; siquidem talis indiuisio non tollit, sed potius supponit diuisibilitatem in quantitate, ergo ultra hanc ponenda est aliqua alia entitas vere indiuisibilis, & incompleta, quæ sit unitas prædicamentalis. Videatur Diu. Thom. 1. Metaphys. lect. 3. ubi docet unitatem esse omnino indiuisibilem.

70 Quartò tandem ad hoc facit ratio supra n. 62. adducta, qua D. Tho. ostendit unitatem transcendentalem non addere aliquid positivum supra ens; eadem enim sumpta à contrario sensu, ut ibi Diu. Thom. subintelligi voluit, contrarium probat de unitate prædicamentali sic. Non solum res aliorum prædicamentorum, sed etiam ipsa quantitas continua non potest esse una quantitativè, & pars numeri prædicamentalis per se ipsam: ergo aliquid aliud est necessarium, per quod fiat una, & pars talis numeri. Probatur antecedens: quia aliàs inter ea, inter quæ semel inuenitur talis numerus, semper inueniretur; & ubi à principio non esset, nunquam esset, ut contingit in unitate, & numero transcendentali, quatenus tales sunt. Cuius tamen contrarium experimur in prædicamentali: nam in ligno continuo v.g. non est numerus quantitativè, sed unitas; si verò diuidatur, iam non est unitas, sed numerus. Similiter in duobus partibus aquæ separatis est verus numerus quantitativè, & non unitas; quibus tamen coniunctis, deper-

ditur numerus, & fit unitas: ergo tales res, & quantitates sunt unæ per aliquid superadditum, quod possit per diuisionem produci, & per unionem deperdi. Videatur Zanar. lib. 10. Metaph. q. 3. ad 5. & 6. Ex quo rursus fit entitatem illà realem, & incompletam superadditam quantitativè continui distingui ab ea ex natura rei, & ante operationem intellectus, saltem ut modum à re; siquidem manente quantitate continua acquiritur, & deperditur talis unitas, ut ex dictis patet, Videatur D. Thom. 3. p. q. 77. art. 4. & in 4. distinct. 12. q. 1. art. 2. quæstiuncula 3.

71 Hic autem statim inquirendum venit, quid sit illud reale incompletum, quod superaddit unitas prædicamentalis? Aliqui, ut refert Capreol. ubi suprâ, respondent, esse formam continuitatis. Sed hoc non satisfacit: quia forma continuitatis non distinguitur ab ipsa quantitate continua, & sic est diuisibilis in multa, quod est contra rationem unitatis. Et ideo aliter, & benè respondet idem Capr. cum Auicena. 3. Metaphysic. cap. 2. quod est ipsum esse indiuisum, seu existentia quantitativè continui. Cuius sententiâ, quantum ad hoc, admittit D. Tho. in 1. dist. 24. citata, estq; satis verosimilis; nam ut ostendimus lib. 1. Physic. & tractat latè Nauarr. 1. parte controuer. 18. & 19. esse, seu existentia cuiuslibet rei etiam compositæ est omnino simplex, & indiuisibile: ergo quando quantitas continua diuiditur, esse primum non remanet, neque diuiditur, sed qualibet pars diuisa habet nouum

nomum esse. Quod optimè conso-
nat, cum ijs, quæ de prædicamenta-
li vnitate dicta sunt, & fauet non
parùm D. Thom. loco citato ex 4.
sententiarum, vbi expresse docet
ex Arist. *Quod in additione quanti-
tatis ad quantitatem, vna quantitas
esse incipit, duabus esse desinentibus.*
Econtrariò in diuisione, &c.

Secundò respondet Capr. quòd
*vnitas ista neq; est forma continuata
tis; neq; esse talis forma, sed quoddã
accidens indiuisibile consequens quan-
titem continuam. Et differt à pñ-
cto in hoc, quod pñctus habet sitũ in
linea, vel continuo; non autem vni-
tas; sed habet pro subiecto adequato
totum continuum; ita quòd auẽto,
vel diminuto tali continuo, non re-
manet prior vnitas, sed alia.* Idem
docet Zanard. vbi supra ad tertiũ.
Cui doctrinæ non parùm fauet D.
Thom. loco citato 3. part. articu-
lo 8. & quodlib. 10. artic. 3. vbi
expresse fatetur, quòd quando ali-
cui liquori permiscetur alter eius-
dem speciei, non manet idem nu-
mero, vel in toto, vel in parte; se-
cundũ quòd mixtio facta est. Cui
etiam consonat alia doctrina, quã
habet Sanctus Doctor ibidẽ artic.
4. & 3. Metaphysicæ lect. 13. vbi
expresse dicit, quòd quando duo
corpora prius diuisa copulantur,
corrumpuntur duæ superficies ter-
minatiuæ eorum, & fit vna: quan-
do verò vnum corpus diuiditur in
duo, corrumpitur vna superficies,
& fiunt duæ.

72 Ad argumenta secundæ
sententiæ respondetur. Ad primum
ex dictis patet id, quod addit vni-

tas prædicamentalis esse quid ab-
solutum; sed tamen incompletum,
& indiuisibile, pertinensque ad ge-
nus quantitatis, non per se, vt spe-
cies eius, sed reductiue, vt princi-
pium numeri; quemadmodum pñ-
ctum vt principium magnitudinis.

Ad secundam neganda est con-
sequetia. Ad cuius primam proba-
tionẽ respõdetur, quòd quia solius
quantitatis propria est diuisibili-
tas in partes integrâtes, vt ex Ari-
stot. & D. Thom. explicuimus su-
prâ q. 3. ideò apud ipsos sola quã-
titas inter omnia alia entia habet
specialem, & proprium modũ vni-
tatis: qui propterea appellatur
prædicamentalis; consistitq; in eo
quòd quantitas non sit vna per se
ipsam, sed per aliquod indiuisibile
superadditum, vt vidimus num. 66.
Hoc autem non est vnum per ali-
quid aliud, sed per se ipsum: tũ,
quia est essentialiter ipsa vnitas; &
ita est vna per seipsam: tũ etiam
quia cũ sit quid indiuisibile nõ po-
test ipso manente amittere, vel ac-
quirere rationẽ vnus, sicut potest
quantitas; & ideò non indiget ali-
quo alio, per quod fiat vnum, & ita
non proceditur in infinitũ. Notat
autem benè Zanard. vbi sup. ad 6.
quòd hæc vnitas nõ est vna quanti-
tatiue, nisi tãtũ vt *quo*, vt *quod* ve-
rò est vna vnitate transcendentali,
quæ supra entitatem solũ addit
negationem, vt explicatum est.

Ad secundam probationem res-
pondetur, ex eo præcisè, quòd ali-
quid sit vnũ vnitate propria entis,
solũ per se constituere numerum
transcendentalem, qui propterea
non

non est ens per se, neq; vera species alicuius generis; quia non est aliquid superadditum ipsis rebus numeratis; sicut neq; etiam vnitates, ex quibus componitur. Quare si vnitates prædicamentales essent ipsæ quantitates numeratæ absq; aliquo alio, numerus ex illis coalescens nõ esset accidens per se vnum, & vera species quantitatis, vt ex dictis constat. Id autem, quod vltimo inferitur, scilicet, ex eo quod quantitas continua intelligatur indiuisa, posse alteri connumerari, & constituere numerum prædicamentalem; verum quidem est: non quia sola indiuisio addita quantitati continuæ sufficiat ad constituendum numerum, qui sit verum ens per se, sed quia talis indiuisio, seu negatio supponit in quantitate cõtinua illud incompletum, & indiuisibile, per quod constituitur positiuè vna, & ratione cuius, quamdiu durat, conuenit ei talis negatio.

QVAESTIO VII.

An numerus prædicamentalis sit ens per se, & vera species quantitatis?

73 **E**X dictis satis constat, numerum transcendentalem non esse aliquod vnum ens, aut veram speciem alicuius generis. Et ideo solum est dubium de numero prædicamentali, seu de multitudine istarum vnitatum, quas explicuimus. De quo adhuc nõ procedit difficultas, v: applicato ad ipsas quantitates continuas, & alias res numera-

tas, seu in cõcreto significato, quo modo appellatur ab Arist. 4. Phys. c. 12. *numerus numeratus*: sic enim certum est, non esse propriè speciẽ, neque propriè ens per se; sicut de alijs concretis accidentium diximus d. 5. n. 17. Sed difficultas est de numero in abstracto, scilicet, de multitudine vnitatum prædicamentaliũ, vt præscindunt etiam ab ipsis quantitatibus continuis, quarũ sunt vnitates; qui numerus appellatur ab Arist. lib. citato *numerus numerans*. Et de hoc inquirimus: an sit ens per se, & vera species quantitatis.

Partem negatiuam defendunt Duran. in 1. dist. 43. q. 2. art. 1. Gabriel. & Greg. Ochan. & alij Neminales, quos referunt, & sequuntur Oña in hoc cap. q. 2. ar. 4. Conimb. ar. 1. Fonse. lib. 5. Metaph. c. 7. q. 5. sect. 2. & cap. 13. q. 4. Suar. disp. 41. citata sect. 1. Hurt. disput. 13. sect. 6. §. 45. Vazquez 1. parte disput. 26. cap. 3. Auerſa hãc quæst. 18. sect. 2. & alij.

74 Probant primò, hanc sententiam Conimb. ex Aristot. 3. Physic. c. 3. asserente, numerum esse plures vnitates; & 8. Metaphysicę c. 3. vbi ait: *Numerum non esse vnum, sed sicut cumulum.*

Secundò id probant alij ex D. Thoma 1. parte quæstione 30. artic. 1. ad 4. & artic. 2. ad quintum, vbi expressè dicit, numerum absolutum, seu abstractum non esse nisi in intellectu: ergo sentit numerum pro formali esse ens rationis; & cõsequenter non esse veram speciem quantitatis.

Tertiò

Tertio id probant ferè omnes hac præcipua ratione: quia ex multis entibus in actu, & completis nõ potest fieri ens per se, vt sepè docet Aristot. & patet ex ipsa natura entis completi, de cuius ratione est non ordinari essentialiter ad componendum: sed vnitates prædicamentales sunt plura entia in actu, & completa: (supponunt enim dicti Authores esse ipsas quantitates continuas, vt suprà vidimus:) ergo numerus ex illis resultans non potest esse ens per se.

Quarto probatur eadem sententia: quia ens per se debet habere partes unitas: sed has non habet numerus, imò repugnant rationi eius: ergo &c. Probatur maior: quia ens per se est illud, quod habet vnicam essentialitatem: sed id, cuius partes non sunt unitæ, non habet vnicam essentialitatem, cum sit absolute plura: ergo non est ens per se. ¶ Confirmatur: quia accidens, quod est per se vnum, non potest esse in pluribus subiectis realiter distinctis, & diuisis: ergo numerus non potest esse accidens per se vnum.

Vltimò: quia inter vnitates non solum non inuenitur vnio physica, sed neque vnio ordinis sufficiens ad constituendum vnum per se: ergo &c. Probatur antecedens. Tùm quia vnio ordinis præcisè absque aliqua alia non videtur sufficiens ad constituendum vnum per se, vt patet in exercitu, & ciuitate, quæ licet habeant vnitatem ordinis, non tamen sunt vnum per se. Tùm etiam, quia inter vnitates eiusdem numeri non est ordo rea-

lis, sed rationis tantum; siquidem internario, verbi gratia, vna unitas non est à parte rei prima, alia secunda, & alia tertia; sed id fit ab intellectu constituyente vnam primo loco, aliam secundo &c. ergo non habent vnitatem ordinis sufficientem ad constituendum vnum per se, & veram speciem entis realis.

75 Nihilominus dicendum est, numerum prædicamentalem esse ens per se, & veram speciem quantitatis. Hæc conclusio est receptissima in schola Arist. & D. Tho. Docet illam Philosophus, non solum in hoc cap. vbi aliqui asserunt non esse locutum ex propria sententia, sed etiam 5. Metaph. cap. 13. vbi quætitatis species inuestigat. Idem habet D. Thom. ibidem lect. 15. & latè probat lib. 8. lect. 3. vbi inter alia sic ait: *Est enim per se vnum numerus, in quantum vltima unitas dat numero speciem, & vnitatem; sicut etiam in rebus compositis ex materia, & forma per formam est aliquid vnum, & vnitatem, & speciem sortitur, &c.* inferreque pro inconuenienti, quod si numerus non esset simpliciter vnum, sed per modum conseruationis, non esset aliqua species entis. Quod etiam vt inconueniens deducit locis suprà numero 65. adductis: ergo quando D. Tho. ibidem, & q. 30. 1. partis art. 3. & de potentia quæst. 9. artic. 7. & alibi sepè docet numerum esse speciem quætitatis, loquitur de vera, & propria specie. Quæ in hoc sensu intelligunt, & sequuntur omnes eius Discipuli, vt inquit Sanchez lib. 5. Logica q. 21. De quo videri possunt

sunt Capr. in 1. dist. 24. q. 1. concl. 5
Nazar. 1. p. q. 30. ar. 3. contr. vnica,
Herb. quodlib. 2. q. 11. Sonc. lib. 10
Metaph. q. 7. Zanard. ibid. q. 3. lab.
lib. 8. q. 9. Flandria lib. 5. q. 14. ar. 6.
Arauxo ibid. q. 3. ar. 2. Caiet. & So-
to in hoc cap. Mas. ibid. lect. 2. q. 2.
noſter Did. à leſu diſput. 13. q. 2. &
plures alij. quos refert, & ſequitur
Galleg. hic contro. 25. Quibus etiã
conſentiunt Scot. 5. Met. q. 9. Tol.
in hoc cap. q. 1. Rub. q. 6. & alij. Te-
net etiã Euclides in ſua Arithme-
tica, & omnes Mathematici.

76 Probatur primò ratione:
quia vt aliquid ſit per ſe vnum, &
ens ſaltem in infimo gradu perfei-
tatis, non eſt neceſſarium, quòd par-
tes eius ſint realiter vnitæ, ſed ſuf-
ficiti, ſi ſint eſſentialiter ordinatę ad
componendum, & habeant aliquam
vnitatem compositionis, vel ordi-
nis: ſed huiusmodi ſunt partes nu-
meri: ergo quanvis illę nō ſint rea-
liter vnitæ, adhuc numerus poteſt
eſſe per ſe vnum, & ens. Minor eſt
Ariſt. in hoc cap. & conſtabit q. ſe-
quenti. Maior autem probatur.
Tūm quia domus, v.g. & alia arti-
ficialia ſunt entia per ſe ratione
vnius figurę, quam habent partes
eius, etiã ſi inter ſe non ſint reali-
ter vnitæ. Tūm etiã, quia non re-
pugnat, aliqua verè eſſe entia incō-
pleta, etiã ſi phyſicè inter ſe non
vniantur: ergo poſſunt eſſe verè, &
ſimpliciter partes alicuius entis
diſcreti. Tūm deniquè quia ratio
vnius per ſe non conſiſtit in indiui-
ſibili, ſed habet plures gradus; ſi-
quidem Deus eſt magis per ſe ens,
& vnū, quam Angelus, & Angelus,

quam ſubſtancia materialis; & hæc
plus quàm quantitas continua: er-
go ſaltem in infimo gradu poteſt
aliquid diſcretum eſſe per ſe vnū, ſi
partes eius ſint quid incompletū, &
habeant inter ſe ordinem. Videat-
tur D. Tho. 7. Met. lect. vlt. vb. in-
ter alia inquit: *Compoſitum quādo-
que ſortitur ſpeciem ab aliquo vno,
quod eſt, vel forma, vt patet in cor-
pore mixto, vel compoſitio, vt patet
in domo; vel ordo, vt patet in ſylla-
ba, & numero: & tunc oportet, quòd
totum compoſitū ſit vnū ſimpliciter.
Quādoq; vero compoſitum ſortitur
ſpecie ab ipſa multitudine partū col-
lectarū, vt patet in acerao, & popu-
lo, & in talibus cōpoſitū non eſt vnū
ſimpliciter, ſed tātū ſecūdum quid.*

77 Secūdò probatur: quia nume-
rus eſt proprium, & per ſe obiectū
Arithmeticę: ergo non poteſt eſſe
ens per accidens. Antecedens eſt
euidens. Conſequētia verò, probat-
ur. Tūm ex Ariſt. 6. Met. c. 2. & ali-
bi ſæpè, aſſerente, de ente per acci-
dens non poſſe eſſe ſcientiam, aut
definitionem. Tūm etiã ratione
manifeſta: quia ens per accidēs nō
habet vnicam, & determinatam eſ-
ſentiam: ergo prout ſic non habet
paſſiones, quę de illo poſſint a ſciē-
tia demonſtrari. Patet conſequen-
tia: quia paſſio ſequitur eſſentiam
conſtitutam in aliquo determina-
to gradu entis per differentiam: eſ-
ſentialeni; cū autem hæc neceſſariò
conſtituat ens per ſe & non per ac-
cidens, planū hinc, illud, prout ſic, nō
poſſe habere paſſiones à ſciētia de-
monſtrabiles; ac prouide non poſſe
eſſe obiectū ſcientiæ. Quæ doctrina

saltem de obiectis scientiarum nō subalternatarū, qualis est Arithmetica, est evidens, & extra controuersiam apud Metaphysicos: ergo &c. Quia ratio etiam concludit, numerum esse veram speciem quantitatis, vt consideranti patebit.

78 Vt huic argumento (q̄ proculdubio cōuincit intentū) respōdeat Suar. loco citato, simūlq; in cōcordiā adducat vtrāq; sententiā; prēmittit n. 16. quōd licet numerus in rei veritate, & prout est à parte rei, sit ens per accidēs; n̄ prout à nobiscō cipitur per modū vnius, dici potest habere aliquā vnitatē sufficiētē, vt de illo tāquā de vna specie entis loquamur, & vt sub talicōsideratione in prædicamēto quātitatis colloceatur. Quo supposito, respōdet, vnitatē istā, quā habet numer⁹ in ordine ad intellectū, vt ab eo per modū vnius cōcipiatur, sufficiētē esse, vt numerus sit obiectū Arithmetice.

Hæc tamen solutio, & concordia friuola est, habetq; cōtra se vtriūque sententiæ argumenta, vt consideranti patebit. Et quod peius est, quidquid refugiat Suar. eādē incidit in sententiā Aureoli apud Capr. in 1. dist. 24. q. 1. a. 1. asserentis, numerum pro formali esse ens rationis; & ex consequenti obiectum formale Arithmetice nō esse ens reale. *Mirabile quid!* (inquit Sanc. vbi sup. q. 22.) *volūt Doctores isti obiectū Logicæ esse ens reale contra communē sententiā; obiectum autem Arithmetice faciūt ens rationis cōtra communem omnium sensum.*

79 Respondent aduersarij, obiectum formale Arithmetice nō esse

numerum pro formali, sed sumptū materialiter pro ipsīs quātitatibus continuis. ¶ Sed hæc solutio plūs falsa est, quā præcedens. Tūm quia quātitas cōtinua, quæ est materiale in numero, est obiectum formale Geometrice, vt per se patet; ac proinde Arithmetica non distinguetur à Geometria. Tūm etiam quia Arithmetica nō curat, an binarius, v. g. si linearum, vel corporum; sed potius abstrahit à continuatate, & cōsiderat formalem rationem multitudinis. Tūm deniq; quia passionēs, quas de numero demonstrat Arithmet. nempe proportionēs, & proportionalitatēs non cōueniunt illi ex materiali ratione quātitatis cōtinuæ; sed secundū formalissimam rationem discreti. Cuius duo sunt signa manifesta: vnū est, quod vt proportionē, aut proportionalitatem aliquāliter applicemus quātitati cōtinuæ, debet ipsa apprehendi sub ratione formali discretæ, vt bicubita, tricubita, &c. vt notauimus sup. n. 3. alterū est, quod Arithmeticus demonstrat, nullum esse numerum, qui nō habeat aliquā speciem proportionis respectu cuiuscumq; alterius; cuius tamen oppositum cōcludit Geometra de quantitate cōtinua, esse, scilicet, aliquas incōmēsurabiles, seu nullā habētes proportionē numerorū. De quo videri potest D. Th. 1. Met. lect. 3. ergo proportio, aut proportionalitas non cōueniunt numero ex ratione materiali quantitatis continuæ, sed secundū formalem rationem discretæ; ac proinde secundū hanc est obiectum formale Arithmetice.

80 Ad argumenta contrariæ sententiæ respōdetur. Ad primum dicimus, Conimb. non referre fideliter verba Arist. ipse enim nō dicit absolute. *Numerus nō est vnus, sed sicut cumulus; sed sic: Et numerum oportet aliquid esse, quo vnus, si vnus est: aut enim nō est, sed quasi congeries, aut si est, dicendū est, quid nam illud sit, quod eū ex multis facit.* Quibus verbis, vt patet, nō dicitur absolute, numerum esse sicut aceruum, sed quod si vnus est, aut erit sicut aceruus, vel explicandum erit, quid sit illud, quod ipsum vnum constituit: quod itatim explicat Aristot. ex eo quod vnaquæque pars numeri est *entelechia, & natura quædā.* Id est, vt explicat D. Tho. ibidem lect. 3. *Numerus est vnū per se, ex eo quod vna pars eius est vt forma alterius.*

Ad secundū ex auctoritate Angelici Doctoris respōdetur, sensū eius nō esse, quod essentia numeri prædicamentalis sit ens rationis, sed quod nō datur à parte rei numerus abstractus ab omni subiecto, sicut quando dicimus, quod animal abstractum à suis speciebus non datur à parte rei, sed tantū in intellectu, non est sensus, quod natura animalis quæ abstrahitur non est realis, sed quod separatio illa, & status abstractionis sit ab intellectu.

81 Ad terciū illi Doctores, qui ex vna parte defendunt, vnitatem prædicamentalem esse solam quantitatem continuam cum indiuisione, & ex alia numerum esse ens per se, respōdent, vnitates esse quidem entia completa in genere continui, sed respectu entis discreti verè esse

entia incompleta, & sic posse componere vnum per se. Adducuntque exemplum in linea, quæ in genere lineæ est quid cōpletū, tamē respectu superficiei habet incomplectionē, secūdum quod vnit partes eius.

Sed hæc solutio certē nō satisfacit, eāq; merito impugnāt Conimb. & alij. Quauis enim id, quod est simpliciter totum, & ens cōpletum in vno genere, possit esse secundum quid pars, & quid incompletum in alio, vt diximus supr. disp. 4. n. 31. & patet in homine, qui simpliciter est totum in genere substantiæ, & secundum quid pars respectu cōpositi accidentalis, tamen omnino videtur repugnare quod idem absolute, & in rigore loquendo, sit simpliciter totum, & simpliciter pars, seu ens completum, & incōpletum etiam respectu diuersorum. Et ratio est: quia vera completio, aut incompletio, seu esse simpliciter partem, aut simpliciter totum, non est aliqua ratio adueniens rebus comparatione facta cum alijs, sicut esse magnum, vel paruum in quātitate; sed est quid conueniens eis absolute in se ipsis, secundum essentialem vniuscuiusq; conceptum, ratione cuiusquidquid est simpliciter pars, & ens incōpletum, essentialiter petit alterius consortium ad sui perfectionem, vt patet in materia, & forma. Quod verò est simpliciter totum, & ens completum integrè intelligitur in sua essentia perfectum, absque eo, quod componat cum alio; ac proinde accidentaliter tantum, & secūdum quid potest esse pars respectu alterius. Cum er-

go quantitas continua Petri v. g. sit accidens reale simpliciter completum; cuius perfectio essentialis integra omnino esset, etiam si non daretur alia quantitas, cui annumeraretur; consequens est, si unitates prædicamentales sunt ipsæ quantitates continue absque aliquo alio, quod non sint simpliciter partes, neque essentialiter ordinentur ad compositionem numeri; & per consequens quod ipse non sit ens per se.

82 Confirmatur; quia alias possemus dicere, hominem v. g. licet in genere substantiæ sit quid completum, tamen in genere albi verè esse ens incompletum, & consequenter compositionem accidentale esse ens per se. Similiter duos intellectus, & duas voluntates, licet in ratione intellectus, aut voluntatis sint accidentia completa; tamen in ratione numeri transcendentalis verè esse entia incompleta; & per consequens talem numerum esse aliquod ens per se. Quæ omnia, & his similia sunt absurda: ergo insufficientis est prædicta solutio.

Neque exemplum adductum de linea urget. Tū quia non est ita certum talia indivisibilia continuatiua actu esse in quantitate: esto autem quod actu sint in illa, tamē non sunt partes eius, sed continuatiua; non enim superficies componitur ex lineis, neq; corpus ex superficiebus, ut dicimus lib. 6. Physicor. unitates autem sunt veræ partes numeri. Tū & maximè: quia, ut sumitur ex D. Thom. q. 9. de potentia art. 7. tres istæ dimensiones non tam sunt species physicae, & naturales quan-

titatis, quàm mathematicæ, & per designationem; ex eo quod Geometra sumit vnamquamq; ut per se subsistentem, & independentē ab alia; cum tamē omnes reverà constituāt idē accidens reale, dimanans à substantia corporali: de quo propterea, ut de vno, & specifico accidēti tractat Philosophia. Quare linea v. g. & superficies, absolutè, & realiter loquendo, non sunt entitates simpliciter completæ; & sic non est mirū, ipsas ordinari essentialiter ad corpus, quod tamen dici non potest de quantitate naturali triplex dimensionis respectu numeri, ut patet; ac proinde non est eadem ratio.

Relicta ergo hac solutione, respondetur ad argumentum ex doctrina quæstionis præcedentis, unitates prædicamentales non esse ipsas quantitates continuas, sed quid incompletum illis superadditum; & sic posse constituere vnum per se. Videatur Arauxo ubi supra ad secundum.

83 Ad quartum distinguenda est maior. Si enim sensus sit, omne ens per se debere habere partes unitates termino communi, neganda est: cōcedenda verò, si sensus sit, debere esse unitas saltem aliquo ordine: & hoc modo uniuntur partes numeri, ut postea explicabimus. Quod sufficit, ut absolutè non sint plura; sed habeāt unicam essentialiam, quāvis discretam. ¶ Ad confirmationem similiter respondetur, accidēs quod est per se vnum, non posse esse in pluribus subiectis adæquatis, seu totalibus; benè autē in pluribus subiectis inadæquatis, & partialibus;

bus, & hoc modo numerus est in pluribus realiter distinctis. Sicut enim integer binarius non est unaquæque unitas, sed amba simul; ita adequatum eius subiectum non est una quantitas, sed duæ.

Ad ultimum negatur antecedens. Ad cuius probationem respondetur, realem ordinationem inter duos, ratione alicuius incompleti in eis inuenti, esse sufficientem ad solutionem unum per se. Unde quia in hominibus in quantum sunt partes unius exercitus, vel ciuitatis, non inuenitur aliqua realis, & physica entitas incompleta, à qua constituentur partes talis exercitus, vel ciuitatis, sed moraliter tantum, & in æstimatione hominum censentur quid incompletum, idem exercitus, vel ciuitas, physice loquendo, non est ens per se, sed solum moraliter, numerus vero prædicamentalis physice est ens per se, quia unitates, ex quibus componitur, sunt quid physice incompletum, ut explicatum est.

Ad secundam probationem antecedentis respondetur, non esse necessarium ad hoc, ut sit ordo realis inter unitates, quod una determinate sit prima, & alia secunda, &c. sed sufficit, quod indeterminate se habeant inter se, ut materia, & forma: præcipue cum ultima unitas specialiter dicatur forma numeri, eo quod quasi determinat alias, & contrarius in hac, vel illa specie numeri, ut ex D. Thoma 8. Metaphysicæ lect. 3. adduximus in conclusione. Sed pro huius maiori intelligentia sita sequens.

QVAESTIO VIII.

An, & quomodo ultima unitas sit forma numeri?

84 C O n t r o u e r s i a hæc solum est inter Doctores, qui nobiscum sentiunt, numerum esse ens per se. Quorum quidam (& sit prima sententia) absolute negant, ultimam unitatem esse formam numeri, contentes, ipsam simul cum alijs solum esse materiam eius; formam vero esse structuram illam, seu compositionem, quæ in binario est binitas, in ternario ternitas, &c. Sic docent Aureol. apud Capreol. in 1. dist. 24. q. 1. in argumentis contra secundam conclusionem, Anton. Andras. 8. Metaph. cap. 3. Rub. in hoc 6. q. 7. Murcia disp. 3. q. 1. & alij. Qui addunt, quando numerus successiue producit, & potest assignari ultima unitas, dici posse aliquo modo formam; sed valde improprie, & metaphorice, in quantum est ultima pars materie; non autem quia verè habeat rationem formæ respectu aliarum; quod etiam docet Suar. disp. 41. Metaph. sect. 4. n. 12. Probatur primo, hæc sententia, quia compositio, quæ fit in ipsa entitate accidentis, non potest esse compositio ex materia, & forma; præcipue in quantitate, cuius partes sunt eiusdem rationis: ergo in numero nulla unitas potest esse forma respectu alterius. Secundo, quia compositio materie, & forme requirit veram unionem utriusque inter se; & quod formam verè recipiatur in materia, ut patet inductione; sed neutrum repe-

fitur in numero: neque enim unitates copulantur aliquo termino communi; neque ultima recipitur in alijs, ut per se patet: ergo nulla unitas potest esse forma respectu aliarum.

85 Tertiò: quia determinata species habet determinatam formam: ergo si ultima unitas est forma numeri, dabitur aliqua, quæ determinatè sit ultima. In ternario autè trium unitatum simul productarum nulla potest esse determinatè ultima: ergo nulla potest esse forma numeri. Plura alia argumenta pro hac sententia adducunt Capreol. ubi supra, Sanchez, Mas. Galleg. & alij Thomistæ infra citandi.

Certè hæc opinio sic explicata falsa est: eaque rejiciunt, tum hi, tum etiam alij omnes Thomistæ, quos vidimus. Et meritiò: nam D. Thom. locis n. 75. & 80. adductis absolutè docet ex mente Arist. ultimam unitatem esse formam numeri, eique tribuere speciem, & unitatè; & propterea ex eius additione, vel subtractione causari diuersas species numerorum, ad eum modum, quo ex additione, vel subtractione ultimæ differentie sunt diuersæ definitiones. Propter quod etiam ibidè ultimam unitatè appellat differentiam numeri. Undè tandem concludit, ipsam esse ens per se. Quæ omnia saluari non possunt per solam illam extrinsecam metaphoram, ut patet: ergo necessariò asserendū est cum Thomistis in aliquo vèro, & proprio sensu ultimam unitatè esse formam numero.

Neque rectè id negatur in hac sententia, ex eo quod in ternario forma sit ternitas; & in quaternario

quaternitas &c. Nā ut rectè notauit Capreol. ubi sup. cōcl. 5. cū forma sit duplex; alia totius, ut humanitas, alia partis, ut anima: stat optimè respectu ternitatis, quæ est forma totalis, omnes unitates se habere ut materiā; cū tamen inter ipsas una sit forma respectu alterius, sicut etiam respectu humanitatis corpus, & anima habent rationem materiæ, & tamen anima est vera forma, respectu corporis. Hac ergo opinione relicta.

86 Secūda, & inter Thomistas recepta sententia, affirmat, ultimam unitatè verè esse formam numeri. Sic docet Capreol. ubi sup. Sōcin. lib. 10. Metaph. q. 9. label. lib. 8. q. 10. Bartholom. Spina ibid. def. 20. Arauxo lib. 5. q. 3. art. 2. ad 5. Sāch. lib. 5. Logica q. 22. Mas. hic sect. 2. q. 5. Galleg. controu. 26. & alij. Qui tamē in eius explicatione diuisi sunt. Primò enim, quidā ita strictè intelligunt verba D. Th. ut asserant, ultimam unitatè non solum habere rationem formæ quasi physicæ respectu aliarum, sed verè esse formam metaphysicam, seu differentiam essentialitè numeri. Sic docet Galleg. putatq; esse cōmunem sententiam Thomistarum. Sed immeritiò: nā ferè omnes se satis explicant, dū dicunt, ultimam unitatem esse formam partialem, ad eum modum quo anima est forma corporis; quod etiam significauit D. Th. loco citato. Et ideo hunc modum dicendi impugnat rectè Sanchez cōclus. 2. Ratioque est manifesta; quia differentia significat totam essentialitè rei, & prædicatur de illa in recto, ut patet ex dictis dispt. 7. sed ultima
unitas

vnitas non est totus numerus, nec prædicatur in recto de illo, vt per se constat; ergo non potest esse differentia eius.

87. Secundò alij cōcedentes vltimā vnitatem solum esse formā numerā, quasi physicā, & partialē, dicūt in rei veritate dari in quolibet numero aliquā vnitatē determinatā, quā a parte rei sit vltima, & forma aliarū, licet nos ignoremus, quē nā illa sit. Sic docet Capr. & label. reputatq; probabile Sanc. conc. 4.

Sed neq; hic etiā modus dicēdi satisfacit alijs Thomistis. Tūm quia omnes vnitates, entitatiuē loquēdo, sunt eiusdem rationis; ergo nulla potest esse ratio ex natura rei, quare vna potius quā alia sit determinatē vltima, aut forma aliarū; maximē quando omnes simul producūt, quod cōstat esse possibile. Tūm etiā quia alias species numeri non diminueretur, nisi per ablationē illius determinatē vnitatis, quæ est vltima. Quod sic probatur: quia per ablationē alicuius partis materiæ, si cum alijs maneat forma non corrumpitur species rei; vt patet, quādo homini abscinditur brachiū. ergo si in numero quaternario manet illa vnitas, quæ in rei veritate est vltima; etiam si auferatur aliqua ex alijs tribus, adhuc manebit quaternarius; quod tamen est absurdum, vt patet; ergo, &c.

88. His ergo, & alijs dicēdi modis relictis, asserendum est a parte rei, & entitatiuē loquēdo, vnāquāq; vnitatem prædicamentalem ex natura sua simul esse determinabilem per alias, & determinatiuam

illarū sub diuersis formalitatibus; ac proinde ad inuicē habere rationem materiæ, & formæ. Ad eum modum, quo in matrimonio, aut quolibet alio cōtractu vterq; consensus se habent vt materia, & forma secundū quod se inuicem determinant, & determinantur. Hic est frequentior modus dicēdi Thomistarum, quem sequuntur Sanch. Arauxo, Mas. & alij ex supra adductis. Estq; proculdubio mens D. Th. loco citato ex 8. Met. lect. 3. vbi propterea compositionem, quæ sit in numero ex multis vnitatibus, explicat per similitudinem ad compositionem physicā ex materia, & forma: sicut enim forma constituit, & determinat materiam; ita contingit in vnitatibus. Est tamen discrimē, quod materia, & forma sunt primò diuersæ, & ita altera sic est potentia, vt nō possit esse actus; altera verò sic est actus, vt non possit esse potentia; & ideò ab ea, quæ est actus determinatē sumitur species: quia actus est, qui constituit. At verò vnitates prædicamentales, cū sint eiusdē rationis, nulla determinatē est actus, aut potētia; & sic nulla determinatē cōstituit, sed ad inuicem habent rationem actus, & potētiæ. Quod vt explicaret D. Tho. subdit: *Numerus est vnum per se, ex eo, quod vna pars est, vt forma alterius.*

Dices, hoc nō sufficere ad vnitatē per se, quā ponimus in numero: vt enim compositum sit simpliciter vnum, videtur requiri, quod altera eius pars sit simpliciter potentia, & altera simpliciter actus. Rēponde-

natura sua sit actus, & forma nullū potest, propriè loquendo, cōponi ex materia, & forma. Quare si quādo accidens ex propria ratione pōtuit habere partes, nō debet ad eius unitatem requiri, vt aliqua simpliciter sit forma aliarum; sed satis est omnes esse talis naturæ, vt essentialitèr ordinentur ad constituendam vnā integram formā; nā eo ipso altera quodāmodò est alteri ratio essendi, in quo consistit ad muticem habere rationem materiæ, & formæ. Et hoc contingit in numero; ex eo quod unitates sint quid incōpletū & essentialitèr ordinentur ad cōponendū illū, vt explicatū est.

89. Secundò obijcies: quia iuxta hunc modū dicenda, in quolibet numero erūt multæ unitates, dātes illi speciem; siquidem vnā quāq; respectu alterius habet rationē formæ; & per consequens in quolibet numero erūt multæ unitates vltimæ; quā tāmē videtur cōtra D. Th. qui singularitèr tribuit vltimæ unitati esse formā numeri, & dare illi speciem. Huic argumēto respōdet Sanch. quod D. Th. solum asserit, vltimam unitatē dare speciem numero, & esse formam eius; in quo non significat vnā solā unitatē dare speciem, & esse formā, sed hoc habere vltimā, siue sit vna, siue plures. Quod vt melius intelligatur, notandū est hoc, quod est, unitatē esse determinatiuā aliarū; esse ipsam formalitatē vltimā; sicut etiā esse determinabilem per aliā, scilicet formalitatem nō vltimā. Quare sicut à parte rei vnāquæque unitas, formalitèr secundū quod, est determinabilis per aliā, est nō vlti-

ma; & consequenter materia numerus; sic vnāquæque, formalitèr secundū quod est determinatiua aliarum, est vltima; & prout sic habet rationem formæ. Ac proinde, formalitèr loquendo, semper verificatur vltimam unitatem esse formam numeri; quæ sunt verba D. Tho.

Ceterū vt hæc solutio plenè satisfaciat argumēto, & omninò explicet mentem Angelici Doctoris addendum est; quod quia numerus est vnus unitate ordinis, vt docet Arist. in hoc cap. vbi postquam dixit partes temporis habere intrinsecum ordinem, quia vna est prior, & alia posterior, subdit: *Et in numero simili modo; ex eo plane; quia prius vnu quā duo; & duo quā tria; & tria quā quatuor numerantur; atq; hoc quidem patet ordinem quēdam habent, &c.* inde est, quod quauis, materialitèr loquēdo, nulla vnitas in particulari sit determinatē vltima, vel non vltima, prima, vel secunda, &c. vt explicatū est; tamen, formalitèr loquēdo, in qualibet specie numeri semper vna unitas est vltima, nempe in binario secunda; in ternario tertia; & sic de alijs. Cū enim realis numerabilitas unitatū includat dictū ordinē, quomodocumque numerentur, vltima ternarij est tertia; & quaternarij quarta; ac proinde hæc exercet rationem formæ, & determinat alias. Et in hoc proprio, & formalitèr sensu loquitur D. Th. vbi supra. Videatur Aralixio ar. 2. citato circa finem, §. 6. Ad argumēta primæ sententiæ ex dictis patet solutio. Ad primum respondetur cōpositionē, quæ fit in

ipsa entitate accidentis non posse esse ex materia, & forma physica, seu ex partibus primò diuersis; benè autem ex partibus, quæ ad inuicem habent rationem materiæ, & formæ, vt explicatum est.

- Ad secundū similiter respōdetur, quòd prior illa cōpositio est, quæ requirit verā vñionem partiū, & quòd forma intrinsecè recipiatur, & informet materiā. Hæc verò posterior, cū fiat inter partes discretas, solum requirit vñionē ordinis, & quòd vna extrinsecè recipiatur in alia, secundū quòd determinat illā, qui est quidam modus informationis, & actuationis proportionatus naturæ entis discreti. Ad eū modū quo, in cōtractu humano vnus cōsensus determinat, & actu extrinsecè aliū.

- Dicēs: forma extrinseca nō cōstituit vnū per se cū illo cuius est forma, vt patet inductione: nā obiectū est forma extrinseca habitus, vel potentie; terminus relationis; charitas, aliarum virtutū teste D. Th. 2. 2. q. 23. ar. 8. & sic de alijs: & tamen ex his nō resultat vnū per se: ergo &c. Respōdetur, determinationem extrinsecā, quæ fit à forma per se ordinata per modū partis ad actuationem alterius, sufficere ad cōstituendum vnū per se, vt supra n. 76 dictum est, & hoc inuenitur in numero, non autem in alijs exemplis argumenti, & idè non est simile.

Ad tertium respondetur, quòd quādo species essentialiter petit cōponi ex materia, & forma, quæ sint simpliciter tales, & primò diuersæ tūc determinata species exigit formam, quæ simpliciter sit determi-

nata, tām formaliter, quām entitatiuè, vt contingit in substantijs materialibus. Quādo verò species ipsa est essentialiter forma, & solum cōponitur ex partibus eiusdem rationis; ad hoc vt sit species determinata, sufficit, quod habeat formā aliquo modo determinatā, scilicet in cōmuni, & secundū aliquā formalitatem; quāvis entitatiuè, & in particulari sit indeterminata; & sic contingit in numero, vt explicatum est.

¶ Ex dictis inferitur, numerum prædicamentale nō esse speciem infimā quantitatis, vt aliqui dixerunt; sed verè cōtinere plures species numerorum. Quæ est doctrina Arist. loco cit. ex 8. Met. vbi propterea aliorum rerum species cōparat numeris. Quod etiam ex eo patet: quia Arithmeticus sæpè demonstrat passionem de aliquo numero, quæ nullo modo conueniunt alijs; vt quod binarius sit simpliciter primus; quòd ternarius sit primus impar; quòd quidam sunt lineales; quidam solidi, &c. quòd signum est distinctionis essentialis: ergo numerus est species subalterna quantitatis.

QVAEST. VLTIMA.

An oratio sit vera species quantitatis?

¶ PRO tituli intelligentia notandum est, plures esse orationis acceptiones. Nam alijs omisissis, à Theologis, sumitur pro quodā actū virtutis religionis, quo mens eleuatur in Deum, seu quo aliquid ab ipso petimus. De quo disputat D. Th. 2. 2. q. 83. Secundò, à Dialecticis vsurpatur, vt deferunt ad explicandos animi conceptus; quo modo definit eam Ar. st. lib. 1. Perier. c. 4. quòd

quòd sit *Vox significatiua ad placitum, cuius aliqua pars separata significat*, vt vidimus lib. 2. Simularū. Tertiò apud Rethores accipitur, vt est instrumentū quoddā ad persuadendum: de qua Cic. 2. de oratore: *Tātam* (inquit) *vim habet flexanima illa, atq; omnium Regina rerū oratio; vt non mudò inclinantiē erigere, aut inflātem inclinare; sed etiā aduersantem, & repugnantē, vt Imperator bonus, ac fortis capere possit.* Et tandem 4. sumitur apud musicos pro oratione externa, seu vocali; secundū quòd est realis multitudino prolationum, seu syllabarum discretarū ordine quodam sibi succedentium; & hoc modo sumitur in præsentī. Pro cuius maiori explicatione.

Secundò notandum est, quòd sonus est quædam qualitas causata in aere ex duorum corporum collisione. Vox autem propriè sumpta non est quicumq; sonus, sed ille, qui causatur ex collisione quarundam partium corporis animalis, nempe gutturis, palati, linguæ, dentium, & labiorum. Et sic vnica vox erit, quæ ex vnica collisione causatur; quod fit, quando vna vocalis litera cum aliqua, vel aliquibus cōsonantibus pronūciatur. Vnde vna vox in præsentī erit vnica syllaba, & plures voces plures syllabæ; oratio verò erit aggregatum ex talibus vocibus, seu syllabis. V.g. hæc dictio, *dominus*, est oratio; quia fit tribus percussionibus sibi succedentibus, iuxta tres eius syllabas; & sic est quid successiuum. Cū autem inter vnā, & alteram pronuntiationem interce-

dat aliqua temporis morula; consequens est, tales syllabas esse discontinuas; ac proinde totam orationem esse quid discretum.

94 Tertiò notandum est, in his vocibus, seu syllabis plura reperiri. Primò enim inuenitur aer verberatus, in quo recipitur sonus; & de hoc certum est, non esse orationem, cum sit substantia. Secundò, sonus ipse causatus ex tali percussione; & neq; hic etiam potest esse essentialiter oratio, cū sit qualitas. Tertiò, motio illa, seu percussio, per quam causatur; in qua duo adhuc possunt cōsiderari. Primum est motio ipsa secundū se; & sic est vera productio, & collocatur in prædicamento actionis. Secundum est duratio illa, seu extensio, & quasi corpulentia vocis, secundū quā quælibet syllaba dicitur magna, vel parua, seu longa, vel breuis; & hæc est quantitas vocis, quæ etiam dicitur tempus eius; non quidem extrinsecū, & primi mobilis, sed vnicuiq; intrinsecum, nempe extensio illa, seu dilataio syllabæ, quæ maior est in longa, quam in breui, & ratione cuius sunt ordinabiles secundū consonantiam, à qua sumitur vnitas, & essentia orationis; sicut ab ordine, seu numerabilitate unitatum, sumitur ratio numeri. Ac proinde, sicut iste essentialiter consistit in multitudine vnitarū sic ordinarum, ita illa essentialiter consistit in multitudine illorum temporum; seu extensioum syllabarum sic sibi correspondentium secundū consonantiam.

95 Quartò tandem notandum est,

ex D. Tho. 2. de Anima lect. 18. id, quod dictum est de his vocibus, seu syllabis, intelligendū etiam esse de alijs sonis, aut motibus musicis, qui quodammodo etiam dearticulantur, & propterea solent appellari voces; ac proinde eorum multitudinem, secundum quod mensuratur longitudine, & breuitate in ordine ad consonantiam, esse etiam orationem. Quare oratio sic explicata continet sub se plures species, secū dū quod syllabæ, vel motus diuerso modo ordinantur secū dū breuitatem, vel longitudinem. Et ideo vt bene notat Toletus hic q. 2. alia oratio est, *populus* pro arbore, & alia pro ciuitate, nam illa est ex prima longa: & hæc ex prima breui. Similiter diuersæ species sunt *dominus*, & *domini*. Et generaliter sub oratione sic explicata continentur omnia genera carminū, vt exametrum, pentametrum, saphicū, adonicum, &c. Item omnes pedes carminum; vt spondeus, pyrrichius, molossus, trybrachus, &c. Et tandē species tonorum, vt diapente, diapasaron, &c. De quo videri potest Sot. hic q. 1. art. 4.

96 Dicendum est ergo, orationem sic explicatam esse veram speciem quantitatis. Sic docet, & probat Arist. in hoc cap. Quem sequuntur D. Th. loco citato; & in 4. dist. 3. q. 1. ar. 3. quæstiunc. 4. ad 1. & opus. 48. tract. 3. c. 2. Alb. tract. de quantitate c. 2. Sonc. 5. Met. q. 4. Arauxo ibid. q. 3. ar. 4. Soto, & Tolet. vbi supra, Mas. hic sect. 2. q. 7. Rub. q. 9. & cōmuniter DD. Breuiterq; probatur. Et in primis, quod sit vera

quantitas constat. Tūm ex ratione extēnsionis; verē enim habet partes extra partes, nempe durationes illas, seu morulas syllabarū sibi succedentes. Tūm etiam ex ratione mēsuræ tam actiue, quā passiue. nām tota illa extēnsio orationis verē mensurat prolationes syllabarū, ipsaque mensuratur suis partibus, scilicet, syllaba breui, & longa; sicut numerus mensuratur vnitatibus: ergo oratio est vera quantitas. Quod autem sit discreta, etiam est manifestum: nām motiones ipsæ aeris, seu prolationes syllabarum, cūm fiant distinctis percussionibus, necessariō sunt discontinuæ: mediatq; inter eas aliqua quies; quauis sensu non percipiatur: ergo similiter durationes illæ, seu morulæ syllabarum verē sunt discontinuæ.

Tandem, quod aggregatum ex his partibus discretis sit compositū per se vnū; & per consequens, quod oratio sit vera species quantitatis discretæ, probatur à paritate numeri. Quia ideo hic est vnus per se, & vera species, quia partes eius, licet non vniantur termino communi, formaliter tamen habent verū ordinem prioris, & posterioris, secundū quod essentialiter petunt numerari vna post aliam, vt suprà explicauimus: sed similiter partes orationis in ipsa successione sibi correspondēt secundū concentum, seu in ordine ad vnā cōsonantiā: ergo habent inter se sufficientem ordinem ad constituendum vnum per se; ac proinde nihil deficit, vt oratio sit vera species quantitatis.

67 Per quod etiam patet quomodo

modò oratio distinguatur ab alijs speciebus quantitatis. A numero enim distinguitur: quia quanvis hic possit attribui rebus successiuis, (quomodò numeramus deambulationes, dies, annos, imò & syllabas ipsas orationis, dicendo, eam esse dissyllabam, trissyllabam, &c) nò tamen mensurat illas secundùm consonantiam, sed secundùm multitudinē, vt explicatum est: à linea verò superficie, corpore, & tempore distinguitur: quia hæ sunt quãtitates continuæ, oratio verò discreta.

Ex quibus potest iam facillè ordinari arbor prædicamenti quantitatis. Quæ prima diuisione diuiditur in continuam, & discretam, de-

inde continua diuiditur in eam, quam consequitur figura, & situs; & possumus appellare figurabilem, seu situabilem; & in eam, cui repugnat figura, aut situs; potestq; appellari infigurabilis, & insituabilis: sic enim circumloquimur differentias essentialis harum specierum. Infigurabile, seu insituabile constituit tempus: quãtitas verò figurabilis, seu situabilis diuiditur in lineam, superficiem, & corpus, tanquam in species infimas. Similiter quantitas discreta diuiditur in numerum, & orationem. Vnaquæquæ autem est species subalterna, & diuiditur in suas species, vt supra explicatum est.

CAPVT SEPTIMVM DE AD ALIQVID;

S V M M A T E X T V S.

TRES sunt huius capituli partes. In prima adducit Aristot. definitionem relatiuorum ab Antiquis traditam, quæ erat huiusmodi: *Ea dicuntur ad aliquid, quæ id quod sunt, aliorum esse, aut ad aliquid aliquo alio modo dicuntur*: vt duplum alterius est duplum, & maius altero est maius. Iuxta quam definitionem etiam sunt, ad aliquid, habitus, dispositio, scientia, & positiones; vt cubatio, statio, &c.

In secunda parte adducit quatuor relatiuorum proprietates. Prima est habere contrarium. Secunda, suscipere magis, & minus. Tertia dici ad conuertentiam, vt dominus alicuius serui est dominus, & seruus alicuius domini est seruus, quod conuenit omnibus relatiuis, si rectè assignentur nomina. Quarta tandem proprietas est, quòd relatiua sunt simul natura, vt duplum, & dimidium: nam si duplum est, etiam erit dimidium, & e contrâ; et si non est dimidium, neque etiam erit duplum, & e contrâ: & ideo posita se ponunt, & ablata se auferunt.

² In tertia parte colligit contra definitionem Antiquorum, quòd substantia diceretur ad aliquid, essetquæ in prædicamento relatiuis; siquidem caput alicuius dicitur caput, & manus alicuius dicitur manus: & ideo relicta eorum definitione, adducit propriam in hunc modum: *Relatiua*

tiua sunt, quibus ipsum esse, est ad aliud quodammodo se habere. Quæ definitio differt à prima, quod illa conuenit etiam relatiuis secundum quid, & improprie dictis; hæc uero solum conuenit ijs, quæ uerè sunt relatiua. Ex qua definitione infert quintam relatiuorum proprietatem, quod scilicet, qui definitè cognoscit vnum, definitè cognoscit & alterum.

Notationes, & dubia circa hoc caput.

3 **A**D hoc prædicamentum significandam frequenter utitur Arist. non nomine relationis; sed ly *ad aliquid*: quia hoc (vt bene notat Caiet.) melius significat effectum formalem relationis; siquidem exprimit ipsum exercitium referendi, seu hoc, quod est ad aliud se habere; quod non ita bene exprimit nomen relationis. Agit autem de ea significata in cōcreto, & in plurali, dū inquit: *Ad aliquid, seu relatiua dicuntur, &c.* In concreto quidem: quia, vt notat D. Thom. opusc. 48. tract. 5. c. 1. relatio parū habet de entitate, & ideo significatur in cōcreto, quia accidentia in concreto apparent magis entia, vt dicitur 7. Metaph. cap. 1. In plurali autem quia, vt notat B. Albertus, sic melius explicatur, relationem exerceri inter duo.

4 Definitionem antiquorum, quæ suo tempore circumscribebatur, & creditur fuisse Platonis, vt inquit Caiet. non expressè impugnatur Arist. adducit tamen aliqua, quæ iuxta talem definitionem relationi conuenirent; vt illis tacitè ostendat definitionis insufficientiam. Quæ inde satis constat, quia iam alia prædicamenta, quæ sunt relatiua secundum dici, essent veræ relationes. Quod vt ostenderet Arist. adduxit in exemplum scientiā, quæ est qua-

litas; cubationem, quæ est situs, & alia huiusmodi.

Eodem animo, vt explicant communiter interpretes, adduxit Arist. in secūda parte capitis, duas primas proprietates relationis, non ex propria sententia; sed quæ ex dicta definitione sequuntur. Cum enim hæc cōueniat etiam qualitatibus, vt dictum est, qualitates autem uerè habeant contrarium, & suscipiant magis, & minus; id ipsum relationi conueniret, si recta esset talis definitio. Veritas ergo, cui Arist. hic non contradicit, est, quod relatio secundum se non habet contrarium; sed tantum ratione fundamenti, vt magis explicabimus in fine disputationis; ubi has, & alias relatiuorum proprietates exponendas reseruamus.

5 Circa tertiam partem capitis definitio ibi adducta explicanda est quæst. 1. Nunc solum est aduertendum, Arist. ibi cōsultò non dixisse: *ad aliquid dicuntur*, sicut dixit Plato; sed *ad aliquid sunt*, vt innueret, ipsum non comprehendere in sua definitione relatiua secundum dici; sed solum relatiua secundum esse, quæ uerè sunt relatiua.

6 Hic solet DVBITARI circa methodum Arist. quare prius egerit de relatione, quam de qualitate; cum hæc sine dubio sit perfe-

tius

ſic illa. Sed huius ſolutio facilis eſt ex dictis cap. de genere, num. 6.

¶ Reſpondetur enim, quòd ſicut Porphy. in proœmio prædicabilium ſecutus methodum compoſitionis, priùs enumerauit differentiam, quàm ſpeciem; poſtea verò iuxta methodum arbitrarîam priùs de ſpecie, quàm de differentia egit, propter rationes ibi aſſignatas: ſic ſimiliter cõrigit Ariſt. in hoc libro: nam c. 4. ubi decem prædicamenta enumerauit, qualitatem relationi præpoſuit, ſicut etiam fecit 5. Met.

vt oſtenderet iuxta methodum cõpoſitionis, quæ regulariter ſequenda eſt in tradendis diſciplinis, qualitatem priorè eſſe relatione. Hic verò inuertit illum ordinem, ſequutus methodum arbitrarîam: tùm quia cap. præcedenti mentionem ſecerat relationis; dùm docuit magnum, & paruum, multum, & paucum eſſe relationes: tùm quia hæ, & aliæ plures conueniunt quantitati ante omnè qualitatem, & multæ aliæ fundantur immediatè in ſubſtantia, vt infra conſtabit.

DISPUTATIO XIII.

De prædicamento relationis.

NOTITIA huius prædicamenti eſt ſummè neceſſaria: tùm ad ſcientias naturales: tùm etiam ad ſacram Theologiam, ubi de relationibus diuinis diſputatur. Cùm autem relatio ſit habitudo, & ordo inter duo, nempè inter fundamentum, & terminum; ad perfectam relationis notitiam oportebit, de vtroque diſputare, quæ omnia præſenti diſputatione complectemur. Sed ante omnia ſit.

QVÆSTIO PRIMA.

Ad ſuntur relationes reales, & quidnam illæ ſint?

7 Circa primum: quia relatio, vt ex D. Thoma ſuprà notabamus, eſt ita minimæ entitatis; non deſuerunt ex antiquis plurimi, qui relationes reales omninò negauerint. Quam ſententiam, ſi credimus Ammonio, & Simplicio in hoc capite, Zeno per antiquos Philoſophos, Stoici, & alij plures ſecuti ſunt, eamque ſuſcitauit Aureolus in 1. diſt. 30. q. 1. artic. 2. ſolas diuinarum perſonarum relationes rea-

les admittens. ¶ Argumenta, quibus ſolet probari hæc ſententia, æquè nuliſque cõtra diſtinctionem relationis à fundamento; & idèò commodiùs adducuntur, cùm de illa diſputemus. Nunc tamen ſic poſſet ſuaderi.

Primò quia relatio non poteſt habere differentias diuiſiuas, aut conſtitutiuas reales: ergo non poteſt eſſe ſpeciale genus entis realis. Probatur antecedens: quia differen-

tiæ diuiniæ reales gaudent oppositione contraria, & veluti priuatiua, vt patet inductione: sed differentia diuiniæ relationis tantum opponuntur relatiuè; siquidem inter simile, & dissimile, aut patrem, & filium solum inuenitur oppositio relatiua: ergo, &c.

8 Secundò: quia relatio videtur post prædicamentum: ergo non est ponenda vt speciale genus entis realis. Probatur antecedens: tum ex minima entitate illius: tum etià quia diuagatur per multa prædicamenta, & ad illa consequitur; quandoquidem ordo vnius ad aliud inuenitur in pluribus generibus: imò prius, & posterius, oppositio, & alia post prædicamenta sunt relationes.

Tertiò: quia in prædicamentis realibus accidentium cōcreta non ponuntur, nisi ratione suorum abstractorum; vt explicuimus suprà disputat. 1. r. n. m. 60. sed relatio in abstracto nequit esse in prædicamento, nisi ratione sui concreti: ergo non constituit aliquod reale prædicamentum accidentis. Probatur minor: quia relatio in tantum ponitur in prædicamento, in quantum est ad aliud: sed non refertur ad aliud, nisi ratione concreti; non enim ipsa, sed concretum eius propriè refertur: ergo verè non ponitur in prædicamento, nisi ratione sui concreti.

9 Nihilominus dicendum est, primò verè dari relationes reales creatas, constitutæque speciale genus entis realis. Hæc est communis Philosophorum sententia, cum

Arist. in hoc lib. 8. 5. Metaph. quam Platonici omnes, & Peripateretici defendunt. Sequunturque Scholastici cum Magistro in 1. dist. 30. & Theologi cum D. Thom. 1. p. q. 13. art. 7. & q. 28. art. 1. de potentia q. 7 art. 9. & alibi sapè. Pro qua videri possunt Capreol. distin. citata, q. 1. artic. 1. Flandria 5. Metaph. q. 16. artic. 1. Soncin. q. 25. Arauxo q. 5. art. 1. & alij.

Prima pars conclusionis probatur primò: quia in diuinis dantur veræ relationes reales, vt sunt, paternitas, & filiatio: ergo etiam in creatis cōcedendæ sunt relationes reales. Antecedens salua fide negari non potest. Cōsequentia verò probatur: quia ideò Pater æternus habet relationem realem paternitatis ad filium, quia verè generat illum, & est principium eius: sed idè contingit in creaturis: homo enim, aut equus verè generat, & est principium alterius: ergo verè dantur in creaturis relationes reales.

10 Secundò probatur ratione D. Thomæ loco citato de potentia: quia perfectio, & bonum, quæ sunt in rebus extra animam; non solum attenditur secundum aliquid absolute inhaerens rebus, sed etiam secundum ordinem vnius rei ad aliam; sicut etiam in ordine partium exercitus, bonum exercitus consistit: cui ordini comparat Philosophus ordinem vniuersi 11. Metaph. ergo oportet in ipsis rebus ordinem quendam esse. Sed hic ordo est relatio quædam: ergo oportet in rebus ipsis relationes quasdam esse, secundum quas vnum ad alterum ordinatur.

Confirmatur: quia à parte rei, & seclusa operatione intellectus, vna quantitas est alteri æqualis, & vna albedo alteri similis: sed his nominibus non significantur res absolutæ; sed habitudines vnius ad alterum, vt patet: ergo à parte rei non solum dantur res absolutæ, sed etiã reales relationes. Alias rationes adducit Arauxo, vbi supra.

11 Per quod etiam patet secunda pars conclusionis: quia relatio ex eo, quod sit ordo vnius ad aliud, habet specialem, & propriũ modum essendi diuersum ab alijs entibus absolutis, quorum essentia non potest formaliter consistere in tali respectu, vt patet; habetque relatio sub se plures species, & modos referendi diuersos, vt infra constabit: ergo verè constituit speciale genus entis realis. Ex quo rursus sequitur, relationem esse verum ens reale, nõ solum quantum ad rationem communem accidentis, seu secundum esse *in*; sed etiam quantum ad propriam rationem relationis, seu secundum esse *ad*.

Sed obijcies D. Thomã 1. part. quæst. 28. art. 1. sic asserentem: *Solum in his, quæ dicuntur ad aliquid, inveniuntur aliqua secundum rationem tantum, & non secundum rem; quod non est in alijs generibus, &c.* Quod etiam repetit quodlib. 9. art. 4. addens: *Et quauis ad aliquid ex ratione sui generis non habeat, quod ponat aliqua: non tamen etiam habet ex ipsa generis ratione, quod nihil ponat: quia sic nulla relatio esset aliquid in rerum natura, &c.* De quo etiam videri potest de poten-

tia quæst. 2. art. 5. & in 1. distin. 20. quæst. 1. art. 1. ad 3. & distin. 26. quæst. 2. art. 1. Quibus locis planè videtur docere, vel quod in hoc prædicamẽto verè continentur aliquæ relationes rationis; vel saltem quod relatio secundum propriam rationem constitutiuam huius prædicamenti, seu secundum quod formaliter dicitur *ad*, non sit aliquid reale.

Propter hæc D. Thomæ testimonia nõ defuerunt, qui assererent, prædicamẽtum relationis esse quidem aliquid reale, quatenus dicitur esse *in*; sed secundum quod dicitur esse *ad*, esse aliquid rationis. Quam sententiã sapè defendisse Bartolomæum de Medina Primariũ Salmanticensem testatur Sánchez eius discipulus lib. 5. Logicæ, quæst. 32. illa tamen, quia per se constat esse falsam, relicta.

Alij Thomistæ dicunt, quod quauis hoc prædicamentum, secundum quod dicitur *in*, sit aliquid reale; tamen secundum propriam rationem relationis, seu formaliter quatenus dicitur *ad*, neque est quid reale, neque quid rationis; sed abstrahens ab utroque. Quæ videtur esse sententia Capreoli in primo dist. 33. quæst. 1. & Caiet. loco citato ex 1. parte; neque dissentit Sotinus vbi supra q. 26. sequiturque Canarien. eadem 1. par. quæst. 2. artic. 1.

Opposita tamen sententia, quod, scilicet, hoc prædicamentum, tam secundum rationem communem accidentis, quam secundum specialem, & propriam rationem consti-

tutiuam relationis, sit verum ens reale, est communis inter Doctores. Quam rectè explicant, & defendunt Bañez, Nazarius, & Ripa, loco citato ex 1. p. Vazquez ibid. disp. 14. c. 3. Granado controu. 5. tract. 3. disput. 1. Ferrara 4. contra Gêtes capite 14. Fland. vbi supra artic. 14. Arauxo artic. 2. & alij, est que plana mens D. Thom. q. 8. de potentia artic. 2.

Fundamentum est: quia relatio, quæ constituit hoc prædicamentum, formaliter secundum quod dicitur esse *ad*, determinat ens, & accidens reale, ut sit speciale genus entis realis: ergo non solum ratio communis accidentis, quæ inuenitur in relatione, & significatur per esse *in*, sed etiam propria, & specialis ratio relationis, quæ constituit eam in esse talis accidentis, & significatur per esse *ad*, est verum ens reale. Probatur consequentia. Tum quia hæc determinatio entis, & accidentis ad prædicamenta fit per realem transcendentiam, & essentialem inclusionem in illis; quæ intelligi non potest nisi ipse proprius, & specialis modus constitutionis huius prædicamenti formaliter sit quid reale, ut per se constat. Tum & maximè quia ipse conceptus obiectiuus entis, aut accidentis non est distinctus à proprijs conceptibus prædicamentorum sibi inferiorum, ut ostendimus sup. disp. 11. num. 46. & sequentibus; ergo omnino repugnat, quod relatio quatenus dicitur esse *in*, sit aliquid reale, & quatenus dicitur esse *ad*, sit aliquid rationis, vel abstrahat ab

utroque. Alias rationes adducit Arauxo vbi supra.

12 Quo supposito: ad obiectiuum respondetur cum Doctoribus citatis sensum D. Thom. in illis locis esse, quod modus prædicamenti relationis, scilicet, esse *ad*, non secundum eam rationem determinatam, quæ est modus proprius prædicamenti ad aliquid; sed secundum rationem magis communem, & abstractam, continet relativa realia, & rationis; ita ut simpliciter, & absolute relatio rationis dicatur relatio, quod non contingit in alijs generibus, verbi gratia substantiæ, quantitatis, aut qualitatis; quæ etiam secundum rationem magis communem, & abstractam, non sic continent entia rationis. Quauis enim interdum formemus entia rationis ad modum substantiæ, ut cum concipimus chimæram; vel ad modum qualitatis, ut cum apprehendimus priuationes, aut negationes: tamen huiusmodi entia rationis non dicuntur simpliciter, & absolute substantia, aut qualitas, nisi cum addito *rationis*. Et hoc tantum intendit Capreolus in contrarium adductus, ut patet ex solutione ad octauum.

Nascitur autem hæc differentia; tum ex parte intellectus: tum etiam ex ipsa natura relationis. Ex parte quidem intellectus: quia ipse formans entia rationis habet proprium actum, quo vnum refert ad aliud, & ita propriè dicitur facere relationem rationis; non autem habet actum, quo dicatur substantificare, aut qualificare, ut ita dica-

mus; atque ita non dicitur propriè, facere substantiã, aut qualitatem rationis. Videatur Vazq. vbi supra.

Ex parte verò ipsius relationis; quia vt rectè explicat D. Tho. eadè q. 28. ar. 2. & alijs locis adductis, in hoc distinguitur relatio ab alijs accidentibus absolutis, quòd ista nõ solum secundum rationem cõmunè accidentis; sed etiã secundum rationem vniuscuiusque propriã dicuntur habitudine ad subiectũ, & sumuntur per comparisonem ad illud (Quantitas enim, secundum rationem cõmunè accidentis inest substantiæ, & secundum rationem sibi propriam, est extensio seu mensura substantiæ, & idè proportionabiliter est de qualitate, & alijs, vt infra constabit) Relatio verò quanuis, secundum quòd est accidens, dicat ordinem ad subiectum, & illi inhæreat; propria tamen ratio eius, secundum quòd relatio est, sumitur per comparisonem ad extrinsecũ terminum, atq; ita secundum hanc præcisam, & formalissimam rationem, explicitè non intelligitur, neq; significatur, vt afficiēs subiectũ; sed vt ad aliud se habens. Cũ autẽ relatio sumat suam realitatem ex fudamẽto, vt quodlibeto citato, docet D. Thom. indè fit, vt propria ratio cõstitutiva huius prædicamenti, quanuis revera sit realis, sicut aliæ aliorum prædicamentorum; tamen ex modo, quo concipitur, & significatur, præcisè vt est ad, non exprimit realitatem, sicut illæ. Et idè formaliter propterea fundat similitudinem, & convenientiam cum relationibus rationis sufficientem, vt ipsæ dicantur

absolutè relationes: quod non habet locum in alijs prædicamentis absolutis. Videantur Banez, & Arauxo vbi supra, Granado to. 3. primæ partis tract. 3. disp. 1.

13 Ad argumenta in principio facta. Ad primum negandum est antecedens. Ad cuius probationem responderetur, quòd differentia diuisiua relationis etiam opponuntur contrariè, & priuativè; eo modo quo aliæ aliorum generum, in quantum, scilicet, non possunt eidem speciei inesse; & opponitur, sicut perfectum, & imperfectum. Præter has autem oppositiones, quæ in hoc sensu communes sunt differentijs cuiuscunque generis; inuenitur inter relationes speciales, & propria oppositio relatiua, quæ non inuenitur in alijs. Et idè ab ea specialiter denominantur.

Ad secundum etiam negatur antecedens. Ad cuius probationem responderetur, quòd post prædicamentum propriè non est entitas, sed modus entitatis, & quid ex sua ratione imperfectum, & incompletum; & idè ratione sui consequitur ad plura prædicamenta. Relatio verò, quanuis sit imperfectior alijs accidentibus; adhuc tamen est entitas completa: & non ratione sui, sed ratione fundamenti inuenitur in pluribus prædicamentis; & sic potest constituere speciale genus entis. Hoc autem non habent prius, posterius, simul, &c. sed sũt puri modi, & non perfectæ relationes; ac proindè de numero postprædicamentorum.

Ad tertium negatur minor. Ad cu-

cuius probationem dicendum est relationem formaliter, & in abstracto cōsideratam, habere ratione sui hoc, quod esse ad aliud, seu referri, nō vt quod, sed vt quo, in quantum, scilicet, est id, medio quo fundamentum refertur ad terminum: & prout sic ponitur in predicamento. Vnde nō ratione cōcreti, sed ratione sui collocatur in illo.

14 Dicendum est secundò circa secundam partem quæstionis: reatè definiri relatiua ab Aristot. secunda illa definitione in textu ad ducta, scilicet, *Relatiua sunt ea, quibus ipsum esse est ad aliud quodammodo se habere*. Vel vt communiter traditur, *Relatiua sunt, quorum totum suum esse est ad aliud se habere*. Hæc conclusio recipitur concorditer à Dialecticis; & ideò sola indiget explicatione. Est autem sensus definitionis, illa esse verè relatiua, quorum ratio formalis est ipsum respicere aliud, seu ad aliud se habere. Per quod excluduntur relatiua secundum dici: nam horum esse, seu ratio formalis, licet connotet, seu inuoluat aliquem respectum; non tamen est respectus ipse; sed quid absolutum, vt dicemus quæstione sequenti; & ideò ipsum suum esse non est ad aliud. Quo fit, vt relatio in abstracto significata sit illud accidens, quod ex proprio, & nativo effectu eius tribuit subiecto respicere alterum; ac proinde accidentia illa, quæ primariò tribuunt subiecto aliquod esse absolutum, & quasi de consequenti ordinant ad aliud, non sunt veræ relationes, ne que pertinet ad istud

prædicamentum. Quare hæc erit congrua definitio relationis in abstracto significata, si formaliter, & simpliciter verba eius intelligantur. *Relatio est accidens faciens respicere aliud*. Quæ, ex eo quòd sit accidens, dicit esse in, ex eo verò, quòd faciat respicere aliud, dicit esse ad, quæ est propria ratio relationis. Cū qua definitione coincidit alia, quæ solet formari ex definitione, quam in concreto tradit Aristot. scilicet, *Relatio est accidens, cuius totum suum esse est ad aliud se habere*. Vt autem hæc exacta sit, debet intelligi tantum, vt quo, non enim relatio vt quod respicit aut se habet ad aliud; sed est ratio, media quæ fundamentum respicit, & se habet ad aliud, vt explicatum est.

QVÆSTIO II.

Quanam relationes pertineant ad hoc prædicamentum?

15 PRO solutione explicare oportet quasdam generales relationis diuisiones; vt appareat, quæ earum pertineant ad hoc prædicamentum. Tres autè sunt, quibus diuiditur relatio cōmunissimè sumpta. Nam primò diuiditur in relationē reatē, & rationis; secundò in relationē secundū dici, & secundū esse, & tertio in transcendentalem, & prædicamentalem. De prima nihil est in præsentibus dicendum, supra enim disp. 2. plura egimus de relatione rationis; ex quibus constat, etiā relationē realem esse illā, quæ ante operationem intellectus facit respicere aliud.

De secunda autè diuisione Auiacen. 3. Metaph. & Henric. quodlibet. 3. q. 4. existimant, coincide-

re cum prima; ita ut idem sint relatio secundum dici, & rationis, & similiter relatio secundum esse, & realis. Quam sententiam verissimilem appellat Suarez disp. 47. Metaph. lect. 3 n. 7. Sed omnino falsa est, & expressè contra D. Thom. in 1. distinct. 30. quæst. 1. art. 3. ad 4 & quæst. 7. de potentia art. 10. ad 11. Ratio D. Thom. est manifesta: quia etiam in entibus rationis dantur relationes secundum esse, quæ verè sint relationes, & valdè diuersæ ab alijs entibus rationis, quæ possunt appellari relatiua secundum dici propter aliqualem respectum in eis inuentum; ut patet in secundis intentionibus, & negationibus. Nam tota essentia illarum, sita est in ordine vnius ad aliud; & proinde verè habent esse relationis, istæ verò concipiuntur per modum formæ absolute; & proinde solum habent dici relationes, quia inuoluunt aliqualem respectum ad formas, quibus priuant. Quod argumentum fit etiã in relationibus realibus, quarum plures sunt relationes secundum esse; alia verò secundum dici, ut postea constabit: ergo non coincidunt primæ duæ diuisiones.

16 Maior difficultas est de secunda, & tertia. Quauis enim communis Doctorum cõsensu admitrat relationem secundum dici, & transcendentalem inter se conuertit; & similiter relationem secundum esse, & prædicamentalem, Suar. tamen loco citato n. 9. aliter sentit, & vnã facit sub diuisionè alterius; existimans priùs diuidi relationem in secundum dici, & secundum esse,

& deinde relationem secundum esse, in prædicamentalem, & transcendentalem. ¶ Cuius fundamentum est: quia extra hoc prædicamentum verè dantur relationes secundum esse, ut inter materiam, & formam, accidens, & subiectum, & generaliter in omni ente creato respectu Dei, quæ omnes sunt relationes transcendentales: ergo, &c.

Hæc tamen sententia falsa est, & contra D. Thom. 1. part. quæst. 13 art. 7. ad 1. vbi explicans, quæ sint relatiua secundum esse, & secundum dici, inquit: *Quædam relatiua sunt imposita ad significandum ipsas habituales relatiuas, ut dominus, seruus, pater, & filius, & huiusmodi: & hæc dicuntur relatiua secundum esse. Quædam verò sunt imposita ad significandas res, quas consequuntur quedam habitudines, sicut mouens, & motum, caput, & capitulum, & alia huiusmodi, quæ dicuntur relatiua secundum dici.* Constat autem quòd neque materia, aut forma; neque accidens, aut subiectum; neque aliud quodlibet nomen extra hoc prædicamentum impositum est ad significandas ipsas relationes, siquidem alia prædicamenta sunt absoluta: ergo omnes relationes secundum esse sunt prædicamentales, & e contra.

17 Quauis autem relationes istæ inter se coincidant, ut explicitum est: tamen nominum etymologix, & appellationes sumuntur à diuersis formalitatibus. Etenim eadem relationes, ut paternitas, & filiatio dicuntur secundum esse: quia in rei veritate sunt relationes,

nes, & habent esse relationis; appellantur verò prædicamentales: quia pertinent ad hoc prædicamentum. Similiter scientia, sensus, & similia dicuntur relatiua secundùm dici: quia significant res, quas consequuntur quædam habitudines, siue reales, siue rationis, & ideo propter relationes adductas videntur relatiua, & dicuntur talia. Appellantur verò relatiua transcendentia: quia propria eorum essentia, ad quam sequuntur tales relationes, licet sit quid absolutum; sumitur tamen in ordine ad aliquid extrinsecum; & sic habent aliqualem modum relationis. Quæ formalitates, & etymologiæ licet diuersæ sint; realiter tamen non datur relatio transcendentalis, quæ non sit secundùm dici, & è contra: quia ex eo, quòd essentia alicuius rei sumatur per ordinem ad aliquid extrinsecum, in quo consistit relatio transcendentalis; sequitur, quòd ad tales res consequantur aliquæ relationes; siue reales, siue rationis, in quo consistit, relationem esse secundùm dici, vt explicatum est. Alia discrimina, quæ solent assignari inter has relationes, commodius explicabuntur quæstione sequenti.

18 Præter has diuisiones relationis dantur duæ aliæ, quæ sunt subdiuisiones præcedentium. Nam relatio secundùm esse, seu prædicamentalis diuiditur in mutuam, & non mutuam. Mutua est illa, cui à parte termini correspondet alia relatio realis, vt paternitas, qua pater respicit filium, cui correspondet in filio relatio realis filiationis.

Non mutua est illa, cui non correspondet in termino alia relatio realis, vt relatio seruitutis, qua creaturæ referuntur ad Deum, cui in ipso non correspondet alia relatio realis.

Dices: omnia relatiua secundùm esse, imò etiam relatiua secundùm dici dicuntur ad conuertentiam: ergo omnes relationes sunt mutua. ¶ Secundo: quia cuiusque relationi correspondet in termino aliqua relatio saltem rationis: ergo non rectè assignatur prædicta diuisio.

Respondetur ad primum, quòd, vt relatiua dicantur ad conuertentiam, sufficit vnica relatio inter vtrumque: nam eo ipso vnum respicit, & aliud respicitur, in quo consistit propria conuertentia relationum, vt magis explicabimus infra quæstione sexta, & octaua. Ad hoc autem vt relatio sit mutua, requiritur, quòd vtrumque extremum verè respiciat; & consequenter, quòd ex parte vtriusque sit vera relatio; & quòd posita vna, quasi naturali sequela, ponatur & altera; hoc enim præfert mutuitas relationis, vt patet.

Per quod respondetur ad secundum. Licet enim in vnoquoque termino relationis possit formari aliqua relatio rationis; hæc tamen non necessariò, & quasi naturaliter consequitur ad primam relationem; sed si intellectus illam pro libito fabricauerit.

19 Tandem relatio mutua subdiuiditur in relationem æquiparantiam, & disquiparantiam; quas D. Da-

mas. cap. 34. suæ Logicæ appellat æqualis, & inæqualis comparationis. Relatio mutua æquiparantia est illa, cui correspondet in termino alia eiusdem rationis; vt similiter vnius alibi ad aliud, in quo correspondet etiam similitudo ad primum. Relatio disquiparantia est illa, cui correspondet in termino alia diuersæ rationis; vt paternitas, cui in termino non correspondet alia paternitas, sed filiatio.

His suppositis Paul. Vener. Ammonius, Simplicius, & alij, quos refert Masius hic sect. 1. q. 6. exiitum sunt sub hoc prædicamento contineri relatiua secundum dici, propterea quod illis cõuenit prima definitio ab Arist. tradita, à quo etiã adducuntur in exempla huius prædicamenti *scientia, sensus*, & alia relatiua secundum dici. ¶ Hoc tamẽ fundamentum nullum est, ex eoque potius inferendum esset oppositum: siquidem propterea dictam definitionem, & exempla reijcit Arist. vt vidimus supra num. 4.

20 Dicendũ est ergo, omnes, & solas relationes reales creatas, quæ verè sunt relationes, & appellantur secundum esse, cõtineri in hoc prædicamento. Hæc est cõmunis sententia Dialecticorũ: quam docet Arist. in hoc c. vbi propterea insufficientem iudicauit Platonis definitionem; quia ex illa inferebatur relatiua secundum dici ad hoc prædicamentũ pertinere. Quod etiã non obscure docet D. Tho. 1. p. q. 28. art. 1. ad 2. de veritate q. 1. artic. 5. ad 15. in 3. dist. 26. q. 2. art. 1. & alibi sapè, vbi hoc constituit discriminẽ inter rela-

tionem, & alia prædicamentã, quod hæc secundum proprias rationes ponit aliquid in subiecto; illa verò, secundum quod talis est, tantum est ad aliquid; seu purus respectus, ergo sola illa nomina, quæ inposita sũt ad significandas ipsas relationes (quæ sunt relatiua secundum esse) pertinent ad hoc prædicamentum.

Fundamentum est: quia ad prædicamentũ quantitatis solũ pertinet, quæ verè sunt quantitates; & in prædicamento qualitatis tantũ collocantur, quæ verè sunt qualitates: ergo in prædicamento relationis illæ solæ collocabũtur, quæ verè fuerint relationes reales, sed tales sunt omnes, & solæ relationes secundum esse, vt ex dictis patet: ergo hæc tantum pertinent ad hoc prædicamentum. Videantur Soto hic q. 1. Iacob. 5. Metaph. q. 2. 1. & alij.

Additum est autem in cõclusionẽ, solas relationes creatas pertinere ad hoc prædicamentũ, vt excludantur relationes diuinæ; quæ quanuis sint verè relationes, tanẽ propter identitatem cũ natura diuinã sunt ipsa substantia Dei; & ideo pertinere non possunt ad hoc prædicamentum, in quo solũ collocantur accidentia, vt per se patet.

21 Ad fundamentũ Suar. sup. n. 16. adductũ, respondetur materiã, & formã, accides, & substantiã, aut quolibet aliud nomen extra hoc prædicamentum nõ significare ipsas habitudines, aut veras relationes; sed res, ad quas cõsequuntur tales habitudines; ac proinde talia nomina esse relatiua secundum dici, & transcendẽ talia. Si tamen proprijs nominibus signifi-

significentur tales habitudines, & ipsæ habuerint alia requisita ad relationem realem; verè erunt relatiua secundùm esse, & prædicamentalia, vt infra constabit.

QVAESTIO III.

Quæ conditiones requirantur ad relationem realem prædicamentalem?

VT plenè percipiatur, quæ relationes sint ad hoc prædicamentum admittendæ, quæ verò ab illo reiiciendæ, explicare oportet, quæ conditiones requirantur ad relationem realem prædicamentalem. Cū enim hæc inter omnia prædicamenta habeat debilissimum esse, vt ex Commentatore docet D. Tho. de potentia q. 7. art. 8. plura ad illā requiruntur, quàm ad alia accidentia.

22 Dicendū est ergo, quatuor conditiones requiri ad relationem realem prædicamentalem; scilicet, subiectum reale; rationem fundamētalem; terminum realem, & realiter existentē; & distinctionem realem fundamēti, & termini. Sic docet expresse D. Thom. opus. 48. tract. 5. c. 1. (Vbi licet quintā aliam cōditionem assignet, nempe quòd relatiua sint eiusdem ordinis; hæc tamen ponit pro relationibus mutuis, vt satis ibi constat; & sic non est vniversaliter requisita ad relationem realem.) Quam etiam cōclusionem recipiant communiter Doctores.

Probat̃ breuiter, & explicatur, conclusio discurrendo per singulas cōditiones. Et *Prima* quidem satis ex se patet: nam accidens reale necessariò petit subiectum reale, &

realiter existens, cui inhareat. Vnde nō ens, aut ens rationis, vel etiā res nondum existens non potest habere relationem realem.

Secunda etiā cōditio, quòd, scilicet, ex parte eiusdem subiecti requiratur aliqua ratio realis, quare refertur, seu ratione cuius insit illi relatio, satis constat: tum quia in hoc distinguuntur magna ex parte relationes reales, & rationis; tum etiā ex ipsa natura relationis; cū enim hæc sit ordo inter duo, cuius realitas, formaliter loquendo, nō sumitur à termino; sed à fundamento; si in hoc nō intelligitur aliquid reale, quod sit radix, seu ratio, quare respiciat terminum, talis respectus nō poterit esse realis. Propter quod (vt benè inquit D. Tho. vbi supra,) res intellecta, prout sic, nō refertur realiter ad intelligentem; quia esse intellectam nihil reale ponit in ipsa, vt de se patet.

Hæc autem ratio realis communiter appellatur à D. D. ratio fundandi; & ab alijs dicitur fundamentum; sed dissensio non est de re. Si tamen nomina ista propriè accipiēda sint, habent se *Subiectum*, *ratio fundandi*, & *fundamentū*; sicut, corpus, albedo, & albū, sicut enim corpus est res illa, in qua recipitur albedo; hæc verò est ipsa forma recepta, & album compositum ex vtroque sic subiectum relationis significat illā rem materiale, cui relatio inhaeret, ratio verò fundandi significat rationem illam, seu accidēs, ratione cuius relatio fundatur, seu inhaeret subiecto, fundamentum autem significat compositum

ex utroque, ſcilicet, ex ſubieſto, & ratione fundandi; propter quod etiam aliqui ſubieſtum appellant fundamentum remotum; rationem verò fundandi fundamentum proximum. Vbi tandem nota, nos in hac conditione non aſſerere, rationem fundandi debere ſemper eſſe aliquod accidens, aut quid realiter diſtinctum à ſubieſto; ſed ſolum quòd debet eſſe aliqua ratio realis. Quando verò ſit accidens, aut quando non, infrà conſtabit.

23 Tertiam conditionē, quòd, ſcilicet, terminus ſit quid reale, & realiter exiſtens, docet etiam D. Thom. 1. part. quæſt. 13. art. 7. in 1. diſtinct. 26. quæſt. 2. art. 1. lib. 2. cōtra Gentes c. 12. & alibi ſæpè. Facileque probatur in relationibus mutuis: nām ibi utrique extremo inheret vera relatio realis: ergo requiritur exiſtētia utriusque. ¶ Generale tamen rationem reddit D. Thom. loco citato contra Gentes; quia aliās actū eſſent infinitæ relationes reales in eodem ſubieſto; ſi reſpectu rei poſſibilis poſſet eſſe relatio realis: binarius enim, v.g. prior eſt infinitis numeris, qui in potentia ſunt illo maiores, ut notum eſt: ergo ſi ad omnes illos referretur, actū eſſent infinitæ relationes. ¶ Quod tādē probat ibidem Ferrara ex ipſa natura relationis; nam relatio realis ante operationem intellectus verſatur inter duo: ergo vñum habet à parte rei aliquid, ratione cuius fundet talem relationem, & alterum ſimiliter habet à parte rei aliquid, ratione cuius terminet: ergo ſicut requiri-

tur realis exiſtētia ſubieſti, ita etiam & termini.

24 Per quod etiam patet quarta, & vltima cōditio, quòd, ſcilicet, utraque extrema ſint realiter diſtincta, & hoc non ſolum quantum ad rationes materiales eorum; ſed etiam quātum ad rationes formales, ſecundum quas attenditur relatio. Si enim relatio realis eſt verus ordo vñius ad aliud, realisque oppositio inter duo: ergo ante operationem intellectus terminus abſolutè eſt aliud à fundamēto, & per conſequens realiter diſtinguuntur, etiam ſecūdum rationes formales cauſantes relationē. Deſectu cuius conditionis D. Tho. 1. p. q. 42. art. 1. ad 4. docet relationes ſimilitudinis, aut æqualitatis inter perſonas diuinas ratione eſſentiæ nō eſſe reales: quia licet perſonæ ipſæ realiter diſtinguantur, tamē ratio formalis, ſecundum quam attēditur talis ſimilitudo, & æqualitas, ſcilicet, natura diuina eſt omnino eadē in illis. Et eadem ratione, ſi per impoſſibile eadem numero albedo poneretur in duobus hominibus non eſſet inter illos relatio realis ſimilitudinis: quia tunc rationes fundantes ſimilitudinē ex utroque extremo, non diſtinguerentur realiter. Videantur Caiet. & Naza. art. cit.

25 Ex dictis facile expedientur aliqua discrimina, quæ ſolent aſſignari inter relationem prædicamentalem, ſeu ſecundum eſſe, & transcendentalem, ſeu ſecundum dici. Primum eſt, relationem prædicamentalem neceſſariò ſupponere aliquod fundamentum abſolutum

tum, quod tamen non necessario supponit relatio transcendentalis.

Hoc discrimen sanè intellectum verum est (quidquid dicat Suarez ubi supra:) nām relatio prædicamentalis est vera relatio, & sic necessario supponit rem absolutam: relatio verò transcendentalis reuera est quid absolutū; & per cōsequens nō necessario supponit illud.

Secundum discrimen est, relationem prædicamentalem non esse per se intentam à natura, benè autem transcendentalem. Quòd etiā verum esse patet ex primo: nām vera relatio non potest produci per se; sed ad productionem alterius: cum ad illam non detur per se motus ex Aristot. 5. Physicor. quod tamen non repugnat rei absolutæ, quæ est relatio transcendentalis, vt patet in scientia, & alijs qualitibus.

Tertium discrimen est, relationem prædicamentalem exigere terminum realem realiter existentem, & realiter distinctum à fundamento, quorum nullum necessario inuenitur in relatione transcendentali.

Hoc discrimen quantum ad realitatem, & existentiam termini satis constat esse verum; siquidem scientia est relatio transcendentalis ad obiectum, etiamsi illud non existat, aut sit quid rationis. Quod tamen repugnat relationi prædicamentali, vt vidimus. Sed quantum ad distinctionem realem falsum est: vtroque enim requiritur distinctio realis; siquidem eiusdem ad se ipsum solum potest esse relatio ra-

tionis. Quare licet relatio transcendentalis, seu secundum dici non sit vera relatio, sed quid absolutum; tamen illud, respectu cuius dicitur relatio, necessario est quid extrinsecum, & saltem realiter negatiuè distinctum, vt patet in scientia respectu obiecti rationis, vel nondum existentis.

26 Quartum tandem, & præcipuum discrimen (omissis alijs) assignatur communiter à Doctoribus cum Caiet. de ente, & essentia cap. 7. quæst. 15. scilicet. relationem prædicamentalem respicere terminum purè vt terminum; transcendentelem verò respicere illum, non sub præcisâ ratione termini; sed sub alia ratione, nempe subiecti, effectus, finis, efficientis, &c.

Hoc discrimen non potest plenè percipi, donec ea, quæ ad terminum relationis pertinent discutiamus; quod fiet q. 6. & 7. Sufficiat in præsentī dicere, quòd loquendo de termino secundum formalem relationem termini; seu vt formaliter opponitur alteri relatiuo, & est correlatiuum eius; sic verū est discrimen à Caiet. assignatum, optimeque explicat naturam relatiuorum prædicamentaliū. Cum enim hæc formaliter prout sic sint simul natura, vt infra explicabimus; inde sit, vt quauis in radicali ratione terminandi eorum possit includi ratio causæ, effectus, obiecti, aut alia huiusmodi, tamen horum nihil per se petitur ad formalem terminationem talium relationum. Quæ proinde in hoc præcisè consistit, quòd terminus terminet eas, &

correferatur illis; & consequenter sic purus terminus respectu earum. Quod tamen dici non potest de relationis transcendentalibus, quæ neque sunt simul natura, neque proprie relatiua; sed quid absolutum, dicens ordinem ad aliquid extrinsecum, à quo sumunt totam suam essentiam. Ac proinde formaliter terminantur ad illud sub aliqua speciali ratione causæ, vel effectus, subiecti, vel obiecti, &c. Ut patet in scientia, quæ per se, & formaliter terminatur ad obiectum ut obiectum; & causa ad effectum ut effectum, & sic de alijs.

QVÆSTIO III.

Quot sint fundamenta relationis?
Cognita essentia huius prædicamenti, species eius utrumque inuestigare oportet; licet res sit pure Metaphysica, ubi Aristot. illas inuestigat. Cum autem relatio suā entitatem accipiat à fundamento, seu ratione fundandi; inde etiam magna ex parte sumit suam specificationem, ut infra videbimus: & ideo quot fuerint genera fundamentorum, tot erunt genera subalterna relationis. Propter quod in præsentī huiusmodi fundamenta inuestigamus.

27 Dicendum est ergo, tria esse genera fundamentorum, seu rationum fundandi, scilicet, unitatem, & numerum, actionem, & passionem, mensuram, & mensurabile; quæ paulò inferiùs exponentur. Sic docet expressè Arist. 5. Metaph. c. 15. cuius sententiam recipiunt D. Tho. ibidem lect. 17. & alij omnes Metaphysici, necnō & Dialectici.

Probatur ratione D. Tho. quia relatio realis est ordo realis vnius ad aliud: ergo tot modis dicitur relatio, quot modis contingerit, vñā rem à parte rei ad aliam ordinari, sed hoc contingit tripliciter: ergo tot erunt genera relatiuorum, & fundamentorum. Probatur minor: quia vna res potest ordinari ad aliam, vel secundum esse; prout, scilicet, esse vnius depēdet ab alia, tñāquam à mensura suæ perfectionis, & sic est tertium genus mensuræ, & mensurabilis. Vel vna res dependet ab alia secundum virtutem actionis, aut passionis; in quantum vna res ab alia recipit, aut alteri confert aliquid; & sic est secundum genus actionis, & passionis. Vel vna res dependet ab altera, secundum quod quantitas vnius potest mensurari cum altera: & sic est primum genus, nempe unitas, & numerus. Non autem inueniuntur relationes, quæ ad hæc tria genera non reducuntur, ut ex dicendis constabit: ergo sufficiens est dicta diuisio.

28 Si autem inquiras: quare qualitas nō fundat peculiare genus relationis? ¶ Respondet D. Tho. qualitatem, secundum quod qualitas est, tantum ordinari ad effectum, cui inhæret; ad aliud verò non ordinari, nisi vel secundum rationem potentie actionis, vel passionis, siue ut est principium actionis & passionis, quo modo pertinet ad secundum genus; vel secundum quod induit rationem quantitatis, quatenus, scilicet, dicitur vna, vel plures, quomodo pertinet ad primum genus. Atque ita diuisio remanet

manet sufficiens. Videatur Sanchez libro 5. Logic. quæst. 13. vbi hanc D. Thomæ rationem latè explicat, & ab impugnationibus defendit.

Difficilius est explicare vnumquodque ex his fundamentis, & quæ relationes ad illud pertineant. Circa quod non potest Logicus, nec debet omnia examinare, præsertim cum Aristot. in hoc cap. nec verbum faciat de his fundamentis. Videri tamen potest D. Tho. loco cit. vbi Iabel. Soncin. & alij Metaphysici, & 1. part. quæst. 13. art. 7. & quæst. 28. art. 4. vbi Caieta. Bañez, Nazar. & alij Theologi pertractât hanc materiam, cuius nos aliqua breuiter attingemus.

§. 1.

DE PRIMO FVNDAMEN-
to relationum.

29 Ante omnia circa primâ partem istius fundamenti se offert dubitatio: de qua vnitate loquatur Arist. Nam omnia eius verba, & exempla; imò & expositio D. Tho. vnitatem quantitativam redolent; siquidem ibi asseruntur proportionales omnes, quas considerat Arithmetica.

Nihilominus communis consensus Interpretum, & discipuli Diui Tho. cum Angelico Magist. quæst. 7. de potentia art. 9. & in 3. dist. 5. quæst. 1. art. 1. quæstiuncula 1. extendunt hoc fundamentum ad alia prædicamenta, in quâcum induunt modum quantitatis, seu secundum quod in eis attenditur vnitas, vel multitudo; ad quod sufficit vnitas transcendentalis eorum. De quo

videri possunt Caietan. quæst. 28. citata, Nazar. quæst. 13. Arauxo 5. Metaph. quæst. 5. art. 9. & alij. Quo sensu dixit Aristot. vbi supra. *Eadem namque sunt, quorum vna est substantia; & similia verò, quorum qualitas est vna: aequalia verò, quorum quantitas est vna.* Vnde sumptum est commune proloquium. *Vnum in substantia facit idem in quantitate æquale; in qualitate verò simile.* Quod etiam dicendum esset in alijs prædicamentis, si haberemus peculiaria nomina exprimentia proprium modum relationis vniuscuiusque. Vt si dicamus (licet improprie) quod vnum in vbi facit præsens; in situ verò præpinquum.

30 Hinc fit, sub isto primo genere contineri relationes omnes identitatis, & diuersitatis; æqualitatis, & inæqualitatis; similitudinis, & dissimilitudinis; præsentis, & absentis; propinquitatis, & distantis; & si quæ sunt aliæ huius generis. Ex quibus identitas, æqualitas, similitudo, præsentia, & propinquitas fundatur in vnitate, absolute sumpta, & non formaliter, vt est principium numeri: quia in huiusmodi relationis attenditur ordo secundum id, in quo extrema conueniunt. Vnde ibi, formaliter loquendo, non attenditur numerus, vt patet in Petro, & Paulo, qui fundant relationem identitatis in natura humana, formaliter secundum quod sunt vnum, seu vt habent principium conueniendi; non verò secundum quod causant numerum, seu vt sunt principia differendi.

Alia

Alię verò relationes, scilicet, diuersitas, inæqualitas, dissimilitudo, absentia, distantia, & similes fundantur in vnitate, non absolute sumpta, sed vt est principiū numeri, quia in huiusmodi relationis potius attenditur id, in quo differunt, & sunt plura; propter quod dici posset cum aliquibus Doctoribus, huiusmodi relationem fundari in numero, qui est secunda pars huius primi fundamenti. Sed melius dicitur fundari in vnitate, vt est principium numeri: quia in his relationibus nō inuenitur numerus ex parte alicuius extremi, quod saltem necessarium erat, vt ratio fundandi esset numerus; sicut cernitur in proportionibus numerorū, & ampliū constabit ex dicendis. Restat ergo has omnes relationes enumeratas fundari in vnitate, quæ est prima pars huius fundamenti; & per consequens, si aliæ conditiones requisitæ ad sint, verè esse relationes prædicamentales; etiam quando ratio fundandi est vnitas transcendentalis, vt explicatum est.

31 Vtrum autem vnitas transcendentalis ipsius relationis possit etiam fundare relationem prædicamentalem; sicut fundat vnitas transcendentalis substantiæ, aut qualitatis, res est controuersa inter Doctores, dum inquirūt; an vna ratio possit fundari in alia. In quo partem affirmatiuam defendunt Scotus, & alij eius discipuli. Quorum fundamenta adducit, & soluit noster Didacus à Iesu hic disp. 14. quæst. 3. vbi optimè explicat, & probat partem negatiuam,

quam docent communiter Doctores. Etque expressa sententia Diui Thomæ 1. part. quæst. 42. art. 1. ad 4. assentientis. *Neque iterum vna relatio refertur ad aliam, per aliquam aliam relationem. Cum enim dicimus, quod paternitas opponitur filiationi, oppositio non est relatio media inter paternitatem, & filiationem: quia utroque modo multiplicaretur in infinitum.* Et quæst. 35. art. 3. ad 2. *Relationes, cum hoc ipsum quod sunt, ad aliquid dicantur, non referuntur per aliquas alias relationes, sed per se ipsas.* Quibus verbis continetur ratio à priori huius sententiæ, quam explicatiū tradit ipse sanctus q. 7. de potentia art. 9. ad 2. quia nimirum relatio essentialiter est relatio: ergo se ipsa refertur, & non media alia relatione; sicut quia actio essentialiter est actio, se ipsa fit, & non media alia actione distincta. Alias rationes adducit noster Didacus. Videatur ibi.

32 Circa secundā partem huius fundamenti dicendum est, illas relationes propriè fundari in numero, quæ ex parte alicuius extremi habent aliquem numerum proportionis fundandi, cuiusmodi sunt proportioniones omnes, tã numeri ad numerum, quàm numeri ad vnitatem. Quod docuit expressè Arist. vbi supra dicens: *Dicuntur autem secundum numerum, aut simpliciter, aut determinatè ad eos, aut ad vnum, vt duplum ad dimidiū, &c.* Vbi prosequitur proportioniones omnes numerorum. De quo videri potest D. Thom. ibidem lect. 17.

Ratio

Ratio autem est clara: quia ratio non dicitur fundari in numero, ex eo quod fundamentum, & terminus sint multa. & faciant numerum; sic enim omnis ratio realiter fundaretur in illo, siquidem exigit extrema realiter distincta; neque similiter dicitur fundari in numero, quia ponat disconuenientiam, seu differentiam inter illa, hoc enim faciunt etiam relationes, quæ fundantur in actione, & passione: ergo ideò dicitur fundari in numero, quia ipse numerus est extremum, quod refertur media tali relatione.

33 Ex quo collige, (& bene nota, quia neminem vidimus hoc aduertentem,) quod quauis unitas transcendentalis vnius substantiæ, aut albedinis sufficiens sit ad fundandam relationem prædicamentalem respectu alterius substantiæ, vel albedinis; sicut unitas prædicamentalis vnius quantitatis sufficiens est ad fundandam relationem prædicamentalem respectu alterius quantitatis; tamen numerus transcendentalis, siue substantiarum, siue quantitatum, siue quarumcumque aliarum rerum non est sufficiens ratio fundandi relationem prædicamentalem; sicut est sufficiens numerus prædicamentalis. Ratio autem disparitatis est: quia unitas transcendentalis cuiuscumque entis est ens per se; sicut ipsum ens, cuius est unitas. Similiter numerus prædicamentalis est per se vnum, & vera species quantitatis; at verò numerus transcendentalis est ens per accidens, ut vi-

dimus disputatione præcedenti numero 73. & ideò ille non potest fundare veram relationem, bene autem ille. Ex quo tandem fit, proportionem duplam, quam concipimus inter numerum quaternarium, & binarium Angelorum; aut inter binarium, & vnum Angelum, non esse veram relationem, & idem est de alijs numeris transcendentalibus, & per consequens illas tantum proportionem esse relationes reales huius prædicamenti, quæ inveniuntur inter numeros quantitativos, seu prædicamentales.

§. II.

DE SECVNDO FVNDAMENTO relationum.

34 Circa itud genus relationum non conuenit inter omnes, quid propriè habeat rationem fundamenti, seu rationis fundandi? An, scilicet, potentia actiua, & passiuæ? an verò actio, & passio? an potiùs substantia ipsa, quæ est principium radicale actionis, & passionis? Verbi gratia, in relatione paternitatis difficultas est, quid propriè sit ratio fundandi illam: an potentia generatiua patris; an generatio ipsa; an verò neutrum horum, sed ipsa substantia Patris?

Scotus 5. Metaph. c. 15. & in 4. d. 6. q. 10. affirmat, potentiam generatiuam propriè esse rationem fundandi paternitatem; generationem verò tantum esse conditionem sine qua non. Quod etiam docet Arauxo ubi supra. ¶ Et potest suaderi: quia ratio fundandi tandum permanere debet, quandiu manet rela-

relatio, cuius est ratio fundandi; sed generatio transit manente paternitate: ergo non potest esse ratio fundandi illam. Restat ergo, quod sit potentia generatiua; siquidem hæc permanet, & est id, ratione cuius conuenit substantia hominis, esse patrem.

35 Suarez verò disp. 27. sect. 12. num. 5. existimat, ipsam substantiã, quæ est radicale principium generationis, esse rationem fundandi, seu fundamentum proximum, ut ipse ait; non verò potentiam generatiuam, aut generationem. Quod etiam potest suaderi. Primò: quia relatio paternitatis potest manere, tùm absque generatione, tùm etiã absque potentia generatiua: ergo neutrum est ratio fundandi. Antecedens circa generationem constat ex ratione præcedenti. Circa potentiam verò generatiuam probatur: quia dato casu; quod à Petro habere filium auferatur potentia generatiua; nõ ideo auferatur relatio paternitatis, ut patet: ergo hæc potest esse absque illa.

Secundò: quia relatio filiationis immediatè afficit ipsam substantiam, seu suppositum: ergo idè dicendum est de paternitate, & per consequens substantia ipsa erit ratio fundandi, seu fundamentum proximum utriusque. Consequentia patet. Antecedens verò tractatur à Theologis in materia de Incarnatione, & prout probatur ex D. Tho. 3. p. q. 35. art. 5. vbi negat in Christo Domino esse duas filiationes; quia suppositum est diuinum, & incapax recipiendi aliquod accidens. Quæ ratio nulla esset, si relatio filiationis non affice-

ret immediatè ipsum suppositum, siquidem accidentia, quæ immediatè inhxerent, vel naturæ humanæ, vel potentijs eius, aut quantitati, non repugnat esse de nouo in Christo; ut patet de risibilitate scientia, colore, & alijs huiusmodi.

36 Tandè, Soto hic exponens text. 5. & 5. Physic. q. 2. art. 2. Caiet. 3. p. q. 35. art. 5. label. 5. Metaph. q. 21. Sanch. lib. 5. Logicæ quæst. 31. Gallego contr. 3. ad 3. & communiter Thomistæ censent, generationem ipsam, & non potentiam generatiuam, aut substantiam patris propriè esse rationem fundandi paternitatem. Quod videtur esse planè ad mentem Aristot. & D. Tho. qui pro fundamento harum relationum assignant, nõ potentiam actiuam, & passiuam, aut substantiam; sed actionem, & passionem, ut patet loco citato ex 5. Metaph. & 1. p. q. 28. art. 4. vbi inquit Angel. Doctor. Secundum Philosophum in 5. Metaphysicæ, relatio omnis fundatur, vel supra quantitatem, ut duplum, & dimidium, vel supra actionem, & passionem, ut faciens, & factum, pater, & filius, &c. Idem repetit 4. contra Gentes cap. 24. de potentia q. 8. art. 1. in 3. dist. 8. q. 1. artic. 5. & opusc. 48. c. 4. expressè dicit, quod. *Fundamentum paternitatis est actio, scilicet, generatio, qua quis genuit filium, & fundamentum filiationis est passio, scilicet, generatio passiuæ.*

37 Certè si naturam harum relationum attendamus, omnia clara fient. Et in primis recolendum est id, quod disp. 12. n. 43. diximus, scilicet, vnum accidens nõ esse subiectum

nam quod alterius, sed tantum ut quo, modo ibi explicato. Quo fit, ut generaliter loquendo, relatio non debeat inhærere rationi fundandi; ita ut ipsa sit quasi immediatum, & integrum fundamentum relationis; sed ita quod sit medium, seu ratio, quare relatio inhæreat ipsi substantiæ, quæ est subiectum quod.

Deinde, si specialiter consideremus relationes huius secundi generis, inuenimus, non debere ipsas inhærere rationibus fundandi; in quo planè differt genus istud ab alijs duobus. Etenim in primo, aut tertio rationes fundandi sunt formæ perfectæ, nullum includentes motum, aut transitum; & ita permanenter, & quasi in facto esse constituunt fundamentum, & sunt rationes recipiendi relationes. At verò in hoc secundo genere rationes fundandi secum afferunt aliquem motum, aut transitum; siquidem requirunt actionem causæ efficientis. Quare cum à causa efficienti, quando est vniuersa, ut in præsentī est pater respectu filij, solum dependeat effectus, dum fit; non verò in esse, aut cōseruari; inde est, rationes fundandi istarum relationum non debere permanenter, & quasi in facto esse constituere fundamentum, seu esse rationes recipiendi illas, sed tantum in fieri.

38 Cuius doctrinæ signum optimū est, (& est secundum discrimen,) quod licet ad hoc, ut inter duo alba sit relatio similitudinis, vel ad hoc, quod inter scientiam, & obiectum sit relatio mensuræ, necessaria fuerit productio extremo.

rum: (si enim aliquando facta non fuissent, non existerent in rerum natura, & consequenter neque realiter referentur,) tamen talis productio non petitur per se, & intrinsecè à relationibus similitudinis, & mensuræ. Nam si per impossibile illa alba, aut scientia, & obiectum existeret absque productione, esset ibi similitudo, aut mensurabilitas eiusdem rationis, ac modo est. At verò paternitati, & alijs relationibus huius secundi generis ita per se, & intrinsecè annexa est productio, & transitus, seu facere, & fieri, ut quantumcumque ponantur duo homines cum potètia actiua, & passiua, vel cum alia quauis forma permanenti; si tamē ab eis præscindamus actionem, & passionem, seu generare, & generari, non potest ibi intelligi paternitas, aut filiatio. Et e contra, si præscindamus alia omnia ab istis hominibus, etiam ipsam potèntiam actiuam, & passiua; si tamen intelligimus actionem generandi, & passionem, seu generare, & generari, statim intelligimus paternitatem, & filiationem.

39 Ex quibus iam duo licet inferre. Primū est, in relationibus huius secundi generis rationem fundandi solum esse necessariā in fieri, seu in primo produci relationis; & ita manere posse non existente ratione fundandi. Quod non contingit in alijs duobus generibus: quia ibi ratio fundandi est necessaria in facto esse, seu in cōseruari relationis; & sic illa ablata, aufertur relatio, ut patet in similitudine, quæ tollitur statim, ac aufertur albedo ab aliquo extremo.

Secun-

Secundum est: in duobus alijs generibus relationum productio- nem cuiuscumque extremi non posse esse rationem fundandi; sed tantum conditionem sine qua non: vt patet in relatione similitudinis, in qua productio albedinis non est ratio fundandi; sed ipsa albedo. At verò in hoc secundo genere ipsa productio, seu generatio, verè est ratio fundandi relationem, & non conditio; ac proinde alijs praeferenda est tertia sententia. Quae est proculdubio Arist. nam postquam assignauit actionem, & passionem pro ratione fundandi, subdit: *Sic enim pater filij pater dicitur: hoc enim fecit; at illud passum quid est?* Per quod patet ad argumenta adducta pro prima, & secunda sententia.

40 Vbi tandem obseruandum est, hucusque dicta intelligi de relationibus huius secundi generis, quae necessario supponunt actionem causae, & ad illam consequuntur; vt sunt paternitas, filiatio, & similes. Solent autem praeter has assignari ex Arist. lib. 5. citato Metaphysicæ aliae relationes huius generis, quibus causae efficientes, quando sunt constitutæ in actu primo, antequam operentur in actu secundo, referuntur ad passum, vt est etiam in actu primo ad recipiendum; antequam recipiat in actu secundo. De quo videri potest D. Thom. ibidem lect. 17. Et tales relationes non requirunt actionem, & passionem, neque vt rationes fundandi, neque vt conditiones; sed verè fundantur in potètia acti-

ua, & passiuua, vt per se patet. Quae omnia docuit Aristot. ibidem dicens: *Actiua verò, & passiuua sectum potètiā actiuam, & passiuam sunt, & actiones potentiarum; vt calefactiuum ad calefactibile; quia potest, & iterum calefaciens ad calefactum, & secans ad sectum tanquam agentia, &c.* Ex quo patet ad hoc genus pertinere relationes omnes, quae inter quamlibet causam efficientem creatam, & effectum eius inueniuntur. Diuiditur autem secundum diuisionem actionis & passionis, & potentiae actiuae, & passivae; & sic alia est relatio causae vniuocae, alia causae æquiuocae; alia causae immanentis; & alia transeuntis, &c. De quo infra redibit sermo.

§. III.

DE TERTIO FVNDAMENTO relationum.

41 Circa istud fundamentum solum se offert notandum id, quod docent Aristot. loco citato D. Thom. ibidem, & 1. part. quaest. 13. artic. 7. & concorditer Doctores, scilicet, relationes huius tertij generis, ex parte vnius extremi tantum esse reales; nempe ex parte mensurabilis ad mensuram, vt patet in scientia, & scibili, sensu, & sensibili, & similibus. Nam scientia, & sensus realiter referuntur ad sua obiecta: obiecta tamen non habent relationem realem ad scientiam, & sensum. Cuius rationem reddit Diuus Thomas lectione 17. citata: quia ex parte mensurae non datur aliqua ratio realis, quae possit fundare relationem; non enim sci-

scibile dicitur relatiuè propter aliquid ex parte eius, sed solum propter actionem alterius, scilicet, scientiæ: quæ cum sit immanens, non ponit aliquid reale in ipso obiecto; sicur ponit in scientia, ergo licet relatio, qua scientia refertur ad obiectum, sit realis, non tamen è contra. Propter quod inquit rectè Aristot. scibile, aut sensibile non dici relatiuè; quia ipsa referantur ad alia; sed quia alia referuntur ad ipsa.

Quòd si rationem vniuersalem assignare velimus, quæ comprehendat omnia relatiua huius tertij generis, sumenda est ex ipsa ratione fundandi eius. Quæ cum sit intima cuiuscunque rei perfectio, secundum quòd est mensurabilis ab alia perfectiori, quæ respectu eius habet rationè regulæ, & mensuræ extrinsecæ; inde fit, vt in re mensurata sit vera, & realis dependentia, saltem in genere causæ quasi exemplaris, & per consequens vera, & realis relatio. At verò in eo, quod est regula, & mensura perfectionis alterius, provt sic, nulla est dependentia; & per cõsequens neque realis relatio respectu eius. Et propterea, vt benè notauit D. Tho. q. 13. citata, semper relationes istæ inveniuntur inter res diuersi ordinis; id est, quarum vna dependet ab alia, non tamen è contra.

42 Ex quo fit, ad hoc genus pertinere relationes, quibus creaturæ referuntur ad Deum, & relationes quibus scientiæ, habitus, vel potentiæ respiciunt sua obiecta; & generaliter huiusmodi relationibus referuntur omnes species cuiuscunque

que generis, ad primam, & perfectissimam speciem talis generis, quæ est regula, & mèsura perfectionis illarum; iuxta illud axioma: primum in vnoquoque genere est mensura cæterorum.

Vbi tandem obseruandũ est pro hoc, & præcedentibus generibus relationum, quòd quando dicimus has, vel illas esse reales, intelligendum est dummodò non deficiat eis aliqua ex conditionibus requisitis ad relationem realem. Propterea enim, licet Logica mèsuretur à suo obiecto; non tamen dicitur relationè realem ad illud, vt vidimus disp. 1. num. 24. & in casu quo prima species alicuius generis omninò corrumpetur, non maneret in alijs speciebus relatio realis mensurabilis ad illam, & sic de alijs.

43 ¶ Ex dictis in hac q. infertur, manifestè plures relationes prædicamentales fundari immediate in substantia; & hoc non solum ex relationibus huius, & secundi generis; sed etiam ex ijs, quæ fundantur in primo. Quæ sententia est communis inter Dialecticos, cæque docet D. Thom. de potentia quæst. 7. art. 9 ad 4. & quodlibet. 7. artic. 10. ad 4. constatquè discurrendo per singula fundamenta. Nam in primis in hoc tertio, relationes illæ, quas Angeli, aut animalia dicunt ad primum Angelum, & animal; tanquã ad mensuram suæ perfectionis essentialis, satis constat fundari in ipsa substantia eorum. Similiter in secundo genere, omnes relationes causæ, vel effectus vniuoci, quæ tantum requirunt actionem, & passionem, non

fieri, ut paternitas, filiatio, & similes, etiam fundantur immediatè, in substantia, seu supposito iuxta supra dicta. Quod saltem de ijs, quæ correspondent ex parte effectus, qualis est filiatio, negari non potest; siquidem tales effectus immediatè per suam substantiam, absque aliqua superaddita potentia passiva de genere accidentium, terminant generationem substantialem; & per consequens immediatè per suam substantiam fundant relationem ad suas causas efficientes. Tandem in primo genere relationis, quæ fundantur in unitate transcendentali unius substantiæ respectu alterius, ut identitas, quæ est inter substantiam Petri, & Pauli; & distinctio quæ utraque distinguitur à substantia equi immediatè fundatur in substantia, ut per se patet. Nec in hoc est amplius immorandum.

QVAESTIO V.

Utrum relatio distinguatur realiter à suo fundamento?

44 **C**ognitis fundamentis, examinandum est; quomodo relationes distinguantur ab illis: an scilicet, per operationem intellectus tantum; an verò à parte rei? Et procedit difficultas de solis relationibus prædicamentalibus. In quæ licet plures sint sententiæ; duæ tamen sunt præcipuæ.

Prima asserit, nullam relationem à parte rei distingui actualiter à fundamento; sed tantum per operationem intellectus. Pro hac sententia citantur Ocham, Maior,

Marfilus, & alij nominales. Eamque defendunt Suar. disp. 47. Metaph. sect. 2. Oñia hinc q. 1. art. 6. Lorinus ibid. q. 4. Conimb. q. 1. art. 4. Hurt. disp. 15. Metaph. sect. 2. & Pereyra lib. 6. Physicor. c. 16. Quam etiam tenent aliqui Thomistæ, Sylvest. in conslato q. 28. dub. 1. Herb. in 1. distinct. 30. q. 1. label. 5. Metaph. q. 22. Soncin. ibidem q. 28. Zumel 1. p. q. 28. art. 2. q. 6. & videtur esse sententia Soti q. 2. huius cap. Sed revera solum intendit, relationem non distingui à fundamento tantquam rem, & rem, nam in solutione ad 3. se explicat dicens, quod licet prædicamenta non sint decem res realiter distinctæ, sicut ignis, & calor; sunt tamen decem distinctæ rationes entis, seclusa operatione intellectus, primò diversæ. In quo etiam sensu alij Thomistæ explicant Herbeum, labellum, & Soncin. & fortè hæc est illorum mens; nam nullibi asserunt distingui tantum per intellectum; sed esse rationes formaliter distinctas. Sed quidquid sit de hoc.

Probatur primò hæc sententia ex Aristot. 5. Physicorum textu 10. asserente, ad relationem non dari per se motum, quod probat: *Quia altero subeunte mutationem, alterum mutationem non subiens, verè dici potest ad aliquid*: id est, potest relatio advenire subiecto absque mutatione eius, per solam mutationem termini. Vbi Divus Thomas lect. 3. inquit: *Nihil advenit mihi de novo, per hoc quod insipio esse alteri æqualis per eius mutationem*. Quod etiam repetit 3. parte, q. 16.

art. 6. ad 2. & tandem opusculo 48. tractatu 5, cap. 2. ait: *Cum dico quod similitudo Sortis habet albedinem eius, ut fundamentum; non est intelligendum, quod similitudo Sortis sit aliqua res in Sorte alia ab ipsa albedine; sed solum est ipsa albedo, ut se habet ad albedinem Platonis, ut ad terminum. Si enim similitudo adderet supra albedinem Sortis aliquam rem, nullo modo posset aliquis aliovi fieri similis sine sui mutatione, &c.* Ergo ex sententia Aristotel. & D. Thom. relatio non distinguitur realiter à fundamento.

45 Secundò probatur ratione, ex eisdem locis desumpta: quia relatio aduenit fundamento absque ulla mutatione reali eius: ergo non distinguitur realiter ab illo. Consequentia patet: nam forma realis non potest de nouo aduenire alicui, quin ipsum aliter se habeat nunc, ac prius, quod est mutari. Antecedens verò probatur, quia existente Petro albo, si ponatur apud Indos aliud album, statim Petrus incipit esse similis illi; sed hoc fit absque productione alicuius nouæ realitatis in Petro: ergo absque reali mutatione. Probatur minor: quia nulla datur causa talis entitatis, neque enim fundamentum, scilicet, Petrus, aliquid tunc operatur, & multò m'ius, potest esse causa terminus, nempe illud album, quod de nouo producit; quippè cum absurdum videatur rem apud Antipodas productam aliquid reale operari in Petro hinc existente.

Confirmatur primò: quia iam terminas de nouo productus esset

causa infinitarum penè entitatum; siquidem quando denuo producit aliquod album, aliæ res, quæ antea erant albæ, de nouo referuntur ad istam, & hæc ad illas; hoc autem videtur absurdum: ergo, &c.

Confirmatur secundò: quia aliàs daretur ad relationem per se motus contra Aristot. 5. Physicor. nam quod per se est res, & entitas realis, per se est producibilis, & potest terminare aliquam actionem, seu motum: ergo dicendum est relationem aduenire fundamento absque productione alicuius entitatis realis, & per consequens absque mutatione eius.

46 Tercio: quia accidens reale à parte rei distinctum à subiecto in quo est, facit cum illo compositionem realem; siquidem vniuntur per modum actus, & potentie ante omnem operationem intellectus; sed relatio adueniens fundamento non facit cum illo compositionem realem: ergo non distinguitur à parte rei ab illo. Maior, & consequentia constant. Minor autem est expressa D. Thom. quæst. 7. de potentia artic. 8. Et probatur: quia vnum album post productionem alterius non est magis compositum, quam antea.

Confirmatur: quia si relatio distingueretur realiter à fundamento, posset Deus illam separare, manente fundamento, & termino, hoc autem est falsum: ergo & illud ex quo sequitur. Sequela videtur certa: nam fundamentum non est de essentia relationis, neque e contra: ergo si distinguuntur realiter,

poterit Deus, adhuc posito termino, suspendere suum concursum, ne relatio dimanet à fundamento. Minor verò probatur: quia quantumcunque fingatur auferri entitas similitudinis à duobus albis, manentibus ipsis; ambo habent albedinē: ergo impossibile est, quòd non sint similia; & per consequens per ipsas albedines, & non per aliquid superadditum sunt similia.

Quartò: quia iam relatio duplicatis, quæ numerus quaternarius hominum est duplus respectu binarij, esset entitas à parte rei distincta ab ipso numero quaternario, supra quem fundatur: hoc autem videtur absurdum; ergo, &c. Sequela patet. Minor verò probatur: quia iam vna simplex relatio esset in quatuor subiectis distinctis, quod videtur impossibile.

Confirmatur: quia saltem duplicitas, quæ corpus continuum duorum cubitorum est duplum ad corpus vnius cubiti, non potest esse aliquid realiter distinctum ab ipsa quantitate continua; ergo, &c. Probatur antecedens: quia si talis duplicitas est quid distinctum, vel est tota in qualibet parte quantitatis: vel tota in tota, & pars in parte? Non primum: quia iam quælibet pars esset dupla, quod constat esse falsum. Neque etiam secundum: quia in primis partes dupliciter non essent eiusdem rationis cum toto; aliàs sequeretur idem inconveniens, quòd quælibet pars quantitatis esset dupla. Sed neque etiam possunt esse diversæ rationis: quia quod non habet extensionem, aut diuisibilitatem ex

se, sed ex quantitate, non est alio modo diuisibile quam illa: sed quantitas non est diuisibilis, nisi in partes eiusdem rationis: ergo duplicitas, quæ non ex se, sed à quantitate habet diuisibilitatem, non potest diuidi in partes diuersæ rationis.

47 Secunda sententia affirmat, omnem relationem prædicamentalem à parte rei distingui à fundamento. Quam docet proculdubio D. Thom. vt infra constabit, & ideò in ea conueniunt fere omnes Thomistæ, Capreolus in 1. dist. 30. quæst. 1. Deza ibidem notab. 3. Caietan. 1. part. quæst. 28. artic. 2. Bañez ibidem dub. 2. Raphael de Ripa dubitatione 1. Ioannes González disputat. 20. sectione 1. numero 8. Ferrara 4. contra Gentes capit. 14. Fland. 5. Metaphysic. quæst. 16. artic. 18. Aquarius ibidem quæst. 19. Arauxo 5. Metaphysic. quæst. 5. art. 4 & 5. Zanardus quæst. 22. Bruxelensis in hoc capit. quæst. 4. art. 5. Soto vbi supra, Masius sect. 2. quæst. 2. Sanchez lib. 5. quæst. 38. Noster Didacus à Iesu disput. 14. quæst. 3. & Galleg. controuersia 31. Quos sequuntur Molina 1. parte quæst. 13. art. 7. Valent. ibid. disp. 2. quæst. 2. punct. 1. & Rubio hic q. 14. A quibus etiam in re non dissentit Scotus in 3. dist. 3. quæst. 1. & Durand. in 1. dist. 30. quæst. 2. vt consideranti patebit.

Quauis autem Auctores citati vniformiter conueniant in constituenda distinctione actuali ante intellectum; aliquantulum tamen dissentit in modo distinctionis. Nam Bañez, Arauxo, Soto, & Rubio contenten-

tendunt, relationem, & fundamentum non distingui realiter entitatiuè, seu distinctione rei à re, sed realiter formaliter, vt res, & modus, seu vt duæ formalitates. Maius verò, & Aquarius dicunt, distinctionem hanc esse quidem entitatiuam ex parte essentia; sed non ex parte existentia; idest, essentias ipsas relationis, & fundamenti esse diuersas res, non tamen habentes diuersas existentias. At verò Capreo. Deza. Caiet. Ripa, Ferrara, Fland. Zanar. Sanch. Gall. & ceteri absolutè affirmant, distingui realiter entitatiuè, sicut duas res. Quæ dissensio quanuis non sit magni ponderis, tamen etiam erit à nobis dirimenda.

§. I.

*EXPENDUNTUR ALI-
qua ad quæstionis solutionem
necessaria.*

48 **D**Vpliciter possumus, hæc quæstionem pertractare. Primò ex communibus principiis prædicamentorum; examinando, scilicet: an inter genera primò diuersa necessariò debeat esse distinctio actualis ante intellectum? Secundò ex proprijs relationis: an, scilicet, dato, quòd nò omnia prædicamenta distinguantur ex natura rei, adhuc ponenda sit talis distinctio inter fundamentum, & relationem? Et quia nobiliores Thomistæ ex mente sui Magistri procedunt ex vtriusq; principiis, vt iam videbimus; & vtriusque noticia necessaria est ad plenam quæstionis solutionem; idèò vtrunque breuiter attingemus.

Circa primū ergo cōsiderandum est, quòd distinctio realis positiva, de qua in præsentī loquimur, supponit necessariò vnitatem transcendentalem eius rei, quæ ab alia distinguitur, proportionatam ipsi distinctioni. (Hæc vltima particula additur propter partes quantitatis, & gradus qualitatis, de quibus, qui assentunt realiter inter se distingui; consequenter dicunt, quòd sicut talis distinctio nò est completa, sed partialis; ita etiā non supponit in vnaquaque vnitatem transcendentalem completam, sed partialem.) Itaq; hoc certum debet esse, quòd distinctio realis duorū supponit in vnoquoque vnitatem transcendentalem, per quam quodlibet realiter sit in se vnum. Vnde, tunc aliqua erunt à parte rei distincta, quando à parte rei vnumquodque fuerit in se vnū; nā eo ipso erit realiter indiuisum in se; & diuisum à quolibet alio. Est autem vnumquodque à parte rei vnum per suam entitatem, seu essentiam realem; cū vnitas sit passio entis; ergo illud erit à parte rei distinctum ab alio, quod à parte rei habuerit in se vnicam essentiam. Et cū per hanc res constituatur in proprio prædicamentō; planum fit, ea, quæ à parte rei continentur, sub diuersis prædicamentis, à parte rei habere diuersas vnitates transcendentales; & per consequens distingui ex natura rei, & ante omni operationem intellectus.

49 Quo argumēto vtitur D. Th. q. 8. de potentia art. 2. ad primum, reddens rationem, quare substantia creata non possit esse idem à parte

rei cum relatione; benè autem essentia diuina: quia nimirum substantia creata (inquit) *Est definita ad unum genus; & per consequens excluditur ab alio genere.* Quæ ratio si bona est, & sufficiens, (inquit Caiet. vbi supra,) etiam probat distinctionem realem relationis à quantitate, & qualitate: cum vnaquæq; sit definita ad suum genus. Cui nos addimus, iuxta hanc rationem D. Thom. etiam probari omnia prædicamenta, distingui ex natura rei, & ante omnem operationem intellectus. Quam sententiam, vt Angelico Doctore cõformiorem, defendunt plures, & nobiliores Thomistæ Caiet. Bañez, Ferrar. Gonzal. Capreol. Flad. Zonar. Sot. & Säch. vbi supra, & Arauxo loco citato, & quæst. 1. antecedenti artic. 4. qui addit, sic sentire omnes veros Diu. Thom. discipulos.

Quod denuò confirmatur ex eodem Angelico Doctore in 2. dist. 12. quæst. 1. art. 1. ad 3. & quæst. 7. de potentia art. 3. ad 2. Vbi affirmat, prædicamenta se ipsis distingui, seu esse primò diuersa: ergo inter illa cõcedenda est aliqua aëtualis distinctio ex natura rei, & ante operationem intellectus. Probatur consequentia. *Primò*: quia, vt rectè deducit Arauxo, quæ se ipsis distinguuntur, sunt principia aëtualis distinctionis in alijs, seu ipsæ rationes aëtu differendi: ergo magis ipsa distinguuntur inter se.

Secundò ratione quam format Gonzal. quia ea quæ habent diuersas essentias, quarum vna aëtu non est alia, neque e contra, distinguuntur

ex natura rei sine aliquo ordine ad intellectum: sed quæ pertinent ad diuersa prædicamenta, sunt huiusmodi; siquidè distinguuntur, tam penès gradum genericum, quam differentialem; & per consequens differunt totaliter in natura: ergo distinguuntur ex natura rei sine ordine ad intellectum.

Tertiò: quia, vt benè argumentatur Sanch. quilibet propositio, in qua vnum prædicamentum negatur de alio, secundum se est aëtu immediata, & per se nota, vt cõstabit in lib. Posteriorum: ergo secunda operatione intellectus, quidditas, & essentia substantiæ aëtu non est quidditas, & essentia quantitatis, & sic de cæteris.

Quartò denique: quia maior separatio est in primò diuersis, quam in realiter distinctis, siquidem hæc possunt vniuocè conuenire; illis verò nihil est commune præter nomē: sed prædicamēta sine ordine ad intellectum sunt aëtu primò diuersa; alias non darentur à parte rei decem suprema genera entium: ergo etiam sunt aëtu distincta ante operationem intellectus. Videatur Arauxo. & Sanch. citati, qui pluribus rationibus impugnant Suarez, & alios contrarium asserentes.

50 ¶ Veniamus ad secundum. Pro quo statuenda est certa, & indubitata regula, quæ solet cõmuniter tradi; scilicet, illa distingui realiter, quæ possunt separari, ita vt alterum, vel vtrūque maneat sine alio. Quo fit, vt quando vnum realiter aduenit altero iam existente; vel perit realiter, altero remanente, sit optimum

timum signum distinctionis realis. Quod docuit expressè Arist. 7. Topic. c. 1. dicēs: *Amplius, si potest alterū sine altero esse, nō erit idē, &c.* Et probat rectè Suar. disp. 7. Metaph. sect. 2. tū quia implicat, quòd idem à se ipso realiter separetur, aut quòd idem simul sit, & non sit: tū etiam, quia quando vnum ab alio separatur, aliquid tollitur, & aliquid remanet: ergo realiter inter se distinguuntur. Vnde valdè errant (inquit benè Suarez) qui existimāt, relationem esse aliquid reale positium, sine quo potest fundamentum manere in re ipsa; & tamen non distingui à parte rei ab ipso; est enim aperta implicatio contradictionis.

Est tamen obseruandum, quòd licèt hæc regula, prout iacet, vera sit, non tamen est adæquatum indicium distinctionis realis, quia non conuertitur. Nam verum quidem est, omnia, quæ realiter possunt separari, realiter distingui: non tamē contra omnia, quæ realiter distinguuntur, posse separari. Vt patet de personis diuinis, quæ licèt realiter distinguantur; vna tamen non potest esse sine alia. Et de multis accidentibus, quæ realiter distinguuntur à subiecto, tenent plures graues Doctores, non posse ab illo separari. Ratio autem est: quia ad separationem plus videtur requiri, quàm ad distinctionem, ad illam enim vltra distinctionem necessaria est aliqua independentia vnius ab alio, quæ tamen non necessariò inuenitur inter ea, quæ distinguuntur. Vt patet in materia prima, quæ

licèt realiter distinguatur à forma; omninò tamen dependet ab ea; & consequenter non potest existere sine ipsa. Quibus suppositis.

§. II.

*STATVTIVR VERA
sententia, & questio resoluitur.*

51 D Icendum est ergo omnem relationem prædicamentalem ex natura rei, & ante operationem intellectus distingui actualiter à fundamento. Sic docent omnes Auctores secundæ sententiæ, vt vidimus. Et probatur primò ex D. Thoma 1. part. quæst. 28. art. 2. vbi docet, relationem realiter inherere subiecto, & in solutione ad secundum inquit: *Sicut in rebus creatis, in illo quod dicitur relatiuè, non solum est inuenire respectum ad alterum, sed etiam aliquid absolutum: ita etiam & in Deo. Sed tamen aliter, & aliter; nam id, quod inuenitur in creatura, præter id, quod continetur sub significatione nominis relatiui, est alia res; in Deo autem non est alia res, sed vna, & eadem.* Quem locum, quauis aliqui eneruare cõtendant; ipsius tamen esse expressum pro nostra sententia, fatetur Canarien. & alij aduersarij. Et probant rectè Caietan. & Bañez vbī supra. Nam in prædictis verbis planè fit sermo de distinctione reali; siquidem per intellectum etiam distinguuntur in Deo absolutum, & relatio, vt patet.

Eandē doctrinā tradit Sæct. Doct. in 1. d. 33. q. 1. art. 1. vbi etiā fatetur, relationes reales rerum creatarum

facere cum eis compositionem. Verba eius sunt: *Cum esse essentia diuina sit ipsa essentia, & esse paternitatis sit ipsa paternitas; relinquatur de necessitate, quod ipsa paternitas secundum rem est ipsa essentia. Vnde non facit compositionem, cum ea, &c.* In alijs autem realibus relationibus in creaturis existentibus est aliud esse relationis, & substantiæ, quæ refertur: & ideo dicuntur inesse: & secundum quod insunt, compositionem faciunt accidentis ad subiectum, quod non conuenit in diuinis relationibus. Idem expressius habet dist. 4. anteced. q. 1. art. 1. ad 3. dicens: *Relationes diuinae non differunt ab essentia realiter; sed tantum ratione, ut dictum est. Et ideo non sequitur ibi compositio, quod in alijs esse non potest: quia nulla relatio est substantia secundum rem in creaturis. Vnde oportet, quod omne generatum sit compositum, &c.* Videatur etiam lib. 2. contra Gentes, c. 14. ergo ex sententia D. Thomæ relatio prædicamentalis creata distinguitur ex natura rei à fundamento.

52. Secundò probatur ratione generali, quæ utitur Caiet. Banez, Gonçal. Araux. Zanar. & alij Thomistæ citati: quia quæcumque pertinent ad diuersa prædicamēta, distinguuntur actualiter ante operationem intellectus; sed relatio, & fundamentum pertinent ad diuersa prædicamenta: ergo distinguuntur actualiter ante operationem intellectus. Minor, & consequētia constant. Maior verò satis probata est §. præced. & sumitur ex Arist. 5. Metaph. text. 14. ubi ens extra ani-

mam inquit, diuidi in decem prædicamenta per diuersos modos, non solum prædicandi; sed etiam essendi, ut ibi explicat D. Thom. Et lib. 10. text. 8. docet, nomine entis realis non significari immediatè aliquid vnum; sed ipsa plura, & suprema genera. Quæ omnia, & his similia, quæ passim docet Arist. consistere non possunt absque aliqua distinctione actuali ex natura rei inter prædicamenta: si enim à parte rei dantur decem suprema genera, nomine entis immediatè significata: ergo à parte rei vnum non est aliud, absque aliqua distinctione ex natura rei.

53. Tertiò probatur specialiter ex regula supra statuta: quia relatio aduenit realiter, fundamento existente, & perit realiter, ipso remanente: ergo distinguitur realiter ab illo. Consequētia patet. Antecedens verò probatur: quia Petrus ante generationem non est pater, & post illam est verè, & realiter pater; similiter pereunte filio desinit esse pater, manente eodem Petro. Et idem argumētum potest fieri de similitudine respectu albedinis: ergo relatio aduenit realiter, fundamento iam existente, & corumpitur realiter, ipso remanente.

Respondent contrarij, quod nō aduenit, aut perit realitas relationis, sed formalitas eius: vel, ut inquit Suar. quod relatio numquam separatur à fundamento secundum aliquid reale; sed solum destructio termino cessat relatiua denominatione.

Hæc tamen solutio solū in verbis

bis consistit, & facile impugnatur: quia illa formalitas, seu denominatio, quæ aduenit, aut perit, vel est quid rationis, vel aliquid reale. Si quid rationis: ergo non aduenit, aut perit aliquid, quod pertineat ad essentiam relationis prædicamentalis; siquidem nullum ens rationis potest esse de essentia alicuius entis realis; ac. proinde Petrus ante generationem habebit totam essentiam relationis paternitatis, dabiturque relatio prædicamentalis sine termino; quæ sunt absurda. Si autem illa formalitas, seu denominatio est quid reale in Petro: ergo iam aduenit, vel perit aliquid reale; & per cõsequens distinguuntur.

Cõfirmatur primò: quia propria ratio relationis, quatenus relatio est, seu quæ constituit hoc prædicamentum in esse talis, scilicet, esse ad, non potest consistere, neque intelligi absque termino, vt patet; sed talis ratio intrinsecè, & essentialiter est quid reale, vt ostendimus supra num. 11. ergo aliquid reale perit pereunte termino, vel aduenit, ipso adueniente.

Confirmatur secundò: quia illa relatiua denominatio, quæ dicitur incipere, vel cessare, posito, aut ablato termino, vel est extrinseca, vel intrinseca. Non primum: quia iam non posset constituere speciale prædicamentum, vt ostendimus infra disp. 16. ergo secundum, & per consequens verè incipit, aut cessat aliqua forma realis, à qua causetur talis denominatio relatiua.

54 Quartò: quia per aduentum relationis prædicamentalis reali-

ter, & intrinsecè mutatur fundam. tum: ergo realiter inter se distinguuntur. Consequentia patet. Antecedens verò probatur. Tùm quia aliàs possent poni in Deo relationes reales ex tẽpore, respectu creaturarum, salua immutabilitate diuina: quas tamen communiter negant Theologi; nulla alia ratione, nisi quia iam Deus mutaretur, per receptionem alicuius accidentis realis. Tùm etiam, quia intelligibile est, aliquam realitatem aduenire de nouo alicui, & quòd ipsum non mutetur; siquidem mutari est aliter se habere; sed relatio, & formale eius est aliqua realitas, vt supponimus: ergo adueniente ipsa realiter, mutatur fundamentum.

Cõfirmatur primò: quia relatio prædicamentalis facit compositionem realem cum fundamẽto: ergo ipsum realiter, & intrinsecè mutatur per receptionem illius. Consequentia patet. Antecedens verò est expressum D. Thom. locis in concl. adductis. Et probatur: quia relatio est verum accidens reale: ergo comparatur vt forma realis subiecto, cui inest; sed quæ comparatur inter se vt actus, & potentia realis, faciunt compositionem realem: ergo, &c. ¶ Confirmatur secundò: quia potest augeri entitas, quæ est albedo, non aucta similitudine: ergo distinguuntur ex natura rei. Consequentia videtur evidens: nam impossibile est, eandem rem realiter augeri, & non augeri. Antecedens verò constabit infra quæst. 8.

55 Tandẽ singulariter de relationibus, quæ immediatè fundantur

tur in substantia, probatur conclusio: quia impossibile est, idem à parte rei simul esse substantiam, & accidens reale; sed relatio est accidens reale: ergo impossibile est idem à parte rei simul esse substantiam, & relationem. Probatur maior: quia omnino repugnat idem realiter esse per se, & in alio; si enim à parte rei est in alio: ergo ante omnem intellectum datur unum, & aliud.

Confirmatur primò: quia esse per se, & esse in alio sunt modi reales oppositi, quorum unus trahit negationem alterius: ergo eo modo, quo substantia est ens per se, eo modo non est in alio; & eo modo quo relatio est in alio, eo modo non est per se; sed substantia realiter est ens per se, & relatio realiter est ens in alio: ergo neque substantia realiter est in alio, neque relatio realiter est per se; & per consequens realiter distinguuntur. ¶ Confirmatur secundò: quia relatiuum, & absolutum opponuntur contradictoriè: ergo idem à parte rei non potest simul esse absolutum, & relatio. Maneat ergo, omnem relationem prædicamentalem distinguere ex natura rei à suo fundamento.

56 Dicendum est secundò, distinctionem relationis à fundamento, in rigore loquendo, non esse modalem, neque solum entitativam ex parte essentia; sed verè distinguere ut duas res habentes diuersas existentias. Hæc conclusio est frequentior inter Thomistas, ut n. 47. vidimus. Quid planè docet D. Thom. tùm lib. 1. sentent. dist. 2. q. 1. art. 5. ad 2. ubi expressè affirmat, quòd

res comprehendit sub se absolutam, & relationes: tùm etiam locis pro prima conclusione adductis, dùm inquit, quòd fundamentum, & relatio sunt, *alia, & alia res*, & quòd *aliud est esse relationis, & substantia, quæ refertur*, ubi per ly *esse* intelligit existentiam, ut patet ex prioribus verbis. Cùm *esse diuina essentia sit ipsa essentia, &c.* Quo etiam sensu eodem lib. 1. sentent. dist. 20. q. 1. art. 1. ait. *Relatio, quæ habet esse in creatura, habet aliud esse, quàm sit esse sui subiecti. Vnde est aliquid aliud à suo subiecto.* Et dist. 21. q. 1. art. 2. *In creatis per paternitatem additur nouum esse, quòd est esse accidentale, & non idem, quòd est subiecti, &c.* Quòd tandem latè explicat, & probat libro 4. contra Gentes c. 14. ergo ex sententia D. Tho. relatio, in rigore loquendo, non est purus modus, sed res, & entitas habens propriam existentiam.

Id etiam conuincunt ferè omnes rationes adductæ pro prima conclusione, ut consideranti patebit. Et denuò probatur: quia nomen *rei* propriè sumptum, ut dicitur à *ratus, rata, ratum* significat, quòd habet quidditatem, siue essentiam, sicut *ens* dicitur, quòd habet existentiam, ut ex Auic. docet Angelicus Doctor in 2. dist. 37. quæst. 1. art. 1. ergo id, quòd verè habet essentiam, & existentiam, propriè est res, & ens; sed talis est relatio prædicamentalis; cùm sit accidens completum constituens speciale genus entis: ergo propriè est res, & ens.

57 Appellatur tamen sapè ab Auctoribus modus, & distinctio eius

eius modalis; vt explicetur eius tenuitas, & imperfectio. Per quod etiam possunt conciliari oppositæ sententiæ, vt consideranti patebit.

s. III.

ARGUMENTIS SVPRÆ
factis respondetur.

58 **A**d primum ex Aristot. & D. Thom. fatemur ad relationem non dari per se motum: quia non producit per aliquam actionem ad ipsam per se terminatam; producit tamen per accidens ad productionem alterius, vel per naturalem resultantiam, & ita ad illam datur per accidens motus. Quod docet expressè sanctus Doctor in 1. dist. 9. in 2. p. expositionis literæ ad primum: & innuit satis apertè Arist. addens *ly per se*, quæ est particula limitans: nam exceptio firmat regulam in contrarium, vt habetur lege *Nam quod liquide, ff. de penullegata*, & c. 2. de coniugio leprosor. Id autem quod addunt Arist. & D. Tho. scilicet, relationem aduenire absque mutatione subiecti, intelligitur de mutatione absoluta; non verò de relatiua. Sic respondet Banez 1. p. q. 13. art. 7. dub. 1.

Vel secundo respondetur cū Ferrara vbi supra, mutationem esse duplicem; aliam propriam, & strictè sumptam, quæ solet appellari physica, quæ, scilicet, per se producit aliquid; vt cōtingit in mutatione substantiali, augmentatione, alteratione, & motu locali: aliam verò largè, & communiter dictam, quæ solet appellari Metaphysica, quæ, scilicet, aliquid producit per simplicem emanationem, Arist. ergo,

& D. Tho. loquuntur de prima re de secunda. Per quod patet ad locum citatum tertiæ partis.

Ad alium verò ex opusc. 48. dici potest, solum velle D. Tho. similitudinem Sortis non esse aliam rem productam, per actionem, per se terminatam ad ipsam. ¶ Vel secundo respondetur cū Sanch. & Rubio vbi sup. Angelicum Doctor. mutasse sententiam, cuius vltima voluntas continetur in partibus. ¶ Vel tandem, & melius resp. dictum opusc. non esse D. Tho. sicut neque quoddam alia quorum meminimus disp. præced. n. 19. Quam solutionem præter Auctores ibi citatos approbât circa hoc propositum Ripa, Mas. Galleg. & alij Thomistæ moderni. Ex antiquis verò neque Capreol. Caietan. Ferrara aut alij, qui nostram sententiam defundunt, neque Ial el. aut Sonci. qui contrarium contendunt, vtuntur hoc opusculo; nulla alia ratione, nisi quia apud illos legitimum non habebatur. Soto etiā, qui primus in hac quæstio. usus est prædicto testimonio, loquitur dubitanter, & sub conditione *si sit D. Tho.* Restat ergo dictum opusc. ab antiquis etiam temporibus inter illegitima computari; ac proinde non esse, cur auctoritate eius preamur; maxime cū contrarium habeamus 1. part. & alijs locis adductis. Videatur Galleg. vbi supra.

59 Ad secundum negatur antecedens. Ad cuius probationem negatur etiam maior: nam reuera, posito termino, resultat in fundamento nova entitas realis. Ad id verò quod contra hoc assertur respondetur,

tur, quòd licèt nò detur causa producens talem relationē per actionem per se terminatam ad ipsam; datur tamen causa realis, à qua resultat per simplicem emanationē; vt à simili de passionibus animæ docet D. Thom. 1. part. quæst. 77. artic. 7. Talis autem causa non est terminus, sed ipsum fundamētum: à quo nò à principio pullulauit relatio: quia positio termini est conditio sine qua non. Cuius optimum exemplum est id, quod aliqui Theologi dicunt, scilicet, quòd si Verbum diuinum dimitteret naturam humanam, pullularet ab illa propria subsistentia, quæ tamen modò non pullulat, quia impedita est.

Ad primam confirmationem respondetur, in vno subiecto non posse esse plures relationes eiusdem speciei, vt infra dicemus. Vnde ex positione vnius albi, non resultant in alijs albis plures relationes similitudinis; sed per relationem, quæ in vnoquoque erat, modò referantur ad illud, quod de nouo ponitur; vt ibidē explicabimus. Esto autem, hoc esset falsum: nullum esset incōueniens ex positione vnius albi resultare tot relationes. Non enim repugnat, vnam conditionem siue qua nò deseruire pluribus causis, vt in exemplo adducto, si Verbum diuinum esset vnitum mille naturis humanis, & simul dimitteret illas, ex vnica dimissione resultarent mille subsistentiæ in illis naturis.

Ad secundam confirmationem constat ex solutione ad primum. Non enim omne, quod per se est

res, & entitas realis, est per se producibile; sed quædam sunt, quæ ex natura sua petunt primò productionem alterius, & hæc non possunt per se primò actionem terminare; vt patet in potentia intellectuali, & alijs proprijs passionibus, quæ licèt ex se sint entia realis, quia tamen essentialiter exposcunt productionem suæ essentiæ; idè per se primò non producuntur, sed comproducuntur, vel dimanant à tali essentia. Et huiusmodi est relatio, quæ essentialiter petit suum fundamentum productum, à quo, posito termino, naturaliter resultat, vt dictum est.

60 Ad tertium neganda est minor, vt supra num. 51. vidimus ex D. Thom. Cuius probatio non vrget. Nam vt benè inquit Caiet. vbi supra, album simile esse compositius, quàm album, non solum non incōuenit, imò est necessarium: quia similitudo realis est essentialiter accidens. Fallitur tamen imaginatio ex eo, quòd relationum nomina nò offerunt explicitè esse *in*, sed esse *ad*, & hoc est quod docet D. Thom. loco adducto in argumento, scilicet, relationem secundum explicitam rationem *ad*, non efficere compositionem cū subiecto: quia prout sic consideratur ad terminum, non verò in subiecto. Hoc tamen non tollit, quominus secundum quòd dicit *in*, verè componat cū illo. Videatur Angelicus Doctor artic. sequenti ad 7.

Ad confirmationem negatur sequela: nò enim infertur, posse relationē separari à fundamento, ex eo quòd

quòd distinguatur ab eo, vt supra vidimus, & patet mille exemplis. Constat enim, quantitatem distinguì realiter à figura; & tamen communior sententia censet, etiam de potentia absoluta, non posse esse quãtitatem finitam absque figura. Materia etiam distinguitur realiter à forma, & actio vitalis à suo principio; & tamen iuxta certiorẽ sententiã, nullo modo possunt esse sine illis. ¶ Et quidem licet in proposito aliqui admittant, posse Deũ separare similitudinem à duobus albis, manentibus ipsis; id tamen videtur impossibile, tũ propter debilitatem relationis, tũ propter essentialẽ dependentiam, & intimam connexionem cum fundamento, & termino, sicque censent frequenter Thomistæ cum Caietano, vbi supra. ¶ Sed quidquid sit de hoc; dato per impossibile, quòd à duobus albis auferretur relatio, nõ manerent formaliter similia, sed tantũ fundamentaliter. Neque hæc doctrina habet maiorem difficultatem, quàm illa, quam cap. de proprio quæst. 2. tradit ipse Soto, cuius est hoc argumentum, dicens, quòd si Deus separaret risibilitatem ab homine; tunc homo diceretur radicaliter, & non formaliter risibilis: quia deesset ei quãdam entitas, & forma realis, constituens ipsum formaliter risibile.

61 Ad quartam neganda est minor. Ad cuius probationem respondetur, quòd sicut non est impossibile; sed de facto contingit, numerum prædicamentalem, qui est quoddam accidens reale, & ve-

ra species quantitatis, esse in pluribus subiectis inadæquatis, etiam si sint realiter distincta, & discontinua, iuxta dicta disputatione præcedenti, n. 83. sic non est impossibile, neque vllum continet inconueniens relationem duplicitatis, quæ est propria passio numeri, & fundatur in eo, esse in pluribus subiectis partialibus realiter diuisis.

Ad confirmationem negatur antecedens, & ad probationem respondetur cum Ferrara duplicitatẽ illam esse totam in toto, & partem in parte. Cũ autem inflatur: aut est eiusdem rationis cum toto, aut nõ? fateamur non esse eiusdem rationis. Ad id verò, quod contra hoc obijcitur, respondetur, quantitatem bicubitam dupliciter cõsiderari posse: vno modo in ratione quãtitatis continuæ, v.g. lineæ, vel superficiei: alio modo, vt induit modum quantitatis discretæ, vt, scilicet, significatur nomine bicubitæ, quod ergo habet extensionem, & diuisibilitatẽ ex quantitate, vt habet rationem continui, diuiditur in partes eiusdem rationis; sicut ipsa quantitas: nam linea diuiditur in lineas, & superficies in superficies: & similiter albedo, quæ hoc modo habet diuisibilitatem à quantitate, diuiditur in albedines, &c. At verò id, quod habet diuisibilitatem à quantitate, vt induit modum discreti, non diuiditur in partes eiusdem rationis: quia neque sic quantitas diuiditur, siquidem bicubitum non diuiditur in bicubita, vt patet. Quia ergo duplicitas, de qua procedit argumentum, accipit diuisionem à continuo in quan-

in quantum induit rationem discreti; ideo non oportet, ut diuidatur in partes, quarum qualibet sit duplicitas; sed quarum qualibet sit pars duplicitatis.

QVÆSTIO VI.

Verum relatio terminetur ad absolutum, vel respectuum?

Hucusque egimus de relatione, per comparisonem ad fundamentum: restat agamus de illa in ordine ad terminum: quia ex utriusque noticia pendet plena cognitio relationis, cum sit ordo vnus ad aliud.

62 Pro tituli autem intelligentia sciendum est, *fundamentum*, & *terminum*, alijs nominibus appellati *relatiuum*, & *correlatiuum*. Fundamentum dicitur relatiuum: quia media relatione refertur ad terminum; terminus verò dicitur correlatiuum: quia ex eo quod fundamentum referatur ad terminum; terminus ipse correfertur ad fundamentum. Quod sit, vel media alia relatione ex parte termini resultant, & ei inhaerente, ut cernitur in relationibus mutuis; vel ab eadem relatione fundamenti, à qua terminus extrinsecè denominatur correlatiuum, ut contingit in relationibus non mutuis.

Differunt autem ista nomina, *fundamentum*, & *terminus*, ab his *relatiuum*, & *correlatiuum*, quod illa non exprimunt in suo formali significato ipsas relationes, quas tamen ista pro formali important; & ideo ex eo quod relatio exigat terminum, in ordine ad quem constituitur in sua essentia, sicut dictū

est in superioribus; nō habetur de finitum: an correlatiuum ipsum exigatur ad hoc, ut terminus intelligatur sub ratione formali termini: an verò concomitanter tantum se habeant? Quod tamen oportet examinare: quia in hoc præcipuè intima relatiuorum penetratio sita est. Inquirimus ergo: an terminus relationis terminet formaliter eam secundum aliquam rationem absolutam; vel potius secundum aliquam rationem relatiuam, seu formaliter quatenus est correlatiuum? Vel clariùs: an ratio formalis terminandi sit quid absolutum, vel quid pertinet ad relationem?

S. I.

VARIE DOCTORVM

sententie referuntur.

63 **T**ripertiti sunt Auctores in hac quæstione. Quidam enim (& est prima sententia) vniuersaliter affirmant, omnem relationem predicamentalem terminari ad absolutum. Sic docent Scotus in 1. dist. 30. quæst. 1. & eius discipuli. Quos sequuntur Vazquez 1. parte disputat. 159. cap. 6. Suarez disput. 47. Metaph. sect. 16. Hurtado ibid. disput. 15. sect. 7. Oñe hinc quæst. 1. art. 3. Lorin. quæst. 8. & Paulus Valilius tom. 1. Logica quæst. 11. cap. 9. In quam etiam sententiam inclinare videntur ex Thomistis Capreolus in 1. dist. 30. q. 1. artic. 2. ad 3. Scoti. quod est circa finem articuli. Soncinas 5. Metaphysic. q. 30. ad 2. & 3. & Soto in hoc capite quæst. 1. ad 8.

Probatur primò hæc opinio: quia posito fundamento, & termino statim resultat relatio: ergo ante illā intel.

intelligitur fundamentum integrè, & formaliter constitutum in esse fundamenti; & terminus in esse termini. Sed quidquid antecedit relationem est res absoluta: ergo terminus constituitur formaliter in esse termini per aliquid absolutum. Minor, & vltima consequentia constant. Prima autem videtur manifestà: quia quidquid habet rationē causæ respectu alicuius, debet esse prius illo, non solum secundū suam entitatem materiale, sed etiam formaliter secundū id, per quod constituitur in esse causæ eius. Antecedens autem, praterquam quòd videtur commune Philosophorum axioma, facillè probatur: quia relatio est ordo vnus ad aliud, nempe fundamenti ad terminum: ergo dependet ab illis, & ex eorum positione resultat.

Confirmatur primò: quia si vna relatio esset terminus alterius, iam expositione vnus resultaret alia; ac proinde non essent simul natura.

Confirmatur secundò: quia terminus verè pertinet ad specificatum relationis, vt infra constabit: ergo etiam secundū rationem formalem terminandi antecedit ipsam relationem. Pater consequentia: quia specificatum habet rationē causæ respectu rei specificatæ, vt inductione patet in omnibus.

64 Secundò: quia si aliqua relationes terminarentur ad relatiuum, maximè mutua; sed hæ verè terminantur ad absolutum: ergo nulla relatio terminatur ad relatiuum. Maior, & consequentia constant. Minor verò probatur: quia in

relationibus mutuis ratio terminandi vnā est ratio fundandi alia; sed ratio fundandi quancumque relationem non potest esse aliqua relatio, sed quid absolutum: ergo ratio terminandi non potest esse quid relatiuum, sed absolutum. Consequentia est evidens, & minor ex dictis certa: nam vna relatio non potest fundari in alia. Maior autem probatur: quia relationem esse mutua, consistit in hoc, quòd id ipsum, quòd constituit aliquid in esse termini vnus relationis, constituat ipsum in esse fundamenti alterius, aliàs si ad mutuitatem sufficeret terminum vnus materialiter sumptum esse fundamentum alterius, iam similitudo, verbi gratia, quam in albedine habet filius respectu patris, & paternitas, quam habet pater respectu filij, essent relationes inter se mutua, quòd est absurdum.

Confirmatur primò: quia paternitas ex natura sua est relatio mutua; & tamen inuenitur in Beata Virgine absque reali filiatione sibi correspondente ex parte Christi Domini, iuxta sententiam D. The. 3. part. quest. 35. art. 5. ergo signum est vnā ex his relationibus non pendere essentialiter ab alia, neque formaliter terminari ad illam. Probatur consequentia: quia aliàs vna non posset manere, neque terminari sine alia, etiam de potentia absoluta.

Confirmatur secundò ex communi modo loquendi: quia vnum album non dicitur simile alteri simili, sed alteri albo, & vnum quan-

quantum non dicitur æquale alteri æqual; sed alteri quanto: ergo ratio terminandi non est relatio; sed quid absolutum.

65 Tertiò tandem probatur: quia repugnat vnum relatiuum exactè, & essentialiter definiri per correlatiuum formaliter sumptum: definitur autem rectè per terminum: ergo terminus, formaliter quatenus terminus, non est quid relatiuum. Minor, & consequentia constant. Maior autem probatur ab inconuenientibus; quod genus argumenti in proposito efficacius est pro hac sententia.

In primis enim sequeretur, tales definitiones non dari per notiora definito. Quod sic ostenditur: quia impossibile est, idem simul esse notius, & ignotius seipso: ergo relatiua non possunt se inuicem explicare, vnum per aliud definiendo. Si enim ignoras quid sint *duplum*, & *dimidium*, nihil tibi palam faciet, qui dixerit: *Duplum est, quod est ad dimidium, & Dimidium est, quod est ad duplum*.

Vtteriùs etiam sequeretur, dari circulum in definitionibus relatiuorum, quem licet aliqui Auctores admittant, id tamen quàm sit irrationabile, & contra omnem benè definiendi artè; sic probatur. Quæcumque recta definitio tradenda est per priora, & notiora definito: ergo etiam in definitionibus relatiuorum non potest dari circulus. Consequentia est euidens. Antecedens verò latè docet, & probat Aristoteles 6. Topicorum capit. 3. vbi inter alia inquit: *Primum ergo,*

si non per priora, & notiora constituitur definitio. Nam quoniam definitio assignatur, eius cognoscendæ gratia, quod dicitur. Cognoscimus autem non ex quibuscumque; sed ex prioribus, notioribusque, quemadmodum in demonstrationibus. Manifestum igitur, quod qui non per huiusmodi definiuit: non definiuit, &c. & infra. Oportet per genus, & differentiam definire eum, qui benè definit. Hæc autem simpliciter priora, & notiora sunt speciebus, &c.

Confirmatur primò ex eodem Aristot. 5. Metaph. c. 15. vbi planè videtur reijcere circulum à definitionibus relatiuorum; dum inquit: *Similiter & visus, cuiusdam est visus, non cuius est visus (& si verum est hoc dicere) sed ad colorem, aut aliquid aliud tale, illo verò modo bis idem diceretur, &c. Quorum verborum sensus videtur esse, quem latè expendit Vazquez vbi supra, & disput. 104 antecedenti cap. 2. quòd, scilicet, visus non rectè definitur per visibile formaliter sumptum; sed per colorem, aut quid simile: quia idem bis repeteretur.*

Cōfirmatur secundò ex D. Tho. 1. p. q. 25. art. 3. vbi eadem ratione docet, omnipotentiam non benè definiri per possibile, vt sumitur relatiuè ad ipsam. Quia erit (inquit) *circulatio in manifestatione omnipotentia. Hoc enim non est aliud quàm dicere, quòd Deus est omnipotens; quia potest omnia, quæ potest. Relinquitur igitur, quòd Deus dicatur omnipotens, quia potest omnia possibilis absolute, &c.* Ergo nullo modo admittendus est circulus

Ius in definitionibus relatiuorum, & consequenter non rectè vnum per aliud definitur.

Denique sequeretur in huiusmodi definitionibus, vnum per se ipsum definitum, & definitum ingredi definitionem. Quod sic probatur: quia ex doctrina Aristot. 2. Topicorum cap. 2. loco nominis positi in aliqua definitione, potest poni eius definitio: si enim dicas, homo est animal rationale; licet tibi etiã dicere; homo est viuens sensibile rationale: ergo si hæc est bona definitio patris: pater est, qui est ad filium, loco filij posset poni sua definitio, quæ esset hæc: *Filius est, qui est ad patrem*: & ita fiet nugatoria definitio patris dicendo: *Pater est, qui est ad eum, qui est ad patrem*: iam ergo pater definiretur per se ipsum, & ingrederetur suam definitionem.

66 Secunda sententia præcedenti extremè opposita affirmat, omnem relationem prædicamentalem formaliter terminari ad relatiuum. Hæc proculdubio est mens Aristotelis, & Diui Thomæ, vt postea constabit. Et idè eam defendant plures, & nobiliores Thomistæ, Caietanus in hoc capite, & 1. p. quæst. 13. art. 7. Banez ibidem dubio vni-co ad 2. Nazarius cõtrouersia vni-ca Zumel quæst. 2. Flandria 5. Metaph. quæst. 16. art. 20. Arauxo ibidem q. 5. art. 7. Sanchez lib. 5. Logica q. 34. Vincentius Iustinianus lib. 1. Dialecticarum institutionum cap. 8. quæst. 4. & alij. Quæ etiam fuit mens Auicennæ vt patet 3. Metaph. cap. 8. & antiquorum Inter-

pretum Arist. vt ex Aberro. adnotabimus infra num. 78.

67 Tertia sententia inter vtrâque media, distinguit inter relationes mutuas, & non mutuas: hasque asserit ad absolutum terminari; illas verò ad relatiuum. Sic docent Ferrara 2. contra Gentes c. 11. Deza in 1. dist. 3. quæst. 1. Masius hic sect. 3. quæst. 2. Gallego controuersia 29. Rubio, quæst. 7. & Valentia 1. p. quæst. 13. disp. 1. puncto 4. circa finem.

Probatur primo ex Aristot. in hoc capite, text. 5. vbi assignans quartam relatiuorū proprietatem, quòd, scilicet, sint simul natura, expressè fatetur, eam aliquibus relatiuis non conuenire, scilicet, non mutuis: inquit enim. *Videntur autem ipsa ad aliquid simul esse natura. Et in plurimis quidem verum est; in aliquibus verò non verum, &c.* Quod etiam planè docuisse videtur D. Tho. 1. p. q. 13. art. 7. ad 6. dùm de relatiuis inquit: *Si autem eorum in sui intellectu claudat aliud, & nõ e conuerso; tunc non sunt simul natura: & hoc modo se habent scientia, & scibile, &c.* Et quæst. 7. de potentia art. 8. ad 1. apertè fatetur, relatiua non mutua, vt Deum, & creaturam non esse simul natura, ergo ex sententia Arist. & D. Tho. relatiua non mutua terminantur ad absolutum; quandoquidem si ad relatiuum formaliter terminarentur, iam essent simul natura, vt patet.

Cõfirmatur ex eodem Angelico Doctore ar. 10. sequenti in solutione ad 4. vbi affirmat, quòd cū hoc nomen, *dominus*, tria importet, scilicet,

scilicet, potentia coercendi subditos, ordinem ad subditos, & terminationem ordinis subditorum ad dominum: huius significatio inuenitur quidem in Deo quantum ad primum, & tertium; non autem quantum ad secundum; ergo secundum D. Thom. Deus terminat relationem creaturæ absque aliquo ordine ipsius ad creaturam; & consequenter sub ratione absoluta.

Secundo probatur ratione ex eisdem locis desumpta: quia relationes creaturarum ad Deum, & aliæ non mutua habent à parte rei terminum integrè, & formaliter constitutum ad eas terminandas ante quamcunque relationem: ergo ratio formalis terminandi non potest esse quid relatiuum; sed absolutum. Cōsequētia patet. Et probatur antecedens: quia in huiusmodi relatiuis, alterū extremum nullam relationem habet, nisi dum actualiter consideratur: & tamen terminat relationem alterius extremi ad se nullo intellectu considerante: ergo ante omnem relationem est formaliter constitutum in ratione termini; & ex cōsequēti terminat ratione absoluti.

Confirmatur, & explicatur hæc ratio: quia in Deo, verbi gratia, ut est terminus relationis creaturarum, tria tantum possunt considerari, scilicet, perfectio illa realis, seu attributum, secundum quod conuenit illi terminare talem relationē; & denominatio extrinseca resultans in Deo ex reali relatione creaturarum ad ipsum; & tandem relatio rationis, qua intellectus noster conrefert ipsum Deum ad crea-

turas; sed neque per huiusmodi relationem rationis, aut denominationem extrinsecam constituitur Deus in esse termini relationis creaturarum: ergo formaliter terminat eas ratione suæ perfectionis, & entitatis absolutæ. Maior, & consequētia patet. Minor verò quoad primam partem constat ex ratione præcedenti; & videtur satis per se manifesta. Quoad secundam verò probatur: quia quauis ab eadem relatione possit vtrumque extremum denominari relatiuum; alterū intrinsecè, & alterum extrinsecè: id tamen cōtingit ordine quodam, & causalitate, ut sumitur ex Arist. in hoc c. asserente, scibile dici relatiuum, non quia ipsum referatur ad scientiam, sed quia scientia referatur ad ipsum; ac proinde prius est scientiā referri ad scibile; quam quod ipsum extrinsecè denomine- tur correlatiuum. Sed ratio formalis terminandi non est posterior ipsa relatione, quam terminat, ut de se constat: ergo per talem denominationem extrinsecam non potest Deus constitui in esse termini relationis creaturarum.

§. II.

*STATVITVR VERA
sententia: ipsaque auctoritate,
& ratione probatur.*

68 Q. Vanis omnes adductæ opiniones sint satis probabiles, secunda tamen sententia ut probabilior, magisque Aristoteli, & Diuo Thomæ conformior, ac christiana Philosophiæ, & Theologiæ congruentior, cæteris præferenda est, asseren-

asserēdumque, omnem relationem prædicamentalem, siue mutuam, siue non mutuam formaliter terminari ad relatiuum. Sic docent Auctores supra num. 66. adducti: estque hæc conclusio communior inter Thomistas. A quibus non dissentiunt Capreol. Soncinas, & Soto adducti pro prima sententia: ipsi enim se satis explicant, & planè de termino materiali loquuntur, siquidem eisdem locis expressè docent, & probant, relatiuum non definiri per terminum, vt est prior, & magis notum; sed vt est simul natura, & æquè notum: adduntque, ipsum necessariò debere intelligi relatiuè, vt terminet relationem alterius extremi, vt patet in solutionibus argumentorum sequentium. De quo etiam videri potest Soncinas in expositione Porphyrij cap. de specie ad tertium.

Probat̃ur primò cõclusio auctoritate Aristot. Porph. & D. Thom. Aristoteles siquidem in hoc c. probans, omnia relatiua, si rectè assignentur, dici ad conuertentiam, inter alia inquit: *Amplius siquidem conuenienter assignatur, ad quod dicitur, omnibus alijs sublati, quæcũque accidētia sunt; relicto autem solo illo, ad quod assignatum est conuenienter, semper ad ipsum dicitur. Vt si seruus ad hominem dicitur, circumscriptis omnibus, quæ accidētia sunt domino, vt esse bipedem, vel hominem relicto verò solo, quod dominus est, semper seruus ad ipsum dicitur.* Et post pauca. *Circumscribatur ab homine esse dominum; non sanè amplius seruus ad dominum dicitur.*

Cum enim dominus non sit, neque seruus est, &c. Quibus verbis manifestè docet Aristot. quòd sublata à termino relationis quacumque ratione absoluta, si maneat relatiua denominatio, verè terminat relationem. E contra verò si ab illo auferatur esse relatiuum, non ampliùs terminat relationem, etiam si manzant quæcumque aliæ rationes absolutæ. Et loquitur vniuersaliter de omnibus relatiuis, vt patet in textu. Quem explicans Aberroes ibidem subdit, quòd semper id, ad quod dicitur relatiuum, debet esse in prædicamento relationis. Ergo ex sententia Aristot. ratio terminandi quacumque relationem nõ potest esse aliquid absolutum.

Id ipsum sensisse Porphyrium c. de specie fatentur ferè omnes eius Interpretes. Reddens enim rationem: quare genus per speciem, & rursus speciem per genus definierit, subdit: *Noſſe oportet, quòd quoniam & genus alicuius est genus, & species alicuius est species, vtrumque vtriusque idcirco necesse est in vtriusque rationibus vtriusque vti.* Vbi ex ipsa natura relatiuorum infert, vnum per aliud debere definiri. Quæ ratio nisi procedat de relatiuis, formaliter quatenus relatiua sunt, nulla erit, vt per se patet.

Tandem idem docuisse D. Tho. planè conuincitur. Tũ ex eo, quòd ipse 1. part. quæst. 42. artic. 3. ad 2. opusc. 37. c. 1. & alibi sæpè expressè affirmat, vnum relatiuum formaliter includi in definitione alterius. Tũ etiam, quia apud ipsum omnia relatiua, siue mutua, siue nõ

mutua, si rectè assignentur, sunt formalis natura ut infra n. 68. constabit, quod est vnum ex præcipuis fundamentis nostræ sententiæ, ut iam expendemus. Tùm denique, quia eadem 1. p. q. 40. art. 2. ad 4. exponens definitionem relatiuorum docet, per ly *aliud* intelligendum esse correlatiuum formaliter sumptum his verbis: *Cùm dicitur, quòd relatiui esse est ad aliud se habere, per ly, aliud, intelligitur correlatiuum, quod non est prius, sed simul natura.* Et 2. contra Gentes cap. 11. *Non potest aliquid intelligi ad alterum; nisi è conuerso illud relatiuè diceretur ad ipsum.* Quæ omnia planè repugnant fundamentis aduersariorum, ut patet: ergo ex sententia D. Tho. terminus formalis cuiuscumque relationis est aliquid relatiuum.

69. Secundò probatur conclusio ratione desumpta ex ipsa natura relationis. Quia relatiua, quatenus formaliter talia, exercent oppositionem relatiuam; sed oppositio relatiua essentialiter includit rationes referendi, & terminandi: ergo vtrumque munus exercent relatiua per relationes. Maior, & consequentia constant: quia relatiua per ipsas relationes, & non per fundamenta absoluta sortiuntur formalem oppositionem. Minor verò probatur: quia oppositio relatiua non est aliud, quam respectus vnus ad alterum, ut omnes fatentur cum Aristot. in post prædicamentis c. de oppositis, & docet D. Thom. 1. p. q. 28. art. 3. explicatque latè Caietan. eodem capite. In respectu autem vnus ad aliud includitur per se

vtraque ratio referendi, & terminandi; siquidem non potest intelligi vnū respicere aliud, quin istud respiciatur, & respectum terminet.

Respondent aliqui, verum esse, oppositionem relatiuam, etiam non mutuam includere prædictas rationes referendi, & terminandi, non tamen vtrumque exercere relatiua per relationem: nam licet ipsum respicere per relationem exercent, terminare autem non, nisi per entitates absolutas, ac proinde non cōuinci, relatiuè opposita ad relatiuum formaliter terminari.

Hæc tamē solutio minimè enervat vim nostræ rationis, & contra illam sic insurgimus. Quia in relatiuè oppositis illud per se primò respicitur ab altero, quod per se primò illi opponitur; sed quod hoc modo alteri opponitur, est correlatiuum formaliter ut tale: ergo ut sic respicitur, & consequenter ut sic exercet munus terminandi. Consequentia constat. Minor etiam est certa: quia ipsa relatio est formalis oppositio, ut sumitur ex D. Thom. loco citato, & docet q. 42. sequenti art. 1. ad 4. Cuius verba adduximus supra num. 31. Maior autem probatur: quia oppositū relatiuè, quatenus tale, illud per se primò respicit, quod è regione primò sibi correspondet, primò contraponitur, & aduersatur; non autem quod materialiter, & quasi disparate se habet; sed illud est correlatiuum ut tale: ergo ut sic respicitur, & exercet munus terminandi.

Confirmatur 1. ex Arist. dicto c. de oppositis, ubi definiens relatiuè opposita

opposita inquit: *Quaecunque ut relatiua dicuntur, ea ipsa quae sunt, oppositorum dicuntur, aut quomodo libet aliter ad ea.* Quibus verbis perspicue docet, relatiuè opposita ad correlatiua, ut sibi formaliter opposita, terminari; & consequenter ad correlatiua formaliter: siquidem ly, *oppositorum*, in definitione positum formaliter debet accipi.

Confirmatur secundò: quia si relatiuè opposita formaliter ut talia solum exercent munus referendi, non verò terminandi; sequeretur, oppositionè relatiuà (quæ, ut ostensum est, utramque rationem includit) non inueniri adæquatè in relatiuis ut relatiuis formaliter. Hoc autem esse absurdum, patet: quia oppositio contraria adæquatè reperitur in contrariis ut contrariis formaliter; & idem proportionabiliter cernitur in oppositione contradictoria, & priuatiua; ergo idem dicendum est de oppositione relatiua, quòd, scilicet, adæquatè exercetur per relatiua ut formaliter talia, alioquin huiusmodi oppositio non continebitur adæquatè intra genus relationis; & consequenter proprios limites sui generis egredietur: ex quo ulterius fiet, non esse veram oppositionem relatiuam.

70 Tertiò probatur theologica ratione ex diuinis relationibus petita. Quia in diuinis Pater, & Filius ad inuicem referuntur, & suos respectus terminant per ipsas relationes paternitatis, & filiationis: ergo etiam in creatis similes relationes verè terminantur ad relatiuum. Antecedens est omninò certum:

quia Pater, & Filius ad inuicem referuntur, & se inuicem terminant per eas rationes, per quas realiter distinguuntur, & opponuntur: cum idem non referatur, nec terminetur realiter ad se ipsum, sed non distinguuntur, aut opponuntur per aliquid absolutum; sed tantum per relationes iuxta receptum Theologorum axioma: *In diuinis omnia sunt enu, ubi non obuiat relationis oppositio*: ergo per solas relationes se inuicè respiciunt, & terminant. Consequenter verò probatur. Tum quia relationes creatæ verè assimilantur diuinis in hoc, quod est respicere terminum, ergo etiam assimilari debent in ratione terminandi. Tum & maxime: quia ex ipsa natura oppositionis relatiuæ provenit, quòd relationes diuinæ terminentur ad relatiuum; quandoquidem sicut distinctio inter personas diuinæ non potest reduci, nisi ad oppositionem relatiuam, quæ distinctionem in sua ratione includit; ita etiam terminare secundum rationes relatiuas non potest ex alio capite, quam ex oppositione provenire. Cum ergo in relationibus creatis verè, & propriè saluetur ratio oppositionis relatiuæ, sicut in diuinis; consequens est proportionabiliter esse de vtriusque philosophandum.

Respondent aduersarij, ex relationibus diuinis non posse conueniens argumentum desumi: quia cum ipsæ sint infinitæ, substantiales, & per se subsistentes, realiterque identificata cum absoluto Deitatis, ibi nihil est absolutum distinctum, ad quod possint terminari; ac proin-

de mirum non est, si vnaqueque se ipsa suum relatiuum terminet. Secus autem contingit in relationibus creatis, quæ sunt accidentia, & distinguuntur à suis fundamentis, &c.

Ceterum hæc solutio non satisfacit. Et in primis absque fundamento asseritur, non posse ex diuinis relationibus ad creatas argumentum efficax deduci. Cum enim persæpè Theologi efficaciter argumententur ex relationibus creatis ad diuinas, ablati imperfectionibus, cum quibus pernixtæ sunt in creaturis; cur non licebit e conuerso à diuinis ad creatas relationes argumentari in his, quæ consequuntur ex ipsa natura relationis, in qua proportionabiliter conueniunt?

Quod autem relationes diuinas terminari ad relatiuum oriatur ex ipsa formalissima ratione relationis, quæ communis est utrique relationibus; non verò ex eo, quod sint infinitæ substantiales, aut realiter identificatæ cum essentia diuina, sic efficaciter ostenditur. Quia huiusmodi discrimina in solutione assignata conueniunt prædictis relationibus, secundum quod dicuntur esse *in*; quæ ratio materialiter se habet ad formalem rationem relationis, quæ sumitur versus terminum, & exprimitur per esse *ad*. Sed terminari ad relatiuum non est esse *in*, sed esse *ad*, ut patet, ergo id non conuenit relationibus diuinis: quia sunt infinitæ, substantiales, &c. Minor, & consequentia constant. Maior autem probatur optimo discursu, quem habet Diu. Thom. 1.

part. quæst. 28. artic. 2. Nam quod relationes creatæ sint accidentia, aut distinguantur à suis fundamentis, omnino sumitur per comparisonem ad subiectum, ut patet. Et quia quidquid in rebus creatis habet esse accidentale, translatum in Deum habet esse substantiale; ideo (inquit Diu. Thom.) *Ex ea parte, quæ relatio in rebus creatis habet esse accidentale in subiecto, relatio existens in Deo habet esse essentie diuine. In hoc verò, quod ad aliquid dicitur, non significatur aliqua habitudo ad essentiam; sed magis ad suum oppositum, &c.* Ergo quod relationes diuinæ sint substantiales, & realiter identificatæ cum essentia; creatæ verò accidentia à suis fundamentis distincta, & alia similia discrimina, non conueniunt illis ex ipsa formali ratione relationis, secundum quod sunt ad terminum, ac proinde in hoc omnino debent proportionari dictæ relationes, & consequenter persistat efficacia rationis à nobis inductæ.

Confirmatur: quia ex eo quod propria, & formalissima ratio relationis realis non sumatur per ordinem ad subiectum, sicut sumuntur propriæ rationes aliorum prædicamentorum; sed per comparisonem ad extrinsecum terminum, oritur, ut ex modo quo concipitur; & significatur, præcisè ut est *ad*, non exprimat realitatem sicut illæ; ac proinde fundat maiorem conuenientiam cum relationibus rationis, quam fundant alia prædicamenta cum entibus rationis ad eorum similitudinem eformatis, ut

ex D. Thom. explicuimus supra n. 12. ergo etiam ex eadem formalissima ratione procedit, quod relationes diuinæ præcise vt sunt ad terminum, non exprimant esse substantialia, infinita, &c. & consequenter fundant in tali ratione maiorem convenientiam, cum relationibus creatis, quam fundant cetera attributa Dei, cum perfectionibus creaturarum sibi correspondentibus. Cum ergo ex sapientia diuina, v.g. optime desumatur argumentum ad sapientiam creatam in ratione formalis sapientie, secundum quam comparatur ad obiectum, potiori iure sumetur argumentum ex relationibus diuinis ad creatas in ratione formalis relationis, secundum quam comparantur ad terminum.

71. Quartò probatur conclusio: quia si relatio non terminaretur ad relatum, iam in definitione alicuius creature poneretur Deus sub propria ratione absoluta: ergo iam aliqua creatura ordinis naturalis esset naturaliter incognoscibilis, quod est absurdum. Sequelam admittunt Auctores, quos impugnamus. Consequentia verò probatur: quia Deus sub propria ratione absoluta nequit a nobis cognosci in hac vita; quandoquidem conceptus omnes, quos hic de Deo formamus, necessariò sunt connotatiui, neque Deum immediatè repræsentant, absolutè, & simpliciter loquendo, vt sumitur ex D. Tho. in 4. dist. 49. quæst. 2. art. 1. & tractant rectè Capreol. in 1. distinct. 22. quæst. 1. conclus. 4. & ad 3. Aureoli Nazar. 1. part. quæstione 13. artic. 1. in ex-

positione text. & alij Theologi.

Respondet Suar. sufficere cognitionem confusam, & abstractiuam Dei secundum esse absolutum terminans relationem, quæ cognitio bene potest haberi in hac vita. Hec tamen solutio plura petit; sed promittit rejicitur. Tum quia cognitio distincta, & perfecta definiti haberi non potest absque distincta, & perfecta cognitione partium definitionis, secundum eam rationem, quæ ingreditur illam. Tum & maxime: quia saltem talis creatura esset incomprehensibilis à quocunque intellectu creato, etiam de potentia absoluta; quandoquidem ad veram comprehensionem rei exigitur, vt plenè cognoscantur omnes rationes, quomodocunque ad ipsam pertinentes: ergo si Deus secundum suum esse absolutum pertineret ad definitionem alicuius creature; oportet ad eius comprehensionem plenè cognoscere, tale esse absolutum, quod nulli intellectui creato communicari potest. Videatur Nazar. art. 7. sequenti conclusione 1.

12. Vltimò probatur conclusio ex proprietatibus relatiuorum ab Aristot. assignatis in hoc capite. Quia omnia relatiua formaliter sumpta, si rectè assignentur, sunt simul natura, & cognitione: ergo omnia formaliter terminantur ad relatum. Antecedens est Aristot. & D. Thom. vt postea constabit; facileque probatur. Quia relatiua formaliter sumpta se mutuo includunt, & ponunt, & perinunt, vt ex eodem Philosopho inquit Angelicus Doctor opusc. 37. cap. 1. &

vnum non est causa alterius in quo consistit similitudo naturæ, ut suo loco explicabimus, unde etiam provenit, quod vnum non possit sine alio intelligi: ergo verè sunt simul natura, & cognitiōe. Consequentiā verò probatur: quia filius v.g. secundum entitatem absolutā prior est paternitate, cum hæc ex positione illius resultet: ergo ratione talis entitatis absolutæ nō est simul natura: at terminus formalis exigitur in relatiuis ex ipsa ratione *ad*, secundum quam sunt simul natura: ergo prout sic debet terminare, & ex consequenti secundū rationem relatiuam. Item si paternitas terminaretur ad entitatem absolutā filij; ista cognita, etiam si non cognoscatur relatio filiationis, cognosceretur perfectè paternitas: ergo revera poterit vna sine alia cognosci; & consequenter non erunt simul cognitiōe. Quæ omnes rationes cum procedant ex ipsa natura, & proprietatibus relationis, ut comprehendit mutuas, & non mutuas, æquè conuincunt intentum de vtrisque, ac proinde omnes formaliter terminantur ad relatiuum.

§. III.

*ARGUMENTIS PRO PRI-
ma sententia factis respondetur.*

72 **A**D primum dicimus, antecedens esse verum de termino, non formaliter, sed materialiter, aut radicaliter sumpto. ¶ Pro cuius luce notandum est cum Nazario ubi supra, in quocumque relatiuo distinguendam esse duplicem rationem terminandi; aliam radicalem, & aliam formalem. Radicalis est illa

entitas, seu perfectio absoluta, unde oritur, & supra quam fundatur ipsa ratio formalis terminandi. Hæc autem est id, in quo vltimò sitit respectus alterius relatiui, & per quod per se primò opponitur, & correfertur illi, v.g. in patre ratio radicalis terminandi relationem est potentia generatiua, aut generatio ipsa, supra quam fundatur paternitas: quia illa est radix, propter quā conuenit patri terminare filiationem; ratio verò formalis terminandi est ipsa paternitas: quia est id, per quod pater per se primò opponitur filio, & correfertur ad illum, ut supra explicatum est. ¶ Quando ergo Dialectici asserunt, ex positione termini resultare relationem, vel ab illo dependere: loquuntur determino materialiter, seu radicaliter sumpto; nō verò de ipsa ratione formali terminandi. Si autem de hac fiat sermo, tunc non est asserendum, relationem de pēdere à termino, sed ad terminum, ut loquitur D. Thom. opusc. 37. citato cap. 1. quia cum terminus formalis sit purus terminus, per se inclusus in ipsa ratione formali relationis, ut dictum est: non potest habere causalitatem, aut antecedentiam, quam ly *ex* vel *ab* important.

Neque contra hoc vrget, quod tangitur in argumento, quod, scilicet, sicut ante relationem fundamentum intelligitur integrè, & formaliter constitutum in esse fundamenti, sic terminus debet preintelligi formaliter constitutus in ratione termini. Est enim, quod ad hoc disparitas valde notanda. Quoniam

niam

niam relatio exigit fundamentum ex communi ratione accidentis, seu vt dicit *in*: ex qua parte habet esse ens reale, vt docet D. Thom. 1. p. q. 28. art. 2. & in 1. dist. 33. q. 1. art. 1. ad 1. Et ideò comparatur ad fundamentum vt ad causam sui esse, & realitatis, & consequenter præexigit illud integrè, & formaliter constitutum in esse fundamenti. At verò terminus formalis conuenit relationi ex propria, & præcisa ratione relationis, seu vt dicit *ad*: ex qua parte, formaliter loquendo, relatio non habet esse in rerum natura; sed solam oppositionem ad correlatiuum, vt eisdem locis docet Angelicus Doctor: ac proinde ratio formalis terminandi non est causa relationis; sed quasi conditio concomitans eam, & consequenter relatio non præexigit terminum formaliter constitutum in ratione termini; sed potius constituitur per ipsam oppositionem, seu relationem.

73 Per quod patet ad confirmationes. Ad primam enim respondetur, quòd cum ratio formalis terminandi non sit causa relationis; sed quasi conditio concomitans eam, non verificatur, propriè loquendo, quòd ex positione eius resultat relatio: quia *ly*, *ex*, denotat causalitatem: ac proinde stat optimè, vnam relationem esse rationem formalem, terminandi aliam, & esse simul natura cum illa. Quia autem ratio radicalis terminandi est quodammodò causa relationis, quatenus aliquo modò est radix specificationis eius, vt in-

fra constabit; ideò verè dicitur ex positione eius resultare relatione: in quo sensu loquuntur Dialectici, vt explicatum est.

Ad secundam similiter respondetur, terminum quidem concurrere ad specificationem relationis; cum proportionem tamen explicata, quòd, scilicet, ratio radicalis terminandi pertineat ad specificatum, vt radix, aut conditio antecedens, ex cuius vnitate, vel distinctione sumitur vnitas, vel distinctio relationis: & huiusmodi specificationum habet quidem rationem causæ relationis, & consequenter antecedit eam. Ratio verò formalis terminandi non sic specificat relationem; sed per modum puri termini, seu conditionis concomitantis illam; & ideò loquendo de hac ratione formali terminandi, relatio non tam dicitur specificari à termino, quàm ad-terminū, qui modus specificandi nō exigit causalitatē, aut prioritatē. Neq; cōtra huiusmodi specificationum sumendū est argumētum ex alijs. Quia sicut singularissimū est in relatione, quòd sit purus respectus ad aliud, ita singularissimū est in illo alio, quòd sit purus terminus, & prout sic specificet relationē.

74 Ad secundum argumentum neganda est minor primi syllogismi, & maior secūdi. Ad cuius probationem respondetur, quòd vt relatio sit mutua, non sufficit, terminum vnius, materialiter sumptum, esse fundamentum alterius, neque requiritur, vt ipsa ratio formalis terminandi vnam, sit ratio fundandi aliam; sed sufficit, & requiritur, vt ra-

ut rationes fundādi vtramque, per se sibi correfpondeant, & inter fe habeant aliquem transcendētalem ordinem, ut contingit in aēione, & paſſione, aut vnitate, & numero. Quam correfpondentiam, & conneētionem rationū fundādi non habent ſimilitudo, & paternitas, ut patet; & ideo non ſunt relationes inter ſe mutue.

Ad primam cōfirmationem reſpondetur, quod quia Chriſtus Dominus propter ſuppoſitum diuinū non eſt capax relationis realis reſpectu matris, ut loco ibidem adducto explicat D. Tho. ideo maternitas B. Virginis de facto non eſt relatio mutua, ac proinde Chriſtus Dominus non terminat eam per aliquam relationem realiter in ipſo exiſtente, & ei inherente; ſed per relatiuam denominationem, quā dicitur Filius à maternitate in B. Virgine exiſtente; per quem modum terminantur ceteræ relationes nō mutue, ut poſteā explicabimus. Hæc autem relatiua denominatio ad minus eſt neceſſaria in termino relationis ex ipſa ratione eſſentiali eius; & ideo quauis poſſit impediri alia relatio ex parte termini reſultans, non tamen poteſt etiam de potentia absoluta, manente relatione fundamenti, impediri relatiua denominatio termini. Videatur Nazar. vbi ſup. in ſolut. ad 7.

Ad ſecundam cōfirmationem reſponderetur, quod modus ille loquendi ſolum probat album, aut quantum eſſe terminos materiales ſimilitudinis, & æqualitatis, quia per tales locutiones ſolum inten-

dimus explicare cauſas, & radices proximas terminandi, quæ nō ſunt ipſæ relationes; ſed albedo, & quantitas, ut ex dictis conſtat.

75 Ad tertium negāda eſt maior. Imò potiùs nō poteſt vnum relatiuum, ſecundum quod tale eſt, aliter definiri, niſi per correlatiuum formaliter ſumptū, ut ſatis oſtendunt lucuſque adducta. Quæ ſentētia eſt expreſſa Ariſt. tū in hoc cap. tū etiam lib. 6. Topic. c. 3. & 4. cuius aliqua verba poſteā adducemus. Quibus locis docet id ipſum Aberrones, eſt quæ ſentētia valdè recepta inter Philoſophos. Pro qua videri poteſt inter alios Caiet. cap. de ſpecie, vbi eā probat optima ratione, quā ipſe appellat demonſtrationē, quia nimirū vnumquodque ſecundum modum ſui eſſe quidditatiui definiendū eſt, quando quidem non eſt quærenda vniformiter omnium rerū definitio, ſicut neque eſſentia, ut per ſe patet; ſed eſſe quidditatiuum relatiui, hoc ipſum quod eſt, alterius, id eſt ſui correlatiui, eſt, ut in prædicamētis dicitur; ergo definiendū nō eſt ſine ſuo correlatiuo.

Quo ſuppoſito iam facilè reſpondetur ad inconuenientia, quæ obijciuntur in illo tertio argumēto. Et in primis perpendendum eſt (ut rectè notat Rubio hīc q. 7.) omnia illa etiam militare in quacūque ſententia circa relationes diuinas. Cū enim hæc, ut ſunt in ſe, & cognoscuntur à Deo, & Beatis, verè terminentur ad relatiuum, formaliter ſumptum, ut ſuprà vidimus, cōſequens eſt per illud neceſſariò eſſe definiendas. Ac proinde ſi Beatus explica-

tione

tionem quadā declarare vellet, quid sit Pater aternus, non posset alio modo, nisi per Filium aternum, & item Filium, nisi per Patrem declarare. Tunc ergo, vel ex tali definitione sequuntur illa inconuenientia, nempe circulus vitiosus, & nugatoria repetitio, ignotū per æquē ignotum, aut idem per se ipsum definiendo, vel non? Primum dici non potest: alias concedendum esset relationes diuinas à parte rei terminari ad absolutum, quod est erroneum: ergo asserendum est secundum: ac proinde neque etiam sequuntur similia inconuenientia ex modo definiendi vnum relatiuum creatum per aliud.

Respondetur ergo ad primum cū Capreol. Caiet. Vincent. Iustin. & alij supra citatis, vnum relatiuum non assumi in definitione alterius vt prius, aut magis notū, sed vt simul, & æquē notum. Stat autē definitionem dari causa innotescendi, & notificare essentiam definiti, etiā si non quālibet pars definitiōis sit notior illi: tūm quia aliæ particule definitionis sunt notiores: tūm etiā quia cōnotitia relatiui ad hoc cooperatur, quod sufficit, vt tota definitio, absolutē loquēdo, dicatur tradi per notiora. Et hic est proprius, & specialis modus definiendi relatiua. Neque est mirabile, vt bene inquit Caiet. si singulare genus enim singularem sibi modum definitionis, & notitiæ vendicat. ¶ Adde cum Auicen. & Alphar. quorum solutionem admittit Caietan. vbi supra, ipsum correlatiuum formaliter sumptum, secundum quod ex-

PLICITÈ asserit, & exercet rationem terminandi (quo modo ponitur in definitione alterius) esse quodammodo notius alio: quia terminans, & terminatum, prout sic, habent aliqualem similitudinem actus, & potentia: actus autem prior, & notior est potentia, vt dicitur 9. Metaph. text. 20. Cū quo tamen fiat correlatiua, simpliciter loquendo, esse simul natura, & cognitione.

76 Ad secundum inconueniens negandum est antecedens. Neque enim in huiusmodi definitionibus datur circulus vniuersalis, vt aiunt, ita quod relatiua eodem omnino modo, & secundum eādem formalitatem se inuicem definiant, & definiantur, vt ex dictis patet. Non autem inconuenit dari circulū disformem, imò necessariò admittendus est propter ipsam naturam relatiuorū, sicut etiam ex proportionabili causa admittitur ab omnibus demonstratio circularis disformis, vt in libris Posteriorū videbimus. Quo exēplo vsus est Arist. loco adducto in argumento, dicens: *Quemadmodū in demonstratōnibus, &c.* vt ostenderet proportionabili modo esse vtrobique philosophandū.

Ad cetera autem eiusdem testimonij verba responderet, Arist. in eodem cap. paulo infra expressē ab illa regula excepsisse relatiua, dicens: *Oportet autem non latere quadam fortasse aliter definirī non posse, vt duplū sine dimidio, &c. quæque per se ad aliquid dicuntur. Nā cū in huiusmodi est, idē esse ei, quod est ad aliquid quodammodo se habere. Quare non est possibile sine altero alterū cognos-*

cognoscere, et quod necessarium est, alterius oratione consumi & ad alterum, &c. Quæ verba non solum aduersariorum fundamenta elidunt; sed hucusque adducta pro nostra sententia dilucidè confirmant.

Ad primam confirmationem responderetur, longè aliud esse sensum illius loci, ac Vazquez interpretatur; propter quod expositio eius vt noua, & singularis meritò rejicitur ab alijs, etiam suæ societatis. De quo videri potest Nazar. 1. p. quæst. 32. art. 2. controuerf. 2. & Rub. vbi sup. Legimus ergo sensus illius loci est, quem ibidem tradūt D. Tho. Aber. Auicen. & ceteri tū Græci, tū etiam Latini Interpretes, quodd, scilicet, relatiua prædicamentalia, prout sic, non dicuntur in ordine ad subiectum, cui insunt, quia sic bis dicerentur ad aliquid. Cū enim sensus referatur relatione mensurabilis ad sensibile tanquam ad obiectum, & mensuram; si prout sic relatiuum etiam referretur ad id, cuius est sicut subiecti; simul diceretur relatiue in ordine ad duo totalia extrema; & cū relatiui esse sit ad aliud se habere, iam idem haberet duplex esse, quod omnino repugnat. Videatur D. Tho. lect. 18.

Ad secundam confirmationem responderetur, omnipotentiam non esse relatiuum secundū esse, & prædicamentale; sed quid absolutum, & ideo rectè inquit D. Tho. debere definiri per possibile absolutè. Quia cū huiusmodi definitiones tradantur per simpliciter priora; in eis esse vitiosus quicumque circulus etiam difformis, quod nō con-

tingit in relatiuis prædicamentalis, vt satis ex dictis patet.

77 Tandem ad tertium inconueniens negāda est sequela. Ad cuius probationem responderetur cum Caiet. Sot. Rub. & alijs supra citatis, doctrinam illam Aristot. quod, scilicet, loco nominis definiētis licet ponere eius rationem, intelligēdam esse quoad ea, quæ intrinsicè cadūt in definitione, nempe quoad partes intrinsecas definiti, nō verò quoad ea, quæ ponuntur vt additū, siue vt connotatum. Nā in huiusmodi, quanuis aliquādo etiam habeat locum prædicta regula, non tamen potest vniuersaliter obseruari propter aliquas speciales causas occurrentes. Quod probat Caiet. optimo exemplo. Cū enim definitur homo, quod sit animal rationale; loco qui dem *animalis*, potest poni tota sua definitio: quia nihil habet in sua ratione vt additū; & sic rectè dicitur, homo est viuens sensibile, vbi prius dicebatur, animal, loco verò, *rationalis*, nō potest poni tota sua ratio: quia hæc includit aliquid, vt intrinsicè, & aliquid vt additum; & ideo quoad ea quiddē, quæ intrinsicè includit, scilicet, potens vti ratione, licitè poni potest, vt patet, quoad id verò, quod includit vt additum, nempe animal (quæcūque enim differentia ex propria ratione connotat genus, cuius est differentia) poni nō potest; alias sequeretur nugatio in definitione speciei, dū genus bis poneretur in ea, semel quiddē ratione sui, & iterū ratione differentie.

Ad hunc ergo modum cū relatiuum non ponatur in definitione alterius

terius vt pars intrinseca, sed vt additum, seu connotatum, in ordine ad quod sumitur essentia correlatiui; inde fit, vt ex illa doctrina Aristotelis non conuincatur aliqua nugatio in definitionibus relatiuorū. ¶ Est autem specialis, & propria ratio, quare in illis seruanda non sit prædicta regula. Quia nimirum vñ relatiuum ponitur in definitione alterius, formaliter vt exercet rationem termini illi oppositi. Hanc autem rationem potest quidem exercere per se ipsum, vt patet, non verò per suam definitionem, in qua alterum relatiuum cōtinetur; aliàs istud sibi ipsi opponeretur, & referretur, quod est impossibile: ergo quauis vñ relatiuum sit de ratione alterius modo explicato, nihilominus repugnabit loco vnius in obliquo positi in definitione, potni alterum, secundum quod pertinet ad rationem primi. Videatur Sot. hic q. 1. in fine, vbi aliter, & benè expendit hanc rationem.

§. IIII.

FVNDAMENTIS TERTIAE SENTENTIAE SATISFIT, SIMULQUE EXPLICATUR, QUARE NON DENTUR DVO GENERA SUPREMAE RELATIONUM.

78 **A**D primum ex auctoritate Aristot. negādum est, ipsum assignasse quartam illam relatiuorum proprietatem pro solis relatiuis mutuis, in quo planè decipiuntur aliqui Auctores contrarij. Legimus ergo sensus est, quem ex mente omnium antiquorum Interpretum tradit Aberroes ibidem, scilicet, aliqua relatiua non esse simul natura: quia non sunt rectè as-

signata correlatiua; si verò rectè assignentur, omnia esse simul natura. Hanc autem esse mentem Aristotelis satis clarè habetur ex contextu. Cū enim prius vniuersaliter docuisset, relatiua dici ad conuertentiam illis verbis. *Omnia autem, quæ sunt ad aliquid, ad conuertentiam dicuntur, &c.* statim ostendit, multoties relatiua non dici ad conuertentiam: quia non sunt rectè assignata correlatiua, & ideo curandum esse, vt rectè assignentur, etiam si necessarium sic nomina fingere. *At verò aliquoties non videtur conueniri, nisi conuenienter, ad quod dicitur, assignetur, & forte nomen fingere necesse erit; si nō fuerit nomen impositum, ad quod conuenienter assignetur, &c.* Et ita vniuersaliter concludit. *Si autem sic assignetur, manifestum est, quoniam omnia, quæ ad aliquid sunt, ad conuertentiam dicuntur.* ¶ In hoc ergo eodem sensu statim docet, relatiua esse simul natura dicens: *Videntur autem ipsa ad aliquid simul esse natura.* Subdit autem. *Et in plurimis quidem verum est, scilicet, in quibus sunt rectè assignata. In aliquibus verò non verum:* quia nimirum aliquando non rectè assignantur, vt ex dictis patet.

Eundem etiam esse sensum D. Thom. locis in argumento adductis, docet ibidem Caietanus, & satis patet ex verbis, & exemplis Angelici Doctoris. Reddens enim rationem, quare scientia, & scibile non sunt simul natura, inquit: *Nam scibile dicitur secundum potentiam, scientia autem secundum habitum,*

vel secundum actum: unde scibile secundum modum sue significationis præexistit scientiæ. Sed si accipiatur scibile secundum actum, tunc est simul cum scientiâ secundum actum: nam scitum non est aliquid, nisi sit eius scientiâ. Et idem dicit de Deo, formaliter secundum quod est Dominus creaturarum; inter quæ tamen non est relatio mutua, ut patet: ac proinde planè admittit D. Thom. relatiua non mutua, quæ sint simul natura, si rectè assignentur correlatiua.

Ad confirmationem respondetur cum Caietano, & Nazario, ibi Dium Thomam loqui de terminare fundamentaliter, seu de ratione radicali terminandi; solumque intendere, quod Deo non conuenit terminare seruitutem creaturarum per aliquam relationem realiter in ipso existentem. Quod planè constat ex titulo articuli, ubi inquitur. *Utrum Deus realiter referatur ad creaturam; ita quod relatio sit res aliqua in Deo?* Cum hoc tamen fiat, Deum formaliter terminare seruitutem creaturarum, per ipsam relatiuam denominationem, à qua extrinsecè denominatur Dominus, & constituitur correlatiuum earum, ut magis constabit ex solutione sequenti.

79 Ad secundum negatur antecedens. Ad cuius probationem respondetur, quod quauis in relatiuis nō mutuis terminus à parte rei non habeat aliquam relationem sibi inhaerentem, ratione cuius terminet; habet tamen relatiuam denominationem, à relatione alterius

extremi prouenientem, per quam constituitur formaliter terminus, & correlatiuum illius.

Pro cuius intelligentiâ notandum est cum Caietano, Nazario, & alijs, dupliciter posse aliquid denominari formaliter relatiuum. Primò intrinsecè à relatione sibi inhaerente: quomodo dicimus, patrem esse formaliter relatiuum, & filium similiter. Secundò modo extrinsecè a denominatione à relatione existente in altero extremo; sicut in sententia constituyente actionem transeuntem in passo, agens denominatur formaliter tale ab actione, quæ subiectatur in alio. Et hoc modo scibile, & alia relatiua non mutua dicuntur formaliter relatiua, non à relatione sibi inhaerente, sed à relatione, quæ est in altero extremo. Quod quidem singulare est in relatiuis tertij generis; sed omninò sufficiens, ut terminus harum relationum absolutè, & formaliter dicatur relatiuum, & verè constitutur in genere relatiuorum. Et hoc significauit Aristot. 5. Metaph. c. 15. dùm inquit in relatiuis tertij generis, alterum extremum dici ad aliquid; non quia ipsum dicatur ad aliquid, sed quia aliud dicatur ad ipsum. In quibus verbis est manifesta implicatio, ut rectè expendit Caietan. loco citato primæ partis; nisi sensus esset, alterum extremum esse formaliter relatiuum, nō à relatione sibi inhaerente, sed à relatione existente in alio extremo, & hoc sufficere, ut illud sit formaliter relatiuum, seclusa quacumque operatione intellectus.

Sumi-

Sumitur autem fundamentum huius doctrinæ ex ipsa ratione formali relatiui. Cum enim hæc consistat in esse ad aliud vt sic, vbicumque hoc verè, & formaliter reperitur, reperitur etiam vera, & formalis ratio relatiui, sed eo ipso, quod vnum extremum, puta scibile, terminet relationem alterius, puta scientiæ, absolutè, & formaliter est ad aliud, secluso quocumque opere intellectus, siquidè hoc ipso, à parte rei illi opponitur relatiuè, ac proinde totum, quod est, est sui oppositi, vt ex definitione huius oppositionis vidimus supra n. 69. ergo eo ipso, quod vnum extremum terminet relationem alterius, est absolutè, & formaliter relatiuum, & verè constituitur in genere relatiuorum; ita vt implicet contradictionem habere rationem termini, & non esse hoc ipso formaliter relatiuum, secluso quocumque opere intellectus. In quo sensu communiter Doctores concedunt, relatiua tertij generis esse formaliter mutua: quia nimirum vtrumque, hoc ipsum, quod est, ad alterum dicitur, non tamen sunt mutua quoad realitatem: quoniam relatio realis tantum est intrinseca ex parte vnius extremi. Ex quo tandem collige id, propter quod hæc omnia adducta sunt: quod, scilicet, in huiusmodi relatiuis, quanuis ex parte termini supponatur aliqua ratio realis, & perfectio intrinseca, per quam sit capax terminare relationem alterius extremi; hæc tamen solum est radicalis ratio terminandi, & per consequens proximè, & formaliter

constituitur in esse termini per id ipsum, per quod constituitur formaliter in esse oppositi, & correlatiui, nempe per relatiuam denominationem, quã habet à relatione alterius extremi, quæque conuenit ei, secluso quocumque opere intellectus. Videantur Caiet. & Nazar. vbi supra,

80 Per quod patet ad confirmationem. Neganda est enim minor quoad secundam partem. Ad cuius probationem responderetur, quod in alijs quidè entibus denominatio intrinseca, & extrinseca ab eadem forma prouenientes cõttingunt secundum aliquem ordinem, & causalitatem, quatenus non solum forma; sed etiam denominatio intrinseca, est quodammodo ratio, & causa denominationis extrinsecæ, vt cernitur in visione, & alijs: at verò in relatiuis prædicamentalibus, hoc est speciale, & maximè proprium, vt ab eadem relatione in altero extremo existente vtrumque, simul denominetur relatiuum, alterum intrinsecè, & alterum extrinsecè absque aliqua prioritate, aut causalitate inter denominationem intrinsecam, & extrinsecam. Cũ enim huiusmodi etiam relatiua sint simul natura, vt supra vidimus, implicat relationem in altero extremo existentè denominare illud intrinsecè relatiuum; quin in eodè signo alterum denominet correlatiuum; aliter nõ daretur tunc oppositio relatiua, vt satis ex dictis patet. ¶ Ad id autem, quod contra hoc obijcitur ex Arist. respõdetur, illam causalem importare quidè prioritatè inter relationem, & denominationes ab ipsa

procedentes; verè enim relatio est causa, quòd utrumque extremum denominetur relatiuum. Inter ipsas autem denominationes intrinsecam, & extrinsecam, solum importat exigentiam istius ab illa ratiõ quam à necessaria conditione concomitante.

81 ¶ Ex dictis facile soluitur quæstio, quæ solet hic à Doctoribus pertractari: an scilicet constituenda sint duo suprema genera relationum, vel tantum detur vnicum generalissimum huius prædicamenti. Habet enim hoc specialem difficultatem in relationibus, quam non habet in alijs entibus, & maximè in sententia, quam elegimus, asserète, omnem relationem formaliter terminari ad relatiuum. Est autem ratio dubitandi, quia iuxta hanc sententiam quodlibet generalissimũ, quod assignetur in hoc prædicamento, dicit ordinem ad aliud correlatiuum sibi æquale: ergo nõ poterit contineri sub primo; ac proinde dabuntur duo genera suprema.

Nihilominus vt certum statuendum est cum Aristotele in hoc capite, & communi Dialecticorũ consensu, vnicum tantum dari generalissimum relationum; sicut vnicum tantum datur genus supremum in alijs prædicamentis. ¶ Et ad rationem dubitandi respondetur: primò cum Alberto, Simplicio, & Boecio, quos adducit, & sequitur Nazarius citata quæst. x. 3. primæ partis, relationem prædicamentalem, secundũ quòd concipitur conceptu abstracto, & præciso à singulis relationum speciebus (quomodo est genus su-

premiũ huius prædicamenti) non dici ad aliud, quasi vt quòd, & in actu exercito; sed tantum in actu signato: ac proinde non requirere terminum, qui in actu exercito sit correlatiuum; sed tantum in actu signato. Quod non tollit, quominus quæcumque relatio ex parte termini exercens rationem correlatiui verè contineatur sub illo conceptu abstracto, & præciso relationis, & consequenter sit vnum tantum generalissimum huius prædicamenti.

Vel secundò, & melius respondetur, non omnes relationes prædicamentales esse realiter mutuas; ac proinde ipsam communem rationem relationis, vt abstrahit ab omnibus suis speciebus, non exigere, vt in correlatiuo sit aliqua relatio ei inherens, à qua intrinsecè denominetur correlatiuum; sed ad hoc sufficere relatiuum denominationem supra explicatam. Quæ quidem nõ potest constituere aliud supremum genus; cum proueniat ab eadem relatione, à qua alterum extremum intrinsecè denominatur relatiuum, ac proinde ibi non dantur duo generalissima; sed eadem ratio communis relationis, secundum quòd vtrumque extremum denominatur relatiuum, constituit supremum genus huius prædicamenti.

QVÆSTIO VII.

Vnde sumatur unitas, vel distinctio relationum?

Difficultas præcipuè procedit de unitate, & distinctione essentiali, seu specifica; inde enim pendet, statuere seriem huius prædicamenti, & assignare species eius, ad quod præci-

præcipue quæst. hæc ordinatur. Simultamen aliqua de vnitare, & distinctione numerica attingemus.

82 Igitur circa specificacionem relationum, relictis alijs sententijs, quas adducit Araux. q. cit. ar. 6. tres sunt præcipuæ inter Thomistas. Prima asserit, relationes accipere adæquatè hæc vnitatem, aut distinctionem ex causis, seu fundamentis; non verò ex terminis. Sic docent expressè Fland. 5. Metaph. quæst. 16. art. 10. & Nazar. 1. parte, quæst. 32. art. 2. controuers. 2. Quæ etiam videtur esse sententia Caiet. ibidem, & quæst. 13. antecedent. ar. 7. 5. ad tertiam obiectionem, quatenus docet, speciem relatiui sumi ad terminum, non autem ex termino; sed ex causa, seu fundamento. Cui etiam consonat Bañez eadem q. 32. art. 3. dub. 2. ad 3. dicens, relationem nõ sumere speciem à termino, sed à fundamento, & ratione fundandi; quanvis cum ordine ad terminum.

Probatum primò ex D. Tho. cuius videtur expressa sententia 3. p. q. 35. art. 5. his verbis: *Vnitas relationis, vel eius pluralitas non attenditur secundum terminos; sed secundum causam, vel subiectum.* Vbi nomine causæ, vt rectè explicat Caiet. intelligit fundamentum, seu rationem fundandi; docetque, ab ea sumi distinctionem specificam; sicut à subiecto numericam; neutram verò ex terminis. Idè ferè habet Angelicus Doctor quodlibet. 9. art. 4. vbi inquit: *Quia verò ex eodem res habet esse, & vnitatem, ideò realis vnitas relationis pensanda est ex ip-*

so relationis fundamento, vel causâ, &c. De quo etiam videri potest opusc. 2. cap. 212. ergo ex sententia D. Thom. vnitas, & distinctio relationis sumitur adæquatè ex fundamento, seu causa eius.

Secundò probatur ratione, quam indicat Angelic. Doctor. Quia ab eo relatio habet vnitatem, & distinctionem; à quo habet esse: sed habet esse à fundamento; & non à termino: ergo à fundamento; & non à termino habet vnitatem, & distinctionem. Maior probatur: tum ratione generali; quia vnũ & multa consequuntur ens; tum etiã inductione. Quia enim homo habet esse hominem à sua differentia; ab illa etiam habet suam vnitatem, & distinctionem, & sic de alijs: ergo idem dicet dum est de relatione. Minor verò probatur ex dictis sup. n. 59. quia relatio non producit à termino: sed eo posito, efficienter dimanat à fundamento: ergo ab illo habet suum esse; & non à termino.

Tertiò: quia priùs intelligimus, relationes esse specie distinctas ex fundamentis; quã quod intelligamus, esse specie distinctas penès terminos: ergo ex fundamentis sumunt adæquatè suam distinctionem. Probatum antecedens: quia quanvis fundamentũ, & terminus requirantur, vt sit relatio; priùs tamen intelligimus ipsam consequi ad fundamentum, & postmodum terminari ad talem terminum: sed in illo priori intelligimus, esse specie diuersam ab alia relatione, quæ consequitur ad aliud fundamentum specie distinctum, vt patet: ergo &c.

¶ Qq

¶ Quartò:

Quartò: quia initiatio, qua quis refertur ad patrem, & matrem, est vna in specie propter eandem rationem fundandi: & tamen habet rationes radicales terminandi specie diuersas; nempe concursum actiuium, & passiuum parentum. Similiter relationes paternitatis, & maternitatis ipsorum specie differunt propter diuersas rationes fundandi: & tamen habent eundem terminum in specie: ergo ex fundamentis, & non ex terminis sumunt relationes suam unitatem, & distinctionem. Consequentia patet. Antecedens verò quoad utramque partem probatur ex D. Tho. 3. p. q. 35. art. 5. ubi ait: *Res est consideranti apparet, eadem relatione referri unumquemque ad suam patrem, & matrem propter unitatem cause; eadem enim nutritiuitate homo nascitur ex patre, & matre. Vnde eadem relatione ad utrumque refertur, &c.* Et in solutione ad 3. *Contingit, quòd ex parte vnius extremi est vna relatio; ex parte autem alterius extremi sunt multe relationes. Sicut in hominibus ex parte parentum inuenitur duplex relatio, vna paternitatis, & alia maternitatis; quæ sunt specie differentes, propter hoc, quòd alia ratione pater, & alia mater est generationis principium, &c.*

83 Secunda sententia è contrà affirmat, relationes adæquatè sumere suam unitatem, & distinctionem specificam ex terminis totalibus; non verò ex fundamentis. Sic docet Soncin. 5. Metaph. quæst. 32. cui subscribit Arauxo art. 6. citato concl. 3.

Probatur primò ex D. Tho. cuius videtur esse etiam hæc sententia 1. p. q. 32. art. 2. ubi inquit: *Cum ratio specificata relatiui consistat in hoc, quòd ad aliud se habet: necesse est dicere, quòd duæ relationes non sunt diuerse secundum speciem; si ex opposito vnica relatio eis correspondeat, &c.* Quorum verborum sensus planus videtur esse, quòd quia specificatio relatiui sumitur ex correlatiuo, seu termino, ad quod est: idèò repugnat dari ex parte fundamenti relationes specie diuersas ad aliquem terminum; si ex parte eius vnica tantum relatio illis correspondeat. Ergo ex sententia D. Tho. penes terminum est tota ratio specificatiua relationis.

Secundò probatur ratione, quæ indicat Angelic. Doctor, & format Arauxo loco citato. Quia omne accidens respectiuium specificatur adæquatè ab eo, quod respicit: sed relatio prædicamentalis est accidens essentialiter respectiuium ad terminum; cum totum esse illius sit, ad illum se habere: ergo adæquatè specificatur à termino. Minor, & consequentia constant. Maior autè probatur inductione in habitibus, potentijs, & alijs relatiuis transcendentibus; quæ idèò specificantur adæquatè ab obiecto, quia illud respiciunt, in eo; quasi quiescit, & terminatur tendentia habitus, vel potentie. Cum ergo similiter se habeat relatio respectu termini, ut per se constat, consequens videtur ab illo adæquatè esse specificandam.

Tertiò argumentatur Soncin. quia ab eo sumitur formalis distinctio

atio alicuius, quod ponitur in eius definitione tanquā differentia: sed terminus est huiusmodi: ergo, &c. Maior patet: quia differentia est causa distinctionis formalis, ut inquit Porphyr. Minor verò probatur: quia relatio rectè, & essentialiter definitur per suum terminum, seu correlatiuū, ut vidimus quæst. præcedenti: sed in tali definitione non ponitur ipse loco generis, ut patet: ergo habet vicem differentie.

Quartò, quia ab eo relatio habet distinctionem, quo posito, ponitur distinctio, & quo remoto, remouetur: sed posito termino, ponitur distinctio specifica relationum; & eo ablato, aufertur: ergo &c. Probat minor: quia stante eadem ratione fundandi, verè dantur in vno fundamento relationes specie distinctæ respectu diuerforum terminorum; siquidem per eandem albedinem nix, v.g. est similis cygno, & dissimilis coruo, quorum quolibet deficiente, deficit relatio ad ipsum terminata, ut notum est: ergo talis distinctio relationum ponitur, positis terminis; & ablatis, aufertur.

§. I.

MEDIA SENTENTIA
alijs præfertur, & probatur.

Tertia, & communior sententia vtramq; præcedentem coniungit, asserens, ad specificationem relationum simul concurrere fundamentum, & terminum. Iuxta quam.

84. Asserendum est, vnitatem, & distinctionem specificam relationum desumi; tūc ex terminis; tūc etiam ex fundamento, non secundum entitates materiales eorum; sed secundum rationes fundandi, & terminandi cum proportionem supra nu. 73. explicata. Sic docent Mas. hic sect. 2. q. 6. Sanch. lib. 5. q. 38. noster Didac. à Iesu disp. 14. p. 2. q. 2. & alij Thomistæ. Quam etiam defendit Arauxo vbi supra, concl. 2. & sequuntur Suar. disp. 47. Metaph. sect. 17. num. 15. Rub. hic quæst. 6. num. 52. & alij Moderni. A qua etiam reverà non dissentiunt Caiet. & Bañez pro 1. adducti; siquidem fatentur, sumi specificationem relationum à fundamēto cum ordine ad terminum. Estque proculdubio mens D. Thom. vbi sup. Nam quod sumatur à fundamento expressè docet locis pro 1. sent. citatis. De quo etiam videri potest in 1. distinct. 26. quæst. 2. artic. 2. ad 4. & in 3. distinct. 8. quæst. 1. artic. 5. Quod autem etiam à termino sit desumenda, satis indicat verbis pro secunda sententia adductis: & tradit aperte 1. 2. quæst. 54. articulo 4. vbi generaliter affirmat, quod *Omnia, quæ dicuntur secundum ordinem ad aliquid, distinguuntur secundum distinctionem eorum, ad quæ dicuntur.* De quo etiam videri potest loco citato ex tertio sententiarum in solutione ad secundum, vbi expressè docet, rationem, seu essentiam relationis sumi ex eo, ad quod dicitur. Ergo ex sententia D. Tho. ex utroq; relatio sumit suam vnitatem, & distinctionem.

Qq 2

Fun-

Fundamentum sumitur ex eisdem locis: quia relatio essentialiter est ordo unius ad aliud: ergo utrumq; per se requiritur ad essentialitatem eius, alterum tanquam id, à quo emanat relatio; & alterum tanquam id, in quod tendit: ergo eadē proportionē ab utroq; sumitur species ipsius. Quod etiam probant rationes supra pro duabus primis sententijs adducte, si rectē perpendantur, ut contabit ex eorum solutionibus. Videantur Masius, & Sanch. ubi supra.

35 Sed inquires: quomodo fundamentum, & terminus concurrant ad specificationem relationis? Respondetur id non eisdem verbis explicari à Doctoribus; sed ferè eundem esse sensum. Alij enim asserunt, fundamentum concurrere, ut præhabens ipsum terminum, secundum quod fundamentorum diuersitas refunditur in rationem formalem termini; sicut principia concurrunt ad specificationē sciētig, quatenus refunduntur in rationem formalem obiecti. Sic declarat hoc Arauxo ubi supra. Alij clariùs id explicant, asserentes relationem specificari à fundamento, quasi in genere causæ efficientis: quia fundamentum est rad. x, & causa relationis; à termino verò quasi in genere causæ formalis extrinsecæ; quia est id, in quo ultimò subsistit ratio. Sic explicat Sanch. loco citato: cui consonant alij dicentes, specificationem relationis sumi à fundamento initiatiuè, & radicaliter; à termino verò completiuè, & formaliter.

Quauis autem hæc vera sint, dummodò intelligantur iuxta proportionem sup. nu. 73. explicatam: adhuc tamen addendum duximus, ex ratione fundandi, & terminandi, quasi compleri integrum specificatiuum, à quo sumitur vnitas, & multiplicatio specifica relationū. Vnde quia vnitas habet rationem boni; multiplicatio verò rationem mali, bonum autē coalescat ex integra causa; malum verò ex quocūque defectu, idè ad vnitatem specificam relationum requiritur vnitas specificæ utriusque, scilicet, fundamenti, & termini totalis. At verò ut relationes specificè multiplicentur, sufficit diuersitas specifica alterutrius. Quare, etiā si ratio fundandi sit vna in specie; si tamen rationes terminandi specificè distinguuntur: relationes erunt diuersæ speciei; ut patet in albo, cuius similitudo, ad alterū album, & dissimilitudo ad nigrum distinguuntur in specie. Et similiter è contra, etiam si ratio terminandi sit vna, si tamen rationes fundandi sint diuersæ; erunt etiam diuersæ relationes, ut patet in relationibus correspondētibus, quas album, & nigrum dicunt ad secundum album.

§. II.

PROPOSITA, EX EXPEDITA quadam emergenti obiedione, satis sit argumentis in initio factis.

86 Dices: ex hac doctrina sequi, filium referri ad patrem, & matrem distinctis specie filiationibus correspondentibus paternitati, &

ti, & maternitati eorum. Hoc autē est fallum, & contra D. Thom. locis adductis in tertio argumento primæ sententiæ; ergo, &c. Probat̃ur sequela: quia saltem in sententia Arist. 1. de Generatione animalium cap. 2. & lib. 2. cap. 4. asserentis, matrem p̃alsinē tātūm concurrere ad generationem, necessariō concedendum est ex parte patris, & matris esse rationes radicales terminandi specie diuersas; nemp̃e concursum actiuum, & p̃alsiuum, ratione quorum relationes paternitatis, & maternitatis in eis fundatæ sunt specie distinctæ, vt expressē docet D. Thom. ibidem: ergo si ad diuersitatem specificam relationum sufficit diuersitas specifica ex parte alterius extremi, necessariō asserendum est, filium referri ad patrem, & matrem distinctis specie filiationibus.

Propter hoc argumentum Ferrara 1. contra Gen. c. 12. §. *Ex istis patet*, quem sequantur Vazq 1. par. quæst. 32. art. 2. in annotatione art. Suar. vbi supra n. 28. & alij, asserit, in filio esse quidem duas filiationes specie distinctas; loquendo formaliter, & in esse relationis; quanuis materialiter, & in esse rei sit vna relatio. Et hoc tantūm inquit, voluisse D. Thom. loco illo adducto ex 3. parte, quando in corpore articuli docet, filium eadem relatione referri, ad patrem, & matrem. Quam expositionem satis videtur indicare Sāctus Doctor in solutione ad 3. vbi post verba loco citato adducta subdit: *Ex parte autē prolis est vnarelatio secundum rem; sed*

duplex secundum rationem, in quātūm correspondet vtrique relationi parentum. secundum duos respectus intellectus: ac si diceret: in prole materialiter, & in esse rei est vna tantūm filiatio: sed formaliter, & in esse relationis sunt duæ specie distinctæ, correspondentes paternitati, & maternitati, quæ specie differunt. Per quod tandem cōciliat, & explicat alium locū ex q. 32. primæ partis supra pro secunda sententia adductū, vbi Angelic. Doctor docet, duabus relationibus specie distinctis nō posse ex opposito respondere vnā relationem; quōd, scilicet, loquatur ibi de vnitate relationis formaliter, & in esse relationis; non verō materialiter, & in esse rei, vt dictū est.

87 Caterum, quanuis hęc sententia, & exceptio Ferrar. sit probabilis; longē tamen probabilius explicant Angelicum Doctorem cæteri Thomistæ, Caiet. q. 32. citatā art. 2. ad secundum dubium. Bañez ibid. dub. 1. concl. 2. Syluest. Torres, & Zumel in d. scursu eiusdem artic. Nazar. controuer. 2. Arauxo articulo 6. citatō num. 48. Sanch. vbi supra conclus. 5. & alij, qui vno ore negant, etiam formaliter constituendas esse filiationes specie diuersas respectu patris, & matris.

Fundamentum est; quia licet diuerso modo concurrat vterque parens ad productionem filij, neuter tamen est causa completa, & per se sufficiens; sed concurrunt generationibus partialibus intrinsecē ordinatis ad complendum

unicum totale principium filij. Cuius signum optimum est, ut notat D. Tho. loco citato ex 3. par. quod homo unica natiuitate nascitur ex patre, & matre: ergo non solum ex parte filij unica tantum est productio passiva, quæ est ratio fundandi filiationem, sed etiam ex parte parentum tantum datur una completa ratio radicalis terminandi, coalescens tanquam ex partibus heterogeneis ex concursu actiui patris, & passiuo matris: & per consequens non dantur duæ integræ rationes terminandi, quod necessarium erat, ut specificè multiplicaretur filiatio. Ex quo tandem fit neque solam paternitatis, neque solam maternitatis relationem per se constituitur integrum correlatiuum filiationis, sed esse quasi partes diuersas eiusdem integri extremi; ac proinde ipsas inter se solum distinguui specie incompleta, & quasi partialiter.

Per quod iam constat, non solum solutio argumenti; sed etiam vera intelligentia, & concordia D. Thom. Quando enim loco citato ex 1. par. vniuersaliter docet, relationibus specie diuersis non posse ex opposito correspondere unicam relationem; loquitur de relatiuis totalibus, seu de relationibus habentibus integras rationes fundandi, & terminandi, ut planè constat ex ipso contextu; sicque doctrina est verissima, & satis patet ex nostra conclusione. Quando verò loco citato ex tertia parte inquit, aliquando contingere, quod existente eadem relatione ex parte vnius

extremi, ex parte alterius sint multæ relationes, ut in patre, & matre respectu filij; loquitur de relationibus partialibus, seu de relationibus, quarum fundamenta partialiter concurrunt ad vnum numero effectum, quales sunt paternitas, & maternitas, ut explicatum est. Et tandem quâdo ibidem addit, quod *Ex parte prolis est vna sola filiatio secundum rem; sed duplex secundum rationem*; satis ipse Sanctus se explicat verbis sequentibus: *In quantum correspondet utrique relationi parentum secundum auius respectus intellectos*. Et sic non est sensus, formaliter esse constituendam duplicem filiationem specie distinctam; sed quod in eadem reali, & specifica relatione filiationis, continentur duo respectus rationis, secundum quod intellectus nunc intelligit ipsam, ut correspondet patri; & iterum, ut correspondet matri. Videantur Socin. 5. Metaphysicæ quæst. 32. ad 7. Nazar. vbi supra, & alij Thomistæ citati.

88 ¶ Ad argumenta supra prima sententia adducta respondetur. Ad primum, illa loca Diui Thomæ intelligenda esse de specificatiuo per modum principij, à quo in genere causæ efficientis sumitur vnitatis relationis. Vt enim satis patet ex eius verbis, ibi Sanctus Doctor loquitur de vnitatem, vel pluralitatem relationis quantum ad entitatem, seu realitatem eius, secundum quam rationem, præcisè loquendo, verum est, non sumi a termino; sed à fundamento: quia solum fundamentum est vera causa

effe,

esse, seu realitatis relationis, vt præter loca supra num. 72. adducta, docet ipse Sanctus 1. distin. 26. quæst. 2. artic. 2. ad 3. & 3. distin. 8. quæst. 1. artic. 5. & alibi sæpè. Cum quo tamen fiat proprium conceptum relationis, seu explicitam rationem ad etiam sumi à termino, vt ibidem docet Angelicus Doctor.

Per quod patet ad secundum. Solùm enim probat, à fundamentum, sumendam esse vnitatem relationis quātum ad entitatē, & realitatem eius, quod non inficiamur. Caterùm quia, vt eisdem locis, & 1. parte quæst. 28. art. 2. tradit D. Thon. & nos explicuimus suprā num. 12. inter alia prædicamenta accidentium habet hoc speciale relatio, quod vltra habitudinem ad fundamentum, à quo accipit esse, & realitatem; dicit etiam ex propria ratione ordinem ad extrinsecum terminum; inde est, hoc esse speciale in relatione, vt propria eius vnitatis, aut distinctio non solùm sumatur ab eo, in quo, & à quo habet esse, sed etiam ab eo, ad quod est.

Ad tertium respondetur, in illo priori solùm intelligi specificationem relationis radicaliter, & initiatiuè; non verò formaliter, & completè, vsque dùm intelligatur terminus: quia neque etiam ante illum intelligitur completa ratio relationis.

Ad quartum iam constat ex dictis nu. 85. vbi etiam explicuimus verba D. Tho. adducta in primo argumento secundæ sententiæ: quæ

quocumq; modo intelligantur, solùm probant specificationem relationum completiue, & formaliter sumendam esse à termino, vt consideranti patebit.

Ad secundum eiusdem secundæ sententiæ respōdetur, maiorem esse veram, si intelligatur vniuersaliter de omni eo, ad quod accidens relatiuum dicit essentialē habitudinem, siue tanquam ad terminum, siue tanquam ad causam, vel obiectum, &c. Vnde quia relatio prædicamentalis secundū ad a quantam rationem non solùm respicit essentialiter terminum; sed etiam proprium fundamentum, à quo causatur: idè potest ipsum radicaliter concurrere ad eius specificationem.

Ad tertium respondetur, quod in definitione sufficit ponere loco differentia id, quod specificat completiue, & formaliter: quia in eo quodammodò continetur specificationem radicale: & idè rectè definitur relatio per proprium terminum, seu correlatiuum iuxta dicta, quæstione præcedenti.

Ad quartum respondetur, non solùm posito, & ablato termino, poni, & auferri relationem; sed etiam posito, & ablato fundamento. Nam sicut, stante eadem ratione fundandi, dantur relationes specie diuersæ propter diuersos terminos; sic etiam, stante eadem ratione terminandi, dantur diuersæ relationes propter diuersa fundamenta. Et ita argumentum potius probat nostram conclusionem.

QVOMODO DISPO-
nendi sit arbor huius prædi-
camenti?

89 **E**X dictis, iam possunt aliqua-
liter ordinari diuisiones hu-
ius prædicamenti: (cas enim omni-
nò comprehendere, videretur impos-
sibile.) Prima est, quam supra ex
Arist. explicuimus, iuxta tria illa
fundamenta ab ipso assignata. Et
circa eam solum se offert notan-
dum, quòd cum actio, & passio sint
genera suprema, nihil habent com-
mune, per quod vtrique possit fun-
dare aliquod vniq. genus subalter-
num relationis: ac proinde rela-
tiones ibi fundatæ immediatè con-
tinentur sub generalissimo huius
prædicamenti. Et còsequenter pri-
ma ista diuisio in rei veritate est
quadrimembris; per quam diuidit-
ur ratio in eam, quæ fundatur in
quantitate; in actione; in passione,
& in mensurabilitate.

Ab hoc autem ultimo membro
incipiendo, nò improbabiler pos-
set quis asserere, omnes relationes
in eo fundatas esse eiusdè speciei;
quia idem videtur esse modus, quo
res omnes respiciunt mēsuram suæ
perfectionis; per quod excusaren-
tur penè infinite diuisiones ratio-
nis. Hoc tamen parum firmum est:
cum enim ex distinctione fundamē-
ti sumatur distinctio relationum, &
ratio fundandi istas sit intima per-
fectio rei mēsurabilis, vt supra ex-
plicuimus, consequenter asseren-
dum est, tot esse relationes essenti-
liter distinctas sub hoc genere, quot

fuertint essentia, seu natura, quæ in-
trinsecè petant per aliam perfe-
ctiorem mensurari.

Duo alia genera relationū, quæ
scilicet fundantur in actione, & pas-
sione, diuiduntur in varias species
iuxta diuisiones ipsius actionis, &
passionis, quas suis locis addoce-
mus, ne eadem repetamus. Et idè
solum restat, diuidere relationem
fundatam in quantitate.

90 Hoc ergo genus relationis
primò diuiditur in eam, quæ funda-
tur supra vnitatem; & in eam, quæ
fundatur supra numerum. Sub pri-
mo membro còtinentur identitas,
æqualitas, similitudo, propinqui-
tas; & diuersitas, inæqualitas, dis-
similitudo, distantia, iuxta ea, quæ
supra numer. 30. diximus. Relatio
fundata in numero nomine incom-
plexo appellatur proportio: diui-
turque in proportionem æqualita-
tis, vt inter 2. & 2. aut 4. & 4. &c.
quæ est species infima, & in pro-
portionem inæqualitatis. Quæ rur-
sus est duplex: alia appelatur in-
æquale excedens, quia est à maiori
ad minus: & alia dicitur inæqua-
le excessum, quia est à minori ad
maius.

Porro inæqualitas excedens est,
quintuplex, alia dicitur multiplex,
alia superparticularis, alia super-
partiens, alia multiplex superpar-
ticularis, & alia multiplex super-
partiens: quia autem harum pro-
portionum noticia valdè condu-
cit, non solum ad exactam huius
prædicamenti cognitionem, sed &
ad plenè intelligenda ea, quæ sup.
disp. 10. num. 20. & sequentibus ad-
duxi-

duximus, necnō ad alias materias, in quibus exempla sapius ē mathe-
maticis petuntur, placuit eas bre-
uiter explicare eisdem ferē verbis,
quibus illas exponit D. Th. 5. Me-
taph. lect. 17.

Proportio ergo tunc multiplex
dicitur, quando magnitudo, aut nu-
merus maior aliquoties continet
minorem; & siquidem contineat ip-
sū bis, dicitur proportio dupla, si-
cut se habēt 4. ad 2. si verō ter, tri-
pla vt 6. ad 2. si quater, quadrupla
vt 8. ad 2. &c. quæ sūt species in-
finiæ multiplicatis.

Deinde proportio superparticu-
laris tunc appellatur, quando nume-
rus maior cōtinet minorem semel,
& insuper vnam aliquam partem
eius, & tunc si continet ipsum, &
dimidium, vocatur sexquialtera,
sicut se habent 3. ad 2. si verō to-
tum, & tertiam partem sexquiter-
tia vt 4. ad 3. si totum & quartam
partem sexquiquarta, sicut 5. ad 4.
&c. quæ sūt species infiniæ propor-
tionis superparticularis.

Præterea proportio super par-
tiens tunc inuenitur, quando nume-
rus maior cōtinet minorem semel,
& insuper plures partes eius: & si-
quidem contineat duas partes, ap-
pellatur superbipartiens, sicut se
habent 5. ad 3. si verō tres, dicitur
supertripartiens, sicut 7. ad 4. & sic
de reliquis, quæ etiam sūt species
infiniæ proportionis superpartien-
tis.

Ultèrius proportio multiplex
superparticularis tūc vocatur, quā-
do numerus maior continet totum
minorem pluries, & insuper aliquā

partem eius: & siquidem contineat
ipsum bis, & dimidiā partē eius, di-
citur dupla sexquialtera, sicut se ha-
bent 5. ad 2. si verō cōtineat ipsum
ter, & dimidiā partē, dicitur tripla
sexquialtera vt 7. ad 2. si autē con-
tineat numerum minorē bis, & ter-
tiā partē eius, dicitur dupla sexquī-
tertia, sicut 7. ad 3. si verō cōtineat
ipsum ter, & tertiam partē, dicitur tri-
pla sexquitercia vt 10. ad 3. illud
enim genus diuiditur tam secūdum
species multiplicatis, quā secū-
dū species proportionis superpar-
ticularis, vt consideranti patebit.

Tandem proportio multiplex
superpartiens tunc reperitur, quā-
do numerus maior continet totum
minorem pluries, & etiā plures par-
tes eius; & siquidem contineat ip-
sum bis, & duas partes, eius appel-
latur dupla superbipartiens, sicut
se habent 8. ad 3. si verō, contineat
ipsum ter, & tres partes, eius dici-
tur tripla superbipartiens vt 15. ad
4. & sic de alijs; nām hoc etiam ge-
nus diuiditur iuxta diuisionē pro-
portionis multiplicis, & superpar-
tients, omnesq; sūt species infini-
æ, vt ex dictis constat.

Eodem ordine, & ratione diuidi-
tur aliud genus proportionis inæ-
qualis, quæ appellatur inæquale ex-
cessum, & ista est quintuplex, alia
dicitur submultiplex, alia subpar-
ticularis, alia subpartiens, alia sub-
multiplex subparticularis, & alia
submultiplex subpartiens, quarum
vnaquæq; diuiditur in species cor-
respondentes speciebus enume-
ratis, vt consideranti
patebit.

§. IIII.

QVID DE VNITATE

numerica relationis dicen-
dum sit?

91 Nil potest in presenti circa hanc vnitatem ab imis fundamentis definiri: pendet enim ex generali quaestione de indiuiduatione accidentium. Breuiter tamen relictis Scoto in 3. dist. 8. q. 1. Vaz. to. 4. in 3. p. q. 91. ar. 1. dub. 4. Suar. vbi supra num. 16. & alijs, qui iuxta multitudinem terminorum multiplicant numerum relationum.

Dicendum est, vnitatem, & distinctionem numericam relationum sumendam esse ex vnitatem, vel distinctione numerica subiecti, cui inhaerent: ac proinde eundem patrem, v. g. eadem numero paternitate respicere plures filios; & eundem magistrum eodem numero magisterio plures discipulos; & sic de alijs. Ita docet expressè D. Thom. 3. p. q. 35. art. 5. vbi inquit: *Et quia plures formae eiusdem speciei non possunt simul esse in eodem subiecto; non est possibile, quod sint plures paternitates in eo, qui est pater plurius filiorum generatione naturali.* Idem habet quodlibet, primò artic. 2. & quodlibet. 9. artic. 4. & alibi sæpè. Quem sequuntur concorditer discipuli eius, Caiet. & Medin. 3. par. q. 35. citata, Aluarez ibidem disp. 45. num. 16. Ripa 1. par. q. 28. ar. 2. dubitat. 1. ad 4. Canariensis q. 42. art. 4. Bañez quaest. 76. art. 2. dub. vnico, & lib. 1. de generatione q. 20 art. 9. ad 4. Capreol. in 1. dist. 7. q. 2. artic. 2. Herbeus in 3. distinct. 8. quaest. 1. Palud. ibidem quaest. 2.

Soncin. 5. Metaph. q. 32. conclusio-
ne 3. label. quaest. 18. Masius hic
sect. 3. quaest. 4. Sanch. lib. 5. q. 39.
noster Didac. à Iesu disp. 14. p. 2.
q. 2. & alij.

Probatum ratione generali D. Tho. quia duo accidentia solo numero distincta non possunt esse simul in eodem subiecto: ergo neque duae paternitates in eodem patre respectu duorum filiorum; neque duae similitudines in eodem albo respectu duorum terminorum, &c. Consequentia patet. Antecedens verò habetur expressè apud D. Thom. loco citato; tum etiam q. vnitatis de virtutibus art. 11. & 3. dist. 23 q. 3. art. 4. quaestiu. 3. lib. 4. Met. lect. 12. & alibi sæpè; latèq; à nobis ostendendum est suo loco.

92 Sed obijci potest: quia pater habens filium, superueniente alio, incipit realiter referri ad illum; si verò moriatur, desinit realiter respicere ipsum, manente paternitate circa aliū; ergo verè dantur in illo plures relationes paternitatis. Antecedens videtur certū; quia ante generationē secundi filij, pater non referebatur realiter ad illum, posita verò generatione, iam refertur realiter ad eum: ergo de nouo incipit referri. Similiter utroq; filio existente, pater verè respicit ipsos; altero verò pereunte, iam nō refertur ad illum: ergo desinit realiter respicere ipsum. Consequentia etiam probatur ex regula supra num. 50. explicata: quia quādo vnum aduenit realiter, altero iam existente, vel perit realiter, altero remanente, realiter inter se distinguuntur.

Ref-

Respondetur, quòd sicut acquiritur scientia circa vnā cōclusionem, quando habetur demonstratio circa aliam eiusdem obiecti, non aduenit nouus habitus, sed noua extensio præexistētis; per quam ille ipse habitus, qui antea inclinabat ad assentiendum primæ cōclusioni, denuò inclinatur etiam ad assentiendum secundæ, vt constabit in libris de generatione, sic similiter ad hoc, vt pater habens filium, quando nascitur alius, dicatur de nouo respicere illum; non est necessariū, vt addatur noua relatio realis, sed quòd præcedens quasi extendatur ex parte termini materialis, & cointelligatur nouus respectus rationis ad talem filium, vt docet D. Thom. locis citatis.

93 Est tamen discrimen valdè notādum, quòd scientia per talem extensionem intrinsecè, & realiter mutatur, & fit maior: quia in sua entitate verè habet latitudinem, & suscipit magis, & minùs: relatio vero consistit in indiuisibili, vt quæstione sequenti videbimus, & ideò intrinsecè non fit maior; sed dicitur extendi, quia multiplicantur termini materiales sub illa ratione formali, quam per se primo respicit; & quia in ea cointelliguntur diuersi respectus rationis ad illos. Verbi gratia hæc numero paternitas, quæ est in Petro, non respicit per se primò hunc, vel illum filium in particulari; (vt aduersarij in hoc decepti existimant:) sed communem rationem filij à se geniti. Non enim talis relatio habet quòd sit hæc, & indiuidua per hoc, quòd sit

ad hunc particularem filium; sed per hoc, quòd est huius particularis hominis, qui est pater. Quia ergo terminus per se primò respectus nunc participatur ab vno; postea à duobus, aut pluribus filiis; ideò relatio dicitur extrinsecè extendi, ex eo quòd addatur nouus terminus materialis, & nouus respectus ad illum. Ex quo tādē sequitur, nullam fieri mutationē intrinsecam in ipsa entitate paternitatis, quando nascitur alius filius. Nam quantum secunda, aut tertia generatio sufficiens esset, vt resulteret relatio, si nondum esset in Petro, per accidens tamen in hoc casu nō producit, quia inuenit productam. Per quæ soluuntur alia omnia argumēta, quæ Scotus, Suarez, & alij adducunt contra sententiam Diui Thomæ.

QVAESTIO VLTIMA.

Quo modo intelligēda sunt proprietates relatiuorum ab Aristotele assignatae.

94 **Q**UINQUE relatiuorū proprietates adducit Aristoteles in hoc capite, vt vidimus in textu, quarum notitia magna ex parte habetur ex dictis in hac disput. & ideò quæ circa illas al. qui latius pertractant, breuiter nos in hac quæstione colligemus.

A prima ergo incipiendo, communis Interpretum consensus cūm Aberroe, & alijs antiquis in hoc cap. fatetur, quòd habere cōtrariū, non conuenit relationi secundū se; sed ratione fundamenti, quādo est quali-

qualitas, vt suprà nu. 4. dicebamus. Cuius optimā rationem reddit in presenti Caietanus: quia nimirum ad relationem non datur per se motus; bene autem ad qualitatem: ergo non potest ratione sui habere contrariū; sed solum ratione qualitatis, in qua fundatur. Neq; de hoc est controuersia inter Doctores.

95 Idem etiam dicendum est de secunda proprietate, quod, scilicet, in rigore loquendo, relatio secundum se non suscipit magis, & minus; sed tantum ratione fundamenti, quando est qualitas. Quæ etiā est communis sententia. Expositorum cum Aberroc, vbi supr. Pro qua videri possunt D. Tho. 1. 2. q. 82. art. 4. Caiet. in hoc cap. Soto ibidem q. 1. ad 4. & 5. Arauxo 5. Metaph. art. 10. & alij. Ratioque est facilis: quia suscipere magis, & minus, seu intendi, & remitti, propriè loquendo, exigit, vt in ipsa essentia etiam indiuiduali rei, quæ intenditur, aut remittitur, sit latitudo quedam gradualis, ratione cuius possit secundum se ipsam augeri, vel minui, seu magis, aut minus imprimi subiecto; quod quidem solis qualitibus conuenit, vt satis ostendimus sup. disp. 12. n. 36. & constabit ampliùs disp. sequenti. ergo reuera relatio secundum se non suscipit magis, & minus; nisi ratione qualitatis, in qua fundatur.

Sunt tamen contra hoc duo non leuia argumenta. Primum est: quia non solum relationes fundatæ in qualitibus, vt similitudo, & dissimilitudo dicuntur magis, aut minus (albū enim vt quatuor magis

simile est alteri albo vt quatuor, quàm albo vt duo) sed etiam relationes, quæ fundantur in quantitate, vt æqualitas & inæqualitas (palmus enim magis inæqualis est vlnæ, quam pedi) sed magis, & minus harum relationum non potest provenire à fundamentis; cum quantitas non suscipiat magis, & minus: ergo conuenit ipsis relationibus secundum se.

Secundò idem probatur de relationibus similitudinis, & dissimilitudinis. Quia hæc decrescere possunt, crescente fundamento, & e converso: ergo ipsæ relationes secundum se, & non à fundamento suscipiunt magis, & minus. Consequentia videtur nota. Antecedens autem constat experientia: ponantur enim duo alba, alteram vt sex, & alteram vt quatuor; inter hæc quidem est similitudo; augeatur postea albū vt sex, vsq; ad octo, tunc crescete fundamento, decrescit similitudo, vt patet.

Si autem respondeas, inter albū, vt sex, & album vt quatuor in rei veritate non esse similitudinem, sed potius dissimilitudinem, quæ in casu posito crescit, cresce te fundamento, adhuc non effugit difficultas. Nam, esset ita sic, si augeatur album vt quatuor vsq; ad quinque, tunc minuitur dissimilitudo; & tamen crescit fundamentum: ergo, &c.

96 In horum solutione multi multa dicunt, sed melius sentientes respondent cum Fonseca 5. Metaphys. capit. 15. quæst. 5. sect. or. 2. relationes consilire in indiuisibili (quod etiam docuit Diu. Thom. prima secundæ, quæst. 52. art. 1.) ac proinde

proinde quādo augetur, vel minuitur quantitas, vel qualitas, non augeri, aut minui relationes; sed variari, ita vt priores deperdantur, & acquirantur alie: & consequenter nullam in se suscipere magis, & minus. Videatur Arauxo, vbi sup. cōclusione 2. ¶ Est tamen aduertendum, non ideò asserendū esse, quod aliqui volunt, & tangitur in secundo argumento, scilicet, tunc solū relationem inter qualitates eiusdem speciei esse similitudinem, quando illæ sunt eiusdem intensiōis, quando verò altera est remissior, aut intensioralia, tunc esse dissimilitudinem. Hoc, inquam, falsum est: tū quia iam similitudo & dissimilitudo non essent relationes speciei distinctæ: tū quia est expressè contra D. Tho. prima parte, quæst. 42. art. 1. ad 2. vbi inquit: *Quæcumque communicant in una forma, possunt dici similia, etiam si inequaliter illā participant, vt aer dicitur similis igni in calore, sed non possunt dici æqualis, &c.* Quauis ergo ex intensiōe, vel remissiōe qualitatis relationes ibi fundatæ variētur, vt explicatū est; tamē dum manent qualitates eiusdem speciei, omnes relationes dicuntur similitudines.

97 Tertia proprietas, scilicet, relatiua dici ad cōuertentiam, solū indiget explicatione. Non enim ibi loquitur Aristoteles de conuersione propositionum, quam explicauimus lib. 2. summularum: neque sermo est de cōuertibilitate terminorū secūdu quā illi dicuntur conuertibiles, qui mutua prædicatione de se inuicē in recto prædicā-

tur, vt patet, sed dici ad conuertentiam in presenti est, quod vnum relatiuum explicetur per ordinē ad aliud in obliquo positum, vel quomodolibet dicatur esse illius: nam eo ipso quod inter aliqua duo sit aliquis respectus; qui respicit, aliquem respicit; & qui respicitur, ab aliquo respicitur. Quæ quidem proprietates, præcisè sumpta, non solū cōuenit relatiuis secundū esse, & proprijs, sed etiam improprijs, & secundū dici, si rectē assignentur, vt satis constat ex præcedentibus. Et ideò talis proprietas non conuenit huic prædicamento quāto modo proprij, sed secundo.

Dux vltimæ proprietates, scilicet, esse simul natura, & cognitione, sunt maximè propriæ relatiuorum secundū esse, & prædicamentaliū, oriunturque ex propria, & formali ratione constitutiuā huius prædicamenti: & ideò earum notitiā valdē conducit ad plenā relationis cognitionem comparandā.

98 Sciendum est ergo ex Aristotele infra ca. de modis simul, illa dici simul natura: *Quæ essendi quidē consequentia cum conuertantur; neutrum tamen vt sit, alteri causa est, vt in duplo, & dimidio intuersi licet, hæc enim cōuertuntur: nam si duplū est, dimidrum est; et si dimidiū est, duplum est; neutrum tamē est causa, vt alterum sit.* Quibus verbis, vt ex Paulo Veneto notat egregiè Soto, hīc in expositione textus quinti, dux continentur cōditiones necessario requisitæ, vt aliqua sint simul natura, quarum qualibet deficere, non datur talis similitas. Prima est, quod

quòd *se mutuo inferant*, ita vt si vnū est, alterum etiam sit, & e cōtra. Secunda est, quòd *vnū non sit causa alterius*. Quod manifestè apparet in relationibus mutuis, tam disquirantia, quam æquiparatiā. Nam paternitas, & filiatio; & similitudo huius, & illius albi se mutuo inferunt, vt patet, & vna non est causa alterius: non enim vna relatio efficit aliam; cum non sit actiua; neque est finis eius, aut forma, vt patet; neque tandem respicit illam; siquidē vna relatio non potest fundari in alia, vt vidimus supra num. 31.

Idem etiam dicēdum esse de relatiuis non mutuis, quòd scilicet propriè, & formaliter sumpta sunt simul natura, si rectè assignentur correlatiua, vidimus supra nu. 80. & nunc faciliè ostenditur ex prædictis duabus cōditionibus simul tactis. Etenim relatiuæ illę denominationes ibidem explicatę, quibus à relatione vnius extremi vtrumque denominatur relatiuū, alterum intrinsecè, & alterum extrinsecè, se mutuo inferunt; siquidem bene valet: datur scientia secundū actum; ergo datur obiectū scitum: & similiter datur obiectum scitum, ergo datur scientia secundū actum: & vna denominatio non est causa alterius; quandoquidem repugnat talem relationem tribuere fundamento denominationem relatiui; quin in eodem signo naturæ intelligatur correlatiuum, cui formaliter opponatur, & consequenter ipsa relatiua denominatio, à qua constituitur in esse talis, vt magis explicauimus loco citato.


99 Hæ autem duæ cōditiones non inueniuntur in rebus absolutis, quæ istis relationibus subternuntur. Nam generans, & genitum, supra quæ fundantur paternitas, & filiatio, licet se mutuo inferant; valet enim; est generans, ergo est genitū; & e cōtra; tamen vnum est causa alterius, vt de se patet. Similiter ex duobus albis, super quæ fundantur similitudines, licet vnum pro vt sic, non sit causa alterius, tamen non se mutuo inferunt, non enim valet: est hoc album, ergo & illud: & tandem scientia, & scibile, licet rectè assignata se mutuo inferant, vt dictum est; sumpta tamen pro rebus absolutis, alterum est causa alterius, siquidem obiectum quatenus tale habet rationē causæ respectu sciētia.

Ex quo iam fit, relationes omnes, siuē mutuas, siuē non mutuas verè esse simul natura, & consequenter fundamentū, & terminū, formaliter vt denominantur ab ipsis, & vt significantur nominibus relatiuis. At ipsæ entitates absoluta fundamenti, & termini non sunt simul natura, & consequenter neque fundamentū, & terminus, pro vt significantur nominibus absolutis. Quādo ergo inquit Arist. relatiua esse simul natura, sensus est formalis, & loquitur non de entitatibus absolutis fundamenti, & termini, sed de ipsis relationibus, seu de fundamento, & termino, secundū quòd formaliter denominantur ab eis, & significantur nominibus relatiuis. Per quod tandem collat, proprietatem istam conuenire huic prædicamento quarto modo proprij.

Eodem

Eodē sensu, & proportionē expli-
canda est vltima proprietās. Ex eo
enim quod relatiua formaliter sum-
pta sint simul natura, cōsequens est,
vt vnū debeat definiri per aliud, se-

cūdū quod relatiuū est; ac proinde
repugnabit vnū sine alio cognosci,
quod est esse simul cognitione. Neq;
in hoc est ampliū immorādū, sup-
positis his, quæ supra q. 6. dicta sunt



C A P V T O C T A V V M,

De qualitate, & quali.

S V M M A T E X T V S.

I T R I A præstat in hoc cap. Arist. Primò definit in abstracto quali-
tatem, dicens: *Qualitatem autem voco, secundum quam quales esse
dicimur.* ¶ Secundò enumerat quatuor eius species. Prima est
habitus, & dispositio, vt scientia, & virtus; sanitas, & morbus. Secunda est
naturalis potentia, & impotentia; vt cursores, & pugillatores, & valetu-
dinarij. Tertia est passio, & passibilis qualitas; vt rubor, vel pavor ex ve-
recundia, aut metu causatus; & amaritudo, vel dulcedo. Quarta tandem
est forma, & figura; vt triangulus, & pyramis. Quibus speciebus enumera-
tis, definit in concreto quale, dicens: *Qualia autem sunt ea, quæ denomi-
natiuè ab eis, aut aliquo alio modo dicuntur.* ¶ Tertiò & vltimò enumerat
tres qualitatis proprietates. *Prima* est habere contrarium; vt iniustitiæ
contrariatur iustitia; & albedini nigredo; quæ tamen proprietās non con-
uenit omni qualitati; quia lux non habet contrarium. *Secunda* est suscipe-
re magis, & minus: quæ etiam non conuenit omni qualitati: tūm quia de
iustitia, & sanitate (inquit Arist.) aliqui asserunt, non dici magis, & minus,
licet id concedant earum concretis: tūm etiam quia de figura certum est,
non suscipere magis, & minus: siquidem neque trianguli, aut circuli ratio-
neq; concreta ipsa dicuntur magis, aut minus talia.

Notationes circa hoc caput.

2 N Omen qualitatis (quod se in-
uenisse testatur Plato in Thee-
teto) varias habet acceptiones
quas refert Simplic. in hoc capite.
Tres sunt præcipuæ, quas ex Arist.
5. Met. c. 14. & 28. colligunt com-

muniter DD. *Primò* sumitur pro
quacumq; differentia etiam essen-
tiali, quo sensu differentiæ sæpè ap-
pellantur qualitates generis; & de
illis dicitur, quod prædicantur in
quale. *Secundò* pro omnibus acci-
den-

dentibus, siue proprijs, siue communibus, siue huius, siue alterius **prædicamenti**: quo modo de omni accidenti dicitur, quod prædicatur in quale, non solum quoad modum significandi, sicut differentiarum; sed etiam quoad rem significatam, ut explicuimus seprâ, disp. 5. num. 12. Tertio tandem sumitur qualitas, ut significat peculiare prædicamentum accidentis ab alijs condistinctum, à quo propriè, & simpliciter denominamur quales, & per quod respo- detur ad interrogationem factam per *quale*, ut distinguitur ab interrogatione facta per *quid, quantum, ubi, quando, &c.* Sicut enim si quaeratur, quantus est Petrus? respondetur est bicubitus, aut tricubitus: et si quaeratur: ubi est Petrus? respondetur in Ecclesia, vel in foro: ita quando quaeritur, qualis est Petrus? respondetur per terminos huius prædicamenti: est albus, vel niger; Diabolicus, vel Philosophus, &c.

In hac ergo tertia acceptione describit Arist. qualitatem dicens: *Qualitas est secundum quam, quales esse dicimur*: id est, qualitas est accidens, à quo res constituitur in esse qualis, & per quod propriè respondetur interrogationi factæ per *quale*. De qua definitione postea redibit sermo; sicut etiam de speciebus, quas in secunda parte cap. assignat Arist. Hoc solum libuit in præsentia annotare, quod quanvis B. Alb. & Caiet. velint in illo verbo definitionis, quod solet poni in prima persona, scilicet, *dicimur*, esse mysterium, ut scilicet, indicaret Arist. sub hac definitione comprehendi

qualitates spirituales, & corporeas, quæ *simul in homine* inveniuntur; hoc tamen mysterium non cogitavit Arist. nã in textu Græco legitur in tertia persona *Λεγόντων* legendæ, id est, dicuntur; sicq; translulerunt Argyropilus, & Peryonius. Vbi etiam nota non abs re Arist. in hoc prædicamento seorsim explicuisse abstractum, & concretum qualitatis; sicut etiam titulus promittebat; id enim fecit, vel quia ab antiquis nõ eodem modo sumebatur, ut notat Porphy. in interrogationibus; vel quia qualitatis essentia obscura erat, & ita non poterit commodius describi, quam per suum concretum, quod nobis notius est; propter quod utrumq; oportebat aliquo modo explicare.

3 Ex proprietatibus in tertia parte capitis adductis, prima satis constat ex dictis cap. de substantia nu. 35. ¶ Circa secundam vero, ut plenè perciperetur, agendum erat de intentione, & remissione qualitatum. Sed aliena est à præsentii instituto talis disputatio; & ideo solum est notandum, intentionem, & remissionem, seu latitudinem graduali, ut aliqui loquuntur, aliquando inueniri in qualitatibus cum variatione, ita ut eadem qualitas in eodem subiecto modo sit intensior, & modo remissior; quod contingit in aliquibus qualitatibus, quæ sunt termini alterationis; ex eo quod causa nunc fortius, nunc debilius operatur, ut patet in calore, & frigore: & hoc modo certum est, non omnes qualitates suscipere magis, & minus, seu intendi, & remitti.

Nam

Nam præter qualitates quartæ speciei, de quibus id expressè docet Arist. in hoc cap. plures aliæ secundæ speciei, & fortassè omnes non intenduntur, & remittuntur, ut patet de intellectu & voluntate.

Aliquando verò intensio, & remissio, seu latitudo gradualis inueniuntur in qualitatibus inuariabiliter; quando, scilicet, eadem qualitas in eodem subiecto nō augetur, aut minuitur, saltem de potentia ordinaria; verè tamen habet in se latitudinem intensiuam. Cuius signum est, quod tales qualitates in diuersis subiectis inueniuntur magis, & minùs intensæ. Echiuiusmodi sunt intellectus, & voluntas; & aliæ potentie sensitiuæ; & fortè omnes qualitates secundæ speciei: quauis, ob variationem dispositionum in organis, sæpè cōtrarium appareat.

4 Si ergo intensio, & remissio sumantur altero ex his modis, certū est, non conuenire omnibus qualitatibus, quæ sub prima, secunda, & tertia specie continentur; bene tamen si sumantur secundū se, prout abstrahunt ab hoc, vel illo modo, qui per accidens sunt ad veram rationē latitudinis gradualis. Atque ita in hoc sensu omnes qualitates, excepta forma, & figura, verè suscipiunt magis, & minùs. Quæ doctrina est expressa D. Th. 1.2. q. 52. a. 1. ubi loquens de augmento intentionis habituum, quod ipse vocat secundum

participationem subiecti, refert ex Simplicitate, inter qualitates solam figuram non suscipere magis, & minùs. Quam sententiā approbat, & illustrat D. Tho. redditque eius optimam rationē ex Aristotele, ut patet in textu. Ex quo tandem fit, quod si forma, & figura constituunt veram speciem qualitatis (de quo infra) talis proprietas conuenit huic prædicamento primo modo proprii, scilicet, soli, sed non omni; sicut etiam prima, ut inquit Arist.

Circa tertiam, & ultimam proprietatem solum est aduertendum, quod sicut nomen qualitatis solet transferri ab hoc prædicamento ad alia; ita similitudo, & dissimilitudo, quæ significant relationes in veris qualitatibus fundatas, transferri solent ad significandas relationes, quæ fundantur in alijs prædicamentis. Quo sensu duas substantias, duas quantitates, aut relationes solemus appellare similes, quando sunt eiusdem speciei; dissimiles verò, quando sunt speciei distinctæ. Sed hoc non tollit, quominus similitudo, & dissimilitudo propriè præstantur significanti relationes, quæ fundantur in veris qualitatibus; & per cōsequens, proprium erit qualitatis quarto modo proprii, ut secundum eam res dicantur propriè similes, & dissimiles.

DISPUTATIO XV.

De prædicamento qualitatís.

CV M qualitas non solum relationi, sed etiam quantitati dignitate præferatur, ut suis locis notauimus; non est cur dubitemus, ipsam esse alijs imperfectioribus prædicamentis anteponendam. Iam verò, suppositis ijs, quæ circa litteram capitis, & quantitatis proprietates adnotauimus, solum restat, essentiam eius, & species inuelligare. Pro quo sit.

QVÆSTIO PRIMA.

An definitio qualitatís ab Aristotele tradita sit bona?

S Difficile semper fuit, essentiam qualitatís in communi explicare, ut testatur D. August. in suo Categoriarum libro. Quâvis enim ex eo, quod sit genus supremum, & conceptus simplex, propriè defini non possit, tamen aliorum prædicamentorum essentias aliquantulum explicamus, considerato eo, in quo vnusquisque species conueniunt; ut ratio *extensionis* in quantitacibus: ratio *ad in relationibus*, &c. Cæterùm in qualitate, neque ad hunc modum apparet aliquid, per quod possimus illius essentiam vtruncumque explicare, nisi per eius concretum, ut fecit in hoc capite Aristot. qui modus definiendi valdè obscurus videtur. Quod cernēs ipse 5. Metaph. c. 14. vbi erat proprius locus definiendi, agens de quantitate nullam eius definitionem tradidit. Ex quo sumpsit occasionem Oñia hic quæst. 1. artic. 1. asse-

rendi Arist. non cognouisse qualitatis essentiam. Et idè oportet ante omnia definitionem ab ipso traditam examinare.

Contra quam multa communiter obijciuntur, & quidem non leuia argumenta. Primum est: quia in tali definitione definitum definitur per se ipsum; siquidem in rei veritate idem est qualitas, & quale: ergo mala est definitio.

Secundò: quia hæc definitio non est notior definito, nã ad cognoscendum, quid sit *quale*, oportet scire, quid sit *qualitas*: ergo male qualitas definitur per quale.

Tertiò: quia iam in definitionibus rerum absolutarum daretur circulus, contra id quod diximus disputat. præcedenti num. 70. Imò illum commisit in hoc cap. Arist. dum primò qualitatem per quale, & postea quale per qualitatem definiuit.

Quartò tandem: quia definitum ingrederetur definitionem: ergo nullo modo admittenda est prædicta definitio.

6 Nihilominus dicendum est, quòd quanuis definitio Arist. non solum non sit rigorosa; sed neq; ita propria, & exacta, sicut sunt definitiones, quas de alijs prædicamentis tradimus, adhuc tamen non est contemnenda, sed licet illa uti. Primam partem conclusionis satis conuincunt argumenta facta, eamque admittunt communiter DD. Secunda verò est contra aliquos modernos, quibus familiare est, definitiones Arist. & communiter receptas repudiare. Inter quos Hurtado disp. 1. Met. sect. 1. hanc Arist. definiti onem valdè reprehendit, inquitq; non esse definitionem, sed inanem quandam negationem. Caterum quàm sit ipse reprehendendus, patet, tum quia D. Tho. opus. 48. tract. 4. c. 1. dictam definitionem admittit, & explicat, eaq; vtuntur cõmuniter, tam Metaphysici, quàm Dialectici: tum etiam, quia cum vix appareat aliquid, in quo conueniant omnes species qualitatis ab Aristot. assignatæ, vix potuit ipsa commodius describi, quàm per eius effectum formalem significatum nomine sui concreti, quod nobis est aliquantum notius, siquidem non faciliè apparet nomen aliud clarius, qualitati in communi adæquatè respondens. Quod sufficit, vt definitio Arist. non sit contemnenda; præcipuè cum generalissima nõ possint propriè definiri. Videatur Gallego hic controuer. 27.

7 Vt autem hoc plenè percipiatur, notanda est egregia Arist. doctrina lib. 6. Topicor. capite 2. vbi docens, definitionem debere tradi per notiora, addit dupliciter hoc contingere. Primò, quando res per quas traditur definitio, sunt absolute, & secundum se notiores, quod contingit, quando sunt priores, quia tunc sunt verè partes, seu principia definiti, vt punctum respectu lineæ, vnitas respectu numeri, & litera respectu syllabæ. Et tunc definitio est propriè, & rigorosè definitio, proprièque explicat essentiam rei, quia traditur per ea, quæ secundum se sunt notiora, & priora definito. Vt quando dicimus: *Linea est quantitas continua causata ex dictu puncti: Numerus est quãtitas discreta unitatum, &c.*

Secundò solet definitio tradi per ea, quæ nobis notiora sunt, licet secundum se sint minùs nota: (contingit enim esse nobis notiora, quæ secundum se sunt ignotiora) & hoc modo res posteriores, & compositiores sunt nobis magis notæ, quàm priores, & simpliciores; & ideo has per illas solemus definire; vt quando dicimus: *Punctum est extremum lineæ: Vnitas est principium numeri: Litera est elementum syllabæ, &c.* Quæ quidem definitiones, licet propriè non explicent essentiam rei, quæ definitur, quia non traduntur per ea, quæ secundum se sunt priora, & notiora, quia tamen traduntur per notiora nobis; iuuant, vt clariùs cognoscamus res illas, quæ secundum se sunt priores,

res, & notiores; ut ita tandem per eas res posteriores definire possimus.

8 Hanc doctrinam ferè ad verbum statuit Aristotel. loco citato. Et ratio eius est: quia cum in definitionibus non sit procedere in infinitum, quâdo res posteriores per priores definimus, necessariò deveniendū est ad aliquam primam, quæ non possit per aliam priorem definiti; & consequenter, neque habere propriam definitionem. Si tamen eam utcumque explicare velimus, retrocedendum erit ad posteriores, quæ nobis sunt magis notæ; ut patet in exemplo adducto. Quia enim superficies posterior est lineæ, & lineæ puncto: ideo optimè superficies definitur per lineam; & lineæ per punctum, sed punctum, cum sit primum in quantitate continua, non habet aliud prius, per quod definiatur. Quare si velimus, illud utcumque explicare, oportebit, retrocedere ad posteriora, quatenus sunt nobis notiora. Huiusmodi tamen definitiones secundū quid tantum, & quoad nos possunt appellari definitiones; nam, ut bene inquit Aristot. ibidem, vera, & propria definitio debet tradi per ea, quæ secundū se sunt notiora, & priora definito.

Cum ergo quodlibet concretum quoad nos sit magis notum, quàm suum abstractum; quia, ut ex Aristotele libro 7. Metaphysicæ sæpè retulimus, concreta apparent magis entia, quàm abstracta, ideo quandò abstractum non potest habere veram definitionem, ut sunt

generalissima accidentium, non incongruè definitur per concretum, tanquàm per rem nobis notio-riorem; maxime quando non facile apparet aliquid aliud clariùs, per quod definiatur. Et hoc modo definiuit Aristotel. qualitatem per quale, quod nobis notius est. Cum autem huiusmodi definitiones secundū quid tantum, & quoad nos sint definitiones, ut dictum est, non oportet in eis conditiones propriæ, & rigorosæ definitionis ad vnguem observari, sed satis est, si aliquo modo, & secundū quid tantum verificentur. Per quod patet ad argumenta.

9 Ad primum respondetur, in hac definitione non omninò definiri idem per se ipsum: sed eandem rem, quatenus est minùs nota, & significatur in abstracto, definiri per se ipsam, ut significatur in concreto: quomodò est nobis notior. Quod licet non sufficiat ad propriam, & rigorosam definitionem; sufficit tamen ad eam, quæ secundū quid tantum, & quoad nos est definitio, ut dictum est.

Per quod patet ad secundum. Hæc enim definitio, quoad nos, notior est ipso definito; siquidè quale nobis notius est, quàm qualitas: quanvis secundū se sit ignotius; & propterea quale secundū se explicatur per qualitatem; quoad nos verò qualitas explicatur per quale.

Ex quo etiam patet ad tertium. Non enim propriè dicitur circularis; nisi quandò vnum definitur per

per aliud, eodem modo, quo aliud definitur per ipsum, quod non contingit in presenti. Nam qualitas quoad nos definitur per quale; quale verò secundum se definitur per qualitatem. Quia tamen in hoc modo definiendi non potest omnino vitari circulus, ideo recte concludit argumentum, utriusque definitionem non posse esse propriam, & rigorosam. Ut autem, quantum fieri posset, circulum istum vitaret Aristoteles, postquam definiuit qualitatem per quale, non statim quale per qualitatem explicuit; sed prius declarauit singulas species eius, & tunc subiunxit: *Qualia autem sunt ea, quae ab his denominatiue dicuntur*. Qui modus circuli etiam in demonstrationibus licet, ut ex Diu. Thom. explicabimus in libris Posteriorum.

Ad quartum respondetur, non esse idem nomen, quod ponitur a parte definiti, & quod ponitur in definitione; siquidem illud est abstractum; istud verò concretum. Quae distinctio sufficit in huiusmodi definitionibus, ut non omnino dicatur definitum ingredi definitionem; & ideo licet illis vii. Verum est tamen, esse imperfectionem non parua, quod in definitione, etiam impropria, ponatur nomen derivatum a nomine definiti, quod quidem vitandum est; nisi quando aliter fieri non possit, propterea enim diximus in conclusione, definitionem istam non esse ita exactam, sicut sunt aliarum aliorum praedicamentorum.

QVAESTIO II.

Quanam sit congruentior qualitatibus definitio?

IO ANTE omnia praemittere oportet; quae sit causa, quare inter omnia praedicamenta ratio qualitatibus in communi sit nobis obscurior, cum tamen in particulari plures sint qualitates sensibus ipsis notae. Nascitur autem hoc ex imperfecto modo cognoscendi intellectus nostri, cuius obiectum pro hoc statu est quidditas, seu natura in materia corporali existens, ut docet Diu. Thom. prima parte quaestione 84. articulo septimo, & alibi saepe. Et ideo substantiam materialem facile cognoscit, quia simul est ens simpliciter, & quid ipsi proportionatum. Propter quod etiam facile percipit quantitatem: tum quia proximior est substantiae materiali, & illi conuenit, secundum quod talis est: tum etiam, quia est secundum se sensibilis. Cum verò alia accidentia neque sint ensia simpliciter, neque ita proportionata intellectui, sicut quantitas, ideo, ut ea intelligat, indiget, & utitur aliquo extrinseco, quo iuuetur ad illorum cognitionem. Cum ergo relatio, & alia sex ultima praedicamenta in sua natura includant ordinem ad aliquid extrinsecum, iam habet intellectus, quo iuuetur, ut facile illa cognoscat. Sola essentia qualitatis in communi, neque est proportionata intellectui nostro pro

hoc statu; cum abstrahat à qualitatibus corporalibus, & spiritalibus; neque prout sic includit ordinem ad aliquid extrinsecum, sed est omnino absoluta, quia ut ex D. Thoma 5. Metaphysicæ lectione decima septima notauimus disputatione præcedenti numero vigesimo octauo, qualitas, secundum quod qualitas est, solum respicit subiectum, in quo est, ad aliud verò non ordinatur, nisi secundum particulares rationes huius, vel illius qualitatis, nempe in quantum est habitus, potentia, &c. Ac proinde, licet intellectus noster facile cognoscat aliquas particulares qualitates, difficile tamen potest percipere communissimam rationem huius prædicamenti, in qua omnes species eius conueniunt.

11 Propter hæc ergo plures Authores, licet Aristot. definitionem imperfectam, & obscuram esse fateantur; clariorem aliam inuestigare non curant. Alij verò, ut imperfectionem dictæ definitionis vitarent, variè distrahi sunt in assignanda aliqua alia definitione meliori, variasque inuenerunt, quas longum esset recensere. Vnam tantum, aut alteram subiiciemus. Et prima sit, quam inuenit Suarez disputatione 42. Metaphys. sectione prima in hunc modum: *Qualitas est accidens quoddam absolutum adiunctum substantiæ creatæ ad complementum perfectionis eius, tam in existendo, quam in agendo.* Quam descriptionem satis longam, longius explicat ipse Suarez, admit-

tuntque Conimbric. & alij Moderni Dialectici.

Ceterum eius insufficienciam probat inter alios Gallego controuer citata. Et quidem si attentè consideretur, ferè omnia eius verba superfluent, neque tandem explicat propriam rationem qualitatis. Nam imprimis ad quid additur *ly quoddam*? non enim ponitur pro genere, ut patet, neque addit aliquid supra ea, quæ ponuntur à parte differentiæ. Item superfluit *ly absolutum*: ut enim vidimus supra disputatione 11. numero quarto, nomen istud non significat gradum aliquem posituum inter accidens, & quantitatem, aut qualitatem, verbi gratia, sed negationem relationis immediatè fundatam in proprio vniuscuiusque constitutiuo, sicut *irrationale* non significat gradum posituum inter animal, & equum, aut leonem, sed negationem hominis, quæ immediatè fundatur in propria vniuscuiusque differentia: ergo sicut superflue definiretur equus dicendo: *Equus est animal irrationale binnibile*; imò & nugatoriè; siquidem in binnibili continetur irrationale; & ita bis poneretur; sic similiter superflue, & nugatoriè ponitur *ly absolutum* in definitione qualitatis, aut quantitatis.

12 Tertiò: superfluent illa verba: *adiunctum substantiæ creatæ*: id enim continetur in prima particula definitionis; siquidem accidens ex sua natura petit adiungi substantiæ creatæ; cum in increata nulla possint esse accidentia.

¶ Quartò eadem ratione superfluit *ly ad complementum perfectionis eius*. Non enim est sensus qualitatem complere substantiam in esse substantiali; nam hoc est proprium substantiæ, aut existentia, ut aliquando dicemus: ergo intelligendum est de complemento in aliqua perfectione, aut esse accidentali. Hoc autem convenit qualitati ex eo, quod sit accidens; siquidem omnia accidentia, ex eo quod sint entia, & perfectiones secundum quid; complent substantiam in aliquo esse, & perfectione accidentali, ut patet inductione. Quod si per hanc particulam significetur, qualitatem esse à natura institutam, ut sit ornamentum substantiæ, ut Suárez explicat, iam definitio non convenit omni qualitati: quis enim dicit habitus vitiosos dados esse à natura, ut sint ornamentum, aut complementum substantiæ?

Ultima etiam particula, scilicet, *tam in existendo, quam in agendo, si collectivè sumatur*; non convenit omni qualitati, plures enim non sunt actiuz. Si verò disiunctivè sumatur, incidit in alium defectum, qui, quantum fieri possit, vitandus est; iam enim in rei veritate non erit unica descriptio, sed plures: neque reverà definitur genus superemum; sed membra illa dividentia, quibus adæquatur cōvenit unaquæque; pars talis disiunctionis. Et tandem tota hæc descriptio nō explicat rationem propriam qualitatis, sed verè convenit quantitati, ut consideranti patebit.

13 Ne autem prædicta definitionis discussio nimia, & superfluitiosa alicui videatur, simulque perspicatur, quantum à vera definitione arte abhorreat similis redundantiæ; audiat Aristot. libr. 6. Topico- rum cap. 1. ubi explicans modos, quibus contingit, definitionem esse superfluum, inquit: *Illud demum incommodum est, sæpè idem de aliqua re dicere. Quod Xenocrati usu venit, qui sapientiam, ait, esse definitionem, & cognitionem naturarum. Quippè cum definitio quædam sit cognitio, ita bis idem dixit, adiun-cto verbo cognitionis. In eodem errore versantur ij, qui refrigerationem priuationem caloris naturalis esse definiunt. Nam cum etus, quod insitum est, omnis sit priuatio, superuacaneum est nomen, naturalis, addere, satisque erat dicere caloris priuationem, quandoquidem ex ipso nomine priuationis, rei naturalis esse intelligitur. Discamus ergo, & discant omnes ex hac Aristotelis doctrina, à rerum definitionibus superflua verba rescindere. Sed ad qualitatis definitionem red- dendum.*

14 Secunda est, quam tradit Hurtado loco citato quæstione præcedenti; ubi reiecta definitione Aristotelis, sic ipse definit: *Qualitas est accidens absolutum à quantitate distinctum*. Hæc tamen definitio potiori iure reiicienda est. Primum quidem quia, vel nomine accidentis absoluti intelligit, quod non est vera relatio prædicamentalis, & sic tota definitio planè cōvenit sex ultimis prædica-

mentis; siquidem in hoc sensu verè sunt accidentia absoluta distincta à quantitate, vel intelligit, quidquid nullū dicit respectū, neque prædicamentalem, neque transcendentelem, & sic definitio non conuenit omni qualitatī; siquidem habitus, potentia, & plures aliæ qualitates, sunt relationes transcendentes, vt patet: ergo hæc definitio, vel conuenit alijs à definito, vel non conuenit omni contento sub illo.

Præterea, quia est definitio illa conueniret omni, & soli qualitatī; adhuc non explicat propriam eius rationem, seu quid sit illud, per quod qualitas distinguitur à quantitate, & alijs prædicamentis. Sicut si quis definiret animal, *esse viuens distinctum à planta*; reuera non explicaret propriam rationem constitutiuam animalis, sed perinde esset, ac si per negationem definiret, dicēdo: *Animal est viuens, quod non est planta*. Quem modum definiendi, vt imperfectissimum contemnit Aristot. 1. Topicor. c. 4. ergo si propter reiicit iste author definitionem Aristotelis, quia non declarat, quid sit ipsa qualitas, eadem etiam ratione reiicienda est sua definitio.

15 Tertiò tandem alij definiunt qualitatem sic: *Qualitas est accidens proueniens à forma in esse quieto*. Per primam particulam differentie distinguunt qualitatem à quantitate, vbi, situ, & alijs prædicamentis, quæ quantitatem consequuntur; nam vt docet D. Thom. 5. Met. lect. 9. & 3. p. q. 90. art. 2. de poten-

tia q. 9. artic. 7. & alibi sapè, qualitas in hoc à quantitate distinguitur; quòd hæc sequitur materiam; illa verò formam. Per ultimā verò particulā distinguitur ab actione; quæ quidem prouenit à forma; sed quasi in motu, & fluxu, quæ secum trahit actio; non verò qualitas; & ideo hæc dicitur à forma prouenire in esse quieto.

Caterum hæc etiam definitio, quantum nihil contineat à veritate alienum; adhuc tamen non videtur omninò sufficienter explicare essentiam qualitatis; sed ad summum est descriptiua. Et ideo inuestigandū restat, quæ sit illa ratio, aut perfectio, cui annexum est prouenire à forma in esse quieto. Sicut enim supra disp. 13. n. 17. diximus, insufficienter explicari essentiam hominis, dicēdo, esse animal radicaliter risibile, quia confuse indicatur ibi essentia hominis; sic similiter, dicēdo qualitatem esse accidens proueniens à forma in esse quieto; valde confuse importatur essentia qualitatis. Quare his, & alijs definitionibus relictis.

16 Dicendum est, veram rationem, & essentiam qualitatis in cōmuni, propriumque effectum formalem eius duobus modis, & utroque optimo explicari à D. Thom. quem sequuntur Caiet. Conradus Cano, Arauxo, Sanch. & Gallego, infra citandi, & communiter Thomista.

Primus habetur 1. parte, q. 28. articulo 2. vbi docet, quòd in vnoquoque prædicamento accidentium possunt duo considerari, scilicet ratio

tio communis accidentis, & propria, & peculiaris ratio vniuscuiusque. Hæc autem in qualitate (inquit) est esse dispositionem substantiæ; sicut propria ratio quantitatis est, esse mensuram, aut extensionem substantiæ. Iuxta quam doctrinam, sicut hæc est congrua definitio quantitatis. Quantitas est extensio, seu mensura substantiæ; vel accidens extensiuum, seu mensuratum substantiæ, sic etiam hæc erit congrua definitio qualitatis: *Qualitas est dispositio substantiæ*, seu *accidens dispositiuum substantiæ*, vt postea explicabimus.

17 Secundus modus declarandi rationem communem qualitatis est apud D. Thom. 1.2. quæstio. 49. articulo secundo, vbi inquit: *Proprie qualitas importat quandam modum substantiæ: modus autem est, vt dicit August. super Genesim ad litteram, quem mensura præfigit: & idè importat quandam determinationem secundum aliquam mensuram. Et idè sicut id, secundum quod determinatur potentia materie secundum esse substantiale, dicitur qualitas, quæ est differentia substantiæ; ita id, secundum quod determinatur potentia subiecti secundum esse accidentale, dicitur qualitas accidentalis, &c.* Ex quibus verbis formatur alia definitio qualitatis sic: *Qualitas est accidens modificatiuum, siue determinatiuum, vel imponens modum, aut determinationem substantiæ.* Quæ duæ definitiones, si rectè intelligantur, inter se coincidunt, & explicant optimè

propriam, & essentialem rationem qualitatis in communi, quidquid contradicatur. Suar. loco citato. Quia autem definitiones nō possunt demonstrari; vt bonitas itarum appareat, sufficiet earum terminos explicare, vt explicant communiter Thomistæ.

18 Pro primæ ergo intelligentia notandum est, nomen *dispositionis* à disponendo dictum esse. Disponere autem idem est, quod ordinare, seu ponere aliqua cum ordine. Ad quod requiritur, vt in re, quæ disponitur, sint aliquo modo plura, seu partes, quæ possint cum ordine collocari. Vndè Aristot. 5. Metaphys. textu 24. definit dispositionē generaliter sumptam dicens: *Dispositio est ordo habentis partes*; vel, vt ait D. Thom. lect. 20. *Dispositio est ordo partium in habente partes.* Est autem duplex dispositio partium. Alia in ordine ad locum, quæ, scilicet, sic ordinat partes rei, vt vna correspondeat sursum, alia deorsum, &c. & hæc constituit prædicamentum situs. Alia est dispositio rei in se ipsa, & de hac loquimur in præsentī, intelligiturque definitio tradita.

19 Secundò obseruandum est, ad hanc dispositionem non esse necessarium, vt verè, & realiter sint partes, aut plura in habente ipsam. Nam habitus intellectus appellatur ab Aristot. in hoc capite, & est vera dispositio, cum tamen in ipso intellectu non sint verè, & realiter partes, quæ per talem habitum disponantur. Sufficit ergo, vt in illo

in illo sit quædam indifferentia, & potestas ad plura; quæ est virtualis quædam latitudo, ratione cuius apprehendimus in ipso intellectu quasi plures partes potentia, etiam in ordine ad obiectum eiusdem habitus; secundum quas potest magis, ac magis actuari per talem habitum, tam secundum extensionem, quam secundum intensiorem, ut magis declarabimus in libris de Generatione. Unde habitus sic actuans illas, quasi partes potentia, verè est dispositio: quia per talem gradualem actuationem ponit ordinem inter tales partes, quæ antea intelligebantur, quasi confusæ, & inordinatæ.

Sit exemplum in intellectu respectu Geometria, in quo (loquendo de extensione) est potentia ad sciend. vnam conclusionem, & potentia ad sciend. alteram, & plures alias. Quæ potentia sunt quasi partes vnius integræ potentia, quam intellectus habet respectu totius Geometria; intelligunturque, quasi confusæ, & inordinatæ, antequam adueniat habitus Geometria. Qui tamen adueniens, verè ponit ordinem inter illas, ordinatè actuan- do ipsas, prius circa primam conclusionem, deinde circa secundam, &c.

Idem etiam cernitur in intensi- one, cum habitu, cum etiam omnium qualitarum, quæ susci- piunt magis, & minus. Nam in eadem parte ligni est potentia, ut actuetur per calorem ut duo; & ut tria, &c. Quæ quasi parti- a-

les potentia, quæ antea intelli- gebantur confusæ, & inordina- tæ, adueniente calore, ordina- tur: siquidem prius actuatur po- tentia ad calorem ut duo, dein- de ad calorem ut tria, & sic de alijs.

Tandem idem cernitur in quarta specie qualitatis. Nam fi- gura hominis verè ordinat, & dis- ponit partes eius, ita ut hæc vni- tur illi, & non alteri, & hoc non in ordine ad locum; nam hoc facit situs, sed in se ipsis; siquidem etiam deficiente situ, adhuc potest esse figura, ut de facto contingit in my- sterio Eucharistia. Et idem etiam est de alijs figuris mathematicis; nam circulus, aut triangulus verè ordinat, & disponit partes linea, quæ ante tales figuras intelli- gebantur quasi confusæ, & inordina- tæ. Restat ergo, quod disponere rem in se ipsa, ut explicatum est, convenit omnibus qualitativis. Cum autem hoc non conveniat alijs accidentibus aliorum prædi- camentorum, ut consideranti pa- tebit, planum sit, omnes, & solas qualitates esse isto modo disposi- tiones, & ex consequenti, hanc esse optimam definitionem qualita- tis: *Qualitas est accidens dispositi- um rei in se ipsa*. Videantur San- chez libro quinto Logica quæstio- ne 41. & Gallego controuersia 27. citata.

20 Superest explicanda se- cunda definitio supra tradita. Pro qua notandum est, modum sumi multipliciter. *Primo* enim acci- pitur

pietur latè pro omni accidenti, siue completo, siue incompleto, de quibus frequenter dicimus, quòd modificant, & afficiunt substantiam. *Secundò* solet restringi ad quædam accidentia, quæ licèt reuera sint entia completa, sunt tamen minimæ, & imperfectissimæ entitatis. Quo sensu figuras, relationes, & sex vltima prædicamenta solemus appellare modos. *Tertiò*, modus sumitur propriè, & strictè pro quibusdam entibus imperfectissimis, & incompletis, quæ non constituunt aliquod genus, aut speciem entis, neque sunt veræ partes, sed puræ modificationes, aut affectiones entium, ad eorum prædicamentum reduciue pertinentes, & per ipsum esse existentes, vt vnio, punctum, & post prædicamenta. Modificare ergo his tribus modis non est effectus formalis qualitatatis, vt est per se euident, neque in hoc sensu intelligi possunt verba Diu. Thom. adducta ex prima secundæ, vt rectè notant ibidem Caiet. Conradus, & Cano, quos adducit Sanchez, vbi supra. Vnde.

Quartò, & vltimò modus specialiter sumitur pro dispositione, seu ordinata determinatione. Quæ acceptio meliùs, & significantiùs exprimitur secundùm phrasim Hispanam, quando dicimus: *no tiene modo*, ò, *tiene buen modo*; idest in ijs, quæ agit, vel dicit, non habet dispositionem, vel ordinatè procedit, &c.

Ex quo patet, modum in hac acceptione coincidere cum secun-

da acceptione dispositionis; inò significantiùs exprimere eam; ac proinde hanc etiam esse optimam definitionem qualitatis: *Qualitas est accidens imponens modum, seu determinationem substantiæ*. Quæ in rei veritate coincidit cum præcedenti vt explicatum est. Videantur Sanchez, & alij Auctores citati.

21 Tandem potest assignari tertia alia definitio, licèt descriptiua, iuxta tertiam proprietatem qualitatis supra numero quarto explicatam; quam appellat Aristoteles maximè propriam illius; conuenitque ei quarto modo proprii, vt ibidem diximus; & est huiusmodi: *Qualitas est accidens, secundùm quòd res dicuntur similes, aut dissimiles*. Neque indiget maiori explicatione.

QVAESTIO III.

De prima specie qualitatis, scilicet, habitu, & dispositione.

Cognita essentia qualitatis, species eius inuestigandæ sunt. Et à prima incipiendo, nomina ipsa ante omnia distinguere, & explicare oportet, quia habent non paruum confusionem.

22 *Habitus* ergo vt benè notat Caietan. in hoc capite, dicitur ab *habendo*: & ideò sicut habere sumitur tripliciter, ita habitus triplicem habet acceptionem, vt tradunt expressè Aristot. 5. Metaphysicæ textu 25. & Diu. Thom. 1. 2. quæstione 49. artic. 1. *Primò* habere

habere sumitur communiter, prout idem valet, ac possidere quocunque modo, siue per inhærentiam, siue per relationem, &c. ut cum dicitur aliquis habere amicum, habere pecunias, scientiam, &c. Et habere, seu habitus in hac acceptione consequitur prædicamenta, estque post prædicamentum, de quo agit Aristot. capit. ultimo huius libri. Iuxta quam etiam acceptionem, ipsa res habita, quæcunque sit illa, siue substantia, siue accidens, interdum appellatur habitus. Quo sensu Aristot. cap. de oppositis dixit: *A priuatione ad habitum non est possibilis regressus.*

Secundò sumitur minùs communiter, ut est quoddam medium per modum actionis, & passionis inter habentem, & rem habitam, ratione cuius dicimur vestitos, aut armatos esse, &c. Qui enim habet vestem in arca, nò dicitur habere hoc secundo modo, sed tantum primo. Et habitus in hac acceptione constituit speciale prædicamentum, ut suo loco videbimus.

Tertiò tandem sumitur magis strictè, prout significat id, quo res se habet benè, vel malè, vel in se ipsa, vel in ordine ad aliquid aliud. Quo sensu solemus inquirere: *quomodo te habes?* Et habitus in hac acceptione pertinet ad prædicamentum qualitatis, estque prima species eius, quia est dispositio, qua res benè, vel malè se habet, vel in se ipsa, ut sanitas, & aegritudo; pulchritudo, & deformitas; vel in ordine ad aliquid aliud, ut virtus, & vitium; scientia,

& error. Videantur Diu. Thom. loco citato, & Ludouicus Montefino ibidem disputatio. 30. in principio.

23 Nomen *dispositionis*, unde deriuetur, diximus quæstione præcedenti numero 18. ubi etiam duas eius acceptiones adduximus. Nunc tertiam aliam oportet addere, qua dispositio sumitur pro habitu in tertia acceptione explicata, nam indifferenter solemus inquirere: *quomodo te habes?* & *quomodo disposituse?* Propter quod Aristot. & Diu. Thom. sæpè confundunt habitum, & dispositionem, secundum quod pertinent ad hanc primam speciem qualitatis, ut patet 5. Metaphysicæ textu 15. & 1. 2. quæstione 62. articulo 1. Hoc autem est discrimen, ut docent Aristot. in hoc cap. & D. Thom. quæstione 49. citata art. 2. ad tertium, quod nomen *habitus* proprius, & frequentius applicatur qualitibus istius speciei, quæ sunt difficilè mobiles; nomen verò *dispositionis* illis quæ sunt faciliè mobiles. Et merito quidem, nam quando quis quæritur, quomodo se habeat? de dispositione permanenti quæritur, quam non ita exprimimus, quando inquirimus, quomodo dispositus est? Et ita nomen ipsum habitus, ut rectè inquit Diu. Thom. ibidem, diuturnitatem quandam, & permanentiam importat, quam non significat nomen *dispositionis*. Propter quod scientiam, virtutem, & alias qualitates diuturnas huius speciei absolutè, & propriè appellamus habitus; non verò dif-

dispositiones : contra verò sanitas, pulchritudo, & similes qualitates facillè mobiles propriè dicuntur dispositiones, & non habitus. Et in hoc sensu cōdistinguuntur in inter se habitus, & dispositio, secundum quod pertinent ad hanc primam speciem qualitatatis.

His explicatis: duo oportet breviter examinare. Primum est, in quo consistat essentia huius primæ speciei, & per quid distinguatur ab alijs? Secundum est: vtrum habitus, & dispositio, secundum quod specialiter sumuntur vt cōdistincta, differant essentialiter, vel accidentaliter? Vbi etiam enumerabimus qualitates, quæ sub vnoquoque membro continentur.

24 Circa primū, omisis alijs sententijs, dicendum est primò, essentiam huius speciei, prout comprehendit, tam habitum, propriè dictum, quam dispositionem ab illo cōdistinctam, consistere in hoc, quòd sit qualitas determinans, seu disponens rem benè, vel malè in ordine ad naturam; seu per se primò ordinata ad benè, vel malè esse naturæ subiecti, vel secundum se ipsam, vt contingit in sanitate, pulchritudine, & alijs similibus, quæ immediatè afficiunt naturam; vel in ordine ad aliquam operationem, vt contingit in scientia, virtute, & alijs habitibus, qui immediatè afficiunt potentias. Sic docet expressè Aristoteles quinto Metaphysicæ textu 25. & secundo Ethicorum capite quinto, quem refert, & sequitur Diuus Thomas, quæstione 49. citata articulo pri-

mo, secundo, & tertio, vbi explicat optimè hanc doctrinam. Pro quia etiam videri possunt Montesinos loco citato quæstione prima, Conradus, Zumel, & alij expostores.

Probatum breviter ratione desumpta ex Diuo Thoma. Quia in hoc conveniunt essentialiter omnes qualitates huius primæ speciei, & per hoc distinguuntur à cæteris: ergo hæc est propria ratio illius. Antecedens quoad primam partem patet, tum ex ipsa etymologia habitus, & dispositionis supra explicata, secundum quod constituunt hanc primam speciem: tum etiam quia non solum sanitas, & agritudo; pulchritudo, & deformitas, & similes qualitates, ex sua ratione disponunt rem in ordine ad naturam, quæ benè se habet cum sanitate, & pulchritudine; malè autem cum agritudine, & deformitate; sed etiam scientia, & error; virtus; & vitium, & similes habitus re vera ordinantur ad benè, vel malè esse naturæ potentiarum, quibus insunt; siquidem scientia, & virtus disponunt intellectum, & voluntatem convenienter ad suam naturam; error verò, & vitium disconvenienter. Imò vt benè docet D. Thom. articulo tertio citato, huiusmodi habitibus, considerata ipsa natura habitus secundum se, per se primò convenit ordinari ad benè, vel malè esse naturæ; de consequenti verò, & ex parte subiecti important ordinem ad operationem, in quantum est finis naturæ, vel per

producens in finem, ergo in hoc, quod est disponere rem bene, vel male in ordine ad naturam, ut explicatum est, essentialiter conueniunt omnes qualitates huius primæ speciei.

Quod autem per hoc distinguantur ab alijs speciebus (quæ est secunda pars illius antecedentis) etiam patet. Nam secunda species, scilicet, naturalis potentia, & impotentia, per se primò sumitur in ordine ad operationē absolutē sumptam, non curando, an sit conueniens, vel disconueniens, ut patet inductione. Intellectus enim æqualiter est potentia respectu intellectiōis scientificæ, & erronæ; & voluntas respectu volitionis honestæ, & peccaminosæ; & idem est de potentijs transeuntibus, ut consideranti patebit. Similiter tertia species per se primò attenditur, vel ex eo, quod sit terminus alicuius alterationis procedentis à potentijs secundæ speciei, vel ex eo, quod sit obiectum alicuius sensus, ut infra videbimus; ad quod impertinens est, esse conuenientem, vel disconuenientem naturæ subiecti. Quod etiam per accidens conuenit quartæ speciei; siquidem figura, præcisè prout figura est, non dicit conuenientiam, aut disconuenientiam, ut patet in figuris mathematicis: ergo per hoc distinguitur prima species qualitatis ab alijs omnibus.

25 Hinc fit, ut rectè notauit Diu. Thom. art. 2 citato ad primū, quod quando in qualitatibus tertiaræ speciei, verbi gratia, in calore,

& frigore, quæ pertinent ad obiectum tactus; aut in colore, qui est obiectum visus, vel etiam in forma, aut figura, quæ est quarta species: consideratur conuenientia, vel disconuenientia ad naturam subiecti; tunc reducuntur ad hanc primam speciem, quia secundum hanc rationem color, & figura pertinent ad pulchritudinem, vel deformitatem; & calor, & frigus ad sanitatē, vel ægriitudinem. In quo sensu (inquit D. Thom.) *Caliditas, & frigiditas ponuntur à Philosopho in prima specie qualitatis.*

Ex dictis potest, sic formari definitio huius primæ speciei, prout comprehendit habitum & dispositionem: *Est qualitas, secundum quam res bonè, vel malè se habet.* In qua definitione ponitur sub distinctione ly *bonè, vel malè*; quia non habemus nomen, quod abstrahat à bono, & malo: suè conuenienti, & disconuenienti.

Cum autem species ista diuidatur in habitum, & dispositionem per esse facile, vel difficile mobilem à subiecto; si vnumquodque horum membrorum velimus definire, ponenda erit pro genere definitio nominis incomplexi, ipsa definitio huius speciei, dicendo: *Habitus est qualitas secundum quam res bonè, vel malè se habet, difficile mobilis*; *Dispositio verò est qualitas, secundum quam res bonè, vel malè se habet, facile mobilis.* De quibus iam videndum est, an essentialiter inter se distinguantur? hoc enim est, quod secundo loco examinandum promissimus.

26 Dicendum est secundò, quòd
quauis habitus propriè dicti, vt
scientia, & similes, quando sic im-
perfectè insunt, vt de facili pos-
sint amitti, verè dicantur disposi-
tiones; & econtrà, dispositiones
propriè dictæ, vt sanitas, & egritu-
do, quādo ex aliquo accidenti red-
duntur difficilè mobiles, verè etiam
dicantur habitus: atque ita iuxta
modum loquendi interdum distin-
guantur habitus, & dispositio, vt
perfectum, & imperfectum intra
eandem speciem: tamen absolute
loquendo, habitus, & dispositio
propriè dicta; quibus, scilicet, per
se, & ex natura sua conuenit esse fa-
cilè, vel difficilè mobiles, verè dif-
ferunt essentialiter, & specificè.
Hæc conclusio est contra Scotum
q. 9. huius prædicamenti, Vazquez
1. 2. disp. 78. cap. 3. Salas ibidem,
quæst. 52. disp. 5. sect. 1. & quosdam
alios Recentiores. Eam tamen do-
cet expressè D. Tho. art. cit. ad 3.
quem sequuntur communiter Tho-
mistæ, Caiet. & Conradus ibidem,
Arauxo 5. Metaph. q. 4. artic. 3. la-
bel. & Soto in hoc cap. Mat. ibidem
q. 4. & Sanch. lib. 5. q. 44. Quibus
etiam consentiunt Lorca, Valen-
tia, Fonseca, Toler. Conimb. Rub.
Lorin & alij, quos refert Gallego
controu. 28. Pro qua etiam senten-
tia videri possunt Montefino vbi
supra n. 27. & noster Didac. à Iesu
disp. 15. q. 2.

27 Probatur ratione Aristot.
quam adducit D. Thom. ibidem, ex
communi modo loquendi. Quia
qualitates, quæ ex natura sua sunt
facile mobiles, si ex aliquo accidē-

ti reddantur difficilè mobiles, di-
cuntur habitus, vt contingit in se-
bri, quæ trāsīt in ethicam. Econtrà
verò qualitates, quæ ex natura sua
sunt difficilè mobiles, cum ita im-
perfectè insunt, vt de facili amit-
tantur, dicuntur dispositiones, vt
patet in scientia; quam dū quis
ita imperfectè acquirit, non tam di-
citur habere, quā disponi ad il-
lam, ergo signum est, propriam ra-
tionem habitus intrinsecè, & essen-
tialiter importare diuturnitatem,
seu permanentiam; econtrà verò
dispositionem per se, & ex natura
sua habere, quod de facili amitta-
tur: & per consequens habitus, &
dispositio propriè dicta essentiali-
ter distinguuntur.

Confirmatur: quia ex eo sani-
tas, & egritudo sunt qualitates fa-
cilè mobiles, quia per se, & ex na-
tura sua habent causas transmuta-
biles, & ex eo scientiæ, & virtutes
sunt qualitates difficilè mobiles,
quia per se, & ex natura sua habent
causas immobiles, vt inquit Diuus
Thomas loco citato, sed ex diuer-
sitate causarum per se, & propria-
rum sumitur distinctio essentialis
in effectibus, vt per se notum est:
ergo illæ qualitates, quibus per se,
& ex natura sua conuenit, esse fa-
cile mobiles, distinguuntur essen-
tialiter ab illis, quæ ab intrinsecò, &
ex propria ratione sunt difficilè
mobiles.

Est tamen hic aduertendū cum
Angelico Doctore ibidem, quòd
quauis differentia illa videatur
accidentales; cum pertineant ad
motum, qui est extra prædicamen-

tum qualitatis, designant tamen proprias, & per se differentias harum specierum, sicut etiam in genere substantiæ frequenter accipiuntur differentia accidentales loco substantialium. Per quod faciliè soluntur argumenta, quæ solent fieri contra nostram conclusionem: & ideo illa omittimus.

28 Ex dictis possunt utcumque enumerari qualitates, quæ sub unaquaque harum specierum continentur. Sub habitu enim propriè dicto comprehenduntur omnes scientiæ, & virtutes. Quarum seriem sic possumus ordinare, ut habitus diuidatur in acquisitum, & infusum. Sub infuso continentur Fides, Spes, Charitas, Lumen gloriæ, atque permanentia Spiritus Sancti dona, & virtutes, si quæ sunt aliæ per se infusæ. Habitus acquisitus diuiditur in intellectualem, & moralem; seu in habitum intellectus, & voluntatis: hic diuiditur in virtutem moralem, & vitium illi oppositum: & vnumquodque in suas species, in quarum consideratione occupatur tota ferè 2. 2. D. Thom. Habitus intellectualis diuiditur ab Arist. 6. Ethicor. c. 3. in intelligentiam, sapientiam, scientiam, artem, & prudentiam. Intelligentia idem est, quod habitus principiorum, de quo in libris Posteriorum; ubi etiam diuisionem scientiæ statuemus. Sapientia non constituit speciem distinctam à scientia, vniue: saliter sumpta, ut comprehendit Theologiam, Metaphysicam, & alias scientias, ut ibidem disp. 20. explicabimus. Ars communiter diuiditur in sep-

tem mechanicas: (nam liberales secundum quid tantum dicuntur artes.) Et tandem prudètia in moralicam, æconomicam, & polyticam. Quæ omnia per censendo potius, quam ex professo dicta sunt. Quia tamen diuisio illa habitus intellectualis ab Aristot. tradita non est immediata, eam ordinabimus loco citato.

29 Sub dispositione, ut distinguitur ab habitu, continentur omnes dispositiones corporales, quia illa simpliciter non sunt difficile mobiles, ut inquit D. Tho. 1. 2. quæst. 50. art. 1. ad secundum, propter mutabilitatem causarum corporalium. Et huiusmodi sunt sanitas, & ægrotudo; pulchritudo, & deformitas, etsi quæ sunt quasi habitus in membris corporis, ut facilitas acquisita saltandi, pulsandi citharam, aut alia opera corporalia exercendi. Notandum tamen est, quod si sanitas, aut ægrotudo non est aliquid vnum accidens distinctum à primis qualitatibus; etsi pulchritudo, vel deformitas non est accidens distinctum à colore, figura, &c. non continentur propriè, & per se sub hac prima specie; sed tantum reductiuè; siquidem sic reuera sunt entia per accidens. Si verò sint accidentia ab illis distincta, & inde resultantia, propriè, & per se sub illa continentur.

Ad hanc etiam speciem pertinet ex spiritualibus illa qualitas, quæ per primum, aut secundum actum virtutis relinquatur in voluntate. Hæc enim non est verè habitus; sed dispositio iuxta sententiam D.

Thomæ

Thom. quæst. 5. 1. sequenti artic. 3. ubi docet per primum actum sciëntiæ posse quidem generari sciëntiā, quæ sit verè habitus, licet imperfectus, per primum verò actum virtutis non generari virtutem, quæ sit verè habitus, sed dispositio. De quo videri potest Montef. ubi sup. nem. 29. & disputat. 32. sequenti quæst. 5.

30 Quid autem de gratia habituali dicendum sit, supposito quòd realiter distinguatur à charitate iuxta sententiam Diu. Thom. 1. 2. quæst. 110. artic. 3. tractant ibidem Theologi. Ipsam pertinere ad hanc speciem dispositionis, videtur colligi ex solutione ad tertium, ubi inquit Sanctus Doctor: *Gratia reductur ad primam speciem qualitatis; neque tamen est idem. quòd virtus, sed habitudo quadam, quæ præsupponitur virtutibus infusis.* Quibus verbis addit in 2. distinct. 26. quæst. 1. artic. 4. ad primum. *Quòd non est propriè habitus; sed habitudo quadam, si ut sanitas se habet ad corpus; & idè dicit Chrysost. quòd gratia est sanitas mentis, &c.* De quo etiam videri potest quæst. 27. de veritate articulo 2. ad 6. Quòd autem magis sit cõnumeranda habitibus propriè dictis, suadet ipsa excellentia, & perfectio gratiæ, colligiturque non obscure ex eadem quæstione 27. artic. 1. ad 9. ubi docet Angelicus Doctor, gratiam ex natura sua esse difficile mobile à subiecto, etiam si per vnum actum peccati mortalis amittatur. Neq; contrarius est alijs locis adductis; quia solum negat, gratiam

esse habitum, sicut Philosophi loquuti sunt de habitibus, ut ipse ibidem se satis explicat; & idè hęc sententia apparet probabilior, pro qua videri potest Conrad. loco citato primæ secundæ.

QVAESTIO III.

De secunda specie qualitatis, scilicet, naturali potentia, & impotentia.

31 PRO intelligentia huius speciei notandum est, duplex esse principium operationis: aliud radicale, & remotum, quod est ipsa forma substantialis, ut anima respectu intellectiõis, de quo certum est, eo ipso non pertinere ad prædicamentum qualitatis; aliud proximum, & formale ut intellectus, & hoc est qualitas pertinens ad hanc secundam speciem. Quæ quando tribuit subiecto posse fortiter operari, dicitur potentia naturalis, ut potentia visiva iuuenis; quando verò est principium operationis debilis, appellatur impotentia, ut potentia visiva senis. Similiter potentia generatiua, quando habet proportionatum temperamentum, dicitur absolutè potentia, & ab ea homines denominantur potentes; quando verò temperamentum non est proportionatum, ut in frigidis, dicitur absolutè impotentia, & ab ea dicuntur impotentes. Ex quo patet, impotentiam non dicere puram negationem; sed potentiam debilem, & remissam,

& ex consequenti non distingui specie à potentia; sed ut imperfectum à perfecto intra eandem speciem.

Potest autem diffiniri hæc species sic: *Potentia est qualitas productiva*: seu, *Qualitas, quæ simpliciter est principium actionis*: intelligendo per actionem, seu productionem, non solum eas, quæ propriè sunt actiones, aut productiones alicuius effectus; sed etiam eas, quæ habent modum actionis, licet nullum producant effectum, ut magna, vel parua resistentia ad diuisionem; quarum sunt principia durum, & molle. Quauis enim tales resistentiæ reverà non sint actiones, aut productiones alicuius effectus; tamen earum principia nèpè durities, & mollitudo sunt qualitates istius speciei, ut expresse docent Aristotel. in hoc capite, & Diuus Thomas in 1. distinct. 42. quæstione 1. art. 1. & super Iob. 41. lect. 2.

32. Quare primò diuiditur potentia in actiuam, & passiuam, seu meliùs, resistentiuam (non enim omnis potentia passiuæ est qualitas, ut patet in potentia passiuæ materiæ respectu formæ, aut substantiæ respectu accidentium.) Potentia actiuæ est illa, quæ est principium actionis, quæ verè est productio alicuius effectus. Quod sufficienter exprimitur illis terminis: *potentia actiuæ*; quia reverà potius sunt definitio, quàm definitum. Potentia resistentiuæ est, quæ est principium alicuius habentis modum actionis, cum tamen non sit vera

actio. Et ad hoc genus pertinent durum, & molle; salubre, & valetudinarium, ut testatur Aristoteles in hoc capite, intelligendo per salubre, & valetudinarium, non sanitatem, & infirmitatem, quæ pertinent ad primam speciem, sed robur, vel debilitatem corporis in sua constitutione, ratione quorum difficile, vel facile cedit infirmitatibus. Fortè etiam ad idem genus pertinent grauitas, & leuitas, illa enim est principium resistendi motui sursum; ista verò motui deorsum. Verùm autem sint potentiæ verè actiuæ suorum motuum, constabit, cum de motu grauium, & leuium disputemus.

33. Ad has duas species subalternas potentiæ pertinent quædam qualitates supernaturales, quibus homines deputantur ad cultum Dei, secundum ritum Christianæ Religionis, quæ characteres appellantur. Nam character Baptismi pertinet ad potentiam passiuam, quia non ordinatur ad aliquam actionem; sed potius ad receptionem sacramentorum. Character verò confirmationis, & ordinis pertinent ad potentiam actiuam, quia ordinantur ad actiones hierarchicas. Quæ omnia docet quæstione 63. artic. 2. & in 4. dist. 4. quæstione 1. artic. 4. quæstionculæ 3. Additque eisdem locis, quòd quia hæc spirituales potestates sunt instrumentales, sicut virtutes sacramentorum: *Idèò sicut virtus, quæ est in sacramentis, non est in gene-*

re per se; sed per reductionē, eo quod est quiddam fluens, & incompletum; ita etiam character non proprie est in genere, vel specie; sed reducitur ad secundam speciem qualitatis.

Potentia actiua diuiditur in immanentem, & transeuntem. Sub hac continetur intellectus agens, & potentia generatiua, nutritiua, & augmentatiua, (quæ solent appellari à Medicis potentia principales, eisque annexæ alias ministras, vt videbimus in libris de anima) & generaliter omnes potentia, seu virtutes naturales creaturarum, quæ ad producendum aliquem effectum in extranea materia à natura destinatae sunt. Sub immanenti continentur potentia cognoscitiua, & appetitiua, illa diuiditur in sensitiuam, & intellectiuam; hæc vero in appetitum sensitium, & rationalem. De quibus omnibus, & de vniuscuiusque speciebus, & actibus agendum est loco citato.

QVAESTIO V.

De tertia specie qualitatis, scilicet, passione, & passibili qualitate.

34 PRO huius speciei intelligentia notandum est passionem sumi multipliciter, vt habetur quinto Metaphysicæ textu 26. lectione 20. apud Diu. Thomam. Primo enim sumitur pro proprie-

tatibus, quæ ab essentia dimanant, quo modo risibile dicitur passio hominis, diuisibilitas quantitatatis, &c. Et passio in hac acceptione non est species qualitatis, vt patet, cum inueniatur etiam in alijs prædicamentis.

Secundò sumitur pro quacunque receptione, media qua passum recipit effectum agentis, & correspondet actioni, qua agens producit illum. Et in hac acceptione constituit speciale prædicamentum, de quo infra.

Tertiò sumitur specialius pro receptione alicuius effectus nocui, & disconuenientis, in qua intercedit propria alteratio. Quæ acceptio frequentior est quam secunda, non enim quando quis sanatur, dicitur pati; sed magis quando infirmatur. Et sic quando magis qualitas recepta, est nociua, & disconueniens, tantò passio est maior: In quo sensu passionem Christi Domini dicimus fuisse maximam. Hoc autem non solum contingit, quando qualitas ex natura sua est nociua, vt tristitia in homine; sed etiam quando per accidens nocet propter excessum, vt nimia lætitia. Et idè dixit ibidem Aristoteles, *Amplius horum magis nociuæ alterationes, & motus, & maximè lamentabiles; item magnitudines exultationum, & lamentationum passionem dicuntur.* Et iuxta hanc acceptionem actus appetitus sensitui appellantur passionem, vt suo loco dicemus, quia sunt cum aliquo nocumento; maximè quando

sunt intensi. De quo videri potest
Diu. Thom. 1. 2. questione 22. articu-
culo primo, & questione 24. articu-
lo 2. ad secundum. Sed hec etiam
acceptio non pertinet ad hoc præ-
dicamentum; sed ad prædicamen-
tum passionis.

35 Quartò tandem sumitur
passio pro qualitate, secundum
quam fit talis alteratio. Quæ teste
Aristotel. in hoc capite, appellatur
passibilis qualitas, vel quia causat
talem alterationem, ut dulce, &
amarum, quæ causant alteratio-
nem in gustu; calidum, & frigi-
dum in tactu, & similes qualitates
sensibiles: vel quia causantur ex ta-
li alteratione, ut album, & nigrum,
quæ causantur ex aliqua alteratio-
ne. Cuius signum (inquit Aristo-
teles) est, quòd quando quis pado-
re afficitur, ruber fit; & qui metuit,
palidus. Vnde si cui natura talem
perturbationem tribuerit, simili
erit colore.

Distinguuntur autem passio, &
passibilis qualitas, ut hîc ait Ari-
stot. quia passio significat qualita-
tem ex aliqua breui alteratione re-
sultantem, ut pallor ex metu, vel ru-
bor ex verecundia causatus: at pas-
sibilis qualitas significat easdem
qualitates, quâdo oriuntur ex per-
manenti, & fixa alteratione, ut co-
lor rubeus, aut pallidus permanens
in hominibus; siuè id procedat à na-
tura, vel ab infirmitate, &c. Ex
quo tandem fit, passionem, & pas-
sibilem qualitatem non distingui
specie; sed tantum accidentaliter,
ut de potentia, & impotentia di-
ctum est.

36 Qualitas passibilis, cum sit
definitio; propriè definiri non po-
test. Potest tamen declarari, si di-
camus, quòd *Est qualitas sensibilis,*
seu *obiectiva*, id est, constituens ob-
iectum alicuius sensus. Sub qua cõ-
prehenduntur lux, color, odor,
sapor, & qualitates tangibiles, sci-
licet, calor, & frigus; humidi-
tas, & siccitas, & si quæ sunt aliæ
qualitates, quæ sint obiecta sen-
suum. Ex quibus lux, & quatuor
primæ qualitates sunt species in-
finitæ, aliæ verò suba ternæ; nam
color diuiditur in albedinem, &
nigredinem, & alios colores me-
dios, sonus in acutum, & grauem,
& alios medios, & sic de cæteris.
Asperum autem, & lene; & rarum,
& densum, hæc videntur quali-
tates; propriè tamen, ut inquit
hîc Aristotel. pertinent ad prædi-
camentum situs. Nam rarum est,
cuius partes distant; densum verò,
cuius partes propè sunt; similiter
asperum est id, cuius partes sunt
aliæ alijs eminentiores; lene verò,
siuè laue, cuius partes quasi in re-
cto sitæ sunt. Quæ omnia satis pa-
tent ad dispositionem partium in
loco pertinere.

QVÆSTIO VI.

*De ultima specie qualitatis,
scilicet, formæ, &
figura.*

37 PRO intelligentia huius spe-
ciei notandum est, quòd *for-
ma* primò sumitur pro substan-
tiali; quo sensu anima rationalis
dici-

dicatur forma hominis. Secundò pro quocumque actu, etiam accidentalibus; quomodo omnia accidentia appellantur formæ accidentales. Et his duobus modis non est species qualitatis, ut patet. Tertiò sumitur forma pro dispositione, quam habent partes quantitatis in ordine ad se, à qua deriuatur denominatio formosi, vel deformis, de qua dicitur Psalm. 44. *Speciosus forma præfilijs hominum*, &c. Et in hac acceptione est vera species qualitatis.

Similiter *figura*, teste D. Tho. in 3. dist. 16. q. 2. art. 1. ad 1. uno modo sumitur, prout idem est, quod imago, seu signum alicuius. Et in hac acceptione dicitur Christus transfiguratus, quia claritatem assumpsit ad tempus in signum, seu figuram futuræ claritatis; quæ erit in Sanctis. Quo etiam sensu dicitur 1. Corinth. 10. *Omnia in figura contingebant illis*. Secundò sumitur *figura* (inquit D. Tho.) pro qualitate resultante ex terminatione quantitatis. Quo modo nõ dicitur Christus transfiguratus, quia eadem delineamenta corporis in ipso erant. Et in hoc sensu sumitur in præfenti, estque vera species huius prædicamenti; siquidem verè disponit rem in se ipsa, ut patet ex dictis supra n. 19. Non tamen distinguitur species à forma in tertia acceptione, ut docent communiter Doctores, & satis ex se patet; siquidem utraque eodem modo disponit partes quantitatis in se ipsis.

38 Differunt autem accidentaliter: vel per hoc, quòd forma

significat istam speciem physicè, & naturaliter, id est, iunctam cum alijs accidentibus sensibilibus, figura verò significat eandem speciem mathematicè, id est, abstractam ab accidentibus sensibilibus, ut docet Boetius hic, & indicat D. Thom. 3. contra Gentes cap. 105. Vel ut tradit ipse sanctus 7. Physicorum lect. 5. penès hoc, quòd forma significat istam qualitatem, prout reperitur, & dat esse artificiatum, quo sensu dicitur forma turris, domus, &c. figura verò significat eandem qualitatem, simpliciter, vel in rebus naturalibus.

Sub forma continentur qualitates constitutiivæ artefactorum, ut turris, navis, domus, & similes. Sub figura verò, præter figuras animalium, & aliarum rerum naturalium, continentur omnes, de quibus agit Geometra, quas sic possumus ordinare. Primò enim figura est duplex; alia plana, quæ, scilicet, fit in superficiebus; & alia solida, nempe quæ fit in corporibus. Plana diuiditur in triangularem, seu trigonam; quadrangularem, seu tetragonam; pentagonam, exagonam, &c. & circum, quæ est perfectissima inter figuras planas: Sub triangulari continentur isosceles, isopleuros, & scalenon. Sub quadrangulari continentur quadratum, ex altera parte longius, rhombus, rhomboides, &c. Per quem etiam modum diuiduntur aliæ figuræ planæ, excepto circulo, qui est species infima. Tandem figura solida diuiditur in pyramidem, cylindrum, cubum, ovalem, lenticularem, &c. & sphaeram,

quæ est perfectissima inter figuras solidas. Pro quibus omnibus videri possunt Horotius lib. 1. suæ Geometriæ, & alij Mathematici.

39. Concludit autem has species qualitatæ Aristot. docens, fore esse alia genera qualitatæ; sed hæc esse, quæ maximè in omnium ore versantur. Quod modestiæ causa dictum reputat commaniter Interpretes, asserentes, diuisionem esse adæquatam. Cuius non facile assignatur ratio sufficientiæ. Sed inter alias optima est, quam adducit D. Thom. 1. 2. quæst. 49. artic. 2. sumptam ex ipsa natura qualitatæ. Modus enim, seu determinatio, aut dispositio, quam importat qualitas; vel accipitur in ordine ad ipsam naturam subiecti; vel secundum actionem, & passionem, quæ consequuntur principia naturæ; vel tandem secundum quantitatem. Si in ordine ad naturam, cum hæc habeat rationem finis, sicque id, quod primò consideratur in re, sic ponitur habitus, & dispositio, quæ est prima species qualitatæ, in qua sola attenditur ratio conuenientis, vel disconuenientis, seu boni, vel mali, ut dictum est. Si secundum actionem, & passionem, vel attenditur secundum principia actionis, & passionis, & sic est secunda species, scilicet, naturalis potentia, & impotentia, vel secundum actionis, & passionis terminos; & sic est passio, & passibilis qualitas, quæ est tertia species. Vel tandem modus, seu dispositio est inter partes quantitatis; & sic est quarta species, nempe forma, & figura. Neque inuenitur aliqua qualitas,

quæ ad has species non reducat. Videantur Diu. Thom. ubi supra, Conradus, & Medina ibidem Calietan, & Soto in hoc capite. Arauxo 5. Metaphysicæ quæst. 4. artic. 2. & Sanchez lib. 5. Logicæ quæst. 43. ubi rectè impugnat aliam rationem sufficientiæ, quam format Suarez disputat. 42. Metaphysicæ sect. 5. num. 7. sumptam ex illa sua definitione supra impugnata.

40. De speciebus impressis, & expressis, tam sensibilibus, quam intelligibilibus solet meritò dubitari, ad quam speciem pertineant, videntur enim ferè sub omnibus contineri. Hoc tamen rectè explicari non potest, usque dum earum naturam cognoscamus. Probabile est species impressas pertinere ad secundam speciem; quia ex natura sua complent potètiæ operatiuas tanquam concausæ earum; sicque docet inter alios Sanchez loco citato ad 2. Quâvis, ut ibidem refert, probabiliter etiam possit dici, saltem de speciebus intelligibilibus esse habitus, siquidem disponunt hominem in ordine ad naturam, suntque ex ratione sua difficilè mobiles. Quæ sententia videtur colligi ex D. Thom. 1. 2. quæst. 50. artic. 5. & 6.

De speciebus expressis probabiliter aliqui asserunt, pertinere ad tertiam speciem; quia ex natura sua sunt termini operationum. Hoc tamen est contra Diu. Thom. 3. parte quæst. 63. artic. 2. ad 2. asserentem: *Inertia specie qualitatæ non sunt, nisi sensibiles passionēs, & sensibiles qualitates.* Qui etiā in 4. distin-

dist. 4. q. 1. art. 1. docet ex Arist. qualitates tertiæ speciei: *Semper habere ordinem ad aliquam transmutationem corporalem, vel quã inferunt, vel à qua causantur.* Et idè melius dicendum est, esse dispositiones; siquidẽ ex natura sua sunt facillè mobiles, ordinanturque ad bonè, vel malè esse potètiæ, vt patet de actibus virtutis, & vitij; scientiæ, & erroris. Sicque docent communiter Thomistæ, Sonein. 9. Met. q. 21. ad 4. Ferra. 2. de Anima q. 22. & Säch. loco citato ad vltimum, qui plures alios adducit.

41 Tandem de primis qualitatibus, nempe calore, & frigore; siccitate, & humiditate non est parua difficultas; nam licèt eas enu-

merauerimus sub tertiã specie; videntur tamen ad secundam potius pertinere, cùm sint potètiæ actiue elementorum. Sed quidem illud est dictis: nam sub tertiã specie collocat istas qualitates Diu. Thom. 1. 2. quæstione 50. artic. 1. ad tertium, & quæst. 52. art. 1. ad 3. tùm quia verè sunt qualitates tangibiles; tùm etiam quia secundùm eas primò attenditur alteratio; & ita primò, & per se causant aliquam passionem, vel causantur ab ea, vnde sumpta est denominatio passibilis qualitatis. Neque in his oportet in præsentì immorari, de quibus neque Aristotel. neque Interpretes eius ex professo disputant.

C A P V T N O N V M,

De sex vltimis prædicamentis.

S Y M M A T E X T V S.

1 **D**VAS partes continet hoc caput. In prima, prætermis-
sa descriptione actionis, & passionis, solum assignat duas proprietates,
scilicet, habere contrarium, & suscipere magis, & minus. ¶ In
secunda parte breuissimè explicat alia quatuor prædicamenta
ex sola nominum significatione, dicens quòd à situ, seu positione dici-
tur, situm esse; habere verò est, vt armatum, vel vestitum
esse, vbi; vt in Lyceo esse; & quando, vt
heri, & cras.

Notationes circa hoc caput.

QVomodò duæ ista proprietates conuenire possint actioni, & passioni, ex dictis circa alia prædicamenta satis constat. Non enim conueniunt illis per se, & ratione sui, sed ratione qualitatum, quæ sunt termini earum, & ita per se primò solùm conueniunt qualitati, ut eisdem locis explicuimus. Neque est

aliud notatione dignum in hoc capite; nisi quòd quia Aristot. ferè nihil egit de his prædicamentis; idèò Gilbertus Porretan. addidit opusculum de sex principijs inscriptum; ex quo posteriores Dialectici veram horum prædicamentorum notationem iuxta Peripateticam doctrinam desumpserunt.

*DISPUTATIO XVI.**De sex ultimis prædicamentis.*

PERPAVCA de his prædicamentis tradidit nobis Aristot. cum quia parum entitatis, & non magni momenti sunt: cum etiam, quia ex collatione quatuor priorum dignoscuntur. Nam ex substantia, & superficie continente, quæ appellatur locus, cognoscimus, *vbi*. Et ex substantia, & tempore; quòd est altera species quantitatis, cognoscimus, *quando*. Similiter ex substantia, & relatione propinquitatis, vel distantie cognoscimus, *situm*, & *habitum*. Et tandè ex substantia, & qualitate, quæ est potentia actiua, cognoscimus, *actionem*, & *passionem*. Ex quo etiam sumitur horum prædicamentorum perfectio, & ordo. Nam quia qualitas perfectior est quantitate, & quantitas relatione; idèò actio, & passio præponuntur vbi, & quòdo; & hæc situi, & habere. De quibus eodem ordine agemus in hac disputatione. Prius tamen sit.

QVÆSTIO PRIMA.

An ista sex prædicamenta consistant in denominatione extrinseca? Vbi etiam: an sint quid absolutum, vel relationes?

3 CIRCÀ primum non obscure nominis DD. vniuersaliter asserere videntur, hæc sex ultima prædicamenta consistere in de-

nominatione extrinseca, ita ut vbi, v.g. nihil aliud sit, quam denominatio illa extrinseca, quæ prouenit substantiæ à superficie continente; quando

quando à tempore mensuratè; habitus, à veste adiacente, &c. Sic videtur docere D. Thom. opus. 48. tract. 6. c. 1. lib. 3. Physic. lect. 5. & lib. 5. Met. lect. 9. Et ideò hanc sententiam sequuntur Herb. quodlib. 1. q. 9. Iabel. 5. Metaph. q. 23. Soto in hoc cap. & Mas. ibidem q. 1. qui plures alios adducit.

Probatur hæc sententia: quia nõ sunt multiplicandæ entitates intrinsecæ, vbi solæ denominationes extrinsecæ sufficiunt: sed ex sola circumscriptione extrinseca superficiiei continentis dicitur res esse in loco, & ex sola mensuratione extrinseca tēporis dicitur esse in tēpore, & sic de alijs: ergo præter has denominationes extrinsecas non sunt cõstituendæ aliæ entitates, & accidentia intrinseca.

4 Prima conclusio. Hæc prædicamenta non sunt puræ denominationes extrinsecæ; sed formæ quædam, & accidentia intrinseca, relicta in subiecto ex aliquo extrinseco. Sic docet B. Alber. & Gilber. quos refert, & sequitur Capreol. in 2. dist. 2. q. 1. art. 3. Sonein. 5. Met. q. 41. Araux. ibidem quæst. 7. art. 1. Sanchez. libro 6. Logicæ per totum, Gonzalez. 1. par. quæst. 10. disput. 22. ad 3. & communiter Doctores. ¶ Estque procul dubio mens Diui Tho. Nam 5. Metaph. lect. 15. generaliter docet, vltima prædicamenta esse respectus quosdam relictos in rebus ex aliquo extrinseco. Specialiter autem de actione, & passione id docet in 2. dist. 40. q. 2. art. 4. Quod etiam de vbi, & quando tradit in 4. dist. 16. quæst. 3. art. 1. quæ-

stioncula 1. vbi docet, quando, & vbi non esse tempus, & locum; sed quid ex illis in subiecto relictum. Et tandem de situ, & habitu idem tradit 5. Met. lect. 20. vbi ex Arist. dicit, situm addere supra vbi dispositionem partium in ordine ad locum, quam constat esse in ipsa re vbiata: habitumque esse quid medium inter indumentum, & habentem; ac proinde non erit ipsum indumentum extrinsecè denominans.

Fundamentum est, quia distinctio penès intrinsecam, & extrinsecam denominationem eiusdem formæ non potest causare diuersa prima genera: ergo semel, admissio denario prædicamentorum numero, non possunt hæc vltima constitui in purâ denominatione extrinseca. Probatur antecedens: quia eadem omninò forma, quæ intrinsecè denominat subiectum, in quo est, denominat extrinsecè terminum, quem respicit per eundem, & vnicum effectum formalem eius; animal enim esse videns, & parietem visum non sunt duo effectus formales visionis, vt per se constat: ergo repugnat in tali forma, prout sic, esse duas essentias primò diuersas, & ex cõsequenti constituerè plura prædicamenta. Maior huius probatio constabit ex dicendis de vnoquoque.

5 Ad argumentum in contrarium adductum neganda est minor. Nam esse in loco, vel esse in tempore non important puras denominationes extrinsecas à loco, & tempore, sed peculiare modos essendi rerum, quæ sunt in loco, & tempore, in eisdem exillentes. Quia tamen modi

modi isti, seu accidentia dependēt à rebus extrinsecis, quæ maiorem habent entitatē, & sine quibus existere non possunt: (vbi enim dependet à loco; quando, à tempore; & sic de alijs, vt infra explicabimus:) idē de illis loquimur, ac si essent denominationes extrinsecæ. In quo sensu intelligendus est D. Th. locis pro contraria sententia citatis. Solū enim intendit, ista prædicamentā esse debilissimæ entitatis, & summi ab aliqua forma extrinseca, vt actionem à patiente, passionem ab agente, vbi, & sic à loco, quando à tempore, & habitum ab indumento.

Obijcies D. Th. 1. p. q. 1. 10. ar. 3. expressè asserentem, quod *Mobile secundum locum non est in potentia ad aliquid intrinsecum; in quantum huiusmodi; sed solum ad aliquid extrinsecum, scilicet, ad locum.* Et primo contra Genic. 3. *Aliquando denominatur aliquid ab eo, quod est extra ipsum, vt à loco dicitur aliquid esse alicubi, &c.* Ergo non rectè explicatur D. Th. pro nostra sententia.

Respondetur, Angelicum Doct. priori loco distinguere motum localem ab alteratione, & augmentatione in hoc, quod duo isti motus terminantur ad aliquid omnino intrinsecum, nempe ad qualitatem, & quantitatem; & prout sic, non dependent ab aliquo extrinseco; & idē per tales motus nō intelligitur mobile coniūgi alicui extrinseco, à quo resulter quantitas, aut qualitas. At verò vbi, quod est terminus motus localis, omnino dependet à loco, qui est quid extrinsecum; & idē prius mobile intelligitur coniungi loco;

quàm quod resulteret vbi. In quo sensu mobile motu locali dicitur esse in potētia ad aliquid extrinsecum: quod non habēt alij motus. Videatur Arauxo vbi supra ad 1. Sancti. q. 10. ¶ Per quod patet ad locū ex primo contra Gentes. Sensus enim est, quod res denominatur esse alicubi à loco tāquam à forma extrinseca, à qua sumitur forma intrinseca; scilicet, vbi.

¶ Veniamus ad secundā partem questionis ista, scilicet, ista prædicamenta sint quid absolutum, vel puræ relationes? Circa quod, aliqui antiqui, quos refert Herb. vbi sup. docuerunt, consilire in aggregato quodam ex absoluto, & relativo. ¶ Hac tamen sententia est manifestè falsa, quia prædicamenta sunt entia per se, & simplicia: ergo non possunt ex rebus diversorum prædicamentorum integrari.

Secunda sententia docet, esse varias relationes. Quæ videtur esse sententia Scoti in 4. dist. 13. q. 1. vbi facta distinctione relationis in extrinsecus, & intrinsecus aduenientem, dicit, hæc prædicamenta esse relationes extrinsecus aduenientes. Bā de sententiā, nulla facta distinctione, defendit Capr. in 2. dist. 6. q. 1. affirmans prædicamenta ista verè esse relationes, & nō quid absolutū. ¶ Potestq; suaderi, quia hæc prædicamenta dependent in se esse ab existentia illius extrinseci, ad quod ordinantur; ergo sunt verè relationes secundū esse, & nō aliquid absolutum. Consequētia videtur nota; siquidem in hoc differūt, relatio secundū dici, seu transcendentalis, & se-

& secundū esse, seu predicamentalis, quod hæc requirit existentiam terminum, non autem illa. Antecedens verò conceditur communiter à Thomistis, & videtur satis ostenditū inductio- ne: tūc etiā ex imperfectissima, & debilissima entitate horum prædicamentorum, quæ non rectè saluatur per hoc solū, quod dicant ordinē ad aliquid extrinsecum, nisi etiam requirant eius existentiam; siquidem illud conuenit pluribus qualitatibus satis perfectis.

7. Secūda conclusio. Hæc prædicamenta sunt relatiua tantū secundū dici: ac proinde non sunt veræ relationes; sed quid absolutum. Sic docent frequēter Thomistæ, Herb. quo libeto citato, Soncin. 5. Met. q. 39. & 41. label. ibidem q. ultim. Arauxo ubi sup. concl. 4. Sotus, & Mas. in hoc cap. Sanch. lib. citato, & communiter Doctores.

Fundamentū est: quia propria ratio relationis, secundū esse est, esse *ad*, seu accidens faciens respicere aliud ex proprio, & nativo effectu eius: sed hoc non conuenit istis prædicamentis: ergo non sunt veræ relationes secundū esse. Probatur minor discurrēdo per singula. Nam in primis, quatuor ultima prædicamenta ex propria ratione dicūt esse *in*; siquidem ubi facit rem esse *in* loco: quando *in* tempore; situs disponit partes *in* loco; & habitus refuitat ex eo quod velis sit *in* corpore: ergo nullum istorū, propriè loquēdo, includit esse *ad*. De actione etiam, & passione idem patet. Tūc quia ex propria ratione non dicunt *ad*; sed actio dicit esse *ab* agēte; passio

verò *in* passio. Tūc etiam, quia si essent veræ relationes, necessariò essent mutæ, vt patet: hoc autem repugnat: ergo &c. Probatur minor, quia actio, & passio non sunt simul natura; illa enim est actus actiui; hæc verò passiui, vt inquit Arist. 3. Physic. textu 29. actiuum autem est causa passiui, & prius illo, vt de se constat.

Cōfirmatur: quia iam hæc prædicamenta contingerentur sub prædicamento relationis; & ex cōsequenti solū esset quatuor genera suprema cōtra receptā Philosophorū sententiā, quā explicuimus disp. 11. n. 63. ergo hæc prædicamenta nō sunt veræ relationes; sed entitates absolute.

8. Ad argumentum in cōtrarium adductū neganda est consequentia. Ad cuius probationē respondetur, quod relationes dependere ab existentia alicuius extrinseci, non oriuntur formaliter ex eo, quod sint veræ relationes secundū esse, sed ex eo, quod sunt entia imperfecta, & minimæ entitatis. Quod non solū relationis; sed etiam alijs entibus conuenit, vt patet de vnione, & alijs modis, quibus in hoc assimilantur ista prædicamenta. Quofit, vt licet non omnia relatiua secundū dici, seu transcendentalia petant terminum actu existentem: vt patet de potentijs, & habitibus, (in quo distinguuntur à prædicamentis, quæ semper talem existentiam postulant, vt diximus disputatione 14. numero 23.) tamen plura sunt relatiua secundū dici, quæ etiam requirunt existentiam terminum, non formaliter ex eo, quod sint

sint relatiua secundum dici, sed ex eo, quodd sunt entia imperfecta, & debilissima entitatis, vt explicatū est. Et huiusmodi sunt ista prædicamenta; quæ proinde magis accedunt ad relationem prædicamentalem, quàm alia relatiua secundum dici perfectiora, & per consequens minus participant rationem abso-
luti.

QVÆSTIO II.

De prædicamentis actionis, & passionis.

9 **A**D plenam notitiam horum prædicamentorum oportebat disputare: an omnis actio subiectetur in agente; inde enim pendet statuere, in quo consistat propria ratio, tam actionis, quàm passionis. Hæc tamen difficultas propriam sedem habet lib. 3. Physic. & ideo in præsentī sufficiet, hæc prædicamenta vtrumque; explicare.

Pro quo notandum est, plura reperiri in productione physica alicuius effectus, v.g. in calefactione. Primum enim inuenitur substantia, seu suppositum ignis, cui vt quod tribuitur calefactio. Secundò potentia operatiua, scilicet, qualitas, per quam ignis constituitur potens, seu in actu primo ad calefaciendum. Tertiò effectus, nempe calor in ligno productus. Quarcò motus, medio, quo passum, scilicet, lignum transit de non calido in calidum. Quintò mutua relatio prædicamentalis inter ignem, & lignum.

In nullo autem horum consistit essentialis, & metaphysica ratio

actionis, aut passionis. Nam in primis de substantia, seu supposito id est, per se euident. Qualitas etiam, siue potentia operatiua, quauis soleat appellari actio antecedenter, siue causaliter, aut originaliter, quia est principium actionis, vt ex doctrina Diui Thomæ notant Bergomensis in concordantijs dub. 25 & Flandr. 5. Metaphys. quæst. 22. art. 2. explicatque latè Nazar. 1. p. quæst. 25. art. 1. controuersia vnica: tamen certum est in creaturis realiter distingui ab actione propriè, & essentialiter sumpta, vt probat Angelicus Doctor innumeris penè locis, quæ habentur in tabula verbo *actio*, num. 1. Similiter certum est, actionem saltem formaliter nõ esse ipsum effectum, & idem est de passione; siquidem sunt distincta prædicamenta. In relatione etiam prædicamentali ignis ad lignum minus possunt consistere: tum quia relatio est distinctum prædicamentum: cum etiam, quia hæc resultat ex ipsa actione, & passione, & fundatur in eis, vt patet ex dictis disputat. 14.

10 Tandem de motu idem conuincunt ex D. Thom. Caiet. & Nazar. quæst. 25. citata. Quia in creaturis actio, essentialiter sumpta, debet esse tale quid, quod proportionabiliter translatur in Deum identificetur cum substantia eius; sicut intellectus, aut alia potentia operatiua significat id, quod in creatura est accidens; translatur vero in Deum est ipsa substantia eius. Sed si Deus immediatè calefaceret, aut moueret lignum, motus
ibi

ibi inuentus non identificaretur cū ipso Deo, vt est per se euidens: ergo in illo motu non potest consistere id, quod in Deo apprehendimus per modum actionis, & consequenter neq; in creaturis propria ratio actionis potest consistere in tali motu; ac proinde concedenda est alia realitas, seu quod idem est alia formalitas, à qua potentia operatiua constituatur in actu secundo, quæque sit causalitas ipsius agentis, & similiter ex parte passi concedendum est aliquid, per quod potentia passiuæ fiat actu recipiēs, seu quod sit actualis receptio effectus. Et in his reantatibus, seu formalitatibus cōsidunt essentialēs rationes actionis, & passionis, vt magis explicabimus lib. 3. Physicorum.

II Ex quo iam facillè possunt, vtcumque formari definitiones actionis, & passionis. *Actio enim est causalitas causæ efficientis: vel actus secundus potentia operatiuæ; vel melius: Actio est accidens, à quo res constituitur actu producens.* Cū qua definitione coincidit ea, quam tradit Gilbertus lib. de sex principijs, & admittit D. Thom. opus. 48. tract. 6. cap. 1. scilicet, *Actio est forma, secundum quam in id, quod subijciunt, agere dicimur.* Vnde etiam sumitur definitio passionis. Nam vt benè inquit Angelicus Doctor, cap. 3. sequenti, sicut agere nihil aliud est, quàm causare formam in passio; sic pati nihil aliud est, quàm talem formam recipere: ac proinde sic potest definiri: *Passio est actualis receptio termini: vel, Actus secundus potentia passiuæ: siuè, Ac-*

cidens, à quo res constituitur actu recipiens; vel tandè: Est forma faciens actu produci. Hac enim omnia inter se coincidunt, neq; indigent noua explicatione. Videatur Arauxo 5. Metaph. q. 6. ar. 1. vbi eodem modo explicat hæc prædicamenta, additq; esse communem sententiam Metaphysicorum.

12 ¶ Ex dictis inferitur primò, specificationē actionis sumendam esse à principio, seu potentia operatiua; specificationem verò passionis à termino per actionem producto. Quæ est expressa sententia D. Thom. 1. 2. quæst. 1. art. 1. & 1. par. quæst. 14. art. 5. ad 3. de veritate, quæst. 20. art. 1. ad secundum, & alibi sæpè, eamq; inter alios explicat latè Monesino 1. 2. disp. 1. quæst. 7. Pro qua etiam videri potest Bañez 1. par. q. 77. art. 3. Breuiterque probatur, quia actio, vt actio est, dicit essentialē ordinem ad agens; estq; proprius actus potentia operatiuæ; passio verò, vt passio, est receptio termini; & ad illum essentialiter ordinatur: ergo actio à potentia operatiua, & passio à termino specificantur.

Quare quando potentia operatiua fuerit vna in specie, actiones erunt eiusdem speciei, etiam si termini sint specie diuersi. Similiter quodcumq; termini fuerint specie distincti, passionēs erunt diuersæ speciei, etiā si actionēs sint eiusdem speciei. Quod quomodo verificetur, tam in causis vniuersalibus, quàm particularibus pendet ex dicendis 3. Physicorum de subiecto actionis. Nunc tamen addendum

dum est, hanc doctrinam non esse contrariam ei, quam tradit D. Th. quæst. 77. citata primæ partis, ar. 3. dicens ex duobus actionem specificari, scilicet, ex principio, & fine, seu termino. Nam ibi loquitur de actionibus causarum particulariū, ut inquit Bañez; in quibus in idem redit, quod specificatio sumatur à principio, vel à termino; quia in his causis quoties dantur termini specie distincti, dantur etiam principia specie distincta, & e contra, ut patet in calefactione, & frigescatione. Vel loquitur de tota operatione, aut motu, secundum quod includit actionem, & passionem, ut explicat Montefinos: & ideò sub distinctione dixit, specificari ex principio, vel ex termino.

13 ¶ Secundò inferitur, probabile esse sub genere supremo actionis contineri, non solum actiones transeuntes, sed etiam immanentes creatas; siquidem iuxta hunc dicendum modum, utrobique inuenitur vera productio; cum inueniatur verus terminus productus, verum agens, & vera potentia operatiua. Quare si quæ sunt actiones absque termino producto, ut de aliquibus sensationibus, & de visione beatifica docet inter alios Caietan. 1. p. quæst. 27. artic. 1. dubio 1. Bañez ibidem dubio 2. & Nauarre. controuersia 34. tales actiones non sunt propriæ actiones huius prædicamenti; siquidem non sunt veræ productiones; sed dicuntur grammaticaliter actiones, eo modo, quo resistentia lapidis ad diuisionem, & similes. Subiunguntur autem iuxta hunc dic-

endi modum actio transiens, & immanens iuxta diuisiones potentie actiue, quas adduximus disputatione præcedenti numero 33. & sic faciliè quisque potest ad seriem reducere species huius prædicamenti.

14 ¶ Tertiò inferitur productiones illas, quæ non præsupponunt, ut principium operandi potentiam operatiuam de genere qualitatis, non esse veras actiones prædicamentales. Et huiusmodi sunt in primis omnes actiones Dei, siue immanentes, siue transeuntes: (si verum est, Deum agere actione formaliter transeunte) quia neque potentia operatiua eius est qualitas, neque tales actiones sunt accidentia; sed ipsa substantia Dei, ut sapientissimè docet, & probat D. Thomas, de quo videri potest prima parte quæst. 25. artic. 1. & quæstione 54. artic. 1. 2. & 3. Huiusmodi etiam sunt quædam productiones, quæ solent appellari emanationes ad distinctionem actionum prædicamentaliū, ut emanatio, qua passionis profluunt ab essentia, & generaliter emanationes omnium accidentium à subiecto, exceptis illis, ad quæ datur per se motus, nempe quantitate, qualitate, & ubi, quando per se producuntur.

15 ¶ Quartò circa prædicamentum passionis inferitur, ad ipsum solum pertinere illas, quæ ex natura sua præsupponunt, & sequuntur actionem prædicamentalem. Unde non datur vera passio huius prædicamenti, quando proprietates recipiuntur in essentia, neque quando
alia

alia accidentia per accidens produ-
cta recipiuntur in subiecto. Quæ etiã
de causa creatio passiva creaturarũ
non est passio huius prædicamenti;
quia creatio actiua Dei, quam per
se præsupponit, non est vera actio
prædicamentalis. Quæ est sententiã
D. Th. 1. p. q. 45. art. 2. & 3. pro qua
videri possunt Caiet. ibidem Bañez
dub. 4. & Nazar. controuersi. 2.

Diximus illas solas passiones per
tinere ad hoc prædicamentum, quæ
ex natura sua præsupponunt actionẽ
prædicamentalem, quia si Deus per
se ipsum calefaceret, aut moueret
localiter lignum, verè in hoc esset
passio prædicamentalis, media qua
reciperet calorem, aut ubi; quãuis
actio Dei, quã tunc præsupponeret,
non esset prædicamentalis, vt dixi-
mus: quia hoc esset per accidens,
quippe cũ talis passio ex natura sua
postulet actionem causæ creatæ.

16 ¶ Quinto tandem colligitur
diuisio huius prædicamenti. Si enim
in generatione substantiali inueni-
tur vera passio prædicamentalis;
sicut inuenitur in alteratione, &
alijs motibus (quod non potest in
præsenti examinari) iam passio
prima diuisione diuidetur in substã-
tialem, & accidentalem, seu in ge-
nerationem passiuam, & motum.
Illa diuiditur iuxta diuisionem ge-
nerabilium in arbore substatiæ ad-
ductam; hæc verò iuxta diuisionem
motus in augmentationem, altera-
tionem, & lationem passiuam. Aug-
mentatio passiuæ est species infima;
quia quantitas, quæ est termi-
nus eius, nempe corpus, est spe-
cies athoma. Alteratio verò passi-

ua diuiditur iuxta diuisionem pri-
mæ, & tertiæ speciei qualitatis; hæ-
c enim solæ producuntur per veram
actionem; ceteræ autem per ema-
nationem, vt ex ibi dictis patet. Ne-
minque latio passiuæ, seu passio quæ
inuenitur in motu locali, diuiditur
iuxta diuisionem ubi, quod est ter-
minus eius; cuius species quæstio-
ne sequenti statuimus.

QVÆSTIO III.

De prædicamento ubi.

17 Vbi explicatur ab aliquibus, et
se quẽdam modum, seu accides
reddens subiectum alicubi existẽs,
ita vt in eo verè sit ubi, antequam
consideretur locus, seu superficies
exti infeca continens, imò per se, &
intrinsecè (inquiunt) non depen-
det ab illa, vt patet in vltima sphæ-
ra, quæ verè, & propriè habet ubi,
non tamen circumscribitur ab alio
corpore. Ita Suarez disp. 51. Meta-
phys. sect. 1. & quidam alij Recen-
tiores, qui hac via, nullo negotio
dissoluunt difficilem illam quæstio-
nem, quæ Aristoteli 4. Physicorũ, &
antiquis Philosophis maximũ ne-
gotiũ facefciuit, quomodo, scilicet,
ultima sphæra sit in loco, aut quo-
modo noueri possit. Dicunt enim
verè, & propriè habere ubi, quod ap-
pellat locũ intrinsecũ; quauis non
habeat superficiem continentem,
quam appellant locum extrinsecũ.
Ac proinde posse propriè moueri,
quia ubi, & non est locus, est termi-
nus motus localis.

Hæc tamen sententia falsa est:
eamq; rectè impugnant Sanch. lib.
6. Logicæ, q. 10. & alij Thomistæ.

Quia

Quia ubi necessariò requirit locum extrinsecum, ex cuius circumscriptione resultat; ad eum modum, quo ex positione termini resultat in fundamento relatio; & ex insidentia tēporis resultat, quando in re temporali, &c. In hoc enim, quod est dependere ab existentia alicuius extrinseci, æquo pede currūt hęc prædicamenta, & relatio, ut supra vidimus. Quare sicut non potest esse quando, nisi sit tempus, quia absq; tempore non potest aliquid esse in tempore, sic non potest esse ubi; nisi sit locus: quia absque loco nihil potest esse in loco. Et idè Aristoteles 11. Metaph. cap. 10. lib. 3. Physicorum cap. 1. & lib. 4. cap. 1. assignās terminum motus localis, indifferentem appellat ubi, vel locū, quia alterum absque altero inueniri nō potest. Quod notauit D. Tho. citato lib. Metaph. lect. 12. his verbis: *Erunt igitur tria genera entis, in quibus potest esse motus, scilicet, quantitas, qualitas, & ubi, loco cuius ponit locum: quia nihil aliud significat esse ubi, nisi esse in loco; & moueri secundum locum, nihil est aliud, quam moueri secundum ubi.* Ex quo patet, dictam sententiam non soluere, sed fugere difficultatem illam ex quarto Physicorum, vt ibi constabit.

18 Ad id autem, quod affertur de vltima sphaera, pro nunc respondetur ex eodem Aristotele textu 46. ipsam non esse in loco per se, perfectè, & adæquatè, sicut alia corpora inferiora; sed imperfectè, & inadæquatè, nempe secundum partes, & eodem modo, & non ali-

ter ipsā habere ubi. Siuè hoc intelligatur de partibus ipsius sphaeræ, vt videtur intellexisse Diu. Thom. ibidem lect. 7. & nos eodem loco expendemus, siue de alijs partibus vniuersi ab eadem vltima sphaera contentis, ratione quarū ipsa dicatur secundum quid esse in loco, vt satis probabiliter explicat label. citato lib. Physicorum q. 13. & docet Angelicus Doctor opusc. de natura loci. Sicut enim quando res posteriores per priores definimus, deuenimus ad aliquam omninò primā, quæ cum non habeat alias priores, per quas definiatur, simpliciter caret definitione; definitur tamen secundum quid per ipsas res posteriores, vt explicuimus disputatione præcedenti num. 8. ita similiter contingit in locatione partium vniuersi. Elementa enim sunt in loco, quia continentur ab sphaera Lunæ: hæc autem, quia continentur à Mercurio; & hæc à Venere; & sic deinceps. Cum verò peruenitur ad vltimam sphaeram, nō potest ipsa simpliciter esse in loco, neque simpliciter habere ubi; cum nō contineatur ab alia. Habet tamen locum, & ubi secundum quid, in quantum ipsa continet alias. In quo quomodò approximat, & attingit virtutum genus spirituum, quorum proprium est, esse in loco, non vt contentis; & conseruati ab illo, sed magis, vt continentes, & conseruantes locum, vt sumitur ex Diu. Thoma, 1. parte, quæst. 52. artic. 1. & explicat rectè Cajetanus ibidem. Sed de hoc redibit sermo libro citato Physicorum.

19 Vera ergo explicatio huius prædicamenti sumen la est ex definitione Gilberti, quæ sic se habet: *Vbi est circumscriptio corporis à circumscriptione loci proueniens.* Cuius sensus est, vbi esse accidens resultans in re locata ex eo quod à loco contineatur, medio quo quasi cognoscatur, & proportionatur loco. Propter quod D. Thom. 4. dist. 16. q. 3. art. 1. quæstiunc. 1. *vbi* appellat proportionem locati ad locum, affirmatque quādo, & vbi esse quid relictum in corpore ex tempore, & loco, ac proinde non potest esse vbi absque loco. Quod adeo verum est, vt quauis Deus ab æterno fuerit potens replere quæcunque loca; tamen nō idē ab æterno fuit vbi que, vt docet, & probat D. Thom. 1. dist. 37. q. 2. art. 3. quia vt ibi optimè argumentatur: *In quocumque est aliquid oportet illud esse, quia in nihilo nihil omnino est: sed neque locus, neque aliqua res ab æterno fuerunt; ergo neque Deo ab æterno conuenit ubique, vel in rebus esse.* Vnde etiā fit, quod si annihilato vniuerso, crearet Deus hominem, vanum esset querere de illo; vbi esset? si quidem tunc, quauis verè existeret extra causas, non tamen esset in loco, & sic nullibi esset. Videatur D. August. 11. de ciuitat. cap. 5. vbi has appellat *Innanes hominum cogitationes, quibus infinita imaginantur loca; cum locus nullus sit præter mundum.* Videantur etiā Banez 1. p. q. 8. artic. 2. Nauarrete controuer. 2. 7. & Ioannes Gonzal. disp. 17. & 19 qui optimè probant, Deū actu non esse in locis, aut spa-

tijs imaginarijs; neque esse ubique nō existentibus creaturis. Maneat ergo, naturam huius prædicamenti optimè explicari in definitione Gilberti. Quæ sic potest breuiter tradi; *Vbi est accidens resultans in corpore ex circumscriptione loci: vel Vbi est accidens, quo res est in loco.*

20 Circa species huius prædicamenti Fons, vt refert Araux. 5. Metaph. q. 7. ar. 2. affirmat, nō solū vbi, creaturarum, tam corporaliū, quā spiritualium; sed etiam ipsum vbi, quo Deus est ubique, verè pertinere ad hoc prædicamentum. ¶ Hæc tamen sententia omnino falsa est. Nam si modus essendi ubique proprius Dei sumatur radicaliter proportionem, quam ipse habet ad essendum in omni loco, est attributū immensitatis, & ipsa substantia Dei. Si verò sumatur formaliter pro eo, quo Deus actualiter dicitur esse in omni loco, est pura denominatio extrinseca, vel relatio rationis, vt probat D. Th. loco citato in quorū tamen nullo potest consistere essentia huius prædicamenti, vt ostensum est; ergo &c. Quare reiecta hac sententia, & immensitate Dei.

Vbi creaturarum solet comuni nomine appellari diffinitiuū quia diffinit, & determinat rem, vt sit in determinato loco, seu vt ita sit hīc, vt non sit alibi; diuiditurque communiter in circumscriptiuum, & diffinitiuum particulariter dictum (nomine diuisi applicato vni membro diuidenti.) Vbi circumscriptiuum est, quod ita facit rem esse in loco, vt tota correspondeat toti loco, & partes eius partibus

loci. Et hoc Vbi dimanat à quantitate; reperiturque in solis corporibus vt per se constat. Vbi definiti-
um particulariter dictum est, quod ita facit rem esse in loco, vt tota
correspondeat toti loco, & tota
cuiuslibet parti loci, ad modum quo
anima rationalis est tota in toto
corpore, & tota in qualibet par-
te. Quo modo Angeli sunt in loco,
quia quauis Gabriel possit esse
in toto hoc collegio; est tamen to-
tus in toto, & totus in qualibet par-
te; cum sit substantia indiuisibilis.

21 De hoc ergo, Vbi, Angele-
rum est difficultas inter Doctores:
an verè pertineat ad hoc prædica-
mentum? (Nam de Vbi circumscrip-
tuo nemo est, qui neget.) Hoc
tamen pender ex alia quæst. grauio-
ris quomodò, scilicet, Angelus sit
in loco, quam versant Theologi 1.
p. quæst. 52. Sufficiat in præsentì
dicere, quòd quauis partem affir-
matiuam defendant Suarez disp. 51.
Metaph. sect. 3. Molina quæstione
citata 1. part. art. 1. Vazq. ibidem
disp. 189. cap. 2. & alij moderni; ta-
men in contraria sententia conue-
niunt ferè omnes discipuli D. Tho.
vt testatur Arauxo, & fatetur Sua-
rez locis citatis. Pro qua videri
possunt Angelicus Doctor eadem
quæst. 52. ar. 1. Caiet. Bañez, & Na-
zar. ibidem, Capreol. in 2. dist. 2.
quæst. 1. Ferr. 3. contra Gentes cap.
68. Sot. in hoc cap. & lib. 4. Physic.
Araux. vbi supra, & alij.

Iuxta quàm sententiam, Vbi cir-
cumscriptiuum est genus supremum
huius prædicamenti. Cuius sex spe-
cies constituit Arist. 3. Physicorum

textu 45. dicens: *Amplius omne
corpus sensibile in loco est. Loci autè
species, & differentie sunt sursum,
& deorsum; antè, & retrò; dextror-
sum, & sinistrorsum. Et hæc non so-
lum ad nos, & positione sunt; sed in
ipso toto determinata sunt, &c.* Vi-
deatur Diuus Thomas ibidem le-
ctione 9.

22 Obijcies ex Suarez vbi su-
pra se & 5. Quia non solum substā-
tia corporea; sed etiam quantitas,
albedo, & reliqua accidentia cor-
poralia habet propria Vbi, medijs
quibus sunt in loco: ergo plura alia
dantur Vbi corporalia præter cir-
cumscriptiuum. Antecedens pro-
bat Suarez primò ex mysterio Eu-
charistiæ, vbi pereunte substantia,
quantitas manet cum eodemmet
Vbi, quod antè habebat: & tamen
perit Vbi substantiæ: ergo habe-
bant diuersa vbi. ¶ Secundo: quia
si e contra conseruaret Deus substā-
tiam, ablata quantitate, maneret
substantia in loco; & tamen non
per Vbi quantitatis, quod iam pe-
riit: ergo per proprium Vbi.

Respondetur, negando ante-
cedens. Sicut enim per vnā quā-
tatem extenduntur substantia, al-
bedo, calor, & reliqua accidentia
corporea, vt supra disputatione
13. numero octauo ostendimus:
ita vnico Vbi vbicatur substantia,
quantitas, & alia accidentia cor-
porea; neque ponendum est aliud
in substantia, aliud in quantita-
te, &c. Ad primam autem impug-
nationem respondetur, quòd Vbi
circumscriptiuum panis ante con-
secrationem simul vbicabat quan-
tita-

titatem, & substantiam panis, illam quidem ut subiectum *quo*, hanc vero ut subiectum *quod*. Quando autem, per consecrationem aufertur substantia: illud ubi desinit ubicare eam, & ubicat solam quantitatem cum alijs accidentibus. Videantur quæ in simili materia diximus disput. 12. num. 45. ¶ Ad secundam impugnationem respondetur, substantiam tunc nullibi esse, ut vidimus disputatione 13. nu. 42.

23 Secundò obijcies ex eodem Suarez sectio. 6. Quia saltem modus existendi in loco, quem habet Corpus Christi Domini in Eucharistia, & vulgò appellatur Vbi sacramentale, pertinet directè, & per se ad hoc prædicamentum; si quidem verè constituit Christum Dominum præsentem spatio specierum, & tamen non est circumscriptionum: ergo plura alia continentur sub hoc prædicamento.

Respondetur, negando antecedens. Quia, ut docet D. Thom. 3. p. quæst. 76. art. 5. lib. 4. contra Gent. cap. 64 & alibi sapè, Christus in Eucharistia est per modum, quo substantia comparatur, aut continetur à dimensionibus, non verò per modum, quo dimensiones comparantur, aut continentur à loco. Et ideo Christus per præsentiam sacramentalem, formaliter loquendo, solum fit præsens speciebus sacramentalibus, non autem loco, aut spatio ipsarum; sed hoc habet per accidens, per ipsum Vbi circumscriptionum specierum. Et ita Christus in Eucharistia per accidens est in loco, & per accidens mouetur in illo:

ac proinde per motum localem specierum non acquiritur, & deperditur Vbi sacramentale, ut falsò asseruit Suarez; sed tantum Vbi circumscriptionum earum. Videatur D. Thom. in 4. distinct. 10. quæst. 1. art. 3. quæstiuncula 4.

Q. V A S T I O III.

De prædicamento Quando.

24 Q Vando etiam explicatur ab aliquibus esse quandam modum, seu accidens, quod facit rem durare. Atque ita iuxta hanc sententiam, ablato tempore, manebit Quando in corporibus: quia etiam cessante motu cœli, verè manebunt cum sua duratione. Ita defendit inter alios Suarez disp. 50. Metaph. sect. 12. qui vniuersaliter affirmat, Quando nihil aliud esse, quàm intrinsicam rerum durationem, & persistentiam in suo esse; ac proinde species huius prædicamenti esse omnes durationes creatas.

Hæc tamen sententia falsa est: & eam impugnant inter alios Sanchez lib. 6. Logica quæst. 9. & Ioan. Gongal. 1. part. q. 10. disput. 22. ad tertium. Estque contra Arist. c. 4. huius libri, cum inquit: *Quando est, ut esse heri, superiori anno, &c.* Hoc autè formaliter nõ est durare; sed supponit durationem, seu persistentiam in esse; siquidem abique duratione non potest aliquid esse heri, vel superiori anno, bene tamen potest habere durationem, & non esse heri, neque superiori anno. Ut defacto continget in fine mundi, cessante motu locali; tunc enim elementa remanentia dura-

bunt, & tamen non erunt heri, neque superiori anno, cum non sint futuri dies, menses, aut anni iuxta illud Apocalipsis 10. *Et iuravit per viventem in secula seculorum: quia tempus non erit amplius.* Est etiam contra D. Tho. 1. Physicor. lect. 3. ubi inquit: *Quando significat in tempore esse.* Similiter in primo sententiarum ad Anibaldum distinct. 37. q. 1. artic. 1. ad 2. docet, quod propria denominatio huius prædicamenti est esse in tempore, ut quid mensuratum ab illo. Et tandem in 4. dist. 16. q. 3. art. 1. questiuncula 1, affirmat, quando esse id, quod ex tempore relinquitur in re, quæ durat; sicut ubi est id, quod ex loco relinquitur in re locata: ergo quando non est ipsa duratio rerum; sed quid in illis relictum ex mensuratione temporis.

25. Secundò impugnatur eadem sententia: quia vel duratio est quid realiter distinctum à re, quæ durat, & ab eius existentia, ut ex communi Thomistarum sententia docet, & probat Gonçal. ubi supra disp. 20. sect. 1. concl. 1. vel est ipsa existentia rei continuata, ut contendit Suar. disp. citata, sect. 1. n. 5. Si primum: consequenter asserendum est, durationem ex intrinseca ratione sua esse mensuram rei durantis; ac proinde verè esse quantitatem, vel virtutis, vel molis iuxta receptam durationis divisionem in æternitatem, ævum, & tempus, ut rectè notat Gonç. ibid. Si autem dicatur secundum id, consequenter asserendum est, durationem revera esse quid inco-
petu, & diuagari per omnia prædi-

camenta: ergo nullo modo potest sustineri, prædicamentum hoc essentialiter consistere in ipsa duratione.

Tertiò impugnatur ad hominè contra Suar. Quia non omnis existentia creata est accidens prædicamentale; quamvis sit accidens Logicum, ut patet de existentibus omnium substantiarum, quæ sunt actus quidam, seu termini substantiales, & entitativè substantia, ut patet: ergo si duratio est ipsa existentia rei, ut vult Suar. non omnis duratio creata erit verum accidens prædicamentale, ac proinde non omnis pertinebit ad hoc prædicamentum, cuius contrarium statuit, & probat ipse sect. 12. sequenti num. 22.

26. Respondet ibidem num. 14. durationem quidem Metaphysicè, & realiter non esse verum accidens rei durantis, ut probat argumentum; prædicari tamen accidentaliter de re, quæ durat, & hoc sufficere, ut possit prædicamentum accidentis constituere: quia non omnia prædicamenta accidentium sunt vera accidentia, sed quædã sunt, quæ propter solam prædicationem accidentalem constituunt prædicamentum accidentis.

Hac tamen solutio destruit divisionem accidentis realis in novè prædicamenta: confundit accidens Logicum, seu prædicabile cum accidenti Physico, seu prædicamentali: & substantiam collocat directè sub generibus accidentium. Et ideo à Peripateticis non est impugnanda, sed relinquenda.

27. Vera ergo explicatio huius prædicamenti sumitur ex definitione

ne Gilberti, qui ita inquit: *Quando significat rationem ex temporis insidentia relictam; non tempus ipsum.* Et infra: *Quando est quedam affectio rebus addita, per quam dicuntur esse, aut fuisse, aut futuras esse; non verò est tempus ipsum.* Ex quibus sumpta est communis definitio, qua utitur D. Thom. opusc. 48. scilicet: *Quando est id, quod ex adjacentia temporis relinquitur: quam sic possumus ad pauciores terminos reducere: Quando est accidens, quo res est in tempore.* Sicut enim ex extrinseca circumscriptione loci resultat in re locata Vbi, per quod formaliter dicitur esse in loco: sic ex insidentia extrinseca temporis mensurantis res temporales, resultat in eis, quando, per quod formaliter dicuntur esse in tempore. Vnde sicut vbi supponit ex parte rei locatæ quantitatem sibi intrinsecam, per quam fit apta, ut ubicetur, & supponit etiam locum, ex cuius extrinseca mensuratione resultat; ac proinde, neque est quantitas rei locatæ, neque locus ipse; sed quid ex loco relictum in re quantæ, sic, quando, supponit durationem ex parte rei, quæ est in tempore, supponit etiam tempus ipsum, in quo sit res, & à quo mensuretur, ac proinde, neque est duratio ipsa, neque tempus; sed quid relictum in re durante ex eo, quod à tempore mensuretur. Videatur Sanchez, vbi supra, conclusione prima.

28 Circa species huius prædicamenti non est parva difficultas. Nam relictis ijs, qui durationes creatas, nempe ævum, tempus, &

alias collocant per se sub hoc prædicamento, quod ex dictis constat esse falsum: duplex est sententia. Prima asserit, quod sicut in rebus, quæ tempore primi mobilis extrinsecè mensurantur, ex adjacentia ipsius relinquitur quoddam accidens pertinet ad hoc prædicamentum, ratione cuius dicuntur esse in tempore, ita etiam in Angelis, & animabus rationalibus, quæ a primo Angeli extrinsecè mensurantur, ex adjacentia talis aut relinquitur quoddam accidens huius prædicamenti: & similiter in visionibus beatificis Sanctorum, quæ extrinsecè mensurantur ab æternitate participata visionis beatificæ Christi Domini, ex adjacentia talis æternitatis participata relinquitur etiam accidens pertinet ad hoc prædicamentum, ratione cuius beati dicuntur esse in æternitate. Quam sententiam probabilem reputat Sanchez. vbi supra conclusione 4. & iuxta eam facile assignantur species huius prædicamenti. Diuiditur enim primò in quando naturale, & supernaturale: ratione huius res dicuntur esse in æternitate participata: illud verò est, quod relinquitur ex adjacentia alicuius durationis creatæ. Quod rursus diuiditur in quando, quod ex ævo relinquitur in rebus æternis, & in quando, quod ex tempore relinquitur in rebus temporalibus.

29 Secunda sententia asserit, solum contineri in hoc prædicamento accidentia, quæ ex adjacentia temporis primi mobilis relin-

quantur in rebus, quæ ab illo mēsurantur, ratione quorum dicuntur esse in tempore. Quam sententiam appellat Sanch. communem, & firmiorem in doctrina Arist. & D. Th. Et meritò: tūm quia satis apertè colligitur ex eorū doctrina 4. Physicorū textu 115. lect. 20. tūm etiā quia ex his tribus durationibus, nempe æternitate, æuo, & tempore, solūm tempus est absolutè, & simpliciter quantitas, cum sic quantitas molis, seu prædicamentalis; alia verò perfectionis, seu virtutis: ergo solūm tempus absolutè, & simpliciter participat rationem mensuræ; & per consequens ex adiacentia solius temporis resultabit in re mensurata per ipsum aliquod verū accidens, quod constituat hoc prædicamentum. Sed hæc longiorem postulant disputationem.

Est tamen iuxta hanc sententiā, nō parū difficile, assignare species huius prædicamenti. Cū enim tempus primi mobilis sit vnum, non solū specie, sed etiam numero, videtur ex illius adiacentia non posse causari quando specie diuersa.

30 Dicendum est tamen, ex diuerso ordine, quem res mensurata habent ad diuersas partes temporis, etiam si tempus ipsum sit vnū, sumi posse diuersas species huius prædicamenti; sicut quauis locus ratione superficiiei continentis sit eiusdem speciei, tamen ex diuerso ordine, quem res locata habent ad centrum, & polos mundi, sumuntur sursum, & deorsum; antè, & retrò, & aliæ species Vbi. Et ita Aristot. c. 4. huius libri assignat vt species

quādo, *beri, hodie, superiori anno, &c.*

Iuxta quam sententiam, sic potest ordinari hoc prædicamentum; vt primò diuidatur in quando, ratione cuius res dicuntur fuisse in tempore; & in quando, ratione cuius res dicuntur esse; & in quando ratione cuius res dicuntur futuras esse. Secunda species dicitur, *hodie*: & est species infima, quia in tempore præsentis nō sunt diuersæ partes, vnde possint sumi diuersa quando. Aliæ duæ sunt quasi subalteræ; & sub prima cōtinentur *beri, nudius tertius, superiori anno, &c.* sub secunda verò, *cras, sequenti anno, &c.* sed hæc leuiores sunt, & indigna ampliori indagine.

QVAESTIO V.

De prædicamento situs.

31 Scitum nō esse speciale prædicamentum docuerūt plures. Nō est tamen, cur ob rem parui momenti à communi Arist. sententia discedamus, præcipuè cum explicari optimè possit, in quo differat ab vbi, & quid addat supra illud.

Sciendum ergo est, modum illum, seu accidens, quod resultat in re locata ex circumscriptione corporis cōtinentis, & appellatur Vbi, solūm efficere, vt res locata commensuretur loco, ita vt vna pars eius sit extra locum alterius partis: non tamen efficit tales partes habere ordinem, seu dispositionē respectu ipsius loci. Et ad hoc ponitur situs. Qui consequenter nihil aliud est,

eſt, quàm diſpoſitio illa, ſeu habitu-
do partium rei locatæ in ordine ad
locum. Et idèò definitur à Gilber-
to, quòd ſit *Poſitio partium, ſecun-
dum quam dicuntur ſtantia, vel ſe-
dentia, vel aſpera, vel lenia, &c.*
Quem brevius definit D. Thom.
opuſc. 43. dicens: *Situs eſt poſitio,
ſeu ordo partium in loco.* Quam de-
finitionem ſic poteris ad formam
aliarum reducere. *Situs eſt accidens
diſponens partes in loco.* Videantur
Angelicus Doct̃or 1. 2. quæſtio. 49.
art. 1. ad 3. Conrad. ibid. & Arauxo
5. Metaph. quæſt. 7. art. 3.

32 Species huius prædicamen-
ti aſſignat B. Albertus tra. 6. de ſitu
cap. 1. dicens, eas eſſe, æquè, & non
æquè ſituatum eſſe. Sub quibus cõ-
prehenduntur ſtare, ſedere, iacere,
aſperum, & lenè, & aliæ ſimiles po-
ſitiones. Vel, ſi malueris, poteris
cum Arauxo ubi ſuprà, & Soto in
præſenti, hoc prædicamentum di-
uidere prima diuiſione in ſitum na-
turalem, & præternaturalem, ſeu ex
appetitu animalis acquiſitum. Cõ-
ſtat enim, vnicuique corpori deter-
minatè convenire aliquem ſitum à
natura, ſeu à natiuitate, vt homini,
quòd caput ſit ſuperiori loco; aliæ
verò partes in loco magis, vel mi-
nùs inferiori. Quod non inuenitur
in alijs corporibus. Nàm planta ha-
bet caput, ſcilicet, radicem, in loco
inferiori; ramos verò in ſuperiori.
Animalia verò bruta quaſi medio
modo ſe habent. Eis enim natura,
neque caput verſus cœlum erexit,
neque terræ infixit. Et hinc ſumun-
tur diuerſæ ſpecies ſitus naturalis.
Præternaturalis etiam, ſeu ex ap-

petitu animalis acquiſitus, qualis
eſt in homine, ſedere, iacere, & ſi-
miles, ſuas habet ſpecies. Nàm ſeſ-
ſio diuerſo modo diſponit partes
in ordine ad locum, ac iacentia,
non ſolùm in diuerſis corporibus,
ſed etiam in eodem, vt notum eſt.
Videatur Arauxo loco citato.

QVÆSTIO VLTIMA.

De prædicamento habitus.

33 Diſputatione præcedenti nu-
mero 22. explicuimus, in
qua ſignificatione nomen *habitus*
pertineat ad hoc prædicamentum.
Quo ſuppoſito, & relictis illis, qui
ipſum conſtituunt in denomina-
tione extrinſeca ab indumẽto pro-
ueniente, quos quaſtione prima im-
pugnauiſimus. Quidam alijs moder-
ni, vt ſaluent hoc prædicamentum
eſſe quid intrinſecum, explicant il-
lud, aſſerentes, eſſe quoddam acci-
dens, ita diſponens partes corpo-
ris, vt poſſit commodè veſtiri, &
conſequenter tantùm reperiiri in
hominibus, quorum membra ſic
diſpoſita ſunt à natura, vt poſſint
facile indui. Iuxta quam ſenten-
tiam idem habitus perſeuerat in
quolibet homine, neque in ſuo
eſſe dependet ab extrinſeco indu-
mento.

Hæc tamen opinio falſa eſt, &
contra Ariſt. tũm h̃c, ubi dicit ha-
bitum eſſe, vt indutum, aut arma-
tum eſſe, tũm etiam 5. Metaphyſic.
10. dũm docet, eſſe medium quod-

dam per modum actionis, & passionis inter vestem, & habentem ipsam, vt explicuimus disputatione citata: ac proinde nullus dicitur habere habitum, quādo nudus est, sed quando est vestitus, armatus, &c. ergo non consistit hoc prædicamentum in illa dispositione membrorum, seu aptitudine, quam habet homo, vt induatur. ¶ Adde, ad talem dispositionem, seu aptitudinem non requiri aliud accidens, præter figuram membrorum, duritiem, vel molliitudinem eorū, potentiam motiuam, aut alias similes qualitates: ergo, &c.

34 Hac ergo sententia relicta, dicendum est cum Aristot. locis citatis. Gilberto in suo opusculo D. Thom. 5. Metaph. lectio. 18. & 1. 2. quæst. 49. art. 1. quos sequuntur Conrad. ibidem Caiet. 3. part. quæst. 2. art. 6. Araux. vbi supra art. 5. & communiter Doctores, quod sicut vbi est accidens resultans in re locata ex circumscriptione loci, sic habitus, vt constituit hoc prædicamentum, est accidens resultans ex adiacentia indumenti, vel accidens, ratione cuius res dicuntur induæ. Quod significauit Gilbert. dicens, habitum esse *Corporū, & eorum, quæ circa corpus sunt. adiacentia.* Qua descriptione significatur, habitum mediare inter corpus, & ea, quæ circa corpus sunt per modum cuiusdam actionis, & passionis, in quantum, medio illo, corpus ornatur, & ea, quæ circa corpus sunt, ornant: ac proinde hæc debent esse omnino extrinseca corpori, sicut locus est extrinsecus rei

locata, & tempus rebus, quæ ab eo mensurantur.

35 Hinc fit, animalia irrationalia, quæ à natura acceperunt arma, & indumenta proportionata, vt ungulas, cornua, pilos, lanam, &c. quauis ratione horum nō habeant habitum pertinentem ad hoc prædicamentum, quia talia arma, & indumenta sunt veræ partes eorum, & non aliquid extrinsecum, tamen quatenus in ordine ad humanos vsus alijs armis, aut vestibus extrinsecis induuntur, habere proculdubio habitum huius prædicamenti, vt docet expressè D. Th. opuscul. 48. Sic enim equus dicitur phaleratus, aut armatus.

Per quod tandem patent species huius prædicamenti. Diuiditur enim secundum varia genera indumentorum, tam toti corpori, quam singulis partibus conuenientium. Et sic potest primò diuidi in habitum, qui resultat ex adiacentia armorum, ratione cuius dicimus res esse armatas, loricatas, aut galeatas: & in eum, qui resultat ex adiacentia vestium. Qui potest subdividi secundum varia genera indumentorum, vt togatum esse, calceatum esse, habere cucullam, &c. Sed de his satis. Qui plura voluerit, legat D. Th. opusculo citato, Sanchez lib. sexto

Arauxo vbi supra,
& alios.



POST PRÆDICAMENTA Aristotelis.

HÆC Est tertia pars huius libri. In qua per quinque capita differit Aristot. de quibusdam affectionibus, quæ consequuntur prædicamenta, seu quæ inter ipsa inuicem comparata inveniuntur. Quæ quia non sunt entia completa; sed rationes quædam imperfectæ, & incompleta, diuagantes per multa prædicamenta; idcirco ad nullū specialiter pertinent, aut reducuntur, propter quod etiā seorsim in hac tertia parte explicantur ab Arist. Sunt autem oppositio, prioritas, simultas, motus, & modus habendi. Circa quæ sufficiet Aristotel. doctrinam, quam omnes recipiunt, breuiter referre.

CAPVT DECIMVM.

De oppositis.

¶ PLVRA Ex ijs, quæ adducit Aristotel. in hoc capite, constant ex dictis lib. 2. institutionum circa oppositionem propositionū: & idcirco principaliora tantum attinemus. Continet ergo tres partes. In prima enumerat Arist. quatuor oppositionum genera, & ea exemplis illustrat. In secunda comparat ea inter se, & probat, vnum non esse aliud. In tertia tandem specialiter agit de contrarijs, & aliquas eorum conditiones, seu proprietates assignat.

Ad primam deueniendo: oppositio est quadruplex, alia relatiua, vt duplum, & subduplum, alia contraria, vt bonum, & malum, vel calor, & frigus, alia priuatiua, vt visus, & cæcitas, & alia contradictoria, vt sedet, & non sedet.

2 Circa hanc partem, illud imprimis notandum est, Aristotelem non agere in præsentī de oppositione propositionum, aut terminorum, vt diximus loco citato institutionum; sed de oppositione rerum. Hæc enim est, quæ consequitur ad prædicamenta; & ex consequenti est quid reale, constituens postprædicamentum istud, quod diuidit Aristot. in quatuor oppositiones enumeratas. Vt autem huius diuisionis sufficientiam percipiamus, oportet, aliquammodo explicare, quid sit oppositio in communi; non enim eam definiuit in præsentī Aristot. Pro quo.

Secundo notandum est, quod oppositio importat distinctionem inter ea, quæ opponuntur, vt tradit D. Tho. 1. p. q. 28, artic. 3. Non tamen

tamen dicit solam distinctionem: nam Petrus, & Paulus verè distinguuntur, non autem opponuntur. Addit ergo oppositio supra distinctionem, quandam repugnantiam conueniendi simul alicui. Hæc tamen adhuc nō sufficit ad rationem oppositionis propriè dictæ; siquidem conuenit omnibus differētibus diuisiuis, & speciebus cuiuscunque generis, quæ tamen nō dicuntur opposita, vt notauimus loco citato.

3 Hinc iā habemus duas oppositionis acceptiones. Primò enim sumitur latè, prout idem est, quòd repugnantia aliquorum ad simul conueniendum alicui. Quo sensu sumpsit oppositionem Aristot. cap. 12. sequenti: comprehenditque impropriè opposita, quæ solent appellari repugnantia, seu disparata. Secundò sumitur oppositio propriè, vt distinguitur à disparatis, & solùm comprehendit quatuor oppositiones enumeratas. Quo sensu agit de ea Arist. in hoc capite.

Igitur cognoscendo, in quo istæ quatuor oppositiones distinguantur à repugnantia disparata, cognoscetur, in quo consistat ratio communis oppositionis propriè dictæ. Distinguitur autem per hoc, quòd habens oppositionem propriè dictam, habet certam, & determinatam habitudinem ad vnum terminum, si quæ determinat, & quasi segregat, aut vendicat extremum, cui repugnet. Hoc enim significat ipsam nomen; siquidem *oppositio* idem est, quòd *contra positio*. Non autem aliquid dicitur contraponi, nisi determinatæ rei, è regione cui-

us sit positum. At verò in repugnantia disparata vnum non determinat sibi aliud, cui repugnet; sed indifferenter repugnat omnibus, à quibus in essentia distinguitur. Quòd fit, vt propria ratio oppositionis addat supra repugnantiam, determinationem alterius extremi modo explicato. Vnde sic possumus oppositionem propriè dictam definire. *Oppositio est repugnantia determinata aliquorum.* Quæ diuiditur in oppositionem priuatiuam, contrariam, & cæteras. Quas non oportet definire. Cùm enim ipsæ sint definitiones, faciliè ex terminis ipsis dignoscuntur.

4 Nunc faciliè explicabitur diuisionis sufficientia. Quæ sic cōmuniter probatur: quia, vel repugnantia, quam importat oppositio, est inter ens, & nō ens, vel inter ens, & ens? Si primum, vel inter ens, & non ens simpliciter? & sic est *oppositio contradictoria*, vel inter ens, & non ens indeterminato subiecto? & sic est *oppositio priuatiua*. Si secūdum, vel ens, & ens mutuò se expellunt? & sic est *oppositio contraria*, vel se respiciunt? & sic est *oppositio relatiua*. Ex quo etiam patet ordo harum oppositionum. Omnium enim maxima est contradictoria: deinde priuatiua: tertio contraria, & vltimò relatiua. ¶ Eandem sufficientiam ostendit eleganter D. Tho. 5. Metaph. lect. 12. ordine inuerso ascendendo à minoribus ad maiores oppositiones; quarum ordinem latè probat opusc. 37. cap. 1. 2. & 3. De quo etiam videri possunt Araux. 5. Metaph. quæst. 8. art. 3. & alij.

Solet

Solet etiam DVBITARI de hac diuisione; an sit generis in species, vel analogi in analogata.

¶ Ad quod, relictis alijs opinionibus, breuiter respondetur ex doctrina D. Thom. opusc. citato, quę sequuntur Caiet. & Soto in hoc c. Maius ibidem quęst. 3. & communiter Thomist. diuisionem esse analogam. Tū quia oppositio est quid reale, cōueniens rebus diuersorum prædicamentorum, quibus tamen nihil potest esse reale vniuocum. Tū etiam, quia oppositio cōtradictoria simpliciter, & absolute est oppositio; cū excludat omne medium, quod tamen alia oppositiones non excludunt: ac proinde per ordinem ad oppositionem contradictoriam alia participant rationem oppositionis. Videatur Diuus Thom. loco citato.

5 In secunda parte capitis cōparat Aristot. has quatuor oppositiones, dicens, quod priuatiuē opposita non sunt opposita relatiuē. Non enim dicimus, visus est cæcitas visus, neque cæcitas est visus cæcitas, sicut dicimus pater est filij pater, &c. Similiter priuatiuē opposita non sunt contrariē opposita. Cuius rationem reddit: quia in contrarijs possibile est, fieri mutationē indifferenter ab vno in aliud: at in priuatiuē oppositis, licet ab habitu (id est à forma, seu re, qua priuat priuatio) ad priuationem sit possibilis transitus; tamen à priuatione ad habitum est impossibilis regressus. Fit enim ex vidente cæcus, non verò ex cæco videntis.

Circa hoc dictum Aristotelis

DVBITANT merito Doctores, quomodo sit intelligendum? Constat enim vniuersaliter esse falsum, pluresque esse priuationes, à quibus ad formas sibi oppositas est possibilis regressus; siquidem post somnum reddit vigilia, lux post tenebras, motus post quietem, & sic de alijs. Vnde explicandum est, à quibus priuationibus detur regressus, & à quibus non, vt illis relictis, de his intelligatur dictum Aristotelis.

6 Id autem explicat optime D. Thom. 8. Metaph. lect. 4. dicens, quod quando subiectum, seu materia se habet ad diuersa secundum ordinem prioris, & posterioris, non potest ex posteriori redire in id, quod præcedit secundum ordinem. Sicut quia in generatione animalis, ordine quodam fit ex cibo sanguis, & ex sanguine semen, ex quo generatur anima; ideo non potest e contra ex semine fieri sanguis, aut ex sanguine cibus, nisi per resolutionem ad primam materiam, in quantum, scilicet, semen, aut sanguis potest resolui in terram; ex qua rursus fiat arbor, vnde procedat pomum, quod fiat cibus, & postea sanguis, & tandem semen.

Idem etiam contingit in materia vini: quæ non comparatur ad acetum, nisi per vinum; cū sit corruptio eius. Et simile est de mortuo, & viuo, cæco, & vidente, & similibus. Non enim res comparatur ad mortem, aut cæcitatem, nisi media vita, aut visu: & sic animal non dicitur mortuum, aut cæcum, nisi præcesserit vita, aut visus,

vel si tem debuisset precedere. Ut patet in cæco; qui quidem ante tempus opportunum suæ animationis non dicitur mortuus; etiam si non habeat vitam. Si tamen eo adueniente, ob defectum aliquem non animetur, vel acquisitam iam vitā postea amiserit, tunc dicitur mortuus. Quia etiam ratione canis ante nonum diem à natiuitate non dicitur cæcus: neque puer in primis mensibus edentulus, vt inquit in præsentī Arist. quia pro tūc, neque huic debentur dentes, neque illi visus. Quod si, transacto illo tempore, canis non videat, neque puero nascentur dentes, ille dicitur cæcus, & hic edentulus, non minùs ac, qui visum, & dentes amisit.

In huiusmodi ergo priuationibus, quas subiectum non respicit immediatè, sed medijs formis oppositis (quia nimirum subiectum priùs petit habere formam, ex cuius absentia admittit in se priuationem, vt inquit D. Tho.) semper verificatur, naturaliter loquendo, à priuatione ad habitum non esse regressum, neque enim ex aceto fit vinum, neque ex mortuo viuum, neque ex cæco videns, aut ex edentulo dentatus. Præter has autem sunt aliæ priuationes, ad quas subiectum, seu materia ita immediatè ordinatur, sicut ad ipsam formam oppositam: quia nimirum potentia receptiua eius non respicit actum, quasi in exercitio; & ita æqualiter se habet ad formam, & ad eius priuationem. Sicque contingit in aëre respectu lucis, & tenebrarum; in animali respectu somni, & vigiliæ; in

corpore respectu motus, & quietis, & similibus: de quibus non procedit dictum Arist. sed potest optimè à priuatione ad habitum fieri regressum, vt per se patet.

7 Tandem in 3. part. capituli assignat Arist. quasdam proprietates contrariorum. *Prima* est, non esse necessarium, si vnum contrariorum existit, quod etiam existat aliud. Non enim sequitur, si album est, nigrum etiam esse, quia possunt omnia esse alba. Quæ proprietates intelligitur de consequentia Logica: physicè enim, siue iuxta ordinem naturæ; si vnum elementum est, erit etiam & eius contrarium, vt inquit Arist. 2. Cæli text. 18.

Secunda proprietas est, duo contraria non posse esse in eodem subiecto. Quod quando, & quomoddò sit verum, alibi explicandum est.

Tertia est, contraria esse circa idem subiectum; idem, inquam, specie, aut genere, vt si subiectum sanitatis est animal, idem etiam sit subiectum ægitudinis. Sequitur autem hæc proprietas ex definitione contrariorum, quæ communiter assignatur, desumptaque est ex 10. Metaphysicæ capite sexto, scilicet, *Contraria sunt quæ sub eodem genere maximè distant, & eodem subiecto insunt, à quo mutuo se expellunt.*

Ultimò inquit Aristot. quod contraria, vel sunt sub eodè genere, vt albedo, & nigredo sub genere coloris; vel sunt sub contrarijs generibus, vt iustitia, & iniustitia sub virtute, & vitio, vel sunt ipsa contraria genera, vt virtus, & vitium. Quod quan-

quantis videatur esse contra definitionem traditam: tamen revera non est: quia particula illa definitionis, scilicet, *sub eodem genere maximè distant*, intelligitur de genere, siue infimo, siue subalterno. Atque ita de quibuscumque contrarijs verificatur esse sub eodem genere; nam iniustitia, & iniustitia, & virtus, & vitium sunt sub genere habitus, & qualitatis.

Quam prioritatem inquit Aristoteles, esse imperfectissimam.

2 His modis, qui suo tempore circumferebantur, addit Aristoteles *quintum*, Quo aliquid dicitur prius alio prioritatem naturæ, quando, scilicet, licet inter se conuertantur; tamen vnum est causa alterius, ut hominem esse, & orationem, in qua id affirmatur, esse veram, conuertuntur quidem inter se; tamen esse hominem est quodammodo causa orationis veræ: quia ab eo, quod res est, vel non est, oratio dicitur vera, vel falsa. Hoc etiam modo essentia est prior suis passionibus, & sic de alijs.

3 Tandem præter hos modos assignant Theologi alium, quem non cognovit Aristoteles. Quo, scilicet, aliquid dicitur prius alio prioritatem originis. Qui modus tantum inuenitur inter diuinas personas: & non est prioritas *in quo* (ut aiunt) quia non datur aliquod instans, vel signum etiam naturæ, in quo una persona sit prior alia; sed dicitur prioritas *à quo*: quia una persona procedit ab alia. Per quod etiam patet, quibus modis possit aliquid dici posterius alio.

CAPVT XI.

De modis prioris.

1 IN hoc capite enumerat Aristoteles quatuor modos, quibus aliquid dicitur esse prius alio. *Primus* est, quando aliquid est prius alio prioritatem temporis, ut Adamus fuit prior Abele, & hæc est propriissima prioritas. *Secundus* est, quando aliquid dicitur prius alio prioritatem consequentiæ: quia, scilicet, ab eo ad aliud non valet consequentia, ut animal respectu hominis. *Tertius*, quando aliquid est prius alio prioritatem ordinis; nempe quando habet habitudinem principij, vel partis respectu alterius, ut præmissæ respectu conclusionis, litteræ respectu syllabæ, & exordium respectu orationis. *Quartus* tandem modus est, quo aliquid dicitur prius alio prioritatem dignitatis, seu honoris; quo sensu vulgus eos, qui sunt honorabiliores, appellat priores.



CAPVT XII.

De modis simul.

TRIPLICITER Potest dici, aliquid esse simul cum alio. *Primò*, simultate temporis: quando, scilicet, in eodem tempore fiant, vel sunt, vt subiectum, & propriæ passionēs. Quo etiam modo duos gemellos, vel duas lectiones dicimus esse simul. *Secundò* simultate naturæ, quando, scilicet, vnum cum alio cōuertitur, & neutrum est causa alterius, vt magis explicuimus sup. disp. 14. num. 98. *Tertiò* tandem modo (inquit Aristot.) dicuntur esse simul differentia diuisiue eiusdem generis, vt volatile, gressibile, & aquatile respectu animalis. Quod intellige de differentijs, præcisè secundum quod comparantur ad genus: nam si inter se comparentur, non repugnat, imò oportet, vnam esse priorē alia, sicut sunt ipsæ species, quas constituunt, de quibus 8. Metaphysic. textu 10. dicitur esse sicut numeros.

CAPVT XIII.

De speciebus motus.

DIUAS Partes continet hoc caput. In quarum prima enumerat Aristoteles sex species motus (non quia propriè sint species alicuius veri generis, cum sint vix quædam, & entia incompleta, sed

eo sensu, quo quælibet membra diuidentia solent appellari species) scilicet, generationem, & corruptionem ad substantiam, augmentationem, & diminutionem ad quantitatem, alterationem ad qualitatem, & motum localem, seu lationem ad Vbi. Quos motus esse inter se distinctos patet: quia neque corruptio est generatio, neque augmentatio est diminutio, aut motus localis, &c.

Solum potest esse dubium de alteratione: an distinguatur ab alijs? quod mouet propter aliquos antiquos, qui negabant inter se distinguui. ¶ Nihilominus partem affirmatiuam probat ipse ratione manifesta. Quia contingit, aliquid alterari absq; eo, quod habeat alios motus, vn patet ferè in omnibus passionibus. Quando enim quis amat, vel delectatur, aut irascitur, &c. alteratur quidem, & tamen nō generatur, aut corrumpitur, neque augetur, aut minuitur, neque localiter mouetur. Similiter potest aliquid augeri absque eo, quod alteretur, aut habeat alios motus, vt cōtingit in Mathematicis. Si enim quadrato addas

Gnomonem, augetur absq; mutatione figuræ. Est autem Gnomon supplemen-



tum, quod additur costis quadrati ita vt eius figura non varietur.

2 In secunda parte capituli, inquit Aristot. quemlibet horum motuum habere duo contraria. Nam omnibus generaliter contrariatur quies,

CAPVT VLTIMVM.

De modis habere.

quies, seu cessatio a tali motu; siquidem quando res est genita, aut corrupta, iam quiescit à motu generationis, & corruptionis. Et idè est de augmentatione, & diminutione; & similiter de motu locali, cuius cessatio frequentius appellatur nomine quietis. Hoc autem intellige non de propria contrarietate; sed de oppositione priuatiua, vt explicant communiter Interpretes, quies enim, & motus priuatiuè tantum opponuntur.

Præterea vnicuique horum motuum cōtrariatur specialiter alius. Nām generationi cōtrariatur corruptio, & augmentationi diminutio. Similiter motui locali ad vnū terminum contrariari videtur motus, quo itur ad terminum contrarium, vt motui sursum, motus deorsum. Alterationi verò, inquit Aristotel. non est facilè assignare contrarium; sed dicendum contrariari alterationem, quæ est ad contrariam qualitatem, quomodò album fieri, & nigrum fieri contrariantur. Hoc autem intelligendum est, non ratione sui, sed ratione termini. Cū enim motus sit via ad terminum, sicut ab ipso participat essentiam, sic etiam contrarietatem. Neque inter terminos ipsos omnium horum motuum existimandum est, esse propriam, & rigorosam contrarietatem: nām hæc solum inuenitur in qualitatibus, vt ostendimus supra disputatione 12. num. 35. Et sic inter substantias, quantitates, aut vbi solum potest esse contrarietas impropria, & secundum quid.

I **QVO** Sensu habere sumatur in præsentī, explicuimus disputatione 15. numero 22. Et idè solum restat enumerare plures habendi modos, quos assignat in hoc capite Aristoteles. *Primo* ergo aliquid dicitur habere aliud vt qualitatem; quomodò dicimur habere scientiam, aut virtutem. *Secundò* vt quantitatem: vt quando dicimus Petium habere quatuor cubitorum magnitudinem. *Tertiò* aliquis dicitur habere ea, quæ circa corpus ponuntur, vt vestem, tunicam, aut gladium. (Hic modus habendi non est postprædicamentum; sed constituit speciale prædicamentum; vt patet ex dictis loco citato, & disputatione 16. numero 34.) *Quartò* vt in vase: quomodò modium dicitur habere triticum, & dolium vinum. *Quintò* vt possessionem: quo sensu dicitur quis habere domum, vel fundum. *Sextò* vt vir dicitur habere vxorem, aut vxor virum. Qui modus (inquit Aristoteles) videtur omnium imperfectissimus; quia per eum solum significatur virum vnā cum vxore cohabitare. Concluditque, quòd licet alij videantur esse modi habendi, isti tamen sunt, qui communiter circumscribuntur.

2 Hos, & alios plures modos habendi reducit ad quatuor Soto hic ex eodem Aristotel. lib. 5. Metaphysicæ textu 28. *Primus est*, quo vna res dicitur habere aliam, quam trahit ad suam dispositionem, & naturam; vt febris dicitur habere infirmum, tyrannus ciuitatem, & vitium hominem vitiosum. *Secundus est*, quo res habet aliam, sicut subiectum formam, vt substantia quantitatem, qualitatem, &c. *Tertius est*, quo res habet aliam sicut continens contentum, vt domicilium vinum. *Quartus est*, quo res

per violentiam tenet aliam, ne moueatur suo motu naturali aut libero, sicut columnæ habent domum, & vehemens passio hominem. Quibus addendus est ex Aristotele in præsentis modus habendi, per solam relationem, quomodo quis dicitur habere amicum, pater filium, vxor virum, &c. Et hunc appellat remotissimum, & imperfectissimum: quia iuxta illum vna res habet aliam, & habetur ab illa. Et hæc de 1. part. Diale. lecticæ dixisse sufficiat.



SECUNDA PARS

LOGICAE.

DE SECUNDIS INTENTIONIBVS; quibus dirigitur secunda operatio intellectus.

SICVT Vniuersale, prædicabile, genus, indiuiduum, uniuocum, analogum, & similia sunt termini secunda intentionis, quorū n. titia perficit, & dirigit primam operationem intellectus; propter quod de huiusmodi intētionibus egimus in prima parte Dialectica: ita nomen, verbum, oratio, propositio, oppositio, æquipollentia, & similia sunt secunda intentiones, quarum notitia dirigit secundam operationem intellectus in proprio modo operandi; & idē earum disputatio pertinet ad hanc secundam partem Dialecticæ. Quam completur Aristot. duobus libris Perihermenias; quorum expositionem libenter susceperimus, si aliquid restaret addendū. Sed omnia iam explicata sunt à nobis libro secundo Institutionum, & idē illis supersedendum esse duximus. Ne tamen Aristot. textum omninō ignoremus, æquum erit, breue ipsius compendium, & annotationes aliquas subijcere.

LIBER PRIMVS PERIHERMENIAS.

S V M M A T E X T V S.

LI B E R iste habet sex capita. Primum continet proœmiū, ubi Aristot. proponit ea, de quibus acturus est, & de signis; & significatione aliqua attingit. In secundo agit de nomine, ubi definit ipsum, partes definitionis explicat, & a ratione nominis casus obliquos excludit. In tertio tractat de verbo, cuius definitionem statuit, & explicat; excluditque verba infinita, & casus obliquos verborum; & tandem verbum, & nomen inter se comparat.

In quarto agit de oratione, cuius essentiam explicat. Vbi etiam tractat de propositione; varias eius diuisiones adducit; & tandem de propositionum contradictione disputat. In quinto prosequitur de oppositione propositionum, & aliquas eius leges statuit.

In sexto tandem agit de futuris contingentibus, explicans quomodo veritas, vel falsitas reperiatur in propositionibus de futuro contin-

genti. Ad quod prius explicat, quomodo reperitur veritas, vel falsitas in propositionibus contingentibus de presenti, & praterito. Deinde verò concludit propositiones de futuro contingenti non habere determinatam veritatem, vel falsitatem.

LIBER SECVNDVS PERIHERMENIAS.

SVMMA TEXTVS.

3 **T**R A C T A T Aristoteles in hoc libro de propositionibus, quæ ex aliqua variatione propositionis categoricæ causantur. Quando enim subiecto, vel prædicato alicuius propositionis iungitur aliqua negatio, fit propositio infinita. Si verò addatur aliud prædicatum, vt si huic propositioni, *homo est albus*, addatur, & *Musici*, propositio, quæ antea erat vna, fit multiplex. Tandem quando propositioni simplici additur modus, fit propositio modalis. Continet ergo liber hic tria capita. In primo disputat Aristot. de propositionibus infinitis: In secundo de propositione vna, & multiplici: & in tertio de propositionibus modalibus.

Notationes in duos libros Perihermenias.

4 **C**IRCA Inscriptionem sciendum est, *περὶ ἑρμηνείας* Perihermenias Græcè idem esse quòd Latine *de interpretatione* *ἑρμηνεύω* hermineyo enim idem est, quòd *interpretor*. Neq; illa est vna dictio, vt malè aliqui existimant: sed est genitiuus cū propositione. Inscribuntur autem hi libri, vbi præcipuè de propositione agitur de *Interpretatione*: quia licet voces simplices non immeritò appellari possint interpretationes, cum sint signa conceptuum; tamen id præcipuè conuenit propositionibus, quibus medijs, conceptus nostros explicamus, vnū de alio affirmando, vel negando, vt rectè notantur D. Tho. Ammonius,

& alij. Continetur autem opus hoc apud Græcos vnico tantum libro, & iure quidem: neque enim est sufficiens causa ad illud diuidendum. Interpretes verò Latini diuiserunt in duos libros, & ita cōmuniter citantur duo libri Perihermenias.

5 Iam verò circa ipsos plura à Dialecticis disputantur de nomine, verbo, oratione, propositione, &c. quæ sufficenter à nobis explicata sunt in Institutionibus. Nam licet tractatus ille præcipuè insistat in explicandis ipsis vocibus, & earum significatione, tamen quia impossibile est scire, quæ sit significatio alicuius vocis, ignorata re significata per ipsam: ideo

ideò dùm significationes nominis, orationis, subiecti, propositionis, & similium ibi explicuimus; tradita etiam fuit noticia secundarum intentionum, quas istæ voces deformali significant. Et ideò non oportet ea repetere.

Similiter circa istos libros tractant aliqui plura de actibus intellectus, præcipuè de secunda operatione; in quo nimirum sita sit natura iudicij? an sit simplex qualitas? quomodò in eo reperiatur veritas, vel falsitas? in quo ipsæ cōsistant? & alia his similia. Sed quidè, licet hæc aliquo modo inuarent ad maiorem secundarum intètionum cognitionem, tamen reuera sunt extra Dialecticum institutum, & propriam sedem habent in libris de Anima. vbi de intellectu disputatur, propter quod in præsentia prætermittuntur.

6 Tandem disputant hîc aliqui de futuris contingentibus, tùm ijs, quæ aliquando euenient, & appellantur absoluta, tùm etiam ijs, quæ nunquam ponentur in re, ponerentur tamen ex suppositione aliquius conditionis, & propterea cōditionata appellantur. Disputantque de propositionibus de futuro contingenti, propter Aristotel. qui capite vltimo primi libri statuit, & probat, eas non habere determinatam veritatem, aut falsitatem. Sed quidem disputatio hæc non est propriè Dialectica; & eam meritò sibi vsurparunt Theologi propter affinitatem ad materiam de scientia Dei, vbi inuestigatur modus, quo ipse cognoscit futura contingētia. Et ideò hæc illis relinquimus.

7 Non est tamen prætereundum, quosdam nostri temporis Doctores, de quorū numero sunt Suarez tom. 1. de Gratia prolég. 2. cap. 7. Valentinus de Herice 1. p. tract. 1. d. 6. cap. 7. Hurt. disp. 9. de Anima §. 43. & alij suæ societatis, sentientes Aristotel. sibi esse contrarium, omninò carpere hanc eius doctrinam, asserētes, eam esse erroneam, & fidei veritati repugnantem, vt his Dialecticis fundamentis semel conuulsis, quandam scientiam mediam futurorum contingentium, quam in Deo ponunt ante omne decretum liberum suæ voluntatis, melius statuunt, & defendunt.

Cæterum quàm ipsi decipiantur in hac censura, satis conuincit auctoritas D. Thom. qui cum Aristot. perpetuò docet, futura contingentia, dùm non intelliguntur extra suas causas, & præsentia, sed sub ratione futuri, non habere determinatam veritatem, vel falsitatem, neque esse certò, & determinatè scibilia, ac proindè propositiones de futuro contingenti de se, seu formaliter prout sic (quo sensu loquitur Aristot.) non esse determinatè veras, vel falsas.

8 Tradit hoc Angelicus Doctor, non solum lect. 13. huius primi libri, vbi latè explicat, & probat hanc doctrinam; sed etiam in primo distinct. 38. quæst. 1. artic. 5. ad secundū, dùm inquit: *Futurum contingens non est determinatè verum, an: e quàm fiat: quia non habet causam determinatam.* Et quæst. 16. de malo artic. 7. *Quia vnumquodque cognoscitur, secundum quòd est*

in actu, non autem secundum quod est in potentia, ut dicitur in nono Metaphysicæ; inde est quod ea, quæ sunt ad utrumlibet, non possunt præcognosci in suis causis determinatis; sed sub disunctione, utpotè quia erunt, vel non erunt: sic enim habent veritatem, &c. Et inde quæst. 2. de veritate art. 12. generaliter concludit: Ex quo patet contingens, ut futurum est, per nullam cognitionem sciri, cui falsitas subesse non possit. Vnde impossibile esset, quod de contingentibus futuris scientiam haberet Deus; si cognosceret ea ut futura sunt, &c. Quod explicatius repetit in solutione ad sextum; & latè proseguitur 1. part. quæst. 14. artic. 13. lib. 1. contra Gentes capit. 67. & alibi sapè. De quo etiam videri possunt Didacus Alvarez lib. 2. de Auxilijs disputat. 7. & lib. 1. responsionum cap. 5. num. 15. Ledesma tractatu de Auxilijs part. 2. fol. 624 Nauarrere 1. part. controuerf. 56. § 2. Nazarius artic. 13. citato controuerf. 1. Gonzalez disp. 43. sect. 2. num. 29. & disp. 45. sect. 6. & alij Thomistæ. Quibus etiam in hoc annumerandus est Alphonsus Curiel Primarius Salmanticensis, non solum quia controuerf. 7. in cap. 4. sapientia artic. 3. præfatam Aristot. doctrinam latè explicat, & defendit, sed etiã & maximè, quia ut à fidedignis testibus accepimus, & scribit Ledesma ubi supra, scientiam illam mediam, quam ibidem ut probabiliorē elegerat, publicè retractauit Salmantica postremo vitæ suæ anno in lectione de scientia Christi, & ideo non est, cur auctoritate eius nouiter muniantur aduersarij. Sed de his satis.

¶



TERTIA PARS LOGICAE.

DE SECVNDIS INTENTIONIBVS, quibus dirigitur tertia operatio intellectus.

SICVT Oratio, propositio, oppositio, &c. sunt secundae intentiones, quarum notitia dirigit secundam operationem intellectus; ita praemissa, maior, medium, syllogismus, figura, demonstratio, fallacia, & his similia sunt secundae intentiones, quarum notitia dirigit, & perficit tertiam operationem intellectus, nempe discursum; & sic pertinent ad hanc tertiam partem Dialecticam. Quam complectitur Arist. duobus libris de priori analysi, duobus de posteriori, octo Topicorum, & duobus Elechorum. Sed quia eorum, quae ibi tractantur, plura iam constant; ex alijs verò plura sunt parum necessaria; ideo utiliora seligemus.

Notationes in duos libros de priori analysi.

2 *Analusis, analysis* Græcè idem est, quòd Latine *resolutio*; dicitur enim à verbo Græco, ἀναλυσω, *anaylo*, quod idem est, ac *resoluo*: vnde etiam deducitur ἀναλυτικός, *analyticos*, idest, *resolutivus*, seu *resolutorius*. Est autem resolutio, ex Aristot. 3. de Cælo, regressus à composito ad simplicia, ex quibus constat compositum. Quæ est duplex, alia Physica, alia Logica: Resolutio Physica contingit, quando compositum naturale dissolvitur in partes reales, quæ actu, vel potentia erant in illo, ut quando mixtum resolvitur in elementa; domus in lapides, & ligna; oratio in syllabas, &c. Resolutio Logica fit, quando compositum rationis dis-

solvitur in suas partes, ut quando definitionem resolvimus in genus, & differentiam; & syllogismum in sua principia.

Hoc autem potest fieri dupliciter, scilicet, ex parte formæ, & ex parte materiæ. Sicut enim triangulus ligneus ex parte figuræ resolvitur in tres lineas, & linea in partes; & puncta, quæ sunt principia eius, & ex parte ligni in elementa, quæ in potentia continet, & sunt eius principia; ita similiter argumentatio, syllogismus, & alia composita rationis dupliciter possunt resolvi in sua principia. Primum ex parte formæ, probando, scilicet, formam illam argumentationis, vel syllogismi esse bonam, vel immedia-

tè per prima principia, sicut probantur quatuor modi perfecti; vel per reductionem ad illa, ut probantur alij. Secundo modo potest syllogismus (& proportionabiliter alia composita rationis) resolui in sua principia, ex parte materiæ, scilicet, in propositiones; nam hæ sunt materia proxima syllogismi,

Ad utriusque ergo resolutionis notitiam ordinantur libri Aristot. qui in hac tertia parte continentur. Cum autè resolutio ex parte formæ prior sit resolutione ex parte materiæ, sicut forma prior est materia, idè isti duo primi libri, ubi de resolutione syllogismorum ex parte formæ differitur, inscribuntur *ἀναλυτικὸν προτέρων*, *analyticon proteron*, idè, priorum analyticorum, seu de priori resolutione. Alij verò libri, qui supersunt pertinent ad posteriorem resolutionem; siquidem in eis differitur de syllogismis ex parte materiæ; unde omnes scribendi essent de posteriori resolutione.

3. Sed quia materia necessaria, ex qua constat demonstratio, potior est, quàm probabilis, & apparens, ex quibus constant syllogismus topicus, & sophisticus; & in his propter eorum imperfectionem non omnino potest fieri resolutio: idè duo libri sequentes, in quibus agitur de demonstratione, titulum de posteriori resolutione sibi usurparunt. Et ita inscribuntur *ἀναλυτικὸν ὑστέρων*, *analyticon hysteron*, id-

est, posteriorum analyticorum. Nisi manis dicere cum Galepo, inscriptiones istas non fuisse ab Aristotele suis libris appositas; sed à posterioribus Interpretibus. Neq; enim sub tali titulo citat ipse hos libros; sed duos priores appellat de Ratiocinatione; duos vero subsequentes de Demonstratione, ut patet ex primo Posteriorum c. 3. Quæ inscriptiones explicant rectè materiæ, circa quam versantur. Nam ratiocinatio significat argumentationem ex parte formæ, de qua tractant libri Priorum; demonstratio verò significat syllogismum in materia necessaria, de quo tractant libri Posteriorum.

Disputat autem Aristot. diffusè in libris Priorum de forma argumentationis; de varijs eius speciebus, scilicet, syllogismo, & inductione, quæ sunt propriæ species; & enthymemate, & exëplo, quæ ad illas reducuntur; de triplici syllogismorū figura, & varijs vniuscuiusque modis; de reductione imperfectorū ad perfectos; de arte inveniendi medium, cæterisque, quæ hanc materiam concernunt. Sed ex his, necessaria omnia selegimus libro 3. Institutionum; ubi non perfunctionè, & communiter fit, sed ab imis fundamentis ea deduximus.

Propter quod his etiam libris superaddendum est.

LIBER PRIMVS

POSTERIORVM, SEV DE

Demonstratione.

LIBENTER Aristot. textum, qui inter alios eius libros est proculdubio acutissimus, & nobilissimus, commentarijs, & notationibus ex professo illustraremus. Sed lōgius, quam par est, excrescet præsens labor, & ideò materiam hanc, qua potuerimus breuitate, perstringemus, nihil, quoad fieri possit, relinquentes. Legenda tamen sunt iterum, atque iterum D. Thom. Commentaria in hos libros, qua inter alia eius opera sunt praeclarissima. Vt autem textus Aristotelis non simus omninò ignari, summam, seu argumentum horum librorum breuiter referemus.

SUMMA TEXTVS.

IN hoc 1. lib. agit Aristot. de demonstratione, partibus eius, speciebus, & proprietatibus. Ad quod in cap. 1. posito vniuersali theoremate, seu maxima, quòd, scilicet, *Omnis doctrina, & disciplina, qua ratione perficitur, sit ex praeexistenti cognitione*, explicat ea, quæ ante demonstrationem cognosci debent, statuitque tria esse praeognita, & duas praeognitiones.

5 Capite secundo definit scientiam dicens; scire est rem per causam cognoscere, & ita rei causam esse, vt illam aliter se habere non posse, arbitremur. Definit etiam demonstrationem duplici definitione infra disputatione decima octaua adducenda. Et tandem definit principium dicens: *Principium est propositio immediata*, id est, qua non est altera prior, seu carens medio, per quod probetur. Quod diuidit in positionem, & dignitatem. Positio est principium non ita commune, & notum, vt illud habere debeat, qui discere incipit. Et huiusmodi sunt principia particularia vniuscuiusque scientiæ, vt dici de omni, & dici de nullo, quidquid mouetur, ab alio mouetur, &c. Dignitas verò est principium, quod quilibet habet, antequàm scire incipiat eo, quòd sit valdè commune, & notum, vt quodlibet est, vel non est, totum est maius sua parte, & similia.

Rursus positionem diuidit in definitionem, & suppositionem. Definitionem appellat illud principium particulare, vbi continetur definitio; suppositionem verò illud, vbi tantum continetur genus, vel differentia. Sicut enim hoc nomen, *principium*, licet primario conueniat me-

dio; inde tamen tota propositio dicitur principium: ita quavis *definitio* tantum sit alterum extremum propositionis; tamen per synecdochem tota propositio, in qua continetur definitio, appellatur in presenti definitione. Et concludit, quod principia sunt magis nota, quam conclusiones; nam propter quod vnumquodque tale, & illud magis.

6 Capite tertio rejicit duos errores Antiquorum. Primus erat contendendum, nullam esse scientiam: quia, vel in demonstratione proceditur in infinitum, vel deueniendum est ad aliquod primum principium, quod per aliud non demonstratur. Si primum, non datur scientia: quia infinitum non potest mente pertransiri. Si secundum, ergo illud primum principium non potest per aliud cognosci, & consequenter neque demonstrari, ac proinde non sciatur: quia scire est rem per causam cognoscere. ¶ Ad quod respondet, non omnia, quæ certò, & manifestè cognoscuntur, sciri per demonstrationem; sed prima principia cognosci per habitum principiorum, qui nobilior est, & certiori modo cognoscit principia, quam scientia conclusiones.

Secundus error fuit eorum, qui scientiam admittentes, non ponebant habitum principiorum, sed omnia per scientiam cognosci, quæ procederet ex demonstratione circulari. Existimabant enim, conclusiones sciri per principia, & principia per ipsas conclusiones. Quod optimè rejicit Aristoteles, impuens circulum in demonstrationibus: quia ex illo sequeretur idem esse prius, & posterius; notius, & ignotius, & quod idem per se ipsum demonstraretur. Quæ repugnant demonstrationi, quæ procedit ex prioribus, & notioribus absolutè.

7 Capite quarto statuit, demonstrationem debere constare ex propositionibus necessarijs; nam res, cuius est scientia, non potest aliter se habere. Quam necessitatem non potest accipere ex principio falso, aut contingenti. Licet enim ex falso, aut contingenti possit interdum sequi verum, & necessarium, ut diximus lib. 3. Summularum cap. 2. tamen tunc consequens non habet veritatem, aut necessitatem ab antecedenti, sed aliunde ut ibidem diximus, & ita non potest consequens necessarium demonstrari per antecedens falsum, aut contingens. Deinde explicat, quid sit propositio, seu prædicatum de omni, per se, & vniuersale. ¶ Capite quinto adducit tres deceptiones, quæ solent contingere circa prædicatum vniuersale, de quo infra.

Capite sexto septem rationibus probat demonstrationem constare ex necessarijs: subiungitque, ex contingentibus posse sequi necessarium; sed non probari, ut diximus circa caput 4. Ex necessarijs autem semper sequitur necessarium, & ita repugnat, quod conclusio sit cōtingens, & præmissæ necessaria. Quare accidentia communia, siue sint separabilia, siue inseparabilia, non cadunt sub scientia, nec demonstrari possunt.

Capite septimo ostendit demonstrationem constare debere ex proprijs,

prijs, non verò ex alienis, aut communibus; concluditque nullam scientiam particularem posse sua principia confirmare. ¶ Capite octauo prosequitur, demonstrationem debere constare ex proprijs, additque Metaphysicam, & Logicam esse scientias generales.

Capite nono ostendit, in qualibet scientia esse proprias interrogationes, explicatque, in quo differant Demonstrator, & Dialecticus.

Capite decimo diuidit demonstrationem in demonstrationem; *quia, & propter quid.* Vnde etiam colligitur diuisio scientiæ in subalternantem, & subalternatam. ¶ Ab hoc verò capite vsque ad 22. adducit alias demonstrationis diuisiones, aliaque non omninò necessaria pertractat. ¶ A capite verò 23. vsque ad 27. quod est vltimum, disputat de scientia, quæ est effectus demonstrationis: vnde nam sumatur vnitas, & distinctio scientiarum? & in quo scientia differat ab opinione, & solertia?

LIBER SECVNDVS Posteriorum.

SVMMA TEXTVS.

IN hoc 2. lib. agit Aristot. de causis demonstrationis, scilicet, medio; & primis principijs. Et sic tractat de definitione; quomodo, scilicet, inueniatur cuiuslibet rei definitio; & quomodò possit esse medium demonstrationis. Quod prosequitur per 17. capita. In 18. verò, & vltimo agit de habitu principiorum, quo cognoscuntur prima principia demonstrationis. Quæ omnia vt breuiter, & dilucidè complectamur, materiam horum librorum quatuor disputationibus absoluemus. In prima erit sermo de prærequisitis ad demonstrationem: in secunda de ipsa natura demonstrationis, & diuisionibus eius: in tertia de scientia, quæ per demonstrationem acquiritur: & tandem in vltima de alijs habitibus intellectus.



DISPUTATIO XVII.

De prærequisitis ad demonstrationem.

QVÆSTIO PRIMA.

Utrum omnis cognitio intellectiua fiat ex præexistenti cognitione?

9 **D**emonstrationem, sic dictam : quia quasi digito demonstrat ignotum, negauerunt Heraclitus, & Cratylus, qui scientias de medio sustulerunt, ut vidimus disp. 3. num. 5. Quibus consenserunt Academici, nihil certò cognosci posse, dicētes; sed omnia dubitanter, & cum formidine. Quorum fundamenta ibidem adduximus.

Plato etiam, quāvis sciētias admiserit, negauit tamen esse necessariam demonstrationem; quia existimauit, illas fuisse à principio animæ inditas, ac proinde nullam nos in hac vita scientiam de nouo consequi; sed nostrum scire solū esse quoddam reminisci. Quod probabat Plato in Mennone hoc argumento. Quia dū homo scire desiderat, vel cupit scire id, quod iam sciebat, vel id, quod penitus ignorabat? Non primum: quia nemo scire desiderat, quod iam cognoscit. Sed neque etiam secundum: quia supernuacanea esset inquisitio. Sicut enim frustra quis quæreret hominē, quē nullo modo nouit, siquidē etiā si ipsi obuiam fieret, adhuc non cognosceret; sic frustra quæreret

aliquis sciētiam eius rei, quā omnino ignorat; siquidē etiam si ipsi præsentetur, adhuc illam non cognosceret: ergo nihil restat respondendū, nisi quod homo scire vult id, cuius quidē quauis à principio habuit anima sciētiam, fuit tamen oblitus propter corporis hebetudinem.

10 Ut has duas sentēcias, vel potius errores excludat Arist. exorditur caput I. huius I. lib. celebri illo axioma: *Omnis doctrina, omnisque disciplina intellectiua fit ex præexistenti cognitione.* Nam primū quidē, qui cōfundit cognitionē sensitiuam, cū intellectuā, reijcit prioribus verbis, ostendens dari, cognitionem intellectuā. Secundum verò excludit in subsequentibus. Si enim verè datur cognitio intellectiua, quæ ex alia præexistenti fiat: ergo non omnia à principio sciuntur; ac proinde verè datur demonstratio, per quam sciētia comparetur. Quod etiam conuincit, tū naturalis appetitus, quē habet homo ad sciendum, qui frustraretur, si nunquā perueniret ad cognitionem certā, & euidentem a licuius rei, tū etiam ipsa experiētia plura enim ita certò, & euidenter cognosci-

noscimus, vt nulla omnino adsit dubitatio, vt pater de conclusionibus Mathematicis. Imò ipsi Academici, dum nihil certò sciri posse ostendunt, id tanquam certum reputant, & aliquid se scire posse conuincuntur. Vnde Aug. lib. 3. contra Academicos c. 9. *Negant* (inquit) *Academici, aliquid sciri posse. Vnde hoc vobis placuit studiosissimi homines, atq; doctissimi? Mouit nos, inquit, definitio Zenonis. Cur quæso? Nàm si vera est, nonnihil veri nouit, qui vel ipsam nouit. Si falsa, non debuit constantissimos commouere.*

II Ad fundamentum Platonis respondet in eodem cap. Aristotel. quòd cū quis aliquid scire cupit, neque scire cupit id, quod simpliciter sciebat, neque, quod omnino ignorabat; sed quod simpliciter nesciebat, sciebat autem secundum quid. Quia nimirum cōclusionem, quam actu, & in se ipsa ignorabat (quod est simpliciter nescire) virtute, & in potentia cognoscebat in principijs (quod est scire secundum quid) ad eum modum, quo effectus naturalis, antequam actu producat (quod est simpliciter esse) præexistit in virtute, & potētia suæ causæ (quod est esse secundum quid.) Quare sicut ibi saluatur vera generatio naturalis per hoc, quòd id, quod erat in potentia ens, fiat ens actu, quod est reduci de potētia in actu: sic in eo, qui addiscit datur vera acquisitio scientiæ, quatenus id, quod virtute, & potētia erat notum in principijs vniuersalibus, actu cognoscitur in se ipso, & est reduci de cognitione potenciali, seu virtuali, aut

vniuersali incognitionē propriā, & actualē. Per quod tandem sit, incognitionē cōclusionis, quā ignoramus, nō esse superuacancā; sed verè dari demonstrationē, per quā talis doctrina, seu disciplina de nouo adquiratur, & est fieri ex præexistēti cognitione. Videatur S. Th. hic lect. 3.

12 Quāuis autē hæc ita sint, merito dubitatur à Doctoribus: quomodo sic intelligenda hæc propositio Arist. Nā eam nō esse vniuersaliter verā, suadent hæc argumenta. Primò: quia si omnis doctrina, & disciplina fieret ex præexistēti cognitione, daretur processus in infinitum, & est absurdum. Probatur sequēla, quia illa præexistēs cognitio etiā est doctrina: ergo deberet fieri ex alia, & illa ex alia, & sic in infinitum.

Secundò: quia sciētia Angelorū est verè doctrina, & tamen non fit ex præexistēti cognitione: ergo nō est vniuersaliter vera propositio Aristot. Maior patet: quia Angeli perfectissimè cognoscūt proprietates rerū per suas proprias causas, vt hominem esse risibilem, quia est rationalis: ergo habent perfectissimè demonstrationē, & doctrinā. Minor verò probatur: quia Angeli vniuersali intuitu cognoscūt essentias, & passionēs, & causam, & effectus: ergo eorum scientia non fit ex aliqua præexistēti cognitione.

Tertiò tandem: quia tertia operatio intellectus nostri, scilicet, discursus, non est cognitio solius cōclusionis; sed etiam præmissarum: ergo neque etiam in nobis cognitio discursiua, propriè loquendo, fit ex præexistēti cognitione præmissarum.

missarum. Cōsequentia patet: quia si cognitio ipsa præmissarum pertinet ad discursum: ergo non est præexistens respectu eius. Antecedens verò probatur: quia cognitio solius conclusionis tantum est enuntiatio quædam, & iudicium intellectus, sicut ipsa conclusio sola est tantum quædam propositio: ergo cognitio solius conclusionis non est tertia operatio intellectus.

13 Variè solet explicari ab interpretibus hæc propositio Aristotelis. Quidam enim extendunt illam ad omnem cognitionem intellectus, tam simplicem, quam compositam. Cum enim discursus fiat ex antecedenti iudicio; & iudicium præsupponat apprehensionem, & hæc requirat cognitionem sensuum; semper verificatur, quancumque cognitionem intellectus fieri ex alia præexistenti cognitione, & hunc, inquit, esse sensum illius propositionis.

Parum ab his discedunt alij, qui dictam propositionem accommodant ad solas cognitiones compositas intellectus, tam secundæ, quam tertiæ operationis, ita ut sensus sit, omnem cognitionem intellectus, tam discursivam, quam iudicativam fieri ex alia præexistenti cognitione intellectus, scilicet, ex simplici apprehensione.

Econtra verò alij omnino restringunt hanc propositionem, asserentes, non esse intelligendam de omni cognitione discursiva, sed solum de demonstrativa. Quod probant: tum quia hæc sola potest absolute appellari doctrina: tum

etiam, quia sic rectè excluduntur errores, quos impugnare intendit Aristoteles: tum denique quia verè dantur opiniones in suo genere per se notæ, seu per se probabiles, in quibus non habetur una cognitio ex alia, sed cognoscuntur ex sola notitia terminorum: ergo non est intelligenda propositio Aristotelis de cognitione discursiva etiā probabilis; sed solum de demonstrativa.

14 Nihilominus dicendum est, quod licet dicta propositio quocumque ex his modis explicata, sit verissima; tamen iuxta mentem Aristotelis intelligenda est de omni, & sola cognitione discursiva. Prima pars conclusionis satis ex se constat. Si enim intelligatur de sola cognitione demonstrativa; siue extendatur ad secundam, & tertiam operationem intellectus; siue tandem ad omnes; semper datur aliqua præexistens cognitio, vel intellectus, vel saltem sensus, ut explicatum est: ergo quocumque modo intelligatur dicta propositio, est omnino vera.

Secunda etiam pars conclusionis est communis consensus. In interpretum, Aberror. Philoponi, B. Alberti, & aliorum. Quos sequuntur Sanchez lib. 7. q. 1. Masius hic q. 1. ad 2. Rub. ibidem, & Combric. q. 2. art. 1. Etque expressa D. Tho. in hoc lib. lect. 1. ubi per doctrinam, & disciplinam inquit, significari, non omnem cognitionem, sed eam, quæ ex alia acquiritur, seu per quam ratio de uno in aliud procedit: quæ prout est in Magistro, dicitur doctrina,

doctrina, & prout in discipulo disciplina Et concludit: *Neque accipitur hic doctrina, & disciplina, secundum quod se habet ad acquisitionem scientia tantum; sed ad acquisitionem cognitionis cuiuscunque. Quod patet: quia manifestat hanc propositionem etiam in disputatiuis, & rhetoricis disputationibus, per quas non acquiritur scientia.* Per quod excluduntur omnes modi dicendi supra relati, vt considerati patebit.

Sed specialiter contra vnũ quẽque probatur hæc secunda pars conclusionis. Contra primum quidem: quia planè loquitur Arist. de præexistenti cognitione, quæ sit eiusdem ordinis cum sequenti, seu quæ sit etiam in intellectu, sicut illa. Sic enim probat rectè contra Platonem, esse demonstrationem, quia doctrina, quæ habetur de conclusionem, causatur ex cognitione antecedentis, quam constat fieri etiam in intellectu: ergo per cognitionem præexistentem intelligit Aristoteles cognitionem intellectuam, & per consequens nomine doctrinæ, & disciplinæ nõ potest ibi intelligi quæcumque cognitio intellectus.

15. Cõtra secundum etiam modum dicendi probatur. Quia in hac propositione, Aristoteles nomine præexistentis cognitionis, non intelligit cognitionem apprehensiuam, sed iudicatiuam: ergo nomine doctrinæ, & disciplinæ non potest ibi significari omnis cognitio complexa, tam iudicatiua, quàm discursiua. Cõsequentia patet. Antecedens verò probatur: quia vt patet ex toto hoc cap. & maxime

ex solutione argumenti Platonis, supponit Aristot. hoc esse discriminẽ inter propositiones, quæ sunt prima principia, & propositiones demonstrabiles, quod assensus demonstrabilium fit ex præexistenti cognitione, non verò assensus primorum principiorum: ergo nomine præexistētis cognitionis debet intelligi cognitio, quæ necessariò supponatur ad assensum cõclusionum; non verò ad assensum principiorum. Sed hæc non est cognitio apprehensiuam, siquidem ista præsupponitur etiam ad assensum principiorum, vt patet: ergo debet esse iudicatiua.

Tandem idem probatur contra tertium modum dicendi. Tũ quia hĩc planè contradicit textui: nam posita illa vniuersali propositione, statim probat eam Aristotel. inductione facta in demonstrationibus Mathematicæ, in syllogismis, & inductionibus probabilibus Dialecticæ, & in exemplis, & enthymematibus Rhetoricæ, quæ propter incertitudinem materiæ, nõ solum non demonstrat; sed neque vtitur frequenter syllogismo, & inductione, sicut Dialectica, sed enthymemate, & exemplo, vt notat D. Tho. ibidem, & nos explicuimus lib. 3. Institut. capite 1. ergo propositio Aristotel. intelligitur, non solum de cognitione habita per demonstrationem; sed etiam per quamcumque argumentationem, seu discursum.

Confirmatur: quia loco illius termini, *intellectiua*, quem frequenter habent latini codices, habetur

betur in textu Græco *διανοητική*, *dianotici*, quæ vox, ut notant Con-
imbricent. ubi suprà, derivatur à
nomine *διανω*, *dianota*, & verbo,
τίω, *tico*, quod significat viam con-
ficere, seu discurrere. Propter quod
ut notant Boez, & Niphus, emen-
datiores codices legunt. *Omnis do-*
ctrina, omnisque disciplina discursi-
na, &c. Ergo ibi loquitur Aristot.
de omni, & sola cognitione discursi-
ua: & per consequens legitimus
sensus illius propositionis est, quod
omnis cognitio discursiva, siue quæ
in Magistro est, siue quæ in disci-
pulo, sit ex præexistenti cognitio-
ne principiorum, ex quibus procedit
intellectus, discurrendo ad cog-
nitionem eorum, quæ ex talibus
principijs deducuntur.

16 Per quod patet ad ea, quæ
pro hoc tertio modo dicendi addu-
cta sunt. Primum enim est falsum:
& absque fundamento, nomen do-
ctrinæ, aut disciplinæ restringitur
ad solam cognitionem sciētificam:
nam etiam in opinatiuis verè do-
cemas, & discimus, eaque compre-
hendisse Arist. sub tali nomine cō-
stat ex textu, ut vidimus.

Secundum etiam non vrget.
Quia multò melius, & formalius,
excluduntur dicti errores ex illa
propositione, ut à nobis explicata
est. Nam sic assignatur vniuersalis
ratio, & prima radix, vnde proue-
nit, quòd de nouo acquiramus sciē-
tiam eorum, quæ antea simpliciter
ignorabamus. Hoc enim non con-
uenit scientiæ, secundum quòd sciē-
tia est; sed secundum communem
rationem cognitionis discursuæ,

ut consideranti patebit.

Tertium tandem nihil colligit
contra nos. Fatemur enim in opi-
natiuis aliquas esse propositiones
immediatas, seu per se notas in illo
genere, ut infrà disput. 20. explica-
bimus. Tales autem propositiones
non sunt conclusiones; sed princi-
pia, neque cognoscuntur per dis-
cursum; sed ex ipsa notitia termi-
norum: & consequenter non perti-
nent ad habitum opinatiuum, qui
generatur ex syllogismo probabili,
& correlative scientiæ; sed ad
aliud habitum opinatiuum princi-
piorum, quem ponit Aristot. cor-
respondentem intellectui, qui est
habitus principiorum demonstra-
tionis, ut videbimus loco citato.

17 Ad argumenta in princi-
pio facta respondetur. Ad primum,
iuxta nostram expositionem satis
patet non sequi processum in infi-
nitum. Nam licet cognitio discursi-
ua, qua probatur tertia, aut quarta
passio de subiecto, possit fieri ex
alia cognitione discursiva præexi-
stenti; tamen cognitio, qua prima
passio probatur, non fit ex alia cog-
nitione discursiva; sed ex cognitio-
ne iudicatiua principiorum, & sic
non datur processus in infinitum.
Neque etiam datur iuxta alias ex-
positiones adductas. Nam discursus
fit ex præexistenti iudicio, iudi-
cium ex præexistenti apprehensio-
ne intellectus; & hæc ex præexisten-
ti cognitione sensus, quæ non fit ex
alia priori cognitione.

Ad secundum respondetur, Ari-
stotelem non dixisse absolute. *Omnis doctrina fit ex præexistenti cog-
nitione,*

nitiones; sed *Omnis doctrina discursiva*, ut vidimus. Quæ tamen non habet locum in Angelis: quia quauis verè cognoscant effectus per suas causas, non tamen habent diuersas cognitiones, vnam respectu causa, ex qua procedant ad aliam respectu effectus, quod necessariū est ad discursum propriè dictum; sed vnico simplici intuitu vtrumque cognoscunt, & sic scientia eorum propriè non fit ex præexistenti cognitione, neque de illa intelligenda est propositio Aristot.

Quod si propter codices Latinos, qui non habent: *Omnis doctrina discursiva*, sed *Omnis doctrina intellectiva*, velis cum aliquibus, dictam propositionem aliquammodo, etiam extendi ad Angelos; dicendum est, quod quauis ex parte ipsorum non sit verus, & formalis discursus, ita ut ex cognitione principij procedant ad cognitionem conclusionis, ex parte tamen ipsarum rerum est quidam quasi discursus obiectiuus, secundum quod vnam re cognoscunt mediante alia, quando sic petunt cognosci ipsæ res, ut explicatum est. Quare sicut in nobis cognitio conclusionis propriè fit ex præexistenti cognitione principiorum: sic in Angelis idem actus, secundum quod terminatur ad conclusionem, seu effectus, quasi fit, & præsupponit se ipsum, secundum quod terminatur ad principium, seu causam; & sic aliquammodo etiam verificatur ibi propositio Aristot. Quod etiam proportionabiliter potest dici de scientia Dei, ut consideranti patebit.

18 Ad tertium ut respondeatur, explicandum est breuiter: in quo consistat propria ratio discursus. Et primò certū est, præter simplicem apprehensionem verè dari in intellectu aliam operationem, quæ vnum de alio enuntiamus, & appellatur iudicium: & vtriusque meminit Aristot. 1. Perih. c. 4. & 3. de Anima c. 6. & D. Tho. ibidem, & 4. Metaph. lect. 6. lib. 6. lect. 4. & alibi sapè. Quæ etiam, certitudine tenendum est, iudicium non esse aggregatum multarum apprehensionum; sed simplicem quandam actum realiter, & essentialiter distinctum ab apprehensione. Quare solū est difficultas de tertia operatione, nempe discursu; an, scilicet, eadem proportionē asserendum sit, esse actum quandam simplicem realiter, & substantialiter à iudicio distinctū; an potius sit reuera cognitio iudicativa, entitativè contenta sub secunda operatione?

In quo, quauis aliqui priorem partem defendant; secunda tamen est longè probabilior. Quam inter alios rectè probat, & explicat Ferrariar 3. de Anima quest. 11. Estque proculdubio Arist. 6. Ethicor. c. 3. vbi agens de habitibus intellectuales; scilicet, scientia, sapientia, prudentia, & intellectu principiorum, omnes hos inquit, esse in intellectu circa affirmationem, & negationem, seu circa verum, & falsum. Constat autem apud ipsum, affirmationem, & negationem; seu verum, & falsum tantum reperiri in iudicio, ut patet 1. Perih. cap. 1. Idem aperte docet D. Tho. q. 14. de veritate art.

art. 1. & 3. dist. 23. quæst. 2. artic. 2. quæstiuncula 1. ubi duas tantum intellectus operationes enumeras, scilicet, apprehensionem, & iudicium, sub secunda collocat expressè, tum cognitionem fidei, & primorum principiorum, tum etiam opinatiuam, & scientificam: cum tamen istæ duæ sint actus discursus.

19 Ratione etiam probatur: quia discursus, ut ipsum nomen indicat, & testatur S. Doctor 1. part. quæst. 58. art. 3. ad primum, est progressio intellectus ab vna cognitione in aliam, in quantum ex aliquo prius noto deuenitur in cognitionem alterius, quod erat ignotum: ergo necessariò includit plures cognitiones, seu plura iudicia, ex quorù vno procedatur ad aliud: ergo non oportet superaddere aliud actum simplicem ab his essentialiter distinctum, in quo consistat discursus. Antecedens, & primâ consequentiam concedunt communiter Doctores, & probat rectè contra Scotum Caiet. loco citato. Secunda verò consequentia probatur: quia ex eo precisè, quòd intellectus iudicet de conclusione, motus, & determinatus à iudicijs habiris de præmissis, intelligitur propriè discurrere, siquidem verè ex vna cognitione procedit ad aliam: ergo præter iudicia, quæ correspondent præmissis, & conclusioni, non est ponendus distinctus actus, in quo consistat discursus. Videatur Ferrara loco citato.

Iuxta hæc ergo dicendum est, quòd discursus est ipsum iudicium, quo intellectus assentitur conclu-

sioni, non secundum quòd consideratur ut propositio; sed formaliter quatenus est conclusio, seu ut est dependens, & illata à præmissis, ita quòd idem actus entitatiuè dicatur iudicium, & discursus. iudicium quidem, secundum quòd precisè cognoscit vnionem prædicati cum subiecto; discursus verò, secundum quòd assentitur eidem vnioni prædicati cum subiecto propter vnionem cum medio cognitam in præmissis. Et sic talis actus, formaliter secundum quòd, habet rationem discursus, dicit intrinsecum ordinem ad priora iudicia præmissarum, in quo distinguitur à prima, & secunda operatione intellectus. ¶ Per quòd etiam patet ad argumētum. Quia enim discursus consistit in assensu conclusionis, ut procedit ab assensu præmissarum, ut explicatum est, proprijsimè dicitur fieri ex præexistenti cognitione.

QVÆSTIO II.

*An rectè assignentur ab Aristotele
duæ præcognitiones, & ita
præcognita?*

20 S Vpposito, quòd omnis cognitio discursiua fit ex præexistenti cognitione, ut explicatum est, infert rectè Aristoteles, an. 2. demonstrationem, seu cognitionem scientificam, quæ in nobis est discursiua, aliqua esse necessariò præcognoscenda, de quibus agimus in hac quæstione. Pro cuius explicatione sciendū est, quòd *præcognitio* idē est, ac anticipata cog-
nitio

nitio. Vnde cognitio præexistens ad discursum necessario erit actus iudicii, aut apprehensionis; hi enim antecedunt discursum in sensu explicatio. Cum autem obiectum apprehensionis sit res simplex; obiectum verò iudicii sit quid complexum, in quo veritas, vel falsitas reperitur, de utroque obiecto aliquid ante demonstrationem cognoscetur.

Secundò nota, quod cum cognitio, qua in conclusione cognoscitur, prædicatum conuenire subiecto, propter unionem factam cum medio in præmissis, sit cognitio discursiua, vt dictum est; & in tali cognitione, quando propositiones sunt necessariae, consistat actus demonstrationis, per quem generatur scientia; quidquid ante istam cognitionem demonstratiuam oportuerit cognosci, dicetur præcognitum, id est, res cognita ante cognitionem discursiua. Hæc autem tantum possunt esse tria, nempe principium, subiectum, & passio; nam antequam in conclusione prædicatum attribuat subiecto, iam debent esse cognitæ præmissæ, vt de se patet. Quæ quia vnum integrum principium conclusionis efficiunt, non plura, sed vnum præcognitum appellantur. Præterea debet esse cognitum subiectum conclusionis, & similiter passio, quæ de subiecto prædicatur; nam ante actuale prædicationem inter duo extrema supponitur necessario simplex cognitio vniuscuiusque. Restat ergo, quòd ante actum intellectus, in quo formaliter consistit cognitio demonstratiua, tria debent esse præcogni-

ta, scilicet, principium, subiectum, & passio.

21 Tertiò nota, de istis præcognitis duas tantum quaestiones posse præcognosci, scilicet, *an sit* & *quid sit* (has appellat Aristot. præcognitiones.) Ratio est: quia ad duas quaestiones, quas enumerat ipse secundò Posterior. cap. x. scilicet, *quia est*, & *propter quid est*, per ipsam demonstrationem cognoscuntur; siquidè per eam scimus, quia passio conuenit subiecto, & etiam propter quid illi conueniat. Ergo non oportet illas præcognoscere; atque ita duæ erunt tantum præcognitiones, scilicet, *an est*? & *quid est*?

Diuiditur autem vnaquæque in alias duas: quia, *an est*? potest inquiri, tam de re simplici, quam de integra propositione, cuius existentia est sua veritas. Et ideò, *an est*? diuiditur in *an sit reale*? seu *rei*, & in *an sit veritatis*? Similiter: quia, *quid est*? significat diffinitionem, quæ analogicè diuiditur in diffinitionem *quid rei*, & *quid n. minis*, ideò præcognitio, *quid est*, diuiditur in *quid rei*, quæ, scilicet, sit essentia rei, & in *quid nominis*, scilicet, quid nomen significet. Iam ergò habemus in generali duas præcognitiones, & quatuor in speciali. Restat modò videndum, quæ earum tribus præcognitis conueniant, id est, quæ harum quaestionum debeant præcognosci ante demonstrationem de vnoquoque præcognitorum.

22 Prima conclusio. Rectè assignantur ab Aristotele ante demonstrationem duæ tantum præcognitiones in generali, & tria præcognita.

nita. Ita docet D. Thom. hîc lect. 2. & communiter Dialectici : satisf. que ex dictis constat. Nam per hâc demonstrationem: *Omne rationale est risibile: omnis homo est rationalis: ergo omnis homo est risibilis*: scimus, quod homo est risibilis: & hæc est tertia quæstio, quâ vocat Aristoteles *quia est*: scimus etiam propter quid sic risibilis, nempe propter rationale; & hæc est quarta quæstio, quâ appellat Aristoteles *propter quid est*. Ergo hæc duæ quæstiones ostenduntur per ipsam demonstrationem: & per consequens non cognoscuntur ante illam. Alia vero duæ quæstiones sunt indemonstrabiles à priori. Nam cum in demonstratione concludatur aliquid de subiecto, necessarium est, intelligere subiectum esse, habereque aliquam essentiam, de qua tale prædicatum possit concludi. Ergo *an sit?* & *quid est?* necessariò præcognoscuntur, & per consequens duæ tantum erunt præcognitiones. Quod autem tria sint præcognita, constat ex secundo notabili: ergo, &c.

23 Secunda conclusio. De principio non præcognoscitur *quid sit* sed tantum *an sit verum*? Hæc etiâ est Arist. & D. Thom. ibid. & communis inter Dialecticos. Probaturque prima pars: nâ cognoscere *quid sit* alicuius? est cognoscere definitionem eius: sed præmissâ, seu principiû primò intentionaliter sumptum, ut hîc loquimur, non habet definitionem; cum sit quid complexû: ergo de illo nō potest cognosci *quid sit*.

Secunda etiâ pars probatur: quia in demonstratione, ante assensum

conclusionis necessariò præsupponitur assensus præmissarû: ergo præcognoscuntur ut veræ, ergo de principio præcognoscitur *an sit veritas*, seu *an sit verum*.

24 Tertia conclusio. De subiecto non debet præcognosci *an sit verum*, neque *an sit existens*; sed sufficit cognoscere *an sit rei in aptitudine*: & insuper debet etiam præcognosci, *quid sit*. Hæc etiam conclusio est communis. Et quia idem quod non possit de subiecto præcognosci, *an sit verum*, patet: quia est quid incomplexum. ¶ Quod autem non debeat necessariò præcognosci subiectum actu existens, probatur. Quia unio passionis cum subiecto absoluitur à tempore, & est æterna: ergo ut talis passio demonstraretur, nō necessariò supponit subiectum actualiter existens. Verum est tamen, quod quia nos accipimus cognitionem à sensibus, necessarium fuit, quod aliquandò, seu respectu alicuius subiectum actu existeret: sed hoc non per se; sed per accidens requiritur ad demonstrationem. ¶ Quod autem de subiecto debeat præcognosci *an sit*, saltem in aptitudine, res est manifesta; nâ res impossibilis, pro ut sic, non habet passionem, quas de illa intellectus demonstraret. Quod autem dicimus de subiecto, debere præcognosci *an sit rei*; non est restringendum ad entia realia. Nam etiam quando subiectum demonstrationis est ens rationis, ut contingit in demonstrationibus logicis, debet de tali subiecto præcognosci, *an sit rei*? illi proportionatum.

tam. ¶ Tandem quòd de subiecto debeat præcognosci, *quid sit* in demonstratione à priori, de qua loquimur, res est manifesta. Nam essentia subiecti, non potest à priori demonstrari; sed ex ipsa proceditur ad passionis demonstrandas: ergo ipsa essentia, seu *quid sit* debet necessariò præcognosci de subiecto.

25 Ultima conclusio. De passione non præcognoscitur, *an sit*, neque *quid rei*; sed tantum *quid nominis*. Ita etiam in præsentì Arist. & D. Thom. Ut autem probetur, nota, quòd hîc loquimur formaliter de passione, quatenus passio est; non verò quatenus est accidens, vel secundum aliam generalem rationem. Potest enim quis scire risibilitatem hominis; ignorare tamen, an sit passio eius? & tunc, sic èt cognoscat *an sit* risibilitatis, secundum quòd est ens, aut accidens; non tamen cognoscit *an sit* illius, secundum quòd est propria passio. ¶ Hoc ergo supposito, probatur conclusio quoad priorè partem: quia *an sit* passionis ostenditur per demonstrationem; ergo non præcognoscitur ante illam. Probatur antecedens: quia *an sit* seu *esse* proprium passionis est inesse subiecto, sed hoc demonstratur; ergo, &c.

Secundæ etiam pars patet. Nam *quid rei* passionis pendet ex proprio subiecto, per quod debet definiiri; sed, per demonstrationem cognoscitur, quod nam sit passionis subiectum: ergo non fuit præcognitum, & per consequens, ne-

que *quid rei* ipsius passionis. Tandem quòd de passione debeat præcognosci *quid nominis*, res est clara. Si enim ignoremus, quæ sit significatio nominis, non poterit in demonstratione attribui subiecto tale nomen. ¶ Vbi nota, quòd de subiecto, & principio debet etiam præcognosci *quid nominum* propter eandem rationem. Tribuitur autè hoc specialiter passioni: quia passio nullam aliam habet præcognitionem.

26 Sed contra doctrinam primæ conclusionis potest obijci. Primò: quia ante demonstrationem debet præcognosci bonitas illationis; ergo non sunt tantum tria præcognita. ¶ Secundò: quia quæstio, *an est*? aliquando demonstratur, ut fecimus de existentia Logicæ in principio primæ disputationis, & sic de alijs; ergo non semper dantur dux præcognitiones.

Ad primum respondetur, bonitatem illationis pertinere ad libros Priorum: hîc autem tantum enumerantur præcognita posteriori scilicet. ¶ Ad secundum, quòd quanvis aliquando contingat rei existentiam demonstrare; tamè ibi etiam quodammodo præcognoscitur *an sit*? talis rei, quatenus intelligitur antecedere ipsam existentiam. Quando enim demonstramus Deum esse sibi prius apprehenditur Deus cum aptitudine ad essendum, & hoc est *an sit*? quod necessariò debet præcognosci in demonstratione.

Alij id explicant & dicentes in demonstratione, necessariò præcognosci *an est* de secundo adiacenti;

non verò de tertio adiacenti. Quod intelligitur, notando, quòd propositio de secundo adiacenti dicitur illa, in qua subiecto solum adiacet verbum, *est*, absque alio prædicato, ut hæc, *Deus est, homo est, &c.* Quamvis enim in illo verbo sit inclusum participium, quod habet rationem prædicati, tamen tale prædicatum propriè non est quid tertium: quia non est aliquid ultra verbum. Propositio verò de tertio adiacenti dicitur illa, in qua præter verbum, *est*, datur aliquid prædicatum, ut hæc, *Homo est animal, Petrus est albus, &c.* In his ergo, subiecto præter verbum, *est*, adiacet aliquid, quod tertium locum obtinet post subiectum, & ideo dicitur de tertio adiacenti. In quibus propositionibus semper de subiecto supponitur secundum adiacens, seu *ansit*: nam qui dicit, hominè esse animal, supponit hominem esse. Quia ergo quando existentia demonstratur de aliquo subiecto, talis propositio quodammodo videtur de tertio adiacenti, quatenus tunc existentia gerit vices tertij termini, qui vnitur alteri extremo per mediũ, ideo communiter dicitur, *an est*, quando est de tertio adiacenti, non præcognosci, sed demonstrari. Secus verò quando est de secundo adiacenti: quia tunc potius se tenet ex parte ipsius subiecti.

27. Contra secundam conclusionem obijci potest: quia aliquando de principio demonstratur esse verum: ergo non necessariò id de illo præcognoscitur. Antecedens probatur in hac demonstratione.

Omne admiratiuum est risibile: omnis homo est admiratiuus: ergo omnis homo est risibilis, cuius præmissæ, seu principium demonstrantur per aliam demonstrationem, si dicas: *Omne rationale est risibile: omne admiratiuum est rationale: ergo omne admiratiuum est risibile.* Et eodem modo potest probari minor. Idem etiam contingit in principijs scientiæ subalternatæ, quæ demonstrantur in scientia subalternante: ergo sæpè de principio demonstratur esse verum.

Respondetur, principium esse duplex: aliud simpliciter, & absolute primum, & hoc semper est principium, & numquàm conclusio, ut essentia rei, quæ cum sit simpliciter primum, quod inuenitur in tali re, semper est principium. Aliud est principium respectu alicuius, quod tamè si comparatur ad aliud prius, non est primum, sed secundum, vel tertium; & huiusmodi principium tantum est principium respectu posterioris, respectu verò prioris potius est conclusio, sicque contingit in exemplis adductis. Doctrina ergo conclusionis proportionabiliter est intelligenda, quòd, scilicet, principia primi generis semper debent præcognosci, & numquàm possunt à priori demonstrari: principia verò secundi generis debent præcognosci, quando sumuntur ut principia, & prout sic non demonstrantur. Quando verò desinunt esse principia, & sunt conclusiones, tunc non præcognoscuntur, sed demonstrantur.

QVÆST.

QVAESTIO III.

An assensus præmissarum sit causa assensus conclusionis, & in quo genere?

28 **N**on inquirimus: an præmissæ ipsæ obiectivæ sint causa conclusionis; hoc enim explicandum est disputatione sequenti circa secundam definitionem demonstrationis ab Aristotele traditâ; sed an actus intellectus, quo assentitur præmissis, sit causa actus, quo assentitur conclusioni; inde enim pendet solutio aliorum, quæ in hoc i. capite tradit Aristot. & nos explicabimus quæstione sequenti, tractantes, an talis assensus præmissarum necessitet intellectum ad assentiendum conclusioni. Pro utriusque autem quæstionis intelligentia notandum est, eas procedere per se loquendo, & respectu intellectus bene dispositi, qui, scilicet, cognoscat vim illationis, & alia de causa non sit impeditus. Si quis enim ignoraret vim illationis, vel aliàs esset impeditus, ut contingere potest in rustico, vel amente, in eo per accidens assensus præmissarum nõ produceret assensum cõclusionis, neq; intellectus necessitaretur ex iudicijs præmissarum ad assentiendum conclusioni, ut patet.

29 Secundò notandum est, dupliciter posse aliquid cognosci. Vno modo in se ipso: quandò, scilicet, primò, & per se, seu ratione sui terminat cognitionem, ut quandò Petrum videmus in sua persona, vel

causam, aut effectum cognoscimus in se ipsis. Secundo modo, in alio: quandò, scilicet, cognoscitur, non ratione sui, sed cognoscendo aliquid aliud, in quo ipsum aliquomodo continetur, ut quandò Petrum videmus in sua imagine, vel causam cognoscimus in suo effectu, aut econtrâ. Ad rem ergo, quandò primo modo cognoscuntur à nobis præmissæ, & conclusio, cognoscuntur diversis actibus, ut per se patet, & concedunt concorditer Authores. Secundo verò modo, cum conclusio virtualiter contineatur in præmissis, & similiter præmissæ in conclusione, ut infra constabit, inde est, quòd per eandem cognitionem, quæ formaliter terminatur ad præmissas, cognoscitur in eis virtualiter ipsa conclusio, ut docet expressè Aristoteles in hoc capite, & similiter per eandem cognitionem, qua cognoscitur conclusio in se ipsa, cognoscuntur quodammodo in ea ipsæ præmissæ; secundum quòd sunt rationes assentiendi cõclusioni, ut tradit D. Tho. 1. 2. q. 8. artic. 3.

Quando ergo in hac, & sequenti quæstione inquirimus: an assensus præmissarum sit causa assensus conclusionis, & an ille necessitet intellectum ad istum eliciendum? non loquimur in hoc secundo sensu, neque comparamus assensum formalem præmissarum cum virtuali conclusionis, qui in eo continetur; aut formalem conclusionis cum virtuali præmissarum ibi incluso, hi enim non sunt plures actus, ut vidimus; & consequenter

non potest ibi esse vera causalitas, aut determinatio. Quare difficultates istæ solum procedunt de assensibus proprijs, & formalibus præmissarum, & conclusionis, seu de cognitionibus, quibus tam præmissæ, quam conclusio cognoscuntur in se ipsis, quas constat, esse diuersas, posseque habere rationem causæ, & effectus.

30 Dicendum est primò, assensum præmissarum esse quodammodo causam assensus conclusionis. Sic docet communiter Dialectici; estq; plana mens Arist. in hoc capite, dū inquit, omnem cognitionem discursiuam fieri ex præexistenti cognitione præmissarum, ibi enim particula & causalitatem denotat, vt explicant Commentator, & alij Interpretes. Nam quod aliqui respondent, posse, scilicet, denotare ordinem termini à quo, vt cū dicitur ex calido fieri frigidum, in quo nulla importatur causalitas, non habet locum in præsentī. Quoniam terminus à quo impossibilis est cum termino ad quem, & amittitur per acquisitionem illius, vt patet in exemplo adducto, assensus autem præmissarum non opponitur assensui conclusionis, neq; illo adueniente, deperditur necessariò ille, vt infra constabit.

Eandem conclusionem docet expressè Diu. Thomas primo contra Gentes capite 57. ratione 4. & prima parte quæstione 14. articulo 7. vbi discursum propriè dictum appellat discursum secundum causalitatem. Ex quo loco sic probatur ratione. Quia propria ratio dis-

cursum non consistit in hoc, quòd vnum cognoscatur post aliud, secundum successionem temporis, id enim vel non est necessarium, vel si requiritur, non tamen est sufficiens, siquidem possunt plures propositiones disparatæ vna post aliā successionē tēporis cognosci absque eo, quòd efficiant verum discursum, vt patet: ergo propria eius ratio consistit in eo, quòd vnus cognitio ex alterius cognitione causetur.

Confirmatur: quia assensus conclusionis virtute continetur in assensu præmissarum, vt explicatum est: ergo assensus præmissarum est causa assensus conclusionis, continentia enim virtualis propria est causæ respectu effectus.

31 ¶ Maior difficultas est: in quo genere causæ assensus præmissarum concurrat ad assensum conclusionis. Et quidem in genere causæ finalis certum est, præmissas non esse causam conclusionis; potius conclusio est causa finalis, ad quam ordinatur assensus præmissarum, vt patet. In genere autem causæ materialis, & formalis assensus præmissarum potest quodammodò dici causa assensus conclusionis, non ratione sui (nam vnus actus propriè non fit ex alio tanquam ex materia, neque eum actuat tanquam forma;) sed ratione obiecti, nempe præmissarum; quia istæ quodammodò sunt causa materialis conclusionis, vt docet expressè Aristoteles 2. Physicorum textu 31. & explicat optimè

mè D. Tho. ibi lectione 5. in quantum termini, qui sunt materia præmissarum, sunt etiam materia conclusionis, licet non ut stant sub forma præmissarum, sicut farina dicitur materia panis, licet non ut stat sub forma panis. Similiter præmissæ, seu principia sunt ratio *sub qua* assentiendi conclusioni, & unde sumitur eius specificatio, ut testigimus supra disputatione prima numero 43. & latè explicabimus infra disputatione 19. & sic quodammodò sunt causæ formales extrinsecæ conclusionis. Quare solum restat difficultas de causalitate efficienti; an, scilicet, assensus præmissarum concurrat in genere causæ efficientis ad assensum conclusionis.

32 Pro parte negatiua solet referri Durand. in secundo distinctione secunda quæstione secunda ad quartum, ubi nihil dicit; id tamen indicat distinctione 24. quæstione prima numero duodecimo, in quantum inquit, quod in intellectu practico conclusio deliberationis fit per nudam potentiam, & non per aliquos actus se habentes ad hoc in ratione principij actiui. ¶ Potestque probari primò ratione inde desumpta. Quia causa efficiens agit, in quantum est actu in rerum natura; sed quando intellectus assentitur conclusioni, iam præterijt assensus præmissarum: ergo ipse non est causa efficiens assensus conclusionis. Maior est certa, siquidem quod non est, nihil potest efficere. Minor verò probatur ex D. Thoma 1. parte quæstione

85. articulo 4. ubi docet, intellectum non posse plura simul cognoscere; & consequenter in illo non poterunt esse simul plures cognitiones; sed vna post aliam, maximè in discursu, qui videtur exigere talem successionem.

Secundò: quia assensus præmissarum, saltem qui producit ab habitu principiorum, distinguitur specie ab assensu conclusionis, qui habetur per demonstrationem, & pertinet ad habitum scientiæ: ergo si ille esset causa efficiens huius, esset necessariò causa æquiuoca; sed non potest esse causa æquiuoca: ergo neque efficiens. Probat ur minor: quia causa æquiuoca est causa vniuersalis, & remota, ut patet in Sole, & alijs astris. Cùm ergo assensus præmissarum sit causa particularis, & proxima, ut patet, planè videtur sequi, non posse esse causam æquiuocam.

33 Nihilominus dicendum est secundò, assensum præmissarum esse causam efficientem assensus conclusionis. Hac conclusio est communis inter Doctores, præcipuè Thomistas, ut testatur Arauxo l. b. 1. Metaphysic. quæstione 3. artic. 4. Quam tenet expressè D. Thom. hic lect. 3. & addit esse Aristotelis his verbis. *Principia se habent ad conclusiones in demonstratiuis sicut cause actiua in naturalibus ad suos effectus: unde in secundo Physicorum propositiones syllogismi ponuntur in genere cause efficientis.* Et loco citato ex 1. contra Gentes. *In omni scientia discursiua oportet aliquid esse causatum: nam principia sunt*

quodammodo causa efficiens conclusionis. Vnde & demonstratio dicitur syllogismus faciens scire. Videantur Ferrara ibidem, Montefino 1. 2. disputat. 13. quæst. 7. Soto in hoc cap. quæst. 2. ad 2. Masius quæst. 10. Sanch. lib. 7. quæst. 2. noster Didacus à Iesu disputat. 16. quæst. 3. & Rubio hæc quæst. 6. qui plures alios adducit.

Probatur ratione primò : quia illud, quod constituit potentiam in actu primo ad efficiendum, concurrat cum ea efficienter ad actum secundum ; sed per species intelligibiles præmissarum, & assensus illarum constituitur intellectus in actu primo ad assentiendum conclusioni : ergo species præmissarum, & assensus earum concurrunt efficienter ad assensum conclusionis. Maior constat, tum in speciebus intentionalibus sensuum ; tum etiã in omnibus potentijs operatiuis. Minor verò probatur : tum quia intellectus nudè consideratus non est sufficienter determinatus in ratione causæ ad talem assensum producendum, quod tamen habet existente assensu præmissarum : tum & maximè, quia in assensu conclusionis non solùm inuenitur ratio communis intellectiõis, quæ per se primò correspondet intellectui, & ratio etiã intellectiõis talis obiecti, quæ per se primò correspondet speciei intelligibili ; sed etiã ratio intellectiõis discursiue, quæ, prout sic, refunditur tantùm in causam, per se in præexistẽtem cognitionem præmissarum : ergo sicut propterea intellectus, &

species intelligibilis concurrunt efficienter ad assensum conclusionis, sic etiã concurret assensus præmissarum.

Confirmatur : quia virtualis continentia, quam habet assensus præmissarum respectu assensus conclusionis, & modus necessitandi, quo ille cogit intellectum ad elicendum hunc, ut postea explicabimus, non possunt rectè saluari in alio genere causæ, ut consideranti patebit : ergo, &c.

34. Secundò probatur : quia conclusioni assentimur propter præmissas, & ideo magis assentimur præmissis : ergo in genere causæ efficientis assensus præmissarum concurrat ad assensum conclusionis. Antecedens est Arist. ut infra videbimus. Consequentia verò probatur : quia *ly, propter*, non denotat in præsentia causam finalem, ut patet ex dictis, neque potest accommodari causæ materiali, aut formali, in quibus non habet locum illud axioma, *Propter quod unumquodque tale, &c.* ut infra cõstabit : ergo denotat genus causæ efficientis.

Confirmatur : quia sicut se habet finis in operabilibus, sic præmissæ, seu principia in speculabilibus, ut dicitur 7. Ethic. c. 8. & repetit sæpè D. Thom. sed volitio finis est causa efficiens volitionis mediorum, ut significat Angelicus Doctor 1. 2. quæst. 9. art. 3. & recipit communis sententia Theologorum, quam inter alios explicat rectè Montefino loco citato : ergo etiã assensus præmissarum erit causa efficiens assensus conclusionis.

Quomodo autem contingat hæc efficientia, non potest in præsentī explicari, pēdet enim ex dicendis in libris de Anima. Pro nunc tamē dicimus, quod vel ipsum verbum mentis, seu species expressa, quæ est in assensu præmissarum, immediatē per se ipsam, simul cum intellectu producit assensum cōclusionis, eo modo, quo Caiet. 1. p. q. 80. art. 2. & plures alij Thomistæ satis probabiliter defendūt, actum intellectus efficienter concurrere ad actū voluntatis: vel quod per assensum præmissarum producit in intellectu quædam species intelligibilis, quæ simul cum ipso producat assensum conclusionis, & ratione cuius talis actio tribuatur ipsi assensui præmissarum, ad eum modū, quo solet explicari efficientia sensationis exterioris respectu interiorum, in quātū species expressa visionis, verbi gratia, producit quandam impressam in sensu communi, qua mediātē ipse elicit suam sensationem. Sed de hoc redibit sermo loco citato.

35 Ad argumenta respondentur. Ad primum dicimus, quod si assensus præmissarum per se ipsum, & immediatē producit assensum cōclusionis, iuxta primum modum dicendi; consequenter asserendum est, vtrumque assensum esse simul in intellectu. Neque reputandum est impossibile, esse simul in intellectu duas cognitiones specie distinctas, quando habēt inter se ordinē, vt cōtingit in præsentī, vbi se habent per modū vnius discursus. Tunc enim intellectus, propriē lo-

quendo, nō cognoscit plura vt plura, quod loco citato negat D. Tho. sed per modū vnius, quod esse possibile concedit ibidem, & q. 58. antecedenti art. 2. Quibus locis explicat rectē Caiet. id intelligēdum esse, tam quando per vnicam speciem, & actum cognoscūtur plura, quā cum cognoscuntur pluribus speciebus, & actibus inter se ordinatis: quia tunc se habent vt partes vnius integræ speciei, & cognitionis. De quo videri possunt Bañez q. 58. citata, Arauxo artic. 5. Soto hic Sanchez vbi suprā, & alij Thomistæ. Si verò assensus præmissarū, non per se ipsum; sed ratione aliquius speciei intelligibilis concurrat ad assensum conclusionis, iuxta secundum modum dicendi, tunc sufficit, quod species illa maneat in intellectu, etiā si præterisset assensus præmissarum.

Ad secundū, concesso antecedenti, & prima cōsequentia, negāda est minor. Ad cuius probationem respondetur, non solū non esse eandem rationem formale causæ vniuersalis, & æquiuocæ, vt explicabimus lib. 2. Physicorum; sed neque semper inter se materialiter coincidere. Cuius plura fortē possent afferri exempla; sufficiat tamen, quod adducit Aristot. libro primo de Generatione animalium capite 16. vbi docet, quædam esse animalia imperfecta, semper ex putrefactione genita, quæ tamen coeunt, & generant vt causæ particulares, non suæ speciei animal, sed vemiculos quosdam: de quibus consequenter asserendum est, esse causas

fas æquiuocas; non verò vniuersales. Et sic contingit in præfenti.

QVÆSTIO III.

An per assensum præmissarum necessitetur intellectus ad assentiendum conclusioni?

35 **I**N eodem primo capite explicans Aristoteles ordinem præcognitionum demonstrationis, docet, maiorem cognosci priùs tẽpore, quàm conclusionem; minorem verò simul tẽpore, licet priùs natura. Quod quidem intelligendum est, quando diuersis actibus cognoscuntur, iuxta dicta quæstione præcedenti: nam quando in ipsa cognitione conclusionis cognoscuntur præmissæ, vt ratio assentiendi illi, nullum est discrimen quantum ad hoc inter maiorem, & minorem, vt patet. Quare sensus Aristotelis est, quod in syllogismo, posito assensu maioris, non statim sequitur assensus conclusionis; sed potest ille tẽpore præcedere hunc, cum assensus maioris non sit integra causa assensus conclusionis. At quando aduenit assensus minoris in proprio loco, & situ minoris, scilicet, præcedente assensu maioris; cum iam sit integra, & totalis causa, statim sequitur assensus conclusionis in eodem instanti temporis, & ita minor, & conclusio cognoscuntur simul tempore, licet assensus minoris prioritare naturæ antecedit assensum cõclusionis, cum sit causa eius. Sic intelligit Aristot.

telem D. Thom. hinc lectio. 2. quem sequuntur Sanchez vbi supra quæst. 3. Masius quæst. 9. & 10. Rubio q. 7. & communiter Doctores.

Ratio est: quia assensus præmissarum sunt causa naturalis assensus conclusionis: ergo statim ac complentur in ratione causæ, producunt illum. Sed quando præcedente assensu maioris, aduenit assensus minoris, iam est causa completa: ergo statim producunt assensum conclusionis. Cum autem actiones intra intellectum sint instantaneæ, neque mensurentur tempore, nisi ratione phantasmatum, consequens est, quantum attinet ad ipsum intellectum, quod in eodem instanti temporis, quo datur assensus minoris, detur etiam assensus conclusionis.

Ex hac ergo doctrina Aristotelis sic explicata oritur quæstio præfens, quæ inquit: quomodò, vel quantum necessitetur intellectus per assensum maioris, & minoris ad assentiendum conclusioni? Et procedit difficultas in intellectu benè disposito, & cognoscente bonitatem illationis, neque aliàs impedito, vt vidimus quæstione præcedenti.

37 Secundò notandum est, dupliciter posse aliquam potentiam necessitari, scilicet, quoad specificationem, & quoad exercitium. Tunc necessitatur quoad specificationem, quando taliter determinatur ad vnã partẽ, vt licet possit suspendere actum; tamen si velit operari, actus debet esse illius speciei, ad quam determinatur, & non

non potest esse alterius. Tunc vero necessitatur quoad exercitium, quando taliter determinatur, ut non possit suspendere, aut cessare ab actu, verbi gratia, voluntas in via necessitatur quoad specificationem ad amandam beatitudinem in communi: quia licet possit non exercere actum circa illam, tamen si vult exire in actum, necessario debet esse amoris, & non odij. In patria vero eadem voluntas necessitatur quoad exercitium à bonitate diuina clarè visa, quia non solum non potest eam odisse; sed neque suspendere, aut cessare ab amore illius, quam vnde quaque diligibilem clarè conspiciat intellectus.

38. Dicendum est ergo primò, cognita bonitate illationis, intellectum per assensum præmissarum necessitari quoad specificationem ad assentiendum conclusioni. In hac conclusione conveniunt Auctores citati. Quæ ex dictis facile probatur: quia assensus præmissarum est causa naturalis assensus conclusionis: ergo positus omnibus requisitis, non potest non producere illum: ergo saltem quoad specificationem talis productio est necessaria; siquidem hæc est minor necessitas, quæ potest esse in causa.

Secundò: quia qui sciens ex vero non posse sequi falsum, cognoscit aliqua principia esse vera, & assentitur illis; etiam cognoscit conclusionem ex illis rectè deductam non posse non esse veram: ergo dato, quod possit suspendere

assensum, non potest tamen illi dissentiri.

Confirmatur: quia si post assensum præmissarum dissentiretur intellectus conclusioni, iam assentiretur virtualiter contradictorio illius: sed qui assentitur contradictorio conclusionis, cogitur etiam assentiri contradictorio antecedentis iam concessi: ergo cogeretur assentiri duabus contradictorijs. Hoc autem est impossibile: ergo dicendum est, intellectum post assensum præmissarum non posse dissentiri conclusioni. Videatur noster Dida-cus à Iesu disp. 16. q. 4. ubi optimè explicat hanc quæstionem.

39. ¶ Maior difficultas est: an etià necessitetur intellectus quoad exercitium. Partem enim negativam defendunt Oñia hic q. 1. art. 3. Rubio quæst. 8. & alij Moderni, asserentes, quòd posito assensu præmissarum, quantuncunque sint necessaria, & cognita bonitate illationis, adhuc intellectus potest suspendere assensum conclusionis.

Probatur primò hæc sententia: quia intellectus subditur voluntati quantum ad exercitium actus, ut docet Dia. Thom. 2.2. quæstione 9. articulo 1. ad tertium: *Quia ipsum verum* (inquit) *quod est perfectio intellectus, continetur sub universali bono, ut quoddam bonum particulare.* Sed circa particulare bonum non necessitatur voluntas, sed potest velle, & non velle illud: ergo postquàm intellectus assentitur præmissis, potest ex imperio voluntatis suspendere actum circa conclusionem.

Secundò: quia ex eisdem principijs possunt inferri duæ conclusiones, altera directæ, altera indirectæ, vt patet in *barbara*, & *baralip-ton*: ergo post assensum præmissarum manet intellectus indifferens ad eliciendam vnâ, vel alteram conclusionem: ergo sicut potest voluntas determinare intellectum ad assentiendum alterutri; potest etiam determinare ad suspendendum vtrâque.

40 Nihilominus dicendum est secundò, per assensum præmissarum demonstrationis necessitari intellectum quoad exercitium ad assentiendum conclusioni. Hæc proculdubio est mens D. Tho. 1. par. q. 82 artic. 2. vt optimè expendit noster Didac. à Iesuloco citato. Quam etiam sententiam defendunt Sanchez lib. 7. q. 3. conclus. 3. Caietan. Soneinas, Fonseca, & alij, quos referunt, & sequuntur Conimbricen. hic q. 4. art. 4.

Probatur primò ex dictis: quia eodem instanti, quo cognoscitur minor, cognoscitur etiam conclusio ex Arist. & D. Th. supra relatis: ergo voluntas imperans assensum minoris non potest impedire assensum conclusionis. Probatur consequentia: quia voluntas imperans aliquam actionem alterius potentia, non potest impedire, quidquid necessariò sequitur in eodem instanti ad talem actionem, vt de se patet: sed assensus conclusionis necessariò sequitur ad assensum præmissarum in eodem instanti, vt ostensum est: ergo voluntas non potest impedire illum.

Secundò: quia intellectus non est potentia libera, sed naturalis, sicut visus, aut quælibet alia potentia sensitua: sed voluntas, licet possit retrahere potetiam visiuam à visione, auferendo obiectum, aut lucem, vel ponendo impedimentum, claudendo, scilicet, oculos, vel alio simili modo, tamen si obiectum sit præsens, medium illuminatum, oculi aperti, &c. non potest impedire visionem: ergo similiter poterit quidem voluntas retrahere intellectum, ne cogitet de præmissis, aut de bonitate illationis, diuertendo illum ad alia: si tamen semel permiserit, ipsum cogitare de bonitate illationis, & assentiri præmissis, neque alias sit impeditus, non poterit voluntas impedire assensum conclusionis.

41 Ad argumenta respondetur. Ad primum, necessitatem quoad exercitium esse duplicem, aliam absolutam, & aliam ex suppositione alicuius. Voluntas ergo non potest respectu alicuius boni particularis habere necessitatem quoad exercitium absolutam; benè tamen necessitatem ex suppositione alterius, quod liberè voluit, & cum quo tale bonum particulare habet necessariam connexionem. Quando enim duo talem connexionem habent, licet ad positionem prioris sit libertas; semel tamen, illo posito, non potest aliud impediri. Qui modus necessitatis pertingit vsque ad ipsam liberrimam Deivoluntatem; qui quidem liber est ad producendam materiam primam

mam verbi gratia, ex suppositione tamen quod illam producat, necessitatur ad producendam cum illa formam, quia aliter non potest fieri, ut dicemus lib. I. Physicorum. Iuxta hæc ergo dicendum est, quod licet voluntas possit retrahere intellectum, ne cogitet de præmissis, aut ne illis assentiatur; posito tamen assensu præmissarum, non potest impedire assensum conclusionis.

Ad secundum respondent aliqui, quod ante exercitium demonstrationis debuit aliquomodo cognosci conclusio confusa, ut sic possit per demonstrationem explicari. Si ergo præcognita fuit conclusio directa; tunc assensus præmissarum necessitabit ad assensum conclusionis directæ: si verò præcognita fuit conclusio indirecta; tunc intellectus necessitabitur ad assentiendum conclusioni indirectæ.

42. Hæc tamen solutio parum firma est. Tamen quia quanvis ut modulus sciendi explicet ignotum, debeat præsupponi aliqualis cogni-

tio confusa talis igitur; ad hoc tamen in demonstratione sufficit cognitio confusa subiecti, & passionis, absque eo quod præcognoscantur directe, vel indirecte ordinata. Tamen etiam, quia causa naturalis, qualis est assensus præmissarum, debet esse ad unum determinata & non indifferens ad plura, ut sic posita causa, ponatur determinatus effectus: ergo insufficiens est prædicta solutio.

Meliùs ergo respondetur, assensum præmissarum temper necessitare intellectum ad assensum conclusionis directæ, hic enim est proprius, & immediatus effectus illius. Ex quo, deinde facta conversione talis conclusionis, elicit intellectus assensum conclusionis indirectæ. Cuius ratio est: quia conclusio indirecta non per se primò, & immediatè sequitur ex præmissis; sed mediante conclusione direc-

tæ, in qua quodammodo continetur, quatenus potest converti in illam.

So



DISPUTATIO XVIII.

De essentia, & diuisionibus demonstrationis.

POST Notitiam eorum, quæ præcognosci debent ante demonstrationem, æquum est, de ipsa demonstratione, & diuisionibus eius disputare. Quod prosequitur Arist. à capit. 2. vsque ad 22. nosque perstringemus quæstionibus sequentibus.

QVÆSTIO PRIMA.

An definitiones demonstrationis ab Aristotele tradite sint recte?

DVas demonstrationis definitiones adducit Arist. cap. 2. Quarum prima non est, vt habent translatio antiqua, & aliqua exemplaria Boecij. *Demonstratio est syllogismus apodictibicon: anodictus, apodictus* enim Græcè idem est, quod Latine demonstratio, & ita hæc esset definitio. *Demonstratio est syllogismus demonstratiuus*, quam, Græcis patet, esse nugatoriam. Neque sic definiuit Aristot. sed verbum illud appositum est ab aliquo sciolo, vt inquit Soto ibidem. Propria ergo, & vera definitio est, quam habet textus Græcus, scilicet, *Demonstratio est syllogismus epistemonicon*, id est, faciens scire, vt vertit Argyropilus. ¶ Secunda definitio est. *Demonstratio est syllogismus procedens ex veris, primis, & immediatis, notioribus, prioribus, causisque conclusionis*. De quibus definitio-nibus inquirimus, an sint bonæ?

Ratio dubitandi cōtrā primam est. Tūm quia generare scientiam ad summum conuenit demonstrationi pro materiali, siquidem pro formali est ens rationis, vt vidimus disputatione prima: ergo non recte explicatur essentia, seu ratio for-

malis eius per generare scientiam. Tūm etiam, quia non apparet, in quo genere causæ hoc conueniat demonstrationi, etiam materialiter sumptæ: ergo demonstratio non facit scire. Consequentia patet, quia illud verbum, *facere*, denotat aliquam causalitatem. Antecedens verò probatur: quia conclusio scita est pars demonstrationis, imò demonstratio consistit in ipso actu discursus, qui est ipsum scire, seu scientia actualis, ergo propriè non facit scire.

Contra secundam etiam definitionem multiplex est ratio dubitandi. Nām ex vna parte videtur redundans; siquidem procedere exprimis, & immediatis idem omnino sunt, & similiter eo ipso, quòd procedat ex causis, procedit ex prioribus, & ex notioribus: ergo superflue hæc omnia exprimuntur. ¶ Ex alia verò parte videtur definiens; siquidem tacentur alie conditiones præmissarum, quas postea explicat Aristotel. vt quòd sint de omni, de per se, de prædicato vniuersali, &c. ¶ Et tandem, non conuenit omni contento sub definito; siquidem plures sunt demonstra-

tionem, quæ non procedunt ex primis, & immediatis, neque ex causis, ut patet in demonstrationibus à posteriori: ergo dicta definitio non est sufficiens.

2. Nihilominus dicendum est primum, has duas definitiones, ut traditæ sunt ab Aristot. esse rectas, & exactas. Sic docet D. Thom. hic lect. 4. quem sequuntur Caiet. Soto, Mas. Sanchez, & ceteri Dialectici. Breuiterque probatur, quia definitio, quæ datur per propriam causam definiti, siue extrinsecam, siue intrinsecam, est bona definitio; descriptiua quidem, si causa sit extrinseca, essentialis verò, si sit intrinseca, ut diximus in præmio Institutionum; sed istæ definitiones sunt huiusmodi: ergo, &c. Probatur minor: quia demonstratio est instrumentum quoddam intellectuale, cuius proprius finis est scientia, per quam traditur prima definitio: ipsumque tanquam ex propria materia constat ex propositionibus veris, immediatis, notioribus, &c. per quam traditur secunda: ergo: utroque modo rectè definitur demonstratio.

3. Ut autem definitiones istæ in sensu, quo traditæ sunt ab Aristot. rectè intelligantur, simulque satisfiat rationibus dubitandi, nota, quod cum syllogismus sit artefactum quoddam, & concretum rationis, constans materia, & forma; ex parte utriusque diuersas fortitur diuisiones, ut constet ex dictis lib. 3. Institut. cap. 7. Ex parte enim formæ diuiditur in tres figuras; & ex parte materiæ in demonstrati-

um, topicum, & sophisticum, & ideò illa est diuisio essentialis, hæc verò accidentis in subiecta, ut ibidem explicuimus. Quia secunda intentio, seu forma constitutiua syllogismi posita in materia necessaria facit demonstrationem; in probabili syllogismum topicum, & in apparenti sophisticum. Quo fit, ut demonstrationis nomē inpositum sit ad significandam formam syllogismi, prout est in determinata materia, scilicet, in propositionibus necessarijs; & per consequens, propriè loquendo, non significat aliamquam veram speciem; sed potius quoddam ens per accidens, resultans ex forma syllogismi, & materia necessaria; unde prout sic non poterit in rigore definiri.

Caterum quia intentio illa, seu artificium, quod est forma demonstrationis, iam supponitur notum ex libris Prætorum; ideò quando de demonstratione agimus in lib. Poster. non definimus formam eius, neque totum illud aggregatum; sed solum intendimus explicare, quid conueniat demonstrationi ex parte materiæ, seu quid requiratur in propositionibus, ut accedente forma syllogismi, fiat vera demonstratio. Et ad hoc tendunt definitiones Aristotel. adductæ, ut consideranti patebit. Prima enim explicat id per proprium effectum, quem habet ex parte materiæ, scilicet, generare scientiam, qui etiam est causa finalis demonstrationis, ut vidimus, & ideò talis definitio tradita est per causam finalem. Ex qua statim infert Aristot. aliquas condi-

tiones, quas habere debent propositiones, quæ sunt materia demonstrationis. Per quas etiam secundò definit demonstrationem ex parte materiæ, ut ex se patet, & notat D. Thom. lect. 4. Et idè oportet, pro plena huius intelligentia, singulas particulas explicare. Prius tamen duo aduertenda sunt ex communi Doctorum consensu.

4. Primum est, Aristotelem in præsentì solùm definire demonstrationem *propter quid*, cui absque controuersia conuenit generare scientiam, & procedere ex immediatis, prioribus, &c. quod præstitit, ut ipse testatur: quia nondum egerat in hoc secundo cap. de alia demonstratione, quæ dicitur, *quia*.

Secundum est, in hac secunda definitione non enumerasse omnes condiciones demonstrationis propter quid; sed eas tantùm, quæ ex definitionibus scientiæ, & demonstrationis manifestè inferebantur: alias verò occultiores, ut quòd præmissæ sint de omni, per se, &c. reliquit examinandas sequentibus capitulis. Quem etiam ordinem nos sequentes in hac difficultate explicabimus condiciones, quæ continentur in definitione adducta: alias autem tractabimus quæstione sequenti. Prima ergo particula est.

Ex veris.

5. Satis ex se patet hæc conditio. Quauis enim conclusio vera sequi possit aliquando ex antecedenti falso, ut docet Aristot. lib. 2. Priorum cap. 2. & nos diximus lib.

3. Institutionum cap. 2. tunc tamen, ut ibidem explicuimus, tale antecedens non influit veritatè in consequens, neque est causa eius; sed aliundè eam habet. Quod tamen repugnat demonstrationi, in qua præmissæ sunt causa veritatis conclusionis, per quas ipsa conclusio probatur. Et idè sicut conclusio demonstrationis ita est vera, ut repugnet, esse falsam, sic etiam præmissæ sunt necessariò veræ.

Eandem particulam probat Aristot. quia *Quod non est, non scitur*. Cuius dicti sensus nò est de re, quæ non existit, non esse scientiam, hoc enim falsum est, ut patet, sed de eo, quod non ita est, sicut enuntiatur, non posse esse scientiam. Quia scientia est habitus circa verum, sicut error est habitus circa falsum.

Ex primis, & immediatis.

DVÆ Iste particulæ in re non differunt. Nam propositio immediata in præsentì est illa, quæ non est alia prior, per quam probetur, & sic necessariò debet esse prima. Quæ enim est prima, non potest habere aliam priorem, ut patet. Ponantur tamen ad explicandum duos respectus eiusdem propositionis, ut rectè notat D. Tho. lect. citata. Nam eadem propositio dicitur immediata, in quantum caret alia priori, per quam demonstretur: prima verò comparatione aliarum subsequen- tium, quæ per illam demonstrantur.

6 Iam autem si propositio immediata est, qua non est altera prior, vt definit Aristot. in hoc cap. seu quæ non habet medium, per quod cognoscatur, planū sit, idem in rei veritate esse propositionem immediatam, & per se notam; hæc enim est illa, quæ se ipsam notificat, neque eius veritas per aliam manifestatur, quod idem est, ac non habere medium, seu aliam priorem propositionem, per quam probetur. De quo videri potest Beatus Albertus tractat. 2. huius lib. c. 6. vbi propositionem immediatam, & mediatam; per se notam, & per aliud notam, explicat rectè per comparisonem ad visibilia per se, & per aliud. Sicut enim Sol, quia in se habet à natura insitam lucem, est visibilis per se ipsum; alia verò corpora, quæ lucem à Sole participant, sunt non per se ipsa, sed per aliud visibilia, sic inter intelligibilia, alia sunt ex se, & per se nota, vt propositiones immediatæ; alia verò noscuntur per aliud, à quo quasi illuminantur, vt propositiones mediatæ.

7 Diuiditur autem propositio per se nota à Diuo Thoma prima parte quæst. 2. artic. 1. in per se notam secundum se, non verò quoad nos, & in per se notam secundum se, & quoad nos. Prima est, quæ secundum se nullum habet medium, per quod manifestetur; quia nimirum, vel prædicatum est de essentia subiecti, vel immediatè consequitur ad rationem eius; tamen à nobis non cognoscitur illa immediata connexio prædicati cū

subiecto, nisi per aliud medium illam notificans. Cuiusmodi est hæc propositio: *Deus est*, quæ licet sit per se nota secundum se, quia prædicatum est de essentia subiecti; tamen quia nos non scimus de Deo, quid est, non est nobis per se nota, sed innotescit per effectus eius. Huiusmodi etiam est propositio, in qua prima passio prædicatur de subiecto. Cum enim inter primam passionem: & ipsum subiectum nihil in rei veritate mediet, per quod probetur, talis propositio est secundum se immediata, & indemonstrabilis; & per consequens per se nota secundum se. Quod docet expressè D. Thom. 1. Posterior. lect. 36. & opusculo 39. capite 12. & probat Sanchez libro 7. quæstione 15. Quoad nos tamen dici potest, non esse per se notam, aut immediatam; quia per intellectum distinguimus diffinitionem subiecti ab ipso, eamque assumimus, vt medium ad talem passionem de illo demonstrandam. Videatur Caiet. 1. Posteriorum cap. 2. 3. & 19. Soto ibidem quæst. 2. ad 9. Arauxo 1. Metaphysicæ quæst. 5. art. 2. ad primum, & alij Thomistæ.

Propositio verò per se nota secundum se, & quoad nos est illa, cuius prædicatum, & subiectum, non solum habent immediatam connexionem; sed ipsa nota est nobis. Quæ quando omnibus est nota, dicitur propositio per se nota quoad omnes, vt sunt generalissima principia. *Quodlibet est, vel non est: Totum est maius sua parte, &c.* Quando verò non om-

nibus nota est, sed sapientioribus; tunc dicitur propositio per se nota quoad sapientes; cuius exemplum adducit ex Boecio D. Tho. loco citato, scilicet, incorporalia non esse in loco, intellige tanquam in loco.

8 Hinc diuisioni propositionis per se notæ à Dñ. Thom. traditæ solet addi aliud membrum, scilicet, propositio per se nota quoad nos tantum, quæ, scilicet, quannis in se habeat medium, ratione cuius prædicatum insit subiecto; tamen quia sensibus est notissima, non indigemus tali medio ad eius cognitionem: ut hæc propositio: *nix est alba*, quæ reuera habet medium, nempe talè temperamentum primarum qualitarum; tamen illo nõ indigemus, Ad quod allusit Arist.

2. Topicor. dicens, *Eum, qui negauerit niuem esse albam, sensu indigere, non medio*. Hic tamè modus propositionis per se notæ imperfectissimus est; cum sumatur per ordinem ad sensum. Imò in rei veritate talis propositio non est per se nota, & ideo non numeratur à Dño Thoma in prædicta diuisione.

Supposito ergo, quòd propositio per se notæ, & immediata in re idem sunt, ut dictum est; eadem erit vtriusque partitio: atq; ita propositio immediata; alia erit immediata secundum se, non verò quoad nos, & alia immediata secundum se, & quoad nos. Quibus etiam potest addi eodem sensu, quo supra, propositio immediata quoad nos, non verò secundum se. Verum est tamen, in vsu comuni loquen-

di, dictam diuisionem frequentius applicari propositioni per se notæ, quàm propositioni immediatæ.

In præsentī ergo loquimur de propositione immediata secundum se: quia hæc propriè, & simpliciter dicitur immediata, utpote quæ secundum se non habet aliam primam, per quam probetur. Quod quidem contingit in propositionibus affirmatiuis, tum quando essentia & partes eius prædicantur de subiecto; tum etiam quando prædicatur prima passio, ut explicatū est. Propositiones verò negatiuæ tunc sunt immediatæ, quando prædicatum, & subiectum exprimunt rationes primò diuersas, ut quando vnum prædicamentum negatur de alio, aut vna differentia de alia; ibi enim secundum se nullum potest esse medium, per quod probetur, vnum non esse aliud.

9 Quibus sic explicatis, dubitant meritò Doctores: an semper demonstratio procedat ex immediatis, seu primis, ut hinc inquit Aristotel. Nam pro parte negatiuæ sic manifestissima instantia, ut quando de subiecto demonstratur secunda, aut tertia passio, v. g. si dicas: *Omne admiratiuum est risibile: omnis homo est admiratiuus: ergo omnis homo est risibilis*. Vbi vtraque præmissa est propositio mediata; siquidem potest à priori demonstrari per primam passionem hominis, nempe discursiuum, ut consideranti patebit.

Respondetur ergo, cõcedendo, non omnem demonstrationem proximè

ximè procedere ex propositionibus immediatis, vt benè probat argumentum, quando autem inquit Aristotel. demonstrationem procedere ex immediatis, intelligendum est, vt explicat Diu. Thom. lect. 4. de propositionibus immediatis, vel statim, vel per aliqua media, id est, de immediatis proximè, vel remotè. Et ita 1. Topicorum capite 1. dicitur, quòd *Demonstratio est ex primis, & veris, aut his, quæ per ea fidem sumpserunt.* Non autem oportuit hoc in presenti explicare: quia quando aliqua præmissa est propositio mediata, ad hoc, vt generet scientiam alicuius conclusionis, opus est, talem præmissam cognosci per resolutionem ad primam, & immediatam propositionem, vnde derivatur. Et sic se per verificatur. demonstrationem procedere ex immediatis.

Causis que conclusionis.

10 **E**X tribus subsequenter particulis, hanc ultimam prius explicat Aristotel. quia ex eius declaratione duæ priores innotescunt. Pro eius ergo intelligentia sciendum est, quòd semper præmissæ sunt causæ in cognoscendo conclusionis; id est, sunt id, quod assumit intellectus ad cognoscendam conclusionem, & per quod notificatur illi. Ultra hoc autem aliquando continent etiam causam in essendo

eiusdem conclusionis, vt quando per essentiam demonstratur prima passio, & per hanc secunda, &c. Et tunc præmissæ dicuntur causæ in essendo, & cognoscendo simul, quia intellectus assumit vt causam cognitionis id, quod est verè causa rei. Aliquando verò præmissæ non continent veram causam conclusionis, sed potiùs effectum eius, aut quid aliud ipsa posterius, vt quando causas demonstramus per signa, aut effectus earum. Et tales præmissæ dicuntur causæ in cognoscendo tantum; quia id, quod verè non est causa, assumitur ab intellectu vt causa ad cognoscendam conclusionem. Supposito ergo, quòd in hoc cap. Arist. solùm definit demonstrationem *propter quid*, quæ semper est à priori: manifestum fit, ultimam hanc particulam, *causisque conclusionis*, intelligendam esse de causis in essendo, & cognoscendo simul. Neque hoc indiget maiori probatione.

11 Hinc tamè exurgit alia maior difficultas cõtra hanc particulam. Nam plures sunt demonstrationes *propter quid*, quarum præmissæ nõ continent veram causam conclusionis, vt quando in Metaphysica demonstrantur à priori passiones entis, & in Theologia attributa diuinæ; inter quæ, cum non sit distinctio realis; non potest esse vera causalitas, vt patet: ergo nõ cuius demonstratio propter quid proccedit ex causis conclusionis.

Pro solutione notandum est, causam in essendo esse duplicem:

aliā formalem, & aliā virtua-
lem. Quæ diuisio, & modus loquen-
di communis est apud Metaphysic-
os, & Theologos. Causa in essen-
do formalis appellatur illa, à qua
effectus realiter procedit, siue per
veram, & propriam actionem, si-
ue per naturalem emanationem,
& resultantiam, & hæc semper di-
stinguitur realiter ab effectu, vt pa-
tet. Causa verò in essendo virtua-
lis dicitur ille gradus, seu ratio,
quæ licet reuera, non producat
aliā, cum qua realiter identifica-
tur; inter eas tamen, vt sunt virtua-
liter plures, inuenitur ex natura
rei talis subordinatio, & ordo, vt
vnā apprehendat intellectus, vt
causā alterius, ita quòd si hæc
aliquā haberet causā, nullā
aliā postularet nisi illā, verbi
gratia, immortalitas, & immate-
rialitas animæ sunt idem, & ita
neutra est vera, & formalis causa
alterius, habent tamen inter se ta-
lem ordinem, quòd immortalitas
intelligitur oriri ab immateriali-
tate, & non e contra. Quod etiam
contingit in attributis diuinis. Nā
æternitas intelligitur oriri ab im-
mutabilitate, ita vt si illa posset ha-
bere verā causā, non esset
aliud, nisi attributum immutabi-
litis. Huiusmodi autem ratio-
nes appellantur causæ virtuales:
tū quia quodammodo continent
in virtute alias rationes posterio-
res: tū etiam, quia quantū ad
hoc æquivalent causis in essendo
formalibus. Quæ doctrina appli-
canda etiam est proportionabili-
ter entibus rationis.

Quo supposito, respondetur,
ad demonstrationem propter quid,
non esse necessarium, quòd cau-
sæ in essendo sint formaliter cau-
sæ; sed sufficit esse causas virtua-
liter. Et hoc reperitur in demon-
strationibus Metaphysicis, & Theo-
logicis. Per quod patet ad ratio-
nem dubitandi.

Ex notioribus, & prioribus.

12 **E**xplicata vltima illa parti-
cula, iam faciliè intelligun-
tur istæ duæ. Si enim præmissæ de-
bent esse causæ in essendo conclu-
sionis; consequenter erunt notio-
res illa; siquidem causa secun-
dum se notior est, quā effectus.
Eruntque etiam priores propter
eandem rationem. Quia causa sem-
per est prior effectu, saltem prio-
ritate naturæ. Quam prioritatem
debent habere præmissæ formali-
ter, & in actu, ad quod signifi-
candum addita est hæc particula.
Nā illa secunda, scilicet, *ex*
primis, solū significat præmis-
sas debere esse primas, & imme-
diatas, siue proximè, siue remo-
tè; non tamen explicat esse ne-
cessarium, vt actu antecedant
conclusionem, quod significat hæc
particula.

13 Ex dictis constat, solutio
ad rationes dubitandi positas in
principio quæstionis. Ad primā
enim ex adductis contra primā
definitionem, iam vidimus hic
non

non definiri demonstrationem ex parte formæ, sed solum ex parte materia: & ideò rectè adducitur propria operatio, seu effectus, qui competit demonstrationi ratione materia:.

Ad secundam respondetur, negando antecedens. Nam scientia habitualis producit efficienter proximè per actum discursus, qui est in assensu conclusionis, & sollet dici scientia actualis; hæc verò producit à præmissis dispositis in forma argumentationis; in quibus, pro vt sic, saluatur artificium illud, quod assumit intellectus vt instrumentum ad acquirendam cognitionem scientificam. Quare, licet demonstratio sumpta pro ipso scire, seu vt est causa scientiæ habitualis, præcipuè consistat in actu discursus, sumpta tamen (vt sumitur frequentius) pro illo artificio intellectuali, seu vt est instrumentum sciendi, solum consistit in præmissis cum tali dispositione, vt ex communi Dialecticorum sententia, & manifestis Aristotelis testimonijs probat Maius in libris Priorum sect. unica, quæst. 3. Ac proinde prout sic producit instrumentaliter scientiam.

14 Ad rationes dubitandi contra secundam diffinitionem respondetur. Ad primam iam constat, quòd quauis illæ particulæ in re idem sint; ponuntur tamen ad exprimendos duos respectus eiusdem propositionis, vt vidimus ex Diuo Thoma. Ex alijs etiam tri-

bus particulis, vnaquæque exprimit specialem rationem, & posterior addit supra priorem, vt consideranti patebit; & ideò non otiosè exprimuntur. Sicut nec etiam est superflua diffinitio, in qua post primum genus adducuntur suo ordine omnes differentiæ subalternæ vsque ad infimam.

Ad secundam etiam iam diximus, quòd quia illæ aliæ conditiones maiori indigebant discussione; solum enumerauit Aristoteles eas, quæ erant magis notæ; in quibus etiam aliæ virtualiter continentur, vt ex dicendis constabit.

Ad vltimam respondetur, Aristotelem solum definisse demonstrationem *propter quid*, vt ex ipso, & communi sententia notauimus supra num. 4. Et ideò dictæ diffinitiones non conueniunt demonstrationi à posteriori.

*DVBIVM APPENDIX,
quomodo sit intelligendum axioma,
quod hic habet Aristoteles, scilicet, propter quod vnum
quodque tale, & illud
magis?*

15 EX his, quæ hæcenus dicta sūt; concludit Aristotel. intellectum firmius, perfectius, & magis assentiri præmissis, quàm cōclusioni. Nam si assentitur cōclusioni propter præmissas: ergo magis assentitur ipsis præmissis, iuxta vulgatum axioma: *Propter quod vnūquodque tale, & illud magis*. Quod oportet in præsentī explicare; sunt

enim contra ipsum plures instantiæ. ¶ Prima: quia res cognoscuntur ab anima propter species intelligibiles, aut propter habitus intellectus, & tamen species intelligibiles, aut habitus non magis cognoscuntur. ¶ Secunda: quia terra est calida propter solem calefacientem; cum tamen sol non sit magis calidus. ¶ Tertia: quia Filius aternus spirat Spiritum sanctum propter Patrem, à quo accipit vim spirandi; & tamen Pater non magis spirat, quam Filius. ¶ Et tandem quarta: quia Petrus est homo propter patrem illum producentem; cum tamen pater non sit magis homo.

Respondetur tamē, exponendo hoc axioma iuxta doctrinam Diui Thomæ, qui diuersis locis plures illi adhibet limitationes. Primam ponit prima parte quest. 87. artic. 2. ad 3. vbi docet, intelligendum esse: *In his, quæ sunt vnius ordinis, scilicet in eodem genere causæ: puta, si dicatur, quod sanitas est desiderabilis propter vitam; sequitur, quod vita sit magis desiderabilis, quia utraque pertinet ad genus causæ finalis.* Si autem accipiantur ea, quæ sunt diuersorum ordinum; axioma non habet veritatem: *ut si dicatur, quod sanitas est desiderabilis propter medicinam; non idcirco sequitur, quod medicina sit magis desiderabilis: quia sanitas est in ordine finium; medicina verò in ordine causarum efficientiũ.* Per quod soluitur prima instantia. Nam res cognitæ, & species intelligibiles,

scilicet habitus non sunt in eodem ordine: siquidem res sunt in ordine obiectorum, & consequenter pertinent ad genus causæ formalis extrinsecæ; species verò, aut habitus sunt in ordine causarum efficientium. Et idcirco non sequitur ex eo, quod res cognoscantur per species, aut habitus, quod ista magis cognoscantur. Sequeretur autem, si omnia essent obiecta, vt contingit in præmissis, & conclusione, quæ quia sunt in ordine obiectorum, idcirco optimè sequitur ex eo, quod conclusio cognoscatur propter præmissas, quod præmissæ magis cognoscantur. Videatur D. Thom. loco citato.

16 Secundam limitationem adducit Sanctus Doctor in hoc 1. lib. lect. 6. his verbis: *Quando causa, & effectus conueniunt in nomine; tunc illud nomē magis prædicatur de causa, quam de effectũ: sicut ignis est magis calidus, quam ea, quæ per ignem calefiunt. Quædoque verò causa, & effectus non conueniunt in nomine; tunc licet nomen effectus non conueniat causæ, tamen conuenit ei aliquid dignius: sicut quantumvis in sole non sit calor; est tamen in eo virtus quædam altior, quæ est principium caloris.* Iuxta quam doctrinam, quando aliquod nomen verè prædicatur de causa, & effectũ; si effectus est talis propter causam, benè sequitur, causam esse magis talem. Si verò nomen non prædicetur verè de causa, & effectũ; tunc nō licet inferre, quod causa sit magis talis. Sequitur tamē esse in ea aliquid altius ipso esse &c.

At. Per quod patet ad secundam instantiam.

Terciam, & quartam limitationem ponit D. Thom. in 1. distin. 12. quæst. 1. artic. 2. ad 2. ubi sic inquit. *Dictum Philosophi verificatur, quando illud, quod conuenit alicui propter aliquid aliud, est diuersum in utroque, & præcipue quando unum est causa alterius essentiali ordine causæ. Tunc enim causalitas sua est respectu totius speciei, & non vnius individui tantum, ut dicit Auicena. Sicut calor est magis in igne, quam in corpore mixto: quia propter ignem est in corpore mixto. Sed quauis Filius habeat à Patre hoc, quod spirat Spiritum sanctum, nihilominus tamen non est hoc diuersum in Patre, & Filio: quia eandem virtutem spiratiuam, quam Pater habet, Filio communicat; & ideo per illam æqualiter Pater, & Filius Spiritum sanctum spirant. Et si etiam non esset vna numero, sed specie tantum; ratio non valeret, sicut patet, in omnibus vniuoceis generationibus. Non enim pater Sortis plus influit in filium Sortis, quam Sortes. Ex qua doctrina habentur duæ limitationes, ut patet; nempe dictum axioma solum intelligendum esse, quando id, quod conuenit alicui propter aliquid aliud, est diuersum in utroque. Per quod patet ad tertiam instantiam. Et insuper quando vnum est causa alterius essentiali ordine causæ, quia sic non solum est causa quantum ad fieri; sed etiam quantum ad esse. Per quod excluduntur causæ vniuoce, & patet solutio ad quæ-*

tam, & vltimam instantiam.

17 Has omnes limitationes, & glossas reducit ingeniose Caietan. hic cap. 2. §. *Circa propositionem illam ad hanc breuissimam, & verissimam regulam, quod, scilicet, tunc valet axioma istud; quando totus effectus potest reflecti supra veram causam, verbi gratia, quando dicimus, Luna est lucida, propter Solem, potest fieri reflexio sic: Luna est lucida, quia Sol est lucidus; & ideo bene sequitur: ergo Sol est magis lucidus. Et ita legitima intelligentia, & glossa axiomatis est hæc. Propter quod vnumquodque tale, & illud magis, id est, quando aliquid est tale propter aliud, quia illud est tale, illud propter quod est tale, est magis tale. In quo sensu nullas patitur instantias, ut consideranti patebit. Videatur Caietan. ibidem.*

QVAESTIO II.

De alijs conditionibus præmissarum.

VLTRA Conditiones præmissarum, quas explicuimus, & tradit Aristot. cap. 2. rursus capit. 4. probat, tria alia esse requisita ad demonstrationem, scilicet, quod 1. præmissæ sint de omni, per se, & de prædicato vniuersali. Et cap. 7. sequenti addit duo alia, scilicet, quod demonstratio non procedat ex communibus, neque ex extraneis; sed ex proprijs utroque modo. Quæ omnia explicanda sunt in hac quæstione.

§. I.

AN PRÆMISSÆ DEMONSTRATIONIS debeant esse de omni, & per se?

18 **P**RO huius explicatione notandum est primò, quòd *dici de omni* est duplex: aliud prioristico, quo sensu vnū ex principijs, in quibus nititur ars syllogistica, appellatur *dici de omni*: aliud verò posterioristico. Ad hec, vt propositio sit de omni prioristico, sufficit, eam esse vniuersalem; etiam si prædicatum, non conueniat subiecto, pro omni differentia temporis. Cuiusmodi sunt istæ propositiones: *omnis homo vigilat: omnis homo canescit*, & similes, quæ possunt bene disponi in forma argumentationis. Et ita consequentia huius syllogismi: *Omnis homo vigilat: Petrus est homo: ergo Petrus vigilat*, probatur per *dici de omni*: quia ad formam argumentationis, de qua in prioribus agitur, non interest, quòd prædicatum conueniat semper, vel necessario subiecto.

Ad hoc verò, quòd propositio sit de omni posterioristico, requiritur (inquit Aristot.) quod *Prædicatum non cuidam insit; cuidam non insit: neque interdum conueniat, interdum non conueniat*. Id est, tunc propositio est de omni posterioristico, quando nihil potest assignari sub subiecto, cui non conueniat prædicatum pro omni differentia temporis. Et huiusmodi sunt istæ: *Omnis homo est risibilis: omnis nix est alba*, &c. Explicat autem id Aristoteles per negationem, vt ita cō-

prehendat propositiones singulares, quarum prædicatum semper conuenit subiecto, quales sunt istæ: *Petrus est animal: Petrus est risibilis: hæc nix est alba*, &c. Quæ licet non sint de omni prioristico, sunt tamē de omni posterioristico: quia earum prædicatum non interdum conuenit subiecto, & interdum non conuenit, sed semper conuenit, vt patet.

19 Secundò notandū est, quid sit propositio de per se. Ad cuius explicationem adducit Aristotel. quatuor modos dicendi per se. *Primus* est, quando prædicatum est de essentia subiecti: vt quando definitio, vel partes eius, siue Physicæ, siue Metaphysicæ, prædicantur de diffinito. *Secundus* modus est, quando prædicatum est propria passio subiecti, vel (vt inquit Arist.) quando subiectum est de essentia prædicati. Quod ideò dixit, vt notat D. Thom. le. 10. quia propria passio definitur per proprium subiectum, & sic subiectum in obliquo est de essentia passionis. *Tertius* modus potius est modus essendi, quam modus dicendi per se, est enim ille, quo substantia dicitur ens per se, & non in alio. *Quartus* tandem modus dicendi, per se spectat ad causalitatem, quando, scilicet, subiectum est causa per se prædicati, vt quando dicimus *edificator edificat*, aut *Medicus medetur*.

Explicat autem Aristot. statim discrimen inter duos priores modos ex vna parte, & quartum ex alia. (tertius enim cum non sit modus dicendi sed essendi per se, non est

est cui in presenti comparatur) & inquit, in quarto modo prædicatum conuenire accidentariò, & contingenter subiecto; hæc enim est prædicatio quinti prædicabilis: *Medicus medetur*, vt patet: at verò in duobus primis modis prædicatum conuenit necessariò subiecto. De primò quidem constat, cum ibi prædicetur essentia. De secundò etiam patet ex dictis supra disp. 8. num. 7. siquidem propria passio habet necessariam connexionem cum essentia. Ex quo etià sequitur quartum modum dicendi per se, non posse deferuere demonstratiõni, quæ debet constare ex propositionibus necessarijs, ac proinde duos tantum priores modos ad illam pertinere.

20 Prima conclusio. Præmissæ demonstrationis debent esse de omni, & per se. Hæc est euident, & probatur breuiter: quia præmissæ debent esse necessariae; sed omnis propositio necessaria est in aliquo ex prædictis duobus modis dicendi per se: ergo præmissæ debent esse propositiones de per se. Sed omnis propositio de per se, est etiam de omni: ergo etiam præmissæ debent esse de omni. Prior syllogismus constat ex dictis. Minor verò subsequens probatur: quia in duobus primis modis dicendi per se, prædicatum, vel est essentia subiecti, vel habet necessariam connexionem cum illa: ergo non interdum inest, & interdum non inest; sed semper inest subiecto, ac proinde omnis propositio per se erit etiam de omni.

§. II.

AN PRÆMISSÆ DEMONSTRATIONIS DEBEANT ESSÉ DE PRÆDICATIONE VNIVERSALI?

21 VT cognoscatur, quid sit propositio de prædicatione vniuersali, notandum est *vniuersale* in presenti non sumi, sicut in libro prædicabilium, prout est vnum in multis; sed sumi pro illo prædicato necessario, quod conuenit subiecto conuertibiliter, seu secundum quòd tale est. Quo sensu definit illud Aristot. hîc cap. 4. dicens: *Vniuersaliter autem id competere dico, quòd utique dicitur de omni, per se, & secundum quòd ipsum*, vt risibile respectu hominis, & habere tres angulos æquales duobus rectis respectu trianguli.

Iuxtaquam definitionem, tria requiruntur ad prædicatum vniuersale, vt sumitur in presenti. Primum est quòd sit *de omni*, defectu cuius risibile non est prædicatum vniuersale respectu animalis: & habere tres angulos non est prædicatum vniuersale respectu figuræ, vt inquit Aristoteles. Secundum est quòd sit *per se*, defectu cuius album non est prædicatum vniuersale respectu nini: quia licet sit *de omni*, non tamen est *per se*, sed conuenit contingenter nini. Tertium est, quòd conueniat subiecto, *secundum quòd ipsum*, id est, secundum quòd tale est, seu conuertibiliter, defectu cuius sensibile non est prædicatum vniuersale respectu hominis, neque habere tres angulos æquales duobus

bus rectis respectu isochelis, ut inquit Aristot. quia licet sint prædicata *de omni*, & *per se*, non tamen conueniunt illis *secundum quod ipsa*, siquidem neque sensibile conuenit homini, secundum quod est homo; sed secundum quod est animal, neque habere tres angulos, conuenit isocheli, secundum quod est isochelēs; sed secundum quod est triangulus.

Ex quo etiam patet, quem ordinem habeant inter se ista tria. Comparantur enim sicut superius, & inferius. Nam prædicatum *de omni*, latius patet, quam prædicatum *per se*; siquidem omne prædicatum *per se* est *de omni*; non tamen e contra, ut patet de albo, quod est prædicatum *de omni* respectu niuis; non tamen *per se*. Similiter prædicatum *per se*, latius patet, quam prædicatum *uniuersale*; siquidem omne prædicatum *uniuersale* est *per se*; non tamen e contra, ut patet de sensibili, quod est prædicatum *per se* respectu hominis, non tamen conuenit illi *uniuersaliter*, & secundum quod ipsum.

22 Secunda conclusio. Vtraque præmissa demonstrationis, vel saltem aliqua debet esse de prædicato *uniuersali* in demonstratione *propter quid*. Sic docet Aristotel. in hoc cap. 4. dum dicit, quod habere tres angulos æquales duobus rectis, quanuis *per se* primo demonstratur de triangulo, cuius est prædicatum *uniuersale*; per ipsum tamen demonstratur, tum de ipso genere figura particulariter sumpto;

tum etiam de singulis speciebus trianguli, scilicet, isocheli, isopleuros, & scalenon.

Probatur breuiter conclusio quoad primam partem. Quia perfectissima demonstratio probat propriam passionem de proprio, & adæquato subiecto, ostendens propter quid illi conueniat; sed propria passio conuertitur cum proprio; & adæquato subiecto; & proprium *propter quid* passionis (scilicet, propria, & immediata causa eius) conuertitur cum ipsa passione; ergo in demonstratione perfectissima omnes tres termini sunt conuertibiles, & per consequens utraque præmissa erit de prædicato *uniuersali*, ut cernere licet in hac demonstratione: *Omne admiratiuum est risibile: omnis homo est admiratiuus: ergo omnis homo est risibilis*: ubi omnes tres propositiones sunt de prædicato *uniuersali*.

23 Secunda verò pars conclusionis probatur: quia etiam in demonstratione *propter quid*, probamus propriam passionem, tum de aliqua specie, aut individuo subiecti adæquati, ut patet si dicas: *Omnis triangulus habet tres angulos æquales duobus rectis, isochelēs est triangulus, ergo habet tres angulos, &c.* tum etiam de ipso genere particulariter sumpto, ut si dicas in primo modo tertiæ figure: *Omnis triangulus habet tres angulos æquales duobus rectis: omnis triangulus est figura: ergo aliqua figura habet tres angulos, &c.* Sed in his demonstration-

monstrationibus, altera tantum præmissa est de prædicato vniuersali, vt patet: siquidem habere tres angulos, &c. neque conuertitur cum figura, quæ est superior ad triangulum, neque cum isoscele, qui est inferior: ergo non semper est necessarium, quod in demonstratione *propter quid* vtrique præmissa sit de prædicato vniuersali; quanuis id requiratur in demonstratione perfectissima.

24 Quod autem demonstratio in qua passio concluditur, non de proprio, & adæquato subiecto; sed de aliquo eius inferiori; aut etiam de superiori particulariter sumpto, vt explicatum est, sit multo imperfectior quam demonstratio, in qua passio concluditur de proprio, & adæquato subiecto, manifestum est. Et ratio Aristotelis est euidentis. Nam propria passio per se primò conuenit proprio, & adæquato subiecto, & ratione illius conuenit inferioribus eius, & ipsi superiori particulariter sumpto (ideò enim Petrus est risibilis, quia homo est risibilis; & ideò aliquod animal est risibile: quia homo est risibilis) ergo demonstratio, in qua passio concluditur de proprio, & adæquato subiecto, longè perfectior est quacunque alia.

¶ Ex quo intelligitur doctrina, quam habet Aristoteles in hoc libro capite 20. vbi comparans demonstrationem vniuersalem particulari, multis rationibus probat illam potiorē, & per-

fectiorem esse ista. Appellat autem demonstrationem vniuersalem eam, cuius ambæ præmissæ sunt de prædicato vniuersali, seu conuertibili; tunc enim passio concluditur vniuersaliter de proprio, & adæquato subiecto. Demonstrationem verò particularem appellat quancumque aliam, cuius conclusio, aut præmissæ non sunt conuertibiles; seu de prædicato vniuersali. Et ideò huic merito præfert illam ratione dicta.

25 ¶ Secundò ex dictis intelliges tres errores, seu deceptiones, quæ solent contingere circa prædicatum vniuersale supra explicatum, quasque explicat Aristoteles eodem libro capite 5. Prima est: quando sub aliqua specie continetur vnicum tantum indiuiduum; si quis existimaret, passionem talis speciei esse prædicatum vniuersale respectu indiuidui, falleretur circa prædicatum vniuersale. Vt si quis de hoc numero Sole concluderet esse fontem lucis in alijs astris, existimans tale prædicatum vniuersaliter conuenire huic indiuiduo, & non ipsi speciei, cuius est passio, tunc quidem deciperetur.

Secunda deceptio solet contingere, quando plures species conueniunt in aliquo genere inominato. Tunc enim si quis existimaret, passionem talis generis conuenire vniuersaliter alicui eius speciei, falleretur. Sicut si animali non esset nomen impositum, & sensibile, quod est proprium animalis asig-

assignaretur, vt prædicatum vniuersale eorum, quæ sub animali continentur. Quo etiam modo deciperetur, qui existimaret potentiam generatiuam communiter dictam (vt, scilicet, tantum dicit esse productiuam similis in natura) conuenire vniuersaliter viuenti: quia generabile, quod nos addidimus in arbore (cui vniuersaliter conuenit talis potentia) est genus innominatum.

Tertia tandem deceptio contingeret ei, qui existimaret passionem vnius speciei conuenire vniuersaliter generi; præcipue si talis species esset innominata, vt patet in eodem exemplo. Siquis enim talem potentiam generatiuam, vel esse corruptibile, quæ sunt propriae passionis generabilis, existimaret vniuersaliter conuenire corpori, cuius ipsum generabile est species subalterna, falleretur. Quo etiam modo (inquit Aristoteles) deciperetur, qui de recta linea probaret tanquam prædicatum vniuersale, *non concurrere*, id est, se non contingere: nam id tantum conuenit lineis parallelis. ¶ Ad quas omnes deceptiones, quæ frequentè solent contingere, facillè vitandas, statuit Aristoteles hanc regulam: quando posito subiecto ponitur prædicatum, & ablato aufertur; tunc prædicatum conuenit vniuersaliter, seu secundum ipsum subiecto, vt consideranti patebit.

Videatur D. Tho.

hic lect. 12.

So

§. III.

*AN DEMONSTRATIO
debeat procedere ex proprijs,
non verò ex extraneis,
aut communibus?*

26 **P**RO explicatione nota proprium, vt ad præsens attinet, posse sumi dupliciter: primò, vt distinguitur contra alienum, seu extraneum: secundò, vt distinguitur contra commune. Et quia quædam inquit Aristoteles demonstrationem debere procedere ex proprijs, excluditur vtrumque: idè vtrumque explicandum est. Tunc ergo syllogismus dicitur procedere ex alienis, seu extraneis; quando medium est omnino alienum à subiecto, scilicet, à minori extremitate, ita vt cum illo non habeat necessariam connexionem; sed tantum contingentem. Vt contingit in syllogismis Logicæ vtentis, quando per media secundarum intentionum descendit ad entia realia, quibus illæ sunt omninò extraneæ, vt vidimus supra disputatione prima, numero 42. Propter quod Logica vtens, seu Dialectica dicitur tentatiua, & non demonstratiua: quia Dialecticus procedit ex principijs extraneis; demonstrator verò ex proprijs, vt ex Aristotele, & Diuo Thoma notauimus ibidem.

27 Similiter tunc syllogismus dicitur procedere ex communibus, seu remotis; quædò mediū nō est propria, & immediata causa passionis; sed
remo-

remota, & communis: tunc enim præmissæ, quia non continent propriam, & immediatam causam conclusionis, dicuntur remotæ, & communes. Hoc autem dupliciter potest contingere. Primò, quādo causa est quidem remota, & communis; sed reuera conuertibilis cum effectu, vt quando tertia passio demonstratur per primam, verbi gratia: supponamus, quòd prima passio post essentiam hominis est esse discursuum, secūda admiratiuum, & tertia risibile. Tūc propria, & immediata causa discursui erit rationale, & propria, & immediata causa admiratiui erit discursuum, & propria, & immediata causa risibilis erit admiratiuum. Rationale verò respectu admiratiui, & risibilis erit causa remota; siquidem mediat discursuum, erit etiam communis: tūm quia admiratiuum, & risibile vltra rationale requirunt aliam causam, nempe discursuum; tūmetiam, quia rationale non solum est causa admiratiui, & risibilis; sed multò magis discursui, cuius est immediata, & propria causa. Si quis ergo, hanc propositionem: *homo est risibilis*, demonstraret per rationale, aut discursiū, tales syllogismi procederēt per causam remotam, & communem hoc primo modo, quia in præmissis non assignaretur propria, & immediata causa risibilis, nempe admiratiuum. Si verò eadem propositio demonstraretur per admiratiuum; talis syllogismus; procederet ex proprijs, & immediatis, hoc primo modo explicato, vt per se patet.

28 Secundo modo contingit, syllogismum procedere per causam remotam, & communem, quādo causa non est conuertibilis, cum effectu; sed conuenit alijs. Cuius duo exempla adducit Aristoteles: alterum cap. 10. huius libri, de animali respectu respirationis: quæ non conuertuntur: nam aliqua animalia (quæ, scilicet, non habent pulmonem) non respirant. Vnde si quis hanc propositionem: *lapis non respirat*, probaret in secundo modo secundæ figuræ sic. *Omne respirans est animal. nullus lapis est animal: ergo nullus lapis respirat*: iste procederet per causam remotam, & communem hoc secundo modo. Secundum exemplum adducit capite septimo de tetragonismo, id est, de quadratura circuli. Briso enim illum demonstrabat sic. *Vbi est maius, & minus potest esse æquale: sed posito quadrato, datur circulus maior* (qui, scilicet, ipsum continet) & *circulus minor* (qui, scilicet, intra quadratum describitur) *ergo potest dari circulus æqualis quadrato*. De quo Briso inquit Aristoteles, procedere per causam remotam, quia maius, minus, & æquale, non solum conueniunt circulo; sed etiam triangulo, pyramidi, & alijs figuris. Et huiusmodi demonstrationes, quæ procedunt per causam remotam; hoc secundo modo, semper sunt in secunda figura, vt consideranti patebit.



29 Tercia conclusio. Demonstratio non potest procedere ex omnino extraneis, sed medium, quod assumitur in præmissis, debet habere necessariam connexionem, tum cum subiecto, tum etiam cum passione, atque ita subiectum, medium, & passio debent contineri intra idem genus, ut inquit Aristoteles, seu intra eandem cognationem, ut habet alia translatio. Sic docet Philosoph. c. 7. citato, quem sequuntur. D. Tho. lect. 15. & communiter Dialectici. Ratioque est manifesta: quia si medium non haberet necessariam connexionem, cum aliqua extremitatum præmissa, in qua iungerentur, esset contingens; & ex consequenti conclusio etiam esset contingens, & non scientifica, ut per se patet: ergo demonstratio debet procedere ex proprijs, prout propriam distinguitur contra alienum, seu extraneum.

Hanc conclusionem limitat in eodem capite Aristoteles ad scientias subalternantes: quia subalternæ quodammodo procedunt ex extraneis; siquidem principia Arithmeticæ, ex quibus Musica procedit ad demonstrandas passiones de numero sonoro, sunt quodammodo aliena, & extranea ipsis sonis. Limitat, inquam, Aristot. quia capit. 10. acturus erat de scientijs subalternatis. Quare nos etiam pronunciamus eodem modo limitamus hanc conclusionem, usque dum de illis agamus.

30 Quarta conclusio. Demonstratio *propter quid* non potest procedere, per causam remotam, &

communem secundo modo supra explicato: bene tamen primo; licet talis demonstratio non sit potissima; sed aliquantulum imperfecta. Prima pars conclusionis est expressa Aristotelis cap. 7. ubi etiam propterea negat demonstrationem Brisonis esse *propter quid*. Et cap. 10. refert demonstrationem Anacharfidis, probantis in Scythia non esse tibicines hoc argumento. *Vbi sunt tibicines sunt vites: in Scythia non sunt vites: ergo non sunt tibicines.* Quam demonstrationem inquit Aristoteles non esse *propter quid*; quia vitis est causa remota rectè modulandi. Et tandem idem dicit de syllogismo, in quo animal assumitur, ut medium ad concludendam respirationem. De quibus infra redibit sermo.

Eandem partem conclusionis docet D. Thom. lect. 17. & communiter Dialectici. Ratioque est ex dictis manifesta. Quia quando proceditur per causam remotam secundo modo supra explicato: nulla præmissarum est de prædicato vniuersali, cum talis causa remota non sit conuertibilis: ergo in demonstratione *propter quid* non proceditur per causam remotam tali modo. Patet consequentia: quia in demonstratione *propter quid*, saltem aliqua præmissarum debet esse de prædicato vniuersali, ut ostendimus §. præcedenti.

31 Secunda etiam pars conclusionis est communis inter Dialecticos. Eamque docet, & explicat Caietan. in hoc 1. lib. cap. 13. quæst. 5. ex Aristot. ibidem, qui per causam

sam remotā intellexit solā causam non conuertibilē, vt patet in textu.

Probat̃ur autem ratione: quia inter passiones eiusdem essentia non sic est habitudo, & subordinatio, vt tertia p̃cise oriatur, & causetur à secunda; & hæc à prima, quemadmodum prima solū causatur ab essentia. Sicut enim vnum accidens non subiectatur in altero, tanquā in subiecto integro, seu quod; ita vna passio non oritur ab alia, quasi vt quod, & vt ab integra causa; sed inter eas talis est ordo, quod ab essentia sola oritur prima passio, & ab eadem essentia simul, cū prima passio oritur secunda, & ab essentia simul cum prima, & secunda passione oritur tertia, & sic de alijs: ergo demonstratio, in qua tertia passio demonstratur per primam, aut secundam per essentiam, est vera demonstratio *propter quid*. Patet consequentia: quia essentia respectu secundæ passionis, & prima passio respectu tertiæ non dicuntur causæ remotæ: quia nihil omninō influant per se ipsas; sed quia in essentia supponitur prima passio, vt oriatur secunda; & secunda, vt oriatur tertia, vt explicatum est: ergo essentia verē pertinet ad *propter quid* secundæ passionis, & prima ad *propter quid* tertiæ: & per consequens tales demonstrationes verae sunt demonstrationes *propter quid*. Tamen si quia in eis non exprimitur integrum *propter quid* passionis, quæ demonstratur, deficiāt à perfectissima demonstratione, sintque aliquāliter imperfectæ, vt consideranti patebit.

32 ¶ Ex dictis infertur quomodo sit intelligendum axioma, quod habet Arist. cap. 10. huius lib. scilicet, *Si affirmatio est causa affirmationis: negatio est causa negationis, & e contra*. Quod exponit optimē Caietan. ibidem cap. 13. §. circa illam regulam. Est ergo intelligendum de causa propria, & conuertibili. Quia enim rationale respectu risibilis est causa propria, & conuertibilis, benē sequitur, si affirmatio rationalis causat affirmationem risibilis, quod negatio rationalis causet negationem risibilis, & e contra. Quod non contingit in causis communibus, & inconuertibilibus. Quia, vt ibidem inquit Aristoteles, quanuis negatio animalis causet negationem respirationis, affirmatio tamen animalis non causat affirmationem respirationis. Sicut etiam e contra, quanuis affirmatio hominis sit causa affirmationis sensitui; non tamen propterea negatio hominis est causa negationis sensitui. Ac proinde in huiusmodi causis communibus, & inconuertibilibus non habet locum dictum axioma.

QVAESTIO III.

Vtrum diuisio demonstrationis in quia, & propter quid sit adequata?

33 Explicata essentia demonstrationis, oportet, diuisiones eius inuestigare. Tradit autem plures Arist. in hoc lib. Nam c. 20. diuidit demonstrationem in vniuersalem, & particularem, quas supra n. 24. explicauimus, ostendimusque, vniuersalem præstantiorē esse particularem.

ticulari. Deinde cap. 21. diuidit demonstrationem in affirmatiuā (cuius, scilicet, conclusio est affirmatiua) & negatiuā (cuius, scilicet, conclusio est negatiua.) Ex quibus illā esse potiorē ista, probat multis rationibus. Nobis hæc vna sufficiat: quia negatio cognoscitur per affirmationem: ergo affirmatio magis nota est, quā negatio: ergo demonstratio, in qua cōcluditur affirmatio, prior, & potior est ea, in qua cōcluditur negatio. Consequentia patent ex axioma supra explicato: *Propter quod vnumquodq; tale, &c.* Antecedens verò probatur, tū à priori: quia affirmatio est causa negationis: tū etiā inductione: quia prius scimus, hominem esse risibilem, quā lapidem, vel equum non esse risibilem; & idem est de alijs. Tandem cap. 22. diuidit demonstrationem in demonstrationē directam, seu ostensiuam: & ducentem ad impossibile. Illa fit, quando directē cōcluditur propositio intentā; ista verò, quando ex contrario, aut contradictorio propositionis negatę, infertur aliquod impossibile, per quod ostēditur, eam esse veram, vt satis constat ex dictis lib. 3. Institutionum, cap. 6. & explicat Soto in hoc lib. capit. 22. De quo etiam videri potest D. Th. lect. 40.

34 His ergo diuisionibus omis-
sis, celebris est ea, qua diuiditur demonstratio in *quia*, & *propter quid*.
Quam tradit, & explicat Arist. cap. 10. eiusdem libri. Nosque in præfenti latius, quā solet declarabimus propter Cauero hic disput. 2. dubio 4. & alios Modernos, qui nō

rectē aduertentes doctrinam huius capituli, omninō cōfundunt dictam diuisionem cum ea, quæ solet tradi in demonstrationem à priori, & à posteriori. Est ergo demonstratio *propter quid* illa, quæ non solum probat passionem inesse subiecto; sed etiam ostendit, *propter quid* illi conueniat: quod fit, adducendo in præmissis propriam, & adequatam causam talis passionis. Cum enim vnaquæque passio habeat propriū principium, seu proprium *quid*, à quo dimanat, iuxta dicta suprā numero 22. consequenter habet proprium *propter quid*, per quod probetur, nempe rationem illam, seu illud *quid* à quo dimanat. Et quando hoc ponitur pro medio ad cōcludendam talem passionem, fit demonstratio *propter quid*. Sit exemplum, quando de subiecto demonstratur secunda passio per primam (quam diximus esse demonstrationem perfectissimam) sic: *Omne discursuum est admiratiuum: omnis homo est discursiuus: ergo omnis homo est admiratiuus.* In qua demonstratione non solum cōcluditur, verum esse, quod admiratiuum conuenit homini, sed etiam ostenditur, *propter quid* illi conueniat; siquidem sumitur pro medio discursuum, quod est propria, & immediata causa, seu proprium propter quid admiratiui. Et inde huiusmodi demonstrationes appellantur *propter quid*.

35 Demonstratio *quia* est illa, quæ tantū ostendit passionem conuenire subiecto; nō autem adducit propter quid illi conueniat. Vnde
in

in presenti nomen, *quia*, quod sumptum est ex translatione Boetij, non accipitur causaliter, vt rectè notat Soto in hoc capit. 10. sed est pura coniunctio, quasi dicatur demonstratio, quòd hoc sit hoc. Propter quod etiam in translatione Argyropili hæc demonstratio appellatur, *scire esse*; alia verò dicitur *scire propter quid est*. Sic enim transfert: *Differt autem scire esse, & propter quid est: primo quidè in eadem scientia, &c.* Itaque demonstratio *quia* in hoc differt à demonstratione *propter quid*, quòd in hac scitur, passionem conuenire subiecto, & propter quid illi conueniat; in illa verò solùm scitur, passionem conuenire subiecto, reticetur autem propter quid illi conueniat; & ideo appellatur à Soto, & alijs demonstratio: quod hoc sit hoc. Sic exemplum in hac demonstratione: *Stelle non scintillant, sunt prope nos: planetae sunt stelle non scintillantes: ergo planetae sunt prope nos*: in qua solùm scitur, planetis conuenire hoc, quod en esse prope nos; nos autem assignatur propter quid illis conueniat. Nam hoc quod est, *non scintillare*, nō est propter quid huius, quod est *esse prope nos*; sed potius e contra planetas esse prope nos, est propter quid non scintillandi, vt per se patet.

36 Assignat autem Aristotel. in eodem capite tres modos, quibus contingit fieri demonstrationem *quia*. Primus est, quando per effectum adæquatum, & conuertibilem procedimus ad causam de-

monstrandam; vt patet in exemplo adducto, ubi ex negatione scintillationis procedimus ad probandū, planetas esse prope nos, quod est propria causa talis negationis. Et in huiusmodi demonstrationibus inquit Aristot. quòd si maior extremitas muretur in medium, fiet demonstratio propter quid: quia iam procedet per propriam, & ad quam causam, vt patet, si dicas. *Stelle, que sunt prope nos, nō scintillant. sed planetae sunt prope nos: ergo planetae non scintillant.*

Ex qua Aristotel. doctrina, ante quàm ad alios modos procedamus duo colligenda sunt. Primum est, omnem demonstrationem à posteriori esse demonstrationem *quia*, Non enim fieri potest, quod in demonstratione à posteriori assignetur propter quid conclusionis, vt per se patet. ¶ Secundum est in hoc casu quodammodo dari demonstrationem circularem, siquidem ex demonstratione *quia*, in qua per effectum adæquatum causam demonstramus, fit demonstratio *propter quid*, si inuertendo terminos talem effectum probemus per suam causam, ac proinde quodammodo datur circulus, dūm causam per effectum, & effectum per causam demonstramus. Sed de hoc redibit sermo in fine difficultatis.

37 Secundo modo inquit Aristotel. fieri demonstrationem *quia*, quando per causam remotam, seu communem, non conuertibilem demonstramus effectum: tunc enim non potest esse demonstratio *propter*

ter quid. Cuius ratio est ex dictis manifesta. Tùm quia vnaquæque passio habet proprium, & adæquatum propter quid, per quod probetur, vt supra numero 22. & 34. vidimus: ergo demonstratio, in qua solum continetur causa remota, & non conuertibilis passionis, non adducit propter quid illius, & per consequens non poterit esse demonstratio propter quid. Tùm etiam quia in huiusmodi demonstrationibus; tantùm concluditur, hoc esse hoc, idest, passionem conuenire subiecto, per quod præcisè non scimus propter quid illi conueniat: ergo tales demonstrationes, quauis procedant per causam in essendo, verè sunt demonstrationes *quia*. Et huiusmodi sunt demonstrationes Brissonis, & Anacharsidis, & de animali respectu respirationis: de quibus Aristot. in hoc capite expressè affirmat, esse demonstrationes *quia*.

38 Tercio tandem modo inquit Aristoteles fieri demonstrationem, *quia*, quando, *quia*, & *propter quid*, pertinent ad diuersas scientias, vt quando ex conclusionibus demonstratis à scientia subalternante, procedimus tanquam ex principijs ad demonstrandas conclusiones scientiæ subalternatæ: tunc enim *scire quia* pertinet ad scientiam subalternatam, *scire vero propter quid*, ad subalternantem. Verbi gratia, quòd res, cùm à longè videtur, appareat minor, quàm dum videtur propè, est propositio Perspectiua, quæ cognoscit *quia* est talis propositionis; sed *propter quid*

eius pertinet ad Geometriam, quæ assignat propriam causam, nempe quòd res de propè videtur per maiorem angulum in oculo, quàm si videatur à longè. Similiter de hac propositione: *Vulnera circularia difficilius curantur*, Medicus tantum scit *quia*; at verò *propter quid* pertinet ad Geometriam, qui demonstrat, quòd latera circuli magis distant, &c. Pro quorum omnium pleniori intelligentia videri possunt D. Thom. hic lect. 23. 24. & 25. & Caiet. cap. 13.

39 His sic explicatis, quòd in questionem vertitur est: an diuisio demonstrationis in *quia*, & *propter quid*, sit adæquata. ¶ Partem negatiuam defendunt Aberroes hic comment. 95. Themistius ibidem capit. 29. Raymundus Lullius in sua Arte magna parte 7. & alij. Quorum hæc sunt præcipua argumenta.

Primò: quia demonstratio, quam appellant signi, quando, scilicet, per aliquod signum probamus de subiecto aliquam passionem, non est demonstratio propter quid, vt patet. Neque etiam est demonstratio *quia*: nam tale signum, neque est effectus ad quatuor passionis, neque causa remota eius, neque quid pertinet ad diuersam scientiam, ergo datur aliqua demonstratio, quæ non contineatur sub his membris.

Secundò: quia demonstrationes negatiuæ sunt veræ demonstrationes, & tamen neque procedunt per causas, neque per effectus: ergo non sunt demonstrationes.

nes propter quid, vel quia. Probat-
tur minor: quia, quod reuera est ni-
hil, non potest esse vera causa, aut
effectus; sed quod est negatiuum,
reuera est nihil: ergo, &c.

Confirmatur: quia saltem de de-
monstratione negatiua ducente ad
impossibile non apparet, quomo-
dò possit reduci ad aliquod ex his
membris: ergo talis diuisio non est
adæquata.

Tertio: quia quando ab ea-
dem causa duo æquales effectus de-
rriantur, quorum neuter sit alte-
rius causa, possumus vnum per aliū
demonstrare: vt si in laboranti fe-
bre putrida, inæqualitatem pulsus
per immoderatum calorem, aut
econtra concludamus sic: *Qui ha-*
bet pulsum inæqualem, afficitur ca-
lore immoderato; sed qui laborat fe-
bre putrida habet pulsum inæqua-
lem: ergo afficitur calore immode-
rato. At in tali demonstratione nõ
procedimus à causa ad effectum,
neque ab effectu ad causam, sed ab
effectu ad effectum: ergo præter de-
monstrationem quia, & propter
quid assignanda est alia.

Quarto tandem: quia hæc est
vera demonstratio: *Omne ani-*
mal est substantia: omnis homo est
animal: ergo omnis homo est substan-
tia, & tamen non est demonstratio
quia, nec propter quid; siquidem
esse animal, nec est causa, neque
effectus respectu substantiæ: ergo,
&c.

Confirmatur: quia syllogis-
mus, in quo colligitur propositio
singularis ex aliqua vniuersali ne-
cessaria, est demonstratio distincta

ab ea, in qua colligitur talis pro-
positio vniuersalis, & tamen non
habet distinctum propter quid, aut
distinctum quia: ergo constituit
speciale aliud genus demonstra-
tionis.

40 Nihilominus dicendum est
primò: diuisionem demonstratio-
nis in *quia*, & *propter quid* esse ad-
æquatam. Hæc conclusio est Ari-
stotel. in hoc cap. 10. & D. Thom.
ibidem lect. 23. Quam defendunt
Beatus Albertus, Caietanus, & So-
to in Cõmentario eiusdem capituli
Aquarius 2. Metaphysicæ quæst.
vit. Sanchez in Logica lib. 7. quæst.
11. Masius hic sect. 1. quæst. 6. no-
ster Didacus à Iesu disp. 17. quæst.
1. & communiter Dialectici.

Fundamentum sumitur ex di-
ctis. Quia demonstratio propter
quid est illa, quæ concludit prædi-
catum conuenire subiecto, osten-
dendo propter quid illi conueniat,
demonstratio verò, quia in tota sua
latitudine, vt hic sumimus cum
Aristot. est illa, in qua concluditur
quidem prædicatum cõuenire sub-
iecto; reticetur tamẽ propter quid
illi conueniat: ergo quæcumque
demonstratio, non adducens prop-
ter quid conclusionis, est demon-
stratio quia, siue procedat per effe-
ctum, siue per causam remotam, si-
ue quæcumque alio modo. Propter
consequentia: quia demonstra-
tiones istæ sic explicatæ includunt
rationes contradictionis oppositas,
vt patet: ergo repugnat, inter illas
esse aliquod medium, seu dari de-
monstrationem, quæ sub alterutra
non contineatur.

41 Dicendum est secundo, prædictam diuisionem demonstratio- nis non omnino coincidere cum ea, quæ solet tradi in demonstra- tionem à priori, & à posteriori. Vt intelligatur, & probetur conclusio, explicanda est hæc secunda diuisio. Demonstratio ergo à priori, ut ip- sum nomen indicat, dicitur illa, quæ procedit per medium, quod est prius conclusione, non solum in cognoscendo, sed etiam in essendo. Cum enim prioritas in cognoscen- do communis sit cuiusque de- monstratori; non potest ab illa su- mi denominatio demonstrationis à priori; sed à prioritate in essendo, quæ est prioritas ex parte ipsarum rerum. Quo fit, ut quæcumque de- monstratio, quæ procedit per cau- sam in essendo conclusionis, siue proximam, siue remotam, sit de- monstratio à priori; siquidem pro- cedit per medium, quod non solum cognoscitur prius conclusione; sed reuera est prius illa. Atque ita de- monstratio illa Anacarsidis, pro- bantis in Scythia non esse tibici- nes, quia non sunt vites; & similiter ea, quæ probatur lapidem non res- pirare, quia non est animal, & simi- les sunt demonstrationes à priori; quia vitis est vera causa fortis mo- dulationis, licet remota; & simili- ter animal respectu respirationis: ac proinde procedunt per medium, quod est in essendo prius conclu- sione. ¶ Ex quo iam intelligitur, quid sit demonstratio à posteriori. Est enim illa, quæ procedit per me- dium, quod licet in cognoscendo sit prius; in essendo tamen est po-

sterius conclusione. Et huiusmodi sunt omnes demonstrationes, quæ procedunt ab effectu ad causam, vel ab aliquo signo, aut quacum- que alia ratione, quæ reuera sit po- sterior conclusione.

42 Hinc ergo facile intelli- gitur nostra conclusio. Dicimus enim, has duas diuisiones non omnino coincidere, ita ut demonstratio propter quid, & à priori conuer- tatur; & similiter demonstratio, quia & à posteriori; sed quod mul- tæ sunt demonstrationes à prio- ri, quæ non sunt *propter quid*, & multæ quia, quæ non sunt à poste- riori. Ac proinde, quanuis omnis demonstratio propter quid sit à priori, non tamen e contra; & similiter quanuis omnis demon- stratio à posteriori sit quia; non tamen e contra. Quæ conclusio sic explicata est expressa Aristotelis in hoc capite, & Diui Thom. le- ctione 23. citata. Pro qua etiam videri possunt Caietanus, Soto, & alij Interpretes, qui cum Aristot. affirmant, non solum demonstra- tionem, quæ procedit ab effe- ctu; sed etiam eam, quæ proce- dit per causam remotam non con- uertibilem esse demonstrationes quia.

43 Ex quo iam probatur ma- nifestè conclusio: quia demonstra- tiones, quæ in secunda figura con- cludunt aliquam passionem per causam remotam non conuertibi- lem, ut sunt istæ. *Omne respirans est animal; nullus lapis est animal; ergo nullus lapis respirat. Omne risibile est viuens; nullus lapis est*

viuens: ergo nullus lapis est sensibilis; & similes non sunt demonstrationes propter quid, sed tantum quia, ut patet ex dictis, & tamen verè sunt à priori; siquidem animal, & viuens, ut pote prædicata essentialia, sunt causæ in essendo, licet remota respiracionis, & sensibilicatis, quæ sunt propriæ passiones: ergo non omnis demonstratio à priori est propter quid, neque omnis demonstratio, quia, est à posteriori.

Confirmatur: quia omnes demonstrationes, in quibus ex conclusionibus scientiæ subalternantur tanquam ex principiis procedit subalternata ad suas conclusiones, sunt tantum demonstrationes quia: & tamen plures earum sunt à priori: ergo non omnino coincidunt istæ diuisiones. Maior est expressa Aristotelis in hoc capite, ut vidimus numero 38. Quam etiam docent Diuus Thomas lectione 24. Caie. hic in tractatu de subalternatione scientiarum, & communiter Dialectici, dum affirmant cum Aristot. scientiam subalternatam intra proprios limites non scire propter quid suarum conclusionum. Minor etiam est manifesta: nam Perspectiua, & Musica, verbi gratia, quæ sunt scientiæ subalternatæ, frequentius procedunt per causam, ut patet mille exemplis. Quod commune est omnibus Mathematicis, ut sumitur ex Aristotel. lib. 6. Ethicorum capite 8. ergo sæpè contingit demonstrationem quia esse à priori.

44 Ad argumenta respondetur. Ad primum, quod siue signum,

per quod procedit demonstratio, sit aliquis effectus naturalis (quod frequentius contingit) siue sit aliquid aliud; talis demonstratio probat prædicatum conclusionis conuenire subiecto, reticendo propter quid illi conueniat; ac proinde verè est demonstratio quia, ut ex dictis patet.

Ad secundam negatur minor. Nam etiam negatio, suo modo habet causam, & effectum, sicut affirmatio, iuxta dictum Aristotel. supra num. 32 explicatum. Unde sicut ex demonstrationibus affirmatiuis illæ, quæ adducunt propriam, & adequatam causam, propter quæ passio affirmatur de subiecto, sunt demonstrationes propter quid; aliæ verò quia: sic proportionabiliter ex negatiuis, quæ reddunt propriam, & adequatam causam, quare passio negatur de subiecto, sunt demonstrationes propter quid; aliæ verò quia.

Ad confirmationem similiter respondetur, quod si demonstratio ducens ad impossibile, reddat propriam causam, quare sequatur illud impossibile; erit demonstratio propter quid, si verò aliter procedat, erit demonstratio quia. Videatur Soto in hoc 1. lib. q. 5. ad secundum.

Ad tertium in primis respondetur, ex duobus illis effectibus non posse vnum verè demonstrari per alium; dato casu, quod inter se nullam habeant necessariam subordinationem, aut connexionem, etiam si ambo per se connectantur cum causa à qua procedunt. Cuius ratio est manifesta: quia ut alter il-

lorum effectuum esset medium ad probandum alium, deberet iungi cum illo in aliqua præmissa, quæ tamen ex hypotesi facta, non esset propositio necessaria, sed contingens; & per consequens syllogismus non posset esse demonstratio. Quod latè prosequitur Malus ubi supra contra Themistium, cuius est hoc argumentum. ¶ Sed quidquid sit de hoc, secundò respondetur, tales syllogismos, dato quòd sint verè demonstrationes, pertinere ad demonstrationem quia: siquidem in eis non adducitur propriū propter quid conclusionis, vt supponimus; sed tantum concluditur prædicatum conuenire subiecto.

45 Ad quartum respondetur, quòd cum termini, ex quibus fit demonstratio illa, non solum identificantur inter se realiter; sed etiam sine prædicata subordinata cuiusdam essentia; non potest esse inter eos propria ratio causæ, & effectus in essendo, etiā virtualiter; & ideo talis demonstratio, propriè loquendo, neque est à priori, neque à posteriori. Est tamen verè demonstratio quia; nam ad hoc sufficit nō dari per propriam, & adæquatam causam, quod in præsentī cōtingit.

Ad confirmationem respondet Vazq. 1. p. disp. 135. n. 6. negando antecedens. Redditque rationem: quia in conclusione nihil noui colligitur, neque tanquā causa, neque tanquā effectus, quod non esset iam expressum in maiori. Et ideo tales syllogismi, non tām dicendi sunt demonstrationes, quā applicationes quædam demonstra-

tionis ad singularia, vt notant Rubio in hoc libro c. 8. & alij. ¶ Vel secundò respondetur, quòd eodem modo, quo demonstratio, in qua colligitur propositio vniuersalis, distinguitur ab illa, in qua ex tali vniuersali colligitur propositio singularis, distinguuntur etiam propter quid, aut quia vtriusque. Cuius manifestum signum est, quòd in tali casu necessariò mutatur medium; siquidem quod in prima demonstratione erat maior, aut minor extremitas, assumitur vt medium in secunda, vt consideranti patebit.

46 ¶ In fine huius difficultatis, ubi cum Aristot. diximus ex demonstratione quia, aliquando fieri demonstrationē propter quid, breuiter explicandum est: an, & quomodò liceat vti demonstratione circulari?

Circa quod in primis asserendum est, quòd si demonstrationes fiant difformiter (vt aiunt) id est, quarum altera sit à priori, & altera à posteriori, vt suprà ex Aristot. vidimus; tunc vtraque demonstratio secundum se est conueniens; vt patet. Et idem dicendum est, quando in diuerso genere causæ fit circulus inter duo, quæ sunt sibi inuicem causæ, vt inter materiam, & formam. Quanuis enim tunc vtraque demonstratio sit in suo genere à priori, verè tamen sunt demonstrationes difformes, siquidem sunt in diuerso genere causæ.

Quia tamen demonstratio est cognitio discursiua, cuius propriū est procedere à notioribus ad minus nota, & obscuriores propositio-

tiones ex alijs clarioribus ostendere; ideò de demonstratione circulari, & præcipue in eadem disputatione, vel confirmatione, aut probatione alicuius veritatis vtendum non est; nisi fortè admisceatur aliquis alius discursus, vel quodcumque aliud adminiculum, quo augeatur cognitio conclusionis, à qua regredendum est. Videantur D. Tho. secundum Caeli lect. 16. & Caietan. 1. Posterior. cap. 13. qui op. inè explicat, quo sensu, & quando admittenda est demonstratio circularis.

QVÆSTIO III.

Quenam sit hæc diuisio? & vtrum per solam demonstrationem propriam quid producat habitus scientiæ?

47 **C**irca primum, si vera sunt, quæ supra n. 3. diximus: hæc diuisio non potest esse generis in veras, & proprias species. Cuius ratio est manifesta: quia propria diuisio generis in species est diuisio essentialis, & formalis: ergo debet attendi penes formam constitutiuam diuisionis, & non penes materiam; sed diuisio demonstrationis in quia, & propter quid, non est ex parte formæ demonstrationis, sed solum ex parte materiæ eius: ergo propriè, & in rigore loquendo, non est diuisio generis in species. Maior est manifesta: minor verò probatur ex dictis loco citato. Quia syllogismus ex parte formæ tantum diuiditur in tres figuras, & vnaquæq; in suos modos ratiōem in species infimas; sed intra vnumquemque istorum modorum contingit fieri demonstrationes, quia, & propter quid: er-

go harum distinctio non potest sumi ex parte formæ, & consequenter neque esse propriè formalis, & specifica.

Confirmatur: quia ideò diuisio syllogismi in demonstratiuum, topicum, & sophisticum est ex parte materiæ, & non ex parte formæ: quia existente eadem forma specifica syllogismi, si præmissæ sint necessariæ, est demonstratiuus; si probabiles, topicus, si apparentes, sophisticus. Sed existente eadem forma specifica demonstrationis, si medium sit propria, & adæquata causa in essendo conclusionis; est demonstratio propter quid: si verò sit effectus eius, aut causa remota, est demonstratio quia: ergo hæc diuisio non sumitur ex parte formæ demonstrationis; sed solum ex parte materiæ. Ex quo tandem fit, diuisionem istam magis accedere ad diuisionem accidentis in subiecta, sicut de diuisione syllogismi in demonstratiuum, topicum, & sophisticum diximus loco citato.

48 Caterum quauis, neque demonstratio sit verum genus, neque demonstrationes quia, & propter quid propriè, & in rigore species, de quo, nostro iudicio, non potest esse controuersia inter Doctores, adhuc tamen, qui existimant, vtramque demonstrationem simpliciter, & propriè esse demonstrationem; & per vtramque simpliciter sciri, appellant hanc diuisionem generis in species: quia in hoc assimilatur illi. Qui verò contendunt, per solam demonstrationem propter quid, simpliciter

scire; ac proinde ipsam tantum esse simpliciter demonstrationem, consequenter vocant hanc diuisionem analogam: in quo sensu examinanda est à nobis præfens quaestio. Quæquanuis forte sit tantum de nomine, vñ notat Soto infra citandus, non parum conducet scire, quis sit proprius modus loquendi in hac materia.

49 Igitur diuisionem esse generis in species, defendunt Sanchez lib. 7. Logicae quaest. 11. Rubio in hoc capite quaest. 2. & alij Moderni. Qui illam probant. Primò: quia vtraque demonstratio procedit ex principiis certis, & euidentibus, & per consequentiam euidentem in modo, & figurâ constitutam: ergo vtraque simpliciter, & absolutè facit scire: ergo vtraque simpliciter participat rationem demonstrationis, & per consequens talis diuisio erit vniuoca. Antecedens, & vltima consequentia constant. Prima verò probatur: quia per assensum conclusionis in demonstratione, quia non producit habitus principiorum; cum talis assensus sit discursiuus; neque habitus opinionis, aut fidei; cum assensus sit necessarius, & euidentis: ergo producit habitus scientiæ, & ex consequenti talis demonstratio absolutè, & simpliciter facit scire.

Confirmatur: quia scientia subalternata, etiam sine subalternante, potest esse vera scientia, vt ex sententia D. Thomæ dicemus disputatione sequenti; sed scientia subalternata producit per demonstrationem, quia, vt vidimus

ex Aristotele: ergo per ipsam produciuntur vera scientia; ac proinde simpliciter facit scire, critque absolutè demonstratio.

Quòd autem essentialiter distinguatur à demonstratione propter quid, sic probatur secundò. Quia demonstrationes, sicut & scientiæ, quæ per illas producuntur, distinguuntur ex principiis, seu medijs per quæ procedunt, sed principia, seu media harum demonstrationum distinguuntur essentialiter: ergo, & ipsæ demonstrationes. Probatur minor: tum quia alterum est propria, & adæquata causa conclusionis, alterum verò effectus eius, aut causa remota: tum consequenter quia sunt diuersæ rationes assentiendi, & quasi obiecta formalia talium demonstrationum.

50 Nihilominus dicendum est primò, solam demonstrationem propter quid appellandam esse simpliciter, & absolutè demonstrationem; aliam verò tantum secundum quid: ac proinde hanc diuisionem magis accedere ad diuisionem analogi, quam generis. Sic docuit Anicena, vt refert Aberroes in hoc lib. commento 95. fuitque constans, & perpetua sententia inter antiquos Philosophos, vt testatur Iacobus Zabarella capite primo de speciebus demonstrationis, refertque, & sequitur Masius capite 10. huius lib. sectione prima quaestione prima & 2. Quam etiam defendit Soto ibidem quaestione quinta ad primum, & quaest. 2. antecedenti ad secundum, vbi expressè docet, quòd demonstratio quia, nō facit simpliciter

ter scire, neque simpliciter est demonstratio; sed tantum secundum quid; hancque, inquit, esse expressam sententiam Aristot. Quod quidem ferè omnia, quæ habentur in hoc lib. satis ostendunt, sed specialiter.

Probatur primò conclusio: quia Aristot. definiens demonstrationem capit. 2. huius libri, solum definiuit demonstrationem propter quid; relicta demonstratione quia; de qua ibidem quasi per conditionem asseruit. *Si igitur, & alius sciendi sit modus, posterius explicabimus.* Quæ verba exponens D. Thom. lect. 4. solam demonstrationem propter quid, inquit, esse propriam, & perfectum modum sciendi, propter quod etiam, neque in hoc c. 10. ad quod se refert Aristot. in prædictis verbis, neque alibi definiuit demonstrationem quia. satis esse putans explicuisse præcipuam, ut ex eius similitudine, & attributione cognosceretur alia. Quæ non rectè cohærent cum vniuatione demonstrationis, ut per se patet.

Secundò: quia in eodem cap. 2. definit Aristot. scire propriè, & simpliciter dictum sic: *Scire autem putamus vnamquamque rem simpliciter, & non sophistico modo, cum putamus causam cognoscere, propter quam res est, illius causam esse, neque posse eam aliter se habere.* Vbi nomine causæ, iuxta expositionem D. Thom. & cæterorum Interpretum, intelligit causam in essendo, per quam scitur in demonstratione propter quid, & hoc appellat scire simpliciter. Quod etiam tradit ex-

presens c. 7. sequenti: *vl docens, quod difficile est, cognoscere aliquem, si sciuit, aut non, reddit rationem.* Quia difficile cognoscere est, si ex vniuersiusque principijs scimus, aut non, quod verè est scire. Vbi D. Tho. lect. 18. asseruit, quod scire ex proprijs principijs (quod est scire propter quid) solum est verè scire. Et lect. 23. demonstrationem propter quid expressè vocat demonstrationem simpliciter: ergo ex sententia Arist. & D. Thom. per solam demonstrationem propter quid scitur simpliciter, & ex consequenti ipsa sola est simpliciter demonstratio.

51 Tertiò probatur ratione ex eisdem locis sumpta. Quia demonstratio est medium, seu instrumentum ad adquirendam sciētiam: ergo illa sola dicenda est absolutè, & simpliciter demonstratio, per quam absolutè, & simpliciter scimus. Sed tunc solum dicimur simpliciter scire aliquid, quādo causam, cur ita sit, cognoscimus, quod sit in demonstratione propter quid: ergo hæc tantum dicenda est simpliciter demonstratio. Antecedens, & consequentiæ constant. Minor autem est definitio Aristot. quam non aliter probat ipse, quàm ex ipsa significatione nominis, & communiaceptione hominum. Nam tam hi qui existimant se scire; cum tamen in rei veritate nesciant, quàm hi, qui verè sciunt; sic accipiunt ipsum scire, ut dictum est.

Cōfirmatur: quia quantumcumque concludamus, hominem esse risibilem, per effectum ridendi nobis notum;

notū adhuc nō quiescit intellectus, neque existimat, se id absolute scire; vsque dū cognoscat propriam causam, seu proprium propter quid risibilitatis: ergo demonstratio, quia non est dicenda absolute, & simpliciter demonstratio. Maior huius probatio, & solutio argumentorum constabunt ex secunda parte difficultatis.

52 ¶ Circa quam, pro nūc supponendum est contra Robium ubi suprà, & alios Modernos, per demonstrationes quia, & propter quid circa obiectum eiusdem scientiæ nō produci distinctos habitus; quia vt disput. sequenti latè ostendemus ex communi sententia Thomistarum, quælibet scientia est vnica, & simplex qualitas in specie infima, propter vnicam, & indiuisibilem rationē formale obiecti in esse scibilis, ex qua sumitur vnitas scientiæ. Quæ ratio, non solum cōiungit per assensus conclusionis vtriusque demonstrationis nō produci habitus distinctos, sed etiam assensus ipsos non differre specie formali, sed materialiter. Sicut etiam dicendum est de alijs actibus intra eandem scientiam circa obiecta partialia eius; nam quantum ad specificationem, eadem omnino est ratio de scientia actuali, & habituali, vt constabit ex dicendis disputatione citata.

Diximus, demonstrationes quia, & propter quid non producere habitus distinctos, circa obiectū eiusdem scientiæ: quia quando pertinent ad diuersas scientias, vt contingit in subalternata, & subalternante iuxta supradicta; tunc si de-

mōstratio, quia, producit aliquem habitum, manifestum est, debere esse distinctum ab eo, quem producit demonstratio propter quid. Quod quidem in tali casu non prouenit ex eo præcisè, quod vna sit demonstratio quia, & alia propter quid, sic enim semper producerent habitus distinctos, sed ex eo, quod habeant diuersa obiecta in esse scibilis, vt constabit loco citato. Quare solum remanet difficultas in hac parte: an per demonstrationem, quia, verè producat habitus scientiæ, sicut producit per demonstrationem propter quid?

53 Dicendum est secundò, per demonstrationem propter quid, per se loquendo, generari habitum scientiæ verum, & perfectum, & in esse habitus; at verò per demonstrationem, quia, produci valde imperfectum, & in esse dispositionis; qui nō asequitur statum habitus, donec accedat demonstratio propter quid. Hanc conclusionem esse ad mentem Aristot. & D. Tho. satis ostendunt, tum suprà adducta in hac quaestione, tum etiam infrà adducenda de subalternatione, & specificatione scientiarum. Quæ etiam est valde conformis his, quæ graniore Dialectici, & Theologi docent in pluribus materijs, quæ ex præsentia quaestione dependent, & iuxta eam facile intelliguntur, quæ apud alias sententias non parum difficultatis habent, ac proinde omnibus illis est præferenda.

54 Vt autem melius explicetur, & probetur conclusio, meminisse oportet eorum, quæ disputatione

tione 15. num. 23. diximus, quòd, scilicet, eadem qualitas in specie habet esse dispositionis ex parte subiecti, quandiu est remissa, neque omnino firmatur in illo; assequitur verò statum habitus, quando intenditur in subiecto, & firmiter adheret illi. Proportionabili ergo modo dicimus in presenti, quòd per demonstrationem, quia, producit qualitas imperfecta per modum quasi dispositionis ex parte medij: quando verò habetur demonstratio propter quid, eadem qualitas perficitur, & assequitur statum habitus. Quæ perfectio, vel imperfectio, quia nõ sumitur ex parte subiecti, seu ex intensione, vel remissione; sed ex conditione ipsa, & natura medij, per quod procedit vtraque demonstratio, idè quantumcumque repetantur demonstrationes quia, & quantumcumque intensè cognoscantur earum conclusiones; qualitas per illas producta non erit perfecta perfectione, de qua in præsentì loquimur, vsque dum habeatur demonstratio propter quid. Quæ adueniente, perficitur, & acquirit esse habitus ex parte medij.

Hinc ergo facile probatur conclusio: quia in scientijs subalternatis, quantumcumque intensè repetantur propriæ demonstrationes (quæ iuxta dicta sunt demonstrationes quia) qualitas inde resultans quanuis verè pertingat ad rationem scientiæ; non tamè habet perfectionem, & statum scientiæ, vsque dum, aduenientibus subalternantibus, cognoscatur propter quid

illarum conclusionum: ergo per demonstrationem propter quid acquiritur habitus scientiæ perfectus, & in ratione habitus: per demonstrationem verò quia, valdè imperfectus, & in esse dispositionis. Antecedens quoad primam partem, quòd, scilicet, absque scientia subalternante possit acquiri subalternata, quæ pertingat ad veritatem scientiæ, ostendendum est à nobis disputatione sequenti.

55 Quoad secundam verò partem probatur inductione. Nam qui in Perspectiua cognoscit, corpora à longè visa, apparere minora, non censetur omnino firmiter, perfectè, & dilucidè, adherere huic veritati, vsque dum Geometria, cui perspectius subalternatur, demonstraret illi, res à longè positas videri, per minore angulum, ex eo quòd linea ducta ab eadem basi ad punctum distans causant acutiorè angulum, quàm quæ à tali basi ducuntur ad punctum proximum, vt patet in hac figura.



Similiter Chirurgus non censetur omnino perfectè scire, quòd vulnera circularia difficiilius curantur: quia eorum latera magis distant, vsque dum hoc demonstret Geometria ex natura circuli, qui est figura absque angulis. Et tandem idè cernimus in Theologia nostra, quæ quia subalternatur scientiæ Dei, & beatorum, iuxta sententiam D. Tho. 1. p. q. 1. art. 2. idè nõ est omnino perfecta in viatore, dum

dum uas conclusiones deducit ex principijs soli fide cognitis; habet tamen perfectum statum scientiæ in patria, ubi principia fidei euidenter cognoscuntur: ergo scientia acquisita per demonstrationem quia, non habet perfectionem, & statum scientiæ, dum non habetur demonstratio propter quid. Manet ergo plana nostra conclusio. Videantur Angelicus Doctor quæst. 14. de veritate art. 9. ad tertium, & Cateran. 2.2. quæst. 1. artic. 5. ubi de scientijs subalternatis affirmat, quod licet pertingant ad speciem scientiæ; sed nō perueniunt ad perfectum statum scientiæ; & propterea non faciunt scire nisi inchoatiuē, & imperfectē.

56 Ad arguēta in principio facta respondetur. Ad primum concessio antecedenti, neganda est consequentia. Ad cuius probationem dicimus, quod per assensum conclusionis in demonstratione, quia producit quidem habitus scientiæ; sed valdē imperfectus, & non habens statum habitus, aut scientiæ, sed dispositionis, & consequenter non facit scire simpliciter, sed inchoatiuē, ut explicatum

est. Ac proinde talis demonstratio in genere demonstrationis est quid imperfectum, non constituens veram speciem eius; sed reductiuē pertinet ad illud, sicut de embrione respectu animalis, & intentionibus differentiæ communis, & propriæ respectu proprijsimæ diximus disputat. 7 num. 15. Per quod patet ad confirmationem.

Ad secundum responderetur, tam assensum conclusionum, quam habitum scientiæ, qui per illos producit, sumere suam unitatem, aut distinctionem ex unitate, aut diuersitate principiorum, non in esse rei, sed in esse scibilis, ut latē explicauimus disputatione sequenti Principia autem ex quibus procedunt demonstratio quia, & propter quid quando sunt intra eandem scientiam, licet sint diuersa in esse rei; non tamen in esse scibilis, & sic non possunt causare diuersitatem essentialem in earum assensibus. Benè autem quando tales demonstrationes pertinent ad diuersas scientias; quia tunc habent principia diuersa in esse scibilis, ut constabit loco citato.

DISPUTATIO XIX.

De scientia, quæ est effectus demonstrationis.

EXPLICATIS essentia, & diuisionibus demonstrationis, ad pleniorẽ eius notitiã agendum est de proprio illius effectu, qui est scientia. Cuius naturam explicat Aristot. c. 2. huius libri: & cap. 10. sequenti agit de diuisione eius in subalternantem, & subalternatam: ac tandem cap. 23. inuestigat, vnde sumatur vnitas, & distinctio scientiæ. Quæ omnia nos in hac disputatione complectemur.

QVAESTIO PRIMA.

Quid sit scientia? & in quo ratio propria subalternationis consistat?

INSUPPOSITA existentia scientiæ, quã experientia ipsa conuincit, nosque contra Heraclitum, & Cratillum ostendimus suprà disputatione 3. numero 7. & disputatione 17. numero 10. *quid sit* illius latè expheandum erat in hac prima parte difficultatis; nisi id à nobis factum esset disputat. 1. num. 46. vbi ex definitione scientiæ actualis ab Aristot. tradita loco citato, definiuimus habitualem cum communi consensu Dialiecticorum, quod sit *Habitus per demonstrationem acquisitus*, vt ibidem explicuimus: & ideò in hoc non est immerandum. Duo tamen libet in præfenti addere.

Primum est, Doctores sic definiẽtes scientiam per demonstrationem, non committere vitiosum circulum, dùm vtuntur priori illa definitione Aristotelis, qua demõ-

strationem definiuit per scientiam, dicens, *esse syllogismum epistemonicon*. Cuius ratio est. Tũ quia hæ definitiones traduntur in diuerso genere causæ: nãm scientia definitur per demonstrationem tãquam per causam efficientem; demonstratio verò per scientiam tanquã per causam finalem; & sic vtraq; secũdum se est conueniens. Tũ etiam, quia ex secunda definitione demonstrationis tradita per causam materiale, cæterisq; conditionibus præmissarum disp. 17. explicatis, redditur quoad nos sufficienter nota demonstratio; vt per eam possimus scientiam ipsam definire.

2. Secundum est, quòd ex ibidem dictis potest denuò definiri essentialiter sciẽtia per suum obiectum sic: *Scientia est habitus circa propositiones vniuersales, necessarias, & mediatas*. Quæ definitio sumitur ex

Arist. 6. Ethic. c. 6. & in ea priores particule exprimunt genus proximum, in quo scientia cōuenit cum habitu principiorum, vt constabit disputat. sequent. n. 29. vbi diuisiones habitus intellectus ordinabimus: per vltimā verò distinguitur ab illo. Est enim propriū habitus principiorū, versari circa propositiones indemonstrabiles, quæ, scilicet, non habent medium, per quod probentur; sed per se ipsas cognoscantur. Et ex his procedit scientia ad demonstrandū suas conclusionēs, ac proinde versatur, circa propositiones mediatas, seu per aliud notas. Videatur Aristot. loco citato, vbi inter alia inquit. *Cū autē scientia existimatio sit de vniuersalibus, & his, quæ necessariò sunt, sintque demonstrabiliū, scientiaque omnis principia; est enim ipsa scientia cum ratione principij rei scibilis, neque est scientia, neque ars, neque prudentia, quod enim est scibile, demonstrabile est, &c.*

3 Per quod etiam excluditur opinio, quam habet Vazq. 1. part. disp. 1. c. 1. & sequuntur aliqui Moderni, assentes, habitum scientiæ non distingui ab habitu principiorum talis scientiæ, sed eundem habitum, quo assentimur principijs, extendi ad assentiendum conclusionibus. Est enim hæc sententia, tū contra commarem cōsensum Dialecticorum, tū etiam expressè contra Aristot. non solum loco citato, vbi post verba adducta, cōcludit circa principia constituentem esse alium habitum distinctum à scientia, prudentia, & arte, quem

appellat intellectum; sed etiam libro 2. Posteriorum cap. vlt. vbi inter alias mouet hanc quæstionem; an de principijs sit scientia, vel aliquis alius habitus, his verbis. *Dubitauerit autem quispiam: eorum, quæ medijs vacant, cognitio eadem sit, nequene? & utrū scientia utriusque sit, nequene? aut alterius quidem scientia, alterius autem aliquid aliud genus, &c.* Cui quæstioni respondetur sic. *Hæc isaque cum ita sint, scientia quidem principiorum non erit. Sed cū fieri nequeat, vt aliud quidquam verius scientia, quam intellectus ipse sit, intellectus profectò principiorum habitus erit, &c.*

Quod etiam probatur duplici ratione, quam adducit D. Tho. ibidem l. 2. q. 1. Prima est: quia omnis scientia sit ex aliqua rationatione demonstratiua, cū sit cognitio rei per causam: ergo præsupponit cognitionem ipsius causæ, seu principij: ergo per ipsam scientiam non cognoscitur principium. ¶ Secunda est: quia demonstratio non necessariò est principium demonstrationis; alioquin procederetur in infinitum. Cum igitur demonstratio scientiam causet, sequitur, quòd neque scientia possit esse principium scientiæ, ita, scilicet, quòd principia scientiarum, per scientiam cognoscantur. Hæc D. Thom.

Et tandem tertio idem conuincitur ex diuersa ratione formali, sub qua sunt assensus principiorū, & conclusionum. Quamuis enim ad assentiendum principijs prærequiratur cognitio sensus, & explicatio ter-

terminorum, vt infra cōstat; hæc tamen materialiter se habēt ad talē assensum, & tota ratio formalis assentiendi illis est immediata cōnexio prædicati cum subiecto; sed hæc non potest esse ratio formalis assentiēdi cōclusionibus, vt patet; siquidem eis assentitur intellectus propter connexionem extremitatum cū medio visam in præmissis: ergo principia, & conclusiones habēt diuersam rationē formale obiecti: & per consequens exposcūt diuersos habitus. Videantur Navarrete, & Nazar. 1. part. quest. 1. art. 1. controuers. 1. qui optimē dictam sententiam impugnant.

4 Circa secundā partē difficultatis; à nomine incipiendo, scientia subalternans idē est, quōd scientia sub se alterā cōtinens: scientia verō subalternata idem, ac scientia, quæ sub altera continetur. Vnde quot modis cōtingit, vnā scientiam sub alia collocari, tot modis dicitur subalternari illi. Tripliciter autem cōtingit, vnā scientiā sub alia collocari, vt notat inter alios Fonseca 4. Metaph. c. 3. q. 2. Primò ratione finis; quādo scilicet, finis vnus cōtinetur sub fine alterius, & ordinatur ad illum. Quo sensu artes ministræ dicūt subalternari dominis, vt frenesca gloria equestri, equestris militari, & militaris politicæ: quia frenū ordinatur ad rectē equitandū, recta equitatio ad victoriam, & hæc ad tranquillitatē Reipub. Hic tamen modus subalternationis imperfectissimus est, & secundum eum melius dicitur, vnā scientiā, aut artē deservire alteri, quā subalternari

illi; & idē de illo in presenti non agimus. Secūdo modo vna scientia collocatur sub alia ratione principiorum tantūquādo, scilicet, licet obiectum illius nō contineatur sub obiecto alterius; aliqua tamen eius principia demonstrantur in alia. Quomodò Medicina subalternatur Geometria; & Geometria Arithmeticæ: quia quāvis corpus sanabile non cōtineatur sub quantitate cōtinua, neque hæc sub numero, vt patet; tamē Geometria demonstrat aliqua principia Medicinæ, vt cer-

nitur in exemplo disp. præcedenti, n. 55. adducto de vulnere circulari; & similiter Arithmetica demon-



strat aliqua principia Geometria, vt quōd diameter quadrati sit incōmensurabilis cōsta. De quo videri potest Euclides lib. 10. Elemētū, & Masl. in hoc lib. c. 10. sect. 2. q. 1.

5 Caterū hic etiā modus nō pertingit ad propriā, & perfectā, subalternationē, vt rectē probat Soto ibid. q. 5. ad cōfirmationem quinti argumēti. Tū quia nō attēditur ex parte obiecti, à quo sumi debet tota ratio habitus. Tū etiā, quia vt postea videbimus, ad propriā subalternationē requiritur, vt vna scientia totaliter dependeat ab alia in ratione scientiæ; ac proinde inferior debet accipere à superiori omnia sua principia. Quod non inuenitur in presenti, vt patet: Equidem multa sunt principia Medicinæ, in quibus nullatenus dependet à Geometria; & multa Geometria,

quæ non probantur ab Arithmetica. Tùm denique: quia quòd vna scientia in aliqua particulari conclusione pendeat ex aliquo principio alterius, solum arguit, sciētias inter se esse connexas, & se inuicem iuuare, quæ exigentia, seu necessitas inuenitur etiam in scientijs perfectioribus respectu imperfectiorum, verbi gratia, principium est in Geometria, quòd *A quolibet puncto in punctum potest duci linea;* & tamen id probatur in Philosophia, quæ est scientia imperfectior; quia duo puncta non possunt esse immediata. Similiter multa supponit sacra Theologia de virtutibus, & vitijs, quæ probantur in Philosophia Morali; cùm tamen Geometria propriè non subalternetur Philosophiæ naturali; & multo minus Theologiæ Morali; ergo talis dependentia, seu continentia ex parte principiorum tantùm, non constituit veram, & propriam subalternationem, quam in præsentia inuestigamus.

6 Tertiò tandem modo vna scientia collocatur sub alia ratione obiecti: quandò, scilicet, obiectum vnius continetur sub obiecto alterius. Et de hac subalternatione loquitur Aristot. capit. 10. huius libri, cùm ait: *Huiusmodi autem sunt, quæcumque sic se habent ad inuicem, quòd alteram sub altero est, vt Speculatiua ad Geometriam, & Machinatiua ad Sthereometriam, & Harmonica, ad Arithmeticam, &c.* Quæ verba exponens Commentator commento 30. inquit. *Id accidere in omnibus, quorum subie-*

cta sunt quedam sub quibusdā, &c.

Hoc autem dupliciter contingit, vt notat D. Thom. ibidem lect. 25. Vno modo, quandò obiectum vnius scientiæ continetur essentialiter sub obiecto alterius; quia nimirum addit illi differentiam essentialem, & est species eius. Quomodò cælum, elementa, & animalia continentur sub corpore naturalis; & idè scientia de cælo, elementis, aut animalibus dicitur subalternari Physicæ. Et generaliter omnes scientiæ in hoc sensu dicuntur subalternari Metaphysicæ: quia sub ente, quod est obiectum eius, continentur essentialiter obiecta cæterarum.

Alio modo id contingit, quandò obiectum vnius continetur accidentaliter sub obiecto alterius; quia nimirum addit illi differentiam omninò accidentalem, & extraneam; comparaturque ad illud, sicut materiale ad formale. Et hoc modo Musica subalternatur Arithmeticæ: quia numerus sonorus, qui est obiectum Musicæ, addit supra numerum, qui est obiectum Arithmeticæ, sonoritatem, quæ est differentia omninò accidentalis, & extranea. Simili modo perspectiua, quæ agit de linea visuali, subalternatur Geometriæ, quæ agit de linea, siquidem visualitas est differentia accidentalis respectu lineæ. Et tandem, vt omittamus alia exempla Aristotelis. Sthereometriæ, quæ agit de figuris corporum, subalternatur hoc modo Machinatiuæ, quæ tales figuras applicat ad ligna, & alias materias, ex quibus conciu-

tur bellica instrumenta, & machina.

7 Vbi tandem considerandum est, quòd ad constituendam scientiam subalternatam hoc ultimo modo, non sufficit quaecumque differentia accidentalis addita obiecto superioris. Iam enim tot essent scientiæ subalternatæ, quot accidentia possent addi tali obiecto, dareturque scientia de numero colorato, aut linea frigida, &c. sicut datur de numero sonoro, & linea visuali, quod est absurdum. Requiritur ergo, quòd differentia illa accidentalis, seu materia extranea sit talis naturæ, ut ex conjunctione ad obiectum superioris scientiæ, habeat speciales passionēs, quæ possint de ipsa demonstrari; & consequenter constituat speciale genus scibilis. Ut patet in exemplis adductis: sonus enim sic est materia accidentalis, & extranea respectu numeri, ut tamē ex conjunctione ad ipsum resultent in sonis speciales passionēs, nēpē consonantiæ: quæ neque oriuntur à sonis secundum se, neque à numero secundum se; sed à numero applicato sonis, seu à sonis ut habentibus in se numerum. Propter quod numerus sonorus constituit speciale genus scibilis; & idem est de linea visuali, & alijs similibus. Sed de hoc redibit sermo quæstione sequenti.

His suppositis; certum est apud DD. scientias, quæ hoc secundo modo continentur sub alijs, esse propriè subalternatas. (Quamvis non sit parum difficile; quomodò possint esse veræ scientiæ, de quo loco cita-

to.) Dubitatur tamen: an etiam scientiæ, quarum obiecta continentur essentialiter sub obiecto alterius, ut sunt omnes respectu Metaphysicæ, sint propriè subalternatæ.

8 Partem affirmatiivam defendunt alii, quorum meminit Suarez disputatione prima Metaphysicæ sectione prima, numer. 45. potestque probari primò ex Aristotele primo Physicorum, textu 8. ubi affirmat; Metaphysicam tanquam reginam, & dominā omnium scientiarum, probare earum principia; sed hoc est proprium subalternantis respectu subalternatæ; quandoquidem hæc recipit ab illa sua principia: ergo Metaphysica est scientia subalternans respectu aliarum.

Secundò: quia scientia subalternata absque subalternante nō cognoscit perfectè suas conclusionēs: sed conclusionēs omnium scientiarum nō cognoscuntur perfectè absque Metaphysica, quæ docet quomodò sint entia, & bona; substantiæ, vel accidentia: ergo illæ propriè Metaphysicæ subalternantur.

Tertiò: quia omnis scientia, aut est subalternans, aut subalternata: sed Metaphysica non est subalternata respectu alicuius: ergo est subalternans respectu omnium. Minor, & consequentia constant. Maior autem probatur. Tūm, quia hæc videtur esse mens Aristotelis, cap. 10. huius libri, ubi sicut dividit demonstrationem in quia, & propter quid, sic dividit scientiam in subalternatam, & subalternantem: sed

illa est adequata diuisione demonstrationis: ergo hæc scientiæ. Tùm etiam, quia omnis scientia, vel respicit obiectum simplex, idest, absq; admixtione alicuius extranei, vel respicit obiectum complexum, seu habens se ex additione differentie accidentalis; sed hæc sunt rationes constitutiue scientie subalternatis, & subalternata: ergo omnis scientia vel est subalternans, vel subalternata.

6 Nihilominus dicendum est, quòd licet scientiæ, quarum obiectum essentialiter continetur sub obiecto alterius, vt sunt ceteræ respectu Metaphysicæ, possint improprie, secundum quid appellari subalternatæ; propria tamen subalternatio solum inuenitur, quando obiectum vnius scientiæ continetur accidentaliter sub obiecto alterius, modo explicato. Hæc est sententia Aristotelis, tùm capit. 7. huius libri, tùm etiam verbis suprâ adductis ex ca. 10. vt ibi explicant communiter Interpretes. Vbi idem docet D. Thom. lect. 15. & 25. quæ sequuntur eius discipuli, Caietanus in hoc cap. 13. & 1. part. quest. 1. art. 2. Banez ibidem dubio 2. Zumel quest. 3. Iabellus lib. 1. Metaphysicæ quest. 2. Arauxo ibidem q. 4. art. 1. Soncinas lib. 4. quest. 9. Zannardus lib. 6. q. 7. Sanchez in Logica lib. 7. q. 12. Soto, & Masius vbi suprâ, Rubio hic tractatu de subalternatione, Suarez loco citato, & communiter Doctores.

Probatur conclusio ratione, quia videntur Iabellus, & plures alij Thomistæ citati. Quia illa scientia dici-

tur proprie, & in rigore subalternata, quæ ita intrinsecè dependet ab alia, vt si illi non subalternaretur, non esset scientia, neque haberet viam ad probandum suas conclusiones; vnde etiâ prouenit, quòd accipiat à subalternante principia, per quæ procedat ad tales conclusiones cognoscendas, vt docet D. Thom. 1. part. quest. 1. art. 2. Sed hoc non inuenitur in scientia, cuius obiectum essentialiter continetur sub obiecto alterius; sed solum quando continetur accidentaliter modo explicato: ergo, &c. Maior est certa; & probatur minor: quia quòd obiectum vnius scientiæ addit differentiam essentialem supra obiectum alterius, scientia inferior habet absque superiori, vnde probat suas conclusiones, nempe talē differentiam, seu gradum essentialem, qui est verum principium, & proprium propter quid passionum, quæ ab illo dimanant; ita quòd si per impossibile non darentur alij gradus, adhuc ille haberet suas proprias passiones; ac proinde scientia sic inferior non accipit à superiori principia, & consequenter neque pendet in suo esse ab illa. At verò quando obiectum vnius scientiæ addit supra obiectum alterius differentiam omnino accidentalem, & extraneam, ipsum obiectum superioris pertinet ad proprium propter quid passionum, quæ in scientia inferiori demonstrantur de tali materia extranea; siquidem ab hac in tantum oriuntur illæ, in quantum ei coniungitur obiectum superioris; quod si auferretur; non

dimana-

animarent tales passiones, vt supra vidimus: ergo scientia sic inferior non habet absque superiori, vnde probet suas conclusiones, & per consequens ab illa accipit principia, penderque omninò in ratione scientiæ.

10. Secundò probatur: quia scientia propriè subalternata non subordinatur proximè, & per se habitui principiorum; sed alteri scientiæ: ergo proximè non procedit ex principiis, quæ sint propositiones immediatæ, & per se notæ; sed mediata, & demonstrabiles in alia scientia. Sed hoc tantum contingit, quando obiectum vnius addit differentiam accidentalem: ergo tunc solum contingit propria subalternatio. Antecedens constat ex ipsa nominis significatione. Etenim illam appellamus scientiam propriè subalternatam, quæ proximè, & per se subordinatur alteri; incipitque, vbi definit illa, & cuius principia sunt conclusiones alterius. Prima etiam consequentia est manifesta: siquidem in hoc distinguuntur habitus principiorum, & scientiæ; quòd ille versatur circa propositiones immediatas, & per se notas, hæc verò circa mediatas, & demonstrabiles, vt supra vidimus. Minor verò subsumpta probatur: quia scientia, cuius obiectum addit differentiam essentialē; per ipsam potest immediatè probare suas passiones: quæ verò addit differentiam accidentalem, necessariò assumit vt medium passionis obiecti superioris, vt patebit discurrenti per singulas: ergo in illa

saltem aliqua præmissarum est propositio immediata, & per se nota; in hac verò omnes sunt mediatæ, & demonstrabiles.

Confirmatur primò; quia scientia, cuius obiectum addit differentiam omninò accidentalem, pendet à superiori in ipsa ratione formali sub qua obiecti, quæ, vt infra videbimus, sunt prima principia, per quæ procedit; ac proinde propriè illuminatur à superiori. Quod non contingit in scientia, cuius obiectum addit differentiam essentialē; siquidem hæc habet alia principia, & aliud lumen; ergo illa est propriè subalternata, non autem ista.

Secundò cōfirmatur; quia scientia propriè subalternata tantum demonstrat de suo obiecto, *quia est*; propter quid autem pertinet ad scientiam subalternantem; sed hoc tantum verificatur in scientiis, quarum obiecta addunt differentiam accidentalem: ergo, &c. Maior est expressa Aristotelis loco citato, vt supra disp. 18. num. 38. vidimus: satisque ex dictis constat. Minor verò patet inductione. Nam de Logica, Philosophia, Arithmetica, & alijs scientiis, quæ continentur sub Metaphysica, absurdum esset dicere, quòd non demonstrant *propter quid*, sed tantum *quia*; & tamen id necessariò asserendum est de Musica, Perspectiva, Machinativa, & alijs huiusmodi, quarum obiecta addunt differentiam accidentalem: ergo quamvis aliæ scientiæ possint improprie, & secundum quid appellari subalternatæ respectu Metaphysicæ, quatenus hac ratione

lue perfectionis, & propter vniuersalitatē sui obiecti quodammodo continet illas; propria tamen subalternatio solum cōtingit, quando obiectum vnius cōtinetur accidentaliter sub alio, vt explicatum est.

11 Ad argumenta respondetur. Ad primum, quod vt recte explicat Diuus Thomas ibidem lect. 2. potius Aristoteles condistinguit Metaphysicā a scientia propriē subalternante. Docet enim, quod ad Philosophiam naturalem, aut aliam scientiam particularem non pertinet probare sua principia, aut soluere rationes, quæ contra illa sunt; sed id inquit pertinere, vel ad aliquam aliam scientiam particularem, si habeat subalternantem, vt principia Mūsicæ probantur in Arithmetica; vel ad scientiam generalem, & communem, vt principia Philosophiæ probantur in Metaphysica. Ex quo potius sequitur, Metaphysicā non esse propriē subalternantem.

Ad id autem, quod contra hoc assumitur in argumento, respondetur, quod diuerso modo Metaphysica probat principia aliarū scientiarum; & subalternans, subalternata. Cum enim huius principia proxima sint conclusiones subalternantis; inde est, quod subalternans per se, directe, & per propriam causam probat principia subalternare. Aliæ verò scientiæ intra propriam similitudinem habent principia verē immediata, & per se nota: & ideo Metaphysica solum potest illa probare, quasi per accidens, & indire-

ctē, arguendo scilicet contra negantes illa ad hominem, vel per causam remotam, aut ducendo ad impossibile.

12 Ad secundum respondetur; ad perfectionem debitam cuiuscūque scientiæ inferioris non esse necessarium, vt conclusiones cognoscantur secundū omnia prædicata; sed solum quoad ea, quæ sub tali scientia cadunt: alias nulla esset scientia perfecta intra suam speciem. Sed dato, quod hæc esset imperfectio; adhuc nihil sequitur. Quia non quæcūque imperfectio cognitionis in conclusionibus scientiæ inferioris arguit eam esse propriē subalternatam; sed solum illa, quæ non pertingit ad cognoscendum propter quid talium conclusionum absque scientia superiori. Quam imperfectiōem non habent aliæ scientiæ respectu Metaphysicæ, vt ex dictis patet.

Ad tertium negatur maior. Vt enim benè probant Caietanus, Arauxo, & alij Thomistæ citati, diuisum huius diuisionis nō est scientia in tota sua latitudine; sed scientia subalternatim posita; quæ scilicet per se, & intrinsecè respicit aliam, & petit coniungi illi, quam si contineat, est subalternans; si verò contineatur, subalternata. ¶ Ad primam autem probationem illius maioris respondetur; ibi Aristotelem non dixisse, semper quod sunt demonstrationes quia, & propter quid, constitui scientiam subalternantem, & subalternatam, sed quod aliquādo quia, & propter quid pertinent ad tales scientias. Ex quo nihil

nihil sequitur cōtra nos. ¶ Ad secundam probationem negatur minor quoad primam partem. Nam respicere obiectum simplex præcise, non est ratio cōstitutiva sciētiæ subalternantis; sed respicere obiectū simplex subalternatum se habēs ad aliud, vt explicatum est.

13 ¶ Ex dictis perspicuz remanent conditiones proprię subalternationis, quas ex B. Albert. cap.

13. huius lib. tradit ibidem Caiet. &

admittunt communiter Doctores; quas ad calcem huius difficultatis

colligere, expediens iudicauimus. Prima est, quod obiectum subalter-

nata contrahat obiectum subalter-

nantis; & se habeat ex additione ad

illud. D. f. 1. cuius Medicina propriē

non subalternatur Geometrię; neque hæc, Philosophiæ. Secunda,

quod addat illi differentiam acci-

dēntalem. Defectus cuius ceterę sciē-

tię non subalternantur Metaphysi-

cę, neque scientia de specie scienti-

æ de genere, imò ferè semper ea-

dem est scientia de troquē. Tertia,

quod talis differentia non sit pro-

pria passio. Nam quamvis hæc sit

differentia quodammodo acciden-

talis nō tamē est omnino extra es-

sentiā, neq; purē accidentalis; & ideo

non pertinet ad distinctā scientiā,

ac subiectum, cuius est passio, quod

necessarium est ad propriam subal-

ternationem. Quarta, quod talis

differentia accidentalis, seu mate-

ria extranea non sit quæcūque; sed

solum ea, in qua ex coniunctione

ad obiectum superioris oriūtur spe-

ciales passionēs ab ipsa demonstra-

biles. Defectu cuius non datur sciē

tia de numero colorato, aut linea calida. Et tandē quinta, quod principia subalternata probetur in subalternatē a priori, & per propriam causam, & per consequēs sint cōclusiones eius.

QV AESTIO II.

An, & quomodo cum subalternatione explicata stet, subalternatam verē esse scientiam?

14 V Aldē difficilis est in hac materia quæstio ista; non quia de ea Auctores dissentiant, sed propter aliqua argumenta, in quibus solendis nimis laborant. Et ideo oportet ea adducere.

Probatur ergo primò, scientiā sic subalternatam non posse esse verē scientiam: quia si obiectum scientiæ subalternatæ addit differētiā omnino accidentalem, & extraneā supra obiectum subalternantis: ergo integrum obiectū scientiæ subalternatæ est ens per accidēs: ergo de illo non potest esse vera scientia. Prima consequentia videtur nota; quia obiectum scientiæ superioris, & talis materia extranea sunt plura entia in actu, & res diuersorum predicamentorum, vt patet in numero sonoro, linea visuali, & similibus: ergo ex illis nō potest fieri vnum per se, sed ens per accidēs. Secunda etiam consequentia patet; quia de ente per accidēs nō potest esse scientia, vt docent, & probant latē Aristoteles 6. Metaph. c. 2. & D. Tho. ibidem lect. 2.

15 Secūdo, quia si scientia subalternata applicat obiectū, & principia

subalternantis ad materiam extraneam; altera præmissarum necessario erit cōtingens, & talis syllogismus descendet ab vno genere in aliud: sed hoc repugnat veræ demonstrationi, & scientiæ: ergo cum tali modo subalternationis nō stat, subalternatā esse veram scientiam. Cōsequentia est evidens. Minorē verò docet expresse Arist. in hoc lib. c. 7. & satis ex dictis constat. Sequela autem probatur: quia scientia subalternata nō potest applicare principia subalternantis ad materiam extraneam, nisi sumēdo pro medio obiectum, aut passionem scientiæ subalternantis: ergo tale obiectum, aut passionem iunguntur in aliqua præmissarum cum illa materia extranea, & per consequens efficiunt propositionē contingētem. Ut patet in hoc syllogismo Musicæ: *Vbi est proportio sexquioctaua datur consonantia: sed tonus habet proportionem sexquioctauam: ergo tonus habet consonantiam*: vbi minor propositio videtur planē contingens; siquidem in ea mediū, scilicet proportio sexquioctaua, quæ est passio quantitatis, applicatur tono, qui est materia extranea; cū sit in prædicamento qualitatis: ergo talis syllogismus non est in rigore demonstratio, neque Musica vera scientia.

Cōfirmatur: quia idē Logica vtes prout sic, nō est sciētia, neq; syllogismi eius demonstrationes, quia ex principijs secundarū intentionū descendit ad entia realia, quæ sunt materia omnino extranea; & per consequens altera præmissarū est cōtingēs, vt diximus supra disp. I. nu.

42. & cōstat in hoc syllogismo: *Genus predicatur de pluribus differentiis specie: animal est genus; ergo animal predicatur, &c.* Vbi minor est propositio contingēs, quia secūda intentio, quæ est mediū, applicatur animali, quod est materia extranea, & ita fit descēsus ex vno genere entis in aliud, quod omnino repugnat demonstrationi, sed hoc idē contingit in Musica, & alijs similibus; si semel admittitur talis modus subalternationis; ergo cum illo nō stat, subalternatā esse verā sciētiā.

16 Nihilominus dicendum est, cū tali modo subalternationis, & conditionibus eius stare, quod subalternatæ sint verę scientiæ. In hac conclusione conveniunt omnes Dialectici cū Arist. c. citato, vbi p. sequā vniuersaliter docuit, demonstrationē nō posse ab vno genere in aliud descendere illis verbis: *Non igitur fieri potest, vt ex alio genere quisquā in aliud trāsiret, quidquam demonstraret, veluti cōclūsiōem geometricā, arithmetica demonstratione, &c.* subiungit: *Hoc autē, vt in quibusdā fieri potest, posterius explicabitur.* Quod post pauca explicat de Musica, Perspectiva, & alijs huiusmodi scientijs subalternatis; de quibus inquit, non omnino transire de vno genere in aliud, sed aliqua ex parte, vt infra explicabimus.

Probatur breuiter cōclusio: quia tunc scire arbitramur vnamquāque rem; cū putamus, causam cognoscere, ob quam res est, illius causam esse, neque posse eam aliter se habere, vt patet ex cap. secūdo huius libri. Sed quando in Perspectiva, ex hoc

hoc principio Geometriæ, quod, *Linea ducta ab eadem basi ad punctum distantius causant minorem angulum.* Concludimus, res à longè vifas apparere minores; cognoscimus hanc esse propriam causam talis conclusionis, neque posse eam aliter se habere: & idè est, quando in Musica ex principiis Arithmeticæ, concludimus, numerum sonorum causare consonantiam, & sic de alijs: ergo verè scimus in huiusmodi subalternatis; & per consequens sunt verè scientiæ. Quod ampliùs constabit ex solutione argumentorum.

17 Ad primū aliqui Antiqui, quos refert S. Hieron. 4. Metaph. questione 9. & sequitur Mas. in hoc lib. cap. 10. sect. 2. q. 2. respondēt, obiectum scientiæ subalternatū, vt numerum sonorum, aut lineam visivalem, esse quidem ens per accidēs in genere rei; sed in genere scibilis esse vnum per se; & hoc sufficere, vt de illo sit vera scientia.

Hæc tamen solutio est omninò falsa, & cōtra Aristotelē loco citato in argumento, vbi entia per accidēs omninò reijcit à scientijs, dicens: *Cū itaque ens multipliciter datur, primū de eo, quod secundū accidens est, dicentū, quod nulla circa illud speculatio est. Signū autē, quod nulla scientiæ curæ est illud, neque actiua, neque speculatiua, &c.* Quod etiam ratione conuincitur: quia id quod est obiectum alicuius scientiæ debet definiri, & habere proprias passiones, quæ demonstrētur in tali scientia: sed quod est vnū per accidens in genere rei, non potest definiri, neque habere passiones, quæ de

illo demonstrētur, vt potè quod nō habet vnica essentia, à qua dimanet, vt ostendimus supra disp. 13. n. 68. ergo nō potest esse obiectū scientiæ.

Secundò: quia omninò repugnat id, quod in genere rei est ens per accidēs, esse vnum per se in genere scibilis: ergo falsum supponit dicta solutio. Probatur antecedens: nūm, quia genus scibilis fundatur super rei, solūque addit supra illud habitudinē quandā, & ordinem ad principia, per quæ passiones eius cognoscuntur, vt infra constabit, ergo ens nō habēs per se passiones de ipso demonstrabiles, non potest esse per se scibile: at etiā, quia si semel admittitur, id, quod in genere rei est ens per accidens, posse esse vnū per se in genere scibilis; iam quolibet differentia accidentalis addita obiecto scientiæ subalternatis, constituet obiectū per se scibile à subalternata; dabiturque scientia de numero colorato, aut linea calida, sicut datur de numero sonoro, aut linea visuali, quod est absurdum.

Respondebis, ex cōiunctione sonori ad numerum, aut visualis ad lineam, oriri speciales passiones, quod nō contingit in numero colorato, aut linea calida; & sic nō esse eandem rationē. ¶ Sed cōtrā est: quia hæc solutio planè destruit se ipsam. Nā differentia ista non potest aliunde provenire, nisi ex eo, quod inter sonorū, & numerū, aut virtuale, & lineam sit specialis aliqua cōnexio, ratione cuius coeant in eandem rationem per se, ad quam sequantur tales passiones, & propter cuius defectum similes passiones nō consequuntur

ad numerum coloratum, aut lineâ calidam; ergo iam tenetur concedere, obiectum scientiæ subalternatæ esse vnum per se in genere entis, cuius contrarium contendit hæc solutio.

18 ¶ Secundò ad argumentum respòdet Soncinas vbi supra, obiectum scientiæ subalternatæ esse vnũ per se in genere entis. Quia quãuis differentia quam addit supra obiectum superioris, non sit essentialis, nõ est tamen omninò accidentalis, sed propria passio eius. Et hac ratione ex vtroque fieri vnum per se.

Sed hæc etiam solutio falso niti-
tur fundamēto; & optimè reijcitur à Caiet. cap. 13. citato. Tũ, quia iam nõ distingueretur scientia subalternans, & subalternata; siquidem ad eandem scientiã pertinet agere de subiecto, & de propria passio-
ne. Tũ etiam, quia numerus, aut linea secundũ se abstrahit à materia sensibili: ergo sonorum, aut visuale non possant esse passiones eorum. Tũ denique, quia adhuc secundũ istam solutionem nõ saluatur, obiectum subalternatæ esse vnum per se. Nam ex subiecto, & propria passione fit vnum per acci-
dens, non minùs, ac ex subiecto, & accidenti communi: siquidem, *homo risibilis*, ita constat rebus diuersorũ prædicamentorũ, sicut *homo albus*.

19 ¶ His ergo, & alijs sententijs relictis, tertiã, & vera solutio est, quam tradunt Caiet. loco citato, Sanchez lib. 7. Logicæ quæst. 18. Arauxo lib. 1. Metaph. quæst. 4. art. 1. Zanardus lib. 6. quæst. 7. Rubio hic tractatu de subalternatione, nu.

27. & cõmuniter Doctores, asseren-
tes, quòd licet differētia, quam ad-
dit scientia subalternata supra obie-
ctum subalternatũ, sit accidentalis,
& extranea; adhuc tamẽ obiectum
subalternatæ est vnum per se.

Pro cuius explicatione primò,
vt certum statuendum est, obiectũ
subalternatæ, neque esse solũ obie-
ctum subalternatũ; neque solã dif-
ferentiam accidentalem, quæ addi-
tur: sed vtrũque simul: verbi gratia
obiectum Musicę, neque est nume-
rus tantũ, neque tantũ sonorũ;
sed totum hoc simul, scilicet nume-
rus sonorus. Cuius ratio est mani-
festa; quia numerus solũ est obie-
ctum Arithmeticę: sonorum etiam
seorsim sumptum pertinet ad Phi-
losophiam: inter has autẽ scientias
Musica est media, & ab vtraque di-
stincta: ergo neutrum solũ; sed
vtrumque simul considerat, vt pro-
prium obiectum. Quo supposito,
duo restant explicanda. Alterum
est: quo pacto vtrumque istud cõsi-
deretur in Musica. Alterum vero,
quo pacto ex vtroque fiat vnũ per
se. Pro quo.

20 Secundò notandum est, qua-
drupliciter posse excogitari, quòd
Musica cõsideret totum hoc, quod
est numerus sonorus. Primò, ita vt
vtrumque quasi in recto secundũ
suas proprias rationes formales
pertineat ad istã scientiam. Et hoc
non potest esse: tũ, quia sic efficiunt
vnũ per acci-
dens, vt patet: tũ etiã,
quia secundũ tales rationes for-
males sunt scibilia à duabus scien-
tijs: ergo prout sic non possunt ad
tertiã aliam pertinere.

Secundò,

Secundò, ita quòd vnum eorum sit obiectum formale, & per se; alterum materiale, & per accidens: sicut respectu sensuum se habent sensibile proprium, & per accidens, vt album, & homo respectu visus. Et neque hoc etià dici potest. Quia vtrūque istud, scilicet numerus sonorus, per se consideratur in Musica; siquidem passiones, quas demonstrat, vtrique per se conueniunt. Nō enim numerus secundum se, aut sonus secundum se, habent consonantiam; sed numerus, vt est in sonis, vel sonus, vt habet numeros.

Tertio modo potest intelligi, quòd vtrumque istud consideretur in Musica, non secundum proprias rationes; sed secundum aliquod tertium compositum resultans ex ipsis. Et neque hoc etiā dici potest: tū, quia illud tertium resultans esset vnum per accidens: tū etiam, quia iam nō verificaretur, Musicā considerare vtrumque; sed illud tertium, quod resultat: tū denique, quia in quibus per accidens, compositum non est aliquid præter suas partes, vt ex Aristot. docet D. Tho. 7. Metaphys. lect. 17.

Quarto ergo modo potest, & debet intelligi, Musicam considerare vtrumque istud, scilicet numerum sonorum, non secundum suas proprias rationes quasi in recto; sed secundum quòd vnū intrat in ratione alterius, & est principium eius. Pro cuius intelligentia

21 Tertio notandum est, sonorum posse dupliciter considerari. Vno modo secundum se, prout est obiectum auditus, & solum dicit, quòd

causetur in aëre ex percussione corporum. Et hac ratione non spectat ad Musicam, sed ad Philosophiam. Secundo modo sumitur, vt dicit commentum, & harmoniam. Et sic pertinet ad obiectum Musicæ, includitque quandam correspondentiam ortam ex eo quòd sonus fiat, cum proportionem, & numero. Vnde etiam fit, numerum posse dupliciter considerari. Vno modo secundum se: & sic est obiectum Arithmeticæ. Alio modo, vt est principium illius concentus, seu harmoniæ, quæ fit in sonis; & hoc modo pertinet ad Musicam.

Ex quo iam faciliè intelligitur, quomodo vtrūque istud consideretur in Musica. Consideratur enim quasi in recto sonorum, vt dicit concentus, & harmoniam: & consideratur quasi in obliquo numerus, secundum quòd est principium talis concentus: & sic per se consideratur vtrumque. Idē dicendum est in obiecto Perspectiue. Nam visuale secundum se pertinet ad Philosophiam: & linea secundum se ad Geometriam: sed visuale, secundum quòd fit per angulos, est obiectum Perspectiue. Et sic linea includitur in hoc obiecto vt principium angulorum.

22 Per quod etiam explicatur secundum quod proposuimus; quomodo scilicet efficiant vnum per se? Dicimus enim, quòd sicut linea, & superficies, quamuis secundum se sint duo entia in actu, vtpotè duæ species quantitatatis; nihilominus tamen si linea consideretur, nō vt est diuisibilis secundum propriam dimensionem, sed secundum quòd est principium latitudinis, facit cum illa vnum per

per se; quia superficies est latitudo terminata lineis: sic in presenti; quamvis numerus secundum se sumptus non faciat unum per se cum sonoro; tamen numerus, ut est principium sonori, & sonorum prout terminatur numero, constituit unum per se. Et idem est de linea, & visuali. Ratio autem utriusque est: quia si cur linea non pertinet in recto ad rationem superficiem; sed tanquam principium per quod essentialiter diffinitur; sic numerus non includitur in recto in ratione sonori, neque; linea in ratione visualis; sed tanquam principalia per quae essentialiter diffiniuntur.

Si autem quaeras: supposito quod obiectum hoc scientiae subalternata est unum per se, in quo praedicamento est collocandus? Respondetur, numerum sonorum, prout est obiectum Musicae, esse in genere qualitatis; & in tertia specie; & idem esse de obiecto Perspectivae; quia ad hoc prout sic sunt obiecta auditus, & visus. ¶ Si vero dicas, numerum includi in obiecto Musicae; qui tamen non potest pertinere ad praedicamentum qualitatis. Respondetur: quod, quamvis numerus secundum se sit quantitas; tamen prout est principium sonori, est reductivum in praedicamentum qualitatis; quemadmodum linea, ut principium superficiem est reductivum in specie superficiem, & prout est pars trianguli est reductivum in genere qualitatis, & in quarta specie figurae.

23 Per quae tandem explicata remanet tertia solutio superposita, propter quam haec omnia

adducta sunt. Simul enim est verum; differentia, quam addit scientia subalternata supra obiectum subalternantis, esse omnino accidentalem, & extraneam illi; siquidem ad rationem numeri, aut lineae omnino per accidens se habet ratio sonori, aut visualis; ut potest quae secundum se sunt accidentia communia alterius praedicamenti; & tamen ambo efficere unum per se modo explicato; siquidem est contra sonorum, & visuale, ut considerantur a Musica, & Perspectiva, per se dependent a numero, & linea, tanquam a principiis, per quae diffiniuntur. Per quod denique intelligitur: quare sonorum additum numero faciat obiectum scientiae subalternatae; non vero coloratum, aut alia differentia accidentalis. Quia nimirum numerus est per se principium sonori, & sonorum per se dependet a numero, quod non invenitur in aliis accidentibus. In quibus tamen hoc contigerit, constituetur verum obiectum scientiae subalternatae, ut patet in obiectis Perspectivae, Machinativae, Astrologiae, & aliarum similium.

24 Ad secundum argumentum neganda est sequela. Ad cuius probationem respondetur, scientiam subalternatam non applicare obiectum subalternantis ad quaecumque materia accidentalem; sed ad eam, quae per se dependet a tali obiecto tanquam a principio, per quod definitur ut dictum est. Quare sicut linea, ut est principium superficiem, ponitur in obiecto in definitione essentiali eius: (superficies enim est quantitas continuata lineis) & propterea talis praedicatio reducitur ad primum modum

dū dicēdi per se, & cōsequenter est necessaria; sic numerus, ut est principium sonori, & similiter proportionēs, ut sūt principia consonantiarū, ponūtur in diffinitionibus earū; ac proinde nō cōtingēt, sed necessariō predicātur de illis. Neq; in similibus syllogismis propriē, & simpliciter sit descēsus ab vno genere in alio; siquidē omnes termini, qui in recto ponūtur in eis, sūt eiusdem prædicamenti. Fit tamē descēsus, secundū quid, & ex parte, ut inquit Arist. c. 7. citato; quia numerus ipse & proportionēs, quæ ponuntur in obliquo, sūt secundū esse alterius prædicamenti.

Per quod tandē resp. ad cōfirmationē negā lo minorē. Et ratio disparitatis est: quia secū lē inrēctiōes ex quibus Logica vtens procedit, nullo modo ponūtur in diffinitionibus entium realiū, neq; hæc per se pēdēt ab illis; numerus verō, aut linea ponūtur in diffinitionibus sonori, aut visualis, & per se predicātur de eis. Propter quod in syllogismi Logicæ vtētis aliqua præmissarum est cōtingens, sitque propriē descēsus ab vno genere in aliud, non verō in syllogismis Musicæ, aut Perspectiue, ut explicatum est.

Q V A E S T I O III.

An scientia subalternata sit verē scientia in eo, qui non habet subalternantem?

25 SVpposito, quod cū subalternatione explicata sit subalternatā secundū se esse verā sciētiā: certū est, id maximē habere locū, quādo final cū illa inuenitur scientia

subalternans; ut quando habens Musicā, habet etiā Arithmeticā. Tunc enim Musicus certō, & euidenter cognoscit principia, & conclusionēs: scitque has resolue in illa: & per cōsequens nihil deficit, ut Musica sit verē, & perfectē sciētiā. Vnde solū est difficultas in eo, qui nō habet sciētiā subalternantē: an scilicet Musicus nō habens Arithmeticā, sed procedēs ex principiis eius per fidē à Magistro acceptis, habeat veram scientiam Musicæ.

Parrē. negatiuā defendunt Soncinas 4. Metaph. q. 9. Suarez disp. 1. sect. 5. Vazq. 1. p. disp. 4. c. 5. & 6. Valentia ibidem, disp. 1. quæst. 1. puncto 3. Raphael de Auerſa hic q. 27. sect. 6. & alij Moderni.

Probatur primō hæc sentētia ex Arist. c. 2. huius lib. vbi reddens rationē, quare demonstratio debeat procedere ex primis, & immediatis, inquit: *Quia nō sciet non habens demonstrationē ipsorū. Scire enim non per accidens ea, quorū est demonstratio, nihil aliud est sanē, quā demonstrationē habere.* Quorū verborū sensus est, ut explicat D. Thomas, quod nō cōtingit aliquē habere sciētiā, nisi habeat demonstrationē eorū, quorū potest esse demonstratio, quia aliās nō posset resolue cōclusionēs vsque ad prima principia. Qui enim procedit ex præmissis mediatis, & demonstrabilibus (inquit D. Thom.) si non habet demonstrationē illarū, non sciet præmissas, & ex consequenti neque conclusionem propter præmissas. Sed carens scientia subalternante non scit per demonstrationem præmis-

præmissas subalternatæ; neque potest illas resolvere vsque ad prima principia, vt patet; ergo non habet veram scientiam.

Secundò patet ex eodem D. Tho. q. 14. de veritate, art. 9. vbi sic ait: *Quacumque sciuntur (proprie accepta scientia) cognoscuntur per resolutionē in prima principia, quæ per se præstò sunt intellectui: & sic omnis scientia in visione rei presentis perficitur. Vnde impossibile est, quòd de eodem sit fides, & scientia.* Et in 3. distinct. 33. q. 1. art. 2. quæstiuncula 4. *Si esset aliqua scientia, quæ non posset reduci ad principia naturaliter cognita; non esset eiusdem speciei cum alijs scientijs, neque uniuocè scientia diceretur.* Ergo tenet D. Thom. ad veram rationem scientiæ necessarium esse, vt ei, qui vtitur demonstratione, principia sint euidenter nota. & non solum fide credita.

26 Tertiò probatur ratione, quia euidentia cõclusionis est de ratione intrinseca scientiæ, saltem naturalis: sed ex principijs acceptis per solam fidem à Magistro, non potest haberi cognitio euidentis conclusionis: ergo neque vera sciẽtia. Maior cõstat ex ipsa definitione scientiæ, quæ est habitus certus, & euidens per demonstrationem acquisitus. Minor verò probatur, quia totus ille discursus fundatur in humana fide Magistri; sed hæc nõ facit euidentiam principiorum, vt patet; ergo neque ex ea potest haberi euidentia conclusionis.

Confirmatur, quia de ratione scientiæ est, quòd sit virtus intel-

lectualis, vt patet 6. Ethicorum; & consequenter, quòd sit dispositio perfecti ad optimum actum, quæ est definitio virtutis ex 7. Physicorum, adducta à D. Thom. 1. 2. quæstione 71. artic. 1. sed habitus, qui non potest prodire in assensum euidentem conclusionis, non est virtus intellectualis: ergo neque erit scientia. Maior constat; & probatur minor. Quia optima dispositio intellectus circa conclusionem est illa, quæ proximè disponit ipsum ad euidentem assensum, qui est optimus illius actus; ergo habitus, qui non potest in talem assensum prodire, non est virtus intellectualis.

Quartò, quia saltem certitudo est adedò intrinseca assensui scientifico, vt absq; illa nullo modo possit consistere vera ratio scientiæ, etiam sub ratione dispositionis, quântumuis imperfectæ; sed assentiens conclusionibus Musicæ ex principijs per fidem à Magistro acceptis non habet certitudinem earum; ergo neque veram scientiam. Maior ex se patet; nam per certitudinem distinguitur scientia ab opinione, & fide humana. Minor verò probatur, quia in demõstratione tota certitudo conclusionis pendet ex certitudine præmissarum, non secus ac veritas, aut necessitas conclusionis sumitur ex veritate, vel necessitate præmissarum; sed qui per solâ fidem Magistri assentitur præmissis Musicæ, non habet certitudinē earum, cū fides humana sit fallibilis; ergo inde nõ potest deriuari certitudo ad assensum conclusionis.

27 Nihilominus dicendum est, quod in absentia scientiæ subalternantis potest acquiri subalternata, quæ sit verè, & substantiàliter scientia, non tamen habebit perfectionem, & statum scientiæ; vsque dum acta coniungatur illi, sicut supra disp. 18. num. 53. diximus de scientiâ, quæ acquiritur per demonstrationem quia. Sic docent Caiet. cap. 13. huius lib. & 1. p. q. 1. art. 2. Nazar. ibidem, controuersia 1. Zumel. quæst. 2. Nauarrete controuersia 4. Arauxo lib. 1. Metaph. q. 69. art. 6. & q. 4. artic. 1. Flandria ibidem, q. 8. art. 4. & lib. 4. q. 1. art. 2. Zanard. lib. 6. q. 7. Soto hic q. 5. Sanchez lib. 7. q. 12. & communiter Thomistæ. Estque sententia ita aperta D. Thom. vt meritò dicat Arauxo, cæcos esse aliquos eius discipulos, qui id non vident.

Probatur primò ex prima parte q. 1. art. 2. vbi Angelicus Doctor statuit, Theologiam nostram esse veram scientiam simili modo ac Musica, & aliæ scientiæ subalternatæ, & concludit: *Vnde sicut Musica credit principia sibi tradita ab Arithmetica; ita doctrina sacra credit principia reuelata sibi à Deo.* Quorum verborum planus sensus est; quod sicut ratio scientiæ in Musica saluatur cum sola fide principiorum Arithmeticæ, sic Theologia potest esse vera scientia, quamuis solù habeat fidem suorum principiorum, neque aliter esse alicuius momenti ratio D. Thom. vt consideranti patebit. Videatur opusc. 70. quæst. 2. artic. 2. ad quintum, & septimum, vbi expressè assermat, in scientiis

subalternatis aliquando fidem esse proximum principium scientiæ.

Idem expressius docet quæstione 14. de veritate, articulo 9. ad tertium, his verbis: *Ille qui habet scientiam subalternatam, non perfectè attingit ad rationem sciendi, nisi in quantum eius cognitio continuatur quodammodo cum cognitione eius, qui habet scientiam subalternantem.* Nihilominus tamen inferior sciens non dicitur de his, quæ supponit habere scientiam, sed de conclusionibus, quæ ex principiis suppositis de necessitate concluduntur. Et sic fidelis potest dici habere scientiam de his, quæ concluduntur ex articulis fidei. Ergo ex sententia Diui Thomæ poterit quis imperfectè habere scientiam subalternatam; etiamsi actu non habeat subalternantem, sed solùm credat principia in illa demonstrata.

28 Vt autem ratione probetur conclusio, notandù est cum auctoribus citatis, quod nō sufficit quocumque modo credere principia, quæ demonstrantur in scientia subalternante; sed debent credi absque vlla hæsitatione, aliter enim nō adquireretur scientia, sed opinio. Credimus autem fide humana sine hæsitatione, vt benè notat Sanchez, quando habemus quandam, quæ euidentiā, quæ solet appellari in attestatē; sicut sine hæsitatione credimus esse Romam, aut Indos: quia tot asserentibus, veluti in attestantibus habemus euidentiā. Et per hunc modum credit Musicus sua principia: tūm, quia in eis non conuenirent Arithmetici; nisi essent

essent demonstrata: tunc etiam, quia Musicus ex multis alijs capitibus colligit, Arithmeticum habere veram scientiam talem principiorum, ac proinde habet eorum quandam quasi evidentiam in Magistro attestante.

Quod etiam explicat rectè Nazarius ubi supra ex eo, quod talis fides simpliciter non est humana; quia non est in ordine ad hominem, ut homo est, sed ut scientificus est. Credit enim Musicus Arithmeticus, non ut homo est; sed ut Arithmeticus est, & ideo habet firmitatem, quæ habitui scientifico inde deducendo sufficiat. Maxime cum talis habitus sit valde imperfectus, & dicta fides non concurrat ad illum, quasi in virtute propria; sed in virtute scientiæ subalternantis: hæc enim est per se habitus principiorum subalternatæ, fides verò non nisi per accidens, & loco eius; ad eum modum, quo in Theologia fides diuina substituitur loco luminis gloriæ, quod est proprius, & per se habitus principiorum eius, ut docent Caietan. & alij Thomistæ.

29 Modò faciliè probatur conclusio; quia ratio substantialis scientiæ per se primò solum attenditur penes certitudinem, quæ intellectus adhæret scibili; neque requiritur, quod actu habeat eius evidentiam; dummodò ex natura sua postulet illam, & habeat, quando est in statu perfectò: sed totum hoc habet scientia subalternata in absentia subalternantis cum humana fide principiorum explicata;

ergo in illa saluatur substantialis ratio scientiæ. Maior præterquam quod constat in Theologia nostra, in qua cum sola certitudine absque actuali evidentia saluatur ratio scientiæ iuxta communioem Theologorum sententiam; probatur latè à Nauarrete ubi supra, & Gonzalez eadem prima parte, quæstione prima, articulo secundo, disputatione prima, conclusione tertia. Potestque sic explicari; quia perfectio substantialis intellectus, & habituum eius sumitur per ordinem ad verum sub ratione veri, ac proinde consecutio ipsius veri, seu finis adhæsiō intellectus ad ipsum, in qua consistit certitudo, est quasi finis quo intellectus, & habituum eius. At verò claritas, seu evidentia non est, quod vltimò, & principaliter intendunt intellectus, & habitus eius; sed potius illam exigunt, ut quid alteri deserviens; quatenus scilicet obiectum sub claritate est melius dispositum ad causandum in intellectu firmiorem, & certiolem assensum veritatum: ergo certitudo, & non claritas pertinet per se primò ad perfectionem substantialem assensus scientifici. Minor verò probatur; quia fides humana potest pertingere ad certitudinem, quæ excludat omnem hæsitacionem, ut patet in eo, qui credit Romam esse. Quod etiam contingit in nostro casu; siquidem Musicus credit Arithmetico, non utcumque, sed ut scientificus est, cum quo quodammodò continuatur media tali fide. Ergo illa habet sufficientem

tem certitudinem ad eliciendum imperfectam assensum scientificum.

30 Confirmatur primò: quia *Matrice*, aut cuiuscumque alteri scientiæ subalternatæ ex se, & specie sua conformis est claritas, sed euidencia suorum assensuum, eamque exposcunt in statu perfectò, quem possunt habere, & dum non continguntur subalternantibus, sunt in potentia ad illam obtinentiam: ergo etiam si acta non habeant talem euidenciam, adhuc erunt substantialiter scientiæ. Probatur consequentia; quia ratio scientiæ, sicut & cuiuscumque alterius virtutis, nõ sumitur ex actu, quem habet secundum statum imperfectionis, sed ex illo, ad quem ex natura sua inclinatur: at scientia subalternata, etiam quando est sine subalternante ex natura sua inclinatur ad assensum euidencem: ergo etiam si pro illo statu imperfectionis non possit eum elicere, adhuc erit substantialiter scientia. Videatur pro hac ratione Nanarrete loco citato.

Confirmatur secundò: quia assensus scientiæ subalternatæ per se, & ex specie sua petit procedere tanquam à connaturali, & proprio habitu principiorum à scientia subalternante, quando verò procedit à fide, est quasi per accidens ob defectum subalternantis, cuius loco substituitur, & in cuius virtute operatur ipsa fides: ergo quamvis assensus procedens ab ea per se participet certitudinem: non tamen per se participat obscuri-

tatem sibi annexam: ac proinde in tali assensu nihil est, quod rationi scientiæ repugnet. Antecedens constat ex dictis. Consequentia verò probatur: quia dicta fides non substituitur loco scientiæ subalternantis, neque agit in virtute eius ratione obscuritatis, ut patet; sed ratione certitudinis explicatæ, media qua quodammodò continuatur illi, ergo non influit in assensum obscuritatem, sed certitudinem.

31 Ad argumenta. Ad primum ex Aristotele respondetur primò, quòd ut suprà disputatione 18. numero 50. vidimus, ibi agit Aristoteles de demonstratione, *propter quid*: per quam generatur scientia habens perfectionem, & statum scientiæ. Quod fatemur non posse habere subalternatam sine subalternante, quia ad hanc pertinet propter quid illius: hoc tamen non obstat, quominus possit secundum esse imperfectum generari, licet actu non habeatur demonstratio principiorum, ut explicatum est.

Secundò respondetur, ibi Aristotelem satis se explicuisse, dum addit illam limitationem *non per accidens*. Cuius sensus, ut rectè exponit Divus Thomas, est, quòd per se loquendo, non contingit aliquem habere scientiam, nisi habeat demonstrationem principiorum, quorum potest esse demonstratio; per accidens tamen id potest contingere, si alia via certò cognoscat illa. Verba D. Thom. in explicatione illius particule sunt:

Hoc ideo dicitur, quia possibile esset scire aliquam conclusionem, non habens demonstrationem præmissarum, etiam si essent demonstrabilia: quia sciret eas per alia principia. Sed hoc esset secundum accidens, &c. Et hoc contingit in præsentia: nam conclusio scientiæ subalternatæ per se petit procedere à subalternante; per accidens autem procedit à fide, ut ex dictis patet.

32 Ad secundum ex auctoritatibus Diui Thomæ respondetur. Ad primam, quod ibi sanctus Doctor, ut probet esse impossibile, de eodem habere simul fidem, & scientiam, assignat illarum differentiam ex his, quæ per se, & ex natura sua utriusque conueniunt. Nam fides ex sua specie inclinatur ad assensum obscurum; scientia verò ad assensum clarum, & ad resolutionem in principia euidenter cognita. Et ideo addit, quod scientia in visione rei præsentis perficitur, quod non conuenit fidei, quæ potius in visione rei præsentis destruitur. Quæ omnia verissima sunt; sed cum illis stat, scientiam, quando est in statu imperfecto, actu non assequi talem claritatem, seu visionem rei præsentis. Quod eisdem verbis indicauit Diuus Thomas, dum asserit, scientiam in visione rei præsentis perfici, planè supponens, ante talem visionem esse quidem, sed imperfectum.

Ad secundam auctoritatem respondetur, quod ibi D. Tho. probat, virtutes infusas, & adquisitas differre specie. Ad quod adducit exem-

plum in sciētijs, ex quibus si aliqua non potest reduci ad principia, quæ sint naturaliter cognita, erit specie diuersa ab alijs scientijs naturalibus. Quod quidem verum est; & a de nos quæstione quiritata ostendimus, sacram Theologiā genere sub alterno differre ab alijs scientijs. Et hoc intendit Diuus Thomas, addens: *Nequē vniuocē scientia diceretur.* Quorum verborum sensus, non est, quem adducit Nazarius ubi supra conclusione tertia, quod scilicet Theologia nostra analogicè tantum conueniat cum alijs in ratione scientiæ. Si enim ipsa est verè, & substantialiter scientia, ut supponimus, nulla potest esse ratio ad negandam conuenientiam vniuocam inter illas. Solum ergo intendit Diuus Thomas in prædictis verbis, ut explicant Arauxo ubi supra, & alij Thomistæ, Theologiam non esse eiusdem rationis, aut eiusdem generis proximi cum scientijs naturalibus; ut pote, quæ habet excellentiorem modum procedendi, & ex altioribus principijs; nempe ex reuelatis à Deo, in quibus fundatur omnimoda certitudo suorum assensuum, in qua longè superat alias scientias naturales. ¶ Nisi manifestè scientia quoad statum; quod scilicet scientia actu non habens euidentiam, non dicitur vniuocè scientia quantum ad statum, & perfectum esse, quamuis quoad substantiam vniuocè participet rationem scientiæ. Videatur Arauxo loco citato.

33 Ad tertium neganda est maior, si sermo sit de euidencia actuali, & propria ex parte subiecti, quam habet scientia in statu perfecto. Quia, ut supra vidimus, sine hac potest bene saluari ratio scientiæ in subalternatis cum sola certitudine, & euidencia radicali, quam habent ex eo, quod per se petunt continuari cum subalternantibus. Unde ad probationem dicimus, quod si definitio scientiæ sumatur vniuersaliter, ut comprehendit omnes secundum quemcumque statum; in quo possunt esse; tunc illa particula, *euidens*, intelligenda est de euidencia radicali explicata. Quod si explicetur de euidencia actuali; tunc definietur scientia, non quomodocumque; sed secundum perfectionem & statum scientiæ.

Ad confirmationem similiter responderetur, quod scientia non habens perfectionem, & statum scientiæ, sicut non tam dicitur habitus, quam dispositio; sic non tam dicitur virtus intellectualis, quam inclinatio quædam virtutis. Quia quamvis sit substantialiter virtus; deficit tamen illi status, & perfectio virtutis. Et ideo non est necessarium, ut dum est sub tali imperfectione, sit proximè potens elicere optimum actum; sed satis est, si illud ex natura sua possit elicere, & de facto eliciat, quando ad statum virtutis, seu ad suæ subalternantis coniunctionem peruenerit. Videatur Arauxo ubi supra.

Ad quartum neganda est minor. Ad cuius probationem respondetur ex dictis, quod fides prin-

cipiorum, quam dicimus sufficere in Musico ad elicendum assensum scientificum, non est quæcumque, sed quæ excludit omnem hæitationem, ex eo quod habet quamdam quasi euidenciam in attestante. Propter quod etiam simpliciter non est dicenda humana, ut vidimus; sed habet sufficientem certitudinem, ut in virtute Arithmeticæ, cui quodammodo continuatur, eliciat in perfectum assensum scientificum.

QVÆSTIO III.

Quam unitatem habeat unaquæque scientia, & unde illa sit desumenda?

34 **Q**uestionem aggredimur inter difficiles, nostro iudicio difficillimam. In qua nobiliores Metaphysici post assiduum meditationem, longumque laborem, nihil tamen vndequaquæ satisfaciens inuenisse se putant. Statuere enim vniuersalem aliquam doctrinam de habituum specificatione; aut eorum objecta exactè stabilire, difficillimum sane, & ferè impossibile semper indicamus. Sed diuini prius ope Numinis implorata, & Angelico Doctore duce, peripateticam doctrinam, quam capite 23. huius libri tradit Aristotel. pro viribus explicare, & propugnare conabimur. Tractant de hac materia D. Thom. hic lect. 41. 42. & 43. & opusculo 70. qu. 5. artic. 1. Theologi. 1. par. qu. 1. art. 3. ubi Caiet. Bañez, Gonçal. & Na-

zarius; Metaphysici lib. 1. & 6. vbi Arauxo, Iabel. Socin. Zanard. & Suarez: & Dialectici in hoc cap. vbi Caiet. Sot. & Mas. & in processualibus vbi Sanch. Rubio, & alij.

Sunt autem pro tituli intelligentia duo breuiter præmittenda. Primum est, in præsentem solum esse sermonem de scientijs speculatiuis; nam de his tantum agit in hoc capite Aristoteles; quamuis ex earum cognitione facile constabit, quid dicendum sit de practicis. Secundum est, questionem non procedere de vnitatem numericam scientiarum; nam quoad hoc idem est indicium de scientia, ac de alijs accidentibus: quæ omnia iuxta receptam Thomistarum sententiam à subiecto indiuiduantur, ac proinde Logica, aut qualibet alia scientia non erit vna hac vnitatem; sed multiplex iuxta numerum animarum, seu intellectuum, quibus inhaeret. Quare solum procedenda difficultas de vnitatem specificam, & genericam. An scilicet vnaquæque scientia sit vnus habitus in specie infima, an potius plures sub se contineat specie distinctos. Et vnde vtraque vnitatem sit desumenda.

35 Præcipua ratio dubitandi in hac questione sumitur ex communi axiomate, quod prædit Arist. 2. de Anima, text. 33. Quod scilicet ab obiecto sumitur specificatio, vnitatem, & distinctio, tam potentiarum, quam habitus. Ex quo necessario sequi videtur tantam debere esse vnitatem potentiarum, vel habitus; quanta fuerit vnitatem obiecti: & per consequens circa obiectum vnum genericum, non posse versari potentiam, aut habitum

specificum vnum. Quod tamen plane constat esse falsum. Tunc, quia plures potentiarum versantur circa obiectum genericum vnum, vt visus respectu coloris; imò vnum tantum analogice, vt patet de intellectu, & voluntate respectu entis. Tum etiam, quia absurdum videtur multiplicare habitus iuxta specificam multiplicationem obiecti; ita vt alia sit scientia de homine, alia de equo, &c. Tum denique, quia vnus obiecti in specie, vt rotunditatis terræ, dantur scientiarum specie distinctæ, vt probat D. Tho. 1. 2. q. 54. art. 2. ad 2. & nos tetigimus supra disp. 1. num. 43. ergo ab entitate obiecti sumi non potest specificatio distinctio, aut vnitatem, scientiarum, habitus, vel potentiarum.

Quod si dicas, ex parte obiecti sufficere vnitatem genericam, præterquam quod id non satisfacit, & infra constabit esse falsum; emergit inde alia maior difficultas in reddenda ratione; quare vnus generis, puta corporis naturalis, & omnium suarum specierum, detur vna scientia, nempe Philosophia naturalis: & tamen alterius generis, puta quantitatis, & suarum specierum, non datur eadem scientia; sed iuxta diuisionem quantitatis multiplicantur Mathematicæ: siquidem alia est de quantitate continua, scilicet Geometria; & alia de quantitate discreta, nempe Arithmetica.

Si autem respondeas, non ab obiecto materiali, sed à formali sumendam esse scientiam, aut potentiam vnitatem, fatemur id esse verissimum: sed doctrinam generaliter tradere, iuxta quam possint assignari istæ rationes

tes formales obiectorū, hoc opus, hic labor est. Si enim hanc rationē formalem in sciētijs ex abstractione à materia sumendam esse dicas; fatendum necessariō erit; omnes sciētijs sub eadē abstractione procedentes esse eiusdē speciei. Et ex consequenti Mathematicæ non distinguērentur specie; cū omnes abstrahant à materia sensibili, quod nemo dixit. Imō (quod absurdius est) Theologia sacra, Metaphysica & Logica essent eiusdē speciei; cū hæ omnes abstrahant à materia intelligibili. Quod si præter abstractionem recurras ad obiectū, nō in esse rei, sed in esse scibilis, vt loquitur Caiet. in hoc cap. videtur profectō petitio principij, id enim inuestigamus: quid scilicet sit, à quo obiectum accipit esse scibile, vt ita quandō res sint vnum scibile, & quandō plura, percipiamus.

§. I.

**REFERVNTVR, ET
impugnantur variæ sententia.**

36 p Ropter hæc, & alia argumenta, quæ adducunt Sanc. Suar. & alij Auctores citati, in varias sententias abierunt Philosophi. Quidā enim eorum (& sit prima sentētia,) nullam scientiarum diuersitatē admittentes, omnium rerum vnā esse scientiam asseruerunt. Sic videtur sensisse Aegid. 1. Metaph. q. 22. & latè defendit Antonius Bern. Mirandulan. lib. 13. de Euerfione singularis certaminis sect. 6. & 7. quos refert Suar. disp. 1. Metaph. sect. 2.

Econtra verò Nominales (& est

secunda sententia,) si credimus Soto in proœmialibus Logicæ, q. 3. & Masio ibidē sect. 1. q. 15. affirmant, tot esse scientias specie distinctas, quot sunt obiecta materialia, ita vt plures Logicas, aut plures Philosophias specie distinctas non vereantur concedere, licet hunc loquendi modum falsō illis à Soto imponi contendat Rub. quæst. 4. proœmialium, nu. 7. & Suar. disput. 44. Metaph. sect. 1. 1. num. 69. qui affirmat, inuenire se non potuisse in Nominalibus talē modū loquendi. Et certè neque nos inuenimus; est tamen ita conformis, & cōsequens eorum sententiæ, cū id admittant in habitibus voluntatis; vt meritō potuerit Sotus hanc sentētiā illis tribuere.

Sed quidquid sit de hoc, vtraque sententia est manifestè falsa; alienaque, tū à doctrina Arist. tū à communi modo loquendi Philosophorum. Neque enim negari potest plures esse in intellectu scientias, sicut negari non potest plures esse virtutes in voluntate. Neq; similiter negandum est, vnā, & eādem scientiam ad plures cōclusiones extendi, sic enim omnes asserūt, vnā esse Geometriam, vnā Theologiam, &c. Neque in horum impugnatione est ampliùs innotandum, quorum falsitas ex dictendis manifestè constabit.

37 Tertia sententia affirmat quamlibet scientiam esse vnā genere, & plures specie, quam genericā vnitatem sufficere existimat, vt non dicantur plures Logicæ, plures Geometriæ, &c. Sic tenent

Tolet. in præmiâli, q. 3. concl. 2. Oñâ q. 1. art. 3. & Niger: quæst. 13. Clypei. Qui duò magis se explicât, æfferentes, non quâlibet conclusio- nem constituere habitû specie di- stinctum ab alijs; sed ad eundem ha- bitû pertinere omnes illas, quibus demonstrantur omnes passiones alicuius obiecti inadaptati; ut in Logica omnes demonstrationes, quibus de diffinitione concluduntur passiones eius, constituunt vnâ speciem habitus: & idê est de diui- sione, & alijs. Ac proinde tot erunt habitus specie distincti in Logica, quot fuerint coordinationes da- monstrationum. Additque, & benè Niger iuxta hanc sententiâ, quòd non solum singularium specierum obiecti, scilicet definitionis, diui- sionis, aut argumentationis dantur singuli habitus; sed etiam ipsius rationis genericæ, nempe secundæ intentionis logicalis, datur alius habitus, quo demonstrâtur propriæ passiones illius gradus genericæ.

38 Fundamentum huius senten- tiæ sic explicatæ est satis vrgens. Quia ex doctrina Aristotelis. & Diui Thomæ infrâ adducendâ vnitas, vel distinctio scientiæ sumenda est ex vnitâte, vel diuersitate principio- rum, per quæ procedit: sed princi- pia per quæ demonstrantur passio- nes, verbigratia, diffinitionis, di- uersa sunt ab eis, per quæ demon- strantur passiones alterius speciei, scilicet diuisionis, aut argumen- tationis; & ab vtrisque sunt diuersa principia, per quæ demonstrantur passiones gradus genericæ, scilicet secundæ intentionis logicalis: ergo,

&c. Probatur minor: quia quòd principia propria diffinitionis, & diuisionis sub alijs vniuersalioribus contineantur, non tollit quin pos- sint causare distinctos habitus: scilicet scientiæ, quarum principia conti- nentur sub principijs Metaphysicæ, non distinguenter ab illa: Imò iam omnium rerum esset vna scien- tia: siquidem omnia principia con- tineantur sub vniuersalissimis princi- pijs: *Quodlibet est, vel non est*: & similibus: ergo propria, & peculia- ria principia demonstrationû cau- sare possunt distinctos habitus, & plures species intra eandem scien- tiam: & ex cõsequenti quolibet erit vna genericæ, & plures specificæ.

Cõfirmatur, quia, ut inquit Arist. in hoc cap. *Altera autem scientia est ab altera, quorumcumque princi- pia, neque ex eisdem, neque ex alterutris sunt*: sed principia diffini- tionis; & diuisionis non oriuntur ex alijs; neque ex alterutris: ergo alterius scientia distinguitur specie ab altera. Probatur minor: quia in primis principia diffinitionis non deriuantur ex principijs diuisionis: siquidem potius inter se condistin- guuntur, & opponuntur. Neq; simi- liter principia vtriusque possunt de- riuari ex principijs communibus secundarum intencionum; siquidem vnaquæque verè sunt indemonstra- bilia, & immediata, & per conse- quens irresolubilia in alia priora: ergo nõ deriuantur ex alijs, neque ex alterutris; & consequenter consti- tuunt habitus specie distinctos: ead- demque ratio est in alijs scientijs, ut consideranti patebit.

Hanc

Hanc sententiam sic explicatam defendunt aliqui discipuli Diui Thomæ, vt refert Oñs vbi supra: esseque satis probabilis. Adhuc tamen non satisfacit cæteris Thomistis. Et meritò: quia non explicat, neque explicare potest, cur omnes illi habitus specie distincti appellandi sint vna scientia. Si enim vnitas generica numeri verbi gratia sufficit, vt Arithmetica dicatur vna scientia; cur vnitas generica quantitatis non sufficiat, vt omnes Mathematicæ dicantur vna Mathematica, & vna scientia; quod tamen loquendi modis alienus est à communi cõsensu Philosophorum. Ergo talis contententia generica habituum non sufficit ad vnitatem scientiæ.

39 Propter hæc, quarta sententia attribuit singulis scientiis vnitatem atomam, & specificam: sed in ea explicanda tres sunt modi dicendi valde diuersi. ¶ Primus est, quem sequitur Suarez disp. 44. citata sect. 1. n. 55. asserens, quamlibet scientiam ita esse vnã in specie infima, vt non sit simplex aliqui habitus, aut qualitas extendens ad omnes conclusiones; sed habitus quidam quasi compositus, & completè coalescens ex pluribus habitibus partialibus, qui licet in se, & respectu suæ conclusionis sint verè cõpleti, & specie distincti; censentur tamen incompleti respectu totius scientiæ. Et hoc inquit sufficere, vt quilibet istorum habituum non faciat scientiam specie distinctam ab alio; sed omnes censentur vna scientia in specie. Ex-

plicans autem ibidem, & disparatione prima sectione 3. modum vnitatis, quem isti partiales habitus possunt habere, inquit id fieri, non per aliquam realem vniõnem, siue continuationem; sed per quandam subordinationem, aggregationem, & connexionem in ordine ad vñũ obiectum.

Si autem inquiras: quæ vnitas sit necessaria in obiecto, vt habitus ad illud ordinati censeantur vna scientia? respondet numero 68. id statueri esse difficillimum: & postquam sibi aliorum modi dicendi non placerunt, tandem concludit, quòd, *Quando aliqua ratio formalis obiecti scibilis, quæ solet dici ratio quæ, est talis, vt in ea contineantur omnia, quæ in illa scientia tractantur, aut demonstrantur, quia per illam, aut in ordine ad illam reliqua inquiruntur; tunc illa ratio constituit omnia illa sub vna ratione scibilis, siue illa sit ratio specifica in esse rei, siue non.* Hæc Suarez. Quam sententiam sequitur Fonseca 5. Metaphysicæ, capite 7. quæstione 5. sectione 2. ¶ Et præcipua ratio pro illa est impugnatio aliarum opinionum. Nam ex vna parte Auctores illarum non videntur exactè declarare, quomodò eadem simplex qualitas possit extendi ad res ita diuersas: ex alia verò vnitas generica in scientiis propter supra dicta non satisfacit: ergo verosimilius est, illam scientiam esse vnã in specie, quòd sit composita ex pluribus habitibus partialibus, vt explicatum est.

40 Hic modus dicendi primo aspectu videtur facilis. Quem ideo sequuntur Auctores eius, ut expediant se à pluribus, hisque grauissimis difficultatibus, quæ in hac materia occurrunt. Sed si res attentius consideretur, non solum non est facilius alijs; sed incidit in easdem, quas fugere conatur difficultates, & addit alias non inferiores. Quod sic probatur: quia posita ista multiplicatione habituum partialium, adhuc restat examinandum id, in quo sita est tota huius controuersie difficultas, nempe vnde sumatur unitas obiecti in esse scibilis, ut respectu eius omnes illi habitus dicantur vna scientia. Dicere enim cum Suar. *Tunc aliquam rationem formalem obiecti esse vnã, quando in ea connectuntur, quæ in tali scientia tractantur*: vel est negatio, vel petitio principij.

Primum patet, quia hoc est, quod inquirimus; quis, scilicet, modus attributionis, vel connexionis in aliquo vno sit necessarius ad unitatem scientiæ? Nam certum est, ut sæpè notauimus, non sufficere connexionem, quam habeant plures species in suo genere; alias vel esset vna scientia omnium, vel saltè Mathematicæ non distinguerentur species; cum earum obiecta in supremo genere quantitatæ connectantur: ergo negatoriè respondet, qui inquit, tunc rationem formale obiecti esse vnã, quando in ea connectuntur, quæ in tali scientia tractantur.

Secundum etiam patet, quia quando querimus unitatē scientiæ

ex obiecto, scire contendimus, quod sit obiectū, & quid habere debeat, ut inferat, & petat vnā scientiā, quæ de illo tractet: ergo planè petitur principium, respondendo, esse illud, in quo admanant, quæ tractantur in tali scientia; siquidem hæc responsio iam supponit vnā scientiam. Videatur Rub. q. 1. proœm. n. 26. vbi eadē Suar. verba refert, suppresso Auctoris nomine: eumque acutius reprehendit. Maneat ergo hunc modū dicendi incidere in easdem difficultates, quas fugere intendit.

Addit etiam alias non contemnendas. Nam scientiam faciens per accidens, quod expressè Fōseca cōcedit; utpotè ex diuersis speciebus qualitatæ constātē. Et cōsequenter illā à recta linea prædicamenti excludit; & eidē habitui negat augmentū extensiuū: quod tamē D. Th. & grauissimi Doctores concedunt; pluraque alia continet incōmoda, ut considerāti patebit. Et quod omnibus maius est, post longā questionis decisionē, quā offert Suar. sect. citata nihil certò definit de unitate obiecti in esse scibilis; à quo tamen questionis solutio omnino penderet, ut ex se patet.

41 Secundus modus dicendi est aliquorum Thomistarum, qui alia via longè diuersa admittunt cōpositionem in scientijs. Pro cuius intelligentia sciendum est, Thomistas diuinos esse in cōstituēdo, quid sit habitus intellectus, an, scilicet, sit collectio specierū intelligibilium? an potius alia tertia qualitas ex actibus in intellectu relicta, media qua potentia promptè, & deletabiliter

biliter in similes actus possit exire.

Sôcinas ergo 6. Metaph. q. 9. quæ sequuntur Conrad. 1. 2. q. 54. art. 4. & alij, licet de habitibus voluntatis asserat esse simplices qualitates; de scientia tamē, & idē est de alijs habitibus intellectus, tenet esse collectionem specierum pertinentium ad idem obiectum, non earum, quæ sunt immediatē ab intellectu agēte, & præcedunt actui intellectus possibilis; sed quārdam aliarum, quas ponit ipse resultare in intellectu ex vi assensus scientifici. Et has inquit esse habituales effectum demonstrationis, & ex consequenti scientiam esse compositam ex pluribus qualitatibus. Pro qua sententia sunt plura D. Tho. testimonia, quæ adducit Caiet. loco citato ex 1. 2. ubi ait, plures Thomistæ fugiētes difficultatem, asserere, Sanctum Doctorem modō in vnam, modō in aliam partē inclinare. De cuius etiam mente dubius est Capreolus in prologo, quæst. 3. Sed reuera iste modus dicendi est cōtra D. Thom. ut rectē probat Caiet. ibidem, & constabit ex dicendis.

42 Tertius tandem modus dicendi est aliorū Thomistarū, qui cū Caiet. loco citato, scientiæ unitatē specificam ita declarant, ut non sit collectio specierum, aut aliquis habitus ex pluribus compositus; sed simplex quædam qualitas se extendens ad omnes conclusiones talis scientiæ. Quæ proculdubio est mēs D. Tho. eadē q. 54. 1. 2. art. 4. Cuius verba sunt: *Sed quia illa multiplicitas est ordinata ad aliquid unum, ad quod principaliter respicit habi-*

tus; inde est, quod habitus est qualitas simplex, non constituta ex pluribus habitibus, etiāsi ad multa se extendat. Et in responsione ad tertiū: *Ille, qui in aliqua scientia acquirit per demonstrationem scientiam conclusionis vnius, habet quidem habitum; sed imperfectū. Cum verō acquirit per aliquam demonstrationem scientiam conclusionis alterius; non aggeneratur in eo alius habitus, sed habitus, qui prius inerat, sit perfectior, ut potē ad plura se extendens; id quod conclusiones, & demonstrationes vnius scientiæ ordinata sunt, & una derivatur ex alia.* Hanc sententiam sequuntur Medina circa hunc articulum, Gonçal. 1. p. quæst. 1. art. 3. disp. 3. conc. 8. Bañez ibidē q. 89. art. 5. & 6. Ferrara 1. contra gentes, c. 16. Sanch. lib. 1. Logicæ, quæst. 10. Masius sect. 1. proœmialium, quæst. 16. Soto quæst. 3. Flaudria 6. Metaph. q. 7. art. 7. & Arauxo lib. 1. quæst. 5. art. 4. addens esse omnium rectē sentientium de mente Angelici Doctoris.

43 Igitur omnes isti Doctores pro 4. sententia a Iduci conueniūt in constituenda unitate specifica scientiarum. Conueniant itē, quod talis unitas sumenda est ab obiecto, ut tota Philosophia proclamant Addunt etiam, id non debere intelligi de obiecto materiali, & in esse rei; sed de obiecto formali, & in esse scibilis. Laborant tamē maxime in explicando, quid sit obiectum in esse scibilis, aut quid addat supra obiectum in esse rei, unde possit talis unitas delumi. Et relicto Suarez, qui circa hoc nihil cer-

tum statuit, ut vidimus: ex Thomistis quidam recurrunt ad lumina, quibus scientia inantuntur, asserentes, scientiam esse unam, quando procedit ex eodẽ lumine; diuersas verò, penes diuersa lumina, quibus conclusiones cognoscuntur. De quo videri potest Basi. 1. p. q. 7. art. 3. Alij hanc unitatẽ, vel diuersitatem obiecti in esse scibilis sumendam esse dicunt ex unitate, vel diuersitate abstractionis à materia. Quæ est frequentior sententia Thomistarũ, pro qua videri possunt Caiet. in hoc lib. c. 2. 3. Capreol. Gonzalẽz, Soto, Sanchez, Masius, Arauxo, & alij Thomistæ citati. Alij tandem explicant talem unitatem, vel diuersitatem obiecti ex unitate, vel diuersitate principiorum, seu mediorum, per quæ scientia procedit. De quo videri potest Nauarrete 1. ar. controuers. 9 & Ferrara loco citato. Ceterum istæ sententiæ, si rectè explicentur, non discordant, & hæc omnia concurrunt ad constituendum obiectum in esse scibilis, ut infra constabit, & probat rectè Nazar. eadem 1. p. q. 1. ar. 3. controu. 1. Et ideo pro eius explicatione.

§. II.

NON NVLLA AD QVÆSTIONIS solutionem necessaria præmittuntur.

44 p Timò recolenda est communis illa distinctio obiecti formalis, quam supra disputat. 1. num. 9 adduximus ex Caiet. in rationem formalem quæ, & sub quæ. Quam distinctione licet Vazq. 1. p. disp. 7. c. 3. non admittat; admittunt tamẽ

præter discipulos D. Tho. Molinæ; Valent. Suar. Rub. & ceteri DD. Moderni. Idq; cõtra illum probant rectè Nazar. Gonzal. Nauarrete, Arau. & alij Thomistæ citati. Quod etiam satis conuincitur. Tùm exemplis adductis disputatione citata. Tùm etiam, quia ex doctrina Aristot. 6. Metaph. text. 2. res constituentur in duplici genere diuersos; scilicet, in genere rei, & in genere scibilis. In quorũ primo actè litur; perfectio rei in esse entis; & sumitur per ordinẽ ad existentiam, & operationes. In secundo verò cõsideratur perfectio rei in ratione formali obiecti, seu scibili; quæ sumitur secundũ proportionem ad potentiam, vel habitum; ergo necessariò distinguẽdæ sunt in quolibet obiecto duæ formæ, seu duæ rationes, per quas in eisdem generibus constituantur. Tùm denique, quia res, quæ in esse entis est una, aliquandò est multiplex in esse scibilis, ut patet in exemplo sæpius adducto de rotunditate terræ, quæ quamuis sit una in esse entis, est tamen in duplici genere scibilis, secundũ quod pertinet ad Astrologiam, & Philosophiam, teste D. Thom. 1. 2. q. 54. art. 2. ad 2. Econtrà etiam, quæ in esse entis sunt plura, sæpè sunt vnum in genere scibilis; ut patet in obiecto Metaphysicæ, aut Arithmeticæ, quod comprehendit res in genere entis diuersissimas; & tamen omnes constituunt vnum scibile in specie infima; ergo per id ipsum, per quod res constituuntur in genere entis, non possunt constitui in esse scibilis; & per consequens

necessariò distinguendæ sunt duæ illæ rationes formales obiecti, quas constituit Caiet. Videantur alia, quæ adduximus loco citato.

45 Secundo statuendum est, id quod propriè est specificatum respectu alicuius, præhabere debere eandem unitatem, quam habet res specificata; ita ut si specificatum, quatenus tale tantum sit vni genericè, res specificata non possit esse vna specificè. Quod quamuis non admittit Vazq. vbi supra cap. 4 & 5. a. Inmittit tamen communiter Doctores, & probant rectè González dispensata conclus. 1. Arauxo art. 3. conclusione 2. & Nazar. vbi supra, & quæst. 12. art. 1. cōtrotuerfia 1. Ratioque videtur enīdēs. Nam res specificata sumit totam unitatem suam ab specificatiuo; & idèd est vna, quia specificatum est vnum; ergo res specificata non potest esse magis vna, quàm sit specificatum, ac proinde si hoc fuerit vnum tantum genericè, res significata non poterit esse vna specificè. Quod vniuersaliter verum est in potentijs, actibus, & habitibus, licet nobis sæpè sit difficillimum in eorum obiectis assignare aliquam rationem formalem habentem tantam unitatem, quātam habent res specificatæ. Ob id tamen neganda non est vniuersalis doctrina; quæ sublata, nihil firmum maneret in Metaphysica circa specificationem accidentium. Restat ergo, quòd si obiectum in esse scibilibus est specificatum scientiæ, vt supponimus, ad hoc, vt plura entia, quæ in esse rei sunt genere diuersa

sint vnum scibile in specie infima, debent necessariò habere aliquam rationem formalem, in qua omnia illa specificè conueniant. Et hanc vocamus rationem formalem, *sub qua*. Ex quo tandem fit, quòd licet ad rationem formalem, *quæ*, obiecti sufficiat vnitas generica, aut etiam analogica; (quæ est expressa doctrina Arist. & Commentatoris 4. Metaphysicæ textu Commētat. 2.) tamen ratio *sub qua*, semper debet esse vna in specie infima, quandò potentia, aut habitus est vnus specificè. Et hæc ratio *sub qua* est, quam in præsentī inuestigamus in obiectis scientiarum ad statuendam earum unitatem. Pro quo

46 Tertiò obseruandum est ex D. Thom. 1. par. q. 4. artic. 3. quòd *Duplex sit abstractio per intellectum: vna quidem secundum quòd vniuersale abstrahitur à particulari; ut animal ab homine: alia verò, secundum quòd forma abstrahitur à materia. sicut forma circuli abstrahitur per intellectum ab omni materia sensibili.* Quæ verba D. Thom. explicat optimè Caiet. de ente, & essentia c. 1. q. 1. assignans plura, in quibus istæ duæ abstractiones differunt; quæ etiam adducit Arauxo vbi supra numero 41. Duo nos breuiter adnotabimus. Primum est, quòd in abstractione formali, tam forma, quæ abstrahitur, quàm materia, à qua abstrahitur, manent integræ, potestque vnum sine alio concipi, vt quandò abstrahimus triangulum ab ære, quod prouenit ex eò quòd neutrum est de essentia alterius. At in abstractione totali

(inquit D. Thom.) ibidem non remanet integrum id à quo fit abstractio; remota enim differentia *rationali* ab homine; non remanet in intellectu homo, sed solum animal. Neque potest vnum siac alio concipi, quia licet superius, quod abstrahitur, possit concipi absque inferioribus, cum non sint de eius essentia; nõ tamẽ decontra inferiora à quibus abstrahitur, possunt concipi absque superiori, vt per se patet.

Ex quo discrimine nascitur secundum, quod nõ parum conducit ad præsens institutum. Et consistit in hoc, quod per abstractionem formalem oritur in eo, quod abstrahitur, actualitas, distinctio, & intelligibilitas (verba sunt Caiet.) in abstractione verò totali oritur in eo, quod abstrahitur potentialitas, confusio, & minor intelligibilitas. Vnde, licet quoad nos id, quod est abstractius abstractione vniuersali, sit quodammodo magis, & prius notum, vt explicat D. Tho. in præmio physicorum, tamen secundum se maior abstractio totalis causat maiorem potentialitatem, & confusionem: & id, quod sic abstrahitur, secundum se redditur minus intelligibile. Quæ omnia decontrario eliciunt in abstractione formali. Idem quantò magis id, quod est formale, abstrahitur à materia; tantò fit actualius, & magis aptum, vt intelligatur. Cuius rationem pauca reddit Caietan. Quia nimirum abstractio formalis fit per separationem à materialibus, potentialibus, & huiusmodi; abstractio verò potentialis fit per separationem ab speci-

ficis actualitatibus; à quibus quantò aliquid est abstractius; tantò est potentialius, & minus intelligibile: quippè cum actus secundum se sit notior potentia, ex 9. Metaph. tex. com. 20. ¶ De abstractione totali nihil est in præsentì agendum: quia solum est necessaria ad scientias ex generali ratione, quæ omnes excludunt individua, & agunt de rebus vniuersalibus; & idcò nihil còducit ad earum specificationem. Abstractio verò formalis nõ eodem modo reperitur in omnibus; & idcò potest ad earum distinctionem pertinere. Pro quo

47. Quartò còsiderandũ est ex D. Tho. opus. 70. q. 5. ar. 1. quod vt aliquid sit obiectum scientiæ, debet esse necessarium, idest, quod non possit aliter se habere; vt constar ex definitione scientiæ tradita ab Arist. in hoc lib. c. 2. & probat ipse cap. 4. sequenti, ac proinde non debet esse subiectum mutationi, vel motui, quia quod mouetur, in quantum huiusmodi, possibile est esse, vel non esse, vt dicitur 10. Metaph. & per còsequens est contingens. Cũ ergo materia sit prima radix mutationis, & contingentiæ, vt docet D. Tho. 1. p. q. 86. art. 3. & explicat ibi Caiet. inde est, quod obiectum scientiæ, formaliter prout sic, debet esse abstractum à materia, sit autem triplex gradus huius abstractionis formalis, vt ex Arist. 6. Metaph. text. 2. docet Sanctus Doct. opus. citato, & admittunt còmuniter Doctores, iuxta triplicem materiam, à qua potest aliqua res abstrahi, scilicet singularem, sensibilem, & intelligibilem. Materia singularis

gularis dicitur in præfenti, quid-
quid pertinet ad singularitatem re-
rum sensibiliū; vt hæc carnes, & hæc
ossa, hæc albedo, &c. Vnde illa sciē-
tia abstrahit à materia singulari tā-
tū, quæ considerat res sensibiles,
verbi gratia hominem, cū materia
sensibili communi, nempe carne, &
ossibus; non tamen considerat sin-
gulariter hanc carnem, & hæc ossa.
Et huiusmodi est Philosophia natu-
ralis; quæ consequenter habet infi-
nitum gradum abstractionis forma-
lis, siquidem hæc ad minū requi-
ritur in obiecto, vt de illo possit ef-
ficientia.

Materia sensibilis dicuntur om-
nes qualitates, quæ sensibus perci-
piuntur, vt color, frigus, sonus,
odor, & similes. Vnde illæ scientiæ
abstrahunt à materia sensibili, quæ
considerant suum obiectum sine
istis qualitatibus. Et huiusmodi
sunt Mathematicæ, quæ agunt de
quantitate, non curando, an linea
sit calida; superficies alba; aut cor-
pus durum, &c. Non tamen abstra-
hunt à materia intelligibili, quia
non considerant quantitatem abs-
que substantia materiali, cui inest,
& à qua in sui cognitione depēdet:
& idē obtinent secundum locum,
seu gradum abstractionis. Tan-
tē materia intelligibilis est ipsa substā-
tia corporea, seu materia prima,
quæ dicitur intelligibilis, quia solo
intellectu percipi potest. Vnde il-
læ scientiæ abstrahunt à materia
intelligibili, quæ tractant de rebus,
quæ sine materia prima esse pos-
sunt; vel quia nunquam sunt in ma-
teria, vt Deus, & Angeli; vel quia in

quibusdam sunt in materia, in qui-
busdam verò non; & idē secundū
se non dependent ab illa, vt substā-
tia, & qualitas; actus, & potentia;
vnum, & multa, &c. Et huiusmodi
est Metaphysica, quæ propterea
Theologia naturalis, & prima Phi-
losophia nuncupatur; obtinetque
supremū gradum abstractionis in-
ter scientias naturales. Videatur
D. Thom. loco citato.

48 Quinto notandum est, cum
Flandria i. Metaph. quæst. 1. art. 3.
Arauxo ibidem, q. 5. art. 3. & alijs
Thomistis, huiusmodi abstra-
ctionem fieri posse dupliciter. Primò
actiue, & formaliter pro operatio-
ne scilicet intellectus, qua obiectū
separatur à materia. Quo sensu sa-
tis cōstat abstractionē esse quid ex-
trinsēcū obiecto, nec posse esse ve-
ram rationem formale per se spe-
cificatiuam scientiæ, sed tantum
est conditio necessariū requisita, vt
benē notant Sanch. vbi sup. q. 1. r.
Arauxo num. 85. & alij Thomistæ,
seu causa remouens prohibens, vt
inquit Nazarius controuersia cita-
ta: quatenus per talem operatio-
nem remouetur ab obiecto mate-
rialitas, seu potēcialitas, quæ intel-
ligibilitatem impediēbat. ¶ Se-
cūdo modo sumitur abstractio for-
malis passiue, seu obiectiue, & radi-
caliter, pro actualitate, & immate-
rialitate, quæ relinquitur in obie-
cto ex separatione materiæ, & per
quam fit actus intelligibilis. Et ab-
stractio in hoc sensu per se pertinet
ad obiectum in esse sensibilis, & con-
sequenter ad rationem formalem
specificatiuam scientiæ, vt rectē
expli-

explicat González ubi suprâ n. 58. Cuius rationē assignat inter alios Caietanus c. 2.2. huius libri. Quia actualitas rei est quoddam intellectuale lumen, per quod ipsa cognoscitur; non secus ac lux corporalis est id, per quod colores redduntur actu visibiles. Quod docuit optimè D. Tho. super librum de Causis lect. 6. dicens: *Considerandum est, quòd per lumen corruptibile visibilia sensibiliter cognoscuntur. Undè illud, per quod aliquid cognoscitur, per similitudinem potest dici lumen.* Probat autem Philosophus in nono Metaphys. quòd unumquodque cognoscitur per id, quod est in actu: & idè ipsa actualitas rei est quoddam lumen ipsius. Et quia effectus habet, quòd sit in actu per suam causam: inde est, quòd illuminatur, & cognoscitur per suam causam.

49 Hinc sextò notandum venit, quòd media, seu principia demonstrationis habēt rationem luminis, per quod illuminatur, & cognoscitur conclusio. Tùm, quia sunt causę eius. Tùm etiam, quia, ut idem Angelicus Doctor inquit, quest. 9. de veritate, art. 1. sicut per lumen corporale non solum colores redduntur actu visibiles, sed etiam visus ipse confortatur ad videndum, sic per medium demonstrationis non solum fit nobis aliquid notum; sed etiam intellectus ipse confortatur ad intelligendum id, quod prius intelligere non poterat. Tùm denique, quia, ut rectè addit ibidem in solutione ad secundū, ipsa media, seu principia demonstrationis includant in se quoddam intellectu-

le lumen participatum ab intellectu agente, qui est fons totius luminis intellectualis: *Sunt enim (inquit) prima principia quasi instrumenta intellectus agentis, ut dicit Commentator in tercio de Anima: & similiter omnia principia secunda, quę continent propria media demonstrationum.* Ac proinde possunt in virtute ipsius illuminare conclusiones; & consequenter pertinent ad rationē formalem specificatiuā scientiæ. Quę est expressa de ista eiusdem D. Thomę 2.2. q. 1. art. 1. ubi ait: *Cuiuslibet cognoscitui habet obiectū duo habet, scilicet id, quod materialiter cognoscitur, quod est sicut materiale obiectum: & id, per quod cognoscitur, quod est formalis ratio obiecti: sicut in scientia Geometrię materialiter scita sunt conclusiones; formalis verò ratio sciendi sunt media demonstrationis, per quę conclusiones cognoscuntur.* Ex quo fit, quòd quando media, seu principia sunt in ratione luminis diuersa, quia nōn rñm intra proprium genus unum non accipit ab alio vim illuminandi, neque ambo ab aliquo tercio; sed vel sunt prima, vel reducuntur in diuersa prima principia; tunc intra illud genus verè causant distinctionem specificā scientiarum. Quod ut plenius percipiatur.

50 Vltimò visum est adducere aliqua verba Arist. & D. Thom. ex his, quę habent cap. 23. huius libri circa præentem difficultatem: ex quibus luce clariùs constabit tota eius solutio. Arist. ergo iuxta translationem antiquam, sic ait: *Vna*
autem

autem scientia est, quæ est vnius generis, quacumq; ex primis cõponuntur. & partes, aut passionis eorum sunt, per se. Altera autem scientia est ab altera, quorumcũque principia, neq; ex eisdem, neq; ex alterutris fuit, &c. Quæ verba exponens D. Thom. le. 4. inter alia inquit: Materialis diuersitas obiecti nõ diuersificat habitum; sed tantum formalis. Cũ ergo scibile sit proprium obiectum scientiæ: nõ diuersificabitur scientia secundum diuersitatem materialem scibilium; sed secundum diuersitatem eorum formalem. Sicut autem formalis ratio visibilis sumitur ex lumine, per quod color videtur; ita formalis ratio scibilis accipitur secundum principia, ex quibus aliquid scitur. Et idẽ quantumcumq; sint aliqua diuersa scibilia per suam naturam; dummodò per eadem principia sciuntur; pertinent ad vnã scientiam, &c.

Et post pauca: Sed ulterius considerandum est, quod secunda principia virtutem sortiuntur à primis. Vnde requiritur diuersitas primorum principiorum ad diuersitatem scientiarum. Quod quidem non esset; si vel diuersorum principia ex eisdem principijs fluant, sicut principia trianguli, & quadrati deriuantur ex principijs figura; vel principia vnius deriuentur ex principijs alterius, sicut principia isochelis dependent à principijs trianguli. Neque tamen intelligendum est, quod sufficiat ad vnitatem scientiæ vnitatem principiorum primorũ simpliciter; sed vnitatem principiorum primorum in aliquo genere scibili. Distin-

guuntur autem genera scibilium secundum modum cognoscendi; sicut alio modo cognoscuntur ea, quæ definiuntur cū materia, & ea quæ sine materia, vnde aliud genus scibilium est corpus naturale, & corpus mathematicum, &c.

51 Quorum verborum, & aliorum, quæ omittuntur sensus planus est, diuersitatem genericam scibilium, & scientiarum sumendam esse ex diuerso modo cognoscibilitatis, seu abstractionis à materia; & per consequens tria esse genera scibilium, scilicet metaphysicum, mathematicum, & naturale; & tria genera scientiarum, scilicet Metaphysicam, Mathematicam, & Scientiam naturalem, intra quodlibet autem horum generum tunc esse diuersa scibilia in specie infima, & ex consequenti diuersas scientias; quando fuerint diuersa principia quorũ vnum non sequatur ex alio, neque vtraque ex alterutro intra eandem abstractionem: cui non obest, quod hæc omnia principia sequantur ex vniuersalissimis principijs; quia ex his non sumitur vnitatem, aut diuersitas scientiæ. Cuius rationem assignat ex Arist. idem Sanctus Doctor lect. 43. sequenti. Quia nimirum ex vniuersalissimis principijs tantum, non potest sequi aliqua conclusio intra aliquod genus scibilis, nisi illi adiungatur aliquod principium proprium talis generis. Et idẽ huius principij proprii, & non illorum vniuersalissimorum habenda est ratio ad statuendam vnitatem, vel diuersitatem specificam obiecti in esse scibilis,

bilis, & perconsequens scientiæ.
Quibus suppositis.

§. III.

STATVITVR VERA SEN-
tentia, & questio resoluitur.

52 P Rima conclusio. Vnitas, aut distinctio scientiæ, tam generica, quam specifica, neque sumitur ab obiecto materiali, neque ab obiecto formali in esse rei, seu à ratione formali, *quæ*, sed ab obiecto in esse scibilis, seu à ratione formali *sub qua*. Conclusio est receptissima inter Doctores; & ex dictis manifesta. Quod enim ab obiecto merè materiali non sumatur evidens est. Quia tale obiectum non respicitur per se ab habitu: ergo neque eius vnitas, aut diuersitas ad vnitatem, vel diuersitatem habitus potest conducere. ¶ Quod uerò neque etiam sumatur à ratione formali *quæ*, satis patet ex dictis. Tùm, quia multiplicarentur species scientiarum iuxta multitudinem rerum, quæ in eis considerantur, quod absurdum est. Tū, etiam quia de eadē ratione formali *quæ*, dantur plures scientiæ; vt de hac propositione, *terra est rotunda*, sæpe dictum est ex D. Thom. & similiter de eadem Dei natura tractant Metaphysicus, & Theologus. Econtrā verò eadem scientia considerat rationes formales *quæ*, valde diuersas, vt de Musica respectu vocis humanæ, & soni in animatorum corporum testatur D. Tho. lect. 41. citata. Ergo neq; ab obiecto merè materiali, neque à ratio-

ne formali *quæ* desumi potest vnitas, aut distinctio scientiæ. Et perconsequens à sufficienti enumeratione sumenda erit à ratione formali *sub qua*, seu à ratione constitutiva obiecti in esse scibilis.

53 Secunda conclusio. Tam abstractio radicaliter, & passiuè sumpta, ratione cuius obiectum quasi illuminatur, & est actu intelligibile; quam medium, seu principium demonstrationis, per quod cognoscitur conclusio, pertinent ad rationem formalem *sub qua* specificatiuam scientiæ. In hac conclusione conueniunt Thomistæ citati. Quā tradit apertè Sanctus Doctor non solum verbis supra numer. 50. adductis, sed etiam 1. p. q. 1. art. 1. ad secundum, vbi vtrumque expressè nominat dicens: *Diuersa ratio cognoscibilis diuersitatem scientiarum inducit. Eandem enim conclusionem demonstrat Astrologus, & Naturalis, puta quod terra est rotunda; sed Astrologus per medium mathematicum, id est, à materia abstractum, &c.* Quibus verbis apertè significat diuersitatem mediij, & abstractionis esse diuersam rationem cognoscendi inducentē diuersas sciētias: ergo ex mēte D. Tho. vtrumque per se pertinet ad rationem formalem specificatiuam scientiæ. Videantur Caiet. & Nazarius ibidem art. 3.

Fundamentum est; quia illa pertinent per se ad rationem formalem specificatiuam scientiæ, quæ per se variant scibile, quatenus scibile est; sed tam abstractio dicta, quam medium, seu principium demon-

môstrationis sunt huiusmodi: ergo, &c. Probatur minor: quia scibile est aliquid non nisi per medium, & abstractione, à quibus illuminatur: ergo diuersitas mediij, & abstractionis per se variat scibile, quatenus tale est.

Confirmatur: quia res in tantum intelligitur: in quantum intelligibiliter vnitur intellectui; seu in quantum intellectus ipse transformatur in rem intellectam, & fit quodammodò ipsa, vt dicemus in libris de Anima. Sed ad talem vnionem, & transformationem res sit proximè apta, tum per remotionem materiæ, vt sumitur ex 7. Metaph. tex. 36. tum etiam per actualitatem, quam res habet à sua causa, vt dicitur lib. 9. tex. 20. ergo obiectum intellectus constituitur in ratione formali obiecti, & intelligibilis per talem immaterialitatem, & actualitatem. Sed eadem est ratio intellectus, & scientiæ, quæ est habitus eius: ergo obiectum scientiæ constituitur in ratione formali obiecti, & scibilis per immaterialitatem, quæ relinquitur ex abstractione materiæ, & per actualitatem, quam habet à sua causa, quæ est medium demonstrationis, & per cōsequens vtrumque cōcurrit ad specificationem scientiæ.

54 Tertia conclusio. Ratio *sub qua*, à qua sumitur vnitas, & distinctio generica scientiarum, accipienda est ex abstractione à materia, ac proinde illæ scientiæ erunt eiusdem generis, quæ habuerint eandem abstractionem, illæ verò diuersi generis, quæ diuersas sortiuntur abstractiones. Hæc conclusio

est receptissima inter Thomistas. Pro qua videri possunt Tabellus, & Soneinas 6. Metaph. q. 7. Zanard. quæst. 5. Masius hic cap. 13. quæst. 1. Caiet. Nazarius, González, Araxo, & Sanchez supra citati. Docet eam Arist. eodem lib. 6. Metaph. tex. 2. vt ibi explicat D. Tho. Quæ tradit, & probat Sanctus Doctor, tum locis adductis, tum alijs multis quæ adducunt Auctores citati. Sed specialiter videatur lib. 6. de Sensu, & sensato, vbi supra adducta omnia paucis complexus, concludit: *Necesse est, quòd habitus scientiarum distinguantur secundum differentiam separationis à materia: Ob idè Philosoph. in 6. Metaph. distinguit genera scientiarum secundum diuersum modum separationis à materia.*

Probatur breuiter ex dictis: quia obiectum in esse scibilis constituitur per immaterialitatem: ergo in esse talis scibilis constituitur per talè immaterialitatè. Sed immaterialitas nihil aliud est, quàm remotio, seu abstractio à materia: ergo talis immaterialitas erit remotio, seu abstractio à tali materia. Hæc autè est triplex, vt dictum est: ergo triplex datur genas scibilis, & per consequens triplex genus scientiæ. Quod autè vnitas, quæ scientiæ habet ex his abstractionibus, sit tantum generica probatur: quia intra vnāquamque abstractione continentur scientiæ specie distinctæ, vt supra tactum est, & ex dicendis cōstabit: ergo ex dictis abstractionibus, præcisè prout sic, non potest causari in scientia vnitas specifica.

55 *Vltima conclusio. Ratio sub qua*, ex qua sumitur vnitas, vel distinctio specifica scientiarum, petenda est ex vnitatem, vel distinctione specifica principiorum intra idem genus scibilis, seu intra eandem abstractionem. Tunc autem principia erunt eiusdem speciei in esse scibilis; quando vel vnum deriuatur ex alio, vel ambo ex alterutro intra eandem abstractionem. Tunc verò erunt specie distincta in esse scibilis; quando neq; deriuantur ex alijs, neq; ex alterutris. Conclusio prout iacet, est expressa Aristot. & D. Tho. quorum verba adduximus supra num. 50. in quibus etiam continentur exempla huius doctrinæ: pro qua videri possunt Soto, Maius, & alij Interpretes Aristot. in hoc lib. c. 23.

Fundamentum est: quia principia, seu media demonstrationis eatenus pertinent ad rationem formalem specificatiuam scientiæ, quatenus gerunt vicem luminis, per quod illuminatur, & cognoscitur conclusio: ergo tunc conclusio erit diuersa in esse scibilis, quando principia, per quæ illuminatur, fuerint in ratione luminis diuersa, seu quando habuerint diuersam vim illuminandi. Sed principia, quorum vnum deriuatur ex alio, vel ambo ex alterutro, non habent diuersam vim illuminandi, bene autem principia, quæ nec deriuantur ex alijs, neque ex alterutris: ergo, &c. Antecedens, & prima consequentia patent ex dictis nu. 49. & 53. Minor verò probatur: quia vt rectè inquit D. Tho. loco ibidem adducto, secunda prin-

cipia sortiuntur à primis virtutem inferendi, & illuminandi conclusiones: ergo quando vnum deriuatur ex alio, vel ambo ex alterutro, omnia reducuntur in vnam primam radicem luminis; ac proinde pertinent ad eandem rationem scibilis; quando verò neque deriuantur ex alijs, neque ex alterutris, reducuntur in virtutes illuminandi diuersas; & consequenter constituent diuersas rationes scibilis intra eandem abstractionem.

S. IIII.

*OCCVRRITVR QVI-
busdam obiectionibus, quæ fieri possunt
contra propositas conclusio-
nes: & argumentis supra
adductis satisfi.*

56 *VT* illustrior fiat doctrina tradita, aliqua contra illam obijcienda sunt. Et primò contra hanc vltimam conclusionem obijcies; quia sicut principia hominis, & equi continentur sub principijs communibus animalis; ita principia corporis, seu entis mobilis, quod est obiectum Philosophiæ, & principia substantiarum spiritualium, quæ pertinet ad Metaphysicam continentur sub principijs communibus substantiæ: ergo si principia hominis, & equi idè non sunt distincta in esse scibilis, quia deriuantur ex principijs animalis, pari ratione neque principia entis mobilis, & substantiarum spiritualium erunt distincta in esse scibilis, siquidem deriuantur ex principijs communibus substantiæ. Et ex consequenti, sicut eadem est scien-

Scientia hominis, & equi, ita etiam eadem erit scientia entis mobilis. & Angelorum, quod est absurdum.

Vt respondeatur huic argumēto, meminisse oportet, quæ supr. n. 51. adduximus ex D. Th. quod scilicet non causat vnitatem sciētiæ vnitatis primorū principiorū simpliciter; sed vnitatis principiorū primorū in aliquo genere scibili, hoc est, intra aliquā abstractionē, vt ibidē explicuimus. Quare licet principia quæ sunt intra vnā abstractionē, deriuentur ex principijs alterius abstractionis, id tamen non tollit, quominus illa verè sint prima in esse scibilis, vtpotē quæ sunt prima intra propriā abstractionē. Et ratio sumitur ex dictis. Quia cū genus scientiæ sumatur ex abstractione, differentia verò ex primis principijs: propriū autem sit, differentię, distinguere rem, quam constituit, non à quibuscumque, sed ab ijs tantum, cū quibus conuenit in genere; inde fit, vt principia ad diuersificandas specifice scientias non debeant esse prima absolutē, sed intra illud genus, sub quo continentur tales scientię.

Quo supposito, respondetur, quod principia hominis, & equi non sunt prima in genere scibilis, quia deriuantur ex principijs animalis, quæ continentur intra eandem abstractionē à materia singulari, quæ est propria Philosophiæ. At verò principia entis mobilis non deriuantur ex alijs intra propriam abstractionem à materia singulari, quia principia substantię, ex quibus illa deriuantur, sunt intra aliam abstractionem, nempe à materia intelli-

gibili, & consequenter pertinent ad aliud genus scibilis. Ex quo tandem fit, Metaphysicam, & Philosophiam esse plures scientias, non verò scientiam de homine & equo.

57 Sed contra. (Et sit secunda obiectio contra eandem cōclusionem) Quia principia quantitatis continuæ, quæ est obiectū Geometriæ, & principia quātitatis discretæ, quæ est obiectum Arithmeticæ, deriuantur ex principijs cōmunibus quantitatis intra eandē abstractionē; & tamen sunt sciētiæ specie distinctæ; ergo tā solutio, quā conclusio sunt falsæ. Minor & consequentia cōstant. Major autem probatur: quia quātitas non abstrahit à materia intelligibili, vt cōstat ex dictis.

Respondetur, Arithmeticam, & Geometriā non disputare de numero, & magnitudine secundū essentialiter eorū rationes, sed secundū rationē mensuræ: non enim curant, an positæ sint in extēsiōe, aut diuissibilitate, vel in aliquo alio; sed quomodo eis mesurentur cetera. Secundū quā rationē principia vtriusque non deriuantur ex alijs intra eandem abstractionē; quia omnia geometrica tandem resoluuntur in punctū, quod est prima mēsurā magnitudinis; & omnia arithmetica in vnitatē, quæ est prima mēsurā numerorū. Quæ duæ mēsuræ sunt primò diuersæ in ratione mensurandi, neque possunt habere aliquā mēsurā cōmunē, per quā regulentur, quia vnitatis mēsurā numerū, vt pars eius: punctum verò magnitudinē vt nexus, aut terminus; qui sunt modi mēsurandi omnino disparati, & ad

inaiem independentes.

58 Tertiò obijcies cõtra tertiam conclusionẽ: quia si ab abstractione fumeretur vnitas, aut distinctio generica scientiarũ; sequeretur sacrã Theologiam esse eiusdẽ generis cũ Metaphysica; siquidem continetur intra eandẽ abstractionem: hoc autem est expressẽ contra D. Tho. 1. p. q. 1. art. 1. ad 2. ergo, &c.

Respondetur primò cum Bañez art. 3. sequenti, conclus. 3. & ad 5. Nazar. ibid. controuers. 1. & alijs Thomistis, Theologiam sacrã habere proprium modũ abstractionis distinctum ab alijs, & excellentiorem illis. Quia Deitas, quæ est ratio formalis *quæ* obiecti eius, est simplicior, actualior, & immaterialior, quàm rationes entis, & substantiæ, quas considerat Metaphysica; & idẽ hęc solũ excludit à suo obiecto materiam corporalẽ admittens in illò realem compositionem ex potentia, & actũ, Theologia verò excludit omnem potentialitatem, & materiam etiam metaphysicam, & idẽ habet specialẽ abstractionem, per quam constituitur in proprio genere ab alijs condistincto. Eam tamen non enumerauimus in conclusione, quia ibi solũ egimus de scientijs naturalibus, seu quæ acquiruntur ex viribus humani ingenij.

Vel secundò respondetur, conclusionem nostram intelligendam esse de scientijs, quæ procedũt eodem lumine, se tenẽte ex parte potentie: in quibus illæ, quæ faciunt eiusdẽ abstractionis, erunt etiam eiusdẽ generis. Et procedet inter

scientias naturales, quia omnes procedũt ex eodẽ lumine naturali intellectus agentis; Geometria, & Arithmetica, sunt eiusdẽ generis: quia habent eãdem abstractionem; & idem proportionabiliter est de cæteris. At verò Theologia procedit ex lumine supernaturali diuinæ reuelationis, vt loco citato inquit D. Thom. & sic distinctio eius ab alijs cũ magis generica, & sumitur ex vniuersaliori principio, scilicet ex lumine supernaturali, per quod procedit.

59 Vt autem hoc plenius recipiatur, notandum est, quòd cũ obiectũ potentie sit quid communiũ, quàm obiectũ cuiuscũq; habitus talis potentie; inde fit, vt distinctio magis generica, & vniuersalior sumatur ab obiecto potentie, quàm ab obiecto habitus. V. g. magis distinguitur scientia à iustitia, quàm ab opinione; quia distinctio scientie à iustitia sumitur ex ratione veri, quod est obiectum potentie intellectus, distinctio verò ab opinione sumitur ex ratione necessarij, quod est obiectũ habitus scientifici, & pars quædam obiecti intellectus. Proportionabiliter ergo applicando hanc doctrinam ad actus eiusdẽ potentie, dicendum est, cæteris paribus maiorem distinctionem esse inter actus naturales, & supernaturales vnius potentie, quàm inter actus naturales illius, & idem est de habitibus. Quia, vt ex doctrina D. Thom. notat bene Cabezudo 3. par. quæst. 72. art. 8. circa finem, principia supernaturalia, ex quibus tales actus procedunt,

dunt, quodammodò habent rationem potentia, utpote quæ non ad faciliter, sicut habitus naturales, sed ad simpliciter operandum tribuuntur, suntq; complementa potentia in ordine supernaturali. Cù ergo Theologia sacra procedat ex principio supernaturali, scilicet ex fide diuina, vel lumine gloriæ, quæ se tenet ex parte potentia; inde est, quòd distinctio eius ab alijs scientijs naturalibus sumitur ex vniuersaliori principio, & consequenter est magis generica, quàm distinctio earum inter se. Quare cum Metaphysica, & Mathematicæ distinguantur genere infimo, ut constabit ex dicendis; utraq; distinctur à Theologia genere subalterno.

60 ¶ Ad fundamenta aliarum opinionum supra adducta satis patet ex dictis: libet tamen eorundem solutionem breuiter in præfenti colligere. Et primò ad rationem dubitandi in principio positam iam constat, quomodo in obiecto habitus, vel potentia ratio *sub qua* habeat in ratione obiecti eandem unitatem, quàm habitus, vel potentia; cùm tamen ratio *que* possit esse una tantum genericè, aut etiam analogicè. Constat etiam, quomodo de eodè obiecto materiali possint esse diuersæ scientia; & quòd ex abstractione sumitur unitas, non specifica, sed generica earum. Ac tandem, quid sit, quod obiectum constituit in esse scibilis, & quando res sunt unum scibile; quando verò diuersum. Atque ita evanescant omnia ad illud propositum adducta.

Ad fundamentum etiam tertiæ sententiæ sup. n. 38. adductum iam patet, non quamlibet diuersitatem principiorum sufficere ad multiplicandas scientias, sed requiri, quòd sint prima intra aliquam abstractionem, id est, quòd non deriuentur ex alijs, vel ex alterutris intra illam, & propterea, licet principia aliarum scientiarum deriuentur ex principijs Metaphysicis, adhuc esse distinctas scientias, quia talis deriuatio fit extra abstractionem propriam aliarum scientiarum. Et multò minùs sequitur secundum incòueniens; siquidem ex vniuersalissimis principijs non sumitur unitas, aut distinctio scientia, ut sup. à num. 71. vidimus ex D. Thom.

61 Ad confirmationem prædictam est minor. Ad cuius probationem respondetur, quòd quamuis propria principia, per quæ probantur passionis definitionis, aut alterius gradus specifici, sint immediata, & simpliciter indemonstrabilia, quatenus non habent causam adæquatam, & conuertibilem, seu propriam *propter quid*, per quod probentur: verè tamen dependent, & deriuantur ex communibus principijs secundarum intentionum. Quia gradus genericus est radix, & principium differentiarum contrahentium ipsam ad species, & harum passionis verè probantur per principia generica, tanquam per causam remotam, & inconuertibilem. Quod sufficit, ut principia specifica possint resolui in principia generica; & consequenter ut deriuentur ex eis.

Tandem ad fundamentum P. Suarez num. 39. adductum respondeant hucusquē dicta. Quamuis enim ob defectum nostrum, & materiæ huius difficultatem, eam non comprehendamus, neque suprà adducta intellectum omnino conuincant; tamen multo magis satisfacit in hac difficili quæstione, qui viam aliquam grauium Doctorum auctoritate firmam explicat, & defendit; quàm qui omnibus alijs dicendi modis reiectis, nihil omnino, vel nugatorium quid statuit, vt dictum Auctorem fecisse, testatur Rubio loco ibidem citato.

62 ¶ Ex dictis in tota hac quæstione inferuntur duo contra duos priores modos explicandi quartam sententiam suprà relatam. Primum est, quòd licet collectio specierum sit omnino necessaria ad sciētiam, possitque appellari sciētia inchoatiuē, & causaliter, tamen id, quod propriè habet rationem scientiæ, est tertia alia qualitas, seu facilitas iudicatiua, qua promptè, & delectabiliter iudicat intellectus de suo obiecto. Nequē in hoc est immerandum; quia præter paucos Thomistas cæteri omnes vniformiter conueniunt.

63 Secundum est, hanc qualitatem, seu facilitatem nō componi ex pluribus habitibus partialibus, vt aiebat Suarez; neque similiter ex partibus extensionis, vt tenent alij, sed verè esse formam quandam, & qualitatem simplicem, excludentem quarumlibet partium actualem compositionem. Si enim

res omnes, quæ cadunt sub obiecto Geometriæ verbi gratia, sunt vnicum scibile in specie infima propter vnica, & indiuisibilem rationem *sub qua*, quæ in eis inuenitur: ergo de illis omnibus vnica, & simplex habitus Geometriæ iudicare potest. Sicut propter eandem rationem vnica, & simplex potētia intellectus de omnibus intelligibilibus iudicat; quia omnia habent vnica, & indiuisibilem rationem *sub qua* ab intellecta attinguntur. Quæ ratio est D. Thom. 1. 2. quæst. 54. art. 4. & pro ea videri possunt Caiet. & alij Thomistæ sup. nu. 42. adducti. ¶ Quomodò autem habitus scientiæ, cū sit simplex secundū se ipsum; realiter tamen augeatur, ita vt verum sit entitatem ipsam intrinsecā habitus esse perfectiorē, & magis extensam absque reali additione partium; plura petit à præfenti instituto aliena; quæ commodiù explicabimus in libris de Generatione, agentes de intensiōe, & extensione qualitatum.

QV AESTIO V.

Quomodò applicanda sit doctrina tradita singulis scientijs in specialiter

64 HIS generaliter statutis de scientiarum specificatione, iam facilè est indicare de vnitae vnus cuiusque in particulari, quāta fit, & vnde sumatur? Et ideò in gratiā omnium, qui illas profitentur, specialiter discurrendum est per singulas; tū vt grauissima hæc materia

quantum in nobis est, vadequaque maneat absoluta: tum etiam, ut specialiter constet de vnitatem nostram Dialecticæ, & Philosophiæ naturalis postea tradenda.

§. I.

DE SACRA THEOLOGIA.

65 ¶ Incipiēdo à sacra Theologia: quia alias scientias dignitate superat, cum longa disputatio extra institutum nostrum sit, breuiter asserendum est in primis, ipsam genere subalterno differre à Metaphysica, & alijs scientijs naturalibus; ut satis ex dictis constat. Deinde esse vñū habitum in specie infima quoad omnes suas partes. Quæ sententia communis est in schola D. Thom. qui eam indicat; tum in Prologo sententiarum, q. 1. art. 2. vbi illam defendit Capreol. q. 3. art. 1. conclusione 4. tum etiam 1. par. q. 1. art. 3. vbi ipsum in hoc sensu explicat, & defendūt Caiet. & Nazar. in commentario articuli, Bañez dubio vltimo, González disputatione 3. conclusione 4. & communiter Thomistæ.

Probatür breuiter ex doctrina generali tradita; quia intra abstractionem propriam Theologiæ, nempe ab omni materia naturali, & potentialitate creata, omnia eius principia tādē resoluuntur in diuinā reuelationem: ergo deriuantur ex alijs, vel ex alterutris; & per consequens pertinent ad eandem speciem scibilis.

Confirmatur: quia quæcumque traduntur in Theologia, referun-

tur in eandem Deitatem; vel tanquā in propriam essentiam, ut quæ pertractantur de attributis, & personis; vel tanquā ad principium efficiēs, aut vltimum finem, ut quæ de creaturis disputantur. Hoc autem, non ut sunt quocumque modo cognoscibilia, sed ut stant sub principijs reuelatis; ergo omnia pertinent ad eandem rationem formalem *quæ*, scilicet Deitatem, participantque eandem indiuisibilem rationem *sub qua*, scilicet diuinam reuelationem mediatam, & virtua-lem, & ex consequenti sunt vñū scibile in specie infima. Videantur Gonçalves. vbi sup. & alij Thomistæ.

§. II.

DE PRIMA PHILOSOPHIA, seu Metaphysica.

66 ¶ Secundò etiam infertur ex dictis, quid de Metaphysica sentiendū sit. Cum enim abstractio à materia intelligibili conueniat huic scientiæ, consequens est ipsam genere differre à Mathematicis, & Philosophia naturali. An autem Metaphysica quoad omnia, quæ includit, sit vñus habitus in specie infima, longiorem postulat disputationem; quæ aliena est à presenti instituto. Affirmatiua tamen sententia, quā tradit D. Tho. opus. 42. c. 3. & defendunt Caiet. in hoc lib. c. 23. Arau. 1. Metaph. q. 5. art. 3. & communiter Thomistæ, potest facillè ex eisdem fundamentis suaderi. Quia omnia principia, ex quibus Metaphysica procedit ad suas conclusiones demonstrandas, tandē

resoluuntur in communia principia entis realis, quod est obiectū eius: ergo deriuantur ex alijs, vel ex alterutris intra eandē abstractionem à materia intelligibili, & per consequens pertinent ad eandē speciem scibilis.

§. III.

DE MATHEMATICIS

extremis, scilicet Arithmetica,

& Geometria.

67 ¶ Tertiò infertur, quid dicendum sit de Arithmetica, & Geometria, quæ propriè sunt Mathematicæ. (Musica enim, Perspectiua, Astrologia, & similes, quæ solent inter Mathematicas numerari, non sunt verè species Mathematicæ, vt inquit D. Thom. 1. 2. quest. 35. art. 8. & nos inf. à explicabimus.) De quibus in primis statuendū est, vtramque genere differre à Metaphysica, & Philosophia; siquidē continetur sub abstractione diuersa, nempe à materia sensibili, à qua sumitur genus scibilis mathematici; ac proinde eas immediate collocari sub eodem genere Mathematicæ, esseque inter se specie distinctas, siquidem ambæ continentur sub eadem abstractione; & intra eam principia vnus nō deriuantur ex principijs alterius, neque vtraque ex alterutris; sed resoluuntur in diuersa prima principia, vt supra numero 61. explicauimus.

68 Tandem asserendum est, vnāquamque esse vnum habitum in specie infima. Quæ est communis sententia Auctorum, quos supra n. 42.

retulimus. Coniungiturque ex eisdem fundamentis. Nā in Arithmetica, numeri solidi reducuntur ad superficiales, seu planos; & hi ad lineares; qui tandem resoluuntur in vnitatem, quæ est prima omnium mensura. Idem etiam contingit in proportionibus, quæ sunt passionēs numerorū. Nām omnes superpartientes deriuantur ex superbipartiente, quæ est prima huius generis; hæc autem, & omnes superparticulares deriuantur ex sexquialtera, quæ est prima superparticularium. Ex quibus, omnes indeterminatæ reducuntur in primam determinatā huius generis, quæ est Hemiolium, versaturque inter 3. & 2. Et tādē multiplicitates, & generaliter omnes proportionēs, rām numeri ad numerum, quā numeri ad vnitatē deriuantur ex ea, quæ simpliciter est prima in omni genere, scilicet ex proportionē dupla, quæ versatur inter binarium, & vnitatē. De quo videri possunt Arist. 5. Metaph. cap. 15. & D. Tho. ibidem lect. 17. ergo principia omnia, ex quibus procedit Arithmetica, deriuantur ex alijs, vel ex alterutris intra propriam abstractionem, & per consequens constituunt vnum scibile in specie infima.

69 Idem etiam patet in Geometria. Nā vt expressè inquit D. Tho. loco supra num. 50. adducto, principia Isochelis, Isopleuros, & Scaleni deriuantur ex principijs trianguli; & principia quadrati, Rhombi, Rhomboidis, & similium ex principijs quadranguli, & vtraque ex principijs communibus figuræ. Et tandem,

tandem, vt totâ Geometriam vno completamur verbo, figuræ omnes, quæ formantur in profunditate, deriuantur ex pyramide, quæ est prima solidarum: hæc verò, & omnes, quæ formantur in superficie, deriuantur ex triangulo, quæ est prima inter figuras planas: & tandem triângulus resoluitur in lineas, & hæc in punctum, quod est prima mēsurâ quantitatis continuæ. Ergo illa est vnum scibile in specie infima, & Geometria vnus habitus in specie. Maior huius explicatio pendet ex perfecta notitia harû scientiarum: hæc tamen sufficiunt, vt eis applicetur generalis doctrina tradita.

§. IIIT.

DE PHILOSOPHIA
naturali.

70 ¶ Quartò inferitur, quid dicendū sit de Philosophia naturali, vt comprehendit libros Physicorum, de Cælo, Generatione, & Anima, & siquæ alia ad ipsam pertinent, vt sunt libri Aristot. qui appellantur parua naturalia. In quo tamen veteres, & iuniores Thomistæ non concordant, & res adhuc sub lite est, vt inquit Arauxo infra citandus.

Ex antiquis negant Philosophiæ unitatem specificam Soncin. 6. Metaphysicæ, quæst. 8. Caiet. in hoc lib. cap. 22. & 2. quæst. 162. in introductione quæstionis. Pro qua etiam sententia refertur Capreol. quæst. 3. prologi: eique fauet non parū D. Tho. in hoc 1. lib. lect. 41. vbi post verba sup. nu. 50. adducta, statim subdit, quod *Corpus natura-*

le, & mathematicum distinguuntur in diuersas species scibilium. ¶ Et ratio Caiet. videtur efficax. Quia maior, & minor remotio à materia, & motu videtur sufficiens distinctiuum scientiarum: sed intra abstractionem à materia singulari, quæ cōmunis est toti Philosophiæ, datur maior, & minor remotio à materia, & motu in entibus mobilibus, siquidem aliud abstrahit ab omni specie motus determinata, & est tantum mobile vt sic, cui correspondet libri Physicorum; aliud est mobile tantum ad vbi, cui correspondent libri de Cælo; aliud ad formā, cui correspondent libri de Generatione, &c. Ergo habent diuersas immaterialitates; & per cōsequens sufficiunt distinguere species Philosophiæ.

71 Secunda sententia constituit unitatem specificā in Philosophia, vt comprehendit omnes suas partes. Quam docuit Auerroes 2. Physicorum, text. 29. & sequuntur ferè omnes Thomistæ iuniores, Soto hic c. 25. & 1. Physicorum, quæst. 2. Bañez lib. 1. de Generatione quæst. proœmiali ad 4. Araux. 1. Metaph. q. 5. art. 3. ad 4. Sanch. lib. 1. Logice q. 11. & alij. Quibus fauet D. Tho. de Sensu, & Sensato, lect. 2. vbi post verba, num. 58. adducta, planè loquitur de tota Philosophia, vt de vna scientia; librosq; Physicorum de Cælo, & alios appellat partes eius. Quod etiā colligitur ex opif. 42. c. 14. vbi postquā ex diuisione entis in suas species colligit diuisionem Philosophiæ; subdit talem diuisionem magis pertinere ad Lo-

gicum, quàm ad Philosophum, planè indicans esse partitionem rationis in eodem simplici habitu.

Certè de mente D. Thomæ nō omnino constat in hac difficultate. Hæc tamen secunda sententia est proculdubio cōformior illi: tū propter adducta: tū etiā, quia magis consequens est generali doctrinæ de scientiarū specificatione suprā ex ipso statutæ. Et ideò asserendū est totam Philosophiam naturalem esse vnum habitum in specie infima. In cuius cōfirmationem præter adducta solū addenda est ratio, quam pro alijs fecimus, quod scilicet omnia principia Philosophiæ deriuantur ex alijs, vel ex alterutris intra propriā abstractionem à materia singulari: siquidem saltem dependent, & probantur per communia principia motus, quæ in libris Physicorum statuuntur; reducunturque tandem in materiā, & formā, quæ sunt prima principia entis mobilis: ergo omnia, quæ tractantur in Philosophia, constituunt vnicam speciem scibilis; & consequenter pertinent ad eādem aethorem speciem scientiæ.

72 Ad locum D. Tho. pro contraria sententia adductum respondent optimè Bañez, & Arauxo ubi suprā, Sanctum Doctorem per corpus naturale, vt condistinguitur contra corpus mathematicum, intelligere, non solū ens mobile, quod est obiectum Philosophiæ, sed alia entia naturalia, quæ sunt obiecta aliarum scientiarum, quæ subalternantur Mathematicis; vt sonorū respectu Musicæ, & visuale respectu

Perspectiue. Istæ enim scientiæ, vt iam videbimus, continentur sub eodem genere immediato cū Philosophia, & habent pro obiectis entia naturalia, & ideò cum omni proprietate verificatur, corpus naturale, vt comprehendit obiecta Philosophiæ, Musicæ, & aliarum, diuidi in plures species scibilium, vt magis constabit ex dicendis.

Ad rationem respondetur negando maiorem. Nam, vt ex dictis patet, intra eandem abstractionem maior, & minor remotio à materia, aut motu non causant diuersitatem in esse scibilis; nisi quādo resoluntur in diuersa prima principia, vt contingit in obiectis Arithmeticæ, & Geometriæ. Quod tamen non inuenitur in Philosophia, siquidem omnia eius principia, tam quæ magis, quàm quæ minùs abstrahunt à motu, deriuantur ex alijs, vel ex alterutris intra eandem abstractionem à materia singulari, vt explicatum est.

§. V.

DE MUSICA PERSPECTIUA, Astrologia, & alijs scientijs medijs.

73 ¶ Q Vintò inferitur, quid dicendum sit de scientijs, quæ subalternantur Mathematicis; & solent appellari mediæ inter illas, & purè naturales; vt sunt Musica, Perspectiua, Astrologia, Cosmographia, Geographia, Hydrographia, Machinatiua, & similes. Circa quod suppositis his, quæ de propria subalternatione diximus suprā num. 9. considerandum est, huiusmodi scientias quodāmodo descendere

cendere ex vno genere in aliud, in quantum applicant obiectum, & principia subalternantis ad materiam omnino accidentalem, & extraneam; vt ibidem explicuimus. Quo fit, vt obiectum, & principia subalternantis semper sint sub abstractione diuersa ab ea, quã habet materia illa, cui fit applicatio in scientia subalternata, vt patet in exemplis ibidẽ adductis. Numerus enim, & linea secundũ se abstrahũt à materia sensibili; sonorum verò, & visuale, tantũ à materia singulari. Et hac de causa scientiæ istę dicuntur mediæ: quia nimirũ participant de vtraque abstractione, siquidem in eis principia aliter abstrahunt, ac conclusiones. Ex quo etiam nascitur, vt rectè notauit D. Thom. 2.2.q. 9. art. 2. ad tertium, quòd si principia cõsiderentur, quæ habent rationem formæ, scientias istas cum Mathematicis connumeramus; si verò conclusiones, seu materiam propriam spectemus, magis conueniunt cum naturali; propter quod 2. Physic. text. 2. dicitur esse magis naturales.

74 Cæterũ n, quia in his scientijs, vt latè explicuimus supra nu. 21. ratio formalis quæ obiecti non sic constituitur ex obiecto superioris, & materia illa extranea, quasi ex æquo includat vtrumque, sed obiectum superioris consideratur quasi in obliquo, & vt principium, per quod diffinitur: materia verò extranea principaliter, & in recto habet rationem obiecti, vt sonorum in Musica, & visuale in Perspectiua; inde est, quòd absolute, & sim-

pliciẽter loquendo, scientiæ istæ dicendæ sunt naturales, & cõtinentur in eodem genere cum Philosophia naturali. Quod genus, distinctionis gratia, appellabimus *scientiam naturalem*; (nẽ ipsũ cum Philosophia, quæ est quædam species eius, confundamus.) Et per consequens genere distinguuntur ab Arithmetica, & Geometria, quæ sunt propriẽ Mathematicæ.

Hanc sententiam defendunt communiter Thomistæ Caiet. 2.2. quæst. 9. art. 2. Flandria 6. Metaph. q. 3. art. 1. Soto in hoc lib. cap. 11. q. 5. ad 5. & 2. Phys. q. 2. art. 2. Arauxo vbi supra ad secundum, & alij. Pro qua etiã, videri potest D. Thome 2.5. huius lib. & 2. Phys. lect. 2. Vbi eam docet eleganter Aristoteles; nam postquam Mathematici, & Philosophi differentiam explicuit ex diuersa abstractione à materia; subdit: *Hoc idem indicant, & mathematicarum facultatũ hæ, quæ magis sunt naturales, vt Perspectiua, Musica, & Astrologia. Nam cõtra quodãmodò se se habet, ac Geometria. Geometria nãq; de naturali linea contemplatur; sed non vt est naturalis: Perspectiua verò Mathematicam quidem lineam considerat; at non vt est Mathematica, sed vt est naturalis.*

Ex quibus verbis probatur à priori hæc sententia. Quia idẽ Geometria verbi gratia simpliciter est scientia Mathematica, & genere distinguitur à Philosophia, quia linea, quam considerat, licet à parte rei sit quid naturale, nõ tamẽ consideratur ab ea, vt est naturalis,

Sed ut abstrahit ab omni materia sensibili. Sed è contrà linea, quam considerat Perspectiua, licet secundum se sit quid mathematicum, nō tamen consideratur ab ea, ut est mathematica; sed ut includit visualitatem, quæ est materia sensibilis: ergo Perspectiua simpliciter est scientia naturalis, & genere distinguitur à Geometria.

Confirmatur: quia id, quod principaliter, & in recto habet rationem obiecti in his scientijs medijs, est illa materia extranea, & sensibilis, ut sonorum in Musica, & visuale in Perspectiua: ergo tantum abstrahunt à materia singulari, sicut ens mobile, quod est obiectum Philosophiæ: ergo continentur sub eodem genere scibilis naturalis, & consequenter sub eodem genere scientiæ.

75 Circa unitatem verò, aut distinctionem specificam harum scientiarum idem ferè ac de reliquis dicendum est, scilicet sumendam esse ex unitate, vel distinctione principiorum in esse scibilis. Id enim æquè conuincunt de omnibus scientijs rationes suprà n. 59. adductæ. Non tamè sumitur eodem modo in his, ac in cæteris. Cum enim aliæ sint extremæ; tam principia, quam obiectum sunt sub eadē abstractione, & ita unitas, vel distinctio earum sumitur ex principijs, quæ sunt prima intra abstractionem propriam ipsius obiecti, ut vidimus. At verò in his scientijs, de quibus loquimur; cum sint mediæ inter purè Mathematicas, & Naturales; principia habent diuersam abstractionem, ac

obiecta; & ita unitas, aut distinctio earum non potest sumi ex principijs, quæ sunt prima intra abstractionem propriam obiecti (nulla enim talia principia sunt in his scientijs;) ac proinde desumenda est ex principijs, quæ sunt prima intra abstractionem propriam ipsorum principiorum.

Iuxta quam doctrinam, quæ prout iacet, necessariò admittenda est à Thomistis supra citatis, nobis valdè probabile est, & maxime consequens ad hucusque dicta, quòd sicut duæ tantum dantur Mathematicæ extremæ, quarum principia possint ad materias extraneas applicari, sic duæ tantum dantur huiusmodi scientiæ mediæ, licet varijs nominibus significatz. Altera est, quæ principia Arithmetica applicat ad materias sensibiles; potestque, prout comprehendit omnes materias, appellari *Arithmetica naturalis*. Quæ dū talia principia applicat ad sonos, dicitur Musica: dū verò ad alias materias (si quæ sint, quibus hæc principia possint applicari) sortietur alia nomina. Altera verò est, quæ principia Geometriæ applicat ad materias sensibiles, potestque cōmuni nomine dici *Geometria naturalis*. Quæ dū talia principia applicat ad visum, dicitur Perspectiua, seu Optica; dū ad cælos, & astræ, Astrologia; dū ad mūdum, & eius partes, Cosmographia; dū ad terrā, & eius Prouinciās, Geographia; dū ad singularem locū, aut Ciuitatem, Topographia; dū ad aquam, & maria, Hydrographia; dum

dum ad bellica instrumenta. & machinas, Machinaria; & sic de alijs nominibus. quibus scientia ista potest appellari, secundum quod applicat principia Geometriæ ad peculiare materias sensibiles.

76 Quamvis autem hæc doctrina, prout iacet, non inueniatur expressa in Doctoribus; quia non descendunt ita particulariter ad has materias; est tamen non solum consequens ad fundamenta supra ex Aristot. & D. Tho. stabilita; sed etiam communi Mathematicorum sententiæ, qui quatuor tantum Mathematicas admittunt, ut patet ex Ptolomeo in Almagesto. Imò sic necessario asserendum est iuxta receptissimum loquendi modum, tam Dialecticorum, quam Philosophorum constituentium septem tantum artes liberales, ut patet ex illo carmine,

¶ *Lingua, tropus, ratio, numerus, tonus, angulus, astra,*

Vbi quatuor tantum numerantur Mathematicæ; duæ extremæ, scilicet Arithmetica, & Geometria designantur per *numrũ*, & *angulũ*; & duæ mediæ, nempe Musica, & Astrologia significantur per *tonũ*, & *astra*. Propter quod etiam Mathematicæ ab antiquis appellabantur quadriuiũ. De quo videri possunt Hugo Victorinus lib. 3. sui Didascalon, & D. Tho. opusc. 70. q. 5. art. 1. ad 3.

Ratione etiam idem facile probatur ex dictis. Quia tot sunt constituendæ species scientiæ, quot fuerint principia in ratione luminis diuersa, seu habentia diuersam vim illuminandi conclusiones: sed principia omnia, ex quibus procedunt

scientiæ mediæ, sunt tantum duo in ratione luminis, seu tantum habent duplicem vim illuminandi: ergo tantum sunt constituendæ duæ scientiæ mediæ. Maior est Arist. & D. Tho. ut patet ex dictis sup. num. 58. Minor verò probatur: quia principia omnia, ex quibus procedunt istæ scientiæ mediæ, vel sunt geometrica, vel arithmetica, ut supponimus: sed in his tantum inueniuntur duæ primæ radices luminis, vñ. 69. ostensum est: ergo tantum datur in eis duplex vis illuminandi conclusiones.

Cõfirmatur: quia genus sumitur ab eo, quod habet rationem materiæ, & differentia ab eo quod habet rationem formæ, ut vidimus sup. disp. 5. n. 73. sed in his scientijs medijs propriũ obiectũ habet rationem materiæ, & principia superiorũ rationem formæ, ut expressè docet D. Tho. in hoc lib. l. c. 2. 5. & 2. 2. q. 9. artic. 2. ad 3. ergo sicut in eis rectè sumpsimus genus ex obiecto, seu materia, ad quam applicant principia superiorũ, eas propterea collocantes sub eodem genere cum Philosophia; sic etiam rectè sumimus differentiam ex ipsis principijs superiorũ, duas tantum scientias medias constituentes, iuxta duas species principiorum in esse scibiles, nempe arithmeticonum, & geometricorum.

77 Ad hæc forte respondebis, idẽ principium geometricum, quod Perspectiua applicat ad visum, & Machinaria ad instrumenta bellica, licet in se sit formaliter vnum; esse tamen virtualiter multiplex, secundum quod est applicabile ad diuersas materias.

Sed contra hoc est. Primò: quia estò detur in principijs geometricis talis multiplicitas virtualis, adhuc ista reducitur tandem in vnam primam radicem luminis, vt supponimus: ergo non potest causare plures scientias. Patet consequentia: quia nulla alia ratione talis virtualis multiplicitas, quæ ponitur in principijs geometricis, non sufficit causare plures species Geometricarum; nisi quia reducuntur in vnam primam fontem luminis: ergo eadem ratione non poterit causare plures scientias illi subalternatas.

Secundò: quia omninò falsum est, principia geometrica esse virtualiter plura, secundum quod possunt applicari ad diuersas illas materias: ergo falso nititur fundamentum dicta solutio. Probatur antecedens: quia ideò lux corporalis non est virtualiter multiplex, secundum quod potest illuminare hominem, & equum: quia illi omnino per accidens est, quod applicetur ad eos illuminandos: sed principijs geometricis est multò magis per accidens, & extranea quæcumque materia, ad quam applicantur: ergo ratione talis applicationis non sunt virtualiter plura, & consequenter non datur firmum fundamentum ad multiplicandas plures scientias medias sub eadè extrema: ac proinde duæ tantum sunt constituentes, vt explicatum est.

§. ultimus.

DE LOGICA.

78 ¶ Postremò inferitur, quid dicendū sit de nostra Lo-

gica, quam ad vltimum locum distulimus: quia alijs enumeratis, licet non vtilitate, aut necessitate, dignitate tamen cedit. De qua in primis statuendum est, ad nullum horum trium generum pertinere vt partem, seu speciem principalem alicuius. Quia vt disput. 1. num. 51. tetigimus, & probat D. Tho. opus. 70. quæst. 5. art. 1. ad 2. Logica non est pars principalis scientiæ speculatiuæ, sed ad eam reducitur vt ad nūcūlū, & instrumentum aliarum, quatenus docet modum procedendi in illis.

Ceterum, quia Logica sic est instrumentum scientiarum, vt etiā sit vera pars Philosophiæ, seu vera scientia, vt ibidem explicuimus: non omninò excluditur ab hac coordinatione, sed continetur sub eodem genere cum Metaphysica, vtpotè quæ habet eandem abstractionem ab omni materia. Differt verò specie ab illa, quia licet vtriusque principia contineantur, & deriuentur ex vniuersalissimis principijs entis, quod abstrahit à reali, & rationis; hæc tamen non causant vnitatem scientiæ, vt supra nu. 51. vidimus. Cum autem in alijs non conueniant; siquidem Metaphysica procedit ex principijs entis realis; Logica verò ex principijs secundarum intentionum, planum fit, vtriusque principia non deriuari ex alijs, neque ex alterutris, & consequenter esse diuersa in esse scibili.

Tandem asserendum est, Logicam esse vnicum habitum in specie infima. Quia omnia eius principia

cipia deriuantur ex alijs, vel ex alterutris intra eandem abstractionem. Nam principia demonstrationis deriuantur ex principijs communibus syllogismi; & hæc ex principijs argumentationis; ista verò ex principijs propositionum, & terminorum; & tandem hæc ex communibus principijs secundarum in-

tionum. Quod idè patet in definitione, diuisione, & alijs partialibus obiectis Logicæ; quæ omnia continentur sub eadem abstractione ab omni materia; ergo intra illam deriuantur ex alijs, vel ex alterutris; & per consequens pertinent ad vnicam speciem scibilis, & scientiæ.

DISPUTATIO XX.

De alijs habitibus intellectualibus.

CAPITE 26. & 27. huius primi libri Aristoteles agit de opinione, & solertia; vt ostendat, in quo deficiant, & distinguantur à scientia. Et cap. vlt. secundi libri tractat de habitu principiorum, quo cognoscuntur principia demonstrationis, quique est causa scientiæ. Et ideò Doctores in fine horum librorum solent aliquæ prælibare de his habitibus intellectualibus. Quod nos præstabimus quæstionibus sequentibus.



QVAESTIO PRIMA.



Vtrum habitus principiorum sit distinctus ab intellectu, & in quo consistat.

1 CONCEDENDVM Est habitum principiorum, quem Aristot. 6. Ethicor. cap. 6. vocat *intellectum*, seu *intelligentiam*, vt habet translatio antiqua, ita certum est; sicut est certum dari in rerù natura scientiam. Quemadmodum enim ad cognoscendas propositiones necessarias, & mediatas, seu per aliud notas necessaria est scientia; sic ad cognoscendas eas, quæ nullum habent medium, per quod probentur, & appellatur immediatæ, seu prin-

cipia, necessaria est virtus aliqua, seu habitus intellectualis, quæ appellatur habitus principiorum. Neque de hoc est controuersia inter Doctores. ¶ Tria tamen sunt, in quibus non omnes consentiunt. *Primum* est: an habitus iste sit ipse intellectus, vel qualitas aliqua illi superaddita, & ab eo distincta? *Secundum*: in quo consistat propria eius ratio, seu circa quæ principia versetur. Et tandem *tertium*: an sit à natura inditus, vel quomodo fiat

fit in nobis? Duo priora tractat recte Ludouicus Montefino 1. 2. disp. 32. quæst. 6. & nos breuiter absoluenus in hac quaestione. Tertium verò in sequenti latius explicabimus.

2. Dicendum est ergo primò, habitum principiorum non esse ipsam potentiam intellectuam; sed verum habitum ipsi superadditum, & ab ea distinctum. Hæc conclusio est contra Valentiam, & Lorcam 1. 2. q. 51. art. 1. quæ etiam ex parte negat Durandus in 3. dist. 33. q. 1. ad 2. Est tamen communis consensus Philosophorum cum Arist. tum in hoc 2. libro, capite ultimo, ubi agens de causis istius habitus, expressè faceret ipsum generari in nobis experimento, & memoria: tum etiam loco citato ex 6. Ethicorum cap. 3. ubi numerat ipsum inter virtutes intellectuales (quæ sunt veri habitus) appellans eum *intellectum* propter istam excellentiam. Quo loco D. Thom. lectione 5. inquit: *Accipitur intellectus hic, non pro ipsa intellectuâ potentia; sed pro habitu quodam, quo homo ex virtute luminis intellectus agentis naturaliter cognoscit principia indemonstrabilia.* Quod etiam docet 2. contra gentes, cap. 78. ubi affirmat habitum principiorum accipi ex sensibilibus, & esse effectum intellectus agentis. De quo etiam loquens p. 1. ma secundæ, quaestione 62. articulo tertio ad primum expressè inquit esse habitum naturalem superadditum potentia intellectui.

3. Fundamentum est: quia potè-

tia rationalis, qualis est intellectus & voluntas secundum se est indifferens, & se habet ad opposita, ut dicitur nono Metaphysicæ. Potest enim voluntas ferri in bonum, & malum; & intellectus intelligere verum, vel falsum: sed habitus principiorum nō se habet ad opposita; neque indifferenter inclinatur ad verum, vel falsum; sed infallibiliter attingit verum, & determinat intellectum, ad cognoscendas propositiones necessarias, immediatas, ipsumque disponit benè secundum suam naturam in ordine ad aliquam operationem: ergo non est ipsa potentia intellectuâ; sed verus habitus illi superadditus. Maior, & consequentia constant. Minor verò probatur. Tum ex verbis Aristotel. libro 2. citato circa finem, ubi expressè testatur habitum principiorum, quem vocat intellectum, esse perpetuò verum, dicens: *Cum autem mentis habitum, quibus verum perspicimus, quidam veri perpetuò sint, ut intellectus, atque scientia; quidam intereum falsum suscipiant, ut opinio, &c.* Tum etiam ratione eiusdem Aristotel. quia tota certitudo, determinatio, & necessitas assensus scientifici sumitur ex certitudine, determinatione, & necessitate assensus principiorum: ergo certius, firmius, & magis immobiliter assentitur intellectus ipsis principiis, sed habitus scientiæ, quo cognoscuntur conclusiones, non est indifferens ad verum, vel falsum, sed omninò determinatus ad cognitionem veri: ergo multò magis determinatus est

est habitus principiorum. Videatur D. Tho. 2. dist. 24. q. 2. art. 3.

4 Dices: habitus ponitur ad tollendam indifferentiam potentiae: sed intellectus circa prima principia est naturaliter determinatus; siquidem explicatis terminis non potest illis dissentire: ergo ad illa non indiget habitus; & per consequens ipse erit habitus principiorum. ¶ Confirmatur: quia sicut se habet voluntas circa finem sibi proportionatum; ita intellectus circa principia naturaliter cognita: sed circa talem finem voluntas non indiget habitu, ut sumitur ex D. Thom. 1. 2. qu. 56. art. 6. & docet expressè, q. 62. sequenti, art. 3. ad primum: ergo neque etiam intellectus indiget habitu circa prima principia.

Ad argumentum si autem cum confirmatione responderetur, habitum principiorum esse necessarium: tum quia intellectus secundum se est indifferens ad elicendum assensum conclusionum, vel principiorum: tum etiam, quia licet explicatis principiis universalissimis naturaliter determinetur ad assentiendum illis; tamen respectu aliorum minus universalium potest habere falsam cognitionem: tum denique quia cum intellectus in omni suo actu indigeat speciebus intelligibilibus; non habet de se sufficientem determinationem, etiam respectu principiorum universalissimorum, neque ex se est facilis ad assentiendum illis. In quo distinguitur à voluntate. Cuius operatio quia non requirit species; sed est pura incli-

natio in obiectum, quod attrahit ad se voluntatem; inde est, quod sit sufficienter determinata, & absque ulla difficultate feratur in finem, in quem naturaliter inclinatur. Sic respondet D. Tho. loco citato ex q. 62. & q. 1. de virtutibus a. 5. ad 3.

5 Dicendum est secundò, habitum principiorum versari, tam circa principia vniuersalissima, quae ab Arist. c. 2. huius primi libri appellantur *dignitates*, quam circa principia particularia scientiarum, quae vocantur *positiones*. Haec conclusio est contra Vazq. 1. 2. disp. 74. c. 3. sed est communis inter Doctores, pro qua videri potest Montefino ubi supra. Breuiterque probatur, Tum quia Arist. & D. Tho. agētes de huiusmodi habitu non distinguunt principia vniuersalia, & particularia; sed absolute docent versari circa prima principia. Tum etiā, quia ut sumitur ex eodem Arist. loco citato, propria ratio per quam habitus principiorum distinguitur à scientia, est quod versetur circa propositiones medio vacantes, & per se notas, quod aequè conuenit principiis vniuersalissimis, & particularibus; siquidem utraque sunt propositiones immediatae. Tum denique, quia necessitas ponendi hunc habitum superadditum intellectui, aequè procedit in omnibus; siquidē ex utrisque deriuatur cognitio scientifica; & ad omnia requiruntur species intelligibiles. Ergo pro omnibus necessaria est ratio intellectus; ut illis sentiat assensum intellectus, & determinetur sufficienter ad veri cognitionem.

6 Ex quo apparet iam quid sit iste habitus, cuius definitio essentialis sic potest formari: *Intellectus, seu intelligentia est habitus circa propositiones vniuersales, necessarias, immediatas, & speculatiuas.* In qua priores particulæ exprimūt genus proximū, in quo intellectus cōuenit cum synderesi, quæ est habitus principiorum practicorum. Vltima verò ponitur loco differentia; quia penes practicum, & speculatiuum distinguūtur isti duo habitus, vt plenè constabit infra num. 29. vbi diuisiones habitus intellectualis ordinabimus.

7 Secundò sequitur eundem habitum in specie infima sufficere pro omnibus principijs speculatiuis, siuè vniuersalibus, siuè particularibus; & consequenter non esse multiplicandos iuxta numerū scientiarum non subalternatarum; vt multiplicant Rubio, & alij. Ratio autem sumitur. Tū ex Arist. in hoc 2. lib. cap. vltimo, ubi docet habitum istum esse virtutē intellectualem certiore, & altiore habitu scientiæ; in quam iste resoluitur, tanquā in principium efficiens, præhabens in se quiddam perfectionis est. in scientia: ergo vnitatis eius sumenda est ex altiori, & vniuersaliori radice, ac proinde non est multiplicandus iuxta numerum scientiarum. Tū etiam, quia propria ratio formalis sub qua habitus iste tendit in principia, nempe immediata connexio prædicati cum subiecto, eadem est in omnibus principijs scientiarum; quamuis pro diuersitate materiali eorum,

sæpè interueniat maior, aut minor difficultas in explicatione terminorum, vt vidimus supra numero 6. ergo idem habitus in specie infima sufficit pro omnibus principijs speculatiuis, tam vniuersalibus, quā specialibus, & proprijs scientiarum.

QVÆSTIO II.

An habitus principiorum sit à natura inditus: vel quomodo fiat in nobis?

8 I N hac difficultate duæ sunt sententiæ extremæ, & alia media. Prima asserit habitum principiorū nullo modo esse naturalem, sed verè acquisitum per actus ipsos, quibus intellectus assentitur principijs; sicut habitus scientiæ, & virtutum acquiruntur per proprios actus. Itā Rubio hic tractatu de habitu principiorum, numero decimoquarto. Pro qua sententia citat Ferraram secundo contra gentes, capite 78. falsò tamen, vt infra constabit.

Probatur primò expresso (vt inquit) testimonio Aristotelis in hoc secundo libro, capite vltimo, vbi loquens de habitu principiorum, inquit: *Neque itaque insunt determinati habitus, neque ab alijs habitibus fiunt notioribus, sed assensu.* Quibus verbis docet hunc habitum non inesse nobis à natura, neque ex alijs notioribus notioris fieri, sicut habitus scientiæ: sed per assensum immediatū veritatis per se notæ, quod est acquiri per proprios actus.

Secundò probatur ratione; quia natura solùm concedit rebus, quæ necessaria sunt ad simpliciter operandum, quæ verò ad melius, aut facilius requiruntur, relinquit acquirenda propria industria, & labore; tribuens illis principia, quibus possint operari, & operandò ea acquirere: sed habitus principiorum non est necessarius ad simpliciter assentiendum primis principijs, sed ad assentiendum cum facilitate: ergo nõ est nobis à natura datus, sed acquiritur propria industria. Maior patet in habitibus virtutum moralium, quos idè natura non concessit, quia non requiruntur ad simpliciter operandum bona opera. Minor verò probatur: quia assensus primorum principiorum non excedit facultatem naturalem intellectus, cum sint veritates quædam naturales, & per se notæ: ergo informatus intellectu speciebus intelligibilibus, per quas apprehendit terminos, & cognoscit significationem eorum, potest propria virtute iudicare de veritate principiorum, eisque assentire; & ex consequenti ad simpliciter assentiendum illis, non erit necessarius habitus.

9 Quamvis autem hæc sententia placeat quibusdam Modernis; est tamen proculdubio contra Diuum Thomam, vt infra constabit. Et idè illam reiiciunt communiter Thomistæ, qui licet inter se dissentiant, an habitus iste sit congenitus intellectui, vel fiat in nobis post vnionem animæ ad corpus; in hoc tamèn maximè conue-

niunt, quòd aliquomodò consequitur ipsam naturam, neque efficitur in nobis per assensum, seu iudicium intellectus possibilis, sicut acquiruntur alijs habitus intellectuales; quod satis efficaciter conuincitur hac ratione.

Quia si habitus principiorum produceretur per tales assensus, seu iudicia, etiam auangeretur per ipsorum repetitionem, & consequenter cresceret in nobis facilitas assentiendi eisdem principijs. Similiter per cessationem, seu disuetudinem eorundem assensuum diminueretur talis facilitas; & per consequens posset ipse habitus minui, & tandem corrumpi: consequens est omninò falsum: ergo & illud ex quo sequitur. Sequela patet; quia vt rectè inquit D. Thom. 1. 2. quæst. 53. articul. 2. habitus ex eadem causa augetur, ex qua generatur; & ex eadem diminuitur, ex qua corrumpitur. Minor verò probatur: tunc ex eodem Angelico Doctore articulo antecedenti, vbi expressè affirmat habitum primorum principiorum nulla obliuione, aut deceptione corrumpi posse; benè autem scientiam, & aliquos alios habitus intellectuales; tùm etiam experientia, quia post repetitos mille assensus huius principij, *omne totum est maius sua parte*, nullus experitur maiorem facilitatem in assentiendo, ac habuit cum primò explicati fuerunt illi termini. Et eandem facilitatem experitur vnusquisque, cum post diurnam cessationem, & disuetudinem actuum, rursus proponitur idem principium.

Ergo talis habitus non generatur per proprios actus, sicut alij habitus acquisiti; sed aliquomodo fit in nobis per modum naturæ.

16 Secunda sententia huic extremè opposita asserit, habitū principiorum esse omnino à natura inditum intellectui, & cum ipso in creatione animæ comproductū. Sic docent graues Thomistæ. Bañez 1. p. q. 1. artic. 6. notabili 3. Conradus, & Medina 1. 2. q. 51. artic. 1. Sanchez lib. 7. Logicæ q. 15. & alij, quibus non parū fauet D. Th. 1. p. q. 79. artic. 12. 1. 2. q. 91. artic. 3. 2. 2. q. 8. artic. 2. ad 1. de verit. q. 16. ar. 2. & alibi sæpè; vbi habitū principiorū appellat à natura inditū, seu naturalē. & eadē 1. 2. q. 94. ar. 1. ad 3. fate tur esse in puero nō hū habētē vim rationis, quamuis nō possit eo uti, propter defectum ætatis. Et tandē id expresse docere videtur in tertio distin. 23. q. 3. arti. 2. ad primū, vbi ita inquit: *Habitus infusus similis est habitui innato; quia sicut naturalis habitus datur in creatione, ita infusus in reparatione. Naturalis autem sicut intellectus principiorum indiget, ut cognitio determinetur per sensum, quo acquisitus non indiget, &c.* Ergo ex sententia Divi Thomæ habitus principiorū est nobis naturaliter congenitus, & datur cum ipsa natura.

Secundò probatur ratione quæ utitur Divus Thomas loco citato de veritate: quia in homine, cognitio principiorum est quasi quoddā seminarium totius cognitionis sequentis; sicut in alijs naturis sequentium operationum, & effectuum

quædā naturalia semina præexistūte; ergo sicut hæc naturaliter insunt illis, sic etiam cognitio principiorum debet naturaliter in esse homini, & per consequens talis habitus erit omnino naturalis.

Confirmatur: quia facilitas, & promptitudo in operando est signum habitus præsentis, sed explicatis terminis, ita facildè, & promptè assentimur, cum primum proponitur hoc principium, *Omne totum est maius sua parte*, quàm postquam plures actus habuerimus circa illum, ut supra dicebamus: ergo signum est ante primum illum assensum iam existere habitum, à quo causetur talis facilitas, & per consequens ipsum esse à natura inditum.

11 Sed quamuis hæc etiam sententia sit satis probabilis, & habeat pro se loca adducta Divi Thomæ; adhuc tamen non satisfacit alijs Thomistis; & merito. Tūm, quia habet contra se plura alia Angelici Doctoris testimonia, vbi expresse affirmat, habitum istum causari in nobis ab intellectu agente, ut infra videbimus. Tūm etiam, quia planè contradicit Aristoteli in hoc libro secundo, capite ultimo, vbi ut supra numero 2. diximus, & explicant Commentator, & alij Interpretes, apertè docet, fieri in nobis experimento, & memoria; atque ex ipsa cognitione sensitiva. Tū denique, quia tollit ab intellectu humano parā potentialitatem in esse intelligibili, ratione cuius à principio est sicut tabula, in qua nihil est scriptum, ut dicitur in 3. de anima
textu

textu. 14. De quo videri potest Diuus Thomas ibidem, & prima parte quæstione 87. articulo primo. 1. 2. quæstione 50. articulo 6. de malo quæstione 16. articulo 12. ad 2. & alibi sæpè: ergo habitus principiorum non est omnino naturalis, aut congenitus intellectui.

12 Tertia ergo, & inter præcedentes media sententia affirmat habitum principiorum partim esse à natura, & partim ab exteriori principio, seu dici naturalem inchoatiuè, quatenus ex ipsa natura animæ intellectiue, conuenit homini, quòd statim cognito quid est totum; & quid est pars, cognoscat, quod omne totum est in alijs sua parte; dici verò acquisitum; quia non potest cognoscere, quid est totum, & quid est pars; nisi per species à sensibilibus acceptas. Hæc sententia prout iacet est expressa Diui Thomæ 1. 2. q. 51. art. 1. eamque sequuntur cõmuniter discipuli eius, Caiet. ibidè Ferrara 2. contra gentes c. 78. Nazarius 1. p. q. 58. art. 1. controuers. 1. Iabellus 2. Metaph. q. 1. Masius in hoc 2. lib. Post. q. 4. concl. 5. & alij. Qui tamen non eodem modo explicant illam: nam Masius putat, habitum principiorum nihil aliud esse, præter intellectum, & species intelligibiles ordinatas, vt patet con- clusione 4. & ita inquit, illum esse naturalem ex parte qua includit in- tellectum; esse verò acquisitum ra- tione specierum intelligibilium, quæ per sensus acquiruntur.

Cæterum hic modus dicendi alienus est à mente Diui Thomæ. Tum, quia ipse expressè excludit po-

tentiam intellectuam ab habitu principiorum, asserens, esse quid illi superadditum, vt vidimus quæ- stione præcedenti. Tum etiam, quia apud ipsum nomine habitus intel- lectualis, non intelligitur colle- ctio specierum; sed tertia alia qua- litas simplex, qua potentia promp- tē, & delectabiliter iudicat de suo obiecto, vt patet ex ijs, quæ addu- ximus disputatione præcedenti nu- mer. 42. Tum denique, quia vt loco citato dicebamus, habitus princi- piorum, ex eo quòd sit virtus intel- lectualis, debet semper esse verus; id est, debet ex natura sua dete- minare ad verā cognitionem princi- piorum; vt inde possit sequi cognitio sciētifica: Sed species intelligibiles non sic determinant intellectu; sed quantum est ex se, indifferenter se habent ad producendam cog- nitionem veram, vel falsam; sicut ipsa potentia cuius sunt complementa: ergo tales species non possunt esse habitus principiorum.

13 Vera ergo, & legitima Di- ui Thomæ expositio est, quam tra- dunt Caietanus, Ferrara, Naza- rius, & alij Thomistæ asserentes, habitum principiorum, partim dici naturalem, & partim acquisitum, non quia vna pars sit à natura; & alia ab exteriori principio, sed quia posita terminorum notitia extrinsecus acquisita mediātibz sensibus, ad præsentiam specierum intelligibilium, virtute intellectus agētis resultat in intellectu possibi- li talis habitus. Atq; ita eadē quali- tas simul dicitur naturalis; quia fluit per modum naturæ posita notitia ter-

minorum, eo modo quo nutrire, & augere dicuntur actus naturales animæ posito alimento decocto: & simul dicitur acquisita, quia supponit operationes sensuum, per quas acquiruntur species intelligibiles.

14 Dicendum est ergo conformiter ad hanc sententiam, habitum principiorum non fieri per assensum, seu iudicia intellectus possibilis; sed immediatè produci ab intellectu agente statim, ac per sensus acquiruntur species intelligibiles; & ponitur notitia terminorum. Sic docent Thom. citati, ex quibus Ferrara assignat expressè discrimen inter hunc, & alios habitus intellectuales; quod istos producit intellectus possibilis, concurrēte etiam virtute intellectus agentis, habitum verò principiorum efficit immediatè, & per se ipse intellectus agens. Vnde falsò adducitur à Rubio pro sua sententia.

Probatur primò conclusio ex Aristotele in hoc libro 2. capite ultimo, ubi non dixit habitum principiorum fieri *assensu*, id est per assensum intellectus, ut malè legit Rubio: sed à *sensu*; id est à potentia sensitiva, ut habent omnes translationes, & legant ibi Diuus Thom. & ceteri Interpretes. Dicit autem cognitionem principiorum fieri ex sensu, & non ex alijs habitibus notioribus, ut ostendat non esse reducendam in alios priores assensus, seu iudicia intellectus, sed immediatè desumi ex ipsis sensibilibus modo explicato. De quo videri potest D. Tho. loco citato ex 1. 2. & q. 1. de virtutibus, art. 5. ad tertium.

15 Secundò probatur ex alijs locis Angelici Doctoris, ut expressè affirmat, habitum istum fieri immediatè ab intellectu agente. Sic habet eadem 1. 2. q. 53. art. 1. cum inquit: *Vnde si aliquis habitus sit in intellectu possibili immediatè ab intellectu agente causatus, talis habitus est incorruptibilis, & per se, & per accedens. Huiusmodi autem sunt habitus primorum principiorum, tum speculabilium, quam practicorum, quia nulla obliuione, vel deceptione corrumpi possunt, &c.* Et secundo contragentes, cap. 78. *Habitus principiorum est acceptus à sensibilibus, ut probat Aristoteles in secundo Posteriorum, & sic oportet, quod sit effectus intellectus agentis, &c.* Et in 2. distinct. 24. quæst. 2. art. 3. dicit, quod: *Est quod in nobis innaturum menti nostre ex ipso lumine intellectus agentis*, ut ostendat quàm immediatè, & naturaliter fluat ex ipso intellectu agente ante assensus, seu iudicia intellectus possibilis: quod tandem de habitu principiorum practicum expressit q. 16. de veritate art. 1. ad 14. dicens: *Quod actus cognitionis non præexigitur ad potentiam, vel habitum synderesis, sed ad actum ipsius, &c.* ergo ex sententia D. Thom. habitus principiorum non fit per assensus, seu iudicia intellectus possibilis, sed immediatè producit ab intellectu agente. Videatur etià 6. Ethicorum lect. 5. cuius verba adducimus supra n. 2.

16 Tertiò denique probatur ratione: quia secundum hanc sententiã valdè cōsonant omnia, quæ tã de intellectu humano, quàm de habitu prin-

prin-

principiorū docent grauiores Philosophi, & recta ratio, atque experientia ipsa suadent. ergo omnibus alijs est præferenda. Probatur ante cedens: quia in primis non tollitur pura potentialitas intellectus, in esse intelligibili, neque ponitur aliquid immediatē ab ipsa natura tributum, quod tantū sit necessarium ad faciliter operandum, quod est fundamentum primæ sententiæ. Deinde explicatur optimē, quare talis habitus non possit corrumpi, neque per se à suo contrario, neque per accidens per quancūq; obliuionem, ad dissuetudinē actuum: quod tamen vix saluari potest in illa sententia. Præterea redditur optimē ratio eius, quod experimur, quare scilicet explicatis terminis, ita facile & pròptē assentiamur primis principijs, cū primū proponuntur quā post repetitos plures assensus circa illa. Et tandē ponitur in intellectu per modū naturæ principium sufficienter firmū, & immobile, vt possit esse seminariū totius cognitionis sequentis; quod est fundamentum secundæ sententiæ: ergo pensatis omnibus, nostra sententia alijs omnibus est præferenda.

17 Per quod patet ad argumēta. Ad primū ex verbis Aristotel. quæ adducit Rubio pro prima opinione, iam constat dictum Auctorem, addita vna littera corrupisse textum, & omnino variasse sententiā; ibi enim non legitur *assensu*, sed *à sensu*, quod facit sensum oppositum, vt vidimus. Vnde mirum est, grauem Auctorem sic in re clara deceptum fuisse.

Ad secundum etiam patet, non enim ponimus habitum istum esse immediatē à natura, sed produci ex sensibilibus modo explicato, in quo sensu dicitur acquisitus, qui tamen ipse debet esse seminarium cognitionis sequentis, ac proinde principium totius nostræ industriæ & laboris in acquirenda veritate; ideo propriē non dicitur acquiri nostra industria, & labore, quia per hoc significatur produci nostris actibus, sed fuit in nobis per modū naturæ, vt explicatum est.

18 Ad argumenta secundæ sententiæ respondetur. Ad primū ex locis Diui Thomæ, dicimus, rectam eorum intelligentiam sumendam esse ex alijs adductis pro nostra sententia. Vnde quando inquit, habitum principiorum esse naturalem, aut inditum, non est sensus, quod sit omnino naturalis, aut congenitus; sed quod fuit in nobis per modū naturæ ex lumine intellectus agētis, vt ipse sæpē inquit. Id autem quod assertur de puero nō habente vsū rationis, nō est contra nos. Cōcedimus enim consequenter posse generari habitum principiorum ante vsū rationis, quia tunc possunt esse in puero species intelligibiles aliquorum principiorum, & notitia terminorum, quibus positus statim fit talis habitus. Vltimus tandem locus difficilior est, sed cū ex alijs habeamus habitum principiorum esse effectum intellectus agentis, explicandus est causaliter, quod scilicet dicatur dari in creatione; quia ibi datur lumen intellectus agentis, ex quo ipse naturaliter

resultat posita notitia terminorū.

Ad secundum cum sua confirmatione respondetur, quod ut habitus principiorum sit seminarium totius cognitionis sequentis, & ut præueniat assensus, seu iudicia intellectus circa illa, sufficit, quod sit naturalis modo explicato, ut ex dictis patet; & ideo solum probant nostram conclusionem.

Q V A E S T I O III.

Quid sint opinio, & solertia; & in quo distinguantur à scientia?

19 POSTquam egimus de scientia & habitu principiorum, agendum erat de sapientia, quam inter habitus intellectuales numerat Aristoteles 6. Ethicorum capite 3. Sed quia ipse in fine huius primi libri expressè remittit eius disputationem ad Metaphysicam illis verbis: *De reliquis autem quo pacto distribuenda sint, de mente inquam, de sapientia, &c.* Ideo nos in præsentem cum alijs Dialecticis hanc disputationem prætermittimus: hoc solum adnotantes, ut rectè percipiat diuisio habitus intellectualis postea tradenda, quod quamuis circa distinctionem sapientiae, & scientiae, variè opinentur Doctores; quorum plures dicendi modos adducunt Bañez prima parte quaestione 1. articulo 6. Arauxo lib. 1. Metaphysicæ quaestione 3. articulo 1. & alij; probabiliior tamen sententia est, quam tradit Dignus Thomas opuscul. 70.

q. 2. art. 2. ad primum dicens: *Sapientia non diuiditur contra scientiam, sicut oppositū contra oppositum, sed quia se habet ex additione ad scientiam. est enim sapientia, ut dicit Philosophus 6. Ethicorum, caput omnium scientiarum, regulans omnes alias, &c.* Scientiæ verò nomē alijs inferioribus relinquitur. Quod etiā docet 1. 2. q. 57. art. 2. ad 1. & 2. 2. q. 9. art. 2. Ratioque videtur manifesta: quia tam Metaphysica, quam Theologia (quarum altera est sapientia in ordine naturali, alia verò in ordine supernaturali), sunt verè, & propriè scientiæ; siquidem sunt habitus acquisiti per demonstrationē; ergo sapientia non opponitur scientiæ in sua latitudine, sed potiùs continetur sub ea; & addit, quod procedat per causas altissimas, & nobilissimas, in quo distinguitur ab alijs scientijs inferioribus. Videantur Bañez vbi sup. Caietan. in hoc 1. lib. c. 10. §. vltim. Soncinas 4. Metaph. q. 13. & alij.

20 Ex quo intelligitur doctrina, quam tradit Aristoteles citato lib. Ethic. ca. 7. vbi affirmat, sapientiam non solum versari circa conclusiones, sicut alias scientias; sed etiam circa ipsa principia, sicut intellectum; & per consequens esse præstantiorem virtutem illis. Verba Aristotelis sunt: *Sapientem ergo non solum ea scire, quæ ex principijs cognoscuntur, sed etiam circa principia dicere vera, oportet. Quare sapientia intellectus est, & solertia, & ut caput habēs, scientia rerum earū quæ summis afficiuntur honoribus, &c.* Quorum verborum sensus non est,

est, sapientiam integrari tamquam ex partibus, ex habitu principiorū, & scientia, ut putauit Scot. in tertio distinct. 35. q. 1. Neque similiter esse tertium alium habitum ab utroque distinctum eminenter continentem eorū perfectiones, & sub eadem ratione formali se extendentem ad cognitionem principiorū, & conclusiōem, ut explicant alij. Sed sensus est, quod sapientia, quia est scientia suprema, non habens aliam superiorem, quæ explicet, aut probeat sua principia; ipsa reflectitur supra illa, explicando terminos, & aliqualem eorū rationem reddendo, siue contra negantes ipsa disputando; in quo utitur discursu, quod non habet habitus principiorum, ut supra vidimus. Et ideo sapientia in hoc excedit ipsum, & alias scientias inferiores; quia ille tantum attingit principia, istæ verò solas conclusiones; sapientia autem non solum versatur circa proprias conclusiones, sed etiam reflectitur supra sua principia, modo explicato, propter quod habet specialem rationem virtutis, & appellatur caput cæterarum.

21 ¶ His breuiter explicatis de habitu sapientiæ, veniendum est ad alios, de quibus procedit difficultas. Et primò certum est apud Auctores, dari habitum opinionis; idque probat Aristoteles in hoc primo libro, capite 26. quia præter propositiones necessarias dantur etiam contingentes, sed hæ non possunt cognosci per scientiam, vel habitum principiorum: cum obiecta istorum habituum sint

propositiones necessariae, ut supra vidimus: ergo cognoscuntur per alium habitum, qui est opinionis.

Addit autem Aristoteles, quod sicut circa propositiones necessarias duplex assignatur habitus, nempe intellectus, & scientia; hæc circa propositiones mediaras, ille verò circa immediatas, ita etiam duplex debet assignari habitus opinionis circa propositiones contingentes, quorum altero cognoscantur, quæ habent alias priores, per quas probentur. In quo cum non procedatur in infinitum, neque in tali probatione deueniatur ad propositiones necessarias, quia ex necessario non sequitur contingens, deueniendum erit ad aliquas propositiones contingentes primas, seu immediatas, quibus assentietur intellectus, propter ipsam connexionem extremorum absque aliquo medio, & ex consequenti assignandus erit alius habitus opinionis circa illas, quod rectè prosequitur D. Thomas ibidem lect. 44.

22 Hanc ergo opinionem, quæ habetur sine discursu, & correspondet habitui principiorum, definit ibidem Aristoteles sic: *Est acceptio*: (id est existimatio, seu assensus determinatus) *propositionis immediata, & non necessaria*, id est principij, quod potest aliter se habere, seu propositionis contingens, quæ nullum habet medium, per quod probetur. Ex qua definitione faciliè formatur definitio alterius opinionis, quæ correspondet scientiæ, & habetur per discursū

fic. *Est acceptio propositionis mediata, & non necessaria*, à quibus si auferatur illæ particule *immediata*, & *mediata*, remanet essentialis diffinitio opinionis in communi, prout comprehenditur trāque, scilicet, *Acceptio propositionis non necessaria*, i. test, existimatio, seu assensus determinatus propositionis, quæ potest aliter se habere; vel actus intellectus qui fertur in vnam partem contradictionis, cū formidine alterius, quæ est definitio D. Thom. prima parte quæst. 79. articul. 9. ad quartum.

Explicatio huius diffinitionis facile ex dictis cōstat; nam per hoc quod sit *existimatio*, seu *assensus*, siue *actus intellectus*, conuenit opinio cum scientia & alijs cognitionibus necessarijs. Additur autē *determinatus*, siue *in alteram partem contradictionis*, vt excludantur dubium, & suspitio, quia vt inquit D. Thom. 2. 2. quæst. 2. art. primo, dubitās in neutram partem declinat, sed manet anceps; suspicans verò magis declinat in vnam quā in aliam, non tamen assentitur illi determinatē, quia tantū fertur ex leuibus indicijs, ac verò opinans assentitur ex fortioribus indicijs, & ideo vni parti determinatē adhæret, sed cū formidine alterius. Per quod distinguitur opinio à scientia, & alijs assensibus necessarijs. Ad quod significandum ponitur illa vltima particula, scilicet, *propositionis non necessaria*. Nam eo ipso quod opinio versetur circa obiectū, quod potest aliter se habere, non repugnat illi subesse falsum; ac proinde assentitur ta-

li obiecto, cum formidine alterius partis, quod non conuenit alijs habitibus necessarijs, vt ex se patet.

23. Dupliciter autem potest contingere quod opinio versetur circa propositiones contingentes, seu cū formidine alterius partis, vt explicat D. Th. le 4. 44. citat. Primò quādo propositiones sunt in se, & ab intrinseco contingentes, & tunc repugnat, quod cognoscatur per scientiam, etiam si de earū veritate nullatenus dubitemus, vt patet in exemplo D. Tho. si dicas: *Omne quod currit mouetur; homo currit; ergo homo mouetur*. Vbi conclusio non pertinet ad scientiam; cū sit propositio contingens, sed ad habitum opinionis, etiam si certissimū de illius veritate. Cuius ratio est: quia formido, quæ conuenit opinioni ab intrinseco; & est per se annexa illi, (quæ solet appellari formido radicalis,) nō sumitur ex parte ipsius cognoscentis, sed ex parte obiecti contingentis; quod quia potest esse aliter, ac de facto est, potest consequenter nō esse, sicut cognoscitur; ac proinde cognoscitur cum formidine intrinseca, & radicali.

Secundo modo potest contingere opinionem versari circa propositiones, quæ licet in se, & ab intrinseco sint necessariae, ab opinante tamen accipiuntur, vt contingentes: quia non penetrat connexionem predicari cum subiecto. Et tunc formido nō est ex parte ipsius obiecti, secundum se; sed ex parte cognoscentis illud; & hanc frequentius appellamus formidinem, soletque appellari formido actualis, & consistit in quodam

quodam metu; si fortè altera pars sit vera? quam experimur frequenter in opinionibus, quæ in qualibet materia sunt inter Doctores. Vnde si quis penetraverit dictam connexionem, cognoveritq; necessitatē talium propositionum; acquireret veram scientiam illarum; & ex consequenti poterit contingere, & persæpè contingit, ut de propositione, de qua alter habet tantum opinionem, & vulgò dicitur opinio; alius habeat scientiā. Quo existimandum est, multoties accidere in doctrina Aristot. & D. Thom. qui proculdubio habuerunt scientiā de pluribus propositionibus: quæ apud alios ad summam putantur opiniones.

24. Contingit etiam generari in intellectu opinionem, quando per medium probabile cognoscitur conclusio necessaria ab eo, qui nondum habet scientiam de illa. Et similiter quando cognoscitur conclusio necessaria per medium, quod in rei veritate est cōingens, existimatur tamen esse necessarium: vel etiam quando conclusio necessaria cognoscitur per medium, quod in rei veritate est necessarium, & à nobis apprehenditur ut necessarium: sed tamen id non cognoscimus certò, & euidenter, sed tantum probabiliter & cum formidine. In huiusmodi enim casibus, (qui ad duos priores modos reducuntur,) nō potest generari scientia; quia cum sciētia habeat rationem boni, opinio verò rationem mali, illa non confurgit nisi ex integra causa; hæc verò generatur ex quocunque defectu.

Per quod tandem perspicua re-

manet doctrina Aristot. c. 26. citato, propter quam hæc omnia adducta sunt, quòd, scilicet, habitus scientiæ distinguitur ab opinione in hoc, quòd ille versatur circa propositiones necessarias; seu quæ aliter se habere nō possunt; cui proinde nō potest subesse falsum; opinio verò versatur circa propositiones contingētes, & quæ aliter se possunt habere; vel secundum se; vel secundum quòd accipiuntur à cognoscente; & idè nō sèper verū attingit; quo etiā modo distinguitur habitus principiorum ab opinione; ut ex dictis patet.

25. ¶ Explicata natura opinionis, solent aliqui disputare de fide, ut ostendant etiā in quo deficiat, & distinguatur à scientia. Sed res est alterius loci, de qua neque verbū facit Arist. in præsentī. Et idè breviter dicendū est fidem esse assensum determinatæ alterius partis propter auctoritatē, seu testimoniū dicētis. (Quod si fuerit divinū, erit fides supernaturalis, in qua ratio formalis assentiendi est divina revelatio, seu veritas prima ut revelans, conditio verò necessariò requisita est propositio Ecclesiæ. Si verò testimoniū sit creatum, vel hominis, vel Angeli erit fides naturalis, vel humana. Ad utrāque autē fidē nō requiritur discursus, sed sicut vna simplicī visione videtur color ratione luminis; sic eodē actu iudicii assentitur intellectus alicui propositioni propter auctoritatē dicētis, tanquā propter rationē formālē, absq; eo, quòd sit necessariū aliud præcedens iudicium circa ipsam, ex quo moveatur ad talem assensum.

26 Ex quo patet, quomodo fides distinguatur ab opinione, & scientia. Nam ab opinione immediata, quã supra explicuimus, distinguitur in hoc, quod talis opinio assentitur principijs probabilibus propter ipsam cõnexionem extremorũ; fides verò propter extrinsecum testimonium dicentis. Ab opinione autem mediata distinguitur: quia hæc pertinet ad discursum, & fit necessariò ex-præexistẽti iudicio, quod nõ habet fides, vt diximus. Tandem distinguitur à scientia: quia licet fides, quod maius est testimonio, tãtò plũs possit habere certitudinis, (credimus enim maiori certitudine, quã à pluribus, & melioribus asseruntur) possitque crescere vsque ad certitudinem moralem, vt quando credimus Romam esse; & tandẽ peruenire ad omnimodam certitudinem; & in ea superare scientiam, vt patet de fide diuina, de cuius veritatibus longẽ certiores sumus, quã de conclusionibus à scientia demonstratis, ex eo, quod auctoritas diuina, cui illa innititur, firmitior, & indefectibilior est, quocumque lumine creato, ex quo procedit scientia. Quamuis inquã hæc ita sint, nunquã tamen fides pertingit ad claritatem, seu euidẽtiam, imò hæc illi repugnat, vt probat Diuus Thomas 2. 2. quæst. 1. art. 4. & constat ex diffinitione Pauli ad Hebræos 11. *Fides est sperandarum substantiarum rerum, argumentum non apparentium.* Ac proindẽ habet sibi intrinsecẽ annexam obscuritatem, in qua distinguitur à scientia.

27 Secundò ex dictis sequitur,

opinionem, & fidem humanam nõ esse virtutes intellectuales. De opinione id docent expressẽ Aristot. 6. Ethicor. cap. 3. & D. Thom. ibidẽ lectione 3. & 1. 2. quæst. 55. art. 4. & quæst. 57. art. 2. ad 3. De fide verò humana tradit id ipsum Sanctus Doctor 1. 2. quæst. 4. art. 5. & in 3. distinct. 2. 3. quæst. 2. artic. 3. quæst. 1. ad secundum. Et vtriusque ratio est eadem: quia virtus vt supra vidimus, est dispositio perfecti ad optimum: ergo virtus intellectualis erit dispositio ad optimum, quod in intellectu inuenitur. Sed hoc est, verum semper attingere: ergo sicut in voluntate tantum ille habitus dicitur virtus moralis, qui bonum semper amplectitur, sic in intellectu solum ille habitus erit virtus intellectualis, qui verum semper attingit. Sed opinioni, & fidei humanæ propter sui imperfectionem, & debile lumen, seu mediũ, cui innituntur potest subesse falsum, vt supra num. 3. vidimus ex Arist. ergo non sunt virtutes intellectuales.

28 Tandem solertia, vt definit Aristotel. in hoc 1. lib. cap. 27. *Est bona coniectatio mediũ in tempore admodũ breui:* vel vt habet translatio antiqua: *Subtilitas quadã inueniendi medium in nõ perspecto tempore.* Vt si quis videns lucidam illam partem Lunæ, quæ est versus Solem; statim perciperet id venire ex eo, quod Luna recipiat lucem à Sole: vel si quis viso paupere altercante cum aliquo diuite, statim cognosceret, diuitem mutuassee illi pecuniam, de cuius solutione altercantur. Aut si quis videns aliquos, qui

qui cùm antea inimici essent, postea amici facti sunt, statim intelligeret hoc idem esse, quia ambo cuiusdam alterius sunt inimici. Unde constat solertiam esse quandam vim, facile, & de repete inueniendi causam rei, cuius tot exempla adducit Aristoteles teste Diuo Thoma ibidem, ut ostendat solertiam inueniri posse in diuersis habitibus intellectualibus, tam practicis, quam speculatiuis. Propter quod etiam ponitur pars prudentiæ, ut patet secunda secundæ quæst. 49. art. 4.

Distinguit ergo Aristoteles scientiam à solertia: quia licet hæc possit inueniri in propositionibus necessarijs, ut patet in primo exemplo; tamen nunquam procedit ex necessarijs simpliciter, id est, euidenter cognitis, ut necessaria; sed tantum ex coniectatis, siue ex coniecturatis. Qui enim videns Lunam versus Solem lucidam, de repente absque alia consideratione, iudicauit, à Sole recipere lucem, id tantum coniecurauit, & perconsequens potuit decipi in tali coniectura; propter quod solertia non numeratur inter virtutes intellectuales. In quibus omnibus solertia deficit à ratione scientiæ, & distinguitur ab ea, ut ex dictis patet.

29. ¶ In calce huius quæstionis statuendæ sunt diuisiones essentielles habitus, seu virtutis intellectualis, ut supra disputatione 15. num. 28. promissimus. Quæ sic possunt ex dictis ordinari. Primò enim diuiditur in habitum, qui

immediate versatur circa singularia; (qui necessariò erit practicus; nam singularia possunt quidem directe, & propriè operari, non autem cognosci;) & in eum, qui immediate versatur circa vniuersalia. Sub primo genere continetur prudentia, & ars, quarum diuisionem loco citato adduximus. Secundum verò rursus diuiditur in habitum circa principia, seu propositiones immediatas, qui dicitur habitus principiorum, & in habitum circa conclusiones, seu propositiones mediatas, & appellatur scientia.

Habitus principiorum diuiditur in intellectum, seu intelligentiam, qui est habitus principiorum speculatiuorum; de quo egimus in principio disputationis; & in synderesim, quæ est habitus principiorum practicorum, de qua tractant Theologi prima parte quæst. 79. art. 12. Deinde scientia diuiditur in eam, quæ procedit lumine diuinæ reuelationis, scilicet, Theologiam; & in eam, quæ procedit ex principijs cognitis lumine naturali. Quæ rursus partitur in practicam; & speculatiuam. Sub practica continentur Philosophia moralis, & Medicina, ut docet Diuus Thomas opusc. 70. quæstion. 5. artic. 1. ad quartum, & alibi sæpè. Speculatiua verò diuiditur in tria genera iuxta triplicem abstractionem à materia, ut vidimus disputatione præcedenti, & vnumquodque in species ibidem assignatas.

Est tamen pro hac coordinatione obseruandū, practicam, & speculati-

latium, posita esse, vt differentias diuissas, generum non subalternatim positum: non quia existimemus talia genera posse eisdem differentijs diuidi, sed defectu nominum; sunt enim in rei veritate differentia omninò diuersæ; nam ratio practici, quæ conuenit prudentiæ, & arti, ex natura sua postulat versari immediatè circa singularia, quæ verò conuenit synderesi, essentialiter respicit principia; quæ autem inuenitur in scientia; petit versari circa propositiones vniuersales mediatas, quæ rationes valdè diuersæ sunt, quamuis eodem nomine significentur.

QVAESTIO IIII

An de eodem obiecto possint esse simul scientia, & opinio?

30 **A** Ristoteles in hoc primo libro c. 26. quem ferè omnes Dialectici imitantur; solum mouet hanc difficultatem de scientia, & opinione, & ideò in titulo consultò non inquirimus, etiam de fide, vt minùs rectè faciunt nonnulli Moderni; est enim ex hac parte quaestio ista aliena à præsentis instituto; & eam versant Theologi cum Diu. Thom. 2. 2. q. 1. art. 5. quamuis inter loquendum de scientia, & opinione quid etiam dicendum sit de fide obiter explicauimus. Vt ergo certa ab incertis separemus.

Primò indubitatum est, quòd si loquamur de eadem re incòplexa, seu de eodem subiecto, secundum diuersa tamen prædicata, seu pro-

positiones; benè possunt esse simul scientia, & opinio; vt de homine scimus quòd sit risibilis, & opinamur, quòd diligit filios, aut quòd sit Philosophus. Quod explicat, & probat Aristoteles loco citato. ex èplo opinionis veræ, vel falsæ. Sicut enim non repugnat de eadem re dari opinionem veram, & falsam, secundum diuersas propositiones, seu prædicata; vt si de diametro asseras esse incommensurabilem, lateri quadrati, est propositio, & opinio vera, si verò de eodem diametro dicas esse commensurabilem est propositio, & opinio falsa; sic etiam non repugnat, sed de facto contingit, de eadem re, vt de homine scire esse risibilem, & opinari esse Philosophum, quod tantum est dari scientiam, & opinionem de eodem; secundum quid, vt rectè inquit Aristoteles, & notat D. Thom. ibidem, id est, de eodem subiecto, sed non secundum idem prædicatum. Quare solum remanet difficultas, an possint dari scientia, & opinio de eodè simpliciter; id est, de eodè subiecto secundum idem prædicatum, seu de eadem propositione. De qua adhuc certum est posse esse scientiam, & opinionem in diuersis hominibus, aut etiam in eodem homine pro diuersis temporibus; sæpè enim contingit, quòd eadem propositio ab vno cognoscatur scientificè, & ab alio opinatiuè, aut quòd circa propositionem, de qua nunc habet aliquis opinionem, quia nòdum penetrauit medium necessarium, postea illo inuento, habeat scientiam. Quare tota difficultas est, an de eadem

eadem propositione, idem homo in eodem tempore, possit habere scientiam, & opinionem?

31 Secundo certum est, quod quædo propositio est ex se, & ab intrinseco contingens, quia nimirum est prædicatio omnino accidentalis, & in materia contingenti; tunc potest quidem de illa haberi opinio, sed implicat, ut simul etiam habeatur scientia, si enim talis propositio non est necessaria, non est demonstrabilis, & consequenter neque scibilis, ut ex dictis patet. Quare solum remanet difficultas de propositionibus, quæ in se sunt necessariae; nam istæ scibiles sunt per argumentum demonstrativum, & opinabiles per argumentum topicum. Et sic merito dubitatur; utrum de illis possit simul haberi scientia, & opinio. Unde constat non esse questionem an possit esse scientia, & opinio de eadem propositione necessaria, secundum eandem rationem formalem, seu secundum idem medium; implicat enim eundem syllogismum simul esse demonstrativum, & topicum, & consequenter repugnat, quod ex eisdem præmissis, seu per idem medium, simul habeatur cognitio scientificæ, & opinativa eiusdem conclusionis. Quare tota difficultas est, an idem homo, in eodem tempore possit habere scientiam, & opinionem, de eadem propositione necessaria, per diversa media; cum autem scientia, & opinio sumi possint, vel pro actibus, vel pro habitibus, in utroque sensu discutienda est à nobis præfens questio.

(. . .)

§. I.

AN ACTVS SCIEN-
tia, & opinionis possint esse simul?

32 IN hoc primo sensu non est tanta controversia inter Doctores. Et ideo dicendum est primò scientiæ, & opinionem, sumptas pro actibus, non posse esse simul in eodem intellectu, de eadem propositione. Hæc conclusio est contra aliquos Nominales, quos sequuntur nonnulli Moderni; sed eam recipiunt communiter Doctores, non solum Thomistæ, sed etiam alij. De quo videri possunt Capreolus in 3. dist. 25. quæst. 1. ad argumentum contra secundam conclusionem, Deza ibidem art. 4. ad 5. contra secundam conclusionem, Conradus, & Medina 1. 2. quæst. 67. art. 3. Caiet. ibidem & 2. 2. quæst. 1. art. 5. & 3. parte, q. 9. art. 3. & in hoc 1. lib. cap. 25. Soto cap. 26. quæst. 8. art. 2. conclusionem 3. Masc. ibidem sect. unica, quæstione 5. Sanchez lib. 7. quæst. 13. Ripa 1. parte, quæst. 2. artic. 2. Cabrera, Lorca, Torres, Tolet. & plures alij, quos refert, & sequitur Galleg. hic controuersia 32.

Probat 1. ex Aristot. capite 26. citato, ubi absolutè docens non posse simul esse scientiam, & opinionem de eadem propositione, adminus intendit hanc conclusionem, ut fatentur communiter Interpretes. Verba Aristot. sunt. *Opinio namque, & scientia non omnino eiusdem est, sed ut est, & vera, & falsa modo quodam eiusdem opinio, &c.* Vbi ad longum explicat, quod sicut contingit de

de eodem subiecto formari propositionem veram, quādo tribuitur prædicatum illi conueniens, & formari etiam propositionem falsam, tribuendo aliud prædicatū illi repugnans; nō verò eandē propositionem simul esse veram, & falsam, ita etiā potest esse, vt de eodem subiecto idem homo habeat scientiā respectu vnus prædicati, & opinionem respectu alterius; vt in principio explicauimus; non tamen quod de eodem subiecto, respectu eiusdē prædicati aliquis habeat simul scientiā, & opinionē, & concludit: *Ex his autē emergit, fieri non posse, vt simul idem opinetur quisquam, ac sciat: nam simul existimationem haberet, & aliter, & non aliter, idem sese habere; quod quidem fieri nequit.* Quē locū latē explicat D. Tho. pro nostra sententia, & cōcludit: *Sic ergo ex dictis manifestum est, quod nō contingit idē omnino simul scire, & opinari; quia simul homo haberet existimationem, quod posset aliter se habere, & quod non posset aliter se habere.* Sed in alio homine hoc contingit, quod de eodem vnus habet scientiā, & alius opinionē: in eodem verò homine nō contingit ratione iam dicta.

32 Secundo probatur ex eodem Angelico Doctore, qui perpetuus est in hac doctrina. Tradit illam eleganter 2.2. questione 1. articulo. 5. ad quartum his verbis: *Ad quartū dicendum, quod sicut Philosophus ibidem dicit (scilicet cap. 26. citato) à diuersis hominibus de eodem omnino potest haberi scientia & opinio, si cut & supra dictum est de scientia, & fide. Sed ab vno, & eodem potest*

haberi fides, & scientia de eodem secundum quid, scilicet, de subiecto, sed non secundum idem. Potest enim esse, quod de vna, & de eadē re, aliquis aliquid sciat, & aliquid aliud opinetur. Et similiter de Deo potest aliquis demonstratiuē scire, quod sit vnus, & credere quod sit trinus. Sed de eodem secundum idem non potest esse simul in vno homine scientia, neque cum opinione, neque cū fide. Alia tamen, & alia ratione. Scientia enim cum opinione simul esse non potest simpliciter de eodem; quia de ratione scientia est, quod id quod scitur existimetur esse impossibile aliter se habere, de ratione autē opinionis est, quod id, quod est opinatū, existimetur possibile aliter se habere. Sed id quod fide tenetur, propter fidei certitudinem existimatur etiā impossibile aliter se habere. Sed ea ratione nō potest simul idem, & secundum idem esse scitum, & creditum, quia scitum est visum, & creditum est non visum. Idem habet quest. 1.4. de veritate art. 9. ad 6. & alibi sepe. Quæ loca admiūus procedunt de scientia, & opinione quantum ad actus, vt per se patet: ergo ex sententia Aristotelis, & Diui Thomæ saltem actus scientiæ, & opinionis non possunt esse simul de eadem propositione. An autem etiam loquantur de habitibus potestā videbimus?

Ratione solent aliqui probare hanc conclusionem; quia impossibile videtur duos actus simul esse in eadem potentia. Alij verò ex eo, quod cū intellectus per actum scientiæ perfectē videat obie-

obiectum, ferè tota vis animæ intensè fertur in illum actum, quo maximè delectatur; ac proinde vix potest extendere concursum, ut actui opinionis incumbat. Sed hæ rationes infirmæ sunt. Et prima quidem falso nititur fundamento, ut constat ex dictis supra disput. 17. num. 35. Secunda verò ad summum probat, moraliter esse impossibile talem simultatè actuum, ut considerati patebit. Quare illis relictis.

34 Tertiò probatur ratione Aristot. & Diui Thomæ: quia assensus scientificus, & opinatiuus de eadem propositione habet proprietates, & effectus omninò repugnantes, & vnus intrinsecè includit priuationem alterius; ergo non possunt esse simul in eodem subiecto. Consequentia patet: quia quæcunque ita se habent, verè sunt opposita, & vnus destruit aliud. Antecedens verò probatur: quia assensus scientificus est iudicium, quòd res non potest aliter se habere, opinatiuus verò iudicat eandem posse aliter se habere: per illum plenè, & perfecte determinatur intellectus, & manet omninò conuictus circa veritatem propositionis; per istum verò non conuincitur, sed iudicat posse etiam præstari assensum propositioni contrariæ: ratione illius est omninò certus, & firmiter adheret conclusioni; ratione verò istius est incertus, & formidat de illa, & tandem alter est euidentis, & ineuidens. Sed euidentia, & ineuidentia; certitudo, & incertitudo; firmitas, & formido; esse conuictum, & non esse conuictum;

& similia omninò inter se pugnant, & contradiçtoriè, seu priuariuè opponuntur: ergo repugnat, tales actus esse simul in eodem intellectu.

Respondebis, hæc omnia inter se pugnare, si assensus fiat per idè medium: cæterum quando habentur per diueria media, nullum esse incoueniens, quòd intellectus simul sit certus, & incertus de eadem propositione; seu quòd simul iudicet eam posse aliter se habere formaliter, ut respicit medium contingens, & nò posse aliter se habere, ut deducitur ex medio necessariò.

35 Sed contra hoc est primò: (& benè nota, quia ex huius inconsideratione decipiuntur contrarij) quia intellectus in quolibet syllogismo, quando post assensum præmissarum assentitur conclusioni, assentitur ei absolutè sumptæ, & in se ipsa consideratæ; nò verò in causa, ut aiunt, seu formaliter quatenus continetur in medio. Tùm, quia hoc iam factum est in præmissis, ut vidimus disput. 17. numer. 29. Tùm etiam, quia aliàs rueret ars syllogistica, quæ consistit in hoc, ut intellectus ex eo quòd videat duas extremitates absolutè vniri cum quodam tertio, iudicet easdè absolutè vniri inter se: ergo semper in conclusione syllogismi iudicat intellectus prædicatū absolutè conuenire subiecto. Sed impossibile est, quòd de eodè prædicato absolutè sumpto, simul iudicet intellectus conuenire còtingenter, & nò conuenire còtingenter eidè subiecto: ergo etiam per diuersa media nò potest simul habere assensum opinatiuum, & scientificum.

Confir-

Confirmatur: quia affirmatio, & negatio, quæ includuntur in huiusmodi assensibus, quibus intellectus iudicat idem prædicatum contingenter convenire, & non contingenter convenire subiecto, seu per quos est certus, & incertus de eadem propositione, non feruntur in ipsa media; sed in subiectū de quo affirmatur, & negatur tale prædicatū: ergo nō obstante diuersitate mediorū, verè datur ibi affirmatio, & negatio, eius dē de eodem; & per consequens vera oppositio. Cōsequētia est euidens. Antecedēs verò cōstat, tum ex ipsa forma enūtiationis, tū etiam quia aliās nullus posset dari in intellectu actus verè oppositus assēsu sciētifico, cū ille necessariō sit acquirendus per diuersum mediū, vt patet.

36. Secundo impugnatur dicta solutio: quia ex ea sequitur, posse esse simul in eodem intellectu, assensum scientificum, & erroneum eiusdem conclusionis, hoc autem est absurdum: ergo illud ex quo sequitur. Probatur sequela: quia tales assensus necessariō eliciendi sunt per diuersa media, vt dicebamus, si quidem primus habetur per medium demonstratiuum, secundus verò per medium oppositum, vt patet, ergo si idem intellectus per diuersa media potest esse certus, & incertus de eadem propositione; etiam poterit esse scientificus, & erroneus circa illam. Quòd autem hoc repugnet, probatur: quia assensus scientificus comparatur ad erroneum, sicut lux ad tenebras; sed eo ipso, quòd ponatur lux destruūtur tenebrę, vnde cunq̃ue illæ fuerint causatę: ergo

eo ipso, quòd per medium necessariū habeatur assensus scientificus, alicuius propositionis, destruitur assensus erroneus circa illam, ex quo cunq̃ue alio medio fuerit causatus.

Dices; ex hoc ipso sumi discrimen, nām assensus scientificus non comparatur ad opinatiuum, sicut lux ad tenebras, sed sicut lumen maius ad lumen minus, quæ quidem possunt esse simul, vt patet de lumine Solis, & candelæ; & ita nihil sequitur.

Sed contra hoc est: quia assensus opinatiuus licet ex parte perfectionis quā includit, habeat aliqualem rationem luminis, & quodammodo disponat ad scientiā, vt infra videbimus, tū ex intrinseca imperfectiōne sua, intimè habet annexā inuidētiam, & obscuritatem, sicut sciētia claritatem: ergo non se habent quoad omnia sicut lumen maius, & minus, sed verè comparantur tanquā lux, & tenebrę, quod non contingit in exemplo adducto. Patet consequentia, quia lumen candelæ non est intrinsecè obscurum; sed in se est verè lux (quamuis parua) absque vllā mixtione tenebrarum, & propterea non pugnat cum lumine Solis. Opinio verò intrinsecè est lux adumbrata, seu mixta tenebris, quæ non possunt ab ea auferri, nisi destruaturs propria ratio opinionis, vt patet: ergo adueniente assensu scientifico, verè corrumpitur opinatiuus, & per consequens non possunt esse simul. Videatur Mas. vbi supra ad secundum.

(. . .)

§. II.

AN HABITVS IPSI scientia, & opinionis possint esse simul?

37 Maior est difficultas in hoc secundo sensu : an scilicet habitus scientiæ, & opinionis simul compatiantur in eodem intellectu de eadem propositione ; & consequenter ; an habitus scientiæ possit simul esse cū actu opinionis , & habitus opinionis cum actu scientiæ ? Partē affirmatiuam defendūt Durand. q. 1. prologi n. 23. Salas 1. 2. q. 53. disp. 6. sect. 5. nu. 29. Valent. tom. 3. disput. 1. q. 1. puncto 4. §. 2. Rub. in hoc 1. lib. c. 26. tract. 3. Lorinus in Logica, tract. de scientia, quest. 1. dubit. 2. Raphael de Auerſa q. 29. sect. 4. Hurtado disput. 10. de Anima, sect. 5. & alij Moderni.

Probatur primò ex D. Thom. 3. par. q. 9. art. 3. ad 2. ubi ita inquit : *Opinio ex syllogismo dialectico causata, est via ad scientiam, quæ per demonstrationem acquiritur ; quæ tamen acquisita, potest remanere cognitio, quæ est per syllogismū dialecticum, quasi consequens scientiam demonstratiuam, quæ est per causam ; quia ille qui cognoscit causam, ex hoc etiam magis potest cognoscere signa probabilia, ex quibus procedit dialecticus syllogismus.* Quibus verbis manifestè loquitur D. Thom. de habitibus, vt patet : ergo adueniente habitu scientiæ de aliqua propositione, potest remanere opinio, quæ habebatur de illa. Similiter 1. 2. q. 67. art. 3. concedit eandem propositionē posse cognosci per diuersa media, quorum alterū

sit euident, alterum verò probabilē. Et tandem in 3. dist. 31. q. 2. art. 1. quæstianc. 1. ad 4. inquit : *Opinio, & scientia quāuis sint de eodem, nō tamen secundū idem medium ; sed secundū diuersa ; & idēd possunt esse simul : sed fides, & visio patrie sunt de eodem, & secundū idem medium ; & idēd perfectio vnius nō patitur imperfectionem alterius.* Vbi etiam planè loquitur de habitibus : ergo ex sententia D. Tho. habitus scientiæ, & opinionis de eadē propositione possunt esse simul.

38 Secundò probatur ratione : quia habens habitum scientiæ circa aliquam propositionem, potest eā cognoscere, & probare per mediū contingens, vt experientia cōstat, & cernitur in hac propositione : *aliquis homo est admiratiuus* : quā postquā quis cognoscit scientificè per hanc demonstrationem : *Omne discursiuum est admiratiuū ; aliquis homo est discursiuus ; ergo aliquis homo est admiratiuus* : potest rursus cognoscere per hunc syllogismum contingētē : *Omnis Philosophus est admiratiuus ; aliquis homo est Philosophus ; ergo aliquis homo est admiratiuus.* Tunc sic formatur argumentū. Per istum syllogismū produciatur aliquis habitus : nulla enim est sufficiens ratio ad id denegandum : sed talis habitus nō est scientiæ, vt patet : ergo opinionis : ergo simul datur vterque habitus.

Tertiò : quia habens habitum opinionis de aliqua propositione, si inueniat veram eius demonstrationem, acquirit scientiam circa illam : & tamen non amittit habitum

rum opinionis: ergo manent simul habitus scientiæ, & opinionis. Maior est certa, & probatur minor; quia saltem, quando habitus præcedens opinionis est valde intensus, & habitus scientiæ, qui de nouo introducit remissus, non potest hic superare illum: ergo non statim, sed paulatim excludet habitum opinionis. Patet cōsequentia in habitibus voluntatis: quoddò enim quis habet habitum intemperantiæ valde intensum, & acquirit habitum temperantiæ remissum, non statim destruitur ille, vsque dū ille paulatim crescat, & superet, corrūpatque cōtrarium: ergo dato, quodd habitus scientiæ, & opinionis de eadem propositione sint contrarij; tamē pro aliquo saltem tempore possunt esse simul in eodem intellectu.

39. Quartò, habitus scientiæ, & fidei supernaturalis possunt esse simul respectu eiusdē cōclusionis: ergo etiam habitus scientiæ, & opinionis. Consequentia patet; quia inter habitum fidei, & clarum Dei visionem maior, vel saltem æqualis repugnantia est, ac inter habitum scientiæ, & opinionis; siquidē etiam opponantur in ratione clari, & obscuri, seu penes visum, & non visum. Antecedens verò probatur; quia Catholicus habēs habitum fidei de hac propositione, *Deus est vnus*, si acquirat demonstrationē eius, verē producit in eo habitus scientiæ, & tamen remanet fides supernaturalis inclinans ad eandem conclusionem: siquidem fides non potest amitti circa articulum semel creditum, nisi amittatur circa alios, vt

patet: ergo, &c.

Confirmatur; quia Philosophus Christianus habens scientiam de tali propositione, assentitur illi certius quā Philosophus Gentilis: sed hæc maior certitudo non potest refundi in habitum scientiæ, supposito, quodd in vtroque sit æqualis: ergo provenit ex habitu fidei; & per consequens simul dantur habitus scientiæ, & fidei de eadem propositione. Minor, & consequentia cōstant. Maior verò probatur; quia aliās certius crederet fidelis rusticus Deum esse, quā Philosophus Christianus assentiretur eidē propositioni; siquidem fides in certitudine longē superat quancūq; scientiam naturalem.

Quintò tandem: quia si actus habitus fidei potest esse cum actu visionis: ergo similiter poterit esse habitus opinionis cum actu scientiæ, vel e contra habitus scientiæ cum actu opinionis. Consequentia probata est argumento præcedenti. Antecedens verò est expressum D. Tho. 2. 2. q. 175. art. 3. ad 3. vbi cum sibi obieciſſet, D. Paulum in suo raptu habuisse fidem, & consequenter non vidisse essentiam diuinam, responderet: *Ad tertium dicendum, quodd quia Paulus in raptu nō fuit beatus habitualiter, sed solū habuit actum Beatorum; consequens est, vt simul tunc in eo non fuerit actus fidei, fuit tamen simul tunc in eo fidei habitus.* Ergo ex sententia D. Thomæ habitus fidei potest esse cum actu visionis.

40. Dicendum est secundò, etiam quantum ad habitus non posse esse

se simul scientiam, & opinionem de eadem propositione. Sic docent Thomistæ pro prima conclusione adducti Capreol. Deza, Caiet. Cōrad. Ripa, Sor. Tolet. Sanch. Gall. & Mas. Qui plures alios adducit, & addit esse omnium Peripateticorū benē sententiū. De quo etiam videri potest Rua tom. 1. controuersiarum, controu. 1. scholastica.

Et quidem Aristotelem, & D. Thom. locis pro prima cōclusionē adductis, non solum loqui de actibus, sed etiam, & precipuē de habitibus, res est nostro iudicio apertissima. Primò; quia ratio quam adducunt verē concludit de vtrisque, vt postea videbimus. Secundò; quia intentū Arist. in his capitib. 25. 26. & 27. est explicare effectum demonstrationis, vt testatur D. Tho. lect. 41. quod propriū cōuenit habitui, quā actibus; siquidem isti aliquo modo intrant ipsam demonstrationem. Tertiò; quia vt expressē affirmat ipse Sanctus lect. 44. sequenti, Arist. in prædicto loco cōparat scientiam, ad opinionem, quæ est verorū, & falsorū; versari autem circa verū, & falsum nō conuenit ipsi actui opinionis, sed habitui, vt de se constat. Quartò; quia statim in verbis sequentibus, vt etiam ait ipse Sanctus: *Agit de comparatione scientiæ ad aliquos habitus cognoscitiuos, qui sunt semper verorū*, scilicet ad sapientiam, prudentiam, intellectū, &c. Et tandem quintò; quia in fine lib. 2. reasumens Arist. doctrinam horum capitum, scientiam, & opinionem expressē appellat habitus, quod reperit sapē D. Thom. ibid.

lect. 20. Ergo absq; dubio ambo in prædictis locis loquuntur etiam de habitibus.

41 Ratio etiam facta pro prima conclusione, etiam conuincit hanc secundam. Quod sic faciliē ostenditur: quia habitus, & actus eorum versantur circa idem obiectum, & habent eandem rationem formale attingendi illud; similiter proprietates, quæ sumuntur ex obiecto, sunt eadem in vtrisque: ergo quando actus ipsi repugnant per ordinem ad obiectum, seu in modo attingendi, & indicandi de illo, aut penes proprietates ipsum consequentes, etiam repugnabunt ipsi habitus. Sed vt patet ex prima conclusione repugnantia inter actum scientificum, & opinatiuum sumitur: tū ex eo quod alter iudicet de obiecto non posse aliter se habere, alter verò posse aliter se habere: tū etiam penes certitudinem, & incertitudinem, euidētiā, & obscuritatem, quæ sunt proprietates ex obiecto ipso desumptæ, & communes tam actui, quā habitui; ergo eadē repugnantia inuenitur inter habitum scientificū, & opinionis.

Confirmatur; quia habitus proximē specificatur per actus; sicut actus per obiectum: ergo sicut ex obiecto sumitur intrinseca oppositio actuum, sic etiam ex actibus sumitur intrinseca oppositio habituum: ergo si actus sunt ex natura sua impossibiles, secundum quod versantur circa obiectum, etiam erunt ex natura sua impossibiles habitus.

(* * *)

Ecc 2

FVN-

§. III.

FUNDAMENTIS OPPO-

*sita sententiæ responderetur.*42 AD primum locum D. Thom.
dicendum est S. Doctoremnon asserere, quod acquisita scientia
potest remanere opinio per syllo-
gismum dialecticum causata; sed quod
*Potest remanere cognitio, quæ est per
syllogismum dialecticum, quasi con-
sequens scientiã demonstratiuã, &c.*

Vt autē verba ista, quibus contrarij
conuincuntur, & mens D. Thom. in
tota illa solutione plenè intelligat-
ur, aduertendum est, apud ipsum
materiã primã per se solam nõ esse
subiectum alicuius accidentis; & per
consequens omnes dispositiones
corporales, & ipsam quantitã sub-
iectari in toto composito, vt tetigi-
mus supra disp. 9. n. 16. & probabi-
mus lib. 1. Physic. & latius lib. 1. de
Generatione. Ex quã sententiã de-
ducitur alia non minùs certa D.
Tho. doctrina, quod scilicet nõ ma-
nent in genito eadem numero ac-
cidentia, quæ erant in corrupto; quã
tradit lib. 1. de Generatione, lect.
10. & alibi sæpè, nosque ibidè ostē-
demus. Vnde quãdo ignis, v.g. dis-
ponit lignum introducendo in illo
calorem aliquẽ, qui est dispositio,
vt ibi generetur forma substantialis
ignis; talis calor imperfectus deper-
ditur, quãdo corrumpitur lignum, &
subsequitur alius calor perfectus
consequens, & concomitans for-
mam substantialem ignis nouiter
introducẽtam in materiã ligni.

Hoc ergo exemplo vtitur D.
Thom. in illa solutione, & docet
simili modo opinionem esse viam,

seu dispositionem ad scientiam, qui
enim per aliquod signum, seu me-
dium probabile cognouit aliquam
conclusionem, potiùs accedit ad
cognitionem scientificam illius,
quàm qui necdum assequutus est
talem opinionem. Quandò autem
aduenit cognitio scientifica talis
conclusionis, deperditur cognitio
illa formidolosa antecedens, quã
intellectus iudicabat prædicatum
contingenter conuenire subiecto;
quæ proinde verè erat opinio; &
subsequitur alia perfectior cog-
nitio eiusdem conclusionis, per tale
medium probabile, consequens ha-
bitum scientiæ de nouo acquisitũ.
Quæ cognitio verè non est opinio:
quia intellectus iã non iudicat præ-
dicatum contingenter conuenire
subiecto, sicut antea; sed est cog-
nitio quædam perfectior præcedenti,
procedens ab ipso habitu scientiæ
iam acquisito; quia tamen est per
medium probabile, nõ pertingit, vt
sit cognitio scientifica. Videatur
Caietan. ibidem, qui solita subtili-
tate notat, priùs D. Thom. dixisse,
opinio ex syllogismo dialectico, &c.
postea verò acquisita scientia, non
reassumpsisse nomen *opinionis*, sed
illud mutasse in nomen *cognitio-
nis*, dicens: *potest remanere cog-
nitio, &c.*

43 Per quod patet ad secundum
locum eiusdem D. Thom. Fatemur
enim eandem propositionem posse
cognosci per medium necessarium,
& probabile. Sed quandò acquisi-
ta scientia cognoscitur talis pro-
positio per mediũ probabile, verè
nõ est actus opinionis, sed cognitio
per,

perfectior procedens à scientia, vt explicatum est. Ad tertium locum respondetur Diuū Thomā mutasse sententiam, cuius euidens signum est; quòd idem ipsum argumentum, cui ibidem respondet concedendo scientiam, & opinionem posse esse simul, nō verò scientiam, & fidem; sibi obijcit locis suprā citatis ex 2. 2. & q. 14. de veritate, & respondet vtrumque esse impossibile.

Ad secundum argumentum respondetur cum Masio vbi suprā admittendo casum. Potest enim optimè fieri, vt eadem conclusio cognoscatur per medium necessarium, & probabile. Dicimus tamen, quòd quando acquisita scientia cognoscitur per medium probabile, non generatur habitus opinionis, sed habitus scientiæ iam acquisitus quodammodò firmatur, non quia reuera intendatur, aut simpliciter fiat maior, sed quia aliquo modo extenditur ad iudicandū de eadem conclusione per signa probabilia. Nam vt bene inquit Diu. Thom. loco adducto ex 3. par. ille qui per scientiam cognoscit causam, ex hoc magis potest cognoscere signa probabilia, ex quibus procedit dialecticus syllogismus. Neque nouum videatur actus, qui aliàs producerent habitum opinionis, si nō adesset scientia, ipsa presente non producere illum, sed potius quodammodò firmare, & extendere ipsam habitam scientiæ; idem enim proportionabiliter contingit ex sententia D. Thom. in a quibus habituum infusorum; verbi gratia fidei, aut charitatis, per quos non acquiritur

aliquis alius habitus, sed infusus confirmatur, vt expressè docet 1. 2. quæst. 51. art. 4. ad 3. & quæst. 11. de virtutib. art. 10 ad 19.

44 Ad tertium respondetur tangere grauē difficultatem ex materia de habitibus; quomodò scilicet illi corrumpantur. Quamuis autem ad verificandam nostram conclusionem, alicui videbitur sufficere habitum scientiæ, paulatim excludere habitum opinionis, etiam si in gradibus remissis se compariantur; sicut calor, & frigus verè sunt cōtraria, quamuis in gradibus remissis possint esse simul; tamen absolutè negandum est vllò modo posse esse simul habitus scientiæ & opinionis, etiam si possint esse simul temperantia, & intemperantia, aut alijs habitus voluntatis oppositi. Radicem autem disparitatis tangit D. Thom. loco citato ex 1. 2. art. 3. quia cū ratio non possit totaliter superare appetitiuam potentiam in vno actu, eo quòd per vnum actum non possunt proponi voluntati omnes rationes, & motiua diligendi aliquid, ideò non potest per vnum actum habitus virtutis generari; quia autem intellectus quantum est ex parte sui omninò conuincitur per vnā propositionem per se notam, ad assentiendum alicui propositioni communi, non verò per vnā rationem probabilem, ideò per vnū actū potest generari habitus scientiæ; non verò opinionis. Ex quo rursus sequitur, quòd licet ob eādem rationem habitus oppositi voluntatis, & etiam opiniones oppositæ paulatim se ex-

cludant; & consequenter sint simul pro aliquo tempore; hoc tamen nō contingit inter habitum scientiæ, & opinionis de eadē propositione, sed statim ac acquiritur habitus scientiæ, etiam si remissus sit, euanesceat habitus opinionis, quātūnis intensus; nisi fortē maneat quoad alias propositiones, de quibus nondū habetur scientia.

45 Ad quartum negatur antecedens. Ad cuius probationem respondetur ex doctrina D. Tho. 2. 2. q. 1. art. 5. ad 3. quod in Catholico, qui acquirit scientiam de illa propositione, formaliter non remanet fides respectu eiusdē. Id est habitus fidei iam non inclinat ad assentiendum illi sub ratione formali reuelationis obscuræ; sicut inclinat ad assentiendum alijs articulis. Vnde huiusmodi propositiones, vt rectē inquit D. Tho. *Nō numerantur inter credenda: quia de ipsis simpliciter sit fides apud omnes; sed quia præexiguntur ad ea, quæ sunt fidei, & oportet ea saltem per fidem præsupponi ab ijs, qui eorum demonstrationem non habent.* Quando autem dicimus, non posse amitti fidem circa vnam articulum, quin amittatur circa alios, intelligitur realiter, & in illo, qui amisit fidē vnius articuli discredendo; non verò in eo, qui formaliter amisit illam, quia assentitur eidem articulo per medium euidēs, quod fieri potest in ijs, quæ per se primò non sunt de fide, vt ex dictis patet.

Ad confirmationem respōdent benē Bañez 2. 2. quæst. 1. art. 5. Medina vbi suprà; & alij Thomi-

stæ, quod scientia, & fides (& idem est de opinione) se mutuo iuuant, in his in quibus non opponuntur. Et sic illa maior certitudo deriuatur ad assensum illius conclusionis, ex affinitate, quā demonstratio habet in eodem subiecto, cum fidē remanēte circa alios articulos: quia fides, & sciētia nō opponuntur penes certitudinem. Ex hoc autē non sequitur, quod talis conclusio simpliciter sit credita, vel quod formaliter maneat habitus fidei circa illam: quippè cū non maneat tota ratio formalis obiecti fidei, quæ completur per obscuritatem. Et ideo quāuis talis cognitio habeat certitudinem fidei; verē tamen nō est assensus fidei, quia non est obscurus. Sicut à simili in eo, qui acquisita scientia de aliqua conclusione cognoscit eam per medium probabile, talis cognitio habet quidem ab illo medio totum perfectionis, quod haberet, si non esset acquisita scientia, sed quia non habet imperfectionem formidinis, quæ est de ratione opinionis, ideo verē non est cognitio opinatiua. Per quod patet ad id quod affertur de rustico fideli, & Christiano Philosopho; hic enim quāuis verē non habeat fidem illius propositionis, nisi in preparatione animi, est tamen de illa certus pluribus titulis, vt explicatum est. Et ideo habet maiorem certitudinem, quā rusticus fidelis eiusdem meriti.

§. IIII.

EXPENDITUR VLTIMUM
argumentum de raptu D. Pauli: simulque explicatur quid de fide, & scientia dicendum sit.

46 **A**D vltimum, quod sane difficile est, variæ solent adhiberi solutiones. Quarum aliquas referunt Bañez, & Medina citat. Primò enim non pauci negant D. Paulum in illo raptu vidisse essentiam diuinam. Quorum sententiâ probabiliorē reputant Catherinus, & Cornelius. 2. Corinthio. 12. Molin. 1. par. qu. 12. ar. 11. disp. 2. & alij; eamque, inquit Medina, se libenter amplecti iuxta quam non procedit argumentum, vt patet. Quia tamen cōtraria sententia est non solū D. Tho. sed etiā August. Chrysostomi, Anselmi, & aliorum Patrum, quos idem Auctores referunt. Ideo relicta hac solutione. Secundò alij respondent, pro illo tempore, quo Paulus fuit in raptu, lumen gloriæ dissipasse lumē fidei; transacto verò raptu, iterū infusam esse illi fidē ad credēdū. Hęc tamē nō est solutio, sed effugium, & pugnat cum verbis D. Tho. adductis in argumento, vbi expressè fatetur mansisse in Paulo fidei habitum, quare hac etiam solutione relicta.

Tertiò Bañez vbi suprā respondet, in illo casu, factum esse per diuinam potentiā, vt simul conseruaretur habitus fidei cum actu visionis eiusdem obiecti. Quæ solutio non est inprobabilis; maxime si vniuersaliter asseratur; duo con-

traria in gradibus intensis posse esse simul in eodem subiecto de potentia absoluta. Sed quia hoc non est in presenti examinandū, & iuxta solutionem istam concedēdum est especiale miraculum in illa simultanea conseruatione. Idēo hac etiam prætermissa.

47 Duplicē aliam, & vtramq; optimā adducit Caiet. Primā tradita. 2. in Commen. huius loci, respondens Paulū in illo raptu nō vidisse omnes articulos fidei, etiam si viderit diuinam essentiam, & ita habitum fidei mansisse quidem respectu articulorū, quæ non vidit; non verò respectu eorum, quæ vidit nisi in præparatione animi.

Hanc solutionem impugnat Bañez: quia lumen gloriæ sine quo videri nō potest diuina essentia, quāuis fuerit in Paulo per modū transitus; verè tamen manifestauit illi Deum sicuti est: ergo vidit omnes articulos fidei. Sed certè impugnatio parūm vrgetur, quia expressè repugnat D. Thom. q. 13. de veritate. ar. 5. ad 5. & 6. tūc etiā, quia non eodem modo iudicandum est de forma, quādo datur per modum motus, & habet esse transiens, & quasi intentionale; ac quando habet esse ratum, & firmum in natura, cuius multa possent adduci exēpla in doctrina Angelici Doctoris. Sufficiat quod ipse Sanctus expressè docet eodem artic. in solutione ad secundū. Quòd scilicet quia in illo raptu lumen gloriæ participatū est in Paulo, solū per modū cuiusdā dispositionis transeuntis, sicut participatur lumen prophetia: idēo ex

Ha visione secundū quid tantū potest dici beatus, & raptus ille quodammodo pertinet ad prophetiā: ergo satis probabiliter dici potest, tūc nō vidisse in essentia diuina omnia quæ ad fidē pertinet, maximē cum constet ipsum non vidisse, an esset in corpore, aut extra corpus?

48 Secundō idem Caiet. 1. 2.

q. 67. ar. 5. quem sequuntur Medina art. 3. antecedenti, Gallego ubi supra, & alij Thomistæ, respondet ex doctrina Angelici Doctoris loco citato ex 2. 2. & 2. Corinthior. 12. lect. 1. habitum fidei posse quidem compati cum actu visionis transeunter, vt fuit in D. Paulo; permāter verō (quod est simpliciter esse simul) non posse cōpati, neque habitus ipsos, aut actus inter se, neque habitum fidei cum actu visionis, aut e contra.

Si autem obijcias ex Durando in 3. dist. 3. 1. q. 2. quod in compositione non facit longitudo temporis, sed natura oppositionis: ergo quæ possunt simul esse per instantes possunt simul esse absolute; & per consequens si transeunter compatiuntur habitus fidei, & actus visionis, etiam compatiuntur permanentē.

Respondetur cum Caietano, quod impossibilitas consurgit quidē ex natura oppositionis. Sed aliquando oppositio inter aliqua, nō est in actu exercito, nisi in statu eorum completo, & tūc potest esse necessaria permanentia, vt exerceatur impossibilitas, sicut patet in accidenti spiritali, cui quamuis repugnet subiectari in re corporea

permanentē, potest tamen transeunter recipi in ea, vt de virtute productiua gratiæ, respectu sacramentorum docet expressē D. Tho. 3. par. q. 62. art. 4. & in 4. dist. 1. q. 1. art. 4. quæstion. 2. & de veritate q. 14. art. 4. Sic ergo dicendum est in præsentī non exequi ex eo, quod transeunter possint esse simul habitus fidei, & actus visionis, quod etiā permanentē compatiatur. Et ratio est: quia horum impossibilitas non sumitur præcisē ex parte mediorum, sed etiam, & maximē ex parte subiecti, quatenus scilicet repugnat idem subiectum esse absolute videns, & non videns respectu eiusdem, etiam per diuersa media. Quæ ratio cessat, quando actus visionis est transiens, & per modū motus; quia tunc non tam attenditur subiectum, in quo recipitur, quam principium, seu medium, per quod illuminatur. Sicut à simili, de virtute illa intentionali sacramentorum, non indicatur iuxta conditionem subiecti corporalis, quod mouetur ad causandam gratiam, sed iuxta conditionem principij, seu causæ, à qua mouetur, vt expressē docet D. Thom. eisdem locis.

49 Ex dictis satis apparet, quod sicut opinio, sic etiam fides non potest simul esse cum scientia in eodem intellectu de eadem propositione, & hoc tam secundum actus, quam secundum habitus. Sicut enim de ratione opinionis est incertitudo, seu formido, in qua pugnet cum scientia, sic de ratione fidei est inevidentia, siuē obscuritas; nam fides est argumentū nō apparētium, seu

seu assensus determinatus non videtur; sicut spes est appetitus non habetis; & ita ponit subiectum absolute priuatum visione eius, quod creditur: & consequenter esse non visum est de ratione obiecti eius. Quæ omnia manifestè pugnant cū scientia, quæ intrinsecè est visio intellectus obiecti; & ex natura sua postulat claritatem, seu euidentiam. Quare sicut repugnat, quòd intellectus absolute iudicet de eadem propositione posse, & nō posse aliter se habere; & propterea nō possunt esse simul scientia, & opinio; sic etiam repugnat, quòd eadem propositio absolute sit eidē intellectu uisa, & non uisi; & consequenter non possunt esse simul scientia, & fides. Videantur D. Thom. 2. 2. q. 1. art. 4. & 5. Caiet. Bāñez, Medina, & alij Thomistæ citati.

Est tamen hic aduertendum doctrinam istam intelligendam esse de scientia, quæ acta habet euidentiam suam conclusionum. Si enim careat illa, ut contingit in Theologia nostra, quamuis nō possit simul esse cū opinione propter suam certitudinem; non tamen repugnat, quòd sit simul cum fide infusa, quia tunc non adest ratio repugnantiz. De quo videri potest Caiet. art. 5. citato, & Bāñez ibidē, conclusione 5.

50 ¶ In fine horum lib. notandum est, quòd agens Arist. in 2. lib.

de principijs, vnde procedit demonstratio, & disputat ex professo de diffinitione, prius ostendens ipsam, seu quòd quid est rei, demonstrari nō posse, quod satis ex dictis constat. Deinde, quia sæpè assumitur, ut medium ad probandas passionēs de obiecto, idē c. 14. & 15. docet modum, quo inuestigandæ sunt rerū diffinitiones. Circa quod pauca à nobis adnotanda sunt: nam de modo definiendi accidentia, quod difficilius est, plura diximus suprā disput. 5. Docet autem in presenti Arist. quod diffinitiones tã substantiarum, quàm accidentium inuestigandæ sunt per diuisionē, inquirēdo scilicet; an res definienda, sit ens reale, vel rationis? si est ens reale; an substantia, an quantitas; vel qualitas; &c. Et deinde per arbore proprii prædicamenti descendēdo usq; ad immediatum genus, sub quo talis res continetur; quo inuento ponendam illud est in diffinitione. Differentia verò colligenda est ex aliquo effectu, vel operatione propria definiti. Quòd si fuerint plures, ut contingit in homine, cuius sunt operationes propriæ ridere, admirari, & discurre; inspicendum est, quæ earum sit prima, & ex aptitudine ad illam, assignanda est differentia essentialis. Videatur

Caietanus ibidem. Et hæc de libris Posteriorum.

sumptis. Pro quibus omnibus videri possunt Auctores citati, & Marcus in his libris, ubi materiam hanc breuiter, & perspicue prosequutus est.

PRIMVS LOCVS

à causis.

3 Causa dicitur, ad quam sequitur esse alterius, seu cuius vi aliquid fit, estque quadruplex; scilicet materialis, formalis, efficiens, & finalis. Causa materialis est triplex, alia ex qua, ut lapides, & ligna, respectu domus; & ab hac laudatur Templum Salomonis, & ab Ouidio 2. Metamorphos. Templum Solis illis verbis: *Regia Solis erat sublimibus alta columnis: claramicante auro, &c.* Alia est materia in qua, ut subiectum respectu accidentium. De quo in tertio loco dicemus. Alia est materia circa quam, id est obiectum; & ab hac commendat Arist. scientiam de Anima, & Philosophiam moralem praeponit Medicinæ, quia hæc circa morbos corporis, illa versatur circa morbos animæ. Causa formalis est quæ dat esse rei, & est duplex alia artificialis, ut figura turris à qua laudatur, vel vituperantur ædificia, & alia artefacta, alia est naturalis: & hæc alia interna, ut anima à qua laudatur homo; quia inter alia animalia capax est videndi Deum, a lia externa ut pulchritudo. Ex quo loco laudant Iuno Nymphas primo AEnid. *Sunt mihi bis septem præstanti corpore Nymphae.* Similiter causa efficiens est à qua primo incipit motus, quæ alia est libera, alia necessaria, & sic de alijs diuisioni-

bus quas in Physica trademus, à quibus plura arguimenta sumuntur. Hinc laudamus aliquem à parētibus, à proavis, & excusamus, quando coactus cōmisit facinus. Tandem causa finalis est, cuius gratia aliquid fit; est autem finis duplex alius vltimus, alius non vltimus; & ab hoc loco laudamus actiones, quæ in bonum finem diriguntur; criminamur verò cum ab eo desse & vult, &c.

SECUNDVS LOCVS

ab effectibus.

4 Locus iste proportionabiliter sumitur, ac præcedens, & ab eo laudamus aliquem propter propria facta, Martyres propter cōstantiā; Artificem propter artefactum, &c. Vituperantur autem tyrani, & peccatores propter praua opera, &c.

TERTIVS LOCVS

à subiectis.

5 Non dicitur in presenti subiectum, id est obiectum scientiæ de quo diximus in primo loco; sed subiectum, in quo est aliquid; & ab hoc loco laudantur, vel vituperantur arbores, aut fructus terræ; quia in bona, aut mala terra nascuntur. Præponuntur etiā virtutes, & scientiæ, alijs accidentibus, quia in meliori subiecto sunt.

QVARTVS LOCVS

ab adiunctis.

6 Adiuncta dicuntur illa accidentia, quæ insunt subiecto, quæ si sint extra essentiam, & cōmunia, dicuntur adiacentia; si verò res adiunctæ solum circumstant, ut arma, diui-

diuitiæ, &c. dicuntur connexa. Vnde amplissimus est locus iste: ex quo laudatur homo, qui perspicaci ingenio est, qui sciētias, qui virtutes, qui fortitudinē corporis, qui meliores sensus, patriam, aut amicos habet, qui bonæ fortunæ est, &c. Vituperantur verò qui sacro loco, aut tempore peccatum perpetrarunt.

QVINTVS LOCVS

à dissentaneis.

7 Dissentaneæ dicuntur, quæ de eadem re simul affirmari, & negari nō possunt. Quæ quando repugnant absque propria oppositione, solent appellari repugnantia, seu disparata; quando verò habent propriam oppositionem dicuntur opposita; & hæc alia sunt relatiua, alia contraria, alia priuatiua, alia contradictoria, de quibus iam egimus, cap. de oppositis. Ex quo loco sumit argumentum, qui laudat humilitatem, vituperando superbiam; qui ostendit damna luxuriæ, asserendo commoda castitatis, &c.

SEXTVS LOCVS A COM-

paratis, vel similibus.

8 Comparata appellantur, vt inquit Rodolfus Agricola, quādo in aliquo vno tertio coniunguntur; vt cum dicimus, Regi Hispaniæ licet cōtra Turcas belligerare: ergo etiam licebit Regi Galliæ. Similia verò dicuntur, quādo comparantur duo, duobus per modum proportionalitatis; vt si dicas, sicut inter apes est vna dux, & magistra; ita inter homines oportet esse vnum Principem, &c.

SEPTIMVS LOCVS

à nomine.

9 Locus iste solet appellari ab interpretatione sermonis, vel ab etymologia nominis, quo sapissimè vtimur, vt si dicas decet amatorem sapiētiae, virtutibus studere: ergo decet etiam Philosophum. Similiter non decet eū, qui de Deo loquitur, aliquid turpe proferre; ergo neque Theologū. Quo etiam modo arguendi vsus est Cicero in Verrem, dicens: *Non mirū est furtum, fuisse factum à Verre: quia à verrēdo dictus est Verres.* Ad quem locū reducitur locus à coniugatis; quādo scilicet nomina affinia sunt, eo quod vnum ab alio deriuatur; vt concretum ab abstracto. Ex quo loco argumētamur; nō sunt appellandi viri, qui nihil habent virtutis, neque homines, qui nihil habent humanitatis, &c.

OCTAVVS LOCVS A

diffinitione, & nonus à diuisione.

10 Quid, & quoruplex sint diffinitio, & diuisio dictū satis à nobis est in proœmio Summularū. Vbi etiam notauimus modos arguendi in vnaquaque, & ita nihil restat addendum.

DECIMVS LOCVS

à testimonio.

11 A Rodolfo appellatur hic locus à pronuntiatis; quia sumitur ex his, quæ aliqui pronuntiauerunt. Vel vt alij dicunt ab assumptis; quia accipitur omnino ab extrin-

extrinseco, neque cōsideratur circa subiectam. Est autem testimonium duplex, aliud diuinum, aliud humanum. Diuinum est, quod accipitur à Deo dicente, vel per Prophetas, & scripturas, vel per traditiones Christi Domini, & Apostolorū, vel per Concilia, aut Ecclesiam; nam hæc omnia clauduntur in presenti sub testimonio diuino, & sunt loci vnde Theologas desumit sua argumenta. De quibus agit Diu. Thom. 1. par. quest. 1. artic. 8. & Cano in Aureo, lib. de locis theologicis.

Testimonium humanum est, quod ab homine profertur, quod quidē, vt Auctor est Cicero, potest attendi, vel ex auctoritate, vel ex voluntate, vel ex confessionē, seu oratione. Ad auctoritatem plura cōcurrunt, nempe ætas, ingenium, opes, ars, vsus, & opinio virtutis, & ita quantò plura horum quis habuerit; tantò maius est testimo-

nium eius sumptum ab auctoritate. Propter quod senum testimonij fidei adhibemus; peritis in sua arte credimus; & qui naſci sunt virtutis opinionem, melius persuadent, &c. Ex voluntate etiam sumitur testimonium, vt ex testamētis, pactis, & legibus, tam ciuilibus, quàm canonicis. Tandem ex oratione, seu confessione; & hoc siue voluntariē quis veritatem fateatur, siue coactē, quia nimirum, vel corpus tormentis premitur, vel anima ratione voti, seu iuramenti ligatur. Vbi tandem nota, quod à testimonio humano affirmatiuē sumitur efficax argumentum; vt si dicas: Aristoteles inquit, materiā primam esse puram potentiam: ergo ita est. Si verò argumentum sumatur negatiuē, nil probat, & inefficax est, vt si dicas: D. Thom. non dixit hoc: ergo non ita est. Et hæc sufficiant pro libris Topicorum.



NOTATIONES IN LIBROS Elenchorum.

Quemadmodum Medicus nō solum de medicamētis, quibus salus deperdita restituitur; sed etiā de venenis, quibus ipsa lēditur, tractat: vt quādoquē; fuerint aliqui propinata, opportunit remedijs depellātur; ita Dialecticus nō tantum de locis dialecticis, vnde probabilia argumenta desumūtur, disputat, sed etiā de sophisticis, vnde

derationes captiosæ, & apparentes hauriri solent, vt quādoquē; in cōcertationibus, argumētis similibus impetamur, quomodo dissoluēda sint, caleamus. De hoc ergo argumentorū genere agit Aristoteles luculenter in duobus libris Elenchorū, ita inscriptis; quia in eis agitur de sophisticis redargutionibus, seu reprehensionibus *ελεγχ. & elenchor.*

chos enim græcè, idè est, quod latine redargutio, seu reprehensio. Agit etiam de eadè materia D. Thom. in peculiari opusculo de fallacijs, quod est in ordine trigesimum novum. Ex quibus breuiter, quæ necessaria visa fuerint, deducemus.

2. Est ergo argumētatio, seu syllogismus fallax, qui procedit ex apparentibus, quæ scilicet videntur esse, sed nō sunt. Et est duplex, alius, qui procedit ex proprijs alicuius scientiæ malè intellectis; vt si dicas: *Omnes linea ducta à centro ad circumferentiam sunt æquales: sed linea recta, & curua ducuntur à centro ad circumferentiam: ergo sunt æquales.* Maior enim est principiū geometricum malè intellectum; quia solum debet intelligi de lineis rectis, & huiusmodi syllogismus appellat Aristot. pseudographum, cuius cognitio non pertinet ad Logicam, sed ad illas scientias, ex quarum principijs malè intellectis formatur.

Alius est syllogismus fallax, qui constat ex apparētibus communibus, quæ scilicet pluribus materijs applicari possunt; vt si dicas: *Quidquid non amisisti habes: sed barbam nō amisisti; ergo barbam habes.* Maior enim illa pluribus materijs applicari potest; & de huiusmodi syllogismo pertinet agere ad Logicum, qui cum sit communis artifex, non solum explicat loca, vnde rationes probabiles communes desumantur; sed etiam vnde rationes apparētes communes efformantur.

3. Rursus syllogismus iste fallax, qui pertinet ad Dialecticum est tri-

plex. Potest enim esse fallax, vel ratione materiæ tantum; quando nimirum, licet sit in modo, & figura; tamen ratione alicuius æquiuocationis, aut aliunde fallit: vel ratione formæ tantum, quando scilicet forma syllogismi est vitiosa, licet propositiones sint veræ. Tertio tandem ratione vtriusque. Ex his autem solum syllogismus fallax primo modo, dicitur propriè, & absolute syllogismus; quia ibi solum inuenitur forma syllogismi; in alijs vero duobus modis deficiente forma deficit vera ratio syllogismi; & ita secundum quid tantum possunt appellari syllogismi. Eo sensu, quo homo pictus appellatur homo.

Quando ergo syllogismus fuerit fallax ex parte materiæ, distinguenda est illa præmissa, in qua vitium residet: quando verò fuerit fallax ex parte formæ, concessa maiori, & minori neganda est consequentia, & assignandus defectus eius, quod satis constat ex dictis tertio libro Summularum. Tandem si syllogismus sit fallax ex parte vtriusque, tunc quo malueris modo, poteris respondere; vel assignando vitium materiæ, seu defectum formæ. Ostendamus ergo breuiter aliqua loca, seu fallacias, quibus Sophistæ vtuntur, quæ; oriuntur ex defectu in materia syllogismi: sunt autem istæ apud Aristot. c. l. tredecim, ex quibus sex contingunt in dictione, seu vocibus significantis res; septem verò in ipsis rebus significatis.

Ex fallacijs primi generis.

PRIMA EST FALLACIA
equivocationis.

4 CONTINGIT hæc fallacia, quando ponitur in præmissis aliquis terminus æquiuocus. Quod fieri potest tripliciter. Primò, quando est purè æquiuocus; vt si arguas: *Canis est latrabilis; sidus cœleste est canis; ergo sidus cœleste est latrabile.* Secundò, quādo est analogis attributionis, aut proportionalitatis metaphoricæ; vt si dicas: *Quidquid ridet deducit os; sed pratum ridet; ergo pratū deducit os.* Tertiò, quando vox aliqua seorsim sumptavnam rem significat; quæ tamē alijs coniuncta mutat significationem; vt si dicas: *Qui sanabatur, sanus est; sed egrotus sanabatur: ergo egrotus sanus est.* Vbi vox egrotus unita cum verbo de præterito in minori fit de præterito; quia verò in conclusione iungitur cum verbo de præsentis, fit etiam ipsa de præsentis.

SECUNDA FALLACIA
amphibologia.

5 FIT hæc fallacia, quādo aliqua integra oratio est æquiuoca, & habet plures sensus. Et contingit duobus modis. Primus est, quando est pura æquiuocatio; quia nimirū oratio illa æquè habet utrūq; sensum absq; ordine vnus ad aliū. V. G. hæc oratio *liber Arist.* æquè enim significat, & librum, qui possidetur ab Arist. & qui ab Arist. editus est. Et ita cōmittitur amphibologia; si arguas: *Liber Aristotelis possidetur ab Arist. sed liber iste Elench. est Arist. ergo possidetur ab Arist.* Secundus modus est, quādo aliqua oratio ha-

bet duos sensus, quorū vnū primò, & propriè significat; aliū verò per metaphorā, & translationem; vt si arguas: *Quicumque litus arat, litus scindit aratro: sed qui oleum, & operam perdit, litus arat; ergo qui oleū, & operam perdit, litus scindit aratro;* & ad hunc locum reuocat D. Tho. fallaciam, quæ fit ex mutatione casus; vt si dicas: *Omnes Magistri sunt homines; isti libri sunt Magistri; ergo isti libri sunt homines.*

TERTIA FALLACIA
compositionis, & quarta
diuisionis.

6 CONTINGUNT hæc fallaciæ, quādo à sensu composito verò arguitur ad sensum diuisum falsum, vel e contra: quod tripliciter potest fieri. Primò, quando propositiones sunt modales: (præcipuè, si non attendatur; an modus prædicetur, vel interponatur partibus dicti, ad iudiciū dum propositionem esse compositam, vel diuisam;) vt si dicas: *Quicumq; quiescit, potest ambulare: sed sedens, dum sedet, potest quiescit; ergo sedens dum sedet, potest ambulare.* Secundò, quādo aliquod extremum propositionum habet plures terminos, qui possunt sumi, vel copulatiui, vel disiunctiui; ita vt propositio sit categorica de copulato, vel disiuncto extremo, vel etiam copulatiuè, aut disiunctiue; ita vt propositio æquualeat hypotheticæ copulatiuæ, aut disiunctiuæ; vt si dicas: *Quicumque numerus componitur ex duobus, & tribus, est duo, & tria: sed quinquarius, non est duo, & tria; ergo quinquarius non componitur*

nitur ex duobus, & tribus. Vbi maior est vera copulatiuè; minor verò copulatiuè. Tertiò tandem contingunt hæ fallaciæ, quando aliqua vox potest iungi partibus antecedentibus, & consequentibus; vt si dicas: *Qui scit litteras modò, didicit illas: sed tuis litteras: ergo modò didicisti illas.*

QVINTA FALLACIA

accentus.

7 FIT hæc fallacia, quando eadem vox variè prolata varia significat. Et cōtingit quatuor modis. Primò, quando mutatur accentus, de acuto in grauem, vel è contra; vt si dicas: *Quicumque occidit moritur: sed sicarius occidit: ergo sicarius moritur.* Secundò, quando mutatur quantitas syllabæ sic: *Omnis populus est hominum multitudo: sed aliqua arbor est populus: ergo aliqua arbor est hominum multitudo.* Nam in maiori prior syllaba corripitur, in minori verò producit. Tertiò, quando mutatur modus proferendi, nunc leniter; nunc asperè vocem pronuntiando; vel nunc in vero sensu, nunc per ironiã loquendo; vt si dicas: *Omnis ara est in templo: sed porcorum stabulum est bara: ergo porcorum stabulum est in templo.* Similiter: *Qui dicit tibi, præclare functus es officio tuo, laudat te: sed aliquis illudens tibi, dicit, præclare functus es officio tuo: ergo aliquis illudens tibi, laudat te.* Quartò tandem, quando plures voces coeunt in vnam; vt si dicas: *Quidquid sit in vite est pampanus, vel racemus: sed quidquid sit*

coactè sit inuitè: ergo quidquid sit coactè est pampanus, vel racemus.

SEXTA FALLACIA

figura dictionis.

8 C ONtingit hæc fallacia, quando fit transitus de vno genere in aliud. Quod accidit multipliciter. Primò, si transeat de vno genere grammaticorū in aliud, vt quando cōmittitur solecismus; quia altera extremitatū est generis fœminini v.g. & altera masculini; vt si dicas: *Omnis substantia affecta albedine est alba: paries est substantia affecta albedine: ergo paries est alba.* Secūdò, quādo fit transitus de vno prædicamento in aliud; vt si dicas: *Quidquid fuisti heri, es hodie: sed insipiens fuisti heri: ergo insipiens es hodie:* ibi enim transfertur quid in quale. Tertiò, quando intra idem prædicamentum fit transitus de vna specie in aliam; vt si dicas: *Digitos quos o' im habuisti, habes hodie: sed paruos digitos olim habuisti: ergo paruos digitos habes hodie.* Quartò tandem, quādo vox significans rem vniuersalem transfertur in vocem significātem rem particularem, vel è contra; vt si dicas: *Quod ego sum tu non es: sed ego sum homo: ergo tu non es homo.* Vbi vox ego, quæ in maiori est particularis, in minori fit vniuersalis: quia iungitur cum homine.

¶ Ex fallacijs secundi generis, quæ scilicet contingunt in rebus significatis.

PRIMA EST FALLACIA

accidentis.

9 QVAE tribus modis contingit. Primò, quādo quod est pro;

proprium subiecti tribuitur accidēti; vt si dicas: *Iste canis est pater, & est tuus: ergo est pater tuus*: nām canis, & pater sunt vnū per accidens. Et ita nō sequitur quōd quidquid est verum de vno, sit verū de altero. Secundō, quādo quod conuenit superiori accidentaliter, quia superior est: tribuitur inferiori; vt si dicas. *Animal est genus: homo est animal: ergo homo est genus*. Tertiō, quādo inter ea quæ reciprocantur, quidquid conuenit vni quocumque modo, tribuitur alteri; vt si dicas: *Animal rationale est definitio: homo est animal rationale: ergo homo est definitio*.

SECUNDA FALLACIA consequentis.

10. IT hęc fallacia, quando argumentamur ā termino cōsequenti, ad antecedētē; quādo tales termini nō sunt simul antecedens, & consequēs; iuxta dicta in fine 3. lib. Summul. quod dupliciter cōtingit. Primō quando ex affirmatione termini cōsequentis, inferitur antecedens; vt si dicas: *Est animal; ergo est homo*. Secundō, quando ex negatione termini antecedētis inferitur negatio cōsequentis; vt si dicas: *Nō est homo ergo non est animal*.

TERTIA FALLACIA ā dicto secundū quid ad dictū simpliciter.

11. A B alijs appellatur hęc fallacia, ab eo quod est in parte, ad id quod est in totum. Quod contingit duobus modis. Primus est, quando illud, quod inest parti, cū

possit inesse toti, tribuitur toti, vt *Aethyops est albus secundū dentes: ergo est albus*: quod intelligendum est, iuxta ea, quæ dicta sunt in fine 2. lib. Summul. benē enim valet: *Petrus est crispus, secundū capillos: ergo est crispus*: quia crispitudo solū potest esse in capillis. Secundus modus est, quādo quod non cōuenit alicui sine adiectiuo, tribuitur absq; illo, vt *cadzuer est homo mortuus: ergo est homo*. Et generaliter quando prædicata, quæ non possunt diuidi, diuidimus; aut quæ non possunt cōiungi, coniungimus, cōmittitur fallacia ista; vt si dicas: *Petrus est magnus, & est Logicus: ergo est magnus Logicus*. *Paulus est bonus Prætor: ergo est bonus, & est Prætor*.

QUARTA FALLACIA ignorantie Elenchi, seu redargutionis.

12. C Ontingit hęc fallacia, quando deest aliquid ad contradictionem necessarium, & tamē inferimus cōtradictoria. Vnde tot modis contingit quot sine conditiones requisitæ ad contradictionem. Et sic primō fit captio ista; quando non est in ordine ad idem; vt si dicas: *Quaternarius est duplus binario, & non est duplus quinario: ergo est duplus, & non duplus*. Secundō, si nō est secundū idem: vt *Ethiops est albus secundū dentes; & nō est albus secundū corpus: ergo est albus, & non albus*. Tertiō, si non sit eodem modo; vt si dicas: *Vestis aptata corpori tegit corpus, & complicata in arca nō tegit corpus: ergo tegit, & non tegit*. Quartō tandem, si non sit

eodē tēpore; vt Hispania calefcit tēpore estatis, & non calefcit tēpore hyemis: ergo calefcit, & non calefcit.

QVINTA FALLACIA

petitionis principij.

13 C Ontingit fallacia ista, quando id ipsum assumitur, quod in questione versatur. Et sit primo, quando vnum synonymum per aliud probatur; vt si probaturi hominem viuere, assumamus esse animatum. Secundò, quando assumimus illud, quod est omninò idem, cū eo quod probaturi sumus, etiam si diuerso modo significantur; vt quādo probam⁹ hominē esse risibile, quia animal rationale est risibile. Tunc enim in rei veritate petitur principium: nām cū homo, & animal rationale secundū se sint omninò idem; ita mediata est hęc propositio, *animal rationale est risibile*; sicut hęc: *homo est risibilis*; & ita illa secundum se non potest esse mediū ad istam probandam. Videantur, quæ diximus suprà disp. 18. num. 7. vbi ostendimus propositionem, in qua prima passio demonstratur de subiecto, secundū se esse immediatam, & per se notam; quia in re non mediat aliquid inter prædicatum, & subiectum, quod possit assumi ad illam demonstrandam.

SEXTA FALLACIA

non cause, vt causa.

14 F I T hęc fallacia, quando aliquis effectus tribuitur, vt cau-

sa alicui; quod tamen non est vera causa eius. Vt si colligas arma non esse in Republica permittenda, cò quòd multis turbanda pacis occasionem præbent; vel litterarum studijs non esse incumbēdū, cò quòd multis perniciem attulerunt.

SEPTIMA, ET VLTIMA

fallacia plurium interrogationum, vt vnus.

15 E ò tendit hęc fallacia, vt qui simplicem respōsionem reddit, omnibus minimè satisficiat; ac proinde decipiatur. Contigit autem tripliciter. Primum cū vnum de pluribus interrogatur; vt si quæras: *an luxuria, & castitas sint bona?* Secundò cum plura quærantur de vno; vt si quæras: *an Petrus sit homo, & equus?* si enim respondeas affirmatiuè, infert Sophista: ergo Petrus est equus; si autem negatiuè, infert: ergo Petrus non est homo. Tertiò tandem cū plura de pluribus quærantur, vt si Petro existente cæco, & Paulo vidente inquiras: *an Petrus, & Paulus sint cæci, & videntes?* Et hęc sufficiant pro libris Elenchorum, & pro tota Dialectica. Vtinam cedant in maiorē Dei gloriam, & Ecclesiæ vtilitatem, cuius iudicio omnia suè dicta, siuè dicenda omninò submittimus. Compluti pridie Kalendas Septēbris M.DC.XXIII.



INDEX RERVM

PRAECIPVARVM, QVAE IN
HOC PRIMO TOMO
CONTINENTVR.

Numerus indicat paginam.

A. priorem. B. posteriorem columnam notat.

A



ABSTRACTIO Est
duplex alia totalis,
formalis alia 246. b.
Ratione abstractio-
nis formulis praecise

nullum abstractum potest praedi-
cari de aliquo 247. b. In hac for-
mali abstractione forma, quae ab-
strahitur, & materia à qua abstra-
hitur inuent integre, non verò
in abstractione totali 757. b. Ex
formali oritur aeternitas, distin-
ctio, & intelligibilitas; ex totali
autem potentialitas, confusio,
& minor intelligibilitas 758. a.
Quid sit abstrahere à materia
singulari, quid à sensibili, quid
ab intelligibili 759. a. Vide
scientia.

Abstractum accidentis idem pro-
prius significat, ac eius con-
cretum 238. b. Differunt ta-

men in modo significandi 239.
b. Tria praecipua discrimina in-
ter abstractum, & concretum
enumerantur 240. a. & b. Praedi-
cationes, quae fiunt inter abstra-
cta accidentiam, quorum vnum
est de essentia alterius, verae, &
formales sunt 244. b. Illae au-
tem, quae inter abstracta substan-
tialia fiunt, quorum vnum de al-
terius essentia non est, falsitatis
conuincuntur 245. a. Quando
abstracta dicant, aut non dicant
ordinem ad inferiora 247. a. Ab-
stractum substantiale, & acci-
dentale in quo differant 248. a.
Quando fiant, & quando non
praedicationes inter abstracta
substantialia, quorum vnum de
alterius essentia est ibid. b. Ob-
seruatio notanda circa abstracta,
& concreta substantialia 251.
b. Quando abstracta de concre-
tis, praedicuntur, aut non praedi-
cantur 252. a. Vide intentio.

INDEX RERUM.

Accidens prædicatur omnino in quale 255. b. Plura, & per necessaria circa definitiones accidentium, tam in abstracto quam in concreto ex Arist. & D. Tho. doctrina generaliter notantur 278. b. Et deinceps. Ex eadē doctrina investigantur specialiter leges ad accidentia, tā in abstracto, quā in concreto definienda 280. b. Et sequent. Ars definiendi accidentia perspicue stabilitur 282. b. Difficilius argumēto, contra præfatam artē, facile respondetur 284. b. Accidēs in concreto non recte definitur in defectu proprii subiecti per concretum superius loco generis, sed per subiectum concreti superioris definiri debet 286. a. Dupliciter accipitur 384. a. Definitiones eius, quas Porphyrius tradit, enodantur 386. b. Et sequēt. Constituitur in esse quinti prædicabilis per ordinem ad subiecta, quæ accidentaliter denominat 388. b. Quæ accidentia sint propriæ passionēs 391. a. Accidentia cōmunia sequuntur subiectū ratione materiæ; propriæ verò passionēs ratione formę ibidē b. Ex hoc sequitur aliud discrimen notandū 392. a. Accidentia dicuntur entia, quia sunt entis, vnde magis entia in concreto, quā in abstracto sunt, ex Aristor: 444. b. Et 553. a. Accidēs est trāscedēs respectu nouę prædicamētōrū 464. b. Sola aptitudinalis inhaerentia est de essentia illius 469. b. Quomodo vñ possit esse subiectū alterius 495. a. Rea-

liter distinguitur à substantia 503. a. Eius concentus obiectiuus non est distinctus a conceptibus prædicamentorū sibi inferiorum 464. b. Et 557. a. Potest subiectari transeunter in re corporea 804. a.

Actio differt a factione ex D. Tho.

134. a. Realiter distinguitur à potentia, motu, & affectu 648. b. Est causalitas causę effectiētis 649. a. Specificatur à principio effectiui, & potest variari in specie, quin varietur passio ibidē. b. Præsupponit potētiam operatiuam de genere qualitatis 650. b. Et præsupponitur ad passionem 651. a.

Actus intellectus appellantur conceptus mentis 189. a. Appetitus verò sensitiui, passionēs 639. b. Vide intellectus.

Adiectiuum idem valet ac connotatiuum 22. b. Terminus appellans semper debet esse adiectiuum 29. b.

AEquinocorum diffinitio explanatur 398. a. Ab impugnationibus defenditur 400. b. Vide ens.

AEquipotentia propositionum quid sit 48. b. Simplicium propositionum quot modis fiat 49. a. Vide modalis propositio.

Affirmatio, & negatio sunt differentię per se, & essentielles enuntiationis 37. a. In quo consistat ibidem.

Albedo diffinitur 285. b. declaratur eius proprium subiectum 286. a. Quæ esset in genere albedinis infinita 452. a. Est ratio fū dandi

INDEX RERVM.

dandi relationem similitudinis, 572.a.

Alienatio est translatio termini à propria in impropiam significationem, 29.a.

Aliud, quotupliciter possit accipi, 349.a.

Alter quid significet, 26.b.

Ampliatio est extensio termini à minori ad maiorem suppositio- nem, 28.b. Est duplex, alia tem- porum, alia & temporum, & sup- positum, ibidem.

Analogiæ cognitio, quàm neces- saria, & difficilis sit, & à quibus expectenda, 403.a. Eius ethymo- logia, & acceptiones, 404.a. & b. Logica ergo analogia diffini- tur, 406.a. Est duplex, alia attri- butionis, seu proportionis; alia proportionalitatis, ibid.b. Quæ sit analogia attributionis, quare sic appelletur, & quomodo diui- datur? ibid. b. & sequent. Analogi- a proportionalitatis definitur explicatur, & diuiditur, 408. b. & deinceps. Attributionis ana- logiæ tres assignantur cõditiones 409.b. Aliæ etiam proprietates analogiæ proportionalitatis re- censentur, 411.a. Quid propriè proportio, & proportionalitas sint ex Mathematicis deducitur, 413.a. & sequent. Ex his præia- ctis fundamētis elucidatur natu- ra analogiæ proportionis, 417. b. Et proportionalitatis, 418.a. Vera analogia formari potest ab intellectu inter ea omnia, quæ conuenientiam genericam ha- bent, 417.a. Quid sit constituere analogiam in vnitatē cõceptus

cõmunis & præcisi, ibid. b. In quacunque attributionis analo- gia ratio significata per nomen analogū, secundū quod tali analo- gia est analogū intrinsecè referi- tur in primo analogato, in alijs verò per extrinsecā denomina- tionem, 418.b. Ratio significata per nomē analogū proportiona- litatis propriè intrinsecè reperit- ur in omnibus analogatis, 421. a. Breuiter recēsentur reliquæ cõ- ditiones, quæ de analogis agita- ri solēt, 423.a. In quo sensu ne- get D. Tho. analogiā inter Deū, & creaturas, 494. a. Vide ens, proportio, & proportionalitas. Angelus non habet aliud à quo su- matur eius species, & aliud à quo indiuiduatio, 335.b. Quomodo à nobis cognoscatur, 336.a. Natu- ræ Angelicæ an vniuersales & prædicabiles sint, ibidem.

Anima vna est perfectior alia ra- tione perfectioris esse, nō verò, quia magis, aut minùs suscipiat, 492.b.

Animal simul est genus, & species subalterna, 300. a. Quomodo prædicatur, ibidem, b. Quid sig- nificet, 304.b. Quando sumatur vt pars, quando vt totum, 305.a. Abstractum à suis speciebus, nō dari à parte rei qualiter intelli- gendum sit, 543.a.

Antecedens quid sit, 13.b.

Appellatio est applicatio significa- ti formalis vnius termini ad sig- nificatum alterius, 29.a. Est du- plex, altera materialis, formalis altera, ibid. b. Regulæ aliquot prò appellatione cognoscēda, 30. 2.

INDEX RERVM.

Apprehensio est prima operatio in
tellectus, b. 3. Facit ens rationis,
170. a.

Aptitudo quid sit, 217. a. Propria
vniuersalis aptitudo datur in na-
tura tantum per operationem in
tellectus, 217. b.

Arbor omnium relationum ratio-
nis, 183. b. Prædicamenti substan-
tiæ, 340. Explicatur 341. a. quã-
titatis, 552. a. Relationis 611.
b. quando 658. b. Vide qua-
litas.

Aristoteles absolutè loquendo Lo-
gica inuentor censendus est,
97. b. Non nihil vitæ eius at-
tingitur, 395. a. Primus in-
ter ea quæ scripsit est liber ca-
tegoriarum, 396. a. Obiectum &
partitio libri huius, ibidem, b.
Non probat prædicamenta esse
incomplexa ex eo quòd non di-
cant affirmationem, vel negatio-
nem; sed potius, contrà probat
non dicere affirmationem, vel
negationem, ex eo quòd sint in-
complexa, 434. b. Non est sibi
contrarius in doctrina de futuris
contingentibus, 671. b.

Arithmetica propriè est Mathe-
matica, à Metaphysica, & Phi-
losophia genere differt, à Geo-
metria verò tantum specie 770.
b. Vnus habitus in specie ia-
fima, est quo ad omnes suas par-
tes, ibidem a. & b. Vide scien-
tia.

Argumentatio est oratio expli-
cans illationem vnius ex alio,
13. a. Tria reperiuntur in ea,
scilicet, antecedens, conse-
quens, & consequentia, ibidem.

b. Est triplex nempe conditiona-
lis, causalis, & rationalis 14. a.
Quadruplex insuper hæc vlti-
ma est, ibidem. Modus seruandus
inter arguendum, ibidem, b.
Formalis argumentatio illa est,
ex qua sequitur consequens, ex
vi dispositionis in antecedente
inuentæ, 63. a. Duæ tantum sunt
species eius, nempe syllogismus,
& inductio, 64. a. quo ex capite
hæ duæ argumentationes specie
distinguantur, 65. a. quid causæ
sit, quare communiter quatuor
species enumerentur ibidem b.
Recensentur communis argu-
mentationis leges, 66. a.

Ars inueniendi medium perspicuè
stabilitur, 90. a. Artium duo ge-
nera sunt, aliæ enim ancillæ aliæ
reginæ nominantur, 149. b. Harum
fines diuersi ibidem. Libe-
rales, quæ & quot sint, 775. a.

Asperum, & lene non pertinent
ad prædicamentum qualitatis; sed
fusus, 640. b.

Astrologia, & perspectiua non
sunt inter se scientiæ subalter-
natæ, licet vtrique vni Geo-
metriæ subalternetur, 430. b. sci-
entiæ naturales appellandæ sunt
continentur sub eodem genere
cum Philosophia naturali, & à
Mathematicis extremis genere
differunt, 773. b. quomodo hæ,
& aliæ Mathematicæ mediæ spe-
cie distinguantur, 774. a. Vide
scientia præsertim circa obiectum
subalternatæ.

Augmentatio passiva est species ia-
fima, 651. a.

Argumentum, & decrementum;
mag-

INDEX RERVM.

magna, & parua; æquale, & inæquale propriè reperiuntur in quantitatibus, & inde ad alia transeunt prædicamenta, 413.a.

C

CANICES Ex qua causa proveniat iuxta Arist. 375.b.

Carentiæ nomen æquè dicitur de privatione, & negatione 177.a. Vide privatio, & negatio.

Categoriæ vide Aristotel.

Causa quid, & quotuplex, 807.a.

Cælum in prædicamento substantiæ collocatur per se, & directè, 487.b. Cælum empyreum nõ est propriè in loco, 528.a. Secundum quid tamen, & ratione partium in loco est, 652.b.

Circulus est perfectissima inter figuras planas, & una in specie infima 641. b. Eius quadratura, 713. b. Non datur propriè in definitionibus, nisi quando unum diffinitur per aliud, eodè modo quo illud diffinitur per ipsum 625. a. Vide correlativum.

Cogitativa (& idem est de Reminiscencia, & Phantasia,) etiam si secundum probabilem sententiam aliquantulum circa singularia iudicet, ut discurrat, nullo tamen pacto ens rationis efficere valet 173.b. & 174.a.

Coloris subiectum exprimitur 286. a. Eius natura investigatur 393. a. Non est propria passio respectu gradus substantialis mixti, ibid.b.

Complexus terminus quis sit? 21.

a. Complexorum, & incomplexorum divisiones ab Aristotele traditæ explicantur 426.a. Elucidatur eorum definitio 427.b. Ab argumentis defensatur 428.b.

Compositio naturalis, seu physica quæ sit? 301.a. Quid metaphysica ibid.b. Non est realis 302.a. Compositio essentia, & existentia ad quid requiratur 311. b. Est omnium universalissima in creaturis 452.b.

Compositum substantiale, & accidentale in quo differant 247. b. In substantiali non sunt plures substantiales formæ 303.b.

Conceptus mētis sunt actus intellectus 189.a. Quid sit conceptus formalis, quid obiectivus ibidem. Non solum dantur a parte rei conceptus formales communes, sed etiam obiectivi, seu naturæ universales 191. a. Qualis conceptus formalis correspondeat enti in intellectu 456. b. Nullum habet conceptum obiectivum ens ab inferioribus præcisum, & abstractum illis communem, 458.b. Vide accidens, ens, natura.

Conclusio sequitur debiliore partem 66.b. Vide consequens, & argumentatio.

Concreta accidentium idem proprius significant, ac eorum abstracta 238.b. Differunt tamen in modo significandi 238.b. Triæ præcipuæ discrimina inter abstractam, & concretam enumerantur 240.a. & b. Concreta de concretis verè prædicantur, siue accidentalia, siue substantialia sint,

INDEX RERVM.

243.b. Quando concreta de abstractis prædicentur, aut non prædicentur 252.a. Genus in definitione concreti non supponit necessarium vniversaliter distributiuè 298.b. Vide intentio.
 Consequens est, quod inferitur ex antecedenti 13.a. Vide argumentatio.
 Consequentia, seu nota illationis quid sit, & quotuplex? 13. b. Quando reddatur mala? 31. b. Vide syllogismus.
 Conuersio propositionum quid sit? 49.b. Est duplex, alia sit simpliciter, alia per accidens. 50.a. Vide modalis propositio.
 Corpus mathematicum quid significet, 524.b. Est species quantitatis, 525.b. Nō componitur ex superficiebus, 544.a.
 Correlatiuum non potest diffiniri, nisi per alterum correlatiuum formaliter sumptum, 598. a. Vnum in alterius definitione, non accipitur, vt magis notum, ibidem, b. In eius diffinitione non datur circulus vniformis 599.a.
 Creatio non est passio, nec vera. 610, 651.a.

D

DEMONSTRATIO est obiectum principale Logicæ, 119. b. Dari probatur, 678.b. Explicatur, & defenditur propositio illa Aristotel. omnis doctrina, &c. qua probauit dari demonstrationē, 680.b. Diffinitiones eius ab eodem Aristotele traditæ sunt rectæ, 699.a. Non semper pro-

cedit ex propositionibus immediatis, 703.a. Producit instrumentaliter scientiam, 705. a. Non potest procedere ex omnino extraneis, 714.a. Assignatur eius diuisiones, & modi quibus cōtingit fieri, 715. Et deinceps. Diuisio eius in quia, & propter quid, est adæquata, 719.b. Et magis analogi quam generis, 724. b. Non coincidit cum diuisione in d priori, & posteriori, 720.a. Eius principia habent rationem luminis respectu conclusionis, 760.a. Sola demonstratio propter quid, per se generat scientiā, 726.b.

Denominatio est duplex alia intrinseca, & extrinseca alia, 160. b. Aliqua notantur, ibid. & 161. a. Non est essentia entis rationis denominatio vlla etiā ea, quæ ab intellectu provenit, 162.a. Licet extrinseca nihil ponat in re denominata, verè tamē dicitur res a parte rei, & realiter denominari, 163.a.

Denominatiua quomodo diffiniatur, 399.a. Tres conditiones habent, ibidem, b. Eorum diffinitio ab impugnationibus defenditur, 401.b. In triplici differentia sunt 402.a.

Deus logicā, & alias sciētiās Adamo per reuelationē cōmunicauit, 97.a. Quare nō possit diffiniri, 311.a. Qualiter inter ipsam, & creaturas similitudo inueniatur, 439.a. Quæ de illo propriè, quæ impropriè prædicetur? 450. a. Quomodo dicatur ens? 452.a. In qua acceptione ens prædicetur

INDEX RERVM.

tur de ipso ibid. b. Nō cōtinetur in recta linea prædicamēti substātiæ 488. a. Absolutē negādū est, reductiue collocari in prædicamento 489. b. Est magis per se ens, & vnū quā Angelus 541. b. Sub propria ratione absoluta nequit ā nobis cognosci in hac vita 595. a. Videatur ens.

Dialecticæ ethymologia, 95. b. Nō debet tribui solum topicæ parti, ibid. Quid cauere debeant qui Dialecticæ prouinciā suscipiūt, 94. a. Vide Logica.

Differentia prædicatur in quale quid 355. b. Potest considerari, vt totum, & vt pars 305. b. Quomodo pertineat ad compositionem speciei, ibid. a. A qua ra dice sumatur in substantijs spiritualibus 313. b. A qua in corporalis 314. a. A qua in accidentibus 316. a. Eius nominis vis 348. a. Explicatur illud Porphyrij dictum, differentia per se non suscipiunt magis, vel minùs, 350. a. Diuisio in communem, propriā, & proprijsimā est adequata 351. a. Et analoga 353. a. Dilucidantur definitiones à Porphyrio traditæ 355. a. Indiuidua speciei sū: propria inferiora differentia intimæ 357. a. Et ita non constituitur vniuersalis per ordinem ad speciem, sed ad indiuidua: quod proportionabiliter intelligendū est de subalterna, ibid. b. Verè dantur infimæ differentia, quæ cum speciebus cōuertātur 361. b. Porphyrius tamen solum definiuit subalternas 365. b. Quæ nec includuntur ab infimis, nec

de illis possunt formaliter, & per se prædicari 368. a. Omnis differentia suo genere est perfectior 371. b.

Diffinitio quid nominis explicatur 6. b. Diffinitio quid rei, diffinitur 7. a. Est duplex ibid. In quo sensu admittēda sit diffinitio accidentalis 8. a. Regulæ bonæ diffinitionis, & duo modi arguendi in illa, ibidem, a. & b. Modus loquēdi de diffinitione 9. a. Notificat essentiam diffiniti, etiamsi non quelibet pars eius sit notior illo 599. a. Dupliciter potest intelligi lex illa, debet tradi per notiora, 623. b.

Diminutio est detractio partis suppositionis 29. a. Quando dicatur remotio, ibid.

Discursus quid sit, 3. b. & 684. a. Facit ens rationis, 170. a. & b.

Dispositio vnde dicatur, 629. b. Definitiones eius ab Aristotel. & D. Th. traditæ explicātur, ibid. In quo consistat eius essentia, vt est prima species qualitatis 633. a. Vide habitus.

Distinctio quid sit, & aliquæ eius diuisiones, 209. a. Impossibilis est distinctio media inter reālē, & rationis 211. b. Distinctio ex natura rei quid, & in quo sensu sit admittēda, 578. a. Realis positina supponit vnitatem transcēdētalē duorū, 577. b. Assignatur regula ad cognoscendam distinctionem realem, 578. b.

Diuisio quid sit, & quod duplex 10. a. & 196. a. Conditiones, seu regulæ bonæ diuisionis, 11. a. Quando in diuisione quæ datur

Fff 5 per

INDEX RERVM.

per vñm membrum positium,
& aliud negatiuum, tale negati-
uū membrū intelligi debeat pu-
rè negatiuè, 12.a. Modus arguē-
di & loquendi de illa, ibidem, a.
& b. Nullū est inconueniens ali-
quid diuidi pluribus diuisioni-
bus adæquatis, dñt tamen omnes
essentiales non sint, 435.b.

Duratio est realiter distincta à re
quæ durat 656.a. Non est ipsa
existentia rei, ibidem b.

E

EN S rationis quomoddò dicatur
ens 451.b. Non est scibile per
accidens 113.a. Non repugnat
interdum esse conditionem sine
quæ nō alicuius entis realis 114.
a. Quid eius nomine significetur
156. Necessariò concedendum,
158.a. Non solum habet causam
efficientem, sed etiam materia-
lem, & finalem, ibidem b. Eius
essentia consistit in quodam esse
facto, 162.a. Adducitur bona
eius descriptio, 164.a. A solo
intellectu fit, 166.b. Non neces-
sariò per actum reflexum, 169.
b. Et per quamlibet operationē
intellectus fieri potest, 170. a.
Ex triplici capite formari con-
tingit, 164.b. Adæquatè diuidi-
tur, 177.a. Pluribus diuisioni-
bus entis in lacissima significa-
tione sumpti allatis, explicatis-
que, tres earum præcipue dein-
ceps enucleantur, 437.a. Nō est
parè æquiuocum respectu entis
realis & rationis; Dei, & crea-

turarū, substantiæ, & accidentis,
436.a. Neq; vniuocū 44.b. 441.
b. 443.b. Semel adnullo esse cō-
ceptū abstractū, & vniuocum cō-
trahibilem per varios modos cō-
stitutinos Dei, & creaturarum
substantiæ, & accidentis haud qua-
quā negari potest, esse genus,
443.b. Est analogum attributio-
nis, & proportionalitatis pro-
priæ respectu entis realis, & ra-
tionis; Dei, & creaturarū, & sub-
stantiæ, & accidentis, 446.b. 447.
b. 448.b. Quæ eius analogia cau-
setur per dependentiam, quæ ve-
rò non 455.a. In quo sensu D.
Tho. neget analogiam inter Deū
& creaturas, 449. a. Quid signi-
ficet? 451.b. Distinguitur ab es-
sentia sicut quod, & quo, 452. b.
Quomoddò sumptum sit transcen-
dens? 453.a & b. Qualis concep-
tus formalis correspōdeat illi in
intellectu, 456.b. Nō habet vñū
conceptum obiectiuum ab infe-
rioribus distinctū, & abstractū,
illisque cōmunē 458. b. 557. a.
Adhūc tamen potest esse mediū
in demonstratione 446. a. Eius
transcendētia respectu generum
supremorū consistit in quadam
identitate conceptus, 464.a.
Enthymema quid sit, 14. a. Non
differt essentialiter à syllogismo,
64.a. Familiaris Rethoricæ ar-
gementatio est, 65.b.
Enuntiatio in quo consistat? 37. a.
Fit, vel applicando vñm alteri,
vel remouendo vñm ab altero,
ibidem.
Esse tripliciter dicitur, 230. a.
Esse seu existentia vniuersalis-
simus

INDEX RERVM.

simus actus est, 452. b. Qualis sit compositio, quæ ex esse & essentia sit, ibidem.
 Exemplū definitur, 14. a. Non constituitur specie argumentationis 64. a. Magis ad Rethoricā, quā ad logicā pertinet, 65. b.
 Extensio quid, & quāplex, 560. a. & b. Christus in Eucharistia habet extensionem in ordine ad se, ibidem b. Vide quāritas.

F

FALLACIA quibus modis fiat, 810. Et deinceps.

Fides non potest esse simul cū sciētia, neque quo ad actū, neque quo ad habitum, 804. b. Quando non inclinet habitus eius ad assētiendum alicui propositioni fidei sub ratione formali reuelationis, 802. a.

Filius non refertur duplici relatione formaliter distincta ad patrē & matrem, 609. b.

Figura syllogismorum quid sit, 69. b. Triplex tantum est, 70. a.

Regulæ tribus figuris communes statuuntur, 71. b. Peculiares aliæ pro vnaquaque figura, 72. b.

Earum modi recensentur 73. b. Perutilis noua tabula demonstrat quæ eorum sint vtilēs; qui verò inuiles, 75. a.

Expli- catur tabula prædicta, 81. a.

Figura vt est species qualitatis non dicit conuenientiam, aut disconuenientiam, 634. a.

Quo- modò distinguatur à forma & di- uidatur, ibidem a. & b.

Forma quot modis sumatur 640. b. Substantialis qualiter sit ra- dix differentię in substantijs corporeis, 314. a. & b. Non dan- tur plures in composito substan- tiali, 303. b. In qua acceptione sit species qualitatis, 641. a. Quomodò distinguatur à figu- ra, & diuidatur, ibidem a. & b.

G

GENERIS Definitio à Por- phyr. tradita optima est, 274. b. Sed rescriptura 277. a. Prædicat- ur omnino in quid, 275. b. In eo possunt quinque considerari, 288. a. Secunda intentio in con- creto significata est diffinitum in eius diffinitione, 292. b. In qua loco generis ponitur subie- ctū, seu natura, 296. a. Quodli- bet eorum (generalissimo ex- cepto) simul genus, & species subalterna est, 300. a. Potest con- siderari vt totum, & vt pars, 304. b. Quomodò pertineat ad com- positionem speciei, 305. b. Non prædicatur de speciebus qua ratione est pars in composi- tione Metaphysica illarū, 307. a. Quomodò contineat differen- tias, 309. a. Non prædicatur de illis prædicatione propria ali- cuius prædicabilis, ibidem b. Quid sibi vult axioma illud. Genus sumitur à materia, &c. 310. b. Vnde sumatur in substan- tijs spiritualibus, 313. b. Vnde in corporeis 314. a. Vnde in acci- dentibus, 316. a. Primum genus

INDEX RERVM.

Quomodo sumatur ex proprio modo constitutio cuiuslibet prædicamenti accidētium 316. b. Non potest in vnica specie cōseruari 327. a. Differentia obseruanda inter naturam genericam & specificam, ibid. b. Quid vtraq; significet, 304. a. & b. & 305. a. & b. Quomodo distinguatur, 302. a. Quæ sint genera subalternatim posita, 430. a. Quæ habeant differentias constitutiuas diuersas, quæ etiā diuisiones, 432. a.

Geometria est propriè Mathematica, genere differt à Metaphysica, & Philosophia, ab Arithmetica verò specie tantum 770. a. Vnus habitus in specie infima est quoad omnes suas partes ibidem a. & b. Vide scientia.

GNOMON est supplemētū quod additur costis quadrati, ita vt eius figura non varietur 666. b.

H

HABITVS dicitur ab habendo 631. b. Triplicem habet acceptionē ibid. In quo cōsistat vt est prima qualitatis species 633. a. Per se primò ordinatur ad bonè vel malè esse naturæ, & de cōsequēti ad operationē, ibid. b. distinguitur specie à dispositione, 635. a. Quas species contineat, 636. a. Habitus sciētiæ potest generari per primū actū, non verò virtutis 637. a. In qua acceptione cōstituat speciale prædicamē-

tū 659. b. Est mediū quoddā inter vestē & habētē ipsā 660. a. reperitur etiā in brutis, ibid. b. eius species assignatur ibid. Habitus primorum principiorum nō est ipsa potētia intellectiua, 778. a. Versatur circa vniuersalissima principia 779. b. Quid sit 780. a. Partim à natura, partim ab exteriori principio est, 783. a. Diuiditur in plures species 791. b.

I

IGNOTVM ex duplex, & quid sit illud manifestare, 5. a. Diuersum quid est, perfectum sensum generare, & manifestare ignotum 35. a.

Impotentia est principium operationis debilis, 637. b. Non dicit puram negationem, ibid. Nō distinguitur specie à potentia, 638. a.

Incomplexum, vide complexum. Individui diffinitiones à Porphyrio traditæ explanantur, 343. b. Recensetur indiuidualium collectio proprietatum, 346. b. Individua speciei sunt propria inferiora differentie infimæ, 357. a.

Inductio quid sit, 14. a. Diuersam argumentationis speciem constituit, 64. a. Quo ex capite essentialiter distinguatur à syllogismo, 65. a. Radicatus inuestigatur eius essentia, 67. a.

Inhærentia quid 469. a. aptitudinalis solā est de essentia accidentiū ibidem, b.

Intel-

INDEX RERVM.

Intellectus operationes sunt tres,
3.b. Quo pacto dirigatur, & quid
sit in eis dirigibilitas, 105.a. Ali
quomodo possunt appellari ob
iectum materiale logicæ, 119.a.
Non ex eo quod intellectus ope
rationes sint, sed aliunde practi
cæ denominantur, 135.a. Solus
intellectus potest efficere ens ra
tionis, 166.b. Dupliciter explica
tur quomodo id cognoscat, 167.
b. per quolibet operationē efficit
illud, 170.a. Differt à voluntate
in modo operandi, 172.a. Expli
catur hic operandi modus, 219.
b. Eius obiectum in quo differat
ab obiecto sensus, 172.a. & b.

Intentio quid dicat in sua commu
ni significatione, & quibus modis
vsurpetur, 180.a. Diuiditur in pri
mam & secundam, ibidē b. Secū
dæ in abstracto non prædicantur
de primis, 253.a. In concreto ve
rò prædicantur de concretis sub
stantialibus, & de abstractis acci
dentalibus, ibidem b. Quomodo
prædicationes fiant inter ipsas
secundas intēctiones, 254.a. Qua
via philosophandum sit in ipsis
definiendis, 287.b.

L

LINEA quid sit, & quomodo
causetur, 524.b. & 415.b. Est
vera species quātitatis cōtinuæ
525.a. Et infima species 527. a.
Et non simpliciter entitas cōple
ta, 544.b. Quo pacto mensurabi
lis, & mensura sit, 415.b.

Locus quid sit, 527.b. Non est pro-

pria species quātitatis cōtinuæ;
529. a. Loca, seu sedes argumen
torum ad probabiliter de qua
libet re disputandum, 806. &
deinceps.

Logicæ nomen deriuatur à verbo
Græco λογος logos, 95. b. Tem
poris iniuria ferē deleta, experi
mento rursus inuenta fuit, 98.a.
quomodo dirigat operationes in
tellectus 105.a. Eius formale ob
iectū est ens rationis, 107. b. Et
ided rationalis dicitur 108.b. nō
dicit relationē realē ad illud 573
b. Modus ergo sciēdi latē sūptus
est ratio formalis, quæ, obiecti
eius, 117.b. Materiali autē sunt
res, & voces, secundū suum ef
fe reale, 119. a. Logica docens
inuenitur non solū in parte de
monstratiua, sed etiā in topica &
sophistica, 121. b. Solū dicitur
vtēs respectu topicæ, & sophisti
cæ partis, in demonstratiua verò
nullū habet vsum, 122.a. Vt vtēs
tētatiua appellatur, 125.b. & 712
b. Ad actus aliarū scientiarū non
effectiue, sed directiue tantū cō
currit, 123. a. Radicitus inuestiga
tur quomodo prædictus vsus cō
ueniat parti topicæ, & sophisti
cæ, 124. b. Docēs idem habitus
realiter est, ac vtens 128.a. Do
cēs autē quo ad omnes suas par
tes verē est scientia, 130.a. Vtēs
verò formaliter, vt vtens à mo
do scientiæ recedit, ibidem b.
Statuitur essentiālis diffinitio ei
133.a. Nō post esse simul & sim
pliciter practica, ac speculatiua,
139.a. Sed simpliciter, & absolu
tē tantū est speculatiua, licet

INDEX RERVM.

secundum quid practica, & ars denominari possit, 140. a. Philosophia in latissima acceptione sumptæ vera pars, ut instrumentum, & ministra scientiarum, 143. b. 776. b. Ad quartum imperfectam notitiam solum ad melius esse, eius adminiculo opus est: omnino tamē & simpliciter necessaria erit, si illarum perfectio ad vnguem adipiscenda sit, 146. b. Duplicem finem, utpotē aliarum magistra obtinet, 149. b. Nō tñ ancilla, sed magistra, aut cōsiliatiua appellāda 150. a. Est difficillima, 174. b. Vna in specie infima, 776. b. A Metaphysica sola specie, ab alijs verò scientijs genere differt, ibid.

M

MAGNITVDINES mensurantur per punctum, 415. b. Quomodo id fiat, ibidem.

Mathematicæ extremæ, & propriæ. Vide Arithmetica, & Geometria: Mathematicæ mediæ. Vide Astrologia. Plura ex illis ad analogiæ cognitionē necessaria tractantur, 413. a. & sequent. Ex quarum applicatione eius natura patet, 417. b. & sequent.

Medium argumentationis quid sit, 69. a. Quo pacto inueniatur, 90. a. Quid requiratur ad medium demonstrationis, 446. a.

Mensura quid sit, 449. a. & 504. a. Prout mensura est, debet esse indiuisibilis, 504. a. Dupliciter hoc contingit, ibidem b. Quotu-

pliciter possit sumi, 449. a. 505. a. Non dependet à re mensurata, 573. a.

Metaphysica præscribit obiecta alijs scientijs, 105. b. Generalis appellatur, 106. a. Illæ autem non propriè ipsi subalternantur, 734. a. Differt genere à Mathematicis, & Philosophia naturali, 769. b. Vnus habitus in specie infima est, quoad omnes suas partes, ibid. Et in ordine naturali sapientia, 786. b. Vide scientia.

Methodus varijs nominibus appellatur, 151. b. Bona eius distinctio 152. a. Variæ diuisiones, ibidem b. & sequent. Quæ methodus hoc in opere seruatur, 154. a. & 155. b. Præcepta quædam scitu digniora, 154. a.

Modalis propositio quid sit, 51. a. Est duplex: alia composita, alia diuisa, 52. a. Quando faciat compositum sensum, quando diuisum? 53. a. Radicitus explicatur quid sit compositus sensus, quid diuisus, ibidem b. Eius affirmatio, & negatio, 55. b. Quantitas, veritas, & falsitas, 56. a. & b. Oppositio, & æquipollentia, 57. a. & sequent. Conuersio, 59. a.

Modus sciendi definitur, 5. a. In quo sensu ab ipso incipiendum 4. a. Est triplex, 5. b. Comprehenditur sub oratione non enuntiatiua, 33. b. Modus prioris quotuplex, 665. a. De modis simul, 666. a. De modis habere, 667. b. Circa syllogismorum modos. Vide figura, & syllogismus.

Mors

INDEX RERVM.

Mors quomodo ad quintum prædicabile pertineat, 387. b. & 388. a.

Motus quid sit, 528. b. Non est propriè, & per se species quantitatis, 530. b. Motum non dari per se ad relationem, in quo sensu sit verum, 583. a. potest dari sine actione, 651. a. Eius species, 666. a. Quilibet habet duo contraria, ibidem b.

N.

NATURAE Vniuersales, seu conceptus obiectiui communes dantur à parte rei, 191. b. Nō sunt tamen à singularibus separatæ 192. a. Potest in natura triplex distingui itatus, 206. a. In quo sit, vel non sit negatiuè communis, ibidem b. Licet à parte rei non habeat aliquam vnā vnitatē in indiuiduis, habet tamen vnitatem conformitatis, 207. a. Tot sunt à parte rei in ea negationes diuisionis, quot indiuidua, ibidem b. Fit formaliter vniuersalis per operationem intellectus, 21. b. Substantialis natura significata in abstracto non ponitur in prædicamēto 480. a. vide vnitas, vniuersalitas, genus, differentia.

Negatio tripliciter accipi potest, 175. b. Quomodo detur à parte rei, 176. b. Tot negationes sunt in natura à parte rei, quot indiuidua, 207. b. Negatio, quam importat vnitas numerica distinguitur, realiter ne-

gatiuè à negatione, quam secū affert vnitas formalis, 213. a.

Nomen definitur ex Aristotel. 321 a. In quo differat à voce, & termino, 18. b. Est in quadruplici differentia, 450. a. quæ corū propriè, quæ impropriè de Deo prædicentur ibidem.

Numerus est multitudo mensurata per vnū, 532. a. diuiditur in transcendentelem, & prædicamentalem ibidem. Transcendentis non est species alicuius generis, neque aliquod vnū ens, 539. a. Prædicamentalis est ens per se, & species quætitatis, 540. b. quomodo causetur, mēsuretur, & mēsuretur, 415. b. Non datur à parte rei abstractus, ab omni subiecto, 543. a. Est in pluribus subiectis inadxquatis, 544. b. Quomodo vltima vnitas sit eius forma, 546 b. est vnus vnitate ordinis, 548. b. Nō est infima species, 549. b. Quomodo sit fundamentū relationis, 568. a. & b. & 569. a. Quomodo obiectū Arithmetice 741. b. Prout obiectum Musicæ, est in tertia specie qualitatis, 742. a. vide sonus.

O

OBIECTVM quid sit, 100. a. In formali obiecto duplex ratio inuenitur, quæ & sub qua, ibidē b. & 756. a. Aliæ diuisiones 102. a. quæ in esse entis sunt plura in esse obiecti sunt vnum, & contrā 101. a. & 756. b. Obiectū scientiæ, non habet relationem

realem

I N D E X R E R V M.

realem ad scientiam , 573. a.
Quid sit intellectus obiectum,
625. b. In quo ab obiecto sensus
differat, 172. a. & b. Vide Logi-
ca, & scientia.

Opinio definitur 787. b. Quibus
modis generetur, 789. a. Non
est virtus intellectualis, ibidem
b. De eadem propositione non
potest esse simul cum scien-
tia in eodem intellectu, nec
quoad actum, neque quoad habi-
tum, 798. b.

Oppositio est quadruplex , 661.
a. Diffinitur in communi 662.
b. Prædicta diuisionis suffi-
cientia, ibidem. Comparan-
tur inter se, 663. a. Speciales
aliquæ proprietates contrario-
rum, 664. b. Quid sit propositio-
num oppositio, & quæ ad illam
requirantur, 43. a. Est multiplex
44. a. Quas habeat leges? 46. a.
Vide modalis propositio.

Opus quodcumque nō extrahit ha-
bitum speculatiuū à ratione spe-
culatiui, 140. b.

Oratio variè accipitur , 549. b.
Quomodò sumatur, vt est spe-
cies quantitatis, 551. a. Et
qualiter ab alijs speciebus diui-
datur, ibidem b. Vt deferuit ad
explicandos animi conceptus
diffinitur ex Aristotele, 33. a. &
549. b. Diuiditur in enuntiati-
uam, & non enuntiatiuam, ibi-
dem. Quo pacto idem possit si-
mul esse terminus, & oratio, 34.
a. Et quomodò oratio eadem
simul argumentatio, & propositio
sit, 40. a.

P

PARS prædicari non potest de
illo respectu cuius est vera
pars, 300. b. Vide genus, differē-
tia, species.

Passio multipliciter sumitur 639.
a. Vt est species qualitatis, qua-
litatem significat ex aliqua bre-
ui alteratione resultātem, 640.
a. In quo à passibili qualitate dif-
ferat, ibid. Vide actio.

Perspectiua, vide Astrologia, &
Mathematica.

Philosophiam naturalem, quoad
omnes suas partes vnum habi-
tum in specie infima esse Di-
ui Thomæ doctrinæ confor-
mius iudicatur, 772. a. Abstra-
hit à materia singulari tantum
759. a. Genere differt à Meta-
physica, & à Mathematicis ex-
tremis, 761. & 763. a. Philoso-
phia prima. Vide Metaphy-
sica.

Plato nonnihil extollitur, 1. a.
Eius præclarum dictum, ibi-
dem b.

Porphyrus quis fuerit, 186. a.
Optima methodo prædicabi-
lia docuit, 271. a. Quare
præter methodum compositio-
nis, vsus etiam fuerit arbitria
272. b. Quid intenderit docens
species intimas esse finitas, indi-
uidua verò infinita, 319. a. quam
ob causam assignauerit esse bi-
pedem pro hominis proprio; cū
Aristoteles differentiam eius es-
se dicat, 675. a.

INDEX RERVM.

Potentia quid sit 638. a. Diuiditur in actiuam, & resistitiuam, ibidem. Quæ sub resistitiua contineantur ibidem. b. Actiua alia est immanens, alia transiens 639. a.

Practica scientia quæ sit, 137. a. Notata digna aliqua eius discrimina, quibus ab speculatiua differt ibidem.

Praxis nomen Græcum est derivatum a verbo *ὑπαρτω* 134. a. Significationis eius vis ibidem. Operatio, quæ primariò, & per se dicitur praxis, à qua reliqua denominantur practica, non est operatio intellectus, 135. a.

Præcognitio quid, 685. a. Re. & assignantur ab Aristotele duæ tantum præcognitiones, ibidem. b.

Præcognitum quid, & quotuplex sit 685. a.

Prædicabilia, seu vniuersalia, quinque sunt, 257. a. Diuisio vniuersalis in ea non est immediata 261. a. Definiuntur 297. a. Consideratio obseruanda 299. a. Vide vniuersalitas.

Prædicabilitas quid sit 238. b. A quo plena eius cognitio dependeat, ibidem. Vide vniuersalitas, & prædicatio.

Prædicamenta non possunt vere definiiri, 481. b. Tripliciter comparari possunt, 397. a. Duas considerationes admittunt, 456. a. Sunt decem, 467. b. Huius diuisionis suffi-

cientia non omninò conueniuntur, 468. b. Sex vltimæ non sunt denominationes extrinsecæ, 645. a. Nec consistunt in aggregato ex absoluto, & relatiuo, 646. b. Relatiua tantum secundum dici sunt, ac proinde non veræ relationes, sed quid absolutum, 647. a. Quæ entia in prædicamentis collocantur, 465. b. Et quomodo, 466. a. Quæ à parte rei continentur sub diuersis prædicamentis distinguantur ex natura rei, 577. b.

Prædicatio quid sit, 238. a. & 240. b. Et quotuplex 240. b. 241. a. Quid ad prædicationem directam requiratur, 241. a. & b. Observationes circa prædicationes accidentium in concreto, 242. a. & b. Alia item observatio notanda, circa prædicationes, quæ sunt inter secundas intentiones, & quinque prædicabilia, 267. a. Vide abstractum, concretum, intentio.

Prædicatum, vide subiectum.

Præmissæ debent esse cognitæ, antequam in conclusione prædicatum attribuat subiecto, 685. a. Quomodo assensus præmissarum sit causa assensus conclusionis, 690. a. Est causa efficiens, 691. b. Necessitant intellectum ad assensum conclusionis, 704. b. Debent esse de omni, & per se, 709. a. Quomodo de prædicato vniuersali, 710. a.

Prima

INDEX RERVM.

Prædictio sumitur tripliciter ex Aristotel. 176. a. Quomodo sit à parte rei, ibid. b.

Proportio quomodo diffiniatur, & dinidatur, 413. b. Per unitatem mensuratur, & quomodo id fiat, 416. a. Observatio valde notanda, ibidem. Propriè inuenitur inter quantitates, & inde ad res alias transfertur, 413. a. & 449. a. & b. Vide analogia.

Proportionalitas propriè dicta definitur, 414. a. Observationes valde notandæ circa illam, ibid. b. & sequent. Licet inueniatur inter numeros, qui alias vniocè conueniunt, non idè ipsa proportionalitas est conuenientia vnioca, sed quid ab ea valde diuersum, 416. a. Vide analogia.

Propositio quare non manifestet ignotum, 6. a. Essentialiter definitur, 35. b. Diuitur in affirmatiuam, & negatiuam, vt in species, 37. a. Quæ sit categorica, 36. a. Quæ hypothetica ibidem, b. Hæc diuitur, & eius veritas, & falsitas examinatur, 30. a. & sequent. Conditionalis dupliciter sumitur, 41. a. Quando sit vera, ibid. b. Quæ propositiones sint exclusiue, 60. a. Quæ exceptiue, quæ reduplicatiue ibidem, b. Vltimæ hæc dupliciter sumuntur, 61. a. Pulchra de hoc Angelici Doctoris regula, ibid. b. Quando inanes sint tales reduplicatiue, 291. b. Propositiones vniuersales necessarie non habuerunt ab æterno veritatem

fundamentalem positiuam; habuere tamen negatiuam fundamentalem, & propriam formalem, 236. a. & b. De futuro contingenti de se, & formaliter, prout sic non sunt determinatè veræ, nec falsæ, 671. b. Aristoteles, nec sibi, nec fidei veritati contrarius in hac doctrina, ibid. Quid senserit Diuus Thomas, quid docuerit, ibidem. Quæ sint de secundo, & quæ de tertio adiacente, 688. a. immediata, & per se nota idè sunt 701. a. Per se nota est duplex 702. a. & b. quando negatiua sit per se nota, ibid. b. Quid & quoduplex propositio de omni, & per se, 708. a. & b.

Propria passio, vide accidens, & proprium.

Propriū varias acceptiones habet 374. a. & b. 712. b. Quomodo acceptum constituat quartum prædicabile, 377. b. Bonæ eius definitio, 380. a. Prædicatur omninò in quale, 275. a. Nō constituitur in esse vniuersalis per ordinem ad speciem, seu essentia à qua dimanat, sed per ordinem ad inferiora illius, 381. b. & 382. a. Subalternū per se etiā pertinet ad quartum prædicabile, 383. a. vide accidens.

Punctū prima mensura magnitudinū est, 415. b. Quomodo eas mēsuret, ibid. & 765. b. Vide scientia subalternata, & obiectū eius.

Q

Q V A L E, & quid in quo differant 275. a. An est, quid est, quale

INDEX RERVM.

quale est, & propter quid est de qualibet requiri potest ex Aristot. 95. in p. incipio. Nobis notius est qualitate, 624. b. Secundum se definitur per illam, 625. a.

Qualitas variè accipitur, 619. a. Ut significat peculiare prædicamentum quid sit, ibidem b. Definitur per quale quo ad nos 625. a. Eius definitio ab Aristot. tradita defenditur 623. a. Quam ob causam in communi sumpta omnia inter prædicamenta nobis obscurior est, 625. b. Eius congruentior definitio 628. b. Diuisio suarum specierum 631. b. & sequent. Vide habitus, potentia, passio, figura.

Quândo non est formaliter duratio sed supponit illam, 655. b. quid sit 657. a. quæ sub eo species contineantur, 658. a.

Quantitas diuiditur in continuam & discretam, 498. Ex qua diuisione resultant septem illæ species quantæ per se, ibidem: quid sit partes copulari termino communi, 499. a. Ipsam habere positionem partium est, situabilem, vel figurabilem esse, 500. a. Realiter distinguitur à substantia, 502. b. Est mensura intrinseca illius, 505. a. Simul mensura, & mensurata est, ibid. b. Quæ sit eius ratio formalis, & essentia, 508. b. Ea integra manente potest Deus annihilare aliquas partes substantiæ, 520. b. quomodo illi partes tribuat, 521. b. Vide arbor.

R

REDUPLICATIONIO quid est, 60. b. Dupliciter fit, 61. a. Quando inanis sit & frustranea, 291. b.

Relatio rationis fit ex debilitate intellectus, 175. b. Eius natura plenè inuestigatur, 181. b. In quo differant relationes, quas considerat Grammatica, Rhetorica, & Dialectica, 182. b. Solæ logicales appellantur propriè secundæ intentiones, 183. b. Ordinatur omnium harum relationum utilis arbor, ibid. & sequent. Reales etiam relationes verè dantur in creaturis, 555. a. Constituunt speciale genus entis ibid. & 556. a. Sunt entia realia, tam secundum rationem *in*, quàm secundum rationem *ad*, 558. a. In quo ab alijs accidentibus distinguantur, ibid. Elucidantur eorum definitiones, 559. a. Diuiduntur in plura membra, ibid. b. Quæ in prædicamento collocentur, 562. a. Ad prædicamentales quatuor condiciones requiruntur, 563. a. quæ sint discrimina inter ipsas, & transcendentales 564. b. quæ sint, & quot eorum fundamenta, 566. a. & sequent. Vna relatio nõ potest esse fundamentum alterius, 568. a. Nec numerus transcendentalis ad id aptus est, 569. a. In primo & tertio genere relationum rationes fundandi sunt formæ perfectæ, non sic in secundo, 571. a. Possunt

I N D E X R E R V M.

Possunt aliqua fundari immediata in substantia 573. b. Realiter distinguuntur à fundamēto 576. b. & 579. b. Faciunt compositionem realem cū illo 581. b. Causantur ab ipso per simplicem emanationem 584. a. Plures eiusdem speciei in eodem subiecto nequeunt esse ibid. a. & 613. b. Quomodo vna in duobus subiectis esse possit 585. b. Omnes tā mutux, quā non mutux terminantur ad relatiuum 591. a. Vnum datur tantū supremum genus earum 603. b. Specificantur à termino, & fundamento, 607. a. A solo cui inhaerent, subiecto indiuiduantur 613. a. Et deinceps. Vide arbor.

Restrixiō quid sit 28. b. Fit quatuor modis 29. a.

Rhetorica (sicut & Logica, & Grāmatica) quare rationalis dicatur 108. b. In quo ab illis differat 183. a. Proprias sibi argumentationes habet enthymenā, & exemplum 65. b.

S

S C I E N T I A quid sit 565. a. & 729. a. & b. Per primum actum scientiæ generari potest verus habitus illius 637. a. Quid sint sciētia subalternans, & subalternata 731. a. Quæ propriē subalternata sint 733. a. & 734. a. Quas condiciones requirant, 737. a. Subalternata tantū demonstrat de suo obiecto, quia est, propter quid autē pertinet ad subalternantē 735. b. Subalternata est verē scientia 738. b.

Et in absentia subalternantis potest acquiri, ita vt sit verē, & substantialiter sciētia 745. a. Quid sit eius obiectum, & quot modis considerari possit 740. b. Et sequent. Ratio substantialis scientiæ per se primò solū attenditur penes certitudinem 746. a. Earum quæ à materia singulari, quæ à sensibili, quæ ab intelligibili abstrahant 759. a. A quo sumant distinctionem genericam 763. a. A quo specificam 764. a. Est simplex qualitas excludens quarumlibet partiū actualium compositionē 768. a. Applicatur hæc doctrina singularis sciētijs in speciali 769. a. Et deinceps. Non potest de eadē propositione in eodē intellectu esse simul cum opinione quoad actū 793. b. Neque quoad habitum 798. b. Nequit etiam esse simul cum fide quoad vtrumque 804. b. Quare scientiæ omnes difficiliter acquirantur 94. in principio. Vide speculatiuum & practicum.

Signum quid sit 15. b. Aliud formale est, instrumentale aliud 16. a. Posterius hoc diuiditur rursus in naturale, & voluntarium, ibidem. Signum seu terminus syncategorematicus explicatur 20. b. & 21. a. & 26. b. Regulæ pro suppositione horum signorum 27. a.

Similitudo est duplex ex Aristotel. & D. Thom. 439. a. Quomodo inter Deum & creaturas inueniatur ibid. Vide 621. b.

Situs dupliciter accipitur 499. b. Illo deficiente potest manere

INDEX RERVM.

- nere figura 630.b. Prout specialē prædicamentū constituit, quid sit 659.a. Quas contineat species sub se, ibidem.
- Socrates fuit primus Auctor methodi definiendi ex Aristotel. 119.b.
- Somnus, quid sit 550.a. Sonorus numerus obiectum Musicae 740.a. Et sequent. & 773.a.
- Species multipliciter sumitur 318.a. Eius definitiones (ut prædicabilis est) à Porphyrio traditæ rectè sunt 322.b. Potest in vnico indiuiduo conseruari 327.a. Differentia obseruanda inter ipsam, & genus ibid.b. Formaliter quatenus subiycibilis non est vniuersalis 331.b. Aequiuocè dicitur de subiycibili & prædicabili 333.b. Omnis subiycibilis est prædicabilis 336.a. Prædicatur omnino in quid 275.b. Quando exigit determinatam formam, 549.a.
- Specificatum præhabere debet eandem vnitatem, quam habet res specificata 757.a. Vide scientia.
- Speculatio à verbo Græco *σκοπεω* emanat 133.b.
- Speculatiua scientia illa est, quæ non exit extra intellectum 137.a. Quomodo differat à practica ibidem. Speculatiuus habitus non extrahitur à ratione speculatiui propter quodcūque opus 140.b.
- Subiectum definitur 19.b. Propriè loquendo non inuenitur extra propositionem, ibidem.
- Aliquandò est vnica tantum distinctio, aliquandò oratio 36.a. Ipsius, & prædicati identitas duplex est, alia negatiua; positiua alia 235.b.
- Subiycibilitas quid, & quotuplex 330.b. Nullum passionis, aut essentia habet ordinem cum vniuersalitate 332.a.
- Substantia singularis quo sensu dicitur propriè, primò, & maximè substantia 473.b. Quot modis sit prior accidentibus 476.a. Substare illis non est primum, quod inuenitur in ea, 48.a. Eius essentialis ratio sufficenter explicatur per esse per se, seu per se stare, ibidem. b. Quomodo supra ens addat aliquid positium 481.b. Eius diuisio in primam, & secundam simpliciter est subiecti in accidentia, & secundū quid analogi in analogata 483.a. Non sunt vitiosæ definitiones primæ, & secundæ substantia ab Arist. traditæ 485.b. Explicantur eius proprietates 461. Radicis inuestigatur quomodo illi soli cōueniat esse subiectū quod accidentiū 495.a. & sequent. De se & ablata quātitate nō habet partes integrātes, nec vllā extensionē, aut diuisibilitatem etiam entitatiuam 516.a. Sumi potest dupliciter 370.a. Quid requiratur ad collocari in hoc prædicamento 310. Et quæ collocentur in illo 487.b. Vide arbor.
- Summularum tractatus quotupliciter appellari soleat 2.a. Eius primus Auctor quis ibid.b. Quod obic-

INDEX RERVM.

obicetum, & quem finem habeat 3.a. & b. Iuxta triplicem intellectus operationem in tres libros partitur ibidem.

Superficies quid sit 524. b. Quomodo causetur 415. a. Est species quantitatis continuæ 525. a. Et infima 527. a. Non componitur ex lineis 544. a. Absolutè, & realiter loquendo non est entitas completa ibidè b. Modus quo mensurat, & mensuratur 415. b.

Suppositio est positio, seu vsus termini loco alicuius 24. a. Multis modis diuiditur ibidem. Et deinceps. Regulæ ad suppositiones signorum penetrandas 27. a. Notantur duæ obseruationes 28. a.

Syllogismus quid sit 14. a. & 68. b. Propriam argumentationis speciem constituit 64. a. Quid sit in causa, quare ab inductione essentialiter distinguatur 65. a. Radicibus elucidatur eius natura 67. a. Duplicè habet materiam, terminos, scilicet, & propositiones 68. b. Duplicem item formam figuram, & modum 69. Figura quid sit, ibidem b. Est triplex 70. a. Explicantur totius principia, ex quibus totius molis syllogisticæ artis, cardo vertitur 71. a. Vniuscuiusque figuræ modi recensetur 73. b. Noua tabula artificiosa ostendit, quæ eorum utiles; qui inutiles sint 75. a. Vtilis prædicta tabula enodatur 81. a. Perfectorum syllogismorum proba-

tio 83. b. Reductio imperfectorum, alia est ostensiva 84. b. Alia per impossibile 86. a. Huius reductionis generalis doctrina reliquis imperfectis modis applicatur 87. a. Variæ syllogismorum diuisiones 88. b. Quando procedat ex alienis 712. b. Quando ex communibus 713. a. & b. Vide demonstratio.

T

TEMPVS quid sit. 528. a. Intelligitur dimanare à quantitate permanenti rei mobilis medio motu 529. a. Est vera species quantitatis ibidem. b. Quare inter omnes quantitates sit entitatis debilissimæ 530. b. Significare tempus, cōnotare tempus, & significare cum tempore in quo differant 32. a.

Terminus relationis dicitur correlatiuum, quia correfertur ad fundamentum 586. a. Propositionis autem ex Aristotel. definitur 17. a. In quo sensu ab illis incipiendum sit 4. a. Voces extra propositionem non sunt termini 17. b. Explicatur hoc magis 18. b. Variæ diuisiones eius 19. b. & sequent. Habet proprias passionēs, & quæ istæ sint 24. a. Quomodo idem possit simul esse terminus, & oratio 34. a. Vide relatio.

Theologia sacra genere subalterno differt ab alijs scientijs, vnicusquè habitus est in specie infima

INDEX R E R V M.

suma, quoad omnes suas partes.
 Dicitur Thomas Doctor Angelicus
 huius operis fons, lux, Auctor,
 Vexillifer est 93. In titulo gene-
 rali, & 94. a. in fine, & passim, &
 vbique.

Totum triplex est 10. a. Implicat
 idem esse simpliciter totum, &
 partem 543. b. Vide pars, genus,
 prædicatio.

V

V B I necessariò requirit locum
 extrinsecum ex cuius circum-
 scriptione resultat 652. a. Defi-
 nitur 653. a. Diuiditur ibidem
 b. Circumscriptionum reperi-
 tur solis in corporibus 654. a.
 Est genus supremi huius prædi-
 camenti ibidem a. Vnico vbi
 substantia, quantitas, & alia acci-
 dentia vbicantur ibidem b. Defi-
 nitiuum nõ pertinet ad hoc præ-
 dicamentum ibidem a. Nec sa-
 cramentale 655. a. Quod non
 acquiritur, nec deperditur per
 motum localem specierum, ibi-
 dem b.

Verbum quid sit, ex Aristotel.
 32. a

Veritas cuiusque rei in quo con-
 sistit 235. a. Quæ in proposi-
 tionum veritate considerari
 possunt ibidem a. & b. Funda-
 mentalis veritas positiva non
 fuit ab æterno in propositioni-
 bus necessarijs 236. a. Fuit tamẽ
 veritas fundamentalis negatiua
 in eis, & etiam propria formalis
 ibidem a. & b.

Voces quid sint 550. a. Quomo-
 dò pertineant ad institutum dia-
 lecticum 17. a. Extra propo-
 sitionem propriè loquendo non
 sunt termini ibidem b. Quomo-
 dò differant à nomine, & termi-
 no 18. b. Vide Logica.

Vnitates duplex 196. b. Vni-
 tas numerica maxima unitas
 197. a. Formalis datur à parte
 rei in natura ante operationem
 intellectus 198. b. Dupliciter
 potest esse communis 201. a.
 Nulla datur à parte rei forma-
 lis unitas, quantum ad realem
 entitatem, quæ sit positivè com-
 munis 203. b. In vnoquoque in-
 diuiduo dantur à parte rei plu-
 res unitates formales, quam-
 vis inter se realiter non distin-
 ctæ 205. a. Quomodo formalis,
 & numerica distinguantur in
 quolibet indiuiduo 212. a. Præ-
 dicamentalis quid sit 532. a. Ad-
 dit supra quantitatem continuã
 aliquid positivum incomple-
 tum 534. a. Istud quid sit 537.
 b. Verè constituunt numerum
 vnum per se 544. b. Est prima
 mensura eorum 415. b. Quomo-
 dò mēsuret illos ibidem, & 765.
 b. Vnaquæque est determinabi-
 lis per aliam, & determinatiua
 alterius 547. a.

Vniuersale variè accipitur 188.
 a. Vniuersales naturæ dan-
 tur à parte rei 191. b. Non
 tamen à singularibus separatæ
 192. a. Quid sit metaphysicum
 vniuersale, quid logicum 228.
 a. Non sunt vniuersalia secun-
 dum essentiam positivè perpe-

INDEX RERVVM.

tua 231. b. Negatiue tamen perpetua secundum essentiam dici possunt 232. b. Sed peremptis singularibus simul illa perirent 231. a. & 233. a. Vniuersales propositiones necessariae non habuerunt ab æterno fundamentalem veritatem positiuam, habuere tamen negatiuam fundamentalem, & propriam formalem 236. a. & b. Vniuersalia quinque tantum sunt 257. a. Diuisio vniuersalis in illa non est immediata 261. a.

Vniuersalitas non datur à parte rei 214. b. Quæ sit eius definitio bona 219. a. Varia Diui Thomæ testimonia circa effectiõem ipsius conciliantur 223. b. Fit per comparisonem simplicem intellectus possibilis 225. a. Est verum, & proprium genus

ad intentiones vniuersalium, seu prædicabilium 264. b. Quomodo se habeat respectu prædicabilitatis 330. b. Ipsa, & subijcibilitas, intentiones omnino disparatæ sunt 332. a.

Vniocorum definitio explicatur 398. b. Ab impaginationibus defenditur 401. Quando effectus virtutem causæ non adæquat, nomen illis commune non potest esse illis vniocum ex Diuo Thoma 441. b. Vide ens.

Vnum quid sit 196. a. Non consistit in indiuisibili 541. a. Vnumquodque est vnum per suam entitatem 577. b.

Vsus non est idem, ac doctrina in qualibet scientia, vel arte operationes aliquas dirigente 121. a. Vide Logica.





1184624 13



25

Calligraph

49